

C O D E X
THEODOSIANVS
I A C O B I
G O T H O F R E D I
T O M V S Q V I N T V S.

C O D E X T H E O D O S I A N V S

CVM
PERPETVIS COMMENTARIIS
IACOBI GOTHOFREDI
VIRI SENATORII ET IVRISCONSULTI SUPERIORIS

SECVLI EXIMII
PRAEMITTVNTVR

CHRONOLOGIA ACCVRATIO
CHRONICON HISTORICVM ET PROLEGOMENA
SVBICIVNTVR

NOTITIA DIGNITATVM, PROSOPOGRAPHIA, TOPOGRAPHIA
INDEX RERVVM ET GLOSSARIVM NOMICVM

OPVS POSTHVMM
DIV IN FORO ET SCHOLA DESIDERATVM
RECOGNITVM ET ORDINATVM AD VSVM

CODICIS IVSTINIANEI
OPERA ET STUDIO

ANTONII MARVILLII
ANTECESSORIS PRIMICERII IN VNIVERSITATE VALENTINA

EDITIO NOVA
IN VI. TOMOS DIGESTA

COLLATA CVM

CODICIBVS MSS. ANTIQVISSIMO WVRCEBURGENSI
GOTHANO ET LIBRIS EDITIS
ITERVM RECOGNITA EMENDATA
VARIORVMQVE OBSERVATIONIBVS

AVCTA

QVIBVS ADIECIT SVAS

IOAN. DAN. RITTER, P.P.
TOMVS QVINTVS.



~~1872~~
Res. 140927/1

L I P S I Æ

SYMPTIBVS MAVR. GEORGII WEIDMANNI
MDCCXLI

1984573X

IN HOC TOMO

TRES LIBRI CONTINENTVR.

LIBRO DECIMOTERTIO agitur de variis Professionibus, Negotiatoribus scilicet, Professoribus, Medicis, Artificibus, Naviculariis, de Censu.

LIBRO DECIMOQVARTO agitur de iis quæ pertinent ad præcipuas vrbes in Orbe Romano (puta Romam, Constantinopolim, Alexandriam & alias) de Corporatis, Politia & Priuilegiis.

LIBRO DECIMOQVINTO agitur de Operibus & Ornamentis publicis, de Voluptatibus & Spectaculis, Ludisque publicis, de Pace publica tuenda.



LECTORI BENEVOLO

S A L V T E M

JOAN. DAN. RITTER.

IN ACADEM. LIPSIENS. PP.

CUM hoc superioreque anno, τῶν βελευτῶν iura per diuerſas Romani Imperii provincias, diligentius pertractarem, videremque ampliffimum olim fuiſſe & exſplendefcentem præ reliquis Alexandrinæ civitatis Senatum, cuius in gratiam variæ Auguſtorum conſtitutiones ad Præfectum Prætor. Orientis datæ leguntur in fine Tituli de decurionibus: admiratio animum meum ſubiit, quare nuſpiam Juridici Alexandrini facta ſit mentio. Magis mirabar, Alexandrinæ plebis Præſides Præfecto Auguſtali commendatos, quod obſervabit Lector libro decimo quarto Codicis, Juridicum autem præteritum, cuius ego non minorem, quam Præfecti Auguſtalis auctoritatem fuiſſe legeram apud Jureconſultos, credideramque eum quaſi cuſtodem quendam impoſitum Auguſtali fuiſſe, ne quid ipſe in Ægypto rerum novarum moliri poſſet. Tandem vero re penſitata accuratius mirari deſiſi, animadvertens magiſtratum hunc, facta Ægypto ab Auguſto Romana Provincia, ad uſque Severi Imperatoris tempora, magnam quidem habuiſſe apud Alexandrinos poteſtatem, eam tamen poſtea, mutata Ægypti civitatisque Alexandrinæ regiminis forma, paulatim deſiſſe. Quod, ut lectoribus perſuadere poſſim, proferam partim auctorum loca, partim ad Jureconſultos noſtros provocabo, & quantum quidem permittet chartæ anguſtia, ſervato temporis ordine ediſſeram.

In primis tamen id monendum venit, non confundendum eſſe Alexandrinum Juridicum, cum Juridicis qui fuerunt in Italiæ nonnullis partibus, neque cum iis, qui Gallæciam Aſturiamque Hiſpaniæ provincias adminiſtrarunt. Succeſſerunt enim hi in locum Conſularium, fueruntque Provinciarum Præſides. Alexandrinus autem Juridicus Præfecto Auguſtali Romano Equiti, iuris dicundi tantum gratia in Alexandria ciuitate fuit ab Auguſto additus, quod apertiffime teſtatur Strabo Geographiæ libro decimo ſeptimo, qui ſcripſit Auguſti Tiberiiſque temporibus. Ita ille *pagin.* 1147. 1148. *Edit. Ameloveen.* Ο μὲν ἐν πεμφθεῖς τὴν τῆ βασιλείας ἔχει τάξιν ὑπ' αὐτῶ δ' ἐστὶν ὁ Δικαιοδότης, ὁ τῶν πολλῶν κήσεων κύριος· ἄλλος δ' ἐστὶν ὁ προσαγγελνομένης ἰδίου λόγος, ὃς τῶν ἀδεσπότην, καὶ τῶν εἰς Καίσαρα πίπτειν ἐφελόντων ἐξετασὴς ἐστὶ. παρέπονται δὲ τέτοις ἀπελεύθεροι Καίσαρος καὶ οἰκονομοί, μείζων καὶ ἐλάττω πεπιστευμένοι πράγματα. *Qui mittitur Regis loco eſt. Ei ſubeſt Dicaodotes (id eſt, iuridicendo præfectus) qui iudicia exercendi pleraque poteſtatem habet. Tum alius ἰδίου λόγος, nimirum qui peculiaries rationes curat. Is in ea inquirat, quæ ſub alterius poteſtate non ſunt, ſed ſeorſim ad Caſarem recidunt. (ſunt hæc bona vacantia & caduca ICuis) Hos comitantur Caſaris liberi & adminiſtratores quibus maiora & minora negotia committuntur.* Pater ex his Præfectum Auguſtalem, qui erat Regio loco, Præſidem fuiſſe per Ægyptum, Thebaidem & Lybiam, cumque ei rerum publicarum cura incumberet, neque ſolus continendæ frequentiffimæ incolis, turbulentæque civitati Alexandrinæ, quæ magiſtratu proprio carebat, ſufficeret, Δικαιοδότην fuiſſe additum: Eſt enim hoc nomen proprium magiſtratu, qui ad eos mittitur, quibus libertas legum creandique magiſtratus, qui ius diceret,

cēret, adempta est, quod videbis apud Josephum Antiquitat. lib. 18. cap. 1. qui refert, ad Judæos ab Augusto missum Δικαιδοτότην. Ἰδιος λόγος autem est Cæsaris Procurator aut Rationalis, quod recte docuit Casaubonus, cui aderant Officiales ex Cæsaris libertis, qui ideo hoc Codice Cæsariani appellantur lib. X. tit. 10. Est itaque Ægyptus sub dispositione Præsidis sive Præfecti Augustalis, Juridici, Rationalis & Cæsarianis. Quod cum nemo negare poterit, facile sibi omnes persuasuros esse, existimo, Italiæ Juridicos ab Alexandrino plurimum differre. Etenim qui olim Apuliæ Picenoque præerat Juridici nomine, is omnino solus administrabat provinciam, neminique erat nisi Augusto subditus. Thomas Reinesius Vir magnæ eruditionis in Inscriptionum Opere *Class. II. n. 26. pag. 270. 271.* multis invehitur in Juris Commentatores, eosque aut non legisse aut non intellexisse Strabonem contendit, quando statuant, Juridicum exercuisse tantum dicendi iuris in civitate Alexandrina officium, cum reliqua provincia præeretur Præfecto Augustali. Utrumque enim vult Reinesius civitati impositum, sed cum diverso imperio & negotiis diversis administrandis; alterum, ut loco Regis vel Rectoris esset, alterum, ut iussu Principis ius redderet subditis, non in civitate tantum Alexandrina, sed per universam Ægyptum. Sententiam firmat lapidum ope, in quibus occurrit Juridicus per Ægyptum & Ægypti. En marmor ab eo adductum:

P. PLOTIVS. ROMANVS. CONS. SOD. AVG. CL.
LEG. AVG. PR. PR. PROV. ARAB. ITEM. GAL.
PRÆF. AER. STAT. LEG. AVG. CENS. ACC. HISP. CIT.
IVR. PER. ÆRA. LEG. CVP. VIÆ. LABIC. CVR.
PR. VRB. TRIB. PL. 6 KAL. VI. VIR. EQ. R. TVR. II.
TRIB. MIL. LEGG. I. MIN. ET. II. ADIVIT. IIII. V. V. CVR.
AEDEM. CVM OMNI CVLTV CONSECRAVIT.

Alterum est apud Gruterum CCCLXXIII. 4.

L. BAEBIVS. L. F.
GAL. IVNCINVS
PRAEF. FABR. PRAEF.
COH. III. RAETORVM
TRIB. MILIT. LEG. XXII.
DEIOTARIANÆ
PRAEF. ALAE. ASTYRVN
PRAEF. VEHICVLORVM
IVRIDICVS. AEGYPTI.

In priore lapide IVR. PER. ÆRA. bene interpretatur Vir doctus, sed male concludit per Ægyptum omnem eum habuisse iuris dicendi potestatem, quam opinionem locis adductis refellam. Præterea in eo falsus est Reinesius, quod Juridicum Romanum Judicem apud Eutropium lib. 7. c. 4. & in paraphrasi ἀρχοντα Ρωμαίων dici contendat. Verba Eutropii hæc sunt: *Ægyptus per Ostarvianum Augustum imperio Romano adjecta est, præpositusque ei Cn. Cornelius Gallus. Hunc primum Ægyptus Romanum Judicem habuit.* Fuit enim Cornelius Gallus Præfectus Augustalis docente Dione pag. 455. *Edit. Leonclav.* ἐν δὲ τότε τὴν τε Ἀγυπτὸν ὑποτελῆ ἐποίησε, καὶ τῷ Γάλλῳ τῷ Κορνηλίῳ ἐπέτερεψε, *Ægypto autem postea tributaria facta Cornelium Gallum præfecit.* Et sunt ἀρχοντες Præfecti apud eundem pag. 504. ex Augusti instituto: τὰς δὲ ἔξω πάντας, ὡς καὶ αὐτὶ ἐκείνων ἀρχοντας προσηγόρευσε, qui extra (Italiam) imperarent, quasi eorum locum tenentes Præfectos appellavit, & pag. 633. de Vitrasio Pollione Ægypti Præfecto, καὶν τότε Ὀυρηταῖς Παλίνοιο τῷ τῆς Ἀγύπτου ἀρχόντος τελευτήσαντος, interim Vitrasio Pollione Præfecto Ægypti vita sumcto, & in Edicto Iustiniani XIII. *de Alexand. & Ægypt. Provinc. c. 1.* βελομεθα δὲ αὐτὸν ἀρχοντα καθέσθαι, volumus autem ipsum Præfectum constituere, & ita sæpius in dicto Edicto. Scio quidem apud Philonem Legat. ad Cajum pag. 1036. in Epistola Norbani Flacci Procos. ἀρχοντες τῶν πόλεων, sed præter quam quod facile omnes videant, innui Decuriones, hæc appellatio fere singularis est. Neque Volusium Mæcianum, Jureconsultum magni nominis, qui Marcum Imp. in Jurisprudencia instituit, & in seditione Cassiana occubuit, Juridicum Alexandriæ, sed Præfectum Augustalem fuisse interpretor. Verba Vulcat. Gallican. in Avid. Cassio c. 7. hæc sunt: *Et Metianum cui erat commissa Alexandria, quique consenserat spe participarus Cassio, interemit.* Etenim ipse Reinesius falsus est, Præfectum Augustalem mox Augustalium & Augustalem Alexandriæ, mox Augustalem Ægypti audire apud veteres. Et est profecto levissimum argumentum, quod a lapide desumit, probaturus Juridicum per omnem Ægyptum iudicia exercuisse. Nam uti Præfectus, quod Alexandriæ sedebat, Alexandrinus audit, (quod & Vicario Urbis accidit, cui alioquin omnis

omnis Italia erat subdita) ita Juridicus Ægypti aliquando appellatus est ab Ægypti metropoli. Sed est præterea certissimum e Dione & Spartiano, Juridicum in Alexandria tantum civitate ius dixisse. Ita Dio *lib. 51. pag. 455.* scribit, Augustum subacta Ægypto eius provinciae urbibus veteres reliquisse magistratus & consuetudines, Alexandrinos autem solos sine senatu esse voluisse. Erant enim Ægyptii & propter multitudinem hominum urbiumque, & agrorum, annonæ pecuniæque copiam moribus levissimis, inter reliquos tamen Alexandrini ad tumultus propensissimi, quod cum aliunde sit notissimum, unum adduco testem, civem Alexandrinum Philonem, qui in *Legat. ad Cajum pag. 1015. Ed. Francf.* levitatem Alexandrinæ plebis multum deplorat. Verba autem Dionis hæc sunt, *ἀλλὰ τοῖς μὲν ἄλλοις ὡς ἐκάστοις, τοῖς δὲ Ἀλεξανδρεῦσιν ἀνευ βουλευτῶν πολιτεύεσθαι ἐκέλευσε, sed ceteras quidem civitates iussit sigillatim & per se (per Senatum suum) Alexandrinos vero absque Senatu rempublicam administrare.* Si ergo Dione gravissimo teste soli Alexandrini absque magistratu fuerunt, cum reliquæ Ægypti civitates secundum veteres consuetudines viverent, uni tantum Alexandrinæ civitati Juridicus fuit necessarius. Confirmat hoc Spartianus, in *Severo cap. 17. Alexandrinis Jus bulevardarum dedit, qui sine publico consilio, ita ut sub regibus, ante vivebant, uno Iudice contenti, quem Cæsar dedisset.* Hic unus Iudex, est Juridicus Alexandrinus. Denique qui habet cognitam provinciarum apud Romanos administrationem & vetere & recentiori ævo, is facile perspiciet, & Proconsules & Pro-Prætores, & Legatos Augustales, Præsides, Rectores, Iudices, juris dicendi in provinciis potestatem habuisse solos. In Ægypto certe idem obtinere oportuit, nisi Præfectus Augustalis magistratus tantum fuerit vocabulum, quo nomine appellat Tacitus romanos magistratus libertate amissa. Et quid quæso negotii fuit Augustali, administrante Juridico omnem Jurisdictionem, & Procuratore Cæsaris cum Cæsarianis curante provinciae reditus?

Adduco tandem legem Juliam & Titiam Augusto imperante latam, qua cautum, ut quemadmodum in urbe a Prætoribus cum maiore parte Tribunorum plebis, ita in Provinciis a Præsilibus pupillis tutores darentur; qua quidem lege Juridico Alexandrino tutoris etiam datio erat concedenda, si ipse Præsidium in numero fuisset habitus, quod ius cum Augustalis solius usque ad Divi Marci tempora fuerit, ita quidem, ut ne Alexandria quidem Juridicus potuerit dare tutores, facile concluditur inter minores ipsum fuisse magistratus. Probat sententiam *lex 2. D. de Off. Jurid.* ubi Ulpianus scribit: *Juridico, qui Alexandria agit, datio tutoris constitutione Divi Marci concessa est.* Aucta ergo potestas Juridici imperante Marco; cumque is unus Iudex in civitate Alexandria fuerit, facile omnes iudicabunt, & contentiosam & voluntariam eum habuisse iurisdictionem. Duravit ea auctoritas imperantibus Commodus, Helvio Pertinace & Didio Juliano, quo obtruncato, cum ad Septimium Severum summa rerum redisset, magnam subiit ea mutationem. Hic enim Princeps natione Afer, iuris non ignarus, & latinis græcisque literis eruditus, cum in peregrinatione Ægyptiaca, & religione Dei Serapidis, & novitate animalium locorumque, & inspectione Memphitanæ civitatis, Memnonis, Pyramidum, labyrinthi multum esset delectatus, ut jucundam sibi quoque Alexandria moram fuisse testaretur, Alexandrinis multa mutavit iura, deditque Senatui. Repeto locum Spartiani in *Severo c. 17. Deinde Alexandrinis jus bulevardarum dedit, qui sine publico consilio, ita, ut sub regibus ante, vivebant, uno iudice contenti, quem Cæsar dedisset. Multa præterea his iura mutavit.* Idem Dio habet loco supra citato: *βουλευτῶν δὲ δὴ καὶ ἐν τῇ Ἀλεξανδρείᾳ ἐπὶ Σευήρῳ Ἀυτοκράτορος ἀρξάμενοι, Senatores autem Alexandria sunt & esse ceperunt sub Severo Imperatore.* Quo major ab eo tempore Alexandrinæ civitatis curiæque dignitas, eo minor Juridici auctoritas facta est, ut omnino contentiosa eius iurisdicção tunc finem habuisse videatur, nullus certe locus neque apud auctores veres, neque apud Jureconsultos nostros hætenus inventus est, qui aliud persuadere possit.

Et videtur mihi, si bene auguror, in controversiam quoque a nonnullis vocata fuisse eius iurisdicção voluntaria, cum quæsitum fuerit, possetne quis recte apud Juridicum adoptare. Docet id Ulpianus, qui post Severi tempora scripsit, in not. ad Sabinum *l. 1. D. de Off. Jurid. Adoptare quis apud Juridicum potest, quia data est ipsi legis æctio.* Antoninus Caracalla Severi filius postquam omnes, qui erant in orbe Romano cives effecerat, Alexandrinos quoque in Senatui Romano allegi passus est, docente Dione *lib. 51. pag. 455.* quo facto civitas Alexandria ita exsplenduit apud veteres, ut & δευτερεία habuerit post urbem Romam, & curiæ auctoritas ita crevit, ut ab eo tempore ne nomen quidem Juridici occurrat. Non est illustrior locus, qui de dignitate curiæ testimonium præbere possit, quam *leg. 19. hoc Codice de petitionibus,* quæ ad preces eius a Theodosio M. emissa, cujusque inscriptio hæc est. *Imppp. Valentinianus, THEODOSIUS & Arcadius AAA. AD SENATORES civitatis Alexandria.* Et in hac lege nulla Juridici fit mentio, ut dubiis hæream quid de magistratu hoc pronuntietur.

nuntiandum sit. Arcadius etiam cum de electione Ἀρχιεργόντων & Διοικητῶν Alexandriæ agit l. 1. hoc Codice de Alexandrin. pleb. primar. ad Gennadium Præfectum Augustalem scribit, eiusque hortatur officium, electionem hanc excubiis servet sollicitis. Intueor denique Notitiam Imperii, quæ scripta est Theodosii Junioris tempore, & omnem Ægyptum Præfecto Augustali, atque Præsidibus, qui ei suberant, commendatam animadverto. *Notitia fol. 76.*

Sub dispositione VIRI SPECTABILIS PRÆFECTI AVGV-
STALIS PROVINCIÆ INFRA SCRIPTÆ.

LYBIA superior.

LYBIA inferior.

THEBAIS.

ÆGYPTVS.

ARCADIA AVGVSTAMNICA.

OFFICIVM autem habet ita.

Principem de schola agentium in rebus, Ducenarium,
qui adorat a clementia principali cum insignibus exit.

Cornicularium.

Adiutorem.

Commentariensem.

Ab actis.

Numerarios.

Curam Epistolarum.

Exceptores & ceteros officiales.

Et ex hac porro Notitia patet iterum, quod supra urgebam, Juridico extra Alexandriam nihil fuisse auctoritatis, sed alterum quoque pater, ipsum inter Præfecti Augustalis officiales non fuisse. Cum vero in civitate Alexandrina recentiori etiam & Justiniani ævo fuerit, licet constituto amplissimo Senatu, lis orta est de dignitate ejus post Severi tempora, quam ego ita dirimendam statuo: Retentum nimirum Juridicum Alexandriæ ex antiqua consuetudine licet civitatis forma mutata, ipsum tamen voluntariam tantum jurisdictionem habuisse, neque ejus auctoritatem fuisse majorem, quam Defensorum plebis. Fundus sententiæ, est lex Leonis in Cod. Justin. leg. un. de Off. Juridic. Impp. Leo & Anthemius AA. Alexandro Duci & Præfecto Augustali. *Jubeamus apud Alexandrinæ duntaxat clarissimæ civitatis Juridicum, licitum & concessum esse, singulis quibuscunque volentibus donationis conscriptæ solenniter instrumenta referare, eisdemque robar adjiciat gestorum series apud eundem confecta, tanquam si apud Virum clarissimum Moderatorem Provinciæ, vel Magistratus, vel Defensores plebis habita fuisse diceventur.* Error est enim Cujacii in Observationibus XX. 31. quando scribit relegare potuisse Juridicum in Gypsum vel Oasin, cum in ipsa græca constitutione, quam ex Basilicis producit, expressis legatur verbis, τὰς δὲ ἀρχοντας Ἀλεξανδρείας καὶ Θεβαΐδος καλέουμενος εἰς Γύψον καὶ εἰς Ὀασιν ἐκπέμπειν αὐτὰς, quibus verbis non alii, quam Augustalis, & Præses Thebaidos, sub quibus illa sunt loca, intelligi possunt. Tantum. Quid præstiterim in Editione nova hujus Tomi æquus Lector ipse iudicare poterit. Multa hic sunt emendata, multa restituta, & addita textui, quorum non pœnitebit. Vale Lector benivole, & studiis meis in posterum fave. Dabam Lipsiæ e Museo clō

bccXXXI. d. 18. Mart.





CODICIS THEODOSIANI LIBER DECIMVS TERTIVS.

QVO AGITVR DE DVOBVS.

I. De variis PROFESSIONIBVS: Negotiatoribus, scilicet Medicis,
Professoribus, Artificibus, Nauiculariis.

II. De CENSV.

HVIVS LIBRI TITVLI.

- | | |
|--|--|
| <p>I. De lustrali Conlatione.</p> <p>II. De argenti pretio quod Thesauris infertur.</p> <p>III. De Medicis & Professoribus.</p> <p>IV. De Excusationibus artificum.</p> <p>V. De Nauiculariis.</p> <p>VI. De prædiis Nauiculariorum.</p> | <p>VII. De Nauibus non excusandis.</p> <p>VIII. Ne quid oneri publico imponatur.</p> <p>IX. De Naufragiis.</p> <p>X. De Censu siue adscriptione.</p> <p>XI. De Censitoribus, peræquatoribus & inspectoribus.</p> |
|--|--|

DE LVSTRALI CONLATIONE. TITVLVS I.

Lib. XI. COD. IVST. Tit. I. Edition. Cuiacian. De lustralis auri collatione. Quo Titulo absunt omnes huius Tituli Constitutiones; utpote sublata hâc collatione ab Anastasio, teste Euagrio Hist. Eccles. lib. 3. cap. 39. & Zonara Annal. lib. 14. pag. 54. Tom. II. Edit. Regiæ. hinc in vulgat. Edit. Cod. Iustin. tit. I. lib. XI. ita conceptus: de nauiculariis seu naucleris publicas species transportantibus, & de tollenda lustralis auri collatione.

Præter huius Tituli leges, aliæ insuper de Lustrali Collatione plures hoc Codice occurrunt: puta lex 2. 3. 9. sup. de Veteranis l. 3. sup. de testimoniali: Lex. 3. sup. de immunit. concess. lex. 50. 72. sup. de Decurion. l. ult. inf. de excus. Artificum: l. 29. de susceptorib. l. 8. 10. 14. 15. inf. de Episcop. Item obserua Quinque leges hoc titulo ad Ecclesiasticam Historiam pertinere: puta l. 1. 4. 5. 11. 16.

Tom. V.

A

PARA-

Lib. XII. Cod. THEODOS. TIT. I. PARATITLON.

LVSTRALIS COLLATIO, *Rubr.* seu lustralis auri collatio, *l. 20. 21. b. t.* lustralis pensionis collatio, *l. 18. b. t.* lustralis auri pensio, *l. 11. 17. b. t.* functio Auraria, *l. 11. 13. 18. 19. b. t.* & Valent. *Nouella inter Theodos.* 27. pensio Auraria, *l. 3. sup. de testimonialibus ex Tribun. & protector. l. 36. inf. de Episcop.* Auraria simpliciter lege 29. *sup. de suscept. auri* atque argenti indictio, *l. 6. b. t. & l. 72. sup. de Decurion.* inlatio *l. 15. b. t.* oblatio, *l. 7. 8. b. t.* pensitatio, *l. 9. b. t.* præbitio, *l. 1. b. t.* reditus, *l. 9. sup. de Veteranis:* & simpliciter conlationis obsequium, *l. 1. b. t.* necessitas, *l. 7. 17. b. t.* functio, *l. 20. 21. b. t.* pensitatio, *l. 5. b. t.* præstatio, *l. 10. 13. b. t.* erat vectigal, *l. 20. b. t. & l. 3. sup. de immun. conc.* erogationi publicæ iuuandæ, *l. 6. b. t.* iuuandæ Reipublicæ, *l. 6. b. t.* Quod indicebatur, *l. 4. 6. 9. b. t.* Negotiatoribus, *l. 1. 3. 4. 5. 9. 10. 12. 15. 16. 17. 18. b. t. & d. l. 3. sup. de testimon.* & *l. 15. inf. de Episcop. & l. 50. 72. sup. de Decurion.* qui negotiationis seu transferendarum mercium curam habebant, *l. 13. sup. de immun. concessa:* mercatoribus, *l. 6. 7. 9. 11. et ultim. b. t. & l. 72. sup. de Decurion.* negotiationem exercentibus, *l. 3. inf. de Episcopis,* qui pecuniam habebant in conuersatione, *d. l. 72.* quorum alia synonyma repetenda ex *l. 2. 4. 5. 8. 9. 10. 12. 14. 16. 18. 19. b. t. & l. 16. inf. de Nauicul.* (vnde & fors negotiationis dicitur *l. 10. b. t.* negotiatorum munia & pensitationes *l. 15. inf. de Episcop.* negotiatorum conlatio, *l. ult. inf. de excusat. artificum:* negotiatorum dispendium, *l. 10. inf. de Episcop.*) Item iis indicebatur seu incumbere, qui fœnori studentes crescentis in dies pecuniæ accessione lætantur, *l. 18. b. t.* Denique fuerunt & res quædam huic muneri obnoxie, apud quemcumque possessorem eæ essent, *l. ult. b. t.*

At non etiam hæc collatio incumbere Curis vel Ordinibus ciuitatum, *l. 4. & 17. b. t. & l. 50. sup. de Decurion.* Neque Rusticanis, colonis, hominibus siue Principis, siue priuatorum, Potiorum, Senatorum, omnibusque aliis, qui siue per se, siue per alios innocenti industria *l. 12. b. t.* vernacula, *l. 13. b. t.* id est, fructus domesticos suis possessionibus innatos, *d. l. 12. b. t.* eaque quæ in his terris quas incolunt, atque in eodem rure gignuntur, *l. 3. b. t.* quæque annus tulerit, *l. 8. b. t.* quæ in eorum agris gigni solent. *l. 10. b. t.* simpliciter vendunt, *l. 12. b. t.* distrahunt, *d. l. 11.* quia hi non tam mercatorum loco haberi debent, quam solertium strenuorumque dominorum, *l. 6. b. t.* Item non Artificibus, puta Pictoribus, qui ea in mercibus habebant, quæ erant propria artis ipsorum *l. ult. inf. de excusat. artific.* Et iis qui manu victum rimantur aut tolerant, puta figulis, fabris: *l. 10. b. t.*

Publicum cæteroquin hoc negotiatorum omnium munus erat. *l. 12. 14. b. t.* quo omnes Negotiatores tenebantur, *l. 9. 11. 18. 19. b. t.* omnium regionum, omnium dignitatum, *l. 6. b. t.* etiam Decuriones mercantes, *l. 4. b. t. & l. 50. & 72. sup. de Decurion.* etsi ad domum Principis eiusque fororum pertinentes, *l. 5. & l. ult. b. t.* etsi Ecclesiastici seu Clerici, *l. 1. 5. 16. b. t.* etsi potiorum homines vel potiores ipsi, *l. 5. b. t.* etsi militares, *l. 13. b. t.* (excepto casu, *l. 3. sup. de immun. concessa:*) etsi ex fiscalibus corporibus veluti conchylioleguli, *d. l. 9. b. t.* Non tantum in claris urbibus, sed etsi in vicis & portibus, obscuris ac reconditis locis per possessiones diuersas: Valentin. III. *Nouell. de negotiator.* 27. *inter Theodosianas.* Sic ut nullus immunis haberetur, *l. 1. b. t.* exceptio immunitatis nulli tribueretur, *l. 6. b. t.* nemo eximeretur, *l. 12. b. t.* nullo privilegio, *l. 6. b. t.* nullius dignitatis quamlibet altissimo nomine, *l. ult. b. t.* nullo Principis rescripto, *l. 20. b. t.* non Protectoria aut Domestici dignitate impetrata, *l. 3. de testimonial.* nulla potentiorum seu patrocinatorum fiducia, *l. 15. & d. l. ult. b. t.* vnde & communis fors dicitur, *l. 6. b. t.* Alioquin pro excusatis & a se defensis potentiores ipsi tenebantur, *d. l. 15. b. t.* Ideo collationem ipsam sub parua minimaque contributione a singulis fieri oportebat, quod ii qui per gratiam elaberentur, apparerent: *l. 20. b. t.* Officiaque seu Exactores, qui elabi quemquam fuissent, duplo multabantur, *l. 12. b. t.* Hæc omnia ideo, quia beneficium quibusdam datum, plebis iniuria est, *l. 9. b. t.*

EXCEPTI tamen privilegio singulari ab hac lustrali collatione fuerunt nonnulli siue in totum, siue in partem (1.) Primum *Copiasæ*, per occidentem, & quidem indefinite *l. 1. b. t.* postea, si exiguis admodum mercimoniis victum sibi vestitumque conquirerent, *l. 15. inf. de Episcop.* (2.) Clerici omnes alimonie causa negotiationem exercentes *l. 8. inf. de Episc.* imo indistincte *l. 14. inf. de Episcop.* rursum si exiguis admodum mercimoniis victum sibi & vestitum conquirerent, *d. l. 15.* intra Italiam & Illyricum in decem solidis negotiantes: intra Gallias, in quindecim, *l. 11. b. t.*

l. 11. b. t. At non etiam Constantinopoli, *l. 5. 16. b. t.* (3) Item *Veterani*, ex Constantini M. constitutione intra centum folles negotiantes, *l. 3. sup. de Veteranis*, ex Constantii pariter constitutione intra certum pecuniarum numerum, *l. 2. b. t.* ex Valentiniani primum indefinite, *l. 9. sup. de Veteranis*, deinde vnus tantum Quinquagenæ, *l. 7. b. t.* ex Valentiniani Iun. intra 15. solidos. *l. 14. b. t.* (4) *Militibus* quoque quibusdam, qui in Palatio debebant, immunitas hæc speciali quandoque priuilegio data, *l. 3. sup. de immun. concessa*: alioqui in commune milites quoque tenebantur, *l. 13. b. t.* (5.) Excepti etiam *Nauicularii*, *l. 16. in fin. infr. de Nauicular.*

Quod ad *Formam* huius iustralis collationis attinet. Negotiatorum certa matricula erat, vt ostendit *lex 15. infr. de Episcop.* Certo tempore ad hanc præstationem vocabantur, *l. 4. b. t. & l. 14. & 15. infr. de Episcopis.* Indictione iustralis Conlationis facta, *l. 4. 6. 9. b. t.* descriptio fiebat, *l. 3. b. t.* seu adscriptio, *l. 15. b. t.* distributio, *l. 17.* cuius rei cura ad Negotiatores ipsos pertinebat: sic vt Mancipes ad eam rem de Corpore suo eligere deberent, *l. 17. b. t.* Modus collationis istius fuisse videtur, *Quinquagesima, vel Quindena*: quod colligo ex *l. 7. b. t.*

Sequentium porrò Imperatorum constitutiones de iustrali collatione *hoc titulo* hæ sunt:

Pag. 3.

CONSTANTII *lex. 1. 2. 3.*

IVLIANI *lex 4.*

VALENTINIANI SEN. *lex 6. 7. 8. 10.*

VALENTIS *lex 5. 9.*

GRATIANI & VALENTINIANI IVN. simul, *lex 11.*

VALENTINIANI IVN. *lex 12. 14.*

THEODOSII M. *lex 13. 15.*

ARCADII *lex 16.*

HONORII *lex. 17. 18. 19.*

THEODOSII IVN. *lex. 20. 21. seu ult.*

DE IUSTRALI CONLATIONE.

*De Copiatis negotiantibus solis a iustrali collatione
immunibus.*

I. (a) Imp. CONSTANTIVS A & Iulianus Cæs. ad Taurum PF. P. (b)

NEGOTIATORES omnes protinus conuenit aurum argentumque præbere: Clericos excipiantum, qui (c) *Copiatae* (d) appellantur, nec alium quenquam esse immunem ab huius Conlationis obsequio. Dat. iv. Non. Decemb. Acc. Rom. (e) viii. Id. Febr. Constantio A. ix. & Iuliano Cæs. ii. coss. [357.]

NOTAE.

(a) Semel hic monendum, omnes huius tituli leges abesse a *Cod. Iust.* titulo, huic concordante: causam iam dixi & porro dicam. Absit hæc lex quoque ab *Annalib. Ecclesiasticis* Baronii, hoc Anno, quo tamen refertur eam oportuit. GOTHOF.

(b) Italiz. *ID.*

(c) Tentaret quis, & qui *Copiatae*: vt sic Clericis quoque aliis eadem immunitas tributa videatur, pariter vt anteriore eiusdem Constantii *l. 8. infr. de Episcop.* *ID.*

(d) De his *Copiatis* est quoque *lex 15. infr. de Episcopis*: de hisdem accipienda *lex 12. sup. de Veteranis.* *ID.*

(e) Ergo pertinet hæc lex ad Clericos vrbs Romæ. *ID.*

COMMENTARIUS.

A CONSTANTII Imp. super iustrali Conlatione constitutionibus (quæ tres numero sunt) *hoc titulo* initium ducitur: nullis hæc in titulum expressis in id Constantini M. constitutionibus de iustrali
Tom. V.

Conlatione relatis: cum tamen hic ille iustralis collationis seu *Chrysargyri* auctor feratur; & quidem vt volunt, sordo reddito, etiâ ex meretricum captura seu quæstu, item cum seuera exactione: Quo
A 2 nomi-

nomine proferibitur a Zosimo Gentili scriptore, sub Honorio Imp. lib. 2. cap. 38. quem tamen Euagrius postea defensum iuit lib. 3. cap. 40. 41. cui paria fecit hac ætate doctissimus Annalium Ecclesiasticorum Scriptor A. D. 330. a num. 36. ad num. 42. Constantini M. igitur crimen est, quod Chrysargyrum hoc *τετραετηρικόν*, lustrale, singulis lustris solvendum imposuerit Negotiatoribus ad vilissimos visque: imo etiam Meretricibus: tantaque acerbitate id exactum fuerit, ut matres liberos vendere, patres filias prostitui coegerentur: hæc Zosimus. Euagrius calumniæ dicam Zosimo scribit, sed eam non refellit. Quod verum est inquiramus. Et distincte quidem de utroque. De negotiatorum inquam prius collatione, tum de Meretricum tributo.

Aurum certe a negotiatoribus exactum diu ante Constantinum M. quod Alexander Severus Negotiantibus Romæ remiserit, tributa immunitate, testis Lampridius in *Vit. Alexandr. Sever.* cap. 22. int. Negotiatoribus, inquit, ut Romam volentes concurrerent, maximam immunitatem dedit. Et post plura cap. 32. in fin. Aurum Negotiatorum, & Coronarium Romæ remisit. Ecce distincte Aurum negotiatorum longe ante Constantinum, quod Lampridius Constantini ipsius coætaneus, quique ad Constantinum eam ipsam Alexandri vitam scripsit, diserte testatur. Quare non is primus auctor huius auri Negotiatorii, vel hoc Lampridii testimonio. Deinde quæro Zosime, quando id a Constantino institutum? Nempe, ut tu vis post Constantinopolim excitatam, extremis Imperii annis, quibus prodigalitatem tuque, alique ei obicitis. Atquin si ipsas Constantini M. leges excutimus ante hoc tempus latas, medio Principatus tempore, reperimus, iis iam istius negotiatoriæ collationis mentionem fieri, tanquam ab antiquo instituto: Nempe enim Ann. 320. decennio ante Constantinopolis encensia l. 2. & 3. sup. de Veteranis docet, a mercatoribus non tantum in nundinis civitatum proponenda dari solita, non tantum publicanis vectigalia soluta, verum etiam fisco aliquid præstitum. Verba legis 2. sunt hæc: *In quibuscumque nundinis interfuerint, nulla proponenda dare debebunt: publicanis quoque, ut solent, agentibus supercompellere, ab his Veteranis amoveantur: quicquid post labores suos perenniter perfruantur: Fisco nostro quoque eadem epistola interdiximus, ut nullum omnino ex his inquietaret: sed liceat eis emere & vendere, ut integra beneficia eorum sub seculi nostri otio & pace perfruantur, &c.* Legis tertiæ verba hæc sunt: *Qui autem Negotij gerendi habuerit voluptatem, huic centum solum summam immunem habere permitimus.* Ecce, Veteranis immunitatem dat Constantinus M. A. D. 320. negotiantibus, cuiusdam quantitatis, pro privilegio, cuius nomine fisco nil penderent. Ergo in commune iam alii negotiantes pendebant. Quare si quid hac parte a Constantino factum, forma tantum eius mutata: Forte *Lustralis* hæc collatio ab eo facta seu *τετραετηρική*: quæ antea annalis, vel aliusmodi erat: sic ut, pro facultatum incremento, totidem lustris augeretur. Quod utique satis visum, quam per singula annorum vel alterius temporis momenta, per minutias temporum aurum negotiatorum exigere: siue fisci, siue negotiatorum ipsorum incommodo: quorum facultates toties excutere tum ipsis grave, tum fisco inutile erat, non apparente intra tam modicum tempus negotiationis seu lucri incremento. Contra negotiatoribus minus gravis lustralis collatio visa & fisco utilior. Quare singulis lustris indictio facta, facta descriptione, ut docet lex 3. b. t. & quidem ex l. 17. eius descriptionis sollicitudine ipsi negotiatoribus imminente, sic ut Mancipes de Corpore suo ad eam

descriptionem faciendam eligere deberent. Igitur lustralis hæc collatio hoc sensu Constantinus institutum est, per se non iniustum: quod si Exactorum nequitia gravius & intolerabile factum, non iam Constantiniano instituto id tribuendum: neque ipsa lustralis collatio in invidiam vocanda. Atque hæc de Chrysargyro seu lustrali collatione Negotiatorum.

Sequitur præcipuum crimen de lustrali præstatione; seu Chrysargyro *πορνικόν*, quod Meretricibus indictum ait Zosimus. Sane a Lenonibus lustralem præstationem pensitatum, Constantinopoli nominatim, & quidem Veterum incuria, testis est Theodosius Jun. qui eam Constantinopoli abrogavit (Florentio PP. auctore, qui & ne ærario quid deperiret, ut paria faceret, prædia sua inuicem tributo subsignavit.) *Novella de Lenonibus* 18. Ann. 439. ubi inter cætera. *Nam cum Lenonum calliditate inflammabili circumventam VETERUM videret incuriam, ut sub cuiusdam lustralis præstationis obtentu, corrumpendi pudoris liceret exercere commercium.* Et mox: *Si aut Lenones in hac liceret vobis versari, aut eorum turpissimo quaestu ærarium videretur augeri.* Et mox: *Ex cuius redditibus possit accedere, quod prædictum pessimum genus consueverat pensitare.* Hæc de Lustrali collatione eorum, qui lenocinium fecissent, de quo silet Zosimus. Sed de lustrali collatione his, quæ meretricium fecissent, a Constantino M. imposita, invidiam facit Zosimus. Iam ante a Caligula ex emporis seu captura prostitutearum *πορνικόν τέλός*, & ex lenonum quaestu exactum, testis Suetonius cap. 40. Et stetit utrumque, quod tamen Ærario inferri noluit Alex. Severus, sed fartis tectis publicorum operum destinavit. *Lamprid. in Vit. c. 24. Lenonum, inquit, vestigal & meretricum & exoletorum in sacrum ærarium inferri vetuit, sed sumptibus publicis ad instaurationem Theatri, Circi, Amphitheatri, & Ærarii deputavit.* Vbi postremo loco, si bene habet, *Ærarium Saturni* intelligit, cuius fartis tectis pariter hoc *πορνικόν* destinaverit, ut cæterorum. Denique noluit Alexander turpe hoc vestigal recondi, sed in opera publica impendi, quanquam Veteres alii habeant *Atrij*: alii *Stadii*. Vbi est qui *Atrium* tectus, alius *Stadium*: mihi placeat *Odeum*, vel *Odeum*: Ergo & Lenonum & Meretricum vestigal fuit. Quod & ipsam Lustrale & Chrysargyrum factum, nempe singulis lustris solutum. De Lenonio sane lustrali, constat ex d. *Novella Theodosii*, quod ipse aboleuit: de meretricio Chrysargyro *τετραετηρικόν* seu lustrali, iam olim *ἀνέκαθεν* inuento & longo temporis spatio continuato, quod Anastasius demum ad legationem Monachorum Hierosolymitanorum, & Theodori Gazæ tragediam, aboleuit, testis Euagrius, lib. 3. c. 39. 40. 41. Cedrenus *Compend. Hist.* pag. 357. Tom. I. Oper. Edit. Reg. Zonaras *Annal.* lib. 14. pag. 54. Tom. II. Oper. Edit. Reg. quibus addatur & Theodorus Anagnosta *Inst. Eccles. eclog. 2.* Constantinus Manasses *Compend. Chron.* pag. 63. Edit. Reg. & Suidas in v. *Τηρόδε* & *Γαζαί*, & duæ constitutiones Græcæ, quas ipsius Anastasii fuisse censet Cujaeus, in *Comment. ad Cod. Iust.* lib. XI. tit. 1. de lustrali auri collat. E quibus Euagrius addit, hoc Chrysargyrum non tantum meretricibus impositum, verum & mendicis, qui stipem colligerent, itemque scortatoribus. Addit Cedrenus & Zonaras etiam repudiatis, etiam servis, etiam libertis impositum. Addit idem cum Zonara Constant. Manasses, imo & equo, bovi, mulo, asino, cani, fimo, impositum. Ita quidem, ut nominatim Euagrius, Cedrenus, id *τετραετηρικόν* fuisse diserte dicant; quomodo Zosimus illud ipsum quod a

Constantino M. institutum vult: (a) at non & Zonaras, qui annum facit vectigal. Sed nemo Constantinum M. autorem facit, præter vnum Zosimum: Mirumque, cum tot de lustrali collatione Negotiatoribus imposita Constitutiones occurrant, in nulla earum, v. & nimum indicium de *πορνικῷ* illo *τετραετηρικῷ* extare: vt de Zosimi fide haud iniuria dubitari possit: Nisi forte Constantini M. crimen in eo fuit, quod vectigal id *πορνικόν* ad se perductum, non sustulerit, & negotiationis genus hoc cæteris iunxerit, quod lustrali

collationi seu Chrysargyro subiceret. Mihi tamen dux coniectura sub manu nascitur. Neque Zosimum de meretricibus sensisse, apud quem legatur perperam *εταίρας* pro *ετοίμας*: vt ita indicare voluerit, *οπαρῖος* quoque, qui manu victum quærebant, veluti figulos, fabros, huic lustrali collationi obnoxios a Constantino factos fuisse: quos sane postea diserte ab hac collatione alienos esse voluit Valentin. Sen. l. 10. inf. b. 1. Nempe *ετοίμας συνεργῆς*; vel Zosimum lapsum, cum *Tavernarios*, seu *Fabernas negotiatorias* exercentes, qui

A 3

sane

(a) ANTON. PAGIUS differt. hypat. Part. 2. cap. 4. num. 6.

De lustrali collatione, & eius vectigalis acerbitate veteres plura habent. Vocabatur illud alio nomine *Chrysargyrum*, quod singulis lustris non tantum a negotiatoribus, sed etiam a meretricibus exigebatur. Scribit Gothofredus in *Comment. ad b. l. a* Constantio A. anno Christi 357. emissam, quarto quoque anno vectigal illud solutum fuisse, quod Euagrius, Zosimus, & Cedrenus illud *τετραετηρικόν* diserte fuisse dicant. Sed cum Constantinus M. eiusdem vectigalis anno 320. in quem eius *Quindecennalia* incidebant, mentionem fecerit, & veteranis eius immunitatem dederit, prætereaque ex tribus legibus, quas Constantius eius filius de ea collatione edidit, prima emanata fuerit ipso *I. & Iuliano Cæsare Coss.* anno scilicet 317. quo Romæ Cæsarei imperii septima *Quinquennalia* edidit, existimandum singulis quinquenniis, non vero quadrienniis illud solum fuisse. Antiqui enim *Lustri* nomine *Quinquennalia* appellarunt. Sic Sidonius carmine ad *Maorium Augustum*.

Sic lustrum imperii perennis æsto

Quinquennalia fascibus dicentur.

Id est, exacto imperii quinquennio, Quinquennalia celebrabuntur. Quod quidem recte obseruauit Scaliger lib. 5. de emendat. temp. licet perperam scripserit, Sidonium intelligere lustrum quinque annorum absolutorum, non enim tantum exacto quinquennio, sed & eo incipiente, ea solemnia indiscriminatim facta fuisse docuimus. Eumenius etiam in Panegyrico pro Augustodunensibus Constantino M. anno 311. dicto, cap. 13. ait: *Quinque annorum nobis reliqua remisisti. O lustrum omnibus lustris felicitus.* Et infra: *quid ergo nos conuenit gratulari, de hoc indulgentia tua lustrum. Lustrum, quo licet nulla frugum cessarit ueritas, fecisti tamen, ut omnia largiora videantur fuisse, quam fuerint.* Themistius orat. 17. quæ de Quinquennialibus Theodosii M. est: *Hoc nimirum est exoptatissimum lustrum, quodque sibi decennium querit.* Hic circulus ille, quem sapientis insequentis accessione euolui expedit. Ex loco Symmachi lib. 10. ep. 26. constat, Quinquennalia primum lustrum vocata fuisse, Decennalia secundum lustrum, Quindecennalia tertium. Quare non dubito lustralem collationem cum huiusmodi solemnibus connexionem habuisse, & quinto quoque anno incunte solutam fuisse. Neque Zosimum, aliosque, qui hoc tributum *τετραετηρικόν* fuisse, scribere, aliter intellexisse: cum enim quarto tantum anno exacto, quintoque incæpto solueretur, lustralis dici potuit, & *τετραετηρικῇ*, sicut *Olympias*, dicitur lustrum, licet singulis quadrienniis celebraretur.

Sed Libanius, qui eo tempore vixit, quo vectigal illud maxima acerbitate exigebatur, difficultatem dirimit in oratione contra Florentium pag. 427. eius elegantem locum a Valesio in notis ad librum tertium Euagrii cap. 39. emendatum, hic adscribam: *λεγεῖσθαι τοῖνον καὶ τὸ ἄλλα πάντα νενικηκός. τὸτο δ' ἐστὶν ὁ κέρματος τῆ πόλεως, ἀργυρος, καὶ χρυσὸς φρίττων προσίστας ποίω, τὰς δανάς πεντετηρίδας. ὅνομα μὲν γὰρ εὐπρεπὲς ἀπὸ τῶν ἐμπροσθεν τῆ πόλεως τήτης τῇ θαλάττῃ δὲ ἐκείνων ἐς διάδοσιν χρημένον, ὡς μόλις ἄρτι. προσφέρεισαν αἱ χεῖρες, ἀπολλύνται. διαφύγει δὲ ἡδὲ νευροφόρος. ὡς ἐγὼ πολλὰς ἔδον τὴν σμίλην ἐς ἕρπυν ἀιροντάς, δυνάμεις μὲν ἐν αὐτῇ τὰ πάντα ἄνω σφίσι. ὃ μὴν τὸτο γὰρ αὐτὴς ἀπαλλάττει τῶν ἐγκομιῶν καὶ ὑλακτάντων, καὶ μόνον ὃ δακνόντων. ἕτος ὁ κειρὸς, ὃ βασιλεὺς, πᾶσι τῆς θαλάσσης καθίστησιν, ἐκβάλλων ἐλευθερίας τὰς ὑπὸ τῶν γονέων παλωμένους, ὥς ἵνα αὐτοῖς δέχεται τὴν τιμὴν τὸ κισῶσιον, ἀλλ' ἵνα αὐτὴν ἰδοίην ἐς τὴν τῷ κατεπρόγοντος δεξιᾷ ἐρχομένην: quæ sic interpretor, iam vero dicamus etiam maius illud, quod reliqua cuncta longe superat. Id autem est tributum intolerabile, Chrysargyrum scilicet, quo fit, ut singula Quinquennalia, quoties iam propinqua sunt, terrorem animis iniciant. Et nomen quidem huic collationi speciosum est ex Mercatoribus. Sed cum isti mari utantur ad merces suas diuidendas, it, quibus uianus egræ panem suppeditant, funditus pereunt. Nec immunitis ab hoc malo sutor, quos quidem ego sæpius vidi, scalpro ad cælum sublato, iurantes in eo sua omnia reposita esse. Nec tamen istud eos liberat a vexatione eorum, qui ipsi incumbunt, & qui latrant, ac tantum non mordent. Hoc tempus Imperator, seruorum numerum augeat, spoliis enim libertate eos, qui a parentibus venundantur, non ut ipsi pretium venditionis in arcam suam referant: Sed ut illud in manum compulsoris transire videant. Ex quibus, ut id obiter dicam, intelligis, iure ab antiquo auctore quæstionum veter. æ Nov. Testam. in quæst. 75. scriptum, pænosum aurum, tributum illud vulgo vocatum fuisse: verumque esse, quod diximus, singulis quinquenniis solutum illud fuisse. Neque his obstat, quod L. 56. βασιλικῶν. tit. 12. habeat: *ὅτι δὲ τὸ τέλος τὸτο παρέχοντες ἀδελφὰν ἐχέτωσαν, ἢτε ἐν Κωνσταντινὸς πόλει, ἢτε ἐν τῇ ἐπαρχίᾳ καταβαλὼν αὐτοῖς, ἢτε τὸν τέταρτον κατὰ ἐνιαυτὸν, ἢτε ὑπὲρ τετραετίας διὰ μὲν τῆς ζημίας, καὶ διατροφῆς.* id est: qui vero tale onus agnoscunt, in eorum arbitrio sit id soluere Constantinopoli, vel in provincia, siue quarto quoque anno, siue ultra quadriennium, sine damno & peruersitate vlla: nam cum Quinquennalia, & id genus festa, quinto quoque anno, eoquæ sæpe incipiente ederentur, eodem tributum illud soluebatur, quod hic tantum intendimus, ideoque aliquando quarto anno, aliquando ultra quadriennium, ut præfata lex ostendit.*

Denique cum Anastasius Imperator vectigal miserabile prorsus, Deoque iniustum, & barbaris ipsis indignum, ut illud Euagrius lib. 3. c. 39. appellat, anno Christi quingentesimo primo eius Decennialibus dedicato, aboluerit, vt in *Consuetudinum Cæsareorum Rationario* videre est, constat illud Quinquennialium instar, quinto quoque anno collectum fuisse, præfatamque legem 1. de lustral. collat. non nisi huiusmodi festiuitatum beneficio intelligi posse.

sane lustrali collationi obnoxii quoque erant, (vt docet *lex 8. infr. b. i.*) pro Tabernariis meretricibus accepit: Quogemino errore idem Constantinum M. quod reperisset ex Tabernaria natum, ex meretricio concubitu natum scripsit. Et hæc quidem hæcenus.

Ad legem Constantii quæ se nunc offert nos conferamus. Ea igitur solis *COPATIS* exceptis, omnes omnino (siue Clericos, siue alios) lustrali collationi obnoxios esse iubet: vbi plurima notanda veniunt, quæ aliis deinceps *legibus* subseruiant, ad quas ideo quoque breuiore erimus.

Primum ex principio *legis* colligitur hoc tempore lustralem collationem indictam: *Negotiatores*, inquit, *omnes PROTINVS* conuenit aurum argentumque præbere. Scilicet, etsi lustralis collatio certum & definitum lustrum recursum primo instituto suo indicet, attamen extra ordinem sæpe, quo erogatio seu necessitas publica iuuaretur, eam indictam reperio: quo spectat *hæc lex*: vt & eodem spectat quod dicitur *lege 4. infr. ab Auri atque Argenti præstatione*, quod negotiatoribus *INDICTVR*. Et *lege 6. infr. Aurum* mercatoribus atque argentum, quo erogatio publica iuuetur, *INDIXIMVS*. Igitur exceptione immunitatis nullus vitatur. Et *lege 14. infr. de Episcopis*: (qua hæc abrogatur) Et cum negotiatores ad aliquam præstationem *VOCANTVR*, *Pag. 5. &c.* Et *lege 15. d. iij. de Episcopis*: Reliqui autem, quorum nomina negotiatorum matricula comprehendit, eo tempore, quo collatio celebrata est, negotiatorum munia & pensiones agnoscat.

Secunda observatio est de Clericis Negotiantibus, vtrum videlicet illi a lustrali collatione immunes fuerint? qua de re de Clericis inquam, *ἐμπορικὸν βίον* sectantibus (de qua Clericorum & Religiosorum negotiatione v. tractatum Doctissimi Renati a Valle, quem miram, ad *has leges* non attendisse) sunt in vniuersum *hoc Codice* octo constitutiones: Quatuor, *hoc titulo*: puta Constantii *hæc l. i. b. i.* quibus adde & *l. 8. 10. 14. 15. infr. de Episcopis*. Valentis *l. 5. hoc tit.* Gratiani & Valentiniani *l. 11. hoc tit.* Arcadii *l. 16. hoc tit.* Constantii mens est *hæc lege*, Clericos quoque negotiantes lustralem collationem agnoscere oportere: Quod etiam Valenti placuit *d. l. 5. infr. & Arcadio l. 16. infr. solis Copatis* exceptis hæc Constantii constitutione: & quidem ex posteriore eiusdem Constantii constitutione, si exiguis admodum mercimoniis, victum sibi vestitumque conquirent, *l. 15. infr. de Episcopis*. Imo & Clericis aliis, ex anteriore eiusdem Constantii *epistola* Ann. 343. eadem immunitas tributa, si alimoniarum causa negotiationem exercerent, *l. 8. infr. de Episcopis*. At laxius paulo ex alia eiusdem Constantii *constit.* Ann. 357. *l. 14. infr. de Episcopis*. Rursum tandem hæcenus si exiguis admodum mercimoniis victum sibi vestitumque conquirent Ann. D. 360, *d. l. 15. infr. de Episcopis*. Et ita quidem varie Constantius, quatuor illis constitutionibus, quæ super hac re ab ipso latae sunt; nempe *hæc lege & l. 8. 14. 15. infr. de Episcopis*: sic quidem vt *hæc lege* solis *Copatis* hanc immunitatem tribuat: nisi putemus haud improbabili coniectura hic legendum videatur. Clericos excipi tantum, & qui *Copate* appellantur. Quod etiam suadeat illud, quod si lectioni vulgatæ sta-

mus, *Copiatæ* Clericis connumerarentur, qui tamen ab his ab eodem Constantio *d. l. 15.* separantur, vt & ab Honorio *l. 12. supr. de Veteranis*. Sed nil temere muto, de quo mox.

Tertio igitur de *Copatis* istis videndum est; qui *hoc Codice* nonnulli abusus Constantii constitutionibus diserte nominantur: puta *hæc leg. & d. l. 15. infr. de Episcopis*; Ipse Constantius *d. l. 15.* quæ data est A. D. 360. tribus post *hanc leg.* annis recenter institutos testatur; Vel hi, inquit, quos *Copatas* recens *usus institui nuncupari*. Ergo Constantii sæculo, qui inde ab A. D. 337. imperare cepit, instituti fuerint *Copiatæ*. Et tamen Constantino M. diserte Iustinianus *Novella 43. & 59. & Leo Nouell. 12.* Decanorum & Lecticariorum, qui cum *Copatis* iidem sunt, institutionem tribuit. Et vero Balduinus quoque *comment. 1. de legib. Constantini pag. 14. Edit. Halens.* hos a Constantino institutos censet. Etsi scio multa in Constantini nomen transisse, quæ filiorum ipsius erant. Hinc interim apparet, quam vere falso Ignatio supposita fuerit *epistola ad Antiochenos*, vtpote cum eanum. *12. κοπιῶντες* hi, cæteris ordinibus connumerentur. Horum officium, erat circa defunctorum obsequia; Epiphanius *aduersus hæres. lib. 3. in fin.* siue in *breui cathol. & Apostol. eccles. fidei expositione num. 21. in fin. pag. 1104. Tom. I. Oper. Edit. Colon. Κοπιῶται*, εἰ τὰ σώματα περιεχόντες τῶν κοιμημένων, *Copiatæ*, qui mortuorum corpora curant. Glossæ Philoxeni: *Bispelliones*, νεκροθάπται, κοπιῶται. De iis vid. & *Novellam Iustiniani 59. cap. 2.* Quare hi illi sunt, quos Clericis sociat Honorius *l. 12. supr. de Veteranis*, & *insauis* defunctorum obsequiis occupatos, vocat. Et quantum plurimos, inquit, vel ante militiam, vel post *inchoatam*, vel *peractam*, latere obiectu pie Religionis agnouimus: dum se quidam vocabulo Clericorum, & *insauis* defunctorum obsequiis occupatos, non tam observatione cultus quam otii & socordie amore defendunt. Hieronymus diserte, vt videtur Clericis eos connumerans, ita describit *Epist. 40. ad Innocentium de muliere septies ista, Tom. I. Oper. pag. 153. Edit. Francf. Clerici*, quibus id officii erat, cruentum linteo cadaver obuolunt, & fossam humum lapidibus construentes, ex more tumulum parant. Sane & *hæc lege* (cuius lectionem temere non mutem) Clericis connumerantur, vt & alia ministeria Clericorum nomine sæpe censentur: de quo vid. *Quiac. ad Nouell. 3.* Quia & *l. 16. infr.* quod de Clericis dicitur, quibus Clericorum priuilegia non debentur, id etiam de *Copatis* accipio. Ergo *Copiatæ*, si non Clerici, Clericis saltem proximi: vtpote circa pium defunctorum & sepulcræ officium occupati: sicut pars hæc non pietatis tantum in commune, vt iam olim; verum etiam cultus pars haberi cœperit, vbi multa paulatim pietatis officia, vel ad pietatem irritamenta, in obseruantiam & cultus partem transierunt: de quo alibi. Iidem & *fossarii* dicti, de quibus Auctor *tractatus de septem gradibus Ecclesie ad Rusticum Narbonensem cap. 2.* inter opera D. Hieronym. *tom. vltim. & Tom. IV. pag. 56. Edit. Francf. apud. Christ. Gensch.* Eisdem Liturgiæ Basilii & Chrysostomi, a reliqua plebe distinguunt, & eos ante Cantores nominant. Porro dicti *Copiatæ* communi sententia hæcenus, tanquam si diceret, *Operarios, Laboratores*, ἀπὸ τῆς κόπης, καὶ κοπιῶσαι. Ego non minus quoque malim ἀπὸ τῆς κοπίας, seu κοπάζειν, quod significat quietem, & quiescere; Hesychius κοπία, ἡσυχία: κόπασον, ἡσυχάσον: qua voce & alii vtuntur; Aristoteles, & Evangelistæ alique. (a) Addat & tertium

(a) Adde etiam CL. DV FRESNE in *Glossar. vtroque*, *vocce. Κοπιῶται, Copiatæ, Fossarii.*

tium aliquis, ἀπὸ τῆς κοινῆς, id est, a planctu & lamentatione. Mihi illa a quiete derivatio verosimilior, & Christianæ formulæ vicinior, placet: qua mortui, quiescere, conditoria eorum cœmentia dicta. Et sane Epiphaniî definitio eo alludit. Dicti iidem & *Leſticarii*, de quibus alii.

Inſtituti porro hi primum Romæ mihi videntur, quò hæc lex pertinet, vt docet eius ſubſcriptio, *Acc. Romæ*: & per Italiam, quò referenda d. lex 15. *inf. de Episcopis*: quæ data ad Taurum PP. Italix ſcil. in qua & Ariminenſis Synodi mentio fit. Mox peruagatus hic mos & per Gallias: quò pertinere autem leg. *Honorii 12. ſup. de Veteranis*: quæ inſcribitur *Stiliconi Magiſtro utriusque milicie*.

Obſeruandum & illud, *hanc l.* eo tempore, datam quò Liberio ſubmoto, *Felix* Episcopum Romanum agebat: de quo proluxe ad d. l. 14. *inf. de Episcopis*. quæ iſti *Felici* inſcripta eſt. Poſtremum, *hac lege* quam Baronius omiſit, cuiusque interpretatione, *Annales Eccleſiaſtici* deinceps augeri volo. Neque illud omittendum inter initia *huius tit.* occurrere & apud alios Scriptores huius luſtralis collationis teſtimonia, veluti apud Baſilium *ep. 243. ſiu. ep. 88. Edit. Benediſtin.* vbi *παραμυθιστὴν χροσίων* vocatur: vbi oſtendit quam graue id fuerit, item huic obnoxios fuiſſe etiam, qui ἐν τέλει erant. (*)

(*) *παραμυθιστὴν χροσίων*, ſive auram comparatiuum illud, de quo Baſilius, non videtur de luſtrali conlatione eſſe intelligendum, ſed de eo, quod conferebatur ad veſtes militares comparandas. Vid. Noſtrum ſupra ad leg. 3. *de militar. veſte*, & Garnierium ad dict. *Baſil. Epist.*

P. 6.

II. (a) Idem A. & Cæſ. ad Taurum PP. P. (b)

PRÆTER eos, quos manifeſta probatio demonſtrat ſub armis militiæ ſacramenta toleraſſe, quosque cum requiem fortirentur, in pecuniarum certo numero immunitatem claruerit conſecutos, vniuerſi qui Negotiandi videntur (c) exercere ſolertiam, ad onus Conlationis (d) adſtringantur. *Acc. VI. Id. Iul. Karthagine, Conſtantio A. X. & Iuliano Cæſ. III. COSS. (360.)*

NOTÆ.

- (a) Forte huic iungenda lex 15. *inf. de Episcopis*: quæ & in eodem argumento verſatur. *GOTHOR.*
 (b) Italix: quod his ipſis Coſs. docet Ammianus *lib. 21. cap. 6.* docet etiam huius leg. ſubſcriptio *Acc. Karthaginæ*; Africa quippe ſub PP. Italix fuit. Eidem hoc Anno inſcribitur, quæ in eodem argumento verſatur, *lex 15. inf. de Episcopis*. quam parum aheſt, quin huic l. conſtandam putem. *ID.*
 (c) Exerceant: ſimiliter l. 5. *inf. ID.*
 (d) Luſtralis. *ID.*

COMMENTARIUS.

VETERANOS ſolos, verosque, a luſtrali collatione immunes eſſe iubet Conſtantius A. D. 360. De qua Veteranorum immunitate ſunt in vniuerſum quinque *hoc Codice* conſtitutiones: puta Conſtantini M. *lex 3. ſup. de Veteranis*. Hæc noſtra Conſtantii, Valentiniani Senioris *lex 9. ſup. de Veteranis*: & *lex 7. inf. hoc titulo*. Valentiniani junioris *lex 14. inf. hoc tit.* Neque tamen ſimpliciter & abſolute Veterani immunes fuere: Nam & Conſtantinus M. d. l. 3. *ſup. de Veteranis*, centum ſolium ſummam tantum eos habere immunem permiſit. Quod ipſum vel certe huic proximum eſt, quod *hac leg.* Conſtantius definit. Quos, inquit, cum requiem fortirentur, in pecuniarum certo numero immunitatem claruerit conſecutos. At Valentinianus Senior, d. l. 9. *ſup. de Veteranis*: in vniuerſum immunes eſſe iuſſit, & quidem, addit ille, ſecundum veterem conſuetudinem parentum noſtrorum, id eſt, anteriorum Principum Conſtantini & Conſtantii, cum tamen non tam effuſam illorum libe-

ralitatem fuiſſe iam oſtenderimus. Quid porro ſuper hoc Valentinianus itatuerit, l. 7. *inf. hoc tit.* quid Valentinianus Iun. l. 14. *inf. hoc tit.* ad eas dicetur.

Duo ad *hanc leg.* adhuc notanda, primum, huic leg. coniungendam videri, vel ſaltem proximo conſinio cohærere l. 15. *inf. de Episcopis*: quæ hoc ipſo Anno data, ad eum ipſum Taurum PP. ſuper hoc ipſo etiam argumento, & Clericorum inquam, & Copiatorum a luſtrali collatione immunitate.

Secundo videri hoc tempore luſtralem collationem indiſtam, & quidem iuuandæ erogationi publicæ ſeu militari: quo tempore Conſtantius diſſicillimo bello Perſico maxime inligatus erat, atque in id magnos belli apparatus facere neceſſe erat: de quo vide hoc Anno Ammianum *lib. 19. & 20. & Zoſimum lib. 3. cap. 3.* (*) Quo etiam pertinet *lex 6. ſup. de erog. mil. annone*, quæ hoc ipſo Anno (menſe ſuperiore) data Hierapoli.

(*) Sed forte alia ſubeſt cauſa. In annum ſuperiorem enim Conſtantii quinta *Quinquennalia* incidunt, quò anno cum Conſulatum non inieſt, ſed hoc demum, videtur ea in hunc diſtuliſſe.

III. (a) Idem A. ad Senatum.

RVSTICANOS colonosque Veſtros (b) inter negotiatores deſcribi non oportet: ſcilicet, ſi nequaquam exerceant negotiationis induſtriam: Siquidem in eo negotiatio-

tiationem & mercimonia non oporteat æstimari, si ea homines Vestri, ac Rusticani, etiam in vestris possessionibus commorantes, distrahant, quæ in his terris, quas incolunt, atque in eodem rure gignantur. Dat. (c) V. Non. Maii, Tauro & Florentio coss. [361.]

NOTÆ.

(a) Iungendæ huic l. sunt complures aliæ, numero octo, puta lex 12. 13. sup. de Prætorib. lex. 1. sup. de Protoſtaſia, lex. 48. de Decurionib. Item lex 1. sup. de metatib. lex 7. sup. de annona & tributis. l. 1. sup. de publica compar. lex 7. inf. de operibus publicis. GOTHOF.

(b) Senatorum. ID.

(c) Locus additus in d. l. 12. sup. de Prætorib. Gifyra: Quod XXII. ab Antiochia (vbi hoc anno Constantium fuisse, Ammianus, Socrates, & lex 16. inf. de Episcopis testantur), lapide notatur in Tabula Peutinger. IDEM.

COMMENTARIUS.

RUSTICOS, COLONOS in terris quas incolunt, nata vendentes, a lustrali collatione immunes esse iubet hac leg. Constantius: pariter ut Valentinianus Senior l. 6. 8. 10. & Valentinianus Iun. l. 12. 13. infr. Tot scilicet de hac ἀυτοπόλων, immunitate a lustrali collatione constitutiones hac titulo occurrunt; puta sex: Et duæ quidem posteriores, puta lex 12. 13. una cum l. 6. sunt de iis, qui non aliorum coloni, vêtum ipsi fundorum domini per se innocenti industria fructus domesticos suis possessionibus innatos vendunt: Tres vero ex prioribus sunt de rusticis & colonis alienarum possessionum: ac nominatim duæ leges Valentiniani Senioris, puta lex 8. & 10. de colonis reipriuata, seu dominicarum possessionum: hæc nostra Constantii, est de rusticis & Colonis Senatoriarum possessionum. Tandem lex 6. Valentiniani, est de viris, tam qui per se, quam qui per homines suos negotiantur. Omnes hi ex æquo a lustrali collatione immunes erant. Hac ratione, quæ redditur d. l. 6. quia hi non tam mercatorum loco haberi debent, quam solentum strenuorumque dominorum.

Notandæ igitur hæc sex leges huius tituli: puta lex 3. 6. 8. 10. 12. 13. & ad praxim deducendæ, in quaestione, An solitus vendere fructus suos, dicatur mercator, & eius rei nomine Gabella debeatur, quæ alias soluitur ex venditione mercium? de qua post Bartol. Paul. de Castr. Panormitanum, Francisc. de Claperis causar. fiscal. causâ 35. quæst. 7. quam in rem alioquin allegatur lex. 4. §. 2. D. de penu leg. quæ tamen ad rem nihil facit: ibi enim tantum fit oppositio eorum, quæ paterfamilias ex fructibus suis vel mercator vendere solebat, & promercii causâ habebat, & quæ in penum sibi separabat. Et vera est Claperii doctrina, ut quis dicatur Mercator, duos contractus desiderari; ut ipse primum emat, dein lucri gratia ipse vendat: Quod di-

serte comprobatur lex. 8. 10. 13. neque sufficit, ut simpliciter vendat, ut loquitur lex 12. inf. Quare hæc sex leges deinceps ad illius quaestiones decisionem afferri poterunt: ac nominatim in Aquitania; in eo iure & vestigali quod vocant Equivalent: nam & ibi ad hanc collationem non tenentur, qui vernacula atque in suo nata distrahunt; quam in rem vide Ioan. Philippi de Arrestis de la Cour des Aides, Article treizieme. Nunc de hypothese huius leg.

Nominatim igitur id, quod dixi hac leg. constituitur de Senatorum Rusticanis & Colonis: quæ pars est prolixioris Constantianæ orationis ad Senat. de iuribus Senatoriis: Nempe quibus Senatores oneribus subiaceant, veluti Præture, de quod est lex 12. 13. sup. de Prætorib. (quæ tamen ipsa Curiali conditione liberat, l. 48. sup. de Decurion.) Item Protoſtaſiæ muneri l. 1. sup. de Protoſtaſia. Quibus contra, immunitatibus gaudeant: nempe Metati, l. 1. sup. de Metatib. a tributis pro Colonis profugis, l. 7. sup. de annona & tributis; a Synoneto, l. 1. sup. de publ. comparatione: a collatione ad opera publica, quæ Iudices æstimant in vrbi- bus edificanda, l. 7. de operibus publ. quæ octo leges omnes ex eadem Constantii Oratione ad Senat. desumptæ, huic nostræ coniungendæ seu coas- sandæ sunt, & quidem ita argumenti quoque paritate sociandæ veniunt. Ergo Senatorum quoque Rusticani & Coloni ἀυτοπόλων a lustrali collatione immunes sunt: si modo ea tantum, quæ in his possessionibus, & in eodem rure, in quibus commorantur, distrahant: non vero si negotiationis industria mereantur. Quod vtrique cum domini, Senatoris potentia freti, per hos facerent, vel facile facere possent in fraudem Fisci, a Constantio distinctio hæc adhibita.

IV. (a) Imp. IVLIANVS A. Secundo PF. P. (b) Post alia.

DECURIONES, (c) qui ut Christiani (d) declinant munia, (e) reuocentur. Et ab auri atque argenti præstatione, quod Negotiatoribus indicitur, Curia (f) immunes sint: Nisi forte. Decurionem aliquid mercari constiterit: ita ut Ordines (g) ciuitatum ex huiusmodi reliquis farcinarum (h) (ut iam diximus) amoveantur PP. (i) III. Id Mart. Constantinop. Mamertino & Neuita coss. [362.]

NOTÆ.

(a) Repetita hæc lex l. 50. sup. de Decurion. Sed altero capite ibi amplior. Et iungenda ei est lex 10. sup. de extraordinar. & lex 2. sup. de Protoſtaſia: l. 1. sup. de locat. fundor. Imo procul dubio & lex 1. sup. de agro Coronar. GOTHOF.

(b) Ita

- (b) Ita quoque dictis legibus : vna l. 2. de *Protestasia* excepta, vbi scriptum *Sallustio PP.* Verum idem semper est; Ammianus lib. 22. cap. 3. Breui deinde *Secundo Sallustio promoti Prefecto Prætoris.* ID.
- (c) Fugitiua est hæc prior sententia ab hoc titulo : quare eam explico ad l. 50. tit. de *Decurion.* supr. vbi ea repetita. ID.
- (d) Christiani pro Clericis, h. t. & l. 5. infr. vbi dicam, & aliis legibus. ID.
- (e) Curiarum, seu Curias. ID.
- (f) Ordines Ciuitatum. infr. - ID.
- (g) Curia, supr. ID.
- (h) Ex huiusmodi sarcinarum reliquis. De sarcina voce in re tributaria, v. Gloss. ID.
- (i) In aliis legibus Dat. ID.

COMMENTARIUS.

CURIA'S ipsas Ciuitatum a lustrali indictione immunes esse iubet hac leg. Iulianus : & l. 50. supr. de *Decurionib.* vbi hæc lex repetita extat : Idque etiam Honorius definit, l. 27. infr. hoc tit. Et Iulianus quidem id ita iubet ; nempe quod ea collatio sub Constantio Imp. Curiis indicta fuisset, sic vt reliquæ quædam eo nomine a Curiis deberentur. Quare & reliquorum indulgentiam, & huius indictionis immunitatem in posterum Curiis tribuit hac constitutione quæ prolixioris constitutionis ad *Secundum Sallustium PP.* datæ, pars est : Qua in vniuersum Iulianus, indicto Christiano nomini & Constantinianis (vel vt Antiocheni dicebant *χ. & χάρη*,) odio, vetera iura, abolitis Constantinianis, & Constantinianis restitutum iuit; ac nominatim circa Senatores, & civitates earumque Curias. Hinc adeo possessiones publicas ciuitatum (proculdubio agonotheticas iurisque Templorum, ludis in honorem Deorum, & ædificiis sacris fartis rectis destinatas) Ciuitatibus RESTITVI iubet, (l. 1. supr. de locat. fundorum. Hinc a Senatoriis domibus prototypas & exactiones piebeiz capitacionis SVBMOVET iubet, l. 2. supr. de *Protestasia.* Hinc Extraordinariorum munerum a Principe indictorum immunitatibus (proculdubio quæ Clericis tributæ) reuocatis, cunctos possessores ea implere pariter compelli iubet : l. 10. supr. de extraordinar. Hinc Aurum Coronarium Senatoribus vel aliis indici vetat, l. 1. supr. de auro coronario. Quæ leges omnes ex

eadem constitutione desumptæ, hæc nostræ coassandæ veniunt. Hinc denique *Decuriones*, vt Christianos, id est, Clericos munia Curialia declinantes, reuocari iubet hac leg. quæ repetita extat d. l. 50. de *Decurionib.* ad quam de eo dico prolixè, vbi in eam rem Libani locum insignem adduco, ex eius orat. in Iulianum 10. p. 296. 297. Edit. Morell. ex Iuliani ipsius ep. XI. ad Byzantios : & Sozomeni lib. 5. cap. 5. Ammiani lib. 21. c. 12. & lib. 25. c. 4. Philostorgii lib. 7. cap. 4. Hinc tandem Curiis, & in p. 8. indulgentiam Reliquorum, & immunitatem a lustrali indictione tribuit : quæ a Constantio proculdubio Curiis indicta fuerat : vt cateroquin Curiis graua onera indicta a Constantio, vtpote Paganis : contra a Iuliano subleuata, vt tales : de quo ad d. l. 50. de *Decurionib.* Proculdubio Constantius Curiis hanc collationem indixerat, quod in commune ferme Curia negotiationem exercerent ; & quidem frumenti : vt colligitur ex l. 8. D. ad municipal. & l. 5. D. de administr. rerum : & l. 3. D. ad leg. Iul. de annonæ. Sed temperamentum hoc Iulianus secutus, vt Curiis immunitatem daret, etsi negotiarentur, at non & Decurionibus, si ipsi negotiarentur hac leg. quæ repetita l. 50. supr. de *Decur.* Sicut e conuerso statutum a Valentiniano Sen. vt non ideo minus quis ad Curiam seu possessor prædiorum vocari possit, quod iam lustralem collationem vt negotiator soluat, leg. 72. supr. de *Decurion.*

V. (a) Impp. Valentinianus & VALENS AA. Secundo (b) PF. P.

NEGOTIATORES, si qui ad domum nostram pertinent, si modo mercandi videantur (c) exercere solertiam : Et Christianos, (d) quibus si verus est cultus, adiuuare pauperes & positos in necessitatibus volunt : (e) Potiorum (f) quoque homines vel potiores, si possis (g) tamen his mercandi cura est, ad necessitatem pensitationis (h) adhibeas ; (i) præsertim, cum Potiorum quisque, aut miscere se negotiationi non debeat, aut pensitationem debeat, quod (k) honestas postulat, primus agnoscere. Dat XV. (1) Kalend. Maii, Constantinop. Diuo Iouiano & Varronio coss. [364.]

NOTAE.

- (a) Hinc interpolata est, & in alium plane sensum detorta, (sic vt ad lustralem collationem referri nullo modo possit) lex 1. Cod. Iust. de Episcop. aud. Sud & l. 1. Cod. eod. de commerciis & mercatoribus, vt Cuiacius iam recte indicauit initio tituli de lustral. auri collat. Omisit hanc leg. Baronius, qua tamen augeri Annales Ecclesiastici possunt. GOTHOF.
- (b) Perperam d. l. 1. Cod. Iust. de Episcop. aud. vt & d. l. 1. Cod. eod. de Commerciis, inscriptum, ad Iulianum Comitem Orientis : Qui sane etiam Iulianus Comes Orientis iam anno superiore 362. sub Iuliano Imp. mortuus fuerat; Arcadiumque Rufinum in ea dignitate successorem habuerat, vt testatur Ammianus Marcellinus lib. 23. cap. 1. ID.
- (c) id est, exercent : similiter l. 2. sup. ID.
- (d) id est, Clericos, de quo mox. ID.

- (e) γγ. *Volunt*, ἐπαγγελία professio; vel *volunt*, id est, *voluntum*, scil. est. Neque quicquam præterea mutandum: *Maſ. nardi* excerpta tentabant, *ſi poſſunt volunt*: reductis huc vocibus illis, quæ mox alieno loco poſita illi videbantur, *ſi poſſit*. *ID.*
- (f) Neque hoc mutandum in *potentiorum*, & mox, *potentiores*, mox vt ostendam: etſi ita immutatum *Cod. Inſt. d. l. 1. de Commerciis. ID.*
- (g) An *potior*? alii tentant. *paucis. ID.*
- (h) *Lustralis. ID.*
- (i) *Adigas. ID.*
- (k) Mallem ad ſuperiora ita renocari hæc verba, cum *potiorum* quiſque aut *miſcere ſe negotiationi non debent*, quod *honeſtas poſtulat*, aut, &c. Sed tamen nil muto, nam & ita habet *d. l. 1. Cod. Inſt. de Commerciis. ID.*
- (l) Ita quoque *d. l. 1. Cod. Inſt. de Commerciis*. At in *l. 1. Cod. eod. de Episcop. aud.* perperam variat ita, *Dat. XV. Kal. Mart. Conſtantiſcop.* niox alius ibi Conſulatus adnotatus, *Valentiniano & Valente A.A. Coſſ.* id eſt, annus proxime ſequens; non vero, quod quidam noſant, quartus ab hoc. *ID.*

COMMENTARIUS.

TRIA hominum genera, qui ſibi luſtralis collationis IMMUNITATEM iure quodam ſuo vindicare volebant, nihilo ſecius, atque alios negotiatores ad eam præſtandam hæc conſtitutione ſua adigit Valens Imp. Anno D. 364. Ex qua quidem Tribonianus duas leges deformauit, puta *legem 1. Cod. Inſt. de Episcop. aud. & legem 1. Cod. eod. de commerciis & mercatorib.* Illius verba hæc ſunt: *Negotiatores, ſi qui ad domum noſtram pertinent, ne modum mercandi videantur excedere, Chriſtiani (quibus verus cultus eſt adituare pauperes & poſitos in neceſſitate) provideant (Episcop.)* Hæc vox abeſt a MSS. teſte Contio. Illius hæc: *Negotiatores, ſi qui ad domum noſtram pertinent, Potentiorum quoque homines neceſſitatem debitam penſionum, vt honeſtas poſtulat agnoſcere moneantur: vt per cunctos qui emolumenta negotiationibus capiunt, tolerabilis fiat agnoſcenda deuotionis effectus.* Et hæc inquam lex maniſeſtiſſime ex hac noſtra interpolata eſt: etſi in ſubſcriptione varietas ſit, eſſi materia diuerſa ſit. In quarum legum ſententia adſequenda multi multa fruſtra moluntur: In his Duaren. 1. *Annuerſar. 57.* Non iam reprehendo quod vtramque ita concinnauerit, vt noluerit eam ad luſtralem collationem referri, quæ vtiq; tum ſublata erat: ſed ita innatam *leg. 1. C. de Episc. aud.* vt alia omnia dicat, hoc ſcilicet Chriſtianos Episcopos curare debere, vt ne Negotiatores etiam ad domum Principis pertineres in mercando modum excedant. Hæc enim legis illius ex Triboniani mente ſententia eſt: quæ per ſe non adeo abluderet a ſæculo Valentis quoque; quo iam Episcoporum ſollicitudini multa in polictia commiſſa. Quod cum neſcirent quidam, ita opinati ſunt, id de Episcopis accipiendum, de quibus *l. vltim. §. 7. D. de munerib. & honor.* Alii aliter hanc leg. interpretati ſunt. Mirum itaque minus mihi videretur a Triboniano, eo quo dixi ſenſu interpolatam hanc legem, pro ea quam acceptat poſteſtate, ſi modò ſcirem eum priorem *huſce legis* partem intellexiſſe: quameum nunquam cepiſſe certus ſum: vtpote qui neque ſatis integram ſibi que conſtare putauit, neque intellexit, quid per *Chriſtianos* hic intelligendum eſſet: In quo & hodie exequuntur omnes: quo factum, vt ad *audientiam Episcopalem* & titulum de ea eam traxerit, & modum ſeu ſibulam negotiatorum lucris ea impoſuerit. Sed tamen hæc omnino Triboniani ea leg. ſententia eſt, quam ex *huius leg. noſtræ* ſenſu hodie explicari non patior, quali ea leg. id ipſum dicatur; quod *hac leg. noſtra.* Neque patior proſcribi Gloſſatores, qui recte ſecundum Triboniani ſenſum, imo verba apertiffima, eam interpretati ſunt. Et error eſt Leonclauui 1. *notat. ad Paratiſta*

Gr. p. 193. & pag. 1395 T. II. Biblioth. Iur. Can. Hen. Inſtell. qui Græcos legem illam ita accepſiſſe putat, vt hic accipitur. Verum equidem eſt, Græcos quam legem ſub *tit. de Episcopali aud.* in Indice libri primi vno verbo tradunt tractare, *περὶ τελῶν*, id eſt, de *veſtigialibus*, eam ita vertere, *εἰ καὶ τῶ ἱεῖω οἰκῶ διαφέρωσιν ἐν πραγμάτων τεταῖς, διδοῦσι τὰ πραγματευτικὰ τέλη*, etiamſi negotiatores ad diuinam domum pertinent, negotiatoria tributa præſtant. Verum non illam legem 1. de Episcopali audientia, ibi verterunt, ex qua nullum ſenſum eruere poterant, quomodo huius noſtræ ſenſum Tribonianus non cepit: verum eius loco, ſummam legis 1. Cod. Inſt. de commerciis, quam congruere videbant, quæ perſpicue *περὶ τελῶν* eſt, & de *πραγματευτικῶς τελος.* Neceſſitatem, inquit, lex illa, debitam *PENSIONVM* agnoſcere moneantur. Contra, quis quæſio verba illa, ne modum mercandi videantur excedere, quæ illa lege 1. Cod. Inſt. de Episcop. aud. extant, diuinare potuerit, imo detorquere ad tributa, quæ ipſi mercatores ſoluere debuerint? Sic vidimus Triboniani infelicitatem in priore *huius l.* ſententia non aſſequenda, & eiufdem impoſitiſſimam in *l. 1. Cod. Inſt. de Episcop. aud.* concinnanda, quæ Græcis illius legis loco, clarioris alterius ſubſtituendæ occaſionem dedere.

Nunc ad rem. Tria hominum genera, vti dixi, quæ iure quodam & priuilegio perſonali immunitatem ſibi luſtralis collationis vindicabant, eidem obnoxia reddit Valens: Ad domum Principis pertinentes, Chriſtianos, & Potiores: hi potentia freti: medi, cultus reuerentia; primi, Principis maieltate. Quæ omnia hac parte perperam obrendi negat, rationibus vbique additis. Prius perſpicue videndum nobis eſt, quænam illa tria hominum genera fuerint.

1. *Ad domum Principis pertinentes, hac l. & iterum, l. vlt. infr. hoc tit.* ſunt non tantum coloni rei priuatæ Principis, de quibus *l. 8. & 10. infr.* vel conductores domuum Principis; verum etiam Palatini, in miniſterio citiorie principis verſantes: quo ipſo ſenſu accipiendi & in *l. 2. de frum. Urb. Conſt.* vbi dicitur, *nulli ne diuina quidem domui noſtræ frumentum, de horreis publicis pro annona præberi oportere, ſed panem coctum*: id eſt, ne Palatinis quidem; nam & his annona ciuica data: *l. 7. infr. tit. de annonis ciuicis*; non vero quod ſciam, actoribus, colonis, conductoribus rei priuatæ.

2. *Chriſtiani hac leg.* non ſunt, qui Chriſtianam Religionem proſitentur, verum Clerici & Eccleſiaſtici cum voto: *Quibus, inquit lex, cultus eſt, &*

votum seu votivum quoddam peculiare: nam ita omnino hic scribendum; quibus, si verus est cultus, adiuuare pauperes & positos in necessitatibus votum, vel votivum, id est votivum, scilicet est. Ita Christiana legis votum, pro Clericatu, l. 16. *infr. de Episcop.* & Christiani quoque absolute, pariter ut hac leg. audiunt l. 2. *sup. de Possimino*, (unde de sumpta, lex 11. *Cod. Iust. de Episcopali aud.*) & l. 50. *sup. de Decurion.* & l. prox. *sup. tandem & Christianitas* pro Clericatu, l. 123. *sup. de Decurion.* l. 11. *infr. de Pistorib.* quo sensu etiam Galli Curiam Christianitatis dixerunt pro Curia Ecclesiastica. *Votivum*, id est, votis expetendum & expetitur, ut l. 1. *de feriis: l. ult. quemadmodum. mun. civ. l. 27. de Episc. l. 2. de expens. lud.*

3. Potiores hac leg. sunt, pariter ut l. 2. *sup. de publica comparat.* qui in Provinciis potiore auctoritate erant; qui utique possessores fuerunt, ut dicta lex 2. ostendit, *Potiorum tantum*, id est, possessorum domibus delegatis. Potiores potiori auctoritate, quomodo & Ammianus Marcellinus Gentilis Scriptor lib. 15. cap. 7. in fin. *Auctoritate potiores eterna Urbis Episcopus* dixit: quomodo habent constanter editi scriptique, etiam Cl. Faucherii propatru mei. Ergo, *Potiores*, quibus opponunt infimi, Plebei, &c. His addantur & altissimis dignitatibus decorati, l. ult. *infr. hoc tit.* Hos igitur omnes lustrali collationi subicere voluit Valentinianus siue Valens hac leg. rationibus additis, quæ ipsorum rationes & colores retunderent.

1. Nempe, ad domum quoque Principis pertinentes ei subiacere oportere, quod ea res non spectet Principis personam, verum mercandi solertiam, quæ a quocumque tandem exerceatur, negotiatorem constituit, & sic negotiationis sarcinæ obnoxium. Id quod etiam statuitur a Theodosio Iun. saltem circa domum fororum Principis, l. ult. *infr.*

2. Clericos quoque negotiantes hanc collationem defugere non debere aiunt Imp. (de quo semel plene dictum ad l. 1. *sup. hoc tit.* & ad l. 11. *infr.*) utpote cum neque sibi negotientur, verum pauperibus; quoniam si verus est eorum cultus, id est si veri sint Clerici, *votum* hoc eorum esse oportet, ut pauperes & in necessitatibus positos adiuvent. Hac inquam ratio est Imperatorum hac leg. cum tamen ex hac ratione contrarium eduxerit antea Constantius, leg. 10. *infr. de Episcopis*: nempe ideo Clericos negotiatorum dispendiis minime obligari oportere, cum certum sit, inquit, *quæstus quos ex tabernaculis atque ergasteriis colligunt, pauperibus profuturos*: & rursus idem ad Felicem Episcopum Romanum, l. 14. d. tit. *de Episcop.* Si quid enim vel parafimonia, vel prouisione, vel mercatura honestati tamen conscia concesserint, in usum pauperum atque egentium ministrari oportet, aut id, quod ex eorundem ergasteriis vel Tabernis conquiri poterit & colligi, collectum id Religionis assument lucrum. Quibus adde eandem rationem, quam ad Monachorum immunitatem fundandam affert Basilus, Ep. 304

fin. 284. *Edit. Benedictin.* ad quendam censitorem; τὰς πάλαι μὲν ἀποτάξαμεν τὸ βίον, νεκρόντας δὲ εαυτῶν τὸ σῶμα ὡς μήτε ἀπὸ χρημάτων, μήτε ἀπὸ τῆς σωματικῆς ὑπηρεσίας δύνασθαι τι παρέχειν τοῖς δημοσίοις χρήσιμον, ἀφίεναι τῶν συντελειῶν, καὶ γὰρ εἴτε εἰσι κατὰ τὸ ἐπαγγελμα ζῶντες, ἢτε χρήματα ἔρχονται, ἢτε σῶματα τὰ μὲν εἰς τὴν τῶν δεσμένων νομίαν ἀποκτησάμενοι, τὰ δὲ ἐν νεκροῖς καὶ προσευχῇς κατατρίψαντες: qui iam olim seculo nuntium miserunt, ac suum ipsorum corpus ita mortificaverunt, ut neque pecuniis, neque corporeo labore quidquam prodesse publicæ rei possint, tribus eximantur. Enimvero, si modo secundum professionem vivunt, neque pecuniis, neque corpora habent, cum illas nimirum in egenorum usus profuderint, hac vero incilando & precando contriverint. Qui locus huius leg. verbis apprimè convenit. Nempe eadem ratio ad diversa momentum facit, pro rerum statu: scilicet modicam adhuc negotiationem exercentibus Clericis, item Clericis, non quæ sua sunt quærentibus, sed votum suum reuera implentibus, ratio illa facere debuit, ut a lustrali collatione immunes essent: at versis iam rerum vicibus, ubi videlicet iam negotiationem ἐμπορικὴν sectarentur, atque in usus suos & privatos Clerici quæsitæ, vel absumerent vel recondere, ratio hac facere debuit, ut lustralem & ipsi collationem præstarent cæterorum more. Cæteroquin notum & illud Prosperi lib. 2. *de vita contemplat. cap. 9. pag. 64. Tom. VIII. Bibl. Patr. Ecclesiasticas opes egenorum esse patrimonia.* Porro ad hanc quoque lustralem, quæ a Clericis exigebatur, collationem pertinet meo iudicio epistola 197. Gregorii Nazianzeni.

3. Tandem & Potiores, Poriorumque homines lustrali collationi obnoxios esse oportere aiunt Imperatores, quia aut miscere se negotiationi omnino non debeant, aut si sese immisceant, honestas possit, ut ii primi agnoscant: scilicet & inde factum postea, ut Honorius l. 3. *Cod. Iust. de commercijs & mercatoribus*, prohibuerit nobiliores & honorum luce conspicuos & patrimonio ditiores perniciolum urbibus mercimonium exercere, ut inter Plebeios & negotiatorem facilius esset emendi vendendique commercium.

Illud monendum superest, hanc legem Valentiniano quoque tribui posse, non modo Valenti; quia cili Valens a fratre iam adsumptus erat, attâ P. 10. nomen nondum inter eos divinum hoc tempore imperium fuerat, verum arbitrio Valentiniani res gerebatur, ut scribit Ammianus Marcellinus lib. 26. cap. 5. init. Valentiniano Constantinopoli constituto, ubi hac lex data, pariter ut lex 3. *sup. de iis quæ administr.* Hinc igitur iam apparet, Pancirolum errasse II. Var. cap. 172. cum scriberet hanc leg. sic corruptam esse, ut vix aliquis sensus inde possit elici.

VI. Idem AA. ad Florentium (a) Com. S.L.

AVRUM mercatoribus atque argentum, quo erogatio (b) publica iubetur, (c) indiximus. Igitur exceptione immunitatis nullus utetur. Omnium enim regionum huiusmodi (d) homines, omnium dignitatum, hanc virilem iuvandæ Reipublicæ partem, sine aliqua privilegii venia, iussimus sustinere. Exceptio autem eos tantummodo in hac communi fere forte defendet, qui proprio iure (e) per se aut homines (f) suos, qui evidentissime cognoscuntur negotiantes, non tam mercatorum loco haberi debent, quam

solertium strenuorumque dominorum. Dat. VI. Id. Septembr. Diuo Iou. & Varroniano Coss. [364.]

N O T Æ.

- (a) Eidem Florentio Com. S. L. inferibitur Ann. 365. prox. l. 3. sup. de immunit. concessa: & Anno ab hinc altero 366. lex 11. sup. de susceptoribus. GOTHOFRED.
 (b) Intelligit vel maxime erogationem militarem: ita Libanius Orat. in Florentium p. 428. Edit. Morell. de hac lustrali collatione agens, τὸ πολὺν δαμένον χρημάτων, cum bellum pecuniis egent. IDEM.
 (c) IuBetur, pro iuuetur: Ita mox: hanc virilem iuuanda Reipubl. partem iussimus sustinere. Ita & l. 19. inf. de Paganis: & rem annuariam iuBent: vnde perperam fecere iubente. ID.
 (d) Mercatores. ID.
 (e) 99. Rure. ID.
 (f) Ita l. 3. sup. Homines vestri ac rustici: & l. 4. sup. Potiorum quoque homines: & l. 7. inf. Et si per homines suos id exercent: & l. 10. inf. de Episcopis, ab hominibus etiam eorum, qui mercimoniis student: & l. 14. eod. tit. Verum etiam ab hominibus eorundem, qui operam in mercimoniis habent. IDEM.

C O M M E N T A R I V S.

IMMUNITATES omnes a lustrali collatione quocumque loco, cuiuscumque dignitatis hominibus, τοῖς ἐν τέλει, qui & ipsi huic collationi subiacebant, ut testatur etiam Basilii epist. 243. fin. 88. Edit. Benedictin. concessas, reuocat hac leg. Valentinianus Senior, circa finem Anni 364. Solis Αὐτοπάλου, suis terris nata, per se vel per homines suos vendentibus, exceptis, & immunibus declaratis, (de quibus iam semel ad l. 3. dictum est:) ratione addita, quam & ibi illustrauimus & ad proxim. deduximus, quæque hic adhuc magis premenda, & ad praxim deducenda, nempe Negotiatorum si quæ onera sunt, mercatoribus, id est, merces ementibus vendentibus, imminere debent; non vero iis, qui tantum vendant suo rure nata, vernacula, ut elegantur vocantur, l. 13. inf. innocenti industria, l. 12. inf. hoc tit. solertium strenuorumque dominorum loco. Quo pertinent sex huius tituli leges: puta lex 3. sup. hæc

lex; lex 8. 10. 12. 13. inf. Hac ratione quoque priuatorum in vsum vecta a prætorio immunita sunt, l. 5. Cod. Iust. de vectigalib. vid. & l. 203. D. de V. S. Excipiuntur & l. 3. sup. de immunitate concessa, quæ eidem Florentio Com. S. L. inferibitur Anno prox. militares quidam & in Palatio degentes, quibus id singulari priuilegio tributum, de quo ad leg. 13. inf.

Ceterum & hac lex, ut & superior, respicit ad indictionem extraordinariam lustralem, iuuanda Reipublica & erogationi militari: quod his hac lex inculcat: Quo erogatio, inquit, publica iuuetur, IN D I X I M V S; & mox: hanc virilem iuuanda Reipubl. partem, iussimus sustinere. Nempe, quia hoc tempore velut per orbem vniuersum Romanum bellicum canentibus buccinis, excitæ gentes fœuissime limites sibi proximos persultabant, ut scribit Ammianus libr. 26. cap. 4. in fin.

VII. (a) Idem AA. (b) ad Probum PF. P. (c)

QVI in sudore (d) bellandi stipendiorum gradus (e) vsque ad Protectores (f) meruerunt, vnius vaginæ (g) pretium, (h) etiam si aliis mercimoniis studere videantur. (i) Si quid autem supra hunc modum in mercimonii commutatione (k) habeant, pro eo quod amplius potuerit inueniri, ad necessitatem Collationis arcentur. Omnes vero omnino, qui alterius (l) nomine (m) dignitatis, emeritæque militiæ honore (n) cumlati sunt, etsi per homines (o) suos id exercent, ad oblationis (p) obsequia adstringantur. PP. Karthagine, Kal. April. Valentiniano NB. P. & Victore Coss. [369.]

N O T Æ.

- (a) Eodem die Data Treteris lex 5. sup. de offic. Rector. prou. ad eundem Probum PP. item eodem die, Data Treteris lex 4. eod. tit. ad Viuentium PP. (Galliarum scil.) Concordat vero huic l. lex 14. inf. & lex 3. sup. de Testimoniali. GOTHOFRED.
 (b) Gratiani A. tertii, nomen huic l. adscribendum: v. Chronolog. IDEM.
 (c) Illyrici & Italiæ: in qua posteriore fuit quoque Africa Diæcesis: in cuius Diæceseos Metropoli, puta Karthagine, hæc lex Proposita dicitur. ID.
 (d) Sudor bellandi. Sudoris vox militiæ propria. Ammianus Marcellinus extremo lib. 15. leui sudore sub Imperium venere Rom. & aliis professionibus quæ militiæ proximæ. Capitolinus in Maximinis c. 2. in fin. sedecim lixas vno sudore deuicit. ID.
 (e) Decurso stipendiorum ordine d. l. 14. inf. forte, gradu. ID.
 (f) Vsque ad Protectoris honores. De Protectoribus, suo titulo, scil. 21. lib. 7. ID.
 (g) 99. Vagena, id est, Quinquagenæ: vel Vndena, id est, Quindena: illud malim. ID.
 (h) Locus est hic valde corruptus, quem ita restituere conor: vnius Quinquagenæ, vel, vnius Quindene expertes sint, etiam si tales, &c. ID.
 (i) Id est, studeant. ID.
 (k) Ita l. prox. 8. inf. qui merces emendo atque vendendo commutantes. ID.

- (l) Veluti ex-Tribunis, ex-Præpositis, ex-Domesticis: vid. *tit. de Testimon. 21. sup. lib. 7. ID.*
 (m) Vmbratili, honorario, emendicato. *ID.*
 (n) Vmbratili. *ID.*
 (o) Vid. quæ notauit ad leg. 6. *sup. b. t. ID.*
 (p) Lustralis. *ID.*

COMMENTARIUS.

VETERANIS negotiantibus immunitas a lustrali collatione quadam datur, & quidem Veteranis, quibus PROTECTORIA dignitas concessa est, hac Valentiniani Senioris constitutione Anno Domini 369. similiter vt Valentiniani Iunioris *l. 14. inf. Honorii l. 3. sup. de Testimoniali ex-Tribunis & Protectoribus.* Imo & Constantini M. *lege 3. sup. de Veteranis.* At non etiam iis, qui honorarios & imaginarios codicillos huius vel alterius dignitatis, citra emeritam reuera militiam, impetrarunt: quæ sententia est *huius leg. in fine*: vt cæteroquin qui huiusmodi epistolas seu Testimoniales ex Protectoribus, vel ex-Præpositis, vel ex-Tribunis reportarunt seu impetrarunt, non decursa militia, non habent ea priuilegia, quæ ii, qui ordine militiæ sub armorum labore decurso ad hos honores peruenerunt: *toto titulo, sup. de Testimoniali ex Tribunis & Protectoribus*; scilicet, Veteranis pro præmio emeritæ militiæ, Testimonialibus, dignitas vel Protectorum, vel Præpositorum, vel Tribunalium dabatur, vt præter *hanc leg. & l. 14. inf.* docet *lex 2. 3. sup. de diuers. officiis: lex 153. sup. de Decurionib. & titulus in id expressus de Testimoniali ex-Tribunis & Protectoribus*; sed & Symmachus *epistola 67. ad Riconerem lib. 3. & Paulinus epist. 39. Edit. Paris. sua, 25. Edit. Veronens. ad militem quendam Religiosum, in fin. quorum verba consignauit initio tituli illius.* Cuius dignitatis Protectoriæ (concessæ forte Veteranis) & varia alia priuilegia erant: puta, vt in criminibus fori ordinarii præscriptionem haberent, *l. 5. sup. de Veteranis*: vt a verberibus excusarentur, *l. 153. sup. de Decurionib.* vt a sordidis muneribus immunes essent, *d. l. 153. vt a Tyronum collatione, l. 18. sup. de Tyron. l. ult. sup. de Veteranis*: denique vt immunitate gauderent a muneribus personalibus aut ciuilibus, *l. 2. Cod. Inst. de excus. mun.* quæ Diocletiani est; similiter igitur & his lustralis collationis immunitas quadam tributa. Non tamen simpliciter, verum intra præstitutam aliquam summam & modum, & vt loquitur Honorius *d. l. 3. sup. de testimon. a pensionis aurariæ instituta (præstituta) summa.* Quæ quidem a Constantino M. statuitur centum follium, *l. 3. sup. de Veteranis*: a Valentiniano Iun. quindecim solidorum, *l. 14. inf. hoc tit.* puta vt intra eum modum negotiationis a lustrali collatione immunes essent: ultra eum modum, non item. Sed & *hac leg. a Valentiniano Sen. modus aliquis statuitur, quem Veterani illi immunem haberent a lustrali collatione: quomodo & modus aliquis Clericis immunis statuitur, l. ii. inf. & Veteranis l. 14. inf.* Verum quoniam ille modus sit, qui *hac leg.* designatus fuerat, hodie non apparet; Vnius Vagina, inquit, pretium, etiam si alius mercimonis studere videatur. Si quid autem supra hunc modum, &c. Igitur verbis illis: Vnius Vagina pretium, necesse est modus statutus fuerit, vt sequentia illa mox offendunt.

At quid hic faciat Vagina? Etsi scio in re nummaria Siliquæ nomen usurpari, quæ alias thecam siue vaginulam, qua fructus continetur, significat, recte Seruio *Georg. I. v. 74.* Sed quid hoc ad rem

præsentem, cum siliqua fuerit tantum vicesima quarta pars solidi? Igitur mihi mens ea, hic reponendum Vagina; & mox totum locum ita emendo: Vnius Vagina expertes sint, etiam si tales mercimonis studere videantur; vel vnius Vagina expertium etiam sint: si &c. Expertium sint, id est, expertium numero. Vagina porto pro Quinquagena. Nempe inter numerorum notas V. pro quinque: igitur compendiosè Vagina, pro Quinquagena; scilicet vnius Quinquagesimæ immunitas hic indicari videtur: pro qua neque portoriam neque lustralem collationem Veterani Protectores soluere debuerint. Certe Quinquagesimam negotiatores perdere soliti, & aliquando Quadragesimam, portorii nomine. Testis Symmachus *lib. 5. epist. 62.* Quæ flores, inquit, ordinis nostri nunquam ferarum suarum portorium contulerunt. Nunc a fratre meo Cynegio V. C. Quæstorio Candidato QVINQVAGESIMÆ vestigial exigitur, quod solos vrsorum Negotiatores, vtpote quæstui seruientes, oportet agnoscere. Et *epist. 65. QVADRAGESIMÆ portorium (siue vestigial) non recte possit a Senatoribus Candidatis.* Hoc tibi etiam pro Cynegio V. C. dudum missi, lueris indicavi. Vbi alterutro loco necesse est menda irrepperit, cum de eadem re agatur, non de diuerso portorio: & quidem posteriore irrepperisse puto: nam etsi Quadragesimæ vestigial quoque iam olim fuerit, vt docet Sueton. *Vespasiano cap. 1. & Caligula, cap. 40. Tacitus, lib. 13. Annal. in rebus Neronis cap. 51. & Quintilianus declamat. 359.* attamen & Quinquagesima quoque iam olim fuit. Idem Tacitus eodem loco *lib. 13. cap. 51. Monet abolitio Quadragesimæ Quinquagesimæque, & quæ alia exactionibus illicitis nomina publicani inuenerunt.* Dio *lib. 55. ad an. V. C. 760. de Augusto: τὸ δὲ ἐλθὼν τῆς πεντηκοστῆς ἐπὶ τῇ τῶν ἀνδραπήδων πρὸς αὐτὸν ἐσθγάγε, tributum instituit, quod de pretio mancipiorum quinquagesimam partem exegit.* Error igitur natus ex nota numeri. Cuiusmodi errores ex numerorum notis natos notauit Scaliger in *postumo de re nummaria, p. 39. & in epistola Paschali Ambrosii 83. & apud Celsum lib. 5. cap. 17.* Ex eodem errore, solidus σαγίων dictus, qui ἐξάγίων dici debuit, quia solidus sexta pars vnciæ erat, de quo ad *l. i. sup. de ponderatoribus*: nato errore ex nota 5. pro 6. Anonymus *de ponder. & mens. δισάγίων, δραχμίων ἢ τοὶ σαγίων ἐν ἡμῖν*: occurrit illic lapsus. Igitur, si emendatio nostra recte habet, tum Valentinianus Sen. *hac l.* Veteranis istis intra Quinquaginta folles negotiantibus immunitatem dedit, ac proinde dimidiam eius tantum, quam Constantinus tribuerat, centum videlicet follium; *l. 3. sup. de Veteranis.* Et ita quidem mihi videtur: etsi forte erit qui arg. *legis 14. inf. hoc tit.* reponere mallet Vndena, id est, Quindena: vt ita quindecim solidorum pariter vt *d. l. 14.* immunitas *hac leg. Veteranis his tribui videatur.* Verum prior emendatio, quæ etiam ad communem sectionem magis accedit, magis quoque mihi probatur.

P. 12. VIII. (a) Imppp. VALENTINIANVS, Valens & Gratianus AAA.
ad Claudium (b) Proc. Afric.

HI tantum ad auri argentique detineantur (c) oblationem, (d) qui merces emendo atque vendendo commutantes, (e) qui (f) in exercitio Tabernarum vsuque versantur: Non etiam Coloni rei nostræ, qui ea distrahunt, quæ in dominicis (g) possessionibus annus tulerit. Dat. VI. Kal. Maii, Triueris, Valentiniano & Valente III. AA. Coss. [370.]

N O T Æ.

- (a) Concordat huic *l. lex 13. inf. GOTHOFRED.*
(b) *Claudius* Proconsul Africae sub Valentiniano Sen. Cui præterea inscribitur *lex 18. inf. de Episcopis, lex 12. inf. de Pistoribus, lex 6. sup. de Legatis. Et lex 2. Cod. Iust. de priuil. dom. Aug.* (vti edidit Cuiacius) quæ huic forte scienda est: vbi tamen dignitatis titulus abest. *IDEM.*
(c) *Detineantur*, pro simplici, *teneantur. ID.*
(d) Eadem oblationis vox occurrit *l. 7. sup. ID.*
(e) Ita & *l. 7. sup. in mercimonii commutatione habeant. ID.*
(f) Vel tollenda hic vox *qui*: vel ita legendum, *commutant & qui, &c. ID.* Ita sensus quidem redditur legi, non vero secundum ipsius verba; quod fieri potest, legendo mecum, *qui merces emendo atque vendendo, commutantesque in exercitio tabernarum vsuque versantur.* Iamque enim evitatur impropria illa locutio *commutare emendo atque vendendo*, quam Gothofredi lectio ingerebat. *BEST Rat. emend. leg. p. 291.*
(g) *Dominicis*, id est, Principis. *GOTHOFRED.*

C O M M E N T A R I V S.

COLONI rei priuatæ Principis *αὐτοπῶλας*, id est, vendentes nata in possessionibus Principis quas incolunt, seu *vernacula* (vt loquitur *lex 13.*) *hac leg. & rursum l. 10. infr. hoc tit.* a Valentiniano immunes a lustrali collatione declarantur: Pariter, vt Senatorum Coloni *leg. 3. sup.* pariter vt priuati qui ipsi fundis suis nata vendunt, *l. 6. 12. 13.* Denique hi solum lustrali collationi subiacent, qui merces emendo atque vendendo commutant: & vt quis mercator dicatur, duo contractus desiderantur, vt ipse primum *emat*, dein ipse *vendat*: quod *hac lex* apertissime indicat: & *lex 10. inf. in fin. de quo iam ad l. 3. sup. & qui in exercitio Tabernarum vsuque versantur. Tabernarum*, scil. negotiatoriarum: vbi merces erant venumque exponebantur: quarum multa mentio in iure. A quibus, vt omitam alias regiones, veluti prope Romam, Galliam, etiam in Africa (quo pertinet *hac lex*) loca designari cœpere: Cuiusmodi hæc in *Tabula Peutingeriana pag. 746. 747. 750. 751. 754. 755. Oper. Marci Pelleri*, obseruo: *Au Taberna, Priscu Taberna, Turris & Taberna: Flacci Taberna: ad*

Cypsaria Taberna, Rufini Taberna. Et in *Itinera-rio Antonini, Tabernis p. 240. Edit. Wesseling.* *Colonis* igitur rei priuatæ *hac leg.* consulit Valentinianus: quibus & alia ratione consulit *l. 2. Cod. Iust. de priuil. domus Augustæ*, quæ eidem Claudio in *Edit. Cuiacian.* inscribitur, & forte huic iungenda est: cuius dignitas, etsi in *Inscriptione* non exprimitur; ex parte tamen, ipso legis contextu, satis indicatur: & dum *speciabilis sinceritatis* titulo compellatur, & ipsa subiectæ materiæ ratione, vbi agitur de *frumenti* collatione. *Colonis* inquam rei priuatæ *ea l. 2.* consulit Valentinianus Sen. dum locis solitis proprias functiones seu frumenta in iisdem locis vbi remanent, præberi ab his iubet; non etiam eo vsque portare, quo graue atque damnosum est prouehere: etsi alias quoad Canonicas functiones, eos eadem conditione quæ cunctos haberi voluit, *lenandorum Prouincialium causa.* Quæ *lex* in summam alioquin eodem pertinet, quo *lex 22. sup. de annon. & tribut.* nempe ne translatio annonarum plus dispendii habeat, quam ipsa collatio.

IX. (a) Idem AAA. ad Leontium (b) Conf. Fœnicis.

OMNES iam nunc (c) studio negotiationis intenti, seu Conchylioleguli, (d) seu ex aliquolibet (e) corpore mercatores, ad pensitationem auri, quod negotiatoribus indicitur, compellantur: *Beneficium* (f) enim *quibusdam datum* (g) *plebis iniuria est.* PP. Byrito, (h) prid. Kal. Iul. Modesto & Arintheo Coss. [372.]

N O T Æ.

- (a) Abest *hac lex* a *Cod. Iustin.* *GOTHOFRED.*
(b) *Leontius Fœnicis* Confularis sub Valente Imp. Ad eum extant varæ Libanii *epistolæ*: inter alias *epist. 966.* quæ incipit *χαλιν ἔχω*: vbi de Sidoniis: & de quodam nominatum *Sidonio* agit: Huiusque Leontii tangit administrationem *ἐγγύς*, laudesque eius & egregiam administrationem prædicat. *IDEM.*
(c) *Iam nunc*, id est, ex die præsentis continuo, deinceps, indubitate *hac leg. & l. 1. sup. de offic. Reclor. Prouinc. l. 2. sup. de Palat. S. L. l. 17. sup. de Tyrannis: l. 2. sup. de Veteranis: l. 31. sup. de annona: l. ult. sup. de collat. donat. ID.*
(d) De his suo titulo *sup. lib. 10. de Mutilis*: vbi *l. 5. Conchylioleguli* dicuntur, in *l. 17.* pariter *Conchylioleguli. ID.*
(e) *Id est, alio quocumque. ID.*
(f) *Beneficia*, id est, immunitates, *l. 1. & l. 26. sup. de annona: l. 18. sup. de extraprdin. & alibi. Vid. Gloss. ID.*
(g) De hac odiosa vestigalium immunitate quibusdam data, v. *Forner. 1. select. 20. pag. 30. Tom. II. Thes. iur. & nos multa sup. tit. de immunit. conc. aliisque locis. ID.*
(h) Hanc subscriptionem mox perpendo, & cum *Inscriptione* compono. *ID.*

P. 13. **C**VIVSCVMQVE Mercis Negotiatores lustrali collationi subiicere iubet *hac leg.* Valens Imp. Ann. D. 372. Atque ideo beneficia, id est, immunitates quibusdam negotiationibus, vel quibusdam Corporibus datas, *hac leg.* reuocat, sic vt *omnes* deinceps negotiatores huic collationi obnoxios esse velic. Ac nominatim quoque Conchyliolegulos, qui scil. conchyliorum negotiationi intenti erant: de quibus *suo titulo, lib. 10. de Murilegulis.* Quod accipiendum non est de illis Conchyliolegulis, seu familiis Conchylegulorum, vel Conchyliolegulorum, qui huic conditioni adstricti, in Principis usu erant: de quibus proprie *eo titulo*: verum de liberis negotiatoribus, & mercatoribus. Hi scilicet immunitatem a lustrali collatione aliquando impetrasse videntur singulari quadam istius mercis prerogatiua, tanquam eximie cuiusdam mercis non Plebeiorum negotiatores, quomodo *Librariam, & Vitrariam* mercem hodie immunem videmus: quam immunitatem reuocat *hac leg.* Valens Imp. Ratione ea addita, quæ satis peripicua, quamque alibi iam sæpe expendi. Et hæc quidem ita Valens *hac leg.* emissa ad *Leontium Consularem Fœnices*, de auro lustrali: qui ipse aliquin Leontius egregius

auro spector fuit, & ob egregiam administrationem summopere laudatur in *Libanii Epistola ad tunc 966. Edit. Wolfii, quæ est in MS. Regio 939.*

Illud summopere notandum, pertinere *hanc leg.* ad Fœnicem: vbi hæc metx, & baphia purpuraria, vt late ostendo ad eum *tit. de Murilegulis.* Quare & *hac leg.* Leontio Consulari Fœnices inscribitur, simul & Proposita *Byrrio* dicitur, quæ vrbs Byritus, etsi hac tempestate Phœnices Metropolis non erat (erat enim *Tyrus* Metropolis) attamen frequentissima mercatoribus, atque omni hominum genere erat. Quare etsi Constitutiones Principum ad Fœnicem pertinentes, vel ad Consulares Phœnices directæ, Tyrum mitterentur, atque ibi acciperentur, vt docet *lex n. supr. de Tyronib.* attamen Beryti quoque ferme eæ velut in legum matrice proponebantur, vt docet *eadem lex n. & hac lex, & lex 2. supr. de agentib. in reb. l. 41. supr. de cursu publ.* aliæque complures, quas ad *eam leg. 11. cumulaui.* Sane ibidem (Beryti inquam) propositæ hoc ipso Anno, *lex 1. infr. de Naufrag. & Anno proxima, lex 63. supr. de Decurionib.*

x. (a) Imppp. VALENTINIANVS, Gratianus(b) & Valens AAA. ad Italicum Vic. Italiæ. (c)

COLONOS rei priuatæ, vel cæteros Rusticanos, (d) pro speciebus (e) quæ in eorum agris gigni solent, inquietari non oportet. Eos etiam qui manu victum rimantur aut tolerant, (figulos videlicet, aut fabros) alienos esse a præstationis molestia discernimus: (f) Vt hi tantum, qui pro mercimonio, & substantiæ (g) mercede, (h) ex Rusticana plebe inter negotiatores sunt, sortem (i) negotiationis agnoscant, quos in exercendis (k) agris ingenium (l) iampridem studium non retinet, sed mercandis distrahendisque rebus institutum vitæ & voluntatis implicuit. Dat. Non. Febr. Med. Gratiano III. & Equitio V. C. COSS. [374.]

NOTÆ.

- (a) Concordat huic legi *lex 8. supr. & l. 3. 6. 12. 13. GOTHOF.*
- (b) Inuerfa hic Imperatorum nomina. Scribendum *Valentinianus, Valens, & Gratianus. ID.*
- (c) Italia quoque lustrali collationi obnoxia fuit. *ID.*
- (d) Ita quoque *l. 3. supr. ID.*
- (e) De specierum appellatione hac v. *Gloss. ID.*
- (f) *vg. decernimus*: etsi aliqua interpretatione illud sustinere quis possit. *ID.*
- (g) Id est, facultatum. *ID.*
- (h) Incremento: *Merces* pro incremento. *ID.*
- (i) *Sors communis, l. 6. supr.* id est, onus. *ID.*
- (k) de hac *Exercendi* voce hic propria, v. *Gloss. ID.*
- (l) *vg. ingenium* uel *ingenium*, id est, naturale, genuinum. Illud malo. *ID.*

COMMENTARIUS.

RUSTICANOS & Colonos siue rei priuatæ Principis (de quibus fuit quoque *lex 8. supr.*) siue alios (de quibus fuit *lex 3. 6. erunt lex 12. 13. infr.*) αὐτοπάλας, itemque MANV victum rimantes, veluti figulos, fabros, immunes esse a lustrali collatione definit Valentinianus Sen. *hac leg.* Ann. D. 374. quibus addantur & Pictores *l. ult. de excus. artific.* Exceptis tamen Rusticanis, qui inter eos negotiatores sunt, *vita ingenuo*, quique non

sunt αὐτοπάλας, sed ἀλλοτριопάλας: denique qui negotiationem exercent, pro mercimonio, & substantiæ mercede, id est, pro augendis facultatibus suis: vt *familiaris rei amplitudo cumuletur*, vt loquitur *lex 13. infr.* non iam vt rustici ingenio studio agrorum exercendorum, verum instituto vitæ & voluntate. Quod exceptionem illam attinet, qua si qui manu victum rimantur, veluti figuli, fabri, a lustrali collatione excipiuntur, notandum ali-

aliquando tamen per iniuriam ad eam illos vocatos, redificare est non tantum ex hac l. qua id iam prohibetur, verum etiam ex Libanii *Orat. in Florentium*, p. 427. 428. Edit. Morell. τὲτο δὲ εἰς τὴν ἀφορμὴν τοῦ ἀργυροῦ, καὶ χρυσοῦς πρίν- τινος προστάσας ποῶν τὰς δεινὰς πεντετηρίδας. ὄνομα μὲν γὰρ εὐκρεπὲς ἀπο τῶν ἐμπόρων τῷ πόρῳ τῆτο. τῇ θαλάττῃ δὲ ἐκείνων εἰς διάδοσιν χρωμένων, οἷς μόλις ἄξιμ. προσφέρει- σιν αἱ χεῖρες, ἀπώλλυνται διαφεύγει δὲ αὐτὴ

νευροῖς, &c. Id autem est tributum intolerabile, argentum & aurum, (Chryſargyrum) quod exhorrefcere efficit acedentia dira quinquennalia. Sed enim nomen ſpecioſum & decorum a mercatoribus huic quaſtus: aqore autem illis ad diſtributionem pientibus, hi, quibus manus agre panem ſuppeditant, funditus pereunt. Nec immunis ab hoc malo ſutor. Denique in hoc Negotiatores, ſeu Mercatores & Artiſces diſtabant: qui & alias differunt: de quo poſt alios v. Claperium deciſ. fiſcalium cauſa 35. q. 6.

**F. 106. XI, (a) Imppp. GRATIANVS, VALENTINIANVS & Theod.
AAA. ad Hesperium PF. P. (b)**

ET si omnes mercatores spectat lustralis auri depensio, Clerici tamen intra Illyricum & Italiam, in denis solidis : intra Gallias, in quinque denis solidis immunem usum conuersationis (c) exercent. Quidquid autem supra hunc modum negotiationis versabitur, id oportet ad functionem aurariam deuocari. Dat. III. Non. Jul. Aquileie, Auxonio & Olybrio coss. [379.]

NOTÆ.

- (b) Parum abest quin *huic legi* iungenda videatur *lex 2. sup. de desertoribus*. Offendit *hanc legem* Baronius in *Annalibus Ecclesiasticis* *b. a.* quo tamen ea referri potest. GOTHOF.
- (b) Illyrici, Italiae & Galliarum, de quo mox. ID.
- (c) *Conversatio*, pro *negotiatione*, *bac l. & l. 2. sup. si quis pecun. conf.* *l. 1. sup. de Conlat. exis.* *l. 72. supr. de Decurionib.* *l. 2. 3. infr. de Suariis* : *l. 48. infr. de haereticis* : vide *Gloss.* hinc & mox : *quidquid negotiationis versabitur*. ID.

COMMENTARIVS.

CLERICI hæcenus a Constantio immunitas a lustrali collatione haud adeo distincte & limite data fuerat, verum indeterminate: vel enim ab eo data fuerat alimonie tantum causa negotiationem exercentibus, *l. 8. infr. de Episcopis*: si exiguis admodum mercimoniis victum sibi & vestitum conquirent *l. 15. d. tit. de Episcop.* vel etiam indistincte data fuerat, *l. 10. & 14. eod. tit. de Episcopis.* hoc præsupposito quod quæstum negotiationis omnem in pauperes erogaturi essent. Valens contra, & contraria illatione, Clericos omnes negotiantes lustrali collationi obnoxios fecit, *l. 5. sup.* At enim Gratianus (cuius potiores partes) & Valentinianus, fratres, hæc constitutione certum solidorum numerum statuunt, intra quem Clerici negotiantes immunes essent a lustrali collatione: nempe in Illyrico (Occidentali scilicet: nam Orientali potiebat Theodosius M.) & Italia intra decem solidos, in Galliis intra quindecim.

Quas quidem tum iuris mutationes, tum & proportiones ad Historiæ Ecclesiasticæ cognitionem multum facere puto : Nempe quandiu, & vbi Clerici nondum, vel non adeo diuitiis abundauere, ac maxime cum diuites ad Clericatum non adsumerentur; dequo vide *l. 3. §. 17. inf. de Episcopis*: negotiationem quandam alimonix causa exercentibus ipsis, & vt visum sibi vestitumque conquirerent, ea immunitas data. Item aliquando data indistincte, vt ipsi pauperes iuuare possent, quod vtique peculiare votum Clericorum erat, vt docuit *lex 5.* Iterum adempta indistincte, vbi iam satis diuitiarum in ecclesiam & Clericos congestum videbatur, apparebatque non pauperibus eos, verum suis commodis studere. Tandem data distincte *hac leg.* & determinate : quia visum aliquid his deesse : & qui-

dem varie; nempe vbi ditiores Clerici erant, veluti in Italia & Illyrico, intra minorem summam: vbi non adeo ditites, veluti in Gallis, intra dimidio maiorem. Hæc enim, neque alia proportionis istius ratio reddi potest. Et sane, quis non credat Italiæ Clericos aliis ditiores fuisse, & maiores in hos diuitias collatas: prout etiam Italiæ Episcopi alios diuitiis tum superauere. Quo in summam spectat quæ *lex 20. inf. de Episcopis: & Ammi-
ni Marcellini locus l. 27. cap. 3.* Quæ in hanc tem-
pestatem incidunt: *Iungatur & lex 22. eod. tit.* Porro singularis est admodum hæc *lex*, quæ data est ad vnum *Hesperium Præfectum Prætorio*: vt pote cum de Illyrico, Italia, & Gallis, ea simul agatur. Nempe hoc tempore idem Illyrico, Italia, & Gallis Præfectus Prætorio fuit. Quare Aufonius in propem-
tico *v. 92. Præfecturam suam duplicem commemorat*: Et de se ita quoque idem Aufonius *ad Syagrium, v. 36. & in Epicedio, v. 42. Præfectus Gallis & Libyæ & Latio*. Eadem igitur ratione, & Hesperius, filius Aufonii, cui hæc *lex*, aliæque plures inscribuntur, Præfectus Prætorio Illyrici, Italiæ & Galliarum fuit: sic quidem, vt indiuisam vterque simul administraret Præfectu-
ram. Quod testatur Aufonius in *Gratiano actione* duobus locis: vbi inter cætera pietatis Gratiani ar-
gumenta commemorat *c. 2. ad Præfecturæ collegium fili-
us (Hesperius) cum patre (scil. Aufonio) coniunctus, ad consulatum præceptor euectus* (ita scribendum, non electus.) Et paulo post *c. 4. dignitates in se collatas a Gratiano commemorans: Tui tantum* (inquit) *Præ-
fectura beneficii: Quæ & ipsa non vult vice simplici
præculari, liberalius diuisa, quam iuncta: cum teneamus
duo integrum, neuter desiderat separatim.* Hæc porro Diocesces et si in imperium adscito Valentini-
ano Iun, ab vno tamen ferme Gratiano regebantur:
vt do-

ut docet *lex 9. sup. de metallis*, Gallia pecuarius Gratiano cesserant in Pannonia: Illyricum & Italia Valentiniano lun. ut testatur Zosimus *lib. 4. c. 19.* Roma vero cum Africa, in commune tenebantur: Quod posterius ostendunt Gratiani constitutiones hoc ipso Anno 379. *l. 26. sup. quorum appellat. lex 1. sup. de Princip. Agent. in rebus*: & Anno 380. *l. 3. de naufragiis: lex 9. de privileg. eorum qui in S. P. militant*: *lex 16. 17. de pistoribus: lex 6. inf. de Scenicis*: & Anno 381. *lex 2. sup. unde vi*: & Valentiniani lun. Anno 380. *l. lex 4. & 5. inf. de Scenicis*: & anno 381. complures. Et si Zosimus etiam Africam Valentiniano Iuniori celsisse dicat. Alia tandem ratio est *legis 28. sup. de cursu publico*: quae Valentinianum & Valentem in scriptos habet, sed vni Valentiniano tribuenda est, ubi sane & Galliarum & Illyrici & Italiae mentio fit, vtpote quae

omnes Valentiniano parere, teste Zosimo *lib. 4. cap. 3.* Et hoc itaque iam sensu in *l. 9. sup. de metallis*, quae data est Anno superiore 378. ad Vindicianum Vicarium, subicitur ut ad illustres Viros Praefectos Galliarum & Italiae litteras dare. Quae cum ita sint, error est Scaligeri, cum Ausonii locum de Duplici Praefectura aliter accipit. Cuius etiam hic solemnis alter eiusdem error ab aliis iam denotatus est, circa titulum secundum Praefecturarum: de quo Ausonius in *Mosella v. 407.* Quod utique non de gemina Praefectura accipiendum, verum de Vicarii dignitate. Est & tertius eiusdem, cum Antonium PP. cum Ausonio perperam commiscet. Sed neque assentiri possum Valesio nostro, qui in *Marcellinum, lib. 28. in fin.* putabat duos Praefectos Praetorio Galliarum hoc tempore fuisse.

F 15.

XII. (a) Idem (b) AAA. ad Atticum PF. P. (c)

Nemo Negotiator muneribus (d) publicis eximatur, exceptis his dumtaxat qui innocenti industria fructus domesticos (e) suis possessionibus innatos simpliciter (f) vendunt: Officiis, (g) & Exactoribus, (h) pro his Negotiatoribus attinendis, quos excusatos subtractosue esse constiterit, in duplam quantitatem eius summae, quam illi inferre debuerant. Dat. III. Id. Mart. Med. Richomere & Clearcho Coss. [384.]

NOTÆ.

(a) Abest *hec lex* a *Cod. Iust.* GOTHOFRED.

(b) Imo Valentinianus, Theodosius & Arcadius. Iam enim Gratianus Anno superiore VIII. Kal. Septembr. Lugduni occisus fuerat. Vid. *Chronicon. Theodos.* ID.

(c) Atticus hic videtur, qui cum Cæsario postea Consul fuit A.D. 397. Ad eundem extant Symmachi *epistole quinque, lib. 7.* puta 30. 31. 32. 33. 34. ID.

(d) Lustrali collatione. Munus publicum, *haec leg. & l. 14. inf. vbi dicam.* ID.

(e) Vernacula, *l. 13. prox.* ID.

(f) Opponitur hoc ad distinctionem eorum, qui emunt, mox vendunt: *v. l. 8. 10. sup. & l. 13. inf.* ID.

(g) Iudicium. ID.

(h) Nota, Exactores lustralis collationis. ID.

COMMENTARIUS.

EXCUSARI, DEFENDI a lustrali collatione quemquam (exceptis *αὐτοπώλους* de quibus iam saepe *supra l. 3. 6. 8. 10. & l. 13. prox.*) vetat hac constitutione Valentinianus lun. Excusari inquam a Iudicio Officiis, & Exactoribus eorum conniventia poena Dupli his proposita:

sicut etiam excusati seu defendi vetantur Potentiorum patrocinio, a Theodosio *M. l. 15. inf.* verum simplificantum poena ibi proposita. Maius scilicet crimen est eius, cuius officium res tangit, si aduersus id admittat.

XIII. Idem AAA. Haue-Postumiane (a) Kar. NB.

SINGULI (b) quique, si per eos vernacula (c) quaeque vendantur, functione auraria non teneantur: si vero emendi vendendive compendiis vltro citroque quaesitis familiaris rei amplitudo (d) cumuletur (etsi Militares (e) sint) memoratae praestationi neantur. Dat. VI. (f) Id Nouemb. Richomere & Clearcho Coss. [384.]

INTERPRETATIO. Si quicunque rem quae ei (g) nata est, (h) aut quam non emit vendat, (i) ad solutionem aurariam (k) minime teneatur. Si vero emendi vendendique studio probabitur huc illucque discurrere, (l) etiam si militans est, ad solutionem teneatur aurariam.

NOTÆ.

- (a) *Postumiano* huic in Præfectura Prætoriana Orientis iam successerat hoc tempore Cynegius: v. *Chronolog.* Qua igitur ratione hæc lex ei nunc inscribitur? *GOTHOF.*
- (b) *Singuli quique.* vid. *Gloss.* *ID.*
- (c) *Rem quæ ei nata est, quamque non emit:* Anianus. Fructus domesticos, l. 12. *sup.* Columella lib. 3. cap. 8. in fin. *Fructus indigena peculiarisque & vernaculus soli.* Vid. plura in *Gloss.* τὰ ἐντογενῆ. *ID.*
- (d) Substantiæ merces l. 10. *sup.* *ID.*
- (e) Vid. & l. 2. & 7. *sup.* & l. 14. *inf.* *ID.*
- (f) Ita editi omnes. Tiliæ, aliæ, Parisien. vltima, & MS. *GOTH.* habent *VII.* *ID.*
- (g) *Fornerius I. select.* 20. pag. 31. *Tom. II. Thef. Juris* hic nuzum putabat, & reponerat domi nata: vt ita respondeant hæc voci *vernacula*, quæ in textu est. Sed nil muto. *Mibi nascitur*, quod domi meæ nascitur. *ID.*
- (h) Additum hic glossema in Edition. quartan. *vt proprios fructus, aut pecudes aut mancipia.* *RITTER*
- (i) Sequentia in Edit. quart. ita immutata: *nihil telonei reddere debet fisco.* *ID.*
- (k) *Auraria* MS. G. hic & in fine. Ita & in Nouellis occurrit. *ID.*
- (l) *Discurriffi*, MS. G. *ID.*

COMMENTARIUS.

IMMUNITES a lustrali collatione eos solos esse definit Theodosius M. qui αἰτωπῶλοι sunt, qui, vt eleganter hic dicitur, vernacula, ἐντογενῆ, domique sibi nata, vendunt: de quo iam dictum quinque aliis legibus: scil. l. 3. 6. 8. 10. 12. *sup.* Non alios: imo ne *Militares* quidem. *Militarium* vox accipi possit, Primum, pro his, qui militia perfuncti, Veteranis denique: quod si ita est, tum Theodosio M. alia mens fuerit quam Constantino M. l. 3. *sup.* de *Veteranis*: quam Valentiniano Seniore, l. 7. *sup.* quam Valentiniano Iuniori, l. 14. *inf.* quam Honorio, l. 3. *sup.* de *Testimoniali ex Tribunis & Protectoribus*. Possit & accipi de Militantibus, vt Anianus accepit: quo sensu *militares*, pro militibus accipiuntur, l. 7. *ii. inf.* de *annon. ciuic.* l. 20. 21. *sup.* de *erogat. mil. ann.* l. 18. 32. *sup.* de *Decurionibus*: & sæpe apud Historiæ Augustæ Scriptores. Sane cum regulariter is, qui Imperato-

ri militat, venditione mercium probibeatur humanis legibus, vt scripsit Ambrosius l. de *offic.* 36. in fin. quo pertinet *Titulus Cod. Iust. negotiatores ne militent.* Et Sidonii locus lib. 1. *epist.* 8. vnde Theodosius *Nouella vltim. indignam & pudendam armato nomini negotiationem vocat.* Sæpe tamen speciali priuilegio & rescripto Principis, negotiandi licentiam impetrauerunt: vt docet *lex vnic. Cod. Iust. in quibus caus. milit. fori prescript.* & *lex 3. sup. de immunitate concessa.* Ita tamen, vt modo immunes a negotiatoria collatione essent. d. l. 3. modo non essent. Tacitus iam olim lib. 13. *Annal.* cap. 51. *Militibus im-* P. 16.
munitas seruaretur, nisi in iis, quæ veno exercerent. Quare videatur Theodosius M. negotiandi quidem licentiam militibus dedisse, at non & immunitatem a lustrali collatione. Et forte vtrumque voluerit, neque militantibus, neque Veteranis.

XIV. (a) Imppp. VALENTINIANVS, Theod. & Arcad. AAA. ad Principium PF. P. (b)

EOS quos peractæ militiæ labor decurso stipendiorum ordine, (c) vel Protectoris (d) honore cumulauit, vel honestæ, vel causariæ (e) missionis necessitate donauit, quindecim solidorum in mercimoniis omnibus immunitatem habere iubemus: agnituros publicum (f) munus, si vltra præstitutum Legis nostræ (g) modum emendis vendendisque rebus laxiore (h) sumptu operam voluerint commodare. (i) Dat. Prid. Non. Nou. Veronæ, Arcadio A.I. & Bautone Coss. [385.]

NOTÆ.

- (a) Concordat huic legi, *lex 7. sup. eod. tit.* *GOTHOF.*
- (b) *Principius* PP. sub Valentiniano Iuh. *ID.*
- (c) Stipendiorum Gradibus, d. l. 7. *ID.*
- (d) De hoc dictum ad d. l. 7. *ID.*
- (e) *Causaria* missio quæ sit, notum est. *ID.*
- (f) *Publicum munus* hac leg. & leg. 12. *sup.* fors negotiationis, l. 10. *sup.* fors communis, l. 6. *sup.* *ID.*
- (g) *Huius.* *ID.*
- (h) *Maiore.* *ID.*
- (i) *Impendere.* *ID.*

COMMENTARIVS.

VETERANIS omnibus, non tantum *Protectoria* dignitate honoratis, vt *Valentinianus Pater l. 7. sup.* verum omnibus omnino, honesta vel caufaria missione donatis, *Valentinianus filius eius*, hac constitutione immunitatem a lustrali Conlatione tribuit. Pariter, vt *Constantinus M. l. 3. in fin. sup. de Veteranis*: & *Honorius Imp. l. 3. in fin. sup. de Testimoniali*, vbi pariter ita scriptum: *Quos*, inquit, *emeritos felicibus castris, vel honesta interdum aduersa valetudinis missio, vel vulnerum laudabilis excusatio, vel emensum sub signis tempus,*

absoluit. Neque tamen indefinite hanc immunitatem tribuit, vt *d. l. 3. sup. de Veteranis.* Verum definite intra certum modum: nempe intra *Quindecim solidos* (pariter vt intra *Quinos denos solidos* Clericis immunitas data intra *Gallias, l. 11. sup.* vt *Constantinus M. intra centum folles d. l. 3. sup. de Veteranis*: *Valentinianus Pater*, vnus *Quinquagenæ*, vel *Quindena* potius *l. 7. sup. hoc sit.* *Honorius* quoque intra certam & prætitutam summam, *l. 3. sup. de Testimon. ex. Tribunis & Protectoribus.*

XV. (a) Idem AAA. Cynegio PF. P. (b)

SI quis Potentior Negotiatorem quempiam, quo minus aurum (c) debitum inferat, contra Fisci nostri commoditates, putauerit defendendum, ipse defensor Negotiatoris, adscriptam ei, quem defenderit, summam cogatur expendere. Dat. XVIII. Kal. Maii, Constantin. Hon. NB. P. & Euodio Coss. [386.]

NOTÆ.

(a) Abest hac lex a *Cod. Iustin. GOTHOFRED.*

(b) *Cynegius PP. Orientis sub Theodosio M. v. Prosopogr. IDEM.*

(c) *Lustrale. ID.*

COMMENTARIVS.

PATROCINIO, *προσάσια*, POTENTIORIS defendi seu EXCVSARI Negotiatores a lustrali collatione vetat hac Constitutione Theodosius M. Ann. D. 386. & Theodosius Iun. *l. ultim. inf.* sicut *Valentinianus* Iun. defendi vetuit ab officiis Iudicum & Exactoribus ipsis, *l. 12. sup.* Et quidem poena ibi Dupli proposita: hic vero Simpli: ea, quam ibi dixi, differentiae ratione. Scilicet, Tributa & vestigalia interuertebantur saepe, tum Officialium & Exactorum conniuentia: tum Potentiorum in Prouinciis patrocinio, seu *προσάσια*, qui nihil non audebant, nihil non sibi vindicabant.

Quare vt cæteroquin Patronis istis *προσάσις* & Patrociniis potentiorum aduersus Fisci commoda contraitum: veluti iis, qui colonis agricolis, vicis, vicaneis, fraudandorum tributorum causa patrocinium commodare soliti, de quo fuit peculiaris *Titulus sup. de Patrociniis vicorum lib. 11. tit. 24.* & *Libanii orat. περὶ τῶν προσάσιων.* Ita & *h. l. & d. l. ult. inf.* iis patrociniis occurritur, quæ Potentiores Negotiatoribus in fraudem fisci seu lustralis collationis pariter præbere non verebantur.

P. 17.

XVI. (a) Impp. ARCAD. & Hon. AA. Clearcho P. V. (b)

OMNES Corporatos, (c) de quibus orta querimonia est, quam maturissime præcipimus conueniri, vt aut commoda negotiatorum sequentes a Clericorum excusatione discedant, aut Sacratissimo Numini seruientes versutis quæstibus intuitu (d) Tuæ (e) Sinceritatis abstineant: *Distincta enim stipendia sunt religionis (f) & calliditatis.* Dat. VIII. Id. Maii, Constp. Theodoro V. C. CONS. [399.]

NOTÆ.

(a) Abest hac lex ab *Annalibus Baronianis Ecclesiasticis*, in quos referri potest. *GOTHOFRED.*

(b) *Constantinopolitanz. IDEM.*

(c) *Negotiatores: de quibus mox. ID.*

(d) *Intuitu* hic non est, contemplatione, vel respectu: Verum *inspectione. ID.*

(e) *Præfetti vrbis. ID.*

(f) *Clericatus. ID.*

COMMENTARIVS.

CLERICATVS obtentu, seu perfligio & patrocinio, Negotiatores a lustrali collatione excusari, vetat hac leg. *Arcadius Imp. idque Constantinopoli, Ann. D. 399.* Quod hac tempestate

nonnulli facere soliti: de quo etiam orta fuerat querimonia: Corporatis videlicet nonnullis, id est, e Negotiatorum Corporibus quibusdam, ad Clericatum ideo se conferentibus, vt hoc obtentu, hac

hac calliditate, versutis quæstibus vacarent, a lustrali collatione immunes. Igitur ad hanc querimoniam negotium Præfecto vrbis dat Arcadius, vt Negotiatores huiusmodi ad alterutrum adigat, vel vt Negotiantes, a Clericatu discedant, atque adeo lustralem collationem agnoscant. Vnde colligitur, hac tempestate Clericos in totum a lustrali collatione immunes vifos: Cui rei saltem hac ratione intercedit Arcadius. De qua Clericorum negotiantium immunitate, quam varie ea habita fuerit: docuerunt tres iam supra huius tituli constitutiones: puta lex l. 5. 11. *supr.* & quatuor insuper alie Constantii, titulo de Episcopis Eccl. & Cleric. puta lex 8. 10. 14. 15.

Corporatorum interim appellatione hac lege proprie Corporatos Negotiantes intelligi observandum est: Quod non tantum titulus, sub quo hac

lex posita est, verum etiam sequentia huius leg. ostendunt: non vero Corporatos illos proprie, de quibus est *inf. lib. 14. titulus, de priuilegiis Corporatorum Vrbis Romæ*: et si illos Corporatos Negotiatores, membra *Æternæ Vrbis*, vocet Symmachus *lib. 10. epist. 27.* In Veteribus quoque Inscriptionibus, non tantum Negotiantium varii generis frequens mentio occurrit, verum etiam nominatim mentio fit *CORPORIS NEGOTIANTIVM MALACITANORVM* apud Gruterum *DCXLVII. 1.* Corporis Negotiatorum fit rursus mentio, l. *prox. 17.* Eleganter autem Arcadius: Distincta stipendia esse Religionis, & calliditatis. Cui simile illud Diocletiani ad Polinestrum Philosophum, l. 6. *Cod. Inst. de mun. patr. Professio & desiderium tuum inter se discrepant: nam cum Philosophum te esse proponas, vincis auaritia & rapacitate.*

MANCIPES lustralis collationis, non ex Curialibus, verum ex Negotiatoribus eligendos.

XVII. (a) Idem Ianuario Conf. Numidiæ. (b)

A Negotiatoribus aurum lustrale dependi non ignoramus: Et, cum ad eos soleat distributionis cura recurrere, quos necessitas Collationis adstringit, non conuenit Municipis (c) hoc (d) onere subiungere. Sciant igitur, de Corpore (e) suo, sicut (f) in omnibus fere ciuitatibus, Mancipes eligere, absque vlla ærarii nostri deminutione: a Curialibus alienæ functionis distributione reiecta. Dat. prid. Non. Iun. Med. Theodoro V. C. CONS. [399.]

N O T Æ.

- (a) Hanc legem suam intelligit Honorius A. 403. l. 29. *sup. de susceptoribus.* GOTHOFRED.
- (b) De Consulari Numidiæ dixi in *Notit. dign.* De Numidiæ statu hoc tempore, vide quæ noto ad l. 28. *sup. de Susceptoribus.* IDEM.
- (c) Municipis, id est, Curiales, vt mox *fin. legis*: & l. 4. 89. 105. 110. 130. 137. 143. 144. 147. 154. *sup. de Decurionibus.* & l. 41. *inf. de operibus publ. l. 2. sup. quid probare.* ID.
- (d) Pro, huic oneri. ID.
- (e) Negotiatorum, de quo ad l. *super. 16.* ID.
- (f) Vel locus corruptus, vel supplendum hac interpretatione, sicut in omnibus fere Ciuitatibus fieri solet. ID.

COMMENTARIUS.

DE DISTRIBUTIONE lustralis collationis est hæc Honorii constitutio: Anno D. 399. id est, de descriptione, seu adscriptione quæ per singulos Negotiatores fiebat, quantum videlicet quisque lustralis collationis nomine pendere deberet: quo pertinet vox, *Describendi*, l. 3. *supr.* & *Adscribendi*, l. 15. Ipse, inquit, *defensor negotiatoris, adscriptam ei quem defenderit, summam cogatur expendere.* Quis igitur distributionem hanc facere debeat? hac leg. ab Honorio definitur: Nempe, non Municipis, id est, Curiales, quod tamen perperam factum: verum Mancipes, quos ipsi Negotiatores per singulas ciuitates de suo Corpore elegerint: Proposita hac generali Regula: Quod ad eos distributionis cura pertineat, quos necessitas collationis adstringit. De qua ratione plenius ad *tit. de susceptoribus* *supr. lib. 12.* (Iustum scilicet sua cuique committere, vt in alia specie Arcadius Honorii frater l. 10. *inf. de Iudicibus*.) Quo titulo sane hanc leg. suam ipse

Honorius quadriennio ferme post memorat l. 29. *sup. de susceptoribus.* Ex qua apparet, non eo tantum hanc leg. spectare, vt electus ex Negotiatorum Corpore adscriptionem faceret, verum etiam suspensionem, de quo *ibi.* Mancipes hic sunt, quibus cura vt distributionis, ita exactionis iniungitur, qui olim spontanei Publicani erant, suo priuato commodo, de quo nihil attinet dicere. De Mancipibus portorii, ac nominatim Quinquagesimæ pro transuersione animalium, est Symmachi locus *lib. 5. epist. 65.* quos *epist. 62.* Publicanos vocat, de eadem re loquens; quas quidem epistolas ad Patrum Com. S. L. scripsit ante sexennium, Anno D. 393. Porro notandum, tres ordine ad Africam pertinentes constitutiones Honorii hoc titulo occurrere, puta hanc l. & duas sequentes; de cuius, ac nominatim etiam Numidiæ (cuius Consulari hac leg. inscribitur) per hæc tempora statu, dixi ad l. 28. *sup. de susceptoribus.*

De FOENERATORIBVS, hos quoque ad lustralem collationem teneri.

XVIII. (a) Idem AA. Pompeiano Proc. Afric. (b)

OMNES Negotiatores lustralem conferre conuenit pensionem. Non solum igitur, hi qui probantur in Territoriis (c) siue in Ciuitatibus exercere commercia, subcumbant aurariæ functioni, verum etiam qui, studentes fœnori, crescentis (d) in dies singulos pecuniæ accessione lætantur. Dat. prid. Kalend. Iul. (e) Med. Stilichone & Aureliano Coss. [400.]

NOTÆ

- (a) Iungenda huic leg. est lex 165. *sup. de Decurionib.* Imo & lex 2. *sup. ad leg. Iul. de ambitu*: quæ habet subnotatum diem *Prid. Kal. Iun.* Sed & lex 3. *sup. de concuss. Aduoc. l. 28. sup. de annona*: lex 27. *de Susceptorib.* quæ habent subscriptum diem *Prid. Kal. Ian.* Tandem & lex 60. *de appellat.* vbi subnotatus dies *Kalend. Iun.* vnus quippe idemque dies & mensis omnibus hisce legibus subscribendus est. GOTHOFRED.
- (b) Ad Africam hæc lex pertinet. IDEM.
- (c) De hac voce vid. *Glossar.* & mox dicam. ID.
- (d) Horat. *lib. 3. od. 16. v. 17.* *Crescentem sequitur cura pecuniam.* Interim hinc nota Fœnoris descriptionem, quod sit *crescentis in dies singulos pecuniæ accessio*: de quo Paratitlon *sup. lib. 2. tit. 2. de usuris.* ID.
- (e) Vide quæ iam *intio* dixi ad hanc subscriptionem pertinentia. ID.

COMMENTARIVS.

FOENERATORES quoque pecunia, non Mer-
cium modo Negotiatores, lustrali collationi, quæ negotiatoribus incumbit, subicitur *hac l.* Honorius Imp. Ann. D. 400. hac ratione: quod & hæc Negotiationis species sit: neque minus compendium faciat, qui in pecunia negotiatur, quam qui merces detrahit: atque adeo & hic Negotiatorum numero sit. Imo Fœneratores hi sunt potentiores ferme in Prouinciis. Igitur & hos fœneratores, potentiores ad communionem huius tributariæ functionis vocandos putauit Honorius, pro Reipubl. necessitate, hac constitutione, quæ prolixæ Honorianæ constitutionis pars est: vt ex tot illis legibus, quas huic coniungendas dixi, patet: quæ quidem ab ipso emissæ sunt ad varias *Africanorum* querelas, qui & in id Mecilianum Legatum ad Honorium miserant, vt docet ex earum legum numero lex 166. *sup. de Decurionib.* Inter cæteras porro querelas, plurimæ rem *Tributariam* respexere, quæ miseri Africani non parum vexabantur, partim susceptorum & Tabulariorum fraudibus, quo pertinet *d. lex 27. de Susceptorib.* partim Compulsorum deprædationibus, quo spectat *l. 3. sup. de concuss. Aduocatorum*: partim Potentiorum, Ditiorem immunitate, quo pertinet *hac lex*, & *d. lex 28.*

sup. de annona & tributis: Quæ quidem leges omnes huic nostræ, etiam argumenti paritate, ita coassandæ veniunt. Igitur vt Veteranos priuilegii sui obtentu tributorum modum infringere non patitur, sed ad communis iuris communionem eos in specie illius *l.* vocat: ita & diuites pecuniæ negotiationem exercentes, ad communem lustralis collationis sarcinam, quæ negotiatores omnes tangit, hic vocat. Ita sane & olim iam ante lustralis collationis instituta, ii qui fœnus exercebant, omnibus patrimonii intriutionibus fungi debebant; etsi possessiones non haberent: *l. 22. §. vlt. D. ad Municip. l. vlt. §. 23. D. de munerib. & honorib.* Et certe æquissima hæc est constitutio, & quam in exemplum deriuari probo more velim: denique fœnerator, etsi non dicatur mercator, similis tamen est mercatori: Romanus *consil. 92. n. 3.*

Obiter hic illud obseruandum, quod de mercium Negotiatoribus dicitur, qui probantur in Territoriis, siue in Ciuitatibus exercere commercia. Nempe Nundinæ certo tempore emendis atque vendendis rebus, Ciuitatibus earumque Territoriis ordinabantur; vt docet *Nouella Theodosii vlt.* de quibus Nundinis est peculiaris titulus *Cod. Iust. de mundiis & mercatorib.*

XIX. (a) Idem (b) AA. Septimio (c) Proc. Afric.

OMNES deuotionem (d) aurariæ functionis agnoscant, quos diuersi mercimonii (e) cura constringit: ita vt quibus negociandi sollicitudo est, ad solutionem teneantur. Dat. VII. Kal. April. Rau. DN. Theod. A. I. & Rumorido Coss. [403.]

NOTÆ

- P. 19.
- (a) Iungenda huic leg. est lex 64. *sup. de cursu publ.* GOTHOFRED.
- (b) Imo hi tres inscribendi, *Imppp. Arcadius, Honorius & Theodosius AAA.* vt docet ipsa temporis ratio, Theodosius quippe iam anno superiore Augustus creatus, vid. *Chronicon.* Sed & diserte ita inscripta *d. lex 64.* quæ huic coniungenda est. IDEM.
- (c) *79. Septimio*, vt *d. l. 64. & l. 29. sup. de Susceptorib.* hoc ipso anno, & collat. *Carthagin. die 3.* his ipsius *Coss. cap. 174. pag. 168. Tom. I. Concil. Edit. Harduin.* ID.

(d) *Devotionis vox in re tributaria propria: v. Gloss. ID.*

(e) *Vt vos in vestris vultis mercimoniis: Plautus, in Prolog. Amphitr. v. 1. & apud Nonium cap. 3. num. 135. IDEM.*

COMMENTARIUS.

IMMUNITATES a lustrali collatione improbat Honorius, omnesque Negotiatores cuiuscunque mercis ad eam teneri iubet hac constitutione Anno D. 403. quæ data est ad *Septimum Procos. Africa* (de quo ad Inscriptionem.) Quæque pars est prolixioris constitutionis, qua is Africanorum securitati & indemnitati prospectum iuit, non vna ratione: paraueredorum videlicet exactione prohibita, l. 64. sup. de cursu publ. quæ eiusdem consti-

tutionis pars est, atque adeo hinc coassanda venit. Item immunitatibus a lustrali collatione improbat, hac leg. Ceteroquin hoc ipso Anno, ad eundem *Septimum Procons. Africa* extat eiusdem Honorii Imp. altera constitutio, de lustrali collatione, puta lex 29. sup. de Susceptoribus, quæ in hunc titulum recte quoque relata fuisset, qua etiam lex 17. sup. hoc tit. confirmatur.

XX. (a) Impp. Honor. & THEOD. AA. Anthemio (b) PF. P.

FVNCTIONES, quas conferentium (c) frequentia extenuata (d) debilitat, ad stabilitatem reuocandæ sunt: vt quod simul & sub vna conuentione petebatur, sub parua ac minima contributione, absque consensu (e) conferentium (f) præbeatur. Hoc in lustralis auri Collatione in perpetuum decernimus obseruari: Illud videlicet præcauentes, ne quis a Nostra Clementia vectigal (g) huiusmodi audeat postulare. Dat. VIII. Kalend. Iun. Varane V. C. CONS. [410.]

NOTÆ.

(a) Abest & hæc lex a Cod. Iust. GOTHOFRED.

(b) *Anthemius PP. Orientis scil. sub Theodosio Iun. vid. Prosopogr. IDEM.*

(c) In vno Territorio. ID.

(d) Per conuentionem, gratiam, collodium. ID.

(e) Ferri potest: Malebam aliquando *consensu*, id est, contributione census: vt *concentz, cōbēnna*, & similia. Verum illud non muto. ID.

(f) Aliorum. ID.

(g) Id est, vectigalis huius immunitatem. ID.

COMMENTARIUS.

IMMUNITATIBUS, per quas lustralis collatio extenuata fuerat, duplici ratione occurrit per Orientem Theodosius Iun. hac constitutione, Anno D. 410. & sic eam functionem ad stabilitatem reuocare instituit. Primum scilicet, **COLLATIONI** formam hanc nouam præscribit, vt ne sub vna & simultanea solutione omnium videlicet Negotiatorum vnius Territorii, ἐν κότῳ seu in globo, & in massam ἀθροόν, aut per auersionem ἐκ

τῆ ἐπάνα petebatur, deinceps sub parua ac minima conuentione seu contributione petatur, sub singulorum Nominibus: vt ita scilicet de iis, qui per gratiam elaberentur, constare posset, (& vt loquitur Theodosius *Nouella vltim.* in eodem prope argumento) *depulsa permixtionis caligine apertius & liquidius declararetur, quid quisque dependat.* Secundo **IMMUNITATEM** huius collationis a se peti, seque adeo nulli facturum protestatur.

XXI. Idem AA. Monachio (a) PF. P. (b)

NEMO mercator, vel possessor rerum quæ lustralis auri Collatione tenentur obnoxie, Patrociniorum fiducia, vel nomine cuiuslibet altissimæ dignitatis, a prædicta se functione æstimer subtrahendum: Nec si ad domum Dominæ ac venerabilis Augustæ Pulcheriæ Germanæ nostræ, seu Nobilissimarum fororum (c) pietatis nostræ pertineat. Dat. XII. Kal. Sept. Hon. XII. & Theodosio VIII. AA. Coss. [418.]

NOTÆ.

(a) *Monachio*, vt hoc ipso Anno l. 43. inf. de Episcop. & l. 183. sup. de Decurion. GOTHOFRED.

(b) Orientis: vt docet vel d. l. 43. ID.

(c) *Arædiæ, Marins. IDEM.*

P. 20. **T**RIBVS hominum generibus quæ sibi immunitatem a lustrali Collatione vindicabant, occurrunt: PATROCINIO scilicet potentioris DIGNITATIS quamlibet Altissimæ obtentu: imo & si ad DOMVM quis Sororum Imperatoris pertineat, immunitatem a lustrali collatione cuiquam tribui vetat Theodosius Iun. hac const. Anno Domini 418. 1. De Potentiorum patrocinio fuit quoque Theodosii M. Constitutio *supra*, puta lex 15. De cæteris porro videamus. 2. Dignitas, quamlibet Altissima, ab hac collatione neminem immunem facit: quæ & ipsa sententia fuit Valentiniani & Valentis l. 5. *sup.* Hinc interim apparet etiam in Altissimis dignitatibus constitutos, negotiationem exercuisse, & quidem per Orientem: cum tamen Honorius l. 3. *Cod. Iust. de commerciis & mercatoribus*. Nobilibus & Potioribus mercaturam interdixit. Postremum, etsi ad domum sororum Principis quis pertineat, attramen si negotietur, a lustrali collatione immunem esse vetat Theodosius. Vnde colligi videtur, saltem eos, qui ad domum Principis pertinent, immunes fuisse hoc tempore, & ex mente Theodosii Iunioris: aliter atque visum Valentiniano & Valenti, d. l. 5. Et hæc quidem in vniuersum de huius leg. sententia.

Nunc alia sectanda sunt. Initio legis ostenditur, non tantum Mercatores, sed etiam Res quasdam lustrali collationi fuisse obnoxias: sic ut possessor earum rerum hanc functionem sustinere deberet. Quænam autem illæ res? An ex lege testatoris, veluti si vltima voluntate Ciuitati aut vico quid sub ea præstationis conditione relictum fuerit: de quo est lex 1. (quæ creditur esse Anastasii, desumpta ex lib. 52. βασιλικῶν tit. 12) *Cod. Iust. de lustrali collat. Edit. Cuiac.* Quæ Cuiacii sententia fuit, & excerptorum Mainardi. Minime. Hic enim agitur de priuatis possessoribus: nisi eadem ratione & priuatis quid sub ea conditione relictum ponamus: de quo tamen nihil in ea lege. An vero, quia a fisco res quedam sub hac conditione datæ donatæ? de quo & illa ipsa l. 1. agitur? Neque hoc putem: videtur enim mihi de huiusmodi rebus possessis hic agi, non quibus conditio aliqua peculiaris in donando adiecta fuit; verum quibus in commune, rei ipsius ratione hæc conditio implexa erat: Velpotior rerum, inquit, quæ lustrali auri Collatione tenentur obnoxia. Existimem, his prædiis quæ Mercatores ex negotiatione sua comparassent, hanc lustralem collationem indictam alicubi: cum alibi, horum prædiorum ratione ad Curiam vocari possent: quam in rem est singularis lex 72. *sup. de Decurionibus*.

Historica supersunt. Primum de Pulcheria, quam Theodosius Iun. hac leg. Dominam ac venerabilem Augustam Pulcheriam germanam suam vocat. De ea multa Sozomenus, Zonaras, Cedrenus, Nicephorus, alii. Ea nata Ann. 399. teste Chron. Alexandr. pag. 713. Edit. Raderi. deinceps præter ætatem prudens, ἐπίτροπος τῶ ἀδελφῷ (Theodosii Iun.) καὶ τῆς ἡγεμονίας extitit, auctore Sozomeno lib. 9. cap. 1. cuius etiam Domus memoratur in Veteri Constantinopol. descript. quæ præfixa est Notitiæ Imper. regione 3. & 11. Hæc Augusta renuntiata Anno D. 414. Constantio & Constante Coss. Chronicon Alexand. pag. 717. Edit. Rader. ἐπὶ τῶν τῶν ὑπᾶτων Παλχερία ἀδελφῇ Θεοδοσίᾳ νέᾳ Αὐγύστῃ ἐπιφανέσῃ ἀνηγορεύθη Αὐγύστῃ: bis Coss. Pulcheria soror Theodosii Iun. illustissima Augusta dicta est. Et ita Augusta

Βασιλῆς, & Βασιλίσσα nuncupata in *Memoria* 10. Septemb. in Concilio Chalcedonensi in literis ad eam, *Act. 3. in fin. pag. 380. Tom. II. Concil. Edit. Harduin.* apud Euaristum lib. 1. cap. 20. Suidam voc. παλχερία. & alibi. Ea detum Marciano nupsit, ut & *Chron. Alexand.* testatur pag. 711. Edit. Raderi. Et hæc quidem satis de Pulcheria Augusta. Sorores alia Theodosii, quas hic intelligit, sunt Arcadia & Marina (Flaccilla enim proculdubio mortua erat, quæ ipsa Pulcheria Senior erat.) de quibus vid. *Chron. Alexandr. d. pag. 711.* Hæc quoque domus memoratur in *Peteri. vrbis. Constantinop. descriptione* & quidem Regione 9. & 10. *Donus Nobilissima Arcadia.* Item Regione 1. *Domus Nobilissima Marina:* cuius etiam meminit Auctor *Chronici Alexandrini d. pag. 711.* Et hæc quoque de Sororibus Theodosii. Quorum (quod tertium hic obseruandum) Senior, Augusta (de quo *sup.*) alia Nobilissima dicuntur: proximo scilicet Augusti nomine. Quæ dignitas Nobilissimatus collata ab Imperatoribus, sanguine proximis, fratribus, filiis, sororibus: Zosimus lib. 2. cap. 39. fratres Constantium & Annibalianum a Constantino factos narrat: Κωνσταντίνου ἀδελφὸς ὢν αὐτῷ, καὶ Ἀνναβαλλίανος ἐστὶν ἡρώμενος κοκοβαφῇ καὶ περιχύσει τῆς τῷ λεγομένῳ Νωβελίσσιμος, παρ αὐτῷ Κωνσταντίνου τυχόντες ἀξίας, αἰδοὶ τῆς συγγενίας. Constantius Constantini frater, & Annaballianus, qui purpurea & aureis ornata limbis veste utebantur, dignitatem Nobilissimatus, ut vocant, ab ipso Constantino propter adgnationis reuerentiam consequuti. Ita Gratianus Nobil. puer: mox Valentinianus Iun. Nob. puer a patre Valentiniano. Ita Honorius Nobilis puer a Theodosio patre. Ita Iulianus Constantini Tyranni filius a patre Constantino Nobilissimus factus. Olympiodorus apud Photium *Cod. LXXX. pag. 182. Edit. Schottii & in Eclogis historicorum de rebus Byzantin. pag. 5. Script. Rer. Byzant. Tom. I. Edit. Reg.* Κωνσταντίνου δύο παῖδας ἔχε, Κωνσταντῖνον καὶ Ἰουλιανόν, ὧν τὸν μὲν Κωνσταντῖνον καὶ ἑταίρον χαροποιῶν, ἑταῦρον ὑπερον κατὰ τὰς αὐτὰς ἡμέρας καὶ τὸν Ἰουλιανόν Νωβελίσσιμον: Constantino filii duo erant, Constantius & Iulianus. Illum Cæsarem constituit; Iulianum deinde eo ipso tempore Nobilissimum nominavit. Ita Valentinianus Tertius Honorii ex sorore nepos. Idem Olympiodorus apud Photium pag. 191. & pag. 12. Tom. I. *Script. R. B.* Οὐαλεντινιανὸς ζῶντι μὲν Οὐαριῳ Νωβελίσσιμος γινέσθαι, Valentinianus supersit etiam Honorio, Nobilissimus dictus, & pag. 198. Edit. Schottii, & pag. 15. T. I. *Script. R. B.* Πλακιδία ἐπαναλαμβάνει τὸ τῆς Αὐγύστῃς, ὃ δὲ Οὐαλεντινιανὸς τὸ τῷ Νωβελίσσιμῳ ἀξίωμα, Placidia Augustæ nomen, Valentinianus vero Nobilissimi titulum suscepit. Ita igitur & Arcadii filia, Theodosii sorores, Nobilissime: quomodo iam eas vocat Arcadius Anno 406. l. vnic. *sup. de priuilegiis domus August.* procuratores per singulas quasque Provincias Nobilissimarum puellarum, filiarum mearum. Alio iam sensu & Nobilissimi Cæsares, & Nobilissimus Cæsar Crispus apud Nazarium in *Panegyrico c. 3. & 36. & in Fastis Capitolinis, & in Veterib. Inscrip. Vid. Indicem Gruter.* Imo & l. 3. D. de natal. restit. Nobilissimus imp. Cætera qui volent de Nobilissimis, consulat Meursii *μυζογράφου.* Nobis huius ferme ævi vestigia sectari sufficit.

DE

DE ARGENTI PRETIO QVOD THENSAVRIS*INFERTVR.

TITVLVS II.

LIB. X. COD. IVST. TIT. VLT.

* Veteri Scriptura et hic & l. vnic. hoc tit. Hic autem Titulus hoc loco positus occasione superioris, qui fuit de *Auri Argenti collatione*, in *Cod. Iustin.* positus est alio loco, proxime post *titulum de Irenarchis*, & quidem est *ultimus libri decimi*.

I. (a) Impp. ARCAD. & Honor. AA. Eutychiano PF. P. (b)

IVBEMVS, vt pro argenti summa, quam quis Thensauris fuerat inlaturus, inferendi auri accipiat facultatem: ita vt pro singulis libris argenti, quinos solidos inferat. Dat. XI. Kalend. Mart. Constantinop. Cæsario & Attico Coss. [397.]

NOTÆ

(a) L. vnic. Cod. Iust. eod. tit. GOTHOFF

(b) Orientis. ID.

COMMENTARIVS.

MVTATIONIS facultatem, seu aliud pro alio soluendi: *Soluendi*, inquam, auri pro argento, tum & *PROPORTIONEM* Argenti ad Aurum constituit hac Constitutione Arcadius Imp. quantum videlicet auri, pro argenti summa aliqua solui Thesauris Principis possit. Antequam hanc proportionem ingrediatur, sciendum est, ita Tributa olim indicta, vt certum etiam genus aliquod indiceretur; modo species, veluti frumentum, vinum, oleum, æs, ferrum, &c. de quo *lib. XI. Tributa in ipsis speciebus*: & *tit. de collat. aris*: modo pecunia: ita etiam vt modo aurum, modo argentum indiceretur: Modo aurum, quod vel ex *superiore titulo*, & ad eum dictis discere licet: vbi lustralis collatio, dicitur *lustralis auri Collatio, lustralis auri depensio, functio auraria, pensio auraria*. Ideoque etiam est quod dicitur *l. 19. sup. de annona & trib. Id quod in titulis debitis sub præstatione confertur auraria*: videnda & *lex 32. 34. eod. tit. & l. 1. 2. sup. de Conlat. donatar. lex 12. 13. 17. 32. sup. de susceptor. l. 1. de ponderator. l. vnic. de auri publici prosecutorib.* Modo argentum, quare & lustralis collatio, dicitur quoque auri & argenti indicio, atque inde *χρυσσαργύρε* nomen. Videnda & *d. l. 32. sup. de annona & trib. & d. l. 1. & 2. d. l. 32. sup. de susceptorib.* Et hac leg. tamen Arcadius inferendi auri facultatem loco argenti tribuit: ac non vt exilissimo, e conuerso. Et si aliud pro alio soluendi ius præstat, quod alias non licuisset: Præstat autem hanc facultatem, eo quod non semper quis ad manum forte argentum haberet, adueniente suscepro.

Proportio sequitur. Quomodo & alias commutatis speciebus, seu aliud pro alio soluendi vel exigendi facultate facta, proportionem specierum fieri oportuit: Ergo, pro viginti quinque libris speciei æris, vnum solidum præstari iussit Honorius *l. 2. sup. de collat. aris*. sed & Theodosius Iunior pro centenario æris auri certam æstimationem præstari vo-

luit *l. 3. d. 1.* Ad eundem igitur modum Arcadius hac leg. argenti ad aurum proportionem instituit. Quæ quidem proportio melius vt intelligatur, sciendum est, aucto iam auri pretio, hac tempestate ex Valentiniani Sen. instituto, libram auri septuaginta duobus solidis seu aureis constituisse: vt docet *lex 13. sup. de susceptorib. & lex vnic. sup. de oblat. votor.* quo etiam refero *leg. 2. Cod. Iust. de veter. numism. pot.* quæ sub Constantino M. 84. solidis constabat, vt testatur *lex. 1. de ponderatorib.* Hoc præmissis, de ipsa nunc proportionem videamus. Igitur pro libra argenti, quinque solidos inferri iubet Arcadius. Vnde sequitur, vni libræ auri hac ratione respondere argenti libras quatuordecim cum duabus quintis libræ. Ex Plinio porro discimus *lib. 33. cap. 3.* cum primum nummus Romæ aureus excusatus est, eam fuisse proportionem auri ad argentum, quæ est vnus ad quindecim: de quo quidem Plinii loco videndus post alios, qui eum explicare conati sunt, diligentissimus Sauotus *de nummis antiquis* prolixè, *lib. 3. cap. 7. 8. 9. 10.* qui idem ostendere conatur Plinii iam aucto, ex *libro eius 19. cap. 1.* proportionem argenti ad aurum fuisse duodecimariam: vt & apud Græcos fuit, quod ex Platonis *Hipparcho* Viri docti iam multi probarunt. Herodotus in *Thalia*, suo tempore in Asia significat, aurum cum argento collatum *τρισδεκάσσιον* fuisse, id est, *proportionem vnus ad tredecim*. Hancque rationem secutus Darius esse videtur, qui in exigendis tributis dicitur singula Talenta auri æstimasset tredecim talentis argenti. Sane iam olim auri potestas & proportio ad argentum decupla fuit: teste Polluce *lib. 4. c. 24. sect. 173. lib. 9. cap. 6. sect. 76. pag. 1050. Edit. Hemsterhuis.* τὸ δὲ χρυσίον, inquit, ἐστὶ τῆ ἀργύρεος δεκάπλάσιον ἦν, aurum vero argento decuplo præstantius erat, & quæ sequuntur. Et talentum auri, decem talenta vocat Polybius quoque, super fœdere Etolico, in *Excerpt. Legat.*

Legat. e Polyb. hiflor. pag. 833. Edit. Polyb. If. Caſaubon. διδόντες τῶν δέκα μνῶν ἀργυρίου, χρυσίου πέντε, pro argenteis decem minis, unam auri penderent. Sed & Livius de eodem lib. 38. c. 11. De pecunia summa, quam penderent, pensionibusque eius, nihil ex eo quod cum Consule convenerat, mutatum: pro argento si aurum dare mallerent, darent, convenit: P. 22. dum (pro) argenteis decem, aureus unus valeret. Tempore Caroli Calvi proportio duodecupla fuit, ut apparet ex eius edicto Piltensi art. 24. ut in omni regno nostro non amplius vendatur libra auri purissimi costis, nisi 12. libris argenti. Plura de argenti ad aurum deinceps proportionem vide apud Sauotum parte tertia cap. 19. & superioribus.

Quod libram argenti attinet, modo in argenteos

sexaginta, modo plures, modo pauciores ea diuisa, ut docet lex 1. inf. de expensis ludorum. Ergo, ut dixi, Arcadius quinque solidos pro libra argenti offerri voluit. Et tamen Theodosius imp. filius eius, postea pro singulis libris argenti, quas Principales Ducibus sportulae gratia praestabant, quaterios tantum solidos praebere voluit leg. 27. sup. de cohortalibus. Adeo in dies auri pretium increvit. Et haec tenus quidem de huius leg. sententia, de qua facultate tributa hac leg. alterius speciei, auri pro argento, soluenda. Quare ἀναγορεύων, huius leg. occasione tractant Interpretes, an invito creditore aliud pro alio solui possit? quod etiam vnum ferme hic tractant nonnulli.

DE MEDICIS ET PROFES-

SORIBVS.

TITVLVS III.

LIB. X. COD. IVST. TIT. LII.

Inverso ordine de Professoribus & Medicis. Huic titulo tres alii respondent sup. lib. 6. tit. 16. de Comitibus & Archiatris S. Palatii, & tit. 21. de Professoribus, qui in vrbe Constantinopol. docentes ex lege Comitum meruerunt, & tit. 9. lib. 14. inf. de studiis liberalibus urbis Romae & Constantinop.

PARATITLON.

MEDICI, Rulr. & l. 1. 3. 10. hoc tit. salutaris ac necessariae artis Professores dicuntur, l. 14. h. t. Horum alii erant Archiatri S. Palatii, l. 17. & l. 19 h. t. & tit. 16. lib. 6. sup. qui scilicet intra penetralia Regalis aulae florebant, l. 12. h. t. qui militabant intra Palatium, l. unic. sup. de Comitib. & Arch. S. Palatii: in sacro Palatio Principis, l. 15. 16. 18. hoc tit. (qui & Archiatri simpliciter vocantur, l. 2. hoc tit.) ea professione defuncti, ex Archiatris, dicti, d. l. 2. h. t. Alii vero in vrbe Roma, & Constantinopol. populo obsequebantur, l. 8. (qui Archiatri simpliciter, l. 4. 8. 9. 13. h. t. unde & Archiatria d. l. 8. h. t. Archiatri S. Palatii Comitum honore donabantur, l. 12 hoc tit. l. 15. 18. sup. de extraord. modo primi ordinis, l. 16. 17. 18. 19. hoc tit. & l. unic. sup. de Comitib. & Arch. S. Palatii: modo secundi d. l. 16. 17. 18. h. t. Aliquando etiam, maioris gradum dignitatis adipiscebantur, d. l. 16. & 19. h. t. Privilegiis item singularibus fruebantur, l. 14. h. t. ab omni quippe functione, omni collatione, omnibus muneribus publicis immunes erant, Curialium, Senatorum, Comitum, Perfectissimorum, &c. l. 2. h. t. Praeturae, de qua accipio, l. 12. h. t. a metato, l. 16. 18. h. t. a glebali collatione, l. 15. 16. 19. h. t. a Curiali, d. l. 16. h. t. a sordidis muneribus, d. l. 12. h. t. Sed & filii, & coniuges eorum d. l. 16. & 17. h. t.

Archiatri seu Medici alii, qui populo obsequebantur Romae, l. 8. 10. h. t. quatuordecim erant, quot etiam Urbis regiones erant (exceptis Medicis portus Xysti, & Virginum Vestalium, qui peculiares Romae Medici erant: d. l. 8. h. t.) Qui quidem eligebantur ordinabantur, aliquo ex hoc numero deficiente, Ordinis Archiatrorum ipsius delectu d. l. 8. h. t. atque a Principe confirmabantur, d. l. 8. h. t. sic ut electi ultimum ordinem consequerentur, l. 9. h. t. quae omnia confirmantur & l. 13. h. t. His Annonae, Praefecti Urbis dispositione, ministrabantur; d. l. 8. 9. h. t. ne scilicet alioquin diuitibus tantum seruirent, pauperes negligere-

rent. Quin & promissa a periclitantibus pro salute accipere prohibiti: *d. l. 8. b. 2.* Privilegia his tandem varia tributa: Immunitas scilicet omnium munerum publicorum, collationum tam ipsis quam filiis & coniugibus eorum *l. 1. 3. 4. 10. b. 2.* ab onere merati *d. l. 3. 10. b. 2.* militiæ, *d. l. 3. & 10. b. 2.*

II. PROFESSORES *Rubr. & l. 11. 26. hoc tit. & tit. de Professorib. qui in vrbe Const.* dicuntur & plenius professores litterarum, *l. 1. & 3. b. 1.* artium liberalium *l. 17. b. 1.* qui & Magistri dicuntur, *l. 10. 11. 18. b. 1.* & *l. ult. inf. de studiis lib. V. R. & l. 98. sup. de Decurionibus:* Magistri studiorum, *l. 5. b. 2.* (vnde & magistraciones dictæ, loca in quibus docebant, *d. l. ultim. inf. de studiis:*) Doctores, *l. 5. 11. b. 1.* Præceptores, *l. 11. b. 1.* Erant autem hæc Professorum genera, 1. Grammatici, tam Græci quam Latini, *l. 11. 16. b. 1. & d. tit. de Professor.* vtriusque eruditionis seu institutionis *l. 15. 18. sup. de extraordin. mun. II.* Item Rhetores, *l. 11. hoc tit.* & *d. l. 15. & 18. sup. de extraordin.* seu Oratores, *d. l. 11. & 16. b. 1. & ult. inf. de studiis:* tam Græci quam Latini: quorum illi proprie Sophistæ dicebantur, *dicto tit. de Professor. & dict. l. ultim. inf. de studiis:* vbi vide quæ dixi. III. Philosophi, *l. 7. hoc tit.* (seu Philosophiæ præceptores, *l. 16. b. 1.* Philosophiæ arcana rimantes, *d. l. ultim.*) IV. Iurisperiti, *d. tit. de Professorib. & d. l. ultim. inf. de studiis.* Fuerunt autem tam in Occidente: Romæ, *l. 1. 10. hoc tit. & tit. de studiis lib. V. R.* per Italiam, *l. 5. 6. hoc tit.* itemper Gallias in singulis vrbibus Metropolitanis: ac nominatim Trueris, *d. l. 11. b. 1.* quam in Oriente & nominatim Constantinopoli, *l. 3. 16. 17. 18. hoc tit. & sup. tit. de Professor. qui in vrbe Const. & l. ultim. inf. de studiis lib. V. R.* quorum Auditorium in Capitolio erat, *l. unic. d. tit. de Professor. qui in Urb. Constant.* & *d. l. ultim. inf. de studiis lib. V. R.* De horum Professorum numero vid. *l. 11. hoc tit. & d. l. ultim. inf. de studiis:* electione, *l. 5. 7. 11. hoc tit.* annonis, mercedibus, salariis, vid. *l. 1. & 11. hoc tit. privilegii, l. 1. 3. 10. 16. 17. 18. hoc tit. & l. 15. 18. sup. de extraordin. sue. ford. mun.* De horum filiis Curiali stirpe descendentibus, vid. *d. l. 98. sup. de Decurionib.*

I. (a) Imp. CONSTANTINVS A ad Volusianum.... (b)

MEDICOS, (c) Grammaticos, & Professores alios (d) litterarum, (e) immunes (f) esse, cum rebus quas in Ciuitatibus (g) suis possident, præcipimus: & honoribus fungi: in ius (h) etiam vocari eos, vel pati iniuriam prohibemus: ita, vt si quis eos vexauerit, centum millia nummorum ærario inferat, a Magistratibus, vel Quinquennialibus exactus, ne ipsi hanc poenam sustineant. Sereus eis si iniuriam fecerit, flagellis debeat a suo domino verberari, (i) coram eo cui fecerit iniuriam: vel si dominus consensit, viginti millia nummorum fisco inferat: seruo pro pignore, donec summa hæc exsoluitur, retinendo. Mercedem (k) etiam eorum & Salaria reddi (l) præcipimus. (m) Quoniam (n) grauissimis dignitatibus vel parentes, vel domini, vel tutores esse non debent, Fungi eos honoribus volentes permittimus, inuitos non cogimus. PP. (o) Kal. Aug. Sirmio Crispo (p) & Constantino Cæs. Cos s. [321.]

NOTÆ.

(a) *L. 6. Cod. Iust. cod. tit. hinc & ex aliis legib. interpolata & conflata est. GOTHOF.*

(b) *Volusianus hic fuit Ann. D. 314. Consul, idemque eodem Anno 314. & superiore 314. Præfectus vrbi: vt docet Auctor Notitiæ Præfectorum vrbi: vt & lex 1. de nauicular. & Lun. de Ingeniis: & Anno 315. vt ostendit lex 1. sup. quorum appell. Deinceps nulla huius Volusiani P. V. mentio. Mihi mensea, cum hoc tempore PP. fuisse: at cuius Præfecturæ? statuere non auisim. ID.*

(c) *Et maxime Archiatros, vel ex Archiatris: hoc add. Cod. Iust. ex l. 2. inf. ID.*

(d) *Veluti Oratores, Rhetores, Sophistas. ID.*

(e) *Et Doctores legum, additum a Tribon. Cod. Iust. quam vocem tamen legum, Græci non agnoscunt (de quibus Doctoribus legum dicam ad l. 16. inf.) Item illa, una cum vxoribus & filiis nec non & rebus: & mox, ab omni functione & ab omnibus muneribus Civilib. vel publicis: & quas sequuntur alia. ID.*

(f) *Im.*

- (f) *Immunes simpliciter, id est, immunes a muneribus publicis. ID.*
 (g) *De Civitatibus his dicitur ad l. 11. inf. ID.*
 (h) *Nec ad iudicium deduci, vel exhiberi, vel iniuriam pati. C. Iust. ID.*
 (i) *Pena arbitrio iudicis plectatur, ita C. Iust. referatis cæteris usque ad Mercedem. ID.*
 (k) *Mercedum vox hic propria, v. Cicet. in Philipp. 2. cap. 17. & Iuvenal. Satyr. VII. v. 157. ID.*
 (l) *Reddi an hic pro præstari? vid. Gloss. An pro, de nouo præstari? ID.*
 (m) *Cætera absunt a Cod. Iust. & loco eorum ista substituta: quo facilius liberalibus studiis & memoratis artibus multos instituunt: ex l. 3. inf. ID.*
 (n) *Locum hunc obsecrum, qui ideo recusus est in Cod. Iust. commoda interpretatione defendi posse puto. De quo mox. Vinculum tantum orationis hic supplendum videatur, Quinetiam, quoniam autem: vel, & quoniam. IDEM.*
 (o) *Dat. ID.*
 (p) *Scribe Crispo Cæs. II. & Constantino Cæs. II. Et nota Quinquennalia Crispi & Constantini Junioris in hunc annum incidere, ex quibus lucem hæc lex capit. Vid. PAGIVS dissert. hypot. part. 2. cap. 4. n. 4. & Critic. ad Annal. Baron. b. u. RITTER.*

COMMENTARIVS.

CONSTANTINI M. Tres ordine constitutiones priores seu privilegia hoc titulo occurrunt, de Medicorum, & Professorum prerogativa, seu privilegiis. Quæ evincunt, quam verum sit, quod alter Victor de eo scribit Epitom. c. 41. eum nutrisse artes bonas, præcipue *STVDIA LITTERARVM*, qui contra de Licinio (qui huius legis i. tempore adhuc superstes erat) scribit ibid. eum in seculum litteris fuisse, quas per infortium immodicam; Virus ac pestem publicam nominabat, præcipue forenses industriam. Et quid mirum de Constantino, cum ipsemet eraditione summa fuerit, quæ ipsum quamquam cæteris promptum virtutibus, ad usque æstra votis omnium subuexit, ut testatur Sex. Anrel. Victor. Schotti c. 40. Sed & Porphyrius epistola ad ipsummet Constantinum, Anno superiore 320. in fine Oper. M. Velfer. Cælestis, inquit, iudicii dignatione immensus mihi pondus impositum est, eius Imperatoris testimonio, qui inter belli pacisque virtutes, inter Triumphos & laureas, inter legum functiones & iura, etiam Musis tibi familiaribus adeo vacas, ut inter tot Divina Maiestatis insignia, quibus inuictus semper in primis es, huius etiam studii in te micet splendor egregius. Cui Constantinus ipse respondet ibid. Desuit, inquit, quorundam ingenii Imperatorum satior, qui non secus doctrina deditas mentes irrigare atque alere consuevit, quasi cliuosi tramitis supercilio riuus elicitus, scaturientibus venis arua arenaria temperavit: saculo meo scribentes dicentesque, non aliter benignus auditus quam lenis aura persequitur: denique etiam studiis meritum a me testimonium non negatur. Sane hoc ipsum arguunt ea, quæ memoriæ prodita, Constantinum liberos diligenter suos erudiri voluisse, & optimis eos erudiendos tradidisse præceptoribus, etiam Iuris Ciuilibus, & aliarum bonarum litterarum doctrina, quod laudat Eusebius: vid. & Nazarium Panegyrico, cap. 4. Item quod legimus, eum Lactantium, qui Nicomedie bonas litteras docuerat, filio suo Crispo præceptorem in Gallia dedisse. In quo etiam patris sui Constantii Chlori domesticum exemplum habuit, qui nominatim ut adolescentem ingenuis artibus erudirentur summopere accuravit: cuius rei testis epistola eius ad Eumenium, ubi inter cætera: Proinde quod aliud premium his quam illud conferre debemus, quod nec dare potest, nec eripere fortuna: & quæ hac occasione plura Eumenius orat. pro scholis restaurandis c. 14. ubi ideo eum vere Principem iuuentutis vocat. Verum ad Constantinum ipsum redeat oratio.

Ut ceteroquin qui literas amat, amat & literatos: quique adolescentes ingenuis artibus eru-

diri cupit, eum Doctores ipsos præmiis, & privilegiis euehere necesse est: quo (ut ipsemet Constantinus loquitur) facilius liberalibus studiis & artibus multos instituunt: quæ Tribonianus huic leg. attexit. Ab hac mente sunt hæc tres Constantini M. constitutiones: & hæc quidem omnium prima, de Medicis & professoribus municipalibus, data Anno D. 321. *περί τιμῶν καὶ ἀτελειῶν*; quæ quidem, immunitatem eorum, securitatem a vulgi iniuriis, salaria, honoresque sancitum it. Quatuor scilicet his rationibus, & *Προσβείας* præmiisque, Professoribus & Medicis consultum maxime voluerunt Principes, voluit Constantinus hac leg.

Primum est IMMUNITATIS Privilegium, seu *τῶν λειτουργιῶν ἀτελεία, ἀλειτεργησία* quo Constantinus M. Medicos, Grammaticos, aliosque Professores ab omni functione, seu ab omnibus muneribus publicis immunes esse iubet, quomodo etiam Tribonianus hæc recte huic leg. attexit, *ab omni functione, & ab omnibus muneribus ciuilibus vel publicis*. Quod Medicos attinet, Augustus iam teste Dione lib. 53. ad an. V. C. 731. Medicis immunitatem munus dederat. Quorum quidem munerum aliquam multa designantur duabus proximis Constantini M. constitutionibus puta l. 2. 3. quæ ibi explicabuntur. Immunes, inquam, neque ipsos tantum (& sic a muneribus personalibus) verum etiam res eorum (& sic a muneribus patrimonialibus). Imo & uxores eorum & filios d. l. 3. Neque tamen primus Constantinus M. hanc eis immunitatem tribuit: verum beneficia, ut ipse ait; d. l. 3. Diuorum retro Principum confirmans. Et sane initium huius immunitatis repeto. Quod Professores attinet & in his nominatim Grammaticos, (de quibus vid. quæ Vossius lib. 1. de Arte Gramm.) iam inde a Vespasiano (eodem illo qui primus e fisco Rhetoribus salaria constituit) tributa nominatim & primum omnium immunitas amectato, *ἐπιστάθμια*, (de qua l. 3. inf.) quod ostendit l. vltim. inf. D. de muneribus & honoribus. Dataque etiam immunitas munus personalium, quam ut & metati firmavit Hadrianus inito statim principatu, d. l. vlt. in fine: & l. eav duo 6. §. 1. de 8. D. de excusat. (tutor) De cuius studio erga Professores Philostratus quoque in Marco Byzantio in fin. pag. 530. Edit. Morell. & Spartianus cap. 16. Omnes, inquit, Professores & honorauit & diuites fecit. Et tamen memorant tum Philostratus in Phanorino, pagina 464. Edit. Morell. tum Xiphilinus ex Dione in

Adriano pag. 352. Edit. Sylburg. Phauorinum Philosophum *περί τῆς ἀτέλειας*, quam in patria habere, vellet, agere quidem statuisse, sed veritum ne in eo iudicio succumberet, & insuper mulctaretur, postquam in ius venit, nihil aliud dixisse ad Imperatorem, quam præceptorem suum Dionem ea nocte sibi in somnis addituisse, monuisseque *λειτεργεῖν τῇ πατρίδι, ὡς καὶ ἐν ἐκείνῃ γεγενηµένον*, ne in patria in qua natus esset obire publica munera grauaretur. Quod forte pertinet ad speciem l. 6. §. 9. D. de excusati, & l. 9. in princ. D. de mun. & honor. Nutasse hanc ἀτέλειαν sub Commodio aliquantum ex Philostrato, putaret quis: narrat enim is, lib. 2. de vitis Sophistar. pag. 618. Edit. Morell. Philiscum Sophistam, qui throno Atheniensis septem annis præfuerat, τὴν ἀτέλειαν ἐπ' αὐτῷ ἀφαιρῆντα, id est, immunitate priuatum, ad Commodum Imp. prouocasse: cui publice dixerit, σὺ μοι λειτεργῶν ἀτέλειαν δέδωκας, δὲς τὸν Ἀθύνῃσι θρόνον, cum tu mihi sedem Athenis donasti, etiam immunitatem concessisti: Sed Imperatore respondisse, neque ipsum immunitatem esse, neque alium quemquam docentium: Neutiquam enim propter breues ac quasdam miseras orationes, ciuitates muniis publicis fungentibus a se priuandas; ἔτε σὺ, εἶπεν, ἀτέλης, ἔτε ἀλλὰ καὶ τῶν παιδεύοντων, εἰδὲ γὰρ ἂν ποτε διὰ μικρὰ καὶ δύσῃνα λογάριαι τὰς πόλεις ἀφελόμην τῶν λειτεργησάντων, verum hæc ita quidem Commodus Philisco insensu: At enim ibidem subiicit Philostratus, idem Imp. Philostrato Lemnio λειτεργῶν ἀτέλειαν ἐψηφίσατο, publicarum functionum immunitatem SC. concessit. Sed & Commodi Imp. constitutio memoratur d. l. εὐν δύο 6. §. ἐν δὲ 8. cui inserta fuerint verba quædam ex constitutione D. Pii: etsi Modestinus ibi non dicat, quid a Commodio constitutum fuerat.

Exinde circa hanc immunitatem variæ quæstiones enata, quæ sequentium Imperatorum constitutionibus definitæ: veluti Antonini Pii, d. l. 6. §. 2. 7. l. 1. & 4. C. Iust. de Profess. & Med. de quo etiam Capitolinus c. 11. Rhetoribus & Philosophis per omnes Prouincias & honores & salaria detulit, (qui huic immunitati dispenses quasdam, id est, conditiones apposuit: Ita enim locus ille intelligendus, non de hæresibus, & sectis Philosoph.) Severi & Antonini, d. l. εὐν δύο, 6. §. ἐν κακείνῳ, 9. & §. τὸν ἐν Ῥώμῃ II. l. II. in f. D. de mun. & honor. Philippi Diocletiani & Maximiani, l. 3. 4. 5. Cod. Iust. eod. tit. de Profess. & Medic. & ipsi Iurisconsulti multa scripserunt, d. l. εὐν δύο, 6. l. ult. in fin. D. de mun. & honor. l. 8. §. 4. l. 9. & l. 10. §. 2. D. de vacat. & excus. muner. Sane post Constantinum Libanius quoque diff. 3. περί ἀπληξίας in f. T. II. Oper. innuit hanc esse sortem Professorum, τὸ ξῆν ἐν ἀτελείᾳ. Eodem pertinet Libanii epistola in MS. Regio ad Modestum 282. & ep. 296. Edit. Wolff. vbi memorat diserte, παλαιὸν νόμον βοηθῆντα ῥητορῶν, antiquam legem, Rhetoribus profluam, de Rhetorum immunitate a muneribus publicis, ad quæ tum decretis ψηφίσμασι (Curialium) nonnulli adigebantur contra ius. Eodem denique spectat eiusdem ep. 824. ad Proclum. Et hoc quidem de Medicorum & Professorum immunitate, quæ intra munerum personalium immunitatem stetit. At enim munerum patrimonii immunitas non data, arg. l. 8. C. I. de Philosophis: & l. 10. §. 2. de vacat. & excus. munerum. Quæ tamen ipsa immunitas munerum patrimonialium a Constantino M. sancita his tribus legibus.

Et nihilominus tamen quod secundum γράας

Medicis & Professoribus a Constantino M. tribuitur, idem HONORVM in ciuitatibus suis capessendorum facultatem eis tribuit: honorum, inquam, seu dignitatum, vt f. l. huius dicitur, municipalium videlicet, Quid inter munera & honores interfit, notissimum ex l. 6. §. 3. l. 19. II. 14. D. de munerib. & honorib. & quidem nominatim inter munera personalia & honores: nempe illorum nonnulla etsi in administranda Republ. consisterent, attamen munera proprie dicta, sine titulo dignitatis, vt docet vel lex 14. §. 1. D. de munerib. & honorib. Honor vero municipalis, erat administratio Reipubl. cum dignitatis gradu, etsi non sine erogatione contingens, d. l. 14. in princ. cuiusmodi est Duumviratus, qui est veluti imago Consulatus, P. 25. & Consulatus municipalis, qui magistratus nomine hic & alibi designatur. Defensio ciuitatis, qui est quasi Tribunatus plebis, Item auitas, & sacerdotium. Vt omitam alias inter honores & Munera differentias: isthæc notetur. Nempe Medicos & Professores immunitatem habere a muneribus, non ideo tamen honoribus arceri, verum iis fungi posse: quomodo & alias non illico qui a muneribus excusatur, & honores ei remittuntur, seu ab his excusatur, l. 12. D. de munerib. & honorib. ratione ibi addita, quia hoc ad honorem magis quam ad munera pertinet. Ergo quibus data erat vacatio munerum, non ideo honores sibi delatos (qui cum erogatione sæpe coniuncti erant) defugere poterat, & inuitus eos subire cogebatur. Est quædam similis hac Constantini M. constit. circa Medicos & Professores differentia, sed tamen amplior & honorificentior: illo casu, qui a muneribus immunis est, inuitus tamen honores sibi delatos subire cogitur: verum ita a muneribus immunes a Constantino M. fiunt Medici & Professores, vt tamen non inuiti quidem, verum volentes honoribus fungi possint: Fungi, inquit, eos honoribus volentes permittimus, inuitus non cogimus: ratione præmissa; Quoniam, ait, grauissimis dignitatibus vel parentis vel domini vel tutores esse non debent. Quæ quidem verba, si quæ hoc Codice, male sana, omnemque medelam respucere mihi semper visa. At nunc vel leuicula hac mutatione locus restituendus: quoniam graues (id est, grauati inuiti) grauissimis dignitatibus; vel sustineri posse putem commoda hac interpretatione. Nempe quidam honores, comparantur hic cum officiis parentum, Dominorum, & Tutorum; vt ecce defensores ciuitatum parentis seu patris vicem plebi exhibebant: l. 4. Cod. Iust. de defensor. Ciuit. sed & curatores Ciuitat. fuere τὰ κοινὰ πατέρες. Igitur æquum non est Medicos & Professores grauissimas, id est, onerosas sibi dignitates subire cogi: quæ dignitates parentes, dominos, & tutores deponunt: Parentes, inquam, ac proinde prono pietatis & sedulitatis affectu: dominos, & sic tanquam rei suæ prouidos: tutores denique vice dominorum instar: Ac si diceret, dignitates non recte sustineri, nisi ab iis, qui Parentis pietatem & officiosam sedulitatem domini & vice domini, id est, tutoris diligentiam ad eam adhibitori sint. Quare nonnisi volentibus Medicis & Professoribus harum aditum permittendum, inuitos non cogendos. Quod vtique recte de Medicis & Professoribus dicitur, quorum est explorare, num aut salutis procurandæ, aut erudiendæ iuuentutis ratio (quæ duo maximum fauorem merentur & remissos animos requirunt) sibi permittat etiam honores in Ciuitate sustinere, qui non ideo eos a proposito institutoque vitæ abducturi sint. At non idem de aliis recte dicitur: Nam alioquin munus quamlibet publicum sustinenti honor deferri potest, l. 10. D. de munerib. & honor. Ratio differentia petenda est

est vii dixi, a Medicorum & Professorum instituto & proposito, qui vt sese alio abduci inuitos non patiuntur, propter sedulam & assiduam curam, quam hi professione suis debent; ita si integra Professione sua honores adipisci gestiant, ad hoc aditum hic præberi æquum est: ne alioquin in eorum numerum relegentur qui ab honoribus submoti sunt. Poterant igitur Medici & Professores, si vellent, Duumviri, Defensores, Gymnasiarchæ, Aediles, Sacerdotes, Flamines, Legati creati, (quæ & ipsa munera personalia dicuntur & honores) quærem alioquin immunitas iis firmata ab Hadriano inito statim Principatu d. l. εὐν δὺ 6. §. 8. D. de excusat. ἀτελεῖς, inquit, εἴη γυμνασιαρχῶν, ἀγορανομῶν, ἱεροσυνῶν, καὶ πρεσβευῶν, immunes esse a Gymnasiarchia, aedilitate, sacerdotio, neque legatos esse. Sane ipsius Hadriani Temporibus Sophistas a ciuitatibus suis ad Imperatores Legatos missos, βασιλεῖς πρεσβείας, πρεσβευτικά, his commissa, plurimis locis Philostratus testatum reliquit: Ita Marcum pro Byzantinis πρεσβεύοντα, lib. 1. de vit. Sophist. pag. 530. ita Polemonem pro Smyrnis lib. eod. pag. 531. & 535. Scopelianum siue pro Smyrnis, siue pro Communi totius Asiæ lib. eod. pag. 520. Edit. Morell. ad Hadrianum Imp. memorat Philostratus: Proculdubio vltro susceptis legationibus: Alioquin his immunes erant, vt & sacerdotio. Hinc cum sub Hadriano Phaurinus in patria ἀρχιερεὺς Sacerdos electus fuisset, teste Philostrato, lib. 1. de Vit. Sophist. pag. 494. Edit. cit. εἴρηκε κατὰ τὴν ὑπὲρ τῶν τοιαύτων νόμον, ὡς ἀφαιρῆναι τὴν λειτουργίαν, ἐπειδὴ ἐφιλοσόφει, id est, promoucauit ad leges super hoc latis, seu immunitas a muneribus publicis, utpote Philosophus: ita enim locus ille vertendus erat, quem non cepit Interpres. Et hac de Honorum capessendorum iure Medicis & Professoribus relicto.

Tertio capite Constantinus M. Medicos & Professores a vulgi INIURIIS & vexationibus vindicat, sanctasque eorum personas reddit, quomodo & aliæ personæ sanctæ ita redditæ ab iniuriis iure Romano, ἱεροὶ καὶ ἀσυλοὶ sacrosancti. Nemp in ius vocari eos passim iniuriasque his inferri, hos vexari mos inceserat, scilicet hoc genus hominum ac nominatim Sophistæ in contemptum venerant, tanquam ἀγροικοὶ foroque vii nescirent; (forte tanto magis, quia Christiana Religione iam inualecente in contemptum venerant hi Professores ferme Gentiles) sic vt ad fora iudiciaque pertraherentur, hisque minæ & formidines iudiciorum imperitis intentarentur: Id enim est hac l. in ius vocari. Quare non sunt audiendi qui putant hac leg. Medicis & Professoribus facultatem dari per curatores causas suas agendi, vel hoc tertio capite & privilegio tribui fori præscriptionem Medicis & Professoribus. Nil tale. Sacrosanctas enim quodammodo eorum personas hic reddit, ne quis impune eos iniuriis vexaret, inque ius pertraheret oborto collo. Ad sacrosanctas eorum personas pertinere censeo ἱερῶδες, quod inter cætera præmia dari solitum Sophistis ait Philostratus, & vero datum ait Adriano Sophistæ a Marco Imp. lib. 2. de Vit. Sophist. pag. 585. Edit. Morell. ἐπὶ μέγα ἦρε δωρεῶς τε, καὶ δώροις, καλῶ δὲ δωρεῶς μὲν, τὰς τε σιτήσεις, καὶ τὰς προεδρίας, καὶ τὰς ἀτελείας, καὶ τὸ ἱερῶδες, καὶ ὅσα ἄλλα λαμβάνει ἄνδρας, muneribus & donis exedit: munera, voco sportulas, stipen-

dia, prerogatiuas, immunitates, pontificatus, & cætera, quæ viros illustrent, vbi est qui interpretatur Sacerdotii honorem. Quod recte refutant alii: inter alia quippe contra pro præmio immunitas data a Sacerdotio Professoribus, l. 6. §. 8. D. de excusat. Neque admitto emendationem καὶ τὸ ἱερῶδες, quasi dixisset immunem factum etiam Sacerdotiorum. Igitur ab his iniuriis eos vindicatum it, hac constitutione Constantinus M. multa centum millium nummorum indicta ei, qui inius eos vocasset, vel iniuriam eis intulisset, cuius multæ hac leg. definitæ, vt & deinceps, vbi de seruo agetur, memoriam sustulit Tribon, in leg. sua ex hac interpolata, arbitrariam eam reddens. Quæ vtiq; ingens summa est mille aureorum, vt æstimant rei nummariæ periti: cuiusmodi sextuplum salarium Eumenio Oratori a Constantio Chloro datum, in sexcentis millibus nummum, quæ ipsum ex Reipubl. Augustodunensis viribus accipere voluit: vt disertè habet tum ipsius Constantii epistola cap. 14. tum Eumenii professio cap. 11. orat. pro restaur. schol. Quorum lectionem recte vindicat Liuius, Imo cuiusmodi omnino salarium Vespasianus teste P. 16. Suetonio cap. 18. Latinis Græcisque Rhetoribus annua centena constituit: id est, centum millia nummorum: de quo mox ultimo capite. Et huius quidem multa exigendæ curam iniungit Magistratibus vel Quinquennialibus, qui si eam non exigerent ipsi inferre tenerentur: scilicet dissimulatione Magistratuum municipalium ad huiusmodi iniurias & procaciam vulgus efferebatur. Magistratus, hac leg. vt & aliis quam plurimis legibus, ac præsertim sup. tit. de Decurionibus sunt Duumviri seu Magistratus municipales, qui potestatem intra metas propriæ ciuitatis exercebant, vt iam notum: vide dicta ad l. 174. sup. de Decurionibus. qui quidem annalis Magistratus erat, l. 16. sup. de Decurionibus. & vt docet lex 1. sup. quemadmodum. mun. ciuil. In aliis ciuitatibus seu municipiis & coloniis Magistratus Quinquennales dicebantur. Quorum vnica isthac mentio hoc Codicem occurrat de his Quinquennialibus (nam alii sunt Quinquennales Collegiorum, de quibus lib. 14. ad leg. 7. de pistor.) Spartianus Adriano cap. 19. Fuit, inquit, in patria sua (Italica Bætica) Quinquennalis: & item Adriæ Quinquennalis quasi in alia patria: in Glossis cap. de Magistratibus p. 291. Quinquennalis, πενταετηρικός. Meminit & Apuleius lib. 10. pag. 202. Edit. Lugd. B. apud Ioan. Maire. gradatim permenis honoribus Quinquenniali Magistratui fuerat destinatus. Vide eundem etiam lib. 11. Horum frequens mentio in veteribus inscriptionibus, quas hic memorare longum: fuisse eos quoque Duumviros apparet ex Inscrip. ap. Gruter. CLXVIII. 6. vbi Duoviri Quinquennales vocantur.

M. GAVIVS. T. F.
Q. VISELLIVS. Q. F.
GALLVS
DVOVIR. QVINQ.
CREPIDINES. CIRC
FORVM. S. P. F.

Item CCCLIX. 3.

T. APPAEQ. T. F. VEL
ALFINIO. SEGVNDQ
PROC. AVGVST. XX. HERED
PROC. ALP. ATRECTIANAR
PRAEF. VEHICVL. SVB. PRAEF
CLASS. PRAET. RAVENN. PR
ALAE. I. AVG. THRAC. TRIB. COH
I. AELIAE. BRITTON. PRAEF
COH. III. GAYLOR. PATRON
COLON. FLAMINI. DIVOR
OMNIVM. AVGVRI
II. VIR. QVINQ. BIS
OB. MERITA. EIVS.
D. D.

Item CCCCXLV. 5.

C. OFILIO. SEX. F
GAL. DVO. VIR. ITERVM
QVINQVENNALI

Item CCCCXXXIII. 8.

L. OCTAVIO. L. F. CAM
RVFO. TRIB. MIL. LEG. IIII.
SCYTHICAE. PRAEF. FABR
BIS. DVOMVIRO. QVINQ. EX
S. C. ET. D. D. AVGVRI. EX. D. D
CREATO &C.

In iisdem Inscriptionibus CCCCXXII. 8. vbi
de Albia Balbina Flaminica Pisauri & Arimini,
Patrona Municipum Pitinatium & Pisavren-
sium.

ALBIAE. C. F. BALBINAE
FAMINICAE. PISAVRI. ET
ARIMINI. PATRONAE. MUNICIPI
PITINATIVM. PISAVRENSIVM
HVIC. ANNO. QVINQVENNAL. PETINII.
PRISCI. MARITI. EIVS. PLEBS. VRBANA
OB. MERITA. EORVM : : : : :
: : : : : CIV. IMP. : : : : :
: : : : : : : : : : : : : : :
IVS. COMMVNE. LIBERORVM. CONCESSIT
L. D. D.

Quare iam patet, falli virum doctissimum,
qui Duumviris eos comparavit: verum pro de-
fensoribus civitatum accepit: hoc argumento,
quod Defensores civitatum olim, ante *Novell. 15.*
integro quinquennio essent: Cui & hoc argumen-

tum commodare possem: quod hic agatur, de
defendendis Medicis & Professoribus ab iniuriis,
quod utique muneris defensoris civitatum fuisse vi-
detur. Verum pendere is debuit Duumviros
Quinquennales in *Inscriptionibus* quoque dici. Quid
quod hac Constantini M. aetate Defensores hos in-
cognitos fuisse puto, utpote posterius institutos,
& ut cenfeo, sub Valentiniano & Valente pri-
mum, quorum est *lex 1. Cod. Iust. de Defensorib. civit.*
(cui etiam iungenda est *lex 4. supr. de his quae ad-
ministr.*) quae data Anno 365. antiquissimam omni-
um horum Defensorum mentionem continet: Ita
quidem ut *duabus illis legibus* indicari videatur re-
cens tum eorum institutum fuisse: Saltem formu-
la officii defensorum iis continetur. Ad Magistra-
tus & Quinquennales redeamus, quibus hoc iniun-
gitur *hac leg.* ut Medicos & Professores a vulgi vexa-
tionibus & iniuriis vindicent, vexantes suo peri-
culo multent. Additur de servis, iniuria ab his
facta Medicis & Professoribus; scilicet eo proca-
citis ventum, ut vel ultro servi etiam his iniu-
rias inferrent, eos vexarent: vel etiam a dominis
immissi, seu canes latrantes. Igitur iubet Con-
stantinus M. si id fecerint insciis dominis, flagel-
lis eos caedi a Dominis, Professore iniuria affecto
praesente: si domino consentiente, viginti milli-
bus nummorum dominum multari iubet: seruo
interim pro pignore donec multam fisco intulerit,
retinendo: Quod pignoris legitimi genus notan-
dum. Flagellis scilicet servus verberari iubet, id
est loris, quae utique servilia verbera sunt, ut equi-
dem Constantini constitutio, *l. 1. supr. de emendat.
servorum*, ostendit.

Quarto capite iubet Constantinus M. Merce-
des, seu SALARIA, Medicis & Professoribus in
civitatis reddi, id est praestari, quae scilicet olim
praestita, aliquandiu denegata videntur, vel aliquo
praetextu denegabantur. De quibus annonis Pro-
fessorum quoque agitur *l. 11. infr.* Non ex fisco
(de hoc enim Professorum salario hic non agitur,
neque nos etiam hic de eo agemus, verum *l. 11.
infr.*) verum de eo salario, quod a singulis ciuita-
tibus Professoribus dari solitum ex viribus Reipubli-
cae: cuiusmodi sane salarii a Constantio Choro-
Eumenio ex Augustodunensis Reipublicae viribus
datum in sexcentis millibus nummum. Meminit &
Libanius in *MS. Regio epist. 127. f. 132. ed. Wolf. ad
Eutocium*: vbi agit de Eudamone Aegypto Rhe-
tore: *δὲ τῶν τῶν ἢ πόλις διὰ τῶν χάριν Εὐ-
δαμόν. τίς δὲ αὐτῇ; τιμὰ τὸν πᾶνδευτὴν
ἡμῶν ὁ βασιλεὺς τῇ βασιλικῇ τροφῇ. ταύτην
δὲ ἡμῶν ἀργυρίᾳ βεβλόμενοι γενέσθαι πρὸς ἡμᾶς
εἰδομεν, ἐνδύμεντες, ὡς ἡ πρᾶσις δεῖται τῆς
Εὐτοκίᾳ φιλοτιμίας, &c. καὶ προσδέχεσθαι ἀν-
δρὸς εἰδότες λέγειν ἔπαινον ἀντὶ τῶν χρημάτων:*
*det itaque vrbs per te Eudamoni beneficium. Quodnam
porro illud? est hic ei, qui apud vos docet, bonos
a principe decretus, ut imperatoris sumtibus alatur.
Eum honorem parare argento cupientes, ad vos re-
speximus, cum visa esset illa venditio Eutocii favore
indigere &c. A viro autem dicendi perito laudem pe-
cunie loco expectata. De eo scil. salarii genere hac l.*
Constantinus M. agit: Cuius vnica mens hac
tota constitutione ipsas ciuitates respicere videtur;
ab vna parte scilicet Medicorum Professorumque
dignitatem vindicando a Muneribus civitatum, &
a plebis iniuriis, ab altera parte Honorum vrbs
copiam eis faciendo, simul & salaria eis praestari
iubendo. Quae proculdubio his per iniuriam a
Ciuitatibus denegabantur: forte vel quia his sol-
uendis non sufficerent, vel quia soluere Christianae
iam ciuitates nollent Paganis Doctoribus. Sym-
machus

inachus certe sua ætate nescio qua occasione Romanæ studentis Magistris subsidia solemnibus alimonia detracta scribit *lib. 5. ep. 35. Idemque lib. 1. epist. 73.* Professoribus Romæ salarii emolumenta & annonas a Senatu decreta Auctor est, sic tamen ut id confirmaretur a Præfecto Prætorio Italici.

Cæterum ut de annonis Professorum agitur quoque *l. n. infr.* ita de iisdem est egregia Athalarici ad Senatum V. R. oratio apud Cassiodorum *IX. Var. 21.* de his inquam iis soluendis absque nundinatione vlla, sine vlla diminutione: & quidem duabus: pensionibus priore post menses sex absoluti muneris: posteriore, anno expleto. Libanii epistola huc pertinet ad *Andronicum*, Phœniciæ Rectorem *ep. 225. in Cod. Regio f. 231. ed. Wolf.* vbi de Antiocho medico agit, cui in aliam militiam translato equorum collatio indicta fuerat, a qua eum Imperator liberauerit, & Rectores Phœnices: *Ἀντίοχος ἀπάσῃ μὲν βοῇ τῇ πόλει, διὰ τῆς ἰατρικῆς.* & post: *περιπεσὼν τῇ τραυμῇ δικαιοσύνη τελεῶν εἰς ἑτέραν στρατείαν, εἰς τὴν ὑπ' ἐκείνου τότε ἔσαν ἐγγράφετοι, καὶ ἵππους εἰς παρέχων ἄλλ' ἢ κατὰ βασιλεὺς λύων καὶ*

τὴν προτέραν ζητεῖν. ταῖς μὲν αὖν ἐλπίδι αὐτῷ βεβαιῶσι, καὶ οὖν εὐλαδῶσι παρ' ἐκείνου. μικρὸν δὲ ὑστερον παρὰ τοὺς καμίζων τὴν γνώσιν, P. 27. μᾶλλον δὲ ἔχει τὴν βασιλεὺς ἡδὴ γνώσιν ἐν ἀντιγράφοις παρεγγυμένην, καὶ τὰς ἵππους ἐξαιρεῖ τῶν στρατευμένων. ὅπως μὴδ' ὑστερον ἐγγενέσθω τῷ πραγματικῇ παραχῇ, τῷ τε ἱατρῷ δι' ἡμῶν ἢ τι τῶν κατὰ τὴν πεπραγμένην. Antiochus totam quidem urbem sua medendi arte inuasi: Traiani statuis obnoxius, cum in aliam cohortem transiret, illi, qui huius tunc erat, adscribitur. Itaque equos suppeditare debebat. Sed non permittit rex priorem quoque mulcam rescindens. Hoc vero Elpidius ipsi ratum facit, apud quem nunc est Eulalius. Breui interim rem tibi iudicandam eradet, vel potius regis sententiam, cuius copia adiuncta est, iam habet, & equos currentium numero eximit. Ut itaque nec impofterum causa hac turbetur, Medicoque illi per nos aliquid fiat, quod ex voto sit, &c. promittebis.

II. (a) Idem A. ad Rufinum PF. P. (b)

ARCHIATRI omnes, & ex-Archiatris, ab vniuersis muneribus Curialium, (c) Senatorum, (d) & Comitum, Perfectissimorumque (e) muneribus, & obsequiis quæ Administratione perfunctis (f) sæpe mandantur: a præstationibus quoque publicis liberi immunesque permaneant: nec ad vllam auri (g) & argenti, & equorum (h) præstationem vocentur, quæ forte prædictis Ordinibus, aut Dignitatibus adscribuntur. Huius autem indulgentiam sanctionis, ad Filios quoque eorum statuimus peruenire. Dat. XII. Kal. Iun. Constantino A. VII. & Constantio Cæs. Coss. [326.]

NOTÆ.

- (a) Absit hæc lex a *Cod. Iust. GOTHOF.* Nota in hunc annum incidere Constantinianæ Vicennalis Romæ celebrata, ex quibus & hæc lex lucem capit *Vid. Pagius in Crit. ad Annal. Baron. h. a. num. 2. RITTER.*
- (b) *Rufinus* quidam sub Constantino M. P. V. primum fuit Anno 313. 314. 315. 316. deinde Anno 319. PP. ut docet *Chronol. nostra.* & *Prosopogr.* At enim Anno 326. cui Anno lex hæc adscribitur, nullo alio præterea loco *Rufinus PP.* designatur, de quo mox. *GOTHOF.*
- (c) *V. l. 16. infr. hoc tit. ID.*
- (d) Prætura, *l. 12. Glebali collatione, l. 75. 16. 19. infr. ID.*
- (e) Vide *tit. supr. de Perfectissim. dign. ID.*
- (f) Honoratis: de quibus *l. unic. supr. de off. Iudic. Ciuil. & l. unic. infr. de honoratorum vehic. ID.*
- (g) An hic intelligitur collatio donatarum, &c. vide *l. 1. & 2. supr. de collatione donatarum. An aurum tyronicum? Hoc putat. ID.*
- (h) Vide *titulum, supr. Qui a præbitione tyronum & equorum excusentur:* cuius lege 1. Comes Archiatrorum ab illis collationibus excipiantur. *ID.*

COMMENTARIVS.

SECUNDA hæc Constantini M. constitutio est. Et hæc quidem de ARCHIATORVM vel EX-ARCHIATRIS, immunitate: de quasunt præterea septem constitutiones *hoc tit.* puta *lex 12. 14. 15. 16. 17. 18. 19.* Archiatrorum, S. Palatii scilicet (de quibus quoque suo titulo, *supr. de Comitib. & Archiatris S. Palatii*) Alii quippe sunt Archiatři, de quibus *l. 4. 8. 9. 13.* nempe vrbis Romæ Medici. Igitur Archiatři, & ex-Archiatři, S. Palatii eorumque filii ab omnibus muneribus publicis immunes hæc

leg. pronuntiantur: Quinimo & ab omnibus muneribus, quæ certos Ordines & dignitates manebant, iisque incumbabant, vel subinde adscribebantur: de quo tamen dubitari poterat, eo quod nonnulli Archiatrorum istorum & ex-Archiatři Curiali conditione erant, vel certis dignitatibus decorari solebant, veluti Senatoria, Comitum Perfectissimorum, quomodo sane Symmachus *lib. 10. epist. 20.* Ioannem V. P. Medicum, id est, *Virum Perfectissimum*, vocat, ut recte *Abiluretus* explicauit. Item admuni-

stratione Prouinciarum: quibus omnibus vel ordinaria munera incumbant, vel extra ordinem sæpe quid mandabatur, muneris & obsequii, vel præstationis vel collationis. Quod quidem de Curialium muneribus, Senatoria glebali collatione, vel Prætura, item de extraordinaria indictione, quæ Honoratis in administratione perfundis adscribebatur, veluti Tyronum & Equorum præstatione, aliunde clarum est: puta ex tit. de Decurionibus: tit. de Senatoribus & glebali collat. tit. de Prætorib. item ex tit. qui a præbitione Tyronum & Equorum: muneribus pariter, quæ Perfectissimorum dignitatem adeptis incumbant. Est præterea eiusdem Constantini M. constitutio, l. i. sup. de honor. codicillis. sed & l. 15. sup. de Decurionib. de quo dixi plene ad tit. de Perfectissim. dignit. De his quæ Comitum dignitatem adeptis incumbant, dictum etiam l.

36. sup. de Decurionibus. Ergo cum aliis Curialibus, Senatoribus, Comitibus, Perfectissimis, Honoratis, sua quædam munera incumberent, vel extra ordinem iniungerentur, & in his auri, argenti præstatio, vel equorum: attamen Archiatri, ex Archiatri, etsi prædicti ordinis essent Curialis, Senatorii, vel prædictis dignitatibus honorati fuissent, illos istorum Ordinum & Dignitatum oneribus & muneribus immunes reddidit hac leg. Constantinus. Ergo Archiatria Curiali conditione & muneribus liberat Archiatros, & filios eorum. Item a Senatoria & Glebali collatione, a Præturæ honore, a Comitum & Perfectissimorum oneribus, ab auri & argenti collatione, vel equorum præstatione. De Curialis oneris immunitate Medicis tributa vide plura ad leg. 4. infra.

III. (a) Idem A. ad Populum. (b)

BENEFICIA Diuorum retro Principum (c) confirmantes, Medicos, & Professores litterarum, vxores etiam & filios eorum ab omni functione & ab omnibus muneribus publicis vacare præcipimus, nec ad militiam (d) comprehendendi, neque hospites recipere, nec vilo fungimur; quo facilius liberalibus studiis & memoratis artibus multos instituamus. (e) PP. V. Kal. Octob. Constantinop. Dalmatio & Zenophilo Coss. [333.]

NOTÆ.

P. 28. (a) Ex hac quoque lege pars legis 6. Cod. Just. eod. tit. desumpta est. GOTHOF. In hunc annum incidunt *Vicennalia* Constantinij Iunioris, quod probat Pagius in Crit. ad Amal. Bar. num. 2. h. a. In his autem solemnibus priuilegia data, notum est. RITTER.

(b) Urbis Constantinop. nam ibi proposita hæc lex, ut docet subscriptio legi. GOTHOF.

(c) Iam de hoc egi ad l. i. sup. ID.

(d) Militiam, id est, Tyronum præstationem b. l. & l. 10. & 16. infr. ID.

(e) Hanc rationem siue hunc finem discuti, & ad ingenium Constantini M. expendi ad d. l. i. sup. ID.

COMMENTARIUS.

TERTIA hæc Constantini M. constitutio est, de Medicis & Professoribus: qua Medicorum & Professorum, itemque vxorum & filiorum eorum plenam ab omnibus muneribus immunitatem, iam ante beneficiis Principum tributam, sancit Anno D. 333. Ratione etiam addita: Quo facilius, inquit, liberalibus studiis & memoratis artibus MVLTOS instituamus. Quam etsi superius ad l. i. sup. expendimus, vna cum recensu Principum, quorum beneficia super hac immunitate iam olim processerunt ante Constantinum: Attamen ad historicam huius constitutionis rationem apprimè facit. Nempe Constantinus M. Constantinopolim ante triennium a se excitatam, hominum multitudine frequentari cupiens, studiis quoque literarumque Professione eam urbem fundare instituit. Quare & inter alia, Medicorum Professorumque immunitatem sancitum iuit, quo facilius illi multos instituerent. Eo sane exemplo Iulius, teste Suetonio cap. 42. ut exhaustæ urbis frequentia suppeteret, omnes Medicinam Romæ professos & liberalium artium Doctores, quo libentius & ipsi Urbem incolerent, & exteri appeterent, ciuitate donauit. Libanii huc epistola pertinet, ad Celsum 835. ὁ νόμος τὰς ἰατροὺς μίαν ἀποδοῖν λίσσασθαι, τὴν ἀπὸ τῆς τέχνης. Φίλων δὲ πρὸς τὸ βαλεῖν ὑπὸ τῶν παύσων οἰκόντων ἑκάστου πάλου πολλὰς ἐκ νοσημάτων ἀνα-

τήσας. εἰ μὲν ἐν ἀγνοῶσιν, ὡς ἰατροὺς ὁ Φίλων, μαθήσας πανέδωσαν. εἰ δὲ εἰδότες βιάσθαι, Φίλων μὲν ἴσως εἰδέναι, ἰχυρὸς δὲ ὁ νόμος: leges quidem vnum hoc in publicum ministerium a Medicis postulant, quod ab arte præstant. Philo autem a Rhosi incolis in senatum abripitur, qui pridem multos a morbis liberos præstitit. Quod si igitur ignorant, Philonem Medicum esse, rem edocti, desistant. Si vero rem probe scientes compellere pergant, infirmus forte erit Philo, lex verò validissima.

Porro inter cæteras immunitates Medicis & Professoribus eorumque vxoribus & liberis datas, Constantinus duas nominatim hic memorat, puta vt, Ne ad militiam comprehendantur, neque hospites recipiant: pariter vt Valentinianus Sen. l. 10. infr. Eoslemque ad militiam minime comprehendendi placet: sed nec hospites militares recipiant: quæ lex proculdubio ad hanc efformata est. Et Theodosius Iun. l. 16. infr. Ita vt nec ad militiam liberi memoratorum trahantur iniuiti. Imo antiquissimo iam Hadriani Imp. beneficio quod Antoninus Pius renouauit sua constitutione, in l. eam duo. 6. §. 5. u. 8. D. de excusationib. quoque etiam Constantinus respexit, ἀτελὲς ἑνὰ ἐπισαθυμῶν, &c. καὶ μήτε κρῖναι μήτε πρεσβεῖν, μήτε εἰς στρατὸν καταλέγεσθαι ἀκοντάς, μήτε εἰς ἄλλην αὐτὰς ὑπηρεσίαν ἐθνικὴν ἢ τινα ἄλλην ἀναγκάζεσθαι. imma.

immunes esse a munere metati &c. neque iudicare neque legatos esse, neque in militia numerari nolentes, neque ad alium famulatum eos cogi. Ad militiam itaque comprehendere trahique tribus illis legibus non tantum ipsi non possunt, sed neque eorum liberi quasi tyrones in tyrocinium militiae (vt loquitur *lex 11. supr. de Tyronib.*) Nempe etsi tyrones vrbaniis familiis (vt loquitur Symmachus *lib. 6. epist. 58.*) seu Plebeis indicerentur, *l. 7. supr. de Tyronib.* Medicique & Professores e populo essent, *l. 2. infr. de studiis lib. V. R.* attamen tyronum praestatione immunes erant. Et tamen non id semper obtinuisse colligat quis ex Libanio *epist. ad Anatolium 365.* vbi agit de Marcelli Medici duobus filiis, *διὰ τὸ το πᾶν γέρον ἂν, πᾶν νέος υἱὸς τρέφει, ὅς ἀρτι γάλακτι ἀπαλαγέντας εἰς στρατιώτας ὁ βασιλεὺς ἀνέγραψεν, ἂν νῦν ὁ καλὸς ἡγήται Μισσώνι, πρᾶτῶν αὐτοῖς ἀσφάλειαν εἰς ἅπαντα τὸν χρόνον: ἀλλὰ νῦν κηρύγματα περιφοιτᾷ χωρεῖν ὡς ὑμᾶς, εἰς ὅτ' ὁ βί' οἱ: τοῖς δὲ Μαρκέλλῳ πατρὶν ἔχ' ὅπως τὸ το γῆσον, ἀλλ' ἔδ' ὑπερβῆναι τὰς πύλας. δεδοίκαμεν δὲ μὴ τῆτ' αὐτὸς ἐκβάλλῃ τῇ χήμῳ, καὶ σὲ δεόμεθα, τηρεῖν αὐτὸς ἀπόντας ἐν τῷ χήματι &c.* id est: Ideoque cum admodum senex sit, admodum iuuenes educat filios, quos recentior lacte depulso Imperator militibus adscripsit, quibus nunc egregius Musonius praest, qui immunitatem iis (a militia) haecenus semper praestitit. Verum nunc Edicta promulgata, uti ad vos sese conferrent ii, quibus hoc vitae genus est; Marcelli autem liberis tantum abest ut hoc facile sit, ut ne portas quidem transgredi valeant: Et veremur, ne ob hoc militia deiciantur: Quare ut eos in militia absentes serues te rogamus. Verum an Marcelli Medici filii vltro a parente militiae oblati fuerint, an vero ut tyrones exacti? non liquet.

Addit, neque hospites recipere: scilicet a Metati onere (id enim est hospites recipere) Medici & Professores immunes fuisse: vt *hac leg. ita & d. l. 20. 16. 18. infr. hoc tit.* Id quod vetustissimum privilegium Professoribus & Medicis nominatim datum est praeter ciuiliu munerum vacationem (vna cum angariarum immunitate, *l. 10. §. 2. D. de vacat. muner.*) a Vespasiano & Hadriano, vt docet Arcadius Charisius horum ferme Constantini M. temporum scriptor *l. ult. §. ult. D. de mun. & honorib.* vt maxime cum ab aliis patrimonialibus muneribus immunes non essent, vt docui ad *l. 1. supr.* & metatum seu munus recipiendi hospitii munus patrimonii non personae esset: *l. 3. §. 14. D. de munerib. & honorib.* seu rei cohaereret, *l. 11. D. de vacat. muner.* Ea quae immunitas etiam nominatim comprehensa fuit ea Hadriani constitutione, cuius partem Antoninus Pius sua epistola meminit referente Commodus apud Modestinum, quam superius quoque signaui, *ἀτελής, inquit, εἶναι γυμνασιαρχῶν, ἀγορανομίων, ἱεροσυνῶν, ἐπισθμίων σιτορίας, ἐλαωνίας.* Quem locum vetus Interpres ita male reddidit, *immunes esse gymnastis Sacerdotii stantes, & neque ad frumentum & vini & olei emptiones & praepositiones.* Nullo partim sensu, partim & mutilo; cum dicere debuerit: *immunes esse a munere Gymnasiarchiae, Aedilitatis, Sacerdotii, Metati, Sitionis, & Eleonae.* De quo duolumina illa Iuris nostri, Antoninus Augustinus, & Iacob. Cuiacius affatim. Vni tantum isti nunc adhaereamus: *ἐπισθμίας* loco illo nihil aliud sunt quam onus metati, quod & ipsum illi iam docuere post Budaeum: Hefychius *ἐπισθμία, ὑποδοχή ξενῶν*: eaque voce etiam Cicero vsus ad

Tom. V.

Atticum *lib. 13. ep. vlt.* ergo Medici & Professores *ἀσθμῆντο* fuisse.

Risi nuper doctum Virum (sed non Iuris) qui *lib. 4. Miscell. cap. 1. p. 5. 6.* hanc interpretationem improbens, & Graecis Modestini verbis, atque adeo genuinis non inspectis, vel saltem non attentis, quasi Modestinus eum librum de *excusationib.* atque adeo eam legem Latine conscripisset, Latinae interpretationi isti omnium infusillimae, tanquam authentico adhærens Cuiacii primum mentem alio traduxit, quasi quæ is pro genuino illius loci sensu scripsit, eo scripserit, vt emendaret corruptam Interp. pretis lectionem, qui eo scripsit vt insulsum Interpretationem proferberet, post Antonium Augustinum: tum deinde locum hunc Interpretis, si Deo placet, authenticum, ita ex coniectura sua rescribi debere ait: *immunes esse Gymnasti, Sacerdotii, Stati, &c.* Et statim ait Magistratus nomen esse, Hefychius: *στάτοι, ἀρχὴ τίς*: Et quidem suspitione ex vocis originatione tracta, Magistratum forte fuisse *περί ἐπισθμίας.* Quæ diutius resillere nil attinet, cum sponte sua ex praedictis dissiliant.

Geminus Germanus est eiusdem error, ab eodem fonte natus; cum in eodem Modestini interprete eadem *l. §. prox. precedente*, emendando atque interpungendo laborat: quo loco de Philosophis Diuus Pius ait, existimare se Philosophos, qui diuitiis abundant, pecuniam in utilitates patriæ vltro tributuros: *si vero, inquit Interpres, proprie loquantur de substantia, inde iam manifesti fient Philosophantes.* Vbi Interpres ista non cepit, ei δὲ ἀκριβολογοῦντο περὶ τὰς ἐστίας. *Ἀκριβολογοῦν περὶ τὰς ἐστίας* est attentum, accuratum esse: vel vt Antonio Augustino interpretari libuit, *studiose contendere de re familiari.* Papinianus in eodem argumento *l. 8. §. 4. D. de vacat. muner. ἀκριβολογίαν* hanc ita extulit, *retinenda pecunie cupidinem.* Imperator in *l. 6. Cod. 1. de munerib. patrim.* paulo acerbius dixit, *vinci auaritia & rapacitate.* Quare nō opus emendatione aut interpretatione apud Interpretem Modestini: qui *ἀκριβολογίαν* inepte accepit de *ἀκριβολογία* sermonis: cum sit *ἀκριβολογία* ratiocinii, cupiditatis, auaritiæ.

Tertius est eiusdem error, ex eodem semper fonte manans circa eundem Modestinum, siue Modestini interpretem in eadem *l. 6. §. 2. D. de excusationib.* Posteaquam scilicet is dixit, Grammaticos, Sophistas, Rhetores, Medicos a muneribus publicis, atque adeo a tutela & cura immunes esse, subiicit: *Numerum Rhetorum (ῥητόρων, est qui mallet τῶν ῥητῶν, vt ita ad omnes superius nominatos id pertineat, esse (certum quendam) in vnaquaque ciuitate, qui vacationem munerum haberet, & hereses quasdam lege propositas.* Dixit Interpres, *hereses*, Græca voce tentata: ibi enim Græcum authenticum pariter ita habet, καὶ ἀρέσεις τινὲς προσκείμεναι τῷ νόμῳ id est, (vt versum oportuit) & conditiones quasdam lege additæ, seu lege propositæ. Quod Accursius, & post eum etiam Antonius Augustinus ad diuisionem vrbium, de qua vtiq; diuisione in epistola Diui Pii, quæ subiicitur, agitur, retulere: verum recte refutauit Cuiacius; scilicet praeter numerum, ad vacationem tribuendam & aliae conditiones requirebantur, vt Rhetores, &c. immunitate potirentur: puta, vt decreto Ordinis probarentur, de qua hæresi seu conditione quoque agitur *infr. l. 5.* vt munere suo sedulo fungerentur. Quæ dicitur ἀρέσεις seu conditiones illico subiiciuntur *§. 4. eiusdem legis 6.* additur & tertia *§. 9.* nempe hanc immunitatem non competere iis in patria, nisi etiam in patria doceant. Quid nouus *Miscellaneorum* Scriptor? Refert hanc hæreseos appellationem ad

E

Philoso-

Philosophorum Sectas, quæ cum variæ essent, eas D. Pius definiuerit, quæ e tanto Sectarum numero essent admittendæ. Quod ex superioribus sponte sua diffilist. Deinde & verba ipsa refutant, ait Modestinus καὶ αἰρέσεις τινὲς προσκείμενοι τῷ νόμῳ, non ait hæresum distinctionem factam lege: sed additas legi αἰρέσεις. Et vel potissimum ex serie illius legis. Modestinus enim primum ea l. 6. §. 1. 2. 3. de Grammaticis, Sophistis, Rhetoribus, Medicis agere instituit, eorumque immunitate a publicis muneribus, ac nominatim a tutela & cura: & §. demum §. quod de illis dixerat, ad Philosophos porrigit (neque etiam ἀτελεῖς) καὶ φιλοσόφους δὲ ἀπολύειν ἐπιτροπῶν παῦλῳ γράφει ἔτιως, &c. & Philosophos liberari a tutela Paulus scribit ita. Quinimo inanis est observatio ex Luciano in Eunuchi init. pag. 841. Tom. I. Oper. Edit. Grav. quatuor tantum Philosophorum Sectas ex aliis omnibus publice admissas, Platoniorum, Stoicorum, Epicureorum, & Peripateticorum. Quid enim? Imo hæc quatuor Sectæ solæ hoc ævo fuere: nullum perinde discipulum Sectarum epistola D. Pii fecit. Imo si verba Luciani spectamus, non is ait ex multis Sectis has quatuor tantum admissas, verum κατὰ γένη datum τοῖς φιλοσόφοις μισθοφορὰν ἐκ βασιλείας, καὶ τὰ ἴσα τέτοις ἅπασιν, singulis Philosophorum generibus ab imperatore sala-

rium, ita ut unicuique sectæ premium esset æquale. Ergo non Sectas definitas indicat Lucianus, verum definita salaria secundum Sectas: Quomodo etiam nec Philosophorum numerus definitus fuit, iis rationibus quæ dicuntur d. l. 6. §. 7.

Ad immunitatem Professorum a metatō redeamus. Ea nimium acerbæ usus est Polemo adversus Antoninum, cum Proconsul Asiæ esset: nam cum is in domum Polamonis se recepisset, ut quæ ἀρίστη τῶν κατὰ τὴν Σμύρναν, καὶ ἀρίστη ἀνδρῶν, optima Smyrnensum, & optimi viri foret, Polemon noctu a peregrinatione rediens, Antoninum in aliam domum migrare coegit, ut refert Philostratus in eius V. p. 533. Edit. Morell. cuius rei meminit & ipse Antoninus apud Suidam in voce ἐφίεναι. Ratio cur inter alias immunitates hæc, & quidem inter primas, Professoribus data fuerit, in aperto fatis est: ne videlicet studia eorum, hospitum aduentu interpellarentur. In commune illa, quo facilius memoratis artibus multos instituerent. Quæ ratio cum etiam ad Medicos referatur, sane de ἰατροσοφίαις id accipiendum, qui & Medicinam docebant & facitabant: de quibus ἰατροσοφίαις vide Stephanum in γένει, Suidam in ν. γένει, qui Gellius Iatrosofista ille est, cui inscribitur una ex Gazzi Epistolis: vide & Cedrenum, & Theophilum Protospatharium de vrinis.

IV. (a) Imp. IULIANVS A. ad Archiatros.

RATIO æquitatis exposcit, ut veterum priuilegia Principum circa vos censeamus esse firmanda. Proinde Nostræ Mansuetudinis sanctione subnixi, securi a molestiis munerum omnium publicorum (c) reliquum tempus ætatis iugiter agitabitis. (d) Dat. IV. Id. Maii, Constp. Mamertino & Neuita Coss. [362.]

NOTÆ.

(a) Vid. Iuliani epistolam integram 26. unde hæc lex desumpta est. Abest vero ea 1. Cod. Iust. GOTHOFRED.

(c) Iuliani νόμος περὶ τῶν ἰατρῶν. ID.

(c) τῶν βασιλευσικῶν λειτουργιῶν, munerum Curialium, vel Senatoriorum, Iulianus. ID.

(d) De hac agitandi voce Iuretus in Symm. lib. 2. ep. 33. ID.

P. 10.

COMMENTARIVS.

IULIANI Apostata duæ constitutiones sequuntur: quarum prior est de Archiatis: posterior, de Professuris. Hac scilicet leg. Archiatarum immunitatem ab omnibus muneribus publicis veterum Principum vestigia sequendo συνωδός, sancitum it. De qua immunitate affatim ad leges Constantinianæstres supra. Cæterum hæc ipsa lex Græce, & plenior quidem cum præfatione extat inter Iuliani ipsius epistolas, ep. 26.

Ἰουλιανὸς νόμος περὶ τῶν ἰατρῶν.

Τὴν ἰατρικὴν ἐπιστήμην σωτηριώδη τοῖς ἀνθρώποις τυγχάνειν, τὸ ἐναργὲς τῆς χρείας μαρτυρεῖ. διὸ καὶ ταύτην ἐξ ἑραυρῆς πεφωτισμένην δικαίως φιλοσόφων πᾶσις κηρύττεισι. τὸ γὰρ ἀδυνάτης ἡμετέρας φύσεως, καὶ τὰ τῶν ἐπισυμβαινόντων ἀβρώσημάτων ἐπανορθῆναι διὰ ταύτης.

καὶ γὰρ κατὰ τὸν τῆς δικαίας λογισμὸν, συναδὰ τοῖς ἀνωθεν βασιλεῦσι θεοσπιζόντες, ἡμεῖς ἐὰν φιλανθρωπία κελεύομεν, τῶν βασιλευσικῶν λειτουργιῶν ἀνεύχλητες ἡμᾶς τὰς λοιπὰς χρόνως διάγειν, id est, Iuliani lex de Medicis. Artem Medicam salutarem hominibus esse, usus ipse testatur: Quare & eam cælo delapsam iure Philosophorum filii prædicant: etenim natura nostra infirmitas, & quotidie contingentes valetudinis offensiones per hanc corriguntur. Hæc tamen præfatio, sequitur lex ipsa. Quamobrem, sicut ratio æquitatis exposcit, convenientia veteribus Principibus firmantes, mansuetudine nostra iubemus Curialibus muneribus vos securos reliquum tempus agitare.

Interim duo ex hæc collatione notanda. Primo Archiatis hic pro Medicis accipiendos: apud Iulianum quippe νόμος περὶ τῶν ἰατρῶν: Et vero pro

pro Medicis Urbis Constantinopolitanae nominatim, ubi hæc lex data est: nam & Archiattrorum appella iō his qui Medicinam Constantinopoli, vel Romæ, in his inquam duabus Urbibus Regiis exercerent, tributa; vt docebit præterea lex 8. 9. 13. *infr.* Denique qui ibi ægrotos priuatos curarent: quod exemplo Eusebii Archiatri patet apud Symmachum *lib. 5. epist. 36. 37.* & Episceti Archiatri apud eundem *lib. 10. epist. 40.* Quare doctissimi Mercurialis error est 4. *var. 1.* qui etsi recte ostenderit, Archiatros, non eo sensu primum dictos, quod Principes Medicorum essent, verum qui Principis Medici erant; istiusmodi Archiater Neronis, vt notatur apud Gallicum & Erotianum; attamen non vidit alios & distinctos Archiatros S. Palatii dictos, qui militabant, seu operam dabant Principi: de quibus vid. *Paratitlon*: Alios vero distinctos Archiatros Principum urbium, quibus nihil commune fuit cum Archiattris sacri Palatii, quique populo obsequiebantur, l. 8. *infr.* quos utroque ita confudit Mercurialis, vt diceret, Archiatros fuisse illos omnes, qui Principis sumptibus conducti, eius personæ primum, deinde aulæ omni, postremo cunctis pauperibus arte propria Romæ operam præstabant. Idemque tandem eum fateri cogatur, Archiattrorum nomen Medicis in Vrbe tributum, in eo errat, quod Archiatros ibi dictos tradit, qui in Collegio & Schola Medicorum aliis præsidebant. Imo enim omnes Medici in vrbe Archiatri dicti, velut Principis Urbis Medici.

Secundo notandum quod hic dicitur de immunitate munerum omnium publicorum, id in Iuliani epistola nominatim afferi de immunitate munerum Curialium, τῶν βασιλευσίων λειτουργημάτων: quæ & ipsa nominatim immunitas designatur *Constantiniana leg. 2. supr.* De eadem vero Medicorum immunitate a Curia, deque lege super ea re, est Libanii, qui Iuliani συγγραφοῦς fuit, epistola

expressa ad Celsum Ciliciæ Rectorem, in *Cod. MS. Regio 631. & 635. in Edit. Wolff.* Νόμῳ τῆς ἰατρῆς μίαν ἀπ᾽ αὐτῆς λειτουργίαν, τὴν ἀπὸ τῆς τέχνης. φίλων δὲ πρὸς τὸ βαλεῖν ὑπὸ τῶν Ρώτων (vrbs est Ciliciæ) οἰκόντων ἔλκεται, πάλα πολλὰς ἐκ νοσημάτων ἀνασῆσας. εἰ μὲν ἐν ἀγνοῶσιν ὡς ἰατροὶ ὁ φίλων, μαθόντες πανέωσαν. εἰ δὲ εἰδότες βιάζοντα, φίλων μὲν ἰσως ἀδυνῆς, ἰσχυροὶ δὲ ὁ νόμῳ, leges quidem vnum hoc in publicum ministerium a Medicis postulant, quod ab arte præstant. Philo autem a Rhosi incolis in curiam abripitur, qui pridem multos a morbis liberos præstauit. Quod si igitur ignorant, Philonem Medicum esse, rem edocui desistant. Si vero rem probe scientes compellere pergant, infirmus forte erit Philo, lex vero valdissima.

Porro cum video Iulianum firmantem hæc leg. Veterum Principum privilegia circa Medicos, συνωδὰ τοῖς ἀνωθεν βασιλεῦσι θεσπίζοντα: cum video rationem æquitatis ab eo ostendi, de qua plura ad l. 2. *supr.* cum video eum *Mansuetudinem suam* hic efferentem, & tandem immunitatem in reliquum tempus ætatis pollicentem, cum hæc inquam quatuor attendo, haud inanis coniectura est, Constantium hæc privilegia immunitum iuisse: qui ceteroquin honorariis dignitatibus, veluti Perfectissimorum & Comitum, (quibus Medicos honoratos docuit lex 2. *supr.*) Curialia munera euitari noluit, vt docet lex 26. 30. 41. 42. 44. *supr. de Decurionibus.* Proinde veterum Principum privilegia Iulianus Medicis restituerit a Constantio imminuta: cuius sane etiam nulla hoc titulo constitutio extat, vt viceversa Clericis immunitatem institutam infirmavit; de quo l. 4. *supr. de Iustis coll. & l. 50. sup. de Decurionibus.*

V. (a) Idem A. (b)

MAGISTROS (c) studiorum, doctoresque, excellere oportet moribus primum, deinde facundia: Sed, quia singulis Ciuitatibus adesse ipse non possum, iubeo, Quisque docere vult, non repente nec temere profiliat ad hoc munus, sed iudicio Ordinis (d) probatus decretum Curialium (e) mereatur, Optimorum (f) conspirante consensu: hoc enim (g) decretum ad me tractandum referetur, vt altiore quodam honore nostro iudicio studiis Ciuitatum accedat. (h) Dat. XV. Kalend. Iul. Acc. IV. Kalend. August. Spoletio, (i) Martimertino & Neuita Coss. [362.]

NOTÆ

(a) L. 7. *Cod. Iust. eod. tit.* Recte quoque hunc leg. in *Annales* suos retulit Baronius, A. 362. n. 286. GOTHOFRED.

(b) Vel *Præfetto Prætorio Italiae*, vel *Præfetto urbis* hæc lex inscripta fuit, vel *Consulari Picensi suburbicarii*: in quo *Spoletium* fuit, ubi hæc lex *Accepta* dicitur in *Subscriptione.* IDEM.

(c) *Magistri*, pro *Professoribus* h. l. & 10. 11. 18. *infr. l. 98. supr. de Decurion. l. ult. infr. de stud. lib. V. R. vnde & Magistratones*, loca, in quibus docebant, d. l. ult. ID.

P. 31. (d) Ordo id est, Curia: v. *supr. Parat. de Decurion. ID.*

(e) Curia: ID.

(f) De hac voce mox. ID.

(g) Hoc dein. Sequentia vero rescata sunt a τριβον. tanquam huic temporis propria: merito pro instituto suo. ID.

(h) Quisquis docere vult. ID.

(i) *Spoletium.* Exinde colligo, Prouinciæ suæ Metropolim fuisse. Ad Metropoles quippe directæ constitutio- nes. Id hæcenus ex hac subscriptione colligo, & iam olim collegi *Coniecturae P. 1. p. 29.* Sed aliunde

iam colligo Piceni fuisse Metropolim. Vnde non ex hac subscriptione, quod nunquam a me dictum; verum ex eo quod Balbus nominatim Spoletium in Piceno ponit in Corpore de limitibus, p. 100. 128. Edit. Rigalt. & pag. 118. 142. Edit. Goeß. (quod antiquis temporibus, non his, in Vilumbria vel in Umbria recte collocabatur.) Aliunde colligo fuisse Piceni suburbicarii: quia Spoletium intra centesimum ab urbe miliarium est, quo utique spatio suburbicarias regiones coerceri alibi proluxe ostendi. ID.

COMMENTARIUS.

IULIANI Apostatae secunda haec constitutio est. *In hoc titulo de Professorum Electione seu Delectu; (qua voce in Medicis vitur lex 8. infr.)* Ad quam Electionem pertinet quoque in partem lex 7. & 11. infr. De quo tria haec leg. Iulianus constituit: 1. Quidnam in his spectandum sit. 2. A quibus & quomodo eligendi sint. 3. Quomodo denique a Principe confirmandi. Quae quidem Iuliani Apostatae constitutio tota fucata coloribus, tota pigmentis est, quaeque proculdubio (quod recte Baronius vidit,) non alio respicit, quam ad institutum illud suum, vt Christianos Sophistas, Rhetores, imo & Medicos teste Chrysostomo homil. in Iuuentium & Maximimum Martyres, num. 1. pag. 579. 580. Tom. II. Oper. Edit. Benedictin. a docendi munere submoueret: de quo videndum est ipsum Iuliani Interdictum, seu Edictum inter Epistolae eius, epist. 42. pag. 422. Edit. Lips. Spanhem. Ammianus Marcellinus duobus locis lib. 22. cap. 10. & iterum lib. 25. cap. 4. Eunapius in Proaeresio, pag. 161. Edit. Commelin. Ambrosius epist. contra Symmachum 1. initio. Hieronymus in Chronico: Augustinus de Civitate Dei, lib. 18. cap. 52 & lib. 8. Confess. cap. 5. Orosius lib. 7. cap. 30. Rufinus lib. 1. cap. 32. Sozomenus lib. 5. cap. 17. Socrates lib. 3. cap. 12. & 13. Theodoretus lib. 3. cap. 4. Quamquam alii, veluti Gregorius Nazianzenus orat. 1. aduers. Iulian. pag. 51. 96. 97. Tom. I. Oper. Edit. Colon. su. Lips. apud Weidm. imo & Ammianus, (vt nonnulli Interpretum, quod non puto) post eos Ioan. Antiochenus, Zonaras, Cedrenus, & Suidas, Christianos a discendis Graecis literis subditos scribunt. De quo vid. quae Baronius ad Ann. 362. num. 293. tradit, Montacutius in Notis ad Gregorii *σηλητευτικὴν* p. 4. Valesius in Excerpta Ioan. Antiocheni pag. 119. & in Amm. Marcell. d. lib. 22. c. 10. In tantum vt si non eius Interdicti partem haec constitutio faciat, ad eius tamen interdictionis finem omnino respiciat, eademque ferme contineat, quae Interdicto illo comprehendebantur.

Primum igitur, quidnam in deligendis Professoribus spectandum sit, quae *ἀναμρισις* seu *ἐξέτασις* facienda? definit: Nempe mores potissimum spectari vult: Magistros, inquit, studiorum Doctorumque excellere oportet moribus primum, deinde facundia. Quem quidem non eruditionis tantum, verum morum potissimum respectum, non privatae tantum sententiae, vt Quintiliani & Plinii inculcant, & huius quidem lib. 3. epist. 3. Fauentibus Diis, inquit, trade filium preceptor, a quo mores primum, mox eloquentiam discat, qua male sine moribus distitur; & in eandem sententiam idem lib. 10. epist. 3. Pro moribus, inquit, quos & studia liberalia exornant. & Gregorius Nazianzenus, *Τετραστικ. v. 13. Tom. II. Oper. pag. 156. Edit. Colon. su. Lips. apud Weidm. ἡ μὴ διδάσκειν, ἢ διδάσκειν τῷ τρόπῳ, vel ne doceto, vel doceto moribus.* Sed etiam Iulianus ipse Constitutione, *Omnes Reipubl. de ration. iuris docend. ad Antecessor. §. 9. in fin.* Studiis inculcat, oportere prius animas, & postea lingua fieri eruditas: Verum in hoc ipso argumento, Vlpianus Rhetor idemque Ictus opinionum libris, l. 1. D. de decretis ab ordine faciendis, hanc morum probationem inculcat, atque ex æui sui vsu refert de Medicorum delectu agens: *Vt certi*

de probitate morum & peritia artis eligant ipsi. Et Lucianus quoque in *Eunuchō* de *ἐξέτασι* hac agens pag. 842. Tom. I. Oper. Edit. Graev. (quem Lucianum Iulianum imitatum hac leg. coniciebat Metellius Noster lib. 3. obs. 18.) *διελέγχειν ἐπειράτο, μάλιστα τὸν βίον αὐτῶ κατὰ ταῦτα δὲ καὶ ὁ δαγώας, ἀντεξήταζε τὸν ἐκείνου βίον. εἰκότως, καὶ τὰ πλείω γέ τῃ λόγῃ περὶ τῆς μάλλον ἐχρῆν εἶναι αὐτοῖς, ὡς ἔγωγε, εἰ δικάζων ἐτύγχανον, ἐπὶ τῷ τοιάτῳ τὸ πλεῖον διατρέψαι ἂν μοι δοκῶ, τὸν ἄμεινον βιόντα μάλλον, ἢ τὸν ἐν τοῖς λόγοις αὐτοῖς προχειρότερον ζητῶν, καὶ οἰκειότερον τῇ νίκῃ νομίζων:* vitam illius praecipue arguere conatus est. Bagoas itidem illius vitam taxabat. Idque merito, si quidem eius rei magis erat habenda ratio. Proinde si ego causae index fuisset, maiori studio vt mihi videretur, eum quasiussem qui moribus praestantior, quam qui in disputando promtior esset, atque illi potius quam huic victoriam adiudicasssem. Et pag. 844. *ἀλλήν ψυχῆς, καὶ τῆς γνώμης ἐξέτασιν δεῖν γίνεσθαι, καὶ τῆς τῶν δογμάτων ἐπιστήμης, de animi virtute agi, proinde mentis qualitatem, & dogmatum cognitionem esse expendendam.* Quinimo Iulianus ipse in interdicto illo suo, apertissime statim initio: *παιδείαν ὁρθὴν εἶναι νομίζομεν, & τὴν ἐν τοῖς ῥήμασι, & δὲ τῇ γλωττῇ πολυτελῇ εὐρυθμίαν, ἀλλὰ διάθεσιν ὑγιᾶν νῦν ἐχέσης διανοίας:* doctrinam rectam esse arbitramur, non verborum linguaeque magnificum & exquisitum sonum, sed mentis bene constituta sanam affectionem. Et mox. *Πάντας μὲν οὖν χρῆν τῆς καὶ ὁτιῶν διδάσκειν ἐπαγγελλομένους, εἶναι τὸν τρόπον ἐπεικεις:* quamobrem omnes, qui quidvis docere profitentur, bonis moribus esse debent. Mox cum id exigat ab omnibus Professoribus, potissimum a Sophistis id exigat, qui morum Magistri erant: *εἴτε ῥήτορες, εἴτε γραμματικοὶ, καὶ ἐπὶ πλέον οἱ σοφισταί. βέλονται γὰρ πρὸς τοῖς ἄλλοις & λέξεων μόνον, ἢ θῶν δὲ εἶναι διδάσκαλοι:* siue sint Rhetores, siue Grammatici, & praecipue Sophistae, qui non solum verborum, sed morum etiam magistros se esse volunt. Ex hoc igitur primo argumento colligo, hanc *ἐξέτασιν* & probationem ad Christianos a docendi munere submonendos respicere: etsi vetustioris ea instituti fuerit, sed alio nunc & secretiore fine. Quomodo & contrario fine mox ex Valentiniani Sen. constitutione, l. 6. prox. qua haec abrogatur, *Si quis, inquit, erudiendis adolescentibus vita pariter & facundia idoneus erit, vel nouum instituat auditorium, vel repetat intermissum.*

Secundo capite, constituit Iulianus Apostata, a quibus & quomodo eligendi sint Professores: Nempe se ipsum quidem vbique optaret praesentem, ad finem videl. suum assequendum, ad Christianos inquam a docendi munere submouendos; at enim quia singulis ciuitatibus adesse ipse non posset, for-

nam hanc primæ electionis constituit : hoc præmissum ut nemo possit, *repente, temere*, ad munus Professionis profilire : cum tamen Sophistæ præsertim in quacunque urbem delati, iuuentutem ad docendum declamandum cogere solerent; quod Themistiustestatur *orat. 1. p. 5. Ed. Petau. Flexis 1613.*

in 8. ἐφείτα τῷ βελομένῳ προσίεναι ἀθρόους ὑμῖν, καὶ διαλέγεσθαι μετὰ πολλῆς ἐξουσίας, cuiuslibet licet eorum vobis prodire in unum collectis, atque cum omni libertate disputare. Hoc ita præmissum, vult Iulianus Professores in singulis ciuitatibus, probari eligique (pariter ut id quoque præsupponitur *l. 7. & 11. infr.*) iudicio Ordinis, id est, Curia, decreto Curialium, conspirante Optimorum consensu. Quod & ipsum veteris instituti fuit, ut omittam veterem Atheniensium legem a Sophocle Amphiclidæ filio; de qua Laërtius in *Theophrasto pag. 290. Edit. Meibom.* Ad ius Romanum accedamus. Id sane iure Romano obtinuit, hæcque vna ex hæresibus (id est, conditionibus) de quibus actum ad *l. 3. fuit*, ut docent complures *leges puta lex ean duo 6. §. 3. 4. 5. D. de excusationibus : l. 11. §. 3. D. de muneribus : d. lex 1. D. de decret. ab Ord. faciendis : l. 2. 5. Cod. Inst. de Professorib. & Medicis :* docet Lucianus in eod. dialogo *Eunuchō pag. 841. Edit. Grau. ἀποθάνοντες αὐτῶν τινος, ἄλλον ἀντικαθίστασθαι, δοκιμαζέμεντα ψήφῳ ΤῶΝ ΑΡΙΣΤΩΝ*, qui locus cum hoc Iuliano

P. 34. optime conderitur, sic ut eum in animo habuisse videri possit Iulianus, *Demortuo*, ait Lucianus, *ex his quoriam, alium subrogari probatum calculo Optimorum.* Quod & illis huius leg. verbis, *Optimorum conspirante consensu*, congruit. Sed & Eunapius in *Proæresio p. 138. Edit. Commelin.* ubi ait, mortuo Iuliano, cum ciuitas Atheniensis incensa fieret, studio deligendi successorem, τὰς Ἀθηνῶν εἰχεν ἔρως τῆς διαδοχῆς τῶν ἐπὶ τοῖς λόγοις πλεονεκλήματων, plurimos docendi munus ambientes nomen suum professos : verum Proæresium, Hephæstionem, Epiphanium, &c. electos, probatos omnibus calculis; χειροτονούντων δὲ δοκιμαζέμεντες ἀπάσους κρίσεισι. Hocque erat λόγων κατὰ

δίδοναι ἐκ ψήφου, ut loquitur Gregorius Nazianzenus *Carmin. de vita sua, num. 17. pag. 5. init. Tom. II. Oper. Edit. Colon. su. Lips. apud Weidm.* Sane nobiliores Professores ipsi Principes iam olim elegere sæpe, non tantum ad Academiā aliquam excitandam, quod patet ex *exemplō Constantii Chlōri*, qui Eumenium Augustodunensi Scholæ Oratorem dedit, verum ad ornandam quæ staret, & quidem Athenis. Ita Marcus Imp. Theodorum Sophistam ipse elegit, teste Philostrato; ita Philisco idem dedit τὸν Ἀθηνῶν θρόνον; ita Polluci. Quare & eo fine Legati inde ad Imp. Hadrianum missi, ut docet Philostratus in *Chresto, pag. 588. Edition. Morell.* Et si extra ordinem quandoque has partes aliis delegasse reperio. Ita (quod narrat Philostratus in Theodoro, *pag. 565. Edit. cit.*) Marcus Imp. Herodi Sophistæ commisit examen eligendorum Philosopherum. Tandem etiam si inter Curiales

non conueniret, si difficultatis aliquid inextricabilis suboriretur, ad Principem super eo relatum: quomodo Lucianus in Siculi ἀμφισβητήσεσιν in causa Dioclis & Bagoæ, in *Eunuchō pag. 846. Edit. Grau. ἔγνωσαν*, inquit, ἀναπομπῆμον ἐς τὴν ἰταλίαν ἐκπέμψαι τὴν δίκην, visum est, ut integra causa in Italiam reuiceretur. Et Libanius de fortuna sua, *p. 14. Edit. Morell. ἐγὼ τινὰ Καππαδῶκην ἦκοντα ἐπὶ θρόνον, βασιλεῶς πέμποντες. καὶ γὰρ ἐτύγχανεν ἡ βελὴ τὸν ἄνδρα ἡτηκυῖα, ῥήτορα ἄκρον ἐξ, οἶμα, τινὸς ἀγῶντος ἐνταῦθα αἰτησαμένη, Cappadocem quendam video ad thronum accedentem a rege missum. Enimvero Curia virum poposcerat, summum oratorem: ob certamen opinor quoddam ad eum petendum inducta. ubi vides pariter βελὴν interuenisse, id est ordinem, ut *h. l.**

Et tamen (quod tertio capite hic constituit Iulianus) REFERRI ad se Decretum seu Electionem iubet omnem : Cui similem ad se relationem in Archiatrorum urbis Romæ subrogatione constituit Valentinianus *l. 8. infr.* Verum Iulianus hoc obtentu, ut ita iudicio Principis, velut quodam altiore honore Professores studiis ciuitatum accedant. Nempe verum est, Principis iudicium pro telo sæpe esse atque incentiuo ceu altiore quodam honore, quo pertinet & quod Constantinus scribit *l. 1. infr. de Decuriis Urbis Romæ.* Sed tamen Iulianus id tantum obtentu quæsiuit; quo scilicet ipse Christianos, forte iudicio Ordinis probatos, decretum Curialium meritis, Optimorum etiam conspirante consensu, repelleret. Quod vnicui Iuliano hac leg. propositum fuit, quoque ut duo superiora capita, ita hoc vel maxime pertinet: quo scilicet ita iudicio suo staret omnis electio (quæ antea libero tractatu peragebatur : Pariter ut reprobari ab eodem Ordine poterant : ut docet lex ean duo 6. §. 6. D. de excusationib. *l. 11. §. 3. D. de muneribus : l. 2. Cod. Inst. de Medic. & Professorib.*) Atque hæc causa est præter illam, quod horum temporum circumstantia alligata sit, cur merito Tribonianus hanc partem detraheret.

Num autem hæc lex præcesserit Interdictum apertum Iuliani, an vero secutum sit, an etiam Interdicti ipsius partem faciat? in obscuro esse possit. Mihi sane cum Baronio præcessisse videtur. Nempe Iulianus nondum in apertam persecutionem erumpere ausus, his prius fucatis coloribus, his pigmentis, vasserrimus homo (cuius artes omnes ad pessundandam Christianam Religionem alibi edisseruit) agere instituit. Et sane inter initia Imperii, septimo eius mense, hæc lex a Iuliano data fuit : quo tempore nondum personam sibi detraxerat, postea demum detracturus; vel saltem hanc legem ad eam Imperii partem Iulianum emisisse, ubi non aperte Christianos a docendi munere submoueri posse videbat; in Episcopatu, inquam, Urbis Romæ, cuius Diocesis Spoletum vsque progrediebatur. Verum ut interdictum illud Iulianum, ita & hæc lex abrogata mox a Valentiniano *l. prox. 6. inf.* quæ continuo spiritu cum hac legenda est.

VI. (a) IMPP. VALENTINIANVS & VALENS AA. ad Mamertinum PF. P. (b)

SI qui (c) erudiendis adulescentibus, vita (d) pariter & facundia, idoneus erit, vel nouum instituat Auditorium, vel repetat intermissum. (e) Dat. III. Id. Ian. (f) Diuo Iouiano & Varroniano Coss. [364.]

NOTÆ.

- (a) Absent *hæc lex* a *Cod. Iust.*, velut temporaria. Et *hanc leg.* recte retulit in *Annales* suos *Baronius Ann.* 364. num. vlt. vbi tamen vellem distinctius *hanc leg.* *Valentiniano* vni tanquam *Auctori* tribuisset, *GOTHOF.*
- (b) *Mamertinus* sub *Valentiniano PP.* *Italix*; scil. *Illyrici*, & *Africæ*, vti testatur hoc ipso Anno *Ammianus Marcellinus*, *lib. 26. c. 5.* vid. *Prosepegr. ID.*
- (c) *Christiani* forte. *ID.*
- (d) Ad hoc superius dicta ad *l. superiorem* sufficiant.
- (e) Sub *Juliano Apostata. ID.*
- (f) *γγ. Iun.* Neque enim *Id. Ian.* *Valentinianus* adhuc *Imp. erat*: verum *Iouianus*, qui mortuus æmum mense *Februario*, quod & ipsum recte vidit *Baronius: ID.*

COMMENTARIUS.

VALENTINIANI Senioris quinque constitutiones, de *Professoribus & Medicis ordine sequuntur*. Ita quidem, vt prima hæc ad solos *Professores* pertineat: *lex* sequens 7. ad *Philosophos*: duæ deinceps (puta *lex 8. 9.*) ad *Archiatros* *Urbs Romæ*: Postrema omnium, puta *lex 10.* ad *Medicos & Professores* simul. Ex hac nominatim, & ex *d. l. 10.* apparet de *Valentiniani* studio in studia literarum: vt apparet quoque ex *l. 1. infr. de studiis lib. V. R.* Quamquam suis cuique harum legum finis est. Huius sane vt finis ita & scientia eo respicit, vt *Christianis* a docendi munere submoris a *Juliano Apostata* (de quo dictum ad *superiorem l. 5.*) docendi libertatem restituit: siue ii antea docuerint, atque ita *intermissum Auditorium* repetant: siue nondum, vt ita nouum instituant *Auditorium*. Breuiter, igitur, quos arcuerat *Julianus* a docendo *Christianos Professores*, eos *hæc leg.* reuocat *Valentinianus Sen.* vt recte notauit *Doctissimus Annal. Eccles. conditor Baronius*. Ac proinde *hæc lex*, illam in effectum abrogat. Sic tamen vt interim nihilo secius eadem illa duo in his requirat, quæ *Julianus superiore leg.* requirebat; alio tamen fine: nempe & *Vita* integritatem, & *facundiam*, Si qui, inquit, *vita pariter & facundia idoneus erit*: quod ad eam *leg.* prolixius expendi.

Porro ex eorum numero, quos *Auditorium* docendique *Prouinciam* sub *Juliano* deseruisse *hæc quoque leg.* *Valentinianus* indicat, reperire licet *Proæresium Sophistam*, testimonio non tantum *Hieronymi in Chronico*, verum etiam *Eunapii in vita Proæresii*, p. 161. Edit. *Commelin.* Nam quod *Viri docti* & in his *Baronius Ann. 362. n. 297.* *Eunapii* locum de *Musonio* exaudiunt, erroneum est: imo enim & ipse de *Proæresio* est, non de *Musonio*: etsi eo loco paulo ante de *Musonio* egerit: Quare non ex *Hieronymi* tantum loco colligitur, *Proæresium Christianum* fuisse; verum & ex illo *Eunapii* loco. *Ἀελιανὸς δὲ, inquit, βασιλεύοντι τῶπων τῇ παιδείῃ ἐξηργόμενος, ἐδόκει γὰρ εἶναι Χριστιανὸς, Ἰουλιανῷ ἰμπεράντι ἐκλεισθαι ἀπὸ τοῦ μὴ διδάσκειν, ὅτι Χριστιανὸς ἦν.* *Quare hoc numero expungatur deinceps Musonius*, quem his temere accensent. Eodem sane numero fuit & *Romæ Marius Victorinus Rhetor*, teste *Augustino Confess. lib. 8. c. 5.* Præter hos duos tertium nondum reperio.

VII. (a) Idem AA. (b) ad Probum PF. P. (c)

REDDATUR vnusquisque patriæ (d) suæ, qui habitum *Philosophiæ* (e) indebite & insolenter vsurpare cognoscitur: exceptis his, qui a probatissimis (f) adprobati ab hac debent conlubione (g) secerni: Turpe enim est, vt patriæ functiones ferre non possit, qui etiam fortunæ vim se ferre profitetur. Dat. XIV. Kalend. Febr. Sirmio, *Valentiniano NB. P. & Victore Coss.* [369.]

NOTÆ.

- (a) *Lex 8. Cod. Iust. eod. tit. GOTHOF.*
- (b) Addatur hic & duabus sequentibus constitutionibus tertium *A. Gratiani* nomen. *ID.*
- (c) *Italix*, *Illyrici*, *Africæ*: de quo *Probo* plura in *Indice personar.* In Edit. vulgat. *Cod. Iust. est, ad Mamertinum, IDEM.*
- (d) *Patriæ functionibus*, sine legis. *ID.*
- (e) Vel *Philosophi. ID.*
- (f) Vid. & *l. 5. supr. ID.*
- (g) Id est, conlubione: In *Cod. Iust.* perperam *collusione*: vbi iam recte *Cuiacius* & parens meus *Collusione* reposuit: quam restitutionem hic *Codex* omnia confirmat: vide plura apud *Iuretum*, in *Symmachi lib. 1. ep. 23.* de his *Pleu-dophilosophis. ID.*

COMMENTARIVS.

DE PHILOSOPHIS est hæc secunda Valentiniani, non ut quidam scripsit, Valentis & Valentiniani *hoc titulo* constitutio: & quidem de *Pseudophilosophis*, qui ut ipse ait, habitum Philosophiæ indebite & insolenter usurpabant: & ut similiter loquitur Symmachus, *lib. 1. epist. 23.* qui Philosophiam fastu & habitu mentiebantur: ut Ammianus Marcellinus *lib. 14. cap. 9.* amictu tenuis Philosophi, pallio tenuis, ut Apuleius *1. Florid. pag. 491. Edit. Lugd. B. apud Ioan. Maire.* Nempe *παργωντοφιδας και τριχωντοφιδας*, id est barba, pallique gestamine, habitu crineque, qui Philosophorum habitus erant: de quo & Symmachus, *lib. 2. epist. 61.* de quo vid. & quæ cumulat Lipsius *lib. 1. Manuduct. Stoic. dissert. 18. 19.* Theatrum Rhetoricum, *lib. 3. cap. 16.* de quo tamen iam olim dictum, eo Philosophum non fieri: quam in rem videndi quoque Seneca *epist. 5. & de vita beata, cap. 20.* Arrianus in *Epieteto* *lib. 4. cap. 8.* Iuuenalis *Satyra 2.* Martialis *lib. 1. ep. 25. lib. 9. ep. 28. & 48.* videndi & Plinius, & Quintilianus; Gellius *lib. 9. cap. 2. lib. 13. cap. 22. & lib. 17. cap. 19.* Apuleius *Florid. 1. circa fin.* Lactantius *lib. 3. cap. 25. & lib. 5. cap. 3. 5. 7.* Hieronymus *epist. ad Pammachium, & ad Iulianum:* Iulius Firmicus *lib. 8. cap. 6.* Ac ut Philosophiæ habitum iam olim indebite & insolenter multi usurpauere, vel mentiti, ita & hac ætate laxata Philosophis haud ita multo ante libertate, a Iuliano potissimum, illo Gentilitiæ superstitionis studio, sub quo reuerenda fuit Philosophorum autoritas, vel Ammiano Marcellino teste *lib. 23. cap. 5.* & a Valentiniano non tantum propter *ελεοθεησκίαν* cuique factam: de quo ad *legem. 7. infr. de Paganis:* verum etiam ob Philosophiæ studium, quo & ipse ducebatur, quamque beneuolentiâ prosequeretur: ut de eo diserte testatur Themistius, in *Φιλαδέλφεις* seu *Oratione 15. p. 346. 347.* Edit. Petau. *Flexis 1613. in 8.* saltem quosdam ex his probat, quod hæc lex aperte docet. Ita quidem ut his sua praeiulia constare voluerit: nempe patriæ functionum, id est ciuiliū & publicorum munerum immunitatem, quæ Philosophis iam ab antiquo competiit etiam sub Hadriano Antonino Pio, & d. incept: ut docet *lex 6. §. 5. 7. 8. D. de excusat. & l. 8. §. 4. D. de vacat. & excusat. muner.* (de qua immunitate plura ad *l. 1. sup.*) Porro cum multi passim Pseudophilosophi ementito habitu vagarentur, cuiusdam collationis specie, ut hac leg. dicitur, atque ideo ciuitatum munera passim destituerent, reddi eos patriæ suæ ad functiones scilicet publicas seu munera publica sustinenda; iubet hac leg. Valentinia-

nus Sen. Exceptis iis qui a probatissimis approbati fuissent: A *Probatissimis*, eiusdem scilicet professionis: quo sensu etiam *Optimi* dicuntur *leg. 5. sup.* Quod quidem ipsum hodie ferme obtinet, communi vsu, ac nominatim in Medicinæ professione, etiam recenti placito Parisiensi Anni 1644. aduersus Theophrastum Renaudotum: vbi quoque has duas *leges* laudatas notare licet. Haud aliter atque simili illusione Pseudomachos ignauia sectatoris, desertis ciuitatum muneribus, specie Religionis cum cæcibus Monazontion hac tempestate congregabantur, quos & ideo similiter ad munia patriarum subeunda reuocari iubet Valens Imp. Valentiniani frater atque in Imperio Collega, *l. 63. sup. de Decurion.* Rationem vero reddit elegantem Valentinianus, Quod Turpe sit, ut patriæ functiones ferre non possit Philosophus, qui etiam fortuna vim se ferre proficetur. Sensus est, Philosophiæ & Philosophorum professione aduersum esse, non posse, vel nolle ferre & sustinere patriæ functiones: cum tamen vim fortunæ, id est, aduersam quamcunque fortunam & sortem ferre & tolerare sese posse profiteantur: Nempe Philosophi sese potissimum & animose iactabant, duritia & patientia aduersus fortunæ vim fortiter resistere: videndus vel Seneca, & Tertullianus. Quare professioni eorum conueniens esse, ut qui fortunæ vim & iniurias fortiter ferre se profitentur, etiam patriæ munera sustineant & ferant. Fit igitur hic argumentatio a muniis & functionibus vique quæ fortuna impingit, ad ea quæ patriâ deposcit: & rursus argumentatio a contemptu tolerantiaue illorum, ad horum contemptum seu tolerantiam: in quam rationem coincidunt & aliæ similes pecuniæ saltem commodum respicientes, veluti illa Papiniani *l. 8. §. 4. de vacat. muner. etenim vere philosophantes pecunias contemnunt, cuius retinenda cupiditas falsam adfuerationem detegunt: vbi ficta adfueratio est ficta professio.* Item illa D. Pii in *leg. 6. §. 7. D. de excusat. dimouit de* *ετι οι πλητω υπεβαλλοντες εθελονται παρεξαι τις απο των χρηματων εφελεως ταις πατρίσιν: ει δε ακριβολογοντο περι τας δασίας, αυτοθεν ηδη φανεροι γενησονται μη φιλοσοφοντες.* quæ ita versa sunt: *existimo autem, quoniam qui diuitiis superabundant voluntarie tribuunt pecuniam in utilitates patriæ: Si autem proprie loquantur de substantia, inde iam manifesti sunt non philosophantes.* De quo loco dixi plenius ad *l. 1. sup. hoc tit.* Tandem tertia illa in *l. 6. Cod. Iust. de muneribus patrimon.* Cum Philosophum te esse proponas, vinceris auaritia & rapacitate.

De ARCHIATRIS popularibus Vrbis Romæ: 1. Eorum Numero:

2. Commodis: 3. Mercedibus: 4. Subrogatione.

VIII. (a) Idem AA. (b) ad Prætextatum P. V. (c)

EXCEPTIS (d) Portus (e) Syxti, (f) Virginumque Vestalium, quot (g) Regiones vrbis sunt, totidem constituentur Archiatri. (*) Qui scientes (h) annonaria sibi commoda a populi commodis, (i) honeste obsequi tenuioribus malint, quam turpiter feruire diuitibus. Quos etiam (k) ea patimur accipere, quæ sani offerunt pro obsequiis, non ea quæ periclitantes pro salute promittunt. Quod si huic Archiattrorum numero aliquem aut conditio fatalis, aut aliqua fortuna (l) decerpserit, in eius locum, (m) non patrociniis Præpotentium, non gratia Iudicantis, alius subrogetur, sed horum omnium (n) fideli circumspextoque (o) dilectu (p) qui

(p) qui & ipsorum confortio & Archiatriæ ipsius dignitate, & Nostro Iudicio dignus habeatur. De cuius nomine referri ad nos protinus oportebit. Dat. III. Kalend. Feb. Triu. Valentiniano & Valente III. (q) AA. Coss.

N O T Æ.

- (a) Hoc primum caput abest a *Cod. Iust.* vt & vltimum. Hanc *legem* patris sui, vt & *proximam* indicat & firmat Valentinianus Iun. l. 13. *infr.* Ipse Valentinianus *prox.* l. 9. in nonnullis eam abrogat. Tandem & primo *huius leg.* capite Annales Ecclesiastici instrui augerique poterunt : quod tamen omissum a Baronio. GOTHOF.
- (b) Tertium *A. Gratiani* nomen hic adscribendum, pariter vt l. 7. *supr.* & l. 9. *infr.* v. *Chronol.* IDEM.
- (c) *Prætextatus* P. V. ROMÆ scil. An. D. 367. & 368. vid. Amm. Marcellinum *lib.* 27. *cap.* 9. Symmachum *lib.* 1. *epist.* 49. & *Chronolog.* itemque *Indicem Personar.* vbi plura. Sed & ad *leg.* 4. *infr.* de *Suaris* : non Anno 370. de quo ad *Subscriptionem legis.* Et fuit hic *Prætextatus* Gentilis, vt colligi quoque potest ex *Virginum Vestalium* mentione *hac leg.* & inscriptione ei a *Vestalibus* posita. Omnium maxime ex illo iam vulgato dicto, *Facite me Romana Urbis Episcopum, & ero protinus Christianus*, apud Hieronymum, *ep.* 61. *pag.* 113. *Tom.* II. *Oper.* Edit. *Francf.* 1 D.
- (d) Id est præter. ID.
- (e) An *Partus* ? Imo *vg. porticus.* ID.
- (f) *vg. Xysti* : de quo mox. ID.
- (g) Quatuordecim. ID.
- (*) Hinc desumpta est *lex* 9. *Cod. Iust. eod. tit.* ID.
- (h) An *percipientes* ? Nil hic muto. 1 D.
- (i) *Ministrari* : hæc vocem hic addidit Tribonianus : proculdubio ex l. *prox.* 9. *infr.* in *fin.* Sane possumus & sine hac voce hunc locum defendere, subintellecâ voce *esse.* Si quid mutandum, loco *annonaria* legam *annotata* : & sic integer erit sensus ; *annotata*, id est deputata, adscripta. Vel ita : *annonaria sibi commodanda e populi commodis.* 1 D.
- (k) *Tantum* *Cod. Iustin.* nonnullæ Edit. Nostrium hoc rectius, vt mox ostendam. ID.
- (l) *Fortuna.* Ita pariter Symmachus *lib.* 10. *ep.* 40. eadem in re, *legis prox.* 9. *infra*, sententiam exprimens, *si locum quempiam decedentis fortuna nudasset.* 1 D.
- (m) At non & gradum, vt l. 9. *prox.* idem Valentinianus explicat. 1 D.
- (n) Imo non omnium, vt mox idem explicat d. l. 9. ID.
- (o) *Circumspecti* vox hic propria : qua sæpe vsus Ammianus Marcellinus : qui dixit *circumspectam* cautelam *lib.* 14. c. 2. *circumspectum* & verendum populi Romani nomen c. 6. *circumspecte* vestitos Episcopos Urbis Romæ, *lib.* 27. c. 3. *circumspectis* coloribus nitidos parietes lapidum *lib.* 28. c. 4. Græci περιβλεπτον dicunt. ID.
- (p) Pro delectu. ID.
- (q) Omnino rescribendum II. id est Ann. D. 368. *Prætextatum* quippe sine Anni 367. P. V. fuisse reperi (vt docet diserte *lex* 4. *infr.* de *Suaris* : l. 10. *supr.* de *panis* : l. 7. *supr.* de *privileg. eorum qui in S. Palat.*) atque adeo verosimiliter inter initia adhuc Anni 368. At deinceps Anno 368. 369. 370. Olybrius P. V. fuit : vide *Chronol. huius Cod.* Quare *πρωτότερον* hic admissum ab *huius Codicis* conditoribus, & superiori hæc præmittenda erat. ID.

C O M M E N T A R I V S.

DE ARCHIATRIS est hæc (Tertia e Valentinianei hoc titulo) constitutio quatuor capitibus constans : quorum duo tantum relata in l. 9. *Cod. Iustin. eod. tit.* secundum inquam & tertium, prius abdicato primo & vltimo. De Archiatri inquam est *hæc lex*, non qui in Comitatu seu Aula Principis fuere, verum qui in *Urbe Roma* populo Romano seruiebant ; & sic de Archiatri Porularibus : vt docet tum *Inscriptio legis*, tum dilucide *lex ipsa*, variis locis, tam primo quam sequentibus eius capitibus. *Archiatorum* scilicet vox, non de Principum tantum Medicis vsurpata, verum & de Medicis Urbium Regiarum, Urbis Romæ & Constantinopoleos : quod iuxta *hanc legem* ostendit, *lex* 4. *supr.* & l. 9. 13. *infr.* de quo iam ad d. l. 4. De his igitur Urbis Romæ Archiatri seu Medicis Po-

ularibus quatuor *hac leg.* a Valentiniano Sen. constituantur, de Numero, Annona, seu Commodis, Mercedibus, subrogatione seu delectu & ordinatione eorum. Idque constitutione ad *Prætextatum* P. V. emissa, proculdubio ad eius siue relationem & suggestionem, siue dispositionem : (Quo respexit forte Valentinianus ipse biennio post, l. 9. *prox.* illis verbis, *iuxta dispositionem prius habitam.*) Cuius elogium non erit abs re hic apponere, quod Ammianus Marcellinus de eo habet *lib.* 27. *cap.* 9. ex quo apparet, quantum eius fuerit studium circa Urbem Romam, & ciuium populique utilitatem : quo etiam *hæc lex* spectat. *Hæc inter*, inquit, *Prætextatus Præfecturam Urbis* sublimius curans, *per integritatis multiplices actus & probitatis*, quibus ab *adolescentia rudimentis inclauit*, *adeptus est id, quod*

quod raro contingit, ut cum timeretur, amorem non perderet Ciuium, minus firmari solitum erga Radices formidatos. Cuius auctoritate iustisque veritatis suffragiis tumultu lenito, quem Christianarum turba concitauerunt, pulsoque Vrsicino, alta quies parata, proposito ciuium Romanorum aptissima: & adolesebat gloria praeclari Reftoris plura & VTILIA DISPONENTIS.

Namque & meniana fustulit omnia, fabricari Romae praeiis quoque vetita legibus: & discreuit ab aedibus sacris priuatorum parietes, iisdem inuerecunde connexos: ponderaque per REGIONES instituit vniuersas, cum audita multorum ex libidine trutinans componentium occurrere nequirit. In examinandis vero libus ante alios id impetravit, quod laudando Brutum Tullius refert, ut cum nihil ad gratiam faceret, omnia tamen grata viderentur esse quae facitabat. His addantur & elogium Symmachi, lib. 10. epist. 23. 24. 25. Nunc de ipsamet lege. Primo igitur capite quod abest a Cod. Iust. Numerum Archiatrorum popularium Urbis Romae quatuordecim tantum definit hac leg. Valentinianus: quem etiam biennio post indicat l. prox. g. infr. Constitui scilicet quor Urbis Regionibus erant, tot etiam voluit Medicos Regionarios, de quibus regionibus & regionariis nil attinet monere, nisi quod de eodem Praetextato P. V. cui hac lex inscribitur, Ammianus scribit lib. 27. cap. 9. eum instituisse pondera per vniuersas regiones Urbis Romae.

Quod mirum satis in tanta ciuitate, totius orbis epitome, quatuordecim tantum Romae Medicos populares fuisse: Sed minus mirum reputanti, quod mihi in mentem venit, quodque hac lex satis ingerit, plures quidem longe fuisse Romae: & quidem qui diuitibus, aut quibus placeret vltro feruere, verum hos quatuordecim constitutos, qui tenuioribus obsequi cogerentur vocati; atque ideo annonaria commoda de publico acciperent: scilicet hi constituti vel in tenuiorum fauorem, vel saltem necessarii, cum vulgo Medici vel vocati ire detrectarent, vel nonnisi diuites ferme adirent, neglectis tenuioribus, ut ferme hac aetate, misera plebs Romae neglectui habitata, diuitumque apothecas ut alii, ita & Medici sectati. Imo, quod huic proximum, ad id deliciarum Romae ventum hac tempestate, ut Nobiles amicos agrotantes non adirent, imo percunctatum missos, non ante domum reciperent, quam corpore lauacro purgato, ut diserte scribit Ammianus Marcellinus lib. 14. cap. 6. Ergo necessarii iam Archiatri deque publico conducti, quatuordecim Romae.

Ex quorum numero vno deficiente, si alius subrogandus esset, septem Archiatrorum iudicio seu suffragio stari idem Valentinianus voluit, l. prox. g. infr. nempe quia septem e tredecim superfluis maiorem partem constituunt: de quo ad eam legem plenius. Et hi quidem in commune seu populares Medici constituti, praeter hos enim fuere, & alii singulares Archiatri Romae destinati. Exceptis, inquit Valentinianus, portus Syxti, Virginumque Vestalium. Vbi mendum manifestarium haeret in voce portus & in voce Syxti. Quare putet quis primo, loco portus, reponendam vocem parius, ut ita Medici intelligantur parientibus opem ferentes: de quibus ad eam rem Medicis mulieribus, saltem proximis, vide Hyginum fabul. 274. l. 1. §. 2. D. de extraord. cognit. l. 9. D. ad l. Aquiliam, & Anianum ad Paulum lib. 2. tit. 24. §. 8. Quotiens de mulieris pragnatione dubitatur, quinque obstetrices, id est Medici, ventrem iubentur inspicere. Hinc adeo qui γυναικῶνα scripsere, hosce libros foeminis potissimum Medicis, dedicauere, ut Theodorus Priscianus Victoriae Sabinae. Verum hac emendatio non placet: nam de Archiatriis sermo est: & quidem popularibus, de publico conductis, & quidem viris. Quare hic omnino

reponam Porticus Xysti. De Xysto primum. Xysti inquam, hic rescribo, loco Sixti. Quomodo & alias haec voces in MS. mutatae, & in veteribus Inscriptionibus. Eaque etiam alicubi falsitatis & erroris materies.

Hieronimus ad Ctesiphontem, aduersus Pelagian. pag. 170. Tom. II. Oper. Edit. Franc. apud Christ. Genssch. Huius autem temeritatem imo insaniam eius quis digno possit explicare sermone: quod librum Xysti Pythagorae hominis absque Christo atque ethnici, immutato nomine, Syxti Marii & Romane Ecclesiae Episcopi praenotauit. In Aetis S. Marii suppositiis: XTSTVS EPISCOPVS PLEBI DEI. Est autem Xystus idem pene quod Gymnasium: Ludus scilicet locusque in quo Athletae degebant & exercebantur. Hesychius: ξυστός, τόπος

ἐνθα οἱ ἀθληταὶ γυμνάζονται: & apud eundem, γυμνασίᾳρχης, ἀρχὴν τῆ ξυστῆς. Vnde & palaestra Xystus frequenter iungitur, Frequensque eius mentio apud veteres Scriptores, quos hic laudare nimis longum foret. Mitto & in vocis huius originem inquirere, nominisque rationem reddere, quam alii aliam reddunt. Vide quam Pausanias reddit in Eliacis, seu lib. 6. p. 511. Edit. Kühn. ut & de differentia agere inter Xystos, & Xystas. De Xysticis vid. Suetonium in August. c. 45. & leg. 4. D. de his qui not. infam. de Xystarchis vid. veteres Inscriptiones. Tertullianum ad Martyres, cap. 3. & Ammianum Marcellinum lib. 21. cap. 1. de Xystorum aedificatione vid. Vitruuium lib. 5. cap. 11. cuius verba mox apponemus. Illud ad rem tenendum, Athletas Xysticos in Xysto exerceri solitos cum magna corporis cura, & non sine latione. Quare non vanitatem tantum & immundicias Xysti vel Xysticas Tertullianus non vno loco perstringit, verum etiam iniuriam, de spectaculis, cap. 18. Non probabis usquam vanos cursus, & saltus vaniores: nusquam tibi vires aut iniuriosa aut vana placebunt.

Quod idem in Graecorum Gymnasiis, notat apud Lucianum Anacharis pag. 270. Edit. Graec. Tom. II. Oper. Vnde & gladiatorum pugnis affines erant Xysticorum certationes, ideoque iunctae. Suetonius Orlatio, cap. 45. Xysticorum certationes, aut gladiatorum pugnas feruissime semper exegit. Hinc igitur his Xystis, Xysticorum certationibus sui, fuere Medici. Certo ita quoque occurrunt in veteribus Inscriptionibus, MEDICI LVDI GALLICI: LVDI MAGNI: LVDI MATVTINI: E quibus ista Romae, apud Gruterum LXV. 3.

P. 36.

SILVANO. SANCTO

C. AVSTORNIVS

MEDICVS. LVDI, GALLIC.

PORTIG. ET EXEDR.

ET. SIGN. AEN.

VOTO SVSCEP.

L. M.

MEDIC. KAL. MAI.

L. MARCIO. ET

SEX. IVLIO COS.

Ad eundem modum sui quoque fuere, & quidem vniuersi Xysti Pontifices: ut docent veteres inscriptiones quatuor: quae Romae CCCXIII. 10. CCCXIII. 1. CCCXV. 10. CCCXVI. 1. APXIEPEY TOT ZYNNANTOZ ETETOT; ut & ZETETAPXOZ ibidem memoratur, & quidem

F

ΔΙΑ

ΔΙΑ ΒΙΟΤ. Memoratur & CCCXVI. 1. ΣΥΝΟΔΟΣ ΕΤΕΤΙΚΗ ΤΩΝ ΠΕΡΙ ΤΩΝ ΗΡΑΚΛΕΑ ΑΘΛΗΤΩΝ ΙΕΡΟΝΕΙΚΩΝ, ΣΤΕΦΑΝΕΙΤΩΝ. Ergo & Xysti Medici seu Archiatri Romæ fuere, seu porticus Xysti, quomodo hic reponendum dixi. Xysti scilicet nil aliud erant, quam porticus tectæ hypæthris oppositæ: Vnde Græcis *ἑστὶ δρόμοι*, & *ἑστὶ* absolute promiscue: de quo vid. Pollucem lib. 9. c. 5. Sect. 43. Edit. Hemsterhuis. Omisissis aliis, Vitruuius d. lib. 5. cap. 11. Hæc autem porticus *ἑστὶς* apud Græcos vocatur, quod Athleta per hyberna tempora in tectis studiis exercentur. Facienda autem Xysta sic videntur, ut sint inter duas porticus syluæ aut platanones, & in his perficiantur inter arbores ambulationes, ibique ex opere signino stationes. Proxime autem Xystum & duplicem porticum, designentur hypæthra ambulationes, quas Græci *περιδρομίδας*, Nostri Xysta appellant; in quas per hyemem ex Xysto sereno caelo Athleta prodeuntes exercentur. Post Xystum autem stadium ita figuratum, ut possint hominum copie cum laxamento Athletas certantes spectare. Et rursum lib. 6. cap. 10. *ἑστὶς* Græca appellatione est porticus ampla latitudine, in qua Athleta per hyberna tempora exercentur. Nostri autem hypæthras ambulationes Xystos appellant, quas Græci *περιδρομίδας* dicunt. De quibus Vitruuii locis vid. Interpretes eius, & Mercurialem in Gymnasticis. Ergo porticus Xysti in hac pariter lege, ad discrimen etiam aliorum porticum, quæ insigniores plures in Vrbe Roma per varias regiones erant, quas notatas reperies in tribus veteribus Romæ descriptionibus. Ac proinde Medici Xysti, de quibus hæc tenus.

Sequuntur nunc Medici virginum Vestalium: qui secundo loco hic memorantur, præter Xysticos, & populares Urbis Romæ. Peculiarem igitur Virgines Vestales Archiatri ibi habuere, & Valentinianus Sen. haberi porro permittit. Quod vitæ notandum. Olim sane quoque virgines Vestales ægrotæ, alicuius matronæ custodiæ extra atrium Vestæ mandabantur: quod testatur Plinius lib. 7. epist. ad Priscum 19. *Angi me Fannie valetudo: contraxit hanc dum adfides Iuniae Virgini Vestali sponte primum, (est enim affinis), deinde etiam ex auctoritate Pontificum: nam Virgines, cum vi morbi Atrio Vestæ coguntur excedere, matronarum cura custodiæque mandantur.* Sed Medicorum Virginum Vestalium vnica hæc hac leg. mentio occurrit.

Obiter interim de Virginibus istis Vestalibus, quæ ad hanc rem legemque nostram & tempestatem faciunt, tria hæc notare iuuat. Primo ad *Præfati Urbis* inspectionem quoque pertinuisse Virgines Vestales, quod ex hac leg. colligas. Sane cognouisse eum de Vestalium incestu docet Symmachus lib. 9. epist. 118. 119. Secundo obseruo, peculiari cultu Prætextatum, cui hæc lex inscribitur Virgines Vestales profectum, & eas vicissim Prætextatum: (qui & Princeps Religiosorum Romæ fuit, sacrorum Præsul & arcanorum conscius, ut docet Macrobius 1. Saturn. 7. 11. 24.) Inde & Vestales Virgines ei monumentum statuat dicare destinarunt musitato hæc tenus more, quem honestati Virginum tali in Viros obsequio non convenire, arbitrabatur Symmachus lib. 2. epist. 36. Et tamen consulti Pontifices adnuerunt ut ibidem testatur: & fidem facit vetus *Inscriptio* Romæ reperta, statuas basi subiecta, CCCX, 1.

COELIAE. CONCORDIAE. VIRGINI
VESTALI. MAXIMAE. FABIA. PAVLINA
C. F. STATVAM. FACIENDAM. COLLOCANDAM.

QVE. CVRAVIT. CVM. PROPTER. EGREGIAM
EIVS. PVDICITIAM. INSIGNEMQVE
CIRCA. CVLTVM. DIVINVM. SANCTITATEM
TVNC. QVOD. HAEC. PRIOR. EIVS. VIRO
VETTIO. AGORIO. PRAETEXTATO. V. C.
OMNIA. SINGVLARI. DIGNOQVE. EIVS
AB. HVIVSMODI. VIRGINIBVS. ET SACERDOTI.
BVS. COLI. STATVAM. COLLOCARAT.

Tandem obseruandum, inter labentis Romæ superstitionis rudera, summam adhuc hoc tempore Virginibus Vestalibus Religionem stetit: quod non tantum ex hac leg. & supradictis liquet, verum etiam aliunde. 1. Vetus Orbis Descriptio sub Constantio & CONSTATE Imp. viginti ferme annis ante hanc l. conscripta, inter ea quibus Romam celebrat, Sunt autem, inquit, in ipsa Roma & Virgines septem ingenuæ & clarissimæ, quæ sacra Deorum pro salute ciuitatis secundum antiquorum morem perficiunt, & vocantur Virgines Vestæ. 2. Sane & Symmachus, in relatione illa sua nominatim ait, CONSTANTIVM sacrarum Virginum priuilegiis nil detraxisse, decreuisse nobilibus Sacerdotia, Romanis cerimonis non negauisse impensas. 3. Sed & VALENTINIANVS Senior (huius leg. auctor) qui *ἐπελοθησκέας* & alias fanciuit, Virginibus Vestalibus sua iura reliquit, quod Symmachus testatur, in prædicta illa relatione. 4. GRATIANVS Vestalibus Virginibus subsidia vetera, prærogatiuam, agros, detractum iuit, prædicaque hæreditate quaesita, & annonam seu victum quæ de publico & populi annonis præbebantur. Quæ omnia Senatus a Gratiano repetitum iuerat, verum exclusa eius legatio, & audientia denegata, quæ omnia testatur Symmachus d. Relat. 5. Sub VALENTINIANO Iun. Senatus iterum per Symmachum P. V. Anno D. 384. ea repetitum iuit: Cuius est eum quoque in finem famosa illa *Relatio ad Valentinianum Iuniorem*. Verum (quod Ambrosius testatur epist. ad Imp. Eugenium) ei nec quicquam detulit. 6. Neque THEODOSIVS Anno 388. vel 389. quod & ipsum testatur d. ep. ad Eugenium. 7. Neque rursum idem VALENTINIANVS Iun. cum iterum Legatio missa ad eum fuisset intra Gallias, Ann. D. 392. ut habetur in eadem epist. & id ipsum memorat Paulinus in v. Ambrosii. 8. Tandem cum ab EVGENIO in primordiis Imperii eodem Anno 392. hoc ipsum Legati petiissent, ut annonas Templis (ac perinde & Vestalibus) restitueret, non fecit: cum iterum alii postulassent, renisus est: Tandem ea donauit quibusdam præcellentibus in Republ. Gentilis obseruantia Viris, id petentibus: in quod inuehitur Ambrosius d. epistola: de quo & Paulinus in v. Ambrosii. Et hæc quidem semel & sub vno obtutum, de Virginibus Vestalibus hac tempestate ad huius leg. historiarum Ecclesiasticarum, & quidem Romæ illustrationem dicta collectaque volui. Et hæc tenus quidem, de primo huius leg. capite, de Numero, inquam, Archiattrorum Romæ.

Secundo capite quod vna cum proxime seq. P. 374 extat Cod. Iustiniano, reciso primo & ultimo, Valentinianus Sen. ANNONAS Archiattris in Vrbe Roma dari vult & populi commodis, id est, ex annona populari seu ciuica, pariter vel l. 9. prox. Nempe annona ciuica gratuita populo ciuibus Romanis, in Vrbe Roma data, ut & Constantinopoli: item Palatinis & militaribus Viris nonnullis. Quæ populo data, popularis annona dicta, l. 7. infr. de annonis ciuicis, alimenta popularia l. 3. b. t. commoda popularia, l. 3. supr. tributa in ips. speciebus. denique commoda populi (ut habet lectio eius) hac leg. Ex quibus etiam, quæ per mortem vel aliter deficie-

bant, dicebantur *caduca popularia*, l. 2. *inf. de stud. lib. V. R.*

Cæterum ex his popularibus annonis non tantum populo annonæ datæ, verum etiam salarii loco quibusdam datæ: puta Antiquariis Constantinopoli, qui Bibliothecæ codicibus componendis vel pro vultate reparandis vacabant, ex Valentis constitut. d. l. 2. *inf. de studiis lib.* Item Virginibus Vestalibus teste Symmacho. Item Archiatris Urbis Romæ, ex hac Valentinianea. Sic quidem (quod diserte exprimitur ab eodem Valentiniano l. *prox.*) ut Præfetti Urbis sollicitudine hæc annonæ his ministrarentur. Sane & alias Medicis salaria & annonæ de publico datæ in Prouinciis, & Municipiis: vt docet *lex 4. §. 2. D. de decretis ab ord. fac.* De Palatinis Archiatris non est hic dicendi locus: de horum interim salario, seu annonis vid. Lamprid. in *Alex. Seu. cap. 42.* Cæterum causam harum annonarum Archiatris popularibus Romæ dandam, hanc adiungit Valentinianus, vt ita scilicet honeste obsequi tenuioribus malint, quam turpiter feruire diuitibus. Nempe videntur Medici hæcenus Romæ, de publico annonas non percipientes, a diuitibus ferme auctorati, vel saltem his sese turpiter & similiter dedisse spe lucri commodique, tenuiorum omni ferme cura abdicata. Quare annonis de publico constitutis tum honestati Medicinæ consultum, simul & tenuioribus.

Tertio capite, quod & ipsum exilat *Cod. Iust. in d. l. 9.* Valentinianus Medicorum istorum auaritiæ occurrit, sicut & fastidio eorum superiore capite: quæ nexus ratio est huius capitis cum illo: vnde illa, Quos ETIAM, &c. quod Tribonianus perperam immutauit in tantum, vt præfert Editio Cuiasiana. Ergo Valentinianus MODOVM imponit horum MERCEDIBVS, emolumentis, & salariis. Iamdiu enim Hippocratis iuramentum obsoleuit, se operam quibuscumque agrotis exhibituros, ἀνευ μισθῆ καὶ συγγράφης: nempe vt ea tantum accipere possint quæ sunt iam pro obsequiis præstitis offerunt, non ea quæ periclitantes pro salute promittunt. Promittunt, inquam, non tantum in pericula coniecti per aduersa medicamenta, vt in facti sp. l. 3. *D. de extraordinar. cognitionib.* imo quamlibet vitro & sponte æger aliquid pollicitus sit, vel donauerit; solo periculi metu, vt huius leg. verba docent, quæ periclitantes pro salute

promittunt. Quam sententiam recte defendit Mainardus lib. 3. cap. 73. aduersus Matthæum de Afflictis decis. 123. Hoc tamen discrimine, quod illi casu iniuile factum in totum rescinditur: hoc ad modum redigitur: de quo mox. Hinc adeo in praxi donationes, obligationes, promissiones, venditiones immodicæ ab ægtoris factæ non nisi triginta annorum spatio præferuntur: de quo Mainardus d. c. 73. & Charondas lib. 9. Resp. cap. 39. Alias salarium immodicum Medico promissum ad modum & arbitrium boni viri redigitur & arbitrio Iudicis taxatur: quam in rem allegant Arresta Curie Parisiensis, Rebuffus *comm. in consil. Ruas tractatu de resciss. contr. in pref. num. 30. 31.* Mainardus d. c. 73. Et quamquam hæc lex agat de stipendiatis Medicis, idem tamen dicendum in non stipendiatis, vt rursus recte asserit Mainardus adu. Matth. de Afflictis, d. c. 73.

Postremo capite quod a *Cod. Iustin.* abest, Valentinianus SUBROGATIONE, seu ORDINATIONE horum Medicorum seu Archiatorum prospicit, si ex eorum numero aliquis decefferit, aut quocumque casu exemptus fuerit. Quæ res sollicitam curam exigere visa, cum de populi salute ageretur. De quo repetita constitutione egit rursus idem Valentinianus biennio post l. *prox. 9.* sic tamen vt ea vel huic in partem derogeretur, vel saltem accuratius reuocetur. Hanc vero constitutionem & proximam, intelligit Valentinianus *lun. l. 13. infr.* Tria igitur de hac subrogatione hic constituuntur. Primum. Quorum delectu hæc subrogatio facienda sit: nempe ipsorummet Archiatorum: non vero patrocinio potentium, vel gratia iudicantis, id est (Prætoris, vel forte etiam Præfetti urbis.) De subrogatione vel delectu Medicorum in municipiis videnda *lex 1. D. de decretis ab ord. fac.* Secundo, omnium Archiatorum delectu fideli & circumspetto hanc subrogationem fieri iubet: Quod tamen vel derogando, vel saltem explicando ad maioris partis suffragia & consensum reduxit idem Valentinianus l. *prox. 9.* biennio post. Vbi circumspetti vox propria notanda, de qua in *Notis.* Postremum de subrogato ad se referri iubet: de cuiusmodi hac in re Relationibus, alio atque alio sine actum Iuliani l. 5. *supr.* Sane de hac relatione nihil quoque statuitur d. *proxima l. 9.* sic vt & hac parte huic derogatum ea videatur.

IX. (a) Idem AA. ad Olybrium P. V. (b)

SI qui in Archiatri (c) defuncti est (d) locum promotionis meritis adgregandus, non ante eorum (e) particeps fiat, quam primis (f) qui in Ordine reperientur, septem, vel eo (g) amplius, iudicantibus idoneus adprobetur. Ita (h) vt quicumque fuerit admissus, non ad (i) priorum numerum statim veniat, sed eum ordinem consequatur, qui cæteris ad priora subuectis, vltimus poterit inueniri: (*) Hisque annonarum compendia, quæ eorum sunt meritis dignitatique præstanda, Tua Sinceritas iuxta dispositionem (k) prius habitam faciat ministrari. Dat. VI. (l) Id. Mar. Valentiniano & Valente III. AA. Coss. [370.]

P. 38.

N O T Æ.

(a) L. 10. *Cod. Iust. rod. tit.* Iungendaque huic videtur *lex 1. infr. de studiis lib. V. R.* Imo & *lex 7. Cod. Iust. de postulando.* Huius leg. meminit quoque Symmachus lib. 10. *epist. 40.* de quo mox. Hanc quoque cum superiore intelligit simul & firmat Valentinianus *lun.* huius filius l. 13. *infr. hoc tit. GOTHOF.*

(b) Romæ: huius elogium vid. apud Ammianum lib. 28. cap. 4. ID.

(c) Popularia. ID.

Tom. V.

F 2

(d) Vox

- (d) Vox hæc *Cod. Iust.* reiecta post vocem *locum* in Edit. vulgat. & in Cuiacian. post vocem *adgregandus*, Euphoniz studio. *ID.*
- (e) An Archiatriorum? an meritum? *ID.*
- (f) Symmachus hæc verba repetit: *ut Primi artis eiusdem de novorum scientia iudicarent. Primi autem hic dicuntur omnes, respectu substituti de nouo. ID.*
- (g) Abest hæc vocula a *Cod. Iust. Edit. Cuiacian. ID.*
- (h) Ita tamen, ita *Cod. Iust. ID.*
- (i) In, *Cod. Iust. ID.*
- (*) Cætera a *Cod. Iust.* rescavit *Telles.* seu horum temporum historię adscripta. *ID.*
- (k) Prætextati, ut existimo: cuius in vniuersum dispositionem probare puto *l. prox. 8. supr. ID.*
- (l) IV. *Id. Mart. ita d. l. 1. Kal. Mart. ita d. l. 7. & quidem vtroque additus locus Triueris. ID.*

COMMENTARIUS.

DE SUBROGATIONE (1.) seu ORDINATIONE in demortuorum ARCHIATROVVM popularium Vrbis Romę locum, (2.) deque subrogatorum GRADV, (3.) & COMMODIS, est hæc e duabus altera eiusdem Valentiniani Sen. constitutio: quarum prior (puta *lex 8. supr. prox.*) ante biennium processerat, ad Prætextatum P. V. hæc vero ad Olybrium, illius in Præfectura Urbana successorem. Ita quidem, ut cum superioris legis dispositionem prius habitam cæteroquin ratam esse velit, quod etiam *sine legis* indicat, ac nominatim circa Annonarum compendia, e popularibus videlicet commodis & annonis (Præfecti Urbis sollicitudine) hic præstanda. Item circa Numerum Archiatriorum, quem *hac leg.* eundem præsupponit, quem superiore lege, mox ut ostendetur plenus, item quoad ipsam subrogationem faciendam Archiatriorum ipsorum delectu: In quibus tribus *hac lex* cum superiore concordat, vnde Interpretatio huc arcessenda venit. Attamen hac constitutione idem Valentinianus Senior accuratius de eadem subrogatione recauet in tribus, & quidem aliter, quam *ea lege.*

Primum quidem de *suffragiorum numero* requisito, ut quis in locum defuncti Archiatri subrogatus, his adgregetur. Ex superiore sane constitutione ad delectum hunc, omnium Archiatriorum consensus requiri videbatur: sic enim verba legis illius habebant, *horum OMNIUM fideli circumspesloque delectu.* Verum id nunc accuratius explicat Valentinianus: nempe, secundum legem & naturam omnium Curiarum, Collegiorum, Corporum: ubi, quod maior pars decreuit, vel efficit, pro eo habetur ac si omnes egerint, numerusque adeo maior præualeat, *l. 19. D. ad municip. addatur & lex 3. D. quod cuiuscunque vniuers. l. 6. §. 5. D. de Decurion. l. 19. D. de tutor. & cur. dat. l. pen. & ult. Cod. Iust. de prad. Curial. l. ultim. Cod. eod. de vendendis reb. ciuitat. lex 160. §. 1. D. de Regulis Iuris: & l. 84. 142. supr. de Decurionib. vbi dixi. Extat & de eo Symmachi locus *lib. 4. epist. 27. Plinii lib. 2. epist. 12. Alludit Seneca de vitæ beatæ, c. 2. & epist. 29. Prudentius in Symmachum lib. 1. v. 607. denique huc spectat vetus verbum, Numera Senatam, de quo Festus. Igitur & hac parte sufficere ait, si vel septem Archiatriorum calculus accedat, in subrogatione alicuius in locum decedentis. Scilicet hic maior numerus est, Archiatriorum corpore immينو per alicuius mortem; solemnibus enim quatuordecim Archiatriorum popularium numerus fuit Romę (de quo affatim *l. super.*) Quare satis est si in concursu plurium, vel ita vnicò tantum suffragio quis vincat: de quo nil attinet plura dicere.**

Secunda quæstio siue controuersia erat, de GRADV, Ordine seu Præcedentia: quænam vide-

licet gradum & Ordinem subrogatus consequi deberet: Finge enim, cum qui primum locum inter Archiatrios obtinebat decessisse, aliumque ei subrogatum: hic quærebatur, num primi illius locum & ordinem subingeretur, an vero cæteris ad priora subuectis vltimum locum obtineret, utpote vltimus adscitus? Sane superiore constitutione 8. Valentinianus minus accurate dixerat, in eius locum qui defunctus fuerat, alium subrogandum. At nunc postremum illud Valentinianus hic amplectitur, nempe vltimo loco habendum subrogatum, denique ordinem successionis seruandum. Quam quidem Valentiniani Senioris constitutionem Symmachus, scribens ad Valentinianum Iuniorem filium eius, *lib. 10. epist. 40. meminerat, & quidem vtroque eius capite relato, his verbis; Diuus Genitor vester inter alia quæ in bonum publicum contulit, etiam Medendi Professoribus dedit ORDINEM SUCCESSIONIS, si locum quempiam decedentis fortuna nudasset. Qua lege cautum est, ut PRIMÆ artis eiusdem de novorum scientia iudicarent. Hanc formam, quantum asserunt, atas secuta seruauit.* Cuius quidem legis vim Symmachus ideo Relatione sua Valentiniano Iuniori memorauit, imo opposuit, eo quod Valentinianus Iunior defuncto quodam Medico, speciali privilegio, oraculo, præcepto, Ioannem in Epicteti Archiatri locum subrogasset, magna Medicorum parte refragante. Ad quam tamen relationem, ut alibi pluribus ostendi, idem Valentinianus ad Symmachum P. V. rescripsit, id quod continetur *l. 2. Cod. Iust. de crimine sacrilegi: Disputare de Principali Iudicio non oportere: sacrilegij enim instar esse, dubitare an is dignus sit, quem ELEGERIT Imperator.* Certe postea idem Valentinianus Iun. subreptitius huiuscemodi rescriptis reuocatis, ad huius legis mentem rediit, *l. 18. infr. Ad rem. Scilicet succedaneus, seu suffectus & subrogatus in alterius decedentis vel recedentis officium siue locum, & ut Græci vocant τάχιν, vltimum inter Collegas vndique pares locum occupat: Quam in rem hic textus singularis est, & alii complures. Eamque in rem tum responsa, tum Senatufconsultâ varia extant apud Decium resp. 161. Hotomannum consilio 105. Langlæum 7. Semestr. 7. p. 360. Loiseau lib. 1. de Offices, cap. 7. p. 115. Chenu cap. 97. p. 521. Cothmannum cons. 95. vol. 2. Et generaliter inter Collegas & habentes æquales dignitates & officia, promotionis, cooptationis, installationis, renunciationis (quo verbo vtitur Tullius) initiationis, consecrationis ratio, ordo, prioritas, antiquitas, matricula, album, præcedentiam regulariter assignat, sic ut prior tempore prior iure sit: (non attenta forte ætatis ratione) Quam in rem Textus complures Iuris sunt, puta *lex 1. D. de Albo scrib. Cætera peti velim ex Diatriba nostra de Præcedentia, p. 27. 28.**

P. 39. Hic interim omittere non possum, eo usque huius legi locum esse, ut neque professionis etiam alibi, & vel in Palatio Principis, anterioritas hic spectanda veniat, ut ceteroquin in materia præcedentiæ extracollegialis dignitatis vel anterioritatis ratio non habetur. Quam quidem speciem Symmachus prædicta epistola tractat, deque ea ad Valentinianum Iuniorum ambiguis refert, quod Ioannes hoc etiam argumento Palatinæ professionis vteretur, licet ultimum subrogatus, ut summo proximum gradum adipisceretur; scissis ea in re Medicorum Collegii sententiis. Nunc Ioannes V. P. non eum gradum quem subrogandis dederunt Diuina scripta, sed summo proximum conatur adipisci, fultus P. A. LATINÆ MILITIÆ privilegio, & Impetratiōe specialis oraculi, &c. Quorum (Medicorum) potissimi inter venerationem legis, & noui beneficii reuerentiam iudicare non ausi, eum locum Ioanni V. P. statuerant deferre nudum, quem tenere potuisset, si eo tempore quo Aule obsequiis deputatus est, Archiatrorum numero fuisset adiunctus: Et cum ab eo Palatini honoris officia poscerentur, ut Codicillorum prærogatiua monstraret, quis illi inter Archiatros ordo competere, asseruit, domestica expilatione etiam documenta Dignitatis sibi ablata. At vero pars magna Medicorum munita lege Diuali eorum exempla depromsit, qui

e Palatio in hunc gradum seruato ordine transferunt, Quare motus ambiguis, &c. Vbi vides tres in hac quaestione opiniones: ipsius videlicet Ioannis, summo proximum locum affectantis, quem Epictetus tenuerat: Media, eum locum ei adsignandum, quem tenere is potuisset eo tempore, quo in Palatio Medicus esse cepit: Postrema, eum postremo loco, seruato ordine successionis hodie collocandum. Quæ omnia ad praxin deduci vtiliter possunt. Tertio loco obseruandum, hac leg. non requiri, ut superiore, ut de subrogato ad Principem referatur.

Illud ultimum ad hanc leg. notandum venit, eam videri prolixioris Valentiniæ constitutionis ad Olybrium P. V. partem: cuius quoque partes, atque adeo huius coactandæ videntur lex 1. infr. de studiis lib. V. R. & lex 7. Cod. Iust. de postulando; quæ in vniuersum de literarum studio & literatorum meritis sunt. Et quidem d. lex 1. de scholario seu studiosorum profectu & meritis prouocandis, prouehendis: dista lex 7. de Advocatorum meritis: Hæc tandem de Archiatrorum pariter meritis, secundum quæ & promoueri, & annonas eis præberi iubet. At non & ideo pro meritis eis præcedentiam adiudicari: quo hæc proculdubio de Præcedentia hac l. controuersia pertinet.

X. (a) Idem AAA. ad Principium P. V. (b)

MEDICIS, & Magistris Urbis Romæ sciant omnes immunitatem esse concessam; ita, ut etiam uxores eorum ab omni inquietudine tribuantur immunes, & a cæteris oneribus publicis vacent: eosdemque ad militiam (c) minime comprehendere placeat: Sed nec hospites militares recipiant. Dat. III. Kal. Maii, Valentiniano & Valente III. AA. Coss. [370.]

NOTÆ

(a) Abest hæc lex a Cod. Iust. Efformata autem ea adinstar legis 3. supr. GOTHOFRED.

(b) Vnica hæc lex occurrit, quæ Principio P. V. inscripta est: nam in leg. 2. Cod. Iust. de offic. diuers. iudicum, proculdubio reponendum PP. vide quæ dico in Chronologic. IDEM.

(c) Militia b. l. & d. l. 3. supr. & l. 16. infr. est Tyronum præstatio, & quidem filiorum d. l. 16. ID.

COMMENTARIVS.

IMMUNITAS ab omnibus muneribus & oneribus publicis Medicis & Professoribus (de qua ipsa fuerunt quoque iam supra tres constitutiones, duæ Constantini M. puta lex 1. & 3. tertia Iuliani, puta lex 4.) a Valentiniano Sen. hac constitutione tribuitur, quæ adinstar d. legis 3. effecta est. Neque ipsis tantum Medicis & Professoribus, verum etiam eorum vxoribus, pariter ut d. l. 3. Ac speciatim quidem immunitas a Tyronum præstatione (id enim ut hac leg. ita & d. l. 3. Militiæ appellatione intelligendum venit) & quidem filiorum, l. 16. infr. ut & a Metati militaris onere: de qua postrema immunitate est quoque lex 16. 18. infr. hoc tit. Quorum duarum immunitatum argumento procliuè est statuere, hanc constitutionem omnino per-

tinere ad procinctus militares, quibus hoc tempore Valentinianus Sen. destinebatur: siue in Gallia, siue in Britannia, de quibus Ammianus l. 27. cap. 1. 2. & 8. & Zosimus lib. 4. cap. 12. & dixi ad leg. 5. supr. de Tyronibus: l. 2. supr. de Metatis: quæ & ipsæ eodem pertinere videntur. Porro est hæc lex nominatim de Medicis & Magistris Urbis Romæ: qui & ipsi cum possessiones in Prouinciis aliquas possiderent, ad indictam Tyronum & Metati præstationem vocandi videbantur, vna cum cæteris Plebeis, Urbanis familiis, quæ per Prouincias possidentes ad Iuniorum delectum sæpe vocabantur, ut docet Symmachus lib. 6. epist. 58. Iuniorum, inquit, delectus Urbanis familiis imperatus, usque ad æterni Principis responsa pendebit.

XI. (a) Imppp. Valens, GRATIANVS & Valentinianus AAA.

Antonio (b) PF. P. Galliarum.

PER omnem Dioecesium (c) commissam Magnificentie Tuæ, frequentissimis in Ciuitatibus, (d) quæ pollent & eminent claritudine Præceptorum, (e) optimi quique eru-

P. 40. diendæ prædicant iuventuti, Rhetores (f) loquimur & Grammaticos, Atticæ (g) Romanæ. Que doctrinæ: (h) Quorum Oratoribus viginti quatuor annorum e fisco emolumenta donentur, Grammaticis Latino vel Græco duodecim (i) annorum deductior paulo numerus, ex more præstetur: Vt (k) singulis vrbibus, quæ *Metropoleis* nuncupantur, nobilium Professorum electio celebrètur, nec vero (l) iudicemus liberum vt sit cuique Ciuitati suos Doctores & Magistros placito sibi iuuare compendio. Triuerorum vel (m) clarissimæ (n) ciuitati vberius aliquid putauimus deferendum: Rhetori, vt triginta, item viginti Grammatico Latino, Græco etiam, si qui dignus reperiui potuerit, duodecim præbeantur annonæ. Dat. X. Kalend. Iun. Valente V. & Valentiniano A.A. Coss. [376.]

NOTÆ.

- (a) Absit hæc lex a Cod. Iust. GOTHOFRED.
 (b) Antonio huic PP. Galliarum inscribitur hoc ipso Anno lex 2. *supr. de Questionibus*. Error est Sæcligeri, qui in *Ausonii* nomen id mutatum voluit: de quo mox plura. *ID EM*.
 (c) Galliarum, & quidem vnicam, de quomox. *ID*.
 (d) *Metropoleis* *infr. vers. vt singulis*: *παγούρας πόλεις* vocat Polybius. Sic idem Gratianus l. 35. *supr. de cursu publ.* aut frequenti ciuitate. *ID*.
 (e) An ita interpungendus hic locus, *claritudine præceptorum optimi*, &c. *ID*.
 (f) Rhetores, mox oratores, vt & rursum l. 16. *infr. & l. ult. infr. de studiis*. *ID*.
 (g) De hoc mox in *Coniuentario*. *ID*.
 (h) Vide Interpretationem. *ID*.
 (i) An duo de viginti? Nam alioquin duodecim ad viginti quatuor dici non posse videatur PAVLO deductior numerus. *ID*.
 (k) Hæc Interpretis, alicui videri possint, vel certe Gratianeam constitutionem ad hunc modum *huius Codicis* Conditores concinnasse seu contraxisse. Neque enim hæc superioribus coherere videntur: verum mox ostendam, quomodo hæc superioribus optime cohzreant. *ID*.
 (l) Id est, non ideo tamen. *ID*.
 (m) An vero? Istud sufficere potest. *ID*.
 (n) Non mutem in *charissime*. *ID*.

COMMENTARIUS.

DE GALLICANIS, seu per Gallias Professoribus, vt ii optimi quique habeantur (hic enim præcipuus *huius leg.* scopus est) est hæc Gratiani Imp. singularis admodum constitutio: data Anno D. 376. Cuius sententiam priusquam edissero, quamplurima quæ ad historiam *Gallicanam* pertinent, excutienda veniunt.

Primum, est hæc vt dixi Gratiani Imp. constitutio; qui videlicet ante decennium nouennis adhuc Ann. 367. Ambianis in Gallia, a Valentiniano Sen. patre (qui in Gallia ferme semper agebat) Augustus renunciatus fuerat, teste *Ammiano*, *Hieronymo*, *Socrate*, *Chronico Alexandrino*, *Consularibus Idacianis*: quo ipso tempore a Valentiniano Sen. datam Ambianis reperio *legem vnic. supr. de ingratiss liberis*. Item qui Aufonio Burdegalensi præceptore in Gallia vsus fuerat, quem etiam Quæstorem primum suum, mox Præfectum Prætorio, tandem triennio post *hanc leg.* ad Consulatum euexit. Rursus Gratianum quem etiam (septimum decimum annum agentem) superiore proximo Anno 375. pater prefecturus in Pannoniam aduersus Sarmatas & Quados TREVERIS morari disposuerat teste *Ammiano lib. 30. c. 10*: Item qui peculiari affectu Gallias profectus deprehenditur, qua causa *Aufonius in gratiarum actione* ad eum, *GALLIAS TVAS inopitatus illustres*. Tandem qui assidue in Galliis moratus deprehenditur post patris mortem, non

tantum annis sequentibus, verum hoc ipso Anno 376. quo *hæc lex*, septimo post patris mortem mense, data, & quidem TREVERIS: vt docet iuxta hanc leg. *lex 3. infr. de Scanicis*: l. 23. *infr. de Episcopis*: l. 2. *supr. de Questionibus*, quæ quidem etiam eidem Antonio PP. Galliarum inscribitur. Hic tandem Gratianus est, quem Symmachus *lib. 4. epist. 56*. Musis in Palatio loca lautia dedisse scribit.

Secundo loco obseruandum venit, hanc Gratiani constitutionem datam ad *Antonium PP. Galliarum*: pariter vt d. l. 2. *supr. de Questionibus*: & Anno 377. *lex 6. supr. de off. Recl. Prouinc.* & initio Anni 378. *lex vnic. supr. victum ciuil.* & l. 7. *supr. de fide instrument.* quem biennio post Ann. 378. PP. Italiae factum colligere licet ex l. 22. *supr. de poenis*: suspecto ei in Præfectura Prætoriana Galliarum Aufonio: cui inscribitur eo Anno *lex 35. supr. de cursu publico*. Quare audiendus non est Scaliger in *Lectio. Aufonian. lib. 2. c. 17*. quique eum secuti, qui loco *Antonii PP.* & *hac lege*, & cæteris, *Ausonii* nomen substituebant. Alius enim ab Aufonio hic Antonius est, qui etiam Ann. D. 382. Consul fuit cum Syagrio: & ad quem plures extant Symmachi *Epistolæ lib. 7.* puta *Epistola 83. 84. 85. 86. 87.*

Tertio notandum *hac leg.* Diocesim (unicam proinde) Præfecto Prætorio Galliarum tribui: eum

cum tamen notum sit, vt plures cateroquin Dioceses Praefecti Prætorio rexerunt: quod docet etiam exerte *lex 2. infr. de Episcop. iud.* quarum singula plures Prouincias complectebantur, & singula suos Vicarios habebant: ita tres Dioceses sub Praefecto Prætorio Galliarum dispositione fuisse: vt non tantum ex *Ammiano Marcellino, Claudiano, Iustino, Notitia Imperii* liquet, verum etiam ex nonnullis huius Codicis Constitutionibus: puta Gallias, Hispaniam, Britanniam: de cuius rei origine alibi dixi. Quare fuit tempus cum crederem, *Diocesim* hic accipiendam pro integra *διοίκησει*, siue administratione etiam Praefecti Prætorio (non eo proprio significato, quo hac tempestate *Diæcesis* pro vnica Prouinciarum aliquot inter se iunctarum administratione accipiebatur.) Quæ notio hac tempestate nullibi occurrit. Fuit etiam tempus cum crederem, ideo vnus Dioceseos *hac leg.* mentionem fieri, quia vni huic Diocesi Gratianus consultum iret, & forte ex *inscriptione*, vocem *Galliarum* retrahendam ad ipsam *legem*, ita: Antonio P. F. P. *Per omnem Diocesim Galliarum commissam Magnificentia Tua.* Verum nihil horum mihi nunc placet. Placet potius, reuera huius Gratianæ Constitutionis tempore non nisi vnica (Galliarum videlicet) Diocesim sub Praefecto Prætorio Galliarum dispositione fuisse: non Hispanias, non Britannias. Nempe deprehendo, Hispaniam (vt de ea primum dicam) hac tempestate non Vicario paruisse, & sic sub Praefecto

P. 41. Prætorio Galliarum non fuisse, (id enim omnino importat *Vicarii* nomen, quod scilicet vices agat Praefecti Prætorio: Verum Proconsulem habuisse quem Praefecti Prætorio imperio subiectum non fuisse, tum aliunde, tum *Eunapii* testimonio liquet in *Maximo*, p. 106. Edit. *Commelin.* (Ανθύπατον, inquit, ἐπισήσας τῆς νῦν ἰδίως Ἀσίας καλεμένης, ἐπὶ δὲ ἀρχῶν ἐδεδροτάτη καὶ ἑκατέρωθεν τῆς αὐτῆς ἐπαρχίας: Asia, quæ nunc peculiariter nomine sic vocatur, proconsulem creans, est, quæ provincia illustris & locuples, neque Praefecti prætorio subiecta imperio.) Porro proconsulem hac tempestate Hispaniæ præfuisse post Ann. D. 370. (quæ paulo post rursus Vicario commissæ fuit) docet singularis admodum *Seueri Sulpitii* locus lib. 2. *Sacre histor. cap. 49.* in gestis Anni 383. agens de *Priscillianistis*. *Hæretici*, inquit, *suis artibus grandi pecunia Macedonio* (Magistro officiorum) *data, obtinent, vt Imperiali auctoritate Praefecti* (Prætorio Galliarum) *erepta cognitio, Hispaniarum Vicario traderetur: nam iam Proconsulem habere desierant: Missique a Magistro Officiales, qui Ithacium tum in Treueris agentem ad Hispanias retraherent.* Sed & idem nominatim *Voluentii Proconsulis Hispaniarum* paulo ante meminit. De cuius rei ratione, cur, inquam, modo *Vicarius*, modo proconsul Hispaniæ datus fuerit? dixi iam ad *L. 14. supr. de Accusationib.* De Britannia quoque idem factum conicere licet post annum 370. quo *Theodosius Pater Britanniam* pacauit: tum Hispaniæ præiudicio, tum huius legis argumento, quæ sane vnica Diocesim Praefecto Prætorio Galliarum tribuit, cuius clarissima ciuitas fuerit Treueris, de qua paulo post. Quibus argumentis illud quoque liquet, vnica Dioceseos dispositionem non fuisse intra illustrium dignitatem: quo tamen nonnulli magno conatu vellent. Quorum sententiam refutat vel Praefecti Urbis Romæ administratio, quæ sane intra vnica pariter Diocesim Urbicariam, intra centesimum videlicet lapidem seu suburbicarias regiones consistebat. Sane post hæc tempora dubium nullum est, Praefectos prætorio vna Diocesi saepe vixisse contentos: veluti sub Iustiniano Praefectum Prætorio Africae, Praefectum Prætorio Italiae, Proconsulem Cappadocianum. Huc ad-

de, quæ de Probi quatuor Praefecturis tum in aliis veteribus *Inscriptionibus*, tum in eius *Epitaphiis* dicuntur.

Nunc de sententia huius constitutionis: cuius non vnum caput est. Primo, iubet Gratianus Professores Rhetores, Grammaticos vtriusque doctrinae seu linguae constitui, vtriusque eruditionis & institutionis, *L. 15. 18. supr. de extraordinar. Gregorius Nazianzenus epist. 71. in. 68. ad Posthumianum P. P.* quam scripsit Ann. D. 383. ὕψηλός ἐστι τὴν παιδείαν, καὶ ταύτην ἐποτίσαν βέλει, καὶ ἡς ὁ, τι βέλει τῶν λόγων εἶδος. τῆς μὲν γὰρ κλέος ἀνέχομεν, ἡ γὰρ Ῥωμαϊκὸς τις ἐγὼ τὴν γλώτταν, εἰδὲ τὰ Ἰταλῶν δεινός. τῆς δὲ πεπειράμεθα: doctrina sublimis es, & quidem vtriusque doctrina genere, & vtriusque dicendi facultate. Alterius enim famam solum audimus, (nec enim lingua Romanus sum nec Italicam doctrinam calleo) alterius autem periculum ipsi fecimus. Attica doctrinae Rhetores & Grammatici hic: mox, *Græci* vocantur. Attica doctrina pro Græca: nempe vt olim Athenæ eloquentia semper inclitæ fuisse, ita hac tempestate doctrina, studiorumque & litterarum mercatu & domicilio censita: vt videre est apud huius æui Sophistas, *Libanium de vita sua pag. 5. sqq. in Basilico circa fin. in Antiochico, p. 368. 369. in Ianegeyr. Iul. p. 177. in orat. funebri in Iulianum, p. 267. Edit. Morell.* *Eunapium, in vitis Sophistarum passim.* *Aulonius quoque in claris Urbib. carm. 9. v. 4.*

Attica, facunda cuius mera gloria lingua. Ibi sane etiam *Iulianus* sub *Constantio* institutus: sed & *Eunapius in Oribasio pag. 180. Edit. Commelin.* πολὺς ἂν χωρὶ λόγου, ὅτι Ἀττικὴ μέσσα, καὶ τὸ ἀγαθὸν οἰκῶν, fama ferente, Atticam esse musam & domesticum ornamentum. Hinc *Iulianus, Proæchius, Epiphanius, Musonius, Himerius, Libanius, alii*, tot hac tempestate in ea clari Sophistæ: consummanda iuuentus eo passim profecta & alligata hac tempestate: etiam *Christiani* veluti *Gregorius Nazianzenus*, vbi & postea publice professus, *Basilius Cæsariensis Cappadox* (de quo recte *Baronius Annalibus Ecclesiasticis*, sub *Constantio*, Ann. D. 354. a num. 25. ad finem Anni.) *Ioannes Chrysostomus*, teste *Gregorio aliisque eius vite Scriptoribus*. Denique hic σοφιστικὰ ἑρῶναι fuere, & exinde accersiti præceptores teste *Symmacho*.

Secundo iubet Gratianus, Professores Rhetores & Grammaticos vtriusque linguae constitui in frequentissimis, per Gallia Diocesim Ciuitatibus, seu in singulis vrhibus quæ Metropoles nuncupantur. In quo multa querenda veniunt. Primum quid causæ sit, cur Gratianus id nunc constituat: cum tamen iam ab antiquo non tantum Galliarum studia celebratissima fuerint, verum liquida fides sit huiuscemodi Professores & Academias in Gallia iam olim fuisse. Vt omittam vetus *Catonis* dictum de Gallia, eam semper studiosissime argere loqui, cum quo concinit *Hieronymus adu. Vigilantium epist. 60. ab init. pag. 83. Tom. II. Oper. Edit. Francf. apud Christ. Genfch.* cum ait, *Galliam semper abundasse eloquentissimis Viris.* Item vetus certamen Græcæ Latinaeque facundiae apud *Aram Lugdunensem*. Item vt omittam recensum Virorum Doctorem, ac potissimum Rhetorum, de quo *Pithanus iam præfat. in Quintilianum* Mitto veterem *Massiliensem* Academiam, Aduamque, quæ sub *Tiberio* iam erat, memorare, quæ non adeo huc faciunt. Ad propiora accedo: neque tamen adhuc contingam ea, quæ hac constitutione paulo postea

posteriora sunt. Notum iam est Constantii Chlōri studium circa Augustodunensē scholam cui Eumenio admoit, de quo videnda ipsius Eumenii oratio *pro scholis instaurandis*. Notum etiam quod Symmachus de se scribit *lib. 9. epist. 83.* per Chlōri suū Præcepta Rhetoricæ senem Garumnæ alumnū immulisse olim (sub Constantio videlicet, Constantini M. filio) esseque sibi cum scholis Gallicanis per Doctorem iustam cognationem: denique quidquid in ipso esset cœlo, Gallicano se debere, Camœnasque Galliarum sibi lac bonarum artium primum dedisse. Notum etiam, ex eodem Symmacho, non tantum post hæc Gratiani tempora, verum exerte sub Gratiano studia Galliarum maxime floruisse, indeque Rhetores Romam excitos, veluti Palladium, ut docet *lib. 1. ep. 9. & 88.* de quo ipso agit & *lib. 3. epist. 50. & lib. 6. epist. 34.* Noti sunt etiam Professores Burdigalenses, quorum commemorationem instituit Ausonius. Nota Tolosa Palladia, cuius & ipse Ausonius meminit, sicut & Narbonensis schola. Nota schola apud Viscontionem, Lugdunumque, quarum meminit Ausonius in *Gratiarum actione*. Quæ sane omnia iam in fama erant ante hanc Gratiani constitutionem. Quid igitur, quod Gratianus id nunc constituit? Nempe ut existimo, quod etsi multæ Scholæ iam essent in Gallia, attamen quod Gallicanam faciundam illa maxime tempestate exerere se videret, quam & ipse hausisset, Gallicanis Viris doctis quamplurimis circumfusus, ipseque in Galliis sedem habens, in maius efferre studuit. Et duplici quidem ratione. Primum, statuendo ut per omnem, seu totam Galliarum Dicecesim, in omnibus frequentissimis ciuitatibus quæ pollerent & eminent claritudine, Professores optimi constituerentur: *Frequentissime ciuitates hac leg. quæ & frequentiores Prouinciuarum Vrbes, l. 12. sup. de Legatis, l. 35. sup. de cursu publ. opulentiores, l. 13. de Legatis, dicuntur: mox hac ipsa lege* *Metropoleis* vocantur, & sunt non tantum illæ quæ

P. 42. in singulis Prouinciis primæ omnium erant (quo alioquin sensu proprie *Metropoles* nuncupantur) verum omnes frequentissimæ. Cuiusmodi plures in vna Prouincia erant, & quidem per Gallias, ut docent veteres Notitiæ Prouinciæ & Ciuitatum Galliarum. Exempli gratia in prouincia Belgica prima præter *Augustam Treuironum*, fuit ciuitas Mediomatricum, Tullum, Virdunum. Sic & olim Modetini Lci ætate ciuitates diuidebantur in *μεγίστας* seu *μητροπόλεις*, τῶν ἐθνῶν in *μείζους*, τὰς ἐχέσας ἀγορὰς δικῶν, in ἐλάττωες πόλεις, ut docet Modestinus *l. c. d. 6. §. 2. D. de excusat.* Igitur cum hæcenus non in omnibus Metropolitibus istis Scholæ & Professores haberentur, verum in paucis, statuerit *hac leg.* Gratianus in omnibus Metropolitibus seu frequentissimis ciuitatibus eos habendos: & quidem ideo etiam forte quod Galliarum Prouinciæ quotidie augerentur, sic quidem ut hac tempestate quatuordecim, tot enim iam Sextus Rufus Festus memorat, cum Ammianus Marcellinus tantum duodecim recenset, & eo forte plures extiterint, cum antea pauciores essent. Et hæc de prima ratione qua Gratianus *hac leg.* Galliarum studiis consultum iuit. *Secunda ratio, & quidem, ut cenfeo, potissima, qua Gratianus hac constitutione studiis Gallicanis consultum voluit, ista est, quod Annonas certas Professoribus statasque ex more & iustas iam e fisco præberi velit. De annonis Professorum vide & l. 1. sup. E fisco inquam, cum alias a viribus Rerumpublicarum Professores in Prouinciis salaria consequerentur. Quomodo sane etiam Eumenio Oratori Constantium Chlōrum e viribus Reipublicæ Augustodunensis*

salarium constituisse, ex ipsiusmet Constantii epistola & Eumenio constat. Et cæteroque Ciuitates in Prouinciis Doctoribus suis & Magistris salaria soluisse, ostensum est ad *l. 1. sup.* Quamquam & *hac leg.* mihi *fisci* appellatione redditus ciuitatum intelligi posse videantur. Et quidem argumento *vers. nec vero*, vbi Gratianus non vult, ut liberum sit cuique Ciuitati suos Doctores & Magistros eo quod placuerit salario donare: ut proinde dicendum videatur, Gratianum & *hac leg.* voluisse, ut e viribus ciuitatum salarium Professoribus daretur, verum stabili arbitrio constans, ex MORE, non quale ipsæ Ciuitates vellent, quæ forte nimis modicum dabant, vel dare volebant: verum quale ipsæ nunc præscribat: ne alioquin vel non optimi, sed deterrimi vilissimique accederent ad docendum, quorum vilis semper annona est, vel sane optimos conductos egere necesse esset. Vnde Ausonius Professores commemorans non *uno loco* exiles & steriles eorum cathedras, paupertatemque eorum & tenuitatem memorat. Sed & Libanius *orat peculiari* *ἐπὶ τῶν ἐντοπῶν*, id queritur de Antiochenis Rhetoribus: qui consulendus. Quare *vers. ut singulis* hæc sententia omnino videatur, liberam quidem singulis Ciuitatibus Professorum suorum electionem relinqui, ad non ideo & modum salarii. Et sane hic præcipuus mihi huiusce constitutionis scopus esse videtur, nempe ut relicta quamlibet singulis ciuitatibus ex more Professorum eligendorum libertate (de quo more dictum ad *l. 5. & 7. sup.*) modus tamen Annonarum in eorum arbitrio non esset, verum statæ essent, ex more fixæque. Quibus opponuntur hic *placita ciuitatibus compendia*, eo quo iam indicaui fine, quo videlicet Optimi quique (ut *hac leg.* præfatur Gratianus) erudiendæ iuuentuti præficerent. Eodem pertinet, quod Constantius definiuit, *l. vnic. sup. & Cod. Iust. de præb. salario*: nulli salarium tribui oportere, ex viribus Reipubl. nisi ei qui iubente Principe specialiter fuerit consecutus: vbi vide quæ dixi plura. Exinde ad vsum & praxin hoc axioma confici potest: ut maxime veltigalia quædam, seu Fiscus quidam sub Principibus Ciuitatum propria sint, modum tamen his vtendi a Principis nutu suspendere, vbi male ad ministratur, vel ne male administrato eo utilitas Reipublicæ negligatur. Item alterum illud, satius esse statæ esse salaria, quam arbitraria. De salario & annonis Professorum Romæ a Senatu decrevis & solemnibus, dixi ex Symmacho *lib. 1. epist. 73. & lib. 5. epist. 35.* Antequam adhuc de modo salarii Professoribus constituto a Gratiano agam, nonnulla ante ex *hac leg.* prænotanda. Primo nonnisi duo Professorum genera hic designari, nempe Grammaticos, & Rhetores seu Oratores. Hæcenus scilicet Galliarum studia steterunt: nulli Philosophiæ, nulli Iuris Professores in Galliis fuere. Hinc & Professores huius tempestatas Burdigalenses, Narbonenses, Pictauienses, Tolosanenses commemorans *singulari libro* Ausonius, paulo post hanc constitutionem, non alios commemorat quam Rhetores seu Oratores, & Grammaticos. Cum Grammaticos vero audimus, non primarum literarum Magistros accipimus, verum tam late eorum pomœria procurrisse scire oportet, ut quicquid humanioris ferme literaturæ est, ambitu suo complecterentur, atque adeo Philologi, quomodo Grammaticos Latinos Burdegalenses quosdam vocat Ausonius, de quo videnda, ne hic prolixior sim, Wowerii *Polymathia*. Igitur Nulli per Galliarum Academias Philosophi fuere, nulli iuris Romani Professores. Verum Iuri addiscendo e Gallia iuuentus ferme Romam commeabat, Grammatica & Oratoria imbuta: testis Rustilius Numatianus *lib. 1. Itinerar. p. 209.* sub Honorio scribens.

Facundus iuuenis Gallorum naper ab aruis.

Missus Romani discere iura fori.

De quo alibi plenius.

Secundo de Grammaticis tria adhuc ex hac leg. notanda veniunt. Primum alios Latinos fuisse, alios Græcos: vt ex b. l. patet, & l. 15. 18. *supr. de extracord. muner. l. 1. supr. de Professor. & l. ult. infr. de studiis lib. V. R.* & nominatim per Gallias ex Aufonii quoque Professoribus. Secundo Oratorum maiorem dignationem fuisse, minorem Grammaticorum. Tertio, etsi Grammatici Græci, Latiniq; eadem dignatione forent in commune, excepta tamen vrbs Treuerica, vbi maior honor Grammatico Latino, quam Græco fuit, cuius postremi hæc forte ratio quod ea vltiore videlicet Galliarum parte, Germaniæ viciniore, non adeo vsus linguæ Græcæ, quam superiore erat: vnde etiam diserte de Græco Grammatico Treuerico agens addit, *si quis dignus reperiri potuerit.* Modus tandem hic salarii Professoribus constituitur a Gratiano per Gallias, nempe Oratoribus *XXIV. annona*: Grammaticis *XII. deductiore paulo*, id est, minore numero. *Annona* est *ἡμερησιον*, annona diurna, *diarium vnius hominis.* Ita quoque Ammianus Marcellinus *lib. 22. cap. 4. Tonsor quidam interrogatus, quid haberet ex arte compendii, vicinas diurnas respondit annonas, totidemque pabula iumentorum, quæ vulgo distant capita, & annum stipendium graue.* In Historia Augusta ita Lampridius Alex. Seuerus *cap. 42. Medicus sub eo vnus Palatinus salarium accepit: ceteri omnes, qui vsque ad sex fuerunt, annonas binas aut ternas accipiebant, ita vt mundas singulas consequerentur, alias aliter.* Et *capite 41. agens de Aulico ministerio seu castrensisibus ministris, ita vt annonas acciperent, sed* *P. 43. annonas singulas, vix binas.* Porro Annonarum appellatione veniebat inter cetera certus frumenti oleique modus, de quo Themistii locus est *orat. 4. pag. 113. 114. Edit. Petau. Flexia 1613. in 8. de quo ad l. ult. infr. de frum. vrb. Constantinop.* Et hæc in commune de aliarum per Gallias Ciuitatum Professoribus. At Treuerica vrbis Professoribus vberiores annonæ deferuntur: nempe Rhetori 30.

Grammatico Latino 20. Græco 12. ob eius videlicet ciuitatis claritatem: *Triuerorum*, inquit, *vel clarissimæ ciuitati vberius aliquid putauimus deferendum.* Nota sunt hac tempelate Vrbis Treuericæ elogia, quæ ciuitatum Galliæ maxima erat, Imperatoris Galliarum & Imperii sedes, solum, altera Roma, quæ videre est apud veterem Orbis descriptorem *sub Constantio & Constante, cap. 49. Athanasium Apol. 2. in fin. pag. 306. & epist. ad solit. vit. 42. pag. 331. Tom. 1. Oper. Edit. Colon. sin. Lips. apud Weidm. vbi & ἡμερησιον γαλλίων* exerte vocatur. *Ardmianum Marcellinum lib. 15. cap. 11. vbi domicilium Principum CLARVM* dicitur. *Aufonium in Mosella v. 421. & in claris vrbibus num. 3. Zosimum lib. 3. cap. 7. Saluanum lib. 6. cap. 8. 13. 15.* Testes sunt quoque innumere huius Codicis Constitutiones, sedem hanc ferme Imperatorum in Galliis fuisse. Vt de ceteris Imperatoribus tacëam, testes de Gratiano huius constitutionis Authore: non de aliis & iniequentibus tantum annis, verum de hoc ipso Anno 376. *lex 3. infr. de Scenicis: lex 23. infr. de Episcopis:* quæ eodem mense ante sex dies data, & post mense Septembris medio, *lex 2. supr. de quæstionib.* quæ eidem Antonio PP. Galliarum inscribitur. Interim si non aliunde, certe ex hac leg. satis constaret, Principem totius Galliarum Dicesseos ciuitatem Treuirim fuisse. Quæ & Principum in Galliis domicilium vt modo dixi, fuit: & per consequens Præfecti Prætorio Galliarum: quod non tantum ex Sulpitio Seuerus *lib. 2. Sacra hislor. cap. 49. clare discimus,* quicquid contra nitatur Kaynaudus *lucubrat. de Ambrosii patria, puncto 5. sed & ex variis legum hoc Codice subscriptionibus, vbi leges ad Præfectos Prætorio Galliarum data, ibi accepta dicuntur; vel* *Data, pro Accepta*

Vt ad salaria & annonas Professorum reuertar. Indicat Symmachus *lib. 1. epist. 73. & lib. 5. ep. 35. hoc tempore aliquando Romanæ iuuentutis Magistris & Philosophis subsidia solemnibus alimoniarum salariaque detracta, vel denegata.*

XII. (a) Idem AAA. (b) Vindiciano..... (c)

ARCHIATRORVM, qui intra penetralia (d) Regalis (e) aulæ (f) totius vitæ (g) probitate, floruerunt, nulla dignitate (h) sequatur expensâ, neque eorum fatiget hæredes. Ab his etiam qui Comitium (i) honore donati sunt, (vt consuetudo poscebat,) sordidi (k) muneris interpellatio conquiescat: Nam (l) dilecti a Patribus adque suscepti (m) honoris ac muneris incrementa seruamus. Dat. XVIII. Kal. Octob. Triu. (n) Aufonio & Olybrio Coss. [379.]

NOTÆ.

(a) Absit hæc lex a Cod. Iust. GOTHOF.

(b) 79. Imp. GRATIANVS, Valentinianus, & Theodosius. ID.

(c) Comitii Archiattrorum: mox vt ostendam. ID.

(d) Penetralia, adita, & similia Palatii tributa. Sic apud Claudianum *de nupt. Honor. & Mar. v. 260. Venus inuitans Mariam Stilichonis & Serenæ (quæ filia Theodosii M. erat) filiam ad connubium cum Honorio.*

— & in hac PENETRALIA rursus

Vnde Parens progressa, vedi. ID.

(e) Alii quippe Archiatri Regiarum Ciuitatum erant. ID.

(f) Sic iterum Claudianus *in Rufin, lib. 1. v. 114.*

Rogalem ad summi perducam Principis Aulam:

de *Régio* nomine, vid. *Imp. Rom. de Aula* vid. *Glossar.* ID.

(g) *Vita*, id est conuersationis, vt l. 119. *supr. de Decurion.* ID.

(h) *q. dignitatem*, Archiatrorum. ID.

(i) Vid. *tit. singul. supr. de Comitib. & Archiatris S. Palatii*, lib. 6. ID.

(k) De sordidis muneribus, vid. *tit. singul. lib. 11.* ID.

(l) Versiculus hic obscurus: de cuius sententia mox dicam. ID.

(m) Id est, *suspecti*: de quo mox. ID.

(n) *Treniros* hoc tempore venit Gratianus, vid. *Ansonium in Gratian.* *act. cap. 37.* & quæ in *Chronico* scripta
ID E M.

COMMENTARIUS.

ARCHIATRORVM Palatinorum, duo priuilegia seu duas immunitates hac constitutione firmat Gratianus Anno D. 379. Primum immunitatem a Senatoriis expensis, Archiatris scilicet, licet Senatoria vel Consularis dignitas pro præmio daretur, non ideo tamen Senatoriis expensis subiacebant, id est, Glebali collationi & Præturæ (de quibus *tit. 1. & 4. sup. lib. 6.*) Igitur inter *Adlectos* erant, seu immunes: id enim est *Adlectionis* honos seu inter *Adlectos* esse; nempe, Senatoria dignitate censeretur, & nihilominus a Senatoriis muneribus immunem esse: de quo plene dixi ad l. 10. *supr. de Prætoribus*. Eoque etiam pertinet *Symmachii epistol. 95. lib. 7.* (quam *ibidem* expendi,) vbi agit de *Dynamio*, Viro bonarum Artium, culto, ornato, *Dignumque esse prædico qui nostro Ordini copuletur.* Sed adicienda est ei prærogatiua militiæ, vt beneficio *Adlectionis* utatur. His quippe tantum munia relaxari *Dimalia* constituta potuerunt, quos *Castrensis* honor illuminat. *Sigitur & hoc insigne detuleris, quod annonarum & euectionum cumulet adiectio: prono cursu in Consulares legetur.* Pertinet & eiusdem *epistol. 18. lib. 10.* vbi pariter agit de *Philosopho* in Senatorium Ordinem cooptando, cum prærogatiua Consulari, ne sumptus eius, magis, quam magistrum questum videatur. Ac vt aliis quamplurimis his *Adlectionis* honos, seu hæc immunitas data, ita data nominatim *Proffessoribus*: quo pertinent duæ illæ *Symmachii epistolæ*: & *Archiatris Palatinis*, quo spectat hæc lex, & lex 15. 16. 17. 18. 19. seu *vl.* Caterum hanc immunitatem & ad Archiatrorum heredes porrigit hac *constit.* Gratianus, Nempe heredes Senatorum qui ad Præturam tenebantur, si ante eam editam morerentur, eam edere tenebantur: de quo dixi ad leg. 17. *supr. de Prætoribus*. vbi *Charonaria* hæc Prætura dicitur.

Altera immunitas est, quod si Comitum honore donati sunt Archiatri Palatini, quæ quidem dignitas eis pro more data, (de quo alioquin Comitum honore dixi plene ad *tit. de Comitib. & Archiatris S. Pal.*) vt etiam ostendit lex 16. 17. 18. 19. seu *vl. infr. hoc tit.* quod inquam a sordidis muneribus immunes sint: quomodo & alii nonnulli immunes fuere: de quibus consulendum *Paratitlon tituli, de extraord. sue sordid. mun. supr.* Et extat quoque eius rei exemplum apud *Calliodorum II. Var. 28.* vbi quidam ex Principe officii Comitum primi Ordinis auctus a sordidis muneribus quoque immunis definitur. Igitur & hæc immunitatem firmat hæc leg. Gratianus, quæ iam obtinebat & vt loquitur (nam eo referenda sunt hæc verba)

quam consuetudo posebat: Ratione reddita, quæ satis alioquin obscura videtur: verum accipiendam & restituendam putet quis, æquum scilicet esse, a se quoque seruari hæc priuilegia, hæc honores & muneris istius incrementa, quod ea Patres (id est, anteriores Principes) dilexerint & suscepserint: *suspexerint*, inquam; nam ita hic legendum fuerit *suscepti*, non *suscepri*. Ita & substantiue *Ouidius 5. Fastor. v. 31.*

Protinus intrant mentes suspectus honorum. Et *Symmachus lib. 4. epistol. 30. in fin.* *Ceteris aggregatur, quorum magnus suspectus in verbis est, nullus cultus in sensibus.* Omitto similia. Possit & hic sensus videri, vt Gratianus dicat, se hunc Comitum honorem seruare, quem ipsi Patres (id est, Senatus V. R.) diligant, suscipiant & suspiciant: id est, sibi conferri lateatur. At etiam Gratianus honores & muneris incrementa: id est, Priuilegia, prærogatiuas. Ita *Valerianus de Probo* Tribuno a se facto, apud *Vopiscum in Probo c. 4.* Huic igitur dari iubebis, quoniam mediocris fortuna est, vt eius dignitas incrementis iunetur, tunicas rufulas duas, pallia Gallica duo fibulata, &c. Ita l. 5. *supr. de priuilegiis eorum qui in S. Palatio*: Nihil de concessis priuilegiis perdant, sed incrementis dignitatum vtiles augeatur immunitas. Ita l. 57. *supr. de Decurionibus*: Non capiant cassi honoris augmentum: nam qui cupiunt incrementum honoris adipisci, persuntos se esse muneribus debent adprobare.

Postremum omittenda non est huius leg. Inscriptio. Inscribitur scilicet hac lex *Vindiciano*. Hic vero ille *Vindicianus* est Comes Archiatrorum, cuius ad *Valentinianum Imp. epistola* extat, præmissa *Operi Marcelli Empirici tom. vlt. Medicorum auctorum*, p. 248. vbi narrat quædam experimenta Artis suæ: & ex ea discere licet, cum in vsum *Valentiniani* & posterorum suorum librum de obseruatione *Medicine* scripisset. Plura ergo, inquit, de *Medicina* obseruatione pietati tuæ ac posteris tuis digna memoria tradidi, quæ homines docti & expertis remediis prodiderunt, quæ Tua diuina *Serenitas* oro suscipiat, & ad memoriam ceteris relinquat. Hæc epistola vna cum aliis, *Operi Marcelli* præmissa est: qui *Marcellus* adiutus a re Medica ab *Aufonio* patre fuit, vt ipse in præfat. sua ad filios scribit, non *Vindicianus*: cuius epistolam cum altera illa *Marcelli* confundit *Scaliger*. Hic idem porro *Vindicianus* est, qui *Vicarius* dicitur, cuique inscribitur Anno superiore 378. lex 9. *supr. de metallis*. Sane Archiatris administrationes quoque interdum creditas ostendit quoque lex 15. *infr.* imo & ad maiores dignitates eos ascendisse docet lex 16. & lex *vl. infr.*

XIII. (a) Imppp. VALENTINIANVS, Theod. & Arcad. AAA.
ad Pinianum P. V. (b)

SI quid impetratis subreptitiis (c) in iudicio suo Magnificentia Tua ita viderit actitatum, vt his Legibus * quæ ad Relationes (d) promulgatæ sunt, videatur aliquid imminutum, rescissis omnibus quæ per gratiam gesta videbuntur, eorum tenorem *super Archiatri ordinandis*, quæ a diuæ memoriæ Patre * Nostro constituta sunt, a nobis quoque confirmata, (e) ex huius auctoritatæ Rescripti faciet omnifariam custodiri. Dat. XI. Kal. Febr. Mediol. Valentiniano A. III. & Eutropio Coss. [387.]

N O T Æ.

(a) Abest hæc *lex* a *Cod. Inst.* GOTHOFRED.

(b) Eidem Piniano P. V. inscribitur hoc ipso Anno l. 4. *supr. de Princip. Agent.* & Anno superiore 386. l. 13. *supr. de priu. cor. qui in S. Palatio.* Ad eundem hunc Pinianum P. V. eiusdem Valentiniani Iun. epistolam *super Siricii Episcop.* Vrbis Romæ electione, & a se confirmatione ex Codice Vaticano edidit Baronius *Ann. D. 385. n. 6.* Quare coniectura inanis est hic reponentium, Symmachum: quibus & ipsa temporum ratio refragatur. IDEM.

(c) Rescriptis: & sic vigore istorum subreptitiarum Rescriptorum. ID.

* Valentiniani, aliisque: quo etiam pertinent illa sub finem, a nobis quoque confirmata. ID.

(d) Iudicium, ac nominatim Præfectorum Vrbis, & forte inter alios Symmachi; mox vt tentabo: Imò Senatus: de cuiusmodi lege ad relationem Senatus, vide quæ dico *ad l. 1. infr. de expens. ludi.* de Relationibus alioquin his in commune, fuit *supra titulus 29. lib. n.* ID.

* Valentiniano Sen. puta l. 8. & 9. *supr.* ID.

(e) Legibus ad Relationes promulgatis. ID.

C O M M E N T A R I V S.

DE ARCHIATRIS ordinandis est hæc Valentiniani Iunioris constitutio Anno D. 387. de Archiatri, inquam, Vrbis Romæ, vt docet etiam Inscriptio *huius legis*, est enim inscripta *Piniano P. V.* Ita quidem vt Patris sui *leges* super hoc sanctitas, & a se confirmatas confirmatum eat: in tantum, vt si quid aduersus eas per gratiam gestum fuerit, in ordinando videlicet Archiatro, rescindi iubeat. Contra, *leges ad Relationes* super hoc promulgatas feruari velit: vbi notandum, *impetrata subreptitia* (scilicet rescripta) itemque *per gratiam gesta*, P. 45. opponi legibus *ad Relationes* promulgatis. *Leges* ad Relationes sunt, Rescripta Principum ad Consultationes Iudicum; si quando in aliquo negotio de iure dubitarent, ad Principes referentium; de quibus assatim dictum *ad l. 9. supr. de diu. rescriptis*: & suo peculiari titulo 29. lib. n. *supr. de Relationibus*: sed & *tit. de appellat. & consultationibus*. Hæc Rescripta hac tempestate vim legum generalium habebant, vt ex *hac leg.* colligitur, sic vt ad alia negotia similia porrigerentur, seu similibus negotiis ius facerent. Quod postea immutatum ab Arcadio d. l. 9. *supr. de diu. rescr.* & a Valentiniano Tertio *Oratione ad Senatum*, qua iuris *ἀναγκῶν* instituit, l. 2. & 3. *Cod. Inst. de Legibus*: (quibus iungenda *lex univ.* *supr. de resp. Prudentum*: quæ & ipsa ad iuris *ἀναγκῶν* pertinet.) Sed enim hac adhuc tempestate Valentinianus Iun. vim legum eas obtinere voluit: quas tamen (vt ex *hac leg.* discere licet) nonnulli rescriptis subreptitiis impetratis perfringere non dubitabant, paulo fidentius, quam Edicta, seu Constitutiones Generales. Et tamen parem illis vim *hac leg.* tribuit Valentinianus Iunior, quam illis. Et hæc quidem in genere. Mihi tamen mens ea, hic indicari speciatim *Relationis Senatus* ad Principem, qui a se consulta ad Principem referebat, mox a Principe lege firmanda: de cuiusmodi Senatus relationibus, & Principum legibus, vide quæ noto *ad l. 1. infr. de expens. ludorum*.

Nunc ad hypotheseos *huius leg.* Cum tales super

Archiatri ordinandis *leges*, quas dixi, quidam perfregissent, Valentinianus Iun. rescindi specialia rescripta, quæ aduersus eas impetrauerant, iubet. *Leges* inquam a patre suo latas: puta *legem 8. & 9. supr. hoc tit.* quibus ordinandorum Archiattrorum Vrbis Romæ ratio firmata fuerat; scilicet Electionis vel subrogationis ordinem nouus subrogandus quidam Archiater, elicto rescripto conturbasse videtur; vel quia Primi Artis eiusdem de eius scientia non iudicauerant, examenque ei remissum fuerat, vel quia ordinem successionis non obseruauerat, & rescripto elicto ad priorum numerum statim venerat. Hæc Valentiniani Iun. *hac leg.* sententia est: Cui ceu gemina germana omnino congruit Symmachi Præfetti Vrbis Romæ relatio, ad eundem Valentinianum Iuniorem ante triennium Anno D. 384. quæ continetur *lib. Epistolarum eius decimo, epist. 40.* quam hic totam inserere libet.

Domino Valentiniano semper Augusto Symmachus P. V. Vt vestri Numinis veneror sanctiones, ita obseruantiam iugem saluberrimis DIVI GENITORIS vestri impendo decretis. Quid enim ille CONSTITUIT, quod possit publica cura deserere? Is inter alia quæ in bonum publicum contulit, etiam Medendi Professoribus dedit ordinem successionis, si locum quempiam decedentis fortuna nudasset. Quæ LEGE cautum est, vt Primi artis eiusdem de novorum scientia iudicarent. Hanc formam, quantum asserunt, ætas secuta seruauit, D. Imperator. Nunc Ioannes V. P. non eum gradum, quem subrogandis dederunt Diadadia rescripta, sed summo proximum tonatur adipisci, fulvis Palatina militia privilegio, & impetratione SPECIALIS ORACVLI, quo Episteti ARCHIATRI locum tunc adhuc superstitis impetrauit. Sed quia LEGE & more cogentibus, Summates eiusdem professionis par fuit in examen acciri, adhibuitur est IUDICIO Collegii omnium Medicorum. Quorum potissimi (Pancissimi,) in eo venerationem LEGIS & NOVI BENEFICII reuerentiam, indicare non aui, cum

locum Joanni V. P. statuerant deferre nudum, quem tenere potuisset, si eo tempore quo Aula obsequiis deputatus est, ARCHIATROVUM numero fuisset adiunctus. Et cum ab eo Palatini honoris officia poscerentur, ut codicillorum prerogativa monstraret, quis illi inter ARCHIATROS ordo competere, asseruit domestica expilatione etiam documenta sibi dignitatis ablata. At vero pars magna Medicorum munita LEGE Diuali, eorum exempla deprompsit, qui e Palatio in hunc gradum servato ordine transierunt. Quare motus ambiguus, & neque DIVI GENI-

TORIS vestri ausus rumpere sanctionem, neque obuiam SPECIALIBVS venire PRÆCEPTIS, diuino arbitrio Numinis vestri, subditis allegationibus partium, summam negotii referuavi: opperiens quid deliberatio Augusta constituat, cui soli fas est de scitis Diualibus iudicare. Hactenus Symmachi relatio, quæ ad hanc leg. ita proxime accedit, ut videri posset hæc lex ad eandem hypothefin spectare: nisi toto triennio distaret hæc lex ab illa Relatione.

XIV. (a) Idem AAA. Cynegio PF. P. (b)

EA quæ Principes † veteres Archiatri sacri Palatii, salutaris (f) ac necessariæ artis professoribus, sacro & mansuro in æternum iudicio detulerunt, & antiquorum contemplatione iussorum, & laborum præsentium intuitu, roborata in perpetuum manere præcipimus, nec vlla cuiuspiam improbitate conuelli. Dat. VI. Id. Mart. Constp. Valentiniano A. III. & Eutropio Coss. [387.]

NOTÆ.

- (a) Abest hæc lex a Cod. Justin. GOTHOFRED.
(b) De hoc Cynegio PP. vid. Zosimum, Idacium. IDEM.
† Constantinus, Constantius, Iulianus, Valens. ID.
(c) Vid. l. i. §. i. D. de extraordin. cognit. ID.

XV. (a) Idem (b) AAA. Rufino PF. P. (c)

ARCHIATROVUM privilegia, quæ his vetustis sanctionibus adtributa sunt, inlibata volumus permanere, ac tenere perpetem firmitatem. Hoc quoque addendum (d) esse censuimus, ut qui egerunt Administrationes, aut earum honore fungentur, vel dimissi e palatio Testimonialium suffragio munientur, ad descriptiones Senatorias non vocentur, sed ab omnibus muniis absoluti, liberi adque securi, dignitatis præmiis perfruantur. Dat. VII. Kal. Aug. Constp. Theod. A. III. & Abundantio Coss. [393.]

NOTÆ.

- (a) Abest & hæc lex a Cod. Justin. GOTHOFRED.
(b) Imo Theodosius, Arcadius & Honorius hic reponendi sunt. IDEM.
(c) Orientis. ID.
(d) Imo, id iam quoque constitutum a Constantino l. 2. supr. a Gratiano l. 12. supr. ID.

COMMENTARIUS.

DE ARCHIATROVUM Palatinorum privilegiis, sunt hæc duæ Theodosii M. constitutiones: Quibus non tam nova privilegia conceduntur, quam vetera iamque ab aliis Principibus indulta firmantur, aduersus nonnullos qui ea perfringere volebant. Ita quidem, ut & illud ipsum, quod posteriore lege ait, sese censuisse addendum, vetustiores adhuc Auctores habeat, Constantinum l. 2. supr. Gratianum l. 12. supr. puta immunitas ab omnibus muneribus publicis, ac nominatim a Senatoria seu glebali collatione. Nempe Archiatri Palatini etiam administratione aliqua Prouinciæ fundi sint, vel fungantur, vel etiam Honorarios administrationis codicillos, seu testimoniales impe-

traverint, non ideo tamen ad Senatorias descriptiones cæteraque munia tenentur: de quo iam dictum ad d. l. 2. & 12.

Illud interim obseruetur, Archiatros S. Palatii pro præmio ad Dignitates euectos, etiam administrationes Prouinciæ, Dioceseon, quomodo Vindicianum Com. Archiattrorum Vicarium extitisse docet lex 9. supr. de metallis: ut ostensum ad d. l. 12. supr. & ad maiores dignitates euectos ostendit lex 16. & vl. infr. Neque tantum Administrationes his reuera commissa, verum cum e Palatio dimitterentur, honorarii sæpe codicilli & Testimoniales administrationis alicuius eis dati: quod hæc ipsa lex docet, ut & lex prox. 16.

XVI. (a) Impp. Honor. & THEODOS. AA. Monachio (b) PF. P. (c)

GRAMMATICOS, Oratores, adque Philosophiæ præceptores nec non etiam Medicos, præter

præter hæc quæ retro latarum sanctionum auctoritate consecuti sunt priuilegia immunitatēque, frui hac prærogatiua præcipimus, vt vniuersi qui in Sacro Palatio inter Archiatros militarunt, (d) cum Comitium primi ordinis, vel Secundi adepti fuerint, aut maioris gradum dignitatis ascenderint, nulla Municipali, (e) nulla Curialium Conlatione, (f) nulla Senatoria, vel Glebali descriptione vexentur: seu indeptâ Administratione, seu accepta Testimoniali (g) meruerint missionem, sint ab omni functione omnibusque muneribus publicis immunes: nec eorum domus, ubicumque posita, militem, seu Iudicem fuscipiant hospitandum. Quæ omnia filiis (h) etiam eorum & coniugibus inlibata præcipimus custodiri, ita (i) vt nec ad militiam (k) liberi memoratorum trahantur inuiti. Hæc autem & Professoribus memoratis eorumque liberis deferenda mandamus. Dat. Prid. Kal. Dec. Const. Constantio & Constante Coss. [414.]

N O T Æ.

- (a) *L. ii. seu ult. Cod. Iust. cod. tit. Iungendaque huic, lex 17. infr. prox. vbi huius quoque mentio fit. GOTHOFRED.*
 (b) Ita quoque *Cod. Iust.* Sed rescribendum *Mohaxio*, vt *l. 12. supr. de Senatorib. & Glebali collat.* Eius mentio apud Auctorem *Chronici Alexandr. Ann. 407. pag. 717. Edit. Raderi. IDEM.*
 (c) Ita quoque deinceps dicitur, variis constitutionibus Anno 416. 417. 418. 419. At enim & Anno 408. & Anno 409. P. V. tribus huius *Codicis* constitutionibus, & apud Auctorem *Chron. Alex. l. c.* Imò & hoc ipso Anno 414. *d. l. 12. supr. de Senat. ID.*
 (d) *vp. militabunt*: vt docet *lex prox. 17. ibi, militant. ID.*
 (e) Eadem, *Municipalis & Curialium collatio*: sicut mox *Senatoria & Glebali* descriptio. *ID.*
 (f) *Conuentione vexentur*, ita *Cod. Iust.* vbi detracta hæc, nulla *Senatoria vel Glebali descriptione*: ideo quia iam *Senatoria & Glebali collatio* sublata. *ID.*
 (g) *De Testimonialibus* vid. *Gloss. ID.*
 (h) *In filiis*, *Cod. Iustin. ID.*
 (i) Abest hic *vers. a Cod. Iust. ID.*
 (k) Subeundam: vide & *l. 3. & 10. supr. ID.*

XVII. (a) Idem AA. Helioni Magistro (b) Offic.

ARTIVM liberalium (c) Professoribus, ac præcipue Medicis, qui cum Comitium primi ordinis ac Secundi militant dignitate, priuilegia & beneficia a retro Principibus præstita, nec non etiam troua ipsis eorumque filiis Clementia Nostra detulit, vt cohærens (d) sanctio protestatur: quæ tenaciter obseruari oportet. Dat. Prid. Kalend. Dec. Const. Constantio & Constante Coss. [414.]

N O T Æ.

- P. 47.
 (a) Abest hæc *lex a Cod. Iustin.* eique iungenda *lex proxime cohærens superior 15. quam hæc indicat. GOTHOFRED.*
 (b) Cur hæc *lex* Magistro officiorum inscribatur, mox dicam. *IDEM.*
 (c) *Grammaticæ, Oratoriz, Philosophiz. d. l. 16. ID.*
 (d) *Lex 16. supr. ID.*

XVIII. (a) Impp. THEOD. & Valentinianus AA. Helioni Magistro (b) Offic.

HABENTE propriam firmitatem secundo (c) nostræ maiestatis Oraculo, quod *De excusandis, siue præbendis his que militantibus debentur, hospitibus*, promulgatum est, illa quæ dudum (d) circa Archiatros, & Magistros sanximus litterarum, obseruentur: Hos enim pro necessariis artibus & liberalibus disciplinis (e) hospitali molestia, quoad viuerent, liberari præcipimus. (f) Inlibata ergo permaneant illa quæ quondam (g) circa Archiatros, quos in Palatio nostro primi vel secundi ordinis Comites militasse constiterit, & circa liberalium litterarum Magistros, videntur (h) a nobis iustissime constituta. Dat. XIV. Kal. Sept. Hierio & Ardabure Coss. [427.]

N O T Æ.

- (a) *Lex 8. Cod. Iust. de Metatib. hinc desumpta est, plerisque detractis. GOTHOFRED.*

(b) Cur Magistro officiorum inscribitur? mox dicam. GOTHOFRED.

(c) Intelligit legem 14. *supr. de Metatis*. Sed quare secundum? Nempe quia editum post legem 16. & 17. *supr.*
IDEM.

(d) Ante 13. annos: Ann. 414. intelligit scil. legem 16. 17. *supr.* ID.

+ Archiatros Nostri Palatii nec non Urbis Roma & Magistris litterarum pro, &c. Ita Τριβων. hæc continnavit & continxit. ID.

(e) Nec non picture professores, si modo ingenui sunt. Hæc addidit Τριβων. ID.

(f) Sequentia omnia recidit Τριβων. ID.

(g) Ante 13. annos, vt dictum. ID.

(h) Videntur, pro sunt. ID.

XIX. (a) Idem AA. Proculo P. V. (b)

ARCHIATRORVM sacri Palatii obsequia cogitantes, id præsentī fāctione decernimus, vt si qui ex his, aut Primi ordinis adepti fuerint Comitium, aut maioris gradum dignitatis ascenderint, secundum id quod eis dudum per sacras Constitutiones indultum est, a Glebali Conlatione specialiter (c) immunes sint: non præiudicante eis Nouella lege, (d) per quam iussimus, *exceptis quibusdam dignitatibus*, (quæ illic nominatæ sunt) Senatoria munera omnes agnoscere. Dat. III. Id. Iul. Const. Felice & Tauro Cōs. [428.]

NOTÆ.

(a) Abest hæc lex a Cod. Iust. GOTHOFRED.

(b) Proculus P. V. Constantinop. sub Theodosio Iun. v. *Prosepogr.* IDEM.

(c) Non tantum a Præturæ onere. ID.

(d) Intelligit legem ult. *supr. de Senator. & Gleb. collat.* ID.

COMMENTARIUS.

THEODOSII Iunioris postremæ hæc quatuor constitutiones sunt, de privilegiis Professorum & Archiatrorum: amoris eius & studii in eruditis & studia indices: cui rei fidem præterea faciunt lex vnic. *supr. de Comitib. & Archiatr. S. Palat. & l. vnic. supr. de Profess. qui in P. Const. Comitium meruerunt: l. 3. infr. de studiis liberalib. V. R. & Constantinop.* videatur etiam Sozomenus, qui sacram historiam suam ei inscripsit, *præfat. histor.* Vt omittam quæ de eius eruditione summa, fidem faciunt & testantur, de quibus peculiari capite Raderus *Aula Theodosiana cap. 6.* Sane, Ioannes Antiochenus in *Excerpt. Valesian. pag. 850.* quoque Theodosium hunc Iuniorem scribit, ludicris valere iussis, ad liberalium Artium studia animum traduxisse, Paulino & Placito συναναγινωσκόντων αὐτῷ, quibus & postea magnas dignitates contulit. Theodosius itaque Iunior iste Privilegia Professorum & Archiatrorum simul tribus prioribus constitutionibus, leg. inquam 16. 17. 18. sancitum it: Archiatrorum tantum, *L. vltim.* Professorum inquam seu Magistrorum & Artium liberalium Professorum, puta Grammaticorum, Oratorum, atque Philosophiæ præceptorum: Hæc tria videlicet ferme Professorum genera fuere, studiorumque, per quæ tria traducta iuuentus, traductus & ipse Theodosius Iun. (qui legis 16. & 17. tempore, seu Ann. 414. annum decimum quartum tantum ætatis agebat:) de quo videndus Sozomenus *initio historia sua Eccl.* Posterius enim cæteris Professoribus Constantinopolitanis a Theodosio Iun. additi videntur Iuris Professores: de quibus *l. vlt. infr. de studiis lib. Urbis Roma vel Constantinop. & l. vnic. supr. de Profess. qui in vrbe Constant. docentur*: quando & alias Theodosius Iun. Iuris ciuilibus curam enixe egit non vna ratione: tum

ne, quod etiam eius Nouella, de Theodosiani Codicis confirmatione, aliunde testatur.

Ergo (vt ad legis 16. & 17. Sententiam accedamus,) Theodosius Iunior, Professoribus & Medicis seu Archiatis sacri Palatii non tantum privilegia & beneficia his anteriorum Principum sanctionibus data, confirmatum it, verum etiam noua insuper his eorumque filii deferre se ait, *d. l. 16. & 17.* quæ eodem die datæ, inter se coniungendæ sunt: quarumque posterior ad priorem sese refert: denique vtraque eiusdem sententiæ, & pro more recepto, proque argumenti diuersitate ad diuersos Magistratus datæ, prior ad Præfectum urbis, vel Præfectum Prætorio, ad quem summa rerum pertinebat: posterior ad Magistrum officiorum, (pariter vt proxima lex 18.) nempe quia de immunitate a metatis *vtraque leg.* agitur: cuius sane metati mensurorumque cura sub dispositione Magistri officiorum erat, vt docet lex 2. 3. 4. 5. 8. 14. 15. 16. seu vlt. *supr. de Metatis: lex vnic. supr. de mensuris.* Quænam igitur noua illa privilegia? Sane non alia reperio, quam quæ & ipsa superioribus constitutionibus concessa fuerant, iam a Constantino M. l. 2. & 3. *supr.* Valentiniano Sen. l. 10. *supr.* Gratiano, l. 12. Theodosio M. l. 14. & 15. vbi & ipse Theodosius M. pariter nouitatis famam captat, cum tamen anteriores Principes in eo ipsum quoque præuertiissent. Per singulas decurramus: Quid? an non nominatim immunitas a Curialium Conlatione sancitur *d. l. 2.* Non immunitas a Senatoria vel Glebali descriptione *d. l. 2. & 12. & 15.* Non immunitas a metatis seu hospitum recipiendorum onere *l. 3. 10.* Non immunitas filiorum & coniugum *d. l. 2. 3. 10.* Non immunitas a militia *d. l. 10.* Non idem de indepta administratione & accepta Testimoniali *l. 15. supr.* dicitur? Et tamen id Nōi his duabus constitutionibus contineri videti possit, quod cum ea sint proprie de Archiatris

tris & Professoribus, Comitium vel maiorem gradum administrationem vel Testimoniale adeptis, quibus munera quædam citius, quam non adeptis iniungenda videbantur., propter dignitatis accessionem, hæcenus his non plena omnium munerum immunitas competierit; verum quorundam tantum puta Comitium adeptis, sordidi tantum muneris *d. l. 12.* administrationem vel eius titulum adeptis, omnium *l. 15.*

Quin & immunitas a metato, sic antea tributa Medicis & Magistris, vt non ab omni hospitalitate immunes essent, verum vt ne hospites *militares* reciperent, vt signate dicitur *d. l. 10. supr.* quo etiam sensu accipienda videatur *d. l. 3. supr.* At enim *hac leg.* & a milite & a Iudice suscipiendo immunes isti redduntur. Quid quod non omnes illæ immunitates quæ anterioribus *legibus* continentur, ad Orientem pertinent, quanquam eo pertinent *lex 15. supr.* quæ tamen non adeo plena est, vti *hæc lex.* Tandem cum attendo, nullam Arcadii constitutionem super hac immunitate extare, ita videri possit, imminutam eam, sic vt recentari eam tanquam nouam ferme oportuerit. Vt cumque hæc sint; error est Cuiacii ad *hanc leg. Cod. Iustin.* dum censet, *hac leg.* id Imp. (dicere debuit *Imperatorem*) introduxisse noue, vt quemadmodum Comitibus & Archiatris remissa fuerat Senatoria collatio, ita & liberalium literarum Professoribus eadem Comitium ornatis remitteretur: atque ea de causa Tribonianum in partes vocat, quod Senatoriæ & Glebalis collationis mentione detracta, falsum reddiderit, quod *initio* Imp. (imo Imp.) edicunt, noua quædam se hac constitutione deferre. Nouitatis enim laudem Theodosius *initio* circa Archiatros ipsos *hac leg.* apertissime captat: mox id ad Professores exten-

dit: *ibi, præter hæc, &c. frui hæc prerogatiua censemus, &c.* Imo maxime circa Archiatros, vt docet *lex proxime 17. huius leg.* sententiam demonstrans, *Artium liberalium*, inquit, *Professoribus, at PRÆCIPVE Medicis, &c. nec non etiam NO. VA ipsi, &c.*

Et hæc de *l. 16. & 17.* quæ datæ sunt Anno Domini 414. At enim Tredecim & Quatuordecim annis post, nempe Anno Domini 427. & 428. cum de duabus nominatim immunitatibus dubitari cœpisset, occasione aliarum generalium eiusdem Theodosii constitutionum, easdem eidem confirmare visum. Ac primo quidem *l. 18.* immunitatem datam Archiatris & Magistris literarum a Metatione. Nempe Theodosius Iun. ante bimestre, *l. 14. supr. de Metatis*: præsentem Comitatu suo Constantinopolit. vniuersos cuius libet Ordinis & Dignitatis, etiam illustres a metato immunes esse vetuerat, excepta vnica domo in qua ipsi habitarent. Quare cum de Archiatris Comitium adeptis & Magistris dubitari cœpisset, propter generalitatem *d. l. 14.* visum Theodosio Iun. eam immunitatem rursus *hac leg.* sancire.

Secundo, immunitatem datam a Glebali Conlatione Archiatris S. Palatii Comitium vel aliam maiorem dignitatem adeptis, confirmat. *l. ult.* occasione *l. ult. supr. de Senator. & Glebali collat.* Nam cum ea *l. vltim.* (quam *Nouellam* vocat, eo quod ante quinque vel sex ferme menses lata) non nisi eos qui ibi nominatim exciperentur, a sententia seu Glebali Conlatione immunes esse iussisset, Archiatrorum porro nullam ibi mentionem fecisset, deque iis mox dubitari cœpisset; hanc eorum immunitatem recentare visum.



F. 49.

DE EXCVSATIONIBVS ARTIFICVM. TITVLVS IV.

LIB. X. COD. IVST. TIT. LXIV.

*De l'Immunité des Excellens Ouvriers & Ouvrages, v. le plaidoyé
15. de M. le Brét. où il employe les Loix de ce Titre.*

PARATITLON.

ARTIFICES, *Rubr.* artium diuersarum, *l. 2. b. 1.* veluti Architecti, *l. 1. 2. 3. b. 1.* per Africani, *l. 1. b. 1.* quique id studium discunt *d. l. 1. b. 1.* Mechanici & Geometræ per Orientem, *l. 3. b. 1.* aquarum ductus & modos docentes ibidem, *d. l. 3.* picturæ Professores per Africani *l. 4. seu vltim.* alique quorum brevis subditus est *legi 2. hoc tit.* per singulas Ciuitates, *l. 2. b. 1.* quo & docendo discendoque studium maius impenderent, *l. 1. 2. 3. b. 1.* & quia artes eæ sine otio tractari non possent, *l. 2. b. 1.* Excusatione, *Rubr.* vacatione, immunitate vniuersorum munerum personalium fruebantur, *d. l. 1. 2. 3. b. 1.* imo & salario donabantur discentes (docentes) in specie *l. 1. hoc tit.* Picturæ Professoribus nominatim nouem immunitates tribuntur, *l. 4. seu vltim.*

De ARCHITECTONICÆ discipulorum, eorumque parentum immunitate, & docentium SALARIO.

I. (a) Imp. CONSTANTINVS A. ad Felicem..... (b)

ARCHITECTIS quamplurimis opus est: sed quia non sunt, Sublimitas Tua in Prouinciis Africanis ad hoc studium eos impellat, qui ad (c) annos ferme duodeviginti nati, liberales (d) litteras degustauerint: Quibus ut hoc gratum sit, tam ipsos, quam eorum parentes, ab his quæ personis iniungi solent, volumus esse immunes: ipsisque qui discent, (e) salarium competens statui. PP. VI. Kalend. Septemb. Karthag. Optato & Paulino Coss. [334.]

NOTÆ.

(a) Absent hæc lex a Cod. Iust. velut *κατὰ τὸν καὶ τὸν ἀντικατάστατον*. GOTHOF.

(b) Eidem Felici inscribitur lex 6. *infr. de Nauicular.* Proposita pariter Karthagine VII. Id. Sept. his ipsis Coss. Sic ut parum absit, quin eam huic coniungendam putem. Necessè est hic Felix fuerit PP. cum sublimitatis titulus ei tribuatur; & quidem Italix, sub qua erat Africa, ad cuius Dicecescos Prouincias hæc lex pertinet: quæque Karthagine proposita dicitur, pariter ut d. l. 6. *infr. de Nauicular.* de Africa pariter fidem facit lex 21. *supr. de Decurion.* quæ data Ann. 335. & lex 5. *infr. de Iudeis*, l. 1. *infr. ne Christian. mancip.* quæ data Ann. 336. ubi aperte Inscriptiones habent ad Felicem PP. ID.

(c) Abundare videatur hæc vox. ID.

(d) Mathematicas potissimum. ID.

(e) An potius docent? ID.

COMMENTARIVS.

DE ARCHITECTIS, & Architectonicæ studiosis, idque per Prouincias Africæ, est hæc Constantini M. constitutio: quæ non est de Architectorum ipsorum immunitate, quæ aliunde certa est (Architecti quippe inter Artifices, quibus immunitas tributa, nunc & deinceps habiti semper fuere l. 6. D. de iure immunit. l. 2. 3. *infr. hoc tit.*) verum est hæc lex de Discipulis Architectonicæ, & eorum immunitate, tum deinde de Architectorum salario.

De discipulis igitur Architectonicæ quatuor hac leg. a Constantino M. constituuntur. Primo iubet, ad hoc studium auctoritate Felicis (proculdubio PP. de quo in *Notis*) quamplurimos impelli. Quod quidem singulare fuerit, ut quis ad studium aliquod impellatur: si modo *impellendi* vox pro *cogendi* hic accipienda est, quod non puto: Nempe *impelli* est prouocari, & quidem, mox ut apparebit, & sermone & præmio, & privilegio aliquo proposito. Pariter ut in l. 3. *infr.* quæ huic similis est, in par studium docendi atque discendi nostro sermone perpellimus. (ut recte habet Cod. Iust.) Secundo impelli vult ad hoc studium Adolescentes annos ferme 18. natos, scilicet plena pubertate ad hoc studium accedi vult: ad quod vtique iudicio & ratiocinatione opus: de quo vide lib. 1. cap. 1. Vitruuii de architectura. Huc aptari potest Pauli Aeginetæ lib. 1. cap. 14. consilium *περὶ διαίτης νηπίων*: ubi præcipit, ut tam pueri quam puellæ a sexto vel septimo anno Grammatikis seu Litteratoribus tradantur. Pueri vero a duodecimo anno vsque ad decimumquartum Grammaticos & Geometras adeant, cui conuenit quod dicitur, l. 21. §. vii. D. de annis Legatis. A decimoquarto ad vicesimum primum annum Mathematicos & Philosophos. Cui conuenit quod dicitur l. 3. §. 5. D. ubi pupillis educari; (ut recte indicauit Merillius obseru. 17.) conuenit & quod statuitur l. 1. *infr. de studiis liberalib.* V. R. His qui sedulo operam professionibus nauant, vsque ad vicesimum ætatis suæ an-

num Romæ licere commorari; ad quam legem vide quæ de ætate discendum plura congero. Tertio ad hoc Architectonicæ studium accedere vult eos, qui liberales litteras degustauerint. Nempe ut ingeniosum esse oportet Architectum, ita & literatum: de quo prolixè d. cap. 1. Vitruuius, qui inquam liberales litteras degustauerit, quas recenset idem Vitruuius: degustauerit, inquam, proprie vereque: nam quod ibidem pluribus exequitur Vitruuius, non oportet in his Architectum excellere, sed in his non imperitum esse, satisque & abunde esse si ex doctrinis singulis partes & rationes earum mediocriter habeat notas, easque quæ necessariæ sint ad Architecturam, ut si quid de his Artibus, & rebus, iudicare & probare opus fuerit, ne destituitur aut deficiat, &c. suumque ad id exemplum Vitruuius passim proponit: Ergo liberales litteras degustasse Architectum satis est. Quarto loco Constantinus iam illicium proponit, quo plurimi adolescentes ad Architectonicæ studium accedant: nempe eos vna cum parentibus immunes esse a muneribus personalibus, & sic illicio immunitatis eos impelli iubet: tum Parentes, ut liberos suos huic studio applicent, tum ipsos Adolescentes, ut ipsi ad hoc studium accedant. Tandem iubet Constantinus M. ipsis qui discent, salarium competens statui: ubi mihi mens ea, legendum, ipsique qui DOCENT, non vna ratione; Primum ex fine huius constitutionis seu proposito Constantini M. nempe ut Architecti plures suppeterent, & Discipulos impelli oportuit, quo pertinent superiora, & Doctores quo magis docerent. Frustra Discipulorum copia quaeritur, & studium incenditur, ubi fides & industria docentium non pensatur. Secundo, ex voce salarium id colligo: Quis enim discendi seu aliquod adquirenti salarium constituit, ac non potius docenti operamque locanti? Salarium, ut puto, est non discipulatus, verum operæ laborisque suscepti compensatio, vicissitudo, remuneratio, adæquatio; denique ut Ambrosius epist. 1. ait, merces est virtutis stipendium, & laboris remunerationis

meratio. Immunitatibus equidem Discipuli prouocantur, & pramiolis, non salario. Et sane ita quoque non Constantinus ipse tantum, sed & Constantius, in l. y. quæ hinc similis est, Mechanicos, Geometras & Architectos in par studium docendi atque discendi suo ibi sermone perpellens, immunitatem tribuit, vt suscipiant docendos qui docere suscipiunt.

Historicam causam huius constitutionis in genere indicat Constantinus M. *Quod Architectis TVM quamplurimis opus esset, qui non reperirentur*; scilicet hoc tempus est, quo tum Constantinopolis assurgebat, tum variæ Basilicæ & Ecclesiæ a Constantino M. passim excitabantur; de quibus videndum est *itinerarium Hierosolymitanum pag. 594. seqq. Edit. Wesseling. Socrates lib. 1. c. 9. Theodoretus lib. 1. c. 18. 17. vide & Zosimum lib. 2. c. 30. seqq.* Et vero Theodoretus lib. 1. cap. 17. exerte scribit, Helenam iussu Constantini ad extruendas Basilicas Artifices cuiuscunque generis vndique coegisse, *παιδοὺς δὲ πρῶτο-*

δαρὺς ἄλλης τεχνίας ἀγέματα, τὰς μάλιστα ἐκείνους καὶ ἀπαρροτῆτας νεὺς ἐδομήσατο: artifices deinde cuiusque generis materia congregans, maxima illa & splendidissima templa exiruxit. Quo ita constituto ad temporum rationem hæc lex valde notanda erit. Cui addi velim *Itinerarium Burdigalense, sive Hierosolymitan.*

At cur nominatim in Prouinciis Africanis hi Architecti quarantur vel requirantur, mihi obscurum est. Alterutrum crediderim, vel in Africa multa opera tum excitata, vel Constantinum M. hoc præmiorum illicio ex Africa Architectos Constantinopolim pertrahere cogitasse, qui solertiore ad Architecturam ingenio fuisse videntur, vt cæteroquin Afri solertiores fuerunt, circa artificia, veluti picturam: de quo ad l. 3. *infr.* & aquarum inuentionem & librationem, de quo insignis est Calliodori locus III. *Var. ult.*

II. (a) Idem (b) A ad Maximum (c)

ARTIFICES artium, Breui (d) subdico comprehensarum, per singulas Ciuitates morantes, ab vniuersis muneribus, (e) vacare præcipimus: siquidem, *ediscendis (f) artibus vitium sit adcommoandum, quo magis cupiant & ipsi peritiores fieri, & suos filios erudire.* Dat. IV. Non. Aug. Feliciano & Titiano Coss. [337.]

(g) Architecti, Laquearii, Albarii, Tigharii, Medici, Lapidarii, Argentarii, Structores, Mulomedici, Quadrarii, Barbaricarii, Scafiores, Pictores, Sculptores, Diatritarii, Intestinarii, Statuarii, Musuarii, Aerarii, Ferrarii, Marmorarii, Deauratores, Fufiores, Blattarii, Tessellarii, Aurifices, Specularii, Carpentarii, Aquæ libratores, Vitriarii, Eburarii, Fullones, Figuli, Plumbarii, Pelliones.

NOTÆ.

(a) L. 1. Cod. Inst. tit. GOTHOF.

(b) Si dies legi subscriptus vitio caret, tum hæc lex Constantino M. non fuerit tribuenda: quandoquidem is iam obierat ante duos menses cum dimidio mense Maio, XI. Kal. Iun. Sed forte legendum in subscript. IV. Nou. Apr. ID.

(c) Maximus fuit sub Constantino M. Ann. D. 328. PP. l. 3. *supr. de Numerar. vt & Ann. D. 333.* & quidem Galliarum, vt colligo ex subscriptione l. 5. *supr. de Veteran. ID.*

(d) De hac Breuis appellatione, pro Notitia, seu Indice; vid. Gloss. Theodof. ID.

P. 51. (e) Personalibus que personis iniungi solent, l. 1. *supr. ID.*

(f) In discendis, ita Cod. Inst. Nostrum id præferendum. ID.

(g) Et notitia est ista: hoc add. Cod. Inst. vel: Et est notitia sic. ID.

INDICVLVS

Artificum XXXV. qui hac lege memorantur, ordine Alphabetico.

ÆRARI. Vetus Inscriptio apud Gruterum CCCCLXXVII. 1. DCCCXCVI. 9. MCXVII. 3. 4.

ALBARI. Inscript. DCXLII. II.

AQVÆ LIBRATORES, in Inscript. XCIV. 3. sunt Aquilegi.

ARCHITECTI. Inscript. XLI. 3. LVII. 7. XCIX. 9. CLXXXVI. 4. CCXXVII. 2. CCCLXXXII. 3. DCXXIII. 1. 2. 3. 4. 5.

ARGENTARI. Inscript. CCLXV. 2. DCXXXIX. 2. 3. 5. 6. MCXVII. 2.

AURIFICES. XXXI. II. CCLVIII. 7. DCXXXVIII. 8. 9. 10. MCXVIII. 1. Tom. V.

BARBARICARI.

BLATTIARI. In Inscript. MLXXIV. 12. occurrunt, Bractearii inauratores, qui cum his videntur.

CARPENTARI.

DEAVRATORES

DIATRITARI

EBVRARI. Inscript. DCXL. 8.

FERRARI. Inscript. XXXII. 7. XLV. 8. CCXXXV. 7. CCLXI. 4. DCXXX. 1. DCXL. 3.

FIGVLI.

FVLLONES. Inscript. CCCXXXIII. 3. DCBI. 5.

H

FVSORES.

FVSORES, in Inscript. CCCCLXVI. 7. & DCXXX.

9. occurrit Fulcor olearius.

INTESTINARIJ.

LAPIDARIJ. Inscript. DCXL. 5.

LAQVEARIJ.

MARMORARIJ. Inscript. CCCCLXXII. 8. DCXIII.

10. DCXXIV. 8. DCXL. 6. 7. MLXXXV. 7.

MEDICI multis locis occurrunt,

MVLOMEDICI.

MVSIVARIJ, in Inscript. DLXXXVI. 3. le-

gitur MVSEIAR.

PELLIONES. Inscript. DCXLVIII. 7.

PICTORES.

PLVMBARIJ.

QUADRATARIJ.

SCASORES.

SCVLPSTORES.

SPECVLARIJ.

STATVARIJ. Inscript. DCCCCLXXXVII. 4.

STRVCTORES. Inscript. CVI. 8. DCXLVI.

6. MIL. 1. MLXVII. 10.

TESSELLARIJ. in Inscript. DCXXIV. 8. occur-

runt Tesseratij.

TIGNARIJ. Inscript. XCIX. 9. CXII. 1. CLXIX.

6. CXCIV. 2. CCXXXV. 7. CGLII. 6. CCLXI. 4.

CCLXVIII. 1. CCCCXI. 2.

VITRIARIJ.

COMMENTARIJS.

DE ARTIFICVM, qui trigintaquinque numero hic designantur, immunitate ab omnibus muneribus, personalibus scilicet quæ personis iungi solent, (vt loquitur lex 1. supr. est hæc constitutio : & quidem Constantini M. si Inscriptioi stamus : nam mensis Augustus subscriptus id non patitur, quandoquidem Constantinus iam mense Maio huius Anni obierat. Et est quidem (quod secundo loco notandum) hæc lex in Codicem quoque Iustinianum relata ; verum pro Triboniani more interpolata, non tantum transpositis ibi passim Artificum nominibus, sed & plurium quæ hic occurrunt, omisiss ; puta Blotiarum, Intestinarij, Lapidarij, Mulomedici, Scafiores, Ferrarii, Tessellarij. Et vbi retro quinque memorantur qui hic non extant, puta Signarii, Braccarii, Sculptores ligni, Dealbatores, Cusiores. Tertio monendum, extare Tertiam his similem Artificum recensionem & immunitatem, ex Tarruntino Paterno in l. vltim. D. de iure immunit. Verum duplici ratione ab hac diuersa illa est : ibi enim agitur non tantum de Artificibus, sed de alijs quoque munijs, eorumque immunitate a grauioribus muneribus : & quidem militia, vt docet Inscriptio d. leg. vlt. præter ipsum quibus instituitur munium militarium recensum : vt proinde non temere ex ea leg. ad hanc, argumentum aliquod duci possit : vbi agitur de Artificibus tantum ; & quidem, quod expresse hic dicitur, per singulas ciuitates morantibus. His adde & Quartam Artificum Noticiam apud Lampridium in Alex. Severo cap. 24. Bracciariorum, inquit, linteum, Vitreariorum, Pellionum, Plastrariorum, Argentariorum, Aurificum, & ceterorum Artificum veltigal pulcherrimum instituit. Tandem adde frequentem plerorumque horum Artificum mentionem apud Firmicum, & in veterib. Inscript.

Nunc de ipsis Artificum nominibus, qui hæc leg. recensentur, circa quorum nomina, vt & in quibus singuli occupati fuerint, variae extant admodum sententiae. Ioculares omitto Accursianorum lectiones : interpretationibus feliciter in his versati Alciatus, Cuiacius, ad lib. 10. Codicis tit. 65. Pancirolius peculiari differt. post Noticiam pag. 197. nam Amaya eam intactam reliquit.

1. De Architectis hic non agam, de quibus affirmat ad leg. 1. supr. & l. 3. infr.

2. Laquearii sunt qui laqueatibus seu lacunaribus (nam utroque modo dicitur) ædium struendis, ornandis, artem adhibebant : de quibus laquearibus Virgil, quoque lib. 1. Æneid. v. 729.

Fir strepitus tellis, vocemque per ampla volatant

Atria : dependent hychni laquearibus aureis.

Incens, & noctem flammis funalia vincunt

vbi vid. Seruium : & VIII. Æneid. v. 25.

Erigitur, summiq. ferri laquearia telli.

Horat. 2. Carm. 18. init.

Non ebur neque aureum

Mea renidet in domo lacunar.

Vbi vides etiam luxum eboris & auri in laqueatibus seu lacunariis. Seneca quoque notat ep. 90. versatilia conatationum laquearia. Sed & laqueatum auro templum, apud Linium memoratur. Hinc igitur Architectis, Albarijs, Tignarijs hic iunguntur.

3. Albarij qui sint ? iam notum. Eorum mentio quoque apud Tertullianum de Idololatr. cap. 8. Sci Albarius rector & tellis sarcire. & rectoria inducere, & cisternam liare : vbi vides graphicam huius Artis descriptionem, & quidem circa domos etiam ; qua causa Laquearijs vicini hic ponuntur Albarij ; de Tectorum horum (quos Græci κοιτάς dicunt) circa cisternas & lacus, arte, est lex 27. §. vlt. D. ad leg. Aquil. ad quam Interpretes iam egerunt. In Cod. Iustin. Albarij, loco Albarij dicuntur, hoc addito, quos Græci κοιτάς appellant : in vniuersum de his Albarijs, & opere Albario, vide Indicem Virruianum.

4. De Tignarijs res nota est.

5. Sequuntur Medici, qui medio hic loco ponuntur inter Tignarios & Lapidarios. Sed quid hic faciunt Medici in hoc circa ædificia occupatorum Artificum recensu & situ ? Imo in totum quid inter Artifices Medici isti, qui non inter Artifices sed Professorum numero fuere ; de quibus ideo separatus est supra immediate præcedens titulus, de Medicis & Professorib. ab hoc, de excusationib. Artificum ? Et tamen ita quoque habet Codex Iustinianus, & Græci, qui ἰατροὶς interpretantur : sed & in recensu qui instituitur d. l. vltim. D. de iur. immunit. Medici quoque ibi apparent. Quo postremo tamen non mouemur : Nam vt iam dixi, lex illa est non tantum de Artificibus, sed & de alijs munijs in militia occupatis : At nos in solo Artificum recensu versamur. Quare putem ego Medicos hic reponendos, qui scilicet circa medicale versati. Medicale in re lignaria proprie loquentibus, est pars intima arboris, le cœur de l'Arbre, quæ Græcis μήτρα, καρδιά, & μυελός, τὸ μέσον τῆς ξύλης, τὸ μέλαν ὄργανον, & ἐγκάρδιον : quod ad intestina opera & minutiaria facienda sumebatur : de quo vid. Salmas. in Solin. pag. 166. 728. 732. Edit. Traicetlin. 1639. Et sic Medici Tignarijs & Intestinarijs, de quibus mox, proximi. Quare etiam Cuiacium non audio, qui Medicos tuetur hic, & Chirurgos interpretatur : neque enim hi inter Artifices recte locantur, quod Accursius quoque odoratus est, qui Mulomedicos hic legit. Verum huius potissimum Codicis respectu, male : posita enim in sequentibus hæc

hac leg. Mulomedici inter Artifices recensentur: & recte.

6. De *Lapidariis*, qui *λιθοῦροι, λιθουργοί, λατοῦοι, λιδοτομοί*, res nota: quorum etiam mentio fit, l. 5. §. 7. *D. Commodati*: quique pariter inter alia munia militaria memorantur, d. l. ult. *D. de iur. immunit.*

7. *Argentarii*, *ἀργυροκόποι*, etiam noti, qui memorantur quoque in *Notitia Artificum*, apud *Lampridium in Alexandr. Seuer. cap. 24.* & in l. 39. seu pen. in pr. *D. de Auro & arg. leg. ult. D. de oblig. & act.* Quorum ars non tantum in vasis argenteis fabricandis stetit, ut *Argentarii Vascularii*, verum in omnibus vbi argenti locus erat. De his vid. *Sauaro ad Sidon. lib. 4. epist. 8.*

8. Sequuntur *structores*, quos *Tribonianus* in lege sua hinc interpolata, *Edificatores*, interpretatur, qui scilicet structuras fundamentorum, parietum, murorum faciebant: id enim est *structura*, & *struere*: vnde & *Substructiones*. Ars *structoria* *οικοδομική, τεκτονική*, Cicero ad *Q. Fratrem lib. 2. epist. 6. Veni in arcem tuam, res agi aut multis structoribus.* Idem & in militia inter Artifices fuisse: vide *Vegetium lib. 2. cap. 11. Habet praeterea Legio Fabros, Tignarios, structores* (ita enim locum illum legendum iam constat) *Carpentarios, Ferrarios, Pictores, reliquosque Artifices ad hybernorum aedificia fabricanda, ad machinas, &c.*

9. *Mulomedici* quoque recte inter Artifices ponuntur, *ἰπποιατροί*, quos & *Græci* ad *hanc leg.* exprimunt, *Veterinarii*: nam etsi quod *Vegetius lib. de re Veterinaria, siue Mulomedicina* praefatur, *Mulomedicinae doctrina ab Arte Medicinae non adeo in multis discrepat, imo in multis plurimifque consentit, & Veterina post Medicinam secunda sit*: attamen quod idem agnoscit, minus dignitatis habere visa vulgo professio quæ pecudum promittit medelam, & persuasionem vulgi, & honestissimus quisque erubescendum ac vile credit iumentorum nosse Medicinam. Idemque tandem concedit, etsi *notitia curationis Honestissimis conuenit, attamen ipsam operam Mulomedicorum videri abiectiorem.* Ergo *Mulomedici* inter Artifices, *Medici* Professorum numero sunt.

10. *Quadratarii*, *Lapidicidae* scilicet, qui quadros, quadratos lapides, quadratum saxum & marmor adornabant, qui quadrabant marmora de quibus *Index Vitruvianus*. *Græci*, quos sequitur *Cuiacius*, horum artem in genere fuisse tradunt, lapides expolire, *οἱ τῶς διαφανέως λιθοῦς ἀκονεῖν*: sed nominis ratio ostendit speciatim circa quadros & quadrandos lapides occupatos fuisse. *Sidonius lib. 3. epist. 12. vbi vid. Sauaro. Cassiodorus quoque in Psalm. 125. De structoribus camentorum, aut saxorum Quadrataris.* Horum & Artis *Quadrataria* non vna mentio in *Vitis quatuor Coronatorum, Claudii, Castorii, Nicostrius, & Symphoriani*, quod *Accursius & Alciatus* iam notarunt: de quo plenius *Briffon. de K. S. Artis Quadrataria* mentio quoque inuenio *lapide Roma in ade S. Agnetis. Vide plura apud Sirmondum, & Sauaronem in Sidon. l. c.*

11. De *Barbaricariis*, suo *supr. titulo, de Fabricantibus*.

12. *Scafores*, qui sint? videndum: quorum mentio non fit in *Cod. Iust.* hic medio loco ponuntur inter *Barbaricarios & Rictores*. An legendum hic *Scafores*? *Gloss. Scafores, κατασρωτής.* An *Stratores*, qui pauimenta sternebant? An *Scafos*, qui circa gradus seu *Scalarias* occupatus erat, per quos scanditur & ascenditur?

13. De *Pictariis* qui & ipsi Artificum numero censeri, agitur l. 4. seu ult. *huius tit.*

Tom. V.

14. *Sculptores* erant Artifices, qui figuras sculpebant siue in auro, argento, ære, ferro, eductum ars, *Calatura*: sed & in ligno, ebone, marmore, vitro, gemmis. *Tribonianus* hic vocem *ἱγνῆτες* adiecit: vnde & *Græci* interpretantur *γλυπταὶ ἔξυλων.*

15. *Diatrectarii*, (sic enim legendum, non *Diatrectarii*) erant fabri Artifices, qui margaritas perforabant, *τετρῶντες τὰς μαργαρίτας*, *Græci* ad *hanc leg.* imo & calices, de quo vid. *Salmast. in Vopisc. p. 457. Edit. Parisin. 1620. inf.* Hinc & calix diatrectus faciendus fabro datus, *in l. 27. §. 29. D. ad leg. Aquil.*

16. *Intestinaris*, quorum mentio subducta in *Cod. Iust.* sunt Artifices, qui intestinum opus faciebant, *Intestinum opus*, cuius multa mentio apud *Vitruvium*, proprie dicebatur quod ex ligno fiebat, sed elegantiore fabrica, quam nunc *Minutiarum* appellamus, vt recte *Budæus in annotat. prior. ad Pan. dect. pag. 438. 591. Edit. Lugd. apud. Seb. Grypium.* & *Intestina* dicta, quod intra domum tantum locum habeant, & in interiori ædium parte sita sunt, ad differentiam *τῶν ὑποθῆκων*, vt recte *Salmast. in Solin. pag. 728. Ed. Traicellin.* Hinc & plutei intestino opere facti, *Vitruvius lib. 4. c. 4. Coronæ parietum, lib. 5. c. 2. vid. etiam plura in Indice Vitruvian.*

17. De *Statuariis*, statuarum Artificibus, nilmore ultra attinet.

18. Sequuntur *Musuarii*, qui in *Cod. Iustin. male Musarii*: eorum mentio apud *Firmicum lib. 4. cap. 2. vbi Inauratoribus iunguntur*, qui scilicet opus de musiuo, vt loquitur *Spartianus in Pescennio Nigro cap. 6. faciebant, nempe opus vermiculatum in varias figuras: Corona Civica picturata de musiuo.* *Trebellio Pollioni in Tetrico Iun. Camerae autem, trullum, apsis, musiuo huiusmodi picta: non vero pauimentum: vid. quæ Salmast. in histor. Aug. p. 149. 150. Edit. Parisin. Alii vero ab his Tessellariis, de quibus postea.*

19. 20. 21. *Ærarii, Ferrarii, Marmorarii*, qui æris, ferri, marmoris Artifices erant.

22. *Deauratores, Inauratores Firmico.*

23. *Fusores*: non *Ærarii Fusores*, vt quidam accipiunt *Cod. Iust.* qui ab *Ærariis hac leg.* separantur, tribus aliis interpositis: verum in genere *Fusores metallorum*, & quidem auri, argenti, æris: a quibus & *Plumbarii hac leg.* separantur; contra quam *Cuiacius* sentit cum *Græcis.*

24. *Blattarii* (pro quibus *Cod. Iustin.* habet *Bracharii*) erant qui sericum purpura tingebant: *Blatta* enim, id est, purpura tinctum: de quo ad l. 2. *infra. de habitu, &c.* Nisi hic malimus *Bractearii*, id est, *πεταλῆσποι*, quomodo habet *Cod. Iust.* & in *Notitia Artificum* apud *Lampridium in Alex. Seuer. c. 24.* Scaliger restituit, vbi alioquin legitur *Braccarii*. Eorum mentio apud *Firmicum, cap. 15. lib. 8. cap. 28. & 29. Bracteatores* eidem *lib. 8. c. 5. 6. & 9. sic & in Gloss. πεταλῆσπος Blattearius, pro Bractearius: vid. de his Sauaro in Sidon. lib. 8. epist. 8.*

25. *Tessellarii* Artifices, qui Tessellata pauimenta, de quibus *Sueton. in Iulio cap. 46. conficiebant.*

26. Quid *Aurifices* fuerint? ipso satis nomine patet, quorum frequens alibi mentio, etiam in *Notitia Artificum* apud *Lampridium in Alex. Seuer. cap. 24. & in veterib. Inscriptionib.* vbi Collegium Aurificum memoratur.

27. *Specularii* videntur, qui specula in ornamentum in pariete inserebant. Specula scilicet erant domorum, cubiculorum: speculaque & abaci iunctim positi parietibus decorandis: de quibus *Plinius*

nus lib. 35. cap. 1. & lib. 36. cap. 26. Vitruvius lib. 7. c. 3. Vlpianus in l. 3. §. 1. D. de tritico: & in l. 12. §. 16. & 25. D. de Instrueto: vid. Salmaf. in Vopisc. p. 442. 443. Edit. Paris.

28. Carpentarii Artifices scilicet Carpentorum, vehiculorum, in usum publicum conficiendorum. Hinc Artifex Carpentarius apud Lampridium in Alex. Severo cap. 52. ubi vid. Salmasium: & in recensu militarium Artificum Paterni, l. ult. D. de iur. imman. Plaustrarii, in Lampridii recensu in Alex. Severo. cap. 24.

29. Aquæ Libratores: de his l. 3. prox. infr. Aquilices, d. l. ultim. D. de iur. immunit.

30. Vitriarii, ὀαλουργοί, qui & ipsi in recensu apud Lampridium Alex. Severo c. 24. scilicet vitrorum Artifices, quorum usus vel ad prospiciendum, vel ad ornamenta parietum: de quibus postremis Plinius lib. 35. cap. 1. Vopiscus in Firmo cap. 3. & ibi Salmasius: vel in vitra & pocula, calicesque:

de quo vid. Salmaf. in bist. Aug. p. 456. 457. Edit. Paris.

31. Ebararii, qui ex ebore suppellectilem faciebant.

32. De Fallonibus res nota.

33. Et de Figulis.

34. Plumbarii: in Cod. Iust. Plumbarii: quod Cuiacius ibi accipit de Plumariis, qui vestimenta ex plumis avium conficiebant, vel qui acu pingentes exprimebant animalium vel hominum figuras: de his plene Salmaf. in bist. Aug. p. 310. 398. 507. 508. 509. 510. 511. 512. Edit. Paris. Firmicus, Varro, Vitruvius lib. 6. c. 7. Sed hic recte Plumbarii, nempe Figulis proximi, qui plumbeas fistulas, tubos, conficiebant.

35. De Pellionibus, qui & ipsi in recensu Artificum militarium, l. ult. D. de iur. immunit. & apud Lamprid. in Alex. Severo cap. 24. res nota.

III. (a) Impp. CONSTANTIVS, & Constantinus AA. ad Leontium (b) PF. P. (c)

MECHANICOS, & Geometras, & Architectos, qui divisiones partium omnium in cisionesque (d) feruant, mensurisque & institutis (e) operam fabricationi (f) stringunt: & eos, qui Aquarum inuentos (g) ductus & modos docili libratione ostendunt, in par studium docendi adque discendi nostro sermone (h) perpendimus: (i) Itaque immunitatibus (k) gaudeant, & (l) suscipiant docendos, qui docere sufficiunt. Dat. Prid. Non. Jul. Leontio & Sallustio Coss. [344.]

NOTÆ.

(a) L. 2. Cod. Iust. eod. tit. GOTHOFRED.

(b) Dometius Leontius integro nomine l. 7. supr. de accusat. ID.

(c) Orientis. Eidem inscripta lex 2. supr. de salgamo hosp. ubi Consules ex hac leg. supplendi videntur. Eidem & Anno superiore 343. lex 5. supr. de falsi. monet. quæ data Antiochiæ l. 35. de Deaurionib. quæ data Hierapoli, & Anno 342. dignitate omissa l. 6. supr. quor. appellat. quæ data Antiochiæ. ID.

(d) Κατατομὰς, ἐγκόμματα, ἐγκοπὰς, διακοπὰς. ID.

(e) Instituti vox hæc in re propria, vide & l. 7. infr. de pred. Nauical. ID.

(f) In Cod. Iust. mutatum in fabricationibus. ID.

(g) Πρωτότυπον in Cod. Iust. ductus & inuentos: forte inuentores. Sed nil muto. ID.

(h) Sermone, exhortatione, præmio proposito, edicto. ID.

(i) Perpellimus, Cod. Iust. Cuiac. Edit. non male. Sic & l. 1. supr. quæ huic similis est: ad hoc studium eos impellat. ID.

(k) A muneribus personalibus, vt l. 1. supr. ID.

(l) An vñ? ID.

COMMENTARIUS.

QUATVOR Artificum genera, qui circa opera & ARCHITECTVRAM ferme occupati sunt Constantius Imp. hac Constitutione data ad Leontium PP. Ann. D. 344. ad docendum discendumque studiose hortatur, id vero vt facere possint immunitatem personalium munerum his tribuit. Non alia scilicet opinor ratione, quam qua Pater ipsius Constantinus M. cum & ei quamplurimis artificibus opus esset, l. 1. supr. scilicet & Constantio his opus maxime fuit hoc tempore, tum propter sacras ædes, tum propter alia opera publica ab ipso plurima excitata: tum Constantinopoli: de quibus vide quæ Themistius Orat. 13. p. 303. 305. 306. 307. Edit. Petau. Flexie 1613. in 8. tum Antiochiæ, cuius gratia etiam Seleuciæ insignem por-

tum circa hæc tempora magna vi auri extruxit: de quo, vetus Orbis descriptor, cap. 17. de Syria. §. 6. Libanius in Antiochico, duob. locis p. 363. & 386. & Orat. 13. ad Theodosium, p. 410. &c. Edit. Morell. & epist. 301. ad Anatolium, in Codice Regio & ep. 314. Edit. Wolff. Hieronymus in Chronico, & Cedrenus p. 299. Edit. Reg.

Quatuor porro Artificum genera circa opera studium nauantium hæc sunt: Mechanici, Geometræ, Architecti, & Aquilices seu Aquæ libratores. De his postremis iam dictum ad leg. superiorem. De tribus primis quomodo inter se differant, videndum est: Sane clare mihi eos distinxisse videtur his verbis Constantius ipse: Qui, inquit, diuisiones partium omnium incisionesque feruant, mensurisque

visque & institutis operam fabricationi stringunt: scilicet Mechanici sunt, qui diuisiones partium omnium incisionesque seruant: Geometrae vero sunt, qui mensuris operam fabricationi stringunt: Architecti, qui institutis operam fabricationi stringunt, qui proportionibus & Symmetriis operis faciunt: vide Vitruuium lib. 6. c. 12. in fin. Hinc adeo Architectum numeris omnibus absolutum, Geometria quoque eruditum esse vult Vitruuius statim initio lib. 1. cap. 1. Geometria autem, inquit, plura praesidia praestat Architectura, & primum eutygrammi & circumtradit vsum, e quo maxime facilius aedificiorum in areis expediuntur descriptiones, normarumque & librationum & linearum directiones: mox, difficiles Symmetriarum quaestiones Geometricis rationibus & methodis inueniuntur. Ergo Mechanici sunt, qui diuisiones & incisiones operum seruant, id est, qui fabricationi modum dant, qui curam operis habent: vt docent quoque tres Symmachii epistole, lib. 5. epist. 76. lib. 10. epist. 38. 39. vbi duos huiusmodi Mechanicos nominat, quibus tum Basilicæ & pontis cura imposita, quos modo Mechanicos, modo Mechanica Professores vocat, & Comititia Senatoriaque dignitate decoratos fuisse ostendit: denique quos indicat & sumptus seu impensas operis tractasse, & aedificationis curam gessisse. Ergo Mechanici, potiores: hos sequuntur Geometrae: vltimi Architecti, fabrilis artis Magistri, vt eos quoque vocat Symmachus, d. epist. 38. Ex his iam apparet, errorem esse eorum non tolerandum, qui in hac leg. hactenus, Mechanicos interpretantur eos, quorum ingenio & institutione organa Mechanica fiebant, pneumatica, automotopoeitica: scilicet Machinarios cum Mechanicis confundunt. De quibus Mechanicis pariter hoc ipso sensu Spartianus in Caracalla cap. 9. Opera Romæ reliquit, Thermas nominis sui eximias: quarum cellam solearem Architecti negant posse vlla mutatione qua facta est, fieri: nam & ex are velcupro cancelli suppositi esse dicuntur, quibus cameratio tota concedita est: & tantum est spatium, vt id ipsum fieri negent potuisse docti Mechanici. Suetonius Vespas. cap. 18. Mechanico quoque grandes columnas exigua impensa perducturum in Capitolium pollicenti, premium pro commento non mediocriter obtulit: operam remisit, praefatus, sineret se plebeculam pascere. Interim quod huic leg. opponitur ex l. 22. D. de excusat. Geometras a tutelis non vacare, ita vulgo dissolunt: quod immunitas munerum personalium non ideo praestet tutelæ immunitatem, l. 15. §. 12. D. de excusat. quodque necesse sit hanc nominatim remitti: l. 17. §. 2. & §. seq. D. eod. tit. leg. 8. §. 1. & l. 12. D. de vacat. & excusat. muner. Ego potius putarim, Constantii mentem propius intuenti, etiam hanc a tutela immunitatem Geometris, qui mensuris operam impenderent, Constantium dare voluisse.

In hac interim leg. propria Architectonica verba notanda: 1. Diuisiones partium, 2. Incisiones, 3. Seruare diuisiones partium & incisiones: Mensuris & institutis operam stringere fabricationi. Diuisiones partium, sic diuisiones arearum intra murum, Vitruuius lib. 1. c. 6. Angiportuum, cap. 7.

diuisionis seu distributio, vide Vitr. lib. 1. cap. 2. & dispositio. Incisiones sunt synquarata. De incommma Salmas. ad R. A. p. 199. Edit. Paris. Seruare diuisiones partium & incisiones. Forte secare. Instituta, vide Vitruu. lib. 1. cap. 2. p. 18. Edit. Argentoratens. 1550. in 4. de sunt uessetis, planis. Aedificia proprie institui dicuntur Vitruu. lib. 1. cap. 1. p. 10. & lib. 6. cap. 11. lib. 10. in praefat. & quidem ab Architecto. Stringere: Strigæ quid? vide apud Festum, & Rigaltium in auctor. fin. reg. p. 64. & pag. 323. Ed. Goef. Indicem Vitruuianum. Stringere operam fabricationi, est ordinare operas fabricæ incumbentes, vel opæta. ye. opera stringere fabricationi, id est, opera casa, quomodo vocantur, apud Auctores limium, p. 279. Edit. Rigalt. & pag. 273. Edit. Goef. opus: ex opere falsæ millæ in alto, apud Auctor. limit. p. 313. & pag. 307. Edit. Goef. Opera pro aedificiis apud Vitruuium passim. Murum constringere ex calce & arena: vide Auctores limit. p. 313. Ed. Rigalt. & pag. 306. Ed. Goef.

Post Mechanicos, Geometras, & Architectos, ponuntur quarto loco ii, qui Aquarum inuentos (forte inuentores) ductus & modos docili libratione ostendunt, id est Aquæ libratores, qui & ipsi memorantur l. 2. supr. prox. seu Aquilices, vt vocantur l. ult. D. de iure immunit. De quibus est quoque Theodorici R. apud Cassiodorum epist. vltim. lib. 3. locus, vbi agit de Aquilege qui ad Vitem Romam venerat, de partibus Africanis: Vbi, inquit, ars ipsa pro locorum siccitate magno studio semper excolitur, qui aridis locis aquas possit dare vernatiles, vt beneficio suo habitari faciat loca nimia sterilitate siccata. Comitique Rerum Priuatarum mandatur, vt competentibus annonis de publico deputatis eum iuuet. Tandem Mechanicum ei iungi vult, Vt vndas, inquit, quas isle reperit, ille leuet, & arte subire facias, quod ascendere non praeuadet per naturam. Claudique epistolam his verbis; Habeatur ergo, inquit, & isle inter reliquarum ARTIVM Magistros. Ex quibus iam apparet hosce & Artificum numero fuisse, & Mechanicis, Geometris, Architectis vicinos; quod ex hoc titulo, & hac leg. conficitur. Quare & Vitruuius de Architectura, lib. 8. de Aquæ inuentione a cap. 1. dein & de productionibus & librationibus aquarum agit a c. 6. Tria interim propria huius artis vocabula obserua: Ductuum, Modorum, & Librationis.

Tandem hæc lex proculdubio a Constantio pari occasione qua lex 1. supr. a Constantino lata est: nempe quod Mechanicis, Geometris, Architectis, & Aquæ libratoribus multis nunc opus haberet, propter opera publica, quæ passim hoc tempore excitabat: ac nominatim forte ad Thermas Constantianas, quas Auctor Chronici Alex. Anno 345. proximo excitari coepisse ait 17. die Aprilis pag. 671. Ed. Raderi. vel ad portum Seleucenum quem hoc ipso quoque tempore excitare coepit, de quo dixi ad veterem Orbis descript. p. 16. 17. & vero effectus Anno 346. ingenti vi auri, & Magnis Reip. expensis, vt Libanius & Hieronymus scribunt; vel denique etiam ad opera Antiochena.

PICTORVM nouem Immunitates.

IV. (a) Imppp. VALENTINIANVS, Valens & Gratianus AAA. ad Chilonem (b) Vic. Africae.

PICTVRAE (*) I. Professores, (c) si modo ingenui sunt, placuit, neque sui capitis censione

sione, neque vxorum, aut etiam liberorum nomine, tributis esse munificos, 2. & ne seruos quidem Barbaros in censuali adscriptione profiteri: 3. Ad negotiatorum (d) quoque Collationem non deuocari, si modo ea in mercibus habeant quæ sunt propria artis ipsorum: 4. Pergulas & officinas in locis publicis sine pensione optineant, si tamen in huiusmodi propriæ artis exercent: 5. Neue quemquam hospitem inuiti recipiant, (e) Lege præscripsimus: 6. Neue pedaneorum Iudicum sint obnoxii potestati: 7. Arbitriumque habeant consistendi in Ciuitate, quam elegerint: 8. Neue ad prosecutiones equorum, vel ad præbendas operas, deuocentur: 9. Neue a Iudicibus ad efficiendos (f) sacros (g) vultus, aut publicorum operum expolitionem, (h) sine mercede cogantur. Quæ omnia sic concessimus, vt si quis circa eos statuta neglexerit, ea teneatur poena, qua sacrilegi coercentur. Dat. XII. Kalend. Iul. Triu. Gratiano A. III. & Equitio Coss. [374.]

NOTÆ.

- (a) Absent hæc Constitutio a *Cod. Iustin. GOTHOF.*
 (b) Eidem *Cibiloni* inscribitur Anno prox. 375. *lex 16. supr. de Susceptor. & lex 7. infr. de pred. Nauicular.* sic vt in illa officii nomen penitus absit: in hac vero dicatur *Proc. Afric.* cum hic dicatur *Vic.* (id est *Vicarius*) *Africæ.* Quod erroneum puto. Fuit equidem antea *Chilo Vicarius*, teste *Ammiano lib. 28. cap. 1.* Verum ex *Vicario* iam erat *Ann. D. 369. vel 370. sub Olybrio P. V.* vt apparet ex *Ammiano Marcellino d. loco.* Et certe, post hæc scripta, reperio *Doctiss. Valesium in Marcellinum* hic reponentem, *Procons.* *ID.*
 (*) Ex hac leg. in *leg. 8. Cod. Iust. de Metatis* id vnicum transfusum, *Pictura Professores, si modo ingenui sunt, hospitali molestia, quoad viuunt, liberari præcipimus.* *ID.*
 (c) Vt *Mechanicæ Professores* apud *symmachum lib. 10. epist. 38. Medicinæ Professores, lib. 3. epist. 37. & lib. 9. epist. 41. & lib. 10. epist. 40.* *ID.*
 (d) *Lustralem collationem*, de qua *tit. 1. supr. hoc lib.* *ID.*
 (e) Recipiant hac lege præscripsimus. *ID.*
 (f) Sollicitant hanc vocem *Mainardus in excerptis, & Fornerius 1. Quotid. 15. mutantque in efficiendos.* Ita *Ammianus lib. 26. cap. 7. dixit aureos nummos effigatos in vultum noui Principis. Minutius Octau. cap. 3. lapides effigatos & vinctos. Apuleius 1. Flor. init. truncum dolamine effigatum: & lib. eod. pag. 500. magna vis avis vario effigatu, & Apolog. pag. 253. Edit. Lugd. B. apud Ioan. Maire. 1623. statua & imagines variis artibus effigiate. Sidonius quoque lib. 6. epist. 12. dixit: formauit stutis, effigauit imaginibus.* Omitto alia. Neque ideo tamen quidquam hic muto. Ita *Quintilianus lib. 12. cap. 10. Phidias Diis quam hominibus efficiendis melior Artifex.* Imo ne quidem *insciendos* hic admittam, quod tamen magis blandiatur: *insciendos*, id est, proprio artis vocabulo, *pingendos, miniandos.* &c. *ID.*
 (g) *Sacri vultus*, sunt Principum effigies: vid. *supr. tit. ne quid publ. lætitie.* *ID.*
 (h) *Expolitio* operum publicorum propriæ, de decore; ornamento, ac nominatim de pictura. *ID.*

COMMENTARIUS.

PICTORIBVS per Africam nouem immunitates hac constitutione tribuit *Valentinianus Senior*, Anno D. 374. e quibus vnicam tantum (puta a metati onere immunitatem) in *Codicem suum* transfudit *Tribonianus*: puta *l. 8. Cod. Iust. de Metatis*: cæteris omiſſis. Sane iam antea quoque *Pictoribus* vniuersorum munerum vacatio data, *l. 2. supr.*

Vt omitam quæ de pictura summo in honore iam olim semper habita scribit *Plinius, lib. 35. cap. 10.* Nouem immunitates hac leg. *Pictoribus* tributa hæ sunt: Nempe 1. *Capitationis* tam pro suo, quam pro vxorum & liberorum capite: de quo onere, suo titulo, *infr. de censu.*

2. Immunitas profitendi in censum, seruos etiam Barbaros suos: scilicet regulariter quemlibet res suas, atque adeo seruos, in censum profiteri oportebat, de quo *dictum est.* At enim hac leg. huius censuali professionis immunitas datur *Pictoribus*: in tantum, vt non Romanos tantum seu *Provinciales*, verum etiam Barbaros seruos profiteri non cogantur (de quibus Barbaris seruis actum quoque *l. 2. supr. de*

adil. actionibus.) Quæ vero ratio dubitandi hac parte fuerit videndum est. Non tanto scilicet fauore digna videbatur Barbarorum seruorum ratio & possessio; vt eorum nomine a censu immunes essent domini. Et tamen eodem fauore, eadem immunitate eos prosequitur hac leg. *Valentinianus*: scilicet cum de priuilegiis dominis aliquibus seruorum nomine tribuendis vel tributis agitur, non tam seruorum, quam ipsorum dominorum habenda ratio est: quare ciuitates illi sunt, hac parte nil interesse debet.

3. A *lustrali collatione* immunitas *Pictoribus* tribuitur, de qua suo titulo; scilicet si ea in mercibus habeant, quæ ipsorum artis propria sunt, id est *picturas*, eius negotiationis nomine nil conferre tenentur: aliud enim fuerit, si in alia merce negotientur: huic quippe immunitati locum fecit sola *Pictoria artis & negotiationis ratio*: quare si aliam & alienam negotiationem exercent *Pictor*, negotiatio quoque auro subiacet.

4. *Pergularum & Officinarum* publicarum obtinendarum sine pensione ipsi *Pictoribus* tribuitur, sub

sub eadem rursus taxatione qua superior immunitas, scilicet mercibus suis exponendis, in locis publicis pergula & officinae quaedam & olim fuere, quod *Turnebus* recte obseruauit: pro quibus certa pensio publico dabatur, quod ex *hac leg.* discimus: Ut erratum sit Scaligeri, ad *Propertium lib. 4. eleg. 5. v. 68.* & *Auson. test. 2. cap. 12.* qui statuit, nullas unquam fuisse pergulas publicas. Eodem sane pertinet immunitas veteranis data a Constantino M. d. 2. *supr. de Veteranis*, ut in quibuscumque, inquit, mundinis interfuerint, nulla proponenda dare debeant. Sed & illud ex hoc loco clarum, Pictores suas in pergulis merces in publico spectandas, emendas proposuisse: quod etiam liquet ex l. 5. §. penult. D. de his qui effud. vel deiec. ubi Graeci vertunt ἐξ ὤψεως, & ex *Plinio, lib. 35. c. 10.* & notissimo *Lucillii* veru apud *Lactantium lib. 1. c. 22.*

Pergula Pictorum, verinibil, omnia scita.

Erant autem pergula istae nil aliud quam Officinae, cellae, & serae etiam editae. Quare & liberatium Artium Professoribus pergulae quoque huiusmodi fuere profitendae Arti: de Mathematicis, testis *Suetonius, Augusto, v. 94.* ubi de *Theogene*; de Grammaticis, idem *Suetonius de Illustrib. Gramm.* ubi de *Craffidio, c. 18.* Pergularum quoque Magistratuum mentio apud *Vopiscum in Saturnino cap. 10.* Illud sane de his verum, in huiusmodi pergulis docuisse proprium salario, quibus & quo tempore de publico stipendium non erat, etiam celeberrimos; cuiusmodi magistrationes & cellulae a *Theodosio Iun. sublatæ, l. 3. infr. de studiis lib. V. R. C. Constantinop.* ob scdam scilicet eorum colluuiem; & ut publice edocentium atque adeo Capitolini auditorii maior auctoritas esset. Ergo verum, fuisse quoque has pergulas celebrium Doctorum: viceuersa verum, docuisse tantum ibi qui de publico stipendium non acciperent: Qua tamen vtraque parte, peccatum contrariis erroribus, a *Viris doctis.*

Immunitas *hac leg.* Pictoribus tribuitur a *Metato* videlicet, id est, ut ne hospitem inuiti recipiant: quæ & ipsa immunitas aliis nonnullis data, & vero data Medicis & Magistris: de quo vid. *tit. supr. & tit. de Metatis.*

6. A *Pedaneorum Iudicum* potestate Pictores eximuntur. Quæ singularis admodum immunitas est: cuius aliud testimonium toto hoc Codice non reperio: Igitur maiorum tantum Magistratuum iurisdictioni obnoxii fuere: puta Rectorum Prouinciarum, Vicariorum: non vero Iudicum pedaneorum. Quinam vero hi Iudices pedanei? De his dixi ad l. 2. *supr. de off. Rector. Prou.* ubi eorum fit mentio, ut & l. 3. *supr. de repar. appell.*

7. In quacunque ciuitate consistendi, domicilium figendi arbitrium Pictoribus datum. Quod & ipsum singulare est: neque enim alias regulariter quisque proprio arbitrio sedem mutare poterat metecus.

8. A Profecutione equorum, & operarum praeiudice Pictores immunes praestantur: de quibus praestationibus, suis titulis, *supra.*

Postremo a Iudicibus cogi non possunt gratuitam

operam praestare ad efficiendos, id est, pingendos Imperatorum vultus, vel ad publica opera expolienda, pingenda. Vnde apparet, Iudices seu Rectores Prouinciarum ad id auctoritatis hac tempestate processisse, ut quemadmodum, ab aliis hominum generibus ad opera resque publicas, gratuitas operas, quo iure, qua iniuria, exigere, de quo *tit. de operibus publicis*, & *Libanii oratio περὶ ἀγγαρειῶν*, ita etiam gratuitas exigerent a Pictoribus in duos, qui maxime probabiles videbantur, vsus: ad pingenda videlicet opera publica, (ad quem operum ornatum referri quoque potest *lex 7. inf. de praediis Nauicul.* quæ eidem Chiloni inscribitur) & ad efficiendos, seu pingendos sacros vultus, id est, Imperatorum vultus: quos vel publice proponerent, vel subiantibus populis inferrent: de quibus vid. l. 4. *supr. ne quid publica latitia*: & dixi quoque ad l. vnica. *supr. de his qui ad statuas confug.* & ad l. vnica. *infr. de Imaginib. Imperialib.* Sane Pictorum qui Principum vultus pingerent meminit quoque *Synesius de regno, p. 13. Edit. Pezom.* quo loco Principem hortatur, ut cum militibus agat, τὸ δὲ αὐτῶν ἀρχὸν γένοιτο βασιλέως, ἐν δὲ τῶν ζωγραφῶν ἐπιγνώσκουσιν οἱ προπολεμῶντες; Quid vero indignius eo imperatore, quem propter solos pictores cognitum habent imperii propugnatores? Quod quidem pertinet ad Imagines Imp. in signis militaribus. Et tamen & in hos vsus quamlibet probabiles maxime, gratuita operas exigi a Pictoribus vetat *hac leg.* *Valentinianus Sen.*

Notanda adhuc quinque ad hanc leg. Primo, hanc leg. esse nominatim de Pictoribus Africa, ubi proculdubio insignes Pictores fuere, ut ceteroquin Afri ingeniosissimi fuerunt, etiam circa Architecturam: de quo ad l. 2. *supr.* Secundo Taxatio huius leg. notetur: nempe Pictoribus ista omnia tribui vult *Valentinianus*, si modo ingenui sint; quod & ipsum *Tribonianus* hinc transfundit in *legem 8. Cod. Inst. de Metatis*: scilicet olim quidem Picturae semper honos hic fuit, teste *Plinio lib. 25. cap. 10.* ut ingenui eam exercerent, mox ut honesti, perpetuo interdicto ne seruitia docerentur. Sed illa quoque demum seruilis facta: quod etiam docet *lex 28. D. de rei vindicat.* Et tamen pristinae dignitati tuenda *Valentinianus hac leg.* solis Ingenuis, tot illas immunitates praestitas vult. Tercio, notanda huius leg. sanctio: scilicet poenam sacrilegii imponit, has immunitates Pictorum violanti: id est eam quæ legum violatores manet: id enim sacrilegi appellatio- ne intelligendum. De quo vid. *Gloss. Theod.* Quarto ex tot priuilegiis Pictoribus a *Valentiniano* imp. tributis tamque saua sanctione, obseruo, quia & ipse, (teste *Ammiano Marcellino lib. 30. cap. 9.*) non tantum scripsit decore, sed etiam venuste pinxit, & finxit: finxit vero terra scilicet seu luto simulacra, ut ait alter *Victor in eius vita. c. 45.* Ut mirum non sit, tot priuilegiis tam serio euectos picturae Professores ab Imp. picturae artem & ipso professo. Iandem ex hac leg. & l. 2. apparet, Pictores Artificum numero fuisse.

DE NAVICVLARIIS.

TITVLVS V.

LIB. XI. COD. IVST. TIT. I.

De Nauiculariis seu Naucleris publicas species transportantibus. Ita recte hunc titulum explicat Tribon. vide & Nouellam Valentin. inter Theodos. 36. de Nauiculariis annicis (annonicis) vel vrbicis.

PARATITLON.

NAVICVLARIORVM, Rubr. & omnibus huius tituli constitutionibus (excepta tantum l. 18. 28. 33. 35. b. t. & infr. tit. de prædiis Nauicular. & tit. de naufrag. & l. vnic. supr. de his qui veniam ætatis : l. 134. 149. supr. de Decurionibus (qui & Nauarchi dicuntur, l. 32. b. t. vnde & Nauarchia, l. 20. b. t.) Naucleri, d. l. 32. b. t. & l. 1. infr. de frument. Alex. l. vlt. supr. de lit. & itin. cust. Nautici, l. 2. infr. de canone frum. V. R. Profectores, l. 4. infr. de Naufrag. certum Corpus fuit, l. 9. 14. 16. 20. hoc tit. l. 2. 4. infr. de præd. Nauicul. Symmachus lib. 10. epist. 58. Coetus d. l. 32. b. t. Consortium, l. 11. 14. b. t. Concilium, d. l. 32. b. t. Classis, l. 27. 32. b. t. Ordo, d. l. 149. supr. de Decurionib. Stulus, l. 7. b. t. Hæresis, l. 6. & vlt. infr. de præd. Nauicular. certo numero, l. 14. b. t. Variis in locis, per orbem Romanum. In Occidente, intra Africam siue Dioccesin siue Prouinciam, quo pertinent, lex 6. 10. 12. 14. 21. 24. 25. 30. 36. 37. 38. hoc tit. l. 11. de Curiosis, l. 3. 4. 6. 7. vlt. infr. de prædiis Nauicul. l. 2. 3. & vlt. infr. de naufragiis : l. 8. supr. de indulg. debet. ac nominatim quoque per Numidiam, l. 15. hoc tit. si Constantina in subscript. Numidiæ est: qui quidem fuere sub dispositione Vicarii Africæ l. 36. hoc tit. l. 3. 4. infr. de prædiis Nauicul. Proconsulis Africæ l. 10. 25. 30. 36. hoc tit. l. 7. infr. de prædiis Nauicul. Præfecti annonæ vrbis & Præfecti annonæ Africæ, l. 2. 3. 12. 36. 38. hoc tit. l. 1. 5. de prædiis Nauicul. l. 2. infr. de naufragiis : l. vnic. de his qui veniam ætat. Item per Hispanias, l. 4. & 8. hoc tit. In Orientali Imperio : per, seu intra Orientem, circiter Prouincias Orientis, proinde Orientales Nauarchi, l. 7. 14. 32. hoc tit. Item intra Ægyptum seu Ægyptiacas partes, l. 14. b. t. quo etiam pertinet lex 7. 18. 20. b. t. Vnde Alexandrinus stulus d. l. 7. b. t. seu Alexandrina classis, d. l. 32. b. t. quæ scilicet ex Alexandrinæ ciuitatis conditis frumentum transferebat, d. l. 32. b. t. qui quidem agebant sub dispositione Præfecti Augustalis, l. 18. 20. b. t. & Præfecti Annonæ Alexandriæ, l. 3. supr. de Suscept. Item Carpathia classis d. l. 32. b. t. Vrbis Constantinopolitanæ classes, l. 21. supr. de diu. off. Munus, l. 19. 27. b. t. (vnde & munus Nauicularium, l. 3. & 5. b. t. & l. 4. inf. de infirm. his quæ sub Tyrann.) onus Nauiculariorum, l. 149. supr. de Decur. (vnde onera Nauicularia, l. 2. b. t. Oneris Nauicularii munus, l. 12. b. t. Conditio, (vnde Nauicularii conditio, l. 35. functio, l. 3. 14. 36. b. t.) vnde Nauicularia functio, l. 18. 28. 35. b. t. & l. 3. 4. infr. de prædiis Nauic. l. 11. supr. de Cohortal. l. 134. de Decurionib. Nauarchiæ functio, l. 20. b. t. Naualis functio, l. 13. supr. de Senatorib. Hæresis, (vnde hæresis Naualis, l. pen. & vltim. infr. de prædiis Nauicular.) Munia, l. 11. b. t. Obsequium, l. 1. infr. de prædiis Nauicular. Necessitas, l. 16. 22. b. t. Inquietudo (vnde Nauicularia inquietudo, l. 20. b. t.) hæc eorum erant, vt maritimos commeatus frequentarent, l. 7. b. t. vt commeandi officium agnoscerent, l. 27. b. t. id est, vt species, l. 8. 26. b. t. species fiscales, l. 33. b. t. species annonarias, l. 9. b. t. subsidia, l. 6. b. t. onus fiscale, l. 4. b. t. onus frumentarii commeatus, l. 32. b. t. Item vt lingua ad lauacrorum necessitatem, l. 10. & 13. hoc tit. suscepta, transferrent l. 9. 12. b. t. unde nauiculariæ translationis munus l. 18. b. t. subueherent, l. 4. b. t. (vnde & subuectionem celebrare, l. 2. infr. de nauib. non excusand.) deferrent, l. 6. b. t. luerent (vnde luitio hoc sensu, l. 14. b. t.) transueherent (vnde transuectio,

etio, *l. 32. h. t.*) Partim ad urbem ROMAM quo pertinet *lex i. 2. 3. 4. 9. 10. 11. 12. 13. 15. 17. 21. 24. 25. 26. 27. 28. 29. 30. 31. 34. 35. 36. 37. 38. h. t.* unde urbanus canon, *d. l. 27. h. t.* cānon sacratissimæ urbis, *d. l. 35. h. t.* Nauicularii videlicet ex Hispania & Africa, de quo *supr.* ad Portum urbis Romæ, *l. 4. 10. 38. h. t.* (de quo *suis titulis, lib. 14.*) atque inde mox alii a portu ad urbem, *d. l. 38. h. t.* cura Præfecti urbi, *l. 1. 2. 9. 11. 13. 29. 31. 38. h. t.* & Præfecti annonæ, *l. 2. 3. 38. hoc tit. l. 1. 5. infr. de prædiis Nauicular.* sub cuius dispositione Nauicularii erant, *l. unic. supr. de his qui veniam ætatis; vid. supra.* Partim ad urbem CONSTANTINOPOLITANAM, *l. 7. 14. 18. 19. 20. 22. 23. 32. 33. hoc tit.* (ex Orientalibus videlicet Prouinciis, Ægypto, Alexandria, de quo *supr.*) extra ordinem quandoque ex Africa, *l. 2. infr. de naufrag.* Partim ad Expeditionalium portuum necessitatem, *l. 35. h. t. & l. 2. infr. de naufragiis.* Idque suis sumptibus & propriis facultatibus, *l. 7. inf. & l. 14. hoc tit.* per vicissitudines, & per succedaneas vices, *l. 6. & 14. h. t.*

Ad hanc conditionem tenebantur, qui ex genere Nauiculariorum erant, *l. 20. h. t.* originis iure, *l. 22. h. t.* filii, *l. 1. h. t. & l. 19. h. t.* hæredes, *l. 35. h. t.* Quandoque si Corpus Nauiculariorum imminutum esset, complebatur, restituebatur a Præfecto Prætorio, *l. 14. & 27. h. t.* vel ab Honoratis, *l. 22. h. t.* aliunde: a quo ne quidem Iudæi & Samaritani facultatibus idonei excusabantur, *l. 18. h. t.* (excusabantur tantum Agentes in rebus *l. 20. h. t.* & cohortales Syriæ, *l. 11. supr. de cohort.*) Plerumque & ordinarie ex Curialibus nauicularii assimebantur *l. 5. & 16. h. t.* Itemque qui ex Curialibus ad hanc foundationem sese contulerant ad Curiam non reuocabantur, *l. 5. 14. 17. 19. 25. hoc titulo: l. 134. supr. de Decurionib.* Senatores non item, *l. 4. infr. de infirm. his quæ sub. Tyran.* Sed & qui eorum bona, prædia, quocunque iure possidebant, pro rata bonorum ad eandem functionem tenebantur, *l. 3. 19. 20. 27. 35. hoc tit. & l. 149. supr. de Decurion. l. 13. de Senatorib.* de quo suo peculiari titulo mox, *de prædiis Nauic.* Imo & extra ordinem quoque vacui publico officio in complexum Ordinis Nauicularii applicabantur, *l. 3. inf. infr. de naufragiis.* Erantque Nauicularii huic conditioni adeo & perpetuo obnoxii *l. 14. 19. hoc tit.* ut eam quocunque honore vel dignitate impetrata, *d. l. 3.* (imo ut excusati reuocarentur, *l. 12. h. t.*) nulla præscriptione, ut docet *lex ultim. infr. de prædiis Nauic.* quo tamen quinquagenaria præscriptio inducitur, Naues, item, seu nauigia, *l. 4. 14. 28. h. t.* exædificare ipsi cogebantur certæ capacitatis, *l. 28. h. t.* sic tamen ut aliquando his ad conficienda ea a Prouincialibus materiæ conferrentur, reparatione his necessario imminente, *l. 14. h. t.* Cæterum Nauicularii hi varii loci & dignitatis erant, *l. 5. 17. h. t.* alii quippe tenuiores erant: *l. 6. h. t.* seu Plebei, *l. 5. h. t.* alii Decuriones, *d. l. 5. h. t.* alii potiores dignitate, *dist. l. 5. h. t.*

Priuilegia his vicissim varia tributa, a Constantino Magno *l. 4. 5. 7. 8. 16. hoc tit. a* Constantio *l. 9. h. t.* a Iuliano, *l. 16. h. t.* a Valentiniano Sen. *l. 10. h. t.* a Valente, *l. 14. h. t.* a Gratiano, *l. 16. h. t.* a Valentiniano Iun. *l. 17. h. t.* a Theodosio M. *l. 23. h. t.* ab Honorio, *l. 30. 31. 36. h. t.* (sic ut in vniuersum *hoc titulo* sint tredecim *leges* de priuilegiis Nauiculariorum.) Et quidem vel omnibus, *d. l. 5. h. t.* vel nominatim Africanis, *l. 14. 16. 24. 30. 36. h. t.* Alexandrinis, *l. 7. h. t.* Hispanis, *l. 4. & 8. h. t.* Orientis, *l. 7. & 14. h. t.* Primum, Immunitas his tributa ab omnibus oneribus, muneribus, *l. 5. in pr. 7. 17. h. t.* a Curia, *d. l. 16. h. t.* a collationibus, oblationibus, *d. l. 5. 17. h. t.* ab honoribus ciuicis damnosis, *l. 7. h. t.* a tutelæ administratione, *l. 7. h. t.* item tributa vacatio legis Iuliæ & Papiæ, *l. 7. h. t.* a vectigali pro subuectione mercium si sibi rem gerant, *l. 16. 23. 24. h. t.* Secundo a corporali iniuria immunes erant, *l. 16. h. t.* Tertio alibi quinquaginta iuga ab annonarum præstatione immunia habebant pro denum millium modiorum lutione, *l. 14. h. t.* alibi solidos singulos per singula millia consequebantur, *l. 7. h. t.* Quarto Equestris dignitas his collata, *l. 16. h. t.* Quinto naues eorum ad aliud munus seu extraordinarium onus & officium teneri non poterant, *l. 4. 5. 8. h. t.* Item diametris frumenti, *l. 38. h. t.* centesimas consequebantur *lege 7. in fine, & lege 36. & 38. h. t.* Postremo securitate eorum variis constitutionibus quoque cautum; scilicet mora, interpellatio, vis, illis species transferentibus fieri vetita: *l. 4. 8. 9. h. t.* concussio, aliudque genus incommodi, *l. 9. h. t.* prædæ, *l. 29. h. t.* his intentari, ut & sportulæ ab his exigi vetitæ, *l. 36. 37. h. t.* Nominatim

natim ab Apparitorum deprædationibus vindicati, *l. 11, supr. de Curiosis*: Breuiter, venientes ac remeantes omni securitate potiri iussi: *l. 9. b. t.*

Viceuerſa, variis conſtitutionibus eorum fraudibus occurſum, quo videlicet & ſtato tempore ſpecies ſubueherent, neque de his quid auerterent. Itaque prohibiti, recta nauigatione contempta, littora deuia ſectari; *l. 33. b. t.* ſub hyemis prætextu in portubus, proſperiore ſtatu inuitante immorari: *l. 34. b. t.* contra iuſſi inferre, transſmittere, tradere ſpecies ſuſceptas, intra biennium; *l. 21. b. t.* annum, *l. 26. b. t.* ſecuritatibus in id eiufdem anni acceptis ab his, quibus cura ſuſcipiendarum ab his ſpecierum, *d. l. 26. b. t.* intra decem dies, *l. 8. b. t.* quæ ſecuritates *relatorie* dicuntur, *d. l. 8. b. t.* ſecuritates ſane ipſas intra biennium a ſuſceptione ſpecierum reportare tenebantur, *l. 21. 26. b. t.* Alioquin periculum ſpecierum nauiculariis imminabat, *l. 21. 26. b. t.* ſicut & in ſpecie *l. 32. b. t.* Nihilominus quandoque debitorum indulgentia his data, veluti ab Honorio, *l. 8. supr. de indulg. deb.*

I. (a) Imp. Conſtantiuſ (b) A ad Voluſianum..... (c)

SI nauicularius, originalis leuamentarius fuerit, nihilominus (d) apud eoſdem, (e) apud quos & parentes eius fuiſſe videntur, (f) firmiter permanebit. Dat. XIV. Kalend. April. Voluſiano & Anniano Coſſ. [314.]

NOTÆ.

(a) Abſeſta *Cod. Inſt.* hæc lex. GOTHOF.

(b) 79. Ita omnes editiones, peſſime. 79. Conſtantiuſ. ID.

(c) PV. Auctor Notiſſæ Præſectorum Urbis, Voluſiano & Anniano. Rufus Voluſianus Præfeſtus Urbis. Eidem his ipſis coſſ. inferibitur menſe proximo dignitate pariter omiſſa, lex unic. de Ingeniis qui temp. Tyr. & anno proximo 315. dignitate expreſſa lex 2. ſup. quorum appellat. ID.

(d) Diuiſim ita ſcribendum *nihilominus*, id eſt pariter, ſimiliter ac parentes eius. ID.

(e) Nauicularios ſcilicet. ID.

(f) Id eſt fuerunt: vid. *Gloſſ. Theod.* ID.

COMMENTARIUS.

CONSTANTINI M. octo Conſtitutiones ordine ſequuntur de Nauiculariis, quæ omnes abſunt a *Cod. Inſt.* Quibus addenda & nona, puta *lex 1. infr. de præd. Nauicul.* Præter quas & aliæ paſſim Conſtantiini de Nauiculariis conſtitutiones laudantur & firmantur a Valentiniano Sen. *l. 13. infr. a Gratiano l. 16. infr. & l. 3. infr. de naufrag.* ab Honorio, *l. 26. infr.* imo cuius conſtitutionem 5. in ſuum nomen Valentinianus Iun. deriuauit, *l. 17. infr. hoc tit.* Vnde apparet, quam enixò ſtudio hanc in partem conſultum iuerit Conſtantiuſ M. quamque probabiles eius ſuper hac re viſæ fuerint conſtitutiones. Hac prima conſtitutione LEVAMENTARIUM originalem, qui ſcilicet parentes habuit leuamentarios, ſeu cui origo a leuamentariis parentibus, patris conditionem ſequi iubet Conſtantiuſ M. ſic ut pariter apud eoſdem firmiter permanere velir, apud quos & parentes eius fuerunt. Quod commune & tralatitium ius eſt in omnibus *originalibus*, id eſt, qui origine alicui conditioni tenentur, puta ut patris conditionem & nexum ſequantur, neque ab hoc ad illuſ ſerantur. *Leuamentarii* nulla alibi mentio mihi occurrit. Neque leuamenta alternantis auxilii quæ dicuntur *l. 6. infr.* huc quicquam faciunt. Illud hæcenus ex *hac leg.* liquet, eum inter Nauicularios fuiſſe, ſeu Nauicularium. Item origine Nauiculariæ functioni adſtrictum fuiſſe; vnde Originalis *Leuamentarius* dicitur. Tertio, eum *apud quosdam fuiſſe*, id eſt, ab aliis dependiſſe his adnexos. Igitur Leuamentarium ac-

cipio eum, qui in lintre ſeu ſcapa naui oneratiæ maiori adiuncta inferuebat, ut ſcapæ maioribus nauibus adiungebantur, ἐφόλκτα παράβια, ſeu παράβοι, harum leuandarum gratia. I. C. in *l. 4. D. de leg. Rhodia. Navis onuſta*. LEVANDÆ cauſa, ſiquædam merces in ſcapam traiecta ſunt: vid. & Paulum 2. ſent. 7. §. ultim. l. ultim. D. de inſtructio: *l. 44. D. de Erectionibus*. Ideo nos huiuſmodi ſcapas a leuando, ſeu leuamento, *Alleges* vocamus; quæ opponuntur *aux Baſteaux mairies*, v. le Bret, *orat. 34. p. 190*. Item mercium, perſonarum ad littus efferendarum cauſa: quæ ſi ſolæ ſint, *Barcæ* vocantur, *P. 591. tur, & Cardella*, a Græco: vel liſidoro teſte *lib. 19. Orig. cap. 1*. Quare Leuamentarius Nauicularius fuerit, qui in ſcapa nauis leuandæ gratia ſeruiebat; a leuamento, *Leuamentarius*, & Auxiliarius: quomodo & in veteri Inſcriptione Romæ, *apud Gruterum CCCXCVIII. 7. CORPVS LENVNCVLARIORVM AVXILIARIORVM OSTIENSIVM* memoratur. His non omnino ſimiles ſunt, qui *Lamaneury* vocantur, nempe qui naues in portum deducunt, (qui & *Palangarii*, eo quod palangibus ſeu phalangibus, veſtibus, fuſtibus teretibus, naues ad littus ſubducerent: quæ palanges vocantur *Leuiers* a leuando pariter: *μολός* Græcis, cuiuſmodi etiam *Leuiers* habentur in nauibus marinis, leuando alicui oneri: qui & *Pied de Chevre* dicitur: Hæc veſti quod ſubiiciebatur, ſeu cui veſtis innitebatur, dicitur *ὑπομόχλιον*. Vide *Nomium*

cap. 2. verb. *Palanga* num. 725. & *Pollucem* lib. 7. *Onomast.* cap. 33. *sect. 190. pag. 329. Edit. Henslerbuis.* vt & *Salmasium in Exercitat. Plinian.* pag. 726. *Edit. Traicellin.* & e portu educunt: de quibus vid. *Constit. Henrici III lib. 20. Cod. Henric. t. n.* Item, quos *Tanqueurs* vocant, qui e naui merces & personas ad litus efferunt. Igitur *Leuamentarios* huiusmodi originales, apud eosdem *Naucularios*,

easdem maiores naues permanere oportuit, quibus originis nexu tenebantur: non vero aut eam conditionem euitare, aut ad alias naues & nauicularios traduci. Sui denique cuique naui *Leuamentarii* seruandi sunt. Quomodo & communes affectus suis fundis, l. 2. *supr. communi diuid.* coloni suis fundis.

II. (a) Idem A. Amabiliano PF. Annonæ. (b)

NAUICULARIOS ad consortium Pistorum Urbicorum nominatos, (c) neque vlla hæreditatis successione pistoribus obnoxios, absolui ab hoc munere oportebit. Quod si hæreditario iure forsitan pistoribus teneantur, facultatem habeant, si forte maluerint, ob vindicias (d) pistorum, hæreditates eidem corpori reddere, aut quibuscumque proximis defuncti cedere, vt ipsi a pistorum consortio liberentur. Quod si hæreditatem amplectantur, necesse est successionis ratione pistorii muneris societatem eos suscipere, & ex propriis facultatibus onera nauicularia sustinere: V. C. PF. Vrbi super hac re videlicet disceptante. Dat. Kalend. Jun. (e) Triu. Constantino A. IV. & Licinio IV. Coss. [35.]

NOTÆ.

- (a) Absit hac lex a *Cod. Iustin.* Non minus recte in *titulum de Pistorib.* collata fuisset: imo melius, ob præcipuum eius finem. *GOTHOF.*
 (b) *Africa:* quod additum l. 4. *supr. de appellat.* quæ eidem hoc ipso Anno inscribitur, vna cum l. 3. *præm. IDEM.*
 (c) A te Præfecto annonæ, vt puto. *ID.*
 (d) De hoc loco mox. *ID.*
 (e) Vide, quæ de hac subscriptione dicta sunt in *Chronolog.* *ID.*

COMMENTARIUS.

AD PISTORVM Urbis Romæ Corpus, nauicularios deuocari verat hac constitutione Constantinus M. & quia deuocati fuerant, absolui eos iubet: listantum exceptis, qui hæreditatem pistoriam nacti fuerant, nisi ea hæreditate vel Corpori Pistorum, vel proximis defuncti mallent cedere: Idque omne, disceptante Præfecto Urbis Romæ.

Hæc huiusce legis sententia est: Ex qua colligere mihi videor. Primum, reuocari quadamtenus hac leg. indiscretam Nauiculariorum ad consortium Pistorum nominationem factam a Præfecto annonæ, Præfectique vrbs disceptationi subiici: vt cæterisquin Præfecti annonæ sub dispositione Præfecti vrbs fuere, atque ab iis acta ad Præfecti vrbs disquisitionem sæpe reuocabantur; non sine amulatione tamen & liuore; quod docent *duæ* insuper aliz eiusdem Constantini M. Constitutiones, puta lex 2. *supr. de relationibus:* & lex 4. *supr. de appellationib.* quæ hoc ipso Anno data est ad eundem Amabilianum Præfectum Annonæ.

Secundo obseruandum, *huic legi* committendam Constantinianam constitutionem, cuius fit mentio l. 12. *infr. de Pistoribus*, (de qua exaudienda quoque lex 17. *eiusdem tit.*) scilicet Constantinus M. certo tempore ex Africa Pistores Urbis Romæ vrbibus dirigi iusserat: Igitur cum post eam iussionem, etiam ex Corpore Nauiculariorum quidam nominati fuissent, nominationem hanc in irritum deduxit, nisi iidem facultates Pistorum Corpori obnoxias possiderent.

Postremo loco vindicanda venit *huius leg. lectio*, ibi: *ob vindicias.* Excerpta V. C. Maynardi hic tentabant: *Si forte maluerint obuentitias Pistorum hæreditates eidem Corpori reddere.* Probabiliter equidem, si quid mutandum foret. At enim istud defendi oportet, *ob Vindicias:* nempe Vindiciaz dicuntur, ius quod Pistorum Corpori competit, vindicandarum rerum pistoribus obnoxiarum: sic l. 5. *infr. de præd. Nauicular.* Temporis præscriptionem in vindicatione rerum ad Nauicularios pertinentium: & l. 6. d. tit. Cui erat ille obnoxius, cuius nomine vindicatio competit.

III. (a) Idem A. Amabiliano (b) PF. Annonæ.

SI quis nauicularius, per obreptionem, vel quacumque (c) ratione immunitatem impetraverit, ad excusationem eum admitti in (d) vilo modo volumus. Sed & si quis patrimonium nauiculario muneri obnoxium possidet, licet altioris sit dignitatis, nihil ei honoris privilegia, in hac parte dumtaxat, opitulentur: Sed, siue pro solido, siue pro portione huic muneri

P.⁶⁰ teneantur. Nec enim æquum est, ut patrimonio huic functioni obnoxio excusato communis onus non omnes pro virili sustineant portione. PP. V. Kalend. Iun. Constantinop. (e) Constantino A. V. & Licinio Cæs. Coss. [319.]

NOTÆ.

(a) Abest hæc lex a Cod. Iustin. GOTHOF.

(b) Amabiliano huic Præf. annonæ inscribitur lex 2. *supr.* & l. 4. *supr.* de appellationib. ID.

(c) Veluti dignitate attinge. ID.

(d) *ꝑꝑ. admissi nullo modo* : ortus error ex littera l. præcedentis vocis. ID.

(e) Delenda hæc vox : quæ occasione sequentis, ut alibi sæpe, ita & hic infarta. ID.

COMMENTARIUS.

REPARATIONI Nauculariorum Corporis incumbens Constantinus M. A. D. 319. duo in eum finem hæc leg. constituit. Nempe Naucularium rescripto Principis impetrata IMMUNITATE a Naucularia functione, gaudere vetat ; quo pertinet quoque lex 3. *infr.* de præd. Naucular. Neque patrimonium naucularii possidenti, dignitatis quamlibet altioris obtentum prodesse vult. Scilicet ab una parte, naucularii huic conditioni perpetuo ita obnoxii fuere, l. 14. 19. *hoc tit.* sic ut eam quocumque honore vel rescripto Principis euitare non possent, hæc leg. & l. 11. 12. *infr.* Ab altera parte bonorum nauculariæ functioni obnoxiorum possessores ad nauculariam functionem tenebantur, hæc leg. & l. 19. 20. 27. 35. *infr.* & l. 149. *supr.* de Decurionibus : de quo plene *infr.* tit. de præd. Naucular., cuius tituli lex i. eiusdem Con-

stantini in eodem argumento versatur. Et quidem pro rata bonorum seu pro portione virili, secundum possessionis modum, d. l. 27. pro moderatione patrimonii quæ eum ditat, d. l. 149. de Decurion. ut ita auctoris sui munus agnoscat l. 19. *infr.* ac nominatim hæredes, l. 35. d. tit. Nec quicquam ei opitulante honore : qui etiam in cæteris ei prodest, in hac tamen parte duntaxat, ut hæc leg. diserte dicitur ei nec quicquam prodest. Contra, eatenus nauculariæ inquietudinis suspicio ab eo amolienda debitisque honoris privilegiis frui is debet, ut loquitur d. l. 20. quatenus Nauarchiæ obnoxias fundioni non retinet facultates. Cæterum, cur Præfecto annonæ hæc lex (non minus quam superior) inscribatur, præter eius argumentum docet altera illa eiusdem Constantini M. constitutio, puta lex i. *infr.* de præd. Nautic.

IV. (a) Idem A. Helpidio. (b)

Ex quocumque Hispaniæ litore (c) Portum (d) Urbis Romæ naucularii navis intrauerit, quæ onus duntaxat (e) fiscale (f) subuexerit, (g) eandem sine interpellatione : (h) cuiusquam (i) abire præcipimus, nec ulli extraordinario (k) oneri deferuire, ut facilius iniuncta sibi possit implere obsequia. Dat. VIII. Id. Mart. Theffaloniciæ, Crispo III. & Constantino III. Coss. [324.]

NOTÆ.

(a) Abest hæc lex a Cod. Iust. Concordat vero huic leg. proxima eiusdem Constantini, *vers. Naves*, & tertia plane similis lex 11. *infr.* GOTHOF.

(b) Eidem Helpidio inscribitur Anno 321. lex 1. *supr.* de feriis : (cui iungenda lex 3. Cod. Iust. *cod. tit.*) Anno 323. *Item 5. infr.* de Episcopis : Ann. 329. lex 4. *supr.* de falsa moneta. Nullibi tamen dignitas eius memoratur : etiam d. l. 1. *supr.* de feriis dicitur PP. Caralis. Hieronymus in V. Hilarionis pag. 158. Tom. I. Oper. Edit. Francf. apud Christ. Genssch. eum PP. fuisse docet. Vicem Præfecti Prætorio egisse docet lex 6. C. Iust. de adific. priuatis, quæ data est Anno 321. ID.

(c) Veluti ex Portu Albu, vel Portu Gaditano. ID.

(d) De Portu Urbis Romæ assatim lib. 14. *infr.* tit. 21. ID.

(e) Hanc taxationem mox explico. ID.

(f) Fiscales species l. 33. *infr.* v. plura in Paratitlo. ID.

(g) Subuexendi vox hic propria : v. Gloss. ID.

(h) Vexatione. ID.

(i) Forte Iudicum, Vicariorum, Præfectorum annonæ, Præfectorum Urbis, Præfectorum Prætorio. IDEM.

(k) Extraordinarium onus hic, extraordinarium officium d. l. 8. *infr.* id est, aliud a subuexione specierum fiscalium ad Portum : veluti ut a Portu, ad urbem ipsam subuehat fiscales species, vel quid aliud : vel ut in ipso Portu quid egat : vel ut in transitu seu reditu quid deferat. ID.

COMMENTARIUS.

ANGARIARI naves, quæ fiscales species ad locum debitum iam subuexerunt, in reditu seu REMEANTES vetat hac constitutione Constantinus M. Angariari, inquam, id est, cogi ad deferendum alicui

affici alteri seu extraordinario oneri, expleto iam & impleto suo: *Angariandi & Angariarum* voce nisi non vitatur *hac lex*; ea tamen vitetur Libanius in similem rusticorum, qui species annonarias Antiochiam subuexerant, ad extraordinarium onus cogendi morem inuehens expresse Oratione *περὶ ἀγγαριῶν*. Item circa naues priuatorum, Vlpianus *lib. 4. de Offic. Proconsulis*, quo de muneribus publicis egit: *l. penult. §. 1. D. de Veteranis* & Gregorius PP. *lib. 8. epist. 64*. Scilicet mos hic prauus incefferat, ut nauicularii perlatis speciebus fiscalibus, antequam domum redirent, vel dum domum redirent, saepe a ludicibus & nonnullis aliis ad subuehenda quaedam eogerentur, veluti ad lapides, ornamenta, & materiam adificiorum transferendam. Hunc morem damnat Constantinus M. & *hac Constitutione*, & proxima *l. 5. infr.* & Tertia huic gemina Germana, quæ eiusdem argumenti est, & ad Nauicularios Hispaniarum pariter pertinet, *l. 8. infr.* Damnata & Constantius R. *l. 9. infr.* Denique moram aut interpellationem aliquam oblici Nauiculariis redituris domum, vetat Constantinus: haud absimili instituto, ut dixi, quo Angarias rusticorum, quibus Rusticos & Agricolas, post allatas Antiochiam species, domum redituros angariari mos erat, damnat Libanius orat. *περὶ τῶν ἀγγαριῶν*, & orat. *adm. Icarium*, p. 464. 465. Edit. Morell. easque adeo idem constitutione Theodosii M. prohiberi vult. Ac nominatim id ut *hac leg.* ita & *d. l. 8. de Nauiculariis Hispaniarum*, qui ex Hispaniæ litoribus ad portum V. R. fiscales species subuexerint, cauet. Scilicet hac tempestate Vrbs Roma Hispaniensibus commeatibus adiuta, fultaque fuit, ut præter *hanc leg.* & *d. l. 8.* docet quoque Symmachus *lib. 10. epist. 50*. Edit. inquit, *est ratio vestigialium, quæ Hispanienses atque Alexandrinos intubere debui commeatus; & Claudianus 1. in Eutropium. v. 407.*

*Segetes mirantur Iberas
Horrea, nec Libye senserunt damna rebellis,
Iam Transalpina contenti messe Quirites.*
Iustinus quoque iam olim *lib. 44. c. 1.* scribat, Hispaniam suffecisse Italiae, Vrbiq; Romanae, nil cunctarum rerum abundantiam, frumenti, vini, mellis, olei. Exstat denique proximo ab hinc seculo Regis Gothorum epistola, qua restituit Roma antiquum vestigal seu erinceas copias Hispania, apud Cassiod. *V. Var. 35*. Plura nunc non addo de Hispaniæ dotibus, quæ aliunde repeti possunt ex veteri Orbis descriptione. *cap. 50.* ex Pacato in Panegy. Theod. Hoc magis facit, naui Hispanæ Magister, cuius meminit Horat. *3. Carm. 6. v. 31.* Ad eundem nauium Hispanicarum Romanum commeatum respicit & Symmachus *lib. 4. epist. 59.* Apud Sidonium *Carm. 3. v. 49.* dicitur Sardinia argentum, naues Hispania deferre, sed propter *vacuam* ipsam, & Sparti abundantiam: de quo ad veterem Orbis descriptionem. Igitur Constantinus M. *hac leg. & d. l. 8.* Hispanicas naues vacuas domum redire, neque angariari in reditu vult, ut ita facilius, citius mox redire possint cum nouis speciebus. Porro securitas hæc nominatim nauiculariis & nauibus quæ species fiscales subuexerint, indulgetur. Quæ, inquit, *omnis DVNTAXAT fiscale subuexerit.* Vnde apparet, angariari iure potuisse naues, quæ ex Hispania non publicas non fiscales species subuexissent, verum priuatas tantum & voluptatibus deseruientes species: veluti inter alia, equos: scilicet ad editiones & ludos Prætorios, Quæstorios priuatorum, equi ex Hispania petebantur (utpote diuise equini pecoris,) quod testatur Symmachus *lib. 4. epist. 60. 61. 64. lib. 7. epist. 105. 106. lib. 9. ep. 12. 18. 19. 20. 22. 23.* & *lex 1. infr. de Equis curulibus.* Igitur hæc forte naues angariari intra modum aliquem potuerunt.

V. (a) Idem A. ad Ablauium PF. P. (b)

NAUICVLARIOS omnes, per Orbem terrarum, per omne æuum, ab omnibus oneribus & muneribus, (cuiuscumque fuerint loci vel Dignitatis,) securos, vacuos immunesque esse præcipimus: siue Decuriones sint, siue plebei, seu potioris alterius dignitatis, ut a Conlationibus & omnibus oblationibus liberati, integris patrimoniis nauicularium munus exerceant. Naues quoque eorum, (quantæcunque (c) fuerint,) ad aliud munus ipsis inuitis teneri non conuenit, ad quodcumque litus accesserint: Litorum custodibus, & vestigalium Præpositis, Exactoribus, Decurionibus, adque Rationalibus, & Iudicibus, scituris, quod qui hanc legem violauerit, capite punietur. Dat. XIV. Kalend. Octob. Constantino A. VII. & Constantio Cæs. Coss. [326.]

NOTÆ.

(a) Absent à Cod. Iustin. Hinc transcripta à Valentiniano Iun. *lex 17. infr. GOTHOF.*

(b) Ablauio huic PP. hoc ipso Anno inscribitur *lex 6. infr. de Episcopis*: de eo plenè in Indice. *ID.*

(c) Quotcumque fuerint. *ID.*

COMMENTARIUS.

DE IMMUNITATE ipsorum Nauiculariorum est hæc prima plenissimaque omnium Constantini M. constitutio (ad quam pertinet eiusdem *lex 7.*) ex qua repetita & transcripta postea a Valentiniano Iun. *lex 17. infr.* Cui additur & alterum caput de NAVIBUS ipsis non angariandis: de quo iam fuit eiusdem Constantini constitutio *lex*

superior 4. ubi vid. quæ dixi: nisi quod illa specialiter ad Hispania Nauicularios pertinet, hæc ad naues & Nauicularios per totum orbem terrarum, & ad quodcumque litus accesserint: sunt & de eodem *lex 8. & 9. infr.* De priore igitur tantum, tum deinde de sanctione *huius leg.* hic videndum nobis erit.

1. Plenissimam igitur immunitatem omnibus Nauculariis *hac leg.* tribuit Constantinus M. Et primum quidem ab omnibus oneribus & muneribus: quod & ipsum postea tribuit nominatim nauculariis Orientis pro commoditate Urbis Constantinopolitane *d. l. 7.* sicut hæc ad utilitatem Urbis Romæ pertinet: & Valentinianus *Iun. d. l. 17.* Et iam olim immunitas data Nauculariis annuam Urbis Romæ iuuantibus: De quo vid. *l. 5. §. 3. q. 5. 6. 7. 9. D. de iure immunit.*

Secunda ampliatio est, cuiuscunque loci sint & dignitatis: *Loci* inquam: id est, siue Plebei sint, siue Decuriones: unde apparet, e Decurionibus etiam nonnullos Naucularios fuisse: quod etiam ostendit *lex 14. 16. 19. 25. infr. hoc tit. & l. 149. supr. de Decurionib. Dignitatis* rursum, etsi Senatoriæ, etsi Equestris, quam postremam Constantinus omnibus Nauculariis (postea proculdubio) tribuit, ut docet *lex 16. infr.* etsi perfectissimatus, etsi honorarios codicillos impetrauerint *l. 15. infr.* Igitur & a Senatoriis & Equestribus collationibus, item a collatione lustrali, oblationibus eos immunes esse iubet *hac leg.* Oblationibus, veluti auro oblatio: de quo *l. 5. & 9. & 14. supr. de Senator. & gleb. collat. & auro oblat.* Huc referatur & oblatio votorum: item aurum coronarium, de quo *peculiares tituli* extant *hoc Coarce.* Hinc interim apparet, Nauculariam functionem non semper fuisse non modo infra dignitatem Curialem, (de quo fidem faciunt alix quoque *leges.*) sed ne quidem infra Equestris & Senatoriam: & sic etiam Senatores quosdam aliquando Naucularios fuisse. Sane idem Constantinus M. hoc ipso Anno 326. ante *hanc leg. l. 4. infr. de infirm. his quæ sub Tyr.* testatur, Senatores a Licinio Tyranno ad naucularium munus deiectos: ad quorum deprecationem recensum eorum *ea leg.* Senatui Romano tribuit. Quare retenti quidam Senatores in nauculario munere, ut ex *d. l. 4. & ex hac* discimus: sic tamen ut Senatoriis functionibus liberos esse vellet Constantinus.

Alioquin & de more, qui de Nauculariorum bonis quid possiderent, pro rata bonorum ad Nauculariam functionem tenebantur: de quo v. *Paratilon.*

2. Sanctione *huius leg.* continentur personæ, quæ Naucularios concutere poterant, & vero ferme concutebant, vel ad collationes & munera eos vocando, vel naues eorum angariando: quem ipsum personarum recensum habes & *l. 17. infr. Iudices,* id est, Rectores Prouinciarum, *Rationales,* qui rationibus Fisci præpositi, quosque collationum & oblationum cura manebat: *Decuriones,* ad quos spectabat munus ciuiliū distributio: *Exactores,* qui collationes exigebant: *Velligalium Præpositi,* qui lustralem collationem & portorium exigebant: *Litorum custodes, ἐκασμενισαί,* qui litoribus præsidebant, ad quorum officium inter alia pertinebat, ne quisquam commentum iniuriam pareretur: de quo dixi *supr. tit. de litor. & itiner. custod.*

Illud extrinsecus ad *hanc leg.* notetur, tertiam adhuc & quidem hoc ipso Anno 326. de Nauculariis constitutionem a Constantino M. promulgatam, quæ extat *l. 1. infr. de prædiis Naucular. & quartam,* puta *l. i. Cod. Iust. de Hæreditat. Decurion. Naucular.* puta, ut si quis Naucularius sine testamento & sine liberis vel successoribus defunctus esset, hæreditas eius non ad fiscum, sed ad Corpus Nauculariorum, ex quo fatali sorte subtrahitur, deferretur. Quæ *lex* ut obiter id obseruem, dicitur *PP. vel potius data Lastrone,* ubi reponendum *Latrona,* quæ Myfiæ inferioris seu secundæ vrbs erat, (ad *Latrum fl.*) cuius mentio & in *Ilin. Peuting. & in Notitia Imperii,* ubi *Latris* vocatur: Constantinus certe huius Anni initio in Myfiâ inferiore exiit: de quo in *Chronico.* Ex his igitur tandem quatuor constitutionibus de Nauculariis apparet, quam enixe Constantinus M. Nauculariis, & nauculariæ functioni, ad subuentionem annona Urbis consuluerit hoc Ann. D. 326.

VI. (a) Idem A ad Felicem,.... (b)

COMMODA (c) nobis visa est ea dispositio, (d) quæ expresse naucularios in hunc ordinem formauit, ut non promiscue, sed per vicissitudines rite seruatas, iuges cursus (e) agnoscerent, & exiguos (f) impleverent: quo ita leuamenti alternantis auxilii cunctorum fortunæ & tenuioribus (g) tum potissimum confirment, * nec necessitas fieret aliquos semper (h) longiora lustrare, ac plerisque obnoxios casibus fieri. Quod ne ulterius possit accidere, labor omnibus par & iustus adiunctus sit, (i) & subsidia (k) pari ratione deferantur, nec tenuiores in querelas infructuosæ conplorationis (l) incurrant PP. VII. Id. Septemb. Karthagine (m) Optato & Paulino. COSS. [334.]

NOTÆ

(a) Absit *hac lex* a *Cod. Iust.* Parum vero absit, quin *huic legi* iungenda videatur *lex 1. supr. de excus. Artific.* nam & eidem *Felici* eodem Anno incipitur, imo eodem mense, forte & die, emendato die alterutribi. GOTHOF.

(b) PP. Quod diserte præfert Anno prox. 335. *lex 21. supr. de Decurionib. & Anno ab hinc altero 336. lex 5. infr. de Iudeis: lex 1. infr. ne Christ. mancip.* Et quidem Italiæ, in qua Præfectura Africa fuit: inde enim huius legis subscriptio præfert eam, PP. Karthagine, pariter ut eandem subscriptionem præferunt *d. lex. 1. supr. de excus. Artificum: & d. l. 5. de Iudeis, & d. l. 1. ne Christ. mancip.* Et aperte in *d. l. 21. supr. de Decurion.* mentio fit *Astorum Curialium: & in d. l. 1. de excus. Artif. Prouinciarum Africanarum.* ID.

(c) Aqua, moderata, ut par & iusta, & pari ratione, *f. leg.* ceterum *Commodi* vox hæc propria vid. *Gloss. Commodus, equalesque.* ID.

(d) *Dispositionis* vox hæc in re propria vid. *Gloss.* Porro intelligit Constantinus dispositionem *Felici* PP. ID.

(e) Cur

(e) *Cursus, & Currere, de nauigantibus, & nauibus. Virgil. III. Aeneid. v. 19.*

— *Vasumque caua trabe currimus equor.*

& IV. *Aeneid. v. 299.*

— *Armavi Classen cursumque parari.*

Vbi Sertius interpretatur, *nauigationem, ut alibi: Ni teneant cursus. Statius Syluar. III. 2. v. 89.*

Quos tibi currenti preceps ferat Adria mores.

Horatius quoque dixit *Epist. I. 1. v. 45.*

— *Currit mercator ad Indos.*

Propertius *lib. 1. eleg. 14. v. 3.* — *Mireris currere litres.*

Ipsæ naues currus. Catullus in Epithal. Tbetid. & Pelai v. 9.

Ipsa leui fecit volitantem flamine currum.

& *cursus nauium: vid. Gell. 10. c. 26. apud Euripidem Medea, v. 1182. νῆα ἀπὸ πύγῃ. Æschylus in Prometheus. 458.*

ναυτίων ἐξήματα: dictæ & naues ambulare; Catoni de re rust. c. 1. itaque & pedes pro remis nauibus tributi. ID.

(f) *Anexagoras? de quo mox. ID.*

(g) *pp. & tenuiorum potissimum confirmantur. Quod Cuiaciana Editio iam indicauit. ID.*

(h) *Iugibus cursibus, supr. ID.*

(i) *Pro adiungatur, iniungatur. ID.*

(k) *Subsidia, pro speciebus fiscalibus & annuario commætu ad vsum publicum. Quo sensu non semel apud Symmachum. ID.*

(l) *Comploratio, pro deploratione, querelis: Lactantius lib. 7. c. 19. Commotus igitur Deus & periculo ancipiti, & miseranda comploratione iustorum, mittet protinus liberatorem. ID.*

(m) *Hæc subscriptio ostendit hanc l. ad Nauicularios Africa pertinere, & Felicis, cui hæc lex inscribitur dispositioni Africam suppositam fuisse. ID.*

COMMENTARIUS.

P. 63. **D**E VICISSITUDINE subuectionis & commædi inter Nauicularios seruanda est hæc Constantini M. constitutio. Nempe cum querelæ exortæ fuissent a parte Nauiculariorum & potissimum a parte tenuiorum, quod *promiscue*, seu identidem iuges cursus agnoscere, & longiora semper lustrare cogerentur, plenius casibus obnoxii, interea dum alii Nauicularii, conuientia ludicum, domi residerent. Felix P. P. vt videtur, huic rei opitularum iuerat, sua dispositione seu ordinatione: qua iam hunc ordinem constituit, vt per vicissitudines iuitas Nauicularii cursus agnoscerent, laborque omnibus par & iustus, iniungeretur, atque adeo subsidia, id est, species fiscales, pari & æquabili ratione ab his deferrentur: et ita (quod eleganter hic dicitur) *leuamenti alternantis auxilii cunctorum fortuna, & tenuiorum potissimum confirmarentur.* Hanc dispositionem Constantinus M. hac constitutione sua confirmat, ceu commodam, id est æquam, æquabilem, iustam, moderatam. Quæ eadem in omnibus aliis Corporibus publico operam nauantibus obtinet, & obtinere debet.

Cæterum pertinet hæc lex nominatim ad Nauicularios Africanos, vt ex subscriptione eius liquet, PP. *Karibagine*, qui scilicet subsidia deferrebant, id est, species fiscales in vsus publicos siue Vrbs Romæ, cui alias destinata Africæ subsidia: siue Vrbs Constantinopolitana, quo hæc lex spectare mihi videtur (pariter vt aperte spectat lex 7. prox. hoc ipso Anno data:) non tantum ex ipsa temporum ratione: Hoc enim tempus est, quo Constantinopolis assurgebat, verum ex his *huius leg. verbis. nec necessitas fieret aliquos semper LONGIORA lustrare; vix enim ex Africa commætus*

ad Urbem Romam longioribus connumerabatur. Neque dubium est, etsi Africa proprie Romæ adfectata a Constantino fuerit, vt Alexandria Constantinopoli, nihilominus extra ordinem sæpe vires mutatas. Fuit autem tempus, cum in his verbis, & *exiguos implerent*, tentabam *exagogas*, vel *exagogios*, (vt *hydragogia* Varroni apud Nonium cap. 3. num. 114. & *paragogia* minusculi ductus l. 10. Cod. Iust. de aqueductu:) id est euectiones, vt vocantur l. 6. infr. de pradiis Nauicular. subuectionem, l. 2. infr. de Nauib. non excus, quomodo Eunapius *Ædesio p. 41. Edit. Commelin.* in eadem re ἀπαγωγὴν φόρος dixit (quem alioquin locum Interpreter non cepit:) Ita apud Strabonem lib. 17. pag. 1149. Edit. *Almeloueen.* Alexandria vectigal ἐξαγωγικὸν pro exportandis mercibus: quod ipsum ἐξαγωγίων vocat Iustinianus edito de Alexandrinis 13. cap. 15. Sane in re Nauicularia Græcæ voces plures usurpatæ: veluti Stolis l. 7. infr. hoc tit. Cataplus etiam apud Martialem lib. 12. ep. 75. v. 1. vt emendat Turnebus. Heresis naualis, l. 9. 10. infr. de pradiis Nauicular. hæresiatæ, l. 14. infr. hoc tit. Embola, Embolica species, de quibus omnibus ad l. 1. infr. de can. frum. V. R. Certe ita quoque Plautus in Rudent. Act. III. Scen. 2. v. 17. Si speras, cam euenturam EXAGOGAM Capuam saluam & sospitem. Verum nihil temere hic mutem. Elegans hic antithesis inter iuges cursus, & exiguos: hoc sensu, vt vniuersi Nauicularii dicantur iuges cursus agnoscere, singuli vero exiguos implere; videlicet dum non promiscue, sed per vicissitudines ritè seruatas sese mutuo subleuant, leuamenti alternantis auxilii.

VII. (a) Idem A. Nauiculariis Orientis. (b)

PRO commoditate Vrbs (c) quam æterno (d) nomine, iubente (e) Deo, donauimus, hæc vobis Priuilegia credimus deferenda, Vt nauicularii omnes a ciuilibus muneribus & oneribus & obsequiis habeantur immunes: Et ne honores quidem ciuicos, ex quibus aliquod

quod incommodum sentiant, subire cogantur. Ab administratione etiam Tutelæ, siue legitimæ, siue eius quam Magistratus, aut Prouinciæ Rectores iniungunt, habeantur immunes. Et vacatione legis Iuliæ & Papiæ potiantur, vt etiam nullis interuenientibus lucris, (f) & viri ex testamento vxorum solidum capiant, & ad vxores integra voluntas perueniat maritorum. De proprietate etiam, vel hereditate, vel qualibet alia ciuili causa pulsati, ne ex Rescripto quidem nostro, ad extraordinarium iudicium euocentur, sed agentibus in suo foro respondeant, et ad exemplum Alexandrini stoli, (g) quaternas in frumento centesimas consequantur. Ac præterea per singula milia singulos solidos: Vt his omnibus animati, & nihil pene de suis facultatibus expendentes, cura sua frequentent maritimos commeatus. Acc. Kalend. Decemb. Optato & Paulino Coss. [334.]

NOTÆ

- (a) Absit hæc lex a Cod. Iust. GOTHOFRED.
 (b) An Orientis Diocesis intelligitur: cuius Prouinciæ X. in veteri Prouinciarum Indice Schonbœuiano, & XV. in Notitia Imperii postea memorantur? An Orientale Imperium? Illud verum, vt apparet ex f. legis. Interim ad eodem pertinet lex 14. & lex 32. infr. ID.
 (c) Constantinopolitanæ. ID.
 (d) Æternæ vrbs, æterno nomine donata: vid. Gloss. ID.
 (e) De hoc mox dicam: An lubente? ID.
 (f) *q. liberis*: de quo mox. ID.
 (g) *στόλος* cum in cōmune sit commeatus, profectio, iter, copiæ: attamen de naualibus copiis & classe nauali propriè vsurparur. Hesychi vs *στόλος*, πλοῦς, -λογία πολλά, ἡ δὲ τῆς ναῶς ἐμβολή. λέγεται, τὸ ἡς οὗ συνετραπημένον. Apud eundem *τολάρχης* ὁ τῶ στόλου ἄρχων, ὁ ναύαρχος. Alias cum epitheto ναυτικός, vel ναὺν στόλος, vel πορφυρικός. In Veteri inscriptione basis marmoreæ Romæ apud Gruterum CXIV. 4.

ΤΗΡΕ ΣΥΝΤΗΡΙΑΣ ΚΑΙ ΔΙΑΜΟΝΗΣ
 ΤΟΥ ΚΤΗΡΙΟΥ ΑΥΤΟΚΡΑΤΟΡΟΣ
 ΚΟΜΜΟΔΟΥ ΣΕΒΑΣΤΟΥ
 ΟΙ ΝΑΥΚΑΗΡΟΙ ΤΟΥ ΠΟΡΕΥΤΙΚΟΥ
 ΑΔΕΞΑΝΔΡΙΝΟΥ ΕΤΟΛΟΥ

Meminit quoque Suidas *στράτηγος στόλου* frumentaria classis, in voc. *συνώνη*. Adde eundem voc. *στόλος*. Ergo solus est hic maritimus commeatus, vt sine l. vocatur. ID.

COMMENTARIUS

P RIVILEGIA, Immunitates, Commoda varia
 P. 64 Nauiculariis Orientis, desert hac constitutione
 Constantinus M. quo his omnibus animati, maritimos commeatus frequentent: Anno D. 334. Idque omne pro commoditate Vrbs Constantinopolitana, a se recenter excitata & dedicata ante quadriennium ferme. Quæ priuilegia, &c. antequam excutimus, de quibusdē prius videndum est. Primum inscribitur hæc lex, *Nauiculariis Orientis*: ad quos pertinet quoque lex 14. infr. & lex 32. infr. atque adeo Orientis Nauicularii priuilegiis ea comprehensis animantur, ad frequentandos commeatus maritimos, copiisque necessariis replendam Urbem Constantinopolitanam: & quidē in nonnullis, exemplo Nauiculariorum Alexandrinorum, de quibus mox: *Orientis*, id est, Dioceseos Orientalis: cuius sub Theodosio M. decem Prouinciæ enumerat Ammianus Marcellinus lib. 14. cap. 8. & in his *Syriam, Palaestinam*, imo & *Arabiam*: vt & Auctor vetus *Notitia Prouinciarum* pag. 83. Edit. Cellar. ad calcem Festi: qui tamen in numero consentiens, Arabiam omittit, & eius loco, *Sofanem* ponit. At postea *Notitia Imperii* sub Theodosio Iuniorē quindē Prouinciæ Orientis recenset fol. 71. nempe quia Phœnice, Cilicia, Syria, post Theodosium M. singulæ in duas diuisæ, imo & *Palaestina* in tres, sic vt quinque iam Prouinciæ additæ fuerint. Quem processum qui minus hæcenus attendunt Veteri illi *Prouinciarum Notitia* fidem

derogant, eiusque oscitantiam arguunt: cuius tamen fides etiam ab Ammiano hac parte ferme sufflaminatur.

Secundo obseruandum valde, quod ait Constantinus M. se Urbem Constantinopolitanam æterno nomine, *IVBENTE DEO*, donasse: Quibus verbis non illud indicatur, dicam a se Constantinopolim Deo, quod alioquin testatur Auctor *Vite Constantini*, lib. 3. cap. 48. (quod vtique verius, quam quod Nicephorus longo post intervallo scripsit lib. 8. cap. 26. eam Dei Genitrici Mariæ consecratam: Nam & S. Augustinus sæpe testatur, non nisi Deo dedicati consueuisse a Christianis Tempia seu Ecclesias, de *Ciuitate Dei*, lib. 22. cap. 10. & aliis locis) verum ex mandato Dei. Quid igitur Sozomenus sub Theodosio Iun. centum fere post annis scribit, lib. 2. cap. 3. Constantinum M. ad Byzantium ædificandum animum addixisse ex *ἐπιφανείας τῆ θεῆς*, & *παιδέντα ἰσὺς τῆ θεῆς λόγοις*, cum antea locum prope illum exædificare cœpisset, de quo priore cœpto eius vid. & Zosimum lib. 2. cap. 30. quanquam & de primo illo recte accipiat: sic enim & *sacratissimi nominis vrbs* vocatur, l. *unic*, infr. de honorat. vehiculis: Æternum ita nomen suum Constantinus dixerit: quomodo Theodosius postea d. l. *unic*, sacratissimum nomen. Alias insuper visiones & miracula ad eundem finem, longo post intervallo memorant Zonaras *Annal.* 107.

tom. 2. pag. 6. Edit. Reg. Glycas Part. 4. pag. 248. Ed. Reg. Beda de locis Sanctis, cap. vltim. Cedrenus in Compend. bist. an. 18. Constantin. pag. 283. Tom. I. Op. Edit. Reg. Memorantur & alia in actis Sylvestri, quæ omnia imposturæ arguit recte Baronius Anno 324. n. 142. Imo & Philostorgius lib. 2. cap. 9. & ex eo Nicephorus lib. 8. cap. 4. suauem historiam memorat circa designandum Urbis Constantinopolitane ambitum, vi aliqua diuina ducente, ως δύναμις αὐτῆς τις ἐραυία προηγοῖτο, τῇ πραττομένης διδασκαλίᾳ: quod celestis quidam virtus ipsum manu duxerit, docens ea, quæ facienda essent. Cæteroquin inibente Deo, id est, volente ita Deo, dixit: quomodo Optatus Mileuitanus lib. 1. de Schismat. Donatist. cap. 18. pag. 17. Edit. du Pin. Tempestas persecutionis peracta & definita est, IVBENTE DEO, indulgentiam mittente Maxentio, Christianis libertas est restituta. Hic sane, Constantinus ipse aperte proficitur se, Deo iubente (seu ex iussu diuino) æterno nomine Constantinopolim donasse. Nam quod Iustinianus ait l. 1. §. 10. Cod. Iust. de veteri iure enucl. Constantinopolim melioribus auguriis conditam, futura forte magis felicitatis sponsonem continet, quam vt ex Dei iussu eam conditam indicet. Ait autem Constantinus se eam æterno nomine donasse. An quod Constantinopolim de suo nomine vocari voluerit? An quod nouam Romam dici voluerit? An quod æternum nomen, id est, famam ei donauerit? Istud prætulit quis.

Tertio obseruandum Constantini M. institutum hac leg. quo Urbis Constantinopolitane commoditati prospectum iuit, prouocatis nempe Nauiculariis per varia priuilegia & commoda propolita, ad frequentandos maritimos comعات, & ad subuehenda necessaria ad Urbem Constantinopolitanam: de cuius alias institutis ad eundem finem, ad augendam inquam Urbem illam, fidem faciunt aliæ plures constitutiones hoc Codice; fidem facit Zosimus lib. 2. c. 30. 31. faciunt Historiæ Ecclesiasticæ Scriptores, & Hieronymus Chronico.

Sane fidem facit maxime, quod & Alexandrinum stolum, & Nauicularios Orientis ad subuehendam ad eam urbem annonam deinceps destinauerit: quod vtrumque ex hac leg. discere licet, quod Quarto obseruandum venit. Nempe cum antea & Africana & Alexandrina classis Urbis Romæ destinata esset: de qua postrema videnda Acta Apostolorum cap. 28. Sueton. Octauio, cap. 98. Victor in Epitom. c. 1. Strabo lib. vltim. pag. 1142. Edit. Almeloueen. Martialis, lib. 12. epigr. 75. Tacitus lib. 12. Annal. cap. 43. Seneca epist. 77. Plinius Panegyrico, cap. 38. Lampridius Commodum cap. 17. Alii. Posteaquam ad Constantinopolim animum adiecit Constantinus, iam diuise hæ classes, sic vt Africana regulariter cederet Urbis Romæ; Alexandrinus stolum, & Nauicularii Orientis, Urbis Constantinopolitane. Eunapius Aedæio, p. 38. 41. Edit. Commelin. Η μὲν γὰρ Κωνσταντινὴ πόλις τὸ ἀρχαῖον Βυζάντιον, κατὰ μὲν τὰς παλαιὰς χρόνας, Ἀθηναίους παρῆχε τὴν σιτοπεμπίαν, καὶ περιττὸν ἦν τὸ ἐκαστὸν ἀγώγιμον. ἐν δὲ τοῖς καθ' ἡμᾶς καιροῖς, εἰδὲ τὸ ἀπ' Αἰγυπτῆς πληθύνει τῶν ὀλκάδων, εἰδὲ τὸ ἐξ Ἀσίας ἀπάσης, Συρίας τε καὶ Φονίης, καὶ τῶν ἄλλων ἐθνῶν συμφερόμενον πληθύνει, καὶ ἀπαγωγὴν φόρος ἐμπλῆσαι καὶ κορέσαι τὸν μεθύοντα δύναται ὁ δῆμον, ὃν Κωνσταντῖνον τὰς ἄλλας χειρώσας πόλεις ἀνδράπων, εἰς τὸ Βυζάντιον μετέστη, quæ ita in Tom. V.

terpretatur Hadr. Iunius: Constantinopolis vetusto nomine Byzantium, antiquitus suppeditabat Atheniensibus annonam fidemque omnem excedebat frumenti inde aduecti vis: & nostro seculo neque oneraria naues, quas Ægyptus mittit, totaque Asia, cum Syria & Phænice, neque frumentaria copia ex aliis prouinciis vestigialibus comportata, explere valent aut satiare circumfluentem & copiosam populi multitudinem, quam Constantinus e debellatis urbibus Byzantium transtulit. Themistius orat. 13. quæ habita Anno Dom. 351. de Constantinopoli agens, p. 291. 292. Edit. Petau. 1613. Flexie in 8. καὶ ἐρχέσθαι αὐτῷ εἰς τὸ ἀνάκτορον τῆτο πάντα ὅσα ἐκ πάσης γῆς ἀναθήματα. καὶ ἀπάρχοντα μὲν τῇδε Αἰγυπτίοι τῷ βασιλεῖ ὅποσα ἔτη, ἀπαρχόνται δὲ Σύροι τε καὶ Ἀσσύριοι, καὶ Ἰῶνες δὲ καὶ Αἰολῆς, καὶ σχεδὸν τι ἀπὰντες ἀνθρώποι. αἱ δὲ ἀπαρχαὶ εἰσι νῆες γέμισσαι εὐδαμνοίας, καὶ ὅ, τι ἂν ἡ φύσις ἀρίστον τέκη, καὶ ὅ, τι ἂν ἡ φύσις ἐντεχνότατον δημιουργήσῃ, συμφοιτᾷ ἄλλοθεν ἄλλο εἰς τὸ ἱερὸν τῆτο, καὶ συναγίγεται: quare ad ipsum in hac penetralia ex uniuerso orbe donaria omnia confluunt. Nam & Ægyptii quotannis eo primitias suas ad imperatorem mittunt, Syri item & Assyrii, Iones, Æoles, uniuersum pene hominum genus. Primitia autem sunt naues commodis omnibus replete, quicquid aut natura præstantissimum parit, aut hominum ingenium artificiosissimum efficit, hac inquam aliunde alia ad illud templum confluunt, ac coaceruantur. Notum etiam Athanasio per calumniam id obiectum, quod Ægyptiacum omne frumentum suppressum itauisset. Vetus quoque Orbis Descriptio sub Constantio Imp. de Ægypto agens, Et alius Prouinciis utilis est: Constantinopolis enim Thraciæ ab ea quamplurime pascitur, similiter & Orientalis partes maxima, &c. Quomodo Himerius Sophista, apud Photium Cod. CCXLIII. pag. 1143. Edit. Schott. in Propempt. in Flavianum, de Karthagine πόλις ἰταλίαν ὅλην τοῖς εαυτῆς κάλλεσι βέσκουσα: vrbs totam Italiam suis ornamentis depascens. Tandem Claudiani locus insignis de bello Gildonico v. 52. seqq. vbi Romanus sic inducit loquentem.

Tot mihi pro meritis LIBYAM, NILVMQVE P. 65. dedere,

Vt dominam plebem, bellatoremque Senatum
Classibus æstiuis alerent, geminoque vicissim
Luctore diuersi compleverent horrea venti.

Stabat certa salus: MEMPHIS si forte negasset
Pensabam PHARIVM, GÆTVLIS messibus annum:

Frugiferas certare rates, lateque videbam
PVNICA NILIACIS concurrere carbasa velis.

Cum subito PAR ROMA MIHI, diuisaque sumfst

Æquales AVRORA togas, ÆGYPTIA rura
In partem cessere NOVAM: spes unica nobis
Restabat LIBYÆ: quæ vix, ægreque fouebat
Solo ducta Noto; nunquam secura futuri:
Semper inops, ventique fidem profcebat, & anni.

Et post v. 113.

Nunc quid agam? Libyam Gildo tenet: ALTE-
RA, NILVM.

Vbi par Roma, item Altera, est Constantinopolis, quæ noua Roma. Ergo & Orientis & Alexandriae classis destinata Urbis Constantinopolitane: Arque hæ sunt Classēs Urbis Constantinopolitane, quæ memorantur l. 21. supr. de diu. off. Nisi quod extra ordinem quandoque in magno defectu Romæ, a Classe

Classē Alexandrinā subsidium petiit. Quod testatur Symmachus *lib. 10. epist. 22. & 50.* sicut viceversa Africana aliquando extra ordinem Constantinopoli subsidio fuit, ut docet *lex 2. infr. de naufragiis*. Porro gratuita quædam pars huius Annonæ Alexandrinæ Constantinopoli data: de quo *infr. lib. 14. fufe, & Sozom. lib. 3. cap. 7.*

Iam de Priuilegiis & commodis Nauiculariis Orientis propositis, annonæ Urbis Constantinopolitanæ seruientibus, *hac leg.* videndum est, quæ septem sunt, & quidem tres immunitates sunt ab Oneribus & Honoribus. Immunitas ab omnibus muneribus & oneribus, & obsequiis, de qua immunitate fuit quoque iam eiusdem Constantini M. constitutio *l. 5. supr. erit Valentiniani Iunioris lex 17.* Verum utraque non ad Urbem Constantinopolitanam pertinet, verum ad Urbem Romam potius, quæ quidem Nauiculariorum annonæ Urbis Romæ seruientium immunitas iam olim fuit, vide *l. 5. D. de iure immunit. §. 3. 4. 5. 6. 9.* Verum *hac leg.* Constantinus olim in Urbe Roma constitutam immunitatem ad Constantinopolim producit.

2. Immunitas ab honoribus ciuicis, seu municipalibus, ex quibus aliquod incommodum sentiant, id est sumptuosus, onerosus: uterant.

3. Excusatio a Tutela: Quod quidem priuilegium specialiter nisi daretur, immunitate generali munerum ciuicorum non comprehenderetur: ut docet *lex 15. §. 12. D. de excusat.* Ideo nominatim *hac leg.* datur, ut cæteroquin urbicæ annonæ seruientium immunitates pleniores sunt. Sane, Domini nauium non habebant inter cætera priuilegia, quæ nauim habentibus dabatur, ut a tutelis vacarent, *l. 17. §. pen. D. de excusat.* Sed habent ex *hac leg.* Nauicularii, (& quidem Orientis) qui scilicet ipsi frequentabant commercia maritimos: sicut & Nauicularii Urbis Romæ seruientes *l. pen. Cod. Iust. de excusat. tut.* Ergo multum interest inter nudum nauim habentem, & inter nauicularium navigationem exercentem. Porro excusationem Nauiculariis Orientis dat Constantinus siue a legitima, siue a datiuâ tutela. An ergo, inquires, non data testamentaria? Imo: nam & testamentaria sub *legitima* appellatione venit: sicut in definitione tutelæ, quæ tutela dicitur *iure ciuili permixta*, testamentariam includit & indicat, ut ostendit *lex 1. D. de test. tut. & §. 3. Inst. de tutelis*: descendit enim testamentaria ex *lege*, & verbis *legis XII. Tabul. PATERFAMILIAS VTI* &c. ut docet *d. l. 1. & Vlp. fragm. t. 11. §. 14.* Ab hac immunitate excepti postea ab Honorio *d. l. pen. Cod. Iust. de excusat. tut.* minores sui ordinis: quam tutelam Nauicularii amplecti tenentur.

4. Quartum priuilegium est immunitas *legis Iulia & Papia decimariæ*: scilicet ex *L. Iul. & Papia*, coniux ex supremæ coniugis voluntate solidum capere non poterat, sed decimas tantum certis casibus, nisi interuenientibus liberis, id est, nisi liberos communes haberent: de qua *leg.* plene dixi *ad l. Iuliam & Papiam*: eius meminit quoque *lex 2. supr. de iure liberorum*, eodemque pertinet *lex 2. supr. de inoff. dotib.* Verum eius *legis* immunitas data *hac leg.* Nauiculariis Orientis: pariter ut iam olim data a Claudio Imp. Naues mercaturæ causa fabricantium vacatio *legis Papia Poppæ*, teste Suetonio in Claudio, *c. 18. 19.* Sane huius nominationis capitis, *Legis* inquam *decimariæ* immunitas Nauiculariis Orientis datur iustissima ratione, utpote frequentantibus maritimos commercatus, quibus ideo nil imputari potest si liberos non suscipiant, utpote quorum vita sâlo iactatur, neque domi consistant. Tandem sublata *hac lex Iulia Papia decimariæ* partim in sp. saltem *l. 124. supr. de Decurionib.* in totum a Theodosio Iun. per Orientem

d. l. 2. (ex qua l. 2. desumpta lex 2. Cod. Iust. de iure liber. cuius etiam legis 2. meminit lex vltim. supr. de legis. heredit.) & l. 3. supr. de iure liber. At non & ab Honorio per Occidentem, ut docet *lex vlt. supr. de iure liber.* posterius enim id factum.

5. Quintum priuilegium est, Fori, ut ne Nauicularii Orientis ad extraordinarium iudicium seu forum euocari etiam ex rescripto Principis possint, verum ut agentibus, in suo foro (nempe ubi consistunt) respondeant. Scilicet rescripto Principis, petente aliquo ex litigatoribus, quandoque iusta de causa ad extraordinarium Iudicem iis trahebatur: de quo est *lex 2. supr. de off. Iudicum omnium*: quæ hoc ipso Anno 334. data est, *lex 9. supr. de iurisdic. l. 4. §. de denunc. vel edit. rescript. l. 1. supr. de dilat. (seu lex 2. Cod. Iust. eod.)* quibus addatur & Paulus *5. sent. tit. 5. §. 1.* At enim Constantinus M. pro priuilegio, Nauiculariis Orientis id tribuit, ut ne ad extraordinarium Iudicium suum extra forum suum, conuenti etiam rescripto, trahi possint: Quomodo & Sacerdotibus, & Curialibus id priuilegium datum, ne ultra terminos propriæ ciuitatis iubeantur sui exhibere præsentiam: *l. 60. supr. de Decurionib.* imo quomodo idem Constantinus M. hoc ipso Anno 334. pupillis, viduabus, morbo fatigatis & debilibus simile priuilegium dedit, ut ne rescripto Principis, ad Comitatum Principis ex foro suo extrahi possent: *d. l. 2. supr. de off. Iudic. omn. seu l. vnic. Cod. Iustin. quando Imperator*: cuius postremi rationem hanc reddebant Græci, quod inhumanum esset huiusmodi personas *συνδικουσαι τὰς ὁδοῖς*, id est, vexari & fatigari itineribus, quo pertinet & quod dicitur *l. vlt. infr. de Episcopali iud.* Quæ ipsa ratio huic Nauiculariorum priuilegio subternenda est, vltimo fine adhuc addito, ne aliquiannonæ urbicæ detrimentum capiant. Porro priuilegium istud ad p. 66. causas ciuiles coarctatur. In criminalibus igitur Nauicularius ad extraordinarium Iudicem trahi potuit.

6. Sextum commodum est *Epimetri* quod Nauiculariis Orientis deservit *hac leg.* Constantinus M. scilicet ut quaternas Centesimas in frumento consequantur: Nempe *Epimetri loco* & pro *diametris*, id est, pro intertrimento frumenti, quod ex Oriente Constantinopolim subuehitur, *pour la descale, pour le deschet*: scilicet circa frumentum publicum susceptum versantibus, pro diametro (quod necessario incurritur, antequam id tradatur vel perferatur) aliquid dabatur, ut dispendium istud sarciretur ad exemplum Nauiculariorum Alexandrini Stoli, ut docet *hac leg. & lex 1. infr. de frum. Alex. Nauiculariis Orientis*, de quo est *hac lex*: Nauiculariis Africanis, de quo est *lex 36. 38. infr. hoc tit. & lex 3. & 5. infr. de naufragiis* (ac proinde, in vniuersum de huiusmodi Centesimarum Nauiculariis tributatum *Epimetro*, sunt *hoc Codice sex leges*;) pariter ut aliis susceptoribus specierum quæ huiusmodi intertrimento obnoxie sunt, aliquid *Epimetri loco* dabatur: puta Suariis, de quo est *l. 4. infr. de Suariis*, & susceptoribus, & aliis *l. 3. 14. 15. 21. supr. de susceptorib.* etiam redituum domus Principis, *l. 11. supr. de iure fisci*: (ut proinde vnde cum constitutiones *hoc Codice* de his *Epimetris* in vniuersum occurrant.) Modus porro *Epimetri* huius varius fuit, pro itinere scilicet & longinquitate itineris, ut docet *lex 21. supr. de suscept.* Alexandrino sane stolo, seu Nauiculariis Alexandrinis datæ quaternæ Centesimæ, id est, quatuor libræ in Centum libras frumenti: Quod ipsum Nauiculariis Orientis a Constantino *hac leg.* tributur: cum tamen Africanis Centesimæ tantum datæ fuerint, *l. 36. & 4. 38. infr. hoc tit.* pariter ut susceptoribus annonæ Alexandrinæ, *l. 3. supr. de susceptorib.* & aliis susceptoribus aridorum fructuum, *d. l. 14. 15. supr. de sus-*

de suscept. vel etiam Quinquagelima, aut Quadragelima, d. l. 21. *supr. de suscept.*

7. Postremum commodum est *Salarii*, superiori proximum; quod Nauiculariis Orientis per singula millia frumenti, quæ Constantinopolim subueherent, (ex Alexandrinæ videlicet ciuitatis conditis, vt docet *lex 32. infr.*) singulos solidos præberi iubet. Quod nullis aliis Nauiculariis præbitum reperio. Quod tamen postea translatum videtur ad Alexandrinos & Carpathios, l. 32. *infr.* Et sane tum ex principio, tum ex fine legis colligitur satis, instituto, vt existimo, nunc primum a Constantino in Orien-

te nouo, huic corpori Nauiculariorum ad annum Urbis Constantinopolitanæ, ita illum prouidere voluisse, quò videlicet priuilegiis animarentur; atque inter cætera eo, quod nihil peno de suis facultatibus expendere cogerentur. Tandem ex his colligitur, pro commoditate Urbis Constantinopolitanæ, Constantinum & nouum in Oriente Nauiculariorum Corpus constituisse, & priuilegiis commodisque omnibus ornatum & auctum iuisse, quæ Africanis, quæ Alexandrinis iamdudum competebant: imo etiam in nonnullis, maioribus.

VIII. (a) Idem A. ad Seuerum. (b)

NAUICVLARIOS Hispaniarum, neque ad extraordinaria (c) teneri officia, neque alicubi retentos moras sustinere oportet, sed Relatorias traditarum specierum intra decem dies a Susceptoribus percipere. Cumque ad aliquas Insulas, Portus, (d) Litora, Stationes (e) accefferint, ostensis Relatoriis nullam prorsus inquietudinem sustinere. Dat. xiv. Kalend. Iun. Nepotiano & Facundo Coss. (336.)

NOTÆ.

- (a) Abest hæc lex a *Cod. Iustin.* Concordat vero huic gemina-germana eiusdem Constantini *lex 4. supra*, & altera *lex 5. supr. GOTHOF.*
- (b) *Seuerum* hunc Magistratum Hispaniarum fuisse satis vel ex ipsa *leg.* colligi posset. Sed enim eum *Comitem Hispaniarum* fuisse exerte docent trium aliarum constitutionum Inscriptiones *hoc Codice*: puta l. 2. *supr. de fide test.* l. 5. *supr. de donat.* l. 3. *supr. de maternis bonis.* ID.
- (c) Extraordinaria officia hic: extraordinarium onus, d. l. 4. *supr.* vbi vide quæ dixi: aliud munus, l. 5. *supr.* IDEM.
- (d) Hæc tria, *Portus, litora, stationes*, pariter ita coniunguntur l. 2. *supr. de litorum & itin. cust.* IDEM.
- (e) *Stationes*, nauium scilicet. ID.

COMMENTARIUS.

ANGARIARI naues & nauicularios Hispaniarum, nominatim eos, qui species (fiscæ videlicet) subuexerint, vetat rursus Constantinus M. hac *leg.* pariter vt gemina-germana l. 4. *supr.* vbi plura dixi, & quidem etiam de Nauiculariis Hispaniarum. *Angariari*, inquam, (id est, ad aliud munus, vt dicitur l. 5. *supr.* vbi vid. quæ notauimus: ad extraordinarium onus seu officium) cogi: siue in ipso loco, vbi species tradiderint, siue in reditu transeuntes in Insulis, stationibus, litoribus, ad quæ accefferint. Quæ & ipsa sententia est Constantini *tertia constit.* circa nauicularios omnes per Orbem terrarum, l. 5. *in fin. supr.* eademque est l. 9. *inf.* Denique retineri eos vetat, moramque iniici: quæ vtique de facili iniiciebatur, interea dum vel relatoriæ his non dantur, in loco ad quem species pertulerunt, vel exhibe in loco per quem in reditu transeunt, non inspicuntur: *Relatoriæ*, sunt apochæ, seu securitates (vt vocantur l. 21. & 26. *infr. h. t.*) quæ nauicu-

lariis dabantur, peracto officio perlatisque speciebus ab iis, qui species susceperant, ceu a susceptoribus, vt vel hac *lex* satis ostendit: quibus denique fides peracti a se officii fiebat, d. l. 26. & suscepti oneris, (a susceptore videlicet) d. l. 21. *Relatoriæ* ideo dictæ, quia eas pro delatis traditis speciebus inuicem referebant, seu *reportabant*, qua voce vtitur non semel d. l. 21. & 26. non vt quidam censent, quia his relatio fiebat traditarum specierum. Igitur huiusmodi Relatorias nauiculariis tradere iubentur susceptrores intra decem dies, neque vltiorem moram his obicere: Quæ temporalis decem. P. 67. dii præscriptio notanda: Nempe spatium hoc decendii & ipsi ferme Nauicularii perlatis speciebus, domum redituri capiebant, ad reficiendam forte nauem, & apparatus nauticum. Item ostensis istis Relatoriis, in reditu statim a Litorum, per quæ transibant, custodibus dimitti iubentur, vt hac *leg.* ita & d. l. 5.

IX. (a) Imp. CONSTANTINVS A. & Iulianus Cæs. Olybrio P. V. (b)

NVLLAM vim oportet Nauicularios (c) sustinere, delegatas (d) species annonarias transferentes, nec concussiones perpeti, nec aliquod (e) genus incommodi, sed venientes ac remeantes omni securitate potiri: decem auri librarum multa proponenda his,
Tom. V. K 2 qui

qui eos inquietare temptauerint. Dat. Kal. Iun. Rom. (f) Constantio IX. & Iuliano Cæs. II. Coss. [357.]

NOTÆ.

(a) *L. 3. Cod. Iust. cod. tit. GOTHOF.*

(b) Romæ. Quamquam videtur hic reponendum *Orphiti P. V. normen*, qui sane hoc Anno P. V. fuit, vt docet Ammianus *lib. 16. cap. 10. & l. 2. supr. de Gladiatorib.* Olybrius enim demum sub Valentiniano P. V. fuit. *ID.*

(c) Naucleros, *Cod. Iust. ID.*

(d) De hac *delegandi* voce vid. *Glossar. ID.*

(e) Aliud quod. *ID.*

(f) Vid. *infr. in Commentario. ID.*

COMMENTARIUS.

ANGARIARI, CONCUTI naucularii a Constantio vetantur, species annonarias transferentes, vel iis translatis remeantes, in itu & reditu: *Angariari* (quod & ipsum iam tribus constitutionibus a Constantino M. vetitum *l. 4. vbi vid. quæ notauimus, §. 8. supr.*) id enim est quod vult Constantius, cum eos nullam vim sustinere oportere præcepit, nec aliquod genus incommodi perpeti, item *venientes & remeantes omni securitate potiri*: Item *concuti*; quod & ipsum prohibitum ab Honorio, *l. 29. 36. & 37. infr. hoc tit.* nempe variæ prædæ in hos sæpe agebantur a Iudicibus & Apparitoribus, vt docet *d. l. 37. vbi dicam.* Igitur securam vndique ἀναγκή καὶ καθολική, nauculariis hac leg. parat: siue onustas annona naues adducant, siue e portu soluant. Similiter & naues nauclerique merces transferentes a concussionibus, vindicantur, *d. ult. supr. de litorum & iun. cust.*

Porro pertinet hæc constitutio ad Annonam Urbis Romæ, & Naucularios ei seruientes, vt ostendit ipsa Inscriptio legis: inscribitur enim *Præfesto urbis*: tum subscriptio, dicitur enim hæc *lex, Data Romæ*: vbi hoc tempore Constantius agebat; quod præter Ammianum *lib. 16. cap. 10. Themistium orat. 13. Symmachum relat. ad Valentin. ep. 54. lib. 10. Hieronymum in Chronico*, Auctorem *Chron. Alex. pag. 682. Edit. Raderi.* Consularia *Idaciana*, docet quoque subscriptio legis *5. supr. de Numerariis.* Illud tantum miror, Datam hanc *Kalend. Iun. Romæ*: cum tamen diserte Ammianus scribat Constantium *IV. Kalend. Iun.* inde digressum, trigesimo postquam eo venerat die. *Pæna* observanda pecuniaria decem librarum auri: cuius loco capitalis placuit Constantino M. in *sp. l. 5. supr. Valentiniano Iun. cum proscriptione bonorum l. 17.*

X. (a) Impp. VALENTINIANVS & Valens AA. ad Ampelium

Proc. (b) Africæ.

NAVICULARIOS Africanos, qui idonea publicis dispositionibus (c) ac necessitatibus ligna conuectant, priuilegiis concessis dudum, † rursus augemus. Dat. III. Id. Mart. (d) Hadrianop. Diuo Iouiano & Varroniano Coss. [364.]

NOTÆ.

(a) Abest hæc lex a *Cod. Iustin. GOTHOF.*

(b) *Ampelius* (postea P. V.) Proconsul Africæ: Ammianus *lib. 28. cap. 4. Post hunc, urbem vexit Ampelius, cupidus ipse quoque voluptatum, Antiochie genitus ex Magistro officiorum, ad Proconsulatum genitum, indeque multo postea ad Præfecturæ culmen euectus.* Meminit quoque Himerius Sophista apud Photium *Cod. CLXV. pag. 354. Ed. Schotti* Ampelii Proconsulis, eiusque filii. *ID.*

(c) *Dispositionibus*, ite est, prouisionibus: vid. *Glossar. ID.*

† A quo? *ID.*

(d) *77. Maii*: Neque enim adhuc Hadrianopoli mense Martio erat Valentinianus; verum decurrente demum ad finem mense Aprilis, & mense Maio: vid. *Consul. Theod.* Et certe hoc ipso die III. Id. Mai. datæ Hadrianopoli *lex 8. supr. de cohortal. l. 58. supr. de Decurion. l. 9. supr. de exactionib.* quæ vltima data ad Dracontium Vicar. Africæ. *ID.*

COMMENTARIUS.

VALENTINIANI Sen. constitutiones quatuor sequuntur *hoc tit.* de Nauculariis, vt & *lex alia prox. titulo de prædiis Nauculariorum, & vndecima, l. 2. infr. de naufragiis*: Quæ Valentiniani studium arguunt, consulendi annonæ urbicæ, pari instituto quo de *Pistoribus*, multa constituit: de

quo, *tit. de Pistorib. infr.* PRIVILEGIA Nauculariis Africanis, qui ligna nominatim ad necessitates, vt puta Urbis Romæ, conuectabant, dudum concessa, rursus confirmat *hac leg.* Valentinianus Senior, A. D. 364. initio Principatus sui. Qua parte de tribus videndum est.

P. 68. Primo obseruandum, ex Nauiculariis, (& quidem Africanis,) quosdam lignorum conuentioni ad necessitates Urbis Romæ obnoxios fuisse: Quod etiam ostendit altera eiusdem Valentiniani constitutio (sexennio ferme post lata,) puta *lex 13. infr. hoc tit. ex qua & illud apparet, ad lauacrorum, seu Thermarum necessitatem hæc ligna subuecta*. Id ipsum etiam ostendit Symmachus *lib. 10. epist. 58.* ubi agens de mancipibus Salinarum, qui & ipsi lignorum functioni obnoxii erant (de quibus *suo titulo, infr. de mancipibus Thermarum:*) ad paucos redactis inter cætera, *Urgente; inquit, defectu, Nauicularios æque lignorum obnoxios functioni, ad parem sollicitudinem vocare ceperunt, ut utriusque Corporis cura coniuncta indiscretum munus agnosceret. At illi nonnullos de turmalibus suis tradere maluerunt, quam in societatem tanti oneris conuenire. Itaque factum est, ut iidem uolentibus certi homines Mancipibus iungerentur, &c.*

Secundo obseruandum, non omnes Nauicularios isti functioni lignariæ obnoxios fuisse, verum certo tantum quodam numero, e corpore illo delectos: cuiusmodi sexaginta deputantur, *d. l. 13. infr.* cuiusmodi etiam nonnulli a Nauiculariis traditi certi homines, in specie quam tractat Symmachus *superiore loco*.

Tertio obseruandum, ex Africa ligna subuecta

Romæ idonea publicis dispositionibus & necessitatibus.

Quarto notandum, hisce nauiculariis Privilegia quædam dudum concessa fuisse, iam olim, verum ea nunc rursus confirmari a Valentiniano; proculdubio quia eis adempta fuerant, & quidem a Iuliano Imp. Nam & alia quamplurima hoc ipso Imperii sui principio Valentinianus explosa Iuliani nouitate iuxta priscum morem restitutum iuit, ut docet vel *lex 10. supr. de erog. mil. ann. l. 9. supr. de exactionib.* (quæ & ipsa 111. Id. Maii Hadrianopoli pariter data, pariterque ad Africæ Magistratum.) Item *l. 6. supr. de Medicis & Profess. l. 4. supr. de Legat. lex 1. infr. de priuil. Corporat. V. R.* quæ huic omnino argumento responder: ea quippe Valentinianus privilegia, quibus pro reuerentia Urbis Romæ varia hominum corpora, vel priscarum legum cautione, vel antecedentium Principum humanitate aucta fuerant, pariter confirmat, vel etiam si in aliqua parte titubassent, restitutum it. Quod huic leg. omnino conuenit; sicque ex utraque colligere licet, Iulianum Corporatorum Urbis Romæ necessitatibus seruientium privilegia imminutum iuisse, & in his quidem Nauiculariorum: Valentinianum ea restituisse, ut ita Urbicæ utilitati consulere: cui non melius consultitur quam per privilegia, iis, qui utilitati isti consulunt, concessis.

XI. (a) Idem AA. ad Symmachum (b) P. V. (c)

QUISQUE ex nauiculariorum corpore, defugiens solita munia, ad honores indebitos uenit, in corporis sui consortia reuertatur; &c. (d) Dat. III. Id. Ian. (e) Med. Valentiniano & Valente AA. Coss. [365.]

NOTÆ.

(a) Absent & hæc *lex. a Cod. Iust.* Iungenda huic, *lex 2. infr. de præd. Nauic. GOTHOF.*

(b) Pater hic est eius Symmachi, qui & ipse Ann. 384. seu vicennio post, P. V. fuit, & cuius Epistole hodie extant: De quo mox plura. *ID.*

(c) Romæ. *ID.*

(d) Quæ sequuntur *d. l. 2. ID.*

(e) *Iun. d. l. 2.* alterutro error. *ID.*

COMMENTARIUS.

REPARATIONI Corporis Nauiculariorum hac leg. Valentinianus Sen. incumbit: Nempe, Nauicularios, qui ad honores indebitos conscenderunt, ad Nauiculariorum Corpus retrahi iubet hac constitutione sua: cui iungenda ceu eiusdem constitutionis pars *lex 2. infr. de prædiis Nauicular.* Quibus duabus inter se coniunctis id in uniuersum, agit Valentinianus, ut & personas Nauiculariorum quæ munia solita defugerant, ad Corpus Nauiculariorum retrahat, quæ huic *l. sententia est:* & forte etiam ex parte *legis 3. in pr. infr. de præd. Nauicul.* item ut res seu patrimonialia Nauiculariorum, quæ in extraneos transierant, ad corporis Nauiculario-

rum ius retrahantur, quæ *d. l. 2. sententia est:* Nempe Nauiculariorum Corpus debilitatur, & vero hac tempestate duplici hac ratione debilitatum fuerat: & personis, & rebus alio translatis: Quod utrumque reuocat Valentinianus Sen. Urbicæ annonæ & utilitati consulendi studio: quod inter hæc imperii sui initia variis constitutionibus similibus professus est, ut docent *leges eius de Pistoribus*, quæ similia his continent: Idque ad suggestionem Symmachi P. V. cui hæc *lex* inscribitur: de quo Ammianus *lib. 27. c. 3. testis*, quod eo instante *urbis sacratissima otio COPIOSQUE abundantius solito frui sit.*

XII. (a) Idem AA. (b) ad Demetrianum PF. Ann. Afric. (c)

SI quis Nauiculariorum, ex Nostræ Perennitatis indulto, fori translationem potuerit optinere, fructu careat imperati: Circa sceminarum vero personas Veterum statuta teneantur, ut in quibus foris antiqua eas dispositione constet adscribas, illic nauiculariū one-

ris munus agnoscant: Vt enim in litibus causisque priuatis fora easdem sequi conuenit maritorum, ita in publicis necessitatibus originis debent seruare rationem. Dat. Prid. Id. Maii, Triu. (d) Valentiniano NB. P. & Victore Coss. [369.]

NOTÆ.

- P. 69. (a) Iungenda huic *lex 2. infr. de naufragiis*: quæ eidem *Demetrianus* inscribitur, & ad idem argumentum pertinet: subscriptio tantum variat. GOTHOF.
 (b) Addatur & tertium *Gratiani A.* nomen, vt sane etiam additur *d. l. 2. ID.*
 (c) *Prefectus Annonæ Africæ* peculiaris fuit: veluti *Demetrianus* & *Amabilianus l. 2. 3. supr. hoc tit.* Denique peculiaris *Prefectus Annonæ* (Vrbis Romæ destinatæ) in Africa fuit: quod etiam ostendit *lex 36. 38. infr. hoc tit. ID.*
 (d) *Ac. Aquil.* (ita enim γρ.) *Lesla Aflis*: ita habet subscriptio *d. l. 2.* quæ hic addenda. ID.

COMMENTARIUS

VBI, seu QVO LOCO, QVO FORO, Nauicularii, & Nauiculariæ, Nauicularium munus agnoscere debeant, hac *Constit.* definit *Valentinianus Sen. Ann. D. 369.* nempe ibi, vbi antiqua dispositione adscripti sunt, siue de viris, siue de foeminis agatur: nulla translatione vel mutatione inducta, aut per rescriptum, aut per coniugium. Scilicet Nauicularii fori translationem impetrare prohibentur ex rescripto Principis, & si impetrauerint, Rescriptum nullius momenti est. Fori translationem, id est, vt alibi conueniantur, teneantur, & respondeant, nauiculariæ functionis nomine, quam vbi olim adscripti fuerunt: Id enim per forum, & fori translationem, hic accipiendum est, quod sequens caput de foeminis clare ostendit. Forum est, non tantum in quo quis priuato nomine conuenitur, vel ob delictum, quo sensu communiter forum cuiusque, forique præscriptio dicitur: verum vbi quis ob publicas necessitates conuenitur, ibique publicas functiones subire cogitur. Nihil igitur hac *lex* pertinet ad eam fori translationem, qua quis extra forum suum trahitur rescripto Principis, vt aduersario respondeat, de quo dictum, *l. 7. supr.* Ergo ibi nauiculariam functionem subire Nauicularius cogitur, vbi adscriptus iam olim est: ne videlicet alioquin confusio stationum, Corporumque generetur, atque ita vilitas publica destituatur,

obtentu huiusce translationis: quam nonnulli sæpe affectabant, vel priuata aliqua ratione, vel amulatione, vel odio: Ergo neque rescripto Principis fori translatio hæc recte fit.

Imo (quod secundum caput de foeminis) neque *Coniugio*: Nempe, etsi in litibus causisque priuatis mulieres forum maritorum sequantur (quod vulgatum est, de quo etiam *l. 7. supr. de iurisdic.*) attamen publicarum necessitatum, functionum, & munerum alia ratio est: scilicet foeminae horum respectu, maritorum forum non sequuntur, verum originali suo foro semper respondent, hac *leg. & l. vn. C. Iust. de mulierib. & in quo loco munera sexui congruentia vel honores agnoscant: l. ult. §. 3. D. ad municipal.* Denique alia ratio est litium causarumque priuatarum, vt aperte hæc differentia hic proponitur, alia publicarum functionum: Harum respectu, mulierum forum non mutari publice interest: illarum ratione mutari coniugii nexus & vinculum deponit, domicilium enim mariti, domicilium matrimonii est, *l. 5. D. de ritu nupt.* Publicarum inquam functionum, quæ modo patrimonii sunt: Alioquin quantum ad publica munera, seu honores, quæ personis coherent, & horum quoque respectu mulier incolatum & forum mariti sequitur. Quæ duæ differentie notandæ sunt.

XIII. (a) Idem AA. (b) ad Olybrium P. V. (c)

SICUT olim (d) de Lintheonibus (e) & Nauiculariis Diuus Constantinus instituit, ita nunc ex omnibus (f) sexaginta ad præsentis (g) necessitatis teneantur inpenfas. (h) Quos tamen idoneos & communis dilectus (i) adseruit, & facultatum inspectio conprobauit, & sententia Tuæ Sublimitatis adstrixit. Quibus, si quem aut necessitas fatalis, aut inopia repentina, aut aliquis casus inuiderit, ex vocationibus (k) obnoxii oportebit idoneum subrogari: Sed sollicita inspectione prospiciatur, ne a quoquam amplius postuletur, quam necessitas exigit (l) lauacrorum, vel instituta iamdudum forma præscribit. Dat. IV. Non. Decembr. Triu. Valentiniano NB. & Victore Coss. [369.]

NOTÆ.

- (a) Abest & hac *lex a Cod. Iustin.* GOTHOFRED.
 (b) Et huic *leg.* addendum Tertium *A.* id est, *Gratiani Augusti* nomen. ID.
 (c) *Olybrius P. V.* Romæ sub *Valentiniano Sen. v. Profopogr.* ID.
 (d) Ita omnes Editiones, *Tiliana, Cuiciana, Lugdunensis*: in *Parisiensi* postrema, errore editum enim, pro olim. Et sane huic respondent mox illa, ita nunc. ID.
 (e) An *Lintrionibus*? qui iidem sint cum *Lintrariis. Lintrarius, Lintrio*: vt *Lintrarius, Linteo*? De co. mox. ID.
 (f) Lin.

(f) Lintrionibus & Nauiculariis. ID.

(g) Lauacrorum: vid. *fin. leg.* ID

(h) An operam? an collationis? ID.

(i) *Delectus.* ID.

(k) *ꝑꝑ. ex vacantibus*: de quomox: Quid si, aut vacatio ex omnibus obnoxiiis. ID.

(l) *Exigit.* ID.

COMMENTARIVS

DE LIGNORVM functione, ad lauacrorum seu Thermarum Vrbis Romæ vsum, est hæc Valentiniani Sen. constitutio, de qua fuit iam *supra* altera l. 10. vbi plura de hac functione, quæ sane Nauiculariis incumberebat: Eam vero iunctim incubuisse Mancipibus Salinarum & Nauiculariis sua tempestate ostendit Symmachus lib. 10. ep. 58. de Mancipibus, quoque testis eiusdem Valentiniani constitutio ad eundem Olybrium P. V. leg. vnic. *infr. de mancip. therm.* Hac vero tempestate & Nauicularios & Linteones, ex Constantini M. instituto ad hanc lignariam functionem obnoxios fuisse hæc lex testatur: vbi mirum, *Linteones* Nauiculariis hanc ad rem sociari: cum Linteones, seu Lintearii fuerint opifices vestis lineæ contextendæ ad Principum vsus, sub Comite S. L. vt docet lex 8. 16. iuncta l. 6. *supr. de Murilegulis*: quibus, quid commune esse potuit cum Nauiculariis? Illud, inquam, mirum. Quare, fuit tempus cum crederem, hic *Lintriones*, seu *Lintrarios* reponendos, qui scilicet lintres exercebant: Nauiculariis proximi: *Lintriones* inquam; quomodo *Linteones*, & *Lintearii* promiscue dicuntur. Sed tamen nil temere hic mutem. Vt vt sit, Constantini M. institutum hac in re sequitur Valentinianus *hæc leg.* Constantini M. cæteroquin institutorum sequacissimus: vt docent tot aliæ eius leges: veluti lex 4. *supr. de Legatis*: lex 17. 18. *supr. de Prætorib.* lex 1. *supr. de secundo lapsu*: l. 4. *infr. de Suariis*: l. 13. *infr. de Pistoribus*: lex 2. *supr. de legit. hæredit.* lex 1. *supr. de natural. fil.* l. 5. *supr. de relation.*

Ergo quatuor de his, de Lignaria hac functione *hæc leg.* constituit Valentinianus. Primum, de Numero eorum: nempe iubet 60. ex omnibus Linteonibus & Nauiculariis ad præsentis necessitatis impensas teneri, quod ipsum a Constantino institutum fuerat. Secundo de eorum *Delectu*: nempe communi Linteonum & Nauiculariorum delectu eligendos, quomodo sane in hoc ipso argumento Symmachus P. V. d. epist. 58. ait, *Nauicularios a Mancipibus ad parem sollicitudinem vocatos, nonnullos de turmalibus suis tradidisse*: & sic iis volentibus certos homines, Mancipibus iunctos, denique sui Cor-

poris adiudicatos assensu. Et quidem deligendos idoneos facultatibus sententia Præfecti Vrbis accedente, quæ huic functioni adstringantur: quomodo sane in hoc ipso rursus argumento Symmachus P. V. d. epist. 58. ait, *Gestasse disceptantæ confecta, quibus voluntas Nauiculariorum nonnullos Mancipibus deputauit.* Tercio de *subrogatione*: Deinceps scilicet, subrogandos in deficientium ex his 60. locum idoneos ex *Vacantibus obnoxiiis* (ita enim hic lego:) Ita rursus Symmachus, in hoc ipso argumento, d. epist. 58. ait, *cum Mancipes Salinarum ex magno numero ad paucos redacti, necessitatis publicæ motem ferre non possent, delata supplicatione meruisse, vt hi qui decreti atque excusati antea fuerant redderentur, & ex aliis Corporibus seu Vacantibus, iusta supplementa incunctanter acciperent.* (Itaque Nauicularios æque lignorum obnoxios functioni, ad parem sollicitudinem vocare cœpisse:) *Vacantes* hi, *otiosi*, dicuntur l. vnic. *supr. de Mancipibus*, (quæ ad hoc ipsum argumentum & nominatim ad epist. 58. Symmachi pertinet) *Quicunque vel rescripti aduersus veteres sanctiones subreptiuâ defensione munitur, vel de minusculis corporibus, aut certe otiosis idoneus adprobatur, functione Mancipatus est addicendus.* Vacui vocantur l. 3. *infr. de Naufragiis*, in simili prorsus argumento. Et quia *Ordinem vestrum ampliari etiam hominum adiectione gaudemus, quoscunque Vacuos publico inueneritis officio, in complexum vestri Ordinis adplicate.* Postremum est de *Modo* impensarum: nempe non amplius a quaquam postulandum, quam necessitas lauacrorum exigit, vel instituta iamdudum forma præscripsit. Nempe, hinc colligitur, maiorem lignorum molem per concussionem quorundam Romæ exactam ab his, quam iustum esset, quamque Thermarum publicarum necessitas Romæ exigeret. Cuius superexactionis Valentinianum Olybrius P. V. commouerit. Olybrius inquam: *calumniarum* (& sic calumniosarum exactionum) *acerrimus infestator, iustorum distinctor & arbiter plenus, in subiectis admodum temperatus*: quo inter cætera elogio eum persequitur Ammianus Marcellinus lib. 28. cap. 4.

XIV. (a) Imppp. Valentinianus, VALENS & Gratianus AAA. ad Modestum PF. P. (b)

IVXTA eum tenorem, quem a Diuo Principe Constantio, data Mäsoniani (c) clarissimæ memoriæ PF. P. executione, constat esse roboratum, intra Orientales (d) Prouincias nauiculariorum corpus impleri iubemus. Ea videlicet statutorum ratione seruata, vt per Eminentiam Tuam numerus nauiculariorum designetur, tam intra Orientem, (e) quam intra Ægyptiacas partes, (f) qui præsentis possit intentione (g) compleri: Excusandis (h) videlicet, pro denum millium modiorum luitione (i) quinquagenis numero iugis in annonaria (k) præstatione dumtaxat: ita vt vestes adque equi, (l) cæteræque canonicæ (m) species, ab indictione eadem non negantur. (n) Ad conficienda vero competentia nauigia Prouincialibus cunctis primitus materiæ postulentur: reparationem deinceps

ceps per singulos annos hifdem nauiculariis ex concessa iugorum immunitate curaturis. Eorundem autem nauiculariorum, ex fide, nobis nomina, loca, substantiæ nuntientur, breuibus duplici ratione conscriptis: quot videlicet de veteribus, quotque sint & quales recenti adfocietate (p) delecti. His autem nauiculariis qui fuerint instituti, seruari priuilegia Africana (q) decernimus, ita vt facultatibus propriis, per succedaneas hæreditatum (r) vices, perpetuo sint obnoxii functioni. Et (s) sunt Corpora, de quibus nauicularii ex Indictione Quinta (t) decima constituendi sunt, iuxta sacram iussionem. Ita: (v) Ex Administratoribus, cæterisque Honorariis viris (præter (x) eos qui intra Palatium Sacrum versati sunt) de cœtibus Curialibus, & de veteribus idoneis (y) Nauiculariis, & de ordine Primipilario, & de Senatoria dignitate: vt (z) si qui voluerint, freti facultatibus, consortio nauiculariorum congregentur. Dat. III. Id. Febr. Constantinop. Gratiano A. II. & Probo Coss. [371.]

P. 71.

NOTÆ.

- (a) Abest hæc lex a Cod. Iust. GOTHOFRED.
 (b) Modestus sub Valente Imp. PP. Orientis, vt vlex argumento huius leg. colligere est: vbi agitur de Oriente & Ægypto: vid. de eo Prosopogr. ID.
 (c) γρ. Musoniano. Musonianus hic PP. Orientis fuit sub Constantio. Ann. 354. vt docet lex 5. supr. de cursu publ. & A. 356. lex 2. supr. de Legatis. Meminit quoque eius Ammianus Marcellinus in Gestis Anni 355. lib. 15. extremo: & Ann. 356. lib. 16. cap. 9. Interim hic reponendum Musoniano, vt dixi. IDEM.
 (d) De Nauiculariis Orientis fuit quoque Constantini M. lex 7. supr. erit Theodosii Iun. lex 32. infr. Hic vero Orientales Prouinciæ complectuntur, non tantum Orientem seu Orientis Diocesim, verum etiam Ægyptiacas partes: pariter vt inter Orientis Prouincias, Valentis αὐτοκρατορ Sext. Rufus Festus Ægyptum connumerat in Breuiar. cap. 13. ID.
 (e) Orientis Diocesim intelligit: de qua ad d. l. 7. supr. ID.
 (f) Partes Ægyptiæ, pro Diocesi Ægyptiaca: pariter vt Ægypti partes, l. ult. infr. de Episcopoli iudicio. Illyrici partes, l. 25. supr. de petition. seu Illyricianæ l. 49. infr. de operib. publ. Italix partes, l. 15. infr. de Episcopis: Orientis partes, l. 3. supr. de milit. veste: l. 3. infr. de fide Cathol. Suburbicarix partes, l. 12. supr. de extraord. mun. Alias etiam, partes pro tractu quouis: l. ult. supr. de Curiosis. IDEM.
 (g) An intentioni? præsentis intentioni, pro, ad præsentem intentionem? An indictione? vt mox infra, ab indictione eadem. ID.
 (h) Immunitibus habendis. ID.
 (i) Luitione, id est præstatione: vid. Gloss. ID.
 (k) Annonariorum specierum: hoc sensu annonæ, & annonaria præstatio. ID.
 (l) De vestium, & de Equorum collatione, vid. tit. de Egorum collat. & tit. de militar. veste. ID.
 (m) Prima Tiliiana Editio, & Cuiaciana & illa in Quarto, habebant Canonica, vnde recte fecerunt in Editione Parisiensi Canonica. ID.
 (n) γρ. Non negentur. ID.
 (o) γρ. nauigii, id est, nauigia a Prouincialibus. ID.
 (p) Adfocietas, pro adfociatione: Ita & adcorporandi vox apud Ammianum Marcellinum lib. 16. cap. 8. ID.
 (q) Africanorum Nauiculariorum priuilegia in exemplum trahuntur, ad Orientales, & Ægyptiacos hac leg. vt vice. uersa Ægyptiacorum commoda ad Orientales, l. 7. supr. ID.
 (r) An hereditarium? de eo mox. ID.
 (s) Malebat Iuretus in Symmachum lib. 10. ep. 58. Et sicut corpora. Ego vero ita γρ. Hæc sunt Corpora, &c. Sequitur enim Breuis Corporum, vnde Nauicularii constituendi: Cuiusmodi breues aliis quoque legibus subditi: veluti l. 2. supr. de excusat. Artific. ID.
 (t) Id est, Anno D. 372. v. quæ semel dixi de Indictionibus tit. de Indulg. deb. ID.
 (v) Interpungendus ita locus, iuxta sacram iussionem, ita: Ex &c. ID.
 (x) Id est, exceptis iis: vt l. 7. infr. de scenicis: præter Circense certamen, id est, excepto Circensi certamine: Nisi altera interpretatio, quam ibi tento, magis placeat. ID.
 (y) Idonei. ID.
 (z) Et si quis. ID.

COMMENTARIUS.

DE REPARATIONE Corporis Nauiculariorum, id est, de REPLENDO Corpore Nauiculariorum, qui ad paucos redacti fuerant per Orientales Prouincias, per Orientis, inquam Diocesim (de quibus fuit lex Constantini 7. supr.) & per Ægyptum, est hæc Valentis Imp. constitutio:

Reuocato exemplo Constantii Imp. & Musoniani PP. de quo iam in Notis dixi, cuiusque semel atque iterum meminit Ammianus Marcellinus, in rebus Constantii. Ad supplendum igitur Corpus defectum Nauiculariorum, non vna ratione consultum it Valens.

Primum

Primum scilicet *Numerum* Nauculariorum sufficientem tam intra Orientem, quam intra Egyptum, designari iubet a Modesto PP. qui scilicet sufficiat subuchendæ annonæ, siue expeditionali ad castra limitanea: siue Constantinopolitana: incertum enim, quo potissimum collineet Valens, quamquam illo potius inclinem, propter ea quæ mox de vestis & Equorum, militarium scilicet collatione dicuntur. Porro, ut ex hac leg. ita & l. 27. *infr.* apparet, Præfectis Prætorio reparationem classium, seu Corporis Nauculariorum impositam.

Secundo *Immunitate* Naucularios prouocat: nempe quinquaginta iuga immunia iis fore constituit, pro totidem decem millibus modiorum subuectis, translatis. Immunia, inquam, ab annoniarum specierum præstatione, frumento, vino, tritico, hordeo; hæc enim proprie *annonaria* præstatio dicitur: at non etiam ab aliis Canonicis & ordinariis speciebus seu tributis, puta vestium & Equorum collatione: quorum usus ad rem militarem. De veste fuit *supra*, lib. 7. *titulus de militari veste*: Vbi videnda nominatim eiusdem Valentis lex 3. eidem Modesto Præfecto Prætorio inscripta: vbi etiam indicatur modus istius collationis vestium per *Egyptum & Orientis partes*: nempe vnius vestis seu chlamydis militaris pro triginta iugis: & sic pro quinquaginta iugis (quorum hæc leg. mentio fit), vnius chlamydis & duarum Tertiarum; quam & ipsos Naucularios Valens hac leg. soluere iubet. De Equorum collatione fuit etiam *supra*, lib. 11. *tit. 17. de Equorum collatione*, & *titulus 23. lib. 7. de oblatione Equorum*: item *titulus, qui a præbitione tyronum & equorum excusentur*: qui quidem ad vltim armorum exigebantur, etiam a Nauculariis, quod præter hanc leg. docebit rursum lex *prox. 15. infr.* vbi plenius.

Tertio *huius leg. capite* Nauibus ipsis prospicitur; & per eas Nauculariis: Nempe distinctione facta inter primam earum ædificationem & reparationem; scilicet ad conficiendas eas *materiam* conferri iubet Valens ab omnibus Prouincialibus: de qua *Materia* (ut & lignorum & tabulorum) collatione videnda quoque lex *15. 18. supr. de extraordin. mun. videnda & lex 55. D. de legat. 3.* At enim Nauculariis reparationem earum iniungit, ad quod sufficere possit immunitas superior iugorum his tributa. Hæc ita Valens: At enim Honorius Nauculariis nauium exædificationem iniungit l. 28. *infr.*

Quarto capite Valens iubet ad se referri nomina Nauculariorum, sedes seu loca, & fortunas eorum: & quidem duplicibus Breuib: quorum vno veterum Nauculariorum nomina contineantur: altero

nouorum & suppletorum. Quinto capite, *Præi-legia*, quæ Africanis Nauculariis in Occidente compete-bant, Nauculariis Orientis tribuit: de quibus l. 7. *supr.*

Hæc conditio (quod Sextum caput esse potest,) ut perpetuo sint nauculariæ functioni obnoxii propriis facultatibus, per succedaneas vices hereditatum: *hereditatum*, quæ vox retineri potest, hoc sensu: ut Naucularii, quique eorum hereditatem, facultates adepturi sunt, eam functionem subire cogantur, per succedaneas hereditatum, & hæc p. 78. dum vices. Nisi putemus id potius indicari his verbis, quod l. 6. *supr.* nempe per vicissitudines rite seruatas naucularios cursus impleri oportere: ut forte rescribendum videatur, per succedaneas *hereditatum* vices. *Hereditas*, id est, functioni obnoxii: hinc scilicet *hereditas* naualis, pro nauali functione l. pen. & *ultim. infr. de prædiis Naucular. ad præiudicium* igitur *οἱ ναυανδρῆτες τῆς ἀπέσεως ναυτικῆς*: non aliter quam *διασώται* apud Gaium l. *ultim. D. de Collegiis & corporib.* & Harpocracionem voc. *διασῶς*: *οἱ ναυανδρῆτες τῶν διασῶν*. Verum nil temere muto.

Postremo capite, *Breuis* seu Index & Notitia continetur eorum Corporum, e quibus Naucularii adscisci possunt: nempe 1. ex Administratoribus & cæteris Honorariis seu Honoratis Viris, qui scilicet codicillos honorum imaginarios assecuti sunt: de quibus *supr. tit. de honor. codic.* quibus in commune si quid extraordinarium occurreret, indicii solitum: Eoque etiam pertinet, quod recensensus Nauculariorum per singulas Prouincias Honoratis incumberebat ex Theodosii M. lege 22. *infr.* Excepti tantum inter Honoratos ii (quod hac leg. additur) qui in sacro Palatio meruerunt: Quod privilegium addendum est cæteris, quæ continentur peculiari titulo, *de privilegiis eorum qui in S. Palat. mer.* Item Naucularii allegi potuere ex Decurionibus, & ex veteribus Nauculariis, qui idonei essent; item ex Ordine Primipilario, seu ex Primipilaribus: de quibus *suo tit. supr. lib. 8. de cohortalibus, Principibus, Corniculariis, Primipilaribus*; item ex Senatoribus, si qui velint freti facultatibus consortio Nauculariorum congregari, id est, adsociari. Ex quibus apparet, quam hac tempestate Senatoria dignitas viluerit: e contra, in quantum Nauculariorum conditio functioque creuerit, non tantum ob Equestrem dignitatem eis collatam, de quo l. 16. *infr.* quam etiam Senatores amplecti voluerant, verum propter summa videlicet eorum privilegia, vnde & facile honorarios altiorum dignitatum codicillos impetrabant, ut docet proxima lex 15.

XV. (a) Imppp. GRATIANVS, Valentinianus & Theod. AAA. ad Hesperium PF. P. (b)

QVISQVIS nauculariorum (c) Codicillis optauerit ornari, præbitioni equorum intelligat se esse subdendum. Acc. XII. Kal. Aug. Constantinæ, (d) Auxonio & Olybrio Coss. [379.]

NOTÆ.

(a) Abest hæc lex a Cod. Iust. GOTHOF.

(b) Italix, ut docet lex 11. *supr. de lustrali*: & Symmachus *epist. 73. Ro. lib. 1.* de quo ad d. l. 11. *supr. de lustrali*: in qua & Africa sub eo, ut probat lex 34. *supr. de cursu publ.* quæ data est An. 377. Si modo Inscriptio non falsit. ID.

(c) Ambigua constructio. An, *Quisquis Nauculariorum, Codicillis optauerit ornari?* An *Quisquis, Nauculariorum Codicillis*, &c. Mox dicam. ID.

Tom. V.

L

(d) Quæ.

(d) *Quenam hæc Constantina? An in Numidia Cirtensium: cuius Constantine Cirtensium iam mentio sit Ann. 340. leg. 29. supr. de Decurionib. An Valeria? cuius Constantine siue Constantia etiam mentio sit in Notitia Imperii fol. 168. Prius verius, argumento Inscriptionis, quia hæc lex inscribitur Hesperio PP. (Italica scilicet, sub quo Africa fuit) Similiter dicitur Accepta Constantina lex 9. supr. de susceptorib. quæ ad Dracontium Vic. Africæ data est. Accepta igitur hæc lex fuerit Constantina, quæ ea transmissa ad Hesperio: Si Africam quoque eius Præfectura complexa est. Alioquin videri possit Constantina Valeria, (cuius mentio in Notitia) unde hanc leg. Hesperius acceperit, constituto ibi Gratiano Imp. ID.*

COMMENTARIUS.

CODICILLIS ornati Nauicularii ad equorum præstationem teneri iubentur hæc leg. a Gratiano Anno Dom. 379. *Codicillis inquam ornati*, id est, qui honorarios Codicillos dignitatum impetrarunt. Ita enim lex hæc intelligenda est. Scilicet Nauiculariorum fauor hac tempestate in tantum creuit, vt non tantum ipsis Equestris Ordinis dignitas a Constantino & Iuliano Imp. delata fuerit (quod docebit lex 16. infr.) rursus, vt non tantum Senatores nonnulli consortio huic congregari vellent (quod docuit lex prox. 14. supr.) verum etiam codicillos altiorum dignitatum a Principe nonnulli ex his impetrarent. Absoluta scilicet *Codicillorum* appellatione, hæc leg. honorarii codicilli, seu codicillares dignitates, significantur; pariter, vt l. 1. supr. de honor. codicill. Igitur & huiusmodi Nauicularii codicillis huiusmodi honorariis donati, denique honorarii (vt vocantur l. 14. supr.) ad equorum præstationem tenentur, pariter cum cæteris Honorariis. Nempe in orbe Romano qui honorarios dignitatum codicillos adepti fuerant, variis & extraordinariis collationibus subiaciebant, veluti Tyronum, l. 15. supr. de Tyron. l. 13. supr. de Agentibus in rebus: & equorum (ad promptius instru-

endum vsum armorum) vt præter hanc legem docet lex vnic. supr. de oblat. equorum: lex 3. supr. de proximis Comitib. dispos. l. 2. supr. de priuilegiis eorum qui in sacro Palat. l. 2. supr. de Decurionibus & Silent. l. 138. supr. de Decurionib. Quomodo & a Curiosis per Africam equi collati, quod docet lex 29. supr. de annona, & l. 2. supr. de priuilegiis eorum qui in S. Palatio. A qua quidem collatione nonnulli Honorati seu Honorarii, qui Codicillos honorarios impetrauerant, immunes erant; nempe inter cæteros ii, qui actu aliquo & obsequio Palatino, intra Palatium Principis functi erant, vt in specie trium ex dictis postremo loco quatuor legibus. Quod quidem priuilegium inter cætera est eorum, qui in S. Palatio militabant. At enim aliam rationem Nauiculariorum hic esse iubet Gratianus.

Illud interim monendum, si in huius leg. subscriptione Constantina Numidie ciuitas est, tum ad Nauicularios Numidie ea pertineret, & equos Numidie, vbi præstantissimi erant: de quo vide & l. 29. supr. de annona & tributis: l. 2. supr. de cohortibus: & veterem Orbis descriptionem sub Constantina me vulgatam c. 52.

P. 73.

XVI. (a) Idem AAA. Corpori Nauiculariorum. (b)

DELATAM vobis, a diuo Constantino + & Iuliano, ++ Principibus æternis, Equestris Ordinis dignitatem, nos firmamus. * Quod cum ita sit, si quis, (c) contra interdicta innumerabilium Sanctionum, † corporali vos iniuria pulsare audeat, nisi (d) qui digna expiatione est luiturus aurum (e) inmanis admissi, (f) apparitione quoque sua vitimo supplicio deputanda. Cuius monitio hanc debet sollicitudinem sustinere, vt Iudices praua forsitan indignatione (g) succensos ab inlicitis tempestiua suggestione deducat. Huic ** illud additur, Ne, qui certum ordinem, ex nostra definitione, retinet, (h) is vlli vos alteri hominum generi hære vereamini, nec timeatis vos Ciuitatum municipibus (i) innecti. Ex nullo itaque nexu, nulla causa, nulla persona Decurionum vos obsequia contingunt: cum præsertim præcis Constitutionibus, † quarum series Orationis (k) paginis antelata (l) est, magis illud inualuisse perhibeatis, vt plerumque & ordinarios (m) Curiales nauiculariorum sibi necessitas vindicaret. Quod *** vero ad negotiationis commodum aduehendæque merces spectat ac respicit, in eo solers cura competentium Iudicum providebit, vt obtentu nominis vestri non passim ac sine consideratione negotiatorum lateat (n) inmunitas, nec (o) ipsi, dudum † delati, beneficii priuilegiis fruæque fraudemini. Dat. VIII. Id. Febr. Triu. Gratiano V. & Theod. I, AA, Coss. [380.]

NOTÆ.

(a) Absæta Cod. Iust. Iungenda ei lex 3. infr. de naufragiis. GOTHOF.

(b) Affrorum. Nam ita diserte habet inscriptio d. legis 3. infr. de naufragiis: (quæ huic iungenda est:) *Nauiculariis Afris salutem. ID.*

+ Constantini constitutio notanda, quæ Equestris dignitas Nauiculariis tributa. Vide quæ tento ad l. 3. infr. de infirm. his quæ sub Tyran. Altera pariter, Constantini constitutio allegatur & confirmatur d. l. 3. infr. de naufrag. quam huic coniungendam dixi. ID.

[† Iuliani Constitutio obseruanda, qua Equestris dignitas Nauiculariis delata. ID.

* Secundum caput huius legis. ID.

(c) Iudex scilicet, ut apparet etiam ex prox. Vers. apparitione. ID.

† Constitutiones innumerabiles, quibus vetitum Equites Rom. vel Nauicularios quæstioni subicere, nota. ID.

(d) An quisquis is? An forte insigni dignaque, vel nisi iniquo digna, &c. nisi forte supr. secunda linea pro si quis repomamus ne quis. ID.

(e) 79. ausum inmanis admissi, Virgiliana imitatione Æn. VI. v. 624. Aus omnes immane nefas, ausoque positi. Sic leg. 2. infr. de his qui super Religione: Ausus grauis atque damnavilis. ID.

(f) Hæc vox in Tiliana, Cuiaciana, Lugdunensi editionibus extabat: in vltima Pariensi errore interceiderat IDEM.

(g) Ita pariter in eadem re l. 6. supr. de quæstionibus: indignatio cognitorum. ID.

* Tercium caput huius leg. ID.

(h) 79. compulsis literis retinetis: quod quidem etiam monuit iam Doctiss. Iuretus in Symmachum lib. 10. ep. 58. p. 305. Edit. Paris. 1604. in 4. qui tamen minus penso consilio hunc leg. ad eius epistolæ speciem trahebat. ID.

(i) Id est, Decurionibus: vide Paratilon de Decurion. ID.

† Constitutiones priscae, quibus ex Curialibus Nauicularii sæpe adsumi iubebantur, notandæ. ID.

(k) Oratio hic est querela, communi Nauiculariorum nomine apud Imp. vt mox illa probant, illud inualuisse perhibeatis. ID.

(l) Antelate Constitutiones orationibus, relationibus, precibus: de quo fufe alibi. ID.

(m) Ferri debet, neque mutandum cum, ordinario. ID.

** Quantum caput huius legis, de Immunitate Nauiculariorum a Iustiali collatione & vectigali seu portorio, IDEM.

(n) Patent. ID.

(o) Ne ipsi. ID.

† Constitutio antiqua obseruanda, qua Immunitas Nauiculariis tributa a Iustiali collatione & vectigalibus. ID.

COMMENTARIUS.

PRIVILEGIA & IMMUNITATES quatuor Nauicularis (& quidem Afris, vt docet coniunctio legis 3. infr. de naufragiis:) ad eorum Orationem, seu querelam, ad se vna cum variis constitutionibus anteriorum Imperatorum pro tuendis priuilegiis suis, emissam, hac Constitutione sua Gratianus confirmat, singulas iam antea superiorum Principum constitutionibus delatas: pariter vt alia priuilegia tribuuntur d. l. 3. quam huic coniungendam dixi. Ex quibus inter se coniunctis apparet, quam enixo studio Gratianus Nauiculariis consulum iuerit, & quidem ad eorum querelas, cum eorum priuilegia nonnulli ludicum imminutum vel labefactum irent, eosque nimio plus pragruatos, vellent: vt proinde hæc lex sit rescriptum ad Orationem & querelam Nauiculariorum.

Primum priuilegium, hac leg. comprehensum, est Equestris dignitatis, quam iam antea a Constantino & Iuliano Nauiculariis delatam confirmat: de qua Equestri dignitate fuit supr. tit. peculiaris penult. lib. 6. Nempe Senatorio Ordini dignitas hæc proxima fuit, qua decorati Nauicularii fuere. Tantum scilicet fauorem Nauicularii meruere: imo tantum, vt & ipsi Senatores huic consortio si vellent adgregarentur: l. 14. in fine supr. In tantum rursus, vt Honorarios codicillos altiorum dignitatum quandoque impetrarent, l. 15. supr. Omnibus sane in commune Equestris dignitas tributa, iam a Constantino & Iuliano, quorum tamen constitutiones ipsæ super hac re non extant.

Porro vt Equestris istius dignitatis multa *περὸν* fuerunt, de quo ad l. unic. d. t. de Equestr. dignitat. ita (quod secundo capite huius leg. continetur) inter cetera & istud erat, vt ne Corporali iniuria pulsare auderent. Quod Nauiculariis hic etiam aptatur: Corporali iniuria, quæ scilicet a P. 74. ludicibus indignatione succensis proficiscitur, vt hac leg. quoque indicatur, id est, a Quæstione seu tormentis: quo sensu corporales iniurie quoque dicuntur l. 6. supr. de quæstion. & l. 10. supr. de fide testium: quo item sensu dicitur d. l. 6. supr. de quæstion. Nihil sibi despectens a iustitia indignatio cognito-

rum intelligat licere. Igitur Equites Romani, & Nauicularii proinde, a quæstione immunes fuere. Sane Valentiniani Sen. quoque l. vn. supr. de Equestri dignit. Equites Romanj, hoc priuilegio donantur, vt eos Corporalium iniuriarum & prosecutionum formido non vexet. Quamquam ibi malit quis Corporales iniurias accipere de muneribus personalibus corporalibus, & operis extraordinariis, argumento eius quod de immunitate a prosecutionibus iunctim additur: de quibus supr. tit. ne opere a Contumacibus exigantur: quod non existimo. Atque vt hac constitutionis Gratianæ parte Nauicularii in totum a quæstione liberantur, ita & altera parte, (puta d. l. 3. infr. de naufragiis:) modus adhibetur circa quæstionem de Nautis. Porro ludici poenam grauem minatur, verbis etiam atrocissimis ex Virgilio mutuatis, Gratianus, si Nauicularius quæstioni subiectus fuerit: vt & Apparitori, qui ludicem non cohibuerit: scilicet (quod elegantur hic dicitur) Apparitorum monito hanc debet sollicitudinem sustinere, vt Iudices parua forsitan indignatione succensos ab incitis tempestita suggestione deducat. De quo est etiam l. vn. si quacunque pradi, potest, & l. 59. supr. de appellat.

Tertio capite Gratianus Nauicularios quod verebantur, a Curiali nexu liberat, id est, vetat eos in Curiam allegi, & ad Curialia munera vocari, solique nauiculariæ functioni adstringi: argumento etiam ducto a Veteribus constitutionibus, quas Nauicularii Orationi suæ & precibus ad Gratianum adiecerint (vti mos erat.) ex quibus apparebat contrarium, nempe necessitate urgente ex Curialibus potius ordinariis (iis qui iam in Ordinibus Curiarum constituti, qui actu municipibus tenentur obnoxii l. 137. supr. de Decur.) Nauicularios adsumptos: quod etiam docuit Constantini M. lex 5. & 14. supr. & docebit lex 19. & 25. infr. & l. 134. & 149. supr. de Decurion.

Postremo capite Gratianus Immunitatem veterem Nauiculariorum negotiantium a Iustiali collatione & vectigali firmat: quod priuilegium pri-

cis admodum datum : de quo *tit. suo de lustrali collat.* & vero solis Nauculariis rursus datum l. 23. & 24. *infr. hoc tit.* Inter hæc tamen, quia facile hoc obtentu Nauculariis aliis negotiantibus, mercesque subuehentibus, mantelum & latebram obtendere poterant, & vero obtendere visi fuerant, Iudices monentur sollicitè prouidere, ne id fiat : non ideo tamen propter hunc abusum (quod

quidam volebant, sua immunitate priuandos credidit Naucularios Gratianus : Nempe ut beneficio suo ita potiri quisque debet, ne eo fraudem publico faciat : ita versa vice non ideo beneficio suo quis fraudandus venit, quod fraudem ipse facere possit. Quæ huius leg. sententia & cautela est. Eademque prorsus in hac ipsa re Honorii Imp. d. *lex 24. infr.*

XVII. (a) Idem (b) AAA. ad Principium PF. P. (c)

OMNES Nauculariis, per omne æuum, ab omnibus oneribus & muneribus & Conlationibus, & oblationibus, subleuentur, cuiuscumque loci fuerint, vel dignitatis. Et quicumque contra istam fecerit legem, seu custos Litorum, seu vectigalium Præpositus, (d) seu Exactor, vel Decurio, seu Rationalis, vel Iudex cuiuscumque Prouinciæ exhibitus, sublati vniuersis facultatibus suis, capitali sententiæ subiugetur. Dat. XII. Kalend. Maii, Aquil. Honor. NB.P. & Luodio Coss. [386.]

NOTÆ.

- (d) Transcripta hæc *lex* e Constantianea l. 5. *supr.* GOTHOF.
 (b) 77. VALENTINIANVS Theodosius & Arcadius. ID.
 (c) Italiæ, vid. l. 12. *supr. de Murikegulis.* ID.
 (d) Vectigalium Præpositi, hæc *leg.* & l. 5. *supr.* ID.

COMMENTARIUS.

DE IMMUNITATE Nauculariorum est hæc plenissima Valentiniani Iunioris constitutio : quam ex Constantianea l. 5. *supr.* totidem pene

verbis in nomen suum transcripsit : poena ~~prescripti-~~ onis insuper addita.

XVIII. (a) Imppp. (b) Valentinianus, THEOD. & Arcad. AAA. Alexandro PF. Augustali. (c)

IVDÆORVM Corpus, ac Samaritanorum, (d) ad nauculariam functionem non (e) iure vocari cognoscitur : Quidquid enim vniuerso corpori videtur (f) indici, nullam specialiter potest obligare personam : Vnde, sicut inopes, vilibusque commerciis occupati, nauculariæ translationis munus obire non debent, ita idoneos facultatibus, qui ex his Corporibus deligi poterunt, ad (g) prædictam functionem haberi non oportet immunes. Dat. XII. Kalend. Mart. Constantinop. Valentiniano A. IV. & Neotherio Coss. [390.]

P. 75.

NOTÆ.

- (a) Absent hæc *lex* a Cod. Justin. & ab Ecclesiasticis Annalib. Baronii. GOTHOFRED.
 (b) 77. Idem Imppp. qui superiore scilicet l. 17. ID.
 (c) Alexander Præf. Augustalis, id est Ægypti, seu Alexandrinus. ID.
 (d) De his suo titulo, *infr. de Iudeis, Caliculis & Samaritanis.* ID.
 (e) Vox hæc perperam a nonnullis abundare creditur, & ideo expungitur. ID.
 (f) Id est, indicitur.
 (g) Vel potius, a prædicta functione. ID.

COMMENTARIUS.

IVDÆOS & SAMARITANOS, facultatibus idoneos, tantum ad Nauculariam functionem vocari posse definit hæc *constitutio*. Theodosius M. at non

etiam totum Corpus eorum, atque ideo non inopes, vilibusque commerciis occupatos. Scilicet totum Iudæorum & Samaritanorum Corpus ad hanc

hanc functionem vocandum nonnulli censebant: verum id improbat Theodosius M. velut non iure factum: quia scilicet, toti Corpori hac functione indicta, nulla specialiter persona obligaretur, atque adeo fieri posset, ut inopes etiam vilibusque commerciis occupati, contra ius & æquum, ad nauiculariam functionem vocarentur: quare satius esse, non totum Corpus obligari, verum idoneos tantum facultatibus deligi: Quæ Theodosii M. inter alias in Iudæos & Samaritanos humanitas fuit: quam & duabus aliis constitutionibus testatam fecit, l. 8. & 9. *infr. de Iudæis*, aduersus quorundam iniurias & nimeratem. Humanitatis itaque Theodosianæ in Iudæos & Samaritanos argumentum & istud est, quod Iudæorum inopum rationem habuerit: qui vilibus ferme commerciis occupati erant. Quare noluit is totum Iudæorum & Samaritanorum Corpus ad nauiculariam functionem vocari, ea, qua dixi, ratione. Alia certe ratione aliquando Nauicularii a Mancipibus Salmarum ad parem sollicitudinem vocati, ut vtriusque Corporis cura coniuncta indiseretur munus agnosceret, nonnullos tantum de turmalibus suis tradere maluerunt, quam in societatem tanti oneris conuenire; & sic certi homines mancipibus iuncti fuerunt, Corporis assensu, quod refert Symmachus lib. 10. *epist. 58*. Nempe ut ita Corpus hac molestia semel liberaretur, atque hac ratione redimeretur. Quæ iam alia ratio est.

Interim de Iudæis, præter huius leg. functionem duo in hac leg. obseruanda obiter. Primo hanc leg. pertinere ad Iudæorum & Samaritanorum Corpus in Ægypto & Alexandria, utpote cum ea inscribatur *Alexandro Præfeco Augustali*. De quo Alexandro Præfeco Augustali est quoque Libanii *Epist. ad Africanum 800*. *Ἐπὶ δὲ ἀδικήτων μὲν παρ' ὑμῖν, ἀδικήτων δὲ ἐν Αἰγύπτῳ, δεόμεθα σε καὶ περὶ τῶν δευτέρων, ἵνα τὰ μὲν ἰσχύῃ ψήφῳ, τὰ δὲ δι' ἐπιστάτης, ἧς ἐλθέσης πῶς*

πρὸς τὸν ἀρίστον Αλέξανδρον, ἔσται τὶ τῷ Πέτρῳ μακρὴ καλὸν, ἡμῶς δὲ σε ἐπ' αὐτοῖς ἐπαρνεσόμεθα, id est, Quoniam autem tum apud vos, tum in Ægypto iniuriam patitur, oramus te pro utroque, ut alteri quidem tuo calculo medearis, alteri vero per literas, quæ si ad optimum Alexandrum peruenerint, bene illic etiam Petro erit, nos vero te ob utrumque laudabimus.

Ad eundem extant eiusdem Libanii plures in Codice Regio Epistolæ: puta, *epist. 272. 289. 669. 734. & in Edit. Wolfii ep. 285. 302. 682. 758*. Ad rem. Ad hos eosdem Alexandrinos Iudæos pariter pertinet lex Arcadii 2. *supr. de his qui ad Eccles. confug.* verum qua occasione postea Ann. 415. & 416. a Cyrillo Iudæi, qui magno numero erant, Alexandria pulsi fuerint, videndus Socrates lib. 7. *cap. 13*.

Secundo notandum, quod de Iudæis & Samaritanis dicitur, eos inopes ferme scilicet, vilibusque commerciis occupatos hac tempestate quoque fuisse. Id vero est quod post Iudæam subactam & Hierosolymis euerhis, illi ferme fuere & mendici, & vilibus commerciis occupati: quod testantur Martialis lib. 12. *epigr. ad Sparsum 57*. Iuuenalis *Satyra 3. v. 14. & Sat. 6. v. 542. 543*.

A matre doctus, inquit Martialis, nec (cessat) rogare Iudæus.

Hic pariter *dist. versib.* & mendicantes representat, & in cophino scænoque supellectilem eorum, & mulierculis fata sua exponentes, & inculta loca syluas conducentes, colentes.

Postremo loco notandum, hac constitutione, quam omisit Baronius, Annales Ecclesiasticos augeri deinceps posse: ex qua videlicet patere potest, quo loco Iudæorum res tum fuerint, & apud Theodosium M. Christianissimum cæteroquin Principem, quo item loco Alexandriæ. Sane Synesius quoque *epist. 4*. naus Ægyptiacæ casum, suumque adeo, enarrans, nautarum qui duodecim erant, dimidio plus numerum, ut & ipsum gubernatorem, Iudæos omnes fuisse scribit.

XIX. (a) Idem AAA. Tatiano PF. P. (b)

QVÆ de Nauiculariis & Curialibus ordinasti, maneat inlibata, atque perpetua: Sint perpetuo Nauicularii, quia qui merito esse debeant prouidisti: Ac si, cum obierint, subolem non relinquent, quique (c) ille in eorum facultatibus qualibet ratione successerit, auctoris (d) sui munus agnoscat; manebit vero in ordine Curiali, & ei filius in officium Curiale succedat: Nihil hic subripiendum (e) decerpere ambitio: (f) ipsa denique, si quoquo modo Annotatio (g) elicitæ fuerit, excludatur. Dat. VI. Id. Septembr. Veronæ (h) Valentiniano A. IV. & Neotherio Coss. [390.]

NOTÆ.

P. 76.

(a) Abest & *hec lex* a Cod. *Insp.* Eam indicare videtur Honorius l. 25. *infr. GOTHOFRED*.

(b) Tatianus sub Theodosio M. PP. Orientis: ut docet exerte l. 19. *supr. de extraord. v. Protopogr.*

IDEM.

(c) Id est, quisquis ille sit, qui, &c. ID.

(d) Eadem voce in eadem re vitur lex 8. *infr. de præd. Nauicul.* ID.

(e) Vel *subreptium*. ID.

(f) Ita locus hic interpungendus, non ut antea, *decerpere, ambitio ipsa, &c.* ID.

(g) Speciale Principis beneficium. ID.

(h) Ibidem data lex 28. *de Episcopis*: lex 122. *de Decur.* lex 1. *de Monachis*, ad eundem Tatianum PP. intra XVII. dies. Quibus addo & famosam, l. 12. *supr. de penis*: quæ intra 22. diem data ibidem. ID.

COMMENTARIUS

REPARATIO seu supplementum nauiculariorum ex CVRIA LIBVS factum a Tatiano PP. (vt sæpe fieri solitum & fieri potuisse iam tres aliae constitutiones ostenderunt, puta *lex 5. 14. & 16. supr.* & ostender adhuc *lex 25. infr.*) firmat hac constitutione Theodosius M. ita quidem vt & filii eorum, & qui in eorum facultates quoquo iure his mortuis succederent, ad idem munus teneantur,

& in ordine Curiali maneant: Adeo quidem, vt speciali Principis annotatione seu beneficio huic statuto nil decerpi possit. Ex hac interim lege, vt & *l. 4. infr. de naufragiis*, Tatiani PP. studium circa nauicularios & nauiculariam discimus: Quo nomine etiam eum inter alia commendat Libanius *epist. ad eum 790.*

XX. (a) Idem AAA. Hypatio PF. Augustali. (b)

EVM qui Agentum (c) in rebus militiam adeptus est, certis & debitis, (eatenus nauiculariæ inquietudinis suspicione (d) submota,) frui priuilegiis non vetamus, si nec genere nauiculariorum corpori cohæret, nec Nauarchiæ (e) obnoxias functioni retinet facultates. Dat. Prid. Id. April. Constantinop. Arcadio II. & Rufino Coss. [392.]

NOTÆ.

- (a) Abest hæc *lex* a *Cod. Iust.* GOTHOFRED.
 (b) Hypatius Præf. Augustalis sub Theodosio M. eidem inscribitur hoc ipso Anno & mense, V. Id. Apr. *lex 31. supr. quorum appellat.* & ante-nouennium *lex 27. cod. tit.* Eiusdem meminit & Farrago Alexandrina apud Scaligerum. ID.
 (c) De Agentibus in rebus fuit *supra, lib. 6. tit. 27. & 28.* ID.
 (d) Suspicionem, id est, metum. ID.
 (e) Nauarchiæ, id est, nauiculariæ functioni. ID.

COMMENTARIUS.

AGENS in rebus ad Nauiculariam functionem vocari non potest: nisi vel genere nauicularius sit, vel nauiculariæ functioni facultates obnoxias habet. Extra hos duos casus, ex Agentibus in rebus nemo ad nauicularium Corpus vocari potest: Quomodo alias (quæ dubitandi ratio erat) ex variis Corporibus Nauicularii adiungi poterant, veluti, ex Decurionibus, Honorariis viris, ex Primipilaribus &c. vt docent *lex 5. 14. 16. 19. supr. & 25. infr. hoc tit.* Verum hoc in censu non est schola Agentium in rebus, vtpote cum & ipsi iam cursui publico vacent, & peregrinationes obeant ad Principis obsequia: Agentes quippe missionibus Principis parebant, iisque a Principe negotii

alicuius executio iniungebatur, veluti Tributorum exactio, ad monendum etiam militem, ad literas Principis deferendas, & vicissim ad referenda acta publica & literas Magistratum: breuiter, Principis iussis obsecundabant, & in urbem vel ad Provincias publicæ necessitatis causa dirigebantur: vnde plenum *vigiliarum munus exercere* dicti; denique schola hæc Principibus maxime necessaria fuit: de quo consulendum plene *Paratitlon tit. de Agentibus in reb.* vbi & priuilegia eorum recensentur, quæ hic in genere indicantur. Caterum cohortalibus quoque & quidem Syriæ, post peractum laborem militiæ, eadem prærogatiua data, *l. 11. sup. de cohort.*

XXI. (a) Idem AAA. Apodemio PF. P. Illyrici & Afric. (b)

VNVSQVISQVE nauicularius nouerit, intra biennium aut securitatem suscepti oneris (c) reportandam, aut periculorum adprobendam (d) esse fortunam. (e) Dat. XV. Kalend. Mart. Constantinop. Arcad. A. II. & Rufino Coss. [392.]

NOTÆ.

- (a) Abest & hæc *lex* a *Cod. Iustin.* Hic autem admissum *αποδύσεσθαι* a Theodosiani Codicis Conditoribus: Nam hæc *lex* superiorem tempore præcedit. GOTHOF.
 (b) De hac Præfectura vide *Commentarium* mox. ID.
 (c) Oneris vox hic propria: vide *titulum infr. ne quid oneri publico imponatur.* ID.
 (d) Sustinendam, agnoscendam, subeundam. ID.
 (e) *L. 3. de Canone frum. V. R. l. 5. de naufrag.* ID.

COMMENTARIVS.

P. 77.

DE TEMPORE ἀνολκῆς καὶ καθολκῆς, & reportandis intra illud ΑΡΟΧΙΣ (quæ securitates hic vocantur, & l. 26. *infr.* Relatoriae in l. 8. *supr.*) perlatis videlicet a se oneris, seu perlatarum specierum fiscalium, est hæc Theodosii M. constitutio: pariter vt de Apochis his sunt *duæ* insuper illæ *leges*, puta l. 8. *supr.* & l. 26. *infr.* ex quibus videlicet fides fieri poterat, nauicularium probe species sibi delegatas seu commissas pertulisse: cuiusmodi Apochas a susceptoribus, id est, ab iis quibus species tradiderat accipiebat.

De huiusmodi Apochis varia constituta ab Imperatoribus. 1. Quando videlicet, & intra quod tempus post perlatas species susceptores Nauiculariis eas tradere debeant, nempe intra decendium, quo pertinet d. lex 8. *supr.* Item intra quod tempus eas exigere nauicularios oporteret, nempe intra annum, de quo erit d. lex 26. Tandem, intra quod tempus eas Nauicularii referre deberent, nempe intra biennium; quo spectat *hæc lex*. Ac proinde, qua celeritate vti Nauicularios oporteat in perferendis speciebus: denique quodnam TEMPS eis a die susceptorum a se specierum indulgeatur, ad ἀνολκὴν καὶ καθολκὴν, ad vltro citroque commeandum. Igitur biennium integrum Nauiculariis a Theodosio M. *hæc leg.* tribuitur: Quod tamen Constantino M. acceptum fert filius eius Honorius, d. l. 26. *Constantiniana legis*, inquit, *indulto*, quæ ex his ex die susceptorum specierum concluso biennio securitates reportare permittit. Ergo Constantinus M. huius laxamenti seu προθεσµίας Auctor fuerit: quod sequutus etiam Theodosius M. *hæc leg.* obliterato vel tacito hic Constantini nomine. Rationem autem cur hoc laxamentum Nauiculariis tributum fuerit? reddit Honorius d. l. 26. *propter aduersa hyemis, & casus fortuitos*. Et tamen mirum cui videri possit, tantum quoque spatium dari *hæc leg.* Nauiculariis Illyricianis, species Constantinopolim perferentibus, in tam propinquo sitis. Itaque videri possit *hæc lex* pertinere ad Nauicularios Africæ (cuius mentio fit, si modo) vitio caret, Inscriptio huius

leg.) de qua mox, vel ad Alexandrinos. Ergo biennium hoc integrum datum Nauiculariis, intra quod satis commode aduersa hyemis & casus seu moras fortuitas euitare potuerunt, & sic commodum tempus ad vltro citroque commeandum capere. Alioquin si diutius moras nexuerint, & quid periculi deinceps euenierit, id est naufragium passi sint, iam sibi imputare eos oportet: & vt loquitur *hæc leg.* Theodosius, *periculorum adprobare fortunam*. Negligentia denique suæ expensum ferat Nauicularius, qui tanto biennii spatio commodam nauigandi commeandique occasionem præterlabi passus est, & sic in periculum species coniecit, Biennium porro istud Honorius postea ita diuifit, vt distincte ἀνολκῇ priorem annum tribuerit, posteriorem καθολκῇ d. l. 26. vbi dicitur.

Non prætereunda vero est huius legis Inscriptio, Apodemio Præfetto Prætorio Illyrici & Africæ. Mira illa. Nam si de Orientali Illyrico id accipitur, nunquam idem PP. Illyrici & Africæ fuit; vtpote cum Africa Occidentali Imperio, ab Illyrico nimis seiuncta, accenseretur: si de Occidentali, Illyricum cum Italia & Africa ambulabat: si de vtroque iunctim Illyrico queritur (vt aliquando iuncta fuere) certe non cum Africa verum cum Italia sola ambulauit. Hinc adeo non tantum duobus proximis Annis 390. 391. Polemius PP. Illyrici & Italia dicitur l. 26. *infr.* de operib. publ. & l. 28. eod. tit. Flavianus pariter l. 13. *supr.* de pœnis: & l. 2. *supr.* de constit. Princip. l. 6. *supr.* de contrab. empt. Verum etiam idem hic Apodemius, vel PP. per Illyricum simpliciter vocatur hoc ipso Anno l. 12. *supr.* de legatis: vel PP. Illyrici & Italia Anno proximo l. 51. *supr.* de appell. Quare hoc iam argumento stare non possit istud, & Africæ. Accedat alterum, quod *hæc lex* Theodosio sit tribuenda, vt apparet ex subscript. *Dat. Constantinop.* atquin Africa non Theodosio, verum Valentiniano Iuniori, parebat, vt docet vel lex 3. *supr.* de fide & iure hæstæ. Quare vel reponendum hic, & Italia; vel solum legendum PP. Illyrici, abdicatis illis, & Africæ.

XXII. (a) Idem (b) AAA. Rufino PF. P. (c)

NAVICVLARIORVM vires, ac debitas huic necessitati origines, (d) in ipsis Prouinciis (e) Honoratorum fides lecta pensabit, mansurumque aliquid definiet, vel reuocando excusatos, vel debitos obligando: Quos, compositis omnibus, ad nos referre necesse est: scitu-ros, a nobis de suo iudicio iudicandum. *Dat. III. Non. Septemb. Constantinop. Theod. A. III. & Abundantio Coss. [393]*

NOTÆ.

(a) Abest & hæc lex a Cod. Justin. GOTHOF.

(b) Male: reponendi hi Imppp. Theodosius, Arcadius & Honorius. ID.

(c) Orientis. ID.

(d) Origines, id est, eos qui originis iure & nexu ad nauiculariam functionem tenentur. ID.

(e) Orientalibus, Ægypti. ID.

COMMENTARIVS.

REPARATIONEM seu RECENSVM Nauiculariorum ab Honoratis per singulas Prouincias

fieri iubet hæc Constitutio Theodosius M. Nempe cum ea tempestate partim quorundam Nauiculario-

lariorum vires, seu facultates, ad alios peruenissent, partim vero quidam ex Nauiculariis a nauicularia functione excusati, seu liberati fuissent, atque ita his duabus rationibus Nauiculariorum Corpus concidisset, rem eam ad animum reuocandam putauit Theodosius M. pro suo videlicet in annenam Urbis Constantinopolitane studio. Igitur Recensum vti dixi fieri iubet, sic vt excusati reuocentur: quomodo & Symmachus ad Valentinianum lun. Imp. refert lib. 10. epist. 58. Mancipes Salinarum impetrasse, vt qui suffragio vel ambitu excusati seu liberati fuissent, reuocarentur, & debiti seu nexi huic necessitati quacunque ratione (siue originis iure, siue quia nauiculariorum vires seu facultates possident,) obligentur: Atque ita mansurum ali- quid definiatur.

Vt autem id maiore fide fiat, duo constituit.

Primo, recensum hunc fieri iubet per singulas Pro- uincias ab Honoratis, quorum fides & industria le- sta fuerit; ab Honoratis scilicet ideo, vt opinor, quia periculum huius rei eos respiciebat: vtpote cum supplemenra Nauiculariorum ex Honoratis seu Ho- norariis Viris fieri solerent: quod docuit Valentis constitutio 14. *supr. hoc tit.*

Secundo Theodosius recensum, definitionem, & iudicium factum ab Honoratis ad se referri iubet, ne videlicet dicis gratia seu perfusorie, vel etiam ambitiose aut gratiose hic recensum fieret; atque ita, quod expresse ait, scirent Honorati de ipsorum iudi- cio Principem iudicaturum; seu in examen reuocatu- rum. Non melius scilicet fidem & officium alicuius in peragendo negotio adstrinxerit Princeps, quam si post eum se quoque iudicaturum denunciaret.

XXIII. (a) Idem (b) AAA. Rufino PF. P. (c)

S OLOS Nauicularios a vectigali praestatione immunes esse praecipimus: Omnes vero Mercatores teneri ad supradictam praestationem in soluendis vectigalibus, absque aliqua exceptione, decernimus. Dat. III. Id. Decemb. Theod. A. III. & Abundantio Coss. [393.]

NOTÆ.

(a) Et haec lex abest a Cod. Iust. GOTHOF.

(b) Quos superiori legi restituendos dixi. ID.

(c) Orientis. ID.

COMMENTARIUS.

IMMUNITAS Nauiculariorum negotiantium per Orientem, a vectigali seu portorio pro adue- ctis mercibus a Theodosio M. hac leg. sancitur: pariter vt a Gratiano per Africam l. 16. *supr.* & ab Honorio, l. 24. *prox. infr.* a vectigali inquam; qua appellati- one etiam lustralis collatio comprehendendi possit, a qua certe immunes fuere nauicularii negotiantes, d. l. 16.

Porro obseruandum, a Theodosio ἐν τῷς hac leg. hanc immunitatem tribui SOLIS nauiculariis:

(cum tamen & aliis, veluti Veteranis haec immuni- tas competierit. Item Clericis quadamtenus, de quo *supr. tit. de Veteranis*: & *tit. de lustrali collat.*) Tanto scilicet fauore Nauicularios profecutus est Theodosius M. studio annonae Constantinopolita- nae, vt solos hos in mercibus negotiantes a vecti- gali immunes esse voluerit: aequitate ipsa suadente, vtpote qui ipsi laboribus suis efficerent, vt merci- bus, & speciebus annonariis Urbs Constantinopo- lis abundaret.

XXIV. (a) Impp. Arcad. & Honor. AA. Prouincialibus Afric.

NE qua causatio (b) Vectigalium nomine relinquatur, hoc obseruari decernimus, Vt nulla omnino exactio Nauiculariis ingeratur, cum sibi rem gerere probabuntur, sed a praestatione vectigalium habeantur immunes. Dat. VII. Kalend. Iun. (c) Med. Olybrio & Pro- bino Coss. [395.]

NOTÆ.

(a) Abest & haec lex a Cod. Iust. nisi quod ex hac leg. compendiosa haec sententia exceptionis voce subtextu legi 6. Cod. Iust. de vectigalib. Exceptis Nauiculariis, cum sibi gerere rem probabuntur. GOTHOFRED.

(b) Causatio, id est, difficultas, dubietas, lis. ID.

(c) An Ien? vt l. 25. *prox.* ID.

COMMENTARIUS

HONORII Imperatoris tredecim constitutiones sequuntur de Nauiculariis, pro annona Urbis Romæ subinde laborantis. Inter cætera porro Honorii hac parte instituta & illud fuit, providere, ut ab vna parte sua Nauiculariis PRIVILEGIA constarent: ab altera vero, ne privilegiorum suorum obtentu Nauicularii fraudem facerent: Ad quod utrumque spectat *hæc lex*, quæ est de IMMUNITATE Nauiculariorum, & quidem Africanorum, negotiantium, a vectigalium præstatione: Quæ sane iam duabus legibus supra sancita fuit: a Gratiano *l. 16. sup.* & a Theodosio *M. l. 23. sup. prox.* Scilicet Provinciales Africæ (quibus *hæc lex*

inscribitur) apud Honorium *causati* seu conqueſti videntur de hæc Nauiculariorum immunitate, ac maxime quod Nauicularii aliis latebram & mantellum obtenderent. Honorius itaque remedium huic rei adferre *hæc l.* instituit; ita quidem ut & porro iubeat Nauicularios a vectigalium præstatione immunes esse, dummodo sibi rem gererent, id est, reuera pro se negotiarentur: quod Tribonianus *legi sua 6. Cod. Inst. de vectigalibus*, hinc subtexuit. Quæ ipsa prorsus cautela est, quam in hac re adhibuit Gratianus *d. l. 16.* fraudibus obuiam ire contentus, stante semper privilegio. De quo plura ad *d. l. 16.*

P. 79.

XXV. (a) Idem AA. Ennodio (b) Suo (c) Sal.

DE Nauiculariis & Curialibus aliquid sanxissimus, nisi Diui Patris (d) Nostri super his personis processisset auctoritas. † Dat. VII, Kalend. Ian. (e) Med. Olybrio & Probi-
no Coss. [395.]

NOTÆ.

(a) Iungenda huic leg. est *lex 149. sup. de Decurion.* Forte etiam *lex 141. 142. 143. 144. 145. d. tit. de Decurion.* itemque *lex 24. sup. de annona & tributis:* & *l. 53. sup. de appellationib.* ceteri dies alibi alius adscriptus. GOTHOF.

(b) Ennoio *d. l. 141. 142. 143. 144. 145. & d. l. 53. & d. l. 24.* & sic omnibus aliis legibus. ID.

(c) Proconsuli Africæ, ut docent quoque *leges illæ 141. 142. 143. 144. 145. & d. l. 53.* ID.

(d) Theodosii *M.* ID.

† Id est, constitutio: & intelligit *legem 19. sup.* ID.

(e) Pars & quidem potissima *legum*, quæ huic coniungendæ, habent *XVII. Kal. Iun.* vna habet *XII. Kal. Iun.* Præter *hanc leg.* altera, puta *lex 149. sup. de Decurion.* habet *VII. Kal. Iun.* *Lex 24. de ann. & tribut.* habet *XII. Kal. Iun.* ID.

COMMENTARIUS.

DE REPARATIONE seu SUPPLEMENTO Nauiculariorum, ex CURIALIBUS, Patris sui Theodosii *M.* constitutionem (ut puto *l. 19. sup.*) firmate mihi videtur Honorius, *hæc leg.* quæ pars est prolixa constitutionis Honorianæ ad Ennoium Proconsulem Africæ: qua Honorius in vniuersum utilitati consultum iuit Curiarum, & Curialium, ut docet *l. 141. 142. 143. 144. 145. sup. de Decurionib. lex 53. sup. de appellat.* Item Corporatorum, ut ostendit *lex 24. sup. de annona &*

tributis. Denique Nauiculariorum *hæc leg.* (cui coassandæ & committendæ sunt reliquæ illæ omnes) imo & *d. l. 149. sup. de Decurionib.* Et sic vno verbo trium Corporum in Africa Reipubl. utilissimorum utilitati ea constitutione consultum iuit Honorius: si modo omnes huic coniungendæ sunt. Certe ut *hæc lex* posita est, nihil ea ponit aut definit: quod inter vitia huius Codicis Conditorum pono.

XXVI. (a) Idem AA. Eusebio PF. P. (b)

COMPERIMVS Nauicularios (c) susceptas (d) species in negotiationis emolumenta conu-
tere, (e) eo quod abutantur Constantinianæ † legis indulto, quæ his ex die suscepta-
rum specierum concluso biennio securitates (f) reportare permisit. Quod nos quoque non
prohibemus, sed tantum sententiæ consultæ definitionis addimus, Ut (g) intra annum, quas
susceperint, inferant species, & eiusdem Consulis (h) securitates reportent, quæ etiam diem
inflationis edoceant. (i) Biennium autem propter aduersa hyemis & casus fortuitos in re-
portandis securitatibus non negamus, dummodo intra tempus superius designatum fides per-
acti constet officii: Quod ad omnium notitiam volumus peruenire, ut cognoscant, transmis-
sionem, vel traditionem intra annum susceptionis esse complectendam (k) Dat. X, Kalend.
Ian. Med. Arcad. III. (l) & Honor. III. AA. Coss. [396.]

NOTÆ.

- (a) *L. 4. Cod. Iust. cod. tit. Concordat huic lex 21. supr. GOTHOF.*
 (b) Italiz: cui hoc ipso Anno inscribitur *lex 7. supr. de censitoribus*: quæ fidem facit, cum PP. Italiz fuisse: & superiore Anno *lex 12. infr. de infirm. his qua sub Tyr. ID.*
 (c) *Naucleras*, Cod. Iust. *ID.*
 (d) Sibi delegatas, commissas. *ID.*
 (e) Cætera absunt a Cod. Iust. usque ad illa, *ut intra annum. ID.*
 † Constantini M. constitutionem observa: de qua iam quoque ad *l. 21. supr. ID.*
 (f) *Securitates* hic & d. *l. 1. at. id est, Apochæ: relatoriz, l. 8. supr. ID.*
 (g) *Ideoque decernimus ut intra annum, &c. Ita Τελῶν. ID.*
 (h) *Eiusdem Consulis*, hæc recidit *Τελῶν*: de quo mox. *Eiusd. consul. id est, anni. ID.*
 (i) *Ut intra alterum annum eis reddantur, a quibus species prestate sint*: ita *hanc leg. concludit Τελῶν*. cæteris refecatis. *ID.*
 (k) Defendi possit: *Quamquam probabiliter tentare quis posset, complendam: ut l. 2. supr. de conditis in publ. borr. quam omniscanon fuerit completus. ID.*
 (l) *γρ. ἢ. ut etiam habetur in nonnullis Edit. Cod. Iust. Par error in l. 2. supr. de condit. in publ. borr. ID.*

COMMENTARIUS.

DE TEMPORE ἀνολκῆς καὶ καθολκῆς, est hæc Honorii constitutio, pariter ut Theodosii M. *lex 21. supr.* Quæ quatuor insuper, præter ea inquam quæ dicta *l. 21.* continentur, completitur.

Primum quidem Historicum est: nempe quod spatium istud seu tempus a Constantino M. Nauculariis primum indultum fuerit: cuius alibi mentio non extat, imo cuius mentionem suppressit Theodosius *d. l. 21.*

Secundo, *causam* huius spatii indulgendi continet, nempe propter aduersa hyemis & casus fortuitos: quod ad *d. l. 21.* iam in antecessum excusimus.

Tertio, indicat hoc spatium seu laxamento temporis abuti coepisse Naucularios, in rem suam: Nempe, cum biennium iis indultum fuisset ad reportandas Apochas, seu Relatorias (ut vocantur *l. 8. supr.*) traditarum a se Susceptori specierum, susceptas species in negotiationis emolumentum interim conuertebant: scilicet, cum satis esse putarent, si intra biennium has securitates referrent, species interea sibi commissas, quam tarde possent reddere: & sic medio hoc tempore species in negotiationis emolumentum conuertebant: forte enim frumenta indigentibus priuatis venundabant, mox viliori pretio aliunde coemptis modulationem sibi commissam replebant, sicque sub finem ferme biennii demum tradebant, interpretii compendium sibi vindicantes: Cui similem nundinationem memorat Ammianus Marcellinus, *lib. 28. c. 7.* de Hymetio agens; Cum *Africam*, inquit, *Proconsule* regeret, *Carthaginensibus* victus inopia iam lassatis, ex *borreis Romano populo destinatis frumentum* dedit, pauloque postea cum *prorenisset segetum copia*, integre sine ulla restituit mora. *Verum quoniam* denis modis singulis solidis indigentibus venundatis, emerat ipse tricenos, interpretii compendium ad Principis ararium misit: Ideoque *Valentinianus* per nundinationem suspicatus parum quam oportuerat mis-

sum, eum bonorum parte multauit. De simili auri suscepti nundinatione, negotiatione, est *lex 3. supr. de his qui cum disp. contrax.* Atque hæc huiusce legis ferendæ occasio est.

Huic igitur nundinationi (quod argumentum huius legis est) seu negotiationi hac leg. obuiam it Honorius Imp. id deinceps efficiendo, ut quam celerime naucularii species sibi commissas perferant quo debent, laxamento biennii nihilominus stante. Nempe biennium ita deinceps diuidi iubet, ut distincte ἀνολκῆ, id est, subuectioni, traditioni, transmissioni, inflationi specierum annum primum tribuat; alterum vero annum referendæ Apochæ seu καθολκῆ. Quo quidem tam Nauculariis consulit, biennium iam antea consulta definitione concessum his relinquendo: quam Canoni frumentario Urbicario, distinctionem illam addendo. Denique intra eundem Consulera, seu annum, Apocham Naucularium accipere necesse est: quæ diem inflationis contineat, vnde fides peracti officii fieri possit: etsi intra biennium tantum eam referat. Atque ita *legi 21. supr.* quodammodo derogatur, vel saltem lux infertur, quæ in eo acquiescebat, dummodo de fide peracti officii a Nauculariis intra biennium constaret: ac proinde satis erat, vel prope decursum biennii redditæ & illatas fuisse a Nauculario species: dummodo intra biennium de eo fides fieret. At enim hac leg. species reddi vult intra primum annum, etsi propter aduersa hyemis alterum annum concedat: quia scilicet non illico ubi species redditæ fuerunt, etiam opportuna tempestas affligere potest ad redeundum, quin expectanda sæpe diu occasio prosperiorque flatus est. Viceuersa, vnus annus sufficere debet ad reddendas species: Quod quidem Honorii institutum, anno-næ urbicæ fauore, circa tempus reddendarum specierum, notandum est. Cuius & alterum postea institutum eodem intuitu circa Tempus continetur *l. 34. infr.*

XXVII. (a) Idem AA. ad Senatum & Populum (b) Post alia.

NAVICULARIO (c) tertiam Urbani canonis portionem inter prima nauigationis iubemus deferre exordia: Quorum classem in Curia (d) vetustatem conlapsam Prætoriana Præfectura (e) restituat, ita ut omnes qui prædia his obligata muneribus, quibuslibet modis, vel contractibus, impetrarunt, (f) secundum possessionis modum ad commenda-

andī (g) vocentur officium : &c. Dat. XVII. Kalend. Maii, Med. Caesario & Attico
Coss. [397.]

NOTÆ.

(a) Iungendæ huic sex aliæ leges : puta lex 5. *infr. de naufrag. l. 24. supr. de Susceptor. lex 3. infr. de Canone frum. V. R. l. 6. 7. supr. de Senatorib. l. 31. supr. de Prætorib. l. 3. Cod. Iust. quæ res venire. GOTHOF.*

(b) Urbis Romæ. *ID*

(c) *vg. Nauicularios* : quibus respondent mox illa, *quorum classem, &c. ID.*

(d) *vg. Vel incuria vetustate, vel incuria vetustatis, vel (quod malim) incuria & vetustate. ID.*

(e) Italiæ, id est, Præfectus Prætorio Italiæ. *ID.*

(f) Vel in se traxerunt. *ID.*

(g) Id est, ad Nauiculariam functionem : Ita *supr. f. l. 7. frequentent maritimos commeatibus. ID.*

COMMENTARIUS.

DE REPARATIONE Classis Africanæ ad perferendam a Nauiculariis annonam Urbicam ad Urbem Romam, & quidem tempestive, est hæc Constitutio Honorii Anno D. 397. Quæ pars est proximior Orationis Honorianæ ad Senatum ac populum emissæ, qua Honorius in vniuersum tum voluntatibus populi Romani, tum Annonæ Urbicæ consultum iuit : quod docent *leges* illæ, quas cum *bas* coassandas dixi, ceu vnius Orationis partes : Ac maxime quidem, Annonæ Urbicæ, quo præter *hanc legem* pertinet ex dictis legibus d. lex 5. *infr. de naufrag. lex 24. supr. de Suscept. l. 3. infr. de Can. frum. V. R.* (cuius præfatio in id notanda. *Certum habetis, Patres Conscripti, quantum Curarum impendimus pro vestris ac populi commodis. Vbi etiam commodorum vox in hac reannonaria τριμνηταιν est, ut ad eam leg. ostendam :*) Item lex 3. *Cod. Iust. quæ res venire.*

Cæterum, ideo tam enixam hac Oratione sua, aliisque circa hoc tempus Constitutionibus, annonæ sollicitudinem in se recepit Honorius, quod Gildone & Gildonianis Africæ incubantibus, iam a fine Anni superioris 396. rei que nauiculariæ & euectionum raritate vel tarditate grauissima fames Romæ oborta fuerit, maiorque in dies metueretur.

P. 81. Porro inter alia mala Tarditati subuectionis, per Nauiculariorum paucitatem hac Orationis sue parte Honorius occurrit, quo fiebat ut Canon Urbicus ad annonam urbis necessarius, tempestive non subueheretur, cum non essent numero sufficienti, qui Canonem subueherent, atque ita *Reparandæ classis Africanæ* incumbit. Igitur statuit Honorius, ut Tertia Urbani Canonis portio a Nauiculariis perferatur statim inter prima navigationis exordia. Scilicet exiguis commeatibus, seu cum parua classē, modicæ, per intervalla Canonis Ur-

bici partes deferrebantur : unde fiebat, ut vix vquam totus, seu integer Canon Romam perferretur, antequam infanum mare hyemaret, seu ante hyemem, de quo frequentes querelæ hac tempestate occurrunt, etiam apud Symmachum. Igitur classē Nauiculariorum ita, eoque numero, reparari & instrui vult Honorius, ut integram Urbani Canonis tertiam portionem inter prima navigationis exordia deferre possint primo cataplo, prima classe, mense videlicet Martio vel Aprili, quo mare aperiebatur, de quo plene ad l. 3. *infr. de naufragiis.* Atque ita accipiendum est *legis* huius initium. Ut autem (quæ secunda *huius leg.* cautio est) sufficiens hanc ad rem Nauiculariorum numerus suppetere deinceps possit, Reparationi classis Africanæ modum imponit. Scilicet collapsum eorum numerum tum incuria tum vetustate restitui iubet a Præfecto Prætorio (quomodo & l. 14. *supr.*) Italiæ sc. in specie *huius leg.* sub cuius dispositione erat Africa, unde Canon Urbicus subuehebatur : vocatis nempe ad hoc subuectionis munus (quod *commendandi officium*, hac *leg.*) iis, qui prædia nauiculariæ functioni obnoxia possidebant, pro rata possessionis, seu, ut dicitur l. 8. *infr. de prædiis Nauicular.* secundum agri opinionem, quocunque modo vel contractu ea adquisiverint : Quod iuris tractitum fuit, ut docet quoque lex 3. 19. 20. *supr. & lex 35. infr. & tit. prox. infr. de prædiis Nauiculariorum.*

Et ita quidem Tarditati transuectionis Canonis Urbicarii occurrit hac Orationis sue parte Honorius : qui fraudibus Susceptorum Nauiculariorum circa eum admitti solitis occurrit *aliis partibus eiusdem Orationis*, puta d. l. 24. *supr. de Suscept. l. 3. infr. de Can. frum. V. R. l. 5. infr. de naufr. l. 3. Cod. Iust. quæ res venire.*

XXVIII. (a) Idem AA. Messalæ PF. P. (b) Post alia. (c)

PROVIDEATUR, ut naues singuli quisque, nauiculariæ obnoxii functioni, ad necessarium & constitutum modum exædificare cogantur, ut onera debita & iusta suscipiant : Qui scient, se de propriis periclitaturos esse fortunis, nisi in his preparandis debite capacitatis summam modumque seruauerint. Dat. XIV. Kal. Mart. Med. Theodoro V. G. Coss. [399.]

(a) Iungenda huic est lex 8. *infr. de præd. Nauicular.* GOTHOF.

(b) Italiae. *Id.*

(c) Quæ continentur d. l. 8. *Id.*

COMMENTARIUS,

DE CAPACITATE Nauium, seu de Nauibus onerariis, iuxta capacitatem a Nauiculariis exadificandis, est hæc Honorii constitutio: Nempe REPARATIONI rei nauiculariæ prouisurus Honorius Imp. Anno D. 399. (& sicannonæ Urbicæ subuenturus) constitutione sua ad Messian PP. Italiæ-emissa, cuius hæc lex, & lex 8. de prædiis Nauicular. (quæ proinde huic coassanda venit) partes sunt, duplici remedio consulere in animum induxit, sicut duplici male collapsa fuerat. Primum, prædiorum, quæ Nauiculariæ functioni obnoxia sunt, possessoribus ad nauiculariam functionem vocatis, d. l. 8. de quo tralatitio remedio iam etiam aliquid ad leg. *super.* Secundo, cum non iuxta Capacitatis naues haberent Nauicularii, atque adeo onera iuxta suscipere non possent, eueniebat ut Canon integer, suoque tempore subuehi non posset: Itaque hac leg. prouideri cupit Honorius, ut Nauicularii naues exadificent, præparent, habeantque; iuxta, debita, necessariæ capacitatis & modi: De quo capacitatis modo est rursus lex 2. *infr. de naufragiis*: quæ coniungenda est cum l. 12. *hoc tit.* sub pœna bonorum amissionis. Quis autem capacitatis istius modus fuerit non exprimit.

Sane circa capacitatem nauium varia subinde in Republ. Romana reperio. Primum *Lege Claudia Tribunitia* cautum, Ne quis Senator, quiue Senatorio patre esset, maritimam nauem, quæ plus quam 300. amphorarum esset, haberet: Id satis habitum (inquit Liuius lib. 21. extremo) ad fructus ex agris uelutandos, questusque omnis Patribus indecorus uisus est. Ex quo apparet, negotiatorias naues longe plus quam 300. amphorarum capaces fuisse.

Secundo reperio, deportatis ex *Lege Augusti*, non licuisse habere nisi naues actuarias duas, & onerariam nauem vnâ, quæ non esset plus quam 1000. amphorarum, de quo Dio lib. 56. ad an. V. C. 765. Vnde rursus apparet, negotiatorias naues fuisse plus quam mille amphorarum.

Tertio reperio, edito D. Claudii cautum, Ut naue Latinis Ciuitatem Romanam acciperet, si non minorem quam decem millium modiorum nauem fabricasset, & Romam sex annis frumentum portasset: teste Vlpiano *fragm. tit. 3. de Latinis §. vii.* de quo

edito sensit & Suetonius in *Claudio*, c. 18. 19. Id quod etiam ad Nauicularios nostros non pertinet, qui personæ suæ conditione ad nauiculariam functionem tenebantur, verum ad priuatos alios, naues mercaturæ causa fabricantes, ut diserte ait Suetonius. Interim hinc colligitur, nauium negotiatoriarum capacitatem ordinariam fuisse decem millium modiorum, pariter ut ex eo quod mox notabo.

Quarto igitur disce ex *Sæuola l. 3. D. de vacat. & excusat. mun.* iis qui naues marinas (singulas scilicet) fabricauerant, & ad annonam populi Romani præberent, non minores quinquaginta millium modiorum, vel plures, singulas non minores decem millium modiorum, muneris publici vacationem datam. Vnde rursus apparet, communem nauium maritimarum capacitatem fuisse decem millium modiorum.

P. 32.

Quinto *Novell. Theodosii Jun. 15. de nauib. ultra duorum millium modiorum*, cauetur; ut ne cuiusquam nauis ultra duorum millium modiorum capacitatem usque quo felix imbola tota aduenerit, publicæque species transuectæ fuerint, excusetur. Vnde apparet maiorem modum & capacitatem nauium onerariarum, frumentariorum, quibus inquam annoña publica transuehebatur, quam duorum millium modiorum fuisse.

Sexto, *Novella Valentiniani Tertii*, inter *Theodosianas 38. de nauiculariis annicis* (Urbicis) cauetur, Ne nauiculario liceat nauem facere nouam, vel instaurare, intra capacitatem 40. cuparum: ibidemque additur, priuatorum naues legitimæ capacitatis necessitatem nauiculariæ functionis singulis cursibus, minores binis solidis adiuuare debere. Igitur ex Valentiniani Placidie F. constitutione Nauiculariorum naues maiores esse oportuit, quam 40. cuparum. De Amphoris, Cupis, Modiis, quid quantum singulæ hæ mensuræ continerent, intra modum aliquem videndum. Amphora modios tres continebat, ut docet *Volusius Macianus in fin. libelli de ponder.* ergo nauis 300. Amphorarum, erat 900. modiorum: Nauis mille Amphorarum, erat trium millium modiorum: nondum iuxta & negotiatoriæ capacitatis, verum quæ triplo & amplius capax erat, nempe 10000. modiorum.

XXIX. (a) Idem AA. Flauiano P. V. (b)

DE PREHENSÆ (c) fraudes iure puniuntur: Solidos itaque, quos Sublimitas Tua eruere valuit ab his (d) qui in nauicularios (e) prædas egerunt, volumus nauiculariorum commodis referuari. Et (f) ne, simpli pœna in raptos constituta, crescat audacia in posterum, sancimus, Ut quicumque in rapinis fuerit deprehensus in pœnam quadrupli teneatur. PP. Rom. in Foro Aproniani, IX. Kalend. Feb. Stilichone & Aureliano Coss. [400.]

NOTÆ.

(a) L. 5. Cod. Justin. cod. tit. GOTHOF.

(b) Romæ. *Id.*

(c) Hæc

(c) Hæc prima sententia recisa a *Epiph.* vsque ad *Ab his*, &c. & deinceps etiam, quæ de simpli poenâ adduntur. *IDEM.*

(d) *Ab his qui in Nauicleros prædas egerunt*, volumus eorum commodis satisfieri, ita *Epiph.* *ID.*

(e) *Nauicleros*, Cod. Iust. *ID.*

(f) *Et ideo ne crescat*, ita Cod. Iust. recisi iis, de simpli poena. *ID.*

C O M M E N T A R I V S.

DE CONCVSSIONIBVS, prædis, fraudibusque, & rapinis in Nauiculariis exercitiis, est hæc Honorii Imp. Constitutio: Neque tamen, ut opinor, de omni prædæ genere: Sane, non de rapina in naufragio (quod recte vidit *Glossa*;) verum de concussionibus, quibus videlicet Iudices, Apparitores, similesque, Nauicularios concutiebant: de quo est insuper *lex 9. supr.* & *lex 36. 37. infr.* vbi specialius de concussionum istarum generibus. Igitur huiusmodi raptoribus poenam *hæc leg.* indicit Honorius. Et quidem in præteritum, ut rapta restituant, solidos inquam, quos per concussionem exegerant, & sic simpli poenam: in futurum vero quadrupli poenam: quæ tralatitia Rapinæ poena est, seu actionis, vi bonorum raptorum. De qua vid. plures alios textus congestos in *Indicem in v. Quadrupli*. Quare error est Cuiacii, qui hanc legem in *Codice Iustiniano* paulo aliter relata, ita accepit; quasi ea iubeatur, rem raptam prius restitui, mox extra rem poenam Quadrupli præstari: atque adeo hanc actionem propriam quandam actionem non vi bonorum raptorum esse: quandoquidem ea non mere poenalis sit, seu non Quadruplum extra rem contineat. Quod erroneum est: nam siue *hanc legem*, prout *hoc Codice* habetur, attendimus, quod *initio legis* hic iubetur, commodis Nauiculariorum solidos reservari, id præteritum tantum tempus respicit: non vero rem indicat poenæ oppositam. Si, prout in *Codice Iustiniano* initium legis immutatum est: *Ab iis qui in Nauicleros prædas egerunt*, volumus eorum commodis satisfieri: non ideo tamen illis verbis nuda rei restitutio indicatur, verum poenæ, quæ mox subiicitur, præstationem continent. Unde mox hæc subiiciuntur. *Et ideo, ne* &c. quæ indicant, quomodo rapinam passorum commodis satisfaciendum sit, nempe per Quadrupli poenam, quod etiam Lucas de Penna recte vidit, & *Glossa* prætulit, & post eam Pyrrhus & Dynus. Ergo ut *lex hæc* habet in *Codice Iustiniano* ea tantum in futurum cauet, poena Quadrupli proposita: immutata tantum priore sententia, (pro more conditorum *eius Codicis*) quæ præteritum respiciebat.

Porro siue Simplum siue Quadruplum istud, Honorius *hac leg.* Nauiculariorum commodis reservari vult non fisco: scilicet quia non in rebus seu speciebus fiscalibus naui commissis, præda admissa est, verum præda acta in nauicularios ipsos: Et tamen Quadrupli poenam hanc fisco exsolui postea voluit Theodos. Iunior, *l. 36. infr.*

Quatuor interim ad *hanc leg.* notari velim. Primo tres hoc Anno *Flauiano P. V.* Romæ constitutiones inscribi, & quartam Benigno Via. Urbis Romæ, & multas alias præterea *leges* ab Honorio hoc Anno latas, intuitu *peneranda urbis*, id est, Romæ; inter alias quoque *leg. prox. sequent.* Hæc enim illud tempus est, quo Honorius Imperator, Gildone debellato, Romæ expetitus tandem Stilichone hoc Anno Consule Romam inuisit, ut testatur Claudianus in *6. Consul. Honorii v. 539. seqq.*

Secundo, neque patior *huic leg.* coniungi *legem penult. Cod. Iust. de excusat. tutor.* (quod Cuiacius tentabat) qua statuitur, excusationem a tutela siue cura hæctenus Nauiculariis tribui, ut tamen ad minorum sui Corporis tutelam & curam obligentur: neque enim aut mensis aut dies aut loca quadrant: Et ut maxime hæc *proposita legis* diem contineat, illa *data* (quomodo id conciliare tentat *P. 83.* Cuiacius) nihilo magis tamen id ad rem facit: quia attendisse debuit Cuiacius, prius *hanc leg.* Propositam dici, nempe *IX. Kal. Feb.* quam *Data, d. l. penult. III. Non. Mart.* Atquin non aliter conciliari possint, quam si dies *Data* anteuertat, sequatur dies eius *Propositæ*. Immo ne Consules quidem eosdem habent: hæcenim *PP. Stilichone & Aureliano Coss.* illa *data AA. Coss.* Itaque & hic error est Cuiacii, qui eosdem Consules habere scripsit, nisi forte in *MSS.* incidit, quod non puto: constans enim hæc lectio est.

Tertio & illud *hac leg.* notari cupio, hanc legem propositam *Romæ* in foro Aproniani.

Postremo notanda illa: *Et, ne Simpli poena in raptos constituta crescat audacia*, &c. Quod non omnino abludit ab eo quod dicitur *l. 16. §. ult. D. de panis.*

XXX. Idem AA. Pompeiano (a) Proc. Afric.

VENERARDÆ Urbis (b) intuitu, nauiculariis privilegia certa delata sunt, quæ quicumque temerare temptauerint, nostra auctoritate propositam multam lege, inferre cogantur. Dat. XVII. Kalend. Iul. Med. Stilichone & Aureliano Coss. [400.]

N O T Æ.

(a) Eidem inscribuntur etiam hoc ipso Anno, complures aliæ *leges*, & quibus forte nonnullæ huic coniungendæ sunt: & in his quidem *lex 18. supr. de iust. collat.* & *l. 166. supr. de Decurionib.* *THOFRED.*

(b) Romæ. *ID.*

PRIVILEGIA Nauiculariorum, (Africanorum nominatim,) ab Honorio Imp. confirmantur *hac leg.* pariter vt *l. prox. 31. & 36. hoc tit.* de quibus sunt duodecim præterea *hoc titulo* constitutiones, quæ e *Paratitlo* reperti possunt. Causa saltem

privilegiorum horum, quæ *hac leg.* indicatur, obseruetur: nempe ea concessa intuitu venerandæ Urbis, Romæ scilicet, id est, propter fauorem annonæ Urbicæ: Quæ forte imminuta fuerat a Gildonianis urbem fame prementibus.

XXXI. (a) Idem (b) AA. Hadriano PF. P. (c)

VNIVERSA, quæ Consultis (d) nostris, vel decretis Illustris Præfecturæ (e) indulta sunt nauiculariis, si nulla melior utiliorque sententia commutauit, vel auctoritas Sanctionis infregit, firma seruari decernimus. Dat. XV. Kal. Septemb. Honorio A. VI. & Aristineto Coss. [404.]

NOTÆ.

(a) Forte *huic leg.* iungenda *lex 4. Cod. Iust. de lucris advocat.* ubi etiam de Nauiculariis agitur. GOTHOF.

(b) 79. Impp. Arcadius, HONORIVS & Theodosius. ID.

(c) Italici. ID.

(d) Id est, Constitutus, vel constitutionibus. ID.

(e) Prætorianæ, & sic Præfecti Prætorio. ID.

COMMENTARIUS.

PRIVILEGIA Nauiculariorum rursum confirmat *hac leg.* Honorius (pariter vt *l. supr. 30. & l. 36. infr.*) cui forte iungenda *lex 4. Cod. Iust. de lucris advocat.* qua Nauiculariis pariter consulitur aduersus apparitorum prædam. Quæ quidem Privilegia a duobus fontibus manasse ostendit: partim ex Principum Constitutionibus (qui fons ordinarius) partim decretis Præfecto-

rum Prætorio. Tanta scilicet fuit Præfectorum Prætorio dignitas, quæ etiam ἀπόρρητος βασιλεία erat. Limitationem etiam addit, dummodo ea non postea vel sanctione contraria infracta fuerint, nempe a Principe; vel meliore utilioreque sententia Præfectorum Prætorio commutata fuerint.

XXXII. (a) Impp. Honor. & THEOD. AA. Anthemio PF. P. (b)

CVM Nauarchorum coetus, circiter (c) Prouincias Orientis, inopia nauium, titubaret, &, inuestigandæ classis obtentu, Infularum successus (d) obiret, & nauigandi opportunitate transacta, Iudiciorum (e) indignatio sine transvectionis expectaretur (f) effectu, merito Celsitudo Tua, PF. Augustali & Infularum Præfide conuentis, Alexandrinæ & Carpathiæ classis Summates, & nonnullos alios (g) Naucleros, eo professionis (h) adduxit, Vt onus frumentarii commeatus, (i) qui (k) per Orientales Nauarchos ex Alexandrinæ ciuitatis conditis (l) censuerat (m) ad Sacratissimam Urbem (n) transferri, in suam fidem susceptum, ad eadem Augustissimæ Urbis horrea comportaret; (o) solatiis, (p) pro mercedula, præstitis, ex tributariæ pensionationis immunitate, (q) vel ex eo quod vocatur *filicon*: (r) Necnon etiam alios (s) quæ Tuæ Cognitionis limauit (t) examen: Ita, (*) vt super Naufragiorum, quæ contigerint, casibus, visitato more habita quæstione, si qui v) calculus (x) modulationis (y) dicatur tempestate maris deperisse, sub Tuæ (z) Sedis auditione nequaquam feratur acceptus, (aa) sed hæc dispendii lacuna (bb) in omne nauiculariorum (cc) concilium, (dd) pro rata scilicet contingentis muneris, deferatur. Hæc (ee) igitur nostra Lege firmamus. Dat. XIV. Kalend. Feb. Honorio VIII. & Theod. III. AA. Coss. [409.]

N O T Æ.

- (a) *L. 6. Cod. Iust. eod. tit. & l. 6. Cod. Iust. de naufragiis, Forte buis iungenda lex i. infr. de frum. Alexandrino. COTHOFRED.*
- (b) *Orientis. ID.*
- (c) *Id est, circa, vt habetur etiam in nonnullis Cod. Iust. ID.*
- (d) *γρ. Seceffus, vt Cod. Iust. Abceffus, l. 2. supr. de litor. & itin. cust. ID.*
- (e) *Id est, iudicium. ID.*
- (f) *Pro timeretur. ID.*
- (g) *Aliorum locorum. ID.*
- (h) *Professio generaliter pro oneris in se susceptione: vid. Gloss. In Cod. Iust. vulg. Ed. legitur, eius professionis. IDEM.*
- (i) *Commeatus, vid. Gloss. & Iuretus in Symm. lib. 10. ep. 49. ID.*
- (k) *Recte, qui: commeatus scil. in Cod. Iust. Edit. Cuiac. editum, quod, onus scil. in aliis qui. ID.*
- (l) *Conditio: vid. Gloss. & Iuretus in Symm. lib. 9. ep. 14. ID.*
- (m) *γρ. Consuevit: vt Cod. Iust. consueuerat. ID.*
- (n) *Constantinopolitanam. ID.*
- (o) *γρ. Comportarent: vt etiam recte habetur Cod. Iust. ID.*
- (p) *Salariis Cod. Iust. verum hoc rectum: vid. Gloss. ID.*
- (q) *Id est, immanitate: de quo mox plura. ID.*
- (r) *Φιλονδν. ID.*
- (s) *Aliis Cod. Iust. ID.*
- (t) *Limauit, id est inuestigauit, rimatus est. Gloss. Philox. Limatur, rimatur, queris, (ita γρ.) Ζητῶ. Quare non, mutandum in Librauit. ID.*
- (*) *Lex 6. Cod. Iust. de naufrag. hinc sumpta est. ID.*
- (v) *Quis, Cod. Iust. ID.*
- (x) *Calculi vox hac in re propria. Vide non vno loco apud Cassiodorum, vt II. Var. 37. & 25. ID.*
- (46) *Modiatio, id est mensura (tritici forte vel frumenti) quæ fiebat per modios hac leg. & Gordiani leg. 16. Cod. Iust. de usuris: & Diocletiani l. 7. Cod. eod. de rer. permut. Cassiodorus quoque IV. Var. 7. in eadem re: Modiationem tritici, quam sub hac sorte periisse probauerint, prosecutoribus sine aliqua faciat cunctatione reputari. Eadem vox restituenda II. Var. 26. Nam si coemptam speciem expensis publicis necessariam non habetis, ab officio vestro suscepta modiatio (vulgo moderatio) distrabatur, &c. Ita & Marcianus l. 2. Cod. Iust. de annon. ciuilib. Ed. Cuiac. qua leg. 125. modios frumenti diurnos nomine parapeteuatis annonæ ciuicæ Urbis Constantinop. addit: Quam modiationem, inquit, iugiter & in perpetuum ciuibus nostris debere conserui, hac lege sancimus. Ita leges nauales, quæ vulgo sub titulo Iuris naual. Rhodior. circumferuntur, cap. 16. pag. 267. Tom. II. Iur. Græc. Rom. Marqu. Freheri, μόδιον etiam dixere: δὲ νόου τὴν χιλιάδα τῶ μόδιου χροσίων πεντήκοντα, μετὰ πάσης τῆς ἐξαρτάας αὐτῶ, oportet chiliadem modiationis esse solidorum quinquaginta, cum omnibus armamentis suis. ID.*
- (z) *Præfetti Prætorio, non vt Lucas de Penna, Pref. annonæ. Nempe ad Præfectum Prætorio referebatur hac de re: dicam infr. tit. de de naufrag. ID.*
- (aa) *Alias melius, accepto. ID.*
- (bb) *lactura, Cod. Iust. Verum hoc elegantius. Symmachus quoque non semel, erarii & sumptuum lacunam dixit; lib. 5. ep. 76. & lib. 10. epist. 33. v. Gloss. Lacuna rei familiaris, Ciceroni Verrin. 2. c. 55. vid. alia apud Iuretum & Symm. lib. 5. ep. 76. ID.*
- (cc) *Naucletorum, Cod. Iustin. ID.*
- (dd) *Id est, Corpus. ID.*
- (ee) *Hæc absunt a Cod. Iust., ID.*

C O M M E N T A R I V S.

ORIENTALIVM Nauarchorum loco, Alexandrinis & Insularum Nauiculariis transferendæ ANNONÆ Alexandrinæ ad Urbem CONSTANTINOPOLITANAM onus iniungit hac Constit. Theodosius Iun. Anno D. 409. firmata Anthemii PP. Orientis super hac re dispositione, eiusque conditionibus & legibus, cui iungenda videri possit lex i. infr. de frum. Alex. ubi pariter dispositum ab eodem Anthemio PP. pro tuenda Naucletorum substantia, firmat idem Theodos. Iun. Scilicet Orientales Nauarchi peculiare fuere intra Orientem seu Orientis diocesim (a Constantino M. ut puto instituti) ad quos præter hanc leg. pertinet insuper Constantini M. lex 7. supr. & lex Valentis 14. supr. annonæ videlicet Urbis Constantinopolitane seruientes: (qua causa variis priuilegiis & commodis donati fuere a Constantino M. d. l. 7. &

Valente d. l. 14. item Salario, de quo sine d. l. 7.) Ita quidem vt Orientales hi Nauarchi onus frumentarii commeatus ex Alexandrinæ ciuitatis conditis ad Urbem Constantinopolitanam deferrent, (quod hæc lex aperte testatur) verum sæpe factum, vt hoc Orientalium Nauarchorum Corpus immiueretur, vt docuit d. l. 14. Item vt inopia nauium subinde titubaret, (quod hac lex docet) sic vt dum classem seu naues inuestigaret, dum Insulas, & earum secessus in eum finem, conquirendarum scilicet nauium, obiret, nauigandi opportunitas interea transiret, neque species Constantinopolim transuherentur; atque inde fames Constantinopoli ingrueret; cuiusmodi seua hoc ipso Anno exorta fuit, teste Chronici Alexandrini Auctore pag. 717. Ed. Raderi, & Marsellino in Chron. Cui deinceps occursuri Anthemius PP. & Theodosius Iun. de remedii,

remediis cogitare serio coeperunt; cuiusmodi est illud quod continetur *l. i. infr. de frum. V. Constantinop.* Est hoc alterum quod *hac leg.* comprehenditur, cuius proinde hæc historica causa observanda est.

Anthemius igitur PP. Orientis, ei quod dixi malo, deinceps occurrurus transuehenda annonæ ex Alexandrinæ ciuitatis conditis, sollicitudinem tum ad Alexandrinæ, tum ad Carpathiæ classis Summates, item nonnullos alios Naucleros transferendam credidit. Peculiaris scilicet erat classis *Alexandria*, quæ & ipsa subuehenda annonæ seruebat, intra modum aliquem, & iunctim hæctenus cum Orientalibus. At Anthemius PP. dispositione sua quod Orientalibus ex parte incumbere, ad Alexandrinos transtulit, qui Summates classis Alexandrinæ vocantur: nempe quia Nauicularii hi seu Nauarchi summo loco fuere: quomodo Summates Viros, Aulæ, Ciuitatis, & similia passim Symmachus vocat: *Primates Ordinis Alexandrini, l. 190. supr. de Decurion.*

Item transtulit ad Summates pariter *Carpathiæ classis*: Nempe in Insula *Carpatho*, quæ hodie *Scarpanto*, classis peculiaris fuit commodissimo loco inter omnes Insulas Sporadas maris Ægæi, a quo & mare ipsum *Carpathium* & *Carpathiæ Insulæ*. Scilicet *Carpathus* sublimis fuit, ambitu stadiorum CC. de qua vid. Strabonem *lib. 10. pag. 749. Edit. Almelouen.* Plinium *lib. 4. c. 12.* commodissimo situ inter Rhodum & Crætam Insulas, de qua nil attinet plura notare. Inter navigationes iam olim famosas, & quidem spe lucri, Carpathiæ testis Iuuenalis *Satyr. 14. versu 278. Καρπαθίων ὁλκάδες* memorat quoque Synesius *epist. 41.* (qui & tam multus est in laudibus Anthemii, quem & Magnum subinde vocat, cui *hæc lex* inscribitur) ubi ait *Φήμην ἔχειν διανοία κεχρησθαι, καὶ ὡς περ αἱ Φαιάκων τῶν πάλαι, famam esse eas ratione usas, quemadmodum & veterum Phæacum.* Meminit rursus idem horum Carpathiorum *epist. 51. (*)* Ergo Anthemius & ad huius & ad Alexandrinæ classis Summates, translationis onus transtulit, & ad alios nonnullos Naucleros, scilicet maris Ægæi, qui Constantinopolitanæ vrbi propiores erant: Idque conueniens Præfecto Augustali seu Alexandrino, & Præsidi Insularum, id est, decreto suo ad hoc missio: nam & *decreta*, & quidem super Nauiculariis a Præfectis Prætorio processisse docuit quoque *lex supr. 31. Insularum Præsides* est Cycladum Præsides seu Iudex, atque adeo Insularum omnium maris Ægæi: sub Vespasiano hanc *Insularum Prouinciæ* factam ait Sex. Rufus Festus in *breuiario cap. 10. in fin.* Deinceps extat Constitutio Diocletiani ad Diogenem Præsidentem Insularum, puta *lex pen. Cod. Iust. ubi causa status.* Harum Insularum Prouinciæ fit quoque mentio in Constantii Imp. *l. 23. Cod. Iust. de appellat.* qua cauetur, vt appellatio interposita per Insulas ad P. V. Constantinop. fiat. Item vetus Orbis descriptor sub eodem Constantio *Cyclades Insulas* memorat, quæ omnes suum Iudicem habuere. Meminit quoque *insularum prouinciæ* sub Valente Imperatore Sextus Rufus Festus in *breuiario cap. 10.* Meminit & *vetus Notitia Prouinciæ sub Theodosio, M.* inter duodecim Asiæ Prouinciæ *Cyclades pag. 82. Edit. Cellar. ad calcem Breuiar. Fest.* Meminit denique *Notitia Imperii sub Theodosio hoc Iunioris fol. 68.* ex qua apparet eam tum sub dispositione Proconsulis Asiæ fuisse. De

Cycladum Præsidi, vide & Iustinianum *Novella 163. cap. 2.* vide & quæ de Quæstore *Novella 41. 50.* Ergo Anthemius PP. translationis annonæ ex Vrbe Alexandrina onus ad Vrbem Constantinop. quod Orientalibus Nauarchis incumbere, ad Alexandrinos & Carpathios & nonnullos alios transtulit: eosque eo *professionis* volentes scilicet adduxit: propositis videlicet præmiis sequentibus. Nempe mercede eis præstituta (quæ Orientalibus antea dabatur, vt docet *d. l. 7. supr. in f.*) ex vno trium sequentium fontium: vel inquam ex *Tributariæ pensitationis immunitate*. Quod ita etiam Cuiacius interpretatur, quasi indicetur, pro mercede eis datam tributorum immunitatem. Male: neque enim id hac formula indicatur, immunitatem eis datam; verum ea de salario & mercede agitur: vnde scilicet ea tribui deberet: *Ex tributariæ, inquit, pensitationis immunitate*: vbi malim legi, *immanitate*, id est, ex cumulo ingenti tributorum, vel immensitate: nempe *mercedula, immensitati*, seu *immanitati* hic opponitur. Ergo ex tributis seu auro argento, quod tributorum nomine inferebatur a Prouincialibus, solatium seu mercedulam prædictis Nauiculariis constituit voluit Anthemius, vult Theodosius *hac l. Solatium*, pro eo quod deuorando labori compensato datur; quo ipso sensu accipitur *leg. penult. supr. de Palat. Sac.* Eo quoque sensu Spartianus ait in *Vit. Hadr. c. 9.* Hadrianum, *agros bis terue die visitasse, solatium refouisse, consiliis subleuasse.* Quod quidem ex mole tributorum sumi voluit Anthemius, vult *hac leg.* Theodosius. Vel secundo loco ex eo quod vocatur *Φιλικόν*: opponitur scilicet hic tributariæ pensitationi, τὸ Φιλικόν; illa scilicet necessaria pensitatio, hæc ex beneuolentia, amiceque datur, vltronee, vltro tributum: Nempe Alexandriæ pensitationis vltronee & beneuolæ genus quoddam vltro tributum illud fuit *Φιλικόν*. Quale autem id fuerit, a quibus penderetur, qua occasione, in incerto est: Nisi forte grata illa inlatio est, cuius fit mentio *l. i. supr. de frum. V. Constantinop.* quæ lex ad eandem historiam pertinet, quo *hæc nostra*. Interim in *Cod. Iust.* nugas egerunt Interpretes, quia aliam vocem huius loco teposuerunt: qui ridere vult, legat Alcium & Pyrrhum, quorum ille *ἀλετρυγίας* nomen supponebat. Tertium quoque alium fontem eruerat Anthemius, vnde solatium nauiculariis istis præberetur: verum quis fuerit? diuinare non licet.

Ac vt Nauiculariis *Alexandrinis*, & *Carpathiis*, aliisque solatium seu mercedulam constituit Anthemius PP. & Theodosius, ita viceuersa *Naufragii* periculo eosdem obnoxios facit: non vero ideis accepto ferri in fisci dispendium: Nempe quia hi Nauicularii Vrbi Constantinopolitanæ propiores facile *νημερίαν* & nauigandi opportunitatem captare poterunt, vt proinde sibi imputare eos necesse sit naufragium, si *νημερίαν* non captarunt, qua captata tempestatem maris euitare poterant. Et hæc quidem est huiusce capitis secundi sententia: Quod diuulsum a priore *Codice Iustiniano*, & separatim in *l. 6. Cod. Iust. de naufragiis*, coniectum, multis erroribus ansam præbuit. Primum enim non pertinet hoc caput ad Nauicularios Orientis, verum ad Alexandrinos & Carpathios. Secundo non tantum si horum Nauiculariorum culpa intercessisse probetur, naufragii periculum ad eos pertinet; verum quia semper præsumuntur in culpa esse,

(*) Sequebantur hic iterum quædam de insula *Carpatho*, excerpta ex Antonii Magini Patanini Geographiæ Ptolemæi part. 2. quæ in Commentarium Maruillius admisit contra mentem GOTHOFREDI. Ego reieci, cum ordinem turbent, & ipse GOTHOFREDVS supra scripserit, *de insula non assinet plura dicere.* Qui de Scarpanto plura desiderat, facile consulere potest recentiores Geographos.

esse, ex ea, quam dixi, ratione. Tercio consequenter hinc apparet, quam frustra laborant Interpretes in hac leg. concilianda cum l. ult. §. 1. D. ad Leg. Rhod. de iactu. ubi de naufragio Nauicularius non tenetur, quando sine vitio eius res commendata perit: Nam & in huius leg. specie præsupponitur semper culpa Nauicularii intercessisse, etsi id non expresse dicatur in hoc capite, verum id ex totius huius leg. argumento, & serie perspicue colligitur. Ergo, casus hic specialis notetur, quo sola, sed iusta Culpa præsumptio, etsi ea non probetur, naufragii periculo obnoxios facit Nauicularios: Et sic ut dixi hac leg. componenda est cum d. l. ult. §. 1. & cum aliis quæ occurrunt infr. tit. de naufragiis. Et ita quidem, in sp. huius leg. vt dispendium hoc ad totum Nauiculariorum concilium, pro rata contingentis muneris pertineat seu recedat: Ad totum concilium, id est, ad specialem loci vnius classem. Finge Alexandrini nauicularii nauem naufragium passam; Alexandrinorum Nauiculariorum Corpus hoc periculum agnoscat, non Carpathianorum, non aliorum: Concilium, hic est Corpus speciale vnius loci, qui Nauarchorum cætus dicitur initio leg. Ita concilium sanctissimum Ecclesiæ Ca-

tholicæ, venerabileque, l. 4. infr. de Episcopis, seu l. 1. C. Iust. de Sacros. Eccles. pro Ecclesia speciali cuiusque loci accipiendum; de quo ibi plenius. Qui casus rursus specialis notetur, quo vel ob præsumptam vnius e Corpore culpam, totum Corpus periculo obnoxium redditur: quod & in aliis nonnullis Corporibus obtinet: de quo alibi. Huic sane proximum est, quod & alias ubi naufragii probatio legitime facta non est, adeorum iniuriam damnum pertineat, qui minus idoneos nominarunt, l. 4. infr. de naufragiis. Et ita quidem in specie huius leg. in totum concilium Nauiculariorum naufragii periculum recidit, vt singuli ex eo concilio pro rata contingentis muneris, teneantur: id est, pro ea portione, pro qua ad specierum transuentionem tenentur. Finge vndecim naues esse seu vndecim Nauicularios, concilii alicuius: vnum naufragium passum, & eo naufragio mille aureorum species amisisse: Sane decem reliqui sunt, in quos hic casus recidit. Sed finge inæquales naues esse Nauiculariis, alias maioris modulationis, alias minoris. Pro rata sua & modulatione quisque tenebitur.

XXXIII. (a) Idem AA. Anthemio PF. P. (b)

QVI (c) fiscales (d) species susceperit (e) deportandas, si, recta nauigatione contempta litora deuia sectatus, eas auertendo distraxerit, capitali pœna plectetur. Dat. XIV. (f) Kalend. Aug. CP. Honorio VIII. & Theod. III. AA. Coss. [409.]

NOTÆ.

- (a) L. 7. seu penult. Cod. Iust. eod. tit. Iungenda videtur huic, lex vnic. supr. de auri publici prosecutoribus: & lex 2. Cod. Iust. de off. ciuil. Iudic. GOTHOF.
(b) Orientis. ID.
(c) Nauicularius. ID.
(d) Annonarias, veluti frumentum. ID.
(e) Suscepit. Cod. Iustin. ID.
(f) Ita quoque d. l. 7. At d. l. 1. & d. l. 2. XIII. ID.

COMMENTARIUS.

AVERSI oneris reo, Nauiculario, capitalem pœnam imponit hac leg. per Orientem, Theodosius Iunior, Anno D. 409. cui iungenda est lex vnic. supr. de auri publici prosecutoribus. quæ & ipsa est de auerso auro publico, ab eius prosecutore: Quomodo hæc de auerso onere a frumenti prosecutoribus: quomodo etiam Nauicularii vocantur a Cassiodoro IV. Var. 7. seu simpliciter prosecutores l. 4. infr. de naufragiis. Auerfi inquam oneris reo, id est, si fiscales species, quas suscepit transfendas, auerterit, distraxerit, vel vt dicitur hac leg. auertendo distraxerit. Cui gemina-germana est per Occidentem Honorii lex 3. Cod. Iust. quæ res venire non possunt (quæ iungenda est legi 27. supr. hoc tit.) Capitalis igitur pœna auertenti imponitur in hac

spec. quam Quadrupli pœna Græci immutarunt, propter Nouellam 62. Leonis: In causis sane priuatorum propria actio fuit oneris auerfi in duplum. Porro qua ratione nauicularii onus publicum auerterent, ostenditur hac leg. nempe recta nauigatione contempta, litora deuia sectando. De διαμέτρω, id est, de parte oneris auersa erit lex ult. infr. Cæterum est hac leg. Constitutionis Theodosii Iun. prolixioris pars (vt apparet ex d. l. vnic. & l. 2. Cod. Iust. de off. ciuil. Iudic. quæ huic coassandæ veniunt) circa rem Tributariam occupatæ: qua partim fisci indemnitati consulitur hac leg. & d. l. vnic. partim collatorum ab iniuriis Exactorum & Iudicum d. l. 2.

XXXIV. (a) Idem AA. Faustino PF. P. (b) Post alia.

I V D I C E S, qui in portibus (c) Dioceseos suæ, (d) onusta nauigia, cum prosperior flatus inuitat, (e) sub prætextu hyemis inmorari permiserint, vna cum Municipibus, (f) & Corporatis (g) eiusdem Loci, fortunarum propriarum feriantur dispendiis,

pendiis. Naucularii (h) præterea pœnam deportationis excipiant, si aliquid fraudis eos admisisse fuerit reuelatum. Dat. XVIII. Kalend. Sept. Varane V. C. Cos. [410.]

NOTÆ.

- (a) *L. ult. Cod. Iust. cod. tit.* Iungenda huic fortè *lex 4. Cod. Iust. quæ res venire.* GOTHOF.
 (b) *Faustinus PP. Italiæ sub Honorio Imp. ID.*
 (c) *Partibus, Cod. Iust. male: Quod Iuretus quoque notauit in Symm. lib. 4. ep. 54. ID.*
 (d) *An tuæ? ID.*
 (e) *Cassiodorus I. Variar. 35. Quæ ergo talis mora, ut in tantis tranquillitatibus velocia necdum fuerint destinata nauigia? cum stellarum non mergentium lucidum sidus tendi carbasa festinanter INVITET, & æris sereni fides properantium nequeat vota terrere. ID.*
 (f) *Municipibus, id est, Decurionibus: dixi supr. tit. de Decurionib. ID.*
 (g) *De Corporatis est infr. titulus. ID.*
 (h) *Naucleri, Cod. Iustini. ID.*

P. 87.

COMMENTARIUS.

HYBERNO etiam TEMPORE; dummodo *ὑννεμία* sit, (id est, dummodo prosperior flatus inuiter) Naucularios onus seu species fiscales, denique Canonem Urbicum, deferentes, mari vela dare iubet Honorius Imp. *hac leg.* Anno D. 410. Hybernium scilicet tempus regulariter navigationi intercipitur, & vero mare navigationi olim claudabatur (de quo ad l. 3. *tit. de naufragiis*, plene:) puta ab Idib. Octob. in Kalend. Aprilis; & quidem ad transferendum Canonem Africanum ad Urbem Romam, ut docet Gratiani *lex 3. de naufrag.* quo hæc ipsa lex pertinet: sic ut Naucularii hætenus navigare eo tempore non tenerentur, de quo ex parte etiam fidem facit Honorii huius *lex 26. supr.* faciet plenius d. l. 3. *infr. de naufrag.* Et tamen *hac leg.* Honorius hyberno tempore non ita navigationi mare claudi vult, ut non, prosperiore flatu inuitante, Naucularii navigare debeant. Nempe id ita extra ordinem nunc constitutum ab Honorio, propter famem quæ hoc Anno D. 410. Romæ erat, atque in dies maior timebatur: sic ut ad infames efcas redactum iri metus esset: de quo Zosimus *Historia sua*, quæ superest, lib. 6. c. 11. Igitur inter alia (ut docet *huius leg.* Inscriptio, ibi, *post alia*;) quibus annonæ Urbicæ consuetum prope iuit Honorius constitutione sua, & istud est, quod *hac leg.* continetur: qua iubet, etiam hyberno tempore naues navigare, si prosperior flatus inuiter: cuius, eodem fine alterum institutum circa tempus extat l. 26. *supr.* Et vero notandum XVIII. Kalend. Sept. *hanc leg.* datam, scilicet æstate iam prouecta, & in Autumnum inclitante, & sic iam appetente hyeme, id denunciatum in tempore, voluit Honorius. Pœna severissima propòsita *Iudicibus*, Decurionibus & Corporatis locorum, nempe proscriptionis bonorum, si permisissent in portubus suis onusta nauigia sub prætextu hyemis inamoriari, cum prosperior flatus inuiter ad nauigandum: Nauculariis vero insuper deportationis pœna, si aliquid fraudis admisissent, ne videlicet vela darent, prosperiore flatu inuitante. *Iudicum* scilicet seu Rectorum Prouinciarum desidia hæc semper plectibilis fuit, si culpa sua paterentur annonam urbicam vel non transmitti tempestiue, vel alio transferri. Mameritini sub Iuliano locus huc facit *cap. 14. Cum Romani populi victus, & exercitus commeatu esset in nauibus, in media expediende annonæ trepidatione, nunciatus venit, plurimas naues Africano tritico graues li-*

tus Achaicum præteruectas, Constantinopolim peruolasse? Permoti omnes, & aduersus eos qui oram maritimam tuebantur irati, venimus ad Principem, desidia Iudicum tantum perisse frumenti, certatim pro se quisque conquerimur: quo loco male habent vulgatæ *Iudicum*, vbi & Rhenanus in ora editionis suæ iudicum desidia interpretatur, qui scilicet non indicarint: Quem vnica litera fessilliz. Huc etiam facit Symmachi locus lib. 4. epist. 54. *Sed quid mihi insufurras frugis Africanæ tenues commeatu? Intercludet, ut spero, prouidentia tristes casuum vias, sacris auribus edocendis, & castigatione Iudicum, quos alimentaria spectat inuestio. Nec spern dies obstruit: nam mare adhuc iustis cursibus patet, & nondum in hyemem præcipitat Autumnum.* Hinc adeo Symmachus lib. 10. epist. 31. 48. Iudices Africanos seuerioribus scriptis distimulari ab Imp. vult, *ut onera consueta dum tractabilis nauigatio est, victui urbis exhibeant.* Idem vero periculum respicit quoque *Municipes*, id est, Decuriones, & Corporatis urbium: Quæ duo incolarum præcipue genera erant: de quibus *suis titulis.* De Nauculariorum ipsorum fraudibus, torpedine, mora, iam alibi dictum: videatur & Cassiodori locus lib. 1. *Var. ep. 35. in fin.*

De eo videndum superest, quod *initio legis* Iudicibus *Diæcesis* tribuitur: Iudicibus, inquam, id est, Rectoribus singularum Prouinciarum: cum tamen *Diæcesis* sit *ὁσμήμα* plurium Prouinciarum, *ἡ ἐν αὐτῇ πολλὰς ἐπαρχίας ἔχουσα*: de quo alibi fufe: Vnde iam ita quidam colligunt, *Diæcesin* hac tempestate etiam pro vnica Prouincia usurpari. Quod non admitto: neque enim vni Iudici *Diæcesis* hac leg. tribuitur, verum pluribus *Iudicibus* iunctim *Diæcesis* sua: quo indicatur, plures iunctos suam habuisse & constituisse *Diæcesin*: Nempe, si rogasses tum Consularem Numidæ, quenam ipsius *Diæcesis* foret, id est, cui *Diæcesi* responderet, respondisset Africanam esse suam *Diæcesin*: non quod ipse *Diæceseos* istius totius Rector esset, verum quod Prouincia quam administraret, *Diæcesi* illi responderet: denique singularium Prouinciarum Rectores iudices plures coniuncti suam habent *Diæcesim*, iure partis. Ex hac interim lege politicum *ὁσμήμα* efficere licet, Principis extra ordinem necessitati famique publicæ consulenti: Quam proinde *legem* ordinarii iuris perperam nonnulli faciunt, quæ πρὸς καιρὸν tantum ἀναγκαστὰ erat.

XXXV. Idem AA. Seleuco PF. P. (a)

VNIVERSOS, quos nauiculariæ conditioni obnoxios inuenit antiquitas, prædictæ functioni conueniet famulari. Personas igitur memoratas, & eorum hæredes, & prædia, persequenda esse decernimus: vt canon Sacratissimæ Urbis, vel Expeditionalium Portuum necessitas, impleatur. Dat. Prid. Non. Mart. Rau. Honorio IX. & Theod. V. AA. Coss. [412.]

NOTÆ.

(a) Italix, in qua Africa, vt docet *lex 31. supr. de annona & tribut. & lex 52. infr. de heret. quæ eidem* inscribuntur hoc ipso Anno, vna cum quarta; puta *l. 22. supr. de cohortalib. GOTHOF.*

COMMENTARIUS.

REPARATIONI seu supplemento Nauiculariorum, incumbit hac Constitutione Honorius Anno D. 412. Nauiculariorum, inquam, qui per Africam: vt etiam colligere licet ex *l. 31. supr. de annona & trib. & l. 52. infr. de heret. quæ eidem Seleuco PP.* hoc ipso Anno inscribuntur. Eo videlicet fine, vt canon tum Urbis Romæ, tum Expeditionalium Portuum necessitas impleatur, id est, vt annona sufficiens ad vsus Urbis Romæ, & ad necessitates militum ad expeditionem pergentium subministrari possit. Portus expeditionales *hac leg. & l. 2. infr. de naufragiis*, sunt Portus, quo milites ad expeditionem iturus appellabat, indeque movebat: qua causa huiusmodi Portus annona militari instruebantur, seu condita militaria ibi erant, vnde videlicet miles in expeditionem iturus annonam fumeret a se ferme transfuehendam. Quomodo pariter Annona expeditionalis dicitur *l. 4. 5. supr. de erogatione militaris annona.* Annona militum in expeditione degentium & quidem

ordinaria, buccellatum videlicet & acetum: cui opponitur panis & vinum. Ita & vsus expeditionalis in eodem argumento apud *Spartianum in Vit. Pescen. Nigri cap. 10.*

Hinc interim apparet, duplicem curam *hac leg.* gessisse Honorium, pro temporum videlicet statu, quibus Vrbs Roma haud ita pridem afflicta siue Tyrannide, siue fame, (de quo ad *legem superiorem*) & Occidentale Imperium a Barbaris vastabatur, aduersus quos milites mittebatur. Igitur in vtrumque vsus, & annonæ Urbis Romæ, & annonæ militaris sollicitudinem gerit *hac leg.* Honorius: reparato videlicet Nauiculariorum Corpore, ad species necessarias tanto facilius & promptius transferendas. In eum itaque finem, & personas Nauiculariorum (forte perperam excusatas) & hæredes, & prædia eorum ad nauiculariam functionem vocari iubet: Quod & alias sæpe factum, vt ostendunt *huius tit. complures leges: & tit. de præd. Nauicul.*

XXXVI. (a) Idem AA. Nauiculariis per Africam.

TRIBUTA Nauiculariis *Præiulia* hac interminatione (b) firmamus, vt si quis, cuiuslibet dignitatis, Iudicum, vel Militantum, crediderit negligenda, & aditus negauerit petitiu a se Tuitionis præsidium, patrimoniu suum nouerit istius functionis oneribus addicendum, sine vlla spe veniæ, quam de nobis sub Annotationis indulto meruerit. Illud etiam addimus, vt decem librarum auri multa tam Nauiculariis, quam Iudicibus (c) necnon Proconsuli (d) & Vicario, (e) Spectabilibus viris, & V. C. PF. Annonæ (f) Officiisque eorum, proponatur, si vmquam (g) ordine (h) memorato, vel ipsi coegerint, vel sponte cupienti (quod non potest fieri) de centesimis suis auferri permiserint, vel de propria substantia quidquam Sportulæ nomine cuiquam donare, vel offerre personæ: vt a singulis constitutum multæ pondus non ambigant exigendum: Accipientem quoque quadruplum fisco nostro iubemus exsoluere: &c. Dat. XVI. Kalend. April. Rau. Honor. IX. & Theod. V. AA. Coss. [412.]

NOTÆ.

(a) Iungenda huic *lex 37. prox. & lex 6. seu ult. infr. de naufragiis. GOTHOF.*

(b) Vid. *Gloss. de hac Interminationis voce. ID.*

(c) Id est, Reëtoribus Prouinciarum (Africæ) vt *l. 34. supr. ID.*

(d) Africæ. *ID.*

(e) Africæ. *ID.*

Tom. V.

N 2

(f) Africæ

(f) Africa. ID.

(g) *ye. quicquam*: vel utrumque unquam quicquam. ID.(h) *ye. Ordinis* (Nauiculariorum scilicet.) ID.

XXXVII. (a) Idem AA. Nauiculariis per Africam. Post alia.

SI vlla Dignitas (b) vel Apparitio, frumenti curam sustinens dirigendi, a Nauiculario, Magistroue (c) naui, aliquid accepisse detegitur, probato crimini, pro motu (d) Iudicis, poena non defit: &c. Dat. XVI, Kalend. April. Rau. Honor. IX. & Theod. V. AA. COSS. [412.]

NOTÆ.

(a) Iungenda huic *lex 36. supr. prox. & lex 6. seu ult. infr. de naufragiis. GOTHOF.*(b) Veluti *Notarius*: de quo mox. ID.(c) De *Magistro naui* agitur quoque l. 3. *infr. de naufragiis. ID.*(d) *Motus* Iudicis; vid. *Gloss. & Forner. III. Quotid. 3. ID.*

COMMENTARIUS.

INDEMNITATI & SECURITATI Nauiculariorum (& quidem Africanorum) consulit *his duabus legibus* Honorius: & *tertia* insuper lege, puta l. *ultim. infr. de naufragiis*, quæ omnes vnus & eiusdem constitutionis ad eundem illum finem tendentis partes sunt, atque adeo inter se coniungendæ veniunt. Et quidem indemnitati & securitati Nauiculariorum, aduersus Iudicum & Apparitorum, aliorumque ad quos cura frumenti dirigendi spectabat, leuitatem & cupiditatem.

Triplici porro ratione *his duabus legibus*, tum *tertia* aduersus eorum quos dixi, tum negligentiam, tum cupiditatem consulit Honorius. I. PRIVILEGIA Nauiculariorum, ad eorum querelam, non tuentibus Iudicibus hanc poenam imponit, vt facultates eorum nauicularia functioni addicantur: vult scilicet Honorius, si quando de imminentis privilegii suis conuerantur Nauicularii, iis *Tuitionis* præsidium tribuere: de quo *Tuitionis* præsidio, a Magistratibus seu Iudicibus tribui solito, siue recte, siue perperam, in simili pro quorundam securitate aduersus aliorum & potentiorum quidem, imo Magistratuum quandoque, molestias & iniurias impetus, est *hoc Codice* Theodosii M. *lex vnica. supr. de off. Iudicum militum. & l. ult. Cod. luff. de off. Com. S. Palatii*, vel *secundum Edict. Haloandrin. l. ult. de Off. Com. R. P.* Meminit & Symmachus non tantum *lib. 9. epist. 22. verum lib. 10. epist. 36.* Et quidem hic: *Causidicus fori mei Celsus tuitionem contra me & Annone Præfectum Clarissimum Virum de sede vicaria postulauit.* Nempe (quod *in initio epistola* indicat) quasi turbidum aliquid pro potestate Symmachus P. V. fecisset. Et mox rursus. *Hic iam vestra perennitatis est asmare contumeliam Præfectura, cuius Causidicus nihil passus auxilium secundi iudicii (id est Vicarii) impetrauit.* Eadem *Epistola* ait, a se petatum datumque Felici tuitionis auxilium: *Felix, inquit, cum a me in sequenti tuitionis auxilium proposuisset, & vnus Nomenclatoris, vt in vrbe pacata, amminiculo fretus incederet.* Huius Tuitionis multa quoque mentio apud Theodoricum R. referente Cassiodoro, veluti *lib. 2. epist. 29.* vbi iubet Ecclesiæ Mediolanensis prædiis & hominibus intra Scilium constitutis, salua ciuilitate præstari ab Adila Comite, vt ab iniuria & oppressione vindicentur. Et *lib. 3. ep. 27.* vbi Consulari Campaniæ aduersum Præfectum Prætorio tuitionem a se postulatam tribuit. Et *lib. 3. ep. 37.* vbi Iudæis Medi-

olanensibus & eorum Synagogis postulatam tuitionem tradit aduersus Ecclesiasticorum violentiam. Item *lib. 5. epist. 39. in fin.* damnat tuitionis genus quoddam damnosum in Hispania. Tandem generalis Tuitionis formula extat *lib. 7. epist. 39.* De hoc Tuitionis præsidio expresso capite l. *lib. 1. Var. egit Caselius pag. 186. seqq. Tom. III. Fac. Crit.* vbi tamen multa ad hanc rem non pertinentia cumulat. Illud recte, quod ostendit eo non pertinere *legem 1. §. 12. D. de off. P. V.* vt neque l. *6. §. 2. D. de offic. Prædis*, quibus in hanc rem abutuntur Doctores, etiam Fornerius in *Cassiodorum lib. 7. ep. 39.*

Ex superioribus interim apparet datam Tuitionem, seu λόγον ἀσφαλείας a Principe tuitionis formula: item datam eius iussu: denique datam citra iussu Principis a Magistratibus: & cum daretur a Magistratibus (quod ex Symmacho didicimus) datos & adiunctos aliquos ei, cui tuutio daretur, ex officio Magistratus: veluti Nomenclatorem a P. V. qui sane in Officio suo habuit Nomenclatores, vt discere est ex Notitia Imperii. Illud perperam Cuiacius, qui ad eandem tuitionem retulit *legem 16. Cod. Iust. de Dignit. lib. 12. tit. 1* nam ibi omnino recte legitur *sub fideiussione*: scilicet Theodosius ea leg. iubet in dignitate constitutos, si grauius aliquod facinus admiserint, extra carceralem custodiam sub fideiussione haberi. Ita quidem Theodosius, etsi mox proxime statim *seq. lege 17.* Zeno *fideiussionis* omnis remittat: Præterquam quod Theodosii *lex* illa est, de grauiore facinore admissa, vbi necessaria magis fideiussio, quam in ciuili & priuata causa. Franci tandem veteres hanc Tuitionem *Mündeburden* dixere: cuius formula extat apud Marculphum *lib. 1. formul. 24.* vbi de ea Bignonius prolixè. Et hac de prima ratione, tuitionis, inquam, præsidio, quæ securitati Nauiculariorum *hac* consistit. Honorius consultum iuit, aduersus priuilegia eorum imminutum cunctes.

Secundo aduersus CONVESSIONES Nauiculariis pariter consultum it, pariter vt Gratianus l. 3. *infr. de naufragiis*: pœnis propositis, aduersus eos, qui eos concussissent. Ac primum quidem aduersus Iudices quoscunque, puta Rectores Prouinciarum Africae, Proconsulem & Vicarium Africae, denique Præfectum annonæ Africae (qui omnes Nauiculariis & reannonariæ præerant:) itemque eorum

rum officiales, si vel aliquid de ipsorum centesimis auferri permiserint: *Centesimis*, id est, epimetro centesimatum (de quibus l. 7. in fin. *supr.* l. 38. *infr.* & l. 2. *infr.* de *frument.* *Alexandr.* & l. 3. *infr.* de *naufragiis*.) Idque siue eos ad id coegerint, siue etiam viro facientes admiserint: Quod & ipsum tamen fieri non posse dicit reuera, scilicet plena liberaque voluntate. Quia non est vnquam quisquam tam stultus, vt suum iactet, aut iactare credatur: Imo cum accipientis persona terribilis esse possit donanti, et si qui donat donare videatur, non tamen tenera donatum, sed extortum potentatus ratione creditur. Quæ ratio & alibi obtinet, veluti in *sp. tit. supr. ne quid publ. latitia*: & in *sp. tit. si nuptis*, &c. Idemque erit, si de propria substantia quidquam sportulæ nomine cuiquam donauerint, vel obtulerint Nauicularii. Ergo Iudicibus & Officialibus ad id cogentibus, vel id admittentibus multam 10. librarum auri imponit Theodosius: ipsi accipienti, Quadrupli poenam: sed ita vt ea filco exoluatur: Cum tamen Honorius longe auius l. 29. *supr.* poenam Quadrupli Nauiculariorum commodis referuari voluerit: de quo ad eam leg. Et hæc de Iudicibus & Officialibus qui concussioni Nauiculariorum fauerint, & de concutientibus ipsis.

Posteriori lege pariter concussioni eorum, qui frumenti dirigendi curam sustinent, occurrat, aliquid accipiendo a Nauiculario vel Magistro nauis. Quo in censu ponit in Dignitatibus constitutos & Apparitores. Dignitatis appellatione intelligo Tribunos, Notarios. Nempe cum cateroquin hi Principum Legationibus ferme destinarentur id est, hos in Prouincias vigendi alicuius negotii causa, Imperatores extra ordinem subinde mittere sole-

rent (de quo plenius dixi ad l. vnic. *supr.* de *mand. Princip.*) his aliquando frumentarii comعات ab Imperatoribus mandabantur, id est, ad procurandam & accelerandam annonæ vrbicæ subuectionem saepe mittebantur: quod ex Symmacho discimus lib. 10. *epist.* 31. *Felicitas quidem vestra æterna Vrbis sollemnis Alimonia copiam pollicetur.* D. Imp. sed re magis quam spe tuti esse debemus: quod facile factu est, si hanc quoque partem Clementia vestra cura respexerit: nam estate prouecta cum ex Africanis partibus minimum detrahebatur, non inani tangimur metu, ne res annonaria in graues cogatur angustias. Et ideo oro quæsoque Perennitatis Vestrae salubre presidium, vt Iudices Africanos, & NOTARIUM, cui Eternitatis Vestra mandauit frumentarios comعات, seueriora scripta dissimulent, missis in hoc negotium strenuis, qui opera consueta, dum tractabilis navigatio est, victui Vrbis exhibeant. De huiusmodi igitur dignitate, id est, de Notariis accipiendum est, quod dicitur hac leg. 37. Quandoque etiam eodem fine nudi Apparitores mittebantur, vt frumenti dirigendi curam sustinerent, nempe missi a Præfecto Prætorio, Præflectiani scilicet: ita ad vtigenda negotia quædam a Præfectis Prou. mittebantur, vt Notarii, vt Agentes in rebus ab Imp. et si vetiti hi Præflectiani, & quidem a Valentiniano Sen. l. vnic. *supr.* ne Præflectiani. Exactoris, vel Curiosi, vel Horreorum Custodis officio fungi. Ergo huiusmodi viros frumenti dirigendi curam sustinentes, & aliquid accipientes a Nauiculario vel Magistro nauis, promotu Iudicis puniri iubet. Vbi obseruandum, Nauicularium a Magistro nauis separari; pariter vt separatur l. 3. *infr.* de *naufrag.* vbi dicam.

XXXVIII. (a) Idem AA. Albino P. V. (b)

DISSIMVLATIONI & corruptelæ Vrbani (c) vel Annonarii (d) Officii exquisitis remediis Mansuetudo Nostra prospexit: vt si quando Nauicularius, extra modum centesimarum (e) diametrum (f) incidisset, intra quinque dies, ex quo Portum Venerabilis Vrbis (g) esset ingressus, adhibitis tribus Inlustribus viris, Urbana præfectura, præsentem quoque Annonario Cognitore, (h) quid euenisset detrimenti inquireret: & quicumque in hac fraude fuisset inuentus, sub elogio, adiuncto idoneo executore, (i) mox ad Africam, adque ad V. C. PF. Ann. (k) iudicium, deduceretur: soluturus instantia memorati, (k) quidquid debere fuerit deprehensus. Hæc itaque lege decernimus, Vt si ultra diem præfinitum permiserit (l) Nauicularium protelari, quinque libras auri se, adque Officium suum, sciat ærario nostro debere inferre: Apparitionem quoque Præfecturæ Vrbane multa trium librarum auri feriendam esse censuimus: PF. Annonæ duas libras auri sacris largitionibus inferre cogetur, nisi eius præcipue instantia intra diem constitutum fuerit adcelerata cognitio. Huiusmodi igitur inquisitio etiam diebus feritatis & deuotionum, absque ulla obseruatione, peragenda est. Dat. XV. Kalend. Octob. Rau. Constantio & Constante Coss. [414.]

NOTÆ

(a) Abest hæc lex à Cod. Iustin. GOTHOR.

(b) Albini huius P. V. meminit Rutilius Claudius Namatianus *Itinerarii sui* lib. 1. v. 168. & Olympiodorus apud Phorium Cod. LXXX. pag. 187. Edit. Schottii. & Tom. 1. Script. Rev. Byzant. pag. 9. Ed. Reg. ID.

(c) Præflecti Vrbis. ID.

(d) Præflecti Annonæ. ID.

(e) De his Centesimis, l. 7. 36. *supr.* ID.

(f) Διаметρον b. l. & l. 5. *infr.* de *naufragiis*. Mox detrimentum vocatur. De eo mox dicam plene. ID.

(g) De Portu Vrbis Romæ, quo Nauicularii species deportabant, dicam plene *infr.* lib. 14. non vno titulo. IDEM.

- (h) Urbis Romæ, id est, Præfectio annonæ Urbis Romæ. ID.
 (i) Conductore, profectore. ID.
 (k) Africa. ID.
 (k) Præfecti annonæ Africa. ID.
 (l) Quis? An Præfectus Urbis, ID.

COMMENTARIUS,

DE DIAMETRO per fraudem videlicet admissa a nauculario, est hæc Honorii constitutio ad eum finem videlicet ne dissimulatione & corruptela Præfecti Urbis vel Præfecti annonæ, & Officialium eorum, id publico damno cedat. *Diametrum*, ut hac leg. ita & l. 5. *infr. de naufrag.* (quæ & ipsa est Honorii) est *detrimētum*, ut hac ipsa leg. vocatur: *iactura*, ut vocatur d. l. 5. specierum susceptarum & Nauculario commendatarum: quoties videlicet de modo, seu calculo modulationis (ut vocatur l. *supr.*) ei in Africa commendata, cum eam reddit in Portu Urbis Romæ, aliquid desideratur; scilicet *διάμετρον* est quod τῷ μέτρῳ abest: sicut *ἐπίμετρον*, quod τῷ μέτρῳ superadiicitur (de quo l. 3. 14. 15. 21. *supr. de Susceptorib.*) Harpocration *vo.* *διάμετρον*: *διάμετρον*, τὸ ἐλλείπον ἀπὸ τῆς δικαίως μετρεῖν τὸν. *Δέναρχ* ἐν τῇ κατὰ Καλλιμάχου εἰσαγγελίᾳ: *Diametrum*, quod rei iuste mensurate ad mensuram deest. *Dinaribus* in accusatione contra Callisthenem. Sicut contra *σύμμετρον*, quod μέτρον, & τέλειον. In re monetaria, metallica pars quæ in scoriā abiit, *detrimētum* pariter: *interrimentum* Græcis *ἀπέρσια* vocatur: vid. *Glossar.* *Diametrum* porro rei casu & inclementi fortuna accidit, quo pertinet d. l. 5. *infr. de naufrag.* vel fraude, cum videlicet ex onere quod per fraudem a nauculario aueritur; interceptitur; quo spectat hac lex, ut docet totus legis contextus, tum expresse hæc eius verba, *Quicunque in hac FRAYDE esset inuentus: item quicquid debere fuerit deprehensus.* Ergo hac lex, est de *διάμετρῳ*; id est, de parte oneris auerlatam de toto onere auerso fuit *supra* lex 33.

Huiusmodi igitur *diametrum*, huiusmodi immixtionem fraudulentam naucularium restituere oportere certum est. Verum, quia huiusmodi fraudes, & *diametra* sæpe in dispendium annonæ Urbis Romæ, Præfectus Urbis, item Præfectus annonæ (ad quos annonæ sollicitudo pertinebat, de qua *mox*) eorumque Officiales dissimulare poterant, vel etiam iam dissimulare visi fuerant per collusionem: huic eorum dissimulationi & corruptela, hac constitutione sua Honorius occurrere putauit: & quidem his exquisitis remediis. Primum scilicet, in hoc *Diametrum* seu *detrimētum* inquirere iubet Præfectum Urbis: sic ut ab Urbe ad Portum Urbis Romæ ea de causa se conferre necesse habeat: Qui & alias tunc quandoque sollemniter annonæ causa eo se conferebat statotempore, de quo ex Ammiano lib. 19. cap. 10. & *Æthico in Cosmographia*, dixi ad l. 2. *infr. de canone frument.* V. R. Et ita quidem nunc Honorius: cum tamen antea Præfecto annonæ & Vic. Urbis tantum hanc cognitionem & Inquisitionem iniunxisset, l. 5. *infr. de naufragiis*. Secundo, præfente quoque Præfecto annonæ cui iunctim cum Præfecto Urbis annonæ Urbicæ cura incumberebat, denique societas muneris erat inter eos: quod præter hanc leg. exerte docet l. 1. *Cod. Iust. de Offic. Præf. Urb.* lex 1. *supr. de condit. in publ. horr.* (quæ duæ leges inter se coassandæ sunt) & Symmachus lib. 10. *epist.* 48. & Sidorius lib. 1. *epist.* 10. Sane & hac ipsa de causa iam antea appulsis ad Portum Urbis Romæ nauibus, Præfectus annonæ explorare debebat, vtrum incorruptæ species deportatæ

essent, seu vtrum nihil in his esset vitii? l. 2. *supr. de canon. frument.* V. R. quemadmodum hac leg. inquisitioni, vtrum modiatio integra sit, adesse iubetur: imo & sua præcipue instantia accelerare cognitionem Præfecti Urbis, ut proinde quasi stimulus additus fuerit Præfecto Urbis. Tercio, inquirere in hoc *diametrum* iubet Honorius intra quinque dies, ex quo Portum Urbis Naucularius est ingressus. Notum aliunde, ad Portum Urbis Romæ Naucularios species deportasse: de quo sæpe *infr. lib. 14.* Igitur intra quinque dies illos Inquisitionem hanc fieri vult Honorius; nempe quia annonæ Urbicæ fauor summam hac in re celeritatem desiderat, & cognitionem accelerari iubet. Quarto, huiusmodi Inquisitionem etiam diebus feriatis & deuotionum peragi oportere statuit, scilicet annonæ Urbicæ ratio & fauor ferias non admittit, quæcumque illæ sint, etiam *deuotionum*, id est, diuinæ feriæ, Dei scilicet cultui dicatæ, quomodo etiam agriculturæ fauor ferias diuinas non admittit, de quo ad leg. 1. *supr. de feriis* plura. Quinto, hanc Inquisitionem fieri iubet adhibitis tribus Inlustribus Viris, velut in maximi momenti negotio: quomodo & alias inquisitores adhibiti in specie leg. 9. *de heret.* Et hæc de Inquisitione seu cognitione super *διάμετρῳ*. Sexto, post Inquisitionem ita factam, post fraudem detectam, naucularium fraudis compertum mitti iubet, imo deduci ad Africam, & Præfecti annonæ Africa iudicium, adiuncto idoneo executore sub elogio, ad Africam & iudicium Præfecti annonæ Africa: nempe quia Africa interest, ne quidquam de canone Africano seu Urbicario pereat, cui si quid perit, Africa perit, vnde semper canon explendus venit: *Adiuncto idoneo executore*, id est, addito ei custode, persecutore, vti mos erat in deducendis & exhibendis reis, quod etiam docet lex 3. *supr. de exhib. reis*, vbi dixi. Tandem *sub elogio*, id est, titulo criminis, quo continetur crimen, modusque adeo in sp. *huius leg.* seu *διάμετρον* intercepti frumenti, seu auersi ex parte oneris: ita mitti soliti rei deprehensi seu conuicti sub elogio, remissique ad suum iudicem (ut in sp. *huius leg.*) vel Principem; quæ vulgaris iam observatio est. E multis pauca hæc: vid. l. 6. 11. §. *ultim. D. de custod. reor.* l. 3. *D. de re militari*: Tertullianum non semel, inter alia ad Scapulam cap. 4. *Prudens etiam missum ad se Christianum cum elogio, confessione eius intellecta, dimisit: scisso eodem elogio.* vid. & Marcellinum lib. 14. cap. 7. Et hæc de deductione seu transmissione Naucularii, qui *διάμετρον* admisit, in Africam. Septimo, cum instantia Præfecti annonæ Africa ad soluendam lacunam τῆς *διάμετρος* vrgeri iubet. Quod satis mite: cum alias auersi oneris in totum longe grauior poena sit l. 33. *supr.* Postremo loco sequuntur Poenæ seu Multæ dissimulantium, & intra quinque illos dies, ut dictum est, de *διάμετρῳ* non cognoscentium: Præfecti inquam Urbis, eius Officii 5. librarum auri, Apparitorum trium, item Præfecti annonæ, duarum. Et hæc quidem ita Honorius hac leg. de Nauculariorum *διάμετρῳ* seu fraude circa *διάμετρον*: hoc Anno Domini 414. Qui alioquin hoc ipso Anno ante quinque menses & quod excurrit, Nauculariis istis Africa vicennalem reliquorum indulgentiam (ab Anno Domini 387. ad Ann. 407. tribuit) at non etiam septem postremorum ad hunc anno.

annorum *l. 8. supr. de indulg. debitorum*. Et hæc rursum ita Honorius, Annonæ Urbis Romæ fauore: cui hac tempestate enixe consultum iuit: Et vero ad relationem, ut videretur, Albini Præfecti Urbis, cui hæc lex inscribitur: quem hoc ipso Anno memorat Olympiodorus apud Photium *Cod. LXXX. pag. 187. Edit. Schotti, & pag. 9. Tom. 1. Script. Rer. Byzant. Ed. Reg.* redeunte iam Roma (post eam a Gothis captam) in pristinum statum; cum scripsisse, ad Honorium scilicet, non sufficere modum annonæ, quæ ciuibz Romanis distribuebatur, audio iam numero in ciuitate: addidisseque vno die subductum numerum quatuordecim millium. ὅτι μετὰ τὴν ὑπὸ Γότθων ἄλσιν τῆς Ρώμης,

ΑΛΕΞ. ὁ τῆς Ρώμης ἐπαρχ., ἤδη ταύτης πάλιν ἀποκαταστάμενης ἔγραψε, μὴ ἐξαρκεῖν τὸ χορηγούμενον μέρος τῷ δήμῳ, ὡς πλεονάζει τῆς πόλεως ἐπιδησίας. ἔγραψε δὲ καὶ ἐν μιᾷ ἡμέρᾳ τετάχθαι ἀρθμὸν χιλιάδων δεκατεσσάρων. Post Romam a Gothis captam, Albinus urbi præfatus, quod iam eadem ad pristinum rediret statum, scripsit non sufficere præbitam populo partem, multitudine iam aucta ciuitate: additque vno die numerum initum esse ciuium quatuordecim millium. Cæteroque huius Albini P. V. mentionem quoque facit Rutilius Claudius Numatianus *lib. 1. Itinerariis sui v. 168.*

P. 52

DE PRÆDIIS NAVICULARIORVM.

TITVLVS VI.

LIB. XI. COD. IVST. TIT. II.

Vbi plenior *Titulus* extat, de *Prædiis & omnibus rebus Nauiculariorum*.

Porro ad hunc *Titulum* pertinent quoque quinque constitutiones superioris Tituli de *Nauiculariis*: nempe *lex 3. 19. 20. 27. 35.* quæ non minus bene in hunc *Titulum* coniectæ fuissent: & *lex 13. supr. de Senatorib. & Glebali collat.* quæ coniungenda est cum *l. 9. hoc tit. & lex 149. supr. de Decurionibus.*

P A R A T I T L O N.

PRÆDIA *Rubr. & l. 8. 10. hoc tit.* seu possessiones *l. 1. 8. 9. h. t. fundi, l. 6. 7. h. t. domus, l. 7. h. t. res l. 5. h. t. bona, l. 4. h. t. patrimonialia, l. 2. hoc tit. & l. 3. supr. de Nauicular.* facultates, *l. 4. hoc tit. & l. 20. supr. de Nauic.* Nauiculariorum, *Rubr. l. 1. 2. 3. h. t. ad Nauicularios pertinentia, l. 5. h. t. ad Nauiculariorum dominium pertinentia, l. 6. h. t. obnoxia Nauarchiæ functioni, l. 20. supr. de Nauicul.* Nauiculario iuri *l. 3. h. t. Nauiculario nomini d. l. 5. h. t. Nauiculario muneri, l. 3. supr. de Nauicul.* adscripta nauiculariæ functioni, *l. 8. h. t. vendi, alienari quidem potuere* (neque enim intercipi contractum emendi vendendi fas fuit, *l. 7. hoc tit.*) Sed cum sua conditione, ut ita Canon Urbis, & expeditionalium portuum necessitas semper impleri posset, *l. 35. supr. de Nauicul.* Nempe quolibet genere, *l. 2. h. t. seu titulo, l. 8. h. t. iis alienatis, l. 1. h. t. translatis, l. 6. h. t. transcriptis, l. 4. h. t. ad aliorum iura translatis, l. 6. h. t. in extraneorum dominia demigrantibus, l. 2. h. t. distractis, donatis, venditis, d. l. 6. 9. h. t. non ideo id Corpori Nauiculariorum præiudicare poterat, l. 1. hoc tit. verum comparatores earum possessionum, l. 1. hoc tit. seu bona ea rite retinentes, l. 4. h. t. ad quos ea res perueniunt, l. 6. h. t. emptores, l. 7. h. t. mercantes, mercatores, d. l. 7. h. t. hi qui fundos eos acceperunt, l. 8. h. t. modo ea Corpori Nauiculariorum restituere præcise iussi, seu ea patrimonialia in Corporis sui ius proprietatemque remeare iussa, ut a Valentiniano Sen. *l. 2. hoc tit.* vel tum demum, si nauiculariam functionem subire nollent, ut *l. 4. 6. h. t. alioquin si ea præ**

ea prædia retinere mallent, nauculariam functionem subire, suscipere, tolerare, commeari cogebantur, *l. 1. 3. 4. 5. 6. 7. 8. 9. hoc tit. & l. 3. de naucul.* vbi ratio redditur, & *l. 19. 20. 27. 35. supr. de Naucular.* idque pro rata parte, *l. 4. h. t.* pro modo portionis comparatæ, *l. 7. hoc tit.* secundum agri opinionem, *l. 8. hoc tit.* pro portione, *d. l. 3. supr. de Naucular.* pro virili portione *d. l. 3.* secundum possessionis modum *l. 27. supr. de naucular.* sub quinque his Ampliationibus: Primo. Quicumque vendidisset, etiam fiscus *l. 6. h. t.* seu subhastaria sorte, *l. 9. h. t.* etiam Respublica, *d. l. 6. h. t.* vel Naucularius, vel alius, *d. l. 6. h. t.* Secundo, Quicumque illi essent qui adquisissent, licet altioris dignitatis, *d. l. 3. de Naucular.* licet Agentes in rebus, *l. 20. supr. de Naucular.* licet Domus Principis, *l. 3. & 5. hoc tit.* Tercio, item non obstante temporis præscriptione, *d. l. 3. & 5. hoc tit.* excepta ea præscriptione, de qua *l. 9. & 10. h. t.* Quarto, non obstante contraria conuentione inter emptorem & venditorem, *l. 8. hoc tit.* Quinto denique, non obstante Principis rescripto seu permissu, *dist. l. 3. h. t.*

I. (a) Imp. CONSTANTIVS (b) A: ad decretum (c) Nauculariorum.

A LIENATIONES possessionum, a Nauculariis factas, fugiendi muneris gratia, præiudicare vobis non sinimus: Ideoque volumus, vt comparatores supraferibitarum possessionum, interpellato PF. Annonæ, ad id obsequium compellantur, cui se obnoxios esse fecerunt. Dat. V. Kalend. Nou. Constantino A. VII. & Constantio Cæs. Coss. [326.]

NOTÆ.

P. 93.

(a) Absit *hec lex* a *Cod. Iust.* Eodem hoc Anno ante mensẽ data *lex 5. supr. de Naucular.* GOTHOF.

(b) *pp. Constantinus*, vt Consilatus subscriptus ostendit. *ID.*

(c) De hoc dicam mox. *ID.*

COMMENTARIVS.

CONSTANTINI M. hæc & quidem vnica *hoc titulo* constitutio est, quod Consilatus ei subscriptus euincit, de prædiis Nauculariorum: cuius Principis altera quoque constitutio eiusdem argumenti & sententiæ *in l. 3. supr. tit. prox. de Nauc.* quæ data est Ann. 319. ante sexennium, & quod excurrit. Illa *Præfetto annonæ* (cuius etiam *hæc leg.* mentio fit) inscripta, hæc Nauculariis: vel vt Inscriptio habet, *ad decretum Nauculariorum*, id est, ad preces Nauculariorum: *Decreta* sunt, quæ Legatis ad Principem missis dabantur, vt docet *titulus supr. de Legatis*, & *decretis Legationum*: non tantum a ciuitate, siue a Prouincia missis, verum etiam a Corpore aliquo: vt ostendit *lex ii. eius tit. de Legatis & decretis Legationum*. Igitur Naucularii hac tempestate apud Constantinum M. questi fuerant, de paucitate sua, atque adeo de onere suo, nempe quia quamplurimi ex Corpore suo possessiones suas alienassent, fugiendi muneris, Naucularii, gratia, vt ita inopes a naucularia functione excusarentur: quod quidem plurimum reliquis Nauculariis præiudicabat, recedente in eos communi transfectionis seu conuentionis onere. Quare, Reparando Nauculariorum Corpori Constantinus M. vt illa *leg.* ita & *hæc*, Comparatores, possessores facultatum ad nauculariam functionem & obsequium compelli vult, cui se ita obnoxios reddiderunt: Ratione ad eam *leg. 3* addita: *Nec enim equum est,*

vt patrimonio huic functioni obnoxio excusato, commune onus non omnes pro virili sustineant portione.

De illo quæri potest, num Constantinus *hæc leg.* possessores Naucularios fieri iubeat, an vero pro rata tantum nauculariam functionem & præstationem eos sustinere velit? Certe prius illud velle videtur: quæ causa inter alias est, cur Tribonianus *hanc leg.* abdicauerit, prælata parte *legis 5. & l. 7. & 8. inf.* etsi alias posterius cautum sit: de quo ad *leg. prox.* Cæterum interpellari ad id exequendum Præfectum annonæ iubet: ideo quod Naucularii Annonæ Urbicæ seruirent: quæ ipsa causa est, cur *d. lex 3. supr. de Naucular.* in eodem argumento versans, ad Præfectum Annonæ data sit; & sub dispositione Præfecti Annonæ essent Naucularii, vt præter *hanc leg.* docet *lex 2. 3. 12. 36. 38. supr. de Naucul.* *lex 5. hoc tit. l. 2. infr. de naufrag.* & *l. vnic. supr. de his qui ven. atat.* Cæteroquin hoc ipso Anno ab eodem Constantino M. data quoque *lex de Nauculariorum priuilegiis*, eorumque indemnitate: puta *lex 5. supr. de Naucul.* Imo & *lex 4. infr. de infirm. bis qua sub Tyran.* & quarta insuper, puta *lex 1. Cod. Iust. de hereditatib. Decurion. Nauculariorum.* Vnde liquet; quanto studio hoc Anno 326. Constantinus Urbicæ annonæ, suscepta Nauculariorum cura, consultum iuerit.

II. (a) Impp. VALENTINIANVS & Valens AA. ad Symmachum
(b) P. V. (c) Post alia. (d)

PATRIMONIA Nauiculariorum, quæ, quolibet (e) genere, in extraneorum dominia demigrarunt, in corporis sui ius proprietatemque remeant. Dat. III. Id. Iun. (f.) Med. Valentiano & Valente AA. Coss. [365.]

NOTÆ.

- (a) Abest *hæc lex a Cod. Iustin.* Iungenda huic *lex ii. supr. de Nauiculariis.* GOTHOF.
(b) *Symmachus* hic Pater est Symmachii Epistolographi, qui & ipse postea Ann. D. 384. P. V. fuit. ID.
(c) Romæ. ID.
(d) Quæ continentur, d. l. ii. ID.
(e) Quocunque titulo l. 8. *infr.* siue donata, siue aliter translata. ID.
(f) *Ian.* in d. l. ii. Alterutrum error. ID.

COMMENTARIVS.

VALENTINIANI Senioris sex ordine constitutiones sequuntur: cuius præterea quatuor constitutiones alie super *Nauiculariis* relatae sunt supra tit. de *Nautis*, puta *lex 10. 11. 12. 13.* & undecima insuper, l. 2. *infr. de naufragiis.* Ex quibus elucet, quâto studio, Nauiculariorum Corpus factum tectum Valentiniâno Imp. Ternare voluerit Annona Urbicæ confuturâ: Ac nominatim REPARATIONE eius Corporis in se suscepta, quod subinde debilitabatur, tum Immunitatibus perperam extortis: quod pertinet *id. lex ii. supr. de Nauicular.* (quæ huic coniungenda est, ceu vnius & eiusdem constitutionis pars,) tum translato in extraneos Nauiculariorum patrimonio: Quo spectant sex huius tituli constitutiones. Et hæc nominatim, ad suggestionem Symmachii P. V. cui *hæc lex* inscribitur: de quo Ammianus Marcellinus lib. 27. c. 3. testis, quod eo instante *Vrbs sacratissima otio COPIISQUE abundantius solito fruita sit: Copiis*, id est annona.

Porro *hæc leg.* quæ NAVICULARIORVM fauorem respicit, Valentiniânus abscisse & simpliciter bona Nauiculariorum in extraneos translata EVINCI, REDDI, atque ad Nauiculariorum ius & proprietatem redire iubet, seu Nauiculariorum Corpori ea restitui: Cum tamen cæteris legibus, siue Constantiniani M. l. 3. *supr. de Nauicular.* siue ipsiusmet Valentiniâni: puta, l. 4. 5. 6. 7. *infr. hoc tit.* item Theodosii M. l. 19. & 20. *supr. de Nauicular.* & Honorii, l. 8. 9. 10. *hoc tit.* & l. 27. 35. *supr. de Nauicular.* non ipsa bona retrahi abscisse, verum subalternatiue ii, qui ea possident, pro rata seu virili portione Nauiculariam functionem agnoscere seu subire iubentur, nisi ea reddere malint. Et certe diferte ideo Valentiniânus Sen. l. 7. definit, interciperè contractum emendi vendendique fas prohibere. Denique hæc quoque causa est, cur Tribonianus & *hanc leg.* abdicarit, prælata parte *leg. 5. & l. 7. 8. infr.*

III. (a) Idem AA. ad Musufilum (b) Vic. Afric.

ADVERSVS petitionem Nauiculariorum, de suo iure certantium, spatium non præscribat annorum. (c) Etiam illis adsertionibus (d) remotis, quibus nonnulli amplexantur (e) quæ (f) Diuorum Principum consecuti fuere permisso. Sed & si est quidquam nauiculario iuri obnoxium, quod Domus (g) Nostræ proprietatem spectat, tollerare præcipimus Nauicularias functiones. Dat. Prid. Kalend. Aug. Vangionibus, (h) Valentini. & Val. (i) AA. Coss.

NOTÆ.

- (a) Et hæc *lex abest a Cod. Iust.* GOTHOFRED.
(b) Nullibi *Musufili* huius Vicarii Africæ præterea mentionem reperio. ID.
(c) Ita interpungendus hic locus: non ut hæcenus, *præscribat annorum etiam.* ID.
(d) Allegationibus. ID.
(e) *Amplexantur ea quæ*, id est, iis vectantur, seque defendunt. ID.
(f) Id est, *ea quæ.* ID.
(g) *Ad domus nostræ.* ID.
(h) Id est, *Borbetomagi* Vangionum: Hæc tempestate iam populorum seu regionum nomina, Metropolitibus indita. Huius Municipii in Germania prima meminit quoque Ammianus lib. 15. cap. ii. & lib. 16. c. 2. ID.
(i) *yp.* II. id est, Ann. D. 368. Neque enim Anno 365. mense Iulio in Gallia substitit Valentiniânus, verum Mediolani. Itaque ad Ann. 368. hæc lex referenda, quo sane Valentiniânus in Gallia conficit, primum Treuiri, deinde Vangionibus, inde Agrippinæ, tandem rursus Treuiris: ut docet *Chronicon Theodos.* ID.

COMMENTARIUS

EXCEPTIONES tres, in NAVICULARIORUM fauorem, quæ Nauiculariis suum, id est, personas Nauiculariorum, eorumque facultates repetentibus opponerentur, profligat *hac leg.* Valentinianus Sen. REPARATIONI scilicet Corporis Nauiculariorum insistenti, & sic annonæ Urbis Romæ consulens. Primum PRÆSCRIPTIONEM temporis Nauiculariis obesse non posse definit, quod & ipsum rursus idem statuit nominatim in vindicatione rerum ad Nauicularios pertinentium, *l. 5. infr.* (de quo plenius ad *l. 9. 10. infr. hoc tit.*) Secundo, neque IMMUNITATEM a

Principibus tributam quibusdam Nauiculariis prodesse: de quo *l. 3. & 11. supr. de Nauicul.* quæ postrema iungenda est *leg. 2. supr.* Tertio, neque DOMUM Principis, si quid nauiculariæ functioni obnoxium habeat, a nauicularia functione excusari. Quod & ipsum rursus statuit *d. l. 5. infr.* Breuiter igitur, neque Temporis, neque Principalis re scripti, neque Domus Augustæ præscriptio, quidquam nauiculariæ functioni nocere debet. Ut cæteroquin hæc tria publicis commodis obstrere non solent, non debent.

IV. (a) Idem AA. ad Dracontium (b) Vic. Afric. Post alia.

NAVICULARIÆ facultates Nauiculario Corpori reddantur, si bona rite retinentes subire eorum onera nolit, quorum possessione fruuntur: Cæterum, si sponte cognoscunt (c) Nauiculariam functionem, sine exceptione potioris, (d) vel cuiuscunque, bona ad se transmissa sine inquietudine possideant: cum pro rata ex parte debitis fungantur officiis: &c. Dat. IV. Kal. Maii, Remis, (e) Lupicino & Iouino Coss. [367.]

NOTÆ

(a) Abest & *hæc lex a Cod. Iustin. GOTHOF.*

(b) Dracontio huius Vic. Africæ multæ aliz constitutiones inscribuntur: v. *Ind. pers. ID.*

(c) Cognoscere pro agnoscere. *ID.*

(d) De hoc mox. *ID.*

(e) Remis in Gallia hac tempestate, hoc inquam Anno & superiore 366, Valentinianus Sen. constituit; quod præter alias plures constitutiones docet quoque Ammianus Marcellinus *lib. 26. vid. Chronologiam nostram. IDEM.*

COMMENTARIUS

POSSESSORVM, qui prædia quædam nauiculariæ functioni obnoxia possident, fauorem respicit *hæc lex*, periter ut *lex 7. infr.* scilicet ALTERNATIVAM tribuit *hac leg.* Valentinianus nauicularia bona possidentibus, vel ea reddendi, vel nauiculariam functionem subeundi. Nempe ut aliis ferme constitutionibus Nauiculariorum Corpori Valentinianus consultum iuit, submotis exceptionibus, quæ Nauiculariis de suo iure certantibus a possessoribus opponi solebant, de quo ad *leg. super.* ita viceversa *hac leg.* (pariter ut *d. l. 7. infr.*) ipsis POSSESSORIBVS bonorum nauiculariæ functioni obnoxiorum consultum it, aduersus nimietatem Nauiculariorum: & quidem duplicem: vel P-95 enim abscisse Bona illa Corpori suo reddi volebant, secuti *legem* ipsiusmet Valentiniani, puta *l. 2. supr.* vel Potioribus ea retrahentibus addici, qui scilicet vel facultates maiores haberent, vel qui propi-

us Nauicularium a quo bona profecta sunt, contingerent, aliisue se in id ingerentibus. Verum Valentinianus Primum (calcata *leg. sua 2. supr.*) Retinendi ea bona facultatem possessoribus tribuit, dummodo pro *rata* nauiculariam functionem subeant: Quod tralatitium hæc in re ius fuit etiam ante Valentinianum, ut docuit *lex Constantini M.* puta *lex 3. supr. de Nauicul.* & deinceps. Secundo, *Retractum* hæc in re potioribus denegat. Satis est scilicet & abunde, hæc in re dummodo Nauiculariæ functioni satisfiat, neque iusta possessio bona rite retinentium inquietanda; per delicias Nauiculariorum vel aliorum: Delictis vel inuidiæ hominum indulgendum non est. Vbi interim notandus est casus, quo *Retractus* improbatum, vel certe *potioribus* sese offerentibus locus non datur, etsi forte meliorem conditionem afferant, vel offerant.

V. (a) Idem (b) AA. ad Aurelianum PF. Ann.

TEMPORIBVS (c) præscriptionem in vindicatione (d) rerum ad Nauicularios pertinentium cognoscat Tua Grauitas esse succisam. (*) Domum etiam Mansuetudinis Nostræ in his quæ Nauiculario nomine obnoxia sunt, agnoscere præcipimus debitam functionem. Dat. III. Kalend. Octobr. Lupicino, & Iouino Coss [367.]

NOTÆ.

- (a) Abest Principium *huius leg.* a *Cod. Inst.* causam mox dicam. **GOTHOF.**
 (b) *yp. Imppp. VALENTINIANVS, Valens, & Gratianus:* Iam enim ante mensem, p̄ra IX. Kal. Sept. Gratianus Augustus a patre Ambianis in Gallia creatus fuerat: vid. *Chron. Theod. ID.*
 (c) Ferri possit: malum tamen *Temporis. ID.*
 (d) *Vindicatio:* vid. & *l. prox. ID.*
 (*) *Lex 1. Cod. Inst. cod. tit.* hinc desumpta est, rescata priore *huius leg.* sententia. *ID.*

COMMENTARIVS.

IN NAVICULARIORVM favore EXCEPTIONES seu Præscriptiones duas rursus (pariter vt *l. 3. supr.*) quæ Nauiculariis suum vindicantibus opponerantur, profligat *hac leg.* Valentinianus Sen. Primo *Temporis* præscriptionem: pariter vt *d. l. 3. supr.* Quam tamen & Honorius Imp. postea quadamtenus admisit, *l. 9. & 10. & Tribonianus* proculdubio admitti voluit, abdicata penitus *l. 3. supr.* & rescissa priore *huius leg.* sententia. Secundo, & Do-

mm Principis, quid nauiculariæ functioni obnoxium possidentem, nauiculariam functionem agnosce-re iubet: pariter vt *d. l. 3. supr.* vbi plura. Interim ex *huius leg.* inscriptione, collata cum *ipsa leg.* discimus aperte sub Præfecti annonæ dispositione fuisse Nauicularios: quod etiam docet *lex 1. b. t. lex 2. 3. 12. 36. 38. supr. de Nauicul. l. vnic. supr. de his qui ven. etat. l. 2. de naufragiis.*

VI. (a) Imppp. VALENTINIANVS, Valens & Gratianus AAA. ad Prouinciales Afros.

FVNDI omnes, ad Nauiculariorum dominium pertinentes, & ad aliorum iura translati, Fisco, vel Reipublicæ, (b) vel Nauiculario, vel quolibet alio, distrahente, siue donante, vel ad filios, vel propinquos, vel extraneos transferente, etsi ad Nauicularios (c) translati sint, reddantur dominis, actione in rem, & persecutione concessa: nisi maluerint hi, ad quos res peruenerint, onus agnoscere, cui erat ille obnoxius, cuius nomine vindicatio (d) competit euectionis, (e) ac melioratæ (f) rei, perceptorumque fructuum inspectione (g) habita: &c. Dat. VII. Id. April. Triu. Modesto & Arintheo Coss. [372.]

NOTÆ.

- (a) Abest & *hac lex* a *Cod. Instin.* **GOTHOF.**
 (b) *yp. Republica. ID.*
 (c) Alios scilicet. *ID.*
 (d) Vtitur *hac ipsa voce lex 5. supr. vindicias* vocat *lex 2. supr. de Nauicul.* actionem in rem *sup. hac ipsa leg. ID.*
 (e) Id est, *euectionis:* dicam mox. *ID.*
 (f) Vide & *l. 7. prox. ID.*
 (g) *Æstimatione habita, comparatione facta. ID.*

COMMENTARIVS.

NAVICULARIORVM fauorem respicit *hac lex.* Scilicet de EVICTIONE seu de REDDENDIS bonis nauiculariæ functioni obnoxiiis, est hoc Valentiniani Sen. edictum ad Prouinciales Afros emissum, quo tamen alternatim rursus tribuit Nauiculariorum bona possidentibus; vel oneris in quam Nauicularii agnoscendi, vel ea bona Nauiculariis necessario reddendi. De quo posteriore, de euectione inquam bonorum potissimum hic agit. Nempe quia rari iam erant, qui vltro vel-
 P. 96. lent onus Nauicularium agnoscere, ideo de euectione, seu de bonorum restitutione accuratius & distinctius cautum, hoc Edicto: *Edicto*, inquam, ad Prouinciales Africae misso: quorum multi huiusmodi bona possidebant: Itaque monitorio hoc Edicto conuerti iussique omnes ea bona reddere, & Euectioni parere sub diuersis Ampliati-

Primo, quocunque tandem distrahente ea accepissent: non tantum si quolibet alio, aut Nauiculario, verum etiam si Fisco aut Republ. distrahente: Nempe subhastaria sorte (vt loquitur *lex 9. infr.*) seu contractu rublico *d. l. 9.* saepe huiusmodi bona vendebantur: Et tamen vt *hac leg.* a Valentiniano, ita & *d. l. 9.* ab Honorio reuocari ea ad nauiculariam functionem iubentur, aduersus *fiscem* *hastæ.* Qui casus addendus est aliis nonnullis, quibus fides *hastæ* rescinditur, neque securus est qui rem sub *hastæ*, vel subhastaria sorte quæsiuit; denique res euincitur.

Secunda ampliatio. In quemcunque ea translata sint, non tantum si in extraneum, verum etiam si ad filios, vel propinquos, imo etiam ad alios Nauicularios: Nempe cuiusque Nauicularii ab antiquo nexi facultates melius vtilius conservari vix.

Tertia ampliatio. Dominis seu Nauiculariis ipsis ad hanc euictionem, seu ad hæc bona vindicanda tribuit actionem in rem, vindicationem & persecutionem: & proprie quoque *persecutionem*: quia *persecutionis* verbo, extraordinaria actio continetur, quæ non habet iuris ordinarii executionem: l. 178. §. 2, *D. de verb. sign.* Sic & fideicommissi persecutioni, l. 7. *supr. de testam.* Et hæc de tribus Ampliationibus.

Sequuntur duæ Limitationes. Prima, de qua *fa-*

pra iata. Altera est, quod modum huic restitutioni istum addit: nempe, ut *Euictionis*, (sic enim restitutio) ac meliorata rei, perceptorumque fructuum inspectio habeatur, id est, ita præteritum reddatur, ut simul habeatur ratio incommodi, euictionis, temporum, seu meliorationis compensatione facta pro modo perceptorum fructuum: quæ omnia huiusmodi Euictionis lex est, ac nominatim etiam euictis prædiis Curialium, l. 2. *de pred. & mancip. Curial.*

VII. (a) Idem AA. (b) Achiloni Proc. Afric.

IN his quæ Nauicularii vendunt (quoniam interciperi (c) contractum emendi vendendique fas prohibet) emptor nauicularii functionem pro modo portionis comparata subeat. Res enim oneri addicta (d) est, non persona mercantis: (e) Neque Nauicularium illico (f) iubemus fieri eum, qui aliquid comparauit, sed eam partem quæ emptæ est, pro suo modo ac ratione, esse munificam: (g) Nec enim totum patrimonium ad functionem Nauicularii (h) muneris occupandum erit, quod habuerit, (i) qui rei exiguæ mercator accesserit, sed illa portio, quæ ab initio Nauicularii fuit, ad pensionem huius (k) functionis sola tenenda est: residuo patrimonio, quod ab hoc vinculo liberum est, otioso (l) & innuini seruando. Domos (m) vero, quarum cultus decus urbium potius, quam fructus acquiritur, ubi a Nauiculariis veneunt, pro tanto modo ad hanc pensionem obligari (n) placet, quantum habebant emolumentum, (o) cum pecuniam mutuarentur. (p) Vbi vero spatia (q) loci & exiguitas nullam habuit (r) pensionem, aut (s) extractio, cuius est ardua difficilisque molitio, (t) aut decus sumptuosum, aut (ut est plerumque liberale institutum (v)) habitationem quis (x) suam ornamento urbis adiecit, (y) nolumus munificentiam, (z) quæ postea addita est, inprobam licitationem æstimationis excipere, (aa) sed vetusta potius loci specie (bb) & pensio cogitetur, quam cultus hodiernus, qui per industriam hominis anihili (cc) accessit. Dat. III. Non. Aug. Post. conf. Gratiani A. III. & Equi. VI. V. C. [375.]

NOTÆ.

(a) L. 2. *Cod. Iust. eod. tit.* GOTHOF.

(b) *vg. diuulsis literis, Idem AAA. (puta Valentinianus, Valens & Gratianus) Chiloni: Quod postremum neque Tribonianus videre potuit, qui tamen recte viderat, trium Augustorum nomina huic leg. inscribenda: Idem, inquit, AA. & Gratianus A. Porro Chilo hic idem est, cui hoc ipso Anno inferibitur lex 16. supr. de Susceptorib. Et qui superiore Anno Vic. Afric. dicitur. l. vltim. supr. de excusat. artificum. Chilonis ex-Vicario mentio fit apud Ammianum initio lib. 28. ID.*

(c) *Intercipere, & interdicerè, annullare, prohibere. Rei scilicet obligata & obnoxia non est prohibita alienatio, sed res transit cum onere suo. ID.*

(d) *Id est, obligata. ID.*

(e) *Mercatoris, Cod. Iust. vt infr. mercator. ID.*

(f) *Absit a Cod. Iust. male. ID.*

(g) *Munificam, id est, muneri & functioni nauiculariæ obnoxiam: vid. Gloss. Theod. ID.*

(h) *Nauiculariam, Cod. Iust. ID.*

(i) *Habuit, vulgat. Edit. Cod. Iust. ID.*

(k) *Huiusmodi Cod. Iust. ID.*

(l) *Pro, immuni a publica functione. ID.*

(m) *Domus Cod. Iust. ID.*

(n) *Emptorem scilicet. ID.*

(o) *Emolumentum domus, pro pensione, quæ ex domo colligitur seu colligi potest. ID.*

(p) *Cum pecunia mutuaretur: ita Cod. Iust. passim. Cuiacius, cum pecunia mutuarentur. An: cum pecunia mutuarentur, actiue, Nauicularii scilicet? Mutuari est, non ex contractu speciali (quod Mutuum vocatur) quid accipere, verum quid mutuo & inuicem accipere: Quod etiam fit in venditione, ubi pro re seu merce pecunia mutuo & inuicem accipitur. Quod Glossa vidit. An pecunia mutuarentur, id est, locarentur? ID.*

(q) *Spatium C. Iust. etiam in aliis etiam spatia, vt docet Lucas de Penna. ID.*

(r) *Cum venderetur. In Cod. Iust. vulgat. est, habuerit. ID.*

- (b) Aut post emptionem. *Id.*
 (c) *Molitor*, *vulgaris* de edificio: vid. *Gloss. Ford.* *Id.*
 P. 97. (v) *Institutionum*, *vulgaris* de edificio instituto: vid. & l. 3. *supr. de excus. arbitrum.* *Id.*
 (x) Emptor scilicet. *Id.*
 (y) *Adiectis*, *Cod. lust. vulg.* *Id.*
 (z) Et magnificentiam. *Id.*
 (aa) Id est, sustinere. *Id.*
 (bb) *q. species: vt Cod. lustin.* & Edit. in 4. *Id.*
 (cc) *Animositas* in operibus & edificiis excelsendis: vid. & l. 48. *infr. de operibus publicis.* Sic & Symmachus, *lib. 8. epist. 89.* Multam rebus omnibus additurus, quas cialum voluptati animose impendio preparamus: in voluptatibus scilicet publicis exhibendis. Alioquin & animositas in licitationibus, l. 36. §. 1. *D. mandati.* vide plura in *Gloss. Theod.* *Id.*

COMMENTARIUS.

POSSESSORVM, & Emptorum, qui bona quadam, seu prædia naviculariæ functioni obnoxia possident, fauorem & securitatem respicit hæc pulcherrima, & prædicabilis, omniumque maxime in hac materia, distincta & expressa Valentiniani Sen. constitutio, quam ideo Tribonianus spretis aliis in *Codicem suum* retulit: Aduersus nimietatem Naviculariorum, imo & ludicum forte quorundam, plus æquo huiusmodi possessores inquietantium, & ultra modum conuenientem.

Prima nimietas hæc erat, quæ hic obiter perstringitur, (& cui contrarium sequentibus huius leg. sententia præstatur) quod etiam absolute intercepti huiusmodi venditionem vellent, id est, interdici, atque adeo absolute res naviculariæ functioni obnoxias ad Navicularium redire oportere intendebant, vt cateroquin multa sunt quorum emptio venditione interdictum est. Et sane id ita a Valentiniano ipsohiet in hac specie aliquando constitutum fuisse suadet eius *lex 2. supr.* At enim contra nunc definitur. Quoniam, inquit, intercepti contractum emendi vendendique fas prohibet. Nefas est scilicet cuiquam suæ rei commercio interdici, si modo aliunde consulum publicæ utilitati esse possit: uti hoc casu esse potest, mediis & remediis quæ hoc titulo, & hac leg. nominatim proponuntur. Sic etiam, et si l. 6. *supr. de contrab. empt.* cuique liceat emptorem querere, attamen moribus interdictum est, in proximorum fauorem ius retractus gentilitii.

Secunda nimietas hæc erat, (præsupposito iam illo quod dixi, nempe quod Navicularius prædia sua alienare posset, sed cum onere suo,) quod huiusmodi prædiorum emptorem seu possessorem ipsum, omniaque eius bona in totum naviculariæ functioni obnoxia esse vellent, etiam ea quæ ipse de suo haberet: imo & per hoc ipsum, Navicularium eum prorsus fieri oportere contendebant: Verum definit hac leg. Valentinianus, eum, non nisi præ rata bonorum naviculariæ functioni obnoxiorum a se quæstorum, ad pensionem functionis naviculariæ teneri, neque ipsum Navicularium eum omnibus suis bonis fieri. Quod & ipsum constituitur l. 4. *supr.* & l. 8. *infr.* & l. 3. 27. *supr. de Navicul.* Et rationem reddit: Quia res oneri addita est, non persona mercantis. Vnde iam secundum axioma ex hac leg. conficiatur: Quod res quantumlibet obnoxia alicui oneri ab aliquo emptæ sit, attamen neque personam emptoris id afficiat: neque ultra modum ipsius rei emptor teneatur.

Tertia nimietas erat circa æstimationem & proportionem, pro qua videlicet emptores huiusmodi prædiorum ad naviculariam functionem tenebantur: idque duplici ratione; Nempe Domos (nam de his hic agitur) æstimari volebant pro æstimatione pretii, quo emptæ fuissent, non pro modo pen-

ditis: item æstimari volebant, pro decore postea adiecto, cultuque hodierno, qui per industriam emptoris & hominis animosi accessisset. Id quod utrumque hac leg. inhibetur: iubeturque adeo primum ea æstimatio iniri seu modus præstari pro modo pensionis, non vero pro modo pretii dati: hac ratione, quia & in commune, quod hic dicitur, domorum cultus decus urbium potius quam fructus adquiritur. Domus scilicet seu prædia urbana in ornatu magis quam fructu consistunt. Quare axioma istud hinc conficiatur: Res, & quidem prædia urbana, æstinanda non secundum valorem, sed secundum eorum redditum: quam in rem quoad censum, & tributum rationem attinet, vid. quæ Ioan. Philippi in *præcorum nostrorum munus summa*, num. 94. & 95. Secundo definit Valentinianus Sen. quomodo hæc æstimatio ineunda sit; scilicet pro ratione temporis quo domus comparata fuit: non vero præstenti: quia iniquum foret exstructionis arduum difficilemque molitionem, ad decus sumptuosum, vel liberale institutum & munificentiam, quæ postea addita est, habitationem suam ornamentis & bis aditiciis & industriam hominis animosi improbam licitationem æstimationis excipere; ut hæc omnia eleganter hic dicta occurrunt. Satis scilicet ipso sumptu nouus emptor gravatur: Resque publica satis habet, quod emptoris liberalitati, munificentia, & industria gratia habeat, quam & domus ita culta improbam insuper licitationem æstimationis exciperet: id est, eo plus in præiudicium eius æstimeretur taxatione. Denique vetusta potius loci seu Domus species & pensio cogitanda venit, quam cultus hodiernus: Vno verbo tempus modusque pensionis, tempore contractus & emptionis domus naviculariæ functioni obnoxia hic attendendus, & que ulterius emptor prægauendus vehit. Quæ omnia singularia admodum sunt, mentique tenenda, si quando de æstimatione rerum agatur, deque oneribus & collectis publicis sustinendis rei æstuius comparata nomine: Tertiumque adeo axioma hoc teneatur: Quod valor rei & quidem Domus alicui oneri vel functioni obligata, si in alium transferatur, colligatur & attendatur secundum æstimationem & fructum, quæ erant tempore contractus seu alienationis; non pro modo quæ postea accessit extrinsecus ex liberali instituto noui emptoris, munificentiaque & industria eius, seu pro modo cultus vel molitionis extrinsecæ. Quod quidem Doctores & Interpretes extendunt ad res Minorum comparatas: de quo ad aliquid facit *lex 30. §. 1. D. de minorib.* Extendunt seu applicant ad fundos Vasallorum & rusticorum comparatos. Pontius & exemplum in Prælati Ecclesiæ, qui cum res modici pretii alienant, postea videntes rem pretiosior factam, dicunt Ecclesiæ deceptam, & volunt reuocare. Quod non possunt argumento quoque haberi leg. Sic sane & in Emptione non augetur quantitas

titas euictionis, si res melior fuerit effecta, l. 64. in pr. D. de euictionib.

Ad hanc vero æquitatem pertinent quoque (et si alia in re) duæ singulares constitutiones, quæ ad æram nostram ferme pertinent. Prima est eiusdem Valentiniani lex 2. Cod. Iust. de fundis rei priuata, quæ in hoc Codice quoque olim fuerat; qua cauetur, quod vnaquæque villa cum eo onere vel forma, cui nunc habetur obnoxia, ad noui domini iura migrabit, *ut si quid adiecerit sumptus cura vel SOLERTIA, quicquid mancipiorum vel pecoris ACCREVERIT; capitationis aut canonis augmenta non patitur, sed solis dominis hereditibusque dominorum sit cessura FELICITAS.* Secunda est, lex penult. Cod. Iust. de omni agro deserto, in specie de sterilibus fundis, sub certi canonis præstatione susceptis ab aliquibus: ubi definitur, nullam eos descriptionem siue ADIECTIONEM aut inuocationem in posterum sustinere: quoniam nimis absurdum est, eos, qui nobis hortantibus fundos inopes atque egenos, magno LABORE impenso, aut exhausto patrimonio vix forte MELIORARE potuerunt, vix deceptos, inopinatum onus suscipere, illudque velut quadam circumuentione deposci, quod si se daturos præciserent, fundos minime suscipere, aut etiam COLERE paterentur. Addatur & tertia, ex Theodosii Novella 10. cuius pars est, lex ultim. Cod. Iust. de allu-

uionibus, ubi pariter definitur, si sumptibus possessorum ad frugum fertilitatem translata sint paludes, vel pascua, quasi fertilia censeri, vel functiones exigi non oportere, ne doleant DILIGENTES operam suam agri dedisse CVLTVRÆ, nec diligentiam suam sibi damnosam intelligant. Ad eandem inquam æquitatem pertinent quoque hæc leges, et si in dispari specie: vnde iam axioma illud conficiatur, cum de canone vel onere aliquo agitur: siue ea res postea ab eo, qui functioni illi obnoxius erat vendita fuerit, siue ea lege & spe relicta, æstimationem eius temporis semper in eundam, quo res vendita, relictaque fuit, non pro modo augmenti seu meliorationis, quæ industria emptoris, vel possessoris accessit. Idemque est extra functiones publicas, & circa venditionem, inue solutum datationem: industria easim & euentus venditori prodesse non debet, sed emptori, ut eleganter loquitur lex penult. Cod. Iust. de solutionibus. Hinc & retro, si in sp. legis nostræ, fundi ipsi euincantur & reddantur Nauiculariis, melioratæ rei inspectio habenda est: ut idem Valentinianus definit l. 6. supr. Ab hac vero specie diuersa est illa, vtrum Canon augeatur, aucto per alluuium prædio? de quo v. præter alios tertium SCtum apud D. de Efflang.

VIII. (a) Imp. Arcad. & Honor AA. Messalæ PF. P. (b)

HI qui fundos nauiculariæ functioni adscriptos a Nauiculariis acceperunt, quolibet ad se titulo transeuntes, secundum agri opinionem, (c) quæ antiquitus habetur, adscribita, nauiculariam functionem suscipere cogantur: Neque eas condiciones sibi æstiment (d) profuturas, quas venditor minus idoneus in se receperit, (e) inpositæ (f) mentis arbitrio. Hac tamen ratione (g) seruata, ut si ad minus idoneum fuerit translata possessio, etiam auctores (h) transcribi prædii teneantur obnoxii: Sitque hoc in promptu, ut damnis fiscalibus primitus ab idoneis consulatur: &c. (i) Dat. XIV. Kalend. Mart. Med. Theodoro V. C. Coss. [399.]

NOTÆ.

(a) L. ult. Cod. Iust. eod. tit. Iungenda autem illi lex 28. supr. de Nauicular. GOTHOF.

(b) Italiæ. ID.

(c) *Opinio* agri, est census, censuralis Professio & æstimatio agri hac leg. Eodem sensu l. ult. Cod. Iust. de collat. fund. fiscal. *Ut omnes species annuaris, curstationes etiam debitas, atque integram opinionem sciant esse saluendam.* In Glossis: *Opinio*, δόξα, ὑπόληψις, οἷσιν ὁ νόμος. Et inde forte *opinatori* nomen, qui est ἀπαυτῆς τῆς ἀνώνυς ἡγετωρικῆς. ID.

(d) *Existiment*, Cod. Iust. ID.

(e) *Recepit*, Cod. Iust. ID.

(f) *Imponentis arbitrio*, ita in Cod. Iust. Edition. nonnullis. In vulgatis tamen eadem lectio. At in veteribus, *impositas ementis arbitrio*. Quod probat Cuiacius, & omnino probum est. ID.

(g) *Pactione*, Cod. Iust. male. ID.

(h) Eadem voce in eadem re vixit lex 19. supr. de Nauicul. ID.

(i) Quæ sequuntur, d. l. 28. ID.

COMMENTARIUS.

HONORI Imp. tres constitutiones sequuntur, super prædiis & possessoribus prædiorum nauiculariæ functioni obnoxiorum, quibus addendæ sunt duæ eiusdem; puta lex 27. 35. supr. tit. de Nauiculariis. Ad id sane argumentum pertinent & THEODOSII M. duæ constitutiones, puta lex 19. 20. supr. de Nauicul. cuius Imp. nulla constitutio in hunc titulum coniecta est. Hæc NAVICULARIO-

rum corporis fauorem respicit, & ut damnis fiscalibus consulatur, ut sine leg. dicitur. Nempe reparationi rei nauiculariæ prouidurus Honorius Imp. hoc Ann. D. 399. & sic annonæ urbicæ consulturus, constitutione sua ad Messalam PP. Italiæ emissâ duplici remedio consulere in animum induxit: quorum posterius continetur l. 28. supr. de Nauicul. quæ proinde huic coniungenda est, iussis Nauiculariis

his, debita capacitas naues edificare: prior continetur *hac leg.* qua indemnitati fisci seu annonae vrbicae consulitur, definitis personis quae alienatis a Nauiculariis praediis conuenire possent, aduersus fraudulentas siue conuentiones siue alienationes. Gemina scilicet fraus in huiusmodi alienationibus saepe intercedebat: Prior, quod emptor hac conditione emeret praedium a Nauiculario, vt Nauicularius venditor, iam minus idoneus nauiculariae functionis onus in se reciperet: Altera, quod viceversa saepe emptor minus idoneus esset. Igitur Honorius neutrum damno fisci cedere vult. Nam & conuenti-

onem illam prodesse vetat, & pro nulla habet, vt ceteroquin etiam sine censu fundus comparari non potest: de quo *iii. supr. & C. iust. sine censu vel rebus*: neque idem fundus sine colono *l. 3. infr. de censu: l. 1. & 26. supr. de annona & trib.* vel colono, sine censu: *l. 2. supr. sine censu*: ac proinde emptorem idoneum conueniri posse. Viceversa, si non idoneus sit emptor, venditorem idoneum teneri vult: Denique vult hoc esse *in promptu*, id est, hoc vnice spectandum esse, vt damnis fiscalibus *premitus*, quamprimum ab idoneis consulatur.

IX. (a) Imp. HONOR. & Theod. AA. Sebastio (b) Com. (c) Post alia.

NAUALEM haeresim (d) in omnibus (e) voluntas custodiri: vt vsque ante (f) viginti annos quaecunque possessiones subhastariae (g) sorte distractae sunt, & propter contractum publicum nauali fuerant haeresi separatae, si huic oneri ante eas subiactum confiterit, rursus ad debitam functionem teneantur obnoxiae: &c. Dat. Prid. Id. Maii, (h) Rau. Honor. XI. & Constantio II. COSS. [417.]

NOTAE

- (a) Absit *hac lex* à *Cod. iust.* velut temporaria. Iungenda huic *lex 13. supr. de Senatoribus*: (vnde desumpta *l. 15. Cod. iust. de omni agro deserto*, quae die & Coss. caret) & *l. 14. 15. 16. infr. de censitoribus*. Imo & *lex 7. seu vlt. supr. de locat. fundorum*, et *Ursacio Comiti R. P.* inferibatur. GOTHOF.
(b) Dicta *lex 7.* inferibitur *Ursacio Com. R. P.* nempe quia caput illud prolixioris constitutionis ad Com. R. P. officium pertinet, vt pote agens de locacione fundorum iuris emphyt. & reuocacione eorum. ID.
(c) *Primi ordinis*, huic additum d. *l. 14. 15. 16. infr. de censitorib.* ID.
(d) Haeresis, *ἀρεσις*, naualis *hac leg.* bis, & *l. prox. vlt.* est conditio naualis. Inde & sorte haeresiorum, *l. 14. de Nauicul.* ID.
(e) Et per omnia. ID.
(f) Ita & d. *l. 16. illa*, quae ante viginti retro annos: & rursus mox: quae ante viginti similiter annos. IDEM.
(g) *77. Subhastaria sorte.* ID.
(h) Ita quoque d. *l. 13. & d. l. 7. At d. l. 14. 15. 16. Dat. Prid. Id. Maii.* ID.

COMMENTARIVS.

NAUICULARIAE functionis fauorem enixum respicit haec Honorii constitutio, quae praecise REVOCARI iubet eas possessiones omnes, quae nauali haeresi, seu functioni, olim obnoxiae erant: intra viginti annos distractas, *Vsq̃ue ante viginti annos*, id est, intra 20. annos: Quomodo pariter & *l. vlt. infr. de censitorib.* (quae huic inter alias mox vt ostendam coniungenda est) inspectioni seu peraequationi, de qua *ea leg. & d. leg. 13. supr. de Senatorib.* seu *d. leg. 15. Cod. iust. de omni agro deserto*: idem terminus ponitur, iisdem verbis *ante viginti retro annos*. Ante viginti annos, id est, intra viginti retro annos: Quomodo in comparatione dierum, *Ante diem pridie Kal. Non. vel Id.* Ergo vicennalis praescriptio *hac l.* admittitur: cum tamen simpliciter temporis praescriptio submouetur in hac re, *l. 3. & 5. supr.* & quinquagenaria tantum admittatur in *sp. l. vltim. infr.* verum speciale istud est in specie *huius leg.* vbi agitur de praediis Nauiculariorum sub hasta; vel vt loquitur *lex*; *subhastaria sorte* distractis. Nempe & ceteroquin qui a fisco quid emit, citius securus est, de quo mox vel Institutiones nostrae: propter contractum publicum, ait *hac lex*: scilicet maior fides contractus publici seu subhastationis esse debet quam priuati contra-

Et haec quidem ita *hac leg.* Honorius; quae pars est Formulae seu Mandatorum datorum Sebastio Com. ordinis primi Peraequatori, missa in Prouinciam (Africam scilicet) ad inspicienda, peraequanda praedia, ad adiectionem seu *ἐπιβολήν* faciendam steriliū cum opimis, denique ad aequandas publicas functiones: vt docent quinquae aliae *leges*, ex iisdem Mandatis desumptae; huic proinde omnes coniungendae: puta *lex 13. supr. de Senatoribus & Glebali collat. l. 14. 15. 16. infr. de Censitorib.* Imo & *l. 7. seu vlt. supr. de locat. fundorum*. Quorum quidem publicarum functionum numero fuit naualis haeresis seu functio; & vero omnium maxime Reipubl. annonae, inquam, vrbicae utilis. Quare Honorius inter cetera mandata, quibus missum a se generalem illum inspectorem & peraequatorem instruendum credidit; etiam de praediis Nauiculariorum monendum cum maxime duxit *hac leg. & l. 13. de Senatorib. & gleb. collat. & d. l. 15. Cod. iust. de omni agro deserto*: quid videlicet hac parte agendum haberet: nempe generaliter primum, vt naualem haeresim in omnibus custodiret, id est, vt eius potissimum & semper rationem haberet: Quare si nauiculariae functioni obnoxium praedium desertum, opimo iungeret per *ἐπιβολήν*, vt eam *ἐπιβολήν* faceret semper, salua functione nauali:

nauali: a cæteris tamen functionibus immunem: quæ sententia est posterioris partis *d. legis 13. supr. de Senatoribus & Glebali collat.* quæ melius huc relata fuisset, & huic leg. cohæsisset; relata vero est in *dist. l. 15. Cod. Iust. de omni agror*

deserto. Item, ut prædia naucularia *distracta*, ad nauculariam functionem retraheret, si intra XX. annos sub hæsta distracta fuissent: quæ *huius leg.* sententia est.

X. (a) Idem AA. Proculo PF. P. (b)

SI quod Prædium, in quolibet Africani cespitis (c) loco, per quinquaginta annorum curricula ad naualem functionem nulla sollicitudo reuocabit, (d) nec pulsatum (e) aliquando intra designatam annorum seriem super hac parte constiterit, ac prædictæ annositatis (f) cursum sine vlla navalis hæresis (g) conuentione (h) transcenderit, nullis patimur sollicitudinibus agitari. Illud quoque penitus abolendum esse censemus, ut quem non *Personæ* alicuius super naucularia functione probamenta (i) confutarent, (k) nulla chartarum post quinquaginta annorum seriem molestia re diuina (l) conueniat. Dat. XV. Kalend. Iun. Rau. Asclepiodoto, & Mariniano Coss. [423.]

NOTÆ.

P. 100 (a) Abest hæc lex a Cod. Iustin. GOTHOF.

(b) Proculus PP. sub Honorio, Italici scilicet, in qua Præfectura Africa, ID.

(c) Cespes. Vid. Glossar. ID.

(d) Proreuocauit.

(e) Pulsatum, id est conuentum: vid. Gloss. ID.

(f) Annositas, hæc leg. & l. 13. supr. de Decurionib. v. Gloss. ita & annosa militiæ, l. 16. supr. de Agentibus in reb. ID.

(g) Hæresis, id est, functio hoc tit. & l. super. prox. 9. ID.

(h) Tolerari forte posset: sed malim ego conuentione, id est reuocatione, pulsatione. ID.

(i) Probamentum, pro probatione. ID.

(k) γγ. Confutarent, conuicerunt: Ita & l. unie. supr. de quadrim. breuib. & l. i. supr. de superuexat. ID.

(l) γγ. Rediuna: vid. Gloss. Theod. ID.

COMMENTARIUS.

PRÆSCRIPTIONE quinquagenaria, seu quinquaginta annorum, a naucularia functione, & prædia & personas defendi deinceps definit hac elegantissima leg. Honorius, Abolito antiquo iure, quo ne præscriptioni quidem huic locus erat. De prædiis sane testis lex 3. & 5. supr. (excepto casu l. 9. supr.) De personis, non est alia lex expressa: hæc hanc ad rem singularis est, cuius pars hæc posterior melius relata fuisset in *titulum de Nauculariis*. Porro quinquagenariæ isti præscriptioni locus est, si videlicet nulla fuerit mota controuersia prædio aut personæ super naucularia functione intra quinquaginta annos. Interim hinc quoque apparet de processu & usu præscriptionum in Imperio Romano, quibus sane ut lancinari id cepit, atque in præceps ruere, magis magisque locus factus est. Vnde etiam a Theodosio Iun. huius Honorii

nostri collega, Anno proxim. 324. triennalis præscriptio peremptoria inuenta l. unie. supr. de actionib. certo temp. finiendis: eaque mox in maius a Valentiniano III. aucta *Novella Valent. 8. de præscript. 30. annorum*. Et sane quo pacatiora sunt tempora, eo præscriptionibus minor locus esse debet; quo Mors, quo Mars magis coniuratus, eo maior etiam. Quo etiam pertinet decennalis præscriptio ab hoc eodem Honorio nostro inducta ante quinquennium in sp. l. 6. supr. de testamentis: ubi ratio quæ additur, notanda est. Neque tantum in causis priuatis, verum etiam in publicis, quo pertinet hæc lex. Hanc interim quinquaginta annorum præscriptionem addi deinceps velim iis, quæ cumulant Eustachius, lib. περὶ χρονικῶν διασκηπτῶν, de temporal. præscript. Cuiacius, & alii.

DE NAVIBVS * NON EXCVSANDIS. **

TITVLVS VII.

LIB. XI. COD. IVST. TIT. III.

* Priuatorum. ** ab Angariis, seu ab onere transuectionis publicæ: & quidem, non *Potentiorum patrocínio*, legibus huius tit. non priuilegio vlló, quo pertinet *Novella Theodosii 15. de nauib. ultra duorum mill. capacitatem non excusandis*: (vnde desumpta est *lex 2. Cod. Iust. eodem tit.*) & *Valentiniani inter Theodos. 36. vers. Priuatorum naues*

I. (a) Impp. ARCAD. & Honor. AA. Eurychiano PF. P. (b)

CVNCTIS (c) per Ægyptum intimeretur, (d) viginti librarum auri multæ esse subdendos eos, (e) qui naues, suo nomine vel defensione, a transuectionibus (f) publicis excusare temptauerint: Publica (g) iactura nauium quoque dominis feriendis, qui neglectis necessitatibus publicis, (h) potiorum voluerunt patrociniis excusare. (i) Dat. Prid. (k) Id. Mart. Constp. Theodoro V. C. COSS. [399.]

N O T Æ.

- (a) Iungenda huic *lex 4. supr. de patrocín. vicor.* emendato alterutrubí die. GOTHOF.
 (b) Eurychianus PP. sub Arcadio, Orientis scilicet, vid. *Prosopogr.* ID.
 (c) Cuiuscunque dignitatis. ID.
 (d) Significetur. v. *Gloss.* ID.
 (e) Potiores *inf. fin. 2.* seu potentiores: de quibus *mox.* ID.
 (f) Subuectionibus, *l. 2. infr.* annonæ scilicet ex Ægypto, Constantinopolim. ID.
 (g) Id est confiscatione. ID.
 (h) Subuectione annonæ. ID.
 (i) An excusari? Nil mutandum: sic etiam supra: *excusare*, naues scilicet. ID.
 (k) VI. Id. d. 1. 4. facili transitu vnus ad alterum PRID. & VI. Id. ID.

COMMENTARIVS.

P. 101

ARCADII & HONORII duæ tantum Constitutiones hoc titulo occurrunt in argumento, de *Nauibus*, priuatorum scilicet, non excusandis a transuectione annonæ. Quibus addendæ sunt præterea duæ *Novellæ*: vna Theodosii 15. de *Nauibus*, *ultra duorum millium capacitatem non excusan.* & Valentiniani III. inter Theodos. 36. de *Nauiculariis amnicis* (vrbeis) *vers. priuat. naues*. Nempe etsi *Nauiculariorum* corpora certa stataque essent, qui species publicas, veluti annonam, transueherent, si bucherent, more solemní: de quo *tit. de nauicul. sup.* & *tit. de præd. nauicul.* Attamen extra ordinem, vel urgente necessitate aliqua publica, vel non sufficiente *Nauiculariorum* numero, etiam priuati naues suas huic rei commodare tenebantur, ac proinde naues eorum angariari in id poterant, ad felicem videlicet embolam, seu ad transuehendam forte annonam publicam. *Vt necessarium*, inquit Valentin. d. *Nov. 36. corpus saluberrimo provisionis auxilio subleuatum, deuotionem solitam reintegratis viribus possit agnoscere*. Quomodo etiam si collegiati numero imparcs essent a priuatis nonnullis ad

prosecutionem rerum fiscalium operæ exigebantur: vt docet *titulus sup. lib. II. ne opera a collatoribus exig.* Angariari inquam, qua voce vtitur diserte Vlpianus *lib. 4. de offic. Procons.* (quo egerat de muneribus publicis) de nauibus pariter non excusandis agens, *lege penult. §. 1. D. de Veteranis*, vbi ex rescripto quodam refert, etiam Veteranorum naues angariari posse. Ita Gregorius PP. *lib. 8. Epistol. 64. Nauem ab omni angaria vel onere exuere excusareque festines*, ac si specialiter nostra sit. Quod ita mox explicat: *Ita se in tuitione supradictæ nauis impendat, vt se illic possit, nullam moram vel impedimentum ab aliquo valeat sustinere*. Ergo Angariare, est moram & impedimentum iniicere: Neque tamen nudam moram & impedimentum, verum simul ad otus aliquod eas adstringendo. Quo sensu etiam accipienda Libanii oratio *περί τῶν Ἀγγαρῶν*, aduersus Angarias, id est, aduersus eum prauum morem, quo Agricola in urbem commigrantes, mox in agrum redituri a Magistratibus detinebantur, rudis egeretis causa, alinique eorum & muli in id vsutpabantur. *Qua quidem de Angariand*

riandi voce hanc ad rem nauiculariam, seu Nauium Angarias sufficere: cetera enim plene suo titulo *supr. de cursu publico, Angariis: &c.* Igitur Angariari poterant priuatorum naues ad publicarum specierum transfectionem. Sic ut nemo ab his Angariis excusaretur. Quod satis ostendit vel huius tituli Rubrica *de nauibus non excusandis: & vero id nominatim dicitur l. prox. omnes videlicet in commune utilitatibus publicis obedire, & subuectionem sine dignitatis priuilegio celebrare oportere: eodemque pertinet Nouella Theodosii, de nauibus non excus. 15.* sic quidem etiam ut ne Veteranorum quidem naues excusarentur, quod Vlpianus *d. l. penult.* refert. Et tamen potiorum, seu potentiorum patrociniis naues suas ab his Angariis excusare nonnulli conati, in fraudem functionum publicarum: Quomodo & ad alia similia patrocinia fraudandorum tributorum causa alii confugebant, ac nominatim Rusticani: de quo *tit. de patrociniis vicorum supra; & Libanii oratio περὶ προσασίων.* Igitur naues suas diuersorum nominibus & titulis tuebantur, ut docet *l. 2. prox.* Ut de his titulis & nominibus nil dicam: Patrocinia nominatim hæc per Ægyptum inualuerant, ut non tantum de patrociniis rusticorum docet *d. tit. de patrociniis vicor.* verum etiam de his Nauium patrociniis docet hæc lex 1. Nempe in fraudem annonæ Urbis Constantinopolitanæ, ex Ægypto transfuehenda. Cui quidem utrique patrociniis generi Arcadius constitutione sua occurrere voluit: cuius partes duæ su-

perunt: nempe hæc lex, & lex 4. eo tit. de patrociniis vicor. quæ proinde huic coniungenda venit, velut vñus & eiusdem constitutionis pars: & quidem etiam argumento conueniens: sic ut hæc patrociniis nauium occurrat, illa vero patrociniis rusticorum, quæ in fraudem illationis rei tributariæ usurpabantur: sicut hæc in fraudem translationis seu transfuectionis.

Interim ex ea quoque leg. disci potest, quinam per Potiores patrociniis præbentes hæc leg. intelligendi sint, nempe si, perbes quos imperium fuit, quique variis honoribus fulciebantur; veluti Magistri militum, Comites, Proconsules, Vicarii, Præfecti Augustales, Tribuni, &c. Quibus addendi & Duces, quod docet *lex 1. eod. tit. de patrociniis vicor.* & Libanius *περὶ τῶν προσασίων.* Patrociniis igitur istis variis poenis propositis, & constitutionibus emissis subinde occursum iuere Imperatores, ut hæc leg. Arcadius, proposita multa 20. librarum auri Patronis: dominis vero nauium, nauium confiscatione, quam confiscationis poenam pariter imponit Honorius *l. 2. infr. At d. l. 4.* proposita multa 40. librarum auri, patronis: rusticis vero susceptis 80. librarum. Scilicet esse utrumque patrociniis genus dammandum, velut utilitati publicæ aduersum, attamen grauius est patrociniis genus illud, quo ipsa illatio tributorum & specierum fiscalium impeditur, quam quo translationis tantum.

II. (a) Idem AA. Longiniano PF. P. (b)

MULTI naues suas diuersorum (c) nominibus & titulis tuentur: Cui fraudi obuiantes præcipimus, ut si quis, ad euitationem publicæ necessitatis, (d) titulum (e) crediderit adponendum, sciat, nauem esse fisco sociandam: Nam, ut priuatos quoque non prohibemus habere nauigia, ita fraudi locum esse non sinimus: Cum omnes in commune, (f) si necessitas exegerit, conueniat, utilitatibus publicis obedire, & subuectionem, (g) sine dignitatis priuilegio, celebrare. (h) Nisi igitur intra triginta dies hæc fraus fuerit remota, vniuersa nauigia, quæ ad exceptiones (i) confugiunt, dominis auferantur. Data III. Id. Ian. Rau. Arcad. A. VII. (k) & Probo Coss. [406.]

N O T Æ.

P. 152

(a) Lex 1. Cod. Iust. eod. tit. GOTHOF.

(b) Italiz. Eadem Longiniano PP. inscribitur hoc ipso Anno paulo post, lex 10. infr. de Censorib. & lex 15. supr. de defensorib. Hic idem est ille, qui Anno 399. Comes S. L. fuerat: cuique inscribitur lex 17. supr. de Palat. S. L. & ad quem plures extant Symmachi epistolæ lib. 7. vbi male editum Longiniano. Certe ex epist. 93. & 95. quoque colligitur satis, eum Comitem S. L. fuisse. ID.

(c) Potentum. ID.

(d) Translationis, ut l. 1. supr. subuectionis, hæc leg. infr. ID.

(e) Alienum potentis. ID.

(f) In Commune, vid. Gloss. & Saur. in Sidonium lib. 7. epist. 14. ID.

(g) Translationem, l. 1. supr. ID.

(h) Reliqua absceidit τῶν ἄλλων. ID.

(i) Seu defensiones huiusmodi, & patrocinia. ID.

(k) 79. VI. Ut iam quoque recte notauit Iurettus in Symm. lib. 7. epist. 95. ID.

COMMENTARIUS.

HONORII hæc constitutio est, aduersus patrocinia Nauium; sicut superior Arcadii: eadem confiscationis nauis poena proposita nauis domino, qui ad patrociniis Potentis ad euitandum omnis translationis confugisset; laxamento tamen

30. dierum dato, ad patrocinia hæc relinquenda, si qui ad ea confugissent. Nulla vero ab Honorio hæc leg. ipsis Potentioribus, patrociniis præbentibus, imponitur poena, quod Arcadius fecit, l. 1. supr. Satis scilicet id & abuide visum: Nisi forte impos-

tam

tam tam quoque ab Honorio fuisse putamus integra constitutione Honoriana, cuius pars tantum hac lex extet.

Quod de titulis hac leg. dicitur, id satis explicatum l. unie. supr. de his qui potentiorum nomina in lite pretendunt, aut similes prædii adfigunt. Hinc interrim discimus, etiam Nauibus, titulos & nomina dominorum inscribi solita, haud aliter ac prædiis: de quo fuit illa lex unie. & sunt insuper varii Augustini loci. Sane nomen nauis olim prora nauis inscriptum, ἐν πύχῃ τῇ ἀκροστολίῃ, docet Pollux & Didymus apud Eustathium, & Apollonii Scholiasies, de quo Salmasius in Plinianis pag. 404. Edit. Traiect. 1689. Aliud ab hoc fuit paraemon & tutela nauis.

Illud etiam obitet obseruandum, naues vt patrociniis potentum, ita neque priuilegiis dignitatum excusari posse: quo pertinet lex unie. infr. de nautis

Tiberinis; & Nouella Theodosii 15. de nauibus, vltra duorum milium capacitatem non excusandis (vnde desumpta est lex 2. Cod. Inst. eod. tit. & lex 10. Cod. Inst. de sacrosanctis Ecclesiis). Quo loco (vt id obiter moneam) felix embola, non est tantum specierum publicarum transuectio, seu ἐμβολή, quæ a priuatorum nauibus exigebatur (de qua hoc titulus) verum omnis-omnis transuectio, etiam ea, quæ a Nauiculariis, vel prædia Nauicularia possidentibus fiebat: scilicet quod ea lege dicitur, non posse villam nauem (de qua ibi agitur) subtrahi vel excusari ante felicem embolam, vel specierum publicarum transuentionem, hunc sensum habet: vsque quo vniuersus canon Vrbs Constantinopolitana subuectus fuerit, tamdiu non posse excusari villam nauem priuatam: itaque quamdiu quid transferendum superest, posse Angariari naues priuatorum.



NE QUID ONERI PUBLICO INPONATUR.

TITVLVS VIII.

LIB. XI. COD. IVST. TIT. IV.

Oneris vox hac in repropria, hic & l. unie. hoc tit. & l. 21. supr. de Nauicul.

I. (a) Impp. ARCAD. & Honor. AA. Rufino PF. P. (b)

ONERI (c) publico sarcinam priuatam ne quis inponat: nec audeat portitores frumenti ad fuscipiendum onus aliqua necessitate compellere: Hoc enim factio adque commisso, non in dispendium solum, adque naufragii damnum tenebitur obligatus, verum etiam publicæ coercitionis experietur vigorem. Dat. V. Id. Ian. (d) Constantinop. Olybrio & Probino Coss [395.]

NOTÆ.

(a) Lex unie. Cod. Inst. eod. tit. GOTHOF.

(b) Rufinus PP. Orientis scilicet sub Arcadio: qui hoc ipso Anno occisus: v. Chronol. & Prosopogr. ID.

(c) Id est, nauis onerata speciebus publicis seu fiscalibus, φορτία δημοσία. Onus proprie de onere nauiculario: v. Gloss. ID.

(d) De hac subscriptione, vid. Chronolog. ID.

COMMENTARIVS.

Piez.

SUPERIMPONI a priuatis aliquid nauis speciebus fiscalibus onustæ vetat hac constit. Arcadius Anno D. 395. Nempe propter naufragii periculum, vt sine leg. indicatur, quod comperit fuisse, naues publicas ideo naufragium passas, dum videlicet plus iusto nauis oneratur, modulatione eius non seruata: & nauicularii, portitoresque frumenti necessitate compelluntur, id est, ANGA-RIANTVR priuatum onus seu priuatas res aliquas in nauem recipere: nam & hoc iniquum priuatarum Angariarum genus tum inoleuerat: vt & alterum priuatarum angariarum genus, quod &

Tom. V.

ipsum damnatur l. 4. 5. 8. 9. supr. de Nauicular. & tertium, de quo Libanius orat. περὶ ἀγγαρείων, quam edidi. Scilicet non vt publice priuatorum naues, ob publicam transuentionem angariari possint (de quo, titulo superiore de nauibus non excusis) ita & publicas naues a priuatis ob priuatas sarcinas. Penam igitur huiusmodi onus priuatum superimponenti publicis nauibus, atque ad id nauicularios angarianti, minatur Arcadius, non tantum, quod naufragio admissio (ob onus videlicet improdicum) indemnitate fisco prestare debeat, verum etiam publice coercendus veniat. Eademque ratio

P 2

est vehicularum, quibus aurum ceteraque species largitionales deferuntur: susceptoribus enim & prosecutoribus capitalem penam minatus est Theodosius M. ante decennium Anno D. 385. l. 47. *supr. de cursu publ.* si quicquam oneris privati imposuissent. Pariter neque in horreis fiscalibus, nisi fiscalia frumenta constitui potuere: l. 16. *supr. de Susceptorib.*

DE NAVFRAGIIS *

TITVLVS IX.

LIB. XI. COD. IVST. TIT. V.

Huc etiam pertinet pars posterior l. 32. *supr. de Nauicular.* quæ constituit l. ult. 6. Cod. Iust. eod. tit. de naufragiis.

* Nauium scilicet species publicas transferentium 1. Nam nihil hoc titulo agitur de nauibus priuatis, seu de naufragio nauium priuatarum. De quo tamen suæ quædam *leges* fuere. Et quidem iam olim Rhodiæ, quas Imperatores Romani ferme probauere, vt docet famosa *lex ἀξίως* g. D. de leg. Rhod. de iactu, vbi Imp. Antoninus ad quem perlata fuerat querela naufragorum quorundam, quorum res a publicanis captæ fuerant, rescribit, ius maris *lege Rhodia* iudicari oportere: ἐγὼ μὲν τὴν κοσμίαν κύριον, ὃ δὲ νόμος τῆς θαλάσσης. τῶν νόμων τῶν Ῥοδίων κρινέσθω τῷ ναυτικῷ, vbi perperam non nemo refingebat nuper, ὃ δὲ ἀνεμὶ τῆς θαλάσσης: quasi diceret Imp. se quidem maris dominum esse, at, ventum maris. Cum Imperatoris sententia hæc sit, se quidem mundi totius, etiam maris, & quidem Ægæi, in quo Cyclades, dominum esse, atque ita *leges* mari ponere posse: Sed tamen vltro se id concedere, vt ius maris atque adeo naufragiorum *lege Rhodia* diiudicetur.

P A R A T I T L O N.

NAVFRAGIO factio, Rubr. l. 1. 3. 4. 5. b. t. susceptorum, l. 5. b. t. oneris, l. 6. b. t. siue naue penitus obruta vel submersa fluctibus, l. 3. 6. b. t. vel violentia tempestatis, l. 3. b. t. impetu procellarum, l. 2. b. t. sic vt vis aduersa naufragii prohibuerit suscepta deferre, l. 5. b. t. siue ad periculum euitandum iactura facta, l. 4. b. t. Primo nihil de talibus negotiis quisquam accipere potest, l. 6. b. t. Deinde Naufragii detrimentum fiscus agnoscere tenetur, l. 4. b. t. non vero quæ ita perierunt cum possessoribus vel Senatoribus vel priuatis communia esse: id est, non ad eos redire, qui semel deuoti fuerant, l. 4. b. t. Non etiam Nauicularii aut Prosecutores hoc periculum agnoscunt, si modo testis sit periculi, l. 4. b. t. alias ad Prosecutorum incuriam retorquetur, qui minus idoneos nominarunt, l. 4. b. t. Igitur vt de rei veritate liqueret, vt Nauicularius qui de impetu procellarum causabatur, l. 2. b. t. remedium ex indulgentia consequeretur, l. 1. b. t. eum oportuit querimoniam deferre, l. 2. b. t. quidque acciderit iudiciis publicare, probare testibus euentum, *dict. leg.* l. 1. b. t. Idque intra anni spatium, l. 1. & 2. b. t. si naus in Occidente ad urbem Romanam, vel in Oriente Constantinopolim directa fuisset, l. 1. & 2. b. t. si vero ex Occidente longius ad Portus expeditionales vel Constantinopolim intra biennium, d. l. 2. b. t. Et simpliciter, intra biennium, ex l. 6. seu ult. hoc tit. Intra vnus vero lustri spatium terminari, l. 3. b. t.

h. 2. alioquin superuacuae feræque actiones non admittebantur, l. 1. h. 2. seu omnis posthac deplorationum aditus obstruebatur, l. 2. h. 2. Idque vel Prouinciæ Iudice, in qua res agitur adito, l. 1. h. 2. vel Præfecto annonæ & Vicario Urbis Romæ, l. 3. & 5. h. 2. qui examen suum adhibere debebant, l. 3. h. 2. & leuato velo de istis causis cognoscere, l. 6. h. 2. Ut autem veritas inquiri posset, l. 2. h. 2. vt euentus probari posset, l. 1. h. 2. nautas, quos in naui habuerat Nauicularius, l. 2. h. 2. quæstioni exhibere oportebat, l. 2. h. 2. non quidem omnes, verum ex Valentiniani Sen. constitutione medium nautarum numerum, l. 2. hoc tit. ex Gratiani *constit.* duos tantum vel tres, l. 3. hoc tit. quo eorum tormentis, l. 2. h. 2. seu quæstione districta, l. 3. h. 2. plenior veritas inquiri posset, d. l. 2. h. 2. Si autem vniuersos violentia tempestatis obruisset, ne veritas lateret, adfectionibus Nauiculariorum intra iudicia constitutis, super eorum interitu quærebatur, quos Nauicularius naufragio periisse contendebat, d. l. 3. h. 2.

I. (a) Imppp. Valentinianus, VALENS & Gratianus AAA. ad Modestum PF. P. (b)

SI quis Nauicularius naufragium sustinuisse (c) adfirmat, Prouinciæ (d) Iudicem (eius videlicet, in qua res (e) agitur) adire festinet, ac probet apud eum testibus euentum: (f) Relatioque (g) ad Sublimissimam (h) referatur Præfecturam, ita vt intra anni spatium veritate relata, (i) remedium (k) ex indulgentia consequatur. Quod si per huiusmodi (l) negligentiam præfinitum anni spatium fortasse claudatur, superuacuas feræque actiones (m) emenso anno placuit non admitti. Dat. PP. Bersti, (n) Non. Iun. Modesto & Arinth. Coss. [372.]

NOTÆ.

(a) *Lex 2. Cod. Iust. eod. tit. GOTHOF.*

(b) Domitius Modestus vocabatur, vt ex Marcellini *Chronico* liquet Anno D. 369. Fuit hic multis annis PP. Orientis sub Valente, vt docent multæ constitutiones *Ann.* 365. 366. 370. 371. 372. 373. 377. Eius meminit quoque Gregorius Nazianzenus in *monodia Basilii*, orat. 20. pag. 348. 349. *scqq.* Tom. I. oper. Edit. Lips. Ad eundem extant Basilii *epistolæ* plures, puta 274. 275. 276. 277. 278. 279. (*si v. ep.* 279. 280. 311. 310. 281. 304. Edit. Benedictin.) Meminit & Zosimus *lib.* 4. c. 14. & Ammianus Marcellinus *lib.* 29. c. 1. & *lib.* 30. c. 4. v. plura in *Prosopogr.* IDEM.

(c) *Sustinuisse*, id est, *sustinuisse se*, vt est in Cod. Iust. quanquam & illud sustineri potest. ID.

(d) Veluti *Phœnices*: in cuius Metropoli Beryto *hæc lex* propofita fuit, vt docet subscriptio. ID.

(e) Vide *Commentar.* ID.

(f) *Euentum*, id est, naufragium. ID.

(g) Relationis genus ad PP. obserua. In Cod. I. etiam additum. ID.

(h) Id est, ad Præfectum Prætorio. ID.

(i) *Reuelata*, Cod. Iust. ID.

(k) *Competens dispositio procedat*: ita immutata hæc Cod. Iust. ID.

(l) Absit hæc vox a Cod. Iust. & malim cuiusmodi, id est, quancunque. ID.

(m) *Interpellationes*, Cod. Iust. *Actiones* dicuntur etiam querelæ, causationes. ID.

(n) *99. Beryti*. ID.

COMMENTARIUS.

VALENTIS Imp. hæc constitutio est, prima omnium *hoc titulo de Naufragiis*: qua CONTESTANDI, PROBANDIQUE naufragii forma Tempusque Nauiculariis species publicas transuchentibus statuitur: vt ita securitati suæ consulant, neque naufragii periculum in eos recidat, imo vt remedium ex indulgentia consequantur, vt *hæc leg.* dicitur, id est, vt eis remittatur quod naufragio perit. Quæ verba Tribonianus cum *hanc leg.* in *Codicem suum* transferret, cepisse non videtur; & ideo cum aliis mutauit: *Indulgentia* scilicet proprio vocabulo est remissio reliquationis eius quod hîco debetur, διὰ τὸ λοιπὰ ῥεῖσαι, vt in hac re ipsa loquitur Isidorus Pelusiota, *lib.* 1. *epist.* 299. ad Isidorum PP. Quo pertinet *titulus super de Indulgentiis debitorum*:

pluraque alia quæ Index habet. Tribonianus generaliter hic loco illorum, subiicit, vt *competens dispositio procedat*: Certe, hic præsupponitur, naufragii casus propositus, veritasque eius probata: & exinde indulgentia eius quod ita citra culpam naufragio perit: Quod alioquin in Nauicularios recasurum erat, iis non obseruatis: cuiusmodi species continetur l. 32. in fin. *supr. de Nauicul.* & vero *hæc leg.* Imperator comminatur. Hæc, inquam, est *huius leg.* sententia, hic scopus: Non ea quam putabat olim vulgus Interpretum, quasi hic agatur de naufragorum rebus, intra quod tempus eas prosequi possent? Indeque iam ad *hanc leg.* alia omnia & absurdissima tractantur, quam quæ oportuit, quæ commemorare longum foret. Ad rem.

Primum igitur super eo adiri iubet Valens Imp. Iudicem Prouinciæ eius uidelicet in qua res agitur. Quod vulgo etiam a Cuiacius accipitur de eo solo Prouinciæ Rectore, vbi Nauicularius naufragium passus est: & sic hæc verba, in qua res agitur, ita P. 105. interpretantur, vbi naufragium factum est. Verum male. Quidni enim nauicularius Syriæ-Phœnices (vt in sp. huius leg.) naufragium passus, vique ventorum in aliam Prouinciā Syriam-Cœlem delatus, vel etiam proximam iam Antiochiæ, imo Antiochiam perlatus, quo species perferendæ erant, naufragii casum allegare, remque adeo ibi agere potuerit? Etsi alioquin certum est, si intra eam Prouinciā vbi naufragium factum est, consistere liceat, de naufragio fidem facilius fieri posse, probationemque eius impleri. Ergo maneat, etiam in alia Prouincia, & coram alterius Prouinciæ Iudice, quam vbi naufragium factum est, id allegari, probarique posse, denique & alibi R. E. M. A. G. I.: & sic ibi nominatim quo commeatibus vel species fiscales subuehi oportuit. Sic sane & apud Præfectum annonæ & Vicarium vrbs hæc probatio impleri iubetur: l. 5. infr. Sic & apud Præfectum annonæ Africæ a Nauiculariis Afris hæc contestatio naufragii calusque probatio facta l. 3. infr.

Secundo, iubet Valens Imp. hac leg. naufragii casum probari Testibus: credo, vel aliis hominibus de naufragio testimonium perhibentibus, vel nautis quæstioni exhibitis: vt l. 2. & 3. infr. vbi plura.

Tertio, ea de re Referri iubet ad Præfectum Prætorio: vtpote ad quem rei tributariæ ratio spectabat: quo etiam pertinet, quod cauetur, d. l. 32. in f. supr. de Nauicul. Sane, quod Cuiacius quoque iam recte notauit, ideo Isidorus Pelusiota, d. epist. 399. lib. 1. ad Isidorum PP. & epist. 300. d. lib. 1. ad Sozomenum Domesticum Præfecti Prætorio, scribit, super indulgentia Nauiculario cuidam tribuenda, ob violentiam tempestatis, & ventos qui σίτον δημόσιον ἐμερίσαντο, id est, qui imminuerant frumentum publicum: ita enim ibi vertendum erat non obscurius vendicarunt, vt Billius: multo minus, vt Rittershusius, disferunt: Pars enim tantum vi procellarum imminuta fuerat, seu perierat, non vero naufragium integrum factum fuerat. Ergo ad PP. relationem fieri voluit Valens, & quidem in specie huius leg. ad Modestum PP. Orientis, qui tum Antiochiæ vna cum Imp. Valente erat: de quo mox.

Postremo, præfigit hac leg. Tempus, intra quod res hæc agi debet, agitarique. Intra anniagitur metas seu tempus id omne fieri iubet hac leg. Valens Imp. neque ultra hoc negotium differri vult, ne alioquin publica utilitas diutius eludatur. Qua causa etiam, & translatio ipsa intra annum facienda, & translationis factæ Apocha referenda erat: quod sane Honorius expresse constituit, l. 26. supr. de Nauicular. explicata ita Constantini lege, quæ ad ἀνολήν καὶ καὶ θάλην biennium tribuebat, quod etiam secutus est Theodosius M. l. 21.

cod. tit. de Nauicular. vbi additur pariter, hoc non factò, Nauicularium periculorum fortunam, id est, naufragii damnum approbare, id est, agnoscere oportere. Quomodo & l. 2. prox. infr. si intra præfinitum tempus nulla fuerit delata querimonia, omnem posthac deplorationum aditum obstrui cauetur: vbi pariter annus præfinitur Nauiculariis Africæ si ad Urbem Romam ex Africa naus directæ fuit: biennium vero si longius ad Portus expeditionales, vel Constantinopolim. Pro distantia videlicet ratione, breuius, vel longius tempus indultum: In sp. certe huius leg. breuius: quia & Syriæ-Phœnicæ, in Syriam Cœlem proximam naus denauigabat: de quo mox: quomodo in sp. d. l. 2. ex Africa, in oppositam Urbem Romam. Superuacuas igitur ferasque actiones emenso anno admitti verat Valens hac leg. vbi actionum vox de querela, causatione, deploratione, atque exinde cognitione, effertur: Quod cum Triboniano insolens videretur, Interpellationes loco Actionum subiecit. Sic igitur huic rei præfinitur hac leg. annus: vt & initio l. 2. biennium vero iam in altera d. l. 2. parte: & l. ult. infr. Cum quibus nil commune habet, quod defurti, &c. actione statuitur, intra annum in Quadruplum danda post annum in Simplicum. Neque enim hic agitur de actione aduersus fures priuatis competente; verum de naufragii querela & contestatione a Nauiculariis species publicas & commeatibus transuehantibus.

Tandem notari cupio, quod ad huius leg. illustrationem maxime facit, Propositam hanc leg. Beryti: Syriæ scilicet Phœnices vrbe: vbi hoc ipso anno & mense pariter proposita lex 9. supr. de lustrali collat. & anni proximi initio, lex 63. supr. de Decurionib. Et in commune varix admodum leges ibi propositæ, quas in Topographia cumulas habes: & quidem aliæ etiam nonnullæ pariter vt hæc, quæ datæ sunt ad PP. Orientis: vt lex 63. de Decurionibus: l. 2. de Agentibus: l. 1. de Gladiatoribus, nisi ibi Pro Præfecto legendum. Certe ad Consularem Phœnices, & Comitem Orientis datæ leges, ibi quoque propositæ. Berytus scilicet vt splendidissima iam ab antiquo vrbs fuit: ita & inde transuectæ iam olim alio merces, de quo fidem facit quoque lex 122. §. 1. D. de V. O. deliciasque adeo fuit teste Auctore veteris descriptionis, & specierum delicatarum plena: Indeque adeo varix species delicatæ ad Comitatum Principis perlata, veluti vestes, purpura, vnde & Conchylioleguli ibi & Murileguli extirere, l. 9. de lustrali collat. denique inde varia orbis tributa exportata: quo pertinet etiam lex 2. de publ. compar. l. 4. tributa in ipf. specieb. l. 19. de annona & trib. quæ & ibi pariter PP. Ergo pertinet hac lex ad Nauicularios Berytenses: cum hoc tempore Valens Imp. Antiochiæ, vel etiam Seleuciæ in Syria-Cœle proxima ferme Antiochiæ positus esset, & quidem hoc Anno, vt docet lex 19. supr. de Prætorib. & Libanius de Vita sua, p. 57. in fin. Edit. Morell. Ammianus Marcellinus lib. 29. cap. 1. & Socrates lib. 4. c. 21.

II. (a) Idem AAA. ad Demetrianum PF. Ann. Afric.

SI quando causatio (b) est de impetu procellarum, medium ex his nautis numerum Nauicularius exhibeat quæstioni, quos eum in naui, pro modo capacitatis (c) constat habuisse, quo eorum tormentis plenior veritas possit inquiri. De casu (d) autem naus, quæ ad Urbem Romam directæ fuerit, intra annum quidquid acciderit Iudiciis publicetur: (e) De his vero quæ ad portus expeditionales (f) longius, vel Constantinopolim, sint profectæ,

P.106 profectæ, intra biennium oblato prædicto numero nautarum, super fide casus examen agitur. Addimus etiam, vii (g) intra præfinitum tempus nulla fuerit delata querimonia, omnis posthac deplorationum (h) aditus obstruatur. Acc. Aquil. (i) Lecta actis.

NOTÆ.

- (a) Iungenda huic proculdubio *lex 12. supr. de Nauiculariis*: quæ eidem Demetris PP. ann. Africæ inscribitur, & ad idem argumentum pertinet. GOTHOF.
 (b) *Causatio*, querela, *querimonia*, vt mox vocatur, & *deploratio*. ID.
 (c) De *Capacitate* nauium fuit & l. 28. *supr. de Nauiculariis*: vbi dixi. ID.
 (d) *Casus*, hic & mox *infra*, impetus procellarum *initio leg.* ID.
 (e) *Publicetur*, id est, publice apud Iudices seu Reatores Prouinciarum allegetur. ID.
 (f) *Expeditionales Portus*, *hac leg. & leg. 35. supr. de Nauicular.* vbi dixi. ID.
 (g) *vt. vi. ff.* ID.
 (h) *Deploratio hac leg.* *comploratio*, l. 5. *supr. de Nauicul.* *subclamatio*, l. 4. *supr. de Exactionib.* ID.
 (i) *Lecta Actis constitutio*: Forte *Aquis*, haud procul a Karthagine. ID.

COMMENTARIUS.

VALENTINIANI Sen. hæc constitutio est, de naufragiis: qua CONTESTANDI, PROBANDIQUE naufragii modus & TEMPUS a Nauiculariis Afris sancitur: quemadmodum & LOCVS subeundæ nauiculariæ functionis, l. 12. *supr. de Nauiculariis*, quæ huic proculdubio iungenda est, vt pote cum eandem inscriptionem præferat, & ad idem argumentum pertineat. Igitur (quod primum huius leg. caput est,) QUÆSTIONI seu tormentis exhiberi iubet, medium nautarum numerum, vt ita veritas possit inquiri: Et tamen Gratianus postea l. 3. *prox. infr.* satis putauit, si duo vel tres quæstioni exhiberentur: de quo ad eam leg. Vnde apparet, quam vilis nautarum annona & conditio fuerit, quia & viles personæ erant; & in his iudæi, gregarii, agricolæ, ἀγροῖται, γεωργοί, vt exemplo eius quod narrat Synesius *epist. 4.* colligere licet. Cæterum de hoc Nautarum quæstioni exhibendorum, ad veritatem inquirendam super naufragio, more, est quoque Augustini locus *Sermone 52. ad fratres in eremo*: Homines, inquit, ad tormenta daturi erant, quis de subuersione nauium secundum consuetudinem quæreretur.

Secundum huius leg. caput est de TEMPORE, intra quod Nauicularius de naufragio conqueri debeat, ultra non admittendus. Valentis constitutione, puta l. 1. *supr.* annus ad id præscriptus: Hæc vero, annus, vel biennium sub distinctione præscribitur Nauiculariis Africanis. Nempe si nauis ex Africa ad Urbem Romam directâ fuerit, intra annum de naufragio Nauicularius quæri debet: quæ quidem ordinaria Nauiculariorum Africanorum

functio erat; nempe vt Romam commearent. At enim extra ordinem quandoque longius commeare naues Africanæ cogeantur, veluti ad Portus expeditionales, vt docet quoque *lex 35. supr. de Nauiculariis*: id est, ad Portus, quo miles ad expeditionem iturus appellebat, indeque mouebat, vel quo commeatu militaris, seu στροκομῖα deferrebat: de quo videndus & Zosimus *lib. 4. cap. 10.* vbi de apparatu belli Gothici a Valente suscepti. Quomodo & annona expeditionalis dicebatur, l. 4. 5. *supr. de erogat. mil. ann.* annonâ militum in expeditione degentium, & quidem ordinaria: de quo ad d. l. 35. Item naues Africanæ aliquando extra ordinem Constantinopolim commeare cogeantur (sicut contra Alexandrinæ aliquando extra ordinem Romam, vt ex *Symmacho* liquet.) Et vero vtrumque id hac tempestate factum videtur a Valentiniano, Valenti fratri, bello Gothico triennali illigato suppetias ferente: quod sine huius anni 369. post hanc leg. finitum, vt docet Ammianus, *lib. 27. cap. 5.* (Etiâ Zosimus scribat *lib. 4. cap. 7.* Valentinianum Valenti fratri aduersus Procopium suppetias non tulisse.) Igitur nauiculariis ex Africa ad Portus expeditionales, vel Constantinopolim missis, ad allegandum naufragii casum biennium datur, *hac leg.* cum alias & olim simpliciter annus, l. 1. *supr.* & nauiculariis ex Africa Romam commeantibus nonnisi annus detur; vt viceuersa *Veteri lege* indistincte biennium talibus causis præscriptum erat: quod testatur simul & confirmat Honorius l. *ultim. hoc tit.*

III. (a) Imppp. GRATIANVS, Valentinianus & Theod. AAA. Nauiculariis (b) Afris Sal.

QUOTIES, obruta vel submersa fluctibus nauis, examen adhibetur Præfecti (c) Annonæ, duorum vel trium quæstione restrictum (d) purgandi in (e) alios nautas licentia offeratur. Quid est enim quod non abunde intra præfinitum numerum solers Quæstitor (f) inueniat? Circa Magistros (g) nauium, quibus est scientia plenior, inmoretur: Qui si fatali sorte defuerint, in alios inquisitio transferetur. (h) Sane si vniuersos violentia tempestatibus obruerit, ne veritas lateat, sequimur (i) Constantinianæ (†) legis prouidam sanctionem, vt (k) adfectionibus (l) nauiculariorum intra iudicia constitutis super eorum quæretur interitu, quos nauicularius naufragio perisse contendit. Cuius (m) rei examen placuit vnus lustri spatio terminari. Vt (n) omnis in posterum (vt (o) a duarum

rum semicentesimarum, quæ ex hibernis oneribus (p) postulantur, a vobis petitio con-
 quiescat. Placuit (q) sane, vt Nouembri mense nauigatione (r) subtracta, Aprilis qui æstati
 est proximus, susceptionibus, (s) adplicetur. Cuius susceptionis necessitas ex Kal. Aprilib.
 in die (t) Kal. Octobr. mensura (v)) seruabitur: In diem vero Iduum earundem na-
 uigatio porrigetur. Et, (x) quia Ordinem vestrum ampliari etiam hominum ad-
 iunctione gaudemus, quoscumque vacuos (y) publico inuenerit (z) officio, in com-
 plexum vestri Ordinis applicate; dummodo is, qui in municipalibus manet causis, (aa)
 nominatione Ordinis non teneatur. Dat. VIII. Id. Febr. Triu. Gratiano vel (bb) Theod. I.
 AA. Coss. [380.]

NOTÆ.

- (a) L. 3. Cod. Inst. eod. tit. hinc interpolata, & decurtata: & iungenda huic leg. est lex 16. supr. de Nauicular.
 GOTHOF.
 (b) Corpori Nauiculariorum, ita d. l. 16. ID.
 (c) Competentis Iudicis. Hæc verba substituit Telsou. loco, PF. Ann. ID.
 (d) γγ. *Destricla*: id est, præcise præscripta, temperata: vel *destricum*, examen scil. Sic etiam l. 40. infr. de Episco-
 pis: *Placet, rationabilis consilii tenore perpenso*, *DESTRICTA* moderatione præscribere, a quibus
specialiter necessitatibus Ecclesie urbium singularum habeantur immunes: Pro qua voce Telsou. hic posuit, *ba-
 bira*. ID.
 (e) Locus valde corruptus: γγ. *Pergendi in alios licentia auferatur*: vt infra, *in alios inquisitio transferetur*: vel
perurgendi alios, &c. Pro quibus habet Telsou. *ceteri huiusmodi nexu liberentur*: quæ illa explicant
 IDEM.
 (f) *Questor*, hac leg. & l. 2. supr. de postulando, id est, Iudex. ID.
 (g) De his Magistris agitur etiam l. 37. supr. de Nauicular. ID.
 (h) *Transferatur*: Cod. Inst. ID.
 (i) *Sequentia omissa* Cod. Inst. ID.
 (t) Constantini M. legem obserua, quæ hic confirmatur; pariter vt altera eiusdem, d. l. 16. supr. de Nauicul. quam
 huic iungendam dixi. ID.
 (k) *Libervis nauarum sue Magistrorum intra iudicia constitutis*. Ita Cod. Inst. ID.
 (l) Vid. l. 11. infr. de Episcopis, vt ibi restituo. ID.
 (m) Cætera rescata a Telsou. nisi quod *versum, susceptionis necessitas*, &c. seruaui. ID.
 (n) γγ. *Et omnis*. SECUNDVM porro istud huius leg. caput est ab hoc titulo alienum, pariter vt *Quartum*.
 IDEM.
 (o) γγ. *puta*. ID.
 (p) Vid. de hac voce *Gloss.* ID.
 (q) TERTIVM caput huius leg. ID.
 (r) γγ. *nauigationi* ID.
 (s) Atque adeo transuersionibus. ID.
 (t) γγ. *Diem*. ID.
 (v) γγ. *Mensura*, vt etiam in Cod. Inst. nonnull. Edit. ID.
 (x) QUARTVM huius leg. caput ab hoc titulo alienum. ID.
 (y) vid. *Gloss.* & l. 1. supr. de Mancipib. vbi dixi. ID.
 (z) γγ. *Inueneritis*: nam & mox adplicente. ID.
 (aa) Defendi potest: *causæ sunt onera*. ID.
 (bb) γγ. *Gratiano V. & Theod. I.* Quomodo etiam d. l. 16. recte editum: cum tamen idem error resideat in C.
 Inst. d. l. 3. ID.

COMMENTARIUS.

GRATIANI hæc constitutio est: qua in FA-
 VOREM Nauiculariorum, quatuor sanciu-
 tur; & quidem aduersus nimia quadam onera
 quibus hæcenus prægrauabantur, idque partim
 aduersus apertas Imperatorum Constitutiones &
 priuilegia: de quo Nauicularii Africani apud Gra-
 tianum conquesti fuerant, antelatis seu iunctis iis
 constitutionibus orationis seu precibus: quod
 docet lex 16. supr. de Nauiculariis: quæ huic no-
 stræ iungenda est: veluti eiusdem constitutionis
 Gratianæ pars: qua pariter quatuor priuilegia &
 immunitates nauiculariis tribuit, rursus a Gra-
 tiano sanciantur, cum eas labefactum nonnulli
 irent. Igitur & hac leg. quatuor favore nauicula-
 riorum sanciantur: quorum primum tantum, &

tertium quadamtenus, ad hunc titulum faciunt; re-
 liqua enim fugitiua sunt, & ab hoc titulo aliena;
 quod inter Conditorum huius Codicis errores ponend-
 um est.

Primum itaque caput est circa PROBATIONEM,
 siue de QVÆSTIONE habenda super Naufragio
 de Nautis. Et primum quidem de PERSONIS:
 Nempe cum effrahi numero Nautæ eius naui, quæ
 naufragium passa fuerat, ad quæstionem deposce-
 rentur: & vero Dimidia pars Nautarum ex Valen-
 tianiani Sen. constitutione Quæstioni exhibenda es-
 set, l. 2. supr. quod id & graue & crudele videbatur:
 Itaque ad orationem seu querelam Nauiculariorum
 Gratianus (antiquata illa proinde patris sui l. 2. supr.)
 modum huic rei hæc leg. adhibuit: videlicet vt duo
 vel

Vel tres tantum Nautæ quæstioni subicerentur; interque hunc numerum quæstio *difficilis* haberetur, *perurgendi alios*, vel *pergendi in alios* (sic enim hic repono) licentia ablata (ita enim rursum hic legendum *aufferatur*, non *offeratur*.) Ratione addita, quod hic numerus apud Solerem *Quasflore* seu ludicem ad veritatem indagandam sufficere possit: Ad mentem omnino Oraculi divini, *In ore DVO-RVM vel TRIVM stabit omne verum*. Ceterum, ad veritatem facilius indagandam, delectum Nautarum haberi vult, nempe ut Iudex circa Magistris nauium immoretur, id est, hos quæstioni subiciat, utpote quibus scientia eius, quod evenit plenior est, utrum videlicet reuera fluctibus navis obruta fuerit, an vero aliqua Nauicularii culpa sublit.

Magister scilicet navis est *ἡγεμῶν*, gubernator, qui naui præest, & cui tota navis cura mandata est, qui naui à nauiculario seu navis domino & Exercitore præpositus est, cuique adeo (ut hac leg. dicitur) *scientia plenior est*: de quo sunt variae leges in Digestis, & in Codice: Lii quoque locis lib. 29. cap. 25. ut ex omnibus navibus Gubernatoresque & Magistri navium in forum conveniant. Ergo 1. ante omnia Magister navis si sit, & supersit, ex eo primum veritas inquirenda est: 2. Eo deficiente, in alios *Nautas* inquisitio transferenda est. 3. His deficientibus, (id est, si viuentis violentia tempestatis obruerit, tam Magistrum navis inquam, quam Naptas,) tum tertio gradu, reveritas lateat, ex adfectionibus nauiculariorum quæri iubet Gratianus super eorum interitu, qui naufragio perierunt: ex adfectionibus, inquam, *Nauiculariorum*: quod Tribonianus in liberos Nautarum suæ Magistrorum mutavit: cum tamen hac leg. & æquius quidem, de *liberis* (nam id adfectionem vocabulo intelligendum) *Nauiculariorum* id disponatur. Ceterum, a Constantino M. id ita de adfectionibus Nauiculariorum constitutum ait Gratianus hac leg. cuius providentiâ hac in re sequitur, pariter ut

P. 108 Constantini eiusdem constitutiones sunt l. 16. *supr. de Nauicul.* quæ huc ut dixi iungenda est. Et hæc de personis. De tempore vero, intra quod huius rei examen terminari oportet, statuitur, ut intra unius *Enfri* spatium id terminetur: id est, intra quinquennium: Quod quidem laxum admodum tempus est: Sane cognitioni fuscipiendæ annus vel biennium statutum fuit l. 1. 2. *sup. l. 6. seu ult. inf.* Et hæc quidem de primo huius leg. capite, quod proprie ad hunc titulum pertinet.

Secundo capite Concussioni Nauiculariorum obuiam it Gratianus: Nempe cum epimetri loco, pro intertrimento frumenti, seu specierum diametris nauiculariis centesima concederentur: (de quo præter hanc leg. & l. 5. *infr. hoc tit.* sunt præterea quatuor leges huius Codicis, puta lex 7. 36. 38. *supr. de Nauiculariis*: lex 1. *infr. de frum. Alexandrino*.) ii qui frumenti curam dirigendi sustinebant, Iudices, inquam, & eorum Officia. (ut docet lex 36. & 38. *supr. de Nauicular.*) aliquid ex his degustassent, delibassent stillaturæ nomine, & quidem puta duas semicentesimas ex hibernis oneribus: Nempe hibernum onus non tanto diametro seu intertrimento obnoxium est, quod inquam h. hiberno tempore transferendum est: ideo ii ad quos frumenti transmittendi sollicitudo spectabat, cum viderent Nauicularios easdem centesimas ex hibernis oneribus consequi, atque ex æstivis, aliquid demordendum de his hibernis centesimis putaverunt. Quod hac leg. prohibetur.

Tertium caput est de *Tempore* Navigationis, a quo videlicet tempore ad quod usque navigationi mare pateat. Definitum scilicet tempus semper aliud fuit, a quo & ad quod usque navigationi mare pateret: quod tamen illud Natalem navigationis vocare tentat Vegetius lib. 4. *de re militari*. c. 32. Eoque.

Tom. I.

mare aperiri dicebatur, ut ex Plinio lib. 2. cap. 47. liquet, seu *ἀνεῖσθαι θάλασσαν*, ut in *Epigrammate Græco*. Ita quidem, ut solemnī spectaculo & festiuitate mare aperiretur: quod idem Vegetius statuit d. loc. Quomodo viceversa mare claudi dicebatur: Quem quidem diem pariter nauibus omnibus in terram subductis videntur Græci publica festiuitate insignisse: quas *πανόημις νεολίας* vocat Aeneas Tacitus cap. 17. pag. 93. Edit. Casaub.

Tempus porro aperiendi maris, seu Natalis navigationis Nauiculariis ad fiscales species transvehendas statuitur hic Kalendarum Aprilium; quia hic mensis æstati proximus esset: Cui tamen alias citius mare pateret, nempe Ver aperiret nauigantibus maria, Plinio teste lib. 2. c. 47. a VI. Id. Mart. ut diserte Vegetius d. loc. ubi & rationem reddit: Sic tamen ut addat, plurimorum *siderum*, ipsiusque temporis ratione, usque in Idus Maias periculose maria tentari: non quod, inquit, negotiorum esset industria, sed quia maior adhibenda est cautela; quando exercitus nauigat cum Liburnis, quam priuatarum mercum festinat audacia. Itemque ait a die sexto Kalendarum Iunii securam nauigationem credi. Ex hoc interim Vegetii locoliquere potest, cur serius quam alias priuatarum mercium audaciæ, fiscalibus speciebus transmittendis mare & nauigatio hac leg. aperiatur; nempe quia ante periculosissime maria tentantur, & quamquam usque ad Idus Maias adhuc periculose tententur, atamen mediam quodammodo viam hic sequitur Gratianus, ut neque Martio, neque Maio nauigationem aperiat speciebus fiscalibus transmittendis, verum Aprilī, qui æstati propior iam est quam Martius: Aprilis, inquit, qui æstati est proximus, susceptionibus adplicetur: & mox, susceptionis necessitas ex Kal. Aprilibus. Et hæc de Natali nauigationis.

Sequitur Tempus ad quod usque nauigatio porrigi debet, post quod iam mare claudatur nauigationi specierum fiscalium. Igitur Gratianus Nouembrem mensē nauigationi subtrahit: Sane alias usque in diem 3. Idus Nouembr. seu in vndecimum eius mensis diem nauigatio porrigebatur, mareque eo die claudebatur. Vegetius lib. 4. c. 32. Ex die III. Id. Nouembr. usque in diem VI. Id. Mart. maria clauduntur. Hyemis scilicet initium 4. Id. Nouembr. ponitur in veteri Kalendario Astronomico. Sed & huc pertinet, quod Actorum 27. v. 9. de periculosa nauigatione quod iam ieiunium praterisset, id est, festum expiationis, instante iam mense Nouembri. At enim Gratianus hac leg. mensem Nouembrem totum nauigationi subtrahit, imo & partem mensis Octobris: nempe susceptione specierum fiscalium in diem Kal. Octobr. porrecta; nauigatione vero quindecim diebus ultra porrecta, puta in diem Iduum Octobris. A postrema scilicet susceptione specierum, ad vltimæ transvectionis & redditionis tempus quindecendū computato (tot enim sunt a Kal. Octobr. ad Idus Octobris.) Vnde apparet, quindecendū potuisse facile naues ex Africa ad Portum V. R. nauigare: A quo Portu, (ut docet vetus Itinerarium maritimum) *traiectus in Africam Carthaginē erat stadiorum quinquies mille, &c.* Ergo istud, quod dixi tempus nauiculariis tribuit Gratianus hac leg. ad transmittendas species fiscales, cum alias in hyemem ferme nauigare tenerentur, & ante æstatis appulsū: Quod utique & Nauiculariis ipsis prægrauē erat, & ipsi canonī vrbico periculosum.

Et tamen Honorio postea placuit Ann. 410. nauicularios nauigare cum prosperior status inuitaret, neque prætextu hyemis in portibus immorari: l. 34. *sup. de Nauicular.* nempe extra ordinem in specie illius leg. ut ad eam demonstratum est. Sed & Symmachi locus extat lib. 4. *epist.* 54. quā

Q

qua de hac Nauiculariorum & Canonis vrbici nauigatione & transuectione agens, ait: *Nec spem dies obstruit, nam mare adhuc iustis cursibus patet, & nondum in hyemem precipitat autumnus.*

Quartum seu postremum huius leg. caput pertinet ad Reparationem corporis destituti, seu exhausti Nauiculariorum: Nempe ideo, quia hunc ordinem ampliari hominum adiectione intererat, cui similis locutio occurrit l. ultim. §. 3. D. de bonis damn. puta vt tanto citius & facilius canon vr-

bicus subueheretur, qui in tanta Nauiculariorum paucitate serius subuehi poterat. Igitur ad Nauiculariam functionem vocari iubet, omnes vacuos publico officio: id est, vacantes, vt nominantur in hoc eodem argumento, l. 13. supr. de Nauicular. Otiosi, in eodem reparandi Corporis alterius argumento: l. vnic. supr. de Mancipibus: de quo ad eas leges iam plene, etiam ex Symmachi epistolis.

IV. (a) Imppp. Valentinianus, THEOD. & Arcad. AAA. Tatiano PF. P. (b)

QVÆ (c) in naufragiis (d) pereunt, nolumus nobis cum Possessoribus (vel Senatoribus, (e) vel priuatis (f) esse communia, siquidem (g) naufragii detrimentum fiscus agnoscat, (h) quod interdum non (i) grandis dispendii esse monstratur, si vexatam (k) fluctibus nauem leuis iactura (l) defendat, (m) quam si pondere suo grauata (n) pelagi vnda submergat. Vbi vero non est testis periculi, restituantur damna naufragii, & dispendia Prosecutoris (o) fraudibus (p) inferantur: (q) vt ad eorum iniuriam (r) retorqueatur, (s) qui minus idoneos (t) nominarunt, non ad eos redeant, quos semel confiterit fuisse deuotos. (v) Dat. XV. Kalend. Aug. Constp. Tatiano & Symmacho Coss. [391.]

NOTÆ.

(a) Lex 4. Cod. Iust. hinc interpolata est. GOTHOF.

(b) Orientis. ID.

(c) Pro his que semel collatoribus illata, naufragiis perierint, nolumus, &c. ita Cod. Iust. ID.

(d) Non agitur hac leg. de naufragio totius nauis: quod etiam ostendit versic. quod interdum. ID.

(e) Qui glebatem conlationem semel intulerunt. ID.

(f) Priuati, Senatoribus oppositi: vid. Gloss. Theod. ID.

(g) Quandoquidem. ID.

(h) Agnoscat, & agnoscere debet. ID.

(i) Non tam grandis. ID.

(k) Vexata fluctibus nauis: Vexandi vox hic propria, effi eam olim carperent Grammatici nonnulli: Virgilius, Eclog. VI. v. 78

Dulichias vexasse rates.

Videndus & Lucretius lib. 1. v. 277. Gellius lib. 2. c. 6. Macrobius lib. 6. c. 2. ID.

(l) Iactusque. ID.

(m) Seruet. ID.

(n) Etiam lege prox. infr. de oneribus prauitate submersis: quod quidam mutant in *grauitate*: non ego. ID.

(o) De hoc mox. ID.

(p) Qui periculum naufragii mentitur. ID.

(q) Accepto. ferantur. ID.

(r) Iniuriam, id est, damnum. ID.

(s) pp. Retorqueantur (damna & dispendia scilicet) vt mox: non ad eos redeant: quanquam & hoc sustineri potest. ID.

(t) Nauicularios. ID.

(v) Deuotos in tributis soluendis: vide Glossar. ID.

COMMENTARIUS.

THEODOSII M. hæc Constitutio est: Qua definit AD QVEM seu CIVIS PERICULO damnum imminuti oneris quod nauiculario commendatum fuit, seu Nauis minoris facta (vt loquitur Poeta) pertineat, vel non: Cuius pars tantum relata est in l. 4. Cod. Iust. eod. tit. Scilicet 1. Si quid naufragio de quo fides facta, periit, iacturaque aliqua facta fuerit, eius quod semel a collatoribus illatum fuit (vt hic recte additum a Triboniano) ad solum fiscum hoc detrimentum pertinere vult. 2. Si vero de periculo fides facta non fuerit, tum imminuti oneris periculum ad prosecu-

torem redire iubet. 3. Neutrò vero casu in Prouinciales, qui tributa iam semel soluerunt, damnum istud, damniue partem contributione facta, referri. De singulis videndum paulo specialius.

1. Priore scilicet casu fisco perit quod periit: neque eius iactura, vel etiam iactus facti (ad defendendam nauem ex leg. Rhodia) partem sufferre Prouinciales, seu hanc iacturam ex parte sarcire tenentur: vt ceteroquin res sua cuique Domino perit: satis quippe est Prouinciales semel fisco deuotos fuisse, id est tributa intulisse, neque ad iteratam collationem obtentu naufragii vel iacturæ ali-

cuius

cuius adigendi sunt: qui alioquin vel prima illatione satis prægrauantur. Ad cuius rei æquitatem commendandam hanc rationem subnectit Theodosius M. quod videlicet si quis sibi gratulandum habeat tali casu, quod non in totum navis pondere suo grauata perierit, sed leuem tantum iacturam, & non grande dispendium passa, a totali submersione defensa fuerit. Igitur non vult Theodosius hunc casum communem possessoribus secum esse, id est, eam lacunam eos ex parte sustinere, siue si Senatores sint, siue priuati: ex Prouincialibus scilicet collationibus alia sustinebantur a Senatoribus (puta glebalis auri collatio) alia a priuatis. Et hæc quidem de priore casu.

2. Posteriori casu vero ubi de periculo fides non fit, *Prosecutores* teneri vult, qui scilicet ad onus fiscale transferendum minus idoneos nauicularios scilicet nominarunt. (Qui casus interea addendus est aliis nonnullis, quibus *nominatores* tenentur siue tutorum, siue eorum qui ad munera publica vocantur:) At non etiam rursus exigi deuotos pos-

sessores, qui tributa semel intulerunt. De his vero *Prosecutoribus* frumenti siue annonæ est, quoque Theodorici R. epistola ad Comitem R. P. apud Cassiodorum IV. Var. 7. ubi de naufragii casu pariter agitur, deque *prosecutoribus* his in eius epistolæ specie liberandis. Atque ideo *Sublimitas tua* *Prosecutores* frumentorum, qui de Sicilia fuerant ad Gallias destinati, lacrymabili nos aditione putasse cognoscat, dum susceptum onus promouissent, in pelagus aduersis flatibus fuisse susceptum: ubi fatisciente compage trabium, omnia vis undarum absorbuit: nec quicquam miseris de aquarum nimietate nisi solas lacrymas restitisse. Vnde illustri *Sublimitas tua*, presenti auctoritate communita modulationem tritici, quam sub hac sorte perisse probauerint, supradictis *Prosecutoribus* sine aliqua faciat cunctatione reputari. Crudelitatis enim genus est, vltra naufragium velle desuere: & illos ad dispendia cogere, quibus inopem vitam probantur immania pericula cessasse.

P. 110

V. (a) Impp. Arcad. & Honor. AA. ad Senatum & Populum. Post alia.

NAVICULARIOS, quos vis aduersa naufragii prohibuerit suscepta deferre, vel de oneribus prauitate (b) submersis, vel de diametris, (c) aliisque iacturis (d) (quia excludere casus, (e) & inclementem non possumus cohibere fortunam) Præfectus Annonæ & Vicarius Urbis (f) fidem probare gestorum congrua iudicatione compellant: moram & negligentiam punituri. Dat. XVII. Kalend. Maii, Mediol. Caesario & Attico Coss. [397.]

NOTÆ.

- (a) Iungenda huic lex 27. *supr. de Nauicular.* lex 3. *infr. de Canone frument.* V. R. lex 24. *supr. de Susceptoribus*: lex 3. *Cod. Iust. quæ res venire.* Item lex 6. 7. *de Senator. & Glebal. collat.* lex 31. *supr. de Prætorib. GOTHOF.*
- (b) 77. *grauitate.* Ita *supr. prox. leg. nauem, quam si pondere suo grauata pelagi vnda submergat.* Verum & hoc sustineri possit. *ID.*
- (c) *Diametron*, hæc *leg. & l. ult. supr. de Nauicular.* *ID.*
- (d) Ita *l. super. prox. leg. si vexata fluctibus nauem leuis iactura defendat.* *ID.*
- (e) Ita pariter *d. l. 3. infr. de canon. frum. V. R. Urbani etiam vsus frumenta si quando vel fortuna vel ratio in Africa coegerit residere littoribus.* *ID.*
- (f) Altera similis cognitio circa canonem Urbicarium, Præfecto annonæ & Vicario Urbis imponitur, *dist. l. 24. supr. de Susceptoribus.* *ID.*

COMMENTARIUS.

COGNITIO super naufragiis vel imminuto onere, Præfecto Annonæ & Vicario Urbis ab Honorio hac leg. imponitur. Quæ quidem pars est prolixæ *Orationis Honorianæ ad Senatum & populum*: qua tum voluptatibus populi Romani consultum iuit, quo ex ea oratione pertinet *d. lex 6. 7. supr. de Senatorib. & gleb. collat.* lex 31. *supr. de Prætorib.* Tum ac maxime Annonæ Urbicæ populi Romani, quo ex ea oratione pertinet *lex 3. infr. de Canon. frum. V. R. lex 3. Cod. Iust. quæ res venire*: *d. lex 27. supr. de Nauicular.* lex 24. *supr. de Susceptorib.* Quæ septem leges huic nostræ coniungendæ veniunt velut vnius & eiusdem *Orationis* partes. In tribus igitur Annonæ Urbicæ ea oratione consultum iuit Honorius. Primum quidem circa illationem seu solutionem eius: Scilicet Immunitates annonarum seu remissionem canonis Urbicarii priuatis concessas reuocat *dist. l. 3. infr. de Canon. frumenti. V. R.* Secundo circa translationem seu de-

portationem eius, atque adeo circa Nauicularios varia constituit, variisque fraudibus occurrit. Aueriti scilicet, contrectari, vendi, alioque quam oportet transmitti quid verat eadem *l. 3. infr. de canon. frum. V. R. & l. 3. Cod. Iust. quæ res venire.* Celer tati quoque eius transeunda consulit *l. 27. supr. de Nauiculariis.* Item imminutioni eius & iacturæ per fraudes Nauiculariorum vel per moram aut negligentiam eorum occurrit hac *l. nostra 5.* Tertio tandem circa *Expensionem*, quæ fiebat a Susceptoribus *d. l. 24. supr. de Susceptorib.* Et ita quidem hæc leges omnes inter se vincendæ sunt.

Hac igitur lege Honorius Imminutioni annonæ urbicæ, quæ vario obtentu per Nauicularios perpetram accidebat, occurrit: sæpe scilicet nauicularii & prauitatem specietum & diametron, denique iacturam, seu casum & inclementem fortunam per mendacium obtinebant, auersa interim oneris parte: sæpe etiam per moram suam & negligentiam in nau-

fragium

fragium incidebant. Quare inquisitionem, cognitionem & quidem accuratam super eo indicit Præfecto annonæ & Vicario vrbis: pariter vt cognitionem expensionis iisdem demandat, *d. l. 24. supr. de Susceptorib.* De Præfecto annonæ res clara: de quo dixi ad *l. ult. supr. de Nauicular.* Sed Vicarium Vrbis hic iungi in hoc negotio obseruandum est: Sane postea idem Honorius Præfecto Vrbis & Præfecto annonæ hanc cognitionem detulit, *d. l. ult. supr. de Nauicularis.* Tres interim Prætextus Nauiculariorum obseruandi: vel enim onera submersa dicebant *prauitate*, id est, cum corruptæ species essent, eas a se in mare iactari oportuisse & iactatas: Item obtendebant, *Diametron* spe-

cierum: nempe species per se plurimum imminutas & concidisse: & quidem ultra modum centesimarum, quæ ipsis pro diametro huiusmodi concedebantur, vt docet *d. lex ult. supr. de Nauicular.* vbi de his diametris prolixè. Tertio obtendebant *iacturas*, id est, casu & inclementi fortuna delibatas species, veluti vi maiore vel hominum vel fluituum. Tandem & naufragium passos se: In quæ tamen omnia sæpe per moram suam & negligentiam incidebant: Quare mora semel contracta, & de prauitate onerum, & de diametro, & de iacturis, & de naufragio ipsi tenentur: vt cæteroquin, vbi culpa casum anteuertit, casus præstandus venit.

VI. (a) Impp. Honor & Theod. AA. Nauiculariis per Africam. Post alia,

DE submersis nauibus decernimus, vt leuato velo istæ causæ cognoscantur: & si quisquam de talibus negotiis (b) aliquid accepisse detegitur, Iudex, apud quem confiteretur, his conquerentibus qui nudantur, (c) pro qualitatibus personarum, multandi, remouendi, (d) proscribendi habeat potestatem. Si vero causarum talium Cognitores, libelli (e) aditione, vel plenaria (f) interpellatione commoniti, intra (g) metas temporis constituti (hoc est, intra biennium causis talibus veteri lege præscriptum,) has causas audire neglexerint, & legitimum (h) tempus fuerit elapsum, præiudicium noceat eatenus Cognitoris, (i) vt, nauiculario propter vitium (k) Iudicis absoluto, mediam oneris eius partem, propter cuius probandam amissionem legitimo dumtaxat tempore cognitio petebatur, Iudex cogatur inferre: Residuam vero, Officium eius exsoluat. Dat. XVI. Kalend. April. Rau. Honorio IX. & Theod. V. AA. Coss. [412.]

NOTÆ

(a) *Lex 5. Cod. Iust. eod. tit.* Iungendaque huic *lex 36. 37. supr. de Nauicul. GOTHOF.*

(b) Id est, causis, de quo mox. *ID.*

(c) *Nudandi* vox hic propria, pro *spoliandi*: vid. *Gloss. ID.*

(d) *Remouendi* voce hic destitutio Officialis indicatur. *ID.*

(e) *Datione* Cod. Iust. Quo nil opus erat: forte *editione. ID.*

(f) *Mallet Cuiacius, planaria*: vt *l. 4. Cod. Iust. de dilat.* id est, de plano: quomodo & planarii confictus *Antimiano lib. 19 c. 5.* verum nil mutandum. *ID.*

(g) *Intra biennium*, ita compendiosè *ἑτεροετίας* vsque ad *has causas. ID.*

(h) *Et hoc tempus*, ita *Cod. Iust. ID.*

(i) Forte *Cognitori. ID.*

(k) Id est, negligentiam Iudicis, qui in negotium inquirere noluit. *ID.*

COMMENTARIUS

HONORII hæc constitutio est, de COGNITIONE super naufragio tum acceleranda, tum integre præstanda, in fauorem Nauiculariorum. Quæ pars est prolixioris Honorianæ Constitutionis, qua is in vniuersum vtilitati, indemnitati inquam, & securitati Nauiculariorum consultum fuit: vt patet quoque ex *l. 36. 37. supr. de Nauicul.* quæ huic coniungendæ veniunt, velut vnius & eiusdem constitutionis partes: & quidem aduersus Iudicem, & Apparitorum, aliorumque, quibus quid negotii cum his intercedit, tum negligentiam, tum concussionem: Ad quem vtrumque finem spectat quoque *hæc lex*, pariter vt *dicta due Leges.*

Duo igitur *hæc leg.* de cognitione super naufragio, in fauorem Nauiculariorum, constituuntur. Primum, vt *Leuato velo istæ causæ* cognoscatur, id est, patentibus Iudicii seu Secretarii foribus, nullo obice, aut impedimento interiecto,

& illico citraque fastidium Apparitorum, qui ingredientiens in Secretarium admitterebant: vt de velis cubiculariis Templorum aliisque de quibus nunc sermo non est, omittam. Obseruatio iam nota est, vela *Secretarii Iudicum foribus* appensa seu prætensa fuisse, quibus turba excluderetur: quibusque leuatis litigatores admitterebantur: vt apparet ex sanctissima Constantini M. constitutione, *l. 1. supr. de offic. Rector. Prouinc.* vbi de his velis plenius. Ergo *leuato velo*, id est, patentibus foribus, patente velo, remoto admissionalium fastidio. Quomodo Lampridius in *Alex. Senero cap. 4. Cum amicis*, inquit, *ram familiariter vixit, vt saluaretur quasi vnus de Senatoribus, patente velo, admissionalibus remotis, aut solis iis, qui ministri ad fores fuerant.* Seneca quoque alludit *epist. 80.* cum de secessu suo literario sibi gratulans; *non crepuit subinde osium, non alleuatur velum.* Sane publica & criminalia iudicia agitari velo leuato, testis est Chrysostomus

mus *hom. 56. in Matth. Ed. Saut. p. 360. & Edit. Benedic. Tom. VII. pag. 571. καθάπερ γὰρ τοῖς δικασταῖς, ὅτ' ἂν δημοσίῳ κρινῶσι, τὰ παραπράσματα συνελκύσαντες οἱ παρῆντες, πᾶσιν αὐτοῖς δεικνύουσιν*: nam sicut cum iudices publice sententiam prolaturi sunt, qui adstant remotis velis, sic illos omnibus conspiciendos praeberi. Basilii Epist. 79. liv. 223. Edit. Benedic. οἱ τὲ κόσμος τὰτ' ἄρχοντες, ὅταν τινὰ τῶν κακῶν θανάτῳ καταδικάζειν μέλλωσιν, ἐφάλλοντο τὰ παραπράσματα, &c. mundi huius iudices, quando facinorosum quempiam morti addicendi sunt, remouendi vela. Ergo Honorii hac leg. mens est, ut illico admittantur Nauicularii super naufragii conquirentes: & quidem gratis citra concussionem villam: sic ut propter hac negotia, de talibus negotiis, id est, causis naufragiorum nemo quid accipere possit, seu exigere vel ob introitum, aliaque similia, quae Principes officiorum, Adiutores, Centuriones, alique Officiales, Exceptores, ab actis, a litigatoribus exigere solebant, vel ab iis quibus quid negotii esset apud iudicem, ut docet d. lex 1. *supr. de offic. Recl. Prouinc.* Eo scilicet spectat *vers.* huius legis: *Et si quicumque de talibus.* Quem interpretes hactenus, Cuiacius ipse de direpto ex naufragio accipiebant, & alii nonnulli, ad eum morem, quia licubi obtinuit, ut naufragio amissa fisco vel publicanis cederent, (ad quem morem alludunt l. 1. C. *Iust. hoc tit. l. 12. D. de incendi. Sopater & Syrianus in Hermog. Rhetor. p. 107. Ed. Aldin. 1509.* Cuius Fortunatianus 1. *artis Rhetor. pag. 46. inter Pithei Rhetores Latinos. lex ἀζωσις 9. D. de L. Rhodia de iact. Paulinus epist. 36. liv. 49. Edit. Muratorii, ad Macarium in fin.*) Imo enim est hic locus, de concussionibus & exactionibus ob negotium super naufragio, quod apud iudicem peragebatur. Quod patet primum ex *sine constitutionis*, unde haec desumpta est: qua Honorius *concessionibus*, quibus miseri nauicularii subiacebant, siue iudicum siue Apparitorum, aliorumque, occurrere voluit, ut ostendit d. lex 36. 37. *supr. de Nauicul.* Patet item ex connexitate huius versiculi, cum primo illo, quo leuato velo causae de submersis nauibus cognosci iubentur, cui statim hoc alterum velut ἐξηγητικὸν subiicitur. Tertio verba ipsa satis id demonstrant, *Si quisquam*, inquit, *de talibus negotiis aliquid accepisse detegitur*: non ait, *de rebus aut speciebus submersis, diripuisse*, verum *de talibus negotiis*, id est talium negotiorum nomine, seu pro talibus causis, ut primo versiculo nominantur: & mox, *si vero causarum talium cognitores*. Quarto non est hac lex de naufragio priuatarum specierum, ad priuatos pertinentium; verum de Nauiculariis species publicas transferentibus: ubi sane si ex naufragio quid rapiatur non ipsi Nauicularii nudantur, cum ipsorum periculo species hae non sint, verum fisco percant. Quinto, non agitur hic de Nauiculariis, qui suas res ex naufragio antea raptas, verum qui se hodie scilicet nudari conquirentur, *his conquirentibus qui nudantur*. Postremo id manifestissime ostendit, id quod postea de remouendis iis, qui de

talibus negotiis aliquid acceperunt, subiicitur. Ergo huiusmodi concussionibus occurrere vult hac leg. Honorius pro *monu iudicis*, & pro qualitatibus personarum: prout scilicet fuerit persona concutientis, Princeps forte officii, Adiutor, Centurio, ab Actis, Exceptor, alius Officialis (nam hi in officio iudicum & concussionibus his infames fuisse, ut ostendit d. l. 1. *supr. de offic. Recl. Prouinc.*) Hic interim casus addendus est aliis nonnullis, quibus iudicum potestati & arbitrio poenae modus relinquitur: cum regulariter poenae constitutae sint certa aliqua, seu poenae iuris auctoritati reseruantur: l. 1. §. 4. *D. ad SC. Turpil. l. 15. D. ad Municipalem.* Quamquam neque omnino arbitrio iudicis poenae modus relinquitur hac leg. verum poenae triplices suo subiecto adaptandae: quomodo & l. 43. & l. ultim. *D. de iniuriis.* Potestas igitur hac leg. fit iudici seu Reclori Prouinciae, concussores huiusmodi multandi, proscribendi, remouendi, ab officio suo scilicet: Quod omnino arguit, non agi hic de directis ex naufragio a quocumque, verum de concussionibus Officialium, qui ideo remouendi ab officio suo veniunt: Viceversa, iudici eiusque Officialibus, etsi non concussoribus, poenae hac leg. imponitur, si interpellati a nauiculario naufragio, intra tempus legitimum has causas audire neglexerint: nempe, ut mediam partem naufragii, iudex, alteram Officium exoluat, nauiculario absoluto, id est, dimisso. Qua parte duo obseruanda occurrunt, iudicem adiri vel per libellum tantum, *Libelli*, (id est, per libellum) *aditione*, quod nil necesse erat a *Τριβῶν. in libelli datione*: vel plenaria interpellatione, quod mutant Cuiacius & Brissonius in *planaria*, id est, de plano procedente iudice, pariter ut l. 4. *Cod. Iust. de dilat. ibi, non interpellatione plenaria, sed confidente magis iudice*: Quod hic non admitto: opponitur scilicet hic nuda simplexque per libellum *aditio*, & plenaria interpellatio, quae scilicet sit solemnis, plena, interpellatione, in iudicio pro tribunali. Deinde, quia nisi plenaria hic interpellationem tueremur, iam desideraretur hic iudicis interpellandi ratio, & quidem maxime solemnem. Tertio, quia & iuris ratio adieceratur: neque enim hac causa de genere earum esse potest quae ad planariam interpellationem fieri possint, cum summa causae cognitio requiratur, arg. d. l. 4. *Cod. Iust. de dilatione.* Quarto, quia & ipsa per libellum aditio fiebat in iudicio, scilicet libellos iudicibus offerri oportebat in officii conspectu, & sub oculis publicis: l. 3. *supr. de officio Recloris Prouinciae. Requête doit estre présentée au Iuge en pleine Cour.* Tandem igitur per Libellum aditio hic opponitur plenariae interpellationi, sicut in simili argumento Libanius *orat. κατά τῶν προσεδρεύοντων τοῖς ἀρχαῖς, §. 4. 5. opponit γραμματίων*, id est, Libellos, *μικροῖς λόγοις ἐγγύθεν λεγομένοις*, prolixo & pleno sermone coram habito. Secundo notanda temporis praescriptio, intra quod causa Naufragii audiri, discingi debet: nempe Biennium, ex hac leg. & veteri Lege. Cum tamen antea annus praestitutus fuerit, l. 1. & 2. *supr. hoc tit.* vel etiam biennium certo tantum casu: d. l. 2, ubi dixi plenius.

DE CENSU, SIVE ADSCRIPTIONE.

TITVLVS X.

Ex hoc titulo & seq. conflatus est Titulus Cod. Iust. lib. XI. Tit. LVII. de Censibus & Censitoribus & Peræquatoribus & Inspectoribus : Sed & Tit. LVIII. peculiaris factus ex b. tit. & seq. de omni agro deserto, & quando steriles fertilibus imponuntur. Iunge huic titulum 3. lib. II. Sine censu vel reliquis fundum comparari non posse.

PARATITLON.

CENSUS hoc titulo, & complurimis aliis legibus : dicitur & censio in l. ultim. de excusat. artific. census publicus l. 6. de conlat. donat. Adscriptio, Rubr. & d. l. 6. l. ultim. de conlat. donat. l. 12. de indulg. deb. l. 117. de Decurion. l. 1. ne quid publ. let. de quo plura in parat. de annona & trib. vel publica adscriptio : l. ult. ne conlat. transl. vnde & παραλληλισμός in Rubrica de Censu siue Adscriptione : indeque censibus adscripta mancipia : l. 2. supr. sine censu : iugatio adscripta, l. 2. ne conlat. transl. Serui adscripti censibus, l. 3. de re milit. Dicitur & Descriptio, l. vnic. supr. de impon. lucrat. descript. l. 1. ne quid publ. letit. l. 2. 15. de indulg. deb. l. 173. de Decurion. Item distributio, l. 17. de lustrali conlat. l. 3. ne quid publ. letit. Tandem & Capitatio : de qua mox. Et est Censu, censitio, æstimatio, taxatio, qua modus continetur tributi, seu tributariæ functionis, functionum publicarum, munium, pensitationum, obsequiorum, quæ fisco a singulis inferri debent (vnde & Censuales functiones, l. 12. de indulg. debitor. fors censualis l. 1. de Protoſtasia.) Pro modo scilicet possessionis, capitum seu iugorum, fortiumque, vt vocantur l. 15. infr. de annona & trib. & centuriarum, vt l. 10. d. tit. de annona & trib. l. 13. de indulg. deb. Quæ & ideo Capitatio terrena dicta, l. 6. de conlat. donat. Huic rei vacabant Censitores, de quibus tit. proximo : qui & Censores, l. ultim. hoc tit. (a quibus diuersi Censuales, de quibus l. 4. de Tabular. l. Omnis 5. de iis quæ administr.) Hi scilicet modum cuiusque possessionum inquirebant (vnde Censu inquisitio, l. 6. hoc tit.) agitabant, vnde agitari census dicitur, l. 5. hoc tit. per singulas ciuitates & earum territoria, l. 1. ne conlat. transl. Apud hos possessores profitebantur modum possessionum suarum, iugorum seu capitum : hinc professio, l. 1. hoc tit. & l. 2. ne conlat. transl. capitationis professio, l. ult. de patrociniis Vicor. professio publicæ functionis, l. 3. ne conlat. transl. iugorum capitaciones & professiones, l. 1. de immunit. conc. glæbe professio l. 12. de Annon. & trib. professionis modus, l. 10. eod. tit. de annon. & trib. censuales professiones, l. 3. sine censu : l. 1. de protoſtasia : l. 3. de priuil. eor. q. in S. P. Iuga & professio eorum quæ ad quemque pertinebant : l. 15. de Episcopis.

Professionem sequebatur Descriptio ; pro capitatione aut iugatione, l. 1. ne quid publ. let. seu Adscriptio, de qua iam supra. Ipsique descripti & adscripti dicti censiti, l. 3. d. Numerar. censibus inserti, l. 6. de Tyronibus : censibus inditi, l. 4. de Veteranis : Terræque, censibus insertæ, l. 28. de annon. & tribut. pro modo Iugorum & Capitum : quæ hac in re propriæ appellationes, l. 6. 7. de Tyronib. l. 3. de milit. veste. l. 4. de Veteranis : l. 5. de itin. mun. l. 4. 6. de extraordin. l. 1. ne conlat. transl. l. 6. seu ult. de conlat. donatar. l. 1. de protoſtasia : l. 1. de immunit. concessa : l. vnic. de imponend. lucrat. descript. l. 15. de Episcopis : Θεodoreto, epist. 42. Indequè Capitatio, l. 2. & l. ult. hoc tit. l. 11. de exactionibus : l. 2. de excoctione : l. 1. de fugit. colon. l. 6. 7. de Tyronibus : l. 3. de Numerar. l. 1. 2. de immunit. conc. l. ultim. de patrociniis Vicor. l. 15. 33. de annona & tribut. l. 11. de exactionib. l. 33. de Episcopis : l. 1. ne quid publ. let. l. ult.

l. ult. sine censu: l. 9. Cod. Iust. de act. empt. l. 16. Cod. eod. de Episcopis: Plebeia capitatio, l. 4. hoc tit. l. 2. de protostaf. l. 36. de Decurionib. exactio plebis, l. 6. hoc tit. (quæ & duplex, humana atque animalium: l. ultim. de conlat. donat.) Indeque modus capitationis, *l. 15. 33. de annona & tribut. & sortium. d. l. 15. de annon. & trib.* Alia vero ab hac est capitatio, de qua *l. 8. 11. supr. de erog. mil. ann.* Inde pariter *Iugatio & iugationis modus, l. 2. 3. ne conlat. transl. l. 23. de Susceptoribus: l. 3. de milit. veste: l. 5. de conlat. donat. l. univ. si per obrept. l. univ. ne conlat. per logogr. l. ultim. de equorum collat. l. 4. de indulg. debitor. l. 40 de Episcopis: l. 7. de Tyronib. l. 49. de operib. publ.* Quam vocem usurpat etiam Theodoretus *epist. 42.* Iugatio vel capitatio *l. ultim. hoc tit. l. 1. ne quid publ. lat. l. 11. de exactionibus:* quia pro modo capitum & iugorum fiebat: de quibus iugis & capitibus paulo ante iam dixi: quæ capita seu iuga aliis quoque nominibus vocabantur *d. l. ult. de conlat. donat.* ubi vid. quæ dixi. Neque possessiones tamen ipsæ tantum (vnde iugatio terrena *l. univ. Cod. Iust. de colon. Thrac.*) sed & mancipia seu serui in iisdem locis adscribebantur *l. 2. sine censu. l. 3. de re militari: l. 12. de annona & trib.* Coloni item, *l. 14. 26. de annon. & trib.* (vid. dicta ad *l. 3. hoc tit.*) quæ capitatio humana dicebatur, terrenæ iugationi opposita *l. 6. de conlat. donat.* vel capitationis humanæ census, *d. l. univ. Cod. Iust. de colon. Thrac.* descriptio animarum, *d. l. 6.* Denique & animalium *d. l. 6.*

Et hæc omnia scribebantur, seu scripto comprehendebantur. (Vnde scriptum *l. 7. hoc tit.* indeque *Adscriptio* pro censu: hinc scripti, adscripti, descripti, subscripti, conscripti) referebanturque in libros censuales, *l. 14. de annon. & trib.* qui & publici libri: *l. ult. hoc tit.* Codices *l. 4. infr. de Censitorib.* censuales paginae, *l. 5. seu ult. sine censu:* volumina censualia, *l. 3. de priuileg. eor. q. in S. Palat.* quæ & polypticha dicebantur: *l. 2. de discussorib. l. 13. de indulg. deb.* item, Encautaria ciuitatum & Prouinciarum, *l. ult. hoc tit.* denique & Valaria publica *l. 12. de Censitorib.* In Gallia aliquibus in locis a capitibus vel capitatione, *Capdastra*, vel *Catastre* vocatur, Capitationis scilicet registrum. In quibus singulorum nomina adnotata erant *l. 14. de annon. & trib. l. ult. sine censu:* sic ut si prædium alienaretur, professio quoque censualis transferebatur, *l. 3. sine censu*, id est, nouus possessor censualibus paginis nomen suum postulabat adnotari, & spondebat se soluturum, *l. ultim. eod. tit.* Et hæc fides censuum dicebatur, *l. 5. ne conlat. transl.* Vbi notandum neminem ab hac capitatione immunem fuisse, *l. 4. 6. hoc tit. de quo supr. tit. de immunit. conc. & tit. de annona & trib.* Contra, plebs vrbana ab ea immunis erat, *l. 2. hoc tit.* ubi census clausus renunciatusque erat, seu census inquisitio completa, certum tempus dabatur his, qui se grauatos crederent, apud Rectorem Prouinciæ conquerendi, *l. 5. hoc tit.* ut census seu adscriptio repararetur: de qua census reparatione, & Adscriptitiis in locum deficientium substituendis videnda *lex ult. hoc tit.*

Et hæc quidem de primo Censu: Exæquatio enim censuum sæpe extra ordinem facta, Peræquatoribus & Inspectoribus in id missis, ad emendandum censum, *tit. prox.* Ad hunc denique titulum pertinentia alia plura vide in *Paratitlo de Annona & trib.*

P. 114 Aduersus TABVLARIORVM fraudes censu alios prægrauantes.

I. (a) Imp. CONSTANTINVS A. ad Populum. (b)

QVONIAM (c) Tabularii ciuitatum, per conlusionem, potentiorum farcinam (d) ad inferiores (e) transferunt, iubemus, Vt quisquis se (f) grauatum probauerit, suam tantumpristinam professionem (g) agnoscat: &c. PP. (h) XV. Kalend. Feb. Rom. Constantino A. IV. (i) & Linicio III. COSS. [33.]

INTERPRETATIO. Si Tabularii, aut hii quibus exactionis libri traduntur, potentiores voluerint releuare, & quod releuauerint inferioribus addiderint, is qui grauatum se probauerit, non amplius dissoluat, quam secundum censum se ostenderit suscepisse. (k)

NOTÆ.

- (a) *Lex 1. Cod. Inst. cod. tit. Iungenda huic lex 1. supr. de petitionibus & delatoribus.* GOTHOF.
 (b) *Urbis Romæ.* ID.
 (c) *Omnes tabularii* MS. G. RITTER.
 (d) *Quæ a summis ad infimos vsque decurrere debet l. ult. de equor. collat. & leg. 49. de operib. publ. seu l. 1. Cod. Inst. de quib. munerib.* GOTHOF.
 (e) *Infirmiores,* Saluianus. Vid. *Comments* ID.
 (f) *Vi qui se,* Sichard. RITTER.
 (g) *Id est, suum tantum modum censûs: Itâ professio censualis, l. 3. supr. de priuilegiis eorum qui in S. Pal. l. 3. supr. sine censu vel reliquis:* vid. plura in *Gloss.* GOTHOF.
 (h) *Data: C. Inst. quanquam Guiciaciana trium librorum Codicis editio, habeat quoque PP. Et sane hoc tempore Constantinus M. Romæ amplius non fuit, quod tamen putauit Baronius Ann. 313. n. 1. ID.*
 (i) *Constantino A. III. & Licinio Coss. ita partim d. l. 1. C. Inst. & Sichard. & MS. G. Sane cum Licinio III. Consule, in Fastis Consularibus, & hoc Codice semper componitur Constantinus A. III. Coss. Et tamen hic componitur Consulatus Constantini A. IV. & Licinii III. Quod etiam facit Auctor Chronici Alexandrini: ut & idem postea componit Constantinum A. V. & Licinium IV. Quomodo etiam Augustinus post collat. c. 33. ex Libellis consularibus, quos citat, tertio Constantini consulatu, secundum Licinii iungit. ID. vide quæ de Consulatu huius anni scripsit ANT. PAGIVS in Critic. ad Annal. Baron. an. 313. n. 1. ex eo sua habet RELANDVS in Fastis, RITTER.*
 (k) *Postedisse,* MS. G. & alter Codex Sichard. ID.

COMMENTARIUS.

CONSTANTINI M. hæc lex est: qua inferiores, infirmiores & tenuiores a TABULARIORVM fraudibus & census iniquitate, vindicat. Quæ quidem lex editi Romæ propositi, paulo post Maxentium deuictum, pars est, quo etiam Delatoribus occurrit: est enim eiusdem Edicti pars altera lex 1. supr. de petitionibus & delatoribus: quæ proinde huic leg. coniungenda venit. Nempe Tenuiorum facultates, ut hac duplici tempestate cæteroquin maxime percelluntur, Delationibus, inquam & Census iniquitate, ita & sub Maxentio Tyranno in Italia percussæ fuisse videntur. Verique igitur malo eodem Edicto, Θεσμῶ δικαιοσύνης, lege iustitiæ, occursum voluit Constantinus M. Et quidem hac parte, Census iniquitati: Quæ quidem ut alios subinde auctores habebat, ita Tabularii quoque ciuitatum, Tabularii ciuitatum (de quibus plene actum suo titulo, libro octauo tit. 2. de Tabulariis:) de quibus agitur rursum l. 3. seu ult. hoc tit. computationibus vacabant, l. 2. Cod. Inst. de iure fisci; circa tributa versabantur. Sidonius lib. 4. epist. 11. *Habens procuratorem in negotiis, villicum in prædiis, Tabularium in tributis;* chartas publicas seu ratiocinia tractabant, ut ostendit clare lex ult. d. tit. de tabulariis, chartarum administrabant, l. 21 d. tit. chartas quibus nomina debitorum & debita continebantur, l. 3. supr. de indulgent. debitorum. Chartas igitur censuales. Quare recte Interpretatio huic leg. subdita, eos quibus Exactionis libri traduntur, explicat. Scilicet hi breues debitorum (id est, tributorum) conficiebant, & Exactoribus tradebant, ut docet lex 1. supr. de Exactionibus. nomina debitorum probebant, l. 16. d. 1. de Exactionibus. Atque ideo cuiusquam immunitatem admittere vetiti, l. ult. infr. hoc tit. *Greffiers des Tailles qui expedient les Roalles des Tailles.* Eisdem manebat & translationis annonæ seu tributorum tempestiua cura, l. 9. tit. supr. de annona & tributis. viceversa cautiones siue Apochæ debitorum solutorum ad hos deferbantur, ut docet l. 2. supr. de annona & tributis: & l. 27. supr. de Susceptoribus. Et hæc quidem pauca de Tabulariis, plura enim de iis ad l. 1. supr. de Tabulariis.

Horum Tabulariorum fraudes varix fuerunt: quibus subinde occursum, ut docet hæc lex, Po-

tissima eorum fraus, quod potentiorum sarcinas ad inferiores transferrent, id est, infimos prægrauarent, aliis liberatis vel releuatis: quod hæc lex ostendit: & Symmachus lib. 9. epist. 10. *Principalibus, inquit, & Tabulariis liberum est alios a dispendio vindicare, aliis indebitum munus imponere.* Huc facit in genere querela Saluiani lib. 5. cap. 7. verbis huic leg. respondentibus. *Illud indignius ac pœnalius, quod omnium onus non omnes sustinent, imò quod pauperculus homines tributa diuitum premunt, & INFIRMIORES ferunt SARCINAS FORTIORVM,* &c. vid. & l. 3. 4. supr. de extraordin. mun. Igitur hac leg. quisque suam tantum professionem, id est, suum census modum agnoscere iubetur, τὴν παλαιὰν ἀπογραφὴν, antiquam descriptionem, ut in simili loquitur Basilii epist. 228. sui. ep. 36. Ed. Benediclin. καὶ μηδὲν ἐκ τῆς ἐξισώσεως ἐπηρεάζονται, & ut ex peræquatione nemini iniuria inferatur, atque adeo Constantinus hac leg. prouidet, ut tributa æquabili proportionem imperentur & æqualiter tolerentur. De pœna Tabulariorum, qui per consulsionem inferiores prægrauassent, nihil hic adiicitur: Quod tamen adiectum a Constantino fuisse non dubito in ipsomet Edicto, cuius particula tantum hic proponitur: sicut idem l. 1. supr. de Delatoribus. (quæ huic iungenda est,) pœnam delatoribus minatur, a se iam antea statutam. Porro huic legi omnino conuenit, quod Auctor vitæ Constantini lib. 4. c. 3. scribit; Constantinum, cum quidam quererentur superiores Imperatores iniquas census adscriptiones fecisse, Censitores seu Exæquatores misisse qui censum reformarent: ἐπεὶ δὲ ἕτεροι τὰς τῶν προτέρων κρατάντων τῆς γῆς καταμετρήσεως κατεμέμενοντο, βεβαρῆσθαι αὐτῶν τὴν χώραν κατατιμώντες, πάλιν κἀνταῦθα Θεσμῶ δικαιοσύνης ἀνδρᾶς ἐξισώτας κατέπειπε: iam vero cum nonnulli terra descriptiones & iugationes a superioribus principibus factas reprehenderent, agrosque suos nimium oppressos esse quererentur, hic etiam princeps iustitiæ legibus obtemperans, peræquatores mittebat.

VRBANA plebs a censu immunis.

II. (a) Idem AA. (b) ad Eusebium (c) V. P. (d) Praesidem Lyciae & Pamphyliae.

PLEBS Urbana, sicut in Orientalibus quoque Prouinciis obseruatur, minime in censibus pro capitatione sua conueniatur: Sed iuxta hanc iussionem nostram immunis habeatur: Sicuti (e) etiam sub Domino & Parente Nostro Diocletiano, Seniore A. eadem plebs Urbana immunis fuerat. Dat. Kal. Iun. Constantino A. III. & Licinio III. COS. [313.]

NOTAE.

(a) *Lex unie. Cod. Iust. de Capitatione ciuium censibus eximenda.* GOTHOF.

(b) *Imp. Constantinus A. Cod. Iust. d. l. unie.* Verum retinendum istud: de quo mox. *ID.* Tuetur *ip- scriptionem*, & *subscriptionem* etiam auctus Card. Norisii sententiam, *ANTON. PAGIVS in Crit. ad An- nal. Bayon. an. 314. num. 10.* qui & alia ibidem habet, quae ad illustrationem eorum, quae in Commentario scripta sunt, faciunt. *RITTER.*

(c) *Eusebius Praeses Lyciae & Pamphyliae sub Constantino Ann. D. 313.* GOTHOF.

(d) *P. V.* id est, Virum Perfectissimum: de quo plene *tit. de perfectiss. dign.* Error enim est Accursii manifestatus, qui *Urbis Praefectum* interpretatur: & Ioannis Baptiste Vicecomitis, qui *Virum Praetorium* accipit. *ID.*

(e) *Sequentia recita à Cod. Iust. velut Historica tantum.* *ID.*

COMMENTARIUS.

VRBANAM plebem immunem a capitatione seu Censu esse iubet *haec leg.* Imperator Ann. D. 313. per Lyciam & Pamphyliam nomina- rim in *sp. huius leg.* Duobus in id exemplis propositis: priore Prouinciarum orientis, intra quas *huius constit.* tempore plebs urbana a censu immunis erat: item praedictio Diocletiani Imp. sub quo eadem plebs per Lyciam & Pamphyliam immunis fuerat. Scilicet sola rusticana plebs extra muros posita capitationi seu censui obnoxia erat, vt colligi potest ex Maximiani (non Diocle- tiani. mox vt ostendam:) *leg. 1. Cod. Iust. ne Rusti- cani ad ullum obsequium deuocentur:* contra (vt habet *titulus Cod. Iust.* sub quo haec lex nostra pro parte posita est) capitatio ciuium censibus exime- batur: Quod etiam metrocornis, id est, vicinis metrocorniae seu primariis vicis inter vicos eiusdem ciuitatis tributum: *l. 8. Cod. Iust. de exactorib. tri- butor.*

Est autem *haec lex* velut singularis admodum obseruanda. Primum in eo, quod cum *Cod. Iust.* vnus tantum *Constantinus A.* inscribatur, *hoc Co- dice* duo Augusti *huius leg.* inscribuntur: *Idem AA.* vbi reponi nolo, *Idem A.* vt maxime etiam solius Constantini nomen *superiori legi 1.* inscribatur. Recte enim duo Augusti *huius leg.* inscribuntur, quod de *Constantino & Licinio* accipiendum est: Quomodo & *Codice Iustiniano* nonnullae aliae *leges* vtriusque, Constantini, inquam & Licinii no- mina diserte praefertur: puta *Ann. D. 314. lex 8. Cod. Iust. de Iudiciis:* & *lex 3. Cod. eod. de longi temporis praescript.* quae datae sunt ad Dionysium vice Praefectorum agentem: & *Ann. D. 319. lex 2. Cod. Iust. si ex pluribus tutoribus:* quae ad Achaiaem pertinet: (cum tamen soli Constantino ea *lex* hoc *Codice Theodosiano* inscribatur, vnde illa desumpta est: puta *lex 1. sup. de denuntiatis*.) Item, non ad- scripto Consulari, *lex 41. Cod. Iust. de liberalitate cau- sa:* quae inscribitur Eutyichiano Praefidi Cappado- cie. Atque ita quatuor constitutiones occurrunt *Codice Iustiniano*, quae *Constantini A. & Licinii*

nomina praefertur: Quibus haec nostra *Quinta* adiungenda est: Ita quidem, vt quemadmodum illi omnes, aut saltem tres (nam de *l. 2. Cod. Iust. si ex pluribus tutorib.* ambigo:) ita & *haec* proprie *Lici- nio* tribuenda sit: quandoquidem ad Prouincias Orientalis Imperii, quod Licinio cesserat, & qui- dem ad Prouincias Asiaticas pertinet: Cappadoci- am inquam, Lyciam, Pamphyliam, adde & Achaia- iam, quae hac tempestate nondum Constantino parebant: Sic sane & apud Eusebium *lib. 10. cap. 5.* extat horum Imperatorum edictum pro Chri- stianis, quod & ipsum Licinio magis tribuendum est.

Secundo obseruandum, quod *Diocletiani* Imp. (qui hac tempestate abdicatione Imperio priuatus age- bat,) *haec leg.* a Licinio mentio fiat: & ita quidem, vt & de superstitie agi appareat: *Sub domino*, in- quit, & *Parente nostro Diocletiano Seniore A.* post- ea enim demum Anno 316. mortuus, atque inter Diuos relatus est, vt ex Eutropio liquet *lib. 9. c. ult. lib. 10. c. 2.* Rursum ita de Diocletiano agi, vt appareat cum summa veneratione Licinium eius meminisse, *sub Domino & parente nostro:* scilicet Licinius ante septennium ferme a Galerio Maxi- miano equidem Caesar ad munimentum Illyrici & Thraciae creatus fuerat, verum ascito in consilium Iouio, id est Diocletiano, vt diserte *Sex. Aurel. Victor Schotti* testatur *cap. 40.* Quare *Dominum & Parentem suum* vocat. Parentes scilicet suos voca- re soliti Imperatores, per quos imperium accepis- sent, vt distendi prolixè ad *l. unie. sup. de action. verbo temp. fin.* & in commune *Victor Schotti cap. 39.* testatur Diocletianum alios Collegas, vt paren- tem, seu Dei magni modo suspexisse. Sane hoc ipso Ann. 313. Diocletianum a Constantino atque Licinio vocatum ad festa nuptiarum, per senectam, quominus interesse valeret, se excusasse ait alter *Victor in Epitom. c. 39. in fin.* At quod idem subi- cit, eum rescriptis ministris acceptis, quibus incre- pabatur Maxentio fauisse, ac Maximino fauere, sus- pectantem necem dedecorosa, venenum hausisse

dici, alibi nusquam legitur; neque verum est, quandoquidem quadriennio ferme post tantum, Diocletianus obiit.

Tertio obseruandum *hac leg.* indicari, post Diocletianum seu post abdicatum ab eo imperium Anno D. 304. * per Lyciam & Pamphyliam mutationem aliquam factam: *Sicut, inquit, etiam sub Diocletiano eadem plebs urbana immunis fuerat.* Nempe a Galerio Maximiano post Diocletianum per Lyciam & Pamphyliam (Dioeceseos Asiæ Prouincias) urbana plebs capitationi subiecta fuisse videtur; nam hic Galerius Maximianus in Imperii partitione Anno 304. posteaquam Diocletianus Imperium abdicasset, Illyricum, Asiam, & Orientem P. 116. obtinuit: mox Galerius Maximianus Orienti præfuit vt docet Eutropius *lib. 10. cap. 2.* qui Cæsar quadriennio, dein per Orientem triennio Augustus fuit. Qui paulo ante *hanc legem* a Licinio victus primum in Illyriis, mox in Asiam profugus, fusus in Cilicia fuit, teste *Eusebio, Eutropio, Zosimo, Chronico Alexand.* sic imperium penes solos Constantium & Licinium remansit. Igitur post Diocletianum ab alterutro vel Galerio, inquam, Maximiano, vel Galerio Maximino, *Urbana plebs* per Lyciam & Pamphyliam ad capitationem vocata fuerat. Quod nunc Licinius *hoc tit.* abolet, reuocato iure quod obtinebat sub Diocletiano Imp. & aduocato exemplo Orientalium Prouinciarum.

Qua parte Quarto obseruandum, Lyciam & Pamphyliam ab Orientalibus Prouinciis separari: nempe Orientales Prouinciæ erant Syriæ, Isauria, Cilicia, Cyprus, Mesopotamia, Euphratensis, Oldroecena, vt ex Ammiano Marcellino, *lib. 14. cap. 8.* discere licet, & *Veteri Prouinciarum notitia*, quam primus Schonhousius edidit, & Cellarius ad calcem Festi adiecit, vbi vide *pag. 83.* & ex *Imperii Notitia fol. 71.* Lycia vero & Pamphylia Asiæ Dioeceseos Prouinciæ erant, vt ex duabus illis *Notitiis* liquet.

Quinto notandum, iunctam hoc tempore *Lycia & Pamphylia* administrationem fuisse atque vni Præsidi paruisse, cum tamen postea sub Theodosio Iunioris & Iuliano administrationes diuisæ fuerint, sic quidem vt Consularis Pamphylia, Præfex Lyciæ præfesset, vt testatur *Notitia Imperii fol. 3.*

Sexto notandus titulus Præsidis Lyciæ & Pamphylia: nempe *Perfektissimi*, quod his notis indicatur *V. P.* quo eodem titulo ante 12. ferme annos sub Constantio Chloro, Constantini M. patre, Eumenius *orat. pro scholis instaurandis initio*, affatur Præfidei Lugdunensis primæ. Quare iocularis lapsus est Accursii, qui *Urbis Præfektum* interpretatur: cum aperte Præfex Lyciæ & Pamphylia vocetur: vt & Ioannis Baptiste Vicecomitis *ad hanc leg. p. 7.* qui *Virum Prætorium* interpretatur: simili errore quo hanc notam *V. C.* Virum Consulare significare ait: cum tamen *Virum Clarissimum* denotet.

Nunc de sententia *huius legis*: vbi primo error circa *hanc leg.* sententiæ profligandæ sunt. Prima esto Cuiacii: putabat is postrema *huius leg.* parte, quæ de Diocletiano agit, indicari *legem 1. Cod. Inst. ne Rusticani ad ullum obsequium deuocentur*: eo quod *illa leg.* quæ Diocletianum & Maximianum inscriptos habet, caueatur, ne quis ex rusticana plebe, quæ extra muros posita capitationem suam detulerit, & annonam præstat, ad vllum aliud obsequium deuocetur: quibus verbis indicat Diocletianus, nolle se Urbanos capitationem præstare. Perperam; neque vna de causâ. Primum

enim, nullam *Diocletiani legem* Licinius *hac leg.* indicat, sed tantum praxim & obseruantiam sub Diocletiano, quam Licinius opponit mutationi postea factæ. Secundo, si *lex* aliqua Diocletiani indicaretur hic, vique expressam super eo *legem* præcessisse oporteret; non vero satis esset id a contrario tantum colligi, ex eo quod obiter in aliqua *leg.* indicaretur. Tertio, quod vel potissimum, etsi *lex* illa Diocletiani & Maximiani nomina præferat, attamen *Maximianum* solum authorem habet, neque ad Lyciam & Pamphyliam pertinet, verum ad Gallias: Data scilicet *lex* illa ad *Carisum*, id est ad *Carausium*, quo Maximianus in Galliis vsus ad compescendum Rusticanorum Bagaudarum in Gallia tumultum, qui post Carini e Gallia discessum, Aliano & Amando ducibus exortus fuerat: de quo Mamertinus in *panegyrico*, dicto *Maximiano, cap. 4.* Eumenius *pro scholis instaurandis, cap. 4.* Victor, Eutropius, Hieronymus *Chronico.* Quo sane bello, ait Victor Schotti *cap. 39.* *Carausius Menapiæ ciuis factis promptioribus enituit.* Itaque profligato eo iam Rusticanorum Bagaudarum in Galliis, tumultu, qui exortus fuerat proculdubio propter Exactorum & tributorum acerbitatem, (quod de sua quoque tempestate Saluianus testatur) *ea leg. vnic. Cod. Inst. ne Rusticani, &c.* opera data, ne quid in posterum tale oriretur, prohibitis rusticorum angariis. Qua obseruatione historica deinceps *legem illam vnic.* illustrari cupio, & ab *hac leg.* seungi. Ad rem. Ergo Licinius *hac leg.* Urbanam plebem, quæ sub Galerio Maximiano, vel Galerio Maximino, ad capitationem vocata fuerat per Lyciam & Pamphyliam, pristina veterique immunitati restituit, ad quam proculdubio Christianæ potissimum Religionis odio atque occasione deuocata fuerat. Sane Eusebius *lib. 8. cap. 14.* Galerium Maximianum omnes Prouincias imperio suo subiectas, auri argenti & ingentium pecuniarum exactionibus attriuisse scribit: neque contra Christianos hæc tantum acta, sed & contra alios omnes. Quem locum refert Baronius *Anno 307. n. 28.* de Martyribus in Lycia & Pamphylia nominatim, & quidem Bergæ, Sidæ, hoc tempore videnda Martyrologia. Quomodo & Iulianus Apostata Christianæ Religionis odio postea Cæsarea Cappadociæ ciuitatum numero expuncta (de quo videndus Libanius *orat. nondum edita*: Sozomenus *lib. 5. cap. 4. & 11.* & Gregorius Nazianzenus *orat. 5. adu. Iulian. p. 91. Tom. I. Oper. Edit. Lips.*) plebem Christianam Cæsariensem vna cum vxoribus & liberis cenferi voluit: & quemadmodum in pagis tributa solvere, καὶ τὸ πλῆθος τῶν χριστιανῶν σὺν γυναῖξιν, καὶ παισὶν ἀπογράφειν; καὶ καθάπερ ἐν ταῖς καμαῖς φόρος τελεῶν προσέταξεν: vulgus vero Christianorum vna cum vxoribus & liberis describi, & perinde ac in pagis tributa pendere præcepit: vt refert Sozomenus *d. cap. 4.*

Videamus igitur quid per *Capitationem* hic intelligendum sit? Vulgaris sane sententia est *hanc legem* esse de *capitis censu*, seu tributo capitis, seu personæ: cuiusmodi census, tributi capitis, a quo immunis esse iubeatur plebs urbana, φόρος τῶν σωματῶν, frequens mentio in Iure, apud Appianum, Tertullianum, alios: Quæ facile concider, vbi intellexerimus, quid per *Capitationem* intelligendum sit: quanquam id iam ex *Paratitlo*, vt & ex dictis *ad leg. 15. & 33. supr. de Ann. & tribut.* satis liquere potest. *Capitatio* igitur (quæ eadem & *Iugatio*) erat modus seu canon, qui in censu publico a singulis præstari-

* Factum id demum anno sequente 305. probante ANTON. PAGIO in *Critic. ad Annal. Baron. ad an. cit.* n. 6. seqq.

præstandus erat, pro modo Capitum seu Iugorum quæ quis possidebat. Mentio eius ut apud Ammianum Marcellinum, ita quoque apud Salustianum lib. 5. de gubernat. Dei cap. 8. Cum possessio ab his recesserit, Capitatio non recedit: proprietatibus carent, & vestigalibus obruuntur. Dicta Capita, & Capitatio, non quæ pro capite humano vel colonorum dabatur, verum quæ pro possessione, quam quis possidebat, soluere tenebatur: id enim Capita dicuntur, nempe prædia ex quibus ut fructus colliguntur seu emolumenta prædii quis consequitur, ut dicitur l. 23. sup. de annon. & tribut. ita & functiones tributarie, annonæ, & tributæ præstantur, tanquam capitæ & sortis structura. Hinc & modus Capitationis & sortium, παραλλήλως dicitur: & annonaie species pro modo Capitationis & sortium præbere: d. l. 15. sup. de annon. & tribut. Sic sane ut in re pecuniaria & scænebri caput est id, cuius nomine foenus præstatur, & sic fors; Ergo & in re tributaria, ἐν τῇ λογαρικῇ τῶν δημοσίων, capita sunt possessiones & quasi sortes, quarum nomine tributa penduntur seu canon inferuntur: atque exinde Capitatio, quæ caput nomine seu pro modo sortium præstari debebat: pro modo iugorum vel capitum: Et ut Capita & Iuga hic sociantur, ita & Capitatio & Iugatio: nempe functio pro capitem & iugorum modo tributa, seu functiones; non vero tributum capitæ seu pro capite κατὰ κεφαλὴν, ut Plutarchus. Et vero hoc ipso sensu, exteri quoque Scriptores. B. Hilarius contra Constantium Imperatorem, num. 10. pag. 569. Tom. II. Oper. Edit. Veronens. Censum CAPITVM remittis, quem Christus, ne scandalum esset, exoluit. Eodem sensu Eumenius in Panegy. Flavianensium nomine ad Constantinum cap. 11. Septem millia capitum remisisti, quartam amplius partem nostrorum censuum. Eodem sensu Ammianus Marcellinus lib. 16. cap. 5. vocem Capitum usurpavit. Imo idem lib. 17. c. 3. Capitationis bis meminit: verba eius iam consignavi ad leg. 15. de annon. & tribut. sup. Error enim est Interpretis Valesii, Viri alioquin doctissimi, qui priorem Marcellini locum, de pecunia, quæ pro hominum capitibus solvebatur, accepit: eoque referebat Tertulliani locum, hominum capita stipendio censa, ignobiliora. Quot etiam trahit locum Eumenii, & legem 10. Cod. Iust. de Agricol. imo & legem 4. de hoc tit. & leg. 4. sup. de excus. artific. Quod tamen omne inane est. Nam ut Eumenii locus, ita & leges illæ sunt de capitati-one possessionum. Eodem pertinet vulgatum iam illud Sidonii Apollinaris carm. 13. ad Maiorianum b. 19.

Geriones nos esse puta: monstrumque TRIBV. TVM:

Hic CAPITA, ut viam, tu mihi tolle tria. Græci vna voce utrumque & iuga & capita expriment ζυγοκέφαλον. Iustinianus Nouell. 8. cap. 2. ut & Zonaras in Leon. Isaur. lib. 15. Annal. pag. 105. in fin. Tom. II. Oper. Edit. Reg. & Cedrenus in Comp. bist. anno 16. Leonis, pag. 457. Tom. I. Oper. Edit. Reg. vocem κεφαλῆτιονα habent. Προφασει inquit Iustinianus, ἀνόνων τε καὶ καπιτατίωνων, ἤτοι κεφαλῆτιωνων, καὶ συντελεσιων, Theodoreus etiam epist. 42. vocem ζυγῶν & ἰσγατίων usurpavit: ut & Iustinianus dist. Nouell. 8. cap. 2. vocem καπιτατίωνων, & Nouella 17. cap. 8. ἰσγῶν ἢ ἰσγαλίων. Ergo Capitatio est modus collationis pro iugorum seu capitem numero, non pro capite hominis, ut vulgo creditum, etiam Cuiacio. Neque nupera Heraldii interpretatio melior est, lib. 1. Quotidianarum cap. 9. qui Capitationem interpretatur eam, quæ imponebatur pro mancipiorum & colonorum adscriptitiorum censitorum nu-

mero, & secundum mancipiorum capita. Ex tot enim legibus liquido constat, Capitationem pro numero modoque iugorum seu capitum impositam; denique terrena hæc capitatio seu iugatio fuit, & vero dicitur l. vltim. de Collat. donat. sic tamen terrena fuit, ut ratio haberetur quoque hominum & animalium, velut quæ paræ capitæ seu substantiæ & facultatum essent: vnde & Capitatio humana, d. l. vltim. seu Capitatio humanæ Censûs, l. vnic. Cod. Iust. de colon. Thrac. Capitatio animalium, d. l. vltim. ubi male Heraldus animalis, de quo ad eam leg. descriptio denique animarum, d. l. vltim. qua comprehenduntur & capitatio humana & animalium terrenæ opposita, d. l. vltim. non quasi pro capitibus eorum separatim capitatio vel iugatio fieret aut præstaretur, verum quia in censum veniebant referebanturque omnia, quæ possessionum, capitem, sortiumque & iugorum æstimationi accederent. Vtraque ergo tributariæ sortis & nexus pars: d. l. vnic. Cod. Iust. de colon. Thrac. Quandoque tamen ex indulgentia, concessio sublatoque humanæ capitatiōis censu, seu colonis tributariæ sortis nexibus absolutis, iugatio tantum terrena solvebatur, d. l. vnic. Cod. Iust. & l. vlt. sup. de collat. don. Et hæc quidem est illius l. vnic. sententia; non quasi in locum capitatiōis pro colonis adscriptitiis iugatio ibi subrogata fuerit: non enim ibi vlla subrogatio fit, sed duplex capitatio, vna sublata, ad vnam redigitur. Quæ cum ita sint, apparet quid iudicandum sit de nupera Heraldii interpretatione ad hanc leg. Sententia eius hæc est, plebi Urbanae id hæc leg. non tribui, ut a capitatiōe immunis habeatur, sed ea molestia liberetur, quæ possessoribus alioquin incumberebat, ut exactam & collectam capitatiōem a colonis adscriptitiis ipsi fisco soluerent: quod his graue erat. Additque non idem rusticanae plebi remissum: eam quippe capitatiōem suam deferre debuisse: allegata in id l. 1. Cod. Iust. ne rustici: subicitque ideo in l. 11. Cod. Iust. de Episcopis: Clericos, iuberi, in ea possessione vel vico ordinari, ubi res suas possident, ut propria capitatiōis onus & sarcinam agnoscant, ait lex, id est, ut tributum terris suis impositum pro colonorum censitorum numero a colonis suis exigant & fisco inferant: vnde se excusare potuissent, si in Vrbe, vel etiam, fortasse in alia possessione fuissent ad Clerum promoti. Quæ omnia plane inania sunt. Nam quod a t, de capitatiōe quam possessoribus exigebant, mox ipsi fisco inferabant, merum est commentum. Et quod ad d. l. 1. Cod. Iust. ne rustici: attinet, est ea omnino de capitatiōe seu iugatione quam rustici possessionum suarum nomine deferrebant, præstabant: non de imaginaria illa pro capitibus colonorum tantum. Et d. l. 11. diserte agitur de propria capitatiōis onere & sarcina: eaque modus iniicitur promittitur Clericorum ordinationi, per quam alioquin tributa concidebant, videlicet ut in eo vico seu ea possessione ordinentur, ubi res suas possident: ut ita propria capitatiōis onus & sarcinam agnoscant, ait lex. Ergo huius leg. hæc perspicua sententia est, plebem urbanam, si modicum forte quid possideret iugorum seu capitem ruri a capitatiōe immunem esse: Plebem, inquam, urbanam, non & Senatores inque dignitatibus constitutos, qui plerasque possessiones velut agrarii mergi ad se traxerant & quotidie trahebant.

Ad capita & ad capitatiōem redeamus. De eadem, ut eam interpretatus sum, est quoque lex 10. Cod. Iust. de Agricolis: & quidem de capitatiōe humana: Nempe Theodosius M. ea leg. Seruorum & ancillarum censualem æstimationem immittit, hac peræquatione, ut ipse ait: idque definit, ut deinceps per binos ac ternos viros, id est, colonos

colonos adscriptitios, per quaternas mulieres, vnius capituli pendendi forma seruetur, cum antea per singulos viros, per binas mulieres capituli forma esset censa. Ergo agricolarum, colonorum adscriptitiorum, censum qui pro his pendebatur, seu capitationem humanam, quæ possessoribus pro his imminabat, hoc temperata peræquationis modo, ut ipsemet loquitur, imminuit Theodosius Imp. Quomodo & alias Principes qui sese commendare volebant a moderatione, censum, & capitationem imminuere soliti. Ita narrat Ammianus Marcellinus lib. 16. de Iuliano Cæsare cap. 5. *Ad ultimum, &c. quod profuerit anbelantibus extrema penuria Gallis, hinc maxime claret, quod primitus eas partes ingressus, pro CAPITIBVS singulis tributum nomine, vicenos quinos aureos reperit flagitari, discedens vero*

septenos tantum, munera uniuersa complentes, &c. Ex quo etiam Ammiani loco, eaque singulorum capitum capitatione, colligimus Capita maioris aliquis modi possessiones fuisse, quando pro illis tot aurei annui tributum nomine flagitarentur. Pariter ut iuga, quæ eadem erant: ut non tantum ex coluerit, quod passim hæc *παράλληλως* ponuntur: ve. P. n. rum etiam quod idem modus capitationis & tributum in utroque erat: ut docet lex 3. de militari veste: l. 1. de impon. lucrat. descript. Caue autem iuga, a quibus iugatio: & iugum iugeris, unde iugeratio, confundas: si quid in re obscura iudicii mei est, ego iuga putem dicta, terræ modum; cui colendo per annum iugo bouum opus est: sicut iugum iugeris, quantum in die iugo bouum exerceri potest.

COLONOS a prædiis auelli nulla pactione posse.

III. (a) Imp. CONSTANTIVS A. ad Dulcitium Conf. Æmiliæ, (b)

SI quis prædium vendere voluerit, vel donare, retinere sibi, transferendos ad alia loca (c) Colonos, priuata pactione non possit: Qui enim Colonos viles credunt, aut cum prædiis eos tenere debent, aut profuturos aliis derelinquere, si ipsi sibi prædia (d) prodesse desperant. Dat. III. (e) Kal. Maii, Med. Constantio A. IX. & Iuliano Cæs. II. Coss. [357.]

NOTÆ.

- (a) Lex 2. Cod. Iust. de Agriculis, Censitis, & colonis. GOTHOF.
- (b) Æmilia Consularis hac tempestate sub Constantio Imp. peculiaris fuisse hinc videri possit: verum non ita est: de quo ad l. unic. supr. de vectigalib. ID.
- (c) Locorum appellatio hic propria: vid. Gloss. ID.
- (d) Prædium. Cod. Iust. ut initio Legis. ID.
- (e) De hac subscriptione vid. Chronolog. ID.

COMMENTARIUS.

COLONI originales (de quibus vid. *Paratit. de colonis fugitiuis*;) qui cum prædiis utique censabantur a prædiis diuelli, puta venditis, donatis, prædiis, atque a venditore vel donatore retineri, a Constantio Imp. hac leg. prohibentur, per Italiciæ Prouinciæ Æmiliæ: pariter ut a Valente per Orientem, l. 14. supr. de annonæ & tribut. ab Honorio per Gallias, l. 26. supr. de annonæ & tributis; cum tamen antea sub Constantino M. potuissent, ut docet lex 2. supr. sine censu: et si & tum cum suo onere. Vtilius sc. visum adhuc eos ne quidem a prædiis diuelli. Coloni scilicet quidam in orbe Romano certis locis seu prædiis adstricti erant, qui Coloni Originales dicuntur, d. l. 14. supr. de annonæ & tribut. mancipia adscripta censibus, l. 2. supr. sine censu vel reliquis: homologi coloni l. vltim. supr. de patrocini. vicorum: seu certus plebis numerus prædiis singulis adscriptus, ut ait d. lex 26. supr. de annonæ & tribut. id est, vna cum prædio censabantur: non tam hominibus quam prædiis adscripti, d. l. 26. ac proinde & eorum nomine census a dominis prædiorum illorum inferebatur: denique in fundis illis seu locis

censi erant: d. l. 14. Ergo cum fundis eos ambulare iam necesse erat, sic ut venditor, aut donator prædii, sibi eos eorumque onera seu censum reservare non posset. Semperque possessor prædii eorum nomine tenebatur, ex hac leg. & dist. l. 14. 26. Denique priuata pactio in contrarium non valebat, quomodo & quo tempore sub Constantino M. mancipia hæc adscripta censibus, separatim vendi potuerunt, eorum censum emptor agnosceret tenebatur, l. 2. supr. sine censu. Sic & alias sine censu, fundus comparari non potest: de quo fuit supr. peculiaris titulus 3. sine censu vel reliquis fund. comp. non posse: lib. 11. Onera denique possessionum a possessionibus diuelli non possunt. Sic neque venditor nauicularii prædii, nauiculariam functionem in se recipere potuit, l. 8. supr. de prædiis nauicular. ut neque viceuersa, commoda ædium venditarum sibi venditor retinere potuit, puta annonas ciuicas seu panem gradilem, l. 1. infr. de annonis ciuicis. Plura qui volet de colonis, eorumque conditione, consulat *Paratitlen de fugitiuis colonis*.

De PERSONIS immunibus a censu.

IV. (a) Impp. VALENTINIANVS & Valens AA. ad Viuentium (b)

PF. P. Galliarum.

IN Virginitate perpetua (c) viuentes, & eam Viduam, de qua ipsa maturitas pollicetur ætatis nulli iam eam esse nupturam, a Plebeia (d) capitationis iniuria vindicandas esse decernimus: Item Pupillos in virili sexu vsque ad viginti annos ab istiusmodi functione immunes esse debere: mulieres autem, donec virum vnaquæque fortitur. Dat. X. Kalend. Decemb. Valentiniano & Valente AA. (e) Coss.

NOTÆ.

(a) Abest & hæc lex a Cod. Iustin. Concordat huic lex 6. *infr.* quæ eiusdem Valentiniani est ad eundem Viuentium PF. P. inferuit hæc leg. Annalib. suis Baronius *Anno* 365. n. 44. *GOTHOR.*

(b) Viuentius PP. Galliarum sub Valentiniano: vid. *Prosopogr.* ID.

P. 119. (c) *Quæ se sacræ Legis obsequio PERPETVO dicarunt: d. l. 6. ID.*

(d) *Exalio plebis vocatur d. l. 6. ID.*

(e) Credo supplendum II. vt sic ad Annum 368. referatur hæc lex. Viuentius enim cui hæc lex inscribitur adhuc An. 367. Præfectus Vrbi erat, vt docet lex 11. *supr. de pænis*, & lex 3. *supr. de indulg. crim.* & Ammianus Marcellinus lib. 27. c. 3. Vnde demum PP. Galliarum factus est, eainque Præfecturam administrauit Ann. 368. 369. 370. 375. ID.

COMMENTARIUS.

DE IMMUNIBVS tribus personarum generibus a censu seu a plebeia capitatione, est hæc Valentiniani Sen. constitutio, & quidem per Gallias, quod notandum: pariter vt altera l. 6. *infr.* quæ eundem Valentinianum auctorem habet, & ad eundem Viuentium PP. data est: sic tamen vt illa ab hac in nonnullis recedat: mox vt ostendetur. Et sic pertinet hæc lex ad Censum Gallicanum, pariter vt duæ Leges proxima 5. 6. & lex 1. *supr. sine sensu*: & lex 1. *supr. de fide & iure baste.* Plebeia capitatio, quæ hac leg. dicitur, vocatur pariter d. l. 6. plebis exalio. Plerique vero Interpretum id de tributo capitis, seu capitis censu, quod pro capite dabatur, accipiunt. De quo est sane lex 3. D. de censibus: vbi similis quoque immunitas continetur. *Ætatem in censendo significare necesse est: quia quibusdam ætas tribuit, ne tributo onerentur: veluti in Syriis a quatuordecim annis masculi, a duodecim femina vsque ad sexagesimum quintum annum tributo capitis obligantur: Ætas autem spectabatur censendi tempore.* Verum cum nullum iam amplius hoc æuo capitis seu pro capite libero tributum vsurparetur: est omnino hæc lex, vt & d. l. 6. accipienda de Capitatione & Iugatione pro capitibus & iugis seu possessionibus. Ergo Valentinianus hæc leg. vt & l. 6. *infr.* quæ huic concordat, Capitationem tribus hominum generibus remittit. Primum in Virginitate perpetua degentibus, seu quæ se sacræ legis obsequio perpetuo dedicarunt: quod & ipsum rursum constituit, l. 6. *infr. hoc tit.* ad eundem Viuentium PP. sic tamen vt indistincte id de iis, quæ se sacræ legis obsequio perpetuo dedicarunt, sanciat. De huiusmodi virginibus sanctimonialibus præter hanc leg. & d. l. 6. sunt insuper quinque hoc Codice Constitutiones: puta Constantii lex 1. *supr. de raptu vel matrim. sanctim.* Iouiani l. 2. d. tit. Valentiniani Senioris hæc lex, & l. 6. *infr.* & l. 22. de Episcopis: Theodosii M. l. 12. *infr. de Sanctis.* Honorii lex 3. d. tit. de raptu vel matrim. Sanctim. Quæ leg. Valentinianus fœdis earum capitationibus occurrat: nam & ipsæ ex viduarum liberalitate aliquid consequi verantur: vt viceversa hæc leg. priuilegio immunitatis a censu decorantur,

quod deuotionis Valentiniani Sen. fuit: quod ipsemet indicat d. l. 6. *infr.* Simili deuotione habeantur immunes, & si quæ se sacræ Legis obsequio perpetuo dedicarunt. Alia enim immunitas his non data: Quod etiam indicat satis Ambrosius, libello 2. contra relationem Symmachi, ad Valentinianum lun. pag. 325. ad calcem Symmachi. Edit Paris. 1604. vbi agens de immunitate Virginitatis Vestalium in genere; non esse virginitatem quæ pretio emitur: non esse integritatem, quæ tanquam in auctione, nummario ad tempus elicitur compendio: primam denique castitatis victoriam esse, facultatum cupiditates vincere, quia lucri studium tentamentum pudoris est. Quibus haud absimilia & alibi scribit.

Interim ex hac leg. & l. 6. *infr.* obseruandum, Deuotas virgines hac tempestate per Gallias peruasisse: vid. & Hieronymum Tom. 1. pag. 146. Edit. *Francf. de vitando suspecto contubernio*: Quæ sane ante 30. ferme primum annos exemplo Egypti Romæ inuenerant, teste Hieronymo epist. 16. ad Principiam de Marcella vidua, de quo dixi ad l. 1. *supr. de raptu vel matrim. sanctim.* A qua exemplum in Gallias iam hoc æuo propagatum. Et hæc quidem de sacris Virginibus.

Secundo, eadem immunitas capitis census hac leg. & d. l. 6. tribuitur & Viduis. Et hæc quidem lege iis quas ipsa ætatis maturitas pollicetur, nulli iam eas esse nupturas. At lege 6. Viduis in genere: de quo ad eam legem. Ita quoque iam olim in Syriis fœminæ vsque ad 65. ætatis annum censu obligabantur, post hæc non item: vt testatur d. l. 3. D. de censibus.

Postremo, eadem Immunitas tribuitur hac leg. a Valentiniano Sen. Pupillis, virilis scilicet sexus vsque ad annos 20. fœminæ, vsquequo virum fortitæ sint. At enim idem Valentinianus biennio post, leg. 6. *infr.* Pupillis hanc immunitatem tribuendam credidit, donec eos ingrederentur annos, qui iam Tutoribus Curatoribusque publicis non egerent, id est, vsque ad annum ætatis 25. De quo plura ad eam leg. 6. *infr.* Certe Basilii quoque hanc ob ætatem a censu immunitatem obiter memorat Epist. 279. *his. Epist. 104. Edit. Benedictin.* ad Modestum

Modestum PP. ubi queritur Presbyteris & Diaconis censum indictum, *πλην ἢ μὴ πρὸς τινὲς ἀλλως ἔχον ὑπὸ τῆς ἡλικίας τῇ ἀφῆσιν*, nisi qui

alioquin forte per aetatem immunitatem haberent. In Gallia sane minores a tributis immunes sunt: de quo vid. Brettii *Orat.* 41, ubi hanc ipsam leg. allegat, p. 240. b.

V. (a) Idem AA. ad Florentium PF. P. Galliarum. (b).

Si quis, census Inquisitione completa, grauatum se esse credat, aput Prouinciæ Iudicem pulsset (c) quem mauult, (d) ex die clausi (e) renuntiatique (f) census spatia præstituta dinumerans: (g) ut si, necessitatibus publicis occupatus domesticis commodis defuit cum census agitatus (h) est, intra anniuersarii temporis curriculum (i) fiducia competitionis (k) adsistat: Si vero præsentem sciat se esse censitum, intra quinque menses, quibuscunque viribus fultus immineat, (l) ultra non habeat huius vocis (m) arbitrium. Dat. III. Non. Iun. Remis, (n) Lupicino & Iouino Coss. [367.]

INTERPRETATIO. Si aliquis in causa publica occupatus, cum descriptio ageretur, per absentiam suam se esse grauatum queratur, intra anni spatium apud Iudicem loci querelas suas allegare debet: nam si præsentem fuisse constat, non plusquam quinque menses ad exequendas querelas suas nouerit sibi fuisse concessum, quibus transactis agendi copia denegatur.

NOTÆ

P. 120.

(a) Abest hæc lex a Cod. Iustin. Huic concordat Theodosii M. lex 4. *infr. de censitoribus*. GOTHOF.

(b) Florentii huius PP. & quidem in gestis huius ipsius Anni, meminit Ammianus lib. 27. cap. 7. Hic idem antea quo tempore Iulianus Cæsar in Galliis fuit, PP. fuit: de quo idem Ammianus lib. 16. cap. 12. lib. 17. c. 3. lib. 18. cap. 2. ID.

(c) Pulsset, id est, conueniat, vid. Gloss. accuset: ut d. l. 4. ID.

(d) Ex iis penes quos census distributio est: Tabularium l. 1. *supr. Peræquatorem*, vel eum qui per gratiam releuatus est: vid. l. 4. *infr. tit. prox.* ID.

(e) Claudi census dicitur, cum perficitur: cum peræquatio completur, ut loquitur lex 4. *infr. tit. prox.* cum finis est operis consummati: l. 4. §. 9. *D. de censibus*. ID. Ab Editione Sichardii. absunt hæc verba, quem mauult: in MS. G. vero legitur, quem uult. RITTER.

(f) Renunciari census dicitur, cum completus, clausus in libros Censuales refertur: cum Codices traditi, ut loquitur dist. lex 4. GOTHOF.

(g) Enumerans, MS. G. ID.

(h) Agitari census dicitur. ID.

(i) Curriculum in Edit. Sichard. MS. G. Edit. in 4. & prim. Cuiac. ID.

(k) Competitio est (ut Interpres recte quoque uidit) querela, hac leg. & l. 4. *infr. tit. prox. de Censitorib.* (quæ in eodem argumento versatur, & Gratianum Valentiniani huius leg. Auctoris, filium auctorem habet:) & l. 15. *seu pen. cod. tit.* ID.

(l) Emineat tentet quis: verum illud non temere muto. ID.

(m) Id est, querelæ. ID.

(n) Remis hoc Anno constitutus Valentinianus: vid. *Chron. Theod.* ID.

COMMENTARIUS.

QVERELÆ aduersus iniquum censum siue adscriptionem, ut libertatem hac leg. relaxat aduersus Censitores, siue Peræquatores, ita certi temporis metas huic rei ponit Valentinianus Sen. Anno D. 367. in Gallia ipse constitutus, hac constitutione ad Florentium PP. Galliarum: quæ proinde ad Censum Gallicanum pertinet: pariter ut *superior. 4.* & proxime sequens 6. Quo etiam spectat lex 1. *supr. sine censu vel reliquis*. Pariter ut Theodosius M. l. 4. *infr. de censitor.* Scilicet ei qui Absentem se grauatum dicit, annum ad querelam suam proponendam tribuit: absentem inquam, qui necessitatibus publicis occupatus domesticis commodis defuit: qui Reipubl. causa absuit, ut lex 4. *infr. de censitorib.* aperte loquitur, præsentem vero & scienti, quinque tantum menses tribuit ad querelam suam proponendam. Hæc ita

nunc Valentinianus. At enim Theodosius M. postea d. l. 4. prolixius tempus tribuit: nempe præsentibus & maioribus annum integrum continuum, minoribus vero & absentibus Reipubl. causa, annum utilem, ex eo uidelicet tempore computandum, ex quo agere potuerunt, id est minori, maiores effecti, absentes domum reuersi. Porro discrete Absentibus Reipubl. causa tantum tempus tribuitur: sui negotii causa absentibus non item: horum non tanta ut superiorum ratio, quibus imputari potest tanti temporis taciturnitas, rerumque suarum negligentia: illis vero non item.

Notanda interim ex hac leg. & d. l. 4. *Præscriptio* legitimæ species, pro censu siue adscriptione: nam ut ab una parte census iniquitatem sepe emendari æquum est, ita vicuerit non quouis tempore

tempore conuelli oportet. De praxi huius leg. vid. quæ ad l. 4. *infr. de Censitorib.* Porro a quo tempore præscriptio huius leg. currat, definitur hic, ex die clausi renuntiatiue census: pariter vt d. l. 4. cum fuerint traditi Codices, & completa peraquatio.

De quo vid. quæ Claperius *causarum fiscalium c. 42. q. 2. n. 1.* Similis vero est dispositio legis 173. *supr. de Decurionib.* unde desumpta est lex 1. *Cod. Iust. de Apochis public.*

VI. (a) Idem AA. & Gratianus A. ad Viuentium PF. P. (b)

NULLA Vidua, nemo Pupillus ex utroque sexu, donec eos ingrediatur annos qui iam Tutoribus, Curatoribusue (c) publicis non egeant, exactionem plebis (d) agnoscat. Similiautem deuotione habeantur immunes, & si quæ se Sacræ Legis obsequio perpetuo dedicarunt. Dat. III. Kalend. April. Triu. Valentiniano & Valente III. AA. Coss. [370.]

NOTÆ.

- (a) Absit hæc lex a *Cod. Iustin.* Retulit eam Baronius *Ann. 370. n. 131.* Concordat ei lex 4. *supr. GOTHOF.*
 (b) Galliarum: vt d. l. 4. *supr. ID.*
 (c) Curatoribus vel publicis: apud Baronium & in Edit. Quartan. male editum. *ID.*
 (d) Capitationes plebeiz, l. 4. *supr. ID.*

COMMENTARIUS.

DE IMMUNIBUS tribus personarum generibus a plebeio censu, est hæc altera Valentiniani Sen. ad eundem Viuentium PP. Galliarum constitutio, pariter vt lex 4. *supr.* puta de viduis pupillis, & Sanctimonialibus: Magno tamen inter hanc & illam discrimine I. Vidua a censu immunis præstat illa lege, cum hac taxatione, *Eam viduam*, inquit, *de qua ipsa maturitas pollicetur ætatis, nulli iam eam esse nupturam.* At enim hac leg. indistincte, *Nulla vidua exactionem plebis agnoscat.* Est proinde hæc lex iam generalior & plenior hac parte.

II. Plenior quoque est circa Pupillos: Nempe illa l. 4. Pupillis immunitas datur masculis vsque ad 20. annos, foeminis vsque quo virum sortiantur: At enim hac leg. pupillis ex utroque sexu ea immunitas præstat, donec eos annos ingrediatur, qui iam non tantum Tutoribus vt in l. 3. *D de censib.* curatoribusque publicis non egeant, id

est, foeminis vsque quo virum sortitæ fuerint (tamdiu enim tutela in foeminis perdurabat, de quo l. 2. *supr. de tutorib.* & *cur. creandis*;) masculis ad annum vsque 25.

3. Laxius tandem accipiendum est hac leg. idP. 121. quod de Sanctimonialibus dicitur, si quæ se Sacræ Legis obsequio perpetuo dedicarunt: quam quod illa l. 4. In Virginitate perpetua viuentes. Nempe Diaconissæ quoque hac parte comprehenduntur; cum superiore l. 4. comprehendantur Viduarum appellatione: sed satius nunc visum Valentiniano a Viduarum appellatione eas fecernere, cum ea viduarum appellatione hæc lex promiscue comprehendat quascunque viduas. Vt his omnibus inspectis ita censcam, exortis post leg. 4. *supr.* dubitationibus nonnullis ad relationem Viuentii PP. Galliarum, hanc legem tanquam superiore accuratiorem a Valentiniano emissam.

VII. (a) Idem AAA. ad Modestum PF. P. (b)

SICVBI subscriptorum (c) modo forte fatali morientibus (d) describo (e) aliquid fuerit inminutum, contraque (f) in vicina, (g) vel contermina (h) eius, vel in eodem, (i) vel vbilibet, similis substantia (k) ratione nascendi ultra conscribitorum (l) numeris (m) adcreuerit, modus censuum intraque (n) seruetur, vt ex eo qui superest, (o) ille qui defuerit (p) suppleatur. Hoc autem vt rite celebretur Auctoritas Tua Iudicibus tantum, id est, Recltoribus Prouinciarum, permittat potestatem: ita vt idem, (q) cum querimonia (r) Defensorum, vel Plebeiorum ad eos fuerit nuntiata, exhibitis partibus, secundum fidem rerum, coram cognoscant, ac stabilitatem census finita altercatione componant: Eos tantum qui mortui videbuntur, (s) ex adcrefcentibus repleturis. (t) Cæterum illos, qui relictis censibus aufugerunt, ad excusationem pertinere non est æquum; quandoquidem eum qui videbitur aufugisse, constat esse reuocandum. Dat. XVII. Kalend. Febr. Const. Gratiano A. II. & Probo Coss. [371.]

(a) Absit hac lex a Cod. Justiniano. GOTHOF.

(b) Modestus PP. Orientis sub Valente: vid. *Prosopegr.* ID.

(c) Sicubi de subscriptorum modo, vel si quibus de, &c. id est, si morientibus nonnullis & numero eorum qui censibus adscripti erant, aliquid sitit imminutum de modo census. *Subscripti* porro infra *Conscripti* dicuntur: adscripti scilicet censibus. ID.

(d) Aliquibus. ID.

(e) Ita γρ. de scripto diuissim: Scriptum vocat modum & numerum libris censualibus adscriptum. ID.

(f) Et vicissim. ID.

(g) Absolute, vel reponendum *vicinia*: ἐν τῇ γύρω ἢ ἐγγύς αὐτῆς. ID.

(h) De hac voce vide Iuretum in *Symmach. lib. 10. epist. 13. p. 265. Edit. Paris. 1604.* ID.

(i) Loco, scilicet qui generaliter designatur initio legis, voce *ficubi*. ID.

(k) An substantia? Substantia hic pro fecunditate, copia, modo, existentia, presentia, extrantia, vt sic locus hic ita interpungatur, *similis substantia, ratione nascendi*: vide *Gloss. in v. Substantia*. Et sic in effectu hic pro homine substantie, seu subsistente, ὑπόστασις, ὑπαρξίς: ὑπόστασις denique pro persona: quo sensu in Sacratissima Trinitatis mysterio accipitur: vide apud Gregorium Nyssen. *de eo, quid sit ad imagin. Dei & similitudinem*, pag. 864. Tom. 1. Oper. Edit. Morell. & Basilium passim, οὗτος τριπρόσωπος, τριῶν ὑπόστασις. ID.

(l) Conscripti hic & l. 14. de annona: adscripti alias, & subscripti *supr.* ID.

(m) γρ. numerum. ID.

(n) γρ. integrè. ID.

(o) Ex aderescentibus *infr. circa fin.* ID.

(p) Et defecerit. ID.

(q) Pro *iidem*, Iudices scilicet. ID.

(r) De imminuto numero eorum qui censibus adscripti erant. ID.

(s) Id est, mortui erunt. ID.

(t) γρ. repleturi. ID.

COMMENTARIUS.

DE SUPPLENDO, INTEGRANDO, REPARANDO censu, est hæc Valentis Imp. constitutio, ad Modestum PP. Orientis Ann. D. 371. emissæ: pariter vt duæ aliæ strictim eiusdem Valentis, ad eundem Modestum PP. puta *lex 6. 7. supr. de Tyronibus*, & Constantini M. *lex 3. supr. de priuileg. eor. qui in S. Pal.* Subinde scilicet censum reparari oportuit ac nominatim propter capite censos, qua deficientes, qua fugitiuos. Igitur cum hac tempestate census imminutus fuisset, Valens eius reparandi curam suscepit *hac leg.* vt erat Princeps Prouinciarum, & plebis æquissimus tutor, vt docet Ammianus *lib. 31. cap. 14.* fidemque facit *lex 11. supr. de iure fisci: l. 3. Cod. Iust. de defens. ciuit. Themistius orat. 10. p. 242. 243. Edit. Petau. Flexia 1613. in 8.*

Obseruandum interim ex *hac leg.* in singulis Legionibus, fuisse certam matriculam, quæ *Scriptum* hac *leg.* vocatur: professio Censualis, *l. 3. supr. de priuileg. eor. qui in S. Pal.* volumina censualia *ibid.* fascès publicæ, *d. l. 6. supr. de Tyronib.* quibus continebantur nomina & numerus eorum, quos censum inferre oportebat: qui *inserta capitulationis numerus* vocatur eiusdem Valentis constitutione ad eundem Modestum, *d. l. 7. supr. de Tyronib.* matriculis comprehensi dicuntur *hac leg.* vt & subscripti, conscripti, vt ita sciretur quanam immunes essent & incensiti: Immunes inquam priuilegio aliquo, vel status personæ, vel conditionis, cuiusmodi plures fuerunt. Eo sanè numero fuerunt inter alios filii Palatinorum & serui castrensis peculio ab his conquisiti: *d. l. 3. supr. de pecul. eorum qui in S. Pal.* Præter hos censitos, & immunes fuit & tertium genus eorum qui nondum censiti erant, verum suo tempore censendi veniebant, subrogandi vid. in locum deficientium & mortuorum ex matricula: Hi Adrescentes dicebantur, *hac leg.* & *d. l. 6. 7. supr. de Tyronib.* & *d. l. 3. supr. de priuileg. eor. qui in S. Pal.* quomodo & in militia Adres-

& in officiis. Ex superfluo venire, *d. h. d. in fin.* superesse *hac leg.* Ergo cum certus numerus esset censitorum, reparari eum subinde oportuit censitis morientibus. Ea vero reparatio seu integratio fiebat ex his Adrescentibus: qui, inquit, Valens *hac leg.* erant *vel in vicinia, vel in contermina regione, vel in eodem (loco,) vel vbilibet.* Igitur si nulli, aut non sufficiente numero Adrescentes essent in ea ipsa regione, *in eodem loco*, ad reparandum numerum conscriptorum, alii Adrescentes alibi constituti ad id deuocabantur: vbicunque essent, forte in vicina regione, vel in contermina, imo etiam remotiore: vt ita semper integer seruaretur numerus subscriptorum, seu conscriptorum, & sic census συντέλειā fieret.

Formam porro huius subrogationis faciendæ Valens *hac leg.* hanc præscribit: nempe, vt soli Rectores Prouinciarum hanc subrogationem seu reparationem faciant. Eumque in finem vt 1. Querela Defensorum & plebeiurum ad eos perferatur, id est, vt apud eos Defensores plebis: vel plebs ipsa censum soluens numerum demortuorum seu deficientium profiteantur, quorum utique intererat numerum integrari, ne in eos aliquin census deficientium recideret. *Defensorum* horum meminit idem Valens Imp. *l. 3. Cod. Iust. de Defens. ciuitatum*: vbi quod eorum munus fuerit, disertè explicat: 2. Post hanc querimoniam Rectorem Prouinciarum coram cognoscere iubet, *exhibitis partibus*, vt scilicet decernat; quinam proxime ex Adrescentibus ad censum vocandi iure sint, atque ita *alterationem finiat*, siue inter Defensores duarum Regionum siue inter Adrescentes, sui subrogationem defugientes. Ergo Rectori Prouinciæ hæc integratio seu reparatio incumberebat; vt ita gratia via præcluderetur, si ea Defensorum vel Plebeiurum arbitrio procederet.

Et hæctenus quidem de Reparatione census & censitorum, imminutorum per mortem. Ac enim, quæ secunda huius *leg.* pars est *in fin.* Valens

lens Imp. hac leg. hanc Integrandi census rationem non admittit, seu subrogandorum aliorum ex Adreſcentibus in locum fugitiuorum: eos enim renocari a fuga iubet ad agnoscendum

censum. Tandem obseruari cupio, hanc Valentinianis legem, ut alias eiusdem plures, totam de vero Hellenismo sapere.

Contra IMMUNITATES a censu.

VIII. (a) Imppp. Gratianus, VALENTINIANVS & Theod. AAA. ad Populum. (b)

Nemo aliquid immune possideat, sit irritum, si quid Domui Nostrae tale concessimus: Exaequationes Censuum, quas consensus Prouinciarum, quas nostra Responsa, quas Censorum (c) & Peraequatorum (d) officia, quas auctoritates denique Ordinariorum & Amplissimorum Iudicum, necessaria emendatione vel constitutione probauerant, (e) inconcussa aeternitate permaneant. Immunitates (*) vero specialiter datae, iugatio (f) vel capitatio, libris publicis, & ciuitatum ac (g) Prouinciarum encautariis, (h) sine aliqua probatione, (i) factae, penes fruenter erepta, (k) in functionem pristinam redeat. His (**) nostrae Serenitatis Edictis ciuitatum Tabulariis erit flamma supplicium, si cuiusquam fraude, ambitu, potestate iniusta (l) cuiuspiam profiteretur (m) immunitas: ac non, secundum praecedentem (n) definitionem, omnes omnino, abolita specialium immunitatum gratia, necessitas tributariae functionis, firmata Censorum, Peraequatorum, (o) Prouincialium Iudicum, peraequatione, constrinxerit. (p) Dat. III. Non. Mart. Med. Merobaude II. & Saturnino Coss. [383.]

NOTÆ.

(a) Absit prima pars huius legis a Cod. Iust. Relata enim in Codicem Iust. duæ posteriores tantum sententia, & adhuc diuise, scilicet in leg. 9. Cod. Iust. de agricol. & in l. 1. Cod. eod. de Immunit. nem. conced. Concordat ei eiusdem Valentiniani Iun. lex hoc ipso Anno data, extremo mense Ianuario, puta lex unie. supr. si per obrept. & lex 20. supr. de annona & tribut. seu lex 7. supr. de diu. rescriptis. GOTHOF.

(b) Edictum hoc est ad populum: quod etiam expresse dicitur, vers. his nostris. ID.

(c) Censorum, ut infr. sine leg. & tit. prox. & l. 2. 3. supr. de grad. Senator. ID.

(d) De his titulo prox. ID.

(e) Probauerunt. ID.

(*) Lex 9. Cod. Iust. de Agriculis, hinc desumpta est. ID.

(f) Et iugatio & capitatio, Cod. Iust. 99. iugationis vel capitacionis. ID.

(g) Aut: Cod. Iustin. ID.

(h) Encautaria: de his dixi ad l. 4. supr. de extraordin. & l. 1. supr. de Veteranis. ID.

(i) Ut supra expressum. ID.

(k) Irrite: & mox redeant, ut Cod. Iust. Quicquid sit, in vitio erat hæc tota sententia. ID.

(**) Lex 1. Cod. Iust. de Immunitate nemini conced. hinc desumpta est. ID.

(l) Iniustum cuiuspiam profiteantur immunitatem, ita Cod. Iust. Rationem istius mutationis sequens nota edocebit. IDEM.

(m) Passiue hæc vox insolenter effertur, quæ causa fuit imputandorum horum verborum Cod. Iust. Porro profiteretur immunitas, id est, publice admitteretur, atque in libros publicos & censuales referretur. ID.

(n) Hæc quoque habentur Cod. Iust. d. l. 1. quæ Triboniani incogitantia est, omisisse quippe ea debuit, utpote reiecta, vel reiecta prima huius leg. parte, quo hæc verba referuntur. ID.

(o) Peraquatorumque, Cod. Iustin. ID.

(p) Constrinxerint, Cod. Iust. male: constrinxerit, necessitas scilicet tributaria functionis. ID.

COMMENTARIUS.

P. 123.

IMMUNITATES omnes a censu (de quibus, & aduersus quas vide peculiares Titulos supr. de immunitate concessi. & tit. si per obrept. fuer. impetr.) irritas esse iubet hac leg. Valentinianus Iun. pariter ut hoc ipso Anno ante menssem, quodque excurrit, l. unie. d. tit. si per obrept. imo & l. 20. supr. de annona & tribut. seu l. 7. supr. de diuers. rescriptis. In tantum (quæ Ampliatio hic notanda Tom. V.

est) ut Domui suæ, seu rebus priuatis Principis concessam immunitatem in irritum deducat: quod & ipsum facit d. l. unie. ratione ibi elegantissima addita. Proposita poena (quæ sanctio obseruanda) & quidem seuissima, ignis, Tabulariis Ciuitatum, si cuiusquam immunitatem admiserint: Nempe Tabularii Ciuitatum, ut censuales tabulas seu Charras tractabant & exacto-ribus

ribus tradebant, ita per fraudem sæpe alios a dispendio vindicabant, alijs indebitum munus imponebant: de quo plura ad l. 1. *supr. hoc tit.* Quid igitur? Abolitis specialibus immunitatibus, Exactiones seu Peræquationes censuum publice factas a Censitoribus & Peræquatoribus observari iubet Valentinianus: de quibus Censitoribus, Peræquatoribus, *prox. tit.* Nempe subinde (quod hæc quoque lex satis indicat) necessario emendando vel constituendo censui Peræquatores & Censitores per Prouincias missi. Et hæc quidem de *huius leg. sententia.* Nunc de singularibus alijs in ea, deque eius Emendatione.

Primo, Illud in *hac leg.* observatu dignum, indicari & quidem duobus locis in Exactionibus his hæc quatuor concurrisse, seu hanc probationem, ut vocatur hic: 1. *Consensum Prouinciarum*, id est, Prouincialium; id est, factas probatas exactiones de consensu publico & communi Prouinciarum. 2. *Principis responsa*, id est, a Principibus probatas cum factæ fuissent, eisque robur datum a Principe. 3. *Factas a Censitoribus & Peræquatoribus*; de quo *tit. prox. 4.* Factas denique auctoritate Iudicum Prouincialium Ordinariorum & Amplissimorum, id est, Rectorum Prouinciarum & Præfectorum Prætorio: Ordinarii scilicet Iudices, vel Iudices simpliciter, l. 7. *prox. supr.* sunt Rectores Prouinciarum: Amplissimi vero, Præfecti Prætorio.

Secundo notandum, secundam *huius leg. sententiam* in manifesta menda cubare, quam neque Tribonianus tollere potuit. Quid enim est, *Iugationem & Capitationem penes fruenter eripi*: quod neque Latine Lingue ratio patitur; neque loci huius sensus: neque enim id vult Valentinianus, Iugationes eripi Dominis, sed (quod statim subiicitur) eas in *functionem pristinam redire*, id est, censui obnoxias reddi. Ego itaque locum hunc ita constituam, *Immunitates vero specialiter data Iugationis vel Capitationis, libris publicis & Ciuium ac Prouinciarum encautariis, sine aliqua probatione facta, penes fruenter irrita, in functionem pristinam redeant.* Penes fruenter irrita, id est, fruentibus inuitiles, inanes, cassæ.

Tertio, de Encautariis etsi iam dictum ad *leg. 1. supr. de Veteranis*: & *leg. 4. supr. de extraordin.* breuiter tamen adhuc de his tenendum, ab *Encauto* de quo *d. l. 1. & d. l. 4.* Encautaria, seu Encautarios libros censuales dictos, & Encautos breues, l. *unic. Cod. Iust. §. 1. de Collegiatis.* Encautum scilicet fuit scripturæ genus quoddam, ut docent *d. l. 1. & d. l. 4.* seu literarum expressio per aduersionem & cæstrum *ευνεκταυμένων.* Id scripturæ genus usurpatum in publicis monumentis, puta libris censualibus, ut docet *hæc lex.* in Collegiorum matriculis, *d. l. unic. Cod. Iust. de Collegiatis*: in Privilegiis certo Corpori concessis, veluti Veteranis, ut docet *d. lex 1. supr. de Veteranis*, in extraordinarium munerum distributionibus, *d. l. 4. supr. de extraordin. mun.* Ergo Encautaria sunt, quæ alicubi *Catastra*, a Græca voce *καταστροφή*, vel *καταστροφένω* seu *καταστροφένω*, id est, sterno, *καταστροφένω*, κα-

ταστροφένω: unde & *καταστροφή*: non vero a *καταστροφή*, quod est *lustrare*. Sane & apud Latinos, *sternendi* vox, de descriptione & scriptura usurpata: de quolibet.

Quarto obseruandum, simul & explicandum, quod ait Valentinianus *lun. si cuiusquam fraude, ambitu, potentia, iniusta cuiuspiam proficeretur immunitas.* Quæ verba ad quem referenda sint, ad Tributarium seu Prouincialem; an vero ad Tabularium? ambigunt Interpretes. Ego cum Accusatio non ambigo ad Tabularium ea pertinere: nempe supplicium his minatur Imperator, quacunque tandem ratione cuiusque immunitatem admiserint, etsi fraude, etsi ambitu, etsi potestate eius, qui immunitatem sostenderet. Nempe his tribus machinis Tabulariorum constantia & integritas frangebatur, fraude, ambitu, & potestate: alijs videlicet occulte obrepentibus, alijs id ab eis per ambitum & exoratis impetrantibus: potestatis alijs via obtinentibus, vi denique dolo vel clam. Hæ enim tres sunt machinæ, quibus quid ab alijs extorqueri solet. Sed, iniquies, quod aiunt illi, tantane tamque atrox poena Tabulariis indicta fuerit, si ipsi fraudem non admiserint? Imo peremptorio hoc Edicto omnem aditum immunitatemque obstrui voluit Imperator: tantique res hæc viâ, ne aduersus eam latebræ vel rima quærentur, si scirent Tabularii, nullo penitus sese obtentu excusandos, verum nolent, omnem omnem immunitatem insuper haberi oportere.

Quinto, Tribonianum reprehendi non patior, quod *hanc leg.* in Titulum, *de immunitate nemini conced.* retulerit: Imo enim quam aptissime: Nam etsi Tabularii non ipsi immunitatem concederent, attamen non concedendum, ut in Encautaria seu libros Censuales referrent: atque adeo ipsi immunitatis prope auctores essent.

At enim illud (quod sexto loco notari cupio) in Triboniano iure reprehendendum, quod mutilata *hac leg.* quadam verba retinuerit, quæ relationem habent ad hanc legem integram, ibi *secundum præcedentem definitionem*: quæ sane ibi non habent quo referantur, neque intelligi possunt, nisi ex *hac leg.* Verum & Triboniani hæc parte incuriæ seu oscitantia plura alia exempla occurrunt, exempli gratia, in l. 1. *C. Iust. de Canone largit. tit.* Et huiusmodi *Codicis* Theodosiani Conditoris non uno loco in eundem errorem impingere: de quo in *Prolegomenis.*

Septimo, quod atrocitatem poenæ attinet, etsi Tabulariis non tam grauis poena imponatur in *sp. l. 9. supr. de Numerariis*, hic imponi mirum non est, eo quod Tabulariorum fraudibus factæque potentiore ferme elaberentur, eorumque sarcina ad infimos delaberetur, usque pragrauarentur miseri, unde res Tributaria concidebat. De quo ceteroque voraci & fraudulento Tabulariorum instituto, dixi ad l. 1. *supr. de Tabulariis.* Falsi enim sunt, qui ideo tam atrocem poenam impositam scribunt, quod falsum immunitatis instrumentum conscripserint: Male: ideo enim poniuntur, quod immunita, privilegium admiserint.

P. 124 DE CENSITORIBVS PERÆQVATORIBVS ET INSPECTORIBVS.

TITVLVS XI.

Ex hoc Titulo & superiore conflatus Cod. Iust. Tit. LVIII. Lib. XI.
de Censibus & Censitoribus, & Peræquatoribus & Inspectoribus.

PARATITLON.

I. **C**ENSITORES : de his *hoc tit.* nihil occurrit præter *Rubricam* : Eorundem mentio & *l. ult. supr. de censu* : & *l. 2. 3. supr. de prædiis Senator.* qui & Cenfores (si recta lectio est) *d. l. ultim.* Sed & aliquot Basilii *Epistole* Κηυσίτορι inscriptæ, ex quibus facile colligitur quid muneris fuerit. Eam vocem retinet quoque, Κηυσίτορων scilicet, Iustinianus *Nouella 17. cap. 8.* Erant qui terras & possessiones censabant, æstimabant, taxabant : quo sensu Hesychius τὴν γῆν μετρέοντας interpretatur : & Isidorus in *Gloss.* Cenfores, Agrimenfores : agros scilicet metiebantur, ad modum Capitationis ineundum. Hinc & Κηυσίτορια Isidoro Pelusiotæ *1. epist. 275.* quam ibi Interpres malè *Quæstoriam* interpretatur.

II. PERÆQVATORES : *Rubr. hoc tit. & l. 2. 4. 7. 10. 15. l. ultim. supr. de censu : l. 2. 3. supr. de prædiis Senator. l. ultim. supr. de locat. fund. iur. emphyt.* (a quibus ipsum munus, seu actus, *l. 5. & 10. h. t.* Peræquatio dicitur, *l. 4. 5. 6. 13. hoc tit. & l. 13. supr. de Senatorib. l. 1. supr. de Primicer. & Notariis*, & Peræquationis fors, *d. l. 13. de Senatorib.*) Exæquatores, *l. 5.* (vnde Exæquatio *l. ultim. supr. de censu* :) Inquisitores, *d. l. ultim. supr. de locat. fund. iur. emphyt.* sæpe necessitate cogente, *l. 6. h. t.* vel etiam a Curiis postulati, *l. 2. 3. supr. de prædiis Senator.* mittebantur, *l. 2. h. t.* dirigebantur, *l. 5. 9. h. t.* electi ad id a Præfectis Prætorio, *l. 6. hoc tit.* Cuiusmodi aliqui nominantur, veluti strator, *l. 5. hoc tit.* Agapius *l. 13. h. t.* viri cogniti ac probati, *l. 6. h. t.* Ita quidem ut munus hoc electi ex necessitate subire tenerentur, *d. l. 6. h. t.* Nempe, ut, censum modum adponerent, *l. 2. hoc tit.* ut loca quæ præstationem suam implere non possent, adæquarent, ut quid præstare possent, mera fide & integritate scriberent, & id quod impossibile est, e vasariis publicis auferrent, *l. 12. hoc tit.* ut censum retractarent, vnde Retractatio, de qua *l. 2. hoc tit.* & quidem generali retractatione ; vnde generalis Peræquator, Inspectori speciali opponitur, *l. ultim. supr. de locat. fund. iur. emphyt.* ut dominis pristinis possessiones restituerent, *l. 5. & 12. 15. hoc tit.* vel his deficientibus nouis dominis vicinis & peregrinis idoneis, *d. l. 12. & 15. h. t.* Hinc adeo Peræquatores iunguntur Censitoribus, *l. 2. & 3. supr. de prædiis Senatorum, l. ultim. supr. de censu* : Itemque Discussoribus, *l. 7. 10. hoc tit. l. 5. supr. de his quæ administr.* Et tamen sæpe idem & Peræquator & Inspector fuit, ut Sebastius *l. 14. 15. 16. hoc tit.* Quærelæ autem de his sæpe exortæ, ut docet *l. 4. 7. 10. h. t.* nempe quod alios grauarent iuncto oneri impares, *d. l. 4. h. t.* quod quædam remitterent gratia, fraude quædam interciperent, quod per deformia & criminosa commercia aliis demerent, aliis imponderent, *d. l. 4. h. t.* quod culpam negligentia incurrerent, vel gratia ; *l. 7. hoc tit.* in damnum Prouincialium quædam acciperent, *d. l. 7. h. t.* quod negligentes iniuncta curassent, quod rapacitate a Prouincialibus aliquid abstulissent, *l. 10. hoc tit.* Quare eorum actus diligenti examinatione perpenſa PP. *d. l. 10. h. t.* pœnæque his impostæ, de quibus *d. l. 7. & 10. h. t.*

III. INSPECTORES : *Rubr. & l. 3. 9. 12. hoc tit. & l. unic. in fin. supr. de Saturianis, & l. 31. 33. supr. de annona & tribus : l. 2. supr. de indulg. debitorum : l. ultim. supr. de lo-*
Tom. V.

cat. fund. iuris emphyt. (vnde munus seu actus ipse, *Inspectio, l. 11. 14. hoc tit.*) sæpe in Prouincias mittebantur, si quando e Republ. ab Administratoribus videretur, *d. l. 11. b. t.* vel diuersis petitionibus, *l. ultim. b. t.* priuatis etiam id petentibus, *l. 3. in pr. b. t.* vel Ciuitatibus & Curiis missis in id Legationibus ad Principem, *l. 3. & 8. hoc tit.* vel etiam integra Prouincia, vt docet *lex 2. 12. supr. de indulg. debit.* veluti si qui fundos velut afanticorum mole depressos cuperet aliquatenus releuari, *l. 3. hoc tit.* si defectorum leuamen exposceretur, *d. l. 3. b. t.* si succissi se nonnulli conquererentur, infœcundis fundis tantum sibi reliquis vel relictis, *l. 8. b. t.* si desertum prædium suum inspicere possessionum domini vellent, de desertis possessionibus conquerentes, *l. 14. hoc tit.* ne proinde remedia postularent, & recisionis beneficium, *l. ultim. hoc tit.* In eum igitur finem *Inspectores* mittebantur: P. 125. Qui partim conquerentium siue omne priuatorum patrimonium, siue ciuitatum omne territorium censebant, *d. l. 3. & l. 14. b. t.* vt ita squalidiora & ieiuina, culta atque opima compensentur, *d. l. 3. & l. 14. b. t.* Partim cogeant eos qui per impotentiam fundos opimos ac fertiles occupant, cum quæstuosis vberibusque pro rata portione, infœcundos suscipere: *l. 8. hoc tit.* Partim vicinis & peregrinis idoneis defectas possessiones adscribebant *l. 12. hoc tit.* Mittebantur & *Inspectores* aliquando, vt terras Læticas inter Gentiles iusta ratione distribuerent, & reuocarent, si maiorem aliqui quam ratio posceret, occupassent: *l. 9. hoc tit.* Mittebantur & *Inspectores* ad loca ab hostibus vel latronibus occupata & infructuosa reddita, veteribus Dominis restituenda si vellent: si vero recusarent, ad ea ad idoneos possessores transferenda, salua tributorum præstatione, *l. vnic. supr. de Saturianis.* Paucis igitur *Censitor* erat, qui primus census modum definiebat: post quem, & ad eum emendandum, *Peræquatores* & *Inspectores* mittebantur. *Peræquator* erat, qui Quantitatem seu modum census æquaret, vt æqualitas inter Tributarios seruaretur. *Inspector* vero ferme, qui Agrorum Qualitatem inspiceret, sterilesque vel releuaret, vel opimos possidentibus adiceret.

De CENSITORIBVS. Basilii ad Censitores sex Epistolas scripsit: puta *epist. 304. 305. 352. 353. 426. & 427.* siu. *Ep. 284. 85. 299. 313. 312. & 83. Edit. Benedictin.* *Epistola 304.* rogat Censitorem vt iuxta *leges* Monachos ab omni censu & corporali ministerio immunes præstat. *Epistola 305.* hortatur Censitores & sub his positos, ne iuramentum exigant a colonis super modo facultatum, *περὶ τῆ μὴ ἐρκῆν*, vt Inscriptio eius præfert. *Epistola 352.* Censitorem instituit, ad censum æqualiter gerendum. *Epistola 353.* inter alia, domum in Galatiā sitam a Censitore subleuari petit. *Epistola 426.* commendat aliquem ne iniquo censu prægrauetur: vt & *Epistola 427.* vt possessionis, circa Chamanenem, rationem ita habeat, ne propter census grauitatem destituatur. De Censitoribus agit quoque Cassiodorus IX. Var. v.

PERÆQUATORES, *ἐξισωταί* Græcis. Basilii *epist. 263.* siu. 198. *Edit. Benedictin.* meminit Leontii *ἐξισωτῆ τῆς Νικαίας.* Idem *epist. 278.* ad Modestum PP. (Orientis scilicet) eum rogat, vt Helladium *πρωτεύοντα* Principalem *τῆς ἐπὶ τῇ ἐξισώσει φροντίδος* αὐτὸν ἀναθέτω, liberatum iam ad intercessionem suam, magis magisque liberet. Extat quoque Gregorii Nazianzeni oratio 9. in Iulianum, *ἐξισωτήν* Iulianum in Cappadociam missum; & ad eundem Carmen 48. Eiusdem Carmen 47. ad Hellenium *Peræquatorem*, vbi inter alia *sub fin. v. 358. 359.* eum ad æqualitatem exhortans subiicit:

Εὐχόμενος Ἀρμενίης, Ἑλλάδος, ἐς λόγχης ἀγῆ

Στήται ἡμετέρῃ μέτρα δίκαια φορῶν.

O decus Armenia nobis cui lance tributum

Vi statuas æqua, fors bene fausta dedit.

Ad Iulianum idem *epist. 166. & 168.* scribit: vbi τὸ κατὰ τὴν ἐπανίστασιν σκέμμα vocat Peræquationem. Interpret minus recte *considerationem de componendis tributis*, cuius & hic error, cum initio *epist. μονὴν* Monasterium vertit, cum mansionem debuerit, vbi tunc Iulianus erat: demique illa *epist.* memorat, quantæ curæ mentisque fuerit hoc munus; sed & quid horum muneris fuerit, scilicet male adscripta emendanda; καὶ ἡ τῇ

πρὸ τῆς διέθεθι κακῶς, καὶ τὸτο ἐπανορθώσαμεν : ac, si quid antehac male constitutum est, id quoque correxerit.

INSPECTORES, ΕΠΟΠΤΑΙ τῆς χώρας : ipsa res ἐποψία. Ad hos pertinet Theodoretī epistola 42. 43. 44. 45. 46. 47.

I. (a) Imppp. Gratianus, Valentinianus & THEOD. ΑΑΑ. Eutropio PF. P. (b)

SI (c) quis sacrilega vitem falce succiderit, aut feracium (d) ramorum foetus hebretauerit, (e) quo declinet fidem (f) censuum, & mentiatur callide (g) paupertatis ingenium, (h) mox detectus capitale (i) subibit exitium, & bona eius in fisci iura migrabunt : Illo videlicet vitante (k) calumniam, (l) qui (m) forte detegitur laborasse, pro copia (n) ac reparandis (o) agrorum fœtibus, non sterilitatem, aut inopiam procurasse. Dat. Prid. Non. Iun. Constantinop. Eucherio, & Syagrio Coss. [381.]

NOTÆ.

(a) L. 2. Cod. Iust. de de Censib. & Censitorib. vbi tamen plurimum interpolata ea extat. Non minus recte imo melius hæc lex sub. tit. super. de Censu, locata fuisset : Et vero recte locata Cod. Iust. sub tit. de censu & censitorib. GOTHOF.

(b) Eutropius sub Theodosio M. PP. Orientis : vid. Prosopogr. ID.

(c) In Cod. Iust. hæc ita immutata, Quisquis vitem succiderit. ID.

(d) Ita feracia culta, Ammiano lib. 14. p. 13. ID.

(e) Vetauerit, Cod. Iust. Cuius tentabat, amputauerit, quomodo Græci lib. 56. βασιλικῶν tit. 14. εὐν τις ἀνθρώπου ἐκτέμῃ ἢ ἐν πόρῳ ἐκκόπῃ κλάδους. verum eleganter hic dictum hebretauerit, pro succiderit, hebetes fecerit. ID.

(f) Fidem censuum, id est, verum modum : vel simpliciter pro Censu : quomodo etiam rursus fides censuum vocatur l. ult. supr. ne contat. transl. postuletur. Sic fides haste, & similia. ID.

(g) Ita recte : male Cod. Iust. callide paupertatis. ID.

(h) Ingenium paupertatis. Ita doloris ingenium G. Metamorph. v. 574.

P. 1261

grande doloris

Ingenium eji, miserisque venit solertia rebus.

Sic & gula ingeniosa. ID.

(i) Competenti indignationi subiiciatur : ita hoc immutatum Cod. Iust. vsque ad, Illo : resecatis cæteris. ID.

(k) Euitante, Cod. Iust. ID.

(l) Calumniam euitare, id est, accusationem : eaque re crimen, & exinde pœnam. ID.

(m) Quem, Cod. Iust. Edit. Cuias. Hoc nostrum melius. ID.

(n) Gregorius Nazianz. Tetraschico 39. ὥσπερ καθάγου φυτόν ἀς ἐνκαρπία, quod vertit interpres : putata ut arbor redditur fecundior. ID.

(o) Pro reparandis, Cod. Iust. Hoc nostrum melius. ID.

COMMENTARIVS.

THEODOSII M. quatuor ordine constitutiones sequuntur : partim ne fraus censui seu rei tributaria fiat ; quo pertinent tres priorēs leges : partim ne censu ladanur Tributarii, de quo est lex 4. Hæc prima FRAVDI seu CALLIDITATI cuiusdam ἀπάτης ὅπλῳ καὶ ἀναβολῆς ἀφορμὴ fraudis instrumento & dilationis anse (vt loquitur de alia specie calliditatis Basilii epist. 305. su. Ep. 85. Edit. Benediktin. de qua ad leg. prox.) in fraudem census, occurrit Theodosius M. Imp. quæ elegantissimo stylo conscripta cothurno fœmie Gallicanæ assurgit : verum a Triboniano in Codicem suum relata omni decore seu veste spoliata, & vt huius ipsius legis verbis vtar, sacrilega falce succisa & hebretata legitur.

Fraus porro seu Calliditas isthæc est : quod nonnulli, quo declinent fidem censuum, & mentientur callide paupertatis ingenium, id est, vt pauperiores sese fingentes euitarent censum, & vt lo-

Tom. V.

quantur, minus soluerent in Collectis, vites & arbores in possessionibus suis excidebant ; quia ex forma censuali sic agri in censum referebantur, vt diceretur, quot vinea vites, quot arbores ager haberet : vt diserte docet Vlpianus lib. 3. de censibus : l. 4. in pr. D. de censibus. Imo idem hanc ipsam fraudem qua de hac leg. agitur, memorat §. i. in fin. cuius verba mox subiciam. Ergo fraudem hanc seu calliditatem atrocissima pœna, puta capitali & bonorum proscriptionis persequitur hac l. Theodosius M. quam tamen severitatem displicuisse Iustiniano ostendit huius legis interpolatio a Triboniano facta, vbi competentis pœna, & sic arbitrio iudicis, id puniri iubet. Aliam autem rationem esse addit Theodosius M. quæ differentia notanda est, eius qui probabili de causa, vites vel arbores succidit luxuriamque earum compescuit, non vt procuraret sterilitatem aut inopiam, verum vt ne nimia fertilizare haberentur & euandæ fiant. Quibus omnino

omnino conuenit Vlpiani sententia, quam dixi, d. l. 4. §. 1. in fin. Quod si, inquit, exciderit arbores, vel vites, nihilominus eum numerum profueri iubetur, qui fuit census tempore; nisi CAVSAM excidendi Censitori probabit: Scilicet pro copia ac reparandis agrorum foetibus saepe vites & arbores succidi, hac leg. ostendit Theodosius M. εἰς ἐκκαρπία. Quod Plinius lib. 18. cap. 22. de Tacapensi in Africa solo scribit. Nisi, inquit, mul-

tiplici partu exinanitur vberitas, pereunt luxuria singuli fructus: nunc vero toto anno metitur aliquid, constatque fertilitati non occurrere homines. Vide & Philonem περὶ Φιλανθοπίας p. 713. Edit. Francf. apud Ierem. Schrey. Interim & hac lex utiliter in vsum seu praxim deduci potest: vbi videlicet ad functiones & praestationes debitas euitandas, quid callide fit, & paupertas simulatur.

II. (a) Idem AAA. Cynegio PF. P. (b)

SI, Peræquatore (c) misso, aliquis, aut Procuratorem (d) suum retraxerit, aut Colonum ad (e) contumaciam retractationis (f) armauerit, (g) ad eum censuum modum quem vel eo, vel Procuratore illius, absente, Peræquator adposuerit, ad (h) nostræ sanctionis auctoritatem, tenebitur. Dat. VI. Kalend. April. Constantinop. Honor. NB. P. & Euodio Coss. [386.]

NOTÆ.

- (a) Lex 3. Cod. Iust. de censu & censitoribus. Iungenda videtur huic leg. lex 10. Cod. Iust. de Agricolis: quæ & ipsa est de modo Censuum. GOTHOF.
- (b) Cynegius sub Theodosio M. PP. Orientis. De quo etiam Libanius non vno loco: inter alia orat. κατὰ τῶν ἐπὶ τῶν, p. 97. & 100. Edit. Gotthofred. & pag. 434. Operum minor. Gotthofred. Edit. Cl. Troitz. Zosimus lib. 4. cap. 37. 45. Idacius Chron. A. Theod. 10. id est, Ann. D. 383. Fuit PP. ab Anno 384. ad A. 388. vt docent constitutiones huius Codicis: vid. plura, in Prosopogr. ID.
- (c) De Peræquatore, semel dictum in Paratitlo, & ad Rubr. ID.
- (d) Fundi scilicet. ID.
- (e) Per contumaciam retractationis, ita Cod. Iust. male; de coloni quippe contumacia hic agitur, ad quam Dominus eum armauit. Verum de hoc mox. ID.
- (f) Retractionis, Cod. Iust. male. Retractatio est ἐκκαρπία, quod Peræquatoris munus fuit: vid. Gregor. Nazianz. ep. 168. Quid si legamus Refractionis. ID.
- (g) Fugauerit, Cod. Iust. quod hic ineptum: de quo mox. ID.
- (h) Nostræ Sanctionis auctoritate, Cod. Iust. Verum nostrum istud sustineri debet: nisi malis reponere, hac nostræ sanctionis auctoritate. ID.

COMMENTARIUS.

VT altera hæc hoc tit. Theodosii M. constitutio est: ita & alteri fraudi, qua census inhibebatur ea occurrit, de CONTUMACIA scilicet dominorum seu possessorum, retractationem, ἐκκαρπίαν census a peræquatore faciendam, impediendum. Scilicet, cum Peræquator in Prouinciam missus aliquam esset, ad retractandum censum (Peræquator enim nihil aliud est quam Retractator census, quod etiam Gregor. Nazianz. epist. 168. indicat, vbi ἐκκαρπίαν pariter vocat,) potentiores, quorum sarcina seu census augendus veniebat, ne Peræquator modum patrimonii noscere posset, quod vtiq; vel ex Procuratoribus fundorum, vel ex Colonis discere poterat, vt qui modum patrimonii dominici nossent, vel Procuratores suos retrahebant, & a fundis ad se vel alio euocabant, vel Colonos armabant ad contumaciam retractationis, id est, id agebant vt sese contumaces præberent Peræquatori, & retractationi, & quibuscunq; tandem artibus id agerent, ne Peræquator modum patrimonii noscere posset, imo sese ei opponerent, vbi etiam quis, loco retractationis, legat refractionis. Igitur Theodosius M. hac leg. contumaciam hanc dominorum ita plecit: vt velit constitutionem a Peræquatore μονομερῶς fieri absente licet domino, vel procuratore eius, eamque peræquationem omnino valere, & sic dominum fundi

ad eum modum census teneri, quem Peræquator adposuerit.

Hæc est huius constitutionis sententia, quam Tribonianus non vno loco deformauit: ac maxime ea parte qua de colono agitur: sic enim interpolauit, aut colonum per contumaciam retractationis fugauerit: quasi id indicetur, colonum a domino contumace a fundo retractum & fugatum: ram imo hoc vult Theodosius, colonos non quidem retractos aut fugatos a fundo, verum a domino armatos, incitados, vt Peræquatori venienti censumque retractanti & patrimonii modum excutienti sese contumaces præberent: & sic contumacia retractationis est contumacia ad impediendam retractationem census. Notandus igitur hic casus quo census μονομερῶς factus valet: cum alias vt census recte celebretur, modum discuti oporteat præsentem domino vel procuratore eius.

Illud omittere non possum, quod huic legi vicinum est, Censitores, vt modum patrimonii noscere possent, eo nomine a Colonis iusiurandum exigere hac tempestate solitos: aduersus quem morem, quia periculis & calliditatibus viam aperiret, est expressa in id epistola dehortatoria Basilii, ad Censitorem quendam περὶ τῆς μὴ δύνανται, ep. 305. su. Ep. 85. Edit. Benediktin.

III. (a) Imppp. THEOD. ARCAD. & HONOR. AAA. Rufino PP. F. (b)

Quod si fundum aliquem, velut asanticorum (c) mole depressum, cupit aliquatenus releuari, omne nihilominus patrimonium suum admissio patiatur Inspecto (d) recenseri. Quod quidem etiam ad singularum Ciuitatum Legationes (e) conuenit custodiri, ut scilicet Omne (*) territorium censeatur, quotiens defectorum leuamen exposcitur, ut squalidiora (f) adque ieiuna, inculta (g) adque opima compensent. Nemini (h) autem, citra nostram conscientiam, in quantolibet modo tributariam suspendere (i) liceat functionem: Quod enim ad tempus differri iubebit, aut perpetuo amittitur, aut sub acerbiorre reliquorum (k) mole repetendum est. Dat. III. Non. April. Constantinop. Theod A. III. & Abundantio Coss. [393].

NOTÆ.

- (a) Vnica tantum huius leg. sententia relata in l. 4. Cod. Iust. eod. tit. nempe illa, omne territorium, &c. cæteris relictis. Concordat huic lex 14. infr. GOTHOF.
 (b) Rufinus PP. Orientis: de eo vid. Prosopogr. Eidem inscribitur lex prox. 4. ID.
 (c) Ἀσαντικῶν, Asantica, mox dicuntur defecta, squalida, ieiuna. Verum de hoc mox. ID.
 (d) γρ. Inspectore censeri. De hoc Inspectore est quoque lex 9. 12. infr. hoc tit. l. 31. 33. supr. de annona & trib. vnde munus ipsum Inspectio l. n. 14. hoc tit. ID.
 (e) De Hierapolitana ciuitatis Legatis v. l. n. infr. De Legationibus ciuitatum supra suo titulo. ID.
 (*) Lex 4. Cod. Iust. eod. tit. hinc desumpta est. ID.
 (f) Sterilia Cod. Iust. ID.
 (g) γρ. culta, quomodo etiam Codex Iust. recte habet: vbi etiam clarius, ut sterilia atque æreia, his qua culta vel opima sunt, compensentur. ID.
 (h) Hæc huius legis sententia, ab hoc titulo fugitiua est. ID.
 (i) Id est, differre ad tempus, ut infra. ID.
 (k) Reliqua sunt les vestes & arverages. De quo tit. de indulg. debet. supr. ID.

COMMENTARIVS.

TRIBUTARIÆ rei, neci fraus fiat per Releuationes aut dilationes ad QVERELAM priuatorum, vel Ciuitatum, duobus capitibus hac tertia huius tituli lege occurrat Theodosius M. Primum igitur caput est de RELEVANDO censu eiusque forma, denique de ALLEVIATIONE censuum, ut loquuntur. Quod quidem Theodosianæ huius constitutionis ut primum, ita potissimum caput est: Quid inquam Inspector, (de quo est insuper lex 9. 11. 12. 14. infr. h. t. & l. 31. 33. supr. de annona: l. 2. supr. de indulg. deb. l. ultim. supr. de locat. fund. iuris emphyteut.) sciendum habeat: quid contra releuari cupiens pati debeat: cui omnino concordat lex 14. infr. hoc tit. siue priuatus sit is, qui releuari atque imminui censum sibi adscriptum velut nimis grauem postulat, siue tota ciuitas id postulet: De utroque enim diserit hic agitur quod a Triboniano interpolatum ancipites reddidit Interpretes, num in priuato in vero in ciuitate casus hic ponendus esset. Eo quod defectos, squalidos, ieiunos fundos sibi esse dicant; ut hæc lex loquitur: vel ut d. lex 14. desertos, destitutos: Imo, ut hæc lex initio legis vocat, Asanticorum mole depressos. Qua Asanticorum voce liquet iam vel ex hac leg. designari fundos squalidos, ieiunos, defectos; sed vox ipsa negotium facessit: Itaque Mainardus in excerptis tentabat Ansariarum vel Ansariorum, quod vectigalis genus fuit l. 1. Cod. Hermogen. tit. 3. de iure fisci. Verum quid cum hoc vectigali nunc, quod etiam non fundorum tributum, verum mercium vectigal fuit? Tentabat alius emphyteutitorum. Tentabat P. 128. quis aliquando Aphoricorum, quasi ἀφορικὰ fundi sint, steriles qui fructus nullos edunt, nullius redditus aut prouentus, vel etiam qui φορῶν seu tributo & censui impares sunt. Verum vox Asanticorum om-

nino retinenda est, ut ἀσαντικοὶ fundi sint euanidi, id est steriles, inanes, caduci, fœnei, ut quoque vocantur l. 3. de indulg. debitor. defecti mox infr. Nempe a voce ἀσάντα, quod euanidum significat: quæ etiam euanidi vox propria hac in re rustica, & vbi de fructibus agitur. Columella lib. de Arbor. c. 17. Nam quæ in proceritate extenduntur, euanida sunt, parum fructus ferunt: vel ab ἀσάντας, quæ sunt apinæ, asanium res nihili: (de quibus Salmastius, in Trebell. Pollion. Gallien. c. 8. Theodoretus epist. 42. vocat ψιλὰ πάντελῶς, vel ἀκάρπεις φυτοὶς σκιαζόμενα: vocat & τῆς χώρας ἀνήροτον: & ἀπερὲς ζυγὲς: item ἀπορον ἰσχυατίαν. Ergo si quis priuatus, vel si qua Ciuitas, releuationem petat defectorum & euanidorum fundorum nomine, totius patrimonii ad priuatum illum pertinentis, & totius territorii χώρας ad ciuitatem spectantis census agitari debet, & fertiles cum sterilibus compensari: his enim demum absoluta leuamenta præstanda sunt, qui nonnisi deserti & steriles euanidaque prædia habent. Quod diserit rursus cauetur d. l. 14. infr. hoc tit. Atque id est, quod tot aliis legibus cautum, ut qui opulentas simul & desertas centurias possidet, ad integrum possessionis modum seu censum teneatur: puta a Valentiniano Sen. l. 10. 17. supr. de annona & tributis. Theodosio M. hac leg. Honorio, l. 14. infr. hoc tit. & l. 31. supr. de annona & trib. l. 12. supr. de indulg. debitorum: Quod tamen aliquando improbavit Honorius l. 12. infr. Hinc interim apparet, non priuatos tantum, verum etiam integras ciuitates de desertis agris subinde conquestas: quod etiam docet l. 8. infr. Imo & integræ sæpe Prouinciæ, quod de Campania docet lex 2. & 12. in fin. supr. de indulg. debito.

debitum: eaque de causa Inspectores missi inspicendæ *χώρα*, quod ex Theodoretii epistolis etiam discimus.

2. Secunda huius leg. parte vetat Theodosius *SUSPENDI* seu *DIFFERRI* ad tempus solutionem census: id est, ex singulari aliquo privilegio moram aliquam & dilationem concedi tributario ad tributum soluendum: De quo ipso est quoque *lex 5. infr.* Ratione subdita ut elegantissima ita & verissima; nempe quod *Dilatatum ad tempus, aut perpetuo amittatur, aut subacerbior reliquorum mole repetatur.* Hoc sensu, Dilationes huiusmodi vel in præ-

iudicium fisci cedere, quandoquidem, quod ita differtur, ferme in perpetuum aufertur: vel in ipsiusmetributarii cui dilatio tribuitur, quandoquidem reliquis ita cumularis, acerbior exactio redditur: cuius contra interest cumulum debiti non nutriri, suaque potius die debitum exigi. Tandem, non inani coniectura ducor huius leg. coniungendam alteram Theodosii *l. unie. Cod. Iust. de colonis Thracensibus*: quæ & ipsa ad Rufinum PP. data est sine die & Consule: nam & ea leg. agitur de releuatis possessionibus a capitatione humana: de qua dixi ad *l. 6. de collat. don.*

IV. (a) Idem AAA. Rufino PF. P. (b)

QVI grauatos se (c) a Peræquatoribus conquesti (d) sunt, & iniusto oneri in pares se (e) proclamant, (f) competitionis (g) habeant facultatem, ut quid remissum gratia, quid (h) interceptum fuerit fraude, conuincant: & ex eo leuamen accipiant, quod per deformia & criminosa commercia sibi inpositum esse deplorant, ut aliis demeretur. Sed (i) in eo tempus placuit definiri, *Ne plures frustra litibus premerentur, si nullis intercepta moris actio tolleretur.* Quare cum fuerint traditi codices, (k) & completa peræquatio, intra annum, cui (l) videbitur, de iniusto onere conqueratur, iniquitatem Peræquatoris accuset, ac præstitam gratiam habita competitione (m) conuincat: ut quod ei fuerat superfusum, (n) ille cognoscat, (o) quem debitæ functioni fraus clandestina subtraxerat. Emenso autem eo tempore, actio denegabitur: Sequestratis (p) Minoribus qui fuerint indefensi, his etiam qui aberunt (q) causa Reipublicæ: Qui tamen ex eo tempore quæ sunt statuta (r) custodient, ex quo ad agendum habere potuerint (s) facultatem. Dat. III. Kalend. Decembr. Constantinop. DN. Theod. A. III. & Abundantio V. C. COSS. [393.]

NOTÆ.

(a) *Lex 5. Cod. Iust. eod. tit. Concordat. lex 5. supr. de censu. GOTHOF.*

(b) *Rufinus PP. Orientis sub Theodosio M. vid. Prosopogr. Eidem inscribitur lex 3. supr. ID.*

(c) *Se esse, Cod. Iust. Quo nil opus erat. ID.*

(d) *Conqueruntur, Cod. Iust. ut ita perpetui iuris hac lex sit. ID.*

(e) *Forte sese. ID.*

(f) *Proclamant, deplorant, conqueruntur, ut infr. ID.*

(g) *Competitio, hac leg. duobus locis; l. 15. infr. hoc tit. & l. 4. supr. de censu: est querela, deploratio, de iniusto censu. ID.*

(h) *Quidue, Cod. Iust. ID.*

(i) *Hæc sententia recisa a Cod. Iust. his eorum loco subditis: quod intra annum post codicum oblationem quod videbitur, de iniusto onere, conqueratur &c. ID.*

(k) *Codices sunt Censuales libri. ID.*

(l) *Grauatum scilicet se existimante: in Cod. Iust. quo videbitur. Male: quod ipsum tamen de Tribunali iudicis cuiuscunque Cuiacius perperam accepit. ID.*

(m) *Male qui substituit compensatione, quamuis ita habeat Cod. Iust. ID.*

(n) *Superfusum: id est, supra quam æquum erat, impositum. ID.*

(o) *Cognoscat, pro agnoscat: vid. Gloss. Theod. ID.*

(p) *Exceptis vocem, in eo sequestratis substituit Tribonianus, in Cod. Iust. Sequestrare est peculiariis rembuere. ID.*

(q) *Abfuerint Cod. I. ID.*

(r) *Et sic annum. ID.*

(s) *Habuerint Cod. Iustin. ID.*

COMMENTARIUS.

P. 129.

DE QUERELIS, seu ACTIONE, imò ACCUSATIONE & COMPETITIONE, ut hac leg. bis vocatur (dicamus ut hodie loquuntur APPELLATIONE) aduersus iniquitatem PERÆQUATORVM, & sic aduersus iniquum censum siue adscriptionem, iniustum onus ab his impositum, est hæc constitutio Theodosii

M. Scilicet his querelis hac leg. ut Prouincialibus grauatis libertatem relaxat, ita & certas temporis metas huic querelæ ponit: pariter ut Valentinianus Sen. *l. 5. supr. de censu*: Nempe ut Censitores Inspectores (de quo sunt epistolæ Theodoretii;) ita & Peræquatores sæpe quid per gratiam remittebant, vel

vel per fraudem interciperant, alios iniusto onere grauabant, eisque aliquid *super fundebant*, fraude clandestina, per gratiam, perque deformia & criminosa commercia, vt loquitur *hæc lex*: de quo sunt præter *hanc leg. & d. leg. 5.* duæ insuper *leges hoc tit.* puta *lex 7. & 10. infr.* Itaque subinde de his, vt & Inspectoribus Querelæ Prouincialium exorta, accusationibusque eorum voces relaxatæ: Actus eorum aboliti, vt *l. 5. infr.* Poenæque in hos sancita, *l. 7. 10. infr.* Et si non iuste semper de his querelæ, vt patet exemplo Philippi Inspectoris apud Theodoretum in *Epistolis*. Quibus contra opponenda sunt monita Gregorii Nazianzeni *orat. 9. ad Iulianum ἐξισωτῆς*: & Basilii *epist. ad Censitorem quemdam 372. su. Ep. 299. Edit. Benedictin.* de officio Censitoris: *μηδὲ ὡς περ ἀνδραπόδων ἀγορὰν εἶναι τὴν ἀποτίμησιν, ἀλλ' ὡς ἐστὶ δίκαιον, ἕκαστον ἀπογράφεται: καὶ μητὲρ δυνασίαν ὑποπλήξῃς, μήτε πένιας καταφρονήσῃς, ἀλλὰ τὸ τῶν λογισμῶν ἀρρεπὲς τρυφάνης πάσης ἀρρεπέστερον παράσχῃ τοῖς διοικουμένοις*: neque mancipiorum sorto descriptionem similem esse, sed unumquemque, vt æquum est describi: neque potentiam formides, ne-

que paupertatem contempnas, sed animi æquitatem ut, quos reges, cunctis omni æqualem exhibe. Ergo querelis Prouincialium & accusationi, vt *hæc leg.* vocatur, *κατηχησις*, vt Theodoretus, locum dat Theodosius M. sic tamē vt certis temporis spatia, certam temporis præscriptionem huic querelæ ponat, prolixiores etiam, quam Valentinianus sua constitutione, *d. l. 5. supr. de censu.* Nempe præsentibus & maioribus ætate, annum tribuit a die completi census seu peræquationis; Minoribus vero & Absentibus Roip. causā, eisdem annum: verum ex eo tempore, ex quo agendi facultatem habere poterint, seu habuerint, id est, ex quo minor ætate maior esse coeperit, absens reuersus fuerit. Quæ duæ Exceptiones hic notandæ sunt, pariter vt ratio præscriptionis huius annalis, quæ alioquin omnium præscriptionum est: Ne frustra plures litibus premantur, si nullis intercepta metis actio tolleretur: Quam elegantem rationem Tribonianus sustulit *leg. 5. Cod. Inst. eod. tit.* quæ hinc alioquin desumpta est. Ceterum ad practicam huius leg. addē & *l. 5. supr. de censu*: vide Claperium, *causarum fiscalium causa 42. quæst. 2.*

V. (a) Impp. Arcad. & Honor. AA. Herodi..... (b)

ACTVS Stratoris, qui possessores iuris Enphyteutici sub Peræquationis colore, turbauit, iubemus aboleri, alio ad id negotium dirigendo; Quem obseruari (c) conueniet, vt pristinis dominis, si quidem idonei (d) comprobantur, cuncta restituat: Nobis (e) vero adrethibenda (f) omnia quæ per eum vel suspensa, vel minuta, vel dilata sunt, strenuus excator (g) incumbat. Si quid etiam latioribus (h) ac fecundioribus fundis addi in præstatione potest, tenax (i) Inquisitor incumbat. In omnibus vero, subsignationem facultatum, quæ in huiusmodi Locationibus (k) prima est quærenda, suscipiat. Dat. XVI. Kalend. Mart. Arcad. IV. & Honorio III. AA. Coss. [396.]

NOTÆ

(a) Absit hæc lex a *Cod. Iustin. GOTHOF.*

(b) De hoc vide mox *Commentarium. ID.*

(c) *q. obseruare. ID.*

(d) Facultatibus: argum. etiam *vers. ultim. hæc leg. ID.*

(e) Pro *Novis*, dominis scilicet, quibus *pristini domini* opponuntur *supr. ID.*

(f) Restituenda, præstanda. *ID.*

(g) Hactenus reponunt nonnulli, *Exactor*: puta Iuretus, in *Symmachum lib. 2. epist. 27. p. 59. Ed. Paris. 1804.* Immo in Editione Quartan. *exactor* editum. Alius ad marginem huius leg. *Exceptor*: *Excepta Mainardi, & Executor.* Prius illud malim: nisi forte magis placeat *excator*, pro *exaquator*: nam de *Peræquatione* hæc leg. agitur. Quod tamen mihi non placet. *ID.*

(h) Latioribus. *ID.*

(i) Tenax pro accurato. *ID.*

(k) Fundorum emphyteuticorum: de qua locatione fundorum iuris Emphyteutici est *supr. lib. 10. Tit. 3. peculiaris. ID.*

COMMENTARIVS.

HONORII Imp. decem constitutiones sequuntur circa censum & peræquationem. Hæc est de EMPHYTEUTICORUM priuæ rei Principis fundorum locatione, (de qua alioquin est *Titulus peculiaris lib. 10. supr.*) Quæstratoris cuiusdam Peræquatoris per Africam iniquis actibus circa id abolitis, qui *possessores iuris emphyteutici*, sub peræquationis colore turbauerat, alium ad id negotium dirigi iubet ab Herode (Africa: Proconsule, de Tom. V.

quo mox:) Forma seu formula nouo Peræquatori præscripta, eaque quadruplici. 1. *Primo* iubet, pristinis dominis seu conductoribus eas possessiones restitui, dummodo facultatibus idonei sint: Scilicet semel locatæ hæc possessiones, penes eos iugiter manere debent, qui priore conductionis iure eas meruerunt, quod a Valentiniano Sen. & Theodosio M. constitutum *l. 3. supr. d. tit. de locat. fund. iuris emphyt.* si modo idonei sint facultatibus, de quo mox. II. *Secundo*

II. *Secundo* iubet, a nouis dominis seu conductoribus, quibus Strator emphyteuticas possessiones pristinis creptas locauerat, exigere, quicquid de Canone seu pensione debita dilatum vel minutum ab eo per gratiam fuerat. III. *Tertio* iubet, ut nouus Peræquator, latorum & fecundiorum fundorum si fieri possit Canonem seu præstationem augeat. IV. *Quarto* iubet, eorum quibus locandæ sunt hæc possessiones Emphyteuticæ, facultates potissimum discuti, subsignationem facultatum in omnibus primum quæri, & suscipi: utrum videlicet idonei sint conductores, per quos rei priuatæ Principis consilium esse possit. Eo sane sine etiam fideiussores a nonnullis exactos docet *lex vnic. supr. qui conductores rei priuatæ fideiussores exigere non possunt*. Quod idem obtinuit in conductionibus possessionum, ut ex publico, ita ex Templorum iure descendunt, l. 4. *supr. de locat. fund. iuris emphyt. & Reipubl. & templorum*: vid. & l. 3. *Cod. Iust. de omni agro deserto*. Notandum vero, hanc legem inscribi Herodi, qui Herodes Proconsul Africæ fuit, ut docet Augustinus *contra Cresconium lib. 3. cap. 56*. qui eius meminit in Donatistarum negotio: & quidem initio iam anni superioris 395. post Consulatum Arcadii ter, & Honorii iterum, 6. Nonas Martias: In memorato concilio Bagaiensi dies & Consul adscriptus est, non solum quo decretum Concilii conditum est, verum etiam ipsius dilationis. Ergo a die

octauo Calendarum Maiarum Post Consulatum Theodosii A. ter, consulatu Augustorum Arcadii ter & Honorii iterum (ter delendum) qui dies est Concilii Bagaiensis, usque ad octauum Calendarum Ianuariarum, qui dies est dilationis, octo menses ferme numerantur. Inuenitur autem postulatio apud Herodem Proconsulem, vide quanto post dicta aduersus Felicianum & Prætextatum de Mustitanis & Asfuritanis locis excludendos: cuius pauca subiunxi. Post consulatum Dominorum Arcadii ter & Honorii iterum (ter hoc del.) Augustorum sexto Nonas Martias, Carthagine in Secretario Prætorii Titianus dixit, &c. Idem Augustinus ostendit Theodorum in Proconsulatu Herodi huic successisse, anno sequente 397. De quo Theodori Proconsulatu Claudianus quoque in Theodori Consulatum: si modo is Theodorus est. Verum huic temporum rationi obstare videtur & Inscriptio huius leg. & Subscriptio. Nam & Arcadio & Honorio ea tribuitur: & consulatus Anno 396. subscribitur. Herodi quoque inscripta Synesii *epistola 19*. qua is ei commendat aliquem qui ad auri prosecutionem missus fuerat a Curia. Illud ad vltimum monendum errare Loiselum *lib. du des querpiss. t. 1. cap. 4. num. 22*. cum ex hac leg. colligit emphyteuticas possessiones peræquationi obnoxias non fuisse. Quod hac leg. non dicitur. Verum peræquatio tantum Stratoris improbatur, imo alius ad id mitti iubetur.

VI. (a) Idem AA. Hilariano. (b)

PERÆQUATIONEM omnibus necessariam (c) esse non ignoramus: Ideoque præcipimus, ut nullus electus, contra iudicium Culminis Tui, Rescribit se priuilegio (d) alicuius auctoritate defendat: quoniam per cognitos, ac probatos viros, compendia Prouincialium Iudicum (e) volumus ordinari. (f) Dat. XIV. Kalend. April. Med. Arcad. IV. & Honor. III. AA. Coss. [396.]

NOTÆ.

(a) Abest hæc lex a *Cod. Iust. GOTHOFRED.*

(b) Ex ipsa lege satis patet in Illustri dignitate hunc Hilarianum positum fuisse: ait etiam lex, *contra iudicium Culminis tui*. Foite an hic idem Hilarius PP. est, cui hoc ipso Anno 396. inscribitur *lex 22. & 23. supr. de erog. mil. ann. quinquimo & lex 2. supr. de conlat. aris. ID.*

(c) Id est, necessario subeundam. *ID.*

(d) Rescripti se auctoritate alicuius defendas. *ID.*

(e) Irrepticia vox, de quo mox. *ID.*

(f) Ordinari, propria voce. *ID.*

COMMENTARIUS.

DE ELECTIONE, seu ORDINATIONE PERÆQUATORIS est hæc Honorii lex, qua ab hoc munere quæquam electum a PP. excusari Rescripto, aut priuilegio aliquo vetat. Rationibus duabus additis tum initio tum fine legis. In qua quatuor de Peræquatorum munere & electione obiter obseruanda. 1. Peræquationis munus necessario obeundum fuisse ab omnibus qui electi fuissent: quod his verbis significari existimo, *Peræquationem omnibus necessariam esse non ignoramus*. Id quod ipsum etiam colligere licet ex *epist. Basilii 278. su. 281. Edit. Benedictin. ad Modestum PP. vt & de censoris officio ex eiusdem Basilii epist. 352. su. 299. Edit. Benedictin. de Discussoris & Inspectoris ex l. 1. n. infr. 2. Electos Peræquatores iudicio Præfecti Prætorio: vt docent illi, contra iudicium Culminis Tui*. Quod etiam diserte docet Theodoretus *ep.*

47. nempe quia & totius census rei que Tributaria ratio ad curam Præfecti Prætorio spectabat, quod etiam ex Zosimo liquet. Quare & si quis ab hoc munere electus excusari vellet, excusari eum a PP. oportuit: quomodo sane Basilii *dicta epist. 278. su. 281. Heliadum quendam πρωτεύοντα liberari petit ab hoc munere, ὥστε τῆς ἐπὶ τῇ ἐξισώσει Φορτίου αὐτὸν ἀνεστῆτα, vt exequandi cura liberatum &c. eoque nomine literas a PP. ad Rectorem Prouinciæ (nam ita locus ille verti debuit) dari postulat: κατὰ τὴν ἐπαρχίαν συγκαρῆσαι αὐτῷ τὴν ἐνέχον, mandatum ad prouincia rectorem mittas, vt ei hanc molestiam candem. 3. Cognitos ac probatos maxime Viros electos ad peræquationis munus: Et vero meminit quoque Basilii *dicta epist. 278. su. 281.**

fu. 281. ad Modestum PP. Helladii istius τὸ πρῶτον constituti ἐπὶ ἐξισώσεως, ut dixi, id est principalis Curiae. Quod & ipsum de Censitoris munere, colligere est ex eiusdem Basilii epist. 352. & 353. su. Ep. 299. & 313. Edit. Benedictin. Tandem 4. Peræquatores ideo electi, & per Prouincias destinati,

ut compendia Prouincialium ordinent, id est, ut prægrauatos leuent, alios non satis grauatos grauent: Quare vox Iudicum hic prorsus irreptitia est: neque enim Peræquatores mittuntur, ut ordinent compendia Iudicum, verum, ut miserorum Prouincialium.

P. 136.

VII. (a) Idem AA. Eusebio PP. P. (b)

PERÆQUATORES, ac Discussores, (c) quorum (d) nobis data sunt nomina, si incurrerint culpam negligentiae, vel gratiae, non solum honorum (e) iacturam, verum etiam annonarum (f) in quadruplum multæ (g) subire debebunt: Ea vero quæ in damnum Prouincialium fuerint accepisse conuicti, in quadruplum cogentur exsoluere. Dat. IV. Kalend. April. Med. Arcad. & Honorio III. AA. Coss. [396.]

NOTÆ.

(a) Lex 6. Cod. Iust. eod. tit. Concordat huic leg. omnino altera Honorii lex 10. infr. GOTHOF.

(b) Eusebius PP. sub Honorio: vid. Prosopogr. ID

(c) De Discussoribus fuit supr. titulus lib. 11. t. 26. est & lex 10. infr. ID.

(d) Hæc absunt a Cod. Iust. quia ad historiam horum temporum pertinent. ID.

(e) Bonorum, Cod. Iust. ID.

(f) An perperam exactarum, impositarum? Non: nam de iis mox: Verum annonarum, quas ipsi de publico acceperant: de quo mox plura etiam ex l. 10. infr. ID.

(g) Multam, Cod. Iust. Quamquam istud ex huius æui Latinitate videatur sustineri posse. ID.

COMMENTARIVS.

DE POENA negligentis vel gratiosi PERÆQUATORIS & discussoris, qui scilicet peræquationem aut discussionem non ex fide gesserunt, est hæc Honorii constitutio, ut & altera similis lex 10. infr. Nempe triplici poena eos persequitur: 1. Honorum iactura, seu Codicillorum ablatione: Nempe Comitua ferme, & quidem primi ordinis Peræquatores & Discussores: decorari soliti, de quo fidem faciunt tres postrema huius tit. leges, ubi plenius dicitur, & lex ultim. supr. ad leg. Iul. de ambitu. 2. Annonas in quadruplum soluere iubet: id est ut explicatius habet d. lex 10. refundere quas perceperunt emolumenta, nempe quæ e publico acceperunt: Vnde apparet, etsi Peræquatoris munus necessarium esset, attamen emolumenta seu annonas & salaria quædam eos e publico accepisse. Porro d. l. 10. Honorius non iam quadruplas has an-

nonas restitui iubet ut hac leg. verum duplas tantum, 3. Tandem accepta in damnum Prouincialium, in quadruplum exsoluere iubet hac leg. & l. 10. si videlicet rapacitate plectenda a Prouincialibus aliquid abstulerint: ut loquitur d. lex 10. si Prouinciales concusserint, dum videlicet a miseris illis pecunias exigunt & accipiunt, alias eos prægrauaturi. De quo ipso concussionis genere est & Valentiniani Sen. lex 5. supr. de iis quæ administrantib. De discussorum nominatim concussionem, cuiusque poena, dixi semel plene ad l. 1. supr. de discussorib. Notanda interim hic duplex Quadrupli poena, & quidem in eodem facto: Quadrupli inquam annonarum acceptarum, in fisci commodum; & Quadrupli emptorum, in priuatorum utilitatem.

VIII. (a) Idem AA. Eutychiano PP. P. (b)

QVI per inpotentiam (c) fundos opimos ac fertiles occuparunt, cum quaestuosos vberibusque pro rata portione suscipiant infœcundos. (d) Quoniam itaque Legati Hieropolitanae ciuitatis (e) succisos (f) esse (g) profecuti (h) sunt, huiusmodi possessionum retentatores cum opimis fundis & (i) minus idoneos suscipiant: quo eiusmodi æqualitate seruata, & antedictæ Curiae vires possint in posterum respirare, & fisci (k) indemnitas custodiri. Dat. Non. Mart. Constantinop. Honorio A. IV. & Eutychiano Coss. [398.]

NOTÆ.

- (a) *Lex 10. Cod. Iust. de omni agro deserto, & quando steriles fertilibus imponantur*: adhuc Titulum non male refertur: pariter vt *lex 4. 31. supr. de annon. & trib.* quæ in eodem *ἐπιβολῇ*; argumento versantur: quia scilicet Inspector missus fiebat, & ob tributorum præstationem. *GOTHOF.*
- (b) *Eutychianus PP.* sub Arcadio; Orientis scilicet vid. *Prosepegr. ID.*
- (c) *Impotentia* est, *impresio*. violentia quam adhibent & intentant Potentiores infirmioribus. *Potentiam* legitur in *Cod. I. ID.*
- (d) *Ex eadem substantia*: hoc additum *Cod. Iust.* ceteris omnibus resecatis. *ID.*
- (e) Et nominatim *Curie*, vt docent extrema *Legis. ID.*
- (f) *Debilitatos*, attritos. *ID.*
- (g) *γρ. sese. ID.*
- (h) *Id est*, allegarunt. *ID.*
- (i) *Id est*, etiam. *ID.*
- (k) *Id est*, tributorum præstatio, *l. vnic. in fin. supr. de Saturianis. ID.*

COMMENTARIUS.

DE *ἐπιβολῇ* est hæc Arcadii Imp. constitutio: de qua plene dixi ad *l. 4. supr. de annona & tributis*: id est, de Addicendis, adiiciendis, fœneis, desertis, sterilibus, infœcundis fundis iis, qui opimos & fertiles ad se traxerunt per *impotentiam*; vt ita illorum quoque nomine fisco census seu tributum præstent: Nempe *Potentes* quidam, captatis aliorum necessitatibus optimos & opimos fundos ad se pertraherant, relictis sterilibus penes *P. 13* veteres dominos, vnde fiebat, vt defectos tantum fundos habentes, census præstare non possent. Igitur collapsa exinde quoque re tributaria sæpe ad hanc *ἐπιβολήν* deuentum, seu *Æqualitatem*, vt *hac leg.* vocatur, qua steriles quoque fundos, eorumque adeo onera & tributa in se suscipere opimorum domini cogebantur. Id quod *hac quoque leg.* fit ab Arcadio: Idque ad Legationem

& querelam ciuitatis (de cuiusmodi Legatione fuit quoque *lex 3. supr.*) *Hieropolitana*, (Quod de Hieropoli in Syria accipio, quæ & Hierapolis, & Hieropolis teste Stephano: de eadem est & *lex 2. infr. de venat. ferarum*: & *lex 1. supr. de Numerariis*.) ad Legationem inquam Hieropolitanæ ciuitatis & Curia, vt docent extrema *Legis*: non tantum, quia Legati de Curia missi, de quo *tit. de Legatis, supr.* verum quia Curia & Curialium fundi optimi proculdubio per *impotentiam* in potentiores transierant, atque ita Curia vires succisæ & attrita fuerant: simul & in fraudem rei tributaria. Ob quam causam hæc *ἐπιβολή* nunc fieri iubetur, pariter vt Anno proximo 399. ab Honorio, *salua tributorum præstatione, l. vnic. in fin. supr. de Saturianis.*

IX. (a) Idem AA. Messalæ. PF. P. (b)

QUONIAM ex multis Gentibus (c) sequentes Romanam felicitatem se ad nostrum Imperium contulerunt, quibus terræ Laticæ administrandæ (d) sunt, nullus ex his agris aliquid, nisi ex nostra Adnotatione mereatur. Et quoniam aliquanti (e) aut ampliusquam meruerant occuparunt, aut concludio Principalium, vel Defensorum, vel subrepticiis Rescibitis, maiorem quam ratio poscebat terrarum modum sunt consecuti, Inspector idoneus dirigatur, qui ea reuocet quæ aut male sunt tradita, aut inprobe ab aliquibus occupata. Dat. Non. April. Med. Theodoro V. C. Coss. [399.]

NOTÆ.

- (a) Absit hæc *lex a Cod. Iustin.* *GOTHOF.*
- (b) *Messala PP.* sub Honorio Italiae scilicet, Illyrici, & Africæ: vid. *Prosepegr. ID.*
- (c) *Alamannis, Sueuis, Francis, Gothis*, de quo *max. ID.*
- (d) *Distribuendæ & distributæ colendæ*: vel legendum, *a quibus. ID.*
- (e) *Aliquanti*, pro aliquot, aliqui: vid. *Gloss. Theod. ID.*

COMMENTARIUS

DE æquabili terrarum LATICARVM DIVISIONE, est hæc Honorii constitutio. In quem finem is Inspector nunc mitti iubet, qui videlicet maiorem terræ modum nonnullis traditum, vel ab iis occupatum reuocaret. Terra Latica, sunt agri qui administrandi seu colendi dabantur iis, qui ex *Gentibus*, seu Gentilibus (de quibus vid. *l. vnic. supr. de nupt. Gentil.*) Romanam felicitatem sequentes, sese ad Imperium Romanum, ac nominatim Occidentis contulerant, vt

vel *hac lex* ostendit: Qui & ipsi *Lati* dicebantur: a quibus & *Latica terra dictæ*, quas quidam male *Laticas*, dictas aiunt, desertas, incoltas, *Ledich*, *Horum Latorum* mentio fit in *Valentiniani Senioris* constitutione Anno 369. puta *l. 10. supr. de Veteranis*: vbi de his *Latis* dixi plene: & in altera *Honorii* constitutione, puta *l. 12. d. tit. de Veteranis*: quæ quidem proximo anno 400. data est ad Stiliconem Magistrum vtriusque militiae. Igitur *Gentiles* hi coloni *Lati* dicti: Quorum meminit quoque

que Eumenius in *Panegy. Constantio Cæs. dicto*, cap. vi. *Tuo Maximiane Auguſte nati, Nerviorum & Treuironum arua iacencia Latuſ poſſi-minio reſtitutus, & receptus in leges Francuſ excoluit.* Sub hac vero conditione hi Læti fuere, hiſque terræ Læticæ adminiſtrandæ dabantur, vt delectibus obnoxii eſſent, & Legionibus infererentur: ſeu ſub lege ſeruitiū militariſ, vt docent *d. lex 10. & 12. & Ammianuſ Marcellinuſ lib. 21. c. 13. & variis locis Notitia Imperii*: ita quidem vt vel de Gentis ſuæ nomine hi Læti internofcerentur, & denotarentur: hinc *Lati Alamanni*, *Sarmatæ*, *d. l. 12. ſupr. de Veteraniſ*: Læti Teutoniciani, Sueui, Franci: de quibus *Notitia Imperii*. Vel de regionis nomine, in quam Læti tranſlati, hinc Læti Bataui, Lingonenſes, Nervii, in eadem *Notitia Imperii*. Porro huiusmodi Læti poſſimum fuere in Gallia, vt ex *Eumenio*, *Ammiano Marcellino*, *Notitia Imperii* liquet: Quæ cauſa eſt, cur Zoſimuſ dixerit, *Λετῆς ἐβλ. Γαλατικὸν lib. 2. c. 54.* de quo Zoſimi loco plura dixi ad *d. l. 12.* Et aliquitamen etiam in Italia fuere, de quo mox.

Cæterum obſeruandum valde, quod Honoriuſ *hac leg.* quæ data eſt Anno D. 399. ait, ex multis gentibus ſecutoſ tum nonnullos Romanam felicitatem, ſe ad Occidentis Imperium contuliffe: Nempe hoc illud eſt quod hoc ipſo Anno 399. *Claudianoſ lib. 1. in Eutrop. v. 377. ſeqq.* ſcribebat.

tum forte decoruſ

Cum Stilichone gener (Honoriuſ) pacem implorantibus ultro

GERMANIS reſpoſa dabat, legeſque CHAFCIS

Arduuſ, & flauuſ ſignabat inra SVEVIS:

Hiſ tribuit legeſ, hiſ obſide ſœdera ſancit

Indiſto, belloruſ alioſ tranſcribit in uſuſ,

Militet vt noſtriſ deſonſa SICAMBRIA ſignuſ,

Et mox v. 394. 395.

Ante pedes humili FRANCO, triſtiſque SVEVO

Perfruor, & noſtrum video Germanicæ Rhenum. Exinde ſcilicet vbi Stilico in Galliam miſſuſ fuit, Barbaræ tum Gentes, Rheni accolæ, aliique interioruſ, veluti, Franci, Alamanni, Sueui, ad Romanuſ Imperium ſeſe certatim contulere; inde iam Stiliconi inſcripta Anno prox. *l. 12. ſupr. de erog. mil. ann.* Vbi Lætoruſ-Alamannoruſ diſerte mentio fit. Porro Alemanni non tantuſ Galliaſ, veruſ etiam Italiaſ vicini erant, Itaque & huiuſmodi Lætiſ terræ Læticæ in Italia adminiſtrandæ datæ, quo pertinet *hac lex*: vt & *Ammiani locuſ lib. 28. cap. 5. p. 133.* in Gelſiſ Anni 370. *Alemannoſ*, inquit, *gentiſ antediſtæ* (Burgundioruſ) metu diſperſoſ aggreſſuſ per *Rhatiaſ Theodoſiuſ*, ea tempeſtate *Magiſter Equitum*, pluribuſ caſiſ, quocuſque cepit ad Italiaſ iuſſu Principiſ miſiſ, vbi fertilibuſ (*γρ. infertilibuſ*: ſimiliſ error apud Voſiſcuſ in *viſ. Aureliani*, cap. 48.) agriſ acceptiſ iam tributariuſ circumcolunt Padum. Nunc ad rem. Huiuſmodi igitur Gentilibuſ agroſ quodaſ certa conditione, certis limitibuſ adſignatoſ Principiſ adnotatione iam liquet: aliter atque militibuſ nonnulliſ occupatoria conditione relictuſ, in *ſp. l. vnic. ſupr. de rei vindicat.* vbi vid. quæ notauuſ. Veruſ cum hoc tempore quidaſ ex hiſ maiorem agri modum accepiſſent, vel occupaiſſent, vel ſubreptitiuſ reſcriptiſ, vel conſuſione Principaliuſ, vel Deſenſoruſ, Honoriuſ *hac leg.* id reuocari iubet miſſo Inſpectore: proculdubio quia in dieſ pluſ huiuſmodi Gentileſ ſequenteſ Romanam felicitatem, ſe ad Imperiuſ Romanuſ conferrent, Quam autem Romanam felicitatem prædicat Honoriuſ, eam euentuſ deſtituit; neque enim aliunde magiſ certa perniciuſ Reipub. Romanæ incubuit & in Occidente, & in Oriente, quam ex Barbaroruſ colluſione: Quod *Syneſiuſ de regno* ad Arcadiuſ ſcribent haec ipſa tempeſtate recte vaticinatuſ eſt de Orientali Imperio: idque etiam ſenſit *Socrateſ*, *lib. 4. c. 34.*

X. (a) Idem AA. Longiniano PF. P. (b)

PER hoc quinquenniuſ (c) multoſ Comiteſ (d) ac Peræquatoſ, necnon etiam Diſcuſſoreſ per diuerſaſ Prouinciaſ conſtat eſſe directoſ, quos nihil profuiſſe vtilitatibuſ publiciſ cognouimuſ: Ideoque Sublimitaſ Tua eoruſ actuoſ diligentia examinatione perpendat, & ſi quos neglegenteſ inuenerit iniuncta curaiſſe, ablatiſ Codicilliſ (e) primituſ & reſuſiſ, faciet in dupluſ quæ perceperunt emolumenta rethibere. (f) Si quòſ vero rapacitate plectenda a Prouincialiſ aliquid abſtuliffe conſtiterit, direpta in quadrupluſ rethibere compellat. Dat. V. Id. Febr. Rauen. Arcad. A. VI. & Probo Coſſ. [406.]

NOTÆ.

(a) Abſeſt *hac lex* a *Cod. Iuſtin.* Concordat huic *lex 7. ſupr. GOTHOF.*

(b) Italiaſ: cui hoc ipſo Anno inſcribuntur duæ prætereæ *Leges*, puta *lex 2. ſupr. de nauib. non exuſ. lex 15. ſupr. de deſertoribuſ.* Meminit Zoſimuſ *lib. 5. c. 32. in ſin. ID.*

(d) Ab Anno Domini 401. *ID.*

(d) Cum Comitiſ dignitate Peræquatoſ: de quo ad *l. 1. prox. & treſ poſtremoſ legeſ. ID.*

(e) Honoruſ, veluti Comitiuſ, *ID.*

(f) Pro rethibere, & mox rurſum. *ID.*

COMMENTARIVS.

DE POENA iniqui Peræquatoſiſ & Diſcuſſoriſ eſt hæc Honoriiſ conſtitutio, ſimiliſ alteri eiuſdem Honoriiſ conſtitutioni ante decenniuſ *leg.*

Anno 396 puta *legi 7. ſupr.* vbi diſta ad *hanc leg.* ſufficiant. Norabiliſ inter alia *hac lex* eſt, eo quod bene vel ſecus geſta a Peræquatoſiſ, parti-

ter vt ab Inspectoribus, a Præfectis Prætorio vel firmata, vel in disquisitionem vocata, expresse docent, etsi id appareat quoque argumento Inscriptionis, l. 4. & 7. *supr.* Quod & ipsum discimus ex Theodoretis *epist.* 42. ad Constantium PP. qua postulat, vt contra calumniam, cuiusdam Philippi

Inspectoris inspectionem confirmet: vt & 44. & 47. Nam & a Præfectis Prætorio hi delegati, vt idem testatur *epist.* 47. quo pertinet etiam *lex* 6. *supr.* Etsi ab administratoribus quoque Prouinciarum electi: vt docet *lex prox. ii.*

XI. (a) Impp. Honor. & THEOD. AA. Anthemio PF. P. (b)

CVNCTIS per Prouincias Administratoribus (c) nostra insinuetur præceptio, vt si quando e Republica visum fuerit, Discussiones Inspectionesque, (d) aut aliquid simile agitari, ei iniungant qui Vicarianæ potestati, (e) Comitui Orientis, aut Augustalitati (f) parendo statuta peregit stipendia: Ita vt si quis ex his quos palam expressimus super hoc officii munere excusando nostrum impetrauit Oraculum, aut post elicuerit, nequaquam id admittatur. His enim ita rite digestis, & ab hominibus ignaris (g) administrabuntur publica munia, & altiores (h) adque inhabiles fortunæ homines incompetencia obsequia declinabunt. Dat. X. Kal. Febr. Constantinop. Honorio VIII. & Theod. III. AA. Coss [409.]

NOTÆ.

(a) Abest *hec lex* a *Cod. Iustin.* Forte iungenda huic *lex* 16. *Cod. Iust. de Episcopis Eccl. & Cler.* quæ & ipsa est de Censu. *GOTHOE.*

(b) *Anthemius* PP. Orientis, vt sub Arcadio antea, ita & nunc sub Theodosio Iun. Ann. 409. 410. 411. 412. 413. 414. 415. vid. *Protopogr. ID.*

(c) Rectoribus Prouinciarum. *ID.*

(d) Inspectio *hæc leg.* & l. 14. *εποψη* non vno loco Theodoretis. *ID.*

(e) Intelligit Vicarios Asiæ, Ponticæ, Thraciarum. *ID.*

(f) Præfecti Augustalis dignitati. *ID.*

(g) *γν. ignaris.* *ID.*

(h) Veluti illustres. *ID.*

COMMENTARIUS.

DE ELECTIONE Discussoris, Inspectoris, & similibus, est hæc Theodosii Iun. constitutio, pariter vt de electione Peræquatoris, Honorii *lex* 6. *supr.* Et hac quidem definitur, lex quonam hominum genere hi eligi possint: Nempe ex iis qui vel Vicarii fuerint, forte Asiæ, Ponticæ, Thraciarum; vel Comes Orientis, vel Præfecti Augustales: Nempe quia a *gnaris* publica hæc munia administrari publice interest, seu vt loquitur *lex* 6. per cognitos & probatos viros: & sic ab illis qui Diocesæ rexere: Non vero ab aliis qui designantur *sine leg.* siue altioris fortunæ.

Ergo spectabilibus hoc Inspectoris & similia munia imposita hoc tempore: quod etiam firmatur l. 15. *infr.* & exemplo Philippi Inspectoris Spectabi-

lis viri sub eodem Theodosio apud Theodoretum *epist.* 42. 43. 47. Vnde & Comitui hi ornati, l. 10. *supr.* & quidem primi ordinis, *tribus potissimis legibus huius tit.* Porro in tantum illis hæc munia deferri iubet Imperator, vt ne Principis quidem Rescripto ab iis eos excusari velit: Igitur, vt Peræquationis munus necessarium fuit, non obstante Principis rescripto, d. l. 6. ita & Discussionis & Inscriptionis quoque *hæc leg.*

Illud interim ex *hæc leg.* obseruandum, Discussores, Inspectores, hisque similes electos a Rectoribus Prouinciarum, qui quandoque tamen vel a Principe destinati, vel a Præfectis Prætorio electi: de quo *superioribus legibus.*

XII. (a) Idem AA. Ioanni PF. P. (b)

LOCA, quæ præstationem suam implere non possunt, (c) præcipimus adæquari, vt quid præstare possint, mera (d) fide, & integra veritate, scribatur, id vero quod impossibile est, e vasariis (e) publicis auferatur. Et primo quidem veteribus dominis adscribi prædia ipsa conueniet: quorum si personæ eorumue hæredes non potuerint repperiri, vicinos vel peregrinos volentes, modo vt sint idonei, (f) dominos statuendos esse censemus. In tantum autem omnium animos beneficiis prouocamus, vt id quod defectu possessioni Inspectoris arbitrio adscribitur, biennii immunitate releuetur, vt (g) nec idonea prædia alterius

aliterius glebæ sarcina in posterum prægrauentur. Dat. VIII. Id. Iun. Rau. Honor. IX. & Theod. V. AA. Coss. [412.]

NOTÆ

(a) Abest a *Cod. Iust.* GOTHOFR.

(b) *Ioannes PP.* Italiae sub Honorio: vid. *Prosopogr.* ID.

(c) Id est, quæ defecta sunt, vt *fin. leg.* ID.

(d) *Mera fides:* similiter l. 19. *Cod. Iust. de testamentis:* quæ eodem Anno data, & ad eundem *Ioannem PP.* Similia alia apud *Symmachum*, & ibi *Iuretum lib. 2. epist. 2.* vide quæ noto ad leg. 6. *supr. de testam.* ID.

(e) De *Vasariis* his mox dicam. ID.

(f) Eadem *taxatiua*, l. 5. *supr.* ID.

(g) Hæc vox melius induceretur. ID.

COMMENTARIVS.

CIRCA DEFECTAS possessiones nouam Adæquationis & census formam inducit hac leg. Honorius Imp. improbatæ ἐπιβολῇ de qua l. 8. item improbatæ Compensatione, de qua l. 3. *supr. hoc tit.* 1. Scilicet discuti, inspicere vult exacte, & vt loquitur *lex*, mera fide & integra veritate, quid & quantum loca illa defecta afferre possint, atque eum præstationis modum libris Censualibus inscribi, qualis qualis ille sit. 2. Exinde ita æquabiliter censitos fundos defectos adscribi vult dominis vel hæredibus eorum: his demum non repertis, vicinis, vel etiam peregrinis, id est, extra territorium positis volentibus. Quod utique adsignationis genus nulli graue esse poterat, quandoquidem nonnisi is census modus iam adscriptus esset, quem ingenium redditusque loci ferre poterat. 3. Quinimo etiam ab æquabili quamlibet isto censu, biennii adhuc immunitatem dominis quibus illi adscriberentur, tribuit: vt ita scilicet spatium haberent, defectam possessionem excolendi, & ad frugem reducendi. Tandemque concludit, non probari sibi ἐπιβολῇ, aut Compensationem: Quo utroque genere idonea prædia alterius glebæ (sterilis videlicet) sarcina prægrauabatur. Breuiter, summi censum quemque fundum fufferre deinceps vult Honorius, sed moderatum, & Adæquatione facta: in quantum præstare possunt.

Supereff videamus, quid sint hac leg. *Vasaria publica*, e quibus auferri iubet Honorius præstationis modum impossibilem: e contra in iis scribi iubet quid reuersa præstare possint. Sunt igitur *Vasaria publica*, vt ex hac leg. apertissime liquet, libri Censuales. Quod etiam ex *Plinio lib. 7. cap. 49.* clarissimum est; vbi de Longuis agens e *Vasariis* exempla adfert, in quæ ii qui in censum nomina sua proferebantur ætatem quoque suam edebant,

sen deferebant. *Accedunt experimenta, & exempla recentissimi CENSUS*, quem intra quadriennium Imperatores *Cæsares Vespasiani Pater Filiusque Censores* egerunt: Nec sunt omnia *VASARLA* excutienda: media tantum partis inter *Apenninum Padumque* ponemus exempla: Centum viginti annos, *Parma* tres edidere: *Brixelli*, vnus CXXP. &c. *Cassiodorus* quoque vbi de defectæ possessionis releuatione pariter agit, VII. Var. 45. Decernimus, vt tot solidos *Tributario* supradictæ possessionis, datis præceptionibus ad eos quorum interest, ita faciatis de *Vasariis publicis* diligenter abrads, vt huius rei duplarum vestigium non debeat inueniri. Alioquin *Vasarium* quoque olim, pro pecunia, quæ publice ex ærario data Magistratibus in Prouincias eunti-
tibus, ad comparandum equos, mulos, vasa, suppellectilem, ceteraque quæ Magistratus instrumentum implerent; de quo *Cicero in Pisonem: cap. 35.* Cur autem *Vasarium* dictum? Istud est quod nescio: vid. *Forner. 4. Quotid. 25.* &c. Vasa pro re familiari & suppellectile, *Seneca 1. de benefic. cap. 1. Nomina* facturi diligenter in patrimonium & vasa debitoris inquirimus. Apud *Gratum v. 219.* Vasa pro suppellectile venatoria;

— nec sibi turbam

Contraxit comitem nec vasa tenentia longe.

Frontinus Stratagem. lib. 4. cap. 1. cultrum inter vasa pariter retribuit. *Interpres coll. Leg. Mosaicar. tit. 1. §. 5.* Si immiserit super eum aliquod vas non infidians. Sed & cetera in re militari inter contubernia vsurparunt: vnde & vasa conclamare, & conuasare, apud eos legimus. Hinc iamque paulatim, vt significationes verborum augentur, vasa pro facultatibus quibuslibet: & vasaria, Breues vasorum, quibus vasa cuiusque describuntur.

XIII. (a) Idem AA. Vrfacio Com. R. P. (b)

PERÆQUATIONEM Agapii in perpetuum manere censemus. Dat. IV. Non. Iul. Rau. Theod. A. VII. & Palladio Coss. [416.]

NOTÆ

(a) Abest hæc lex, seu Historiæ huius temporis adscripta, a *Cod. Iust.* GOTHOFR.

(b) *Vrfacius* Comes R. P. sub Honorio. Eadem inscribitur Anno 414. *lex 2. Cod. Iust. de off. Com. S. Palat. seu lex vñim*
CIV

Cod. lust. de offit. Constat. priat. & Antiochianis apud Alex. ultim. supr. de locat. fund. iuris emphyt. quæ & ipsa agitur de Peræquatore. ID.

COMMENTARIUS.

PERÆQUATIONEM ab Agapio quodam Peræquatore factam *hæc leg.* ita confirmat Honorius, ut eam in perpetuum manere iubeat: Pariter ut *l. ultim. supr. de locat. fund. iuris emphyt.* quæ eidem Vrfacio Comiti R. P. inscribitur; peræquatoris generalis factam valere iubet, non vero impetrati alicuius Inspectoris specialis. De simili alioquin *ex æquo* Inspectionis totius Regionis alicuius urbi respondentis confirmatione, v. Theodoretum ab *epist. 42.*

XIV. (a) Idem AA. Sebastio Com. primi ordinis. Post alia.

SI qui aliarum (b) possessionum dominus desertum prædium suum *inspici* forte voluerit, vniuersa loca quæ possidet, etiam si idonea sunt, peragrari patietur, ut sarcina destitutæ possessionis, inquantum Inspectio (c) deprehenderit, possit melioribus sociari, peræquatoque omni patrimonio, nihil de desertis postea conqueratur. Tantum enim his prædiis aperta & absoluta leuamenta præstamus, quorum aut domini omnino non extant, aut paupertate mediocres ipsa tantum prædia habere monstrantur. Dat. Frid. Id. Mart. (d) Rau. Honorio A. XL & Constantio II. Coss. [417.]

NOTÆ.

(a) Absit hæc lex a *Cod. lust.* Iungendæ porro sunt inter se hæc tres *Leges* sequentes, iisque cõsolidanda *lex 13. supr. de Senatoribus, & lex 9. supr. de præd. Nauicular.* Imo & *lex ult. supr. de locat. fund. iuris emphyt.* et si Vrfacio Comiti R. P. inscribatur. Huic cõcordat *lex 3. supr. GOTHOF.*

(b) Opimarum, secundarum, idonearum. *ID.*

(c) Inspectio *hæc leg. & l. 11. supr. ex æquo* sæpe apud Theodoretum. *ID.*

(d) Ita quoque *duob. legib. sequentibus*: at enim *d. l. 13. supr. de Senatorib. & l. 9. supr. de præd. nauicul. & l. ult. supr. de locat. fund. iuris emphyt. Maii. ID.*

XV. (a) Idem AA. Sebastio Com. primi ord.

COMPETITIONIS (b) obreptione seclusa, apud eum possessio firma permaneat, cui a Peræquatore semel eam traditam fuisse constiterit. Reliqua vero temporis antea acti a nouo domino fiscum postulare non patimur: *ne alterius culpa alter incipiat subiacere dispendio.* Si quis vero priuatus, aut obligatam sibi possessionem, quæ deserta hucusque permansit, aut ex aliquo titulo deberi sibi iure confirmat, allegationes suas sine mora, vel per se, vel per aliam personam legibus ordinatam apud (c) Spectabilitatem Tuam publicare (d) debet: ita ut si æquitatis ratione suadente ad petitorum fuerit translata possessio, is qui eam a Peræquatore susceperat, (e) rei melioratæ receptis (f) subleuetur expensis. Verum ne sub specie litis dominationis (g) semel constitutæ turbentur, duorum (h) mensum spatium censemus debere seruari, intra quod is, qui putat sibi rem probabili ratione competere, debitas exerat (i) actiones. Quod si tempus adscriptum silentio fuerit interueniente transactum, nullum penitus repetendi volumus esse principium. Quod si quis eo tempore, quo Peræquator prædium alicui addidit de suo iure vel per se, vel per homines suos non crediderit actitandum, duorum (k) mensum curricularis euolutis in perpetuum conquiescat, &c. Dat. Frid. Id. Mart. Rau. Honorio XL & Constantio II. Coss. [417.]

NOTÆ

(a) *Lex 7. Cod. Iust. de censibus & censuoribus. GOTHOF.*

(b) *Vid. leg. 4. supr. ID.*

(c) *Apud Spectabilitatem tuam, hæc induxit Tribon. vid. quæ notavi ad l. 11. supr. ID.*

(d) *Manifestare, Cod. Iust. ID.*

(e) *Susceperis, Cod. Iust. ID.*

(f) *Susceptis, Cod. Iust. ID.*

(g) *Pro dominationes, vt est in Cod. Iust. ID.*

(h) *Sex, Cod. Iust. ID.*

(i) *Exerceat, Cod. Iust. ID.*

(k) *Sex, Cod. Iust. ID.*

XVI. (a) Idem AA. Sebastio Com. primi ordinis.

Post alia.

ILLA quæ ante viginti (b) retro annos speciali inspersione diuersis petitionibus inspecta clausuerit, ab Spectabilitate Tua conuenit iterare, (c) quatenus aliorum cessante iudicio intra Prouinciam sibi commissam tuo omnia finiantur arbitrio. Eas quoque possessiones quæ ante viginti similiter annos speciale beneficium de recisione meruerunt, studiose peragrarè debetis, vt vtrum veræ (d) sint postulata remedia, vel his aliquid deceat functionis adiungi, æstimatio fida demonstrèt; &c. Dat. Prid. Id. Mart. Rau. Honor. A. XI. & Constantio II. Coss. [417.]

NOTÆ

(a) Abest a Cod. Iustin. GOTHOF.

(b) Ab Anno Domini 398. ID.

(c) *q. iterari. ID.*

(d) *q. vera. ID.*

COMMENTARIVS.

FORMVLA, seu MANDATA Honorii Imp. continentur *his tribus legibus*, vt & *tribus aliis*, quæ his sociandæ veniunt: puta *l. 13. supr. de Senatoribus & globali coll. & l. 9. supr. de prædiis nauicular.* (Imo & *l. 7. seu vltim. supr. de locat. fundorum iuris emphyteutici*;) quæ viro Spectabili Sebastio Com. primi Ordinis Peræquatori & simul Inspectori in Prouinciam quandam missio, ad inspicienda prædia & peræquanda ab Honorio Imp. data sunt Anno D. 417. Quem *Peræquationem generalem* diserte vocat *d. l. 7. seu vlt. de locat. fund. iuris emphyt.* Et ad Peræquationem faciendam studiose peragrarè vniuersa loca iubet *l. 14. & l. vltim. hoc tit. & inspiciere: d. l. 14. & d. l. vltim. & discutere, d. l. vlt. de locat. Prouincia* autem in quam hic Peræquator missus, quam indicat *l. vlt. hoc tit.* videri possit Prouincia Africa, argumento eius quod de Nauicularia functione & prædiis nauiculariorum hac ipsa constitutione agitur, *dist. l. 13. de Senatorib. & d. l. 9. de præd. nauicular.* Igitur missus ab Honorio hic in Prouinciam Inspector & Peræquator, Sebastius Comes primi ordinis, id est, cum Comitibus primi ordinis digoitare, quod & alias factum docet *lex 10. supr. de qua dignitate fuit supr. lib. 6. titulus peculiaris*: ad peræquationem faciendam. Hisce Mandatis instructus, quæ varia capita in se continent: ad eum videlicet finem vt inspectis peræquatisque fundis, peræquato modo censuum, partim fisci vi-

litati consultum esse posset, partim vero possessionibus, per iusta remedia, recisiones, releuationes censuum, pensionumque. Nos ea hic omnia atque ordine sub vnum conspectum nunc dabimus: quæ quatuor summis Capitibus constant.

Primum horum Mandatorum caput respicit **DESERTOS**, seu **DESTITVTOS**, defectos, fœcneos, steriles, afanticos fundos, quorum nomine querelæ potissimum exorta: quo spectant ex ea formula *quatuor leges*, puta *lex 14. 15. hoc tit. lex 13. supr. de Senatoribus: lex 9. de nauicular.* Quid igitur Sebastio Peræquatori circa hæc facto opus esset, quid iuris deinceps in his obseruandum, quatuor illis legibus continetur: sub hac distinctione: **I.** Vel desertos illos fundos domini possident cum alijs opimis, & idoneis, & tum Compensatio quædam instituenda, exæquato patrimonio, vt sic in vnum collato omni patrimonio Peræquator videat quid factum opus sit, an tales sint vires aliorum fundorum, vt sterilius pensioni nihil detrahendum sit, an vero detrahendum adhuc aliquid: de quo Compensationis, Sociationis, *ἐπιβολῆς*, Peræquationis totius patrimonii genere, est quoque Valentiniani Sen. *lex 10. 17. supr. de annona & tributis*: Theodosii M. *lex 3. supr. hoc tit.* Honorii non tantum *hæc lex 14. hoc tit.* verum & *l. 31. supr. de annona & tribut. l. 12. supr. de indulg. debitor.* quod tamen ipse aliquando improbauerat, *l. 12. supr. hoc tit.* Vt proinde se-

ptem hac de re Constitutiones hoc Codice occurrant. Et hæc de desertis prædiis quæ domini cum aliis opimis possident. 2. At si paupertate mediocres ipsa tantum seu sola prædia deserta possident, tum his aperta & absoluta leuamenta præstari iubet Honorius, seu a censu releuari, *l. 14. hoc tit.*
 P. 137 Et hæc quidem de desertis agris, qui penes dominos sunt.

Si vero eorum domini non extent, tum nouis dominis desertos hos agros *Addici* seu a Peræquatore tradi iubet: Sub his Legibus: 1. Ut penes eos firmiter maneant, omni aliorum petitione, omni subreptione submota: *l. 15. hoc tit.* 2. Ut Reliqua præteriti temporis noui domini non soluant: *d. l. 15. de quo dixi ad l. 1. supr. de fisci deb.* 3. Ut tamen Ius aliquod in iis fundis præstendens intra bimestre audiatur, *d. l. 15.* atque adeo si priuatus quis obligatam forte sibi seu hypothecæ nexam possessionem illam desertam, aut ex aliquo titulo deberi sibi probauerit, a nouo domino cui Peræquator eam tradidit, eam recuperet, meliorationibus tamen nouo domino restitutis: post bimestre tempus neminem audiri vult: Quod præscriptionis bimestris genus obseruandum, quod tamen Tribonianus in sex menses mutauit. 4. Ita sterilem fundum nouo domino peræquationis forte addici vult Honorius, ut si olim fundus ille Senatoriæ glebæ præstationi obnoxius fuerit, a glebæ præstatione immunis deinceps sit: quæ sententia est *d. l. 13. in pr. supr. de Senatorib. & glebali collat.* 5. Contra, si nauali functioni obnoxius fuerit hic fundus, & hunc naualem functionem sustinere deinceps vult, aliis oneribus liberatum: quæ sententia est *d. l. 13. in fin.* Nauali scilicet functioni, cumprimis necessariæ, nihil detractum vult Honorius: Imo in omnibus custodiri vult: in tantum etiam, ut intra 20. hos annos, ab Anno videlicet D. 397. fundos sub hasta publice distractos, & a nauali functione liberatos, ad eam rursum deuocari tenerique velit: quæ sententia est *d.*

l. 9. supr. de prædiis nauicular. Et hæc de fundis desertis, defectis.

Secundum huius formulæ seu Mandatorum caput respicit RELEVATOS olim speciali indulto & inspectione fundos. Nempe non viquequaque huic releuationi, seu recisioni, stari vult Honorius Imp. verum intra hos pariter 20. annos (ut *supra* in *sp. l. 9. de prædiis nauicular.*) releuatos recisos fundos Sebastium Peræquatorem inspicere vult, ut æstimet num postulata remedia vera sint, an vero horum census augeri debeat: quæ sententia est *legis ult. hoc tit.*

Tertium caput respicit fundos EMPHYTEUTICOS rei priuatæ, eorumque locationem: Igitur hos tanta pensione seu canone releuari posse definit Honorius a Peræquatore, quanta functione alios fundos subleuauerit: quæ sententia est *l. ultim. in princ. supr. de locat. fund. iuris emphyteut.* Quæ & ipsa huic nostræ socianda venit, etsi alii inscribatur; puta *Vrsacio Com. R. P.* nempe quia caput illud res priuatas respicit. Et hæc quidem ita in specie. Eam porro generali clausula auctoritatem huic Sebastio Comitum primi ordinis Inspectori & Peræquatori a se missio tribuit, ut neque Comitum R. P. iussione quicquam opus hac parte esse, imo nullas eius partes esse definiat *d. l. ultim. in princ.* in huiusmodi circa emphyteuticos fundos peræquatione, cum tamen alias Emphyteutici fundi sub eius dispositione fuerint: de quo *eo tit. de locat. fund. iuris emphyt.* Tandem eam huius Generalis Peræquatoris (sic eum vocat) auctoritatem esse vult, cui etiam *probatissimi* elogium tribuit: ut aduersus eius definitionem, specialem Inspectorem a se ab aliquo impetrari vetet, qui forte definita ab eo retractet: quæ sententia est *d. l. ultim. in fin. supr. de locat. fund. iuris emphyteut.* Cæterum, quemadmodum *his Legibus* Sebastii Com. ordinis primi generalis Inspectoris & Peræquatoris mentio fit: ita & Stratoris Peræquatoris, *l. 5. supr.* Agapii, *l. 13.* Philippi etiam Spectabilis Viri Inspectoris mentio apud Theodoretum, *epist. 42. 44. 47.*





CODICIS THEODOSIANI LIBER DECIMVS QVARTVS.

QVI TOTVS EST

De iis quæ ad præcipuarum VRBIVM in orbe Romano (puta Romæ, Constantinopoleos, Alexandria, aliarumque) corporatos, *Politiam*, vt vocant, & *Prinilegia* pertinent.

HVIVS LIBRI TITVLI.

- | | |
|--|---|
| <p>I. De Decuriis Urbis Romæ.</p> <p>II. De priuilegiis corporatorum Urbis Romæ.</p> <p>III. De pistoribus & catabolensibus.</p> <p>IV. De suariis, pecuariis & suspectoribus vini cæterisque corporatis.</p> <p>V. De mancipibus thermarum urbis & subuectione lignorum.</p> <p>VI. De calcis coctoribus Urbis Romæ & Constantinopoleos.</p> <p>VII. De collegiatis.</p> <p>VIII. De centonariis & dendroforis.</p> <p>IX. De studiis Liberalibus Urbis Romæ.</p> <p>X. De habitu quo uti oportet intra urbem.</p> <p>XI. Quibus militantibus ad urbem liceat accedere.</p> <p>XII. De honoratorum vehiculis.</p> | <p>XIII. De iure Italico urbis Constantinop.</p> <p>XIV. De impo Martio Urbis Romæ.</p> <p>XV. De annone frumentario Urbis Romæ.</p> <p>XVI. De frumento Urbis Constantinopolitanæ.</p> <p>XVII. De annonis ciuicis & paue gradili.</p> <p>XVIII. De Mendicantibus non inualidis.</p> <p>XIX. De pretio panis ostiensis.</p> <p>XX. De pretio piscis.</p> <p>XXI. De nautis Tiberinis.</p> <p>XXII. De saccariis portus Romæ.</p> <p>XXIII. De patronis horreorum Portuensium.</p> <p>XXIV. De mensis oleariis.</p> <p>XXV. De frumento Carthaginienfi.</p> <p>XXVI. De frumento Alexandrino.</p> <p>XXVII. De Alexandrinæ plebis primatibus.</p> |
|--|---|

DE DECURIIS VRBIS ROMÆ.

TITVLVS I.

LIB. XI. COD. IVST. TIT. XIII.

De Decurialibus Urbis Romæ.

De Decurialibus per Prouincias est lex 1. supr. de lucris officiorum.

P A R A T I T L O N.

DECURIÆ Rubr. & l. 1. 3. in fin. l. 5. 6. hoc tit. l. 18. infr. de pistoribus: ut variæ per municipia fuere, de quibus est lex 1. supr. de lucris officiorum, ita & in vrbe Roma Rubr. hoc tit. Hinc Decuriæ Urbis Romæ Rubr. vrbis æternæ l. 3. h. t. vrbis sacratissimæ, l. 5. h. t. vnde & Decuriales dicti, l. 2. 3. 4. hoc tit. & d. l. 18. de Pistoribus. Variæ hæc inquam Decuriæ in vrbe erant, seu varii Decuriarum ordines, l. 1. hoc tit. collegia, l. 4. hoc tit. veluti, Librariorum l. 1. hoc tit. Fiscalium, dict. l. 1. hoc tit. Censualium, d. l. 1. h. t. (quomodo & in municipiis erant varii Decuriarum ordines, Librariorum, Scribarum, &c. qui in ciuilibus causis & editionibus libellorum officiorum solemnitate fungebantur, d. l. 1. supr. de lucris officiorum:) In hisce Decuriis, seu Decuriarum Romæ ordinibus certus Ordo erat, l. 1. hoc tit. Erat quippe in iis locus primus d. l. 1. h. t. seu Iudex Decuriæ, l. 3. hoc tit. quem adipiscebantur Principis ipsius prouisione nonnisi Literati, seu liberalibus studiis instituti: d. l. 1. hoc tit. exceptis Librariis, Fiscalibus, & Censualibus: d. l. 1. hoc tit. In singulis etiam Decuriis vrbis Romæ, ex singulis Prouinciis bini Decuriales erant, l. 3. hoc tit. PRIVILEGIA, Decurialium horum Urbis Romæ varia erant: l. 2. 3. 4. 5. 6. seu vltim. hoc tit. & d. l. 18. de Pistoribus: veluti, ut ne corporalibus iniuriis adficerentur l. 4. hoc tit. Actusque speciales gerebant, quibus obrepere nulli licebat, d. l. vltim. h. t. quomodo & in Prouinciis, d. l. 1. supr. de lucris officiorum. Vnde comoda etiam quædam rationibus approbata habebant, d. l. 4. h. t. seu emolumenta, l. 6. seu vltim. hoc tit. IUDICEM denique suum singulæ Decuriæ in Vrbe Roma habebant, qui Decuriæ Iudex vocabatur: l. 3. in fin. h. t. Omnes vero sub dispositione Præfecti Urbis erant: l. 1. 2. 6. seu vlt. hoc tit.

I. (a) Imp. CONSTANTIVS A. & Iulianus Cæs. ad Iulianum. (b)

IN Decuriarum ordine, (nisi cui Librariorum, vel Fiscalium, siue Censualium nomen est) nequaquam aliquis locum primi (c) ordinis adipiscatur, nisi is quem constiterit studiorum liberalium vsu adque exercitatione pollere, & ita esse litteris expositum, ut citra offensam vitii ex eodem verba procedant. Quod cunctis volumus intimari. Ne autem *Litteraturæ* (quæ omnium virtutum maxima (d) est) præmia denegentur, eum qui studiis & eloquio dignus primo loco videbitur, honestiorem faciet nostra prouisio: Sublimitate (e) Tua, vel (f) eius nomina indicante, ut deliberemus, quæ in eum dignitas defendenda (g) sit. Dat. VI. Kalend. Mart. Constantinop. (h) Acc. Id. Mai. Rom. (i) Constantio IX. & Iuliano Cæs. II. Coss.

N O T Æ.

(a) Abest hæc lex a Cod. Iustin. GOTHOF.

(b) Iulianus hic proculdubio Præfectus Urbis Romæ erat: quod & argumentum huius leg. suadet, & Sublimitatis titulus: & subscriptio legis Acc. Romæ. ID.

(c) Sal;

(c) Salmaf. de primatu Papæ lib. i. c. 2. p. 22. reponit primum sic infra, dignus primo loco. Ego nil muto. ID.

(d) Forte *Magistra*: de quo mox. ID.

(e) *Sublimitatis* titulus Præfecto Urbis tributus. ID.

(f) Id est, saltem: nisi hæc vox superflua videatur. ID.

(g) *Deferenda*, vel *dependenda*, vel *decernenda*. ID.

(g) Si hæc vox recte habet, tunc error hic fuerit in Consilatu: cuius loco reponendi fuerint, *Constantius X. & Iulianus C. III. COSS.* & sic annus Domini 360. Eo quippe Consilatu qui huic leg. subscriptus est, & sequentibus Constantius Imp. versatus est non Constantinopoli, verum in Italia & in Pannonia: sineque anni 359. denum Constantinopolim profectus est, ibique sequentis anni 360. principio substitit: ut docet lex i. *supr. de patrocinii vicorum*. Quare falsa est Petavii in addendis ad tom. 2. *Theol. g. dogm. p. 688.* sententia, dicentis huius leg. argumento, Constantium hoc anno Constantinopoli fuisse: Quam refutat *Chronolog.* nostra. ID.

(i) *Accepta Romæ lex*, data ad Præfectum Urbis. ID.

COMMENTARIUS.

PRIMUM in Decuria aliqua Urbis Romæ locum & ordinem, quam ratione quis indispici possit, quæque in eo requirantur, hac constitutione definit Constantius Imp. Nempe duo concurrere oportere definit. Primo, ut *Studiorum* liberalium vsu atque exercitatione polleat, & ita literis sit expolitus, ut citra offensam vitii ex eodem verba procedant: denique studiis & eloquio dignum esse oportet. Cui plane concordat Theodoricus, apud Cassiodorum V. *Variar. 21. 22.* ubi *Rectorem Decuriarum* creans, aperte eum exercitatum militia literarum, & eloquentem, facundumque describit, aliaque quamplurima iis epistolis exhibet, ex quibus discimus, in quo occupatæ fuerint Decuriæ Urbis Romæ, earumque Rectores. Scilicet Literaturæ præmium hoc esse voluit Constantius: quam & omnium virtutum *maximam* vocat: Quod notandum est; ubi putet quis Constantium potius Literaturam Virtutum omnium *magistram* dixisse, quam *virtutum omnium maximam*: neque enim Literatura de Virtutum numero est proprie, sed Virtutum Magistra ipsa. Verum Literaturam omnium Virtutum maximam dixit Constantius, voxque adeo *maxima* hic sustineri debet, non quomodo Cuiacius eam sustinet *XXI. Observ. 10.* verum, quia Virtutis appellatione hic non virtus *ἡ δὲ ἀρετὴ* intelligenda est, verum ingenii dos quælibet, animique felicitas. Sic & Cassiodorus V. *Variar. 21.* in hac ipsa re de Rectore Decuriarum. *Omnium crederis intelligentiam habere VIRTUTUM, qui exerceri meruisti militia LITERARUM.* Constantinus certe Romam *Matrem & Magistram Virtutis* vocare solebat; *μητέρα καὶ διδάσκαλον ἀρετῆς*, teste Iuliano *Oratione 1. p. 14. & 16. in 8. p. 10. in 4. & pag. 6. Edit. Lips. Spanhem.* Eaque imitatione Ammianus Marcellinus, in *Constantii* rebus, de qua eius Romam aduentu, lib. 16. cap. 10. Romam *Imperii, virtutumque omnium Larem* vocat. Ad rem. Igitur Primum, seu primo ordine locoque Rectorem Decuriæ Literis excultum esse vult Constantius, quod quidem primi loci istius ordinis ratio deposebat; quandoquidem hic non tantum inter Decuriales iudex erat, ut docet lex 3. *hoc tit.* verum etiam, quomodo Rectorem Decuriarum describit Cassiodorus, vox Senatus erat, inter tot eloquentes Viros dicendi primarius, aliaque his similia.

Quod ut intelligatur, semel hic prolixius de his Decuriis & Decuriatibus agendum nobis est, præter ea quæ iam Paratitlon exhibet. Decuriæ equidem in genere *ὁπαγεῖαι* sunt, ut habetur in *Vet. Gloss.* verum specialiore significato Decuriæ V. R. hic dicuntur. Igitur tenendum, Decurias has fuisse varios hominum Ordines, qui Actis *Senatus & Populi* in Urbe Roma vacabant? quod etiam Cassi-

odorus optime docet, non vno ministerii genere, siue actis Senatus excipiendis, siue transcribendis, complendis, scripsiisque Senatus adseruandis (quomodo & in Prouinciis erant, de quibus v. l. 1. *de lucris officiorum*.) De hisce Decuriis (quod recte Cuiacius *XXI. Observ. 10.* observauit) tres in Digestis textus occurrunt, puta l. 3. §. 4. *D. de bonor. possess. l. 22. D. de fideiussorib. l. 25. §. 1. D. de adquir. heredit.* De iisdem est, quod & idem recte obseruat, locus apud Dositheum inter Adriani Imp. sententias num. 9. pag. 867. *Iurisprud. Anteiust. Schulting.* Quod Tertulliani locum in *Apolog. cap. 37.* ut & Taciti 13. *Annal. cap. 27.* attinet, non recte ii ad has Decurias referuntur, verum de Decuriis fabricorum, id genus aliis accipiendum est, quarum frequens mentio in Inscriptionibus. Harum vero Decuriarum numero inter alias fuere, tres istæ, quæ hac leg. memorantur, Librariorum, Fiscalium, Censualium. De singulis ordine.

Librariorum Decuriæ in Prouinciis quoque fuere, ut docet lex i. *supr. de lucris officiorum*: ii vero non alii erant quam qui Acta transcribebant: nam in transcribendo Librarii operam fuisse, docet vel decantata lex 92. *D. de reg. iur.* ipsi sunt quos vulgo dicimus, *les Clercs du Greffe*, de qua transcribendi voce ad eam leg. *SCRIBÆ* vero (de his enim hic malo agere, quia de Decuriis Urbis Romæ agitur) erant, qui ipsimet Acta Senatus excipiebant, concipiebant: vnde Scribarum Regesta laudat Vopiscus in *Probo cap. 2.* Huiusmodi quoque Scribæ olim Romæ erant, qui Magistratibus ibi apparebant, Quæstoribus, Prætoribus, Aedilibus, ut docet Tullius *variis locis*, & Liuius. Horum fidei Tabulæ publicæ periculaque Magistratuum commissa erant, qui cum Magistratibus in rationibus, monumentisque publicis versabantur, ut ex Cicrone 3. in *Verrem cap. 79. & pro domo c. 28. & in Pisonem cap. 25.* discimus. Iidem Magistratibus Romæ ius suggerebant legesque quodammodo in manibus habebant, ut idem docet 3. in *Verrem. cap. 79. & 3. de legib. in fin. & Plutarchus in Catone.* Omniumque Magistratus consiliorum participes erant, Cornelius Nepos in *Eumene cap. 1.* Cicero hunc Ordinem scribit, *Præpositum esse industriae & dignitati 3. in Verrem. cap. 79.* Apud subsellia in Iudiciis confidebant, teste Tertulliano 2. *aduersus Marcionem, cap. 20.* Præter hos fuere & sui Pontificum Scribæ, de quibus Capitolinus in *Macrino cap. 7.* Ad Magistratum Scribas redeamus. Quem Scholiastes Iuuenalis *Satyræ 5. initio, Decuriam Quæstoriam* emisit ait, in quam Scribæ Quæstorii referebantur, cum Scribam Horatius lib. 1. *Satyræ 5. v. 66.* vocat. Cicero 3. in *Verrem cap. 79.* Scribas irridet, qui *Decuriam emerent nummulus corrogatis.* Atque hæc quidem Decuriæ Scribis, i. forte partim attribuebantur, ut docet Cicero 4. *Catilinar. cap. 7. 2. partim*

tim Magistratum gratia, ut præter Ciceronem in *Cluentiana* cap. 45. Liuius scribit lib. 40. cap. 29. *Scribam eum*, inquit, *Quæstor in Decuriam legerat*, 3. partim pretio eam comparabant, ut præter Ciceronem 3. *Verrina* cap. 79. & Scholiastem *Iuuenalis*, l. c. docet Suetonius in *V. Horatii*: *Vitistque*, inquit, *partibus venia impetrata Scriptum Quæstorium comparauit*. Scriptum Quæstorium, ait, quomodo eodem *Scriba Scriptum faciente*, dixit Piffo de Flauio quodam apud Gellium lib. 6. c. 9. & Liuius lib. 9. cap. 46.

Hunc Ordinem Cicero 3. in *Verrem* c. 79. Ordinem honestum vocauit. Non tamen, admodum grauis & honestus fuit Romæ; ut ex Probo in *Eumene* cap. 1. colligitur; & Pifone apud Gellium, vbi de Cn. Flauio Scriba. Neque tamen aditus ad maiores honores his præclusus, ut discimus ex *Valerio Max.* lib. 4. c. 5. num. 3. vbi de Cicerio qui Scipionis Africani maioris Scriba fuerat: & ex Cicerone lib. de *Officiis* 2. c. 8. vbi quemdam memorat qui cum in Syllæ dictatura Scriba fuisset, post in Cæsaris, Quæstor Urbanus fuit. De his Scribis vid. & Sigonius 2. de *Iure Ciuium Rom.* cap. in id expresso 9. & quæ nos supra iam ad leg. 1. de *lucris offic.* vulgo, c' estoient les *Greffiers*, ou *Secrétaires des Magistrats*. Vnde & Decuriæ Scribarum & Librariorum sic iunguntur, ut tamen separantur d. l. 1. *supr. de lucris offic.* & quidem Scribarum Decuria velut dignior præponitur. Et vero Librariorum non tantam fuisse dignitatem, siue rationem, *huius legis* exceptio mox ostendit. Scribarum certe Decuria in Municipiis & Colonis meminit quoque Suetonius in *Vita Claudii* cap. 1. Quare minus proprie Festus voc. scribas: Scribas definit per *Librarios*, qui *Rationes publicas scribunt intabulis*. Ethæc de Librariis.

FISCALES quoniam fuerint, nullo alio loco docemur. Putet quis fuisse eos qui commoda popularia tractabant, seu ficum populi: Sane enim populi Urbis Romæ fiscus quidam fuit, quæ populi commoda vocantur, l. 8. *supr. de Medicis & Professorib.* Nisi forte *seruos publicos* intelligas, quos Capitolinus loco quem mox laudabo, cum Censualibus coniungit, ut hic *fiscales* iunguntur. Verum priori interpretationi adhareo.

CENSUALES tandem fuerunt, qui censum agitabant, censuales libros tractabant: de quibus l. 13. 27. *supr. de Prætoribus*: l. 4. *supr. de testamentis*: l. 5. *supr. de Senatoribus*: l. 8. *supr. de donationibus*: l. 1. de *studii liberalibus Urbis Romæ*: l. 1. de *habitu quo vti*. De his Symmachus quoque non uno loco: & Sidonius Apoll. lib. 8. *epist. 6.* In Notitia quoque Imperii Censuales in officio Præfecti Urbis Romæ, de quibus ipsis est hæc lex memorantur.

Locus de his quoque insignis Capitolini in *Gordianis* cap. 12. vbi tacitum Senatus consultum esse ait, *vbi non Scribæ, non serui publici, non Censuales actibus interessent, Senatores exciperent, Senatores omnium officia Censualium, Scribarumque complerent, ne quid forte proderetur*. Denique actis Senatus populique, hi omnes similesque Decuriales vacabant: quorum Urbis, seu Senatus populique actorum meminit quoque Lampridius in *Commodo* cap. 15. & *Alexandro Severo* cap. 6. 56. Notat quoque Spartianus in *Adriano* c. 3. Adrianum post Quæsturam Acta Senatus curasse. *C'estoit donques en effet, la Greffe & la Basoche*. Et hæc quidem de tribus illis Decuriis. De aliis Decuriis dixi ad l. 1. *supr. de lucris officiorum*, & ad l. 46. *supr. de cursu publ.* De iisdem sentit & Suetonius *Octauio*, cap. 57. *Veterani*, inquit, *Decuria, Tribus*: & Tacitus 13. *Annal.* cap. 27. *Hinc plerumque Tribus, Decurias, Ministeria Magistratibus & Sacerdotibus*. Cæterum diuersi hi Decuriales seu Decuriæ hæc V. R. fuere a collegiis & corporibus Urbis Romæ, ut apparet ex diuersitate titulorum: est enim hic separatus titulus

de *Decuriis Urbis Romæ*, separatus de *priuilegiis Corporatorum Urbis Romæ*: distinctus de *Collegiatis*. Nam etsi negari non possit generali corporum appellatione, Decurias quoque venire potuisse, ut & Collegii appellatione donantur, l. 4. attamen hic aliæ sunt Decuriæ, alii proprie Corporati & Collegiati. *Decuriæ* scilicet dicebantur eorum, qui Actis Senatus populique vacabant: vnde etiam primo loco de his agitur, veluti dignioribus. At Corporati erant obsequiis publicis deputati, seu ministeria necessitatibus Urbis consulentia, ac inter alia annonæ Urbis: de quo vide *Paratitlon tit. prox. 2. Collegiati* vero, erant ferme sacris deferuentia collegia, ut discimus ex l. 2. *tit. de Collegiatis*. Quare Clar. Salmasio non accedendum lib. 1. cap. 2. p. 22. de *Primatu*; qui Collegiorum partem facit Decurias has: & collegia adeo, utpote numerosiora propter hominum multitudinem in plures Decurias distribui solita; & si quando numerus hominum, quos idem artificium vel professio in vnam societatem ac sodalitium cogebat, adeo paucus erat, ut plus quam vnam Decuriam explere non possent, tum Decuriæ tantum nomine veniebat, quod vnicam duntaxat efficerent Decuriam. Ergo Decuria erant, quæ actis Senatus in Vrbe Roma vacabant. Sic & cum Scribæ memorentur Magistratum, velut *Ædilitii, Quæstorii & Tribunitii*, & aliorum. In *Inscript. antiqua*, apud Gruterum *DCXXVII. 7.* memoria extat, *SCRIBÆ LIBRARI QVÆSTORI TRIVM DECVRIA-RVM*, qui scilicet in pluribus Decuriis fuisset. Memorat & Schol. *Iuuenalis*, ad *Sat. 5. initio*: *Decuriam Quæstoriam*. Mentio & in antiqua *Inscriptio*, *DECVRLE SCRIBARVM ÆDILIVM CVRVLIVM* apud Gruter. *CCCXXVI. 9.* Vide & alia in d. *Inscript. antiq. Pag. XXXV. 5. CVII. 8.*

Ad sententiam Legis nunc descendamus. Igitur Constantius Imp. in Principe, seu Iudice, ut vocatur l. 3. in *fin.* Decuriæ, Literarum studium & eloquentiam desiderat non frustra, exceptis tantum tribus Decuriis, quas dixi, Librariorum scilicet, Fiscalium, & Censualium: quia scilicet hi omnem operam in scribendo tantum nauabant. At enim primores aliarum & superiorum Decuriarum, veluti Scribarum, maiorem intellectum desiderabant, & vocem quoque suam commodabant: quare Literarum perita & facundia in his requisita: ut ita (quod Constantius hac leg. diserte ait,) *citra offensam vitii ex iisdem verba procederent*. Vnde &, quod antea dixi, Cassiodorus Rectorem Decuriarum, *vocem Senatus* vocat: apud quem occurrunt & alia quamplurima eandem in sententiam, quæ hic adscribi mererentur, *duabus epistolis 21. & 22. lib. 5.* Et hæc quidem de primo Requisito in promotione Decurialium.

Alterum requirit hac leg. Constantius Imp. nempe ut ad suggestionem Præfecti Urbis (huic enim hæc leg. inscribi iam ostendi in *Notis*) promotio ipsa ab Imperatore fiat. Ad suggestionem, inquam Præfecti Urbis, qui ut Senatus populique Romani caput erat, ita & Decuriarum omnium Princeps: quare ut duæ insuper huius tituli constitutiones Præfectis Vrbi inscribuntur, puta *lex 2. & lex vltim.* ita & hæc lex Iuliano Præfecto Urbis pariter reddenda est. Et notandum, quod Constantius suum in *Literas & Literaturam* studium, non modo, eo, quod dixi, *Literaturæ* elogio testatum facit, verum & præmia illi a se non deneganda proficitur: & exinde eo fine eius nomina sibi indicari iubet, qui ad locum *primi Ordinis* in Decuria electus fuit: *Ut ita*, inquit, *honestiorem faciat prouiso Principis, isque deliberet, quæ in eum dignitas dependenda, deferenda, decernenda sit*. Eadem ratione, etsi forte alio fine, Iulianus Imp.

decretum

decretum seu electionem Magistrorum, Doctorumque, ad se referri voluit, *Vt altiore*, inquit, *quodam honore ipsius iudicio ad studia accederent.* l. 5. *hoc Codice, & leg. 7. Cod. Iustin. de Medicis & Pro-*

fessoribus: ad quam leg. vide quæ dixi. Neque abludit etiam quod Valentinianus Imp. statuit, l. 8. d. tit. *infr. de Medicis & Professorib.*

P. 142. II. (a) Imppp. VALENTINIANVS, Theod. & Arcadius AAA. ad
Salustium P. V. (b)

PRIVILEGIORVM, antea (+) Decurialibus concessorum firmitatem mutare, (c) nec volumus, nec debemus: quinimo ea quæ primitus statuta perdacentur, (d) etiam Nostræ Mansuetudinis sanctione permaneant. Dat. III. Id. Iun. Med. Honorio NB. P. & Eudodio Coss. [386.]

NOTÆ.

(a) Abest hac lex a *Cod. Iust.* Iungenda porro illi lex 18. *infr. de Pistorib.* GOTHOF.

(b) *Salustius P. V.* Romæ sub Valentiniano Iun. De hoc vid. *Prosopogr.* ID.

(+) Non exstant hæc constitutiones. ID.

(c) An mutare? nil muto. ID.

(d) *Perdoci*, pro simplici, *doci*. ID.

COMMENTARIVS.

DE PRIVILEGIIS Decurialium, & ferme quidem Urbis Romæ, sunt sequentes quinque *Leges* omnes, & hæc quidem VALENTINIANI Iunioris, vt docet eius subscriptio simul & inscriptio: *Data enim hæc lex Mediolani*, vbi certe tum erat Valentinianus Iun. Theodosio M. tum Constantinopoli locato, & ad *Salustium P. V.* Romæ, quæ Vrbs Valentiniano Iun. parebat: ad Salustium, inquam, P. V. Romæ, de quo plura in *Prosopogr.* ad quem eiusdem Valentiniani Iun. rescriptum refert ex Codice Vaticano Baronius, (& recte quidem hoc ipso anno 386. n. 39. argumento *huius leg.* simul, & l. 18. *infr. de Pistoribus*, quæ huic coniungenda est, mox vt dicam) de Basilica videlicet B. Pauli via Ostiensis amplificanda: quam tamen postea Theodosio M. adscribendam perperam censuit. Huius vero legis eadem sententia est, quæ quatuor reliquarum: Nempe illis omnibus privilegia in genere Decurialium iam antea concessa,

confirmantur: neque satis ostendunt, quænam illa privilegia fuerint: nam quæ posteriore legis 4. parte, & lege 6. seu *ultim.* indicantur, non tam privilegia sunt, quam emolumenta eorum spectant. Vna lex 4. privilegium aliquod Decurialium *ἑστώς* designat, nempe, vt Iniuriis corporalibus non subiaceant, de quo ad *eam leg.* Illud obseruandum, *hanc leg.* esse partem maioris constitutionis Valentiniani Iun. vnde desumpta est quoque d. lex 18. *de Pistoribus*, quæ proinde huic coassanda venit: qua pariter Decurialium privilegia confirmantur: parte altera vero Mancipibus Pistoriis consulitur: constituto, vt ne Pistorio Mancipatu quiliquam liberetur, siue Decuriali professione, siue Principis rescripto, aliaue qua militia. Et sic fuit ea constitutio de *Corporibus & collegiis Urbis Romæ*, quibus ea constitutione Valentinianus Iunior consul-tum iuit.

III. (a) Idem AAA. Tryfolio PF. P. (b)

PERIRE nolumus, quod Æternæ Vrbi (c) constat fuisse concessum: Vsq̃ue adeo privilegia vetusta seruamus, vt noua (inquantum ratio permittit) beneficia præstare velimus. Vnde, in defendendis Decurialibus (quos binos *esse*, ex singulis quibusque Urbibus omnium Prouinciarum, veneranda decreuit (+) antiquitas) id obseruare debebis, quod vel priscorum Principum constitutis, vel nostris (++) intelligis sanctionibus definitum. Si (*) quis vero Decuriale de auferendis privilegiis putauerit lite pulsandum, intelligat se Decuriae interpellare debere Iudicem. Dat. XIV. Kalend. Febr. Med. Timasio & Promoto Coss. [389.]

NOTÆ.

(a) Abest a *Cod. Iust.* huius leg. pars potissima. GOTHOF.

(b) *Tryfolius PF.* Italiæ (vt vel hæc lex docet) sub Valentiniano Iun. vid. *de eo Prosopogr.* & quæ dico ad l. 15. *de hereticis.* ID.

(c) Æterna Vrbs Roma; vid. *Topogr.* ID.

(+) Decreti

(†) Decreti huius veteris nulla alibi mentio. *ID.*

(††) *Vt Lex 2. supr. ID.*

(*) *Lex 1. Cod. Iust. cod. tit. hinc desumpta est. ID.!*

COMMENTARIUS.

DE PRIVILEGIIS Decurialium Urbis Romæ secunda hæc eiusdem *Valentiniani Iunioris* hoc titulo constitutio est, paulo post Maximum Tyrannum deuictum data: qua vetera seu anteriora Decurialium privilegia seu beneficia, partim ab anterioribus Principibus, partim suis constitutionibus (quo numero est *lex 2. supr.*) delata, seruari iubet: cuius postremus tantum versiculus in *Codicem Iustinianum* relatus est. In eavero quatuor singularia occurrunt: Primo ex *hac leg.* discimus, quam enixo studio Decurialibus his atque adeo Urbis Romæ consultum voluerit *Valentinianus Iun.* quod *prefatione sua* testatur: inter alia cum ait; *usque adeo privilegia vetusta seruamus, ut noua, in quantum ratio permittit, beneficia prestare velimus.* Quibus paria sunt, quæ *Theodoricus R.* apud *Cassiodorum IV. Var. 26. Libenti animo antiqua circa vos beneficia custodimus, cum noua utilitatibus vestris prestare cupiamus.* Congruit & initium *legis ult.* Idque ipsum præferunt & sequentia.

Secundum *hac leg.* singulare est, quod nusquam alibi occurrit, quod bini Decuriales ex singulis urbibus omnium Prouinciarum inter Decuriales Urbis Romæ essent: idque ex venerandæ Antiquitatis decreto, seu veteri instituto. Ex singulis, inquam, Urbibus Metropolitanis videlicet & maximis: hæ enim proprie *Urbes* dictæ: vid. *l. 4. §. 9. D. de damno infecto; πότες τῶν πόλεων*, Septuaginta Interpretibus *Ezechielis cap. 16.* vbi Hieronymus vertit, *Ciuitatum matres.* Nempe sicut *Urbs* absolute de Roma, ita & alia præclaræ Urbes: veluti Alexandria, de quo *alibi* iam dixi. Eoque sensu *clara Urbes* *Aufonio.* Et hac igitur communione Urbis Romæ, Romanæ Prouinciæ decoratæ fuere, quomodo & alias peregrinis Curia seu Senatus aditus patebat: de quo cum alii, tum *Rutilius Numatianus.* Id vero duplici vt videtur fine factum: siue vt Senatus populique gestorum omnes Prouinciæ hac quoque ratione participes & scientes forent: siue vt essent, quos Prouinciales Romam commeantes specialius conuenire possent, vbi actis Senatus populique opus haberent.

Tertium singulare *hac leg.* est, quod ex ea discimus, singulas Decurias Urbis Romæ, suum & peculiarem *Iudicem* habuisse: quod aliunde non discimus, nisi quod idem videtur cum eo, qui *Primi*

ordinis, & primo loco inter Decuriales dicitur *l. 1. supr.* vbi vid. quæ dixi. Is enim cuius apud *Cassiodorum* mentio fit, *lib. V. Variar. 21. & 22.* non vnus Decuria Iudex, verum omnium Decuriarum Rector vocatur. Sed & Iudices, de quibus *l. 4. hoc tit.* sunt Rectores Prouinciarum. Iudicem igitur suum & peculiarem habuere singulæ Decuriæ Urbis Romæ, quemadmodum & corpora singula eiusdem Urbis Romæ ex sese Defensores & Iudices habuere: de quo locus est apud *Lampridium in Alexandro Senero cap. 33. Romæ corpora omnium constituit, vinariorum, lupinariorum, caligariorum & omnino omnium artium: hisque ex sese Defensores dedit, & iussit quid ad quos Iudices pertineret.*

Hunc igitur Iudicem, quod postremum singulare est *hac leg.* quodque vnus *Tribonianus* ex *hac leg.* retinuit, inque *Codicem Iustinianum* retulit, interpellare debebat is, qui Decurialium alicui de privilegiis controuersiam mouebat. De auferendis scilicet privilegiis Decurialem lite pulsare, hic est, (quod *Codicis Iustiniani Interpretes* non obseruant;) status & sic privilegii controuersiam mouere ei, qui stat in ordine Decurialium. Exempli gratia: si tres ex vna Urbe Decuriales essent, cum bini nonnisi esse possent: quod exemplum hic apponendum series *huiusce leg.* ostendere videtur: Vel etiam si aduersus Decurialem contra privilegia his indulta, aliquid prætenderet: Suum igitur verbi gratia, Librariorum Decuria Iudicem, suum Fiscalium; suum Censualium, & sic deinceps habuere: qui eorum Defensores essent, cum de privilegiis eorum ageretur; non, vt *Codicis Iustiniani Interpretes* accipiant, qui de quacunque lite inter Decurialem & alium cognosceret: Iudices enim Decuriarum hi instituti, vt inter Decuriales cognoscerent, deque his, quæ ad Decuriam vel Decurialem statum pertinent. Quanquam etiam neque illud satis liquidum, vtrum cum de privilegiis Decurialium ageretur, Iudices hi de controuersia cognoscere potuerint, an vero hoc casu tantum interpellari debuerint, quasi in re ad totam Curiam pertinente: vt ita ipsi apud Præfectum Urbis defensionem Curia susciperent, vel apud Præfectum Prætorio, cui hæc *lex* inscribitur. Tandem, nescio, an non & hæc *lex* pertineat ad *Maximi Tyranni* actus infirmandos: quomodo & ad eundem *Trifolium* duæ alia Leges datæ super eo: *l. 6. 7. infra, de infirm. his quæ sub Tyrannis.*

IV. (a) Imppp. Arcadius, HONORIVS & Theod. AAA. Exsuperantio, (b) Iulio, & cæteris Decurialibus. (c)

LEGES; (†) tam a superioribus Principibus, quam a Diuo Patre (d) Nostro conditas, nostra auctoritate firmamus. Singulos itaque Iudices (e) scire volumus, ne quis huic (f) Collegio (g) Iniuriis (h) corporalibus temptet notam adterere: (i) neque ab his commodis, (k) quæ rationibus (l) adprobantur, audeat separare: Huic etenim (m) Collegio volumus antiquam privilegiorum prærogatiuam seruari. Dat. VIII. Id. Iul. Rom. (n) Honorio A. VI. & Aristeneto Coss. [404.]

NOTÆ.

- (a) *Lex 2. Cod. Iust. hoc titulo.* Forte hoc rescriptum suum intelligit Honorius *l. 5. prox. GOTHOF.*
 (b) Videntur hi duo, Iudices fuisse quarundam Decuriarum; de quibus ad *l. 3. super. prox. ID.*
 (c) Num alicuius certæ Decuriæ? an vero omnium? Illud puto. *ID.*
 (f) Harum Legum de privilegiis Decurialium crebra fit mentio: *buius tituli Legib. ID.*
 (d) Theodosii M. Leges nota, de iisdem privilegiis: de quibus mox. In Cod. I. legitur, *dino parente. ID.*
 (e) *Iudices*, id est, Rectores Prouinciarum. *ID.*
 (f) Decurialium, vt ex Inscript. *legis patet. ID.*
 (g) *Collegium Decurialium hic: & rursum sine leg. ID.*
 (h) Id est, per iniurias corporales: de quibus *Iniuriis corporalibus, mox. ID.*
 (i) An *adurere*? Nil necesse: Codex Iustinianeus quoque ita habet. *ID.*
 (k) *Commoda* hic. Alia sunt ab his *emolumenta*: de quibus *l. ult. ID.*
 (l) An Sanctionibus? vt *l. 2. 3. super.* Nil temere muto. *ID.*
 (m) Enim *Cod. Iust. ID.*
 (n) Honorius, hoc anno *Rome* fuit: vid. *Chronolog. Theod. ID.*

COMMENTARIUS.

^{P. 144} DE PRIVILEGIIS & commodis Decurialium est hæc HONORII Imp. constitutio, ab ipso Romæ constituto data: vbi quinque notanda sunt. *Primo* inscriptio notanda est, quæ duobus Decurialium scilicet Iudicibus (de quibus ad *l. super. prox.*) diserte inscribitur, & ad quorum querelam Rescriptum hoc emissum est. *Secundo* notandum memorari, confirmarique ab Honorio *hac leg.* non modo alias superiorum Principum hac de re constitutiones, verum signate etiam Patris sui Theodosii M. quæ nusquam alioquin occurrunt: quas tamen a Theodosio M. latas existimo *Romæ*, vbi post Maximum Tyrannum deuictum hæsit: pariter vt hæc *lex* ibidem ab Honorio data ibi consistente, quod *Tertium* hic notandum est, de quo vid. *Chronolog. Theod.* Quarto notandum hic est, privilegium Decurialium, quod hic exprimitur: nempe *Immunitas ab iniuriis corporalibus*: id est, vt interpretor, a quæstionibus & tormentis: quo ipso sensu iniuria corporalis accipitur, *l. 10. super. de fide iessum: l. 47. 80. 190. super. de Decurionib. l. 6. super.*

de quæstionibus: & iniuria corporis, l. 39. & 75. d. tit. de Decurionibus: quod quidem privilegium pro magno, aliis quoque datum, & quidem Decurionibus, saltem primoribus inter eos, de quo sunt leges illæ aliæque plures *tit. de Decurionib.* Quinto firmantur Decurialibus, hac constitutione, & *Commoda*, sed a quibus eos separare Iudices nitebantur, actibus videlicet eorum intercedentes, & sic emolumentis eos fraudantes, vt *l. ult. hoc tit.* Addit vero limitationis vice, *rationibus approbata*, iuris scilicet & æquitatis: vel vt loquitur *lex 3. super. in quantum ratio permittit*: & sic moderata iustaque *commoda & emolumenta*, & iuxta diuina statuta: *d. l. ultim.* Tandem, Iudices hæc privilegia Decurialibus seruari iuber a *Iudicibus*, id est, a Rectoribus Prouinciarum, qui scilicet Collegio huic minus fauentes erant, suiique eos privilegiis & commodis fraudabant: vt ferme Iudices huiusmodi privilegiatorum privilegiis & actibus intercedebant in suorum gratiam ea auertentibus, & in actus eorum inuolantibus.

V. (a) Idem AAA. Curtio PF. P. (b)

CVM (c) tot & tam euidentibus præceptionibus (†) sacris iam inde ab antiquis Principibus, nostris quoque Rescriptis, (d) decuriæ sunt Sacratissimæ Urbis privilegia confirmata, ad tamen quæ sæpius statuta sunt, hæc (e) etiam lege firmamus, &c. Dat. VII. Id. April. Rau. (f) Honorio VII. & Theod. II. AA. COSS. [407.]

NOTÆ.

- (a) Absit hæc *lex* a *Cod. Iustin.* GOTHOFRED.
 (b) Curtius sub Honorio PP. Italiæ, vt vel ex *hac leg.* discimus: vid. de eo *Prosopogr. ID.*
 (c) Id est, et si tot. *ID.*
 (†) *Præceptionibus*, id est, sanctionibus, constitutionibus. *ID.*
 (d) Veluti *l. 4. super. ID.*
 (e) Malim *hac*, vt habet Edit. Quartan. et si illud sustineri potest. *ID.*
 (f) Malim *Romæ*: vbi hoc anno Honorius constitit: vid. *Chronol. ID.*

COMMENTARIUS

DE PRIVILEGIIS Decuriarum est hæc altera iam Honorii Imp. constitutio; qua superiores non tantum Principum sanctiones super his memorat, simul & confirmat, verum & sua quoque ipsius Rescripta: Quo numero sane fuit *lex 4. supr.* Et hac quidem lege emissa ad Præfectum Prætorio Italiæ, pariter vt inscribitur *lex 3. supr.*

VI. (a) Impp. Honorius & Theod. AA. Bonosiano P. V. (b)

VELLEMVS priuilegia augere Decuriæ, (c) nisi genus esset iniuriæ, antiquitati (d) aliquid sociare. Quare cuncti cognoscant, quinque libras auri multæ nomine propositas, si quo in loco eorum (e) actibus (f) vilius persona obripere (g) forte temptauerit. Emolumenta (h) omnia per diuersos erepta (i) rethiberi (k) discernimus. In eos sane, qui contra Diuina statuta venisse dicuntur, Spectabilis Vicarius Africæ (l) vindictam ferre curauit, (m) Dat. VII. Kalend. Octob. Rauen. Honorio VIII. & Theod. III. AA. Coss. [409.]

NOTÆ.

- (a) Et hæc lex abest a Cod. Iustin. GOTHOFR.
 (b) Bonosianus sub Honorio Imp. P. V. Romæ: Eidem inscribitur Ann. 411. *lex 48. infr. de operib. publicis*: ad quem ipsum forte annum hæc *lex* referenda est. ID.
 (c) Cuiusdam, seu certæ, de qua agebatur. ID.
 (d) Antiquitatis hac parte religiosius Honorius: pariter vt in *sp. d. l. 48. ID.*
 (e) Decurialium, de quibus tamen *supra* non actum fuit. ID.
 P. 145. (f) Id est, in eorum actus. ID.
 (g) Obrepere. ID.
 (h) Sportulas, lucella. ID.
 (i) Prærepta. ID.
 (k) Redhiberi, id est, reddi, præstari. ID.
 (l) *vs. Vicarius* deleta voce *Africæ*, de quo mox. ID.
 (m) Curabit. ID.

COMMENTARIUS.

ACTIBVS ad Decuriales certæ cuiusdam Decuriæ, quæ hic non exprimitur, pertinentibus inmiscere se: seu actus vindicare sibi, quemquam vetat hac constitutione Honorius: & vt ipsemet loquitur, obrepere eorum actibus, quæcunque tandem persona sit, etiam alterius forte Decuriæ finitimæ: veluti si Censualis Librarii actibus, aut Fiscalis sese immisceat: sua cuique Decuriæ munia, sui actus seruandi sunt. Et poenam quinque librarum auri proponit Honorius, & emolumenta seu lucella & sportulas exinde quæsitæ restitui vult. Scilicet Decuriæ cuiusdam certæ actus, & priuilegia hoc tempore ab aliis inturbata fuerant, in hac Vrbe Romæ per hos annos colluic. Quæ omni ope enixoque studio huic reddi voluit Honorius: præfatione etiam addita, qua animum suum erga eam testatum cum maxime facit: cui simile est quod continetur l. 2. *supr.* ad quam dixi.

Quod ipsam sanctionem attinet, haud absimilis est Constantini M. *lex 1. supr. de lucris officiorum*, quæ & ipsa Decurialium actibus per Prouincias obrepere, Officiales Rectorum Prouinciarum vetat: ad quam *leg. dixi.* Similis *lex 4. supr. de Testamentis*, seu l. 18. *Cod. Iust. eod. vid. & l. 5.*

supr. de Princip. agent. in reb. Toutes ces Loix sont Reglemens d'Estats & Offices. Caterum notandum, quod Antiquitati hac in re stari vult Imp. quæ vtique regula est in huiusmodi controuersis & sanctionibus, vt præter hanc *leg.* eadem illæ *leges* docent.

Et hæc quidem Honorius Imp. in fauorem Decuriæ cuiusdam. Atenim vicissim Decurialibus Decuriæ istius modum imponit *sine leg.* Nempe vt eorum actibus obrepi noluit, ita contra Decuriales ipsos, si quid deliquisse probentur, a Vicario puniri iubet. Eiusdem scilicet prouidentia est, priuilegia, actusque cuiusque tueri, & eiusdem actus culpabiles punire. Atque ita extrema *huius leg.* accipio, argumento vocis, SANE, quæ temperamenti index est, & cautionis in alteram partem. Ergo a Vicario eos puniri iubet: a Vicariis, inquam, vrbs. Error enim est Librarii *sine leg.* qui scripsit *Vic. Africæ*, diductis literis, cum debuerit continuis literis scribere *Vicarius*: Quid enim hic faciat Vicarius Africæ? cum de Decurialibus Vrbs Romæ hic agatur, & lex ipsa ideo ad *Præfectum Vrbi* data sit: denique hæc *lex* posita sit sub tit. de *Decuriis Vrbs Romæ*? Sed error hic non uno loco admissus hoc Codice.

DE PRIVILEGIIS* CORPORATORVM VRBIS ROMÆ.

TITVLVS II.

LIB. XI. COD. IVST. TIT. XIV.

* Non tantum de priuilegiis Corporatorum Vrbis Romæ hoc titulo agitur, verum etiam de necessitate huius functionis; quo pertinet *lex vltim. hoc tit.*

PARATITLON.

CORPORATI Rubr. & l. 3. 4. hoc tit. l. 1. *infr. de studiis liberalib. Vrbis Romæ. l. 156. supr. de Decurionib. Rubr. tit. de Suariis, pecuariis, & Susceptoribus vini, cæterisque corporatis. l. vnic. de Equestri dign. & Nouella Valentiniani, inter Theodosianas 26. de corporatis V. R. & 40. de Pantapolis ad Urbem Romam reuocandis: & Nouella Valent. de Episcopali iudicio 12. Nouella Maioriani 1. cap. Et quoniam: & Nouella Seueri 2. de Corporatis, erant Corpora varia, l. 1. hoc tit. corpora obsequiis publicis deputata, Nouella Seueri 2. corpora ad Vrbis Romæ priuilegia pertinentia, l. 8. *infr. de Suariis, in fin.* (& generali appellatione incolæ Vrbis, l. 2. hoc tit.) Vrbis Romæ, Rubr. & l. 4. hoc tit. & d. Nouella Seueri 2. & d. Nouella Valentin. 26. Vrbis æternæ, l. 2. 3. hoc tit. Vrbis Sacratissimæ d. Nouella Valent. 26. ministeria necessitatibus Vrbis consulentia, d. Nouella 26. ac nominatim annonæ vrbis, veluti Pistores & Catabolenses, tit. prox. 3. de Pistorib. & Catabolensib. Suarii, Pecuarii, fufceptores vini, tit. 4. Mancipes thermarum vrbis, & subuectioni lignorum obnoxii, tit. 5. Calcis coctores, tit. 6. Aliaque minuscule corpora, l. vnic. *supr. de Mancipibus.* Quæ omnia sub dispositione Præfecti Vrbis erant, quod docent omnes huius tituli *leges: lex 4. Cod. lust. de off. P. V.**

PRIVILEGIA porro Rubr. & l. 1. hoc tit. seu suffragia l. 3. hoc tit. pro reuerentia Vrbis æternæ, d. l. 1. b. t. in honorem æternæ Vrbis, l. 3. b. t. eo quod peruigilem laborem populi Romani commodis exhiberent, l. 6. *infr. de Suariis:* quædam his concessa fuerant, quæ ad priuilegia Vrbis Romæ pertinebant, l. 8. *infr. de Suariis:* veluti, vt ne quid nouum, id est, ne extraordinariam collationem sustinerent, l. 2. hoc tit. vt ne ad Militiam cogerentur, nisi ad murorum & portarum custodiam, d. Nouella 40. vt studiosi Romæ agentes, in patriam remittendi non sint legitimo studiorum tempore exacto, si corporatorum sint oneribus adiuncti, l. 1. *infr. de studiis lib. V. R.* Vicissim ita huic ministerio seu oneri nexi erant Corporati, vt non expleto ordine officii ad nullam militiam vel Clericatum confugere possent, d. Nouella Valentin. 26. & d. Nouella 12. cap. Nullus originarius: & Nouella Maioriani 1. cap. & quoniam: & l. 8. *infr. de Suariis:* vbi dicam. Vt testimoniales ex-Protectoribus & domesticis nihil eis prodesse, l. 156. *supr. de Decurionib.* vt in peregrina transgressi cura Præsidum vrbi restituendi essent: l. vltim. hoc tit. Et hæc de Corporatis Vrbis Romæ. Fuerunt enim & Corporati huiusmodi in Prouinciis: de quibus l. 2. *infr. de Collegiatis. l. 5. supr. de locat. fundor. l. 24. supr. de annona & tribut. l. 34. supr. de Nausulariis. l. 2. de Alexandr. pleb. primatib. & d. Nouella Valentiniani 12. & d. Nouella 2. Seueri.* Quanquam & hic illud addendum, supplendis Corporibus & Corporatis Vrbis Romæ, sæpe peregrinos ibi agentes Corporatis his adnexos: vt docet d. l. 1. *de studiis lib. V. R. & l. vnic. de Equestri dign. vid. & quæ noto ad l. vnic. de Mancipibus.* Tandem de his Corporatis Vrbis Romæ videndæ Symmachi epistola 27. & 58. lib. 10. vt & duæ epistolæ filii eius in negotio Eulalii, 19. & 29. in *Auctuario Symmachiano.*

I. (a) Impp. VALENTINIANVS & Valens AA. ad Symmachum P. V. (b)

EA priuilegia, quibus pro reuerentia (c) Urbis æternæ, varia Corpora hominum, vel priscarum Legum (†) cautio, vel antecedentium Principum fuit humanitas, Magnifica Sinceritas Tuascat, vel confirmata esse arbitrio Serenitatis Nostræ: vel, si in aliqua parte titubauerint, restituta. Dat. Kalend. Iun. (d) Bonamansione, (e) PP. (f) in Foro Traiani, diuo Iouiano & Varroniano Coss. [364.]

NOTÆ.

(c) *Abest hæc lex a Cod. Iustin. GOTHOF.*

(b) *Symmachus P. V. sub Valentiniano Sen. non Epistolographus, qui & ipse P. V. fuit sub Valentiniano Iun. Ann. D 384. & 385. verum eius pater: de quo mox, & in Prosopogr. ID.*

(c) *In honorem æternæ Urbis, l. 3. init. ID.*

(†) *An priscæ leges hic sunt veteres populi Romani? ID.*

(d) *vsq. VI. Kal. Iun. vt l. 12. supr. de erogat. mil. ann. Id enim Valentiniani Imp. itineris ratio deposcit: vid. Chronolog. ID.*

(e) *Bonamansio inter Serdicam & Philippopolim fuit, vt ex Itinerario Burdegalensi discimus, & Auctore vite S. Alexand. Martyris: in Thracia, ubi tum erat Valentinianus. Hinc adeo a Valentiniano data hoc anno Philippopoli, mox Philippis IX. & VIII. Kalend. Iun. lex 19. de cursu publico: lex 11. de operib. publicis. III. Kal. Iun. Serdica lex 3. de Legatis: VI. Kal. Iun. d. l. 12. de erogat. mil. ann. & hæc lex: vid. Chronologian. Locus ex Itinerario Burdegalensi hic est pag. 566. seqq. Edit. Wesseling. Ciuitas Naïssæ, Mansio Romaniana, Mansio Turribus, Mansio Meltia, Ciuitas Serdica, Mansio Buragava, Mansio Iliga, Mansio Bonamans. Mansio Basapare, Ciuitas Filipopuli. Vide & quæ scribo ad l. 13. infr. de operib. publ. ID.*

(f) *PP. in foro Traiani: vid. Prolegom. ID.*

COMMENTARIVS.

PRIUILEGIA Corporatorum Urbis Romæ hac constitutione a Valentiniano Sen. partim confirmantur, partim & restituuntur, si forte alicubi titubassent. Et quidem constitutione emissa ad Symmachum P. V. non Epistolographum (in quo CL. Cuiacius labi visus, ad l. 1. Cod. Iust. eod. tit.) verum eius Patrem: cuius etiam honesta mentio apud Ammianum lib. 27. cap. 3. & cui vetus Inscripção apud Gruterum CCCLXX. 3. posita. Quare neque hæc lex ad illam Equorum collationis immunitatem pertinet, de qua Symmachus lib. 10. epist. 27. ad Valentinianum Iuniorem illius filium, quem Iuuenem diserte ibi vocat scribens. Verum ad illud forte potius, quod de hoc Valentiniano Seniore ibidem scribit ad Valentinianum Iuniorem eius filium: Inter cætera scilicet, quibus Symmachus ea epistola Valentinianum Iuniorem dehortatur ab imperata Equorum collatione Corporatis Negotiatoribus, hæc addit: *Celi particeps Parens Clementia vestra* (id est, Valentinianus Sen. huius leg. Auctor) *cum MVNVS exiguum huic hominum generi (corporatis negotiatoribus Urbis) mandare tentasset, motus libertate plebis abstinuit. Et certe paucorum CVRAM res illa postebat: magisque OFFICIUM desiderabatur TRACTANDÆ PECVNIAE PVBLICÆ, quam dispendium conferenda: Consuluit tamen gloria sua, ne quid inberet inuitis: & diligentissimus ac serius Imp. speratum emolumentum tanquam popularis ignouit: Nec putet Aternitas vestra ab incepto temere destitisse Deo proximum virum: Nouerat horum Corporum ministerio tanta Urbis onera sustineri, &c. quæ mox subiiciam. Quare videri cui possit Symmachus hisce verbis de hac leg. sensisse. Quod si ita est (quod non temere aditro.) tum hæc lex eo pertineat, vt Immunitatem ab extraordinariis muneribus Corporatis iam olim concessam confirmet: quæ sane sententia est Legis Valentiniani Iun. l. 2. prox.*

infr. Imo Orationis sue, cuius ipse meminit l. 2. infr. de Calcis collectoribus: ac nominatim ab extraordinario munere seu officio & cura publicæ pecuniæ tractandæ. Illud sane certissimum mihi, Symmachum patrem P. V. huius leg. Valentiniano Sen. Auctorem vel incentorem fuisse, vt multarum aliarum, quarum aliquammultæ occurrunt infr. tit. prox. de Pisforibus: & tit. de Nauiculariis: & tit. de prædiis Nauicul. pro bono scilicet seu vtilitate Urbis Romæ. Quod Valentinianum attinet, sane hoc ipso tempore Valentinianus studium suum vtilitatis Urbis Romæ consulentis testatus est expresse l. 1. Cod. Iust. de offic. P. V. Inter cætera vero restituta Corporatis Urbis Romæ ab eo priuilegia, inter Imperii sui statim initia, quæ antea sub Constantio forte imminuta & labefacta fuerant; quo pertinet hæc lex & l. 10. supr. de Nauiculariis: Quod innuant illa huius leg. verba, vel si in aliqua parte titubauerint, restituta. Quod Symmachum vero attinet, eiusque studium in erigenda statu Urbis Romæ, eo pertinet quod Ammianus Marcellinus de eo scribit lib. 27. cap. 3. Symmachus Aproniano successit, inter præcipua nominandus exempla doctissimarum atque modestiæ: quo instante Urbis Sacratissima otio copiosius abundatius solito fruebatur, & ambitioso ponte exultat atque firmissimo, quem condidit ipse, & magna ciuium lætitia dedicauit. Et hæc quidem de huius leg. sententia.

In huius interim tituli ingressu de Corporatis in genere præter ea quæ Paratitlon exhibet, extrinsecus adicienda puto quatuor. Primo ex Lampridio. At is in Vit. Alexandri c. 33. Alex. Severum Roma corpora omnium constituisse, Vinariorum, Lupinariorum, Caligariorum, & omnino omnium Artium: bisque ex sese Defensores dedisse, & iussisse, quid ad quos Indices pertineret: ubi Lupinariorum vocem non temere mutem: id enim ostendere voluit Lampridius, minutissimarum quantumcunque Artium corpora ab Alex.

ab Alex. Seuero instituta; *Lupinariorum*, inquit, *caligariorum*, & *omnino omnium Artium*. Et sane minusculorum corporum mentio quoque *l. vn. supr. de Mancipib.* Secundo obseruanda cum primis insignis de Corporatis & eorum priuilegiis ac immunitatibus Symmachi F. epistola illa *lib. 10. epist. 27.* vbi præter ea quæ iam superius exinde notata, vtilitatem eorum, tum & varia eorundem genera describit: *Nouerat* (Valentinianus Sen.) *horum corporum ministerio tanta vrbis onera, sustineri.* Hic lanati pecoris inuektor est: ille ad victum populi cogit armentum: hos suilla carnis tenet functio: pars vrenda lauacris ligna comportat: sunt qui fabriles manus Augustis operibus accommodant: per alios fortuita arcenitur incendia. Iam caupones & obsequia pistoria, frugis & olei baiulos, multosque id genus patriæ seruientes, enumerare fastidium est. Ad summam liquet, Priuilegium vetus magno impendio constare Romanis, lugi obsequio nomen immunitatis emerunt. Quod si adiiciantur insolita, forsitan con-

sueta cessabunt. Adeunda & altera epistola Symmachi libro eodem *10. epist. 58.* de qua ad *l. vn. supr. de Mancipib.* Tertio, est & apud Ambrosium de his Corporatis locus *3. officiorum 7.* ex quibus peregrinos tempore famis vrbe pulsos ait: quem ad *l. prox.* afferam. Quarto obseruandum, variam & frequentem horum Corporatorum & similium mentionem occurrere, in *Veterib. Inscriptionibus*, quarum syllabum collegit Scaliger *cap. de collegiis, corporib. &c.* Postremo obseruandum, semel Corporatos hos omnes sub dispositione Præfecti Vrbis fuisse, quod ostendunt huius tituli leges omnes, quæ Præfectis Vrbis inscribuntur, & superior Symmachi epistola: Deque eo expressa extat *Cod. Iust. lex, puta l. 4. Cod. Iust. de offic. P. V.* in quorum nonnullos tamen Gomes S. L. vel Comes R. P. quod malo (arg. *l. ultim. supr. ad l. lul. repetund.*) Iurisdictionem sibi vindicare voluisse ex eadem leg. colligitur.

Ab EXTRAORDINARIIS collationibus immunes esse Corporatos Vrbis Romæ.

II. (a) Imppp. VALENTINIANVS, Theod. & Arcad. AAA. ad Alypium P. V. (b)

N^{VLLI} sit liberum, nulli permissum, vt nouum (c) aliquid Vrbis Incolæ in Vrbe sustineant. Dat. Prid. Id. Iul. Aquil. Tatiano & Symmacho Coss. [391.]

N O T Æ

(a) *Lex vnica. Cod. Iust. hoc titulo, ex hac leg. & duabus sequentibus conflata est. GOTHOF.*

(b) Ad hunc Alypium extant epistola 6. Symmachi *lib. 7.* puta 66. 67. 68. 69. 70. 71. & Ep. 70. quidem Præfecturam eius Vrbis indubie indicat. De hoc ipso Inscripção vetus apud Gruterum *CCLXXXVI. 6. ex Panuinio.*

DOMINO NOSTRO
FL. THEODOSIO
AVGVSTO
FALTONIVS PROBVS
ALYPIVS V. C. PRAEF. VRE.

Plura de eo in *Prosopogr. ID.*

(c) Id est, extraordinarium, insolitum: pariter vt *l. 7. supr. de extraordinar. & Ambros. orat. funebri in Valent. Iun. pag. 108. Tom. V. Oper. Edit. Paris. 1614. in f. ID.*

COMMENTARIVS.

EXTRAORDINARIUM seu nouum & insolitum quid Incolis Vrbis, id est, Corporatis Vrbis Romæ mandari, imponi a quocunque vetat hac leg. Valentinianus Iunior, Ann. D. 391. Quæ & ipsa sententia videri possit Valentiniani Senioris *l. 1. supr.* Sane cum & ipse aliquando extra ordinem quid his mandasset, id eum mox reuocasse, ex Symmacho iam ad *l. super.* ostensum est. Sed & cum Valentinianus Iunior huius leg. Auctor Anno D. 384. ad Equorum collationem Corporatos negotiatores vocasset, Symmachus P. V. ad id reuocandum eum hortatus est *lib. 10. epist. 27.* Vt vt sit, ex his ipsis exemplis liquet, sæpius Corporatos V. R. ad extraordinaria onera vocatos. Vt forte hoc saltem videri possit Valentinianus Iunior Corporatis hac leg. indulgere, vt ne a P. V. aut Senatu Romano, vel Præfecto annonæ his noui quid imponi possit: Nulli sit, inquit, liberum,

nulli permissum. Eo scilicet iure sibi soli reservato. Et forte an pertineat hac lex ad id, aut simile quid quod Symmachus ad hunc ipsum Alypium (cui hac lex inscribitur) scribens, *lib. 7. epist. 68.* ait de vocatis ad collationem, ob sterilitatem conditorum, id est, ob defectum annonæ vrbicæ *Nobis tardior Africanarum nauium commeatus incutit curas, & sterilitas conditorum.* Quapropter ad collationem vocati remedia patriæ vsitata promissimus, sed votis opus est, vt voluntarie sponsoni solutio prompta respondeat. Subinde scilicet in defectu annonæ Senatus Romanus collationem pollicebatur, vt idem Symmachus testatur *lib. 6. epist. 12. 14. 26.* & Ambrosius horum ipsorum temporum scriptor, insigni loco *3. officiorum, cap. 7.* vbi & tempore famis Roma Peregrinos (seu INCOLOS) Corporatos, de quibus vid. *l. vnica. de Equestri dign. l. 1. de studiis lib. V. R.* pulsos ait. Quamuis, inquit,

inquit, *Corporatorum subsidii dudum Roma fraudata est.* Quo loco cum hac leg. collato, ita cenſeo, incolas Corporatos in Vrbe Roma quidem iam tempore famis retentos fuiſſe; verum ad extraordinariam collationem vocatos ab Alypio P. V. Quod alioquin circa Honoratos & locupletiores factitatum famis tempore aliquando, insignis eo capite Ambrosii locus ostendit: *Quanto ille rectius, inquit, qui cum iam prouecta processisset aetate, & famem toleraret ciuitas, atque ut in talibus solet, peterent vulgo, ut Peregrini Vrbe pellerentur, PRAEFECTURAE VRBANAE curam, ceteris maiorem, sustinens, conuocauit Honoratos & LOCUPLETIORES viros, poposcit, ut in medium conſulerent: dicens, quam immane esset peregrinos eici, &c. Quid plura, collato auro, coacta frumenta sunt. Quanta hoc commendationis apud Deum fuit sanctissimo SENI? Quanta apud homines gloria? Hic magnus vere probatus, qui vere potuit Imperatori dicere, demonstrans Prouincia totius populos: hosti tibi omnes referuauit, hi viuunt beneficio tui Senatus, hos tua Curia iam morti abstulit.* Ergo in huius leg. specie Incolis nouum quid proculdubio inditum fuerat in Vrbe, & ad Urbis vsum, nisi Roma iam recedere mallent: de quo ad d. l. unie. & d. l. i. Incolis, inquam Corporatis: nempe Corporati

negotiatores in Vrbe Roma ferme peregrini fuisse. Hinc illa in Valentiniani III. *Nouella de Pantapolis ad Urbem Romam reuocandis inter Theodosianas 40.* Nullum de Romanis ciuib. nullum de Corporatis, ad militiam esse cogendum: Imo apparet vel ex tota ea *Nouella*, vbi *Pantapola Urbis Romae*, Graeci negotiaries, mox *Corporati* vocantur. Idque etiam ex eodem Ambrosii capite discere est: vbi de peregrinis tempore famis exactis. *Quantos Urbis suae perire, qui solerent adiumento esse vel in conferendis subsidii, vel in celebrandis commerciis? Et post: Eiectos esse vrbe Amplissima, qui iam plurimam illic aetatem transegerant: stentes cum filiis abiisse, quibus pelui ciuib. amoliendum exitium deplorarent: interruptas complurium necessitudines, diremptas affinitates &c. Potuisset iuuari, si peterent ab Italici frumentum, quorum filii expellebantur. Nihil hoc turpius excludere quasi alienum & exigere quasi suum. Quid illum eiciis, qui de suo pascitur? Quid illum eiciis, qui te pascit? Et mox: Quantis CORPORATORVM subsidii dudum Roma fraudata est? Potuit & illos non amittere, & euadere famem, &c.* Haec cum ita sint, apparet, huius leg. sententiam Codicis Iustiniani enarratores non cepisse: imo forte, ne Tribonianum quidem.

PRIVILEGIA Corporatorum Urbis Romae (ac nominatim, ut ne tempore famis ceterorum peregrinorum more vrbe expellantur) confirmat
Honorius Ann. D. 397.

III. (a) Imp. Arcadius & HONORIUS AA. Florentino P. V. (b)

IN Honorem (c) aeternae Urbis, Corporatis indulta suffragia (d) valere praecipimus, &c.
Dat. XV. Kal. April. (e) Med. Caesario & Attico Co ss. [397.]

NOTAE.

- (a) *Lex unica Cod. Iust. hoc tit. ex hac leg. & superiore & sequente, conflata est, vinculis tantum Orationis additis.* Triboniani vero facinus in eo, quod miscellae illi legi solam superioris l. 2. Inscriptionem & Subscriptionem apposuit. Iungenda porro forte huius l. lex 7. *infr. de Suariis*: emendato die alterutrum. GO. THOFRED.
- (b) *Florentinus P. V. Romae Ann. D. 395. 396. 397. v. Prosopogr.* Hic ille est, ad quem extant sex Symmachi *epist. lib. 4.* qui & *epist. 54.* nominatim Praefecturam eius Urbis indicat. ID.
- (c) Sic, pro reuerentia Urbis aeternae, l. i. *supr.* ID.
- (d) *Suffragia*, id est priuilegia. Ideo & suffragari priuilegia dicuntur l. i. *in fin. supr. de Praetorib. l. 15. supr. de Tyronibus.* ID.
- (e) XV. Kalend. Mart. d. l. 7. ID.

COMMENTARIUS.

PRIVILEGIA Corporatorum Urbis Romae hac Honorii constitutione confirmantur; cui forte socianda lex 7. *in fin. de Suariis.* De quibus vero priuilegiis id intelligendum, quaeque adeo huius leg. ferendae occasio fuerit? ambigi potest. An id accipiendum de eo priuilegio, quo, tempore famis, etſi peregrini alii vna cum turba otiosa vrbe pellerentur, ipsos tamen Corporatos expellere fas non erat, de quo ad leg. *superiorem*? Id ita suadere videantur lex *unic.* quibus militantibus ad urbem accedere: l. vltim. *in fin. de gladiatorib. l. unie. infr. de Campo Martio*: l. 2. *de habitu quo vti oportet*, et quae ex Ambrosio notauimus ad l. *superiorem*, qui quidem Ambrosius hoc ipſo

anno paucis post diebus mense Aprili mortuus est. Nempe ob formidatam hoc Anno alimentorum in Vrbe Roma inopiam, occupata videlicet a Gildone Africa, tum peregrini, tum & otiosa turba omnis (veluti Gladiatorum) Roma exacta fuit: Quo omnino pertinent leges illae paucis post hanc leg. diebus datae. Igitur Honorius hac constitutione sua Corporatos, & sic incolas peregrinos, excipere, eisque indulta iam olim suffragia & priuilegia confirmare videatur: *suffragia*, inquam, quibus a communi peregrinorum aliorum sorte eximuntur: utpote Incola ipsi (vti vocantur l. prox. *supr.*) Urbis Romae ministrantes: & sic in honorem aeternae Urbis: vt hac leg. dicitur, velut l. i. *supr.*

^{P. 149. sup.} Vrbis Romæ ministrantes: & sic in honorem æternæ Vrbis: vt *hac leg.* dicitur, velut *l. 1. sup.* pro reuerentia Vrbis æternæ. Quare obseruandum fuerit, hoc incolarum peregrinorum, & Corporatorum, veluti vrbis vtilium & necessariorum, & aliorum peregrinorum hac parte discrimen. Hinc iam apparet ex hac inquam historica huiusce leg. enarratione, quam ieiune hanc huiusce leg. sententiam *Codici Iustiniani* commentatores exceperint. Et hætenus quidem prima Interpretatio. An vero eadem est huius leg. quæ superioris sententia: quasi ab indictione quadam hoc tem-

pore extraordinaria, ob defectum annonæ, de quo modo, Corporati *hac leg.* immunes esse iubentur? Certe Symmachus quoque, ad hunc ipsum Florentinum scribens, *lib. 4. epist. 54.* annonæ Romæ defectum ab ipsomet sibi indicatum memorat: Quo pertinet non tantum Anno superiore *lex 2. sup. de conditis in publicis horreis*, quæ ante trimestre ferme *ad eundem Florentinum P. V.* data est: verum complures hoc ipso Anno datæ *ad Senatum & populum*, quibus non vna ratione difficultati annonæ Vrbis Romæ mederi instituit, quas repetit ex *Chronologia.*

IV. (a) Imp. HONORIUS & Theod. AA. Palmato P. V. (b)

CURA Rectorum Prouinciarum, Corporati Vrbis Romæ, qui in peregrina transgressi sunt, redire cogantur, vt seruire possint functionibus, quas imposuit antiqua solemnitas. Dat. IV. Kalend. April. Rau. Honorio IX. & Theodosio (c) AA. COSS. [412.]

NOTÆ.

- (a) *Lex unic. Cod. Iust. eod. tit.* hinc & ex duabus præcedentibus legibus conflata est, vinculo tantum hic addito, *Cura autem, &c. GOTHOF.*
 (b) *Palmatus P. V. Romæ sub Honorio. ID.*
 (c) *Adde V. ID.*

COMMENTARIUS.

IN PEREGRINA digressi Corporati Vrbis Romæ, REDIRE ad Urbem Romam, Cura Rectorum Prouinciarum, iubentur ab Honorio Imp. Anno Domini 412. Digressi inquam in peregrina; proculdubio ob Attali primum tyrannidem, mox ac maxime ob Gothicam Alarici & Ataulphi Vrbis vastationem, & exinde annonæ defectum superiore Anno 410. & 411. Sane ex hoc Gothico naufragio permultos in Orientem, Ægyptum, Africam fugisse proditum est ab Hieronymo *præfat. lib. 3. in Ezechielem pag. 334. Tom. V. Oper. Edit. Franc. apud Christ. Gensb. insigni loco: Sed & præfat. lib. 7. in Ezechiel. pag. 384. Tom. eod. Ed. cit. cuius verba Baronius retulit Anno 410. num. 35. Idem Hieronymus quoque Epistola 8. ad Demetriadem de seruanda virginit. pag. 41. 42. Tom. I. Oper. Ed. cit. testis est, Probam cum Iuliana filia & Demetriade Iulianæ filia in Africam recessisse, quæ postea ab Heracliano Comite multis iniuriis affecta sunt. Rutilius quoque Numatianus testis, *Itinerarii lib. 1. de Igilii insula*, quo multi tum confugerunt a v. 325. vbi inter cætera v. 331. seqq.*

*Hac multos lacera suscepit ab Vrbe fugatos,
 Hic fessis posito certa timore salus.
 Plurima terreno populauerat aquora bello,
 Contra naturam classe timendus eques.
 Vnum, mira fides, vario discrimine portum
 Tam prope Romanis, tam procul esse Getis.*
 Denique Urbem Romam ciuib. & incolis exhaustam fuisse certissimum est, vel indicio Olympiodori apud Photium *Cod. LXXX. pag. 187. Ed. Scot. ri, & pag. 9. Tom. I. Script. R. B. Edit. Reg.* qui scribit, post Romam a Gorho captam, Albino P. V.

(fuit is Anno 414. id est, biennio post *hanc leg.* vt docet *lex 38. sup. de Nauicular.*) iam redire cõpisse ad statum pristinum Urbem Romam, numerumque initum vno die quatuordecim millium. De istorum igitur profugorum numero fuerunt & Corporati Vrbis Romæ, qui ad varias Prouincias, eo metu, non desidia animo, confugerant: Quare Honorius iam superioris Anni fine Roma recuperata, inter cætera quibus Romæ afflictæ & lacere (vt Rutilius loquitur) exhaustæque prospectum iuit, hos quoque reuocari *hac leg.* iussit, cura Rectorum Prouinciarum: vt ita & Vrbis Roma repleteretur, & Vrbis Romæ seruire possint, suisque functionibus defungi. Qua ipsa ratione, vel sane simili, hoc ipso Anno & Collegiatis, & Decuriones & cohortales reuocari iussit, *l. 2. infr. de Collegiatis: l. 25. sup. de cohortalib. l. 170. sup. de Decurionib.* quæ vnus constitutionis partes sunt, atque inter se coniungendæ. Atque ita hæc huiusce legis sententia accipienda est; hacque explicatione historica illustranda ea in *Codice Iustiniano*, quod nondum sit ab illius *Codici* enarratoribus.

Cæteroquin, adeo corporibus suis & functioni suæ Corporati nexi erant, vt ad nullam aliam militiam vel Clericatum confugere possent: vt docet *Nouella Valentiniani inter Theodosianas 26. de Corporatis: & altera eiusdem inter Valentinianas 12. de Episcopali iudicio.* Quod de pistoribus docebit *lex 4. 6. 8. 11. 18. in fin. 20. infr. tit. prox. de Pistorib. de Suariis, lex 1. 8. infr. de Suariis: de Collegiatis, l. 1. 2. infr. de Collegiatis: & l. 1. sup. de his qui condit. propr. &c.*

DE PISTORIBVS ET CATABOLENSIBVS.

TITVLVS III.

LIB. XI. COD. IVST. TIT. XIV.

Vbi Titulus tantum habet de Pistoribus, non & Catabolensibus. Eoque titulo omnes huius tituli leges absunt: neque quidquam exinde in Codicem Iustinianum relatum, præter partem legis 12. in l. 9. Cod. l. de excusat. munerum; & legem ultim. in l. 2. Cod. Iust. de appar. Præf. Urbis: Adde Nouellam inter Theodos. Valentiniani III. de prædiis Pistoris Afris deputandis 38.

P A R A T I T L O N.

I. PISTORVM (de quibus præter huius tituli leges agitur insuper l. unie. supr. de perfectiss. dign. & l. 1. 4. infr. de Canone frum. V. R. l. 2. 3. infr. de frum. V. Const. l. 3. 4. infr. de annonis ciuicis: l. 2. supr. de Nauic. l. 3. 5. 6. 7. 9. supr. de pænis:) 1. Certum Corpus fuit, l. 2. 5. 8. 10. 13. 14. 19. 21. hoc tit. & l. 9. supr. de pænis: ordo pistorius l. 20. h. t. consortium l. 11. hoc tit. & l. 2. supr. de Nauicular. in Vrbe Roma d. l. 3. supr. de pænis: quo pertinent etiam omnes huius tituli leges (vnde & Pistores Urbici dicti l. 2. supr. de Nauicular.) item in Vrbe Constantinopolitana, l. 3. infr. de frumento Urbis Constant. 2. Horum officium, l. 3. 21. h. t. munus l. 6. hoc tit. & l. 2. supr. de Nauicular. functio, l. 12. h. t. annonæ publicæ seruiebat, l. 15. h. t. vnde & necessarium Corpus vocatur l. 2. h. t. pistrino inquam l. 1. 5. 7. 10. 11. 13. hoc tit. & l. 3. 5. 7. supr. de pænis: & paneficio, l. 3. 4. 21. 22. h. t. id est, tum frumento molendo, hinc molæ: de quibus l. 7. hoc tit. & l. 4. infr. de Canon frum. V. R. tum panis coquendo, annonæ ciuicæ & alimentis popularibus, l. 2. infr. de frum. V. Constant. l. 3. 4. infr. de annonis ciuicis: quæ partim gratuita dabatur, de quo tit. in fin. de annonis ciuicis & pane gradili: partim etiam vendebatur, l. 1. in fin. de Canone frum. V. R. qui panis Ostiensis & fiscalis dictus l. 1. de pretio panis Ostiens. 3. Hi pistores etiam Mancipes dicti, de quibus l. 18. hoc tit. l. 2. 3. infr. de frum. V. Constantinop. l. 4. supr. de executorib. de iisdem est forte quoque l. unie. supr. lib. 12. de Mancipib. vnde & ministerium istud Mancipatus, d. l. 18. h. t. & d. l. unie. de Mancipib. quibus ideo frumentum consignabatur ex horreis, d. l. 2. infr. de frum. V. Constant. 4. Hi omnes non tantum sub generali Præfecti Urbis dispositione fuerunt, quod alioquin docent l. 2. 3. 4. 5. 6. 7. 8. 9. 10. 11. 13. 16. 18. ultim. hoc tit. l. 5. 8. 9. supr. de pænis: l. 2. supr. de Nauicular. sed etiam sub speciali Præfecti annonæ dispositione: vt docet lex l. 3. 12. 14. 15. 21. ultim. hoc tit. l. 3. 6. supr. de pænis: l. 4. infr. de Canone frum. V. R. 5. Erant eam ad rem complures in Vrbe Roma Officinæ, l. 7. 8. hoc tit. l. 3. infr. de annonis ciuicis: (ὀνίκες vocat πωμυροίτες Socrates lib. 5. cap. 18.) seu pistrina, quæ in veteri Urbis Romæ descriptione CCLIV. notantur seu colliguntur. 6. Et singulis sua entheca erat, d. l. 7. hoc tit. puta animalia, serui, d. l. 7. h. t. molæ d. l. 7. h. t. & l. 4. infr. de Canon. frum. V. R. prædia seu fundi, & possessiones, quæ Pistorum Corpori solatia certa præbebant: d. l. 7. h. t. & l. 13. 19. h. t. vnde & fundi dotales dicuntur d. l. 7. h. t. 7. Suos etiam habebant Patronos singulæ officinæ, l. 2. 7. 12. h. t. quibus officina cum omni Entheca credita erat, d. l. 7. h. t. quibus Pistores consignabantur, d. l. 12. h. t. Ex his prior post quinquennium otio & quiete donabatur, tradita sequenti officina cum omni Entheca, d. l. 7. h. t. 8. Hoc Pistorum Corpus variis rationibus replebatur. Primum, Originis vinculo quidam tenebantur, l. 14. hoc tit. puta successionis iure l. 3. hoc tit. puta filii, nepotes, &c. l. 3. 5. h. t.

h. t. Secundo, per sententiam Iudicis & poenæ loco in pistrinum Urbis Romæ, ex causis non grauibz seu leuiorum criminum rei damnari iussi a Constantino M. primum, in Sardinia, *l. 3. sup. de penis*: a Valentiniano Sen. in Præfectura Urbana, *l. 5. & 9. sup. de penis*: quo refero etiam *l. 8. hoc tit.* in Lucania & Brutiis *l. 6. 7. sup. de penis*: & ita quidem, vt generali Indulgentia criminum reis postea facta hi non continerentur, *d. l. 7. sup. de penis*: neque Rescripto liberari possent, *l. 20. hoc tit.* Tertio, constitutionibus nonnulli pro poenâ in pistrinum dari iubentur: veluti concutiens pistorum, *l. vltim. hoc tit.* Patronus caudicariorum *P. 151.* & menforum deprehensus in fraude, *l. 9. infr. de Suariis*. Quarto, substitutione in pupilli minoris 20. annis locum, *l. 5. h. t.* Quinto, & Libertini nonnulli in sp. *l. 10. h. t.* Sexto, filiam pistoris coniugio sibi socians pistrino obnoxius fiebat, *l. 2. 14. 21. h. t.* Septimo, & Ementes ab his prædia, *l. 3. h. t.* vel quid donatione, vel testamento, successionem prædia eorum possidebant, *l. 2. sup. de Nauiculariis*; *l. 10. hoc tit.* Tandem fuit & Officium aliquod in Africa, vnde singulis lustris Iudices Africani Pistorum Romæ vsibus dirigere tenebantur, *l. 12. 17. hoc tit.* idque ex Constantini M. instituto, vt docet *d. lex 12.* 9. Hi omnes semel Ordini seu Corpori Pistorio adscripti, neque transire ab vna officina ad aliam poterant, *l. 8. hoc tit.* neque eam conditionem & necessitatem euitare, nequidem Pistorum ipsorum consensu, *d. l. 8. h. t.* non Principi supplicando, & Principis rescripto, *l. 6. 18. in fin. l. 20. h. t.* non priuilegio Christianitatis, seu ad Ecclesias videlicet transeundo, *l. 11. h. t.* non Senatoria dignitate indepta, nisi facultatibus pistrino cederent, *l. 4. h. t.* non Perfectissimatus dignitate, *l. vnic. sup. de Perfectissimatus dignitate*, non pretio, *l. 12. h. t.* Et sententia tamen Præfecti annonæ quandoque eiiciebantur, puta decoctores, *l. 15. h. t.* 10. Familia quoque eorum pistrino obnoxia erat, *l. 2. 21. h. t.* seu filii, nepotes, a 20. ætatis anno, *l. 3. 5. h. t.* & filiæ, sic vt his coniugio sociati ad pistrini consortium raperentur, *l. 2. 14. 21. h. t.* 11. Possessiones tandem seu Prædia sua (quæ *Dotis* nomine vocabantur, *l. 13. h. t.*) quæ priuato iure possidebant, non quæ hæreditario pistorio iure *l. 13. h. t.* in alios transferre, vendere, donare, relinquere olim poterant: *l. 1. h. t.* postea non potuerunt, *l. 1. 3. 13. h. t.* nisi qui acciperent, Pistoris officium subirent, *d. l. 3. 13. hoc tit.* Imo in Senatorem vel Officalem transferre penitus non poterant, *d. l. 3. h. t.*

II. CATABOLENSIVM tribus tantum locis fit mentio, *Rubrica*, & *l. 9. 10. h. t.* Quinam fuerint? dicam ad dictas leges.

I. (a) Imp. CONSTANTINVS A. ad Profuturum (b) PF. Ann. (c)

CVNTIS Pistoribus intimari (d) oportet, quod si quis forte possessiones suas ideo putauerit in alios transferendas, (e) vt postea se, rebus in abdito conlocatis, minus idoneum adseueret, tanquam in locum eius alio subrogando, nihil ei hæc astutia, nec detestabilia commenta profutura sunt, sed in obsequio pistrini sine vlla excusatione durabit, nec ad eius iura reuocabuntur, si quas emptiones transcriberit. (f) PP. Id. Aug. Constantino A. (g) & Licinio Cæs. COSS. [319.]

NOTÆ.

(a) Iungenda huic legi est *lex 1. sup. de contrab. empt. GOTHOF.*

(b) Profuturus Præf. annonæ sub Constantino M. Eidem hoc anno præterea inscribitur *lex 2. sup. de relationib. In l. 3. Cod. Iust. de dilat. perperam Præf. Pannoniæ. inscribitur. ID.*

(c) Sub Præfecti annonæ dispositione pistorum, *hac leg. & l. 3. 12. 14. 15. 21. vlt. hoc tit. & l. 3. 6. sup. de penis?* Cassiodorus in formula Præfecti annonæ lib. 6. form. 18. Per officinas Pistorum cibosque discurreis, pensum & munditi-
am panis exigit. ID.

(d) Intimari, id est, significari, notum fieri: vid. *Gloss. Theod. ID.*

(e) Veluti venditione: vt docet *finis leg. & coniunctio dictæ l. 1. sup. de contrab. empt. ID.*

(f) Etsi viliori pretio, *d. l. 1. ID.*

(g) Adde *V. ex d. l. 1. Et sic reddenda hac lex Anno 319. ID.*

COMMENTARIUS.

VT INIDONEI facultatibus omissis facti a Pistorio consortio liberabantur, ita qui ideo tantum facultates suas in alios transfussissent, liberari vetat hac constitutione Constantinus M. pariter vt Valentinianus Sen. l. 14. *infr.* liberari ideo vetuit filiarum pistoris coniunctum, si facultates dilapidasset. Possessiones equidem suas Pistores, quas privato iure possidebant, Constantini M. tempestate libere in alios emptione transcribere seu transferre poterant nullo exinde præiudicio domino generando, ita vetiti eas fraudulentè ideo tantum in alios transferre, vt postea, rebus in addito locatis, tanquam minus idonei pistoriarum functioni liberarentur, eisque alii subrogarentur. Quare huic fraudi hac constitutione (cui iungenda est & lex l. *supr.* de contrah. empt.) Constantinus grauiter occurrit: nempe non ideo fraudulentum huiusmodi pistorum ob inopiam ab obsequio pistrini excusandum, sed in eo perdurare oportere: In tantum vt neque venditionem hanc fraudulentam rescindi, verum penes emptorem possessionem manere iubeat. Hæc huius particulæ sententia est, cui addamus ex d. l. 1. *supr.* de contrah. empt. & nouam adhuc extensionem. In tantum venditionem hanc valere, quamlibet fraudulentam a parte venditoris, vt etsi pretio viliori possessiones venditæ fuerint, citra villam tamen culpam aut circumscriptionem emptoris, venditio rescindi non debeat: de quo ad eam leg. plene. Hæc Constantini disciplina fuit hac ratione Pistorum fraudibus occurrentis, citra vllum bona fide contrahentis cum pistore damnum: At enim postea, cum annonæ utilitati minus consulum hac ratione esset, translatis videlicet ita in P. 152. alios pastum Pistorum possessionibus, iam Valentiniani constitutionibus, puta l. 3. 13. *infra*: ius istud seu libertas ista immixta pergradus fuit. Et hæc ad huius leg. sententiam sufficiant.

Inter hæc vero huius tit. initia de Pistoribus extrinsecus hæc notari velim, Traianum huius Pistorum collegii auctorem ferri: sic enim Victor Schott cap. 13. *Annone*, inquit, *perpetua* (a Traiano) mire consulum, reperio firmatque PISTORVM COL-

LEGIO. Inde mox hæc vetus Inscriptio Romæ, apud Gruterum CCLV. 1. 2. 3.

IANI. PARTHICI
DIVI. NERVAE. PRONEP.
T. AELIO. HADRIANO
ANTONINO. AVG. PIO
PONT. MAX. TRIB. POTEST. VII
IMP. II. COS. III. P. P
CORPVS
PISTORVM.

In cuius basis dextro latere est canistrum cum spicis, cum hac subscriptione

PRAEF.
L. VALERI PROCVLI
Sinistro, lapis molaris cum hac subscriptione:
CVRANTIBVS
M. CAERET..... ZMARAGDO
L. MAEVI. EPICETO. QVINQ. II.
QVAESTOR. BVVS
C. PVPPIO..... FIRMINO II.
C. CALPVRNIO. MAXIMO.

Est & altera Inscriptio apud Gruterum CCCLXI. 2. a Collegio Pistorum Proculo posita. Horum pistorum meminit quoque Amm. Marcellinus, sic vt idem nos humili genere fuisse doceat, lib. 27. cap. 3. Terentius humili genere in Vrbe natus & Pistor, ad vicem praemii, quia peculatus reum deulerat Orsitum ex Praefecto, hanc eandem Prouinciam (Tusciam annonariam) Correctoris administrauerat potestate. Symmachus lib. 10. epist. 36. Cum, &c. Praefectus vero annonæ Vir Clariss. Pistorem publicæ annonæ, verbo tantum repossidere diceretur, quem manibus officialium Celius eruerat. De his quoque est Socratis locus lib. 5. cap. 18.

Illud etiam hic monendum; Pistores sub dispositione Praefecti annonæ fuisse, quod præter huius leg. inscriptionem, docent præterea lex 3. 12. 14. 15. 21. *ultim. hoc tit.* & superior Symmachii locus. Hinc & vendentes Pistores possessiones suas apud eum testationem deponebant, d. l. 3.

II. (a) Imp. CONSTANTIVS A. ad Orsitum P. V. (b)

SI quis Pistoris Filiam suo coniugio crediderit esse sociandam, pistrini consortio teneatur obnoxius, sed (c) familiae (d) pistoris adnexus, oneribus etiam parere cogatur. Et quoniam necessarium (e) corpus fouendum (f) est, Patronos Pistoribus constitutos ad altera (g) functionis officia prohibeo deuocari, Caudicariorum corpori minime decetero copulandos: vt aliis necessitatibus absoluti eam tantummodo functionem liberæ mentis nifibus exsequantur. Dat. Prid. Non. Iul. Med. Arbitrione & Lolliano Co ss. [355.]

NOTÆ.

(a) Absit hæc lex a Cod. Iustin. GOTHOF.

(b) Orsitum huic P. V. hoc Anno inscribuntur duæ aliæ leges: puta lex 3. *supr.* de reuoc. donation. & l. 7. de donationib. qui idem & sine Anni 353. & Ann. 354. P. V. fuit: vt ex Notitia Veteri Praefectorum Vrbis discimus, & ex l. 7. *supr.* de Praetorib. l. 1. de rei tu vel matr. fidei. & Ammiano Marcellino, lib. 14. cap. 6. & Fastis Cuspinianis. Idem Ann. 357. secundam Vrbis Praefecturam gessit, eodem quoque Marcellino teste lib. 17. cap. 4. de eius Praefectura plura in Prosopogr. ID.

(c) 78. & 11.

(d) Familiae Pistoriarum mentio & l. 21. *infr.* ID.

(e) Necessarium Pistorum Corpus. vid. Perositon. ID.

(f) Eique fouendum. ID.

(g) Altera officia. ID.

COMMENTARIVS.

CONSTANTIANÆ huius de *Pistoribus* constitutionis duo sunt capita. Prius est de *Filiabus* Pistorum: ut quæcunque uxores duxerit, tanquam de familia Pistoris *pistini* oneribus teneatur. De quo ipso est & *Valentiniani Sen. lex 14. infr.* & *Honorii lex 21. infr.* Posterius est de *PATRONIS* Pistorum, de quibus sunt præterea duæ *hoc titulo* constitutiones, puta *lex 7. & 12. infr.* ad quarum priorem de his plene dicam. De his id *hac Constantii leg.* statuitur, ut ne ad aliam quamcunque tandem necessitatem vel functionem deuocentur: ac nominatim, ne ad *Caudicariorum*, quorum Corpori antea aliquando copulati fuerant. *CAUDICARII*, quorum *hac leg.* mentio fit, & *l. 9. infr. de Suaris: l. 1. infr. de Canone frum. V. R.* erant nautæ Tyberini, de quibus *tit. infr. de Nautis Tyberinis*: nautici amnici Tiberis, qui species fiscales, & in his annonam ad Portum Urbis Romæ aduectam in horrea P. R. & ad Urbem Romam Tiberi subuehebant, *caudicariis* nauibus actuariis: de quibus *Strabo lib. 5. pag. 354. Edit. Almeloucen. & Procopius lib. 1. Gothicor. c. 26.* Hinc *Codicarii* *Nauicularii*, sub *Procuratore* Portus: hinc *Mensoribus* *Portuensis* *Caudicarii* iunguntur: & *d. l. 9. infr. de Suar. & leg. 1. infr. de Canone frum. V. R.* Sed & in tribus his *Inscriptionibus* horum *Caudicariorum* fit mentio. *Prima apud Gruterum CCCCXL. 3.*

AD. 55. C. PROC. PORTVS. VTRIVSQ. A....
VIRO. INNOCENTISSIMO
CODICARII. NAVICULARII. ET
QVINQ. CORP. NAVIGANTES. OB
INSIGNEM. EIVS. ERGA. SE
BENIVOLENTIAM, AC. SINGV
LAREM. ABSTINENTIAM

Secunda apud eundem MLXXXVI. 6. Romæ in basi marmorea.

RESTITVTORI. PVPLICAE
LIBERTATIS. DEFENSORI
VRBIS. ROMAE. COMMVNIS
OMNIYM. SALVTIS. AVCTORI
D. N. IMP. FL. VAL. CONSTANTINO
PIO. FELICI. INVICTO. SEMPER. AVG
CODICARII. NAVICULARI
INERNATES. DEVOTI. N. M. Q. EIVS
CVRANTE. AVR. VICTORIANO, V. P.
PRAEF. ANN.

Tertia est decantata illa, quæ in *Insula Tiberina* de *Ragonio Vincentio Celso*, apud eundem CCCCXLII. 1.

RAGONIO. VINCENTIO. CELSO. V. C. Ø
A PRIMO. AETATIS. INTROITV. IN ACTV
PVBLICO. FIDELI. EXERCITATIONE. VERSATO
CVIVS. PRIMAEVITAS. OFFICIO. SEDIS VRBANA
ADVOCATIONIS. EXERCITO. FIDEM. IVNXIT. INGENIO
PRVDENTIAE. MISCVIT. LIBERTATEM. ITA. VT. NEMO
DE EIVS. INDVSTRIA. NISI. ILLE. CONTRA. QVEM
SVSCEPERAT. FORMIDARET. CVIVS. ACCESSVS. AETATIS
AMPLISSIMI. HONORIS. ET. QVI. SOLET. SENIORIB.
PRVDENIRE. ORNAMENTA. PROMERVIT. NAM
REXIT. ANNONARIAM. POTESTATEM. VRBIS. AETERNAE
EA. AEQVITATE. VT. INTER. OMNES. QVI. AD. EVM
ANIMO. LITIGANTIS. INTRASSENT. PARENTEM. SE
PLERVMQVE. MAGIS. HIS. QVAM. IVDICEM. PRAEBVISSET
HINC. ETIAM. FACTVM. EST. VT. MENSORES. NOS
PORTVENSES. QVIBVS. VETVS. VIT. CVM. CAUDICARIIS
DIVTVRNVMQVE. LVCTAMEN. VOTI. COMPOTES
ABIREMV. VT. VTRVMQVE. CORPV. ET. BENEFICIO
SE. ET. VICTORIA. GRATVLETVR. AD FECTVM. NAM
VT. HOC. ESSET. INDICIO. IAM. POSITO. MAGISTRATV
STATVAM. PATRONO. PRAESTANTISSIMO. TESTIMONIUM
GRATVLATIONIS. EXSOLVIMVS. CVM. RES. NON. ADVLA
TIONE. PRIVATO. SET. IVDICIO. POSITO. IN. OTIO. ET.
QVIETE. REDDATVR.

Cæterum iam notum vnde *Caudicarii* dicti, a *caudicibus* videlicet, & *codicariis* nauibus, ex *Nonio*, *Festo voc. caudicar. nau.* *Sallustio 4. hist.* apud *Nonium cap. 13. num. 12.* *Varro apud Nonium loc. cit.* Quod antiqui plures tabulas coniunctas *Codices* dicebant, a quo in *TIBERI* naues *CODICARIAS* appellamus. *Seneca cap. 13. de breu. vite: Et naues nunc quoque, quæ ex antiqua consuetudine per Tiberim commectus subuehant, Caudicariae vocantur.* Nolu ititur *Constantius Pistorum* patronos *Caudicariorum* Corpori & functioni misceri, sed horum munia distinguere: ut ita *Pistorum* patroni aliis necessitatibus absoluti *pistoriam* tantum functionem liberæ mentis nifibus exequerentur: Vnius denique functionis & corporis Patronos esse voluit, non Duorum, cum tamen id hæcenus aliter factum fuisset: sic ut iidem & *Pistorum* & *Caudicariorum* patroni essent: Ut cæteroquin duo Corpora ita sæpe copulata fuerunt, ut duorum Corporum vnus idemque Patronus esset: ut *PATRONVS FABRORVM ET DENDROPHOR.* in veteri *Inscript. apud Gruterum CCCCXLII. 8.* scilicet ut priuatim, ita vel maxime in publico actu, in plura animus bona fide sese explicare non potest: quam in rem notauimus nonnulla in *veterem orbis descriptionem* c. 18. p. 23.

Illud tandem obseruandum, hanc legem inscribi *Orfio P. V.* (de quo alioquin ad *Inscriptionem in Notis*, & in *Prosopogr.* plene) quæ est de *Pistoribus*: quorum *Mancipes* fuere, de quibus *l. 18. hoc tit.* A quibus *Mancipibus* inter alios statuta illi sub ære constituta, ob *providentiam* & *statum optimum* *Urbi Romæ* ab eo redditum. Vide *Gruteri Corpus Inscriptionum CCCCXXXVIII. 1.*

III. (a) Impp. VALENTINIANVS & Valens AA. ad Symmachum P. V. (b)

PRÆDIA rustica, vel urbana, quæ possident priuato (c) iure pistorum, nec Senatorum, nec Officiale *Comparare* permittimus (contractu pari cum aliis non interdicto.) Quippe (d) mercantes ad venditoris officium vocabuntur, super hac emptione apud *PF. Ann.* testatione deposita. In *Donationibus* vero filii excepti sunt & nepotes: Eodem loco positis omnibus qui qualibet proximitate iunguntur, quibus ideo

non dempsimus beneficium largitatis, quia & paneficii necessitatem suscipere successio-
nis iure coguntur. Hæc forma seruabitur & in *Testamentis*, aut donatione, vel nouissima
voluntate, vt in extraneos conlata non valeant, nisi pistoris officium sponte susceperint, qui
pistorum sunt munificentiam consecuti. Dat. IV. Non Iun. Naïsslo, (e) diuo Iouiano & Var-
roniano Coss. [364.]

NOTÆ.

(a) Abest & hæc lex a Cod. Iustin. GOTHOF.

(b) Symmacho huic P. V. sex hostitulo Ann. D. 364. & 365. inscribuntur constitutiones. In vniuersum hæc Codice
ei inscribuntur Ann. 364. *leges* 19. Ann. 365. *leges* 11. Et sic in totum 30. De quo iam dixi ad l. 1.
supr. de Corporatis V. R. Sane & hæc *leges* fidem faciunt elogio Ammiano de hoc Symmacho *lib. 27. c. 3.*
quod eo instante Vrbs Sacratissima ocio CŒPIISQVE abundantius solito fruita sit. De eo plura in *Prose-*
pogr. ID.

(c) Ad differentiam dotalium fundorum: de quibus l. 7. *infr.* & l. 13. *infr.* ID.

(d) Alioquin enim. ID.

(e) Naïssi Valentinianus: de quo v. quæ in *Chronol. Theod. & Ammianum lib. 26. cap. 5. ID.*

COMMENTARIUS.

VALENTINIANI Senioris duodecim ordine consti-
tutiones de *Pistoribus Vrbs Romæ* sequuntur,
quæ omnes ferme enixum Valentiniani studium ar-
guunt, Annonæ Vrbicæ consulendi: quod aliunde
quoque colligere est, veluti ex his quæ de Nauicu-
lariis pariter inter hæc Imperii sui initia idem con-
stituit l. 10. 11. *supr. de Nauicular. l. 2. supr. de prædiis*
Nauicular. Hæc vero prima eius constitutio est de
POSSESSIONIBVS seu prædiis Pistorum, pariter
vt de his ipsis sunt duæ præterea *hoc titulo*, puta
lex 1. supr. & lex 13. infr. quæ & ipsa Valentiniani
est: Quid inquam Pistores de his, quoue iure facere
possint: Et nominatim vero de possessionibus quas
priuato iure possident, id est, vt explicat *lex 13. infr.*
vbi plenius, quæ priuata forte liberalitate habent:
nam de his quæ pistorio iure habent, id omnino præ-
supponitur, distractionem eorum penitus non valere,
de quo ad d. l. 13.

De his igitur, quæ priuato iure possident Pistores,
est hæc *lex*: qua tres alienationis tituli, ita distinguun-
tur: Nempe si de *venditione* quaritur, pistorem regu-
lariter ea vendere posse, duobus tantum hominum
generibus exceptis: puta Senatoribus & Officialibus:
Hi scilicet prædia pistorum non aliter emere possunt,
quam sub necessitate subeunda conditionis pistoriæ,
in eumque finem super hac emptione, testatione
apud Præfectum annonæ deposita, sub huius enim
dispositione erant Pistores: de quo ad l. 1. His duo-
bus igitur emptione possessionum ad Pistores priuato
iure pertinentium interdictum, nisi sub conditione

officii pistorii subeundi. Nempe hæc duo ferme ho-
minum genera agrarii mergierant, emptionesque
potestatis suæ vi extorquebant. Qua causâ etiam vtri-
que huic generi multa interdicta, quæ aliis licita
fuere, & quidem in hoc emptionum argumento, &
mutuo vsurisque, de quo ad *tit. supra de vsuris*. Extra
hos igitur, aliis indistincte possessiones has compa-
rare licuit, vt pote quas oneroso titulo haberent, re-
fuso videlicet contra pretio. *Donationum*, qui iam
secundus alienationis titulus est, alia ratio est:
nempe regulariter donationis titulo acquirere hu-
iusmodi possessiones interdictum: nam vt pistori-
bus in necessitate forte constitutis iniquum fuisset
rerum suarum venditione interdicere: ita contra
ea donare, & sic perdere licere non oportuit, nisi
si in coniunctas personas donationes fierent: quia
hac re iam pistrino nil perit, vt pote cum paneficii
seu pistorii officii necessitatem suscipere successio-
nis iure cogantur. Idque non filii tantum, de quibus
& l. 5. *infr.* aut nepotes, verum etiam omnes qua-
libet proximitate iuncti. Et sic notanda hac quo-
que parte venditionis & Donationis differentia.
Tandem, qui tertius acquirendi modus est, *Te-*
stamento, aliaue qua vltima voluntate ea conse-
qui extranei non possunt, nisi vt pistoris offi-
cium suscipiant. Et hæc quidem ita nunc Valen-
tinianus Sen. At enim postea hoc ipsum ius ab
eodem magis magisque arctatum, l. 13. *infr.* vbi di-
cam.

IV. (a) Idem AA. ad Symmachum PF. Vrb.

OPRIO concessa est his, qui e pistoribus facti sunt Senatores, vt aut studio facul-
tatum, (b) aut Splendidissimo Ordine (c) segregati (d) sint. Quod si fuerint cupi-
di dignitatis, in tantam paneficii substantiam idoneos de suis subrogare cogantur, quan-
tam ipsi exhibuere pistores. Dat. VIII. (e) Id. Iun. Naïsslo, diuo Iouiano & Varronia-
no Coss. [364.]

NOTÆ.

(a) Non dubito quin hæc *lex* iungenda sit *legi* 5. 6. *infr.* & l. 2. *infr. de calcis collectorib. l. vn. infr. de Saccariis Portus: l. 12.*
infr. de operib. publ. l. 1. infr. de Canon. frum. V. R. quæ datæ dicuntur VI. Id. Iun. GOTHOF.

(b) Id est, si Senatoriam dignitatem tueri velint, facultatibus suis cedant: vt mox *fin. legis* dicetur. ID.

(c) Senatorio: vid. *Gloss. ID.*

(d) Id est, si facultates suas tueri velint, Senatoriæ dignitati renuncient. ID.

(e) VI. Idus Iun. Id. & Iun. dictis *legib. omnibus. ID.*

C O M M E N T A R I V S.

SENATORIBVS factis ex Pistoribus, optionem dat hac constitutione sua Valentinianus Sen. (quæ secunda est e 12. Valentinianis *hoc tit.*) vel retinendi facultates suas, & sic Senatoria dignitate repudiata ad pistrinum redeundi: vel Senatoriam dignitatem retinendi, & sic facultatem amittendarum: idoneis videlicet in tantam panificii substantiam subrogatis de suis. Quæ & ipsa cessionis & subrogationis lex & conditio circa Curiales & Nauicularios statuta: de quo *tit. de Decur. & l. 2. supr. de Nauicular.* Sane Ammianus Marcellinus in gestis huius ipsius Anni 364. lib. 27. c. 3. exemplum suppeditat Terentii ex pistore pro præmio Corre-

ctura Tusciæ annonariæ honorati. Terentius, humili genere in urbe natus & Pistor, ad vicem præmii (quia peculatus reum detulerat, Officium (vel Orfitum de quo vid. eodem lib. cap. 7.) ex-Præfetto, hanc eandem Prouinciæ (Tusciæ annonariæ) Correctoris aministrauerat potestate: Eaque confidentia deinceps inquietius agitans, multa in Nauiculariorum negotio falsum admisisse conuictus, ut ferebatur, perit carnificis manu, regente Claudio Romam. Ergo ex hac leg. Senatoria dignitate non euitatur pistoria conditio: ut nec perfectissimatus dignitate ex l. vnic. supr. de Perfectiss. dign.

De FILIIS pistorum minoribus 20. annis a pistrino excusandis.

V. (a) Idem AA. ad Symmachum P. V. (b)

FILIOS pistorum, qui in paruula ætate relinquuntur, vsque ad vicesimum annum ætatis pistrini sollicitudine defendi (c) iubemus. Sane, periculo totius corporis subrogari conuenit pistores idoneos pro pupillis; sub hac videlicet condicione, ut post emensum vicesimum annum ætatis paterni muneris necessitatem subire cogantur: nihilominus permanentibus pistoribus his, quos in locum eorum constat substitutos. Dat. VI. Id. Ian. (d) Naïffo, diuo Iouiano, & Varroniano Coss. [364.]

N O T Æ.

- (a) Iungenda huic leg. est lex. 4. supr. & lex 6. & lex 2. infr. de calcis coltribus: lex vnic. infr. de Saccariis Portur: lex 1. infr. de Canone frum. V. R. l. 12. de operib. publ. Et proculdubio etiam lex 5. supr. de penis. GOTHOF.
 (b) Romæ. ID.
 (c) Defendi, id est, excusari. vid. Gloss. Theod. ID.
 (d) Ita quoque d. lex 6. prox. Sed ex aliis legib. hic & illic reponendum Iun. ID.

C O M M E N T A R I V S.

FILII Pistorum, & ipsi post patris mortem pistoria conditione tenentur, hac leg. & l. 3. vers. in donationib. supr. Filii, inquam, & nepotes, & deinceps. In donationibus, inquit ea lex 3. filii excepti sunt & nepotes: eodem loco positis omnibus, quibus ideo non decessimus beneficium largitatis, quia & panificii necessitatem suscipere successionis iure coguntur. Et tamen, si in paruula ætate relinquuntur, seu pupilli, noluit Valentinianus Sen. hac constitutione, eos statim ad pistrini sollicitudinem vocari, sed ad vicesimum ætatis annum vsque excusari; & post vicesimum demum ætatis annum paterni muneris necessitatem subire cogi: Nempe hæc ætas firmata & robusta, cum videlicet vicesimi anni clausa ætas Adolescentiæ, patefacere sibi ianuam cœperit ad firmissimæ luuentutis ingressum: cui ætati, quoniam inter plenam perfectamque adolescentiam, & robustam luuentutem media est, firmata ætatis appellatio imposita: ut eleganter loquitur Constantinus l. vnic. supr. de his qui veniam ætatis. Sic & in materia census pupilli vsque ad 20. annos a Censibus immunes erant, l. 4. de censu: Cuiusmodi sane ætas requiritur ad pistrini onus, substituto interea in pupillorum

locum aliis idoneis periculo totius Corporis: ita quidem, ut substituti non ad tempus tantum substitui videantur, vsque quo videlicet pupillus ad vicesimum ætatis annum peruenerit, sed in perpetuum pistores maneant. Quod singulare est: nempe substitutum alteri ob temporale eius impedimentum vel excusationem, impedimento cessante, non ideo cessare. Quod quidem singulare Annane Urbicæ fauore a Valentiniano Sen. constitutum inter alia, quibus enixa & prolixa constitutione sua ei consulendum putauit: cuius constitutionis portiunculas alias huic nostræ coasandas iam initio designauimus & inter alias l. 6. prox. infr. & quidem hæc omnia (quod sæpe dicere cogor) ad Symmachi P. V. suggestionem: quo instante, ait Ammianus lib. 27. cap. 3. Urbem sacratissimam otio Copisque abundantius solito fruitam. Ac inter cetera quamplurima circa Pistores institutis, quo ex ea constitutione præter hanc leg. & l. 4. supr. & l. 6. prox. pertinet & quarta portiuncula, puta lex 5. supr. de penis, quam & ipsam huic iungendam cenfeo, & quinta, puta lex 1. infr. de Canone frumenti. V. R.

VI. (a) Idem AA. ad Symmachum P. V.

NULLI liceat pistorum, (b) supplicatione delata, subterfugendi muneris impetrare licentiam. Dat. VI. Id. Ian. (c) Naïffo, diuo Iouiano & Varroniano Coss. [364.]

NOTÆ.

- (a) Quæ leges huic nostræ coassandæ sint, iam ad superiores 4. & 5. dictum est, quæ & ipsa de earum numero est GOTHOF.
 (b) Ita hunc locum interpangendum puto: Non, nulli liceat, Pistorum supplicatione. ID.
 (c) *pp. Jun. vt est in aliis legibus, quas huic coniungendas dixi. vid. Chronolog. ID.*

COMMENTARIUS.

LIBERARI seu solui, etiam Principis RESCRIPTO, pistorum quemquam munere, seu conditione sua, vetat hac leg. sua Valentinianus Sen. quæ pars est, vt iam notavi, prolixioris Valentinianæ constitutionis ad Symmachum P. V. (pariter vt Valentinianus lun. l. 18. *infr.* & Honorius l. 20.) Pistorem, inquam originarium: nam in pistrina condemnatum ludicis sententia speciali Principis rescripto liberari

posse idem statuit, l. 7. *supr. de penis*: (quæ legi 7. *prox infr.* coniungenda est:) Imo, ne quidem Corporis pistorii totius consensu, quem Pistorum liberari posse idem mox statuit l. 8. *infr.* Nempe & hac ratione Valentinianus vrbicæ annonæ consultum iuit inter alia, quæ proluxa sua constitutione ad Symmachi P. V. suggestionem constituit, de quo ad l. *supr. prox.*

De PATRONIS Pistorum.

VII. (a) Idem AA. ad Viuentium P. V. (b)

POST quinquennii tempus emensum vnus prior e Patronis pistorum otio & quiete datur: ita vt ei qui sequitur, Officinam cum animalibus, feruis, molis, fundis dotalibus, pistrinorum postremo omnem enthecā, (c) tradat adque consignet. Dat. VIII. Id. Octobr. Altino, (d) diuo Iouiano & Varroniano Coss. [364.]

NOTÆ.

- (a) Iungendæ huic sunt lex 7. *supr. de penis*: lex 16. *supr. quorum appellation. non recip. lex vnica infr. de nautis Tyberinis*: ita tamen vt Inscriptiones variant: Lex enim 7. *de penis*, inscribitur Arthemio (Correctori scilicet Lucæ & Brittiorum) lex 16. & lex vnica. Symmacho P. V. quomodo sane hic reponendum puto, de quo mox. GOTHOF.
 (b) Viuentius Anno demum 367. P. V. fuit: vt docet lex 11. *supr. de penis*: lex 3. *de indulg. criminum*: sic etiam vt inter Symmachum & hunc Viuentium Lampadius P. V. medius ab Ammiano Marcellino ponatur lib. 27. cap. 3. Symmachus, inquit, Aproniano successit: Aduenit post hunc Urbis moderator Lampadius ex PP. Aduenit successor eius ex Questore palatii Viuentius. Quare omnino substituendum hic Synnachii nomen, arg. d. l. 16. *supr. quorum appell.* & l. vnica. *infr. de nautis Tyberinis*: quæ huic coniungendæ sunt. ID.
 (c) Entheca hic, & l. 12. *infr. de operibus publicis*, est ἀποθήκη, de quo ad eam leg. plenius. ID.
 (d) Adde ex d. l. 16. Acc. XVI. Kal. Nouembr. ID.

COMMENTARIUS.

PATRONIS Pistorum est hæc Valentinianæ prolixioris constitutionis portiuncula, vt iam ostendi: de quibus Patronis sunt duæ præterea hoc ipso titulo constitutiones: puta lex 2. *supr.* & l. 12. *infr.* De his semel hic videndum est, quandoquidem hæc lex eam ad rem maxime singularis est. Igitur docet ea Patronos Pistorum fuisse eos, qui singulis Pistorum officinis præerant, quibus omnium cuiusque officinæ animalium, feruorum, molarum, fudorum dotalium cura, postremo omnis officinæ & pistrini enthecā commissa erat: quibus etiam noui Pistorum consignabantur, vt docet d. lex 12. *infr.* Nempe per varias Pistorum officinas sparsi fuere, seu varix Pistorum officinæ erant: quarum mentio quoque fit l. 8. *infr.* & l. 3. *infr. de animis ciuicis*. Cassiodorus quoque earum meminit Var. VI. 18. Per officinas Pistorum discursis. De his & Socrates lib. 5. *hist. Eccl.* cap. 18 qui οἱ κτὲς παμμεγέθεις vocat; ἦσαν ἐκ ἀρχαῖς κατὰ τὴν μεγίστην Ρώμην δικοὶ παμμεγέθεις, ἐν οἷς ὁ τῇ πόλει χορηγεῖσθαι ἀρτὸν ἐγίνετο: erant in vrbe Roma ades amplissima a prisca temporibus edificata, in quibus panis fiebat, qui cuiusbus diuidebatur. Patroni igitur, singularum officinarum præpositi fuere. Et tamen plures eiusdem officinæ Patronos fuisse hæc ipsa lex ostendit, sic tamen, vt Prior tantum ex his in summo actu positus esset, cæteri vero post eum, Patronorum quidem numero, sed nondum in summo actu, & cum actum expectantes suo quisque ordine. Quod & ipsum luculenter ostendit lex 9. *infr. de Suariis*: (quæ alioquin legi vltim. hoc tit. iungenda est) de Patronis Caudiciorum & mensorum: Vnus, inquit, e Patronis totius consensu corporis eligatur, qui, &c. Et sub fin. legis: Illud etiam decernimus, ne in singulis TRES PRIMOS PATRONOS corporum singulorum V. C. PF. ann. ius habeat corporalis iniuriæ. Ecce rursum primos Patronos Corporum singulorum. Nempe & hæc tenus quoque siue ambitio siue gratia peruagata est: vt Corpus vnum, vt Officina vna plures Patronos haberet, sibi que adscisceret: sed quorum vnus in summo actu esset: & quidem iustitrali seu quinquennii spatio, vt præter hanc leg. docet rursum d. lex 9. de Suariis: Ad excludendas Patronorum Caudiciorum fraudes, & Portuensium furti mensorum, vnus e Patronis totius consensu Corporis eligatur, qui per quinquennium custodiam Portuensium suscipiat conditorum: clandestinum ad collegas stigma missurus, ne quid ex specio

narum præpositi fuere. Et tamen plures eiusdem officinæ Patronos fuisse hæc ipsa lex ostendit, sic tamen, vt Prior tantum ex his in summo actu positus esset, cæteri vero post eum, Patronorum quidem numero, sed nondum in summo actu, & cum actum expectantes suo quisque ordine. Quod & ipsum luculenter ostendit lex 9. *infr. de Suariis*: (quæ alioquin legi vltim. hoc tit. iungenda est) de Patronis Caudiciorum & mensorum: Vnus, inquit, e Patronis totius consensu corporis eligatur, qui, &c. Et sub fin. legis: Illud etiam decernimus, ne in singulis TRES PRIMOS PATRONOS corporum singulorum V. C. PF. ann. ius habeat corporalis iniuriæ. Ecce rursum primos Patronos Corporum singulorum. Nempe & hæc tenus quoque siue ambitio siue gratia peruagata est: vt Corpus vnum, vt Officina vna plures Patronos haberet, sibi que adscisceret: sed quorum vnus in summo actu esset: & quidem iustitrali seu quinquennii spatio, vt præter hanc leg. docet rursum d. lex 9. de Suariis: Ad excludendas Patronorum Caudiciorum fraudes, & Portuensium furti mensorum, vnus e Patronis totius consensu Corporis eligatur, qui per quinquennium custodiam Portuensium suscipiat conditorum: clandestinum ad collegas stigma missurus, ne quid ex specio

*specie fraud occulta, velorum pessima qualitatē immutet: Cui pramia ista deferimus, ut si optima fide ad-
ministraverit munus iniunctum, post expletas lustralis
sollicitudinis metas, Comitum tertii ordinis honore cum-
muletur, idque non iam ex codicillis nostris, sed consti-
tuti istius consequatur indulto: deprehensus in fraudem,
amisso patrimonio ad pistrini etiam munia prima reuo-
cetur. Inde Quinquennales & Quinquennalicii, quorum
frequens mentio in Veteribus Inscriptionibus apud
Gruterum: veluti COLLEGI CENTONARIORVM,
CCCCLXXI. 5. MCL. 1. COLLEGII FABRORVM
OSTIENSIVM, CCCLVIII. 1. COLLEGII FA-
BRORVM TIGNARIORVM, CCCCLXXV. 8.
CORPORIS MARMORARIORVM, CCCCLXXIII.
8. CORPORIS NEGOTIANTIVM MALACITANO-
RVM, DCXLVII. 1. CORPORIS PISCATORVM
ET VRINATORVM, CCCXCI. 1. QVINQ. CORP.
NAVIGANTES, CCCXCL. 3. Tandem de Quin-
quennalibus Pistorum est ea inscriptio quam ad l. 1.
protuli, supra.*

De his Quinquennalibus Collegiorum seu Corpo-
rum nonnulla adhuc ex illis Veteribus Inscriptioni-
bus colligere est. Primum hos Quinquennales esse non
continuos, attamen perpetuos fuisse: quomodo etiam
diserte vocantur in insigni Tabula marmorea Romae
CXXVI. cuius Coll. incidunt in Annum D. 140. vbi
notatus ORDO CORPORATORVM, QVI PECV-
NIAM, AD AMPLIANDVM quoddam TEM-
PLVM CONTVLERANT. Perpetuos, inquam
fuisse: sic ut περιδικὸν hoc πολιτεῦμα esset, &
post aliquot lustra ad eundem recurreret. Hinc
Quinquennalisterium in Veteri Inscript. CCCXCI. 1.

PATRONO
CORPORIS. PISCATORVM. ET
VRINATORVM. QQ. III, EIVSDEM
CORPORIS.

Secundo tamen obseruandum in Veteribus Inscripti-
onibus Patronos a Quinquennalibus separari: ita
quidem ut hi secundo loco ponantur, illi primo: ut
in superiore Inscriptione: ita & CCCCLXXVII. 8.
& in praedicta Tabula collationis ad ampliandum Tem-
plum: vbi cum ordo Corporatorum retextitur, PA-
TRONI primo laterculo memorantur, secundo later-
culo QVINQ. PERPET.

Tertio, Offic. Collegii Fabrorum Ostiensium
quendam Quinquennalem LVSTRI XXV. vocari repe-
tio in Veteri Inscript. CCCLVIII. 1.

D. M.
L. ANTONIVS, PECVLIAVIS
SEV. AVG. Q. Q. COL. FAB. OST
LVSTRI. XXV. FECIT. SIBI. ET
ANTONIAE. SOTERIDI
VXORI. RARISSIME. CVM
QVA. VIX. ANNIS. L

Proculdubio a Portu Ostiensis excitato hic lustra
computantur, & sic anno circiter a Portu Osti-
ensi a Claudio Imp. excitato, a 121. ad 125.
quod in Marci Imp. tempora incidit. Item
CCCLX. 2.

L. A Q V I L I V S. D. L
M O D E S T V S. M A G I S T E R
Q V I N Q V E N N A L I S. C O L L E G I. F A B R O R V M
T I G N A R I O R V M. O S T I E N S I V M. L V S T R I T I
I S D E M. A V G V S T A L I S. F E C I T. S I B I. E T
A Q V I L L I A E. L. F. A P T A E. P A T R O N A E. E T
D E C I M A E. S. P. F. P R I S C A E. C O N I V G I. S V A E. E T
S V I S. L I B E R T I S. L I B E R T A B V S. E T. D E C I M I A E S. S P. F
P R I S C A E S. P O S T E R I S Q V E. E O R V M

Item CCLII. 6.

SABINAE
AVGVST

MAGISTRI. QVINQVENNALES
COLLEGI FABRVM, TIGNAR. LVST. XIII

Et CCLXI. 4.

FAVSTINAE. AVGVSTAE

MAGISTRI. QVINQVENNALES. COLLEGI. CORP. FABRVM
FERRAR. TIGNAR. DENDROPHOR. ET. CENTON. LVST. XXVII
T. OVINIUS. T. F. THERMVS. L. FVSCIVS. Q. F. SABINVS
FL. ANTIDIUS. SEX. F. EROS. C. FVLVIVS. C. F. NIGRVS
Q. CASSIVS. P. P. ALBINVS. MAGISTER. ET. FLAMEN. QVINQVENQ.
L. CHRISCIUS. L. F. VENVSTVS. SEX. MAETIVS. SEX. F. VERVS
D D. KAL. IANVAR.
C. MANLIO. TORQVATO. ET. CORNELIO. MESSALINO. COS

Tandem apponere hic iuvat secundum illud Later-
culum quod dixi, vbi singula quinquenniorum inter-
ualla Quinquennalium notantur.

QVINQ. PERPET.
C. SOSSIVS. BENEDICTVS
QVINQVENN
A. EGRILIVS. AVGVSTAL
QVINQVENNALIC
P. SVLPITIVS. HERA
L. NAEVIVS. SAECVLAR
A.D. 151. QVINTILIIS. COS
QVINQVENN
A. EGRILIVS. FAVSTVS
A.D. 156. SILVANO. ET. AVGVRN
Q Q COS
T. FISEVIVS. NICEPHOR
L. NAEVIVS. PROCVLVS
A.D. 163. L. AELIANO. ET. PASTORE
Q Q COS
T. FISEVIVS. PRISCIANVS
A.D. 170. CLARO. ET. CETHGO. COS
Q Q
M. MAGIVS. MARSVS
A.D. 172. MAXIMO. ET. ORFITO. COS
Q Q
L. HELVIVS. RESTITVTVS

Ut ad leg. nostram redeamus: e Patronis igitur pri-
or quinquennalis fuit, qui officinam administraret
curamque haberet animalium, seruorum, molarum.
Molarum quarum rumum mentio fit l. 4. infr. de
Canone frum. V. R. quae in pistrini instrumento est
etiam

etiam Paulus lib. 3. sent. iii. 6. §. 64. scribit, quandoquidem (quod & aliunde notum) pistorum erat, non tantum panificium, sed & molendinum: Hieronymus in Chronico, pag. 37. & 144. Thesaur. Temp. los. Iust. Scaligeri. Plautus ad molas manarias pistorum se locauerat. Pomponius in Pistorum pag. 1516. Tom II. Corpor. Poetar. Edit. Londinens. Decipit vicinos, quod molendum conduxit, comest: & rursum Pistor ibidem, Plus quæsti sacerem quam quadrinas, si haberem molas. * Item curam habebat fundorum dotialium. Fundi dotiales erant prædia Pistorum corpori obnoxia, affectata; vnde Pistoribus solatia præbebantur, hac leg. & l. 19. infr. quæ ad nihilum redacta iure perpetuo seu emphyteutico donec post-

ea locata, vnde pensionem præstarent, d. l. 19. Et fuere ea per diuersas Prouincias sub cura Præfecti annonæ: Cassiodorus lib. 6. form. 18. Dignitati quoque tue Pistorum IVRA famulata sunt, quæ per diuersas mundi partes possessione latissima tenebantur. Dotales quoque fundi postea fuere. Pistorum proprii, nam & hæc dotis nomen & speciem retinebant, vt ait lex 13. infr. Tandem omnem pistrinorum Enthecæ curabat Patronus: id est, instrumentum quoque aliud, & paraturam pistoriam: Entheca est ἀποθήκη, quicquid sepositum conditumque alicuius vsus & præsidii causa, vt hac leg. & l. 12. infr. de operib. publ. quæ hoc ipso Anno data ad Symmachum P. V. vbi dicam plenius.

* Excitauit iam ante Nostrum hæc loca IAC. CUIACIUS Obseruat. XVI. 5. quem consule.

LIBERARI aut TRANSFERRI Pistor non debet.

VIII. (a) Idem AA. ad Symmachum P. V.

IN speculis erit Officium Sinceritatis Tuæ, Ne cui qui semel pistorum corpori fuerit deputatus, (b) abscedendi qualibet ratione copia facultasque tribuatur: etiam si absolutionem (c) eius Pistorum omnium labor, (d) & adfensus confessus conuenisse videatur. Ne illud quidem cuiquam concedi oportet, vt Officina (e) ad aliam possit transitum facere. Dat. XVIII. Kalend. Febr. Mediol. Valentiniano & Valente AA. Coss. [365.]

NOTÆ

- (a) Iungenda huic est lex 8. supr. de pœnis. Imo etiam, vt mihi quidem videtur, lex 1. infr. de fide Catholica. GOTHOF.
 (b) Adiudicatus sententia etiam Iudicis: arg. d. l. 8. supr. de pœnis. ID.
 (c) Vt. ad absolutionem, vel ad solutionem. ID.
 (d) An fauor? An labor et adfensus & consensus, &c. ID.
 (e) De officinis pistoris iam supr. ad l. 7. prox. & ad l. 2. infr. de annonis ciuicis. Interim et si hoc sustineri potest, clarior tamen ab vel de officina. ID.

COMMENTARIUS

IBERARI pistrino, ne pistorum quidem omnium adfensu quisquam potest, ex hac Valentiniani Sen. constitutione, cui iungenda est & lex 8. supr. de pœnis. Cuius argumento inducitur quis vt duo credat: Primo proprie hanc leg. esse de his qui Pistorum Corpori per sententiam Iudicum ob leue aliquod crimen deputati seu adscripti sunt, de quibus sane agitur l. 3. 5. 6. 7. 9. eo tit. de pœnis: l. vltim. infr. hoc tit. l. 9. infr. de Suariis: et si non eo minus verum id quoque sit in quibuscunque aliis Pistoribus. Nempe enim ea leg. agitur de damnatis ad Ludum. Secundo, cum ea leg. prohibeatur quisquam Christianus ad ludum damnari; pariter, vt ad custodiam Templorum apponi, l. 1. infr. de fide Catholica: (quæ & ipsa huic iungenda videtur,) ita putet quis, per adfensum Confessus, hic intelligendum nominatim sacerdotalis confessus adfensum, pistorem aliquem ad Ecclesiam & clericatum deposcentem: quasi hoc vellet Valentinianus, a Christianæ Religionis veneratione hoc officium & ministerium alienum non esse, vt est custodia Templorum, vt est rursum Poena ludi: Itaque frustra ex pistorio officio quem a Sacerdotum confessu, vel Synodo deposci: Quæ sane Valentiniani sententia est ad eundem Symmachum, l. 11. infr. eodem Anno 365. Sane Sedendi, Confidendi, Residendi, vox propria de Sacerdotali confessu: de Synodo Romana in causa Donatistarum Optatus lib. 1. cap. 23. Cum confedissent Miliares Ep. Vrbis Roma: & mox init. cap. 24. His decem & nouem confedentibus Episcopis. Sic & l. 35. infr.

de Episcop. Quicunque Residentibus Sacerdotibus fuerit Episcopali loco detrusus. Sed & cæterorum multos muneribus & ministeriis publicis nexos ab Episcopis ad Clericatum postulatos liquet. Quæ coniectura, si stat, iam hac lex ad historiam Ecclesiasticam referenda fuerit. Verum hoc vt quisque volet, ita & accipiet: nam & per adfensum confessus, consensus totius Corporis pistorii accipi potest. Sane in huiusmodi Corporum decretis sentiendi & adfendi vox propria. Sic l. 21. infr. Etiam si huic facto omnium pistorum accedat adfensus, Symmachus lib. 10. epist. 58. in fin. quos sui Corporis adiudicauit adfensus. In veteri Inscriptione Decreti, quo a Collegio fabrorum & Centonariorum Patronus Collegii quis adscitus, VNIVERSI SENTIMVS. vid. Gruterum MCI. 1. An nihil innotandum? vt per confessum intelligatur Pistorum confessus: ita Concilium Nauiculariorum dicitur l. 32. supr. de Nauicular.

2. Altero huius leg. capite Valentinianus definit, neque OFFICINAM mutare, seu ab officina ad aliam transgredi, cuiquam pistorum concedendum esse: Nempe suis cuique & sufficiens officinæ pistorum numerus relinquendus est. Hoc interim argumento mutationis expetite colligo, grauiorem vnus officinæ quam alterius laborem visum, vt de ea mutanda quidam cogitarent, idque sibi concedi postulare. Ergo tantum abest, quisquam pistorio munere in totum liberari vlla ratione possit, vt ne officina quidem vna liberari & in aliam transferri debeat.

l. X. (a) Idem

IX. (a) Idem (b) AA. ad Olybrium PF. V. (c)

EX Libertinis, Catabolensium corpori statuimus sociari (d) eum, cuius tota substantia triginta librarum argenti æstimatione colligitur. Idque pondus, siue ipsum per se (e) habet, seu in aliis quibuscumque speciebus, vel in ædificiis adque agris, dictæ adscriptionis merita non transit, iubemus ab inquietudine istius molestiæ segregari. Dat. III. Kalend. April. Triu(f) Valentiniano & Valente (g) AA. Coss.!

N O T Æ.

- (a) Iungenda huic leg. est vt puto *lex 9. supr. de pœnis*: Imo & *lex vnic. infr. de mancipib. thermarum*. Cæterum *ὅσα πρὸς τὸν* hic & *l. prox.* admissum ab huius Codicis Conditoribus: post legem enim 2. collocari hædebuerunt, vt ex *Olybrii P. V.* nomine mox probabo: & ex *Treuerica* vrbe, vbi hæc lex a Valentiniano data est. GOTHOF.
- (b) Inscribendi hi *Imppp. Valentinianus Valens & Gratianus*. ID.
- (c) Hic post Viuentium, & Prætextatum, qui Ann. D. 367. Præfecti Urbis fuerunt, Anno demum 368. P. V. factus est. Notitia hæc tenenda Præfectorum Urbis primis Valentiniani Imp. annis, post Apronianum, qui sub Iouiano P. V. fuit.
- A. D. 364. & 365. Symmachus. *Ammianus, lib. 27. cap. 3.* complures passim hoc Codice ad hunc constitutiones.
- A. D. 366. Lampadius. *Ammianus, lib. 27. cap. 3.*
- A. D. 367. Viuentius. *Ammianus, lib. 27. cap. 3.* Huic inscribitur hoc Anno *l. ii. de pœnis: l. 3. de indulg. crim.*
- A. D. 367. & 368. Prætextatus. *Ammianus, lib. 27. cap. 9.* Huic inscribitur hoc Anno *lex vnic. de ingrat. liberis: l. 4. de Suar. l. 10. de pœnis, l. 7. de priuil. eor. qui in S. Pal. l. 8. de Medicis.*
- A. D. 368. Olybrius. *Ammianus, lib. 28. cap. 1.* ID.
- (d) *γγ. non sociari*. ID.
- (e) Solum in argento, in specie. ID.
- (f) *Triueris* Valentinianus Ann. D. 368. Valentiniani Itinerarium per hæc tempora hoc habet.
- A. D. 364. Constantinopoli, Hadrianopoli, Philippopoli, Bonamantione, Serdica, Naissus, Mediana, Sirmio, Emona, Aquileia, Altini.
- A. D. 364. 365. Mediolani, Luceria, Aquileia, Verona, Parisiis.
- A. D. 366. 367. Remis, Ambianis, Remis.
- A. D. 367. 368. Treuiris. ID.
- (g) *γγ. II.* id est, Ann. D. 368. vt ex superioribus liquet. *Olybrii*, inquam P. V. nomine, qui eo demum Anno P. V. fuit: & ex vrbe *Treuerica* subscriptione: vbi Valentinianus primum sine Anni 367. & Ann. 368. conflictit. ID.

X. Imp. VALENTINIANVS (a) & Valens AA. ad Olybrium P. V.

LIBERTINI, qui a dominis, cuiuscumque honoris aut meriti, aliquid testamento, vel donatione meruerunt, si aliquam (b) pistrinis obnoxiam consecuti sunt, pistorum corpori copulentur. Si vero libera ob (c) hoc nexu hisdem sunt corporibus (d) derelicta, Catabolensium necessitatibus obsequantur. Quinetiam si qui ex his aliis se corporibus crediderint inferendos, ab his incunctanter abstracti, ei cui hac lege sociati sunt muneri deputentur. Si autem a Clarissimis (e) Viris aliquos acceperint fundos, sic prædicto (f) corpori pareant, vt Glebæ, (g) ex qua lucratiua sunt corpora, nullum præiudiciū comparetur. Dat. Non. Iul. Lecta in Pantheo, (h) Non. Nou. Valentiniano & Valente (i) AA. Coss.

N O T Æ.

- (a) *γγ. Imppp. Valentinianus, Valens & Gratianus*. GOTHOF.
- (b) Vel reponendum, *aliquam obnoxia*: vel, *aliquam rem obnoxiam*. ID.
- (c) *γγ. ab hoc*. ID.
- (d) *γγ. Corpora*, id est res, vt *fin. legis*, ex qua lucratiua sunt corpora. ID.
- (e) Senatoribus. ID.
- (f) Catabolensium. ID.
- (g) Senatoria, Glebalis collationis. ID.
- (h) *Lecta in Pantheo* Romæ hæc lex dicitur. De Pantheo Romæ ab Agrippa condito, operum pulcherrimo, deque eo conflagrato, mox inflaturato, res nota: quod tandem in B. Virginis Mariæ & omnium Sanctorum templum mutatum, Phocæ Imp. permisso, curante Bonifacio Quarto: teste Reginone p. 18. Toni. l. Ker. German. loqu. *Pistorii Edit. Struuii*. Cur autem hæc lex lecta in Pantheo? mox disquiram. ID.
- (i) II. vt ad leg. superiorem ostensum est. ID.

COMMENTARIUS.

DE CATABOLENSIBUS, (quos in Sitobolenses quidam non recte mutant, quia Σιτοβολῶνες Palladio in *Lausiac de Soweriano* hæc duæ hoc titulo imo *hæc toto Codice* leges sunt: neque vllæ præterea hoc Codice occurrunt. Adeo etiam, ut ne minimo quidem argumento colligi ex iis possit, quinam ii fuerint: nam id hæcenus edocent, Corpus certum horum Catabolensium Romæ sub dispositione P. V. fuisse: sed & illud hæcenus ex *Rubrica huius tituli*, & *his legibus* sub hoc titulo positis conficitur, vicinum Pistorum Corpori Corpus hoc fuisse. Tandem Libertinos huic Corpori sociatos.

Verum ultra ad surgendum est. Catabolenses igitur in genere erant, qui veterinis onera vehebant. Cassiodorus III. *Variar. 10. Declaramus, ut marmora, quæ de domo Pinciniana constat esse deposita, ad Rauennatem urbem per CATABOLENSES vestra ordinatione DIRIGANTUR.* Idem lib. IV. *Var. 47. in fin. Quinetiam onera centum librarum nullus excedat. Et mox: Et ideo quinquaginta solidorum multam iam non veredarius, sed CATABOLENSIS incurrat, quisquis ultra centum libras parhippum crediderit onerandum.* Apud quem *Catabolenses* proprie sunt, qui in mutationibus cûrsuales equos seu veredos onerabant. Igitur Catabolenses erant, qui veterina animalia sarcinis onerabant, iisque onera vehebant, ἀπὸ τῆ καταβάλλειν, quod est *onerare*: pro quo alias ἐμβάλλειν, (vnde Embolla sacra, onus nauium Alexandrinarum) seu ἀναβάλλειν (vnde anabolica species apud Vopiscum in *Aureliano cap. 45. aduestitia*, aliunde comportata.) Vnde & Caballum dictum autumant ab iniciendis oneribus, καβάλλειν, pro καταβάλλειν *Deribus.* Quinimo & Catabulum, καταβόλον, pro stabulo ipso veterinorum animalium: quod S. Marcelli PP. historia ostendit apud *Anastasium, Scotum, Glossariorum Auctores, Papiam, Alios.* Stet igitur Catabolenses fuisse, qui fiscalia onera Romæ veterinis comportabant: siue frumentum Romam per nautas Tyberinos aduectum, horreis inferendum esset: siue rursum ex horreis frumentum in pistrina comportandum esset: siue panis e pistrino ad gradus deportandus; & quod aliud onus fiscale transtuehendum. Vnde iam apparet, cur Catabolensis pistoribus hoc titulo societur. De Catabolensis spiritibus nos est hic dicendi locus.

De his igitur Catabolensibus, his duabus Valentiniani Sen. constitutionibus statuitur; ex *LIBERTINIS* Catabolensis esse adsumendos seu sociandos: idque duobus casibus: quorum primus l. 9. continetur; posterior l. 10. Nempe sociandos primum, si substantiam ipsi habeant 30. libris argenti maiorem, non si minorem: aut 30. tantum librarum: quæ sententia est legis 9. Apertissime enim postrema legis pars ostendit, initio legendum esse, *statuimus non sociari.* Item libertinos Catabolensibus sociandos, (quæ sententia est legis 10.) si a dominis seu patronis aliquid testamentum vel donatione meruerint seu acceperint, dummodo non rem aliquam pistrinis obnoxiam, (tum enim pistorum Corpori sociandos:) ita quidem ut hæc distinctio immutari non possit, idest, Libertini rem pistrino obnoxiam a dominis confecti, Catabolensium Corpori sociare se non possint: & vicissim immunem a pistrini nexu consecuti, pistrino se sociare non debeant. Distinctio hæc scilicet legis & providentiæ est, suo cuique corpori ita consulenti, quam priuato studio infringi non oportet.

Addamus ex l. 9. *supr. de penis*, quæ huic nostræ iungenda est: quemcunque sociatum Catabolensium forte corpori pro pena Pistorum corpori addicendum non esse: de quo ad eam leg. plenius. Sed & illud adicitur l. 10. si Libertini fundum liberum a nexu pistorio, acceperint a dominis seu patronis Senatoriis, ita eos Catabolensibus sociandos: ut tamen Senatoriam quoque glebam eius nomine præstent. Ita scilicet Catabolensibus consulendum credidit, ut ne glebæ Senatoriæ seu collationi glebali præiudicium fieret: de quo fuit *supr. peculiaris titulus lib. 6.*

Et hæc quidem est sententia harum duarum constitutionum; vbi queri potest, qua ratione Libertini nunc ad Catabolensium munus vocali fuerint a Valentiniano Sena. Nempe cum hoc tempore Catabolensium Corpus infractum fuisset, atque ita annonæ Urbicæ consultum minus esset, Libertinos ad eam vocari placuit, ut cæteroquin libertinæ conditionis hominibus multa imposita: forte etiam quod & ipsi corpore validi essent, & Catabolensis functionis speciem aliquam patronis vel dominis redderent: Ingenuos vero ad id vocari graue vitium & indecens. Et duobus tamen adhuc tantum casibus illis quos dixi, Libertini ad Catabolensium corpus adstricti, puta si facultates eorum 30. libras argenti excederent, & si quid a dominis vel patronis donatione vel testamento, ex causa proinde lucratua, acceperint. Quæ omnia ideo instituta videntur libertorum odio, ad quos hoc æuo magnæ diuitiæ confluebant, etiam patronorum profusionibus. Quibus & hac ratione occursum, modisque positus, metu Catabolensis conditionis iniecto: imo & pistoriæ suo casu: tandem & Senatoriæ adscriptionis. Verum de peculiari odio Principum hoc æuo in Libertinos, dixi plene ad l. 3. *supr. de inoff. testam.* & ad tit. de *Libertis & eorum liberis*: & l. 3. *supr. de reuoc. donat.* Quod autem modum patrimonii in Libertinis initum hic videmus, id & alias factum, sed alio fine, ostendunt quæ de Centenario liberti lege *Julia & Papia* cauebantur, ut ad eam leg. dixi.

Notanda hic superest Subscriptio legis 10. quæ dicitur *lecta in Pantheo*: de Pantheo res nota est. Sed dubium, cur ea lex ibi lecta fuerit? Aliiter atque pronum est respondere, cur lex 20. *infr. de Episcopis*, quæ eiusdem Valentiniani est, in *Ecclesiis lecta* dicatur. Panthei sane meminit Ammianus Marcellinus lib. 16. cap. 10. Constantii Imp. in Urbem Romam ingressum Ann. D. 357. eiusque decora & magnifica opera describens, quæ Constantius ibi vidit & miratus est: *Pantheon*, inquit, *velut Regionem teretem, speciosa celsitudine fornicatam: elatosque vertices qui scansili suggestu consurgunt, priorum Principum imitamenta portantes.* Fit quoque eius mentio in *veteri urbis descriptione*, quæ præfixa Imperii Notitiæ, vbi collocatur Regione Nona. Mihi mens ea, ideo *hanc leg.* quæ est de Pistoribus & de Catabolensibus, *lectam in Pantheo*, non tantum quod celebratissimum & frequentatum maxime Romæ Gentilium templum esset, cuiusmodi Gentiles ferme erant Pistores & Catabolenses, verum etiam, quod Pantheon vicinum esset *Stabulis sacellorum, & Minutia frumentaria*, in eadem Regione Nona: vbi Pistorum & Catabolensium usus erat in annonâ conficienda, comportanda, ad ea loca.

XI. (a) Idem AA. ad Symmachum P. V.

HAC sanctione generaliter edicimus, nulli omnino ad Ecclesias, ob declinanda pistoria licentiam pandi: Quod si quis ingressus (b) fuerit, amputato priuilegio Christianitatis (c) sciat se omni tempore ad consortium pistorum & posse & debere reuocari. Dat. V. Kalend. Oct. Aquil. Valentiniano & Valente AA. Co.ss. [365.]

NOTÆ.

P. 160

- (a) Omisit Baronius hanc leg. in hunc Annum 365. referre. *GOTHOF.*
 (b) Ecclesias scilicet. *ID.*
 (c) Christianitatis voce, quid hic veniat? mox inquiram. *ID.*

COMMENTARIVS.

ECCLSIARVM perfructio, CHRISTIANITASQUE priuilegio quenquam pistorum consortio liberari verat hac constitutione Valentinianus Sen. Inter tot scilicet rationes quibus per hoc biennium Pistorum Urbis Romæ collegio, frequentibus ad eundem Symmachum P. V. constitutionibus emissis, consultum iuit, & hac quoque ratione consulendum putauit: cum iam Ecclesiæ obtentu Pistorum quoque collegium diminueretur. Hactenus scilicet ad Ecclesias licentiam pandi oportet, hactenus priuilegio Christianitatis locum dari, vt ne eo obtentu tam necessaria Vrbi Romæ, annonæque eius Corpora debilitentur: veluti Pistorum hac leg. Suariorum, aliorumque Corporatorum ex Honorii l. 8. *infr. de Suariis*: & in vniversum quicumque tandem Corporati Urbis Romæ ex Valentiniani Tertii Nouella inter Theodosianas 26. de Corporatis Urbis Romæ, qui ad militiam vel Clericatum transeunt, reuocandis: & Nouella 12. de Episcopali iudicio.

Ceterum generalem huius leg. sanctionem adeo fecit & esse voluit Valentinianus Sen. vt sub tribus Ampliationibus eam accipi velit, & ratione personarum, & ratione temporis, & absolute. Ratione Personarum, nullo videlicet omnino excepto: Ratione Temporis, omni scilicet tempore huiusmodi personis ad consortium Pistorum reuocandis: Absolute denique, omni priuilegio amputato, neque vlla conditione aut exceptione admissa: etsi Pistorum ipsorum consensu & adsensu accedente: quod item cauit l. 8. *supr.* ad eundem Symmachum P. V. cum tamen in Decurionibus hac parte aliquando distinctiones quædam adhibitæ fuerint. Nam & Ordo Sacerdotii, ad quem Decurio transferat, distinctus fuit, l. 121. 163. *supr. de Decurionib.* Quod & ipsum circa Corporatos constitutum d. Nouella 26. & Temporis diuturnitatis ra-

tio habita, l. 19. 21. 123. 163. *supr. de Decur.* & excepti quandoque Decuriones si bonis suis Curia cederent: l. 59. 121. 123. *supr. de Decurionib.* Et istud quidem ita Valentinianus, in fauorem annonæ Urbicæ, repudiato Ecclesiæ obtentu: qui alioquin hoc ipso Anno, Christianæ Religionis venerationi, legibus ad eundem Symmachum P. V. datis consultum voluit, Christianis videlicet in ludum damnari vetitis, l. 8. *supr. de panis*, quæ coassanda est cum l. 8. *supr. hoc tit.* & ad custodiam Templorum admoueri, l. 1. *infr. de fide Catholica*.

Illud modo videndum, vtrum hac lex accipienda sit de Pistoribus ad Clericatum transeuntibus; an vero de Christianæ Religionis professione? quoque adeo sensu, ad Ecclesias licentia pandi vetetur? quo sensu Christianitas dicatur, & priuilegium Christianitatis amputari? Sane Christianitatis appellatione, Clericatus nominatim designatur: l. 123. *supr. de Decurionib.* & Christiani pro Clericis & Ecclesiasticis, l. 2. *supr. de postliminio*: l. 50. & d. l. 123. *supr. de Decurionib.* Christianæ denique legis votum, pro Clericatu, l. 16. *infr. de Episcopis*. Et tamen hac lex accipi possit de sola etiam Christianæ Religionis professione, qua, non modo Clericatu pistorii conditione nexuque nonnulli liberari se posse sperabant: Quod hac leg. negatur. Alia equidem sunt munia & ministeria a Christianæ Religionis reuerentia aliena, a quibus proinde Christianæ Religionis obtentu quis liberari potest; veluti a Scenica conditione, l. 4. 8. 9. *infr. de Scenicis*: a lupanario, l. 1. *infr. de lenonibus*: a ludi poena *dist. l. 8. supr. de panis*, a custodia Templorum, l. 1. *infr. de fide Catholica*: quæ, vt dixi, est eiusdem Valentiniani ad eundem Symmachum P. V.

XII. (a) Idem (b) AA. ad Claudium Proc. (c) Afric.

SECVNDVM Parentis (d) nostri Constantini diuale præceptum, (+) omnibus lustris pistores, ex Officio, (e) quod ei corpori constat addictum, ad Urbem Sacratissimam (f) destinentur: In quo illud (*) conuenit præcaueri, ne quis hanc, quæ personalis est, functionem pretio putet esse taxandam: veniant suo tempore quos causa constringit: & ita veniant, vt eos Officium quod tibi paret, pistorum Patronis (g) adque PF. Annonæ apud publica monumenta consignet. Quod si quis Iudicum statim tempore personam quæ est destinanda, non miserit, ipse profecto remanebit obnoxius functioni, cui subtraxisse probatur obnoxium. In Officium (h) quoque poena compe-

tens exeretur, quod aut dissimulatione neglexerit, aut fraude subtraxerit (i) Iudicem suum super vi legis & consuetudinis admonere. Dat. Kal. Decemb. Triu. Valentiniano & Valente (k) AA. Coss.

NOTÆ

- (a) Concordat huic *l. 17. infr. GOTHOF.*
 (b) *79. Imppp. Valentinianus, Valens, Gratianus AAA. ID.*
 (c) Eidem Claudio Procons. Afr. inscribitur *l. 6. supr. de Legatis: l. 3. supr. de Iustit. l. 18. infr. de Episcopis: vid. Protopogr. ID.*
 (d) De hac Parentis appellatione, mox in *Commentario. ID.*
 (†) Non extat id Constantini M. præceptum, seu *hæc lex. ID.*
 (e) Quoddam illud? aut quænam illa officia? An officium, id est, officiales Iudicum? an Officium Proconsulis Africæ? *ID.*
 (f) Id est, Urbem Romam. *ID.*
 (*) *Lex 9. Cod. Iust. de excus. munerum* hunc versiculum vnicum habet, retenta voce *hanc*: quæ ibi posita iam non habet quo referatur. *ID.*
 (g) De Patronis Pistorum dictum ad *l. 7. supr. ID.*
 P. 161. (h) In Officiales. *ID.*
 (i) *Subiuguit. ID.*
 (k) Adde II. & sic referenda *hæc lex* ad Ann. D. 368. quo sane Valentinianus Treuiris constitit (non Ann. D. 365.) & quo ex prociñctu Alamannico ad hyberna reuertit, teste Ammiano *lib. 27. cap. 10.* videndus & Ausonius in *Mosella v. 421. 422.* Et sane Claudium cui *hæc lex* inscribitur, ex *aliis legibus* Ann. 369. & 370. Proconsulem Africæ fuisse reperio: quare *hæc lex* reddenda certissime Ann. 368. pariter vt *lex 18. infr. de Episcopis*: quanquam hæc postrema reddi potest & Anno Domini 370. *ID.*

COMMENTARIUS.

EX AFRICA singulis Iustis Pistores, ex officio, quod ei Corpori addictum erat, mitti a Iudicibus seu Rectoribus Africæ iubet Valentinianus Sen. idque secundum Constantini M. legem seu præceptum. Nempe Constantinus M. (quod ex *hac leg. discimus*) certum quoddam Officii genus, in Africa Pistorum Corpori addixerat: vnde scilicet singulis Iustis seu quinquenniis certi quidam Romam ad Pistorum Corpus mitterentur, quos causa hæc constringeret. Id quod *hæc leg.* a Valentiniano Sen. confirmatur: itemque a Gratiano & Valentin. Iun. *l. 17. infr. hoc tit.* Sed in obscuro latet, quoddam illud Officium fuerit, Pistorum Corpori a Constantino M. addictum: Sane non officium fuit Proconsulis Africæ, quandoquidem hic officium quod ei pareret, distinguitur ab officio, quod Pistorum Corpori addictum erat. Igitur fuerit forte Officium minorum Iudicum Africanorum non Spectabilium, sed Clarissimorum, qui sub Proconsule vel Vicario Africæ fuerunt: Atque in his Præfecti annonæ Africæ.

Interim obseruandum, Constantini M. institutum hoc, Pistorum Urbicorum collegio hac ratione consulenti: cuius fuit & alterum illud institutum, vt leuiorum criminum rei, pro pœna, Iudicum sententia in pistrinum Urbis Romæ darentur *l. 3. supr. de penis*: quod & ipsum probauit propagauitque hic idem Valentinianus Sen. *l. 5. 6. 7. 9. supr. de penis*: & de quo iam quoque aliquid dixi ad *l. 8. supr. hoc tit.* Item tertium, vt Nauicularii quoque pistorum consortio adstringerentur, si forte hæreditatem seu successionem pistoris amplecterentur, vt idem Constantinus constituit *l. 2. supr. de Nauiculariis*, quæ emissâ est ad Præfectum annonæ Africæ Anno D. 315. Alias Nauicularios ad Pistorum consortium vocatos, occasione forte huius constitutionis suæ ab hoc munere absolui voluit.

Secundo obseruandum, omnibus Iustis Pistores hos ad Urbem Romam transmissos, quod & ipsum semper solum vocari videtur *l. 17. infr.* Nempe, vt

existimo, propter Patronorum Quinquennialium mutationem, de quo *l. 6. supr.* quibus sane hi Pistores consignari *hæc leg.* iubentur.

Nunc de sententia huius leg. Ea est, 1. Ne quis ordine suo mittendus possit hanc functionem redimere: quam vnicam sententiam seruauit Tribonianus *l. 9. Cod. Iust. de excus. mun.* 2. Vt ab Officialibus PC. Africæ, Pistorum patronis, atque PF. annonæ, apud publica monumenta consignentur. Sane & ita Constantinus leuiorum criminum reos in pistrina Urbis Romæ a Iudicibus condemnatos ad Præfectum annonæ sub idonea prosecutione mitti iussit *d. l. 3. supr. de penis*: quod etiam Valentinianus probauit *l. 6. supr. de penis*. Imo Valentinianus hic noster, leuiorum criminum reos ab ipso P. V. pistrino damnatos, sub obtutibus Præfecti V. assignari voluit, ne dum occulte per nequissimos Commentarienses traduntur, gratia venalis existat, *d. l. 5. supr. de penis*. Tandem sanctio subiicitur aduersus Iudices & Officiales, pistores illos non mittentes.

Inter alia vero in transcurso notari cupio, quod Valentinianus Imp. Constantinum Parentem suum vocat: Scilicet Parentis ista appellatione Principes, alios quos singulari honore vel affectu prosequerentur, decorabant: & vero decorauit Constantinum M. Valentinianus Sen. vt *hæc leg.* ita & *l. 17. supr. de Prætorib.* Marius quoque Victorinus 2. de Trinitate, Constantinum Valentiniani Imp. patrem vocauit: quod Baronius non intellexit. Ita quoque Constantinus Aurelianus parentem suum vocat *l. 1. Cod. Iust. de omni agro deserto*: & Diocletianum pariter, *l. 2. supr. de censu*. Ita quoque Valentinianus Iun. *l. 2. infr. ne sanctum Baptisma: Parentes suos Constantinum, Constantium, vocat.* Ita Valentinianus Sen. huius leg. Auctorem, parentem suum vocat Honorius; *l. vnic. supr. qui conduct. rei priu. l. 33. infr. de operibus publ.* imo & patrem: *l. 22. supr. de erog. mil. ann.* Valentinianum hunc ipsum & Valentem parentes suos Theodosius M. *l. 90. 105. supr. de Decurion.* Ita Valentinianus Tertius Theodosium Iun. patrem suum

um non semel vocat *Nouellis suis*; *Nouella de pre-*
script. 30. ann. 8. Nouella 12. de Episcopali iudicio:
Nouella de reddito iure armorum 20. inter Theod. vt

vicissim ipse Theodosius Iun. *Valentinianum hunc*
Tertium, filium suum vocat. l. vlt. supr. de Decurion. &
silentiar. & Nouella 1. & 2.

XIII. Idem (a) AA. ad Olybrium P. V. (b)

NON ea sola pistrini sint, vel fuisse videantur, quæ in originem adscripta Corpori (c) *dotis* (d) nomen & speciem etiam nunc retentant, sed etiam ea quæ ex successione pistorum, ad hæredes eorum, vel quos alios, deuoluta noscuntur, quo eorum quoque distractio inhibita euidentius cerneretur. (e) In his vero solis liciti contractus eidem Corpori referueretur, (f) quæ ad ipsos non hæreditario pistorum nomine, sed priuatorum institutione, liberalitate, vel dote, aut quolibet (g) titulo probantur esse transfusa, & si qua ipsi ex priuata munificentia consecuti, in rebus humanis agentes, in aliquem ex focis, id est, in pistorem alterum, transtulerunt. Cæterum si hæc quoque in successione propria reliquere, etiam eadem dotis nomine & titulo nuncupamus: quia pistrino proficere conuenit, quod apud pistorem eo viuente permansit. Seruauit (h) igitur decetero ordinem constitutum, vt si vel donatione pistoris rem pistrino hæreditatis, successionisue meritis obligatam quicumque ex priuatis a pistoribus fuerit consecutus, sciat corpori obnoxium vendere & alienare non posse, sed in sua causa & pistorum nomine ac iure residere. Dat. Kalend. Iun. Triu. Valentiniano NB. P. & Victore Coss. [369.]

NOTÆ.

(a) *Idem AAA. Valentinianus scilicet, Valens & Gratianus. GOTHOF.*

(b) Sex præterea constitutiones hoc Anno huic *Olybrio P. V.* inscribuntur: vid. de eo *Prosopogr. ID.*

(c) *Pistorum. ID.*

(d) Ita fundi dotales, *l. 7. supr. ID.*

(e) *Cerna-ur. ID.*

(f) *vg. Referueretur. ID.*

(g) *Alio scilicet. ID.*

(h) *vg. Seruabis. Scriptum fuerat seruatis. ID.*

COMMENTARIVS.

DEREBS & POSSESSIONIBVS Pistorum fuit iam *supr.* Constantini M. *lex 1.* Valentiniani Sen. *lex 13.* eiusdem est hæc altera: vbi distinctio bonorum hæc certa iam erat; inter dotes pistrini, id est, res pistrino seu pistorum Corpori nexas, & inter eas quas priuato iure possident: Quod videlicet Pistores illas distrahere non possint: has possint. Hæc inquam distinctio iam certa erat, etiam ante *hanc leg.* vt docet etiam sub Valentiniano d. *l. 3. supr.* At non & illud, quænam proprie dotes pistrini essent: & sic quænam *priuato iure* possidere censerentur, atque ita distrahere possent: quænam contra pistrini essent, & dotis nomine censerentur, & sic inalienabilia. Id itaque *hac constitutione* definit Valentinianus: Nempe dotes pistrini esse, non ea tantum bona, quæ vt *lex* ait, in originem adscripta Corpori pistorum, *dotis* nomen & speciem retinent, id est, quæ iam olim affectata huic Corpori, instar dotis; vnde & *dotis* nomine censebantur, & fundi dotales dicti, *l. 7. supr.* verum etiam propria eorum & aduentitia, quæ videlicet ex successione Pistorum ad hæredes eorum, vel quos alios deuoluta sunt: veluti si quod ipsi priuatorum institutione, dote, liberalitate, aut quo alio titu-

lo consecuti essent, in successione propria reliquerunt; hæc scilicet etiam *dotis* nomine & titulo censi vult Valentinianus, ac proinde d' strahi vetat: *Quia*, inquit, *pistrino proficere conuenit, quod apud pistorem eo viuente permansit.* Quod singulare est: Nempe vt ea *dotalia* sint seu Pistorum Corpori nexa censeantur, quæ etsi non origine dotis essent, atramen in hæreditate Pistoris reperiuntur: In hæreditate pistoris quod relinquuntur aduentitium, iam proprium pistrini fit, & nihilo magis quam istud alienari potest. Atenim aduentitia illa inter viuos recte alienari, distrahi a pistore posse in quemcunque, definit Valentinianus: & tamen si & hæc ipsa in alium pistorem pistor transtulerit, & nouus pistor ea in successione reliquerit, etiam id dotis nomine & titulo censi, & sic alienari non posse. Denique dotale est, quodcunque aut originarie doti datum, aut in hæreditate relictum, etsi aduentitium. Et ita quidem pistrino seu panificio vrbicæque annonæ fuit Valentinianus: in cuius fauorem hoc ipso Anno paulo ante ad eundem Olybrium P. V. cauit, vt *pistoria cause* etiam feriatibus geminis mensibus ab eo discingerentur: *l. 5. Cod. Iustin. de feriis.*

XIV. Idem AA. (a) ad Vrficinum PF. (b) Ann.

SI cui pistoris filia nubserit, ac postea is eandem dilapidatis facultatibus (c) consortio (d) putauerit eximendam, non alia lege adque ratione eundem pistoriæ necessitati & corpori præcipimus adstringi, quam (e) eodem munere originis (f) vinculo teneretur. Dat. VIII. Kalend. Mart. Triu. Modesto & Arintheo Coss. [372.]

NOTÆ.

- (a) *Idem AAA. Valentinianus scilicet Valens & Gratianus. GOTHOF.*
 (b) *Vrficinus hic postea Vicarius V. R. fuit. Ammianus Marcellinus, lib. 28. c. 1. ID.*
 (c) *Suis, an vxoris? Hoc verum. ID.*
 (d) *An pistorio? an coniugali? Illud verum ID.*
 (e) *Quam si. ID.*
 (f) *Vid. Paratilon ID.*

COMMENTARIUS.

INDONEI facti facultatibus amissis regulariter pistorio munere liberabantur, quod colligere etiam est ex *l. 1. supr.* Non tamen si fraudis consilio possessiones suas, ideo tantum ut tantum minus idonei liberarentur, in alios transfuissent, quæ sententia est *d. legis 1.* Rursum non etiam, si quis ducta forte pistoris FILIA, facultates dilapidasset, per nepotatum & *δωριάν* forte; eo quippe proprie pertinet dilapidandi vox (de qua consule *l. 1. supr. qui bonis ex l. Iul. cedere: l. 18.*

supr. de annona & trib.) Qui pistoris scilicet filiam in vxorem duxerat, pistorum consortio tenebatur, ut præter *hanc leg.* docet *lex 2. supr.* & *lex 21. infr.* in tantum, ut neque dilapidatis facultatibus consortio pistorum eximere posset: Quæ huius Valentinianæ constitutionis sententia est. Nempe qui pistoris filiam semel duxit, in perpetuum pistrini conditioni tenetur, atque si originis vinculo teneretur.

B. 163. XV. (a) Imppp. Valens, GRATIANVS & Valentinianus AAA.
 ad Gregorium (b) V. C. PF. Ann.

NE quis vnquam PF. Ann. contra suam alienatue (c) sententiam, pistorum locum (d) eiectis permiserit (e) reformari: (f) cum præscriptum suum apud Iudices obtinere Lex (+) debeat, per quam simul, aduersus decoctorum vitia, & vilitati annonæ publicæ, & rerum iudicatarum constantiæ, (g) prouidetur. Dat. XIV. Kalend. Mart. Triu. Gratiano A. IV. & Merobaude Coss. [377.]

NOTÆ.

- (a) *Abest & hæc lex a Cod. Iustin. GOTHOF.*
 (b) *Gregorius PF. annonæ sub Gratiano. An hic idem ad quem extant sex epistole Symmachi lib. 3. puta 17. 18. 19. 20. 21. 22. ID.*
 (c) *Decessoris sui forte. ID.*
 (d) *vg. loco, vel in pistorum locum. ID.*
 (e) *Id est, permittat. ID.*
 (f) *Reformari, id est, restitui: vid. Gloss. ID.*
 (+) *Hæcne, an alia quædam præcedens? Hoc videri cui possit: Sed tamen illud malo. ID.*
 (g) *Constantia rerum iudicatarum, id est, constants obseruantia, autoritas. ID.*

COMMENTARIUS.

EIECTOS semel pistorum corpore, ceu decoctores, sententia Præfecti annonæ, loco suo & corpori postea restitui vetat *hæc constit.* Gratianus Anno D. 377. siue ab eodem Præfecto annonæ siue ab alio. Scilicet ut cæteroquin ob culpam aliquam corpore aliquos abijci, proijci, eiici per sententiam mos fuit: *l. 18. & vltim. supr. de agentib. in rebus l. 15. supr. de Palat. S. L. l. 8. infr. de Iudicis: quos proiectos vocat Ammianus Marcellinus*

lib. 28. c. 6. ita & pistorum Corpore eiici nonnulli soliti, puta decoctores, qui scilicet vel proprias facultates dilapidassent, de quibus supr. vel annonam publicam conturbassent: proculdubio Patroni pistorum (de quibus l. 2. 7. 12. supr.) hi enim officinis, fundis dotalibus præerant; eisque Entheca omnis credita erat: his Pistores consignabantur: his frumentum ex horreis, pani conficiendo: de quo ad d. l. 7. supr. Igitur si hi rationes conturbassent, si decoxisent,

toxissent, sententia Præfecti annonæ, cuius hæc cura erat, (vt tor alia leges ostendunt) Pistorum loco eiiciebantur. Qui tamen ipsi postea tamen sepe restituebantur a Præfectis annonæ. Id quod hac leg. fieri vetat Gratianus: duplici ratione; Primum propter vtilitatem annonæ publicæ: nam qui semel decoxit semper decocturus creditur: quare eum restitui non oportet. Dein & propter rerum iudicarum auctoritatem seu constantiam, vt

hac leg. dicitur. De qua rerum iudicarum auctoritate, constantia, infinita sunt sententiæ & constitutiones. Cæterum, ita quoque Episcopi semel depositi ad Episcopatum denuo aspirare vetiti, l. 35. 39. *infr. de Episcopis*. Sic & Primatum inter Iudeos iudicio seu sententia proiecti iudicum auctoritate in Sectam Iudeorum recipi vetiti, l. 8. *infr. de Iudeis*.

XVI. (a) Imppp. GRATIANVS, Valentinianus, & Theod. AAA. ad Arborium P. V. (b)

QVIDVID ex Horreis (c) plectibili (d) vsurpatione præsumptum sit, id per Pistores (e) (in quos totius criminis confertur inuidia) matura exactione reddatur: Vt si quid in hac (f) specie minus potuerit exsolui, in quibuscunque speciebus in ære, vel plumbo, seu qualibet alia solutione, penetur, dummodo redintegratio totius summæ (g) curetur. Dat. Id. Iun. Gratiano A. V. & Theodosio A. I. Coss. [380.]

NOTÆ.

(a) Abest a Cod. Iustin. GOTHOFRED.

(b) Arborius P. V. Romæ sub Gratiano & Valentiniano Iun. Anno D. 380. Arborii fit mentio apud Paulinum in *vita S. Martini lib. 2. v. 645 seqq.* Eidem inscribitur hoc ipso Anno *lex 9. supr. de priuil. cor. qui in S. Pal.* quæ dicitur data *Triuerini*: pariter *Triuerini* in subscriptione legis 1. *supr. de Princip. Agentium in rebus.* quanquam MS. vtroque habet *Triuerim* & *Triuerim*. ID.

(c) Publicis Urbis Romæ. ID.

(d) Plectibilis vsurpatione, hic: seueritas, l. 161. *supr. de Decurion. Plectibilia* hinc etiam absolute crimina, l. 5. *infr. de hereticis*: vid. *Glossar. Theod.* ID.

(e) Et quidem Patronos Pistorum. ID.

(f) Frumenti. ID.

(g) Frumenti. ID.

COMMENTARIVS.

VSURPATVM indebite ex horreis Urbis Romæ frumentum hac tempestate quoddam fuerat: idque per Pistores ferme, qui maiorem videlicet frumenti modum ex horreis diripuerant, acceperant, vsurpauerant, quam panificii modus exigebat: Quare, id omne nunc ab his restitui iubet Imp. Gratianus Anno D. 380. Ita quidem, vt si in frumento ipso id restituere non possint, in quacunque alia specie id restituere iubeat: etiam in ære, vel plumbo: Ære: inquam, vel plumbo; quorum P. 164 vsus multus erat, vt in pistrinis & officinis pistoriis (quod ex hac leg. quis colligat) ita & in aliis operibus publicis, & quidem Romæ: Ammianus Marcellinus lib. 27. cap. 3. agens de Lampadio P. V. *Edificia erigere exoriens noua, vel vetusta quadam instaurans, non ex titulis solitis parari iubebat impensas: sed si FERRVM quærebatur, aut PLVMBVM, aut Æs, aut quidquam simile, Apparitores immittebantur, qui velut ementes diuersa, raperent SPECIES, nulla pretia persoluendo.* De Æris vsu in edificiis res nota. Plumbum certe tegulis positum, testatur quoque *lex 242. §. 2. D. de P. S.*

quod quidem etiam plumbum tegularium, legatis, vel venditis ædibus cedebat, ædifici denique erant. Positum & plumbum hyeme hypathri tegendi causa, d. l. 242. §. 2, sicut æstate velis ea tegebantur, l. 12. §. 20. *D. de instructio legato*. Sic & æreis tegulis Pantheona tectum refert Paulus Diaconus de *Gest. Longobardor. c. 11.* Aqueductum etiam fistula plumbea erant, teste præter l. 6. *Cod. Iust. de aqueductu*, Vitruuius lib. 8. cap. 7. Statio, *syliarum lib. 1. §. v. 66.*

Teque per obliquum penitus quæ laboris annem Martia, & audaci transcurris flumina PLVMBVM. De specierum alioquin in commune ad opera publica collatione, vide & l. 17. *infr. de operibus publicis*.

Interim ex his apparet, hanc constitutionem non minus recte in titulum de *Canon. frum. V. R.* referri potuisse, & historicam tantum eam esse, & huic tempori illigatam. Nota etiam casum, quo Canon annonarius in aliam speciem mutatus; cum alioquin ipsas species inferri & quidem annonas oporteret.

XVII. (a) Idem AAA. ad Titianum Vic. (b) Afric.

IVDICES (c) Africanos laudabilis Sinceritas Tua huiusmodi interminatione conterreat, vt nisi tempore solito (d) debitos Pistores Venerabilis Romæ vsibus dirigere curauerint, sciant seipsos, quinquaginta argenti librarum, Officiūque eorum pari

pari condemnatione multandum, Dat. IV. Id. Iul. Triu. Gratiano V. & Theod. AA. Coss. [380.]

NOTÆ.

(a) Abest & hac lex a Cod. Iustin. GOTHOF.

(b) De hoc Titiano mox. ID.

(c) Veluti Numidiæ Consulare. ID.

(d) Omnibus Iustis l. 12. supr. ID.

COMMENTARIUS.

EX AFRICA debito tempore (id est, singulis Iustis) mitti a Iudicibus Africanis Pistoris, ut oportuisse docuit iam l. 12. supr. vbi dixi plenius, ita & hac quoque constat. iubet Imp. Gratianus Ann. Domini 380. proposita multa 50. argenti librarum Iudici, & totidem eius Officio: cura eius rei intimandæ & exequendæ data Titiano Vicario Africæ, sub cuius dispositione erant Iudices Africani; De quo Titiano Vicario Africæ, quando hac unica leg. mentio fit, agendum nobis est; ita quidem, ut quæ de eo notaturi sumus, ad huius leg. illustrationem faciant, qua agitur de Iudicibus Africanis, sub eius dispositione constitutis,

deque Pistoribus annonæ Urbicæ vñibus seruientibus. Igitur hic ille Celsinus Titianus Vicarius Africæ est, ad quem 13. extant Symmachi epistolæ lib. 1. ex quibus satis colligi potest, eum in Africa potestatem iudiciariam egisse, imo Vicarium Africæ fuisse; ac potissimum ex epistola 58. 59. 62. 63. 64. 67. 68. at nominatim Numidiæ Consularem sub eo fuisse ostendit epist. 63. & Mauritanie Casarem epist. 58. vbi etiam meminit Clementis Episcopi Casariensis. Idem epist. 59. significat curam annonæ Urbicæ ei incubuisse. Quod etiam huic legi congruit. De eodem accipio & epist. 84. lib. 2. & lib. 8. epist. 67.

XVIII. (a) Imppp. VALENTINIANVS, Theod. & Arcadius AAA. ad Salustium (b) P. V

VT concessa Decurialibus (c) priuilegia nolumus abrogari, ita legē (†) super Mancipibus data nihil iubemus imminui: Nam si qui ob hoc ad Decurias illicitè transferunt, ut munus euaderent Mancipatus, necesse est erga eos priuilegia non posse seruari, qui (d) obnoxios sibi rectè vindicat functio memorata. Intantum etiam defensiones (e) diuerforum Principum largitate concessa (f) erga Decurias manere decernimus, & Mancipatui obnoxios iubemus addici, ut si quispiam super absolutione Mancipatus Nostræ Maiestatis preces obtulerit, bonorum amissione plectetur. (g) Quod quidem non solum in Decurialibus, sed etiam in cæteris decernimus perpetua lege seruari. Dat. III. Id. Iun. Medioli Honor. NB. P. & Euodio Coss. [386.]

NOTÆ.

(a) Iungenda huic leg. est lex 2. supr. de Decur. V. R. GOTHOF.

(b) De hoc vid. quæ dixi ad d. l. 2. ID.

(c) De quibus supra titulo. cuius lex 2. huic nostræ ut dixi iungenda est. ID.

P. 165. (†) Lex super Mancipibus. ID.

(d) 79. quia, vel quos. ID.

(e) Defensiones pro priuilegiis, quibus tē quis defendit. ID.

(f) Sustineri possit: sed malim, concessas. ID.

(g) Duriusculum hoc, ut plectetur. ID.

COMMENTARIUS.

LIBERARI Mancipatu Pistorio quemquam, siue Decurialis militiæ obtentu, siue Principis rescripto vetat hac constitutione Valentinianus Iun. Ac nominatim Decurialis militiæ obtentu: Nempe, ut sua Decurialibus priuilegia constare voluit atque adeo ea confirmat hac leg. & l. 2. supr. de Decuriis. V. R. (quæ huic coniungenda est,) ita vicissim Mancipatum nutare vel labefactari Decurialis militiæ obtentu noluit. Ut sua cuique Corpori priuilegia, ita sui cuique hominē seruari debent: neque vnius priuilegia ad alterius iniuri-

am porrigenda sunt. Non etiam Principis rescripto quemquam Mancipatu liberari vult Imp. imo & bonorum proscriptiois poenam ei minatur, qui preces in id obtulerit. Sane & Valentinianus Senior l. 6. supr. & Honorius l. 20. infr. quemquam Pistorum consortio liberari rescripto Principis venterunt, superque ea re preces deferri. Sed & idem siue Valentinianus Iun. siue Theodosius omnes qui rescripti aduersus veteres sanctiones subreptiua defensione muniebantur, functioni Mancipatus addici voluerunt Anno D. 389. l. unica supr. de Man-

Mancipibus: quod de his ipsis Mancipibus Pistorum accipiendum ad eam legem ostendi. Imo & id ipsum de Mancipibus Salinarum constitutum docet Symmachus lib. 10. *epist.* 58.

Sequitur videamus, quinam hi pistorii Mancipes sint, de quibus hac leg. agitur: quorum etiam sit mentio l. 2. & 3. *infr. de frumento Urbis Constantinop.* & l. 4. *supr. de executorib.* & l. unic. *Cod. Iust. de Pistoribus*: an quibus Pistores, an vero Officiis præpositi? Sane hoc Socrates vult, lib. 5. *cap.* 18. & ex eo Tripartita Auctor lib. 9. *cap.* 24. ἦσαν ἐξ ἀρχαίᾳ κατὰ τὴν μεγίστην Ῥώμην οἰκοὶ παμμεγέθεις, ἐν οἷς ὁ τῇ πόλει χρηστέρων ἄρτος ἐγένετο, οἷτε προϊστάμενοι τῶν, οἱ μάγκιπες τῇ Ῥωμαίων γλώσσῃ καλεῖνται: erant in urbe Roma ades amplissima a pristis temporibus edificata, in quibus panis fiebat, qui ciuibus diuidebatur. Harum adium præpositi, qui mancipes romanorum lingua vocantur. Et mox, γνὼς ἴαυτα ὁ βασιλεὺς τὰς μάγκιπας ἐτιμωρήσατο: cognoscens hoc imperator, mancipes supplicio affecit. Mancipes igitur panificio & pistoribus præpositus ex Socratis sententia: ut sic iidem fuerint cum iis, quos Iustinianus *Nouella* 80. *cap.* 5. προεστῶτας τῶν ἀρτοποιητικῶν ἐργαστηρίων, præpositos panificantium stationum, vocat. Quin & Mancipis nomen ostendere videtur, non de quovis pistore id accipiendum, cuius ministerium in solo panificio, non in Mancipatu consistit. De Mancipibus certe hæc huius *Codicis constitutiones* produnt: nempe, Canonem his consignatum fuisse ad panem coquendum, l. 2. *infr. de frum. Urb. Constantinop.* Item, datam his aliquando mutui

nomine pecuniam, ex publica pecunia dedicata ad coemptionem frumentariam, l. 3. d. *tit.* Item lex 4. *supr. de executor.* ostendit, Apparitores Præfecti Prætorio pro poena quandoque mancipum Corpori sociatos (de quo ad l. *ultim. hoc tit.*) Sed & d. lex *unic. supr. de Mancipibus*, functioni Mancipatus aliquando addictos idoneos de minusculis Corporibus, vel certe de otiosis. Tandem l. *unic. Cod. Iust. de Pistorib.* vetantur Mancipes, Comitibus horreorum dignitatem & officium consequi; & si consecuti fuerint, ad Mancipum denuo consortium collegiumque vocari iubentur. Quibus attentis, Mancipum nomen de omnibus Pistoribus hic exaudiendum puto, qui panem conficerent, coquerent. Sane & apud Suidam voc. ἀρτοποιεῖον. Ἀρτοποιεῖον τὸ μάγκιπείον, ἐν ᾧ οἱ ἄρτοι γίνονται. Ἀρτοποιεῖον δὲ, ὁ τόπος, ἐν ᾧ οἱ ἄρτοι πίπτουσιν. Ἀρτοποιεῖον locus, in quo panes pifuntur. Ἀρτοποιεῖον vero per 1, locus ubi panes venduntur. *

Tandem obseruandum, quod & ipsum in argumentum adlumi potest, hanc leg. esse partem constitutionis Valentiniani Iun. vnde desumpta est quoque lex 2. *supr. de Decuriis Urbis Romæ*, quæ proinde huic coassanda venit: quæ quidem constitutio fuit de Corporibus & Collegiis Urbis Romæ, quo ea integra illibata custodirentur: priuilegiis partim eorum confirmatis, partim vero prospecto, ne ea mutilarentur: Ac nominatim Decuriæ Urbis Romæ, & Pistorum Collegium, quo præcipue pertinet hæc lex & d. lex 2. imo generaliter cetera quoque, quod huius leg. sine additum.

(*) Adi etiam CL. DV FRESNE in *Glossar.* utroque voce. μάγκιψ, μάγκιπών, & mancipes.

XIX. Imp. Arcadius & Honor. AA. Eusebio PF. P. (a)

PISTORES Urbis Æternæ, prætermissa veteri consuetudine, fundis vel prædiis ad nihilum redactis, quæ eorum corporis (b) solatia certa præbebant, novos sibi quæstus excogitasse comperimus. Ideoque in futurum prouisionis remedia proferentes misso probatæ industriæ viro, singulorum fundorum siue prædiorum quæ pistorum corpori obnoxia sunt, vires discuti exquirique præcipimus, ut idem (c) iure perpetuo (d) idoneis adfixa præstatione tradantur: adque conductores præstationis modum & solatia ministrant antiquitus constituta pistoribus. Dat. VII. Id. Iul. Arcad. IV. & Honorio III. AA. Coss. [396.]

NOTÆ.

(a) Eusebius PP. Italix sub Honorio Imp. Eidem inscribitur hoc Anno lex 7. *supr. de Censorib.* & lex 26. *supr. de Nauicul.* & superiore prox. Anno 395. lex 12. *infr. de infirm. his que sub Tyrann.* Hæc satis ostendit, eum PP. Italix fuisse: vid. plura in *Prosopogr.* Eius meminit Paulinus in *Vita Ambrosii* pag. 85. *Tom. I. Edit. Oper. S. Ambrosii. Paris. 1614.* Ad hunc quoque pertinere videtur Symmachii *epist.* 34. lib. 8. & *epist.* 52. lib. 9. GOTHOF.

(b) Malim, Corpori: ut l. 13. *supr. ID.*

(c) Idem, id est, iidem, fundi scilicet. *ID.*

(d) Id est, canone imposito. *ID.*

COMMENTARIVS

P. 166 HONORII Imp. constitutiones quatuor sequuntur, Pistorum Corpori (annonæ Urbicæ factæ Tom. V.

uore) consulenti: Et hæc quidem est de Solatiis pistorum: deque locatione fundorum, Pistorum A a Cor.

Corpori obnoxiorum: FUNDOS scilicet seu prædia pistorum Corpori obnoxia, quæque pistorum Corpori solatia certa præbebant, (quos fundos *dotales* vocabant) fuisse, iam *supra* ostensum est, l. 7. & quidem per diuersas Prouincias sparsa: vt ad *eandem leg.* docui. Ea, vt cen-
 sco per Auctores olim administrabantur: quorum ratio pistorum Patronis reddebatur. Verum paulatim factum est, vt ea prædia ad nihilum redacta fuerint, & vires eorum conciderint, sic euenit, vt Pistores coeperint sibi nouos quæstus ad solatia sua excogitare; quod *hæc lex* testatur; neque tamen quales ii

fuerint, adsignificat: videantur ii lucelligenus fuisse, quod ab his quibus panes præberent, exegerint. Quare Honorius *hac constitutione* ei rei mederi constituit: ideoque cauet, vt fundi isti missio *Inspector* probatæ indultrix viro, viribusque eorum discussis & exquisitis, iure perpetuo elocentur: id est, iure emphyteutico, (vt ceteroquin prædia ad nihilum redacta elocari solita: de quo alibi iam sæpe:) sub certo canone, pensione, præstationis modo; vt ita Pistoribus inde solatia antiquitus constituta præbeantur.

*De ADSCRIPTIS a Iudice, ordini pistorio, non liberandis
 Rescripto Principis, Honorii lex.*

XX. (a) Idem AA. Theodoro PF. P. (b)

ADSCRIPTIS (c) semel per sententiam Iudicis ordini pistorio subreptitia Rescripta non quærant, nec vlla eis supplicandi præstetur facultas. Et qui huiusmodi sperare voluerit beneficia, quinque libras auri fisco nostro inferre cogetur. Si quo enim casu, vel occultis, vel ambitiosis hoc precibus elicuerit, Iudex, cuius in iudicio hæc fuerit prolata sententia, Officium quoque eius, si consensum præbuerit impetratis, quinq; libras ærario nostro inferent. Dat. VII. (d) Kalend. Maii, Med. Honor. A. IV. & Eutychno Coss. [398.]

N O T Æ.

(a) Iungenda huic *lex* 31. *infr. de Episcopis.* GOTHOF.

(b) Theodorus PP. Italix sub Honorio: vt docet vel *d. lex* 31. vid. *Profopogr.* ID.

(c) *vg. Adscripti.* ID.

(d) VII. Ita omnes aliæ Editiones: ita quoque *d. l. 31.* male Parisiensis postremâ XVII. ID.

C O M M E N T A R I V S.

LIBERARI Rescripto Principis ordini pistorio semel adscriptus, hac Honorii constitutione prohibetur: pariter vt Valentiniani Sen. l. 6. *supr.* & Valentiniani Iun. l. 18. *supr.* Poena quinque librarum auri *hac leg.* proposita, tam impetranti, quam Iudici approbanti eiusque Officio. Nominatim autem *hæc lex* est de *Adscriptis semel per sententiam Iudicis Ordini pistorio*, id est, iis qui poenæ loco semel Ordini pistorio adiudicati sunt: de quibus iam l. 8. *supr. l. 3. 5. 6. 7. 9. supr. de panis.* Huius igitur poenæ indulgentiam ne rescripto quidem Principis fieri posse definit *hæc leg.* Honorius Imp. Valentiniani equidem Sen. *constitutione*, generali indulgentia criminum reis facta hi non continebantur, *d. l. 7. supr. de panis*: sed speciali Rescripto liberari poterant, *d. l. 7.* quod *hæc leg.* antiquatur. Nempe & hac inter alias ratione, proligato Gildone, Vrbicæ annonæ ex Africa con-

sultum iuit Honorius, qui & aliis rationibus hoc ipso mense Aprili ei prospexit, l. *unic. infr. de pretio panis Ostiensis*; l. 4. *in fin. de Canone frum. Urbis Roma*: Sane ex coniunctione quoque l. 31. *infr. de Episcopis*: (qua irruentium in Ecclesias per Africam impetum, variis rationibus persequitur Honorius:) dilerte apparet, hanc *leg.* ad *Africam* pertinere, & sic ad Iudices Africanos, quorum sententia Ordini pistorio nonnulli adscripti fuerant. Ex cuius constitutionis coniunctione cum hac nostra & illud forte conficiatur, Pistorum ordini adscriptos in *huius leg.* specie, ad *intercessionem Ecclesiasticorum* Rescriptis liberatos fuisse: cuiusmodi intercessionem hic damnat Honorius: non eam vero, qua ad Ecclesiam confugas Ecclesiastici a vi tutantur, quæ sententia est *d. l. 31.* Verum & hæc coniectura est, quam ego non *xupia dāξα* ostendo.

XXI. (a) Idem (b) AA. Vitali PF. Ann. (c)

NVLLI pistori, nec posteris eius, in priuatas (d) personas, vel Thymelicæ, (e) vel eas quæ Aurigandi (f) studio detinentur, liceat coniugii societate transire: etiam si huic facto omnium pistorum accedat assensus, (g) etiam si nostra elicitæ fuerint aliqua subreptione Rescripta. Quod si quisquam (h) in hæc vetita adspirare (i) temptauerit, sciat se verberibus adfectum deportatione puniendum, facultatesque suas paneficio sociandas.

Quod si non statim Officium (k) Grauitatis Tuxæ in ipsis inceptis occurrerit, sed in suggestione

II. (a) Idem A. Lucio Verino. (b)

IN arbitrio suo possessor (*) habeat, ne suario pecuniam (c) soluat. Quod ideo permis-
sum est, (d) ne in æstimando (e) porcorum pondere licentia suariis præbeatur. Quod si
iuste porcos suarius æstimauerit, huic pecuniam possessor, cui pensationis vtriusque (f)
copia est indulta, numerabit. (g) Ne (**) autem suario in suscipienda pecunia detri-
menti aliquid adferatur, singulis quibusque annis ea pretia porcinae possessor adnumeret,
quæ vsus publicæ conuersationis (h) adtulerit. Et quoniam *Non semper, nec in omnibus locis,*
vna est forma pretiorum, pro diuersitate locorum & temporum in (i) specie pretia danda
sunt: nisi ipsa porcina præstetur. Iudices autem Regionum monendi sunt, vt per singu-
los annos ad Scientiam Tuam referant, quæ in quibus locis sunt pretia porcinae,
vt instructione hac a Tua Grauitate (k) perpensa, tunc demum suarii per diuersa profiscan-
tur, & pretia suscipiant, quæ in his Regionibus versari cognoueris: Queri enim suarii
non poterunt: quia nihil interest, carius an vilius comparent, cum, quantum pre-
tium daturi sunt, a possessore accipiant: & possessores erunt moderati in specie
distrahenda, cum se sciant quanto maiora pretia pro carne poposcerint, tanto plus
suariis soluturos. Dat. III. Id. April. Constantino A. VII. & Constantio Cæs. Coss.
[326.]

N O T Æ.

(a) Præposteratio hic admissa: hæc enim *lex* superiorem, seu tempore anterior, præcedere debuit. Interim *huius*
leg. meminit Valentinianus l. 4. *infr.* GOTHOR.

(b) P. V. vt argumentum *legis* edocet. Sane Anno D. 323. 324. Lucium Verinum P. V. fuisse docet Auctor *Notitie*
Præf. Vrbi: cui Anno 324. inscribitur & *lex vnic. supr. de his qui veniam ætatis: lex 1. supr. fami. erisc.* digni-
tatis nomine pariter vt hic omisso. Et A. 325. Præfectus Vrbi fuit Ælius Senerus, & post eum Anicius Iulianus.
Quare alterutrum necesse est, vel Lucium Verinum iterum P. V. fuisse 326. quod tamen Auctor ille non prodit,
vel Consules *huius leg.* subnotatos mendo non carere. ID.

(*) Possessori hac prima *leg.* parte consultitur. ID.

(c) Sed speciem ipsam, seu porcina si velit. ID.

(d) Permittitur s. ID.

(e) Ita l. 4. *infr.* quo *Suariis æstimandi licentia denegatur.* ID.

(f) Alterutrum, vel pecuniaria scilicet, vel ipsius porcinae. ID.

(g) Si volet. ID.

(**) Secunda *legis pars*, qua *Suariis* consultitur. ID.

P. 171. (h) *Conuersatio publica*, est vsus publicus, forensis, qui in commercio, *hac leg. & l. prox. 3. & l. 2. supr. ff.*
quis pecun. const. l. 1. supr. de Conlat. xris: l. 72. supr. de Decurion. l. 11. supr. de lustrali conlat. l. 48. infr.
de hereticis. ID.

(i) Pro specie. ID.

(k) *Grauitas tua.* Ita Præfectos Vrbi quoque compellasse vnum Constantinum M. reperio, vt *hac leg. ita & l. vnic. supr.*
de his qui ven. ætat. & l. 18. supr. de appellat. ID.

C O M M E N T A R I V S.

AESTIMATIONI iustæ, porcinae a possessoribus conferendæ in vsus Vrbi Romæ, & a
Suariis emendæ, modum ponit Constantinus M.
hac constitutione: cuius meminit Valentinianus
Sen. l. 4. *infr.* Et sic & possessoribus seu collatori-
bus & Suariis simul *hac leg.* consultit Constantinus.
Nempe possessoribus priore *huius leg.* parte consu-
lit: posteriore Suariis. Vt de Priore agamus; Hac
tempestate, ante hanc inquam constitutionem, *pe-*
cunia a possessoribus loco porcinae præcise exigeba-
tur, seu, vt loquitur *lex 3. infr.* exactio nummaria
erat: verum quia in æstimanda porcina suarii mo-
dum excedebant, porcinae ipsius præbendæ posses-
soribus facultatem Constantinus dandam credidit,
nisi mallent æstimationem fieri, & pretium æsti-
matum numerare. Electionem igitur alterutrius
præstandi possessoribus tribuit Constantinus:
Quam electionem mox ademptam a Iuliano,

l. 3. *infr.* Valentinianus Senior restituit, l. 4
infr.

Æstimationis porro altera *huius leg.* parte mo-
dum præstituit, in Suariorum gratiam: nam
quemadmodum ob iniustam seu immodicam por-
corum æstimationem porcinae possessoribus confe-
rendæ arbitrium detulit: ita viceversa ne Suarii
quid detrimenti paterentur, eius modum præfina-
endum credidit: nam cum pretiis sibi pro carne
solutis, carnem postea ipsi in vrbis vsu emere
cogerentur (quod *hac lex* docet, & *lex 3. prox.*) vt
ea saltem pretia acciperent, quibus carnem emere
possent. Quomodo & simile pretium simili ratio-
ne pisci positum, l. vn. *infr. de pretio piscis.* Quare Con-
stantinus ea pretia inferri iubet, quæ pro tempore
in Regione, vbi exactio faciendæ erat, in publica
conuersatione essent, id est, quibus porcina in foro
emeretur (quod & ipsum a Iuliano cautum, l. 3.
prox.

prox. Eumque in finem singulis annis pretia a Iudicibus Regionum ad Præfectum Vrbi referri vult, ut tunc demum Suarii pretia suscipiant: sic futurum (quod *sine legis* eleganter exequitur) ut nullus quærimoniæ locus esse possit: quia quod pretium Suarii acceperint eodem & carnes postea a Prouincialibus empturi sint.

Triāterim *hac leg.* obseruanda. Primum quod ait, non semper, nec in omnibus locis, vnam esse formam pretiorum, quod Iuriconsulti nostri sæpius inculcant, l. 3. D. de eo quod certo loco: l. 63. §. vltim. ad leg. Falcid. imo & l. 62. in fin. cod. tit. ubi nihil formali pretio æstimandum dicitur: *formali*, id est, statuto, certo, perpetuo pretio, cuius eadem vbique, semper taxatio est, statuta forma: Imo & Seneca lib. 6. de benefic. cap. 15. pretium cuiusque rei pro tempore est.

Secundo obseruandi Iudices Regionum quorum

hac leg. bis mentio fit: Qua appellatione forte Regionum & Prouinciarum Rectores veniunt, ex quibus suilla seu porcina præbebatur: veluti Campaniæ, Lucaniæ, Brittiorum, Samnii, ut docent, *lex 3. & 4. infr. & Nouella* Valentiniani 15. de Suariis, de quibus singulis suo loco. Eæque videri cui possint Quatuor regiones, quarum mentio fit l. 1. infr. de calcis coctoribus. Verum quamam illæ sint? ibi disquiram. Forte etiam Regionarii, seu *ῥεγίωνες* hic exaudiendi: de quibus *alibi*: sed illud malim.

Postremo, notandum *hac leg.* contineri vestigium antiqui iuris, ante auctoritatem Aproniani (de qua *infr. duabus ll. prox.*) quo pondus porcorum licentia oculorum æstimabatur, non sub trutinæ examine.

III. (a) Imp. IULIANVS (b) A. Fl. Aproniano (c) suo Salutem.

EA pretia, quæ in Campania per singulos annos (d) reperiuntur, Suariis Urbis Romæ debent solui: ita ut periculo Suariorum populo porcinae species adfatim (e) præbeatur. Et quia Officialibus pro omni supplicio sufficit directorum restitutio, quidquid ultra senos (f) folles per singulas libras claruerit flagitatum, (g) id fisci viribus protinus vindicetur. Exactio autem nummaria non per Officium tuum, (h) vel ipsos Suarios, sed per Officiales Consularis (i) iuxta præceptum nostræ mansuetudinis, competentem fortiatur effectum. Nam quia *maiorum* (k) *potestatum* Officiales solent esse Prouincialibus perniciosi, per Ordinarios Iudices, adque Curias etiam, hanc exactionem conuenit celebrari. Per singulos itaque annos iuxta pretia quæ reperiuntur in publica conuersatione, (l) per Campaniam (m) habitantes (n) pecuniam pro singulis libris porcinae præcipiantur exfoluere: ita ut, non ad pretia quæ in Vrbe Roma reperiuntur, sed quæ apud Campanos in publicis vñibus habentur, nummaria exactionis facultas denegetur. (o) Nam dedimus litteras ad Virum Clarissimum Consularem, (p) ut remotis Officialibus Præfecturæ Urbanae, & Suariis, ipse totius exactionis instantiam (q) atque periculum ad suam curam sollicitudinemque reuocare contendat: qui euidentissimo discrimini constituetur obnoxius, si in transmittendis pecuniis aliqua fuerit materia deceptionis exorta. Dat. V. Id. Decembris, Antiochiæ, Iuliano A. IV. & Sallustio Coss. [363.]

NOTÆ.

P. 172.

(a) Abest *hæc lex* a Cod. Iustin. GOTHOF.

(b) Si Iuliano hæc lex tribuenda, tum in subscripto huic legi mense vitium omnino fuerit; Iulianus quippe iam mortuus, Iuliano IV. & Sallustio Coss. VI. Kal. Iulii, & Iouianus postero die Imp. electus, teste Ammiano lib. 25. cap. 5. Socrate lib. 3. c. 22. Chronico Alexandrino pag. 693. Edit. Kaderi, Consularibus Idacio subditis. Nisi hoc placet, tum IOVIANO hæc lex tribuenda fuit, sub quo etiam Apronianus P. V. fuit: de quo mox. IDEM.

(c) De Aproniano hoc, Præfecto Urbis, mox in Interpretatione. ID.

(d) Ita quoque rursus *infr.* ita quoque l. *supr.* 2. ID.

(e) Adfatim. Ita quoque in hoc ipso argumento Victor, huius leg. *ὅνυχον* cap. 35. simul usus porcinae carnis, quo plebi Romana AFFATIM cederet, prudenter magnificeque prospectauit. De hac voce dixi in Gloss. ID.

(f) Seni folles pretium ferme libræ porcinae. ID.

(g) Hactenus. ID.

(h) Officium Præfecti Urbis: seu ut mox *infr.* Officium Præfecturæ Urbanae. ID.

(i) Consularis Campaniæ. ID.

(k) Maiores potestates: hoc numero Præfectus Urbis cui hæc lex inscribitur. ID.

(l) De hac voce dixi ad l. *supr.* 2. ID.

(m) Per Campaniam habitantes, ita locus hic nectendus; nam & sequente demum *versu* de pretio, quod per Campaniam obtinet, exigendo agitur. ID.

(n) Id est possessores, l. 2. Prouinciales, paulo *supr.* ID.

(o) *yp. deletur*: vidē de hac voce *Gloss. Theod. ID.*(p) Campaniæ. *ID.*(q) *Instantia* vox in exactionibus propria: hic & l. 4. *supr. nō conlat. translat. vt & insistendi, l. 16. supr. de exactionib.* vid. *Gloss. ID.*

COMMENTARIVS.

AESTIMATIONI & EXACTIONI porcinae modum imponit, per Campaniam nominatim Prouinciam, hac epistola, ad Apronianum P. V. Romæ emissâ, Iulianus Imp. *Æstimationi*, inquam, *nummaria*, seu collationi in nummo, quæ præcise iam inducta fuit loco porcinae ipsius, cum antea electio possessoribus seu collatoribus data fuerit a Constantino, vel pecuniæ, vel speciei ipsius soluendæ; l. 2. *supra*. Sic quoque per Lucaniam & Samnium hæc suum & bouum præstatio ad pretium redacta l. 4. in fin. Cassiodorus lib. XI. *Variar. 39.* Erat quidem illis gloriosum Romam pascere: sed quanto dispendio videbatur posse constare, adducere iam multis itineribus, quæ darentur ad pondus? dum quæ probantur decretere, nullus poterat imputare. Redactum est ad PERTIVM, vbi pati non poterant detrimentum, quæ nec itineribus minuuntur, nec laboribus fauciantur. Et mox: Et ideo ambos titulos in assen publicum iam redactos diligentia tua statutis illationibus procurabit. Vbi assis publicus Cassiodoro, vt sæpe alias pro publicis functionibus & tributis, & quidem in pecunia: quomodo & vsurpatur l. 12. *supr. de indulg. debitor.* Nos de Campania nunc videamus. Per Campaniam igitur hac leg. suaria præstatio ad pretium redigitur seu adæxatur. Per Campaniam inquam; hæc scilicet vna ex Italiæ Regionibus fuit, vnde porcina (inter alia) Vrbi illata: quod iuxta hanc leg. docet insuper Valentiniani *Nonella de Suariis 15.* Atque in commune, Campania Vrbs Romæ collarium fuit: vt de ea scribit Orbis Descriptior sub *Constantio, cap. 42.* Vinum sane ea quoque contulit; præter calcem, l. 1. 3. *infr. de calcis coctorib. V. R.* & Fabæ modiorum certum numerum stabulis factionum, l. 2. *infr. de Equis Curulib.* Cur autem modus hic nominatim per Campaniam statuatur, ac non etiam per alias Regiones, ex quibus pariter porcina conferebatur? id vero demum obicurius est. Hanc causam ego putem, quod Campania singulari quadam ratione Præfecti Vrbs cui hæc lex inscribitur administrationi iuncta fuerit: quod & ipsum ostendit lex 68. *supr. de Decurionib. l. 2. infr. de Equis Curulib. & Symmachus lib. 10. epist. 53.* cuius sane pars etiam, Romana inquam Campania (id est, Latium vtrumque) Diocecesis Vrbicaræ pars fuit: de quo ad l. 12. *supr. de panis.*

Iuliani porro an Iouiani hæc lex sit? dubitari possit: nam si subscriptio recte habet, tum ea Iouiano omnino reddenda fuerit: Iulianus enim iam extremo mense Iunio *Ann. 363.* obierat: at si Iuliano, vt habet Inscriptio, ea vindicanda; tum videri possit, Consulatus subscriptus ad tempus acceptæ epistolæ pertinere, vel si quid aliud conmodius excogitari potest.

Tandem Apronianus, cui hæc lex inscribitur, Apronianus ille est, qui Præfectus Vrbi a Iuliano constitutus, ad Valentiniani iniitiam perstitit: de quo Ammianus Marcellinus quatuor locis: lib. 23. *cap. 1. & 3. lib. 26. cap. 3. & lib. 27. cap. 3.* Inter cætera huc illud facit d. lib. 26. c. 3. in fin. Sub hoc Aproniano ita ingitit COPIA NECESSARIO-RVM exuberavit, vt nulla saltem leuia murmura super inopia VICTIVI congruentium orirentur: quod adfide Romæ contingit. De eodem sentit & Valentinianus l. prox. 4. cum de decessore Præ-Tom. P.

textati P. V. agit, vt ad eam leg. ostendatur. Rursum hic ille Apronianus P. V. est: cuius Auctoritates seu dispositiones duæ etiamnum extant; vna de pecore sub exagio vendendo, appendendo: altera de leuamento aliquot millium amphorarum ex titulo vinario, Suariis & Ordinibus, qui Suariam recognoscunt, destinatis: quæ extat in *Corporē Inscriptionum Gruteri DCXLVII. 6. 7.* quas Valentinianus l. prox. confirmat, vbi & nos eas integras sternemus & illustrabimus. Denique non vna eius mentio in *Veteribus Inscriptionibus*. Vbiq; tamen Turcius Apronianus vocatur, cum tamen hic Flavius Apronianus vocari videatur; nisi mendosum id esse putandum est; * & forte illud Fl. loco motum, retrahendum ad Iuliani nomen: ita, Imp. Fl. Iulianus A. Aproniano suo salutem. Sane Flauii prænomen Iuliani fuisse notum est. Nunc de ipsa lege.

SENTENTIA legis hæc est, in genere primum, Non porcina ipsam, verum pretia loco porcinae per Campaniam a possessoribus exigenda; de quo paulo ante: Suarios demum ex pecunia collata porcinae speciem comparare oportere, & sic providere vt porcinae speciem adfatim populo Romano præbeatur, de quo ad l. *super*. In specie Nummaria seu pretii exactionis formam hæc lex præstituit in præteritum, vt quod Officiales vltra senos folles per singulas libras exegerint, id fisci viribus vindicetur. Nempe summum hoc pretium visum hac tempestate libræ porcinae, sex folles: De quibus vero follibus id intelligendum? Erant enim alii folles argentei, alii ærei. Folles ærei fuere κατά θηρασιμόν, seu denarii: qui singuli duobus λεπτοῖς, vel quatuor quadrantibus constabant: Hefychius, Κοδραντής, τὸ τέταρτον τῆς φάλεως. ἢ λεπτόν. P. 173. τὸ δὲ λεπτόν ἐξακισχίλιον τάλαντα, ὃ ἐστὶ νομισμα ἐν. Epiphano de ponderibus & mensur. in fin. λεπτά δύο, ἐστὶ φέλλες κατά θηρασιμόν; φέλλης inquit, δύο λεπτοί. De iisdem accipio illud Chronici Alexandrini, *Viniano & Basilio Coll. pag. 742. Edit. Raderi: ἐπὶ τῶν τῶν ὑπάτων λαφύς γέγονεν τὰ ἀργεῖα, ὥστε πρὸς τὴν τὸν ἑνα ἀργεῖον φάλεων τριῶν: his Coll. deficit in urbe res frumentaria, adeo vt vnius panis tribus follibus venderetur.* De Follibus argenteis istam leg. accipit Sirmondus notis in *Sermonem 40. Augustini, a se editum*: qui respondeant ferme assibus seu solidis Gallicis: nam & porcinae in singulas libras solidorum sex iustum esse pretium. Denique follium & solidorum vsualium Galliarum eundem vel certe affinem valorem fuisse coniecit. Follerales, seu Terunciani apud Marcellinum Comitem. De aliis follium generibus, alibi dixi.

Exactionis nummaria forma in futurum per Campaniam hæc statuitur. Primum, vt Exactio hæc fiat, non per Officiales Præfecti Vrbs: quia scilicet Maiorum potestatum (cuiusmodi est P. V.) Officiales soleant esse Prouincialibus perniciosi. Quod notandum. (Non item per Suarios, quod antea obtinuisse apparet ex l. 2. *supr.*) Quia & hi ferme possessores seu Prouinciales concutere soliti. Igitur a

B b

tur a

* Vide VALESIVM ad Marcellin. lib. 23. c. 1. qui L. Turcium Apronianum P. V. retrahit ad Consulatum Constantii II. & Constantis, auctoritate Faistor. Culpiniani.

tur a Consularis Campaniæ Officialibus hanc exactionem fieri iubet *has lex*, & sic effectu ipso ab Ordinario Campaniæ Iudice, quem totius huius exactionis instantiam atque periculum ad suam curam sollicitudinemque reuocare iubet. Addit tamen, & per Curias hanc exactionem celebrandam: id est, nempe per Principales Decurionum in singulis ciuitatum territoriis, insistentibus in summam

Officialibus Consularis. Et hæc de iis per quos exactio nummaria facienda. Pretium porro porcina id spectari iubet, quod apud Campanos in publicis vñibus singulis annis habetur, quod & ipsum cautum, l. 2. *supr.* vbi dixi: non vero quod in Vrbe Roma reperitur: quod sane ibi maius fuit. Et tamen illud a Valentiniano statuitur l. 4. *infr.*

IV. (a) Impp. VALENTINIANVS & Valens (b) AA. ad Prætextatum P. V. (c)

1. **P**ER (d) singulas & (e) semisdecimas, (f) quibus Suariorum dispendia (g) farciuntur, (h) damnum (i) quod inter susceptionem & erogationem necessario euenit, vini, hoc est, septem & decem milium amphorarum, perceptione releuetur. 2. Cui rei illud prouisionis accedat, vt Lucanus possessor & Bruttius, quos longæ (k) subuectionis (l) damna quatiebant, possint (si velint) speciem moderatam, (m) hoc est, septuagenarum librarum compensatione, dissoluere: Quod ibi debebit inferre, vbi vina fuerat traditurus. 3. Quibus in rebus illud quoque a Decessore (n) Tuo salubriter institutum est, quo (o) Suariis æstimandi licentia (p) denegetur, (q) pondusque porcorum trutinæ (r) examine, non oculorum (s) libertate, quæretur: Ita videlicet vt ne volenti quidem possessori tradere animal liceat, cuius modum non prius ponderatione certa deciderit Suarius. 4. Animal vero a possessore tradendum, ob digeriem, prius vnus notis tantum ieiunitate, vacuetur. 5. Illud quoque salubris Constantinianæ (†) legis forma conpescat, videlicet, vt cum a (t) possessore, (cui commodioris pretii beneficia, indulta a Veteribus Principibus prærogatiua prouidit,) proprius (v) Ordo decadat, ac transigat: idque (x) Ordo Suarius (y) (quibuscum habet vini (z) emolumenta communia,) aut legitimum pretium, id est, Romani fori, cui carnem fuerat inlaturus tradat, aut carnem debitam subministret. 6. Porro decimæ semis, quam statuimus, non petantur ab his, a quibus fuerit pecunia ministranda. Hæc autem omnia æneæ tabulæ in foro Suario collocandæ ad æternam memoriam oportebit insculpi. Dat. VIII. Id. Octob. Remis, Lupicino & Iouino Coss. [367.]

N O T Æ.

- (a) Iungenda huic leg. est lex 10. *supr.* de panis, emendato eius Consulatu, vt ad eam ostensum est. GOTTHOF.
- (b) Gratiani nomen addendum est: mense Augusto quippe iam his C O S S. Gratianus a patre Augustus renunciatus fuerat *Ambianis*: vnde mox Remos prægressus, vbi hæc lex data est. ID.
- (c) Prætextatus hic integro nomine, Vettius Agorius Prætextatus, P. V. fuit hoc Anno 367. quo Anno præter hanc leg. & d. l. 10. ei inferbitur lex 1. *supr.* de ingratissimis liberis: l. 7. de priuilegiis, cor. qui in S. Palat. & Anno sequente 368. quo (non Anno 370.) ei inscribenda vnica tantum lex 8. *supr.* de medicis: de eodem vid. Ammianum lib. 27. cap. 9. & Symmachum lib. 1. epist. 49. Hic ille Prætextatus P. V. est, qui Vrsicini schisma Romæ compefcuit: cuius dictorium iam notum de Episcopis V. R. Facite me Vrbis Romane Episcopum, & ero protinus Christianus: apud Hieronymum, epist. 61. Tomo II. Operum pag. 113. Edit. Francf. apud. Christ. Gensh.
- De hoc plura in *Prolegomenis*. ID.
- (d) An reponendum, præter? ID.
- (e) Vox hæc inducenda. ID.
- (f) Infra decima semis, inuerso ordine. ID.
- (g) Nouella Valentiniani de Suariis 15. vt remotis DISPENDIIS nunquam defectum virium deuotio inferuentis incurvat. ID.
- (h) Sarciantur, hæcenus scilicet vel potius sarciantur. ID.
- (i) Auctoritas seu dispositio Aproniani P. V. QVVM SVARIOS VIDEREMVS DAMNIS ADPECTOS, &c. ID.
- (k) Imo Lucania vicina Prouincia dicitur, d. Nouella 15. Verum hæc sunt in τῷ νόμῳ τῇ. ID.
- (l) De Longæ subuectionis damno dixi l. 11. *supr.* de annona & tribut. ID.
- (m) An aderam? Mox dicam. ID.
- (n) Aproniano, vt mox ostendam. ID.
- (o) Quod. ID.
- (p) Ita quoque l. 2. *supr.* ne in æstimando porcorum pondere LICENTIA Suariis præbeatur. ID.
- (q) Vt pondus porcorum. ID.

- (r) *Exagio*, vt est in ipsa Aproniani auctoritate seu dispositione. ID.
 (s) *Micandi consuetudine, digitis concludentibus* : vt est in ipsa Aproniani dispositione. ID.
 P. 174. (t) *Intelligit legem 2. supr.* ID.
 (u) *Expungenda hæc vox, a.* ID.
 (v) *Proprius ordo*, id est, Ordo qui Suariam facit, seu recognoscit, vt est in Aproniani auctoritate seu dispositione. An potius proprium hic reponendum, vt in eadem Aproniani interpretatione. ID.
 (x) *pp. Isque.* ID.
 (y) *pp. Suariis.* ID.
 (z) Nempe e 25. millibus amphoris vini, duæ partes Suariis, tertia Ordini cedebat; quod ex Aproniani auctoritate quoque liquet: imo & ex initio huius leg. vbi 17. millia Suariis decernuntur, quæ vtiq; duæ partes sunt, paulo plus. ID.

COMMENTARIVS.

SVSCPTIONI & ILLATIONI porcine formam imponit *hæc leg.* Valentinianus, partim in Suariorum, partim in collatorum gratiam; idque firmata ferme Aproniani P. V. quem per Prætextati, cui *hæc lex* inscribitur, decessorem designat, super his dispositione, de qua mox sigillatim: Ante omnia vero electione porcine vel eius loco pecunie Suariis soluendæ electione tributa secundum Constantini legem, vt expresse ait, puta l. 2. *supr.* quæ sub liberis eius quoque obtinuerat, verum a Iuliano adempta fuerat, a Valentiniano vero reducta fuit: cui vtrique proinde certam formam nunc præstituit, Constantini partim legem, partim Aproniani dispositionem, tandem & sui animi motum secutus. Huius vero legis tria præcipua capita constituo. Primum est de EPIMETRO, quod dispendiis Suariorum faciendis, & damno (quod *Diametron* vocatur l. 5. *supr. de naufragiis*.) quod inter susceptionem & erogationem porcine necessario euenit, faciendi, *pour le desbet, pour la descale*, Suariis dari vult leuandi dispendii causa. Quod quidem Epimetron diserte vocatur l. 15. *supr. de susceptoribus*: (quod & Diametrum; l. vltim. *supr. de Nauicular.* l. 5. *supr. de naufrag.* Interpretum, Artemio Ep. Epistol. ad Numerarios fisci Barcinonensis, in *Concil. Casaraugust.* 2. pag. 534. Tom. III. *Concilior. Harduin. pro ineuitabilibus damnis, vel INTERPRETIA specierum*.) Omnis scilicet generis specierum ipsarum susceptores (non etiam pecunie; quod & hic nominatim cauetur, *vers. porro decima semis*: leuandi dispendii causa, quod inter susceptionem & erogationem necessario euenit, Epimetron aliquod a possessoribus & collatoribus accipiebant, vt apparet ex l. 3. 14. 15. 21. *supr. de Suscept.* & l. 11. *supr. de iur. fisci*. Dabatur & Nauiculariis Epimetron aliquod pro tuenda eorum substantia, l. 5. *infr. de frument.* Alexandr. l. 7. 16. 38. *supr. de Nauicul.* l. 5. *supr. de Naufrag.* Epimetron, id est, Auctionarium, Glossæ, *Auctionarium*, ἐπιμετρον. Ceterum Epimetri Centesima fuit, *dist. l. 3. 14. 15. 21. & d. l. 11* postea frumenti, Quinquagesima; hordei, Quadragesima fuit, d. l. 21. Vini & Laridi, Vicensima, ex Theodosii M. Constitutione; d. l. 21. Imo Susceptoribus in Armenia, longinquitatis causa, frumenti etiam Quadragesima; Vini & Laridi Quintadecima solui d. l. 21. iussæ. Hæc vero leg. Valentinianus singulas *Semidecimas* seu *Semisdecimas* porcine memorat. Quanam vero illæ? An illæ ipsæ Quintadecimæ? nam semis decem, sunt quinque: An vero *Semisdecima* dictæ, retro ære ducto quomodo *semis tertius, semisquartus, sesterius nummus, sesterius pes*, & his similia quoque apud Græcos, τρίτον ἡμιστάλιον, ἑβδομον ἡμιστάλιον, τρίτον ἡμιδραχμον, & similia: vt *Semisdecima*, seu *Decimafemis*, sint nouem cum dimidio? Imo *Semisdecima*, sunt quinque; *decimafemis* vt sine leg. vocantur, & sic quæ alibi *Vicesima* dicitur, l. 15. 21. *supr. de Suscept.* Et Tom. V.

hæc de ἐπιμετρον, quod præstabatur Suariis. At præter hoc ἐπιμετρον Valentinianus 17. millia Amphorarum vini his præberi iubet; Ordini vero, certa pariter vini emolumenta. Quod quidem Præfecti cuiusdam Urbis auctoritate dispositum hæc ipsa leg. satis indicant sequentia, quæ & ipsa ab eodem disposita: *Quibus in rebus illud QVOQVE a Decessore Tuo salubriter institutum est*. Et sane id omne dispositum ab Aproniano P. V. de quo ad leg. *supr.* plenissime: cuius auctoritas ipsa siue dispositio super ea re etiamnum Romæ extat; quæ ex Briffonio & Manutio in *Corpus Inscriptionum Græcorum* relata DCXLVII. 7.

EX. AVCTORITATE, TVRCI
APRONIANI, V. C. PRAEF
VRB,

LIQET. FORMAM. DISPOSITIONIS. ACTA CONTINEANT, AD. FIDEM. TAMEN. GESTORVM PLENIVS. MEMORIA. (1) TRADENDAM. TABVLAM PLACVIT. ADFIGI. QVAE. PVBLICARET ORDINEM. RERV. QVOM. SVARIOS VIDEREMVS. DAMNIS. AFFECTOS. ET. EOS. ETIAM ORDINES. QVI. SVARIAM. FACIUNT. PROVIDIMVS HIS. LEVAMEN. ET. (2) TITVLO. CANONICO. VINARIO VT. VIGINTI. QVINQVE. MILLIA. AMPHORVM. (3) ANNV. CONSEQVANTVR. SVB. EA. DIVISIONE. VT DVAE. PARTES. SVARIIS. TERTIA. VERO. H_{is} ORDINIBVS. SVFFICIAT. QVI. SVARIAM. RECOGNOSCUNT ITA. VT. IDEM. ORDINES. IVXTA. CONSVETVDINEM TAM. PROPRIV. QVÆ. APPELLATVR. QVAM. ANNONIS (4) EXSOLVANT. ET. MODERATIONE. ADHIBITA PERINDE. A. POSSESSORE. SVSCIPIANT. ATQVE ACCIPERE. SVNT. SOLITI. ANTIQVO. MORE PRAEVTENTE. INDERDICENTES. NE. INORMIA ILLA. INDEBITAQVE. PRAESTENTVR. QVAE. TAM TRIBVNVS. QVAM. PATRONI. DIVERSI. ET. VARIA CONSEQVBANTVR. OFFICIA. CONTRA. QVOD INTERDICTVM. SI. QVI. AVSI. FVERINT. DE COMMVNI. LARGIRI. ET. SCRIBAE. QVIDEM CAETERIQVE. POENAE. SVBIACEANT. (5)

1. Memoria. 2. ex. 3. Amphorarum. 4. Annonas, 5. Subiacebunt.

Conferamus hanc Aproniani auctoritatem seu dispositionem cum *hæc constitutio*. 1. Ait Apronianus, se damnis Suariorum leuamen providere. Idem & Valentinianus *hæc leg.* Suariorum dispendia faciuntur, mox, *damnum releuetur*. 2. Ait leuamen istud prouisum ex titulo Canonico Vinario, Valentinianus, *vini perceptione releuetur*. 3. Ait Apronia-

Apronianus e 25. millibus amphoris duas partes Suariis cedere: Valentinianus 17. millia amphorarum Suariis cedere: quæ utique duæ partes paulo minus sunt e 25. millibus. 4. Ait Apronianus, tertiam his Ordinibus cedere, qui Suariam faciunt, vel recognoscunt: Valentinianus quoque ordinem cum Suariis habere vini emolumenta communia: communia ait Valentinianus, id est, ut Aproniani dispositio habet, ita ut his cedant octo millia amphorarum vini. Ititur & Apronianus voce prouidimus, sicut hic: cui rei illud prouisionis accedat. Et mox, indulta P. 175 prerogatiua prouidit. Ait hæc lex, ad æternam memoriam enæ Tabule hanc legem insculpendam: Similiter in Auctoritate, ad fidem gestorum plenius memoria tradendam, Tabulam, placuit adfigi. Ait Apronianus, proprium quod appellatur exsoluant: Valentinianus ait, proprium (nam ita yg.) Ordo decedat ac transigat. Discrimen hac parte inter Aproniani dispositionem, & Valentinianum est, quod Apronianus plures Ordines Suariam fecisse, seu Suariam recognouisse dicat: Valentinianus hac leg. nonnisi de vnico Ordine agat: Ordo, inquit mox, isque Ordo. 5. De hoc Ordine id tenendum, Aproniani dispositionem indicare hos Ordines Suariam fecisse, seu Suariam recognouisse. Item tenendum ex hac leg. eum Ordinem cum possessoribus decidisse ac transigisse de pretio porcinae. Tercio tenendum ex hac leg. hunc Ordinem pretia exacta a possessoribus, vel eius loco carnem ipsam, Suariis tradidisse: pariter ut Apronianus disponit annonas ab his exsolui, & moderatione antiqua a possessore suscipi oportere.

Et hæc de Epimetro, quod ad primum huius leg. caput, cum porcina ipsa a possessoribus præbetur. Quamquam duo adhuc circa id statuuntur. Primo epimetron istud non soluendum ab his, qui ipsam pecuniam ministrant: nam cum intertrimenti causa id soluatur, sane pecunie nullum intertrimentum est: de quo Cassiodori locus, quem mox subiiciam. Secundo, Lucanis & Bruttis id hac leg. conceditur, ut si nolint Vinum soluere, possint si velint eodem loco, quo vinum soluturi erant, speciem moderatam, hoc est septuagenarum librarum compensatione dissoluere, id est, possint 70. libras pecuariae, porcinae, loco amphoræ vini soluere: amphora scilicet (quod & Quadrantal dicebatur,) continebat Vinas duas, Modios tres, Semodios sex, Congios octo, Sextarios 48. Heminas 96. Quartarios 192. Cyathos 576. ut docet Volusius Mæcianus in fin. Igitur species porcinae ad vini modum seu Amphoras, ita moderata seu proportionata fuit. Et ratio huius compensationis redditur, quia Lucanos & Bruttios longæ subuectionis damna quatiebant: nempe vini longinqua subuectio plurimum damni habet: non adeo longinqua conuectio speciei seu porcinae: quod tamen ipsum postea aliter visum: de quo mox Cassiodori locus.

Obseruandum interim Lucaniam suæ seu porcinae pendisse, utpote quibus abundaret, eo quod montuosa sit: quod etiam testatur vetus Orbis descriptio sub Constantio & Constante, cap. 41. Lucania regio, inquit, optima, & ipsa omnibus habundans, & lardum multum foras emittit: propter quod est in montibus, cuius escam animalium variam, &c. Cassiodorus lib. XI. Variar. 39. Hinc enim fuit, ut montuosa Lucania suæ penderet: hinc ut Bruttis bouum pecus indigena ueritate præstarent: Fuit nimirum utrumque mirabile, ut & Prouincia tanta ciuitati sufficeret, & sic ampla ciuitas earum beneficis victualium indigentiam non haberet. Erat quidem illis gloriosum Romam pascere: sed quanto dispendio videbatur posse constare, adducere tam multis itineribus, qua darentur ad pondus, dum qua probamur

decrefcere, nullus poterat imputare? Redactum est ad pretium, ubi pati non poterant detrimentum, quæ nec itineribus minuuntur, nec laboribus sauciantur, &c. Quod Bruttios attinet, postea sub Gothis laridi species coemptionis nomine ab his non postulata, quia beneficio loci non habetur: ut testatur Cassiodorus, XII. Variar. 14. De Epimetro hætenus & porcinae ad rationem, & hæc de primo huius leg. capite.

Secundum caput est de Ponderatione porcinae: ubi duo cauentur. Primo, pondus porcorum trutinæ examine, non oculorum libertate quari oportere: ita quidem, ut ne volenti quidem possessori liceat tradere animal, cuius modus non prius ponderatione certa decifus fuerit: ne alioquin Suariis æstimandi licentia tributa minus forte pondus renunciantibus & afferentibus, possessor damnum patiatur. Et hoc quidem etiam iam a Præfecto Urbis Prætextati decessore salubriter institutum dicitur: id est, ab Aproniano, pariter ut epimetri ratio. Et vero Aproniani dispositio hæc etiamnum Romæ extat, tabula marmorea, quæ est ad Sanctos Apostolos, relata in Corpus Inscriptionum Gruteri DCXLVII. 6. qua in commune id disponitur, ut pecora sub exagio vendantur.

EX Φ AVCTORITATE
TVRCI Φ APRONIANI. V. C.
PRAEFECTI. VRBIS

RATIO. DOCVIT. VTILITATE. SVA
DENTE. CONSVETVDINE. MI
CANDI. SVMMOTA. SVB. EXAGIO
POTIVS. PECORA. VENDERE. QVAM
DIGITIS. CONLVIDENTIBVS. TRADE
RE. ET. ADPENSO. PECORE. CAPITE
PEDIDVS. ET. SEVO. LACTANTE. ET
SVBGLARI. LANIO. CEDENTIBVS
RELIQVA. CARO. CVM. PELLE. ET. INTE
RANEIS. PROFICIAT. VENDITORI
SVB. CONSVETV. PVBLICO. FIDE PON
DERIS. CONPROBATA. VT. QVANTVM
CARO. OCCISI. PECORIS. ADPENDAT
ET. EMPTOR. NORIT. ET. VENDITOR
COMMODIS. OMNIBVS. ET. PRAEDA
DAMNATA. QVAM. TRIBVNVS. OFFI
CIVM. CANCELLARIVS. ET. SCRIBA
DE. PECVARIIS. CAPERE. CONSVETE
RANT. QVAE. FORMA. INTERDICTI
ET. DISPOSITIONIS. SVB. GLADI. PE
RICVLO. PERPETVO. CVSTODIEN
DA. MANDATVR.

Collationem instituamus. Ait Valentinianus, pondus porcorum trutinæ examine quari oportere. Apronianus sub exagio, quod idem est, Glossæ ἐξάγιον, pensatio: ἐξάγιον, examino, perpendo: Hinc & ἀπὸ ἐντροπῆς, exagios: apponebatur enim pani nota ponderis, quia & panis quoque pensus ab Aedilibus exigebatur. Nouella Valentiniani inter Theodosianas 25. de pretio solidi: de ponderibus quoque ut fraus penitus ampuetur, a nobis aguntur exagia, &c. Exagella inde apud Ennodium in V. Epiphani circa fin. pagin. 1022. Tom. I. Oper. Sirmon. di, & Zenonis Sermone 6. ad Neophytos, pag. 396. Tom. III.

Tom. III. Biblioth. Patr. *Habetis hadinam, exagium facite, quemadmodum vultis: singulos ponderate.* Aliud ἐξάγιον, quod est sextula seu solidus, sic dictus, quod sit pars sexta vniuersæ, Zonara, Isidorus, testibus: quod ἐξάγιον compendii causa scriptum, sed pronuntiandum ἐξάγιον: nam ε est nota τῆ ἐξ. Quare errant, qui cum ἐξάγια confundunt ἐξάγιον. Ergo *trutina examen*, & *exagium*, idem: cuius medio iniquitati occursum. Vitruuius lib. 10. cap. 1. *Trutinarum vero librarumque ponderibus examinatio reperta vindicat ab iniquitate iustis moribus vitam.* De ponderibus & mensuris dixi ad l. 19. 21. *supr. de Susceptorib. l. vltim. supr. de Superexactionibus.* Ait Valentinianus: *non oculorum libertate, Apronianus, consuetudine micandi summa, mox: digitis contudentibus.* Ergo Aproniani P. V. institutum Romæ fuit, vt trutinæ examine pecora venderentur penderentque: quod *hac leg.* ad successorem eius Prætextatum P. V. data confirmatur. Cuius Prætextati pariter illud fuit, quod *pondera* P. 176. *per regiones instituit vniuersas, cum auiditati multorum ex libidine TRUTINAS componentium occurrere*quiret: vt Ammianus Marcellinus lib. 27. c. 9. totidem verbis scribit.

Hactenus primum caput circa ponderationem. Alterum est, *vt animal a possessore tradendum ob digiem prius, vntus tantum noctis ieiunio vacuetur.* Nempe, vt egesto fimo animal tradi publice æquum fuit, ita non diuturniore ieiunio pondus animalis imminui possessorum interfuit. Quo at-

gumento videatur a possessoribus porcina integra soluta, non interaneis detractis: quæ vtique si detracta fuissent, ieiunio ad egerendum fimum nil opus fuisset.

Et hæc de ipsius porcina collatione. Quod Pretii collationem attinet, (quod iam Tertium huius leg. caput est) cuius electionem *hac leg.* tribuit Valentinianus, restituta Constantini M. constitutione hæc duo constituuntur: 1. Vt cum possessore proprius Ordo, Suariam functionem recognoscens, de pretio decidat: de quo iam *supr.* Noluit scilicet Suarium exactorem decidere, sed proprium Ordinem, eo quod illi plerumque superexigerent. 2. Vt Ordo Suariis, aut pretium tradat, aut carnem: electione alterutrius soluendi Suariis Ordini data, pretii quidem legitimi, id est Romani fori, quod in foro Romano obtinet; contra quam Constantino M. & Iuliano visum, l. 2. & 3. *supr.* Iuliano, inquam, cuius constitutioni *hac leg.* Valentinianus non vna ratione detractum voluit: contra Constantinianum ferme ius reductum voluit.

Tandem iubetur hæc constitutio æneæ tabulæ (in Foro scilicet Suario) insculpi ad æternam memoriam; cuius rei & moris exempla alia *hac Codice, l. 4. supr. de priuileg. eorum que in sacro Palat. l. 1. supr. de alim. que in op. parent. l. 2. supr. quemadmodum mun. ciuili l. vltim. infr. de frum. V. Constantinop. vid. & l. vnic. infr. de iure Italico V. Constantinop.*

V. (a) Imppp. VALENTINIANVS, THEODOSIVS & Arcadius AAA. ad Albinum (b) P. V. Romæ.

SVARIORVM vires (c) ea concidisse occasione comperimus, quod fundi (d) eorum, adque alia prædia, in extraneas quasque personas multimoda (e) donatione transcrita sunt. Quæ Sublimis Eminentia Tua, aut ad memoratorum iura reuocabit, aut si eorum de- rentatores putauerint abluendum, (f) subeant cum his communem sarcinam, quorum incubuere corporibus. (g) Consanguineos (h) quoque eorum, vel originales, (i) vt memoratorum nomini functionique iubeas adiungi, plenum & æquitatis & iuris est. Dat. XV. (k) Kalend. Septemb. Romæ, Timasio & Promoto Coss. [389.]

NOTÆ.

- (a) Absit & hæc lex a Cod. Iustin. GOTHOF.
- (b) Albinus P. V. Romæ sub Valentiniano Iun. Anno 389. 390. 391. vid. *Prologogr. ID.*
- (c) Vires, id est, facultates. *ID.*
- (d) Fundi a prædiis hic distinguuntur. *ID.*
- (e) Siue inter viuos, siue vltima voluntate. *ID.*
- (f) *re. abluendum. ID.*
- (g) Corporibus, id est, rebus, fundis, prædiis. *ID.*
- (h) Consanguinei hic sunt, filii, posteri Suariorum, qui sanguinis iure Suariæ functioni tenentur, seu originis nexui: unde & Originales mox iidem vocantur. Et l. 7. *infr.* quos successio generis adstringit. Agnatio, *Novell. Valentinian. 35. de suar. ID.*
- (i) Ita Originales Coloni, l. 14. *supr. de annonæ: Curiales, l. 13. 96. supr. de Decurion. ID.*
- (k) Hanc subscriptionem mox vrgebo. *ID.*

COMMENTARIVS.

POSSESSORES prædiorum ad Suarios pertinentium, quocunque titulo donationis, nisi ea prædia restituant, sed & Filios Suariorum, ad Suariorum functionem vocari iubent *hac constitutione* Valentinianus Iun. & Theodosius M. Anno

D. 389. Nempe Principes hi hoc tempore Romæ agentes post Maximum Tyrannum deuictum, (de quo consule *Chronicon nostrum*;) variisque rationibus Vrbi Romæ consultum cupientes, inter cætera, Annonæ popularis cura suscepta, firmandis

Corporibus, quæ illi seruiebant, incubuere: puta Pistorum, quò pertinet *lex vnic. supr. de Mancipibus*, quæ biduo ante *hanc leg.* data est, & ad eundem Albinum P. V. emissæ: Item, *hac leg.* Suariorum occiduo Corpori, vt loquitur Valentinianus Tertius *Nouella 15. de Suariis*. Cæterum cum Suariorum tum vires tum corpus concidisse reperissent: duabus iis quas *initio* dixi rationibus id firmare seu erigere instituerunt. Et priore quidem, retractis possessionibus ad eorum iura, quæ inde recesserant, *quocunque donationis titulo*, id est, siue inter viuos, siue vltima voluntate: (Prædia scilicet & peculia Suariorum ita functioni huic destinata sunt, vt in extraneos transferri non possint: quod docuit etiam *lex 1. supr. & docebit infr. lex 7.*

g. b. t. & d. Nouella Valentiniani III. 15. in fin.) In tantum, vt possessores, nisi ea restituere velint, ipsammet functionem Suariam agnoscere seu subire debeant: quod & ipsum ex parte constituitur *d. l. 7. & 8.* Et hæc de prima ratione, deque extraneis. Altera ratio est: quod *Con sanguineos & originales*, id est filios, posteros, qui sanguinis & originis ipse Suariæ functioni tenentur, quos successio generis adstringit (vt loquitur *lex 7. infr.*) Agnationem (vt loquitur *d. Nouella Valent. 15.*) ad eam functionem adiungi, adigi, iubeant. De quo rursum *d. l. 7.* Quæ quidem communis *lex* fuit cæterorum Corporum: vnde & *plenum hoc æquitatis & iuris*, dicitur *hac leg.*

P. 177

VI. (a) Idem AAA. ad Albinum P. V. (b)

PORCINARIJ (c) Urbis Æternæ, cum peruigilem laborem populi Romani commodis (d) exhibeant, id se Diuæ memoriæ Gratiani (+) beneficio meruisse proponunt, *Ne sordidis (e) vnquam muneribus subiacerent.* Inlustris igitur Auctoritas Tua Diualium præceptorum formam conseruans, etiam cum interminatione competenti suo (f) insistat Officio, quatenus id, quod & ante constitutum est, & nulla postmodum iussione mutilatum, indubitatum (g) adque intactum faciat perdurare. Dat. VIII. Kalend. Septemb. Romæ, Timasio & Promoto Coss. [389.]

NOTÆ.

- (a) *Lex 1. Cod. Iust. eod. tit.* qua hæc vnica sententia continetur: *Porcinarii urbis æternæ, cum peruigilem laborem populi Romani commodis exhibeant, sordidis semper muneribus liberentur.* Cæteris omnibus refecatis. **GOTHOF.**
- (b) Romæ: vt *l. 5. prox. supr. 1D.*
- (c) Idem cum Suariis. **ID.**
- (d) *Commoda populi hac leg. vt l. 8. supr. de Medicis & Professoribus: l. 3. infr. de Canone frum. V. R.* pariter vt *commoda popularia l. 3. supr. tributa in ipsis speciebus: absolute commoda, l. 2. supr. tributa in ips. speciebus: l. 25. supr. de annona & tribut.* sunt annonæ populi Romani. **ID.**
- (+) *Gratiani* (qui cæsus Anno D. 383.) *constitutio*, de Suariorum Urbis Romæ immunitate a sordidis muneribus. **ID.**
- (e) *Sordida munera* quæ sint? suo tit. dictum, **ID.**
- (f) *Officium Præfecti Urbis*; id est *Officiales*. **ID.**
- (g) *Inlubitatum*. **ID.**

COMMENTARIUS.

IMMUNITATIS priuilegium a muneribus **SORDIDIS** porcinariis, id est, Suariis V. R. tributum a Gratiano Imp. neque postea ademptum, confirmant *hac constitutione* Theodosius & Valentinianus, ad Suariorum petitionem. Romæ scilicet agentes hoc Anno 389. Principes hi, Annonæ popularis cura suscepta, non tantum Corpora ipsa ac nominatim Suariorum firmare opibus numeroque sat habuere, quod vtique ab his factum *superiore lege* ante octiduum: verum etiam priuilegia his sua confirmanda duxere, eodem semper annonæ popularis studio: quo scilicet (vt hic non obscure indicant) *peruigilem magis ac magis laborem populi Romani commodis exhiberent.* Quænam autem sint munera sordida, docuit *titulus supr. de extraordinar. siue sordidis muneribus lib. 11. tit. 16.* His sane ipsa Suaria functione connumeranda non venit: quod quidam censuerunt.

Ex hac interim *leg.* quoque liquet Gratianum, cum Valentinianum Iuniorum fratrem Imperii consortem haberet, Roma nihilominus quoque potitum: quod etiam docet saltem vsque ad Annum 381. *lex 26. supr. quorum appell. non recip. lex. 1. supr. de Princip. agent. in reb. l. 9. supr. de priuileg. eor. qui in sacro Palatio: lex 16. 17. supr. de Pistorib. l. 6. infr. de Scandis: lex 2. supr. vnde vi.* Imo & Italia: vt docet *lex 9. supr. de metallis: Quin & Africa*, vt ostendit *lex 3. supr. de naufragiis.* Et si alias in Imperii diuisione, Italia, Illyricum, Africa, Valentiniano celsissent, teste *Zosimo lib. 4. cap. 19. in fin.*

VII. (a) Impp. Arcad. & Honor. Florentino (b) P. V.

HÆREDES (c) Suariorum, filiorum, etiam emancipatorum, bona omnia ac patrimonia requirantur: vt siue personarum agatur ratio, siue rerum, non minus habeatur obnoxius quem possessio tenet, quam quem successio generis adstringit: Dummodo, suo (d) Ordini adtributos, Suarii non admittant, & propriis facultatibus solitisque subsidiis aliena adque longinqua, & ab hoc munere distracta, (e) non quærant. Dat. XV. Kal. Mart. Med. Casario & Attico Coss. [397.]

NOTÆ.

- (a) Absit *hec lex a Cod. Iustin.* Et tamen iungenda ei videatur *eo ipso Cod. lex. 2. eod. tit. quæ eandem Inscriptionem præfert, subscriptione carens in nonnullis Edition. Et si malint alii, emendata Inscriptione eam coniungere legi prox. 8. in fin.* Forte etiam *huic iungenda lex 3. supr. de priuileg. Corporator. Urbis Romæ: alterutribi die emendato. GOTHOF.*
- (b) *Florentinus P. V. Romæ sub Honorio Anno D. 395. 396. 397. v. Profopogr. ID.*
- (c) Sui, extranei. *ID.*
- (d) Proprio, alteri quam Suariorum. *ID.*
- (e) distincta, separata. *ID.*

COMMENTARIVS.

HONORII Imperatoris, annonæ populari Urbis Romæ consulenti, quatuor constitutiones sequuntur: quarum tribus labanti seu occiduo Suariorum Corpori opitulatum it. Et *hæc quidem lege, & HÆREDES quoscunque, & FILIOS, etiam emancipatos, & POSSESSORES quoscunque bonorum ad Suariam functionem vocari iubet: sic, vt ipse ait, non minus habeatur obnoxius quem possessio tenet, quam quem successio generis adstringit.*

Qua parte notandum quod nominatim addit de filiis emancipatis. *Beneficium scilicet emancipationis, genuino officio publicæque utilitati nocere non debet.* Notandum & quod viceversa subiicit, ita Suarios Corpori suo obnoxias personas, obnoxiaque bona vindicare posse, vt alienis personis bonisque abstineant, quæ alteri Ordini seu Corpori adtributa seu adstricta sunt.

VIII. (a) Idem AA. (b) Hilario P. V. (c)

QVICVMQVE de Suariorum corpore originariam (d) functionem, sub cuiuslibet desiderio auxilii, vel honore, declinasse noscuntur, vel aduersa (e) se officia contulisse, aut Adnotationibus vel Rescriptis Nostræ Serenitatis elicitis, ad munus pristinum reuocentur, tamquam (f) paterno, quam qui materno genere inueniuntur obnoxii: *Oportet enim viribus vacuari, quæ in dispendium publicum adumbratione (g) exorta sint:* Nullique penitus ad quemlibet honorem adque militiam aditus tribuatur, nisi (h) qua deinceps de nostris altaribus per Adnotationem, vel Rescriptum, vel quolibet genere fuerint elicitæ vel emendicata, cassentur. Eos etiam qui ad *Clericatus* se priuilegia contulerunt, aut agnoscere oportet propriam functionem, aut ei corpori, quod declinant, proprii patrimonii facere cessionem. Hii vero qui prædia obnoxia corpori, vel ex empto, vel ex donato, vel ex quolibet titulo tenent, pro rata publicum munus agnoscant, aut possessionibus cedant. Circa reliqua etiam Corpora, quæ ad priuilegia (i) Urbis Romæ pertinere noscuntur, eadem præcepti nostri forma seruetur. Dat. XVIII. Kalend. Febr. Romæ, Bassio & Philippo Coss. [408.]

NOTÆ.

- (a) Absit *hec lex a Cod. Iustin.* Sunt tamen qui *huic leg. coniungant legem 2. Cod. Iust. eod. tit. quæ superior potius iungenda videtur. Debit & in Annales Ecclesiasticos huiusce leg. pars saltem referri. GOTHOFRED.*
- (b) De hac Inscriptione consule *Chronolog. ID.*
- (c) *Hilarius P. V. Romæ sub Honorio: vnica porro hæc lex hoc Codice occurrit ad istum Hilarium P. V. IDEM.*
- (d) Vnde *Originæ dicuntur l. 5. supr. ID.*

(e) *γρ. ad diuersa. ID.*(f) *γρ. Tam qui. ID.*(g) *Adumbratione extorta, id est adumbrata aliqua ratione, aliquo pretextu, colore. ID.*(h) *γρ. Et si. ID.*(i) *Vide supr. tit. de privilegiis Corporatorum Urbis Romæ. ID.*

COMMENTARIUS.

SECUNDA hæc Honorii constitutio est, qua annonæ Urbis Romæ cura suscepta, labanti Suariorum nominatim Corpori Romæ, imo & aliis Corporibus omnibus opitulatum it, Anno D. 408. idque triplici ratione seu tribus capitibus. Primo enim definit, nulla dignitate, nullo officio, nullo Principis rescripto originariam hanc functionem euitari posse: eosque adeo qui euitauerant, reuocari oportere. Quod & ipsum voluerunt Impp. l. 5. *supr.* Idque siue paterno siue materno genere obnoxii Suariæ functioni sint. Nempe, (quod exinde colligitur) etiam materna origo Suariæ functioni liberos obnoxios reddebat. Denique vtrius parente Suario quis natus esset, Suariæ functioni originis iure tenebatur, quod in pistoribus quoque obtinuit: de quo *suo tit.* Secundo, ne CLERICATU quidem, puta si Suariæ functioni obnoxius Clericus factus fuisset, hanc conditionem euitari posse sancit: verum alterutrum facere iubetur, vel

inquam, functionem ipsam agnoscere, vel patrimonio suo cadere Corpori Suariorum. Hanc electionem tribuit Honorius ei, qui ex Suario Clericus factus fuisset: itemque iis, qui ex aliis Corporibus Clerici facti fuissent: cum tamen Valentinianus Senior pistorum præcise reuocari voluerit l. 11. *supr. de Pistoribus.* Et Valentinianus Tertius postea voluit Corporatos in Clericorum numero repertos vsque ad Diaconos tantum reuocare, non alios: *Nouella inter Theodosianas 26. de Corporatis Urbis Romæ qui ad militiam vel Clericatum transiunt, reuocandis: & Nouella Valentiniani de Episcopali iudicio 12.* Tandem & Possessores prædiorum obnoxiorum Suariæ functioni quocunque titulo, vel pro rata possessionum publicum munus agnoscere, vel iis pariter cedere iubet; Quod & ipsum ferme placuit Theodosio & Valentiniano Iun. l. 5. *supr.* eidem Honorio l. 7. *supr.*

IX. (a) Impp. Honorius & Theodosius AA. Palladio PF. P. (b) Post alia.

AD excludendas Patronorum Caudicariorum (c) fraudes, & Portuensium furta Menforum, (d) vnus e Patronis totius consensu corporis eligatur, qui per quinquennium custodiam Portuensium suscipiat conditorum, (e) clandestinum ad collegas digma (f) missurus, ne quid ex specie fraus occulta vectorum pessimæ qualitatis inmutet: Cui præmia ista deferimus, vt si optima fide administrauerit munus iniunctum, post expletas lustralis (g) sollicitudinis metas, Comitum tertii ordinis honore cumuletur: idque non iam ex co-dicillis nostris, sed constituti istius consequatur indulto; deprehensus in fraudem (h) P. 179 amisso patrimonio ad pistrini etiam munia prima reuocetur. Illud etiam decernimus, ne in singulis (i) tres primos Patronos corporum singulorum (k) Vir Clarissimus PF. Ann. ius habeat corporalis iniuriæ: Nam sufficit in delinquentem Inlustris Urbani censura iudicii. Dat. VII. Kalend. Ian. Rau. Honor. A. XI. & Constant. II. V. C. Coss. [417.]

NOTÆ

(a) *Abest hæc lex a Cod. Iust. Eique iungenda lex ult. supr. de Pistoribus. GOTHOF.*(b) *Palladius PP. Italix sub Honorio: vid. Prosopogr. ID.*(c) *De his Caudicariis agitur & l. 2. supr. de Pistorib. & l. 1. infr. de Canone frum. V. R. ID.*(d) *De his Menforibus agitur & l. 1. supr. de condit. in publ. borr. & d. l. 1. infr. de Canone frum. V. R. ID.*(e) *Condita: de his vid. Glossar. Theod. ID.*(f) *δᾶγμα: de quo mox. ID.*(g) *Quinquennalis. ID.*(h) *Pro, in fraude. ID.*(i) *An in singulos? ID.*(k) *Caudicariorum, & Menforum. ID.*

COMMENTARIUS

TERTIA hæc hoc titulo Honorii Imp. constitutio est, annonæ Urbis Romæ consulenti, circa CAUDICARIORVM & MENSORVM Portuensium Patronos: idque, aduersus eorum partim fraudes, partim

partim pro eorum præmiis. Quæ lex pars est proximioris Honorianæ constitutionis, ut apparet ex *l. ultim. supr. de Pistoribus*, quæ huic coassanda seu coniungenda venit: in qua alterum quoque fraudis genus circa annonam vrbicam submouet. De quo mox.

Prius enim paucis præmonendum 1. In *Portu* Vrbis Romæ (qui 18. millibus a Roma distabat,) quo annona seu frumentum Vrbis Romæ vñbus destinatum, ex Prouinciis subuehebatur, fuisse *Horrea*, vbi frumentum illud condebatur, donec Romam subueheretur, quæ *horrea* ideo *Portuensis* dicta: *l. vnic. infr. de Patronis horr. Portuens.* Quomodo & condita ibi frumenta, *Portuensis* dicuntur *hac leg.* Item, notandum Corpus quoddam *Caudicarium* (id est, nautarum Tiberinorum seu Nauiculariorum) fuisse, qui annonam Romam solenni nauigatione subuehebant; de quibus agitur præterea duobus locis *hoc Codice*, puta *l. 2. supr. de Pistorib. & l. i. infr. de Canone frum. V. R.* (ad quarum priorem plene de his Caudicariis dixi.) In eodem rursus *Portu* fere & *Mensores*, qui scilicet & aduectum ad *Portum V. R.* frumentum admetirentur in horreis condendum, & rursus, cum inde promeretur Romam per caudicarios subuehendum: vnde & *Mensores Portuenses* dicti *hac leg.* Ergo in *Portu* Vrbis Romæ fuerunt & horrea *Portuensis*, & condita *Portuensis*, & *Mensores Portuenses*. Qua simili forma & apud Ambrosium *epist. 62. initio, Edit. Paris. 1614.* ad Eusebium *Episcopum, Opera Portuenses*, in opere *Portus* reformandi occupata. Simili forma & *via Portuensis*, cuius mentio quoque fit apud *Æthicum Cosmograph. pag. 716. Edit. Gronou.* Fuere etiam, *Fabri Navales Portuenses*, de quibus verus Inscriptio reperta *Officiæ apud Gruterum CCCCXXVII. 2.* Fuere & *Saccarii Portus Romæ*: de quibus suo titulo *infr.*

Secundo sciendum, ut *Caudicarium*, *Mensorum*que certa numerosaque Corpora erant, ita singula suos *Patronos* habuisse: pariter ut cæterorum Corporum & quidem annonæ Vrbicæ deferuentium, *Patroni* sui fuerunt: veluti *Pistorum*, de quibus *l. 2. 7.* (vbi plene dixi:) *l. 12. supr. de Pistoribus*: & horreorum quoque *Portuensium*: *l. vnic. infr. de Patron. horr. Port.* *Patronos* inquam, id est, *Capita* & *Principes* seu *Vertices* quodammodo Corporis, qui communem Corporis curam gerebant & administrabant: Ita quidem ut plures *Patroni* in singulis Corporibus essent: non Tres tantum, sed plures, ut aperte docetur *sine huius leg.* sic tamen, ut *Tres primi Patroni*, præcipuo quodam gradu & honore haberentur, de quo postea.

Tertio noscendum, ut maxime plures essent eiusdem Corporis *Patroni*, attamen vni administrationem commissam certo tempore: veluti a *Patronis* horreorum *Portuensium*, vni *Patrono*, sic vñs annis singulis tantum præfesset, ex eiusdem Honorii constitutione Anno Domini 400. *d. l. vnic. infr. de Patronis horreorum Portuensium.* Hoc exemplo hac constitutione Honorius vnum ex *Patronis* *Caudicarium*, & vnum ex *Patronis* *Portuensium* *Mensorum*, totius Corporis consensu eligi iubet, qui per quinquennium conditorum *Portuensium* custodiam suscipiat, seu iustitiam sollicitudinem gerat. Quomodo sane & priores *Patronos* *Pistorum* quinquennales fuisse docet *lex 7. supr. de Pistoribus*, & aliorum Corporum *Patronos* quinquennales memorant veteres Inscriptioes, de quibus plene dixi *ad l. 7.* ac nominatim (quod huc maxime facit) quinquennales Collegii *fabrorum Ostiensium*, apud *Gruterum CCLVIII. 1.*

Iam ad rem. Honorius Imp. Annonæ Vrbicæ

Tom. V.

consulturus, ut ipsa Corpora annonæ vrbicæ deferuentia a concussionibus Apparitorum vindicanda credidit *l. ult. supr. de Pistoribus*, quæ huic, ut dixi, coniungenda est; ita viceuersa, eorum fraudibus *hac leg.* occursum iuit: ac nominatim *Caudicarium* & *Mensorum*: quæ quidem Corpora uti proxime cohærebant, ita fraudibus variis vtraque rem gerebant: quod docet præterea *lex 1. infr. de Canone frum. V. R.* Inter alias porro fraudes, istud erat, quod fraude occulta species seu frumenta immutarent, pessimæque qualitatis frumentum subicerent: pessima, id est vitima, de qua voce *ad l. i. infr. de Canone frum. V. R.* *Mensores* inquam, & *Caudicarii* seu *Vectores*, ut *hac leg.* docet. His igitur fraudibus excludendis, iubet Honorius vnum e *Patronis* totius Corporis consensu eligi, qui suscepta per quinquennium conditorum custodia, digna frumenti scilicet ad collegas Romæ commorantes clam mittat: cuius collatione apparere possit, num qua fraus ab his admissa fuerit, pessimæ qualitatis frumento pro bono subiecto. *Digma*, δῆγμα, est specimen rei, monstre, eschantillon, proba, ut vocatur *l. vnic. supr. de Stratoribus*: & apud *Ammianum lib. 21. cap. ult.* indicium apud eundem loc. cit. & *l. 13. supr. de annona*, & *l. ultim. supr. de superexactionib.* *Harpocration*: δῆγμα, κυρίως μὲν τὸ δεικνύμενον ἂν ἐκάστω τῶν πολλομένων ἤδη δὲ καὶ τόπος τις ἐν τῷ Ἀθήνῳ ἐμπορίῳ, εἰς ὃν τὰ δῆγματα ἐκομίζετο, &c. δῆγμα proprie est specimen, quod de singulis rebus venalibus monstratur: sed olim *digma* locus erat in *Albaniensi* mercatu, in quem specimina ferebantur. quod iisdem plane verbis *Moschopolus*, *Suidas*, & *Etymologici* Auctor exscribunt: ita & *P. 179. ἀρτόδῆγμα* *Polluci lib. 9. segm. 34. pag. 999. Edit. Hemsterhuis.* sic & in rebus liquidis gustus seu γεύμα. Interim obseruandura (quo pertinet etiam *Harpocrationis* locus) locum fuisse in *Portu Atheniensium* *Piræco*, qui *Digma* vocabatur: nempe quia eo mercatores conuenientes suarum mercium δῆγμα, seu probam & indicium producere soliti, Cuius loci quoque mentio apud *Æneam Tacticarum cap. 30. pag. 22. Edit. Casaubon.* & ut nonnullis visum apud *Theophrastum cap. περὶ ἀλαζονείας 23.* & apud *Scholiamen Aristophanis*. * Imo & communiter in aliis Græciæ emporiis omnia loca, ad quæ ferebantur τὰ δῆγματα, mercium indicia seu proba, ita dicta. *Ælianus in Epistola Demyli ad Blesiam, fol. 230. inter Epistol. Philosoph. Orator. Rhetor. Aldi 1499. in 4. εἰς ἀρχαίαν τοῖς παρῶν, Ἀγυπτίους καὶ Σύρας φαντάζεται, καὶ περιέλεται τὸ δῆγμα, qui ne quidem presentibus par est, Ἐgyptίους atque Syros in animo habet, & fora cogitat.* Describit scilicet ibi hominem qui a cultura agorum ad mercaturam toto animi impetu se conuertit, ac proinde nil nisi fora cogitat: ita vocat *Scriptor* ille, περιέλεται δῆγμα.

His ita constitutis Honorius deinceps hac constitutione *Patronorum* fidem tum præmiis, tum & poenarum metu deuincit; nempe Comitium tertii Ordinis; (de qua dixi *supr. lib. 6. de qua etiam l. prox. infr.*) pro præmio, bene defuncto per quinquennium Patronatu, desert: ita quidem ut nolit id specialiter a se postulari, verum in commune id deferat generali hoc beneficio: pariter ut desertur *l. prox. infr.* ab eodem Honorio tribus Principalibus *Suariorum* & *Pecusariorum*. Quod genus indulti obseruandum est: quo vi constitutionis & ex generali indulto, seu privilegio legis, C c non

non ex specialibus Codicillis honores cumulantur, tribuuntur. Contra, fraudulento bonorum pro-
scriptionem minuitur, & pistrini poenam, sic vt
postrema in eo munia & vilissima subire necesse
habeat: ita enim hæc verba accipi possunt, *ad pi-*
strini etiam munia prima reuocetur: prima scilicet
quæ prima ingrediantur, & sic infima, vltima, *pes-*
sima. Sed & hoc Patronis *hæc leg.* defert vt in
tres primos Patronos singulorum Corporum, de-
linquentes iurisdictionem adimat Præfecto an-

nonæ Urbis Romæ, tribuat soli Præfecto Urbis.
Nempe cum duo hi Magistratus Annonæ Urbis
cæ præessent; ille tamen sub huius dispositione
positus erat, quod etiam ex *Notitia imperii* discere
est, longe Præfecto Urbis inferior: cui proinde
Præfecto Urbis iurisdictionis criminalis in tres
primos Patronos Corporum horum annonæ defer-
uentium tribuitur, non vero Præfecto annonæ.
Quæ fori competentis priuilegiati species notan-
da est.

X. (a) Idem AA. Palladio PF. P. (b)

SVARIIS pecuarii iungantur: Sub hac tamen condicione decreti, corpora volumus
miscere, vt, rescissis priuilegiis quæ impetrasse dicuntur, mixtæ corporum vices al-
ternis fungantur officiis. Quibus cum lege concedimus, vt corpora externa (c)
iungamus, e re est, vt his quoque suas reddi iubeamus personas; quas rescissis om-
nium priuilegiis, vinctis, gratiosis sententiis (si quas in abolitionem genuinæ (d) fun-
ctionis callida fraude meruerunt) restitui (e) cum facultatibus suis, posthabita dilatio-
ne. Nulla tamen eos corporis iniuriæ formido percellat. Nam præcipimus, vt tres
huius corporis Principales certii (f) ordinis Comitum recipiant: quam (g) sibi non
iam ex codicillis nostris, sed ex priuilegio latæ legis adsumant. Per quinque (h) au-
tem menses quinas in obsoniis libras carnis possessor (i) accipiat, (k) ne per minutias
exigui ponderis amplius fraus occulta decerpatur. Possessores quoque, qui pro larido
millenos denarios in vicenis libris solebant conferre, Suariis in pretio exsoluant. Primi-
sclini (l) quoque, tam Inlustr. Urbanæ sedis, quam Spectabilis Vicariæ potestatis, nisi
anno militæ finalis institerit, (m) ad supplendam summam præteritæ dissimulationis ar-
tentur: vt ex propriis facultatibus debita suariæ functionis exsoluant, quæ neglexerunt
flagitare, dum militabant, Priuilegia etiam militiæ perdituri. Quatuor millia sane obso-
norum, amputatis superfluis, ac Domus nostræ perceptionibus, diurna, Sublimitas Tua
decernat, quibus copiis Populus (n) animetur. Dat. IV. Kalend. Aug. Rau. Monaxio &
Plinta C o s s. [419.]

NOTÆ.

(a) Absit hæc lex a Cod. Iustin. GOTHOF.

(b) Palladius PP. Italiæ sub Honorio; vid. *Prosopogr.* ID.

(c) Antea dissociata, distincta. ID.

(d) Originalis. ID.

(e) Facias, vel quid tale, supplendum. ID.

(f) *vg. Tertii*; vid. & *l. prox. supr.* ID.

(g) Similiter *l. 9. prox. supr.* vbi dixi. ID.

(h) Per 150. dies Novella Valentiniani de Suariis. 15. ID.

(i) *vg. a possessore.* ID.

(k) *vg. Accipiant*: nisi malimus, *possessor appendat.* ID.

(l) *Primisclini* huius in officio Præfecti Urbis sic quoque mentio in *Notitia Imperii* fol. 119. nulla *Primisclini* Vica-
rii Urbis: quo tamen rursus pertinet *l. 2. supr. de excusatoribus*: vbi dixi. ID.

(m) *vg. institerint.* ID.

(n) *Romanus.* ID.

COMMENTARIUS.

POSTREMA hac constitutione, Honorius
non tantum de Suariis quadam disponit, ve-
rum in vniuersum CARNIS exactioni & præbi-
tioni, quæ populo Romano gratuita exhibebatur,
variis rationibus consultum it Anno D. 419. pro
statu videlicet Urbis Romæ, qualis tum erat, haud
adeo populosa, post Gothicam videlicet vastatio-
nem: de qua Urbis Romæ infrequentia, dixi iam

ad *l. vi. supr. de priuileg. Corporat. V. R.* dicam adhuc
ad *l. 2. infr. de Collegiatis.*

Primo igitur capite ex duobus Corporibus
Suariorum & Pecuariorum, vnum Corpus mis-
cellum facit: sic vt per vices, mixtis ita Cor-
poribus, officiis eos fungi velit; cum antea ex-
terna, seu distincta essent Corpora: nempe enim
Suarii (iidemque Porcinarii) suillæ carni exigen-
da,

dæ, erogandæ prærant: *Pecuarii* ouillæ, veruecinæ, &c. quæ & ipsa populo Romano erogabatur. Sane *Nouella* Valentiniani, 15. de *Suariis*, fit quoque mentio huius *Pecuarii* Corporis & præstationis: sed & *Roarii*, ab utroque defuncti. Secundo, Replendo huic mixto iam Corpori, reuocari iubet omnes, qui vel privilegiis, vel vinculis, gratiosis sententiis ab hac functione immunes facti fuerant. *Vinculis*, inquam, in coniugii ratione; nempe neque coniugio cum externa persona conditio euitatur: de quo *alibi* sæpe. Ita coniunctionum vincula, l. 3. ad *SC. Claud.* Tertio tamen loco, privilegium immunitatis a corporalibus iniuriis his conseruat: pariter vt Valentinianus *Nouella* de *Suariis* 15. circa fin. Quinimo, Quarto loco, tribus Principalibus (quæ alias *Patroni* dicti, & de quibus l. *superiore*) Terti ordinis Comitum simul & semel hac generali constitutione, sic vt eam specialiter petere nil necesse habeant, tribuit. Quod ipsum privilegium est, quod idem Honorius tribuebat *superiore* lege 9. Patronis Caudicariorum & Mensorum Portuensium. Et hæc de *Suariorum* & *Pecuariorum* Corpore, eorumque privilegiis.

Sequitur secunda huius leg. pars de *Carnis* ipsius Exactionis & erogationis modo. Quæ quidem *Obsoniorum* appellatione hic duobus locis designatur. Nempe *obsonium* est, χορηγία, seu præbitio annonæ, ac nominatim carniū. *ὀψώνιον*, *Diarium*: Gloss. *Cyrolli*. Lucilius apud Festum voc. *mantisa*:

— *Mantisa obsonia vincit.*

Gregorius Nazianzenus ad *Iulianum* Orat. g. p. 155. Ed. *Lipsiens.* apud *Weidm.* ὀψώνιον τὸ βασιλικὸν σιτηρεσίον, καὶ οἱ ὑπάρχοντες ἐκ νόμου ταῖς ἀξιώμασι δωρεῶν. *obsonium* regia annona est, & munera ea, quæ iis, qui dignitatem obinent, lege constituta sunt. Paulus quoque ad *Romanos* cap. 6. v. ultim. τὰ γὰρ ὀψώνια τῆς ἀμαρτίας θάνατον, stipendia enim peccati mors. Vbi fortè vertendum *obsonia*, non stipendia vel auctoramenta. Et sic ad stipendium obsonii vox traducta. Hac ipsa voce vitur in eadem re Valentinianus d. *Nouella* 15. & *Cassiodorus* XII. Var. 11. ad Petrum erogatorem obsoniorum. Quod ad exactionis modum igitur attinet. I. Vna pensione seu solutione quinque mensium præstationem fieri vult Honorius: Nempe, ne per minutias exigui ponderis amplius fraus occulta decerpatur. Scilicet et si, quod dicitur *Nouella* Theodosii 33. de releuatis: multo sit onerosius simul & in aggere coaceruatim soluere quantitatem, quam particulatim reddere quod debetur, attamen vbi libræ examine res modicæ transiguntur, satius est multo pro collatoribus & debitoribus, quod debetur in aggere solui: nam quod per minutias appenditur; facilius per

tempora & minutias exigui ponderis superexactioni subiaceret.

Cæterum duo hic valde notanda. Primum quod dicitur, *Per quinque menses*: scilicet caro præbita populo Romano in anno per quatuor menses: seu (quod idem est, computatis scilicet Iurisperitorum & Romanorum more in singulos menses 30. diebus) per centum quinquaginta dies: Quod docet d. *Nouella* Valentiniani 15. Ita vt, inquit, centum quinquaginta diebus, obsoniorum præbitio sine vlla causatione singulis annis a se nouerint procurandam. Secundo obseruandum: Quinas libras obsonii per quinque menses a possessoribus solutas, & sic singulas libras in singulos menses. Et hæc de ipsorum obsoniorum exactione. Est & vbi non ipsa caro, non laridum exigebatur, verum adaratio, id est, pretium eius loco: adarationi autem modus hic qui & antea statuitur: nempe vt pro vicenis libris, mille denarii exoluerentur, id est, sexta pars solidi: ac proinde pro 120. libris, solidus. *Hesychius*: τὸ λεπτόν (id est, denarius) ἑξακοχίλιον τάλαντον: (id est, solidi.) *Cassiodorus* l. Var. 10. Sex millia denariorum solidum esse voluerunt. Verum aucta postea æstimatio solidi *Nouella* Valentiniani inter *Theodosianas* 25. de pretio solidi. Exinde Honorius *Primiscriini* Præfecti Urbis, & *Vicarii Urbis*, (de quibus rursus l. 2. *supr.* de *executoribus*) poenam minuitur, nisi huic exactioni insisterint. *Primiscriiniorum* Præfecti Urbis meminit quoque *Symmachus* lib. 10. *epist.* 47. & *Auctarii* *epist.* 21. vt & *Notitia Imperii*. Aconominatim d. *epist.* 47. ostendit pariter vt hac leg. *Primiscriinio* Urbani officii sollicitudinis fuisse exactionem. Nouissime in cælum relatus *Germanus Clementia* Tua, cum ipsum *Basilium* cum haberet appositum, qui personis ludicum non pepercit, *Primiscrios* Urbani officii, quorum sollicitudo per successiones exigenda curauerat (reliqua arcæ vinariæ) vel soluendo nomini, vel edenda rationi fecit obnoxios. Postremo loco quot obsonia diurna populo Romano præberi oporteat, refecatis superfluis, & Domus Principis perceptionibus, definit: nempe, quatuor millia tantum. Quod utique ostendit, quo Urbis Roma prolapsa hac tempestate fuerit, quamque ciuibus exhausta: cum & antea longe maior seu amplior obsoniorum modus fuerit. Sane postea Valentinianus Tertius, d. *Nouella* sua 15. ait; quantitatem obsoniorum annuam collectam in tricis, sexies centenis viginti octo millibus libris cum duarum decimarum ratione. Nous dirions trente six millions vingt & huit mille liures de chair, 362800. Quare in singulos dies erogatz fuerint 24086⅔. libræ.

DE MANCIPIBVS THERMARVM VRBIS ET SVBVECTIONE LIGNORVM.

TITVLVS V.

Adest hic titulus a *Cod. Iustin.* Huic proxime accedit Titulus 16. de Mancipibus lib. 12. *supr.* qui est de Mancipibus pistorinorum: de quibus & l. 18. *supr.* de Pistorib. & lex 2. 3. *infr.* de frum. Urbis Constantinop. lex 4. *supr.* de excutorib. lex vnic. *Cod. Iust. de Pistoribus.*

PARATITLON.

THERMÆ Rubr. & l. vnic. hoc tit. & l. 131. *supr.* de Decurionib. l. 32. 50. *infr.* de operibus publicis: quæ & Balneæ dicuntur, l. 1. 2. *supr.* ne Comitibus & Tribunis lauacra: l. 3. *infr.* de aquæductu: Lauacra, d. l. 3. de aquæductu: l. ultim. *supr.* de custod. reor. d. tit. ne Comitibus & Trib. lauacra: l. 52. *infr.* de operibus publicis: l. 20. *infr.* de Paganis: l. 3. *supr.* de Conlat. donatar. l. 13. *supr.* de Nauiculariis: (apud Ammianum sæpe, neque vix aliter) in orbe Romano non tantum priuatæ fuerunt, de quibus agitur d. l. 1. ne Comitibus & Tribunis lauacra: & d. l. 3. *infr.* de aquæductu: quæ Priuati appellatione significantur, l. 12. *supr.* de metatis: verum etiam publicæ quædam in præcipuis Orbis Romani Urbibus: veluti in Vrbe Roma, populi Romani, de quibus est hic titulus: & d. l. 3. *supr.* de Conlat. donatarum (λατρεὰ δημόσια, Oiympiodorô apud Photium *Cod. LXXX. pag. 198. Edit. Schotti, & pag. 15. Tom. I. Script. R. B. Edit. Reg.*) in Vrbe Constantinopolitana: de quibus d. l. 50. & 52. *infr.* de operibus publicis: (vbi nominatim inter alias fuerunt lauacrum Zeuxippi: de quo l. 52. *infr.* de operibus publicis: Thermæ Honorianæ, de quibus l. 50. *infr.* de operibus publicis:) in Vrbe Antiochena, d. l. 131. *supr.* de Decurionibus: & Ammianus Marcellinus principio libri 31.

Thermæ hæ publicæ ita extructæ ferme erant, vt ea Porticus præcurrerent, vt ostendunt d. lex 50. & 52. *infr.* de operibus publicis: & Ammianus Marcellinus *sine libri 29.* & Lampridius *Alex. Seuerô cap. 25.* Erantque simulachris ornata, l. 20. de Paganis.

Ad has Thermas publicas opus erat his tribus: Luminaribus, Calefactione seu Lignis, & Mancipibus. Luminaria colligebantur ex pensionibus domorum, quæ a priuatis in porticibus Thermarum extructæ erant, d. l. 52. *infr.* de operibus publicis. Ad calefaciendas Thermas, seu ad subuersionem Thermarum, l. 32. *infr.* de operibus publicis: πρὸς ἔγνασιν, Græci; seu ad ligna, alibi pars aliqua ex redditibus ciuitatum subministrabatur, d. l. 32. & d. l. 131. *supr.* de Decurionib. alibi, Prouinciales (veluti Terracinenſes ad Urbis Romæ thermas vt docet Symmachus lib. 10. *epist. 53.*) ligna lauacris subministrabant, veluti Africani, ad Urbis Romæ Thermas l. 10. *supr.* de Nauicular. alibi, fyluæ ad id destinatæ erant: vid. Aggenum Urbicum p. 76. *Edit. Rigalt. & pag. 60. Edit. Gœffii.*

Horum lignorum Subuectioni, Rubr. hoc tit. seu lignis his comportandis, huic lignorum functioni, certa quædam Corpora obnoxia erant, teste Symmacho lib. 10. *epist. 27.* & 58. vt puta Nauicularii Africani ad Portum Urbis Romæ vsque l. 10. *supr.* de Nauicular. inde alii lintrones & nauicularii, a Portu, Romam; l. 13. d. tit. de Nauiculariis, & Symmachus lib. 10. d. *epist. 58.*

Curam harum Thermarum gerebant, seu Thermarum exhibitionem curabant Rubr. & l. vnic. hoc tit. & l. 3. *supr.* de conlat. donatar. lauacra hæc exercebant, Symmachus

chus in *Auctuario. ep. ult.* Vrenda lauacris ligna comportabant, Symmachus *lib. 10. epist. 27.* quidam, qui *Mancipes Thermarum* dicebantur: de quibus est hic *titulus*, & *lex 3. supr. de conlat. donatarum*: & forte *lex un. supr. de Mancipibus lib. 12.* Quibus inuicem Salinarum exercitium & compendium Romæ relinquebatur, *hac leg. vn. & d. l. 3.* de quo (in)ox plura. Et quidem sic, vt ab extraordinariis collationibus harum salinarum nomine immunes essent, *d. l. 3.*

P. 183.

I. (a) Impp. VALENTINIANVS & Valens (b) AA. ad Olybrium P. V. (c)

QVID QUID erga Mancipes, qui Thermarum exhibitionem Romæ curant, in exercitio compendiisque Salinarum, (d) scitis (+) priorum Principum cautum est, æterna functione firmamus. Dat. III. Non. (e) April. Triu. Valentiniانو & Valente (f) COSS.

NOTÆ.

- (a) Abest *hæc lex a Cod. Iust.* Iungenda ei est, vt puto, *lex 9. supr. de Pistoribus*: & *lex 9. supr. de pœnis. GOTHOFRED.*
- (b) Inscribendi hi Impp. *Valentinianus Valens & Gratianus*, vt in sequentibus ostendetur. *ID.*
- (c) *Olybrius P. V.* Romæ sub *Valentiniano Sen.* Hic *Olybrius*, post *Vientium* & *Prætextatum* (qui *Præfecti Urbis* fuerunt Anno Domini 367.) Anno demum 368. *P. V.* factus est: vt pluribus ostendi ad *d. l. 9. supr. de Pistoribus*: vid. *Ammianum, lib. 28. cap. 1. & Procopogr. ID.*
- (d) *Siluarum*, hic nonnulli male conantur. *ID.*
- (+) Nota *Constitutiones* Imperatorum, qui ante *Valentinianum*, de compendio *Salinarum Mancipibus Thermarum* tributo. *ID.*
- (e) III. Kal. April. *d. l. 9. de Pistorib.* III. Id April. *d. l. 9. de pœnis. ID.*
- (f) *79. II. id est, Anno Domini 368.* vt liquet ex *Olybrii Præfectura*, & *Treuerice Urbis* subscriptione, vbi *Valentinianus* primum fine Anni 367. & Anno 368. constitit, nondum Anno 365. de quo plura ad *d. l. 9. de Pistoribus*, & in *Chronologia. ID.*

COMMENTARIVS.

MANCIPIBVS Thermarum Romæ (seu Balnearum, quæ in *Veteri Urbis Romæ descriptione* colliguntur, 856.) qui scilicet exhibitionem Thermarum curabant, (de quibus in *Paratitlo*, & de quibus præterea agitur *l. 3. supr. de conlat. donatarum*.) Exercitium Salinarum quoque competebat, iidemque adeo & Mancipes Salinarum, & Mancipes Thermarum erant. Quod præter hanc leg. & d. l. 3. docet tribus locis *Symmachus*: In genere equidem *lib. 9. epist. 96.* *Iuuantur sunt Mancipes Salinarum, qui splendori atque vsui patrie communis inserviunt.* Sed expressius *lib. 10. epist. 58.* *Mancipes Salinarum, Nauicularios, æque lignorum functioni obnoxios, ad parem sollicitudinem vocare ceperunt, vt virisque corporis cura coniuncta indiscretum munus agnosceret.* Et expressissime, *Auctuarii epist. 19.* *Totis viribus adiuvandi sunt communis Patrie* (id est, Urbis Romæ) *Corporati, præcipue Mancipes Salinarum, qui exercent lauacra lignorum præbitione.* Iidem ergo & Mancipes Thermarum, & Mancipes Salinarum erant: imo quia Mancipes Thermarum, ideo iidem & Mancipes Salinarum erant, seu exercitium Salinarum his iure scitisque Principum anteriorum competebat, vt *hæc lex* probat, & *d. l. 3.* Quinimo neque nudum tantum exercitium, sed & compendium in his Salinis quoddam anteriorum iam ante *Valentinianum Sen.* Principum constitu-

tionibus tributum fuit: vt hæc ipsa lex docet: Qua causa sane Salinæ hæ ipsæ *populi Romani lauacris inservire* dicuntur *dist. l. 3. supr. de conlat. donatar.* quia scilicet Mancipes qui *populi Romani lauacris inserviebant*, ex his compendium aliquod faciebant. Et quidem ita, vt earum Salinarum nomine ab extraordinariis collationibus immunes fuerint *dist. l. 3.* quod & ipsum testatur *Symmachus lib. 10. epist. 27.* *Valentinianus* igitur *Corporatorum Urbis Romæ* cura (hoc tempore suscepta, & quidem inter alios, *pistorum, l. 9. supr. de pœnis*: *Catabolensium, l. 9. supr. de Pistoribus*: (quas duas leges huic iungendas cenfeo:) Mancipum Thermarum quoque utilitati *hac leg.* consultum iuit: confirmato iis Salinarum exercitio & compendio, atque adeo confirmatis veteriorum ante se Principum super eo constitutionibus, quæ nusquam occurrunt: cum videlicet paulo ante hæc privilegia titubassent. Idque ad Relationem *Olybrii Præfecti Urbis* (cui hæc lex inferbitur:) qui, quod *Ammianus Marcellinus* testatur *lib. 28. cap. 4.* *fissi lucra unde poterat circumcidit, iustorum distinctior & arbiter plenus, in subiectis admodum temperatus.* Porro Salinæ, quarum hæc leg. mentio fit Romæ fuere, ad portam Trigeminam, vndecima Urbis regione, vt docet *Frontinus lib. 1. de Aqueductibus artic. 5. & P. Viator in descript. V. R.*

DE CALCIS COCTORIBVS *

VRBIS ROMÆ ET CONSTAN- TINOP.

TITVLVS VI.

Abeſt hic *Titulus* a *Codice Iuſtiniano*.

* Item de Calcis collatione, *l. 3.* de non uſurpanda Calce, *l. 4.* de fornacibus calcariis, *l. ultim.* De Præpoſito Calcis formulam habet Caſſiodorus *VII. Var. 17.* ad Urbis Romæ mœnia.

P A R A T I T L O N.

CALCIS coctorum ad Urbis Romæ & Conſtantinopoleos uſum certum quoque Corpus fuit: ut præter *Rubricam*, nexumque *huius tituli* cum *ſuperioribus*, docet *lex 1. 2. & 3. hoc tit.* qui & *Calcarienſes* dicuntur *l. 37. ſupr. de Decurionib.* quos coctio calcis manebat *l. 2. h. t.* Neque enim ludicibus eorumue officiis excoquendæ calcis in Diœceſi Urbis Romæ licentia erat, *d. l. 3. h. t.* Erant etiam *Veſturarii*, ut vocantur *l. 1. & 2. h. t.* ſeu veſtores *l. 3. h. t.* qui ſcilicet calcem Romam deuehebant. His calcis coctoribus & veſturariis, poſſeſſiones quædam, in Quatuor regionibus, certam vini quantitatem, quæ definiſtur *l. 1. h. t.* vel ſane Solidorum, quæ *l. 3. h. t.* ſtatuitur, præſtare debebant: ut & veſturariis, trecentos boues, *d. l. 1. h. t.* (vnde ceſpes Calcarius & veſturarius dicitur, in *Nouella Valentiniani inter Theodoſianas de pantapolis 40. in fin.*) Priuilegia etiam iis quædam competierunt, veluti immunitatis ab extraordinariis muneribus, *l. 2. h. t.*

Porro obſeruandum, **CALCEM** ad ſtatum Urbis reformandum *l. 3. h. t.* mœnibus fabricationique Romanæ, *l. 4. h. t.* ſeu mœnium publicorum, *d. l. 3. h. t.* Urbis Romæ, *Rubr. Urbis æternæ, l. 3. h. t.* venerabilis, *l. 4. h. t.* dignitati *d. l. 3. h. t.* reparandis mœnibus, Symmachus *lib. 10. epiſt. 53.* item formis, id eſt aquæductibus, & fartis tectis, *d. l. 3. h. t.* ex certis regionibus collatam: Puta ex quatuor regionibus (ſuburbicariis ſcilicet) *l. 1. h. t.* quo numero fuit Tuſcia, *d. l. 3. h. t.* & Campaniæ pars, *diſt. l. 3. h. t.* ſic ut prædia huic præſtationi certa obnoxia eſſent, *d. l. 1. h. t.* ut ecce Curiales Tuſci, 900 vehes calcis inferre ſingulis annis cogeantur, *d. l. 3. h. t.* & Terracinenſes certum calcis canonem Fari ac Portus uſibus præbebant, *d. l. 3. h. t.* Et hæc quidem de Calcis coctione, & collatione, ad Urbis Romæ uſum. Alia enim eſt excoctio calcis, de qua *l. 3. & 4. ſupr. de Decurionib. & ſilentiariis*: & *l. 15. 18. ſupr. de extraordin. vel de ſordidis muneribus*: quæ uidelicet in Prouinciis extra ordinem pro Reipubl. neceſſitate exigebatur.

Tandem, duo præterea *hoc titulo* circa calcem ſtatuuntur: 1. Ut ne aliquid uſurpare liceat ex calce vel cementis in uſum Urbis Romæ deſtinatis, ne quidem ex Reſcripto ſeu indulgentia Principis, niſi quid mœnibus & fabricationi Romanæ ſuperfluat, *l. 4. h. t.* Item definiſtur, a quibus locis fornaces calcariæ in Vrbe Conſtantinopol. ſubmoueri debent, *l. 5. ſeu ult. h. t.*

I. (a) Imp. CONSTANTIVS A. ad Orfitum (b) P. V.

EX omnibus prædiis, quæ iamdudum præstationi calcis cœperunt obnoxia adtineri, Coctoribus calcis per ternas vehes singulæ amphoræ vini præbeantur: Vecturariis vero amphora, per bina milia & nongenta pondo calcis. Quinetiam volumus, non personas, sed ipsos fundos titulo huius præstationis adstringi. Vecturarios (c) etiam ex Quatuor Regionibus trecentos boues præcipimus dari. Dat. VII. Kal. April. Eusebio & Hypatio Coss. [359.]

NOTÆ.

(a) Absint huius tituli *leges* omnes a *Cod. Justin. GOTHOF.*

(b) *Orfitus P. V.* Romæ sub Constantio: vid. *Profopogr.* De eodem in eodem argumento arcæ vinariæ & impensarum in opera publica, Symmachus gener ipsius *lib. 9. epist. 121. & lib. 10. epist. 47. ID.*

(c) *vg. Vecturariis. ID.*

p. 185

COMMENTARIVS.

DE MERCEDE seu SALARIO Calcis ad Urbis Romæ vsum coctorum, & vecturariorum est hæc Constantii Imp. constitutio data Anno D. 359. ad Orphitum P. V. Quid scilicet & quantum his præstari debeat, ad cocturam, & vecturam calcis, in vñs Urbis Romæ destinatæ: præstari inquam, ex prædiis seu fundis. Fuit enim hoc præstationis genus, cui prædia nonnulla obnoxia iam olim facta sunt; vnde *Cesspes Calcarius & Vecturarius*, dicitur *Novella* Valentiniani inter *Theodosianas de pantapolis 40. in fin.* Ita quidem, vt Constantius *hac leg.* velit, non personas, sed ipsos fundos titulo seu necessitati huius præstationis adstringi: Sic vt nullo personali privilegio ab hac præstatione quicquam horum fundorum possessor immunis esse possit. In quibus autem Regionibus hæc prædia fuerint, mox inquiram. Mercedis igitur Salarii modum hunc statuit Constantius: videlicet, vt Coctoribus calcis a possessoribus horum prædiorum in ternas vehes: vecturariis vero in 2900. pondo calcis, singulæ vini amphoræ præstentur. Quod vt immutatum a Valentiniano Seniore fuerit, docebit *lex 3. infr.*

VEHES, *hac leg. & d. l. 3. infr.* (vbi & onera vocantur) itemque *vehatio*, plaustrî genus fuisse: vt docet vel Festus in *v. Veia*, Osco vocabulo. Et quidem eæ duplicis generis: maiores & minores, vt docet *d. lex 3. infr.* Quid vero & quantum ceperit vehis vna, videndum. Vehem fœni large onustam memorat Plinius *lib. 36. cap. 15.* Columella *lib. 2. c. 5.* Iugerum, inquit, desiderat, quod spissius stercoreatur, vehes quatuor & viginti, quod rarius, duodeviginti. Idem *lib. 11. cap. 2.* Materies si roborea est, ab vno fabro dolari ad vnguem per quadrata debet pedum viginti: hæc erit vehis vna. Ex quibus apparet, vehem nil aliud fuisse, quam plaustrî onus: vne charæte, & quidem, vt ex fine huius legis colligo, quantum protelo bouum vehabatur.

AMPHORA, & quidem vini, cuius multa mentio in libris Iuris, duas vrnas capiebat, vt Columella scribit *lib. 12. cap. 20.* seu 48. Sextarios, vt Volusius Macrianus *de ass. in fin.* & Festus in *v. Quadrantal.* Eademque Amphora, iisdem Auctoribus *Quadrantal* vocabatur. Sextarium Budæus comparabit cum Pinta Parisina. Sane Sextarius diæta siue dimensum vniuersæ cœnæ. Horatius *Serm. lib. 1. Satyr. 1. v. 75.* vini Sextarius. Vopiscus de Tacito parcissimo, in *Vit. eius c. 11.* Ipse fuit vite parcissimus, ita vt Sextarium vini die totam nunquam potaverit. Sæpe intra heminam. At Duo Sextarii liberalioris inuitationis: quos Augustus cum liberalius se inuitabat, non excedebat, teste

Suetonio *c. 77.* verum de sextario infra plene *l. vltim. de annonis ciuicis.*

Ad rem. Igitur, calcis coctoribus in singulas vehes sedecim sextarios dari voluit Constantius: in ternas amphoram integram, & sic 48. sextarios: vecturariis vero amphoram per 2900. pondo calcis. Ergo in specie vini soluebatur merces seu salarium calcis coctoribus & vecturariis. Quod immutatum postea a Valentiniano *l. 3. infr.* Quod vinum exactum in arcam vinariam, quæ in id peculiaris erat, referebatur, & exinde rursus erogabatur: Cuius arcæ vinariæ mentio fit apud Symmachum *lib. 9. ep. 121. lib. 10. ep. 42. 47.* Eaque sub dispositione Præfecti Urbis fuit: vt præter *hanc leg.* docet Symmachus: *d. epist. 121. & 47.* ac nominatim fuit ea sub dispositione Orfiti P. V. cui hæc *lex ipsa* inscribitur, vt idem testatur *d. ep. 121. & 47.* De quo plura ad *l. 2. infr.*

Et hæc de mercede seu de salario calcis coctorum & vecturariorum. At vecturariis insuper speciatim trecentos boues dari iubet *hac leg.* Constantius, scilicet ad vecturam faciendam: & quidem ex Quatuor Regionibus. In quas nunc paulo amplius inquirendum est. Sane vel sola *huius leg.* inscriptione duce apparet, hæc Regionibus sub dispositione Præfecti Urbis fuisse: quandoquidem *hæc lex* Orfito Præfecto Urbis inscribitur. Vnde rursus apparet, eas intra Diocesim Urbis Romæ quærendas esse; ac proinde intra centesimum milliariam, quæ vniue Præfecti Urbis Diocesis fuit omnium confessione. Cui vel vni ratiocinationi adquiescere non potest, nisi qui inscriptionem *huius leg.* eiusque hac in re pondus vel attendere nesciunt, vel nolunt. Neque quicquam contra moueor, quod de bouum præstatione hic agitur, quæ Lucaniae alioquin & Brittio imminerebat, vt pote summa ibi bouum pecoris vbertate, de quo iam dixi ad *veterem Orbis descriptionem, c. 41.* idque etiam probare videtur, *Novella de Suariis 15.* Valentiniani. Neque enim hic agitur de collatione bouum ordinaria tributorum nomine, verum de præstatione in vñs tantum calcariorum & vecturariorum, & quidem paucorum numero, puta trecentorum. Forte etiam momentanea collatione, ad operis alicuius instantis, Romæ fabricam. Et vero hoc tempore Obeliscus a Constantio Romæ erectus, & quidem sub hoc ipso Orphito Præfecto Urbis secundum: de quo Ammianus Marcellinus *lib. 16. cap. 10 & lib. 17. cap. 4.* vbi ait, eum ex vico Alexandri, tertio lapide ab urbē, Chamulcis impositum tractumque leuius per Ostiensē portam piscinamque publicam, Circo

Maximo

Maximo illatum: ubi χαμηλὸς, seu χαμηλίων est carpenti humilis genus, ἀπὸ τῆ χαμηλῆ ἐλκεν, quod proculdubio boum pro telo tractum. Verum ad rem. Huius leg. Inscriptione quoque inspecta semel, apparet nihil in ea supplendum, quomodo quidam ita suppleant, ex *Quatuor Urbis Regionibus* vel *suburb.* quandoquidem id satis intelligitur ex ipsa Inscriptione, nempe Quatuor regiones eas intelligi oportere, quæ sub P. V. fuerunt, atque adeo vrbicarias. Haud aliter atque si constitutionem mihi poneret, quæ *Rationali* inscriberetur, & in ea leg. Trium Prouinciarum mentio fieret, eo ipso satis intelligeretur, tres has Prouincias esse, quæ *Rationali* Trium Prouinciarum suberat, id est, Sardiniam, Siciliam, Corsicam. Vel si constitutionem mihi daret, quæ *Vicario* inscriberetur, & in ea leg. septem Prouinciarum mentio fieret, ilico subsumerem, eas esse quæ *Vicario* septem Prouinciarum suberant. Omitto alia similia.

Illud ex superioribus incunctanter apparet, errorem esse viri alioquin doctissimi, qui Regiones ipsius Urbis Romæ hic intelligebat, ac proinde hic reponendum putabat ex *Quatuordecim Regionibus*: Nam præter fidem huius lectionis, quam emendatione percellere nil attinet, & collatio in genere,

& hæc specialis vini boumque præstatio in ciuitatibus Romanos non cadit: quadrat optime extra urbem positis prædiorum possessoribus, imo prædiis & fundis ipsis, vt & ex hac tota lege videre est. His igitur iam argumentis apparet, Regiones *Vrbicarias* hic indicari: quarum etiam, quod notari cupio, prima seu antiquissima omnium mentio his ipsis Consulibus, *Eusebio*, inquam, & *Hypatio Coss.* occurrit, in l. 9. *supr. de extraordinariis*, quarum originem repeto ex Constantii instituto ante-biconnium, P. 186 cuius pars occurrit, l. 27. *supr. de appellationib.* quæ duo nondum in argumento vrbicariarum regionum a quoquam notata sunt: quomodo & ipse primus *Quatuor* regiones de quibus hac leg. agitur, de vrbicariis accipiendas iam olim notauit. Quod vero harum Quatuor regionum vrbicariarum nomina attinet, de eo sibi dixi: refutatis iis, qui *Vmbros*, *Picentes*, *Campanos*, *Tuscos* numerant, quomodo *Pancirolos* voluit: vt & iis, qui *Valeriam* in eo censu ponunt, vel *Vmbros*: *Symmachus* certe d. *epist.* 121. & 47. clare *Campaniam* & *Hetruriam* seu *Tusciam* hoc numero fuisse testatur, in eodem ipso argumento impensarum in opera publica & vini prohibitionis versans, deque eodem *Orfito P. V.* cui hac lex inscribitur, agens.

II. (a) Impp. VALENTINIANVS & Valens AA. ad Symmachum P. V.

ORATIO † nostra immunitatem eorum, quos coctio calcis manet, & Vecturarium, est euidenter amplexa. (b) Quicumque igitur extraordinariorum (c) prisca adque inueterata consuetudine huiusmodi fortis homines antea sunt adepti, (d) nunc quoque, ad leniendum opus (e) quod sustinent publici muneris, consequantur. Dat. VI. Id. Iun. Naiffo, diuo Iouiano & Varroniano Coss. [364.]

NOTÆ.

(a) Absit hac lex a Cod. Iustin. Iungenda autem ei lex 5. 6. *supr. de Pistoribus*: lex 1. *infr. de Canone frum. V. R.* lex vnic. *infr. de saccar. Portus*: lex 12. *supr. de operib. publ.* Imo & emendato die lex 5. *supr. de penis. GOTHOF.*

† Oratio Valentiniiani Sen. ad Senatum, de immunitate Calcis coctorum & Vecturarium, cuius nullum alibi vestigium extat. ID.

(b) Id est, sua generalitate comprehendit. ID.

(c) De extraordinariis muneribus suo tit. *supr. lib. II.* ID.

(d) Adepti, id est, donati immunitate. ID.

(e) *vg. onus.* ID.

COMMENTARIVS.

IMMUNES ab extraordinariis muneribus prisca, atque inueterata consuetudine erant calcis coctores & Vecturarii (pariter vt alii Corporati Urbis Romæ: de quo, tit. de priuilegiis Corporum.) Hanc vero immunitatem, cum de ea dubitari cœpisset, cuiusdam orationis occasione, quam ad Senatum V. R. miserat, (de cuiusmodi orationibus Principum ad Senatum alibi dictum:) Valentinianus hac constitutione sua Anno D. 364. eam confirmat: Quæ quidem proluxa constitutionis ad Symmachum P. V. pars est, vna cum l. 5. 6. *supr. de Pistoribus*: l. 1. *infr. de Canone frum. V. R.* l. vnic. *infr. de saccar. Portus Romæ*: l. 12. *supr. de operibus publicis.* Imo & lege 5. *supr. de penis*: quæ omnes huic iungende sunt, velut vnus & eiusdem Constitutionis partes: Quæ quidem Valentinianus in

vniversum *Annona Urbis Romæ* enixe prospectura iuit, variis rationibus: Tum vt panis populo Romano bonus ministraretur: quo pertinet d. lex 1. *infr. de Canone frument. V. R.* & pars d. legis 12. *infr. de operibus publicis*: tum pistorum, qui annonæ publicæ seu panificio seruiebant, Corpori providendo: quo pertinet d. lex 5. 6. *supr. de Pistoribus*: & d. lex 5. *supr. de penis*: tum transportationi annonæ, quo spectat d. l. vnic. *infr. de saccariis Portus Romæ*: denique horreorum, vbi annona recondabatur; quo pertinet apertissime potissima pars d. legis 12. *infr. de operibus publicis*: eodemque pertinere autumo hanc legem nostram. Id enim malo, argumento tot legum illarum, quam vt credam, pertinere eam ad reparationem Templi Apollinis Palatini, quod superiore Anno 14. Kalend. April. conflagrasset.

flagraſſe Auctor eſt Ammianus *lib. 23. cap. 3.* vel ad Pontis ambitioſi & firmiſſimi, quem Symmachus (cui *hæc lex* inferibitur) ipſe condidit, & magna ciuium lætitia dedicauit, vt teſtatur Ammianus *lib. 27. cap. 3.* Sane in genere, cum ea de Calcis coctoribus & Vecturariis agat, ad operum publicorum fabricam pertinere eam palam ſubiacer. Quinimo ſi vltima *huius leg.* verba recte habent, cuiuſdam inſignis Operis fabrica, quod tum excitabatur vel reparabatur, designari videatur, quod huic conſtitutioni occaſionem dederit. *Nunc quoque*, inquit, *ad leniendum O P V S* quod ſuſtinent publici muneris, conſequantur: Verum etſi cuius-

dam operis fabricam *huic leg.* occaſionem præbuiſſe cenſeam, attamen in poſtremis hiſ verbiſ omnino legendum *ad leniendum onus*. Ad ſummam, annonæ vrbicæ *hæc leg.* non minus quam cæteris illiſ Conſtitutioniſ ſuæ partibuſ Valentinianum conſulere cenſeo: cui Symmachus P. V. cui *hæc lex* inferibitur, maxime conſultum voluit. Quo pertinet Symmachi iſtius elogium apud Ammianum Marcellinum, *lib. 27. cap. 3.* Symmachus (inquit) *Aproniano ſucceſſit* (in Præfectura Vrbis ſcilicet) *quo inſtante Vrbis ſacraſſima otio COPIIſQVE* (id eſt, annonæ) abundantius ſolito fruebatur.

III. (a) Idem AA. ad Voluſianum V. C. Vic. (b)

STATVM (c) Vrbis Æternæ reformare cupientes, ac prouidere publicorum mœnium (d) dignitati, iubemus, vt calcis coctoribus, vectoribuſque, per ſingulas vehes ſinguli ſolidi præbeantur: Ex quibuſ tres partes inferant poſſeſſores, quarta ex eiſ vini pretium (e) ſumatur, quod conſueuit ex Arca vinaria miniſtrari. Illud addentes, vt non ampliſ, quam p 187. terna milia minores vehes annuæ, poſtulentur. Huiuſ autem vehationiſ (f) ita ſit ratio partita, vt mille quingenta onera (g) formiſ, (h) alia ſartiſ tectiſ (i) annua deputentur. Ita vt nulli Iudicum, ſeu Officiorum, excoquendæ calcis licentia relinquatur: ſub eo ſtatuto, vt qui in hac vſurpatione fuerit, (k) auſteritatem vigoriſ publici ferre cogatur. Hoc (l) autem excepto a Tarracinenſi præſtationiſ canone ſuggera, (m) quæ vetuſto præberi Fari ac Portuſ vſibuſ mœre conſueuit. A Curialibuſ verò Tuſciſ nungentaruſ vehum, quas inferre per ſinguloſ annoſ cogebantur, Sarcinam, ſub ea condicione præcipimur amoueri, vt quando neceſſitaſ noui operiſ extiterit, idipſum in notitiā noſtram ſuggeſtionibuſ Iudicum perfe-
rendum (n) quid addendum, vel quatenuſ inferendum ſit noſtræ deliberationiſ moderamine ſanciatur. Ex ſupradictō autem numero, vehationiſ medietatem quam ſartiſ tectiſ iuſſimur deputari, ſeparatim conueniet adſcribi: ita vt Præfecti (o) Vrbis Officiuſ ad ſuam partem hanc curam pertinere cognoſcat. Dat. VIII. Id. Aug. Med. Valentiniano & Valente AA. Coſſ. [365.]

N O T Æ.

(a) Ab eſt & *hæc lex* a Cod. Inſtin. GOTHOF.

(b) Voluſianuſ ſub Valentiniano Sen. in hac ſola *lege* vocatur V. C. Vic. Vir Clariffimur Vicariuſ: In aliſ ſex legibuſ quæ ei inferuntur Anno ſuperiore 364. & 365. dicitur P. V. Pariter vt l. 2. ſupr. de paſſiſ: & l. 1. Cod. Inſt. de officio P. V. In l. 5. Cod. eod. de precib. Imp. off. eodem Anno 365. vocatur PP. in l. 2. Cod. l. de præſcript. 30. vel 40. ann. variant Codiceſ. In veteribuſ Inſcriptionibuſ, Præfeſtuſ Vrbis iterum fuiſſe dicitur. Sane ſine quoque buiſ leg. ſit mentio Præfeſti Vrbis. Verum de eo plura in Proſopogr. ID.

(c) Status vox, de ædificiſ publiciſ. Eodem ſenſu Valentinianuſ Nouella inter Theodoſianar, de Pantapolis 40. Illud quoque pro tuendo ſtatu venerandæ Vrbis decernimur, vt a conſolatione tyronum, &c. Ceſpeſ Formenſiſ Ætriniſ, Calcaruſ & Vecturariuſ habeatur immuniſ, vt propitiuſ deuotionem ſoliteſ ſunſtioniſ agnoſcant. ID.

(d) Mœnia publica, ſunt opera publica, *hæc leg.* & l. 4. infr. & l. 32. 33. infr. de operibuſ publiciſ: quæ Vrbis mœnia dicuntur, l. 1. de operibuſ publiciſ: Imo & mœnia abſolute, pro ædificiſ etiam priuatiſ, quibuſ magnitudo vrbis augetur, l. 1. infr. de annoniſ ciuiciſ. Eodem ſenſu Symmachuſ *lib. 10. epiſt. 34. inquiſitioniſ, qua me cultum ſpoliatorum manium inueſtigare iuſſiſti*: vbi per mœnia ſpoliata intelligit ſana, vt initio epiſt. indicat. Quare error eſt Viri aliaſ docti, qui hic & apud Symmachum mœroſ ciuitatiſ per mœnia publica intellexit. ID.

(e) *vt. pretio*. ID.

(f) Vehatio: Ita rurfum ſin. leg. ex ſupradictō autem numero vehationiſ. Vehatio, eſt vectura, quæ ſit vehibuſ: ſeu vehatura, vt etiam vocatur apud Feſtum, vel vt nonnulli malunt, *velatura*. Denique *vehela*, quam vocem reſtituit Salmaſiuſ Capitolino in Maximiniſ, cap. 13. ID.

(g) Onera hic, ſupr. vehes: dixi ad l. 1. ſupr. ID.

(h) Formæ, ſunt aquæductuſ: vid. ſit. de aquæductuſ: a quibuſ, & Ceſpeſ Formenſiſ, Nouella Valentin, inter Theodoſianar de Pantapolis 40. id eſt poſſeſſio, per quam formæ ſeu Aquæductuſ tranſeunt, quæque ad forum tuitionem tenetur. ID.

(i) Sarta tella hic, & ſin. legiſ, de operum publicorum tuitione. ID.

(k) Abſciſa loquendi ratio: In vſurpatione eſſe, id eſt vſurpare, vel in vſurpatione deprehendi. ID.

(l) *yp. retracta voce ab, ad initium: Ab hoc autem, excepto, &c. ID.*

(m) Monstrum vocis: ex qua quid faciendum haud proclive dictum. An *suggera*, vel *suggeria*, pro praestatione, *xoeryla*, ut legamus *suggeraque*, quae. *Suggera* scilicet a suggerendo, pro canone, praebitione, praestatione, collatione, subuentione, forte & subuectione: Cuiusmodi voces hoc aucto plures in usum inuectae, veluti *proba*, *caballatio*, simileque etiam ex antiquitate repetitae, veluti *exagoga*: vel eodem sensu, *suggerique*, quae: *suggeries*, ut congeries. ID.

(n) *yp. perferatur, ut quid, &c. ID.*

(o) Si Volusianus, cui *lex* haec inscribitur, fuisset P. V. dixisset Valentinianus, ita ut *Tuum officium*. ID.

COMMENTARIUS.

MODVM Calcariae praestationi ex Campania, & Tuscia ponit hac constitutione Valentinianus Senior Anno D. 365. per hac Imperii sui initia, (quod etiam docuit *lex superior* 2.) & quidem ex Campania statui Urbis Romae reformando, ac publicorum mœnium seu operum dignitati serio incumbens. Idque sex in summam capitibus.

Primum quidem *MERCEM* seu salario, quod calcis coctoribus & vectoribus praestaretur, modum hunc ponit: ut videlicet iis per singulas vehes singuli solidi praebantur: Qui quidem modus diuersus est ab ieo quem Constantius definierat *l. 1. sup.* Ibi enim & vani modus praestandus veniebat: & separatim Coctoribus in ternas vehes, Amphora: vectoribus in 900. pondi calcis Amphora. Hic pecunia, & quidem ut si quae per singulas vehes solidus. Ibi mercedem hanc solidam soluebant possessores fundorum huic praestationi onerorum: hic diuisio quaedam fit a Valentiniano: partes scilicet eius tres a possessoribus inferri iubet: at quartam ex eius vini pretio, quod consuevit ex Arca vinaria ministrari. Ergo ex arca vinaria solidi iam praebantur. Quo pertinet: quod Symmachus sentit *lib. 10. epist. 42. Vendendis solidis, quos plerumque publicus usus exposcit, Collectariorum Corpus obnoxium est, quibus Arca vinaria statutum premium subministrat.* Quo loco per publicum usum, intelligo speciatim ad publica opera. Nempe vinum ex quibusdam Italiae Prouinciis Urbis Romae conferebatur, quae scilicet vino abundabant, ut docuit *lex 4. sup. de Suariis*: veluti Campania. Sidonius Carmine 5. ad Autum v. 46.

Arma Chalybs, frumenta Libes, Campanus lacebum. Sane vini Campani frequens apud Poetas maxime mentio. Porphyrio etiam ad Horatii 3. Od. 16. v. 34. *Lestrigones oppidum Campaniae Formias tenuisse dicuntur: in illa autem regione; quoniam saxuosa est; pretiosissimum vinum Campanum nascitur.* Fit etiam vini Campani mentio §. 33. *Inst. de Actionib.* Campania igitur in eo Prouinciarum Italiae censu erat, quae vinum conferebat: ut & Tuscia: de qua vtraque fidem quoque facit Symmachus, *lib. 9. epist. 121.* Hinc Titulus vinarius Symmacho *lib. 7. epist. 95. & Arca vinaria*, id est rationcinium huius praestationis vini: cuius *haec leg.* mentio fit: & *lege 26. sup. de Susceptoribus*: quae Vicario Urbis Romae pariter inscripta est. Meminit eius ter Symmachus *d. lib. 9. ep. 121. & lib. 10. epist. 42. & 47.* Cuius quidem Arcae Vinariae rationes tractabat peculiaris Rationalis, qui sub P. V. fuit, p 188. *Rationalis vinorum*, ut docet *Notitia Imperii.* Titulo huius canonici Vinarii seu praestationis vini praeter Symmachum *lib. 7. epist. 95. & d. epist. 121.* fit mentio quoque in Auctoritate Aproniani P. V. *Prouidimus his leuamen ex titulo Canonico vinario: cum quo consentit lex 4. sup. de Suariis.* Tandem de Susceptoribus huius vini, dictum iam *supra l. 4. de Suariis*; & suo titulo de Susceptoribus *lib. 12.* Et haec quidem de primo huius leg. capite.

Secundo capite Valentinianus MODVM praestationi huic Calcariae ponit: quantum videlicet calcis possessores annuatim praestare teneantur; nempe Tria millia minorum vehum: nihil amplius:

cum antea maior modus exigeretur, pro iudicio & Officiorum arbitrio; quibus exerte Valentinianus *haec leg.* excoquenda, exigendaque calcis copiam adimit, poena grauissima proposita. Proculdubio fuerat haec vna ex concussionum speciebus: qua obtentu operum instaurandorum miseri Prouinciales atterebantur. De vehibus alioquin eorumque distinctione, iam dictum fuit ad *l. 1. sup.*

Tertio capite Valentinianus *ADSIGNATIONEM* facit huius calcariae praestationis, seu calcem hanc *DEPUTAT*, seu definit quonam ea impendi debeat: nempe dimidiam eius partem, puta *1000.* onera seu vehes *formis* deputat, id est aquaeductuum tuitioni: alteram vero partem fartis textis, id est, in operum publicorum Romae tuitionem. Tanta scilicet aquaeductuum Romae ratio fuit, ut magna tuitione egeret: de quo dictum affatim *suo titulo, infr. de aquaeductibus.*

Quarto capite Valentinianus *EXCIPIT* a superiore modo & praestatione Terracineni: id est, praeter tria illa millia vehum stare vult eam separatam calcis praestationem, quae vetusto more a Terracinenibus fiebat. Nempe, in usum Fari & Portus. Terracinenis calcariae praestationis meminit quoque Symmachus *lib. 10. epist. 53.* in gestis quibusdam Ann. 362. vel 363. triennio ante *haec leg. Diuo Iuliano moderante. Cum Lupus Consulari iure Campaniae praesidens, Terracinenis consuetudinem angustias, quod nihil subsidii decreta dudum oppida conferebant, ne commoda Populo Romano ciuitatis, quae lauacris publicis ligna, & CALCEM reparandis manibus subministrat, defectu subito exhausta succumberet, VM. & DCC. mod. (frumenti) Puteolanis municipibus derogatos, Terracinenis usui deputauit.* Nempe Terracina, quae & Anxur olim, calce abundabat: quod etiam Horatius, *lib. 1. Satyra 5.* indicat hoc versu 26:

Impositum saxi late candentibus Anxur.

Vbi Porphyrio: *Mons ille, in quo Terracina constituta erat, non candida saxa habet, sed calci coquenda aptissima: ergo a calce videtur Candidia dixisse.* Hinc & Candidus Anxur Martiali, *lib. 5. epig. 1.* Ergo Terracina vetusto more calcem praebat, & quidem nominatim ad usum Fari & Portus: De quibus nunc agendum est.

Notum iam ad Ostiam & ostium Tiberis, quae mare excipitur, a Claudio Imp. & Turrim altissimam excitatam in exemplum Alexandrii Phari, ut ad nocturnos ignes cursum nauigia dirigerent, itemque Portum amplissimum, quo tutissime naues exciperentur: de quo videndus Suetonius, Claudio cap. 20. Dio, apud Xiphilinum pag. 259. Edit. Sylburg. Plinius, *lib. 36. cap. 9. & 15. ad fin.* Tyrrhenam pharon vocat Iuuenalis, *Satyr. 12. v. 76.* Quam & restitutam postea ab Antonino Pio memorat Capitolinus c. 8. Meminit eius & Valerius Flaccus *lib. 7. Argonaut. v. 58. & Meropius Paulinus epist. 49. n. 8. & in carmine, de Martiniani periculis.* De Portu Ostiensi *infr. tit. de Patronis horreorum Portuensium: & tit. de succariis Portus Romae:* In Notitia etiam Imperii singularis Comes portus memoratur, itemque Centenarius Portus. Verumque, & Portum

& Pharum exhibet Tabulâ Itineraria, quam sub Constantini M. liberis conscriptam puto.

Ad huius igitur tam necessarij Phari Portusque reparationem, quæ perpetuo incumberebat, calcis modus quidam certus destinatus erat: Quomodo & Fabrorum ibi certum Corpus fuit: Fabri, inquam, Ostienses, qui eius reparationi insisterent: quorum fit mentio in *Veteri Inscriptione*, apud Gruterum *CCCLVIII. 1.* Huic eidem reparationi etiam apparitor a Præfecto Vrbi missus incumbebat, de quo Ambrosius *Ep. 62. Ed. Paris. 1614.* si modo de hoc Portu intelligit: *Apparitor*, inquit, *Præfæcture, qui propter operas Portuenses offensam contraxerat, iam in Portu nauigat.* Et mox: *Quod si tardius venisset, nemo magis probasset, inexplicabile illud opus esse Portus reformandi, quam iste.* De hoc tandem *veopisq.* nauali Vrbi Romæ ad Vrbi an nonam destinato, deque eius magnitudine, tripliciter in eo Portu, dixi iam ad *Philostorgium l. 12. cap. 3.*

Quinto huius Constitutionis capite Valentinianus, *Tuscis* Curialibus nongentarum vehum calcis quas inferre per singulos annos cogebantur, gratiam facit. *Tuscia* itaque & ipsa calce censetur: Et quidem collata ea a *Curialibus*, seu Senatoribus & Ordinibus municipiorum & ciuitatum *Tusciæ*: vt cateroq. *Curialibus* & Ordinibus magna onera, magnæ sarcinæ indici solite: de quo suo titulo, *supr. de Decurionib.* Ita tamen huius præstationis *Tusci* Curialibus gratiam facit Valentinianus, vt si quando necessitas operis noui ali-

cuius immineat, eo in noticiam suam a Iudicibus, id est, Consularibus *Tusciæ*, perlato, ipse statutus sit, quid & quantum calcis inferre necesse habeant *Curiales illi.* Ex quo colligo hanc calcem a *Curialibus Tusci* non ad *Vrbis Romæ* vsum collatam; verum in opera ipsa, quæ per *Tusciæ* ciuitates excitarentur. Nempe Consulares *Tusciæ* novorum operum cupidi id effecerant olim, *Curialibus* graues, vt nongentas vehes calcis conferre in opera publica noua cogentur: Verum & hanc sarcinam submouet Valentinianus, & noui operis arripiendi inconsulto Principe temeritatem Consularibus *Tusciæ* interdicit: pariter vt interdixere alii Principes, etiam intra *Vrbem Romam*: ipse Valentinianus superiore Anno 364. *l. 11. infr. de operibus publ.* aliisque eo titulo.

Postremo *huius leg.* capite Valentinianus, destinata ad *Sarta Tecta Vrbis Romæ* calcis confusione occurrat: Igitur separatim eam adscribi iubet. Officio Præfecti Vrbi huius rei incumbente, Condita formarum memorat quoque Symmachus *lib. 10. epist. 33.* pecunias deputatas in formarum reparationem: scilicet Formis destinati modi curam habebat *Comes formarum*, de quo *Notitia Imperii, fol. 18. & Cassiodorus VII. Variarum. 6.* Ad *sarta tecta Vrbis Romæ*, destinata quantitatibus Officium Præfecti Vrbi: sub quo, vt docet *Notitia Imperii, d. l.* erat *Curator operum maximorum, Curator operum publicorum, Curator statuarum, Curator horreorum Galbanorum.*

P. 189 IV. (a) Imppp. Gratianus, VALENTINIANVS & Theod. AAA. ad Severum P. V. (b)

VT cementorum & calcis in Vrbe venerabili (c) copię minimæ derogeretur, quisquis ex his quidpiam sibi deferendum qualibet cœlestis (d) indulgentiæ definitione contenderit, nihil prorsus accipiat, nisi quod cunctis mœnibus, (e) fabricationique Romanæ superfluere ac redundare constiterit. Dat. Kalend. April. Antonio & Syagrio Coss. [382.]

NOTÆ.

(a) Abeft & hæc lex a Cod. Iustin. GOTHOF.

(b) Ita quoque *l. 8. supr. de Legatis; l. vnic. infr. de Mendicantib. non inualid. l. 2. supr. de lucris Officiorum*: hoc ipso Anno. Atenin in *l. 6. supr. de desertorib. & l. 13. supr. de cohortalibus*, PP. Ad hunc forte ipsum est Symmachi *epist. 6. lib. 8. 1D.*

(c) Roma. 1D.

(d) Principis. 1D.

(e) Operibus publicis. 1D.

COMMENTARIVS.

PRIVATIS concessam Principis rescripto calcem, aut cementum, ex eo quod *Vrbis Romæ* operibus destinatum est, non aliter tradi a Præfecto Vrbi iubet Valentinianus Iun. nisi quatenus opera publica pariantur: & tum demum si quid superfluum sit & redundet post *sarta tecta*: scilicet, (quod ex *hac leg.* notandum) multi hac tempestate

calcem *Vrbi Romæ* destinata in priuatos vsus conuertebant Principe adito: qui nunc *Rescriptis* suis locum esse vetas, nisi quatenus utilitas publica patitur: qui communis sensus cateroquin est bonorum Principum de rescriptis suis, de quo *supr. Præfatio de diu. rescriptis*, cumulas reperies *leges.*

V. (a) Impp. Honor. & THEOD. AA. Æthio P. V. (b)

OMNES fornaces, (c) per omne spatium, quod inter Amphitheatrum, & Dni Juliani Portum, per litus maris, extenditur, tolli præcipimus, propter salubritatem Vrbi
Tom. V. Dd 2 (d) am-

(d) amplissimæ, & nostrarum ædium vicinitatem, necvlli in his locis coquendæ calcis præberi licentiam. Dat IV. Non. Octob. Constantinop. Monaxio & Plinta Coss. [419]

N O T Æ.

(a) Abscst & hæc lex a Cod. Iust. GOTHOF.

(b) *Ætii* huius P. V. his ipsis Coss. meminit Auctor *Chronici Alexandrini* pag. 72. Edit. Raderi, quem ait mense Februario 7. Kal. Martias a quodam sca appetitum sub specie libelli. Eidem *Ætio* inscribitur lex 5. Cod. Iust. de commerciis, qua numerum Collegiatorum quorundam Constantinopoli definit. Male in Inscriptione illius leg. PP. vocatur in nonnullis: in aliis rectius P. V. Eidemque legi coniungenda videtur lex 4. Cod. Iust. de sacros. Eccles. Vtraque referenda ad annum proxime superiorem 413. Honoris XII. & Theodosio Iunioris A. VIII. Coss. e quibus d. l. 5. subscriptione caret: & Inscriptione variat a d. l. 4. vt nesciam vnde habeat Burgius, quod scribit I. Elef. 14. pag. 334. Tom. I. Thef. Iuris. inscriptionis & subscriptionis similitudinem inter has leges esse. ID.

(c) Calci coquendæ, calcariz, vt etiam ex fine leg. liquet. ID.

(d) Constantinopolitanæ. ID.

C O M M E N T A R I V S.

FORNACES calcarias Constantinopoli in litore maris positas inter Amphitheatrum & Portum Iuliani, tolli iubet Theodosius Iun. hac constitutione: duplici fine, tum ob salubritatem Vrbis, tum ob Theodosii ipsius ædium vicinitatem. Hac inquam constitutione, quæ data est mense Octobri ad Ætium P. V. quem quidem, ante septem, & quod excurrit, menses extremo mense Februario sca appetitum scribit his ipsis Coss. Auctor *Chronici Alexandrini* pag. 721. Edit. Rader. appetitum, inquam, ὥστε τὸ πινώλιον αὐτῆς καὶ τὴν τόγαν τρηθῆναι, sic vt ferrum penetraret penulam eius & togam. Neque enim interfectum dicere voluit Auctor ille, quod tamen credidit eius Interpres & Indicis Auctor. Quod insuper hæc lex refutat, vt pote quæ octauo post eum conatum mense ad eum ipsum Ætium data est.

Ad Vrbis interim Constantinopolitanæ topographiam pertinet hæc insignis constitutio, & sic ad illustrationem eius descriptionis, quæ *Notitia Imperii* ab hoc eodem Theodosio Iunioris, octennio ferme post hanc leg. conscriptæ, præfixa est. Ecce enim in littore maritimo Vrbis Constantinopolitanæ duo præcipua loca ponuntur, Amphitheatrum, & Iuliani Portus, iisque vicinæ Ædes Theodosii Iunioris. Sane vetus illa, quam dixi, descriptio, in secunda Regione, (quam molli subleuatam cliuo, mox ad M. A. R. E. præcipitiis abruptam descendere, ait:) ponit diserte Amphitheatrum: ad quem locum recte Pancirolus hanc constitutionem attulit. Iuliani Portum diserte nuspiam ea Descriptio memorat. Memorat equidem regione tertia, (quam & ipsam ait mare usque descendere) Portum

nouum. Item Regione 5. Portum Bosphorianum, ita enim ibi legendum censeo. (non Prosphorianum ἀπὸ προσφώρας, quasi ibi scalia exponerentur, quod Pancirolus censuit) nempe qui scalia Chalcedonenfis vicinus erat: quod docent illa descriptoris, P. 190 Portum Bosphorianum, scalam Chalcedonensem. Rursus regione 6. Portum Neorum, cui scalia Sycæna vicina. Tandem in collectione ciuitatis, Portus IV. Constantinopoli numerantur: Et si nuspiam quarti mentionem faciat, nuspiam Portum Iuliani memorat. Suspicabantur Gyllius & Pancirolus, Portum hunc Iuliani eundem esse cum Portu nouo, qui Tertia regione erat. Quod verosimile. Eius vero λεγόμενος ὁ καλῶς Νεώριον, meminit quoque Zosimus lib. 2. cap. 30. Huius vero Portus Iuliani mentio sub Leone Magno apud Euagrium lib. 2. histor. Eccl. cap. 13. & Zonaram sub Iustino Iustiniani Nepote, pag. 70. Tom. II. Georgium Cedrenum p. 391. Tom. I. Ed. Reg. sub Anastasio Silentiario apud Suidam. De eo Gyllius in topogr. Constantinopol. lib. 2. cap. 15. Hic Portus Sophia postea vocatus ab vxoris nomine a Iustino.

De Ædibus Theodosii Iun. superest. Sane prædicta vetus Descriptio Palatia quinque in collectione ciuitatis Constantinopolitanæ memorat, cum tamen duo tantum in ipsa regionum recensione memoret: nempe Palatium regione XI. quæ nulla parte mari sociata est: item alterum Palatium regione XIV. In hac interim leg. exemplum habemus Principis consulentis Salubritati Vrbis, ac maxime Palatii sui, submotis videlicet rebus & artificibus, quibus illis noceri potest: In quibus & Calcis coctio, vnde fumus molestus & noxius.



DE COLLEGIATIS.

TITVLVS VII.

Lib. XI. COD. IUST. Tit. XVII.

De Collegiatis, & Chartopraxis & Nummulariis Collegiorum frequens mentio in vet. Inscript. apud Gruterum, imo & collegiatorum CCCCXLIX. 6. DCCCLX. 13.

PARA-

PARATITLON.

COLLEGIATI de quibus agitur præter hunc titulum, *l. 16. supr. de Palat. S. L. l. 12. supr. de de Veteranis: l. 3. supr. de testim. ex-Tribunis & Proteſtoribus: l. 5. de locat. fund. l. 1. supr. ne operæ a conſatoribus: l. 1. supr. de his qui condit. propr. l. 146. 156. supr. de Decurionibus: l. 41. infr. de operibus publicis: & Nouella Valentin. 12. cap. Nullus originarius: Nouella Maioriani 1. de Curialibus: (alii vero ab his sunt qui memorantur *l. 5. Cod. Iust. de commerciis & mercatoribus: quæ illo titulo an fugitiua sit* disquirat Burgius *l. Elect. 14.* dicuntur & Collegæ, *l. 2. hoc tit. item Corporati, l. 2. hoc tit. & l. 24. supr. de annona & trib. l. 5. de locat. fundorum: l. 34. supr. de Nauiculariis: l. 1. infr. de stud. lib. V. R. Fuerunt per orbem Romanum vniuersum: per Italiam, d. l. 5. de locat. fund. & d. l. 24. de annona & tribut. d. l. 146. de Decurion. & d. l. 41. de operibus publicis: in Vrbe ipsa Roma, d. l. 3. de testimon. ex-Proteſtorib. per Campaniam, l. 1. hoc tit. in Africa, l. 2. hoc tit. per Gallias, d. l. 12. de Veteranis: & d. l. 1. de his qui condit. propr. Idque sub dispositione quoque Consularium seu Rectorum Prouinciarum: vt docet *lex 1. hoc tit.* Præſectorum prætorio, vt ostendit *lex 2.* vt proinde erronea sit obseruatio Burgii *l. elect. 14.* qui scribit omnes constitutiones, quæ Collegiatorum meminerunt, scriptas ad PE. V. Constantinop. Id quod verum non est, nisi de Collegiatorum ibi genere quodam: non de his nostris. Hi propriis vrribus, *d. l. 3. de Testimon.* seu patriæ suæ, *d. l. 146. & d. Nouella Maioriani 1.* officium, *l. 1. supr. de his qui condit. propr.* ministerium, *d. l. 1. obsequium, d. l. 3. de testimon.* exhibebant, præbebant, hos proprium Corpus adſtrangebant, *d. l. 16. de Palatinis:* Idque per vices (pro Curialium dispositione) *d. Nouella Maior. 1.* Hi Curialibus seu Municipibus passim iunguntur, & sic ab his separantur: *d. l. 16. de Palatinis: d. l. 5. supr. de locat. fund. l. 12. supr. de Veteranis: d. l. 3. de Testimonial. toto tit. de his qui condit. propriam: d. l. 146. supr. de Decurionibus: d. l. 41. de operibus publicis.* Sic, vt ex his duobus ferme Corporibus patriæ ministrantibus ciuitates censerentur. Sed tamen Collegiati Curialibus inferiores, vt ostendit quoque non vno loco & ratione Maiorianus, *d. Nouella 1.* In quo vero nominatim ministerium seu officium & obsequium Collegiatorum horum constiterit, nullo satis loco explicatur. Id colligere tamen ex parte licet, ex nonnullis, qui de numero erant eorum. Hoc scilicet Collegiatorum numero memorantur *l. 2. hoc tit.* Vitutiarui, Nemesiaci, Signiferi, Cantabrarii; His adde (etsi a Collegiatis separantur; *l. 162. supr. de Decurionib.*) eos, de quibus *sequente titulo*, Centonarios inquam, & Dendrophoros: Item, Fredianos: de quibus *l. 20. infr. de Paganis:* Item, qui animalia proſequebantur, *l. 1. supr. ne operæ a Conſatoribus.* Hi porro propriis ciuitatibus & collegiis vna cum filiis adſtricti erant, vt docet *lex 1. hoc tit.* sic vt originario loco, vt loquitur *d. lex 1.* se subtrahere non possent, seu conditionem suam p. 19) euitare, vel ministeriis suis destituere ciuitates; siue extra ciuitatis suæ territorium habitando, *d. l. 1. & d. Nouella Maior. 1.* siue priuilegii alicuius obtentu: non militia armata, *l. 12. de Veteranis:* non Palatina, *l. 16. supr. de Palatinis:* non honoraria missione ex-Proteſtoribus aut domesticis, *d. l. 3. & l. 156. supr. de Decurionib.* non Clericali munere aut Monachatu, *d. Nouella Valentiniani 12.* non denique Rescripto Principis, *l. 2. hoc tit.* Quin refugæ ad ciuitates suas & officia retrahebantur, *d. l. 1. hoc tit. & d. l. 1. 2. 3. supr. de his qui condit. propr. & ad originarium locum, d. l. 1. & 2. hoc tit.* Occultatoribus quoque eorum poena proposita, *d. l. 146. 162. supr. de Decurionib.* minore tamen multo quam Curialium occultatori, *d. l. 146.* Quin & Filii eorum iusto matrimonio nati patris conditionem sequebantur, *d. l. 1. hoc tit.* si ex inæquali, vel matris in totum, *d. l. 1. hoc tit.* vel sane diuidebantur ii inter ciuitatem & dominos inquilinarum, colonarum, ancillarum; *d. l. 1. de his qui condit. propr.* Viceuerſa priuilegia his quædam data: inter alia, loca seu ædificia quædam publica, itemque loca Templorum his adiudicata, *d. l. 41. de operibus publicis: & d. l. 5. supr. de locat. fund.***

I. (a) Impp. Arcad. & Honor. AA. Gracco (b) Conf. Campaniæ.

DE retrahendis Collegis, vel Collegiatis, (c) Iudices competentes dabunt operam, vt ad proprias ciuitates eos, qui longius abierunt, retrahi iubeant, (d) cum omnibus quæ eorum erunt: (e) ne desiderio (f) rerum suarum loco (g) originario non valeant adtineri. De quorum Agnatione (h) hæc forma seruabitur, (i) vt vbi non est æquale (k) coniugium, matrem sequatur agnatio: vbi vero iustum erit (l) patri cedat ingenua successio. Dat. IX. (m) Kal. Iun. (n) Mediol. Cæsario & Attico C o s s. [397.]

INTERPRETATIO. Collegiati, si de ciuitatibus suis forte discesserint, ad ciuitatis sue officia cum rebus suis, vel ad loca vnde discesserunt reuocentur: de quorum filiis hæc seruanda conditio est, vt si de colona vel ancilla nascuntur, matrem sequatur agnatio: Si vero de ingenua & collegiato, collegiati nascuntur.

N O T Æ.

(a) Abest hæc lex a Cod. Iust. GOTHOF.

(b) Graccus Consularis Campaniæ sub Honorio. Graco in nonnullis MSS. & in ultim. Cuiac. ID.

(c) Male in MS. G. & Sicheard. detrahendis collegiis vel collegiatis. RITTER.

(d) MS. G. iubeantur. ID.

(e) MS. G. erant. ID.

(f) MS. G. desideris ID.

(g) MS. G. loca originaria n. v. attinere. ID.

(h) Id est filiis, vt recte Anianus. GOTHOFRED.

(i) MS. G. seruetur. RITTER.

(k) Veluti si de colona vel ancilla nascuntur, Anianus recte: vid. l. i. supr. de his qui condit. propr. GOTHOF.

(l) MS. G. fuerit. RITTER.

(m) VIII. MS. G. & Sicheard. ID.

(n) Ian. MS. G. ID.

C O M M E N T A R I V S.

RETRAHI Collegiatis ad suas ciuitates per Campaniam iubet hac constitutione Honorius Anno D. 397. quæ & ipsa sententia est eiusdem l. 2. prox. infr. & l. 1. 2. 3. supr. de his qui condit. propr. In Filiis eorum (id enim Agnationis appellatione indicatur, quod etiam Interpres recte vidit, de qua voce ad leg. 5. supr. de Suariis:) ita distinguit. Vel æquali matrimonio ii nati sunt, id est, ex Ingenua & Collegiato (vt recte rursus Interpres vidit) nati, & tum Collegiati quoque nascuntur, patrisque conditionem sequuntur: vel ex inæquali nati sunt, id est, ex Collegiato & Colona vel Ancilla (quod diserte docet eiusdem Honorii lex i. supr. de his qui condit. propr. vndeque Interpres suam interpretationem habet:) & tum matrem sequitur Agnatio. Quæ tralatitia Iurisprudencia cæteroquin est: de qua l. 19. l. 24. D. de statu hom. Vlpianus tit. 5. Et tamen ab hoc iure idem Honorius aliquantum recessit triennio post per Gallias inf. d. l. i. iupr. de his qui condit. propriam: in cuius sp. vult, vt filii, seu Agnatio diuidatur inter ciuitatem, & dominos colonarum vel ancillarum. De æquali coniugio & imparibus nuptiis, iam ad leg. Papiam, dictum est. Hinc certe patet, errare Marcilium, qui in Sueton. Vespas. cap. 21. inæquale coniugium hic vocari tradit Concubinatum: quale Patroni coniugium est cum Liberta. Imo Inæquale hic est inter Collegiatum & colonam vel ancillam alienam.

De COLLEGIATIS quid fuerint videamus. Id hætenus ex legibus in Paratitlon coniectis conficitur, Collegiatis, ministerium seu operas aliquas patriæ suæ exhibuisse, & quidem per vices pro Curialium dispositione, vt docet Novella Maioriani i. de Curialibus: atque ideo extra ciuitatis suæ territorium habitare, vel eam quocumque obtentu fugere non potuisse, filios denique eorum con-

ditionem secutos. Hæc hætenus. Non audio, qui arg. tituli de commerciis & mercatoribus, in Cod. Iust. sub quo posita est lex 5. seu pen. eius tit. quæ tota est de Collegiatis, vel etiam argumento Græcorum, putant Collegiatis fuisse ex Corporibus Negotiatorum; quos Corporatos Negotiatores vocat Symmachus lib. 10. epist. 27. Non audio etiam, qui Collegiatis hic eos faciunt, quos Romæ Symmachus lib. 10. epist. 27. fortuita arcuisse incendia ait, & Corporatorum nomine designat: vel qui diserte sub Collegiatorum nomine dicuntur d. l. 5. & in veteri descriptione Urbis Constantinopol. vbi dicuntur e diuersis Corporibus ordinati incendiorum casibus subuenire soliti: cuiusmodi etiam Collegiati certo numero singulis Urbis Constantinopol. regionibus assignati erant: sic quidem, vt in vniuersum Collegiati huiusmodi incendiis restringendis obnoxii, Constantinopoli fuerint hac Theodosii Iun. tempestate, 560. vt colligit prædicta vetus Descriptio: vel vt habet dicta lex penult. Theodosii Jun. 563. Qui quidem Collegiati, vt docet illa descriptio, simul & d. lex penult. ex variis Corporibus ordinabantur: ita quidem, vt si quis inter Collegiatis¹⁹² illos decederet, ex eodem Corpore ex quo ille qui decessit, erat, supplendus alius veniret: Nempe enim cum ad incendia restringenda variis Artificibus opus esset, non vno Artificum genere, bonum erat ex eodem semper Corpore hoc Miscellum Collegii genus constare & constare seu suppleri. Quid igitur? Tales Collegiatis hic intelligi oportet, qui non Constantinopoli, verum per Prouincias, & quidem per Occidentem sparsi erant, per singulas ciuitates, quique PER VICES ex Curialium dispositione patriæ suæ operas seu ministerium præberent. Atenim neque annonaria corpora seu corporatos annonæ Urbis Romæ seruient

tes hic intelligendos docet *huius tituli* diuersitas a titulis superioribus. Quid igitur? Collegiati sunt singularum Urbium Corporati: Cuiusmodi quidam recensentur *l. 2. infr. hoc tit.* Vitutiarum, Nemefiaci, Signiferi, Cantabrarii. Item Centonarii, Dendrophori: de quibus *tit. proximo*. Fabri, de quibus *l. 1. d. tit. prox.* & similes. Qui alterum corpus in Ciuitatibus constituiebant, cum Curialibus, publice ministerium præbentes; ut docui in *Paratitlo*. Quorum Collegiorum Prouincialium passua mentio occurrit in *Veteribus Inscriptionibus*. Alia enim Romæ fuere, & Constantinopoli; de quibus *supr. tit. de priuileg. Corpor. Urbis Romæ*. Quæ quidem Collegia, sua singularia vexilla habuisse testatur Pollio in *Gallienis c. 8.* Capitolium petiit, hastæ auratæ altrinsecus quingenæ, vexilla centena, & præter ea quæ Collegiorum erant, dracones, & signa Templorum, omniumque Le-

gionum ibant. Vopiscus item in *Aureliano: c. 34.* & Eumenius in *Gratiar. aff. c. 8.* Exornauimus vias quibus in Palatium peruenitur, paupere quidem supellectile, sed omnium signa collegiorum, omnium Deorum nostrorum simulacra protulimus. Denique Collegiati erant qui publico *manuariam* aliquam artem, operam & ministerium præbebant: cuiusmodi etiam inter Corporatos Urbis Romæ memorat Symmachus, *lib. 10. epist. 27.* eos, qui *fabriles manus Augustis operibus accommodabant*.

Porro illud animaduerto sub Honorio potissimum Collegiatis ciuitates suas fugisse: Omnes enim constitutiones, quæ septem sunt in vniuersum, de retrahendis his sunt Honorii. Proculdubio quia plus æquo ea tempestate prægrauati: Quod interuentis Imperii præludia fuit: vel forte etiam, quod cum superstitione aliqua Gentilitia coniuncta essent, ut patebit ex *l. 2. prox.*

II. (a) Impp. Honor. & Theod. AA. Liberio PF. P. (b) Post alia. (c)

COLLEGIATOS, & (d) Vitutiaros, & Nemefiacos, Signiferos, Cantabrarios, & singularum Urbium Corporatos, (e) simili (f) forma præcipimus reuocari. (g) Quibus etiam supplicandi inhiendam facultatem esse censuimus, ne originem (quod fieri non potest) commutare vlla iussio videatur; Ac si forte per sacram auctoritatem cognoscitur, aliquis liberatus, cessante beneficio ad originem reuertatur. Dat. VI. Kalend Decembr. Rau. Honor. IX. (h) & Theod. V. AA. COSS. [412.]

NOTÆ.

- (a) Abest *hec lex a Cod. Iustin.* Iungendæ ei duæ alix, puta *lex 170. supr. de Decurionib. & lex 25. supr. de cohortatilibus*: quæ idem de Officialibus statuit. Hanc *leg. omiserat Chronologia Theodosiana* Auctor. GOTHOF.
- (b) *Liberius PP.* sub Honorio Italiæ vid. *Prosopogr. ID.*
- (c) quæ continentur dictis duabus legibus. *ID.*
- (d) *vg. ut & ID.*
- (e) *Corporati*, & Collegiati distinguuntur. *ID.*
- (f) Quia Officiales seu Apparitores *d. l. 25.* itemque Curiales, *d. l. 170.* *ID.*
- (g) Eadem voce vitur *d. l. 25.* *ID.*
- (h) Ita quoque *d. l. 25.* Inmendate in *d. l. 170. Honorio VIII. & Theodosio III. AA. COSS. ID.*

COMMENTARIUS.

RETRAHI Collegiatis ad ciuitates suas, nec quicquam obstante Rescripto seu beneficio Principis, rursus iubet Honorius Anno D. 412. *Simili forma* ait, qua scilicet eadem constitutione Apparitores seu Officiales retrahi iussit, *l. 25. supr. de cohortatilib.* itemque Curiales, *leg. 170. supr. de Decurionib.* quæ vtrique *huius leg.* coniungenda est: Absque qua sensus *huius leg.* integer non constaret, cum non habeant hæc verba, *simili forma*, in *hæc leg.* quo referantur. Vnde liquere potest de iniuria & olicitantia *huius Codicis* Conditorum in discernendis constitutionibus: retro de utilitate summa legum inter se rursus coassandarum & conglutinandarum. Nam & viceversa *huius leg. & d. l. 25. supr. de cohortatilib.* beneficio restituenda venit Rescripto *d. l. 170.* Igitur Honorius *hæc leg.* Collegiatis reuocari iubet, etiam (nam ita hunc locum accipio) Vitutiaros, Nemefiacos, Signiferos, Cantabrarios: quantumvis otiosa corpora essent: in eo tamen hæcenus vilia, ut magnitudinem Urbis & frequentiam tuerentur, & tristitia ciuium solarentur. Otiosa, inquam, (de cuiusmodi otiosis Corporibus in Vrbe Roma dixi *supr. ad l. unie. de Mancipibus*, quæ vacantia vocat Symmachus,

lib. 10. epist. 58.) Quod per singula comprobandum est.

Procedant primum *Nemefiaci*. Nam de *Vitutiaris*, qui primo loco nominantur, velut minus cognitis, sub finem agemus. Nemefiacorum igitur horum vnus præterea Commodianus, e Gentili Christianus factus, de quo Gennadius in *Viris Illustribus*, Africanus, ut puto, scriptor, meminit: qui & alio loco *Didemarios* nominat, in eodem ludi genere versantes *Tom. XXVII. Biblioth. Patrum pagina 14.*

[de] NEMESIACIS VANIS.

Non ignominiosum est, virum seduci prudentem, Et colere talem, aut Dianam [aut diuam, nempe Nemefin] dicere lignum?

Mane ebrio, crudo, perituro, creditis viro:

Ex arte qui fisse loquitur, quod illi videtur:

Seuere dum agit, sibi viscera possit:

Incopiat ciues vnus detestabilis omnes;

Adplicuitque (Adplicatque) sibi simili COLLEGIO facto:

P. 193. Cum quibus historiam fingit, ut Deum (Deam,

Nemefin scilicet) adornet:

Ipse sibi nefcit diuinare, ceteris audet:

Succollat quando libet eum, (eam) & quando, deponit;

Veritur a se rotans cum ligno bifurci,

Ac si putes illum afflatum numine ligni.

Non Deos vos colitis, quos ipsi false prophetant,

Ipsos Sacerdotes colitis, in vano timentes:

Sed si corde viges, fuge iam sacraria mortis.

Ex his Commodiani verbis colligimus: 1. Nemesiacos hos fuisse de Vanorum hominum genere aliquos, 2. qui videlicet madidi, Ligno bifurci, tanquam numine, ludos publice collecta turba agebant, ibique ligno modo succollato, modo deposito, bacchantes rotantefque, fabulam aliquam fingeant, Diuinos se & Prophetas agentes, fataque hominum explicantes, atque ita stipem emendicabant. *Diseurs de bonne fortune, ou auanture.* Nemesiaci, a Dea Nemefi, quæ eadem est cum bona Fortuna. Hesychius; Ἀγαθὴ τύχη ἢ νέμεσις καὶ ἡ θεὸς. Denique Nemesis & Noctis & Iustitiz nuncia vel filia, fatorum dispensatrix, ultrix facinorum impiorum, bonorum præmiatrix, arbitra rerum, regina causarum, credita. Nemesiaci a Nemefi Dea: de qua vid. & quæ Plinius, lib. 28. cap. 2. sicut *Didemarsi* apud eundem Commodianum ab Apolline Didymæo: cuius oraculum Milesum in Asia olim solemne fuisse notum est: cuius meminit etiam præter alios Sozomenus, lib. 1. cap. 7. vbi de Licinii interitu agit. Et hæc de Nemesiacis.

Signiferi post hos, sed his proximi iunguntur: qui scilicet signa, & in his Deorum, ferebant in pompis, festis, ludicris gentilitiis: de quibus signis iam dixi ad l. 1. sup. hoc tit.

His Signiferis vicini sunt Cantabrarii, qui in pompis Cantabra ferebant, vexilliferi. De quibus Cantabris iam alii, & nos ipsi alibi. De his Patres, qui pro Christianis Apologias aduersus Gentiles scripsere. Minutius Felix, in *Octauio* cap. 29. Vos plane, qui ligneos Deos consecratis, cruces ligneas, ut Deorum vestrorum paries, forsitan adoratis. Nam & SIGNA ipsa, & CANTABRA, & vexilla castorum, quid aliud quam inaurate Cruces sunt & ornate? Tertullianus *Apolog.* cap. 16. Siphara illa vexillorum & Cantabrorum, sole Crucum sunt. Idem ad Nationes lib. 1. c. 12. in fin. Sic etiam in Cantabris, atque vexillis (qua non minore sanctitate militum custodit) Siphara illa, vestes crucum sunt. Vetus Gloss. Cantabra, vexilla, pallia; Cantabra itaque erant signa, vexilla παρατέταστα ἐκ πορφύρας καὶ χρυσῆς ferme, ut Cedrenus appellat in *Compend. hist.* pag. 169. inter Script. R. B. Ed. reg. quæ in pompis publicis & solemnitatibus lata per urbem, iuxta cum signis Deorum: quibus signis ferendis, Signiferi, ut illis Cantabrarii vacabant: Bannieres, porteurs de Bannieres aux Fêtes. Quare & Signiferis Cantabrarii hiciunguntur, quomodo & Cantabra vexillis & signis apud Patres superioribus locis. Erant igitur hi, qui ferebant in pompis vexilla collegiorum Templorum, signaque, de quibus Vopiscus in *Aureliano* cap. 34. Trebellius in *Gallieno* cap. 8. Quid vero inter Vexilla & Cantabra esset? quaesierunt Viri Docti. Est qui putat Vexilla fuisse vela pura, colore suo nihilominus nota: Cantabra vero, quæ non colore modo nota erant, sed & carmine seu nomine aliquo inscripta cantabant, siue significabant illis aliquid grati & iucundi: sic ut Cantabra quidem Vexilla essent;

sed non omnia Vexilla, Cantabra: allato etiam loco ex Dionis lib. 40. pag. 128. 129. Edit. Wechel. vbi de rebus insuauis, quæ M. Crasso acciderunt aduersus Parthos mouenti: σημῶν δὲ τῶν μεγάλων, τοῖς ἱερίοις ἐοικότων, καὶ φωνικὰ γράμματα ἐπ' αὐτῆς πρὸς δόλωσιν τῶν τε στρατῶν καὶ τῶν στρατηγῶν σφῶν τῶν αὐτοκρατορῶν ἐχόντων, εἰς τὸν ποταμὸν ἀπὸ τῆς γεφύρας περιβραπὼν ἐπέπεσε: vexillum præterea quoddam ex eorum numero, quæ magna velorumque similia sunt, inscriptum puniceis literis ad notitiam exercitus imperatorisque faciendam euersum vi vehementis venti, a ponte in flumen decidit. Si ariolari licet, Cantabra videntur fuisse origine vexilla Parthica: vocabulo composito ex voce κἀνδύς, quod est χιτῶν περσικός, ὃν ἐκπορπύνται οἱ στρατιῶται: & altera voce Parthica, τάβρα, quod quid sit nescio: quorum Parthorum vox quoque est ταβᾶλα, quo in bello utebantur: vid. Hesychium.

De Vitulariis tandem videamus, qui Nemesiacis, Signiferis, Cantabrariis, hac leg. iunguntur, imo primo loco ante hos omnes, sed cum Nemesiacis proxime nominantur. Vnde statim argumentum desumi potest, insigniore aliquo ministerio hos censitos, & tamen proximio cum Nemesiacis: quemadmodum Cantabrarii proximo cum Signiferis. Igitur & hos vanorum hominum & ludionum numero fuisse oportet. Quare, quod *Vitularios* hic quidam tentarent nihil est: quibus utique cum Nemesiacis, Signiferis, Cantabrariis nil commune est. Adde, quod illi Corporati V. R. hi Collegiati vrbium singularum fuere. An igitur vitularii hic reponendi, de quibus & l. 2. sup. de excusat. artificum: id est, vitrorum conflatores, ὑαλουργοί: de quibus præter Strabonem lib. 16. pag. 1099. Edit. Almeloueen. Lampridius, in *Alexandro Seuer.* c. 24. Braccariorum, Linteonum, Vitreariorum, &c. vexillum instituit. Vopiscus *Saturnino*, init. vbi de Alexandria: Ciuitas opulenta, diues, fecunda: in qua nemo viuat otiosus: alii vitrum conflant, ab aliis charta conficitur, omnes certe cuiuscunque artis & videntur & habentur. Et in *Firmitate*, cap. 3. qui Aureliani temporibus Egyptum occupauerat. De huius diuitiis multa dicuntur, nam & vitreis quadraturis bitumine aliisque medicamentis infertis domum induxisse perhibetur, & tantum habuisse de chartis. Verum neque hic stare hic possunt, quibus nulla cum Nemesiacis, Signiferis, Cantabrariis affinitas intercedit: cum Vitularii Artificum numero fuerint, ut docet quoque *diſſa lex* 2. An Vitularii igitur hic admittamus, a vitis τανύκας, quarum frequens in sacris Gentilium vsus erat, neque tantum in Sacerdotibus & Victimis, verum etiam in pompis? An potius Butinarii, qui apud Cyprianum ep. 39. fr. 42. qui vel butina & acetabula faciebant, vel iis ludos agebant: Butina, vel βύττια, βύττια, lagenæ, vasa, acetabula, δοχεῖς id genus. An vero Vitularii, id est, Victoriarii, vel Vitularii, ut in *Indice Publiano* expressum, quasi victorias flantes, victorumque & triumphantium habitu coronati populo ludos facientes? Nam & Nemesiaci his iunguntur. Nemesi autem & Victoria cognata numina: & ceteri quoque bellicum ita quid & faustum spirantes: Signiferi scilicet & Cantabrarii: Victoria, & victuria, victoriosi & vitularii promiscue in MSS. Verum nihil horum placet. Illud ex hac leg. satis liquet, vel saltem colligitur, Vitularios, sui spectaculum præbuisse populo, pariter ut Nemesiacos, ludosque populo fecisse, diuinitatis alicuius obtentu. Et quid si Vidumarios, illos ipsos hic reponamus, de quibus Commodianus? Certe ductus apicum haud adeo

adeorespuant hanc emendationem *Vitularios Vidu-
marios: Viduarii & Didumarii*, & in β mutan-
do, quod alioquin *Aeoles* fecere. Commodianus
de his. *Instruction. n. 17. pag. 14. Tom. XXVII. Bibl.
Patr.*

DE SIMVLACRIS RORVM (Deorum Dearumque.)

P. 194

*Deludunt vos pauci scelerati, Vates inanes,
Extricare suam dum querunt vitam,
Subornant aliis (a) esse sub mysteria, (b) falsum.
Inde simulantes, concuti Numine quodam,
Maiestatemque canunt, & sub figura fatigant,
Vidistis sepe DIDEMARIOS, quali fragore
Luforias ineunt, dum furias fingere (c) querunt,
Aut cum dorfa sua allidunt parca (d) bipenne,
Cum doctrina (e) sua seruant quod cruore sanant: (f)
Respuite (g) quo non (h) illos nomine (i) cogunt,
Ipsi (k) qui se primum componunt integra mente,
Sed stipem vt tollant, ingenia talia querunt.
Ex eo videte, quoniam sunt, omnia ficta;
Obumbrant populum supplice, (l) perituri ne tre-
dant. (m)
Res semel in (n) vano de vetustate processit
Vt Vaticini manti (o) credatur: prodentis falsa.
Maieestas autem eorum nulla locutus (p) est.*

(a) esse sub, pro subesse.

(b) Accusatio modo.

(c) id est fingunt, fictum eunt.

(d) haud parca, vel parua. Al. spurca.

(e) de vstrina: an doctrina, pro industria?

(f) ye. saniant.

(g) Respicite.

(h) quoniam.

(i) ye. Numina.

(k) Ipsique se. Al. ipsi.

(l) supplices. Al. simplicem.

(m) ni credant.

(n) sic sup. de Nemefiacis. Ipsos Sacerdotes volitis in
vano timentes.

(o) vaticinanti.

(p) locuta est.

Vt in hanc sententiam concedam, non vna ratio
facit. Primo, quod Commodianus iunctim &
continuo filo de his *Viduariis* seu *Didumariis* &
de *Nemefiacis* agit, pariter vt iidem *hac leg.* iun-
guntur. Secundo, quod & hi pariter vt *Nemefi-
aci Varum*, imo vanorum hominum genus fue-
rint. Tandem, vt Commodianus carmina ad Afri-
cam pertinent, ita & eodem *hac lex* pertinere po-
test, quandoquidem ea data est ad *Liberium PP.
Italia*, & sic Africa quoque. His vero similes
erant & *Dendrophori* & *Frediani*: de quibus in
eiusdem *Honorii leg. 20. infr. de Paganis*: qui ligna
seu arbores in honorem Deorum ferebant: de qui-
bus ad *eam leg.* vel qui simulachra Deorum feren-
do rotabant, quasi *sv tō Qēgen diavēovtes*.

Vt ad huius *leg.* sententiam redeamus, *Hono-
rius* eos omnes, de quibus modo dixi, ad ciuita-
tes suas reuocari vult, non obstante rescripto vel
indulgentia Principis. Nempe ab vna parte affli-
ctae hac tempestate vrbes, tristitia sua, horum Col-
legiatorum quos dixi oblectamentis, consolari ex-
petebant; ab altera vero, desertae ciuitates, nume-
ro suo replendae visae: Quare & Collegiati & Cor-
porati ad sua reuocari iussit *hac leg.* vt & *Decurio-
nes d. l. 170. supr. de Decurionib. & cohortales, d.
l. 25. supr. de cohortalibus*: quae huic legi vt dixi
iungendae sunt, tanquam vnius & eiusdem con-
stitutionis partes. Qua ipsa ratione hoc ipso Anno
idem *Honorius* Corporatos V. R. in peregrina
transgressos reuocari iussit, *l. ult. supr. de priuileg.
corp. V. R.* Scilicet quod mirum satis, *Honorius*
gentilitia huiusmodi corpora ferri posse ratus est,
citra contemptum Religionis Christianae, partim
quia voluptatibus publicis defererent. Qui sane
sensus eius fuit aperissime, *l. 17. infr. de Paganis*:
Vt profanos ritus, inquit, iam salubri lege submou-
imus, ita festos conuentus ciuium, & communem
omnium laetitiam non patimur submoueri: vnde abs-
que vlllo sacrificio atque vlla superstitione damnabili,
exhibere populo voluptates secundum veterem consue-
tudinem, inire etiam festa conuiuia, si quando exi-
gunt publica vota, decernimus. Quae quidem lex
ab *Honorio* data est, contra quam petierant Pa-
tres *Africani*, *Canone 6. Concilii Carthaginiensis*,
seu *Canone 61. Cod. African.* vbi etiam questus fue-
rant Patres, quod *Corporati* ad spectacula tum con-
uenire cogerentur.



DE CENTONARIIS ET DENDROFORIS.

TITVLVS VIII.

Abeſt hic Titulus a Codice Iuſtiniano.

PARATITLON.

CENTONARII de quibus *Rubrica* huius tituli, & *utraque eius lege*, & *l. 162. supr. de
Decurionibus*: item *DENDROFORI*, de quibus praeter *Rubricam*, & *l. 1. hoc tit.*
FABRI de quibus *lib. 1. hoc tit.* & *l. 62. supr. de Decurionibus*. fuerunt Corpora,
*l. 1. & 2. & d. l. 162. officia, d. l. 62. in singulis ferme oppidis d. l. 1. Ex corpore Cento-
natorum nemo se ad Curiam conferre poterat, d. l. 2. & vicissim, d. l. 162.*

I. (a) Imp. CONSTANTINVS A. ad EVAGRIVM. (b) PF. P.

AD omnes Iudices (c) litteras dare Tuam conuenit Grauitatem, (d) vt in quibuscunque oppidis Dendrophori fuerint, Centonariorum adque Fabrorum (e) adnectantur: quoniam hæc corpora frequentia hominum multiplicari expediet. (f) Dat. XIV. Kalend. Octobr. Naisso, Acc. VIII. Id. Nouemb. Constantino A. IV. & Licinio IV. COSS. (315.)

P.195

NOTÆ.

(a) Abest hæc lex a Cod. Iustin. GOTHOF.

(b) Euagrius PP. sub Constantino M. Eidem inscribitur hoc Anno post mensem, l. 1. *infr. de Iudeis*: v. *Prosopogr. ID.*

(c) Iudices seu Rectores Prouinciarum sub PP. dispositione fuere. *ID.*

(d) Grauitatis titulus Præfæctis Prætorio tributus sub Constantino M. *ID.*

(e) Corpora, vel corporibus supplendum. *ID.*

(f) Expedis. *ID.*

COMMENTARIVS.

DENDROPHORORVM corpus, Centonarium & Fabrorum corpori in oppidis vniri, adnecti, & sic vnum in collegium sociari, iubet hac leg. Constantinus M. Anno D. 315. Ratione addita, Quod expediat hæc corpora frequentia hominum multiplicari. Quod omne obicure est quamdiu nescitur, quid & in quo occupata fuerint hæc collegia seu corpora. DENDROPHORORVM equidem, Centonarium, (quorum etiam fit mentio l. 162. *supr. de Decurion.*) Fabrorum (quorum etiam mentio l. 62. *supr. de Decurion.*) frequens admodum mentio occurrit in veteribus *Inscriptionibus*, sed quibus excussis vel diligentissime, e nulla earum vel minimo indicio discere possis, in quo fuerint occupata hæc Corpora. Fabrorum equidem professio notior esse possit, quorum etiam duo genera Dendrophoris & Centonariis iunguntur, nempe alii Ferrarii, alii Tignarii: sed quid commune habuerint hæc Corpora actu seu genere vitæ, non liquet ex illis *Inscriptionibus*.

De Dendrophoris, quorum tam frequens iam ante Cod. Theod. editum, mentio occurrerat, ita nonnulli putabant, eos esse, qui in castris ligna militibus cædebant & in castra deferrebant, vel qui materiam ad bellicas machinas aduehebant. Verum horum sententia recte explosa est ab Alciato l. *Prætermisforum v. Militia*. Et tamen post Codicem Theodosianum editum nonnulli adhuc opinati sunt, Dendrophoros fuisse, qui nemora cæderent, carbonem torrerent, ad vsum balnearum, ædium, nauium, & ad arma fabricanda: sicut Collegio Fabrorum ad vsum fabricandorum armorum legata dicuntur, l. 93. §. *pen. D. de legat. 3.* Alii & in his Cuiacius VII. *Obseru. 30.* eosdem faciunt cum Dendrophoris qui memorantur l. 20. *infr. de Paganis*: vbi ita Honorius, *Omnia expensa illius temporis ad superstitionem pertinens, qua iure damnata est, omniaque loca que Frediani, que Dendrophori, que singula queque nomina & Professiones Gentilitia tenebant, epulis vel sumptibus deputata, fas est hoc errore submoto, compendia nostre domus subleuare*. Et ita ferme hodie censent: Ita olim ipse censui, *notis ad d. l. 20.* nempe Dendrophoros de quibus hoc titulo agitur, & in Veteribus *Inscriptionibus* eosdem videri cum illis, vbi & argumenta quædam cur ita sentirem collegi: ac nominatim quod vt hic, ita & d. l. 20. de Centonariis agatur: item quod hic titulus de Centonariis & Dendrophoris subiiciatur superiori de Collegiatis: quo quidem (vt hoc addam) de similibus professionibus agitur, puta de Vitutiariis, Nemefiacis, Signiferis, Cantabrariis. Verum ab hac sententia me reuocant nunc alia.

Per Africam equidem qui Dendrophori, qui Centonarii item memorantur d. l. 20. professiones Gentilitiæ erant: At enim hi, de quibus hoc titulo, non item. Primum argumentum sumo ex coniunctione Fabrorum: quid enim quæso fabrilis arti cum professione illa Gentilitia, quæ in eo consistebat, vt ligna, vt arbores per urbem humeris ferrent, seu vt loquitur Commodianus, *suctollantur*? Deinde spectata mihi sis Constantinum M. Christianum Principem, huiusce constitutionis Authorem: si Centonarii hi, si Dendrophori Religionis vel superstitionis Gentilitiæ numero fuissent, an dictum putaremus, *Expedire hæc corpora frequentia hominum multiplicari*? Vnde iam quoque apparet, de eorum errore, qui a Dendrophororum & Centonariorum Collegiis Gentilitiis Christianos non abhorruisse scribunt. Quibus sane refragantur ea quæ definiuntur l. 1. *infr. de fide Cathol. l. 112. de Decurionib. l. 5. de Episcopis*: ad quas leges vid. quæ notaui. Tertio Centonarii de quibus d. l. 20. agitur, Centonarii sunt, non Centonarii, & Chiliar-chis iunguntur, & sic a numero his nomen inditum: At qui Dendrophoris iunguntur, & hoc titulo, & in *Inscriptionibus* constanter Centonarii vocantur: non ergo a numero, non proinde Centonarii iidem cum Centonariis. Verum in hoc pedem non figo. Quare, vt tandem dicam, omnes & Dendrophori, & Centonarii, circa domos seu ædificia, & quidem sarta recta habenda occupati fuisse videntur. Et Fabri quidem, non tantum ad opera excitanda, verum ad incendia compefcenda: quo fine iam olim collegium huiusmodi Fabrorum Nicomediæ institui voluit Plinius Bithyniæ Rector, lib. 10. *epist. 42.* Deque hoc Fabrorum collegio, & quidem Romæ accipio legem 62. *supr. de Decurionib.* vbi aliquid etiam de hoc Fabrorum collegio. Adde, in *Glossario* Fabros *τεχυτὰς* explicari. Quid Centonarii? Putet quis Centonarios dictos, a Centonibus conficiendis; vel etiam, venundandis: quos Pater familias quisque ad tutelam domus suæ, & in instrumento domus habebat, instrumentoque domus continebantur, l. 12. §. 16. & *seqq. D. de instrum. vel instrum. legato*: quæ denique vel tempestatibus arcendæ, vel incendiis causa, & huius proptie causa, habebantur: de quibus ex *Sisenna, Cesare, Vegetio*, iam alii dixerunt. Item quæ voluptatis gratia habebantur; puta vela, vt & quæ frigoris causa, vel umbræ in domo erant: item vela Cilicia, quæ ideo parabantur, ne ædificia vento vel pluuia laborarent, & vela quæ in hypethris extendebantur, & circa columnas. Hæc ita forte quis putet. Verum malim ego, argumento Dendrophororum & Fa-

Fabrorum, *Centenarii* hic accipere & restitui, qui materias scilicet maiores, *centenarias* cadebant, parabant, venundabant. *Centenarii* vox tralatitia de rebus quibusque hunc numerum exquantibus. Sic *Centenarii* rosæ, Tertulliano, *de coronamilitis*, cap. 14. *Centenarii* nummi Lampridio, in *Alexandro Seucro* c. 39. pecuniæ maiorinæ vel *centenionales*, l. 1. *supr. si quis pecun. const.* Balistæ *centenariæ* & *talentariæ* Lucilio & *Sisennæ* apud Nonium cap. 18. num. 22. de quibus Lipsius in *Polioret.* p. 130. sic & *Quinquagenariæ* longioresque materiæ Ammiano Marcellino lib. 18. cap. 2. fistulæ *Quinquagenariæ*, Vitruvio, lib. 8. cap. 7. *Quinquagenarius* thorax, & *quinquagenaria* & *centenaria* pondera, Plinio lib. 7. cap. 20. *Promulsis* *quinquagenaria*, Tertulliano *de pallio* cap. 5. *Vasæ* *quinquagenaria*,

centenaria, Lampridio, in *Heliogabalo* cap. 19. *Dendrophori* vero fuerint, qui materiam rudem, non ita longam, ligna, arbores, tigna aliunde petita ad ædificia, vendebant, *fistiers vendeurs de mairrin*, *Fabri* tignarii, qui ædibus aptabant tigna, dolabant, qui ædificabant. Sic igitur liquet, quæ recte hæc tria Collegia in vnum coaluerint, quæ antea & aliquando separata fuerunt: Sanè in veteribus quoque Inscriptionibus, modo *Dendrophori* soli, modo *Centenarii* soli occurrunt: modo *Fabri* & *Centenarii* iuncti, modo *Centenarii* & *Dendrophori*; modo omnes *Fabri*, *Centenarii*, *Dendrophori*. Illud ex Inscriptione, quæ occurrit apud Gruterum *MCI. i.* notandum, Regii *Templum* peculiare Collegii *Fabrorum* & *Centenariorum* sub M. Aurelio Antonino memorari.

II. (a) Imppp. VALENTINIANVS, Valens, & Gratianus AAA. ad Olybrium P. V. (b)

NE quis ex *Centenariorum* corpore subtrahere se possit ad Curiam: poena eidem Corpori proposita, nisi ilico de eius abcessu querelam deposuerit. (c) Dat. V. Kal Febr. Triu. Valentiniano NB. P. & Victore COSS. (369.)

N O T Æ.

(a) Abest & hæc lex a Cod. Iust. GOTHOF.

(b) Olybrius P. V. sub Valentiniano Sen. vid. *Prosopogr.* & Ammianum Marcellinum, lib. 28. c. 4. ID.

(c) *Deponere* querelam, pro proponere. ID.

COMMENTARIVS.

SUBTRAHERE sese Corpori suo, atque ad Curiam sese conferre, *Centenarii* hac leg. a Valentiniano Sen. vetantur Anno Domini 369. intra Præfecturam Urbis Romæ: vti viceversa Curiales, itemque Collegiati sese ad Corpus *Centenariorum* transferre vetiti, l. 162. *supr. de Decurionibus*: imo iam antea quoque vetiti ab eodem Valentiniano Curiales ad *Fabrorum* Collegium irrepere vel aspirare, l. 62. *supr. de Decurionibus*: Summ scilicet cuique Corpori numerum seruari expedit: neque alterum altero mutari, alteriusve causa nudari. Quod tamen solitum fieri a multis proprii muneris

& officii impatientia: nam vt Curialium munus aliorum respectu lucrosum & obnoxium valde fuit; ita viceversa, tanquam maius aliquid istud appetiisse alios, & in his *Centenarios* verosimile est, colludentibus ipsismet etiam Corporibus. Quare etiam, vt *Centenariorum* Corpus hac ratione non vacuaretur, vult Valentinianus, vt Corpus ipsum ilico de refugæ *Centenarii* abcessu querelam inferat, vt ita hac ratione peruestigari ilico possint. Poena alioquin Corpori ipsi proposita. Quæ Poena notanda est, toti Corpori proposita seu irrogata, si sui utilitatem insuper habeat.

DE STVDIIS LIBERALIVS VRBIS ROMÆ (*) ET CONSTANTINOP. (**)

TITVLVS IX.

Lib. XI. COD. IVST. Tit. XVIII.

Huic vicinus titulus 3. est *supr. lib. 13. de Medicis & Professoribus*: & lib. 6. tit. 21. *de Professoribus qui in Vrbe Constantinopolitana docentes ex lege meruerunt Comitium.*

(*) De hoc est lex 1.

(**) De hoc est lex 2. & 3.

PARATITLON.

STVDIA LIBERALIA Rubr. & l. 1. *supr. de Decuriis Urbis Romæ*: liberales res, l. 1. *vers. quin etiam, hoc tit. professiones, d. l. 1. vers. his sane*: Studia, l. 3. h. t. studia literarum, d. l. 3. *in fin. Literatura*, quæ omnium virtutum magistra est, d. l. 1. *supr. de Decuriis V. R. in Vrbe Romæ*, de quo est *lex 1. h. t. & Constantinopolitana*, de quo est *lex 2. & 3. h. t. erant & exercebantur*. Quo Discipuli l. 3. h. t. seu adolescentia, d. l. 3. h. t. discendi cupiditate veniebat: veluti ex Africa Romam, d. l. 1. h. t. ibique agebat sub *undecim legibus Academicis*, quæ continentur Valentiniiani Sen. l. 1. *hoc tit.*

Porro studia hæc exercebantur in Auditorio, seu intra Auditorium Capitolii Constantinopoli: idque a Magistris tantum ab Imperatore constitutis, qui in priuatis ædibus docere prorsus prohibebantur, d. l. 3. h. t. viceuersa alii quam a Princip: constituti, magistrorum nomina sibi usurpare & in publicis magistrationibus cellulisque collectos vndecunque discipulos docere circumferreque vetabantur, d. l. 3. h. t.

Hi vero erant in vniuersum Constantinopoli, triginta & vnus: nempe Latini Oratores, tres: Latini Grammatici decem: Græci Sophistæ quinque, Grammatici decem, Philosophus vnus, duo Iuris Professores: d. l. 3. h. t. Cætera de Professoribus *suo titulo, iam supra.*

Bibliotheca quoque publicæ (Romæ erant &) Constantinopoli: cuius posterioris mentio fit l. 2. *hoc tit.* cuius codicibus componendis, vel pro vetustate reparandis, Antiquarii septem destinati erant: puta Græci quatuor, Latini tres: Insuper custodiendæ illi Conditionales apponebantur, d. l. 2. h. t.

Circa STUDIOSOS Romam studiorum gratia sese conferentes, undecim leges Academicæ Valentiniiani Sen.

I. (a) Imppp. VALENTINIANVS, Valens & Gratianus AAA.
ad Olybrium (b) P. V.

QVICVMQVE ad Urbem (c) discendi cupiditate veniunt, primitus ad Magistrum (d) Censum, Prouincialium Iudicum, a quibus copia est danda veniendi, eiusmodi Literas proferant, vt *oppida hominum*, (e) & *natales*, & *merita* expressa teneantur. Deinde, vt in primo statim profiteantur introitu, *Quibus potissimum studiis operam nauare proponant*. Tercio, vt hospitia eorum sollicitè Censualium norit Officium, quo ei rei (f) impertiant (g) curam, quam se adseruerint (h) expetisse. Idem (i) imineant Censuales, vt singuli eorum tales se in Conuentibus præbeant, quales esse debent, qui turpem inhonestamque famam, & *consociationes*, quas (k) *proximas putamus esse criminibus æstiment fugiendas*: neve spectacula frequentius adeant, aut adpetant vulgo (l) intempestiua conuiuia. Quinetiam tribuimus potestatem, vt si quis de his non ita in Vrbe se gesserit, quemadmodum liberalium rerum (m) dignitas poscat, publice verberibus adfectus, statimque nauigio (n) superpositus, abiiciatur Vrbe, domumque redeat. His sane qui sedulo operam professionibus (o) nauant, vsque ad vicesimum ætatis suæ annum Romæ liceat commorari: Post id vero tempus, qui neglexerit sponte remeare, (p) sollicitudine Præfecturæ, etiam impurius, (q) ad patriam reuertatur. Verum ne hæc perfunctorie fortasse curentur, Præcella Sinceritas Tua, Officium Censuale commoneat, vt per singulos menses, *Qui*, vel *unde veniant*, *quive sint*, pro ratione temporis (r) ad Africam, vel ad ceteras Prouincias, remittendi, breuibus (s) comprehendat: His dumtaxat exceptis qui Corporatorum (t) sunt oneribus adiuncti. (v) Similes autem breues etiam ad *scrinia Mansuetudinis Nostræ annis singulis dirigantur*: quo, Meritis singulorum institutioni-

tionibusque (x) conpertis, vtrum quandoque nobis sint necessarij, iudicemus. Dat. IV.
(y) Id. Mart. Triu. (z) Valentiniano & Valente III. AA. Coss. (370.)

N O T Æ.

- (a) Abest *hæc lex* a *Cod. Iust.* velut temporaria: Iungendaque illi videtur *lex 9. supr. de Medicis & Professoribus*, (quæ est *lex 10. Cod. Iust. eod. tit.*) & *lex 7. Cod. Iust. de postulando*. GOTHOF. Hanc legem illustrauit dissertatione singulari HERMAN. CONRINGIVS, *Helmstad.* 1655. quæ deinde cum operibus eius prodiit. RITTER.
- (b) Olybrius P. V. Romæ, sub Valentiniano Sen. de quo vid. *Prosopogr.* Elogium eius vide apud Ammianum Marcellinum, *lib. 28. cap. 4.* GOTHOF.
- (c) Urbem Romanam scilicet. ID.
- (d) De *Magistro census* dixi, ad l. 8. *supr. de donation.* & l. 5. *supr. de Senator.* ID.
- (e) Est qui tentabat, *oppida, domum*: quo nil opus. ID.
- (f) *Rei*, id est studio, professioni: ita mox rursum, *liberalium rerum.* ID.
- (g) Studiosi scilicet qui ad urbem discendi, cupiditate veniunt. ID.
- (h) Id est, professi fuerint in introitu Urbis Romæ. ID.
- (i) *ꝑꝑ.* vel *Isdem*, id est, *iisdem*: vel *Item.* ID.
- (k) Eas quas. ID.
- (l) *Vulgi intempestiva convivia*, legendum putat H. Conringius. RITTER.
- (m) Ita *supr.* ei rei impertiant curam. GOTHOF.
- (n) Africanam tendenti: nam de Africanis seu transmarinis adolescentibus & studiosis hic nominatim agitur: vt docet *vers. verum ne hæc perfuntoria.* ID.
- (o) *Professionibus*, id est studiis, artibus. ID.
- (p) *ꝑꝑ.* *remeare*, vel *remetiri.* ID.
- (q) *Impurius*, id est, cum nota & dedecore. ID. *Etiā inuitus*, scribendum censet. H. Conringius, RITTER.
- (r) Romæ scilicet exacti, & studiis impensæ. GOTHOF.
- (s) *Breues*, pro *Matricula*: vid. *Gloss. Theod.* ID.
- (t) De *Corporatis*, suo titulo *supra*, hoc ipso libro, *tit. 2.* ID.
- (v) Iam adiuncti, nexi. ID.
- (x) *Institutiones*, pro genere studiorum, & eruditione, *hic & l. 18. supr. de extraordin. v. Gl. Tb.* ID.
- (y) VI. Id. Mart. d. l. 9. *supr. de Medicis*: Kal. Mart. d. l. 7. *Cod. Iust. de postulando.* ID.
- (z) *Treuiris* in Gallia constitutus hoc tempore Valentinianus Sen. vid. *Chronol. nostram.* ID.

C O M M E N T A R I V S.

P. 198 VALENTINIANI Senioris Imperatoris hæc nobilissima, sedulaque constitutio est, emissæ ad Olybrium P. V. Romæ: Quæ nobis eo accuratius illustranda venit, quod ea abest a *Codice Iustiniano*, velut temporaria & *περίοδος*: cum tamen aliis temporibus & occasionibus, hæc etiam ætate, vtiliter aptari possit. Ea vero continentur varæ *leges ACADEMICÆ*, circa STUDIOSOS seu scholares Romam commeantes, ibique commorantes studiorum gratia: quibus mores eorum & conuersatio componitur, legitimumque studendi spatium præscribitur. *Valentiniani*, inquam, Senioris hæc lex est, quod primo loco hic notandum venit. Hic scilicet Princeps enixam studiorum & studiosorum Romæ curam & sollicitudinem in se recepit, hoc nominatim Anno D. 370. pariter vt Professorum & Advocatorum, literarumque adeo in commune, l. 9. *supr. de Medicis & Professoribus*, & l. 7. *Cod. Iust. de postulando*: quæ quidem etiam *duæ leges* inter se coniungendæ veniunt: imo & cum hac nostra coassandæ videntur, velut vnus, eiusdemque Valentinianæ constitutionis partes, ad eundem Olybrium P. V. datæ, iisdemque Consulibus, imo & eodem mense emissæ. Certe ad eundem omnes illæ finem studiorumque rationem collineant: Nam vt hæc ad scholarium seu studiosorum institutionem pertinet, ita duæ illæ, ad professionem & exercitium studiorum & literarum: *Lex 9.* quippe ad *Medicos* spectat, quos Romæ secundum *merita* sua promoueri, compendiisque annonarum iuari iubet: quæ alioquin ipsa eiusdem Valentiniani paulo ante quoque mens fuerat, l. 8. *eod. tit.* quæ ad Prætexta-

tum P. V. data est. *Lex vero 7. Cod. Iust. de postulando*, ad Causidicos & ad Aduocatos pertinet: eaque iubentur, qui *meritis* nobilissimi sunt in foro, non ab vnus tantum litigatoris parte consistere, verum æquameorum diuisionem inter vtramque partem procedere: tum etiam patrocinium denegantes foro & postulationibus interdici. Hac proinde triplici ratione, vna eademque constitutione Valentinianus Imp. hoc tempore, studiis in vnuerfum consulendo, tria hominum genera circa hæc occupata in Vrbe Roma ad curam suam reuocauerit: Aduocatos scilicet d. l. 7. Medicos, d. l. 9. Scholares seu studiosos, hæc *leg.* singulorumque adeo *meritis* prouidit. Et istud quidem, enixe: quomodo etiam idem Princeps, statim vt imperio potiri cœpit, Doctores seu Professores erudiendis adolescentibus, vita pariter & facundia idoneos, vel nouum Auditorium instituere, vel intermissum reperere iussit: l. 6. *supr. de Medicis & Professoribus*. Christianos nempe, quos Iulianus Apostata a docendimunere submouerat: de quo ad l. 5. *supr. eod. tit.* Neque secius quoque frater eius atque in imperio collega Valens Imp. in Oriente, qui eo quoque nomine commendatur a Themistio Philosopho, in *προσπεπικω*, seu oratione n. p. 256. Edit. *Peisav. Flexæ* 1613. in 8. ad Valentinianum Iuniorem, quod sub nullo Imperatore tantum splendoris & ornamentum Musæ seu literæ acceperint, nullus Principum magis iuuenum animos ad studia literarum crexerit, nullus Eloquentiæ & Oratorum (hæcenus scilicet Themistius Orator & Philosophus consistit) laude celebres magis ad dignitates euexerit: *ἐπὶ τῷ γὰρ τῶν βασιλέων αἱ μῆσαι τοῦτο*

ὅσον ἐπὶ τῷ πατρὶος ἐξέλαμψαν καὶ ἐξήνθησαν; τίς δὲ ἄτως πρέσβισε τὰς ψυχὰς τῶν νέων ἐπὶ τῆς λόγῃς; τίς πρεβήκε τηλικαῦτα ἀγαθὰ; τίς ὁμότιμος ἐποίησατο τὴν ἀπὸ τῆς γλώττης ὁμοίμην τοῖς ἀπὸ τῶν ὀπλῶν; Quo enim sub imperatore tantum, quantum sub patre tuo ornamentis ac claritatis adepti sunt? Quis adeo iuuenum animos ad studia literarum erexit? Quis tanta pramia proposuit? Quis eloquentia laude celebres cum illustribus virtute bellica ducibus parem ad dignitatis gradum euexit? Vt ad Valentinianum redeamus. Tandem Valentiniani studium erga studia ingerit quoque præter hanc leg. & d. l. 6. sup. de Medicis & Professoribus, lex 10. eod. tit. Et si Ammianus Marcellinus lib. 30. cap. 8. inter vitia eius ponat, Quod eruditus emulatione quadam oderat, ut solus videretur bonis artibus eminere, quo vitio etiam Hadrianus exarsit. Et hæc quidem de ipsomet Valentiniano Sen. Imp. huius leg. Auctore, quod primo loco hic moneri & re fuit.

Illud secundo loco obseruandum, hanc legem nominatim pertinere ad Urbem Romanam, eiusque Academiam; & scholares seu adolescentes discendi cupiditate seu studiorum gratia hoc ævo eo ex omnibus orbis Romani Prouinciis proficiscentes, ac nominatim ex Africa, de quo potissimum est hæc lex. Scilicet hoc quoque ævo seu Valentiniani Sen. tempestate & proximis annis, Roma studiorum Nutricula seu Magistra erat, præstantissimæque Professoribus abundabat: cuius causa certatim eo iuuenes commeabant, & quidem ex Africa, ut modo dixi: cum alioquin Africa, ipsa iam olim Nutricula Causidicorum audiret, apud Iuuenalem Satyr. VII. v. 148. de quibus etiam Africa Aduocatis est lex 46. sup. de Decurionib. quomodo & in eadem Africa, & Karthagine quidem, liberalium artium scholæ erant, teste Augustino, lib. 5. Confess. cap. 8. & Saluiano Massiliensi, lib. 7. de Gubernat. Dei cap. 16. Neque ex Africa tantum, verum etiam ex Gallia, aliisque Prouinciis iuuentus studiorum gratia Romam certatim confluebat, & id quidem IVRIS potissimum & Eloquentiæ addiscendæ gratia. Vtrumque discimus ex Symmacho: de Iuris scientia est epist. 74. lib. 5. de Eloquentia est lib. 8. epist. 68. ubi ideo Romam, Latiaris facundia domicilium vocat. Sic & Claudianus, Panegy. 3. in laud. Stiliconis v. 137. Romam vocat, Armorum LEGVMQVE parentem, quæ primi dedit cubacula IVRIS: & Panegyrico in Conf. Olybrii, & Probinii v. 127. Eandem legum genitricem vocat: v. & quæ noto ad l. 2. sup. de feriis. Idque etiam comprobatur Hieronymus Rustici exemplo, ad eum ipsum scribens ep. 4. Tom. I. Oper. pag. 28. Edit. Erf. apud Christ. Genfch. Audio religiosam te habere matrem multorum annorum viduam, quæ aluit, quæ erudit infantem, ac post studia Galliarum, quæ vel florentissima sunt, misit Romam, non parcens sumptibus, ut vbertatem Gallici, nitoremque sermonis, grauitas Romana condiret. Rutilius quoque Numatianus Itinerarij sui lib. 1. v. 207. de Palladio quodam Gallo agens:

Facundus iuuenis Gallorum nuper ab aruis

Missus Romani discere IVRA fori.

Augustinus, lib. 6. Confess. cap. 8. Romam procefferat, ut IVS disceret. Sidonius quoque Appollinaris lib. 1. epist. 6. Romam, domicilium LEGVM vocat. Ennodius Epist. lib. 2. ep. 6. ad Pomerium quendam Arelatensem, Tom. I. Oper. Sirmond. pag. 827. Et latiaris vnde venam alumnus Rhodani perquirebas. Calliodorus non vno loco id ipsum inculcat, I. Variarum 39. & IV. Variar. 6. ubi facundam Eloquentia Matrem vocat. Idem testatur VIII.

Var. 12. quo suo vulgo iactatum, Literas Latinas Romæ non etiam alibi addiscendas: Quod & ipsum iam olim nonnulli contendeant. Vide Ciceronem diuinat. in Cecil. c. 13. & Epistol. Paulæ & Eustochij inter Hieronymi 17. pag. 82. Tom. I. Oper. Edit. Francf. Hinc adeo quoque Gothorum Reges, tanto post, magnam ibidem scholarum & Magistrorum curam gessere: & in his quidem Athalaricus apud Calliodorum IX. Variar. 21. vid. & X. Var. 7. Constantinus in vita S. Germani, cap. 1. Atque ut in eum perfectio literarum plena conflueret, post Auditoria Gallicana, intra Urbem Romanam IV. RIS scientiam plenitudini perfectionis adiecit. Et hæc quidem ita quoque de Academia, ac nominatim IVRIS, Urbis Romæ. De qua & illud præmonendum, hoc tempore Romam, antea virtutum omnium matrem, vitiis luxque diffusse, velut indulta ibi licentia vitiis: inter alia, intempestiuus conuiuiis, consortiis aleatorum, meretricum, ganeonum, immodico in spectacula studio: de quo Ammianus Marcellinus, non vno excessu, lib. 14. c. 6. & lib. 28. c. 4. Quo ideo pertinent quamplurima ex his quæ mox subicientur hæc leg. Sequitur igitur, nunc de ipsa Valentiniani constitutione videamus: cuius hic scopus est, ut adolescentes Romam discendi causa missi hoc vnum serio agerent, inque literarum studiis proficerent, neque ad licentiam abriperentur, de qua modo dixi. Hæc præsertim ætate, quæ maxima custodia eget: de qua ex Cicerone & Polybio postea, præsertim in Urbe Roma, ubi magna tandem licentia: ut ita per hos vilitati publicæ speique simul eorum consuleretur. In id vero Valentinianus Vndecim cautiones, seu canones leges, sic ut dicam ACADEMICAS præstituit: quibus accuratiores vix fingi tique possunt.

Prima hæc est, quod venturos ad Urbem Romanam scholares, Copiam veniendi seu Commeatum accipere velit a Iudicibus seu Recloribus Prouinciarum, in quibus consistunt: Atque in id Literas ab his συσταµάς, ἀπολυµάς accipere iubeat, quibus contineantur hæc tria: Patria eorum; Natale, quibus scilicet parentibus editi sint. Denique μερίτα, id est, dignitas parentum & generis. Quod quidem epistolarum seu literarum ἀπολυµάων genus, scholaribus ad Academiam Romanam proficiscentibus dari solitarum, notandum est, præter alias ἀπολυµάων seu dimissorias species: Eiusque simul contentia notanda: eo scilicet fine, de quo extrema legis parte.

Secunda lex Academica hæc est, quod Valentinianus iubeat, studiosos Adolescentes, ubi Romam venerint, eas Literas dimissorias, ἀπολυµάς, ad Magistrum Censum deferre. Nempe & alias Magistri census, eorumque Officialium seu Censualium Romæ muneris id inter alia erat, ut honestatis publicæ custodes essent: quod etiam patet ex l. 1. in fine, infr. de habitu quo vti oport. intra urbem. Quare & peregrinorum qui ad Urbem Romam accederent sollicitudinem gessere, uti honeste ibi sese gererent: Quod tota hæc lex de Studiosis nominatim testatur. Hoc, inquam, Magistri census & Censualium officium in Urbe inter alia erat: de quibus alioquin Urbicis Censualibus agitur, l. 13. 26. 27. sup. de Prætorib. l. 4. de testam. l. 5. de Princip. Agent. apud Symmachum lib. 4. epist. 8. lib. 10. epist. 36. Capitolinum in Gordiano Seniore. cap. 12.

Tertia lex Academica hæc est, quod Valentinianus studiosos Romam commeantes Profiteri statim iubeat in introitu, proculdubio apud eundem Magistrum census, seu apud Censuales, quibusnam studiis operam nauaturi venerint? num Eloquentiæ videlicet Romanæ, vel Græcæ? num profundiori

alicui

alicui scientiæ, puta Philosophiæ, aut IURI: hæc enim studia, vřantea ostendimus, sicut in noua Vrbe Roma, Constantinopoli (de quo l. 3. *infr. hoc eod. tit.*) ita & in Veteri Roma colebantur, docebanturque. Atque hæc quidem velut *Immatriculationis* species quædam erat, quæ in Academicis hodie obtinet.

Quarta lex Academica hæc est, quod Valentinianus *Hospitia* studiosorum seu scholarium Censualibus, de quibus *supra*, quique una cum Magistro census sub dispositione Præfetti Urbis erant, (vt præter *hanc leg.* integram, ac nominatim *vers. verum*, docet vel *Notitia Imperii*;) nota esse velit: quo videlicet ii non sinant scholares iis hospitiiis vii, quibus a proposito vel ab honestate abducantur: imo, vt diserte hic dicitur, quo ei rei imperiant curam, quam se adseruerint expetiisse: id est, vt id agant rudeantque scholares, cuius causa Romanis missi sunt seu venerant: Non vero in locis Edilem meruentibus, & damni conciliabulis hospitium figant. Atque id sollicite Censuales agere iubentur, velut in vrbe omnis licentiæ, pro magnitudine videlicet Urbis: vbi si hospitium moraturum non sit, frustra lubricam ætatem cohabeas, frustra ad studia adigas, frustra ad frugem perducas.

Quinta lex, superiori haud abfimilis, est: quod eosdem Censuales *Consortiis* & *Conuersationi* scholarium inuigilare iubet: ne videlicet ad praua abducantur, & prauas *confociationes*, quas Valentinianus *criminibus proximas* putare sese ait. Recte omnino: cui similes sententiæ plures passim occurrunt, quibus inculcatur, ἀγαθῶς ὁμιλῶν oportere: quo pertinet etiam Menandri locus apud D. Paulum, 1. Cor. XV, 33. Φθέρουσιν ἡ θη χορὴ δ' ὁμιλίᾳ κακῇ; & illud eiusdem: κακῶς ὁμιλῶν, καὶ τοὺς ἐκβήσῃ κακός: vt omittam alia, & in his Xenophontis lib. I. ὁπομνημ. pag. 714. Oper. Edit. Leonclau. & Theognidis v. 35. Basilii item, & Cyrilli. id vero vt in commune verum est & notissimum, ita in adolescentibus potissimum: Quo pertinet illud Plauti *Trinummus* Act. II. scen. 2. v. 32. 33. vbi adolescens ita de se:

*Isaac ego mihi semper habui atati tegumentum meæ,
Ne penetrarem me vsquam, vbi esset damni conciliabulum.*

Vide & Mostellariam Actu 1. sc. 1. v. 20. ac omnium maxime Romæ, vbi tot damni conciliabula erant, tot turpes, inhonestæ confociationes, de quibus in partem dixi ad l. 3. *supr. ad leg. Iul. de adulteriis*.

Sexta lex Academica hæc Scholaribus Romæ, eorumque conuersationi a Valentiniano Imp. figitur, ne *Spectacula* frequentius adeant. Immoderatum scilicet spectaculorum studium omnibus qui grauioribus studiis vel officiis incumbant, vitio maxime datum: veluti Ecclesiasticis, de quo videndi sunt *canones Ecclesiastici*. Iudicibus item, seu Rectoribus Prouinciarum, l. 2. *supr. de officio Rectoris Prouincia*: & l. 1. 2. 3. *infr. de spectaculis*: Libanius *Oratione* quam edidi περὶ τῶν δεσποτῶν p. 62. & pag. 405. 406. Oper. minor. Goibfr. Edit. Cl. Trotz. Gregorius Nazianzenus *epist.* 74. vel 71. Militibus item, de quo vid. Chrysostomi locum *homilia* 14. in *Timoth.* 1. cap. 5. in ἡθικῶ in fin. pag. 1593. Edit. Commelin. His adde ex *hac leg.* studiosos. Quo tamen studio sicut Vrbs Roma in commune ardebat, ita & ipsemet ille Olybrius P. V. cui hæc constitutio inscribitur, exarsit: quem ideo Ammianus Marcellinus, lib. 28. cap. 4. scribit, *civiliorem vitam pene omnem vergentem in luxum per argumenta scænica amoresque, nisi nec vetitos, nec incestos, peregisse. Studiosi igitur itidem ab*

immodico spectaculorum studio *hac leg.* reuocantur. Prona quippe hæc, si quæ alia, motum corruptela, atque a studiis abducendi materies; δεινὸν πρᾶγμα καταδελύσασθαι τὸν νέον. Quo, vt & ad sequentem mox legem pertinet protrepticon Petronii cap. 4. ad scholasticos adolescentes, iuuenes studiosos.

*Artis seuera si quis amat effectus,
Mentemque magnis applicat; prius more
Ergulitatis lege polleat exacta:
Nec curet alto Regiam trancem vului,
Cliensque COENAS impotentium capiet:
Nec PERDITIS additus, obruat VINO
Mentis calorem: neue PLAVSOR IN SCENA
Sedeat redemptus HISTRIONÆ ADDICTVS.*

Hinc adeo Libanius quoque in Codice Regio, *epistola ad Andronicum* 170. & in Edit. Woffii 175. Bassum ex Phœnicia studioium eo commendat, quod ὕπνον Φυγῶν καὶ Θεαμάτων ἡδονῶν βλαβεράς, somnium & noxia spectaculorum oblectamenta fugiens, vnice studiis & sedulo incubuerit. Idque ipsum prædicat & de Faustino ep. ad Italicianum 580. Edit. Wolff. & de se ipso adolescente de *vita sua*, p. 3. Edit. Morell.

Septima lex Academica hæc conuersationi pariter studiosorum Romæ ponitur, ne *Conuiuia intempestiua* vulgo adpetant, seu commessentur. *Intempestiua* conuiuia sunt siue frequentia, cum δειπνᾶ δειπνοῖς συνέχοντο; siue extra tempus, idque siue quia in noctem intempestiuam producuntur, trahuntur, vbi nox patera ducitur, donec *Initiat radios in mea vina dies*, vt Propertius, lib. 4. *epist.* 6. canit: & in lucem producta, vt Martialis lib. 1. *epig.* 29. Claudianus l. 2. in *Eutrop.* v. 84. vique ad diurnam stellam crastinam, vt Plautus *Menæch.* Act. 1. sc. 2. v. 62. εἴθεον pag. 710. Luciano in *Θεῶν Εκκλησίᾳ*, & *δικαστηρίῳ*, pag. 223. *Tom. II. Oper. Edit. Græu.* quæ & ipsa *Intempestiua*: non minus enim *intempestiuum* est, quod ante statum tempus & præmaturum, quam quod ultra tempus trahitur: siue quia de die a primo diei, vel multo die ante horam solitam, contra Maiorum disciplinam: quæ de die conuiuia Curtio lib. 5. cap. 7. num. 4. dicuntur. Quintil. *declam.* 260. vbi de adolescente corrupto, *Cum sodalibus inuit paulo tempestiuiora conuiuia.* Quorum postrema etiam *conuiuia tempestiua, conæ tempestiua*, apud alios dicuntur, quia scilicet tempori, mature, de tempore, εἴθεον præmatura, atque ideo in vitio (nisi vbi officium aliquod veluti nuptiale intercederet, vel simile:) de quo multa V. C. Lippius ad 14. *Annal. Taciti*, contra Turnebum VI. *Adn.* 16. & *Manutium de quaestis per epistolam*: 1. *epist.* 5. pag. 203. *Tom. IV. Lampad. Gruteri.* Græcis δειπνον istud ἑωρον, ἑωρότερον, temporius, vel ἑωρίτερον τῆ κατερισμένης καὶρῆς, vel ἑωρίτερον, Græci etiam dicunt ἐν ὥρᾳ, de bonne heure. De quo Cassaubonus IV. *Animad.* in *Athen.* cap. 9. quod τῶν ἀσώτων erat. Cicero pro Muræna. c. 6. *Amæni loci, tempestiui conuiuii* (alii Codices habent *intempestiui*;) multarum *deliciarum comes est extrema saltatio*, Aleæus hanc ἀσώσιαν notauit hisce, πῶνμεν, δάκρυλ' ἡμέρα, sic & apud Chrysostomum *homilia* 6. in cap. 1. *Genes.* in fin. σύλλογοι ἀκαχοί, *intempestiua conuenticula*, & ἰστροποιίαι, *circenses ludi*, iunguntur. Contra, in laude apud Persium *Satyra* 5. *primas tantum epulis decerpere noctes*, *Intempestiua* alioquin proprie nocturna, seu in multam noctem. Quem morem a Studiosis Athenis viŕpatum sub Constantini M. extremis carpit Libanius de *vita sua*, p. 8. 9. Edit. Morell. quo loco suam

suam Athenis (studiis operantis) moram, suumque ab illis animum auersum describit. *Intempestius* tandem conuiuia tertio quoque significato dicuntur, quæ temporibusque gerendis, rerumque siue publicarum, siue privatarum statui non conueniunt, siue die siue nocte: ut apud Suetonium, in *vita Caligulae*, c. 45. Curtium, lib. 6. cap. 2. v. 2. Tempestiui contra conuiuuii mentio fit apud Apuleium, in *Apologia*, p. 283. Edit. Lugd. Bat. apud Ioan. Maire 1623. quod scilicet suo statoque & solemniori tempore agitur.

Octaua lex Academica hæc scholaribus a Valentiniano ponitur, quod iubeat, studiosum, qui indigne sese in vrbe gereret, verberibus publice affici, vrbeque pelli, nauigioque impositum domum in Africam, in specie *huius leg.* remitti. Quod quidem potissimum ostendere videtur, quantae fuerit tum Romæ seu in Academia Romana Adolescentum & Scholarium hac tempestate licentia seu corruptela, quam grauiter adeo coerceri oportuerit, si indigne sese gereret: quibus verbis non leue aliquod peccatum indicatur, verum indigna plane studio vita. Quod de Adolescentibus nauigio imponendis, hic additur, haud ab similibus prorsus mos, etsi sine dispari, quo delatores olim vrbe pulsi, nauigioque impositi; de quo Martialis, & Plinius *Panegyrico*, c. 42. Et hætenus quidem *leges*, quibus, poenarum etiam metu adolescentes seu studiosi in officio habiti, modestiæque eorum & diligentia circa studia Romæ cohibita.

Nona nunc lex sequitur Academica, de SPATIO seu Tempore studiis præstituto Romæ. Valentinianus Imp. scilicet studiosis seu scholaribus ad vice-simum ætatis annum vsque Romæ commorandi studiorum causa, atque adeo studiis incumbendi potestatem facit. Vice-simus scilicet iam olim annus meta fuit finisq. studiorum: ut & instructionis in commune, quod docet quoque *lex*, 3. §. 5. *D. vbi pupillus educari*. Aliquando & alicubi fuit vigesimus quintus tempore Diocletiani & Maximiani, ut docet *lex* 1. & 2. *Cod. Inst. qui ætate vel professione se excus.* E quibus *lex* 1. singularis admodum hic sterni meretur.

Impp. Diocletianus & Maximianus AA. Severino & aliis scholaribus Arabia.

Cum vos adfirmetis, liberalibus studiis operam dare, maxime circa IVRIS professionem, consistendo in ciuitate Berytiorum Prouincia Phœnicia, prouidendo utilitati publicæ & spei vestræ, decernimus, ut singuli vsque ad vice-simum quintum annum ætatis suæ studiis non auocentur. De Berytienti equidem Iuris Academia celeberrima alibi dixi plene: at nunc notandum, eam legem inscribi scholaribus Arabia; hi scilicet e vicina Arabia & contermina, Iuris studii ergo Berytum passim commeabant: Qui quidem ipsi Scholares Arabiæ velut sub certo Corpore, schola, *πληρωμα* egisse videri possint, ut in nonnullis hodie Academiis Scholares in nationes & Prouincias distinguuntur. Ad idem studiorum spatium seu tempus pertinet quoque Alexandri Severi Imperatoris *lex* 2. *Cod. Inst. de incolis*: vbi dicitur, nec ipsos qui studiorum causa aliquo loco morantur, veluti in splendidissima ciuitate Laodiceæ, domicilium ibi habere credi, nisi decem

annis transactis eo loco sibi sedes constituerint, secundum epistolam D. Hadriani. Nempe olim a duodecimo ferme anno ad 14. vsque pueri studiis liberalibus imbebantur, id est, Grammaticos & Geometras adibant, teste Egineta *περὶ διαιρέσεως ἡπτα* lib. 1. cap. 14. & l. 21. §. *ultim.* *D. de ann. leg.* inde post decimum quartum ætatis annum ad scholas seu Academiis mittebantur, Maioribus scientiis imbuendi: puta Eloquentiæ, Philosophiæ, Mathematicæ, IVRIQUE: Quo pertinet omnino Pauli Eginetæ consilium *d. lib. 1. cap. 14.* cuius verba aliaque plura retuli ad l. 1. *supr. de excusat. artif.* Quinquennium proinde studium sufficere visum; Quinquennium scilicet quod est a tyracinio ac sumpta virili toga ad annum vsque vice-simum. Quo temporis spatio maxima custodia adolēcentes indigent teste Cicerone *pro M. Caelio*, c. 5. Idemque ait Artemidorus *l. 1. c. 56.* & ex eo Suidas *ὁ ἐφηβος*: ἡ δὲ ἐφηβεία κατὰ τὴν ὁρὴν βίη καὶ ὕγιες. Eodemque pertinet quod Polybius scribit in *Excerptis Valef.* p. 153. quo spectat & *lex* 3. §. *pen.* *D. vbi pupillus educ.* Ad vice-simum igitur ætatis annum vsque studiosi in Academia Romana studendi licentia a Valentiniano Imp. hac *leg.* tribuitur. Et quia sufficere id tempus ad cursum studiorum ut loquuntur, absolueundum visum, & ne studiorum obtentu diutius patriæ munera defugerent: quo hac quoque *lex* respicit, & *d. l. 1. 2. Cod. Inst. qui ætate, vel professi.* & *d. l. 2. Cod. Inst. de incolis*, p. 201. Huic vero simile quid de scholasticis privilegio, vide apud Paponium *Placitorum lib. 5. tit. ultim. arresto 1.* Cæterum quod legitimum studiorum tempus attinet: Iuris quoque studio quinquennium a Iustiniano fixum *Constit. omnem Reipubl.* Quod etiam Salmantica statutum memorant: Iure Pontificio, Theologia quinquennium itidem, *cap. ult. de Magistr.* Iuri vero Pontificio septennium, *c. ex eo, de elect. in. 6.* Neque mirum, hac Valentiniani *leg.* studiorum cursui absolueundo vice-simum ætatis annum poni, (*) quia iuuentus Romana ancillaribus iam artibus domi ab ineunte ætate affatim instructa, maioribus disciplinis addicendis ad Academiis mittebatur, cum ad primores artes illas probe adsequendas multo tempore magnoque hodie labore & morositate opus est. Ut proinde hodie non statim vice-simus annus studiis absolueendis poni debeat *huius leg.* argumento.

Decima lex Academica hæc a Valentiniano ponitur, quod iubeatur Præfectus Urbis Roma commovere Officium Censuale, (quod sub dispositione Præfecti Urbis erat.) seu Censuales illos ipsos, qui *supra* iussi sunt scholaribus inuigilare, siue in ipso ad Urbem Romam aduentu, siue in hospitandis iis, siue in officio continendis, ne superiora perfunctorie fortasse curentur, *breuius* suis, seu *Matricula*, sic ut dicam, studiosorum nomina adnotare per singulos menses. Quinam studiosi vel vnde venerint? quinam pro ratione temporis, Romæ scilicet exacti, domum remittendi sint: Postremum istud scilicet ne diuturniorem moram Romæ peragerent, quam tempus legitimum quod dixi ferret. Sub hac tamen exceptione; *Exceptis his*, inquit, qui *Corporatorum sunt oneribus adiuncti*, (**) id est, exceptis iis Iuuenibus Scholaribus, qui cum studiorum causa Romæ agerent, eo tempore

(*) CONRINGIVS in *dissertat.* ad b. l. pag. 45. ad verba, vsque ad vice-simum &c. hoc notat. Licuit nimirum, nisi tallor ipsum annum vice-simum Romæ in studiis absolue; Adeo benigne scilicet interpretanda arbitror illa verba, vsque ad vice-simum ætatis annum: quæ fateor accipi etiam possint, quasi & illum annum Romæ degere fuerit veritum.

(**) CONRINGIVS *dissert. cit.* pag. 84. fatetur ingenue, se non capere hæc verba, & multis de Corporatis disputat, quorum notitiam tamen pleniorē ex nostri Commentario ad tit. 2. huius libri haurire lectores possunt.

pore Corpori alicui Urbis Romæ sociati fuerunt. Peregrini scilicet Romæ agentes corporatis adnecti potuerunt sæpeque soliti: vt præter hanc legem docet quoque *lex vnic. de Equestri dignitate*: vid. & quæ noto ad *l. vnic. de Mancipibus*: docet & Ambrosius *lib. 3. officior. c. 7.* vbi inter peregrinos ob famem Vrbe Romæ electos, etiam Corporatos memorat: vid. & Nouellam Valent. inter Theodosianas de *Pantapolis 40.* Et in his quidem Scholares, qui inde iam incolæ, vt in *sp. d. l. 2. Cod. Iust. de incolis: & Corporati.* Ratio huius exceptionis hæc est, quod cum ordinarie Studiosi ultra legitimum tempus Romæ morari non possint, ne diutius his patria defraudetur, muneraque adeo publica illi declinent, certe aliorum ciuitatum utilitatem communi patriæ, Romæ inquam, pro reuerentia Urbis æternæ, vt loquitur idem Valentinianus, *l. 1. eo tit.* in honorem æternæ urbis, *l. 3.* cedere æquum sit: cuius interest Corporatis eam augeri, qui videlicet necessitatibus publicis ibi consulerent. Atque hoc inter cætera priuilegium notandum est, vt Urbis Romæ, ita & Corporatorum eius urbis: de quibus alioquin priuilegiis Corporatorum est *titulus 2. peculiaris supra*, hoc ipso libro. Neque mirum studiis quoque imbutos Corporatorum Corpori sese sociasse; nam & quædam proculdubio Corpora erant, in quibus litterarum peritia desiderabatur.

Postrema lex Academica isthæc ponitur a Valentiniano, ac velut omnium *legum Academicarum* clausula, quod iubeat, hos ipsos Breues seu studiosorum Matriculam ad scriinia sua, seu ad se Principem mitti: non quidem singulis mensibus, sed singulis annis: Studiosorum inquam, qui Romæ studiis operarentur, vel operati domum remitterentur, remittendique essent: Vt ita, quæ ratio hic expresse additur; *Meritis singulorum institutionibusque compertis, utrum quandoque futuri sibi, Principi, sint necessarii*, publiceque adeo utiles, iudicare ipse possit. Quod quidem egregium Valentiniani institutum est, & laude cumprimis dignum. Cui geminum est Valentis institutum hoc ipso tempore, quem Themistius *orat. II. pag. 256. Edit. Petauii Flexie 1613. in 8. ait, iuuenum animos, ad studia plurimum inflammasse: ἡγεθῆσε, inquit, τὰς ψυχὰς τῶν νεῶν ἐπὶ τὰς λόγους.* Huic sane proxime accedit, quod Iustinianus præfatione Institutionibus præmissa ad cupidam Legum iuuentutem scribit §. *vl. Summa itaque opè & alacri studio has leges nostras accipite, & vosmet ipsos sic eruditos ostendite, vt SPES vos pulcherrima soneat,*

totò legitimo opère perfectò, posse etiam nostram REMPUBLICAM in partibus eius vobis crendis gubernari. Sic igitur Valentinianus utilitati publicæ simul & SPES scholarium consultum voluit: vt in *sp. quoque d. l. 1. Cod. Iust. qui etate vel professione*, consulitur. Quibus adde & similia ex constitutione ad Antecessores §. *6. & 11. seu vltim.* Quomodo & eidem spei alia adhuc ratione Constantium consuluisse Auctor est Eumenius *Orat. pro scholis instaurandis, cap. 5.* Et vero non vltima hæc Principis laus & virtus est, non modo vt iuuenum indoli consultum velit, idque agere vt ingenuis artibus erudiantur, verum & eorum merita nosse: vnde postea suo tempore eos in partem curarum adfiscere, Reique publicæ admouere possit. Hac igitur de causa Valentinianus ad se Principem de studiis referri voluit. Certe Iulianus Apostata quoque, de Magistris studiorum Doctoribusque qui iudicio Ordinis, id est, Curie, probati fuissent, ad se referri voluit, hac equidem ratione prælata, vt altiore quodam honore suo iudicio ad studia ciuitatum accederent, *l. 5. infr. & Cod. Iust. l. 7. de Medicis & Professoribus*: verum secretior illi adhuc causa quædam fuit: de qua ad eam leg. Et quid si Valentiniano quoque hac ipsa lege secretior causa fuit, vt ita scilicet Christianos potissimum & Christianorum sobolem, qui studiis operam dedissent, sibi Reique publicæ admoueret? Quod non adeo puto: nam Olybrius ipse P. V. cui hæc lex inscribitur, paganus erat. Et quid si etiam arcano quodam politico Valentinianus id ita constituit, vt ita nosset quamnam pubes velut Prouinciarum obfes Romæ ageret? Sed nos rationi, quam Valentinianus ipse reddit acquiescamus. Atque illud, vt eo nunc redeam, imprimis notemus, Sexennium ferme studio & quidem LVRS in Academia Romana hac Valentiniani constitutione præstitui, prouidaque sanctione; his inquam qui SEDULO operam professionibus nauarent, quique legitimo spatio decutso, Reipublicæ necessarij esse possent.

Ad hoc exemplum, vos, penes quos Imperium est, salutique publicæ curæ esse debet, hodie prouocamus. Eia qui iuuenturis vestræ indoli consultura cupitis, qui adolecentum spei, quique adeo Rempublicam saluam vultis, similem curam capeffite, Annuariamque hodie studiis ac nominatim Iurisprudentiæ, legem figite, a qua iuuenes in forum, vel ad rerum actum, aut Tribunalia mitti recte possint.

De ANTIQVARIIS, & de CVSTODIBVS Bibliothecæ Constantinopol. Valentis lex.

II. (a) Idem AAA. Clearcho P. V. (b)

ANTIQVARIOS, ad Bibliothecæ (c) codices componendos, vel pro vetustate reparandos, quatuor Græcos, & tres Latinos, scribendi peritos, legi (d) iubemus; quibus de caducis popularibus (& ipsi etenim videntur e populo) competentes inperit. antur annonæ: Ad eiusdem Bibliothecæ custodiam Condicionalibus & requirendis & protinus adponendis. (e) Dat. VIII. Id. Maij, Modesto & Arintheo Coss. (372.)

NOTÆ.

(a) Abest & hæc lex a *Cod. Iustin.* Iungenda autem ei *lex 20. supr. de Prætoribus: & emendato die, lex 7. infr. de annonis ciuicis.* GOTTOFF.

(b) Constantinopol. Meminit huius *Clearchi* P. V. *Constantinop. Socrates lib. 4. cap. 8. & Hieronymus Chronico, Ann. 374. vid. Prosopogr. ID. Tom. V.*

(c) Constantinopolitanæ: de qua mox. *Id.*(d) A te P. V. *Id.*(e) Adponendi vox propria de Custode: vid. Martial. *lib. 1. epig. 74.* Sueton. *Tiberio, c. 22.* & *Claudio, c. 2. Id.*

COMMENTARIUS.

VALENTIS hæc constitutio est: qua BIBLIOTHECÆ Constantinopolitanæ consulit Anno D. 372. partim codicibus eius componendis, vel pro vetustate reparandis; partim ad eius Custodiam. Scilicet, ad prius illud *Antiquarios* septem, puta quatuor Græcos, tres Latinos, scribendi peritos eligi, iisque annonas competentes de caducis popularibus præberi: Ad istud vero custodes conditionales requiri, protinusque adponi iubet. Quæ quidem lex pars est prolixioris *Valentiæ* constitutionis, ad *Clearchum P. V.* emissæ: qua Valens Imp. in vniuersum populi Constantinopolitani commodis consultum iuit: & quidem in tribus, 1. oblectationibus inquam populi, quo pertinet *lex 20. supr. de Prætoribus*: 2. Annonæ populari, quo spectat *lex 7. infr. de Annonis Ciuiis*, & in partem hæc ipsa quoque: denique vtilitati populi ex Bibliotheca, quo potissimum pertinet *hæc lex*: cui proinde duæ illæ velut vnius & eiusdem constitutionis partes coassandæ veniunt. Nunc de *huius leg. sententia*, quæ ut dixi est de Bibliothecis. De Bibliothecis Urbis Romæ non est hic agendi locus: De Constantinopolitana, quo *hæc lex* pertinet tantum videndum est. Eam primum publicare cepit *Constantius Imp.* ante annos viginti ferme, circa Annum D. 354. Quo nomine Constantium multis laudat *Themistius Oratione 13.* quæ habita est eo Anno 354. a pag. 305. ad 309. Edit. *Petau. Flexæ 1613. in 8.* vbi etiam addit (quod huic leg. proximum est) ei operi *Curatorem* a Constantio præfectum, cui annonam & impendia dederit, καὶ τὰς τε μὲν ἀρχοντας ἐπὶ τῷ ἔργῳ, καὶ ἐπιδιδῶσι τὴν χορηγίαν τῷ δαπανήματι, eique operi *curatorem præficit, cui sumptus omnes ac impendia subministrat*, sub quo tamen alii Librarii fuerint. Ita quidem Constantius inter initia huius Bibliothecæ, excitandæ. At enim aucta iam in immensum Bibliotheca, Valens septem ei præficit *hæc leg. Antiquarios*: nempe, ut ipse *Antiquarios* describit, qui codicibus componendis, vel pro vetustate reparandis vacarent. *Antiquarius* in Glossis est ἀρχαιογράφος, καλλιγράφος. Horum frequens mentio apud Veteres. *Ausonius, epist. 16.* ad *Probum PP.* Oblata per *Antiquarios* mora. *Hieronymus Epist. 6.* ad *Florentium*, *tom. 1. pag. 34.* Edit. *Francos.* *vet. seruiunt.* *Augustinus de verbis Domini, sermone 44. liv. 98. n. 3.* Edit. *Benedictin.* Quomodo qui videt literas in Codice optime scripto, & non nouit legere, laudat *Antiquarii* manum, admirans apicum pulchritudinem. Adde *Sidonium lib. 9. epist. 16.* *Cassiodorum diuinar. lect. cap. 15. & 30.* (vbi scite *Antiquarios* describit:) *Historiam Tripartitam lib. 2. cap. 16.* *Gregorium l. 1. Dialog. c. 4.* sunt qui hos ἀρχαιογράφας dici putant l. 18. §. 10. D. de muneribus. Sed male. *Isidorus* quoque *Origin. VI. 14.* ait, Librarium noua & vetera scripsisse: *Antiquarium*, qui tantummodo vetera, vnde & nomen sumpserit. Id quod verum esse *hæc lex* ostendit: *Antiquarios*, inquit, ad Bibliothecæ Codices componendos, vel pro vetustate reparandos, scribendi peritos. *Themistius d. loco*, ita describit, οἱ ἱκανοὶ εἰς τὸν νῦν μετακίβαν ἐκ παλαιᾶς στήνης ἐκλετηκότες εἰς ἀρτιπαγές τε καὶ νεκρὸν, id est, qui ea facultate præditi sunt, ut mentem ex antiquo & vniuerso taber-

naculo in recens ac nuper fabricatum transferant. Et ut paulo ante dixit, qui animas sapientum ex sepulchris in lucem reuocant, τὰς ψυχὰς αὐτὰς τῶν σωφῶν ἀνακαλεῖται, καὶ ἀνίστην ἐκ τῶν τάφων. Proximo sensu *Antiquarii* dicti, qui inter mortua atque ab vsu remota verba viurpant. *Iuuenalis Satyra VI. v. 454.*

Ignotusque mihi tenet Antiquaria versus.

De *Antiquorum* ceteroquin Codicum collatione dixi ad l. vnic. supr. de responsis *Prudentum*. Memorantur & *Antiquarii* quatuor in scrinio memorie, *Leonis l. 10. Cod. Inst. de proxim. sacrorum scriniorum*: quos cum his confundunt *Viri docti*: qui scilicet adnotationes Principis & veteres preces in scrinio memorie tractabant.

De his igitur Bibliothecæ Constantinopolitanæ *Antiquariis* a Valente duo hæc leg. constituuntur. Primo quidem *Numerus* eorum definitur: nempe, *Antiquarios* quatuor Græcos, tres Latinos Bibliothecæ Constantinopolitanæ adponi iubet: & sic septem in vniuersum. Vbi observandum, maiore numero Græcos ordinari, utpote in Græca regione, & in quam Græcorum cummaxime scripta coaceruarentur: de quo & *Themistius, d. loco*. Pari ratione *Theodosius Iun.* plures in Academia Constantinopolitana *Sophistas* esse voluit, quam *Oratores, l. ultim. prox.* Secundo, *Annonas* his *Antiquariis* præberi iubet *Valens* de cadutis popularibus: addita ratione: & ipsi etenim videntur e populo. Popularia, seu populares annonæ sunt, veluti panes, ceteraque quæ de publico p. 203 populo siue Constantinopoli siue in Urbe Roma distribuebantur: de quibus erit *infr. tit. de annonis ciuiis*. Quæ & comoda popularia dicuntur, l. 3. supr. tributa in ipsis speciebus comoda populi, l. 3. infr. de Canone frum. V. R. l. 8. supr. de Medicis. Nempe *Annona*, quæ Constantinopoli nominatim præbebatur, tres species erant: aliæ *Palatinæ*, quæ *Palatinis*: *Militares*, quæ *Militaribus*: populares, quæ populo seu popularibus dabantur: ut docet *lex 7. infr. de annonis ciuiis*, quæ huic leg. ut iam notavi. coassanda venit, vna cum l. 7. supr. de Prætoribus: De quibus popularibus *annonis* Constantinopoli videndus quoque *Sozomenus, lib. 3. cap. 7.* Ceterum hæc annonæ, & populares quidem certis casibus caduca fiebant, (vnde & caduci panes in eiusdem *Valentis* Constitutione, l. 1. infr. de annonis ciuiis, vbi dicam:) id est, deberi desinebant, atque adeo fisci viribus vindicabantur, & in horreorum condita recidebant & residebant, ut docent diserte d. l. 1. & 7. Ex his igitur popularibus *annonis* caducis, *annonas* *Antiquariis* præberi iubet *Valens* hæc leg. ratione addita, & ipsi etenim *Antiquarii* e populo videntur, id est sunt: neque enim aut *Palatini*, aut *Militares* erant: verum e populo: du tiers Estat. Popularis scilicet *annona* caduca populari recte *Antiquario* cedit, ut in commune sui cuiusque Ordinis *annonas* cuique Ordini seruari voluit idem *Valens Imp. d. l. 7.* quæ ut dixi huic coassanda est. Ergo *Antiquariis* Bibliothecæ Constantinopolitanæ ex *annonis* popularibus & quidem caducis *annonas* assignat hæc leg. *Valens Imp.* Et sic de *Antiquariis*, quod primum est caput.

Secundo

Secundo capite *Custodia* Bibliothecæ Constantinopolitanæ consulit Valens: Nempe ad Bibliothecæ custodiam Conditionales adponi vult, *Conditionales* sunt, qui conditione personæ suæ & officii munerisque ita adstricti sunt, ut & emeritæ conditioni, id est, quæstioni seu tormentis subiici possint. Ergo hoc sensu Conditionales Bibliothecæ

custodes esse vult Valens: quomodo & Auri flatores, l. ultim. supr. de Ponderatoribus: conditionales Aanonarii, Actuarii Numerarii, l. 5. 7. 8. supr. de Numerariis: Conditionales Tabularii, l. 11. Cod. Iust. qui potiores in pign. serui quoque quidam Conditionales, l. 5. supr. de iure fisci, ubi dixi, seu l. 7. Cod. Iust. eod. tit.

De PROFESSORIBUS publicis Constantinopolitanis: 1. ut his tantum, non aliis, 2. & publice quidem tantum docere ius sit: 3. deque certo eorum Numero, Theodosii Iun. lex.

III. (a) Impp. THEOD. & Valentinianus Cæs. (b)

VNIVERSOS, qui vsurpantes sibi nomina *Magistrorum*, in publicis magistrationibus (c) cellulisque (d) collectos vndecumque discipulos circumferre (e) consueverunt, ab ostentatione vulgari præcipimus amoueri; Ita ut, si qui eorum post emissos (f) diuinae sanctionis adfatus, (g) quæ prohibemus adque damnamus iterum forte temptauerit, non solum eius quam meretur infamiae notam subeat, verum etiam pellendum se ex ipsa, ubi versatur inlicite, Vrbe, (h) cognoscat. Illos vero, qui intra plurimorum domus eadem exercere priuatim studia consueverunt, si ipsis tantummodo discipulis vacare muluerint, quos intra parietes domesticos docent, nulla huiusmodi interminatione prohibemus. Sin autem ex eorum numero fuerint, qui videntur (i) intra Capitoli Auditorium constituti, hi omnibus modis priuatarum ædium studia sibi interdicta esse cognoscant: (k) Scituri, quod si aduersum cœlestia (l) statuta facientes fuerint deprehensi, nihil penitus ex illis priuilegiis consequentur, quæ his qui in Capitolio (m) tantum docere præcepti sunt, merito deferuntur. Habeat igitur Auditorium specialiter Nostrium in his primum quos Romanæ eloquentiæ doctrina commendat, Oratores quidem tres numero, decem vero Grammaticos: in his etiam, qui facundia Græcitatibus (n) pollere noscuntur, quinque numero sint Sophistæ, & Grammatici æque decem. Et quoniam non his artibus tantum adolescentiam gloriosam (o) optamus institui, profundiores (p) quoque scientiæ adque doctrinæ memoratis Magistris sociamus auctores. (q) Vnum igitur adiungi ceteris volumus, qui Philosophiæ arcana (r) rimetur: duos quoque, qui Iuris ac Legum formulas (s) pandant. Ita ut unicuique loca specialiter deputata assignari faciat Tua Sublimitas: (t) ne discipuli sibi inuicem possint obstrepere, vel Magistri: neue linguarum confusio permixta, vel vocum, aures quorundam, aut mentes a studio litterarum auertat. Dat. III. (v) Kalend. Mart. Constantinop. Theod. A. XI. & Valent. (x) COSS. (425.).

N O T Æ.

(a) *Lex unic. Cod. Iustin. eod. tit.* Iungenda autem huic est *lex ult. infr. de operibus publicis.* Imo & *lex unic. supr. de Professoribus qui in Vrbe Constantinopol. docentes ex lege meruerunt Continuum.* Et si aliqua in Inscriptione & Subscriptione diuersitas intercedat. GOTHOF.

(b) In *Codicis Iustiniani* Editionibus omnibus, additum P. V. In d. l. ultim. aperte additum *Constantio P. V. in d. l. unic. Theophilo P. V.* quod Cuiacius huic leg. in *Codice* inscripsit, ex ingenio, an ex MS. aliquo? incertum. Certe, & hanc P. V. inscriptam fuisse, docent vel extrema illa huius leg. assignari faciat *Tua Sublimitas*, collata cum legis argumento, utpote, in qua agitur de Professoribus in Vrbe Constantinop. ID.

P. 204.

(c) *Magistraciones* seu *Cellulæ*, in quibus Magistri docebant: a Magistris *Magistrandi* vox, quod est docere. Spartianus Adriano cap. 10. *vitam militarem magistrans.* Festus voc. *magisterare*: *Magisterare regere & temperare est: magisterare, moderari: unde Magistri non solum Doctores Artium, &c. Magistrare experientia, apud Cassianum.* Inde *Magistraciones*, loca ipsa. ID.

(d) *Cellule*: de his quoque agitur d. l. ult. infr. de operib. publ. quæ huic coniungenda est. ID.

(e) *Circumferre*, vox agyrtis, circitoribus, periodicis propria; qui ostentationem vulgarem sectantur. ID.

(f) Hos scilicet. ID.

Tom. V.

F f a

(g) *Affatus*

- (g) *Affatus* diuinæ sanctionis, pro constitutionibus & Rescriptis: vid. *Gloss. Theod.* ID.
 (h) Hac Constantinopolitana. ID.
 (i) *Videntur constitui*, pro sunt constituti. Ita d. l. ult. *supr. de operib. publ.* quæ huic coniungenda est. Quæ *Se-
 ptentrionali* videntur adhaerere porticiui. Et ita passim hoc Codicē: vid. *Gloss. Theod.* ID.
 (k) *Agnoscenti*, Cod. Iust. ID.
 (l) *Cælestia* statuta, id est, Imperialia: vid. *Gloss. Theod.* ID.
 (m) In Capitolio. ID.
 (n) *Græcitas*, pro *Græca Lingua*. ID.
 (o) *Gloriosa* adolescentia, nondum gloriæ compos, sed ad gloriam affectans, grassans. ID.
 (p) *ꝑꝑ. profundioris*. Et ita habet Cod. iust. ID.
 (q) *Auctores*, sunt Magistri, Professores. ID.
 (r) *Κρυφα λέγει*, *Arcana Philosophiæ* ? *Iuris formulæ*. ID.
 (s) Loco *formulas*, reposuit hic *τῶν πρὸς. voluntates*, nimia superstitione: de quo mox. ID.
 (t) *Præfectum* vrbis alloquitur. ID.
 (v) Ita quoque d. l. ult. *de oper. publ.* quod Parisiensis Editio omiserat; at in d. l. vnic. Idib. Mart. ID.
 (x) id est, *Valentiniano*, quod in *Valente* perperam mutauit *Editio Parisiensis*. ID.

C O M M E N T A R I V S.

THEODOSII Iunioris hæc lex est, non vero Constantini, aut Gratiani, quod nonnulli temere prodidere: neque etiam ea Valentiniano Tertio, communicanda venit: quod & ipsum tamen quidam tradunt, etsi pro more tum recepto eius quoque nomen legi inscribatur. Et est ea (quod secundo notandum) prolixioris Theodosianæ constitutionis pars, de ACADEMIA, vt hodie loquimur, & PROFESSORIBVS Vrbis Constantinopolitanæ: vnde duæ præterea leges supersunt, puta lex ult. *infr. de operib. publ.* & l. vnic. *supr. de Professoribus qui in Vrbe Constantinop.* quæ proinde huic coassandæ veniunt: etsi aliqua Inscriptio- num & Subscriptionum diuersitas intercedat, vt iam in Notis monui. Minor sane in d. l. vltim. ibi enim omnia similia sunt; excepto quod ibi Inscriptio Constantii P. V. nomen præfert, quod hic intercidit. Maior diuersitas in d. l. vnic. quia & Inscriptio præfert, Theophilo P. V. & Subscriptio, diem Iduum Mart. Et liquidum tamen, has tres leges inter se coassandas: non argumenti tantum paritate, verum etiam quia quædam in iis occurrunt, quæ sese mutuo respiciunt, alteraque ad alteras sese referunt: veluti illa in d. l. vltim. SUPRADICTORVM, *consequibus*, ad Professores respiciunt, de quibus hac leg. agitur: nam in illa l. vltim. nulla Professorum mentio fit. Item illa in d. l. vnic. qui in MEMORATO Auditorio Professorum fungantur officio: ad hanc pariter leg. aperitissime respiciunt, vbi Auditorium exprimitur, in Capitolio videlicet, & ex parte ad d. l. vltim. Est item hac lex (quod Tertio monendum) de Academia & Professoribus Constantinopolitanis: non vero de Romanæ Vrbis Professoribus, vt perperam nonnulli tradunt, etiam Theatri Rhetorici Author: non item de Berytensis, vt alii tradidere; de quo paulo post plenius, quod etiam ex dictis legibus discimus. Postremo monendum, sicut tres ille quas memoravi leges in commune sunt de Academia & de Professoribus Constantinopolitanis, ita singulas continere, quod suo titulo s. b. quo positæ sunt conuenit: scilicet in d. l. vltim. de operibus publ. agitur de Auditorio Professorum, quod Theodosius Iun. his assignat, quod duobus locis hac leg. obiter indicatur; in Capitolio nempe Auditorium assignat, & in eo Capitolio porticum exedras, Lex vero vnic. *supr. de Professoribus*, &c. est de Priuilegiis, deque dignitate Professorum, quorum fit quoque mentio obiter hac leg. ibi enim Comitium primi Ordinis Professoribus ibidem nominatis tribuit, & deinceps quoque cæteris qui viginti annis docuerint. Hæc tandem lex nostra seu ἀπόμνησις

hoc ipsum, PROFESSIONIS DOCENDIQUE MVMVS, & ad dignitatem Academiæ illius tuendam respicit. Quinque eam in rem constitutis, quot etiam eius capita numerari possunt.

Primo capite vetat Theodosius Iun. Magistros alios extra Professorum publicorum numerum Constantinopoli publice docere seu profiteri, in publicis magistratibus cellulisque collectis vndecunque discipulis, id est, scholas publicas habere, quo luuentus commeet: *publicas*, id est, quo passim conuenitur, oppositæ ad parietes domesticos, (quod vnum his mox permittitur.) Neque cominus tamen ἐν γυνίαι in angulis artem facere dicti: in quos vid. quæ Arrianus 1. in *Epistulum* 29. & lib. 2. cap. 13. Themistius, *orat.* 3. pag. 61. Edit. Petav. *Flexia* 1613. in 8. hique γυνίαι ἀγίον ἀνθρώπων, Aristidi. Quod quidem a Theodosio Iun. Academiæ Constantinopolitanæ bene fundaturo hac leg. constitutum, tuendæ Professorum, publicæque Professionis, seu Academiæ Constantinopolitanæ dignitati: ne alioquin paulatim publici Professores sibi soli in scholis relinquerentur, quod ille dixit, & agyrtæ, circumforanei, docendi munus indebite vsurpantes, ferrentur, *circumferentes* discipulos vndecunque collectos ostentatione vulgari: vel denique ne studiosi in partes & factiones abirent. Vbi ostentatio vulgaris, non est, vt inepte Glossa, conuersatio cum laicis, verum sui ostensio apud vulgus sine legitima ordinatione & electione. Et hæc quidem est huius leg. hoc capite sententia. Non quod volunt Interpretes, quasi Imperator velit, Professores, non debere pompose docere, ostendentes suam in populis linguam, vt loquuntur, vt inde vulgi gloriam quarant. Non etiam quod tradidit Auctor Theatri Rhetorici lib. 4. cap. 11. p. 435. quasi ambitioni gloriosorum hominum & Sophistarum occurrere voluerit Theodosius hac leg. id est, qui Auditorum seu Discipulorum numero stipati in publicum procedebant: & sic quasi lege hac coercita fuerit iuuenum affectatio. Nil tale, verum quia extra Auditorium publicum nollet iuuentutem doceri, & ab aliis, quam qui publice in Collegium Professorum asciti essent & adprobati. Ad quod idem proxime alludit lib. 3. cap. 5. p. 179. Fuit quidem tempus Romæ, cum Magistri priuatas tantum pergulas & cellulas magistras habebant, quo iuuentus commeet: de Mathematicis, testis Suetonius, in *Augusto* cap. 94. de Grammaticis, idem lib. de *Illustrib. Grammaticis* cap. 18. vbi de Crassitio. Primus Adrianus Imp. Athenæum, ludum ingenuarum Artium Romæ constituit, vt Aurelius

Aurelius Victor tradit *cap. 14.* & vt existimare licet *Regione VIII.* fori Romani: eo quippe loco ponit P. Victor ludos *literarios*: & manet hodiernum eo tractu ad radices Auentini *schola Græcorum* mentio. Huius Athenæi meminit & Xiphilinus ex Dione in *Didio Iuliano in fin. pag. 395. Edit. Sylburg.* συναγωγὴν ἡμᾶς ἐς τὸ Ἀθηναίων καλεῖσθαι ἀπὸ τῆς ἐν αὐτῷ τῶν παρδευομένων ἀσκήσεως: conuocat nos in Athenæum (templum Minervæ) quod nomen traxit ab exercitatione eorum, qui in ipso erudiantur. Lampridius in *Alex. Seuero cap. 35. Ad Athenæum*, inquit, audiendorum & Græcorum & Latinorum Rhetorum vel Poëtarum causa frequenter processit: vid. & Capitolinum in *Pertinace cap. 11.* & Gordiano *cap. 3.* & Symmachum, *lib. 9. epist. 84. in fin.* Alexander quoque Severus Auditoria publica instituit: sic enim de eo Lampridius *cap. 44. Rhetoribus Grammaticis, Medicis, &c. salaria instituit, & Auditoria decreuit, & Discipulos cum annonis pauperum filios, modo ingenuos, dari iussit.* Et post Athenæum tamen institutum, licuit etiam priuatim docere. De Rhetoribus Vopiscus in *Saturnino in fin.* Fuit reuera non parum literatus: nam & in Africa Rhetoricæ operam dederat, Romæ frequentauerat pergulas Magistrales. Erant hæc scilicet pergulæ priuatæ, & eodem tamen sensu publicæ, quo hæc leg. publicæ Magistraciones & cellulæ, nempe quod eo vndique conueniretur. Denique licuit ante Theodosium Iun. & in Occidente, Romæque, priuata Auditoria habere, quod manifestissime etiam docet *hoc Codice, lex 6. supr. de Medicis & Professoribus.* Atenim Theodosio Iun. vt dixi, iis quas dixi rationibus, fundata Academia Constantinopoli. Magistraciones hæc & cellulas extra Auditorium Capitolii inhibere visum. Quod institutum etiam hodie feruari publice operæ foret: Et vetæ alicubi obtinuisse meminimus Legitimos Iuris Antecessores aduersus huiusmodi circitores, periodeutas, qui locis nonnullis Iurisprudentiam cauponantes, disputantes, & Academiæ & Auditoria desolauerunt. Adquam alioquin quæstionem vid. apud Bouchellum & Ioly *Arrestum 29. lib. 2.* Sed Theodosii indignationem potius audiamus. Is huiusmodi Agyrtis infamia pœnam minatur: qui casus cæteris addendus est, quibus infamia ipso iure contrahitur: & expulsionis Vrbe Constantinopolitana. Priuatim equidem, quæ secunda sententia huius leg. est: seu intra domesticos parietes vnus tantum familiæ liberos docere iis permittit, seu priuatos præceptores agere. Viceuerſa, quæ Tertia sententia est, vetat hæc leg. Theodosius Iun. publicos & statutos Professores alibi, quam in Auditorio publico docere, extra Capitolium scilicet. Nempe Theodosius Iun. Constantinopoli in Capitolio Auditorium Professoribus assignauit, hæc leg. & d. l. vltim. *infr. de operibus publ.* deputatis in eo porticum exedris. Quod quidem Capitolium Constantinopoli fuit *Ostiaua Regione*, quæ a mari semota erat, & mediterranea: vt docet vetus Vrbs Constantinopolitana descriptio, præfixa *Notitia Imperij*: vbi & plures pariter porticus memorantur. Huius etiam Capitolii atque in eo auditoris Professorum meminit Cleodorus Grammaticus Constantinopoli. *in arte pag. 1866. inter H. Putschii Grammaticos*: Quodam tempore dum *Ars in Capitolio* die competenti tractaretur, vnus e florantibus discipulis Iohannes, a Grammatico venia postulata intendens in alterum seiscitatus est. De Capitolio alioquin in genere dixi ad l. 34. *supr. de annona & trib.* Grauis ille error est eius, qui de Capitolio expressè scripsit *cap. 35.* cum de Capitolio Romano hæc leg. agi tradidit. In Capitolio sane Romano fuit quoque olim Bibliotheca, teste Eusebio, in *Chronico*, in *Commodo, Ann. 189.* & Orosio *lib. 7. cap. 16.* & in ipso olim Templo Apollinis Capitolini factæ recitatio-

nes Poëmatum, seu vt hæc commissio quasi arena esset. Horatius *Serm. I. Satyra 10. v. 38.*

Quæ necin Æde sonent certantia, Iudice Tarpa:

Vide eundem *lib. 2. epist. 2. v. 94.* Nos ad Constantinopolitanum, & sic ad legem nostram redeamus. Ergo tribus superioribus sententiis noluit Theodosius Iun. Academiam Constantinopol. priuata Institutione vileſcere; siue dum priuati, publice docere audent: siue dum statuti & publici, priuatim: Hoc etiam addito postremo casu, si quicumque Professorum priuatim doceret, Priuilegia his Professorum denegari oportere: Nempe a gradu honorifico descendentes, priuilegiis sese indignos reddunt: quæ ratio redditur ab Interpretibus. Quæ vero ea Priuilegia Professorum fuerint? dictum plene ad *tit. de Medicis & Professuris*: Imo & d. l. vltim. *supr. de Professoribus*, quæ huic coniungenda est, vbi vnus ex his & vel præcipuum continetur: Quare qui viginti annis alibi quam in Auditorio Capitolino docuerit, Comitium primi ordinis non adiequetur. Et hæc de primo huius leg. capite.

Secundo huius leg. capite, Theodosius Iun. GENERA, NUMERVMQUE Professorum Constantinopolitanorum determinat: numerum inquam, in vniuersum vnus supra Triginta: scilicet Romanæ Eloquentiæ tres Oratores, decem Grammaticos: Græcæ vero, quinque Sophistas, & decem pariter Grammaticos. Vbi obiter Quinque notanda veniunt. Primo notandum, Græcam & Romanam institutionem seu professionem distinctam seu diuisam fuisse: de quo plene dixi ad l. 11. *supr. de Medicis & Professoribus*. Secundo notandum, hic differe dici Græcis Sophistas, qui Latinis Oratores dicebantur: Ergo Sophistæ Græci, Oratores seu Rhetores fuere: atque hoc sensu alibi Rhetores & Sophistæ iunguntur, vt l. 6. §. 1. *D. de excusat.* Hoc sensu σοφιστῶν apud Socratem *lib. 4. histor. Ecclesi. 26.* de quo loco vid. Heraldum *lib. 7. in Salmas. cap. vltim.* Est enim nomen Accursii interpretantis in l. 1. *Cod. Iuss. de professor. qui in Urb. Constantinop.* Sophistas, *Dialecticam docentes*. Tercio, Grammatici hic & alibi sunt, qui prima eruditionis rudimenta ponebant: quod infinitis locis comprobatur: Quidque ad eorum partes pertineret, vt aliunde clarum, nominatim ex Quintiliano *lib. 1. cap. 4.* ita insignis de eo Gregorii Nazianzeni locus in *orat. 20. funebr. in laudem Basilii pag. 333. Edit. Lips. apud Weidm.* vbi quatuor hæc eorum partes indicantur: γλώσσαν ἐξελεγκνῆσαι, ἰσορίαν συναγαγεῖν, μέτροις ἐπιστάσαι, ποιήμασι νομοθεῖσαι, linguam ad græcismum formare, historias colligere, metris præesse, carminibus leges præscribere. Quarto obseruandum, plures Professorum Græcos, quam Oratores constitui: velut in Græca vrbe, & ad quam Græci magis commearant: qua causa etiam plures Antiquarii Græci quam Latini Bibliothecæ Constantinopolitanae a Valente instituti, l. 2. *supr.* Tandem Oratorum & Sophistarum numerus in vnum collectus octo fuit: cum tamen Antiochiæ quatuor tantum Rhetores essent iam olim, vt testatur Libanius, *Oratione ὑπὲρ τῶν Ῥητόρων, p. 87. & p. 98. Edit. Morell.* Et hæctenus quidem Professores viginti octo partim Grammatici, partim Oratores & Sophistæ. His vero omnibus tres adhuc Professores in Academia Constantinopolitana addit Theodosius Iun. profundiorum scilicet scientiarum & doctrinarum, vt ipsemet ait, id est, Philosophiæ & Iurisprudentiæ. Igitur vnum tantum Philosophiæ Professorem constituit: duos vero Iuris Professores: qui anterioribus Theodosii etiam Iun. ipsius constitutionibus in Professorum censu non reperiuntur, veluti l. 16. *supr. de Professoribus & Medicis*: P. 206 Quare post eam leg. & sic post annum demum 414.

ab eo Iuris Professores, & duo quidem, cæteris additi: cum hæcenus vnus tantum fuisset, quod discimus ex d. l. vnic. de Professoribus, &c. quæ huic leg. iungenda est, vbi Leontium vnicum Iurisprætum memorat. Cæterum Theodosius Iun. Iuris Professores ita describit: qui iuris ac legum formulas pandant. Quod quidem eodem sensu dictum, quo illud Iuuenalis, *Satyræ VIII. v. 50.*

Qui iuris nodos ac legum enigmata soluat.

Vbi vetus Scholiastes interpretatur, *questiones obsecras*. Sidonius etiam Apollinaris lib. 4. epist. 1. *Iurisconsulto obscurum tribuit*: vid. & Nouellam Theodosii 1. Idem Scholiastes ad illud *Satyræ I. v. 128. iurisque peritus Apollo*: quod tam dubia, inquit, Iurisprætorum responsa sunt quam Apollinis. Vbi dubia responsa sunt λόγια, vnde & Apollo ipse λόγίας, Pacuuius, *Peribæa p. 1482. Corpor. Poetar. Volum. II. Edit. Londinens.* Flexa non falsa autumare dictio Delphis solet: vid. & Sidonium lib. 8. epist. 16. & Commonitorium Aniani. Tandem Iuris & legum formulæ sunt legum & Iuris textus, dispositiones: sic & l. vnic. supr. de vsuris rei iudicæ: *Quod a nobis exemplo æquabili ex iuris præfati est formulis introductum*: sic & Sidonius Apoll. lib. 1. epist. 7. in iudicio de Aruando PP. Hanc epistolam, inquit, *lese maiestatis crimine ardentier Iurisconsulti interpretabantur*. Et post: *Reum se lese maiestatis confitentem teneri*. Ad hoc & millibus FORMVLARVM IVRIS id sancientum ingulabatur. Non aliud igitur hic & apud Sidonium sunt formulæ legum, seu Iuris, quam Textus & Lectiones Iuris, vt eas vocat Ammianus Marcellinus lib. 30. c. 4. de quibus ad l. vnic. supr. de Responsis Prudentum. Quare nimia superseditio fuit Triboniani, hic vocem voluntatis, loco formulæ substituentis: & Viri docti Iureti ad Symmachi lib. 6. epist. 74. error est, qui ex hoc loco colligebat, nonnullas adhuc formulas hoc æuo in foro obtinuisse, quamuis sublati ferme formulis: quod non magis ex hoc loco colligi potest, quam ex tertio hoc Symmachi loco lib. 6. epist. 74. vbi inania fori & sutelas formularum dixit: neque enim ibi formulæ Iuris solemnes, in foro seruandæ intelliguntur, verum solitæ & solemnes, quæ negotiis veluti Transactionibus inseri solent, Reuera enim omnes illæ formulæ hoc æuo abolitæ erant. Sed a quonam Imp. sublatae ex, id ex πάροδα videndum: quia & hac parte non vnus error admittitur. Aiunt, iam Marcum Imp. plurimas huiusmodi formulas correxisse bono litigatorum: idque auctoritate Sex. Aurelii Victoris, qui de Marco cap. 16. ait, ab eo legum ambigua mire distincta: *vadimoniorumque solemnium* (ita enim legendum) *remoto, denunciande litis opperienteque ad diem commode ius introductum*. Verum quam parum locus hic ad formulas faciat, ostensum est suo titulo, de denunciatione, lib. 2. t. 4. de solemnium vadimoniorum sublato ibi agitur, non de solemnium formularum. Secundo aiunt a Constantino M. eas sublata. At quis Auctor? Nazarius aiunt, qui sine Pænigryis scribit, veterum calumniosas ambages ab eo recisas, captanda simplicitatis laqueos perdidisse. Verum nihil hæc ad formulas. Sed Tertio, aiunt, id testari aperte legem Constantini 1. Cod. Iust. de formulis sublatis: & alteram eiusdem legem 15. Cod. Iust. de testamentis: & Eusebium lib. 4. de vita Constantini, cap. 26. qui eius leg. Auctorem Constantinum M. diserte facit. Eodemque Quarto loco trahunt nonnulli, l. 7. §. 3. Cod. Iust. de Curatore furiosorum, qua dicitur, petitionem bonorum possessionis Constantiniana lege sublata & ab eo introductam obseruationem qua pro antiqua sufficit petitione: eiusque argumento, definiunt legem vltim. Cod. Iust. qui admitti ad bon. poss. male Constantio tribui. Verum hæc omnia contra fidem omnem. Nam neque

id quod dicitur d. l. 7. §. 3. Cod. Iust. de curator. furiosorum ad verborum formulas pertinet, verum ad actus cuiusdam solemnitatem & necessitatem, & quidem intra certum tempus expediendam, quam Constantinus sustulerat, vt docet lex 8. seu penult. Cod. Iust. qui admitti ad bon. poss. Quid igitur? Constantius Imp. Constantini M. filius formulas sustulit: cuius est lex 1. Cod. Iust. de formulis: & lex vltim. Cod. eod. qui admitti ad bon. poss. & d. l. 15. Cod. eod. de testamentis: & lex 21. Cod. eod. de legatis: vt docent earum legum subscriptiones omnes, datæ scilicet mense Februario Constantio 2. & Constante COSS. id est, Anno D. 339. vel vt habet d. l. 1. Cod. Iust. de formulis: Constantio 3. & Constante 2. COSS. id est, Anno D. 342. Quorum tamen illud verius. Imo d. lex 21. Cod. Iust. de legatis diserte præfert in Inscriptione tres filios Constantini M. Imp. Constantinus, Constantius, & Constans. Constantius igitur formulas antiquauit, cuius sunt omnes illæ constitutiones: Ita quidem, vt lex 15. Cod. Iust. de testamentis: lex 21. Cod. eod. de legatis: lex vltim. Cod. eod. qui admitti ad bon. poss. sint vnus & eiusdem Constantiani Edicti partes ad Populum, vt Inscriptio earum præfert. Ensis; atque adeo inter se coniungendæ: Quibus & quarta illa, puta lex 1. Cod. Iust. de formulis socianda videtur: est Marcellino Præfidi Phœnicie inscribatur. Neque enim nouum est, imo passiuum, idem Edictum missum & ad Magistratus, & ad populum, eodem exemplo. Nisi putemus ea leg. de nouo sanciri, quod paulo ante iam sancitum fuerat, quod verba suadere videntur. Quod vero Auctorem vitæ Constantini atinet, hic error est eius Scriptoris de proximo Constantii legem pro Constantini lege accipientis. De cuius erroribus semel dicam & cum lectoris fructu. Sed quo tempore a Constantio formulæ sublatae? Eo, vt mihi videtur, quo ipse in Phœnicia agebat: Nam non tantum d. lex 1. Cod. Iust. de formulis sublatis: Marcellino Præfidi Phœnicie inscribitur, qua iubet, iuris formulas aucupatione syllabarum insidiantes, cunctorum actibus radicibus amputari, verum etiam d. lex vltim. Cod. Iust. qui admitti ad bon. poss. dicitur data LAODICEÆ, non vt habet d. l. 15. Cod. eod. de testamentis, Serdicæ. Repetio quippe Constantium sine Anni 338. & Anno 339. in Phœnicia egisse: hinc scilicet Anno 338. data ab eo EMESA lex 25. supr. de Decurionibus: (quo etiam forte referendus Libanii locus, orat. 12. p. 400. & orat. 13. ad Theodosium p. 413. 414. Edu. Morell.) Sed & ad Dionysium data An. 339. lex 4. supr. de maternis bonis, quæ PP. Heliopoli, vel data Heliopoli: vt habet Codex Iust. l. 8. Cod. Iust. qui admitti ad bon. poss. Quæ omnia loca habes ordine in Itinerario Peutingeriano pag. 762. 763. inter Opera Velferi sic notata. Beritbo IX. Eliopoli XX. Helda XXVIII. Fl. Eleuter XXII. Laudicia scabiosa XX. Nemesa (γῆ. Emes.) XVI. Aretnusa Fl. XX. Et sane Iulianus orat. 1. pag. 20. 21. Edit. Spanhem. Lips. auctor est, hoc tempore Constantium in Syria constituisse, & inter alia quæ in Persas molitus est, latrones Arabum per Legatos in Persas concitasse: quibus vtrique Arabibus Phœnicie vicina fuit. Vt his omnibus expensis, omnino inducar, vt credam, Constantium Imp. de consilio Iurisconsultorum Berytensium in Phœnicia hæc formulas sustulisse: qui hac arate clarissimi fuere, & apud quos celeberrima legum Auditoria erant: ac nominatim sub hoc Constantio: de quo fidem facit vel vetus Orbis descriptio sub Constantio & Constante: ad quam etiam dixi. Et hæc quidem coniectura mea est.

Verum e diuerticulo in viam. Iurispræti itaque hoc ævo quoque in Professorum publicorum numero fuere Constantinopoli, qui scilicet de publi-

P. 20700 salaria acciperent. Quod a Theodosio Iun. primum Constantinopoli institutum puto. Nempe quia iuris cognitio & scientia, tunc plurimum decorebat, imo ferme abolita erat, sic ut pauci ad hanc professionem idonei essent: cum essent antea, equidem qui publice docerent, sed non publice conducti, parabiliorque multo esset antea iuris cognitio: Quod & ipsum colligimus ex *l. vnic. supr. de Resp. Prud.* Et steterit quoque deinceps Professores iuris Constantinopoli, cuiusmodi memorat Iustinianus Theophilum, aliosque. Ita quoque deinceps Romæ sub Gothis inter alios Professores, Iuris Expositores erant: quod discimus ex Athalarici ad Senatum Urbis Romæ *epist.* apud Callio-

derum 21. *lib. IX.* Certe Iustinianus tribus tantum locis iura doceri voluit, in utraque Urbe Regia Roma, & Beryti: non Alexandria, non Cæsareæ; *constitutione ad Antecessores*, quæ incipit, *Omnem §. 7.* Postremo huius *leg. capite* Theodosius Iun. Loca quoque seu AUDITORIA singulis Professoribus assignari iubet, in quibus ipsi profiteri possint: ne videlicet sibi mutuo obstrepant vel Magistri vel scholares: singulares ideo exedras singulis: de quibus exedris *d. l. vltim. infr. de operibus publicis*: quæ huic *leg.* non tantum, ut dixi, coniungenda est, verum immediatè etiam subiicienda venit.



DE HABITU, QVO UTI OPORTET INTRA VRBEM.

TITVLVS X.

Abeſt hic Titulus a Codice Iuſtiniano.

PARATITLON.

HABITVS, *Rubr. & l. 1. & 4. hoc tit. & l. 12. infr. de Scenicis*, conſuetus, *l. vnic. supr. de Præpoſ. S. Cubiculi*: ſeu veſtimenta, *l. 1. h. t. indumenta l. vltim. hoc tit.* capitis item ornatus, veluti crines, *l. 4. ſeu vlt. hoc tit.* publice quoque conſtitutionibus Principum definita fuere: quibus videlicet uti quemque oporteret vel liceret, *Rubr. & l. 1. h. t.* pro conditione cuiusque *l. 1. h. t. & dignitate l. vnic. supr. de præpoſ. S. Cub.* quibus contra uti non liceret *omnibus huius tituli legibus.* Ac nominatim intra Urbem, *Rubr. venerabilem, l. 2. hoc tit. ſacram, l. 3. h. t. ſacratiffimam, l. vltim. hoc tit.* intra moenia urbis, *l. 1. h. t. id eſt, intra Urbem Romam*: quo pertinent tres huius tituli leges, puta *lex 2. 3. 4. Constantinopolitanam*, quo ſpectat *lex 1. hoc tit.* imo & in vicinis Urbis Romæ regionibus *d. l. vltim.*

Memorantur certe *hoc Cod. & tit.* hæc habitus ſive veſtimentorum genera, partim a materia, partim a forma diſcreta, in Orbe Romano uſitata: Chlamys, *leg. 1. h. t. & l. 4. supr. de militari veſte*, qui habitus militaris erat, *l. 1. hoc tit.* Indeque etiam *Terror Chlamydis* dicitur *d. l. 1. hoc tit.* Colobia, & Penulæ, quæ & quieta veſtimenta dicuntur, *d. l. 1. hoc tit.* Toga *d. l. 1. hoc tit.* Interior veſtis, *d. l. 1. h. t.* Pallia diſcoloria, *d. l. 1. h. t.* Byrrhi, *d. l. 1. hoc tit.* Cuculli, *d. l. 1. h. t.* Holoſericæ veſtes, *l. 1. infr. de expenſis ludorum*: quas ſub qualibet editione largiri omnibus priuatis interdictum. Sigillatæ, Sericæ, Textæ, auratæ, Cruſtæ, quæ mimis interdictæ *l. 11. infr. de ſcenicis.* Scutulatæ, Sericæ varii coloris, quibus uti permiſſum mimis, *d. l. 11. Holoueræ veſtes, Paragaudæ auratæ ac Sericæ auro intextæ*, de quibus *mox: Tunicæ lineæ, l. 2. supr. de veſtibus oloueris.* Vide plura in *Indice, de re veſtiaria.* Peregrinæ item veſtes hæc memorantur, Tzangæ, *l. 2. & 3. hoc tit.* Brachæ, *l. 2. hoc tit.* Ragæ, *l. 3. h. t.* Pellium denique indumenta, *l. vltim. h. t.* Igitur Senatores Chlamyde uti intra Urbem Constantinop. prohibiti, contra Colobiis & penulis uti permittuntur: Toga vero indui iubentur in Senatu & Iudiciis, *l. 1. hoc tit.* Officiales penulis interiore veſte cingulis obfirmata, & diſcoloribus palliis uti iubentur, *d. l. 1. hoc tit.* Serui (paganorum,) byrris & cucullis, *d. l. 1. h. t.* Mimæ quoque, & quæ ludibrio corporis ſui quaſtum faciebant, publice habitu earum *Virginum*, quæ Deo dicatæ erant, uti prohibebantur: *l. 12. infr. de Scenicis*, item gemmis, ſigillatis, ſericis, textis auratis, cru-

ſtis:

fitis: l. ii. cod. tit. de Scenicis, et si scutulatis, & sericis varii coloris, auroque sine gemmis uti possent, d. l. ii. Peregrina vero indumenta intra Urbem Romam, & in vicinis regionibus etiam seruis interdicta fuere: puta Tzangæ, brachæ, rægæ, pellium indumenta, maiores denique Crines l. 2. 3. 4. hoc tit. Tandem priuatis omnibus quædam vestes interdictæ, & Principibus solis reseruata: Puta vestes oloueræ, paragaudæ auratæ, vel sericæ auro intertextæ: toto tit. supr. de vestibus oloueris & auratis.

P. 108

I. (a) Imppp. Gratianus, Valentinianus & THEOD. AAA. ad Pancratium (b) P. V.

SINE exceptione temporis matutini, dumtaxat intra mœnia (c) constitutus nullus *Senatorum* habitum sibi vindicet militarem: (d) sed, chlamydis terrore deposito, quieti coloborum (e) ac penularum induat vestimenta. Cum autem vel conuentus Ordinis candidati (f) cœperit agitari, vel negotium eius (g) sub publica Iudicis sessione cognosci, Togatum eundem interesse mandamus. *Officiales* quoque (per quos (h) statuta (i) complentur, ac necessaria peraguntur) uti quidem penulis iubemus, verum interiorem vestem admodum cingulis obseruare: (k) ita tamen, ut discoloribus quoque palliis pectore (l) contegentes, condicionis suæ necessitatem ex huiusmodi agnitione (m) testentur. *Seruos* sane omnium (quorum tamen dominos sollicitudine constat militiæ non teneri) aut byrris uti permittimus, aut cucullis. Si quis de Senatoribus statuta neglexerit, proprii auctoritate honoris exutus ingrediendi Senatum iam non habeat potestatem: *Officiales* vero, sed & *Serui* (qui pudoris non possunt dispendium sustinere) exilii pœnam subire iubeantur: Officio Censuali viginti librarum auri non inmerito dispendii subiugando, si culpam usurpationis huiusce, aut dissimulatione subpresserit, aut accepta pretii mercede subtraxerit. (n) Dat. Prid. Id. Ian. Constantinop. Antonio & Syagrio Coss. (382.)

N O T Æ.

(a) Absit hæc lex a Cod. Iustin. *GOTHOF.*

(b) *Pancratius* P. V. Constantinop. sub Theodosio M. Eidem inscribitur Anno 379. *lex 4. supr. de auro coronario:* quanquam ibi malim inscribi Com. R. P. Anno 381. *lex 6. supr. de sepulchris violatis: & hoc ipso Anno lex 3. supr. de cognitor. & procur.* Hic secundum Præfectus Urbis fuisse videtur, An. 389. *l. 4. infr. de Aqueductu. ID.*

(c) Urbis Constantinopol. Porro hic *mania* in proprio suo significato, pro muris ciuitatis. *ID.*

(d) *Militaris habitus*, chlamys. *ID.*

(e) An *Coloborum*, quomodo frequentius vocantur: sed *coloborum* ferri potest: de quo mox. *ID.*

(f) Id est cum Senatus habebitur: *Ordo Candidatus*, hac leg. & iterum *l. 22. supr. de Prætoribus*, est Ordo Senatorius: vnde videlicet Candidati Quæstores, Prætores nominabantur, eligebantur: de quibus assatim *supr. titulo, de Prætorib. & Quæstoribus:* ac nominatim *l. 21. & passim Symmachus. ID.*

(g) Senatoris. *ID.*

(h) *Officialium* hæc descriptio: *Officiales* sunt per quos statuta Iudicij scilicet complentur, & necessaria peraguntur. *ID.*

(i) *Iudicium.* *ID.*

(k) Ferri potest hæc vox *obseruare*, pro *obferare*: ut alicubi *hoc Codice*, ad *obseruandum aditum*: quod quis muta, ret vel in *obferare*, vel in *obfirmare.* *ID.*

(l) *vg. pectora.* *ID.*

(m) *cuicunque*, *Agnitio.* *ID.*

(n) Ita Editiones priores omnes, male sola *Parisina subtraherit.* *ID.*

COMMENTARIUS.

THEODOSII M. hæc constitutio est data Anno D. 382, qua tribus hominum generibus suum cuique in *Urbe Constantinopolitana habitum* seu vestis genus assignat: alienum contra a singulis submouet: Quam, inquam, veste singuli ex iis quas hæcenus usurpabant, uti possent, quæque con-

ditione, a qua vicissim abstinere deberent: ubi octo vestium genera seu nomina expressa occurrunt: Chlamys, Colobium, Penula, Toga, Interior vestis sub penula, Pallia discoloria, Byrrhus, & Cucullus. Hæc scilicet quoque res Principum curam subinde procurare debet, & vero Principes Ro-

Romanos prouocauit, sua ut cuique Ordini propria vestis, *σημαῖος, ἐξάλλος*, constet. Quo sane non pertinet Augusti institutum, qui, teste Suetonio *cap. 40.* etiam habitum vestiumque pristinum reducere studuit. Ut visa quondam pro concione pullatorum turba, indignabundus & clamitans, En, ait, Romanos rerum Dominos Gentemque Togatam: negotiumque Edilibus dedit, ne quem posthac paterentur, in foro circue, nisi positus lacernis Togatum consistere. Id inquam Augusti institutum huc non facit, utpote quod vniuersum populum Romanum spectabat, non vero certos tantum Ordines generaque personarum: Atenim huc pertinet exemplum quod memorat Lampridius de Alexandro Severo *cap. 27.* qui in animo habuisse dicitur, omnibus Officiis genus vestium proprium dare, & omnibus Dignitatibus, ut a vestitu dignoscerentur: & omnibus seruis, ut in populo possent agnosci, ne quis seditiosus esset, simul ne serui ingenuis miserentur. Sed hoc Vlpiano, Pauloque displicuisse addit Lampridius, dicentibus, plurimum rixarum fore, si sic (ita enim lego,) faciles essent homines ad iniurias: Tum Alexandrum Severum satis esse constituisse, ut Equites Romani a Senatoribus Clauis qualitate discernerentur; Penulis intra urbem frigoris causa ut Senes vterentur permisisse: cum id vestimenti genus semper itinerarium aut pluuiæ fuisset: matronas tamen intra urbem penulis uti vetuisse, in itinere permisisse, ut refert idem Lampridius.

Ceterum etsi non omnibus Officiis, non omnibus hominum generibus suam cuique vestem dari publice expediat, quod Vlpiano & Paulo Ictis nostris visum, attamen nonnullis, ut in veteri Vrbe Roma, ita & in noua, puta Constantinopoli sua vestis fuit, qua ipso occurso noscerentur: & ut hac lex loquitur, huiusmodi AGNITIONE conditionem suam testarentur, eosque proinde conditio vel dignitas vestiret, ut loquitur Tertullianus *cap. 1. de Pallio.* Huiusmodi sane vestem idem Tertullianus *3. aduers. Marcionem, 19. & cap. 10. adu. p. 209. Iudeos,* propriam vestem vocat: habitum consuetum, *l. pnc. supr. de Prapof. S. Cubiculi: ἐδῆτας σημαῖος, insigniorum vestium,* in eodem argumento vocat Antoninus de vita sua *lib. 1. §. 17. pag. 17. Edit. Lipsiens. ἐδῆτες ἀμύξουσι, vestes conuenientes,* Clementi Alex. *lib. 3. Pedagog. cap. 11. Vestes insignes,* Lactantius *lib. 5. cap. 6. Aliorūque se ceteris hominibus, facillimum comitatu & ferro & insigni veste faciebant: ἐξάλλος μὲν ἐδῆτας,* eleganter Polybius *lib. 6. pag. 456. Edit. Paris. If. Casaubon. ἐξάλλος μὲν ἐδῆτας ὑπέλαβον δὲν ἔχειν τὰς ἡγεμένους ἰὼν ὑποδίστομένους, arbitrati sunt debere principes alio, quam subditos uti cultu.* Aliud vero est *circumspecta vestis,* quæ sane non tam genere, ab aliis differt, quam nitela, munditie, aut ostentatione. Quomodo *circumspectam a cunctis ac notabilem vestem Monachorum* dixit Cassiani Interpres, *lib. 1. cap. 3. Quomodo Marcellinus lib. 27. cap. 3. de Episcopis Romanis scribit, procedere eos vehiculis insidentes, circumspecte vestitos:* quo eodem sensu idem dixit, *parietes lapidum circumspectis coloribus nitidos, lib. 28. cap. 4. Quomodo Gellius lib. 1. cap. 5. ubi de Demosthenis in vestitu munditia ei probro data, seu cultu corporis nitido venustoque & nimio accurato egit, mox de Hortensio oratore ob eiusmodi munditias quoque maledictis compellationibusque probrosis iactato, scribit: Ad eundem modum Hortensius, &c. quod multa munditia & CIRCUMSPECTE compositæque indutus & amictus esset, &c. Ad rem. Nolo per singula nunc ire, neque hanc antiquitatem omnem erudire, ac nominatum de γυμνασια-*

Tom. V.

σι τῆς ἀρχῆς: satisque habeo huius Codicis historiam sectari. A nonnullis viceversa vestibus, tanquam a conditione sua alienis nonnulli arcebantur. Cuius virtusque exemplum suppeditat hæc constitutio, per tria hominum genera, de quibus agit Theodosius M. puta de Senatorum, de Officialium, & de Seruorum veste seu habitu.

1. De SENATORIA veste intra urbem seu intra moenia Urbis Constantinopolitanæ, tria constituantur. Prima parte cuiusdam vestis usus proprius Senatoribus interdictus: secunda, cuiusdam usus eis permittitur: tertia, cuiusdam certo casu gerendæ necessitas imponitur. Nempe Chlamydis usum Senatoribus intra moenia interdicat Theodosius M. quem tamen hactenus usurpassè hinc liquet, sprete toga tanquam molesta, utpote quod hic habitus militaris esset, ut eum vocat; & vero aliunde notissimum est: de quo etiam *l. 4. supr. de militari veste:* vnde & chlamydis terrorem hac eadem leg. vocat, & quietis vestimentis opponit. Quibus omnibus rationem huius prohibitionis satis indicat Theodosius: nempe vrba quiete & intramurana, præsertim in vrbe totius Imperii Orientalis Principe, seu vertice, inconueniens visum, alium quam *Ciuilem habitum* Senatores præferre; seu *pacis habitum,* (ut togam vocat Tertullianus *de pallio, statim initio:*) Patricios habitus Claudianus *initio panegy. in 4. Cos. Honorii:* quomodo etiam *ciuiliū decorum indumenta,* palmatam Consularem dixit Ausonius in *Panegy. c. 21. quomodo Pacificatorem habitum* dixit Quintilianus, *lib. 11. cap. 3. ἐρημικὴν ἐδῆτα,* Dio, *lib. 48. ad An. V. C. 714. pag. 366. Edit. Leonclav. ἐρημικὸν σχῆμα,* Herodiano *lib. 2. cap. 42. Ciuiles vestes,* Cassiodorus *VII. Var. 1. Ciuilis habitus, quietum vestimentum,* quo intra urbem, extra castra uti consuetum est. Huc illa quoque facit vetus Inscriptio Romæ, apud Gruterum *CCCLVII. 2.*

STATVAM. PONI. HABITU. CIVILI. IN. FORO. DIVI. TRAIANI. PECVNIA. PVBLICA. CENSUIT

Item altera Romæ, apud eundem *CCCLXXV. 1.*

AVCTOR. IMP. ANTONINO... ET...
COMMODO. AVGG. STATVAM. ARMAT
IN. FORO. DIVI. TRAIANI. ET ALIAM
CIVIL. AMICTV. IN. TEMPLO. DIVI. PI
ET. TERTIAM. LORICATAM. IN. TEMPLO
----- NENDAS

Quæ in aliis Inscriptionibus apud eundem *CCCXLIV. 2. & CCCCLXXI. 8. Togata statua* dicitur: cuius etiam meminit Coraustus in *illud Persii Satyr. V. v. 14. Verba Toga sequeris.* Et generaliter quidem Theodosius Senatoribus Chlamydis usu intra Urbem Constantinop. interdicat, sine exceptione temporis matutini. Quæ verba superare quidam male autumabant: scilicet, saltem matutino tempore videbatur Senatoribus chlamydis usus permittendus; quod hic tamen etiam negatur: nempe quo tempore Senatores Imperatoribus salutationem matutinam velut officium aliquod necessarium præstabant: quæ salutationum res aliunde notissima est. Igitur Theodosius ne eo quidem tempore vel prætextu Senatores chlamydatos in vrbe esse voluit: contra eo quoque tempore in ciuili habitu esse iussit. Sane Togati salutationes suas olim fecere, neque in alia veste matutinum illud *Aue* adferre fas erat: quod sciunt, qui vel Martialem legerunt: Quo pertinet & illud Spartiani *Hadriani cap. 3. Vnde hodieque Imperatores*

tores sine penulis a Togatis videntur. Vsum igitur indumentum militaris in Vrbe Constantinop. Senatoribus interdictum Theodosius: At Constantinus iam olim generalius Romæ teste Victore de *Casariis*. cap. 40. post Maxentium deuictum, Praetorias legiones fustulit penitus, simul arma, atque vsum indumentum militaris. Et hoc quidem in Vrbe: ait enim Theodosius, *duntaxat intra mœnia*. Igitur Chlamydis vsum in terminis vrbis seu extra mœnia Senatoribus indulsit. Sane, Chlamydis Senatoribus iam olim vfi. Ambrosius quoque hoc æuo cap. 3. de dignit. *Sacerdot. sicut Senatorem chlamys ornat*. Quem Ambrosii locum, non est quod quidam ad Themistii *Orat.* 14. pag. 316. Edit. Petau. 1613. in 8. *Flexia*, cum hac leg. operose conciliare studeant: cum & ad Occidentem is pertineat, hæc vero nouam Theodosii M. constitutionem continet, ad Vrbem Constantinopolitanam pertinentem. Adde & Sidonium Appollinarem lib. 1. *epist.* vlt. vbi vid. quæ doctissimus ibi interpres. Ergo Chlamydis vfu Senatoribus in vrbe Constantinop. hac leg. interdictum: non etiam aliis Palatinis dignitatibus seu Officiis, qui & ipsi iam olim chlamyde vfi. Vnde lucem accipit quod Lampridius scribit de Constantino M. in v. *Alexandri Severi* cap. 67. eum Eunuchus eo loci habuisse, *ut nec chlamyde vti iussit, sed necessitatibus domesticis delectaretur*. Et hæc de vetito chlamydis vfu Senatoribus in vrbe Constantinop. Quid igitur? eos quieta coloborum ac penularum induere vestimenta iubet. *Colobos*, vel *colobia* hic interpretantur nonnulli latos clauos superiectos interiori velli, vt hic, ita & apud Hieronymum *questionib. in Genesim* pag. 145. *Tom. III. Oper. Edit. Francf.* & apud Seruum ad *Æneid.* I. v. 286. & IX. v. 616. Sane ita Acron, siue quisquis ille est sub Acronis nomine, accepit, ad hæc Horatii *Serm. I. Satyr. 5. v. 36. Prætextam & latum clauum, prunæque baulum*. *Purpuram*, inquit, *quæ in pectore extenditur Senatorum*, τὸν κολοβίσματα vocant: vsum eius retinent hodie Principes inticentes vesti a ceruice ad pedes, indumentum ex purpura vel pellibus pretiosis muris Pontici vel aliis, dum Regio habitu prodeunt in publicum. Itaque hi latum clauum & colobium pro eodem accipiunt: cum tamen latus clauus non tam vestis genus sit, quam vestimenti portio, & velut insitita: vid. l. 19. §. 4. l. 23. §. 1. D. de auro, arg. leg. Quare colobium hic est vestis sine manicis, cuius in veteribus Glossariis, & apud Codinum, & Anastasium in *Eutychiano* pag. 22. Edit. Roman. 1731. mentio fit. Cassianus quoque lib. 1. de canonicorum institut. cap. 5. de habitu monachi pag. 19. *Tom. VII. Bibl. Patr. Colobis*, inquit, *lineis induti, quæ vix ad cubitorem ima pertingunt, nudas de reliquo circumferunt manus*. Dorotheus quoque de doctrina I. a Diaconis κολοβιον μὴ ἔχον χειρίδια, P. 106. statum scribit. Papias Vocabularius: *Colobium genus vestis dictum, quia longum est, & sine manicis: hoc antiqui utebantur, sed quia nuditas brachiorum culpabatur, vsus colobiorum in Dalmaticis est mutatus*. Alcuinus de diuin. off. *Vsus Dalmaticarum a B. Siluestro institutus est: nam antea Colobis utebantur*. Colobium vero est vestis sine manicis. Isidorus Origin. 19. c. 22. *Colobium dictum quia longum est & sine manicis: antiqui enim hoc magis utebantur*. Idem ibid. *Libitonarium est colobium sine manicis, quali Monachi Aegyptii vtuntur*. Glossarium Camberonense MS. *Colobium vestis cuculli similis, nisi quod cucullo caret*. Rufinus lib. 2. c. 3. quibus vsus est indui colobis quasi sacris lineis. In vita Pachomii cap. 14. *Libitonarium linea vestis*

erat, instar colobii. Nicetas Choniates in Thesaur. orthod. fidei, lib. 1. cap. 39. *Dalmatica quæ nunc Colobia dicuntur, purpuraque prætexuntur*. Ergo colobia fuerunt breues tunicae & sine manicis: Seruius id quoque testatur ad *Æn.* IX. v. 616. cum scribit, *antiquos colobis vfos non manicatis & talariis tunicis*. Vnde nomen illis a κολοβός: quod est curtax, mutilus, truncus: vnde & κολοβός ὁ μέρῳ τῆς σώματος ἀφαιρεμένος. Quare χιτῶν κολοβός, opponitur χειροβλήῳ manuleato, & Dalmaticis. His vero signum intertextum fuisse e purpura ex Dorotheo & Niceta discimus: sic & colobium purpuratum apud Anselmum Decretorum collectorem, & apud Anastasium in *Eutychiano* legitur. Sic & Diaconorum colobia purpuram intertextam habuisse colligitur ex Ammiano Marcellino lib. 14. cap. 9. vbi ait; *Maram Diaconum Antiochiæ literis ad Tyrii texturini Praepositum scriptis peruruisse, celerari pectoralem tunicam sine manicis purpuream*. Quibus verbis Colobium apertissime describitur: quod Viri docti iam notant. Vel certe ἐξωμῆς, quæ manicis prorsus carebat, non decurtatis & mutilatis vt colobium.

Ex hac interim quoque lege discimus, seruos colobis non vfos: eorum quippe vfus hac leg. Senatoribus tribuitur: mox vero seruis byrri & cuculli conceduntur. Id vero etiam nominatim Seruius obseruat ad *Æn.* I. v. 286. *seruos nec colobia nec calcæos habuisse*. Obseruat & vetus Luuenalis interpres nondum editus, in *Bibliotheca Ambrosiana*, quem citat Ferrarius de re Vestitaria, cap. 20. ad illud *Satyr. I. v. 3. recitauerit ille Togatas*. Hocque distabant inter se serui & domini. Et hæc de Colobis, quibus *Dalmaticam* successisse a superioribus Scriptoribus nonnulli volunt: (*) Quamquam Colobiones cum Dalmaticis commiscet Epiphanius, καὶ δαλματικάς εἰν οὖν κολοβίσματα. Vtrisque certe id commune fuit, quod clauis purpureis vtræque inoculata essent. Et hæc de Colobis Senatoribus indutis.

Penularum quoque vsum, quæ Græcis Φαλόνης, seu Φελόνης, ex crassiori lana fiebant, non ex tenuiori, vt togæ, & ponderosiores erant, seu grauissimæ, vt vel ex *Tertulliano* discimus; & quidem pullæ, cum capitibus, cum capitiis, Senatoribus intra vrbem Constantinop. hac leg. indulget Theodosius M. nempe pluuioso tempore, vel frigido; vt Colobia æstiuo & sicco. Nempe Penularum hic vñs Romam tandem a Græcia translatus, non tantum itineris causa, verum etiam in vrbe, vel pluiarum ad propulsandos imbres, vel frigoris causa. Vetustiora de hoc Penulæ vfu pluiarum tempore, & in itinere, huc non arcesso: propiora quædam & ad rem adferam. Sub primis certe Cæsariibus forensis habitus penulæ non erat: postea tamen res mutauit sub Domitiano iam, vt discimus ex *Authore Dialogi de causis corruptæ Eloquentiæ*. vid. & quæ *Castritius Rhetor* sub Hadriano apud *Gellium* lib. 13. c. 20. *Spartianus in Adriano* c. 3. *Penulas quibus vii Tribuni plebis pluuia tempore solebant, Imperatores autem nunquam: vnde hodieque Imperatores sine Penulis a Togatis videntur*. Tribuni igitur plebis primum in vrbe pluiæ causa vfi, vipote cum his in publico esse identidem oporteret. Ergo solis Tribunis plebis in vrbe vsus Penularum olim pluiæ tempore concessus, non aliis Senatoribus, etfi Tribuni ex Senatoribus forent. Ecce testimonium *Castritii Hadriani Imp. temporibus*, cuius apud *Gellium* lib. 13. cap. 20. verba extant ad discipulos

(*) Lege MEVRSIVM in *Glossar. voc. κολοβιον*, apud quem sunt integra Dorothei de doctrina loca: aliâ collegit Cl. du FRESNE in *Glossar. vtroque voce. Colobium & κολοβιον*.

pulos quosdam suos Senatores, quos viderat dieferiato tunicis & lacernis indutos: Equidem maluissim vos Togatos esse, pigritum est Cinctos saltem esse & Penulatos. Mox tamen ad alios in Vrbe exemplum propagatum. De spectatoribus ludorum, & de funeribus, Lampridius Imp. Commodi. c. 16. Et contra consuetudinem Penulatos iussit Spectatores non Togatos, ad munus conuenire: quod funeribus solebat. Vbi non probio qui reponunt, Senatores. Inde ad Senes omnes. De Alexandro Seuero Lampridius, c. 27. Penulis intra urbem frigoris causa ut senes vterentur permisit, quum id vestimenti genus semper itinerarium, aut pluuie fuisset: matronas tamen intra urbem penulis uti vetuit, in itinere permisit. Quo loco pariter non possum assentiri reponentibus Senatores loco senes. Nouum enim istud institutum Alexandri, non ad Senatores, sed senes omnes respexisse, tum ipsa causa eius constituendi generalis ostendit, frigoris nempe causa; tum oppositio pristini moris, quo itinerarium fuit apud omnes in usu; ergo nunc vrbani senibus omnibus in usu: tandem exceptio Matronarum, quæ utique non solæ Senatoriæ fuerunt. Tandem post Alexandrum Penulati omnes, quibus liberet, aut frigoris, aut pluuiarum gratia: sed tamen præcipuum hoc habuerunt Senatores, ut quemadmodum colobia Senatorum signum intertextum e purpura habebant, ita & Penulæ Senatoriæ purpuræ quid haberent. Quare in Glossis Cyrilli, συγκλητικός ἀνὴρ, ὁ ἔχων πορφύραν, Penulatus: quomodo ibidem συγκλητικὸν φόρημα, ὁλοπόρφυρον, Prætexta: & mox, συγκλητικὸν φόρημα, Toga. Vnde vero Penula nomen dictum, quænam ea vestis fuerit, adstrictæ, an laxæ? aliæque id genus disquirunt Ioan. Bapt. Donius in differat. de vtraque Penula. Nos enim alio properamus. Et hæc de veste, quam Senatoribus indulget Theodosius M. hac leg.

Tertium Vestis Senatoriæ genus est iam necessarium: Nempe Togatos Senatores esse iubet Theodosius M. duobus in locis & occasionibus, in Senatu, & in Iudiciis litigantes: Et sic colobiis & penolis depositis Senatores Togatos in Senatu esse voluit, quibus extra Senatum colobiis amictis & penulatis esse licuit. Quo pertinet & hic Sidonii Apollinaris locus lib. 1. epist. 5. vbi de Ricimeris nuptiis cum filia Anthemii Imp. Iam Toga Senator honoratur, iam penulam deponit inglorius. Ergo in Senatu solo Iudiciisque Togatos esse voluit Theodosius M. cum antea, seu priscis temporibus Togati semper fuissent Senatores: vnde & Senatus Togatus, Acroni l. 1. ep. 7. v. 65. Plebs Togata, luenalis Interpreti Sat. 8. v. 49. pro Senatu: Mancipia Togata, Helioabalo, teste Lampridio. c. 19. Sidonius l. 1. ep. 5. Iam Toga Senator honoratur, &c. Verum Senatores paulatim aliis vestibus adfuevere: & quidem Tunicarum & Lacernarum vestibus iam de multo usu ignoscibilis erat, quod docet Castritius apud Gellium lib. 13. cap. 20. qui tamen Hadrianus mederi instituit, teste Spartiano c. 22. Senatores, inquit, & Equites Romanos semper in publico Togatos esse iussit, nisi si a cæna reuenterentur. Priscum igitur morem seruauit Theodosius saltem in Senatu & in Iudiciis, quæ Togatorum sedes; in Senatu inquam, vel ut hic vocatur & l. 21. supr. de Prætorib. in Ordinis Candidati conuentu, qui cur ita dicatur, ibi dixi: in Iudiciis, vel ut hic loquitur, si Senatoris negotium sub publica Iudicis sessione cognoscatur, id est, si in Iudiciis litiget. Litigatoribus Senatoribus togatis esse necesse est, ne aliquin vilescat eorum dignitas, quem scopus huius rei esse puto. Extra ordinem certe aliquando Senatores in Senatu non Togam, verum penulam purpuream cum sociis sumebant, ut in

Tom. V.

publicis conuentibus & lætitiis. Sic Themistius orat. 14. pag. 316. Edit. Petav. Flexia 1613. in 8. testatur, cum in Senatu legeretur oratio seu epistola Constantii super Themistio, de quo dixi ad leg. 12. supr. de Prætorib. Senatum habitum festiuium fuisse, ὑμῶν δὲ ὡς περ ἐν πανηγύρεσι μελαμψέσασμενοι τὰς τῆβέννας, καὶ τὰ ὑποδήματα ἀλλὰζάμενοι, συναθροόμενοι ἐπὶ τῶν διφρών: Vosque interim, quasi in ludis, togati, & permutatis calceis, in sellis confidentes. Et hæc tamen quidem de Senatoria veste.

2. OFFICIALIUM vestem secundo loco Theodosius M. hac leg. definit. Officialium, inquam, id est, ut hic recte d. finiuntur, eorum per quos statuta (seu præcepta iudicum) complentur & necessaria peraguntur: de quibus plene lib. 8. supr. Iriphicem igitur vestem hos gerere vult. Primo Interiorem vestem, eamque cingulis admodum obseruatam, obseruatam, obfirmatam. Apparitores seu Officiales iam olim cincti. Tiro apud Gellium, lib. 12. cap. 3. Lictorem vel a lino vel a licio dictum: licio enim transfuerso, quod limum appellatur, qui Magistratibus præministrabant, cincti erant. Isidorus lib. 15. c. 14. Hinc & limus vocabulum accepit, cingulum quo serui publici cingebantur: vid. eundem & lib. 19. cap. 22. & lib. 19. cap. 33. Limus est cinctus, quem publice habent serui, &c. Nempe cincti & εὐζωνοι omnes, ministeriales. Ita apud Petronium cap. 21. pag. 12. Edit. Wouuer. Cynadus superuenit myrthea subornatus gausapina, cinguloque succinctus: vid. & Senecam de breui. vitæ cap. 12. Cincti & mobiles. Notum Dominicum & Paulinum illud, de militia Christiana; Esote lumbis succincti. Huc refero & illud Castritii apud Gellium lib. 13. cap. 20. Pigritum est cinctos saltem esse & penulatos. Non quod ipsæ penulæ cinctæ, sed sub penulis interior vestis cincta esset. Denique cincti omnes, qui aliquid serui facere parabant. Apud Phædrum lib. 2. fab. 6. v. 11. Alticincti atrienses, quibus tunica ab humeris lineo erat destrecta. Apud Sætonium in Caio c. 26. Caius quosdam summis honoribus functos, canenti modo ad pluteum, modo ad pedes stare succinctos lineo passus est. Apud Horatium Satyr. 8. lib. 2. v. 10. Puer alte cinctus acernam Gausape purpureo mensam perterisit. Plura non addo iam alibi obuia. Secundo, Officialibus Iudicum penulatis sub ea conditione, ut vestis interior sit cincta, esse permittit: Sidonius, equidem de Censualibus, lib. 8. epist. 6. Mixtumque turmæ Censualium penulatum, &c. cui loco illustrando Sauaro hanc leg. aptauit. Sed Censuales Officialium numero non fuere, sed ministerium ciuitatum. l. 4. supr. de testament. de quibus sine leg. Tandem inuentur Officialis pectora sua discoloribus palliis contegere, ut ita conditionis suæ necessitatem ex huiusmodi agnitione testentur. Cui optime conuenit Petronii locus cap. 57. pag. 39. Edit. Wouuer. vbi de furto per lancem & licium agit. Intrat stabulum præco cum seruo publico. &c. Nec longe a præcone Ascyllus stabat amictus discoloria veste, atque in lance argentea indicium & fidem præferebat. Amicti igitur prisco more serui publici, Officialisque discoloria veste, ut ita agnoscerentur. Qui mos ad alias deinceps gentes manauit. In Francia iam olim vetitum, ne Officiales quidquam exequerentur, nisi discoloribus suis palliis obtecti. Huc pertinent illa ex veteri Poëta.

Mais qu'il ne vous veuille déplaire,
Ne sçay quel VESTV DESVOYE,
Mon bon Seigneur, tout DESVOYE,
Qui tenoit vn fouët sans corde
M'a dit, &c.

Gg 2

Nempe

Nempe hoc vult, Officiale, qui virgam tenebat, & vestem discoloriorem gestabat, eum citasse. Parlamentum quoque Parisiensis Arresto cautum Anno 1537. ne citationes vel executiones villas Officiales facerent, nisi ita vestiti, *Sergens miparris*: Quam in rem plura Antiquitatis Franciæ callentissimus Pasquierus, ex quo & hæc ipsa habeo lib. 4. des Recherches, cap. 27. Discoloria porto hic sunt, & apud Petronium duplicis coloris. In Glossis *Discolor*, *διχρος* & *διχρωμος*: sed an ita ut mixti coloris essent, drap mesle? an ita, ut ex duplici panno diuersi coloris idem pallium contextum esset, quod hodie ferme obtinet? Istud mihi verosimile. De coloreis vestibus alias dictum.

Illud hic tantum obseruandum, quod discoloribus palliis *pectora* nominatim contecta fuerint. Vnde videatur *pallium*, non vt Petronii ætate, fuisse vestis integra quæ amictui esset, sed tantum pannucia quædam, quæ pectori aptaretur, pariter vt colobia: cuiusmodi Pallia sunt quibus Religiosi quidam hodie pectora contegunt crucibus signata, conditionem suam ex huiusmodi agnitione, *γνώρισμῳ*, testantes: cuiusmodi Pallia Sacerdotalia sunt, quæ a Pontifice Romano accipiuntur. Pallium scilicet dictum non tantum vestis integra, verum omne etiam amiculum quod superiniicitur, *ἐπίβλημα*, etiam partis alicuius corporis integumentum, veluti omne quod capiti tegendo fuit. Pallio denique caput velabatur, & frigus a capite defendebatur, vt iam notum est ex Seneca *epist. 114.* Rutilio Lupo lib. 2. de figuris sententiar. pag. 9. inter Rhetores *Pithæi*, Petronio cap. 32. p. 19. Edit. Wouwer. & Plutarcho in Pompeio, vbi Demetrii liberti eius superbiam taxat, & Fulgentio de *prisco Sermon.* num. 14. vbi de *Tutulo* agit. Igitur Pallium hoc, quo *pectus* contegitur, instar Latii Clauis fuerit: quomodo etiam Clauis Senatorum & Equitum in pectus vsque demissi supra vestem Horatius *Serm. I. Satyr. 6. v. 28.* meminit.

--- Latum demisit pectore Clauum.

Vbi Acron: Latum Clauum Purpuram dicit, quæ in pectore extenditur Senatorum: Greci τὸν κολεβιδῶνα vocant: vsum eius retinent Principes, iniicientes vestis a ceruice ad pectus indumentum ex purpura vel pelibus pretiosis muris pontici, vel aliis, dum Regio habitus prodierit in publicum. Ita Claudianus Rufino vitio vertens barbarum habitum lib. 2. in *Ruffin.* v. 78. sequ.

Ipsæ inter medios, ne qua de parte relinquat

Barbariem, reuocat fuluas IN PECTORE
pelles: &c.

Idem de Trabea Consulari de laudib. *Stilicon.* 2. p. 365.

Tunc habiles humeros armis Dea vestibus ambit
Romuleis, Latii sederunt PECTORE cultus.

Pallia autem hæc ex lana facta, seu lanæ fuere: & quo quæstioris elegantiae lautitæque, ex mollissima lana, teste Petronio cap. 28. pag. 16. Edit. Wouwer. Et hæc quoque de Officialium veste: cuius hæc summa; *Penularum* vsum his concedi, sub duabus tamen conditionibus; vt & interior vestis cingulo firmata sit, & discolori pallio pectori aptato suam conditionem testentur.

3. Tandem Theodosius M. hac leg. *SERVI-LEM* quoque habitum seu vestem distinguit: quomodo & alias seruilis vestis ab aliis distincta: cuius meminit Tacitus non semel. *Lampridius Alex. Seuero* cap. 23. 27. *Vopiscus Aureliano* cap. 49.

SERVIS igitur vt permittit Theodosius vel *birris*, vel *cucullis*. Non erat igitur hæc proprie senilis vestis, quod ex hac leg. quidam colligunt; cum his vt non iubeantur, verum harum vltus his permittitur. Permittitur, inquam, eo quod omnium vilissimæ vestes fuerint, κοινὰ, κοινὰς πολλοῦ μένου, κοινὸν σχῆμα, κοινὴ ἐδῆς, cumque aliis seruis quoque ἐπικονῶ. Igitur aliis vestibus vt prohibentur, quæ non ita vulgares, cum tamen alias quoque vsurparent: adeo quidem vt sua ætate iam Appianus queratur lib. 2. de bello civili p. 820. Edit. Tollii: καὶ ὁ δαυλεῖν ἐπὶ τὸ σχῆμα. τοῖς δεσπότηταις ὁμοῦ, χωρὶς γὰρ τῆς βελευτικῆς ἢ ἄλλῃ σολῇ τοῖς στραπασσιν ἐστὶν ἐπικονῶ. Et seruis cultu eodem vituitur, quo dominus, exceptaque Senatoria veste, catirarum vsus est promiscuus. Igitur hac leg. Theodosius interdicto aliarum vestium, quæ liberis hominibus conuenient vsu, solius hyrri, aut cuculli vsum seruis permittit. Nempe *hyrrum* vulgarem vestem, & βιβροφόρους plebem infimam, tenues Quirites & ἐντελείς fuisse, sexcentis testimoniis confirmari possit: etiam ex his quæ notauit ad *Veterem Orbis descr.* cap. 40. Sane βιβρὸν ἐν οὐνείῳ βλέπεμενον θλήψιν καὶ σενοχωρίαν σημαίνειν, διὰ τὸ ἐμπεριέχειν τὸ σῶμα, birrum in somnio apparentem portendere tribulationem & angustias, propterea quod corpus circumamplēatur, Somniorum coniectores censebant, teste *Artemidoro* lib. 2. cap. 3. & ex eo *Suidas* in v. ἐφεστῆς, nempe quia stricta hæc vestis & misere plebis erat. Hinc adeo Ascetarum & Clericorum ea vestis velut humillima, vt ex *canone 12. Gangrensi* liquet p. 535. 536. *Tom. I. Concil. Ed. Harduin.* τῶν μετ' εὐλαβείας τὰς βιβρὸς φορούντων, καὶ τῇ ἄλλῃ κοινῇ, καὶ ἐν συνθείᾳ ἔσθῃ ἐδῇτι κεχρημένων: qui cum reuerentia birris vituntur, & alia veste communi, quæ in vsu est, vbi damnantur, qui διὰ νομιζομένην ἀσκησιν περιβολαίω, propter continentiam quæ putatur, amictu pallii, vtebantur, id est pallio, & velut in hoc iustitiam collocantes, eos condemnabant, qui cum pietate & humilitate Birris, aliaque communi & consueta veste vtebantur. Certe a colobiis & a penula diuersam hanc vestem fuisse docet hac lex apertissime. *Artemidorus* loco quem supra allegauit, Chlamydis genus facit, ἢ ἐνιοι μανδύην, οἱ δὲ ἐφεστῆδα, οἱ δὲ βηρίον καλεῖσιν, quam alii mandyan, alii ephesridem, alii birrum vocant, eamque adstrictam vestem fuisse docet, & ideo in somnis θλήψιν καὶ σενοχωρίαν significasse, διὰ τὸ ἐμπεριέχειν τὸ σῶμα. Quod vero *Artemidorus* birrum eundem facit cum ἐφεστῆδι & μανδύῃ, id quoque *Suidas* ait: ἐφεστῆς ἰματίων Ῥωμαίων λέγεται δὲ καὶ μανδύας καὶ βιβρὸν. ἐφεστῆς vestis romana, quam alii etiam mandyan & birrum vocant, *Palladius* etiam in *Lausiaca* in *Serapione Ascete*, populum Atheniensium omnem tum diuidit in τριβυνοφόρους, id est *Philosophos* Ascetas, & βιβροφόρους, vt recte ibi restituit *Salmastius* ad *Tertull. de pallio* pag. 82. nempe plebem vulgarem hac voce indigitat *Palladius*. Tandem *passiones* Sanctorum plenæ sunt de Birro, vel Birra veste, qua pro humilitate Episcopi, Clerici, alique vsi: vid. *Palladium in Lausiaca*, & *Heraclicis Pontici* versionem, quam adducit *Salmastius* ad *Tertull. de pall.* pag. cit. Acta *Passionis* Cypriani, *Augustinum* sermone diuersi, ad Clericos. Quanquam & postea birris Monachis vt interdictum, tanquam adhuc pretiosioribus: vid. *Cassianum* de institut. canob. c. 5. de habitu Monachi. Regulam *Isidori* c. 13. *Lineo non oportet Monachum vti: Orarium, planetas, birros, non est fas indui.* De Birris istis, deque eorum nomi-

minis ratione, plura non addo, quæ aliunde facile arcessi possunt. (*)

De Cucullo idem iudicium faciendum, vilem καὶ εὐτελῶν, hanc vestem fuisse, non vero peculiarem seruorum: Neque etiam hic Cucullus eo sensu accipiendus, quo alias pro nudo tegumento, σκεπάσματι τῆς κεφαλῆς, περικεφαλῶν: verum eo, qui cum birro eodem iure æstimandus venit: sic tamen, vt ea vestis proculdubio illud ipsum capitis tegumentum (qui alias cucullus) haberet. Plura nunc non addo de Cucullo, notissima ex Iuuenali, & Martiali.

Exceptio hæc tamen additur, libertatem seu licentiam hanc birris & cucullis vtendi seruis concessam, intelligendam de seruis illis, quorum domini sollicitudine militia non tenentur. Cuius exceptionis hic sensus est, seruis præterquam militum, permitti birris vti, vel cucullis. Cuius Exceptionis rationem hanc reddebat P. Pithæus l. Aduers. 16. quod milites quoque domini birris pallium vterentur: Quo & refert illud Interpretis Persii, qui lacernam Birrum interpretatus, ait fuisse pallium fimbriatum, quo olim soli milites velabantur, seu utebantur. Addo in eam sententiam & cucullos militare gestamen fuisse: cuiusmodi cucullos Bardaicos memorat Capitolinus in Pertinace, cap. 8. & quidem Bardaicos a Bardeis, qui Ἰλλύριοι δῶλοι στρατευσά-

μενοι, in Glossis, inde & Bardaicus Index, Iuuenali Satyr. XV l. v. 13.

Sequitur secunda huius leg. parte Sanctio legis qua Senator aduersus hanc leg. admittens Senatorio iure multatur: Officiales & serui exilii poena afficiuntur: de quibus dicitur, eos pudoris dispendium non sentire, & ideo exilii poenam subire. Magnum pudoris dispendium est Senatori, Senatu moueri: nullum, Officiali, & seruo actu suo moueri, quia imo honos hic esset: ergo exilio plebuntur: quæ poena in seruum quoque cadit, vt alibi supra ostendi. Tandem & officio Censuali poena 20. librarum auri imponitur, si contra hanc leg. vestem vetitam vsurpari viderit, idque vel dissimulauerit, vel accepta pecunia cognitioni Iudiciali subtraxerit. Fuerunt scilicet Censuales, id est officium Magistris census publicæ honestatis custodes, & politici: quod vt ex hac leg. ita ex l. 1. supr. de studiis lib. V. R. liquet; & ex iis quæ plene de Censualium officio notauit ad l. 5. supr. de Senatoribus, Errat enim Vir doctus l. Sauro ad Sijdonii lib. 8. epist. 6. qui Censuales hic accipit eodem cum Officialibus, de quibus supra: ac proinde hic Officialibus poenam proponi putat, si in hac leg. ipse aliquid admisit. vsurpata videlicet veste sibi non licita, vel non vsurpata ea quæ imperatur hac leg. Quod a Theodosii mente alienum est.

(*) Confer præter notas SALMASII in Tertullian. de pallio, Cl. du FRESNE in Glossar. latin.

De EXTERO TZANGARVM & BRACHARVM vsu Romæ prohibito, Honorii lex.

II. (a) Impp. Arcad. & HONOR. AA. ad Populum. (b)

VSVS TZangarum adque Bracharum intra Vrbem venerabilem (c) nemini liceat vsurpare. Si quis autem contra hanc sanctionem venire temptauerit, sententia (d) Viri Illustris PF. spoliatum eum omnibus facultatibus tradi in perpetuum exilium præcipimus: &c. Dat. (e) PP. Romæ (f) in Foro diui Traiani, (g) Cæsario & Attico Coss. (397.)

P. 213.

NOTÆ.

- (a) Abest hæc lex a Cod. Iustin. Iungenda autem ei lex vnica. infr. quibus militantibus ad urbem non liceat accedere: item lex vnica. infr. de Campo Martio Urbis Romæ: lex 3. infr. de Gladiatoribus. GOTHOF.
- (b) Romanum, vt docet vel subscriptio legis. ID.
- (c) Romam. ID.
- (d) Sequentia, totidem pene verbis extant d. l. vnica. infr. de Campo Martio. ID.
- (e) Locus, vbi datum hoc Edictum, hic, & dictis tribus legib. omissus. ID.
- (f) Dies hic, & l. vnica. infr. de Campo Martio: & l. 3. infr. de Gladiatoribus. omissus, supplendus ex d. l. vnica. infr. quib. militantibus. ita, VII. Id. April. ID.
- (g) Ita quoque habet subscriptio d. l. vnica. infr. de Campo Martio: de quo mox. ID.

COMMENTARIVS.

PEREGRINORVM seu BARBARORVM vestimentorum vsus, in Vrbe Roma, Anno D. 397. vt biennium post rursum A. D. 399. l. prox. 3. hac leg. omnibus interdicitur ab Honorio Imp. ac nominatim duorum. Hac inquam leg. quæ prolixioris Edicti Honoriani ad populum Urbis Romæ emissi, Romæque propositi in Foro Traiani pars est: quo Honorius Urbis Romæ tum Maiestati, tum & Securita-

ti, & Quietis potissimum enixe consultum iuit: vt patet ex aliis tribus eius Edicti partibus; puta ex l. vnica. infr. quibus milit. ad Vrbem: l. vnica. infr. de Campo Martio V. R. & l. 3. infr. de Gladiatoribus: quæ proinde hinc sociandæ veniunt omnes: Quinimo sexto post die, idem Honorius rursum prolixa constitut. one ad Senat. & Populum emissâ, tum Senatus tum populi vtilitati consultum iuit: cuius

partes sunt lex. 6. 7. *supr. de Senatoribus*: lex 31. *supr. de Prætoribus*: lex 27. *supr. de Nauicul.* lex 5. *supr. de Naufragiis*: lex 3. *infr. de Canone frum.* V. R. lex 24. *infr. de Susceptoribus*. Inter alia igitur, quibus Romanæ Urbis Maiestati, vel etiam quieti urbanae consultum iuit hoc Anno & Edicto Honorius, ista fuisse: Quod otiosos & peregrinos formidandosque Vrbe Roma submouit, quo pertinet d. l. *vlm. de Gladiatoribus tollendis*: & d. l. *vnice*, quibus milit. & forte d. l. *vnice*, de Campo Martio. Item: quod Exoticarum seu peregrinarum & Barbararum vestium vsum ea prorsus exulare voluit, tum *hac leg.* tum biennio post rursus l. *prox. 3.* & tandem tertia constitutione Anno Domini 416. l. *vlm. hoc tit.* Indicto proinde vel reducto Indigeni habitus vsu: vt Claudianus in 6. *Honorii COS.* v. 4.

Quam sua cum pariter trabeis repetatur & Vrbi Maiestas.

Et mox. v. 6. *seqq.*

..... *Species nec dissona cætu,*

Aut peregrina nites simulati iuris imago,

Indigenas habitus natius Palatia sumunt.

Posteaquam scilicet Barbari in Romanum Imperium atque in militiam adsciti, & ad dignitates euecti, ac nominatim *Gothis* fuisse, Barbararum vestium vsus passim inoleuit, ita quidem vt non vulgus tantum eum sibi vindicaret, vel in Prouinciis, verum etiam Principes viri in vtraque Roma, etiam Constantinopoli. Claudianus testis de *Rufino*, lib. 2. v. 78. *seqq.*

*Ipse inter medios, ne qua de parte relinquat
Barbariem, reuocat fuluas in pectora pelles.
Frenaque & immanes pharetras, arcusque sonoros
Assimulat, mentemque palam testatur amictus.
Nec pudet Ausonios currus & iura regentem
Sumere deformes ritus, vestemque Getarum,
Insignemque habitum Latii mutare, rogeque,
Mærent captiua pellito Iudice leges.*

Imo & Arcadio ipsi Synesius id exprobrat multis de regno pag. 23. *Edit. Petau.* Barbarum scilicet nouumque & insolentem cultum. Imo & Urbem Romanam ipsam non minus peruasit barbarus habitus: quod præter hanc leg. docebunt & due sequentes. Cui obuiam ire conatus Honorius, Ted conatus: Ideo postea quoque, post hanc leg. & *prox.* tertiant edere coactus: quo ipso tempore Rutilius Clandius Numatianus *Itinerarii* lib. 2. v. 49. *seqq.* in Siculo-nem hæc scribebat:

Ipsa satellitibus pellitis Roma patebat:

Ei captiua, prius quam caperetur, erat.

Quamlibet grauissima poena proposita Honorius id inhiheret: veluti *hac leg.* poena proscriptiois omnium bonorum & exilii perpetui: l. *prox.* coercitionis pro conditione personæ, & Vrbe expulsionis: vel etiam ea quæ continetur l. *vlm.* Caterum & olim iam Barbaro habitu procedere, contra bonos mores visum: & conditio, si Barbaro habitu processeris, nullius momenti habita, velut contra bonos mores adscripta, Paulus 3. *sent.* 4. §. 2. Porro *Tzangas* & *Brachas* nominatim vrbe exulare iubet *hac leg.* & l. *prox.* de quibus nunc prolixius agendum venit. *Tzanga*, hac leg. quæ & *Tzanca* proxi-

ma leg. *Zange* Acroni ad *Horat.* lib. 1. *Satyr.* 6. v. 27. *Tzangia* in *Falstis* Græcis seu Chronico Alexandrino pag. 768. *Edit. Raderi.* *Zanche* in epistola Gallieni apud Pollionem, in *vita Claudii Imp.* cap. 17. vbi inter cætera dona, quæ Gallienus Imp. Claudio misit ad eum placandum, numerat *Chlamydes veri luminis limbatus duas, vestes diuersas XVI. Albam subfericam paragaudem triuncem, vnam, Zanchas, de nostris Parthiis, paria tria: Singiliones Dalmatenses X, Chlamydem Dardanicam mantuelem vnam, Penulam Illyricianam vnam, Bardocucillum vnum, Cucutia villosa duo, Oraria Sarapienta quatuor.* Vbi nil mutandum, *Zanchas*, de nostris Parthiis, paria tria: nempe cum *Zanchæ* ex variis pellibus conficerentur, nominatim *Zanchas* ex earum numero quæ suæ essent, & de Parthiis pellibus confectæ, Claudio dono dedit, etiam eodem sensu sint qui mallent, *Parthicas*: sed nil necesse: *Parthica*, ex pelle *Parthica*. *Parthicarum* mentio multa apud Veteres. Inter alios in l. *vlm.* §. 7. *D. de publicanis & vestigalib.* vnde & *Parthicarum*, l. 1. *Cod. Iust. de excus. Artific.* pelliones scil. *Parthicarum*: *Corrigia* ex iis *Parthica* mentio apud Scholiastem Iuuenalis in illud, *Satyr.* 5. v. 165.

Vel nodus tantum & signum de paupere loro.

Parthici sacculi apud Ammianum Marcellinum lib. 22. cap. 4. Ait Gallienus, de *NOSTRIS Parthiis*: nempe de *Parthiis* fiebant Imperatoriae *Zanchæ*. Corippus lib. 2. de laudibus Iustini iunior. ita calceos Imperatorios describit:

*Purpureo sura resonant fulgente cothurno
Cruraque puniceis induxit regia vinculis,
Parthica Campano dederant quæ tergora fuco, &c.
Augusti solis hoc cultu competit vti.*

Erant igitur *Tzanchæ*, non tantum quo pedes, sed & quo suræ ad genua vsque tegebantur. *Glossæ* equidem *Basil.* τζάνγα, τὸ ὑπόδημα. Sed Acron ad *Horatii* illud 1. *Satyr.* 6. v. 27. *Insanus nigris mediam impedit crux Pelubus, &c.* *Nigris pellibus*, id est, *Zangis*. Ideo *Ilidorus* in *Gloss.* *Zanga*, pellis; *Procopius* etiam περὶ καταμάτων lib. 3. cap. 1. pag. 53. *Edit. reg.* de his sensit, ὑποδήματα μέχρι ἐς γόνα ποικίλ χρώματι, ἃ δὲ βασιλεὺς μόνον βασιλέων τε καὶ Περσῶν ὑποπόδιον θέμις: calceamenta coloris puniceo, ad genua pertinentia, quæ nemini præterquam romanorum Imp. ac Persarum regi induere licet. Faistorum Alexandrinorum seu Sicularum Auctor pag. 768. *Edit. Rader.* τὰ τζάνγια αὐτῶν ἢ ἀπὸ τῆς χρώσεως αὐτῶν ἢ παρὰ Περσικῶς σχήματι, ἐχόντα μαργαρίτας: *Tzangia* ipsius e sua regione ruffea, persico more gemmas habebant. C' estoient donques des bottines: Perones. Harum vsus interdicitur Monachis Synodi Aurelian. 1. cap. 20. pag. 1011. Tom. II. *Concil. Edit. Harduin.* & Clericis, *Capitularium* lib. 7. cap. 304. De voce ipsa verum dixit Salmasius ad Pollionis cap. 17. ab ἄγχω, quod est constringo, ἄγχη vinculum, quo quid constringitur: ζάγχη, pro διαζάγχη, vt pro *Diabolo Zabolus*: & Ζετα pro διατα: et Barbarica additio τζάγχη: vt τζίνα, τζάκωα, & alia mille. (*) Germani quoque forcipem vocant, *Tzange*. De *Brachis*, vel *bracis*, notius est quam vt hic pluribus agatur: dixit de his plene Salmasius ad *Lamprid.* *Alexandr. Seuer.* c. 40. *Braccarum* quidam vsus iam olim apud Gallos, aliosque populos fuit: verum bracharum vsus, de quibus *hac leg.*

(*) Adi etiam *Cl. Meursium* in *Glossar.* *CAR. du FRESNE* in *Glossar.* vtroque, cui *Zanga* deducenda potius videtur a Gallico *Sangle*, id est, cingulum, cum τζ apud græcos recentiores, pro ζα vsurpatum, vix reperiatur.

P. 21, leg. & quorundam iudicio leg. prox. Romani a populis Septentrionalibus Gothis traxere, pariter ut cetera quæ hac leg. & duabus proximis vetantur: quo pertinet illud Claudiani *supr. vestemque Getarum*. Sane Ovidius 5. *Trist. eleg. 7. v. 49*. Braccatos Getas iam olim fecit:

Pellibus & laxis arcent mala frigora braccis.

Et lib. 4. eleg. 6. v. 47.

-----Braccataque turba Getarum.

Ergo, cum Barbarica vestis iam inoleuisset, & Barbari quamplurimi in Vrbe Roma versarentur, imo serui, de quo l. *vlz. infr.* (pariter ut in Oriente, quod Synesius de regno queritur p. 21. Edit. Petau.) saltem maiestatem Urbis Romanæ peregrino habitu

contaminari noluit Honorius, imo & securitati eius providere: & quia a plerisque id omni habebatur, tanquam Barbaris Vrbe Roma, orbeque Romano mox posituris. In quo sane omine erat Synesius scribens ad Arcadium de regno, cuius verba summe notanda sunt p. 21. 22. Edit. Petau. Quo spectat & Rutili illud, quod *supra* iam retuli. Igitur NEMINI in Vrbe Roma peregrini habitus licentiam patere voluit Honorius, nequidem Barbaris, nequidem seruis (ut l. *vlz. infr.*) ut ita cum peregrinis, vel saltem, si non peregrinis, peregrinum habitum excluderet. Verum quam parum obsequentes habuerit Romanos Honorius, docent iteratæ leges aduersus Romanorum contumaciam, puta *leges due proxima*.

De eadem re, altera Honorii lex.

III. (a) Idem AA. Flauiano (b) P. V.

INTRA Urbem Romam nemo vel ragis, vel tzancis (c) vtatur. Quod si quisquam post præceptum nostræ clementiæ in hac contumacia perdurauerit, prout condicio siue-rit, cohercitus Sacra Vrbe pelletur: & cetera, (d) Dat. VIII. Id. Iun. Brixie (e) Theodoro V. C. Cos. (399.)

N O T Æ.

(a) Abest & hæc lex a Cod. Iustiniano. GOTHOFR.

(b) Flauianus P. V. Romæ sub Honorio. Eidem inscribitur Anno 400. proximo lex 61. *supr. de appellat. l. 9. infr. de aquaductib. l. 29. de Nauticis*. Fit eiusdem mentio l. 33. *supr. de erogat. mil. ann.* Meminit huius Flauiani Præfecturæ & Symmachus lib. 7. *epist. 50. & 95.* perstringit eandem *epist. 92. 94. 103. & lib. 4. epist. 5. 7.* qui & illud docet, Decium huic in P. V. successisse. Quod etiam docet collatio legum huic Flauiano P. V. inscriptarum, & eius legis quæ Decio P. V. inscribitur Anno 402. puta lex 15. *supr. de Tyronibus*: vid. *Protopogr. 1D.*

(c) De tzangis dixi ad leg. superiorem. 1D.

(d) Hæc cætera penitus interciderunt. 1D.

(e) Iterum ibidem data, mox VII. Kal. Iul. hoc ipso Anno lex 34. *infr. de Episcopis*. 1D.

COMMENTARIUS.

PEREGRINÆ vestis geminæ vsum rursus (benigno post legem superiorem) interdicere Honorius, cum in contumacia sua Romæ positi perdurarent, A. D. 399. Ad quam nihil præterea notandum est: nisi quod de RAGIS hic dicitur, quod superiore leg. de Braccis: ut dubium videri possit alicui, num utrobique Raga, an vero Brachæ reponendi sint. Ego non temere hic Brachis reponam; aut sollicitem vocem Ragis, etsi eandem vestem putem. Raga sunt, quæ ῥάχη vel ῥάχια: ῥάχη & βράχη idem. Ράχια certe idem cum ῥιβανίω, & Recentioribus Græcis proprie Monachorum pallium dictum περιβάλαον, quod supra vestem iniicitur: vid. Zonaram & Balsamonem in Canone 12. Concilii Gangrensis pag. 421. Tom. I. Pandect. canon. Guil. Beueregi: apud quos etiam Monachi ῥακοδυτεῖν, vel ῥακενδυτεῖν pannos induere, dicuntur, & ῥακενδυτής pro Monacho apud Nicetam Choniataem in Isacio lib. 3. num. 2. & in

Alexio lib. 2. n. 5. Palladius quoque de Taor virgine in *Lausiaca*: ἐκείνη δὲ ῥακοδυτῆσα ἀδιαλείπῳς ἐν τῇ μονῇ ἐν τῷ ἑργῷ καθιζομένη, ipsa vero pannis induta semper in monasterio in opere sedit. Apud Nicephorum in Catalogo Patriarcharum Constantinop. de Basilio Diacono dicitur, γυνὴ ῥιβασα τὰ ῥάχη, quæ habitum Monialem eiuravit & abiiecit. Est qui legat Ruchis, quod & Græci ῥάχον seu ῥάχιον vocant: inter alios Codinus de offic. Const. int. cap. 3. n. 3. τὸ κόκκινον ἱμάτιον, ἡὼς τὸ ῥάχον, iunica coccinea siue ruchum. Nicetas pluries, ac nominatim in Isacio, lib. 1. num. 10. Φαργγικά ῥάχα φορέσαντες καὶ τζεφέρα, francica rucha portantes & zibettum. Vid. plura apud Meursium in v. ῥάχον, & in v. ῥάχαριον. (*) His affinia & ῥήγεια, de quibus Stephanus Hefychius; & Racana, de quibus Ennodius, Nicetas, Mauriti- tius, Constantinus.

IV. (*) Impp.

(*) Adi etiam CL du FRESNE in Glossar. utroque vocc. ῥάκος, ῥακοδυτῆν, racana, rachana, & ῥάχον: & IACOBI GRETSEVM Observat. in Codin. lib. 2. c. 4. qui scribit ῥάχον, siue ῥάχον esse ipsissimum germanorum voculam Rock: inde & Rochetum, vox obuia in libris ritualibus romanis, inde ῥάχον, rucherium, siue vestiarium, locus in quo ῥάχα, rucha, asseruantur.

IV. (a) Imp. HONOR. & Theod. AA. Probiano (b) P. V.

MAIORES crines, indumenta pellium, etiam in seruis, intra Urbem sacratissimam præcipimus inhiberi: Nec quisquam posthac inpune hunc habitum poterit usurpare. Si quis autem neglexerit nostræ sanctionis vigorem, ingenuus legis laqueos (c) non euitet, seruus operi publico vindicabitur. Quod innotescere non solum intra Urbem petimus, (d) verum etiam in Vicinis regionibus non licere sancimus. Dat. Prid. Id. Dec. Rau. D. N. Theod. A. VII. & Palladio Coss. (416.)

NOTÆ.

(a) Absit & hæc lex a Cod. Justin. velut localis & temporaria. GOTHOFR.

(b) Probianus P. V. sub Honorio vid. Inscript. apud Gruterum CLXXI. 7. MLXXX. II. ID.

(c) Id est multam, legis laquei, pro multa, hæc leg. & l. 8. supr. de re militari: l. 9. supr. de fil. mil. appar. l. 16. supr. de diu. offic. l. 38. infr. de hereticis. ID.

(d) Id est, iubemus. ID.

COMMENTARIUS.

PEREGRINVM habitum & cultum, hac tertia, hoc titulo, iam constitutione prohibet Honorius intra Urbem Romam, Anno Domini 416. & quidem post liberatam a Gothis Romam instaurandæ urbi vacans hoc tempore non vna ratione; Triplici enixæ Voluntatis testimonio, tum pœnæ gravitate, proposita multa Ingenuis, seruis vero operis publici pœna: tum gemina ampliatiōne, ratione personarum, seruis etiam hoc interdicto comprehensis: & ratione locorum, non Romæ scilicet tantum, sed & in vicinis Regionibus. De quibus antequam dicimus, de ipsa habitus & cultus interdictione videamus, quæ sane hic amplior adhuc: nam & quod primo loco hic occurrit, MAIORIBVS CRINIBVS interdicat Honorius. Comam scilicet Septentrionales, Germanicæ, Barbaræ gentes aluere. De Gothicis crinium flagellis testis Sidonius lib. 1. epist. 2. & Francorum Regalibus, Gregorius Turonensis lib. 6. cap. 24. aliique. De Saxonum diffusa cæsarie Vitichindus lib. 1. Annal. pagina 4. Edit. Hen. Meibomii, 1621. Francos. inf. de cæsarie & comis Germanorum Iuuenalis Satyra 13. v. 165. Tertullianus lib. de virginib. veland. cap. 10. de Sicambriorum, mox Francorum crinibus & coma cæsariæque, passiva notatio. Scythis denique prolixam cæsariem fuisse, testis est Synesius in encomio Caluitii, pag. 77. Edit. Petau. ubi ait, seruos Scythas permultos in vrbe, prolixa cæsarie fuisse: *ἐκὼν οὐκ ἔτασ' ἡ καμὸς, καὶ συχνοὶς ἄλλοις εἶναι ἐν αἵσιν Σκυθῶν καὶ Σκυθικῶς ἀνεκότες τὰς κόμας*, nempe mihi quoque & aliis permultis in vrbe serui sunt genere Scythæ, promissa Scythico more cæsarie.

Hinc & Hieronymus hac ætate sua, comam demittere proprium esse dixit luxuriosorum, Militantium, & Barbarorum; Comam quippe demittebant omnes ferme Barbaræ Gentes, quæ Romanum Imperium occuparunt. Et hæc de maioribus crinibus.

Secundo PELLIVM indumentis interdicat hæc leg. intra Urbem Romam, & vicinas Regiones, Honorius: cuiusmodi fuere *tzanga* & *brachæ*, de quibus duabus superioribus legibus, a quibus Gothi ipsi Pelliti dicti apud Rutilium Itinerar. lib. 2. c. 49. qui hoc ipso Anno, vel proximo sane scribebat:

Ipsa satellitibus pellitis Roma patebat.

Ante vicennium Claudianus in Rufinum lib. 2. v. 85.

Mærent captiua pellito Iudice leges.

Sidonius vero epist. 2. lib. 1. de Theodorico Gothorum Rege: *Circumsistit sellam comes armiger, pellitorum turba satellitum ne absit, admittitur.* Hieronymus quoque de Gothis, Epitaph. Nepotiani pag. 15. Tom. I. Oper. Edit. Francf. Et pellitorum turba populorum. Item Mastroca, quæ erant vestes pelliceæ, Prudentius lib. 2. contra Symmachum v. 495. seqq.

Tentaui Geticus nuper delere Tyrannus

ITALIAM, patrio veniens iuratus ab Istro,
HAS ARCES aquare solo, *testa aurea flammis*
Soluere, *MASTRVCIS* Procere vestire
Togatos.

Cuiusmodi fuerunt & Rhænonæ Germanorum. *Σκυποφόρος* vocat Synesius in eodem argumento, & querela ad Arcadium, de Regno, p. 23. Edit. Petau. & vestem ipsam ibidem *κώδιον, κώδια*. *Κώδιον* est *δέρμα*: *σκύρα* autem corium hædinum Helychio. Vide & Ammianum de Hunnis lib. 31. cap. 2.

Igitur horum vsum omnibus Romæ interdicat Honorius: etiam Seruis. Quorum sane bona pars hac tempestate barbari fuere: ut probat quoque Theodosii M. in Oriente l. vnic. supr. de adilitiis actionibus. Imo de eo ex professo queritur Synesius apud Arcadium lib. de regno, pag. 23. Edit. Petau. ubi ait, quamlibet domum quantumcunque felicem Scythicum seruum habere: esse vnicuique *τραπεζοποιόν, τὸν περὶ τὸν ἰνὸν, καὶ τὸν ἀμφογεαφόρον, στρουκτορέν, & furnarium, & amphorarium* Scytham: nec non pedisequos, qui sellas post dominum ferant, quibus domini insidere possint, omnes Scythas esse, quasi iam olim hæc Gens designata esset accommodatissima & dignissima seruitio Romanorum. Id ipsum idem testatur predicto loco, in Encomio Caluitii. De ipsa Vrbe Roma, in eaque satellitibus Barbaris Rutilii locus expressissimus iam supr. indicatus:

Ipsa

*Ipsa SATELLITIBVS pellitis Roma patebat,
Et captiua prius, quam caperetur, erat.*

Et hæc de ipso Interdicto.

Sequitur *Ampliatio* altera ratione loci: non tantum Roma scilicet, verum & vicinis Vrbi Regionibus Barbarum cultum exulare iubet Honorius: vicinis Regionibus, Vrbi Romæ scilicet, quæ tum vrbi proximæ connexæ erant, tum sub dispositione P. Vrbi, vt patet ex *Inscriptione*. Ergo hæc leg. vicinæ eadem cum suburbicariis: duplici argumento, non tantum quia *Vicina Vrbi*, sed & quia sub Præfecti Vrbi dispositione fuisse indicantur, cuius vitque Dioecesis intra suburbicarias, seu vrbicarias regiones consistebat. *Finitima Vrbi* eadem vocantur in *veteri Inscriptione* Romæ in basi statuæ, apud Gruterum CCCLXX. 3.

L. AVR. AVIANO. SYMMACHO. V. C. PRÆFECTO. VRBI. CONSULI. PROPRAEFECTIS. PRAETORIO. IN. VRBE. ROMA. FINITIMISQUE. PROVINCIIS. PRAEFECTO. ANNONAE. VRBIS. ROMAE. PONTIFICI. MAIORI. QVINDE. CEMVIRO. S. F. MVLTIS. LEGATIONIBVS. PRO. AMPLISSIMI. ORDINIS. DESIDERIIS. APVT. DIVOS. PRINCIPES. EVNCTO. QVI. PRIMVS. IN. SENATV. SENTENTIAM. ROGARE. SOLITVS. AVCTORITATE. P. VDENIIA. ATQ. ELOQVENTIA. PRO. DIGNITATE. TANTI. ORDINIS. MAGNITVDINEM. LOCI. EIVS. IMPLEVERIT. AVRO. INLYSTRÆM. STATVAM. QVAM. A. DOMINIS. AVGVSTI. Q. NOSTRIS. SENATVS. AMPLISSIMVS. DECRETIS. FREQVENTIB. IN. PETRABIT. IDEM. TRIVMFACTORES. PRINCIPES. NOS TRI. CONSITVI. ADPOSITA. ORATIONE. IVS. SERVNT. QVAE. MERITORVM. EIVS. ORDINEM. AC. SERIEM. CONTINERET. QVORVM. PERENNE. IVDICIUM. TANTO. MVNERI. HOC. QVOQVE. AD. DIDIT. VT. ALTERAM. STATVAM. PARI. SPLENDORE. ETIAM. APVD. CONSTANTINOPOLIM. COLLOCARET.

Alioquin *Vicinas* Regiones remotiorum aliarum respectu, vterius accipi posse fateor, quo sensu ^{P. 26} *Nouella* Valentiniiani de *Suarius* ij. Lucania Provincia, *Vicina* dicitur, Sardinia videlicet, opposita. Hoc sensu Frontinus, de *controu. agrorum*: p. 54. Edit. Rigalt. & pag. 41. Edit. Gaf. & Auctor de *Colonis* p. 104. Edit. Rigalt. & pag. 118. Edit. Gaf. agros ultra quartum vel quintum vicinum dicunt, seu agrum a fundo tertio vel quarto vicino submotum: vicinus non est tantum proximus, sed etiam vterius, l. 1. §. 11. D. de *Cloacis*: l. 8. D. de *operis noui nunciat*. denique vicinum saepe dicitur, et si media alia loca interueniant, d. l. 8. & l. 17. §. 3. D. de *agua & aqua pluui*. vicini appellatio habet vim τῶν πρὸς τῇ. Sed ideo hæc leg. vicinæ vrbi regiones non aliæ sunt, quam finitimæ, quam suburbanæ, connexæ, proximæ: nempe quia ius quod *Vrbi* Romæ statuitur, idem ad vicinas eius regiones porrigitur ob eandem videlicet rationem: item quia lex hæc *Præfecto Vrbi* inscribitur, cuius Dioecesis vitque non ultra suburbanas seu suburbicarias, omnium confessione, procurrit. Et hæc quidem quantum ad propositam materiam sufficit: de hoc enim alibi plenius & ex professo. Illud adhuc addo, vicinas (vrbi scilicet) vrbes eodem iensu vocari, l. 20. *infr. de hereticis*. Nempe vbi ius, quod Romæ dicitur, ad vicinas regiones vel vrbes extenditur, necesse est immediate vicinas accipi, & sic quæ intra Dioecesim Vrbi positæ sunt: scilicet non satis Vrbi Romæ prospectum visum Principibus nonnullis, nisi quod ius in Vrbe Roma constituissent etiam ad vicinas, contiguas, continuas, vrbi regiones, vel vrbes traherent, porrigerent: vbi par honestatis ratio.

Ex hac iam leg. colligat quis, aliis locis Barbarum habitum tulisse Honorium. Sed & illud hinc videmus, Honorium neque hanc rem siue curam, quo honestas etiam in *Coma* seruaretur, a se alienam putasse, pariter vt Theodosius M. pater eius; in sp. l. 27. *infr. de Episcopis*.

QVIBVS MILITANTIBVS AD VRBEM NON LICEAT ACCEDERE.

TITVLVS XI.

Adest hic *Titulus* a *Codice Iustiniano*: vtpote momentanei iuris; & ad horum temporum historiam pertinens.

I. (a) Impp. Arcad. & Honor. AA. ad Populum. (b) Post alia.

AGENTES in rebus, adque Palatinos, aliosque milites inferioris militiæ (exceptis his, quibus negotium aliquod, aut munus fuerit iniunctum) omni penitus arceri Vrbi (c)

venerabilis iubemus accessu: ita, ut si quis nostri *Edicti* auctoritatem violare temptauerit, deportatione plectatur: & cetera. Dat. (d) & PP. Romæ, VII. (e) Id. April. Cæsario & Attico Coss. (397.)

N O T Æ.

- (a) Absit hac lex a *Cod. Iustin.* Est enim hac lex horum temporum propria. Quænam vero leges aliæ illi iungendæ sint? mox dicam. GOTHOF.
 (b) Romanum, ut docet vel subscriptio legis: PP. Romæ. ID.
 (c) Roma, Vrbs venerabilis: vid. *Gloss.* ID.
 (d) Locus ubi hoc Edictum datum hac leg. omisum est: pariter ut tribus legibus, quæ huic iungendæ sunt. ID.
 (e) Hinc supplenda subscriptio trium dictarum legum: ut viceversa ex duabus hic supplendum: PP. Romæ, in f. ro Diui Traiani. ID.

C O M M E N T A R I V S.

FORMIDANDOS, & VIOLENTIIS admit-
tendis, turbisque ciendis opportunos, adue-
nas & incolas, ab Vrbe Roma submouet Hono-
rius Imp. hac leg. Anno Domini 397. Quæ lex
pars est Honoriani Edicti: EDICTI inquam;
Nam præterquam quod Inscriptio ad populum, sa-
tis arguit, Edictum hoc esse ad populum Vrbs Ro-
mæ emissum, in ipsa etiam leg. Edictum diserte
vocatur. Pars autem Edicti prolixioris, quo Ho-
norius Imp. Quieti & Paci Vrbs Romæ enixe con-
sultum iuit, ut patet quoque ex aliis tribus huius
Edicti partibus, quæ huic coniungendæ sunt: puta
ex l. 2. *supr. de habitu quo vti intra urbem: l. vnic.*
infr. de Campo Martio V. R. l. 3. infr. de Gladiatori-
bus. Inter cætera igitur quæ ad hunc finem ten-
derent, formidandos Vrbi Romæ incolas & adue-
nas vrbe submouit: quo ut d. lex. 3. *infr. de Gla-*
diatorib. apertissime pertinet, ita & hæc. Ad eam
scilicet siue annonæ difficultatem, siue Turbarum
metum, Romæ tum deuentum, ut vtrique mederi
Honorius instituerit: quo pertinet hæc quoque
Edicti portio. Scilicet Agentes in rebus, Palati-
nos, aliosque milites inferioris militiæ omnino vr-
be submouet, sub deportationis pœna, extra quam
si negotium aliquod aut munus his fuerit iniun-
ctum. AGENTES in rebus erant, qui missioni-
bus Principis parebant, quibus a Principe negotii
alicuius executio iniungebatur, qui Principis iussis
obsecundabant, qui ad Urbem vel in provincias
necessitatis causa dirigebantur: vnde executio
Agentium in rebus dicebatur, & agentes plenum vi-
giliarum munus exercere, denique dicuntur eorum
labores, sollicitudines tantæ vigiliæ esse, ut soli
quicquid oneris est & proficere & efficere videan-
tur, eorumque schola Principibus maxime necessa-
ria: quæ omnia docuit *Titulus de Agentib. in rebus,*
supr. l. 6. Et fuit tamen hoc genus hominum rapa-
cissimum, de quo insignis extat Ammiani Mar-
cellini locus, *lib. 16. cap. 5.* sed & de furtis, adulte-
riis, & libidine eorundem, est lex 3. *supr. de Iuris-*
ditione: His denique Romæ consistentibus nonnul-
li vti ad violentias suas, ut docet Symmachus
lib. 10. epist. 36. Igitur & hos quoque tanquam Vr-
bi Romæ formidandos, ab vrbe submouit, seu ad
urbem accedere hoc Edicto suo vetuit Honorius,
urbicæ quieti consulens. Quæ ipsa quoque ratione
in eam Prouinciæ ex qua oriundi erant, vel in
quæ larem conlocassent, mitti vetiti, ante vnde-
cim annos a Valentiniano Iun. l. 4. *supr. de exe-*
cutorib.

De PALATINIS id ipsum cauet Honorius:
de Palatinis, inquam; id est, Officialibus Comi-
tis S. L. & Comitibus R. p. de quibus fuit *titulus*
supr. de Palatinis: qui Palatini vtriusque officii vo-

cantur, pariterque Agentibus in rebus iunguntur,
d. l. 4. *supr. de executoribus:* nam & hi Prouinciæ
sue aditu vetiti: sicut hic vrbs aditu ob eandem
videlicet rationem: Et hi Palatini ipsa scilicet
militia formidandi erant, utpote profligatorum
debitorum, & calumniarum concitandarum & ra-
pinarum perquam gnari: ut docent duæ Valenti-
niani Tertii constitutiones, *Nouella inter Theodo-*
fanas, de Palatinis 42. quarum etiam posteriore
ait se ad Prouincialium QUIETEM tuendam si-
mul ad AVARITIAM Palatinorum arcendam
remedia quæsiisse. Quæ sane ipsa causa fuit Hono-
rio huiusce legis ferendæ. Hinc adeo his in Vrbe
Roma consistentibus quidam ad vim & violentiam
vsi, pariter ut Agentibus in rebus: ut docet Sym-
machus d. *epist. 36. lib. 10.* Quare error est grauis
Scriptoris, de officiis domus Augustæ lib. 3. cap. 10.
cum ait hac leg. Agentium in rebus quosdam voca-
ri, inferioris militiæ milites: diserte enim hic mili-
tes inferioris militiæ separantur ab Agentibus in re-
bus, & a Palatinis.

Id ipsum & tertio loco Honorius de MILITIBUS
inferioris militiæ cauet, ut videlicet & ipsi (tan-
quam vrbi formidabiles seu metuendi,) vrbe arce-
antur. Quinam autem hi sunt? scilicet Stratores,
Domesticos, Protectores intelligit, qui & ipsi in
interdicto dictæ legis 4. *supr. de executorib.* iungun-
tur Agentibus in rebus & Palatinis. Excipit ta-
men Honorius milites inferioris militiæ, itemque
Palatinos, & Agentes in rebus, quibus negotium
aliquod vel munus fuerit Romæ iniunctum. Nem-
pe otiosos tantum, & vacantes seu vacantiuos vr-
be submouet Honorius: non vero mandato Prin-
cipis, aut summorum Magistratum negotium ali-
quod vel munus expletes: ut subinde omnes hi
pro rerum necessitate ad urbem quoque Romam
missi. Ita Palatinorum munerationum sacrarum,
ut quæstus publicos eruerent, Romæ agentium,
meminit Symmachus *lib. 10. epist. 43.* Agentium in
rebus, Romæ negotium aliquod exequentium
Idem non vno loco: *lib. 10. epist. 37. & lib. 2. ep. 24.*
(quæ data Anno 383.) & 62. (quæ data Anno 390.)
& *lib. 6. epist. 36.* (quæ data Anno 400.) & *epist. 59.*
(quæ data Anno Domini 401.) & *lib. 10. epist. 44.*
(quæ data Anno Domini 384.) Cæterum quam
res hæc Honorio curæ fuerit, ut inquam hæc ho-
minum genera Vrbe Roma abessent, grauissima
pœna proposita id ostendit, nempe deportatio-
nis, pariter ut Gladiatores in extremas solitudines
mandari præcepit, d. l. 3. *infr. de Gladiatori-*
bus: quæ huic inter alias iungenda est. Simili prorsus
ratione Arcadius l. 14. *supr. de Numerar.* Actua-
rios intra 50. dies Vrbe Constantinopolitana ex-
cedere iussit. Alia verò ratione Theodosius Imp.
Prouin-

Prouinciæ Rectores Illyrici ad Augustissimam Vrbem sine iussione Principis adire vetuit *l. 9. Cod. Iust. de off. Rebt. prou.* ne videlicet vrbis deliciis capti ab officio suo abducantur, Prouinciamque sibi commissam negligent, cuius interest esse aliquem, qui praesens ei profuit. Alia ratione, ob formidatam alimentorum inopiam, & ob famem, peregrini,

aliique nonnulli, Vrbe Roma pulsi: de quo Ammianus Marcellinus quoque in vtroque excessu de Vrbe Roma *lib. 14. cap. 6. & lib. 28. cap. 4.* Libanius in *Antiarthico pag. 366. Edit. Morell.* Themistius *orat. 6. pag. 160. Edit. Petau. Flexia 1613.* Et sic vrbe pulsi, vel vrbis aditu exclusi varii vario subinde fine, quæ multi turbide commiscunt.



DE HONORATORVM VEHICVLIS.

TITVLVS XII.

Lib. XI, Cod. IUST. Tit. XIX.

*VSVS vehiculorum omnibus Honoratis Constantinopoli iniungitur
a Theodosio M.*

I. (a) Imppp. Gratianus, Valentinianus & THEOD. AAA.
Nebridio (b) P. V.

OMNES Honorati, seu ciuiliū, seu militarium dignitatum, (c) vehiculis dignitatis suæ, (id est, carrucis biugis) (d) intra Vrbem sacratissimi nominis, (e) semper vtantur. Dat. III, Kalend. Febr. Constantinopol. Honor. NB. P. & Euodio Coss. (386.)

NOTÆ.

P.218. (a) *Lex vnic. Cod. Iust. eod. tit. GOTHOF.*

(b) *Nebridio* huic P. V. Constantinopol. inscribitur hoc ipso Anno III. Kal. Iul. *lex vnic. supr. de edilit. actionibus:* Inscribitur & *lex vnic. Cod. Iustin. de off. Praef. vigilum:* vbi perperam in *Inscriptione* editum *Nebridio:* Et si quoque *lex* ea in scripto habet, *Theodos. & Arcadium. ID.*

(c) Absit hæc vox a vulgatis *Codicib. Iustin. ID.*

(d) Absit & hæc vox a *Cod. Iustin.* Ita Sueton. *Caio cap. 19. Curriculumque biugi famosorum equorum. ID.*

(e) *Sacratissimi nominis* vrbs, Constantinopolis: omnis etiam. *ID.*

COMMENTARIVS.

HONORATOS, cuiuscunque dignitatis ii sint, siue ciuilis, siue militaris, intra Vrbem Constantinopolitanam, vehiculis dignitatis suæ semper vti iubet hac leg. Theodosius M. Anno 386. In qua interpretanda tot ferme errores vulgo admittuntur, quot verba occurrunt, quot item circumstantiæ. Primum, non est hæc constitutio de Vrbe Roma, verum de Constantinopolitana: vt docet primum subscriptio legis, ac proinde eius Auctor Theodosius M. Docet id ipsum & inscriptio legis: Inscribitur enim ea, *Nebridio P. V.* pariter vt *lex vnic. supr. de edilit. actionib.* quem P. V. Constantinopolitanæ fuisse testatur Palladius, in *Lausiaca in Olympiade, p. 139. docet & lex vnic. Cod. Iust. de off. Praef. Vigilum.* Denique docent & illa, *sacratissimi nominis Vrbem:* Nempe de Constantinopoli id accipiendum, quæ vt aeterno nomine donata dicitur *l. 7. supr. de Nauicular. vbi vide Tom. V.*

quæ dixi, ita & *sacratissimi NOMINIS Vrbis,* Constantini videlicet nomine: Et si alioquin Vrbis Roma quoque *sacratissima* diceretur, & vero dicitur ab Ammiano Marcellino *lib. 27. c. 3.* & Symmacho in *Auctario ep. 25. & 28.*

Secundo erratum, etiam a Cujacio, cum putauit, *Honoratos* hac leg. esse præditos ciuili militariue dignitate, veluti Praefectos Vrbi, Magistros militum, & similes. *Honorati* enim hac leg. non eo sensu, verum eodem dicuntur, quo innumeris aliis legibus, & inter alias *l. 1. supr. de officio Iudicum Ciuiliū:* vbi de Honoratis his plene dixi: nempe, non qui præditi sunt dignitatibus, verum qui administratione perfuncti dicuntur, *l. 2. supr. de Med. & Profess. emerito honore pollebant, l. 1. iuncta l. 2. & 3. infr. ne quid publ. latit.* vel etiam, qui officiis ac ministeriis perfuncti merito stipendiorum consecuti fuerant dignitates, *l. 1. supr. de milit. velle:*

veste: l. 4. *supr. de susceptor.* Quod præter genuinam nominis Honoratorum significationem ostendit insuper id, quod de Carrucarum tantum usu hic agitur: non vero de Carpentorum usu. Verum de hac Honoratorum appellatione dixi plene ad d. l. unic. *supr. de off. lud. civil. vid. & Ambrosium non uno loco, & Nouellam Valentiniani de honoratis, inter Theodosianas 45.* His addendi & qui Honorarios dignitatum codicillos adepti fuerant: de quo tit. *de honorar. codicill.* Quare recte nonnulli ex Interpretibus hic Honorarios interpretantur, habentes dignitates sine administratione.

Tertio notandum, hac tempestate (nam aliquando antea inuidiosum vel illicitum fuit in ciuitatibus vehiculis vri, vt docet Capitolinus in *Marco cap. 23. & Vopiscus in Aureliano cap. 5.*) suum cuique dignitati vehiculi genus attributum fuisse, seu sue dignitatis cuiusque vehicula fuisse, quibus vel honores gerentes, vel Honorati vri vehique solebant: & quidem non intra Urbem Romam tantum, sed & Constantinopolitanam. Quorum vehiculorum frequens intra Urbem Romam mentio occurrit apud Ammianum Marcellinum, inter alia lib. 14. in excessu de Vrbe Roma, c. 6. & lib. 15. cap. 7. vbi de Leontio P. V.

Quarto ad hanc leg. notandum venit, Honoratos Carrucis tantum biuigis, quam vocem recidit Tribonianus, vri potuisse, id est, vehiculo quod a duobus equis trahebatur: non etiam quadrigis vehi poterant seu carpentis, quibus Amplissimæ dignitates veluti Præfecti Prætorio vehebantur, qui actu eas dignitates administrabant: scilicet Carpentum seu Carrucha, de cuius etiam usu seu luxu Romæ, Marcellinus lib. 14. cap. 6. in genere erat τετρακύκλον ὄχημα: Carruca autem biuigis (vt curriculum biuige Suetonio in *Caligula, cap. 19.*) quæ a duobus animalibus trahebatur. Ergo Carruca biuiges, vehicula erant Honoratorum: Dignitatis sue vehicula, vt hac leg. ipsa vocantur. Vehiculorum nomen generale sub se complectitur varia vehiculorum genera, inter cætera Carpentum & Carrucas Biuiges: Carpentum, inquam, a quo vehiculum carpentarium Pollioni de *trigint. tyr. in Zenobia cap. 29.* a quo & carpentarius artifex Lamprius, in *Alex. Seuero cap. 52.* Fuere porro carpenta Principum & Imperatorum ipsorum: Ita Constantius Romam aureo carpento fulgenti claritudine lapidum variorum ingressus, ante annos ferme 30. A. D. 357. teste Ammiano Marcellino, lib. 16. cap. 10. Item Iudicum seu Magistratum maiorum, puta Præfectorum Prætorio & Præfectorum Urbis: Vopiscus in *Aureliano cap. 1. init. Vehiculo suo me & Iudiciali carpento Præfectus Urbis Vir Illustris Iunius Tiberianus accepit.* Symmachus, ipse Præfectus Urbis, carpenti huius, quo Præfectus Urbis vehebatur, meminit duobus locis, lib. 9. epist. 61. & lib. 10. epist. 33. qui & Carrucam generali significato vocat, d. epist. 33. vt & Chronici Alexandrini Auctor Anno D. 409. pag. 716. 717. Edit. Raderi. Huius Carpentis Præfecti Urbis meminit & Cassiodorus lib. VI. Var. 4. & 18. vt & Præfecti Prætorio lib. VI. Var. 3. Idem Cassiodorus 2. diuinar. Instit. c. 32. si Præfectum vox præconis enunciat, si carpentum ipsius strepitibus rotis transire noscimus. Idem & VI. Var. 15. Vicarium Urbis Romæ carpento vectum scribit. Iustinianus certe quoque Nouella 70. cap. 1. indicat, Præfectis Urbium Romæ & Constantinopoleos, vt & Præfectis Prætorio id honoris delatum fuisse, vt carpento publice veherentur, ὥς τε μεγάλης αὐτὸς ἡξιώμενος τιμῆς ἀπὴν τε ποικυμένους, quatenus magno promeritis honore, & in carpentis vestiti. De eodem sensu & Asterius homilia in festum Calendarum pag. 59. Edit. Rubenii, cum de Rufino PP.

agens, scribit, ἵδὲ τε φερόμενον ἐπὶ τῷ ὄρει ἐγαυρία τῷ ἀξιώματι, cum in curru sublimis & exaltatus transueheretur. Imo & Prouinciarum quoque Rectores Carpentis vestiti, Ammianus Marcellinus lib. 29. cap. 6. ni *Massala Prouincia Re-ktor eam Iudiciali carpento impositam ad Sirmium cursu reduxisse effuso.* Cledonius alioquin in arte Grammatica pag. 1864. inter H. Putschii *Grammat. Carruca Proconsulis* meminit: de Prætoris Lycæoniæ & Proconsulis Cappadociæ ἀπὴν ἀργυρᾶ, carruca argentea, vt vertit Iulianus, vid. *Nouell. 25. & 30.* De huiusmodi Iudicum carpento sensit quoque idem Ammianus Marcellinus, lib. 14. c. ult. cum scribit Gallum Cæsarem carpento priuato impositum: Priuato, id est, qui non conueniret Cæsari: ne cum Interprete erremus: pari sensu quo *Iudiciale carpentum*: Priuatus enim omnis dicebatur, P. 219 tur, extra Imperatorem & Cæsarem. Ac vt maxime omnes hi Iudices carpento in commune veherentur, attamen carpenta alia aliis augustiora fuere seu cultus vnus alio insignior erat. Sane Carpentum Præfecti Urbis memorat quoque sub Valentiniano & Valente vetus epigramma quod quidam Themistii ipsius putant; *Ἀνθόλογ. lib. 2. cap. 52. n. 7.* cui titulus: *Εὐς Θεμιστίου τὸν φιλόσοφον γενόμενον ὑπαρχον Κονσταντινῶν πόλεως, ἐπὶ Οὐαλεντιανῶν καὶ Οὐαλέντιου.*

Ἄντυγος ἑρᾶνης ὑπερήμενος εἰς πόθον ἡλδης

Ἄντυγος ἀργυρῆς ἀσχοῦ ἀπερέσιον.

In Themistium Philosophum, factum P. V. Constantinopoleos, sub Valentiniano & Valente.

Super ambitu calæsti sedens in desiderium venisti

In ambitu argenteo, dedecus infinium.

Vbi ἄντυγος ἀργυρῆς, est argenteum carpentum; ἄντυγος pro ipso vehiculo, a curuatura, ambitu, circulo sedis in vehiculo, quem exhibet quoque *Notitia*: id enim est proprie ἄντυγος. Nouum sane cultu insigniore Præfecti Urbis Romæ carpentum argenteum peregrinum ac superbum Gratianus imp. instituerat, quod postea velut inuidiosum nimis, vixit quo Præfectus Urbis velut Salomonis aliquis inueheretur, a Valentiniano iun. summoneri impetrauit Symmachus, lib. 10. epist. 17. & 33. Ex his iam apparet, errorem esse P. Fabri I. *Semestr. 3.* qui nullos alios Magistratus præter Præfectum Prætorio carpento vectos scribit: eoque Vopiscum hominem Syracusum καταχρηστικῶς, carpentum pro sella curuli nominasse: vti viceversa error est Viri Doctissimi, qui quodcumque vehiculum apud Historiæ Augustæ Scriptores carpentum vocari scribit. Tandem Carpentum hoc Præfectorum Prætorio & Præfectorum Urbis quadriuge, altiusque inter alia eorum insignia erat: quod exhibuit *Notitia Dignitatum* utriusque imperii, quadraginta ferme post hanc leg. annis vltra Arcadii & Honorii tempora scripta, vt alibi prolixè ostendo.

Maioris igitur fastigii fuere Carpenta: vnde verum dixit, etsi falsa originatione, Isidorus *Origin. XX. 12.* Carpentum vehiculi genus est, quasi carrum pompaticum. Quomodo & in re vehiculari seu in argumento cursus publici, carpenta maiori oneri trahendo erant: vt docet lex 18. & 30. *supr. de cursu publico*: vt & in militia: vid. Lamprius, *Alexandro Seuero cap. 52.* Inde etiam olim Carpenta in pompis Deorum vñtata, teste Ouidio *Fast. I. 619.* & Suetonio *Caligul. c. 15.* proque magno datum a Senatu Mulieribus Augustis, vt carpento veherentur, veluti Messalinæ & Agrippinæ: Suetonius, *Claudio, cap. 11. 17.* Tacitus lib. 12. *Annal.*

Annal. cap. 42. Dio, lib. 60. pag. 679. & 686. Edit. Leoniau. Alias foemineo sexui id inconueniens. Quare de Zenobia, velut extraordinarium quid notat Trebellius Pollio de *trigint. tyrant. num 29. cam ipsam vehiculo carpentario: raro, pilento.* Denique Carpentum, Quadriga equorum trahebatur; (quanquam & mularum & boum carpentum memoratur apud Lampridium in *Heliogabalo cap. 4.*) Et hæc de summis & *ἐμπράκτοις* dignitatibus, quæ Carpento procedebant per urbem. Alii vero *ἀπράκτοι*, seu *Honorati*, vt ex hac leg. apparet (minoresque etiam forte Dignitates) carrucis biugibus tantum vtebantur. In quibus tamen ipsis hac tempestate magnus luxur erat: Ammianus Marcellinus testis *lib. 14. cap. 6.* inania studia Urbis Romæ notans: *Alii, inquit, summum decus in Carrucis solito altioribus & ambitiosis vestium cultu ponentes.* Qui idem alioquin *lib. 27. cap. 3.* scribit, *Episcopos Romanos processisse vehiculis insidentes circumspicere vestitos.* Et hæc quidem de vehiculorum vsu hoc æuo delibasse sufficiat: neque enim aut antiquiorem circa hæc luxur, vetustioresque circa vehiculorum pompam constitutiones hic attingo: de quæ Vopiscus in *Aureliano c. 46.*

Nunc de quæstione, seu fine *huius legis* videamus, quam aliter atque aliter accepere Iuris Interpretes, alique Viri docti. Sunt enim qui *Fasum* vehiculorum hac leg. reprimi censent, solisque Honoratis, id est vt ipsi volunt, in dignitate positis Carrucarum vsu intra Urbem concedi putant. Alii censent, dubium fuisse, vtrum Carrucis intra urbem vt possent Honorati, id vero hac leg. his permitti: qua in sententia est quoque Petauus in Themistii *orat. 6. pag. 580.* Atque adeo

multi in ea sunt sententia, hac leg. non imponi necessitatem, neque cogi inuitos Honoratos vehiculis incedere, sic vt pedestres vel equestres ire possent. Quod voluit Glossa, quæ ideo vocem *utantur*, exponit, vt valeant si volunt. Verum potior mihi sententia sedet, neque fasum hac leg. reprimi, neque Honoratis tantum Carrucarum vsu permitti: verum, si recte capio, omnibus Honoratis necessitatem imponi vehiculis dignitatis suæ, (quæ vtique erant Carrucæ biuges) temper vtendi intra urbem: *Vehiculis, inquit, dignitatis suæ SEMPER UTANTUR:* quæ verba, ni fallor, necessitatem important omni loco & tempore: Nempe Urbis Constantinopolitanæ dignitati datum id videtur, a Theodosio M. vt videlicet Honorati hoc vehiculario seu Carrucario processu dignoscerentur, ipsaque adeo inde etiam Urbis magnitudo seu Maiestas nosceretur. Et alioquin ex aliis legibus & Scripturis notum, quot & quanta Theodosius M. ad Urbis Constantinopolitanæ maiestatem & magnificentiam augendam conulerit. Videatur saltem Themistius *d. orat. 6.* quam ante biennium A. D. 384. habuit.

Exemplum proinde iam & rationem in hac leg. habemus, ad vsu seu praxim, quæ partim maiestati urbis alicuius Regiæ consuli potest: Quo sane fine expresse Lampridius ait, Alexand. Severum Carrucas Romæ, & rhedas Senatoribus omnibus vt argentatas haberent, permisisse: interesse Romanæ dignitatis putans; vt his tantæ Urbis Senatores vestarentur: partim & meritis eorum qui semel honoribus functi sunt, vel honorum codicillis decorati, ne per inconditam turbam velut incogniti transmittantur.

DE IVRE ITALICO VRBIS CONSTANTINOPOL.

TITVLVS XIII.

Lib. XI. COD. IVST. Tit. XX.

Vbi tamen *Titulus* ita immutatus est, generaliore iam significato sensuque: *de Privilegiis Urbis Constantinopolitanæ.* De causa huius mutationis dicam ad ipsam leg.

I. (a) Imppp. Valentinianus, VALENS & Gratianus AAA. ad Clearchum (b) P. V. Constantinopolitanæ. (c)

ITALICI iuris auxilium, (d) arbitra æquitate, (e) renouamus. Concessi igitur gratia beneficii (f) publicis actibus (g) incimetur, & incisa Tabulis (h) debita sollempnitate permaneat. Dat. Prid. Non. Aug. Hieropoli, (i) Valentiniano & Valente (k) AA. Coss.

NOTÆ.

(a) Absent hac lex a Cod. Iustin. eiusque loco lex unie. cod. vis. interpolata, occurrit potissimum ex l. 45. infr. de Episcopis Eccl. & Clericis: paucissimis tamen ex hac leg. interspersa ita; Impp. Honorius & Theodosius AA. Philippo

Philippo PP. Illyrici. *Vrbs Constantinopolitana non solum iuris Italici, sed etiam ipsius Romae veteris prerogativa laetetur. Dat. Prid. Id. Iul. Eustathio & Agricola COSS. De quo mox plura. GOTHOP.*

- (b) *Clarebus* hic idem & Anno 372. Praefectus Vrbs Constantinopolitanae fuit: vt docet *lex 7. infr. de annonis ciuic. lex. 2. supr. de studiis lib. 1. 20. supr. de Praetoribus. ID.*
- (c) Ad initium quoque *legis* hae verba retrahenda, *Vrbi Constantinopolitanae. ID.*
- (d) *Auxilium*, quod mox *beneficium, gratia*. Ita *Auxilium*, de iure & priuilegio liberorum, *l. 1. supr. de iure liberorum. ID.*
- (e) *Arbitra* aequitate, *hic, & l. 10. supr. de petitionib.* (quae *lex* est Valentiniani, sicut *haec* Valentis:) pro aequitatis arbitrio, seu arbitrio & iudicio ad aequitatem comparato. *ID.*
- (f) *Beneficium* saepe idem pro Immunitate a tributis: vid. *Gloss. ID.*
- (g) An potius *Alis*? an *Fastibus*? Illud; *Alibus*, sustineri cui posse videatur. *ID.*
- (h) *Aeneis* scilicet, vt multae aliae *leges*, hoc *Codice. ID.*
- (i) *Hierapoli*: Ibidem data Anno 368. *lex 3. Cod. Iust. de defensor. ciuit. lex 6. supr. de Tyronib. lex. 19. infr. de Episcopis. De hac Valentis Hierapoli mora, vid. & Zosimum lib. 4. cap. 13. ID.*
- (k) 79. Vel II. AA. COSS. id est, Anno D. 368. (quod ferme malim) vel III. AA. id est, Anno D. 370. vt docet etiam *d. lex 6. supr. de Tyronib.* neque enim Valens Anno 365. Hierapoli constituit. *ID.*

COMMENTARIUS.

IUS ITALICUM Vrbi Constantinopolitanae iam olim concessum, paulo antea vero labefactatum vel ademptum, renouat & instaurat hac constitutione Valens Imp. (non Valentinianus, vt quidam temere scribunt:) Ita quidem, vt id in publica acta referri, Tabulisque (aeneis scilicet) incidi & proponi solemniter iubeat: vt ceteroquin magni momenti res, legesque Tabulis aeneis incidi solitae: veluti quod *huic legi* proximum est, *lex* Constantini M. de *isotopia* Vrbs Constantinopolitanae cum Roma, vt testatur Socrates *lib. 1. cap. 16.* aliaque quas in *Indicem* congeffi: de quo more alibi plene dictum.

Cum autem manifesta in spec. huiusce leg. sententia videatur, Tres nihilominus difficultates ea etiamnum habet: 1. Quidnam videlicet in ea sit *Ius Italicum*. 2. Quid opus fuerit hoc tempore id tribui Vrbi Constantinopolitanae, quae iam dudum Veteri Romae exaequata fuerat. 3. Quae denique huius iuris reuocandi seu instaurandi causa Valenti fuerit.

1. *Ius* equidem *Italicum*, *Auxilii*, *Gratiae*que & *Beneficii* genus quoddam fuisse, vel haec *lex* ostendit, quae has tres voces de eo vsurpat: Quod Ciuitatibus scilicet nonnullis concedi solitum fuit: Ciuitatibus inquam; seu Coloniae; quo pertinet illa Coloniae diuisio apud *Africanum*, quod *aliis ius Italiae dabatur, Alia Latinorum essent*: Item quod aliae Coloniae fierent *saluis tributis*, vt loquitur *l. C. in l. 8. §. 5. D. de censib.* Aliis remitteretur tributum capitis; Aliis etiam solum immunitas esset, *d. l. 8. §. 7. D. de censib.* Cuiusmodi Ciuitatum seu Coloniae iuris Italici per Orientem recensum sub Antonino Caracalla, & quidem in Syria, Bythinia, Ponto, Cilicia, Dacia, instituit Vlpianus *lib. 1. de censib.* in *l. 1. D. de censib.* & Paulus *titidem lib. 1. de censib.*, distincte per Hispaniam, Galliam, Syriam, Macedoniam, Asiam, Pisidiam, & Africam: *l. vltim. eod. tit. D. de censib.* Sed & quarundam meminere sub Traiano vel Hadriano, Celsus ad *leg. Iuliam & Papiam*, de fundo dotali Italico agens, *l. 6. d. tit. D. de censib.* sub Marco, Caius, *l. 7. eod.* quibus locis eos Principes, qui *Ius Italicum* nonnullis Coloniae dedere, memorant Vlpianus & Paulus, Suetonium scilicet & Antoninum Caracallam. Idem quoque Vlpianus indicat passim, pro magno id nonnullis & paucissimis quidem Coloniae datum, ob merita, atque egregiam in Rempubl. Imperium-

que Romanum insignem fidem. In quo autem constiterit *Ius* hoc *Italicum*? videndum est. Primo, vel *huius tituli*, qui *hoc libro 14.* locatus est, situm, imo argumentum generale huius libri spectantibus, vt & *beneficii, auxilii gratiaeque* vocabula *haec leg.* illud statim apparet, *προνόμιον* istud fuisse quarundam ciuitatum, & inter alias quidem, P. 221 Constantinopolitanae: Eo scilicet pertinet hic *liber integer*, ad vtilitatem videlicet seu commodam, & *προνόμιον* quatuor ferme praecipuarum in Imperio Romano Ciuitatum, puta Vrbs Romae, Constantinopoleos, Carthagini, & Alexandriae. Id vero speciatim quoque docet *huius tituli* Rubrica de *Iure Italico Vrbs Constantinopolitanae*: quae postrema etiam verba, *Vrbi Constantinopolitanae*, ex huius *leg.* Inscriptione, ad *legis initium* retrahenda videntur. Secundo *huius tituli seriem & ἀλλήλας* cum *titulis proxime superioribus*, & cum *proxime sequenti* spectantibus, illud conicere licet, fuisse *Ius* istud seu priuilegium & *beneficium* datum *Maesiati* Vrbs Constantinopolitanae: pariter, vt quod statuitur *tit. prox. supr. de Honoratorum vehiculis: tit. prox. infr. de Campo Martio Vrbs Romae*. Tercio, priuilegium istud seu *Ius Italicum* in *ipsa leg.* vocari video, vt iam dixi, *Gratiam & Beneficium*: quae quidem voces est in vniuersum de omni priuilegiorum genere vsurpentur, speciatim tamen de immunitate a censibus & tributis eas ferme vsurpari video. Eo sensu, *Gratia* accipitur *l. 1. 26. supr. de annonae & trib. & Beneficii* vox, vt prolixè ostendi ad *l. 4. supr. de constitut. Principum*: Quod *Auxilii* vocem attinet, ea indicari solet dispensatio omnis a iure communi & ordinario. Haec tria, inquam, ex *hoc titulo & ex hac leg.* discimus: Quin & Quarto loco ex *haec ipsa leg.* colligimus, *Ius* istud *Italicum* antea quoque Vrbi Constantinopolitanae competisse; verum infractum id aliquando, a Valente vero hac *lege renouari. permanereque* iuberi: de quo postea. Imo & Quintum istud, fuisse hoc *Ius* promiscuum & commune omnium ciuium & incolarum Vrbs Constantinopol. quandoquidem id publicis Actis intimari, Tabulisque debita solemnitate incidi cum Praefecti Vrbs auctoritate iubetur.

Sed enim vltierus pergamus, & aliunde huius *Iuris Italici* noticiam pleniorē eruamus. Primum igitur Rubricam *Digestorum de Censibus*, spectantibus, in quem Vlpiani, Celsi, Gaii, Pauli *leges* de *Iure Italico*, deque Coloniae *iuris Italici* agentes, relatz

relatae sunt, liquido apparet, privilegium & beneficium istud iuris Italici censum respexisse. Quod & ipsum secundo colligimus ex eo, quod Vlpiani Paulique super iure Italico leges desumptae sunt ex libris eorum de Censibus: Futa lex 1. ex Vlpiani lib. 1. de Censibus: Pauli lex ultim. ex libro eius secundo de Censibus. Qua parte etiam observo, Vlpianum libros quinque de Censibus ita scripsisse, ut Libro Primo egerit, de locis a censibus immunibus, unde desumpta est d. lex. 1. Libro secundo, de Censu capitis, deque Aetatibus & dignitatibus a censu immunibus, ut & de immunitatibus singularibus: quo pertinet ex eo libro, lex 12. D. de Senatoribus: lex 3. D. de Censibus: Libro Tertio, de Forma censuali, inque censum deferendi: quo spectat ex eo libro, lex de forma censuali 4. D. de Censibus. Libro Quarto egerat Vlpianus de Exactione census, quo spectat lex 34. D. de adquir. rerum dom. Quinto seu postremo Libro, egerat Vlpianus de Penis census fraudati, vel non illati: quo pertinet lex 26. D. de obligat. & action. Ad rem. Ergo vel ex his satis conficitur, Ius Italicum spectasse rem censualem, immunitatemque a censu. Id vero tertio loco vel maxime patet ex Pauli d. l. ultim. D. de Censibus: Ex eo primum, quod Hispaniae Colonias Iuris Italici receasens, cum dixisset, in Lusitania Pacenses & Emeritenses iuris Italici esse, idemque ius habere Valentinos & Licitanos, statim subiicit, Barcenonenses quoque ibidem immunes esse. Quod utique ostendit, quod rem saltem tributariam & censualem attinet, idem fuisse Colonias Iuris Italici, & immunes a censu: Alioquin si differrent, dixisset Paulum oportuerat, Barcenonenses VERO. Quamquam dici contra possit, Paulum duas Coloniarum species ibi distinxisse: quarum aliae Iuris Italici essent, aliae immunes a censibus. Verum id admittendum non est: Nam & mox, quod secundum, eo ipso loco Paulus Colonias Iuris Italici opponit Colonias, quae salvis tributis factae fuerant: Diuus Antoninus, inquit, Antiocheneses colonos fecit salvis tributis. Imo ex eodem Paulo apparet, ius Italicum fuisse plenariam immunitatem non tantum a tributo capitis, sed etiam soli. (Quod etiam Marcellus Donatus in Suetonio, recte exiitimaui: & probasse postea vidi Dominicum p. 17. de prerog. alior. cap. 2.) Sic enim de Caesariensi colonia, deque Aelia Capitolina scribit d. l. 8. §. 7. Diuus Vespasianus Caesarienses colonos fecit, non adiecto, ut & Iuris Italici essent: sed tributum his remisit capitis: sed Diuus Titus ETIAM SOLVM immune factum interpretatus est: similes eis Capitolenses esse videntur. Qua etiam parte observo, etsi Paulus & Vlpianus sub eodem Imp. Antonino Caracalla scripserint, (ut alibi ostendo aduersus Sam. Petit. lib. 2. Obseru. cap. 4.) Paulum Iuriconsultum rem narrationemque suam de Colonias Iuris Italici alius repetiisse: Vlpianum vero sui tantum temporis & aetatis obseruantiam consignasse: cum ait leg. 1. §. 6. D. de censib. In Palaestina duas fuisse colonias, Caesariensem & Aeliam Capitolinam, sed neutram ius Italicum HABERE: Nempé, quod Hadrianus Imp. proculdubio Caesaree & Aelie Capitolinae Ius Italicum detraxerat: Et Severus quoque Imp. etsi Palaestinae iura plurima fundauit, attamen Ius Italicum non restituit. Atque ita interim Vlpianum cum Paulo concilio: non quasi sub diuersis Imperatoribus scripserint. Certe Paulus etiam in eo περισσολογεί, quod cum dixisset, Laodiceam in Syria & Berytum in Phoenice Iuris Italici esse, addit, & solum earum: nam certe, qui Iuris Italici esse dicit, eo ipso & solum immune esse dicit. Et sane Vlpianus Syro-Phoenix ipse in d. l. 1. de his ipsis vrbibus, Laodicea inquam, & Beryto agens, sim-

pliciter & absolute ait, eas ius Italicum habere. Iam igitur clarum, Iure Italico plenariam immunitatem a censu non tantum capitis, sed & soli comprehensam fuisse: Quare & Paulus ut dixi, promiscue Colonias Iuris Italici, & immunes dicit. Hinc etiam pariter, quos Paulus Licitanos (namita yge. d. l. 8.) in Hispania ius Italicum habere dicit, Plinius lib. 3. cap. 3. immunes dicit: Colonia, inquit, immunis Illici, unde Illicitanus sinus. Quomodo & eodem capite mox, Caesar Augustam coloniam immunem vocat: Et mox. Ex colonia Aecitana Gemellenses & Libisfona cognomine Foro augustana, quibus duabus Italia ius datum. Idem cap. 21. Ius Italicum habent eo conuentu ('Scardonitani in Illyrico) Aluta, Flanates, Lopsi, Varubarini, immunesque Affesates, &c. quamquam hoc loco immunes iam alio forte sensu dicantur, pariter ut cap. 3. scilicet conuentus immunes Coloniae, quae nempe conuentui alicui non respondebant. Et ita quidem clarum iam, Ius Italicum plenam immunitatem a censu tum capitis, tum soli, complexam fuisse. Et vero ideo Italicum dictum, quia iam olim lege Metella Cecilia, a Metello Nepote Praetore lata, immunes a Tributis Roma & Italia factae, teste Dionis lib. 37. pag. 53. Edit. Leonclau 1606. in f. & Italia quidem stipendio liberata temporibus Marii, ut ait Florus in epit. Liu. lib. 80. ciuitate donata fuit, & legitimi domini iura sibi vindicauit, nullis tributis obnoxia. Indee iam praedia stipendiaria, & tributaria, ab Italicis separantur, §. 40. Instit. de rer. diuis. vid. & l. vnic. Cod. Inst. de vsucap. transformanda. Sed enim Ius Italicum alia quoque priuilegia seu προνόμια complectebatur, quae toto iure notissima sunt: puta in ACTIBVS, & negotiis priuatis: veluti in alienationibus, traditionibus nexi, mancipationibus, vsucapionibus, annali exceptione, in iure capiendi: de quo videndus Vlpianus fragm. tit. 19. de dominiis & acquisitionibus rer. l. vnic. Cod. Inst. de vsucap. transform. §. 40. Instit. de rerum diuisione. Quo etiam referri potest quod Sozomenus, lib. 7. cap. 9. scribit de exaequatione Urbis Constantinopol. cum Vrbe Roma: ἡδὴ γὰρ ἔ μόνον ἔχε ταύτην τὴν προσηγορίαν ἢ πόλιν, καὶ γερασίαν, καὶ τάγμασι δῆμων, καὶ ἀρχαῖς ὁμοῦ ἐχέοντο, ἀλλὰ καὶ τὰ σύμβολα κατὰ τὰ νόμιμα τῶν ἐν Ἰταλίᾳ Ῥωμαίων ἐκρίνετο, καὶ τὰ δίκαια καὶ τὰ γέγρα περὶ πάντα ἐκατέρωθεν: iam tum enim vrbs illa, non solum hanc appellationem meruerat, & senatum & ordines populi, ac magistratus similiter habebat; verum etiam contrarius ciuium eius vrbs, iuxta leges Romanorum qui in Italia sunt, iudicabantur, iuraque omnia & priuilegia aequalia seniori Roma possidebat: vbi forte σύμβολα sunt κατὰ τὰ νόμιμα τῶν ἐν Ἰταλίᾳ Ῥωμαίων κρινόμενα, negotia & conuentiones priuatorum, quae Iure Italico discingebantur aestimabanturque. Huius Iuris Italici exemplum in alienationibus istud inter alia erat, circa fundum dotalet ex l. Iulia & Papia: quod Italicum fundum tantum dotalet maritus inuita muliere alienare prohibebatur, volente vero ea poterat, ut docet tit. Inst. quibus alienare licet vel non: quo etiam referenda est Gaii lex 7. D. de Censibus, e libro eius sexto, ad l. Iul. & Papiam: quod docuerunt iam Notae nostrae ad leg. Iul. & Papiam, p. 37. Exemplum & in Interdictis, quo referenda lex 6. D. de Censibus: cuius Inscripção nec quicquam sollicitanda erat ex l. 32. D. ad SC. Trebellian.

Ergo Iuris Italici duo potissimi effectus fuere: Primus Actuum & negotiorum celebratio eodem iure quo in Italico solo: Secundus Immunitatis plenariae a censu. Et sic quoad rem censualem attinet,

attinet, seu ad rem tributariam, Ius Italicum & immunitas a censibus eadem fuisse. Quare error Cuiacii, X. *Observ. 35.* censentis, Ius Italicum, quoad rem censualem, seu functionem tributariam, fuisse tantum leuationem census: & plus fuisse immunem esse ciuitatem, quam habere Ius Italicum: Quod vel hac lex satis refutat. Equis enim putet, non Vrbi Constantinopolitane iuris Italici auxilio plenam immunitatem tributam, cum pleno honore haberetur, & æquo iure cum Vrbe Roma? Et vt Claudianus ait, de bello Gildonico, *par Roma foret, diuisa que sumptibus Æquales TO GAS.* Quam & ideo mox *ALTERAM* vocat: de quo adhuc ad l. 45. de *Episcopis.* Rursum dicamus, & vt summam rem complectar, Ius Italicum constitit in immunitate plenaria tributorum, & in privilegiis quibusdam circa Aëus & negotia: & sic Ius Italicum ad alia quoque sese extendit, quam ad immunitatem: ac proinde hoc contemplatu *immunitatem & Ius Italicum* aliud quid fuisse, quia scilicet Ius Italicum plus aliquid fuit: Et sic, vt genus & speciem; vel vt totum & partem considerari posse. Fuit tempus cum crederem, huius quoque Italici Iuris partem fuisse eam, qua insigniores quadam Vrbes alias sibi vestigales seu censuales & obnoxias habebant, iisque iura dicebant: ac multo magis eas, penes quas de eo decernendi ius erat: Quo referri posset, quod Dio narrat apud Xiphilinum in *Seuero pag. 404. Edit. Sylburg. & Herodianus lib. 3. cap. 6.* Byzantium: Perinthiis adiudicatam in seruitutem, vt & Antiochiam Laodiceis. Eodemque olim referebam Iuliani Imp. *epistolam 35. pro Argiuis:* vbi ait Corinthiis, Colonia olim Romana ius, *τὴν Ῥωμαϊκὴν ἀποικίαν* adeptis, ante septennium sub Constantio videlicet, Arguios adsignatos vestigalesque factos. Eodem referebam superiorem Sozomeni locum: quia reperiēbam apud Harpocratem, *σύμβολα* dicta quoque *τὰς συνθήκας, αἷς ἀν ἀλλήλους αἱ πόλεις δέμεναι τῷ ἑκάστῳ τοῖς πολιτοῖς, ὅς ἐστι δίδοναι καὶ λαμβάνειν τὰ δίκαια:* *πᾶσι* conuenta ciuitatum que statuant, vt inter ciues Ius & æquum præstetur & obtineatur: vnde & *ἀπὸ συμβόλων δικάζειν*, apud Helychium. Verum id reprehensum, neque tamen confutatum video a quodam, qui tamen ipse se vicissim reprehendi in duobus mox patietur. Intra hos igitur duos fines & effectus quos *supra* designaui, consistit Ius Italicum.

Nunc videndum est de Iure isto Italico Vrbi Constantinopolitane tributo: cur inquam, id speciatim ei tributum? cur hoc tempore renouatum? denique quale hoc ius fuerit? In quo certe explicando multi hæctenus adlaborant.

Dubium maxime mouet, quod istud Italici iuris auxilium a Mæstate Regnantis Nouæ Romæ, id est, Constantinopoleos semotum, nihilque adeo ei accedere exinde potuisse videatur, quæ iam summa omnia pacta fuerat, & vt loquitur *Vetus Orbis Descriptior*, sub Constantio & Constantino, 33. pag. 29. *Edit. Gothofred.* omnia præcipua habebat propter *Constantinum*. Sane enim Constantinopolim non tantum a Constantino M. maximo Senatu *βελευτηρίῳ* μεγάλῳ ἢ συγκλήτῳ illustratam & donatam, auctor est Sozomenus *lib. 2. cap. 3. & Auctor Chronici Alexandrini*, Anno 330. pag. 665. 667. *Edit. Rader. & Anonymus Sirmondi pag. 715. ad calcem Marcellini Edit. Gronou.* consentit & Libanius *Oration. 13. ad Theodosium post conciliationem cum Antiochen.* pag. 412. *Edit. Morell.* et si id Zosimus ad Iulianum refert, *lib. 3. cap. 11.* Præfectumque Vrbi accepisse idem Auctor *Chron. Alexandr. 4. c.* prædit. Verum exerte Philostorgius *lib. 2. c. 9.*

Socrates *lib. 1. cap. 16.* Sozomenus *lib. 2. cap. 3. & ex iis Paulus Diaconus lib. 11. Miscellæ histor. pag. 73. Tom. I. Script. Rer. Ital. Ant. Murator.* Constantinum M. Vrbum Constantinopolitanam Romæ honore parem effecisse, & *Nouam* seu *Secundam Romam* appellasse, appellarique voluisse, lege in id etiam lata, quæ columnæ lapideæ incisa fuerit, & in strategio posita prope statuum Constantini equestrem: Quomodo & hac leg. Valens privilegium istud iuris Italici publicis non tantum actibus intimari, sed & Tabulis incidi, debita solemnitate, publiceque adeo proponi, iubet. Denique in omnibus ἐφάρμυλλον τῇ παρὰ Ἰταλικοῦ Ῥώμῃ fecisse. Imo Socrates *lib. 1. cap. 39. & Sozomenus lib. 2. cap. 34.* tradunt, Constantinum testamento suo privilegia vt Romæ, ita & Constantinopoli multa reliquisse: de quo ad *Vet. Orbis Descript. pag. 34.* Inde sub Constantio, Iulianus *orat. 1. in Constantium*, Anno 356. aperte ait, Constantinopolim secundam a Roma iam tum fuisse, *δεύτεραν τετάρχου* p. 8. *Edition. Lips. Spanhemii*, & ex eo Suidas voc. *Κωνσταντινούπολις.* Item Libanius *orat. funebri in Iulianum*, p. 263. *Edit. Morell.* aperte ait, sub Constantio iam Constantinopolim πρὸς τὴν Ῥώμην εἰκοσμένη τοῖς ὅλοις, Roma comparari fuisse: & Eunapius in *Vita Libanii*, p. 169. *Edit. Commelin.* ἀρτί παρίσταν εἰς μέγεθός καὶ ἀκμάζουσαν, id est, iam pridem magnam nomen indeptam, atque opibus florentem. Sub Iuliano idem Libanius *legat. pro Antioch. ad Iulianum*, p. 159. *Edit. Morell.* vtramque Romam nominat, & Antiochiam Tertiam facit, νέυσον δὲ πρὸς τῆς Ἀθηνῶν, ἥς τὴν πόλιν, ὥσπερ Ῥώμην ἐκατέραν ἐπιθυμοῖς ἰδόν: annue quasi per Minervam, cuius ciuitatem non minus quam vtramque Romam videre percipis. Item pag. 165. ἐν ταῖς μετὰ δύο τὰς πρῶτας τετάρχμους: inter eas vrbes, quæ duas primarias sequuntur collocati sumus. Quid igitur inquires ex iure Italico, quod hac leg. Valens tribuit, ad præclara illa *πρεσβεία* addi potuit? quid enim ad cumulum accedere potest, cui ad summum nil iamdudum deerat; imo optimo iure erat? Quem scrupulum etiam vidit. nec tamen exemit Berterius, *Pitban. 1. cap. 1. pag. 804. Tom. IV. Thesaur. Iur.* Responsio procliuus; non nouum quidem privilegium Vrbi Constantinopolitane a Valente hac leg. tribui, verum iam olim datum arbitra æquitate re p. 213 nouari, quod proinde nuper inique ademptum fuerat.

Vera inquam hæc. Sed dubium adhuc, quidnam de Iure Italico Vrbi Constantinop. ademptum fuerit, & an omnia, & a quo? vt id iam renouari oportuerit a Valente Imp. Ego ita censeo, nuper admodum infractum id a PROCOPIO Tyranno, sine Anni D. 365. & initio Anni 366. Constantinopoli quippe Tyrannide arrepta, & Senatui & populo Constantinopolitanum a Procopio attritum, etiam TRIBUNTIS, auctor est Themistius Philosophus, *Orat. 9. ad Valentem*, p. 205. *Edit. Petau. 1613. Flexia in 8.* καὶ τὴν μὲν σεμνὴν γερυσίαν εἰσπεράσσει οἰσφορὰς πολυγενέλης, εἴ, οἷδ' ὅπως ἐνιαντῆ, μάλλον δὲ χειμῶν ἐνός, εἴ, ἐορτῆς χρόνον ὥσπερ Νέρων, τὸν τῶν Ὀλυμπίων μετατίθεις καὶ μεταβάλλον, ἀλλὰ τὸ εἰς πέρυσσι, καὶ τὸ εἰς νέωτα, τὸν ἕνα καὶ τὸν αὐτὸν μήνα ξενοχωρῶν τοῖς εἰσπράξεσιν: ὁ δὲ Κωνσταντῖνος δὴ μὲν ὁ τρυφῶν, ὁ ἐν ἀδείᾳ ζῶν, ὁ κακῶν ἀπείρατος, μέχρι τῆς ἐσπέρης ἐκείνης, &c. ὑπὸ τῷ Κωνσταντίνῳ προσίοις, καὶ τὴν ὀνομα τὸ τοῦ ἀνατολίως προϊσχομένου, ὥσπερ θαλὸν ἀφωρεθείς ἰνυσυνηθῆναι φῆν, ἡγάπα συμπαρατρέφόμενος τοῖς βοσκημασι, id est, Et venerabili quidem Senatui acerbissima tributa

buta indixit nescio quomodo, anni, imo hyemis unus, non festi. (quomodo Nero, qui Olympicorum tempus distulit & commisit) verum superioris & presentis anni simul exactionem, in unum & eundem mensem concludens. Constantini vero populus (id est, populus Constantinopol.) ille deliciis affluens, ille in securitate vivens, ille malorum ante vesperam illam expertus, &c. sub Constantini (latua) eo procedente & nomen istud impudenter seu olivaram preferente, solius deliciis copiisque spoliatus, iam cum pecudibus pasci sustinuit. Et ita quidem hanc in partem censeo; nam quod quidam hac opinione ducitur, Severum Imp. iam olim ei civitati ius Italicum, quod ei prius donatum fuerat, ademisse, propterea quod Pescennii Nigri partes pertinacius defenderat, quando & Byzantium moenibus ac privilegiis omnibus spoliatum Perinthiis adiudicavit, ut Herodianus & Dio, alique testantur, nullo modo admitti potest: nam neque ante Severum Italicum ius ei datum legimus, neque a Severo ei ademptum: Et quis credere possit, si ius Italicum ei a Severo olim ademptum fuisset, Constantinum id ei non statim restitutum fuisse, verum quadraginta ferme post anni tantum a Valente id ei redditum? Sed & Constantinopolitana nominatim Vrbi, non Byzantinae olim, id ius antea datum, postea ademptum, ex tota hac leg. discimus. A Procopio igitur ademptum vel infractum Vrbis Constantinopolitanae ius Italicum, immunitasque a censu & tributis: Quod Valens Imp. hac leg. nunc ad Clearchum P. V. data renouavit, restituit: Qui Princeps alioquin etiam tributorum onera non auxit, sed imminuit, teste Ammiano Marcellino lib. 31. cap. 14. Quod quidem etiam renouandi verbo, permanendique innuitur, itemque Auxilii, Gratiae & Beneficii. Gratiae inquam, quomodo & Themistius d. orat. pag. 208. Edit. cit. τὴν χάριν Valentis, post Procopium sublatus memorat, quam is primum non renouit, sed distulerit. Tandem & concessi beneficii (iam antea scilicet) nomine id hic indicatur: Nempe inter alia aequalia Vrbi Romae privilegia a Constantino M. Constantinopoli ante 30. ferme annos concessa, fuit & hoc ius Italicum, quod quidem nunc Valens Imp. Arbitra equitate renouare se ait, id est, ipsa equitate dicente, ut Ammianus Marcellinus, de Iuliani quadam lege, lib. 22. cap. 8. Arbitra equitate, qua formula ipsa Valentinianus frater eius & Collega l. 10. sup. de petit. & delator. ait, in tantum se humani generis inimicos (delatores) persequi arbitra equitate, ut delatores pronuntiatos puniri gladio iusserit. Vbi Valentinianus arbitra equitate dixit: hoc sensu; ei vitam adimi aequum esse, qui ipse calumniosa delatione alterius vitam appetitum iuit: ita quoque hac leg. Valens dixit, Arbitra equitate, id est, iure aequabili, & ἀπαρallάκτως alteri: quae ipsa alioquin aequitatis vox in relevatione censuum tribuenda, viurpata ab Vlpiano lib. 3. de censib. in l. 4. §. 1. D. de censib. Proportio autem seu μέτρον aequitatis istius, quodnam? 1. Nempe adaequatio Vrbis Romae & Constantinopolis: 2. Qua sane ipsa arbitra equitate paulo post Anno 381. Constantinopolitano Concilio I. Oecum. can. 5. pag. 810. Tom. I. Concil. Edit. Harduin. Constantinopolitanae civitatis Episcopus iussus habere privilegia honoris, πρεσβεία της τιμης, post Romanum Ep. διὰ τὸ εἶναι αὐτὴν νέαν Ῥώμην, propterea quod sit nova Roma. 3. Qua itemque arbitra equitate Theodosius Iun. leg. 45. inf. de Episcopis, voluit, ut si quid dubitatis emerisset in Illyrico circa Canones pristinos Ecclesiasticos, id referua-

Tom. V.

retur. Conuentui Sacerdotali, sanctoque iudicio, non absque scientia Antistitis Vrbis Constantinopolitanae, quae Roma veteris, inquit, prerogativa latetur. 4. Qua rursum arbitra equitate Chalcedonenses Patres can. 28. pag. 614. Tom. II. Concil. Edit. Harduin. privilegia Sedi Senioris Romae, διὰ τὸ βασιλεύειν τὴν πόλιν ἐκείνην, quod vrbs illa imperaret, tributa, τῷ αὐτῷ σκοπῷ κινέμενοι, eadem arbitra equitate, τὰ ἴσα πρεσβεία, aequalia privilegia Sedi nouae Romae tribuerunt: εὐλόγως κινέαντες, recte iudicantes, (en arbitram aequitatem) Vrbem, quae & Imperio & Senatu honorata sit, & aequalibus privilegiis cum seniore Regia Roma fruatur, etiam in rebus Ecclesiasticis non secus ac illam extolli ac magnificeri, &c. Qua postremum arbitra equitate, Iustinianus siue Tribonianus l. vnica. Cod. Iust. de privileg. Vrb. Constantinop. quati ex hac leg. & d. l. 45. deformauit, sub Theodosio Iun. nomine sancit, Ut Vrbs Constantinopolitana non solum Iuris Italici, sed etiam ipsius Romae veteris prerogativa latetur. Sic igitur patet, ius Italicum partem quoque fecisse iuris & prerogativae Vrbis, Romae, & sic ius Italicum & ius Vrbis Romae, tanquam totum & partem tantum inter se differre. Apage ergo eam sententiam, quae ex hoc Italici iuris beneficio Constantinopolim in Colonia gradum & speciem deturbatam voluit: (*) quasi Coloniae vestigia fixa ad memoriam sempiternam in hac leg. extant: Coloniae enim (cuiusmodi ex olim fuere) nullus hac tempestate usus amplius fuit: ac ut maxime multae ex Vrbe Roma familiae a Constantino M. Constantinopolim tractatae sint, domus Romanis similes ac pene geminae aedificatae, ingens etiam Capitolii moles: Rursum et si Pletho Orat. 1. de reb. Peloponn. eam ἀποικίαν της ἐν Ἰταλίᾳ Ῥώμης, coloniam Italicam Romae, faciat; et si Themistius orat. 4. pag. 126. Edit. Petau. 1615. Flexie in 8. Romam μητρόπολιν ἡμετέραν, Constantinopolitanos alloquens dicat, & rursum orat. 6. pag. 160. Edit. cit. Et si Constantinus Heraclidis nepos postea, teste Zonara in Annal. l. 14. p. 89. Tom. II. Edit. Reg. aequarit Romam matri, Constantinopolim filiae: quid & ipsum voluit Augustinus, 5. de Ciuit. 21. Hac tamen omnia non ea ratione dicuntur, quasi colonario iure Constantinopolis censeretur, vel colonia eo deducta fuerit, verum quia antiquior illa foret, hac recentior, imo & eius dispendio incrementum sumpsisset: in ceteris ἐφάμιλλῃ, & citra ordinis prerogativam aequo iure: utraque sui orbis Regina: neque vna alteri villo iure subiecta: quo sane alioquin iure Coloniae omnes subiectae fuerunt Vrbi Romae.

Observandum iam igitur istud inter cetera Valentis Imp. animi studii quoque erga Vrbem Constantinopolitanam argumentum: qui Imperator & alias eam vrbem variis rationibus excoluit: operi P. 224 bus quoque publicis in ea quamplurimis & maximis excitatis: cuiusmodi sunt Aqueductus Valentianus, Thermae item de filiarum nominibus Anastasiana & Caroliana, imo & Ecclesia Sanctorum Apostolorum.

Observandum quoque, hanc legem datam ad Clearchum Praefectum Vrbi, qui & ipse Praefectus, Vrbi Constantinopolitanae plurimum commodauit seu consuluit; ut prolixè ostendo ad leg. 3. sup. de Senatorib. Ad quem ideo etiam plures aliae extant Valentis constitutiones, quibus Vrbis commodis consultum iuit: Annonae, inquam, eius, & voluptatibus, studiisque, leg. 7. inf. de annonis ciuicis, l. 2. sup. de studiis liber. V. R. & Constantinop.

(*) PHILIPPVM BERTERIVM notat, qui Pitban. l. 1. eam fouet opinionem, Constantinopolim populi Romani coloniam esse, Romamque agnouisse metropolin.

^{P.214} *inop. l. 20. supr. de Prætorib. (quomodo & sub Theodosio M. l. 3. infr. de Aqueductu.)* Ordinum item ibi dignitati, *l. 1. supr. de dignitat. Ordo: Senatus dignitati, l. 5. Cod. Iust. de dignit. (quæ Constantio Imp. perperam ascribitur,)* & *l. 93. supr. de Decurionib.* tandem totius vrbis dignitati *hac leg.* Quæ omnia hic notasse non abs re puto. Nam ex his iconismum & characterem colligimus Valentis & Clearchi animi in Urbem Constantinopol.

Et hæc hactenus quidem de hac Valentis constitutione: Nam quod Petavius *in notis ad Iuliani*

Epistol. 35. pag. 121. Edit. Lips. Spanhem. hoc ipsum a Theodosio lun. Anno Christi 421. Eustathio & Agricola Coss. confirmatum scribit, *l. unic. Cod. Iust. de privileg. Urb. Constantin.* arguit, quam parum is in Imperatorum constitutionibus, Triboniani manum facinusque internouerit: illa quippe verba, *non solum iuris Italici in eam legem, ex hac, a Triboniano transfusa sunt: quæ absunt a leg. 45. infr. de Episc.* vnde *lex illa Codicis Iustin.* desumpta est. Adeo periculosum est, Triboniani fidem sequi, ubi authenticæ leges ipsæ vel non comparent, vel non inspiciuntur.



DE CAMPO MARTIO VR- BIS ROMÆ. TITVLVS XIV.

Abeſt hic Titulus a Codice Iuſtiniano.

De Caſis ſeu Tuguriis in Campo Martio non conlocandis.

I. (a) Impp. Arcad. & Honor. AA. ad Populum. (b) Poſt alia.

EOs qui in Campo Martio caſas, ſeu tuguria, conlocare temptauerint, ſententia (c) Viri Inluſtris PP. (d) ſpoliatos omnibus facultatibus tradi in perperuum exilio (e) præcipimus: & cetera. Dat. (f) & PP. Romæ (g) in foro diui Traiani, (h) Caſario & Artico Coss. (397.)

NOTÆ.

(a) Abeſt & *hæc lex a Cod. Iuſtin.* Quibus autem ea iungenda ſit? mox dicam. *GOTHOF.*

(b) Romanum: vt docet vel ſubſcriptio *legis. ID.*

(c) Sequentia totidem pene verbis extant *l. 2. ſupr. de habitu. ID.*

(d) Urbis, ſcilicet. *ID.*

(e) Exilium, *l. 2. ſupr. de habitu:* quanquam & iſtud rectum. *ID.*

(f) Locus ubi datum hoc Ediſtum, *hic & trib. legib.* quæ mox indicabo, huic adiungendis, omiſſus eſt. *ID.*

(g) Dies VII. *Id. April.* hic ſupplendus ex *d. l. unic. ſupr. quib. milit. ID.*

(h) Eadem ſubſcriptio in *d. l. 2. ſupr. de habitu.* De hac ſubſcriptione: vid. in *Geograph.* ubi de V. R. *ID.*

COMMENTARIVS.

CAſas ſeu Tuguria in Campo Martio conlocari vetat, collocantesque bonis proſcriptis, deportari iubet Honorius *hac leg.* Anno D. 397. Quæ quidem *lex pars eſt prolixioris Ediſti Honoriani ad populum Urbis Romæ emiſſi, vnde tres præterea leges hoc Codice occurrunt, huic proinde coſtandæ, puta lex 2. ſupr. de habitu: lex unic. ſupr. quibus milit. & lex 3. infr. de Gladiatoriſ.* Hoc vero Ediſto, Urbis Romæ Quæti poſſimum Honorii variis rationibus conſultum fuiſſe reperio, Gladiatoriſ inter alia vetitis ad Senatorum ſeruitia tranſire *d. l. 3. infr. de Gladiatoriſ.* Item venito Urbis accèſſu Agentibus in rebus, Palatinis, aliisque militibus inferioris militiæ, *d. l. unic. ſupr. quibus milit.* Ad quem finem hoc argumento videri poſſit *hac quoque lex pertinere: quaſi Honorii*

mens & ſcopus hic ſit; Urbe Roma eiectos, in tantum eiectos velle ſe, vt neque in Campo Martio caſas ſeu tuguria conlocare poſſint: quod tamen ſeciſſe nonnulli videantur. Verum poſſit & hæc ſententia videri Ediſto illo, Honorium non tantum Urbis quæti conſultum fuiſſe (quo ſane pertinent *duæ illæ leges, puta lex unic. ſupr. quibus militantiſ: & lex 3. infr. de Gladiatoriſ:*) verum etiam publicæ honeſtati & decori. Hinc adeo Peregrinæ veſtis uſus prohibitus, *l. 2. ſupr. de habitu quo vi oportet: quæ & ipſa huic coniungenda eſt.* Quare & Campi Martii laxitatem caſis ſeu tuguriis occupari vetuerit *hac leg.* Honorius; Nempe Campus Martius, Marti olim ſacer, extra Urbem Tiberi vicinus (vnde & Tiberinus dictus) amœnitate & magnitudine admirabilis, ſolemnibus

bus populi Romani destinatus erat. Ut omittam vetera, de *Lustro* ibi condito, de Regibus & Magistratibus ibi creatis, de Comitibus in eo centuriatis, de septis seu ouilibus, quæ inclusa tabulatis & porticibus circumiectis ornata erant eum in finem; de Amphitheatro apud ea septa, ubi ludi & munera exhibita: Sane area Campi Martii ludicris & exercitationibus populi patebat, sic ut hæc schola, & Palæstra esset, & Gymnasium omnis generis armorum & exercitiorum, ut ex Dionysio Halicarn. Strabone, Horatio, Claudiano, discimus, & ex Vegetio lib. 1. de re militari, cap. 10. Populi etiam inambulationibus, ut qui vicino Tyberi apricus esset, & salubriori celo accedentibus præferim porticum delictis: cuius campi graphicam descriptionem habes apud Strabonem, lib. 5. pag. 361. Edit. Almeloueen. Statius Papinius lib. 4. Sylvar. 6. init.

*Forte remittentem curas, Phæboque leuatum
Pectora, cum patulis tererem vagus otia septis,
Iam moriente die, rapuit me cana benigni
Vindictis.....*

Martialis lib. 9. epigr. 60. init.

*In septis Mamurra diu multumque vagatus,
Hic ubi Roma suas aurea vexat opes:
Inspexit molles pueros.....*

Sed & inibi delectus cohortium habiti a Consulibus, villa publica quæ ibi erat, aciesque patente Campo ibi explicata, armaque ostensa: de quo Varro lib. 3. de re rustica, cap. 2. Dionys. Halicarnass. lib. 8. c. 101. & lib. 11. cap. 54. Dio in excerptis Valesianis, p. 657. censusque ibi actus: quod præter Varronem superiore loco, etiam Victor docet in de-

script. Urbis Romæ: Villa, inquit, publica ubi primum populi census actus est in Campo Martio. Equiria quoque in eo iam olim (id est equorum cursus) III. Kal. Martias celebrata: de quo Varro, Ovidius, & Festus: Imo & Zosimus horum istorum temporum Scriptor, lib. 2. cap. 2. in rebus Constantinianis M. eius meminit, ibique ait fuisse τόπος εἰς γυμνάσιον ἱππῶν, locum vacuum ad equorum exercitium. Ibi quoque ludi sæculares, triduo habiti. Eius denique adhuc mentio fit in veteri Urbis descriptione, quæ præmissa Notitia Imperii, 30. ferme post hanc leg. annis. Huius igitur Campi Martii aream & laxitatem ædificiis quibuscunque veluti casis, tuguriis occupari Imperatores subinde noluerunt, & si quid ibi excitatum esset, dirui iussere: Imo & eodem fine Hadrianus Imp. Theatrum, quod Traianus ibi posuerat, destruxit, contra omnium vota: teste Spartiano in Vit. c. 9. Et si postea quoque porticum Traiani in Campo Martio memoret P. Victor, & villam publicam, de qua supra. Itaque & hac leg. Honorius Imp. cum casis & tuguriis occupari vetuit; proposita etiam gravissima pœna proscriptionis bonorum & exilii perpetui, seu deportationis. Tanti scilicet ea res visa, ne publicis actibus & laticæ publicæ obfisteretur, casis forte, vel tuguriis ibi positis.

Porro quia de loco quodam Urbis Romæ hic agere coepimus, de Foro quoque Traiani etiam hic commodius agetur, quam alibi: ubi PP. hæc lex dicitur in Subscriptione: cui par subscriptio in d. l. 2. supr. de habitu, quo vii oportet: & l. 3. supr. de sepulchro violato. In eo scilicet foro hoc sæculo Edicta ad Populum pertinentia (cuiusmodi istud est) proposita; ceu in frequentissimo, quo Populus conveniret. De cuius magnificentia Auctor veteris descriptionis Orbis sub Constantio cap. 43. & Ammianus lib. 16. cap. 10.

DE CANONE FRUMENTARIO VRBIS ROMÆ. (*)

TITVLVS XV.

Lib. XI. COD. IVST. Tit. XXII.

(*) De Canone frumentario Urbis Constantinopolitanæ erit titulus proximus. Porro Prouinciæ ex quibus hic Canon vrbicarius illatus, præcipuæ fuere Africa; de quo l. 3. hoc tit. Sicilia, Sardinia, de quo vide quæ dicta sunt infr. ad leg. 5. de annon. ciuicis.

PARATITLON.

CANON Rubr. & l. 3. 5. hoc tit. l. 30. supr. de annonæ: l. 2. supr. de conditis in publ. horr. l. 27. 35. supr. de Nauicular. qui & commeatus dicitur l. vnic. infr. de Patronis horr. Portuens. l. 32. supr. de Nauiculariis. Urbis Romæ, Rubr. & l. 5. hoc tit. (quæ & sacra vrbs dicitur, l. 2. 3. hoc tit. sacratissima vrbs, l. 35. supr. de Nauicular. Vrbs venerabilis, l. 4. hoc tit. veneranda Vrbs, l. 5. hoc tit.) unde & canon vrbicarius, l. 3. 6. hoc tit. Urbanus, l. 27. supr. de Nauicular. Item Entheca populi Romani, l. 12. supr. de

operibus publicis. Erat collatio seu pensitatio, illatio specierum, *l. 2. hoc tit. l. 8. supr. de annona: annona*, *l. 4. hoc tit.* quæ a Prouincialibus possessoribus, veluti in Africa *l. 3. hoc tit. & l. 13. 30. 34. supr. de annona & tribut.* populi Romani vsibus, *l. 1. hoc tit.* vnde populi commoda dicuntur *dist. l. 3. hoc tit.* fiebat annuatim, vnde annua vrbs æternæ annonæ pensitatio, *l. 18. supr. de annona*, puta frumenti, *l. 3.* (vnde Canon frumentarius, *Rubr. hoc tit. & commectus frumentarius, d. l. 32. supr. de Nauicular.*) Ex quo panis populi Romani vsibus ministrabatur a Pistoribus, *l. 1. hoc tit.* Item olei *d. l. 3. hoc tit.* Huic canoni continendo in Prouinciis quædam horrea destinata erant, vt docet Ammianus *lib. 28. cap. 1.* Exinde Nautici, *leg. 2. hoc tit.* seu Nauicularii (de quibus est expressus *titulus lib. 13. supr. de Nauicular.* item qui ei subiicitur alter, *de prædiis Nauiculariorum:*) ad Portum Vrbs Romæ e Prouinciis subuehebant, *l. 2. hoc tit.* ibique primum in horreis recondebatur (vnde Annona ita in Portu condita, *Portuensia condita* dicebantur, *l. 9. supr. de Suariis: horrea*, in quibus condita, horrea Portuensia: de quibus *tit. de Patronis horr. Portuensium:*) per mensores ante mensa (vnde Portuenses mensores, *l. 9. supr. de Suariis: de quibus mensoribus: vid. & l. 1. hoc tit. & l. 1. supr. de condit. in publ. horr.*) perque saccarios eo comportata, *l. vnic. infr. de saccariis Portus Romæ.* Quæ deinde vel in ipso Portu Vrbs Romæ Pistoribus vendebatur, *l. 1. & 4. in fin. hoc tit.* qui in id Cellulas ibi habuere, *d. l. 4. hoc tit.* atque exinde panem populo vendidere, *d. l. 1. hoc tit.* qui panis Ostiensis & fscalis dicebatur, *l. vnic. infr. de pretio panis Ostiensis:* vel Tiberi aduerso Romam subuehebatur per Caudicarios, *l. 1. hoc tit. l. 9. supr. de Suariis: l. 2. de Pistorib.* hisque sociatos, nautas Tiberinos, de quibus *infr. tit. de nautis Tiberinis:* in horrea Vrbs Romæ: vnde annona ciuibz gratuita postea dist. ibuebatur, de quo *infr. titulus, de annonis ciuicis:* per Pistores confecta, de quibus *supra, titulus de Pistoribus.*

Huius Canonis curam enixam Principes gessere, *l. 3. hoc tit.* Tum inferendi eius, Quare Canon hic remitti speciali cuiquam beneficio non potuit, *l. 3. non mutari, l. 5. hoc tit.* veluti vt aurum pro ipsis speciebus inferretur, *l. 8. supr. de annona: non retardari: itaque moratori in exoluendis iis pœna posita, l. 8. supr. de annona.* Item conferuandi eius; hinc adeo vetitus alio, quam ad Vrbs Romæ vsum transmitti, *l. 3. hoc tit.* vel a priuato quoquam vsurpari seu attingi, *d. l. 3. & 6. hoc tit.* quo pertinet etiam forma inducta, *l. 13. supr. de annona:* aduersus Caudicarium & Mensorum furta, quomodo prouisum? vid. *l. 9. supr. de Suariis: vt & pistorum, l. 16. supr. de Pistoribus:* Item vt Incorruptæ species manerent, forma inducta; *l. 2. hoc tit.* Tandem vt bonus panis populo Romano ministraretur, prouisum *l. 1. hoc tit.*

I. (a) Impp. VALENTINIANVS & Valens AA. ad Symmachum P. V.

NE-pestimus panis Populi Romani vsibus ministretur, sola ducentena milia modiorum frumenti, integri adque intemerati, iuxta priscum (b) morem Mensores (c) & Caudicarii (d) leuioribus pretiis pistoribus venundare cogantur. Dat. VI. Id. Iul. (e) Naisso, Diuo Iouiano & Varroniano Coss. (364.)

NOTÆ.

- (a) Absit *hec lex a Cod. Iustin.* quænam aliæ sint ei iungendæ? mox dicam. *GOTHOFR.*
 (b) Ita quoque *d. l. 2. supr. de calcis costloribus: prisca atque inueterata consuetudine.* *ID.*
 (c) De Mensoribus his vid. & *l. 1. supr. de condit. in publ. horr. & l. 9. supr. de Suariis.* *ID.*
 (d) De Caudicariis: vid. & *d. l. 9. & l. 2. supr. de Pistoribus.* *ID.*
 (e) *vg. Iun.* vt dictis legibus quas huic coniungendas mox dicam. *ID.*

COMMENTARIVS.

VALENTINIANI Sen. duæ constitutiones hic sese primo de Canone frum. V. R. offerunt: quibus curam & sollicitudinem suam circa annonam vrbs seu populi Romani testatam facit. Quod ipsum aliæ plures eiusdem constitutiones testantur, quæ *hoc Codice* passim occurrunt per omnes titulos,

los, qui ad rem hanc annonariam pertinent. *Hac nominatim lege BONI PANIS* populi Romani vñibus ministrandi curam suscipit: sancito veteri certæ quantitatis frumenti modo, pistoribus vendendæ, e Canone scilicet frumentario Urbis Romæ: eoque & intermerato & leuiore pretio. Quæ quidem lex pars est prolixioris Valentiniæ constitutionis, vnde desumptæ quoque sunt indubie lex 2. *supr. de calcis collectoribus: lex vñic. infr. de Saccar. Portus: l. 5. 6. supr. de Pistorib. lex. 12. infr. de operib. publ. & vt existimo lex. 5. supr. de panis: & lex 4. 5. 6. supr. de Pistoribus: & lex 8. supr. de annona: quæ proinde omnes huc coniungenda veniunt: Quæ quidem constitutione Valentianus Sen. Annonæ Urbis variis rationibus plene, effecte, enixe, consultum iuit: eaque data ad Symmachum P. V. quo instante (inquit Ammianus Marcellinus lib. 27. c. 3.) Urbis sacratissima otto *COPISQVE* abundantius solito fruebatur: Copiis id est, annona; copiam enim pro annona eo loco, pariter vt l. 4. *infr. de operib. publ. & l. vltim. in fin. supr. de Suariis: & apud alios Auctores, quos in Glossarium congero.**

Inter alia igitur remedia seu cōsilia quibus annona Urbis consultum iuit Valentianus, & istud est, quod hac leg. continetur: quod vt intel ligatur, prænotandum: ex Annona Urbicaria in Urbis Romæ vñum destinata partem populo Romano gratis præbitam, de quo erit *infr. titulus de annonis ciuicis & pane gradali*: aliam vero venditam pistoribus, (quomodo pariter vinum aliud gratuitum præbitum, aliud venditum: vid. l. 2. 3. *supra, Tributa in ipsi speciebus*.) Cæterum Pistoris ideo seu eo fine horrea cellulatue Romæ & in Portu Urbis habebant, l. 4. *infr. qui postea panem populo vendebant: qui ideo panis Ostiensis atque* P. 227 *fiscalis dictus, l. vñic. infr. de pretio panis Ostiensis.* Igitur eo fine ex prisco more seu instituto certa quantitas frumenti, & quidem integri & intermerati pistoribus ex publico Canone frumentario vendebatur: Ne, inquit, *peffimus panis populi Romani vñibus ministraretur*: Pessimus, id est, infimæ qualitatis, sordidus: l. 5. *infr. de annonis ciuicis: Pessimus, pro vltima qualitatis*: Ita omnino in eodem argumento l. 9. *supr. de Suariis, ne quid ex specie fraus occulta vñicturum pessima qualitatis immutet.* Ita *supr. l. 1. ad l. lul. repetundarum, Theodosius, insignibus & honore exuti, inter pessimos quosque & plebeios habeantur.* Pessimi Plebeiis sociantur & Honoratis opponuntur. Quare non admit-

to hanc vocem apud Spartianum, *Hadriano cap. 7. in fin. Ad honores explendos, non solum amicis, sed etiam pessimis aliquantis multa largitus est.* Ecce pessimi ibi pessime stant: quandoquidem his postremis verbis indicantur & ipsi Honorati. Ergo melius ibi *passim, vel passiuus aliquantis*: nempe ibi opponuntur amicis homines passiu, quicunque tandem, etsi non amici, quibus tamen Hadrianus ad honores explendos non minus quam amicis, multa largitus fuerit.

Vendi autem hoc frumentum Pistoribus solitum, docet hæc lex a Menforibus & Caudicariis; Nempe ab eorum Patronis, qui conditorum (in Portu Urbis Romæ) custodiam habebant, vt docuit diserte lex 9. *supr. de Suariis*: vbi plura. Ergo ab his vendi oportuit Pistoribus integri atque intermerati frumenti certam quantitatem, non corrupti, non pessimæ qualitatis (vt vocatur d. l. 9.) ne alioquin pessimus panis populi Romani vñibus ministraretur. Quantitas porro hæc prisco more erat ducentenorum millium modiorum frumenti: nam & hic frumenti seu Canonis modus fuit qui antiquitus ex Africa Romæ pendebatur: Plutarchus *Casare pag. 733. Edit. Wecheliani. ὡς ἐπαγγέλλεν εἰς Ῥώμην ἀπὸ Λιβύης, πρῶτον μὲν ὑπὲρ τῆς νίκης ἐμεγαληγορήσεν πρὸς τὸν δῆμον ὡς τοσαύτην κεχερῶναι χώραν, ὅση παρέξει καθ' ἑκάστον ἐνιαυτὸν εἰς τὸ δημόσιον, οὔτε μὲν εἰκοσι μυριάδας ἀτρίκων μεδίκων, vt ad urbem est ex Africa regressus, primum hanc victoriam in concione vendidit, commemorans, se tam latum subegisse tractum, qui vñictal quotannis penderet frumenti, ducenta millia medimnum Atticorum. Viginti myriadas efficiunt ducenta millia modiorum: μυριάς enim, quod notissimum, facit decies mille: vicesies decies mille, sunt ducenta millia. At Augusti tempore, ex Ægypto urbi annua ducenties centena millia frumenti illata scribit alter Victor in Epitome in Augusto.* Ergo vetustum Canonis Africani modum & hic seruati vult Valentianus Senior: sic tamen vt ab vna parte sola ea, ab altera leuioribus pretiis venditari pistoribus velit: sola: nempe videntur Pistoribus maiorem modum exegisse, quia scilicet leuiore pretio id eis constabat, quod quidem leuiore pretio id eis vendebatur: vt ita hac quasi mercedula pensaretur graue eorum ministerium: ergo in ipsorum fauorem.

II. (a) Imppp. VALENTINIANVS, Valens & Gratianus (b) AAA. ad Iulianum (c) PF. Ann.

NAVIGII (d) apud Curatorum (e) vel Magistratuum acta fateantur, (f) *in corruptas* se (g) *species* (h) *suscepisse*, eorumque apud quos deponitur ista testatio, præsens aspectus probet, nihil in his esse vitii: Quod (i) eo tempore, quo ad sacræ Urbis Portum peruenit Præfectura, (k) iugiter (l) obseruare (m) præceptum est. Dat. XVIII. Kal. Iul. Remis, Gratiano A. I. (n) & Dagalaifo Coss. (366.)

NOTÆ.

(a) Lex 1. Cod. Iustin. eod. tit. GOTHOF.

(b) Gratiani A. nomen hic inducendum: quia Anno demum sequente Gratianus A. factus Ambianis, mense Augusto. vid. Chron. ID.

(c) Eidem Iuliano inscribitur altera Valentiniæ constitutio, puta lex 2. Cod. Iust. de veteris numism. potest vbi perperam in inscriptione PP. id est, Præfectus Prætorio indigeratur: quod non tantum huius leg. Inscriptione consutatur, verum etiam argumento illius ipsius leg. Pro imminutione, inquit, quæ, in estimatione solidi for-

se tractatur, omnium quoque pretia SPECIERVM decrescere oportet. Vbi specierum appellatione intelligi oportet species annonarias: pariter vt hac ipsa leg. nostra, incorruptas se species suscepisse: quarum vtique cura Praefecto annonae incumbat: & vt recte Graeci in Synopsi Basilic. lib. 54. tit. 13. cap. 2. pag. 463. interpretati sunt res venales, τὰ τίμημα τῶν ἐσίων. Quare lapsi in eius leg. interpretatione Cuiacius ad eam leg. & Hotomannus 15. Illustrium: De qua plenius ago ad l. unic. supr. de oblatione votorum. ID.

(d) Nautici, id est nauicularii, nautae; sic quoque Apuleius lib. 11. pag. 226. Edit. Lugd. B. apud Ioan. Maire 1623. Curtius l. 9. c. 9. Ammianus Marcellinus non vno loco l. 14. c. 2. & l. 15. c. 9. l. 16. c. 12. Sic Vegetius l. 4. c. 33. dixit, nautica observationis curam. ID.

(e) Praesidium, aut magistratum, Cod. Iust. ID.

(f) Fateantur, id est profiteantur. In Cod. I. confiteantur. ID.

(g) Absit hæc vox a Cod. Iust. ID.

(h) Annonarias. ID.

(i) Quod ipsum scilicet. ID.

(k) Praefecturam, Cod. Iust. sub hac interpunctione: peruenit, Praefecturam iugiter, &c. Et intelligit Praefectum annonae, ex Inscript. ID.

(l) Iugiter, id est, pariter vel tractim, continuatim: Glof. Iugiter ἰπῆρες, id est, deinceps, consequenter. ID.

(m) Obseruari. ID.

(n) Ita quoque C O S. hic designatur l. 10. de penis: l. 14. supr. de annona: l. 1. supr. de postliminio. Sed rectius alibi NB. P. id est, Nobili Puero: vel vt est in l. 8. supr. de accusat. Nob. Cef. nondum enim hoc Anno Augustus erat Gratianus. ID.

COMMENTARIUS.

VT INCORRUPTA annona frumentaria Urbis Romae habeatur, prospicit hac leg. Valentinianus Sen. Anno D. 366. (qui cæteroquin vt ad l. 1. dixi, enixam Urbicæ annonæ curam gessit) Idque gemina ratione seu inspectione. Primum Inspectione Curatorum vel Magistratum, in locis vbi Canon siue annona in nauem infertur: scilicet, Nauicularios, vbi species susceperint Romam perferendas, apud illorum acta profiteri iubet, se incorruptas species annonarias accepisse: mox & Magistratus illos, eas species oculis suis & aspectui subiuicere iubet, vt ita de integritate specierum fides ei fiat: Curatores hic non sunt Sitionæ, verum Curatores ciuitatum. De Curatoribus his & Magistratibus municipiorum alibi prolixè dictum. Inter alia apud hos horumque acta testationes seu professiones factæ, reique exhibitæ: vt præter hanc leg. docet quoque lex 5. supr. de reparat. appellat. l. 3. supr. de superexactionib. l. 5. supr. de exhib. reis: de quibus plene dixi ad l. 20. supr. de Decurion. Quare non debuit hic Tribonianus loco Curatorum, reposuisse, Praesidium. Nam neque Magistratus hic pro Reëtoribus Prouinciarum accipiendi sunt, verum pro Dñmuis: quo sensu passim hoc Codice Magistratus vox exaudienda est: de quo vid. Paratitl. de Decurionibus. Et hæc quidem prior inspectio ἐπισκοπή est, qua annonæ Urbicæ integritati consultum voluit Valentinianus: nempe in loco ipso, vbi naui species oneraretur. Alterum iam inspectionis genus est in loco, quo perlatæ sunt species: nempe non naue Romam appulsæ (quod putauit hic Cuiacius) verum 12. ab vrbe miliario: puta in Portu Urbis Romæ: (quo felix embola importabatur, de quo iam sæpe supra, & adhuc infr. titulo de Saccariis Portus Romæ: & tit. de Patronis horreorum Portuensium: & l. vltim. supr. de Nauiculariis:) scilicet Praefectum annonæ, cui hac lex ideo etiam inscribitur, quem Roma ad Portum certis temporibus conferre se oportebat, Canonem frumentarium inspicere. Valentinianus iubet: vt ita de integritate vel corruptione specierum perlaturum iudicet. De Praefecti annonæ officio in commune, alibi dictum. Is vero sub dispositione Praefecti Urbis positus vna cum Praefecto, sed sub eo annonæ Urbis Romæ curam gerebat, quod præter singularem legem 1. Cod. Iust.

de off. P. V. quæ & ipsa est Valentiniani Sen. & legem 1. supr. de condit. in publ. horreis: l. vltim. supr. de Nauiculariis: & hanc leg. vt & d. l. 2. Cod. Iust. de veteris numism. pot. testatur quoque Symmachus l. 10. epist. 48. & Sidonius Appollinarius, lib. 1. epist. 10. Ad huius igitur officium pertinebat, Integritatem Canonis siue specierum inspicere & exigere: quomodo etiam Cassiodorus VI. Var. 18. scribit, eum pensum & munditiam panis exegisse. Eoque sine certis temporibus subinde ad Portum Urbis Romæ sese conferebat, inspiciendi Canonis gratia: Quod, præter hanc leg. docet quoque Sidonius Appollinarius, ipse Praefectus Vrbi lib. 1. epist. 10. ad Campanianum. Accepi per Praefectum annonæ literas tuas: vereor autem ne famem Populi Romani theatrialis cauez fragor insonet, & infortunio meo publica deputetur esuries: sane hunc ipsum e vestigio ad PORTVM mittere paro, quia comperi naues quinque Brundisio projectas cum speciebus tritici ac mellis, Ostia Tiberina teigisse: quarum onera expestationi plebis, siquid strenue gerit, rapim faciet offerri, commendaturus se mihi, me populo, utrumque tibi. Quin & ipse Praefectus Urbis quandoque ad Portum Urbis Romæ se conferebat, vbi videlicet nauicularius diametrum incidisset præfesto annonæ: l. vlt. supr. de Nauicular. Alioquin & statim tempore idem Ostiam sese conferebat solemnitate siue sacrificandi gratia in æde Castorum: cuius meminit Ammianus lib. 19. cap. 10. Dum Tertullus (P. V.) apud Ostia in æde sacrificat Castorum tranquillitas mare molliuit, mutatoque in austrum placidum vento, velificatione plena Portum naues ingressæ, frumentis borrea referferunt. Et Ethicus in Cosmog. p. 716. Ed. Gronou. Tiberis, inquit, intra Ostiensem portam & viam Portuensem Urbem egreditur, qua naues de Portu Urbis ad dominam totius mundi Romam ascendunt. Hic iterum circa sextum Philippi, (quod pradium missale appellatur,) geminatur, & in duobus ex vno effectus, insulam facit inter Portum Urbis, & Ostiam ciuitatem: vbi populus Romanus cum Urbis Praefecto vel Consule, Castorum celebrandum causa egreditur solemnitate iucunda. De hoc solemnni Castorum sacro, est & vetus Epigramma. Ex hac iam leg. exemplum duci ratioque iniri potest: qua specierum annonarum subuehendarum integritati consuli, nautarum contra fraudibus con-

contra iri potest: Nam quæ Actorum & Testationis, de quibus *hac leg.* agitur, occasione hic prolixè a multis cumulantur, de Inventarii & quidem a tutore conficiendi ratione ἀπρὸς διόνυσον sunt, id est, absurda. Suidas quoque voc. μαίεμας;

Maiumam festum fuisse ait Romæ mense Maio, quo εἰ τὰ πρῶτα τῆς πόλεως τελευτῆς, principes civitatis Officiis voluptatibus indulgentes, alii alios in aquas maris detrudebant: De quo tamen ad tit. de Maiuma,

III. (a) Impp. Arcad. & Honor. AA. ad Senatum. (b)

CERTVM habetis, Patres Conscribi, quantum curarum inpendimus (c) pro vestris, ac populi commodis: (d) Ideoque hac lege sancimus, Ut si (*) quid frumenti vel olei, (e) vrbicarii canonis remissione, indultum est speciali beneficio, contra publicum commodum elicitum non valeant. Urbani etiam usus frumenta, si quando vel fortuna, vel ratio in Africa (f) coegerit residere litoribus, attingere nullus audeat: aut mutatis directoriis (g) quoquam præter (h) sacram Urbem, præscribi (i) vllius innouatione, transmittere: & cetera. Dat. XVII. Kalend. Maii, Med. Cæsario & Attico Coss. (397.)

N O T Æ.

(a) Refecata a *Cod. Iust.* tum prior, tum posterior huius constitutionis pars, media tantum retenta in l. 2. *Cod. Iust. eod. tit.* Iungendæ autem illi sex aliæ: puta lex 6. 7. *supr. de Senatoribus*: l. 31. *supr. de Prætoribus*: lex 24. *supr. de Susceptoribus*: lex 27. *supr. de Nauicular.* lex 5. *supr. de Naufragiis*: Item lex 3. *Cod. Iust. quæ res venire.* GOTHOF.

(b) Et populum, hoc amplius additum in sex illis legibus omnibus. Imo & in *Cod. Iust. l. 2. Cod. eod. tit.* quæ ex *hac leg.* desumpta est. ID.

(c) Loco inpendamus. ID.

(d) Et si *hæc Commodi* vox accipi possit de omni Senatus populique utilitate: imo & voluptatibus, quo pertinet d. l. 6. 7. & d. l. 31. attamen specialius adhuc de annonariis commodis accipienda est: quo speciali significato commodorum vox *hac Codice* frequenter effertur. Et vero hic exaudiri suadet vel *huius leg.* argumentum, quod totum est de commodis annonariis, una cum d. l. 24. & d. l. 27. & d. l. 5. ID.

(*) In leg. 2. *Cod. Iust. eod. tit.* hæc vnica sententia coniecta, cæteris refecatis. ID.

(e) In nonnullis Codicibus Iustin. *bordei*. Sed tamen olei habuerunt veteres, ut patet quoque ex Luca de Penna, & Græci quoque habent ἑλαιῶν. Error natus (ut iam notauit Leonclaus lib. 2. *Notat. p.* 359.) ex affinitate vocis olei, & *bordei*. ID.

P. 229 (f) Nil opus mutare hanc vocem in *Africa*: nam mox, *residere litoribus* dicitur, pro in litoribus. ID.

(g) *Directorium* est iter rectum, *vestra nauigatio*, ut vocatur l. 33. *supr. de Nauicular.* cuius sententia eodem pertinet: sic & διρυγνόμενος, quasi dicas director viarum, mansionum, qui scilicet viam dirigit, præparat, apud Suidam. ID.

(h) Id est, quam ad sacram urbem. ID.

(i) Et hæc vox retinenda: *Præscriptum* hic est vel iter præscriptum, atque adeo idem cum directorio *supr.* vel *præscriptum* seu forma publica. ID.

COMMENTARIUS.

HONORII Imp. quatuor *hoc tit.* constitutiones sequuntur, quibus *Annonæ* Urbis Romæ sedulo prospectum iuit: quod studium suum initio statim seu prologo orationis effert. Et id quidem nunc, seu hac tempestate, qua populus Romanus cum fame, vel famis metu conflictabatur: ut ex aliis legibus quamplurimis liquet, & ex *Symmacho*, & *Claudiano*, horum temporum scriptoribus. Cuius quidem annonæ defectus non tantum publicis ex causis, turbata videlicet a Gildone Africa, (quæ Romæ nutricula erat, de qua mox plenius:) verum priuatis quoque ex causis & fraudibus, & vel maxime tum obortus erat. His igitur priuatis causis & fraudibus occurrere Honorius Imp. in animum subinde induxit: intra hoc quadriennium nominatim, id est, Anno D. 396. 397. 398. 399. *Fraudibus*, inquam: Primo collatorum seu Provincialium: impetrata forte immunitate *hac leg. 3.* vel mutatione canonis, l. 5. in fin. Iudicum item,

vsurpato videlicet canone l. 6. seu l. ultim. *hoc tit.* vrbicario canone alio quam ad Urbem Romam transmissio: *hac leg. in fin.* priuatorum in Vrbe Roma vel Portu eius, interuersis aquis molarum, horreis, cellulisque ad pistorium ius pertinentibus: l. 4. *hoc tit.* susceptorum item, l. 24. *supr. de Susceptoribus*: & Nauiculariorum, de quibus mox. Et hæc quidem Honorii *lex*, pars est prolixioris Honorianæ constitutionis seu Orationis ad Senatum & populum emissæ, qua in vniuersum tum Annonæ, tum voluptatibus populi Romani consultum iuit. Quæ gemina ferme populi Romani cura erat, circa panem, & Circenses. Ad eum vero voluptatum seu ludorum finem pertinent ex ea Oratione lex 6. 7. *supr. de Senatoribus* & *glebali collat.* & lex 31. *supr. de Prætoribus*. Ad Annonæ Vrbicæ vilitatem lex 24. *supr. de Susceptoribus*: lex 27. *supr. de Nauicular.* lex 5. *supr. de Naufragiis*: lex 3. *Cod. Iustin. quæ res venire*: & hæc *lex nostra* tandem, cui superiores

riores omnes coassanda veniunt: Cuius præfatione ut dixi testatam facit curam suam enixam, quam pro Senatus populique commodis gereret, ac nominatim pro commodis Annonariis. Imo ea ipsa præfatio indicio esse potest, quanto in honore Senatum habuerit Honorius Imp. Cuius sane honoris ab Honorio Senatui Romano tributi testimonium insigne est, quod bello Gildonem petere exercitumque aduersus eum non ante mouere hoc ipso Anno 397. voluerit, quam Senatusconsulto more Maiorum super eo facto, & Gildone hoste publico declarato: de quo Claudianus lib. 1. in laud. Stiliconis v. 327. & Symmachus lib. 4. epist. 4. plene dixi ad l. 7. sup. de Metatis: Quo rursus pertinet quod idem Claudianus in 4. Honorii COS. scribit. v. 502.

quæ denique Roma

Cura tibi? quam fixa manet reuerentia Patrum. Duplici igitur inter alia plura, remedio hac leg. Annonæ Urbis Romæ laboranti Honorius succursum it, aduersus duplicem fraudem.

Primum quidem IMMUNITATES annonarum, seu remissionem Canonis Vrbicarii priuatis quibusdam Rescripto concessas reuocat (pariter ut Immunitates a Præturæ munere, d. l. 31. sup. de Prætoribus: quæ inter alias uti dixi huic socianda venit:) ut cæteroquin immunitates in dispendium publicum, ac nominatim in fraudem rei annonariæ & tributariæ non valent, & a bonis Principibus in irritum deuocantur: de quo fuit titulus in eam rem expressus sup. lib. 11. de immunitate concessa, & aliquot etiam leges, supra, l. 1. de diuersis rescriptis: quibus ex locis similes plures leges huic accessi possunt.

Secundo capite Honorius Imp. VSVRPARI, contrectari, vendi, aucti, Canonem Vrbicarium, alioque quam ad Vrbem Romam transmitti vetat hac leg. & d. l. 3. Cod. Iust. quæ res venire: quæ ut huic leg. inter alias coassanda est: ita huic ductum subiicienda venit: Quia nonnunquam in diuersis littoribus distrabi publici canonis frumenta dicuntur, vendentes & ementes sciunt, capitali pœne se esse subdendos, & in publicam fraudem commercia contracta damnari: Cuius leg. Inscriptio cum hac leg. omnino concordat: subscriptio vero ex hac leg. & aliis supplenda venit. Porro hanc vsurpationem fieri solitam ostendit hac lex, & d. l. 3. in littoribus: ubi fortuna, vel ratione cogente, frumenta & naues sæpe residebant: eaque occasione vel inde quædam attingebantur seu vsurpabantur, vel mutatis directoriis, alio quam ad Vrbem Romam transmittebantur. Quod utrumque hac leg. & d. l. 3. inhibetur: de quo alioquin est iiii. expressus sup. de his quæ ex publica collat. illata sunt, non vsurpandis.

De quatuor adhuc ad hanc leg. videndum est. Primum de Africa: vnde potissimum canon frumentarius Romam subuectus. Omitto vetustiora ex Varrone lib. 2. de vita pop. Rom. Tacito, lib. 12. Ann. cap. 43. omitto de classe Africana a Commodio instituta, teste Lampridio in Commod. cap. 17. sufficiat hæc notasse. Primo, de hoc canone Africano, præter hanc leg. nostram, complures alias occurrere hoc Codice: puta l. 13. 30. 34. sup. de annona & trib. l. 8. sup. de indulg. debet. item pleraque positas, sub tit. de Nauiculariis, & tit. de naufragiis.

Secundo obseruandum, Modum huius canonis frumentarii Africani fuisse ducenta millia modiorum, quod ex Plutarcho, imo & l. 1. sup. hoc

tit. probatur, ubi dixi: Quomodo Alexandrinus canon sub Augusto erat ducenties certenorum millium frumenti, teste altero Victore in V. Augusti.

Tertio notandum, cum ante Constantinopolim excitatam etiam Alexandrinus canon Urbis Romæ, & vel maxime destinatus fuisset, deinceps tamen pariter alias Occidentis Provincias, (ad quas extra ordinem famis tempore recurrebatur) præter Siciliam & Sardiniam, quæ & Urbis Romæ nutricula erant, solam iam Africam ferme Urbis Romæ relictam vix sufficere: de quo dicam plene infr. titulo prox. de frument. Urbis Constantinop.

Quarto, de oleo vrbicario videndum est, olei scilicet modum ex Africa quoque Romam destinatum hac lex testatur. Huius vero olei vltus in gymnasia erat, (quam luxuriam a Græcis inuentam proscrit Plinius lib. 15. cap. 4.) item ad balnea aliaque. Datumque id populo gratis olim etiam a Scipione, teste Livio lib. 25. c. 2. a Cæsare, teste Suetonio in Vit. cap. 38. Quo tempore modus canonis Olæarii erat, tricies centena millia librarum: Plutarchus Cæsare pag. 733. Edit. Wechel. ὅση παρέξη καθ' ἑκάστον ἐνιαυτὸν εἰς τὸ δημόσιον ἑλθεῖν λιτρῶν μυριάδας τριδικσίας, quæ (provincia Africa) περὶ γὰρ ὅταν πέναιετ ὀλεῖ τριχὺς centena millia librarum: a M. Agrippa: Auctor Dio lib. 49. pag. 417. Edit. Leonclau. a Nerone, ut scribit Tacitus lib. 14. Annal. cap. 47. Seuerus Imp. accepto quoque oleo a Tripolitanis dono, & ipse auxillæ eam præbitionem videtur. De hoc Tripolitanorum sane dono, Seuerus Imp. facto, Spartianus in eius v. cap. 18. Tripolim, vnde oriundus erat, confusus bellicosissimis gentibus, securissimam reddidit: ac pacem diuturnam, oleum gratuitum & fecundissimum agrum donauit. Quem locum sanare caperunt Viri Doctissimi ita ex MSS. ac populo Romano diurnum oleum: quasi eo loco dicatur, oleum populo Romano a Severo donatum. Quod probare non possum: eo loci quippe Spartianus nondum agit de iis, quæ Seuerus in gratiam P. R. fecit, verum de victoriis ipsius aduersus Persas, Arabes, Adiabenos, item de Britannæ munimento, & de Tripoli a bellicosissimis gentibus secura reddita: quibus statim illa, quæ victim sapiunt, subiicit: Quare eo loci, non quid P. R. contulerit Seuerus, verum quid ei oblatum a Tripolitanis inuicem fuerit pro liberata securaque reddita patria sua, Spartianus scribit: itaque malim: ad vicem, diurnum ea oleum gratuitum, & fecundissimum agrum donauit. Nempe ipsi Severo oblatum a Tripolitanis oleum: sicut & fecundissimus ager donatus. Ecce alter Victor de Cæsar. in Constantino cap. 41. Remotæ olei frumentique aduentitiae præbitiones, quibus Tripolis ac Nicæa acerbius angebantur: quas res, superiores (id est Tripolitani) Seueri imperio, gratantes Cui obtulerant: veteratque gratiam muneris huius in perniciem, posterorum dissimulatio. (dissimulatio) Alteros (Nicanos) M. Boionius affixerat multa, &c. Ecce & ipsemet Victor ait, Tripolitane oleum cui suo Severo obtulisse, eius Imperio gratantes, gratantes, (non, ut mutant, gratantes) id est, gratulantes: Verum tamen illud, oleum a Severo P. R. datum, & largius quidem. Lampridius Alexandro cap. 22. Oleum, quod Seuerus populo dederat, quodque Hellogabalus imminuerat, turpissimis hominibus Præfecturam annonæ tribuendo, integrum restituit. De quo Severo, & illud Spartianus in Vit. c. 23. cum olei tantum reliquisse, ut per quinquennium non solum Urbis vsibus, sed totius Italia, quæ oleo egeret, sufficeret. Exinde, post Seuerum & Alexandrum oleum gratuitum P. R. porro donatum: sub Aureliano testis Vopiscus in Vit. c. 48. Stauerat, inquit,

inquit, & vinum gratuitum P. R. dare, ut quemadmodum oleum, & panis, & porcina gratuita præbeatur, sic etiam vinum daretur.

Ad Constantinianum seculum descendamus. Is aduentum illam quidem Tripolitanorum præbitionem remouit, ut Victor ait: sed nihilominus oleum gratuitum populo Romano ab eo datum, atque oleum vrbicarii canonis pars fuit. Hinc adeo Constantini M. l. unic. *infr. de mensis oleariis*, (ubi adhuc dicant) *mensis olearia mentio* fit. Sub Valentiniano quoque Iunioris l. vltim. *supr. de Curatoribus Calendarum* agitur de arca olearia & frumentaria: sub eodem, huius olei vrbicarii ex Africa meminit Symmachus P. V. lib. 10. *epist. 48*. *Frumentum cotidiana usus in facili est: Olei tantum species vitæ plebis tenuiter inuestigata sollicitat: Cuius rei V. C. PRÆF. ANNONÆ, parium suarum diligens executor, Prætoriana amplissima Præfectura, ut*

ipse asserit, dudum fecit indicium, missi de more breuibus, quæ angustias patefacerent conditorum. Mox: *Quare omnes suppliciter oramus: ut quamprimum Iudices AFRICANOS super hac specie Romanis horreis inferenda diuinus sermo DISTINGUAT: nam prope ratio opus est, priusquam reliquum præstiget DIVINA præbitio.* Hæc Symmachus, qui & frugis oleique banilos inter ceteros Vrbis Corporatos memorat lib. 10. *epist. 27*. Sed & *epistola 55. lib. 9.* docet, *Formianis ad regis suis leuamen certum ex Africa olei modum decreuisse Antiquitatem.* Tandem idem Vrbis querelas de olei penuria, non minus quam de frugum defectu, memorat non tantum superiore *epistola 48. lib. 10. sed & lib. 4. epistola 18.* Quo pertinet hæc ipsa Honorii constitutio. Et hæc de Vrbe Roma. De oleo vero Constantinopolitano est *lex vlt. infr. de annonis ciuicis.*

IV. (a) Idem AA. Theodoro PF. P. (b)

INPROBORVM petitiones, qui impudentius ausi sunt postulare pensiones (c) aquarum molarum, quæ Vrbi (d) venerabili annonæ abundantius præstitissent, quinque librarum auri multa infligat, (e) nisi ab hac petendi inopportunitate discedant. Illos etiam qui potestati Præfecturæ Annonariæ præfunt, & Apparitores qui hisdem ministeriis obsecundant, par multa retineat: (f) si cuiusquam improbissimi hominis consenserint, vel paruerint, voluntari. Simili autem poena teneantur, qui aliquid ex his horreis, cellulisque, quæ intra Urbem Romam, adque in Portu constitutæ, pistorio iure retinentur, sibimet, tanquam possessione priuata, ausi fuerint vindicare. Dat. Prid. Id. April. Med. Honor. A. IV. & Eutychiano Coss. (398.)

NOTÆ.

(a) Abest & hæc *lex* a *Cod. Justin.* Iungenda autem ei *lex unic. infr. de pretio panis Ostiensis.* GOTHOF.

(b) Theodorus PP. Italiae sub Honorio: vid. *Prosopogr.* ID.

(c) Pensiones sunt moduli aquarum, quibus aqua expenditur seu erogatur: & sic *expensiones.* ID.

(d) Romæ. ID.

(e) Insolens locutio, qua multa aliquem infligere dicitur; cum alias multa infligi dicatur. Infligat igitur pro affligat. ID.

(f) Retineat, pro teneat: ut sine legis, pistorio iure retinentur. ID.

COMMENTARIUS.

SECUNDA hæc Honorii constitutio est, hoc titulo. Quæ quidem prolixioris constitutionis pars est: qua Canoni frumentario seu annonæ Vrbis Romæ consultum iuit, post Gildonem iam casum: Cuius pars altera superest, l. unic. *infr. de pretio panis Ostiensis*, quæ proinde huic coassanda venit. Atque ut variis aliis rationibus Honorius Imp. Annonæ consultum iuit, fraudibusque annonæ vrbicæ damnosis occurrat; ita hæc *leg. & d. l. unic. PISTORVM & MALARVM* nominatim cura suscepta: tum aduersus ipsos consulendo, quo pertinet d. l. unic. ne videlicet pretium panis ipsi augerent: tum ipsis: quo pertinet duo huius *leg. capita* (quæ non minus recte sub titulo de pistoribus statent.)

Priore capite priuatos AQUÆ molarum publicarum, pistoribus seruientium, pensiones, id est modulos, a Principe petere vetat; proposita multa quinque librarum auri aduersus supplicantes seu impetranes: imo & aduersus Præfectum annonæ (qui ut annonæ ceteroquin præerat, ita nominatim Pistoribus: ut docet quousque *lex. 1. 3. 12. Tom. V.*

14. 15. 21. vltim. *supr. de pistoribus*: & *lex 3. 6. supr. de panis*.) eiusque Officiales, si consensum suum adhibuerint: pariter ut duarum librarum auri multam imponit supplicanti, ut pretium panis augeatur, d. l. unic. Ita quidem, ut factum istud impudens & improbum, seu hanc petitionem maxime infectetur: nempe quod in usus suos priuatos huiusmodi modulos aquarum conuertendo, impedirent, quominus annonæ Vrbi Romæ abundantius præstarentur. Nempe modulos hos aquæ priuati petebant in agrorum irrigationem, vel ad hortorum delicias, ad balnea item & nymphæa, molasque priuatas, ut ceteroquin id factum testatur *lex 4. 7. & vltim. in fin. de Aqueductu: l. 9. 10. Cod. Iust. cod. ut. Cassiodorus quoque lib. Variar. 21.* Dicitur, *commodi cura priuati, aquam formarum, quam summo deceret studio communiri, ad aqua molas exercendas, vel hortos irrigandos, fuisse deriuatam.* Scilicet pistores non tantum panem coquebant, verum etiam fruges ipsas molebant: quod prolixè docui ad l. 7. *supr. de Pistoribus*. Hinc adeo Molæ in pistrini huiusmodi publici instru-

mento fuisse, quarum *vt hac leg. ita & d. l. 7.* mentio fit; *vt & in priuati, d. l. 7.* quarum priuatarum mentio fit *d. l. 10. Cod. Iust. de aqueductu*, & superiore *Cassiodori loco*. Quæ quidem mola pistrinorum publicorum Romæ ad radices Ianiculi in Tiberi fuisse, *vt docet Procopius, lib. 1. Gothicorum, c. 19. & Prudentius lib. 2. contra Symmachum, v. 948.*

Quæ regio gradibus vacuis ieiunia dira

Sustinet? aut quæ ianiculi MOLA mota quiescit?

Vbi & Ison Magister in Glossis, *Ianiculus mons est, vbi templum Iani erat, & multa mola constructa*. Quanquam ex *hac leg.* conicere mihi videor, molas in Vrbe Roma non in ipso Tiberi fuisse, verum exinde sulcos aquarios proxime ad molas ductos: quæ *pensiones* aquæ molarum vocantur, id est, moduli fulcique.

Posteriore capite Honorius pari multa profertur priuatos qui aliquid sibi vindicare ausi fuerint ex HORREIS cellulisue, quæ in Vrbe Roma, vel in Portu Urbis Romæ (de quo dixi plenissime *ad. l. 9. supr. de suar. & iterum dicam ad l. vnic. infr. de saccar. Portus Romæ*.) ad Pistorum iura pertinent. Nempe (quod iam docui *ad l. 1. supr. hoc tit.*) Pistoires sua horrea seu cellulas tum in Portu Urbis Romæ, tum in ipsa Vrbe Roma habuere, condendis frugibus, quas ipsi a Caudicariis & Menforibus emerant, vnde postea panem confectum populo venderent. Ergo aliquam ex his horreis Cellulisue partem a priuatis occupari vetat. Pariter, *vt horrea fiscalia* apud Urbem Romam, nec non etiam Portus, in vsus priuatos translata, Valentinianus Sen. ad pristinum fisci ius reuocari iusserat, *l. 12. infr. de operibus publicis*.

V. (a) Idem AA. Messalæ PF. P. (b)

NEMINEM patimur in mutando Canone Urbis Romæ Nostræ Clementiæ beneficium (c) postulare: Ideoque (d) euidenti (e) præceptione consulentes: non solum ea Rescripta quæ quouomodo potuerint impetrari, (f) suscipi non sinimus, verum etiam illa vacuari, quæ præteritum quoque tempus elicit. Ac ne vilis subreptioni patefcat (g) aditus, eos qui posthac commutari sibi canonem in fraudem venerandæ Urbis poposcerint, ad duplum retinendos (h) esse decernimus, vt vetus dispositio (i) suum robur obtineat. Dat. Prid. Non. Septemb. Altino, Theodoro V. C. CONS. (399)

N O T Æ.

- (a) *Legis. Cod. Iustin. eod. tit.* pars prior hinc desumpta, eaque *lex ex hac leg. & proxima* conflata contractaque est. Iungenda autem *huic*, vt existimo, *lex 30. supr. de annona & trib.* GOTHOF.
- (b) *Messala PP.* Italiæ sub Honorio: vid. *Profepogr.* GOTHOF.
- (c) *Beneficium* pro rescripto, vt mox vocatur, seu indulto singulari, & quidem in re annonaris: vid. *Gloss. & Paratit. de diu. reser.* ID.
- (d) *Sequentia ita contracta Cod. Iust.* Sed ea rescripta, quæ quo modo potuerint impetrari, suscipi non sinimus: eos vero, qui contra hac fecerint, in duplum retinendos esse decernimus: Nempe recisis quæ ad præsens tempus tantum respiciebant. ID.
- (e) Ita quoque *l. prox.* ID.
- (f) In posterum. ID.
- (g) *Patefcere*: vid. *Gloss.* ID.
- (h) *Retineri* ad duplum aliquis dicitur: id est teneri, obstringi, ac proinde multari: vid. *Gloss.* Sic *l. prox. de portationis pena retinendos.* ID.
- (i) *Dispositio* proprie de canone annuario seu tributario: vid. *Gloss.* Ita *d. l. 30. vetera decreta.* ID.

COMMENTARIUS.

TERTIA hæc Honorii constitutio est *hoc titulo*, Canoni frumentario, Urbis Romæ consulenti, & quinto quidem FRAVDIS generi aduersus commodum Urbis Romæ, occurrentis, Anno D. 399. cui non inani coniectura iungenda est *lex 30. supr. de annona & tributis*: vt ad eam leg. edisserui: si non hoc, saltem argumento pariare vtramque certum est: pariter vt *l. 8. supr. d. tit. de annona & trib.* & *lex 1. 2. 4. 5. supr. tributa in ipsis speciebus*. Scilicet MUTARI impetrato rescripto Canonem Urbicarium vetat *hac leg. & d. l. 30.* Honorius: vt & Valentinianus Senior, *diçt. l. 8. P. 212 & d. l. 1. 2.* pariter vt Canonem Orientalem Theodosius M. *d. l. 4. 5.* cui contrarius aliquo modo extitit Theodosius Iun. *l. ultim. d. tit. de annona & tributis*. Mutari canon *hac leg. & d. l. 30.* dicitur: cum videlicet quis impetrato rescripto id

obtinet, non tantum vt pro vnâ specie annonaria aliam possit inferre, veluti vt pro indicto frumento, oleum: verum etiam, vt pro quacunque tandem specie, pecuniam præstare possit: quod proprie *alarari*, & *adaratio* dicitur, cum species, videlicet pecunia taxatur. De quo ad eas leges plenissime: Item *apochare*, *d. l. 1. & 2. supr. tributa in ipsis speciebus*: cum videlicet apochæ tributi soluti in pecunia dantur: denique cum loco specierum, nummis exactis apochæ dantur ab exactoribus, seu securitates, vt in eodem argumento vocantur, *d. l. ultim. tributa in ipsis speciebus*: Ergo mutare canonem, *adarare*, *apochare*, idem. Prohibitionis porro istius Ratio in aperto: nempe quia hoc in fraudem urbis non potest non cedere, vt *hac lex* indicat, captio sumque

sumque ideo vocatur *d. l. vltim.* Aurum scilicet bi necessarium collocatur. Cæterum dupli pœna pro speciebus acceptum facilius interuertitur, na propoſita id prohibet *hac leg.* Honorius; pariter vt *d. l. 30.*

VI. (a) Idem AA. Meſſalæ PF. P. (b)

NE deinde (c) facinora impunita (d) coaleſcant, euidenti præceptione decernimus vt a Vicario, (e) ceteriſque Iudicibus, quos ex vrbicario canone quidquam vſurpaſſe conſtiterit, in quadruplum præſumpta poſcantur: ita vt duplum Iudices, duplum eorum Officia cogantur inferre. Deinceps autem niſi ab huiusmodi ſcelere temperetur, Iudices deportationis pœna retinendos, (f) Primates (g) officiorum capitali ſupplicio ſubiugandos perpeti (h) auctoritate ſancimus: &c. Dat. IV. Kal. Octob. Altino. & (i) Theodoro V. C. CONſ. (399.)

N O T Æ.

- (a) *Legis 3. Cod. Iuſtin. eod. tit.* pars poſterior hinc deſumpta eſt, quæ ex *hac leg.* & *ſuperiore* conſtata eſt, & contracta: reſciſis pariter, quæ ad præſens tantum reſpiciunt. Iungenda autem huic *lex 15. ſupr. de exactionibus.* GOTHOF.
- (b) *Meſſala PP.* Italix ſcilicet ſub Honorio: vid. *Proſopogr.* GOTHOF.
- (c) Id eſt, deinceps. ID.
- (d) Reſineri poteſt & debet: neque mutem cum *impunitate.* Porro huic ſententiæ illuſtrandæ, ne alia congeram, facit *lex 31 D. depoſiti. l. 9. §. 5. D. de publican. l. 1. D. ne quis cum qui in ius voc.* Impunitatis denique ſpes, magna eſt peccandi illecebra. ID.
- (e) An Africæ? an Vrbis Romæ? De vtroque ſatis commode accipi poteſt. ID.
- (f) De hac voce ad *l. ſuper.* ID.
- (g) De *Primitibus* officiorum dixi ad *leg. 10. de cohortal.* ID.
- (h) Id eſt perpetua: quomodo mutatum *Cod. Iuſtin.* ID.
- (i) Delenda hæc vox, quæ etiam recte abeſt ab Edit. Quartan. ID.

COMMENTARIUS.

QVARTA hæc *hoc titulo* Honorii conſtitutio eſt, Canoni frumentario Vrbis Romæ conſulentiſ, & Sextæ fraudi eique ſcleratiſſimæ aduerſus eum admitti ſolite, occurrentis: (Qui & Septimæ cuidam fraudi occurrit *lege 15. ſupr. de exactionibus*, quæ huic coaſſanda venit, velut eiſdem prolixioris conſtitutionis Honorianæ pars: qua autopragias beneficium tollitur.) Hæc igitur conſtitutione, non iam *Collatorum* ipſorum fraudibus in damnum Canonis frumentarii occurrit, quo pertinet *lex 3. & prox. 5. ſupr. non Nauſculariorum*, quo ſpectat poſterior pars *legis 3. non Priuatorum*, quo reſpicit *lex 4.* Verum ſclerate Iudicvm vſurpationi aliquid ex Canone Vrbicario interuentium, pœna videlicet Iudicibus eorumque Officialibus ſive Vicariis, ſive Reſtoribus Prouinciarum (qui omnes ſub diſpoſitione P. P. erant:) tum in præſens, tum in futurum impoſita: In

præſens, Quadrupli pœna ob ea, quæ hæcenus vſurpauerant (quæ pœna in ſimili imponitur *l. 1. ſupr. de his qui cum diſpenſ.*) ſic vt duplum Iudices, duplum Officiales inferre velit: In futurum vero non iam multa impoſita, verum deportationis Iudicibus ipſis: Primatibus vero officiorum, capitalis ſupplicii. Cæterum, eſt hæc *lex* proprie de futiva Iudicum vſurpatione; & ſic *manifeſto* furtigeneri. Atenim aliud vſurpationis genus eſt, de quo *ſupr. lib. 12. tit. 9. de his quæ ex publica conlatione inlata ſunt, non vſurpandis*: nempe cum Iudices quid ex eo, quod illatum eſt, mutui titulo vſurpant, quo ſpectat *lex 1. eius tituli*: (cui ſimilia ſunt quæ tractantur *lib. 10. tit. 24. de his qui cum diſpenſatore contraxerunt*;) vel ad alias neceſſitates transferunt: quo ſpectat *lex 2. & 3. eiusdem tituli*: quæ poſtrema alioquin hoc ipſo Anno data ad eundem Meſſalam PP.



DE FRUMENTO VRBIS
CONSTANTINOPOLITANÆ.
TITVLVS XVI.

PARATITLON.

FRUMENTVM Rubr. & l. 2. *hoc tit.* triticum l. 1. *hoc tit.* (vnde titulus frumentarius, l. 3. *hoc tit.*) Urbis Constantinopolitanæ, Rubr. & *toto titulo*, aliud ex Prouinciarum collatione tributum, quo spectat lex 2. *hoc tit.* quod canonis nomine designatur d. l. 2. *hoc tit.* vnde annona ciuica distribuebatur, de qua mox sequi. *tit. de annonis ciuicis.* Aliud vero fame vrgente, l. 1. *hoc tit.* coemptum: vnde frumentaria coemptio, l. 3. *hoc tit.* frumentaria comparatio, l. 1. *hoc tit.* (de qua in commune peculiaris titulus *supr. lib. 11. tit. 15. de publica comparatione*;) Huic rei seu titulo l. 1. *hoc tit.* frumentario, l. 3. *hoc tit.* consecrata fuit sub Theodosio Iuniore Constantinopoli, l. 1. *hoc tit.* seu dedicata, leg. 3. *hoc tit.* summa quædam, l. 1. *hoc tit.* seu quantitas, leg. 3. *hoc tit.* auri, d. l. 1. & 3. *hoc tit.* puta quingentarum primum auri librarum, d. l. 1. *hoc tit.* postea vero sexcentarum & vndecim, d. l. 3. *hoc tit.* cuius & arca peculiaris fuit, arca frumentaria: d. l. 1. *hoc tit.* Ea summa a Præfecto Vrbi vel quoquam alio contingi vetita, d. l. 1. & 3. *hoc tit.* Ex ea autem coemptum frumentum vendebatur d. l. 1. *hoc tit.* Mancipibus, qui panem ex eo confectum populo venderent, mutui nomine dabatur, vnde incrementum aliquod accedebat, seu accrescebat, quod ad cumulum memoratæ quantitatis & frumentarii tituli fomitem redundabat: d. l. 1. & 3. *hoc tit.*

I. (a) Impp. Honor. & THEOD. AA. Monaxio P. V. (b)

QVINGENTAS auri libras, partim a Tui Culminis indagine, partim Amplissimi Senatus grata inlatione, collectas, ad prohibendam famem, ita huic titulo (c) consecramus, vt quidquid super frumentaria comparatione (d) titulus emptionis inuenierit, in tribunalibus (e) Præfecturæ Urbanæ sub gestorum testificatione pandatur: vt summa collecta, & incrementa (f) quæ venundato tritico acceperint, Patrum (g) infinuetur (h) examini: Omni de eo, (i) quæ contra hunc titulum temptabitur, vsurpatione cessante, vt nec Tuæ Sedis auctoritate, nec cuiquam (k) liceat, cuiuscumque, vel honestæ, occasionis obtentu, hæc perpensâ (l) vlllo pacto conuellere: ne non modo tot sententiarum violare munimina videatur, (m) sed & familiari dispendio quatiatur: & id quod ex hac auri quantitate decerpserit, geminatum Arcæ frumentariæ inferat. Si quis autem priuatim ad vsus proprios intra Urbem amplissimam frumentum comparare voluerit, habeat licentiam coemendi. Dat. VI. Kal. Maii, Constantinop. Honorio VIII. & Theod. III. AA. Coss. (409.)

NOTÆ.

(a) Absit hæc Historica constitutio a *Cod. Iustinianæ.* GOTHOF.

(b) Huius Monaxii P. V. meminit Auctor Chronici Alex. De quo mox. Eidem plures aliæ *hoc Codice* leges inscribuntur: Anno 408. & 409. inter alias hoc ipso Anno *lex 47. infr. de operibus publicis*: superiore Anno *lex 15. infr. de annonis ciuicis.* vid. *Prosopogr.* ID.

(c) Titulus est genus, species, destinatio rei cuiusdam: hic Titulus de annonario, & comparatione frumentaria. ID.

(d) De hoc fuit titulus *supr. peculiaris, de publica comparatione, lib. 11. t. 15.* ID.

(e) In *tribunallis*: in *tribunali Illius.* ID.

(f) vid. de his & l. 3. *infr. in fin.* ID.

(g) Senatus. ID.

(h) Infinuatur. ID.

(i) Malim: *omni adeo, &c. vt.* ID.

(k) Alii scilicet. ID.

(l) *Perpensâ* vocat communi consilio & maturo tractatu definita: de qua voce dixi ad l. 2. *supr. de confis. Principum*: vid. & *Gloss. Theod.* ID.

(m) Et sic tanquam violatæ constitutionis, perpensâ longa deliberatione, reus habeatur. ID.

THEODOSII Iunioris sunt omnes *huius tituli* constitutiones: Quarum hæc, & postrema, in eodem argumento versantur: nempe circa **PUBLICAM FRUMENTI** ad vsum Vrbis Constantinopolitanæ comparationem, extra ordinem ad prohibendam famem istius Vrbis. Scilicet ut cæteroquin publica comparatio Reipubl. necessitatibus exigentibus, exercitus forte, hac tempestate vsurpata, (de quo fuit *supra* titulus peculiaris lib. II. de Publica comparatione:) sic ut publico nomine pretiis competentibus contra datis, frumentum a priuatis emeretur (quod *Synoneti* onus dicebatur:) non sufficiente videlicet canone annonario qui a Prouincialibus tributui nomine conferebatur: Ita & vrbicario canone si quando non sufficiente, ad idem publicæ comparationis, seu *Synoneti*, remedium necesse fuit confugere: fame videlicet aliqua urgente: cuiusmodi famem Constantinopoli subinde exorta, variis de causis: ac nominatim ob ingentem ibi populi frequentiam, cui vix Aegyptus sufficiebat, aliæque Prouinciæ, ut testatur Eunapius in *v. Aedessii*, p. 41. Edit. *Commelin.* de quo dici plene ad l. 7. *supr. de Nauicular.* vbi de stolo Alexandrino. Quare vrbs ea sæpe annonæ inopia laborauit: ut videre est apud huius æui Scriptores. Ac nominatim his ipsis consulibus Honorio VIII. & Theodosio III. sub hoc Monaxio Præfecto Vrbis Constantinopol. ut ex hac leg. colligimus, & testatur expresse Auctor *Chronici Alexandrini* pagin. 716. 717. Edit. *Raderi*: Επὶ τῆς παρῶσης ὑπαφείας ἐκείνῃ τῷ προηρώριον ΜΟΝΑΧΙΟΥ ΕΠΙΡΧΟΥ ΠΟΛΕΩΣ, ἀπὸ τῆς ἐμῆς Κωνσταντινπόλεως, διὰ τὴν ἐνδοσίαν τῆς ἀρετῆς: καὶ ἐσύρη ἡ καρφύλα αὐτῆς ἀπὸ τῆς πρώτης Ρεγεῶν εἰς τῶν Δουμνῆς ἐμβόλων: καὶ ὑπὲρ τῶν αὐτοῖς οἱ δύο στρατηλάται Ὀυαραῖος καὶ Ἀρτάκιος, καὶ συνέσπονδοι καὶ (ita γρ.) Κόμης τῶν λαργιτιῶν, καὶ παρακάλεσαν αὐτὲς λέγοντες: ὑποστέψατε, καὶ ὑμῖς τηρεῖτε ὡς θελετε, id est; Hoc Consulatui exuistum fuit Prætorium Monaxii Præfecti Vrbis, a populo Constantinopolitano, propter panis inopiam: & tract. fuit ipsius Carruca a Prima Regione vsque ad Domini porticum, occurreruntque eis duo Dices rei militaris Varanes & Arsacius, & Synesius Comes largitionum, eosque admonuerunt, dicentes, Conuertimini, nosque (ipsi) laudamus, ut vultis. Quo quidem loco Consulatui qui excidit, ex hac leg. supplendus venit. Imo & ex *Mareellini Chronico*, qui dilerte sub his ipsis *Coss.* scribit: *Indict. VII.* Honorio VIII. & Theodosio Iunioris III. *COSS.* apud Constantinopolim magna exarsit populi seditio, panis scilicet penuria stimmet ingruente. Igitur ad prohibendam de cætero famem Constantinopoli studium suum conuertit Monaxius P. V. Anthemius, qui hoc tempore Præfectus Prætorio erat: conuertit Theodosius Iun. Imp. variis in id remediis adiuuentis: eo primum, quod continetur l. 32. *supr. de Nauiculariis*: deinde & eo, quod hac leg. continetur, nempe coëmptionis seu comparationis & *Synoneti*: de quo suo tit. Quod Romæ quoque extra ordinem factum docere videntur nummi argentei Pisonis & Capionis, in quibus cernuntur duo viri inter spicas sedentes, cum inscriptione:

AD FRV. EMV. EX. SC.

Noua etiam prouisione hac parte: destinata videlicet deinceps in id solemnè quadam auri quanti-

tate, ad coëmptionem videlicet seu comparationem frumentariam: ut ita urgente necessitate ex ea pecunia frumentum coëmi vendique posset, ad leuandam populi necessitatem. Quæ quidem quantitas seu fors hoc tempore collecta fuit, quod *hæc lex* dilerte testatur, partim Monaxii P. V. (cui *hæc lex* inscribitur, quique ut antea dixi, ob penuriam in populi inuidiam venerat,) indagine; qui scilicet pecuniam alicunde subtili ingenio eruerat, partim vero ex spontanea Senatus Constantinopolitani contributione; quod forte *Φιλικόν* dicitur l. 32. *supr. de Nauiculariis*, quæ ad eandem historiam pertinet. Modus vero istius sanctioris ærarii seu pecuniæ solemniter destinata, consecrata, hic definitur: nempe quingentarum auri librarum, quæ summa efficit 72. solidis in libram computatis (de quo ad l. *unic. supr. de oblat. votor.* & ad l. 1. *supr. de ponderatorib.*) triginta sex milium auri solidorum. Ita quidem inter hæc incipia. At postea aucta fuit hæc summa, sic ut sexcentarum & vndecim auri librarum facta fuerit, id est quadraginta trium milium nongentorum & nonaginta duorum solidorum: ut docet *lex vltim. in fin.* Parum vero erat sanctius istud ærarium instituisse, nisi administratio fidelis haberetur. Igitur & hac leg. & d. l. *vltim.* præscribitur, quomodo ea summa administranda sit. Hæc certe leg. statuuntur duo hanc in rem. Primo, pecuniam hanc cum incrementis (Interpreti compendium vocat *Ammianus Marcellinus* l. 28. c. 1.) id est, accessione omni, quod ex frumenti inde comparati secuta venditione adcreuit, publice coram Præfecto Vrbis sub gestorum testificatione pandi, declarari, computari, subduci: & Senatus Constantinopolitani examini insinuari; ut is examinet, discutiat, num ex fide omnia gerantur: Quod quidem examen ea etiam de causa Senatui delatum puto, quod hæc pecunia ab ipso ex parte profecta fuisset. Equum scilicet est, ei pecuniæ administratæ examen & discussionem committi a quo profecta est: sed neque fidelius quisquam id facturus creditur, quam is, qui cum largitatis ipse auctor sit, proculdubio eam ratam esse omni ope nititur. Secundo vsurpari ex ea pecunia quicquam vetat Theodosius tum hac leg. tum rursus l. *vlr. infr.* quocunque obtentu, a quoquam, nequidem Præfecti Vrbis auctoritate: ut cæteroquin ex canone vrbicario quicquam vsurpare nefas erat, de quo etiam ad l. *vlr. supr. tit. prox.* ita sacrilegio proximum ex hoc sanctiore quodammodo ærario quicquam degustare, decerpere, quod repositum seu reconditum in famem, si quando vrbi ingruentem, erat. Quare & dupli poenam vsurpanti imponit hac l. Theodosius Iun. & d. l. *vlr.*

Et hæc quidem ita Theodosius Iun. subleuandæ videlicet inopi plebi, atque in diem iuuenti, non ea tamen mente, quasi non & priuatis intra Vrbem Constantinopolitanam frumentum in proprios vsus coëmere liceret. Extra hanc proinde proprii vsus rationem, priuatis coëmptionem interdiceret videretur Theodosius. Scilicet noluit pius Princeps, vel potius qui iuuenem tum reg. bant, & in his soror *Placidia*, priuata coëmptione miscrare plebem strangulari: verum publica subleuari, cum modico & tolerabili admodum incremento. Atque ita *hæc lex* intellecta, cæu singularis admodum notanda est, quæ in vsum optime deduci poterit: vna cum l. *vltim.* quæ eodem pertinet.

II. (a) Idem AA. Vrfo P. V. (b)

NVLLI, ne diuinæ quidem domui (c) nostræ, frumentum de Horreis publicis pro annona (d) penitus præbeatur, sed integer canon Mancipibus (e) consignetur, annona in pane cocto domibus exhibenda: Ita enim debet canon, ab inclyta memorie Constantino præstitutus, necnon a Diuo pietatis meæ Auo (f) auctus, expendi: quoniam crescit inopia, si frumento, (g) quod pro annona tribuitur, ad vsus alios deputata cognoscantur: Cogentur enim sibi de publico emere quæ aliis vendere potuissent. Dat. X. Kalend. Aug. Constantinop. Theodoro (h) A. VII. & Palladio Coss. (416.)

N O T Æ.

(a) *Lex 1. Cod. Iustin. cod. tit. GOTHOF.*

(b) Eidem Vrfo P. V. inscribitur hoc ipso Anno 416. l. 186. *supr. de Decurion. & superiore Anno lex 1. supr. de Decurion. & silentariis.* Meminit eius hoc ipso Anno bis: & quidem ante mensem, Auctor *Chronici Alexandrini* pag. 718. 719. *Edit. Rader. ὁπ. Θεοδοσίῳ νέῳ Αυγύστῳ τῷ ζ'. καὶ Παλλαδίῳ. Επατέλεσθαι θύατρον, θειρίσαντ' οὖρα ἐπάγχυ πόλεως ὑπὲρ τῶν ἐπινίκιων τῶν κατ' Ἀττάλῳ τύραννον μνηύσειν, τῇ πρὸ δ' καλαυδῶν. Ἰαλίων, id est, Theodosio Iunioris Augusto VII. & Palladio COSS. Ludi theatrales celebrati, edente VRSO Prefecto Vrbi propter vi-
deriam de Attalo Tyranno mense Desio IV. Kal. Iulias. Et mox rursum: vbi ait Theodosium Iuniorem Heraclea Constantinopolim reuersum in foro Theodosiano aurea corona ab Vrfo P. V. & Senatu pridie Kal. Octobris die Sabbathi ornatum. ID.*

(c) *γῆ. domus. ID.*

(d) *Annona hic quid? mox dicam. ID.*

(e) *Mancipibus hac leg. & l. prox. id est Pistoribus: de quo suo titulo, supra. ID.*

(f) *Id est, Theodosio M. (Idem etiam in Cod. Iust. additum) de quo mox. ID.*

(g) *Locus vitiosus qui ita in Cod. Iust. exhibetur, si frumenta quæ pro annona tribuantur. ID.*

(h) *γῆ. Theodosio. vid. Chronolog. ID.*

C O M M E N T A R I V S.

SECUNDA hæc hoc titulo Theodosii Iun. constitutio est: quæ rectius coniecta fuisset in tit. proximum, de annonis ciuicis. Neque enim ad frumenti ipsius rationem pertinet, veluti ad emptionem eius tuitionemque, verum ad annonas ciuicas: vbi queritur, an loco *annona* seu panis, qui populo dabatur, frumentum dari posset, vel deberet; *Annona* inquam, seu panis. Annona hic pro pane, vel eo quod Annonæ loco dabatur: Græci hic habent in plurali, ἀντὶ τῶν ἀνόνων: Neque enim quicquam interest, *Annonam*, an *Annonas* dicas: vt iam probaui ad l. 1. *supr. de erog. mil. ann.* neque minus de pane *Annona* dicitur, quam in plurali *Annona*. Apud *Historia Augusta* Scriptores sane, vbi panum numerus subducitur, *Annona bina, terne*, dicuntur, id est panes duo, tres. In Rubrica quoque de excoctione & translatione *Annonarum*, *Annonæ* seu panes varii denotantur.

Sententia huius leg. hæc est. **ANNONAS CIVICAS DOMIBVS** æstimatas, non in frumento populo præberi oportere, verum ipsos panes coctos: sic quidem, vt integer canon frumentarius Mancipibus consignari debeat; *Mancipibus*, id est Pistoribus (vt probaui ad l. 18. *supr. de Pistoribus*;) & probat quoque *lex prox. infr.* mox panis inde coctusque populo exhiberi. Et rationem addit: ne alioquin frumentum populus disperdat, aliosque in vsus eroget, atque ita rursum panem emere cogatur. Quod quidem provide a Theodosio Iun. constitutum est, vt inopiæ intercederet familiarium; his Quibus hoc frumentum daretur, in alios vsus conuertentibus vel prodigantibus, non suo tantum, verum etiam totius familiæ damno; quare satius visum, panem co-

ctum dari. Adeo quidem, vt his qui de *Principis* domo essent, frumentum dari vetet: Quibus verbis, quosnam Theodosius Iun. hic intelligat? queri video. Lucas de Penna ridicule colligebat, etiam Imperatores percepisse panem ex horreis publicis. Verum his verbis indicantur *Palatini*, qui de domo Principis erant: ac proinde Palatinam quoque annonam in pane cocto præberi iubet: de quo vid. quæ dixi ad l. 5. *supr. de lustrali collat.* Interim, præter id quod *hac leg.* definitur, de annonis ciuicis Urbis Constantinopolitanæ, in pane cocto dandis, varia *hac leg.* indicantur, notatu dignissima: & tria quidem; 1. datas has Annonas domibus: 2. institutas has a Constantino M. 3. auctas deinceps a Theodosio M. Constantinus M. scilicet excitata Vrbe Constantinopolitana, replendæ illi, domibusque augendæ, tum popularibus, l. 7. *infr. de annonis ciuicis*: tum Palatinis d. l. 7. tum Militaribus viris quibusdam, veluti scholæ Scutatorum & Clibanariorum, l. 9. 10. *infr. de annonis ciuicis*: domosque in ea vrbe excitantibus annonas gratuitas dedit, vt ædificandi studio magnitudinem urbis augerent: quod testatur Theodosius M. l. 11. d. tit. Qui idem Constantinus aliis quoque rationibus Vrbi Constantinopolitanæ ædificiis replendæ consuluit, atque inter alia ea ratione, quæ continetur *Novella* Theodosii Iun. 12. de qua ad tit. *prox.* Quare panes hi seu *annona* domibus exhiberi dicuntur *hac leg.* itemque panes adium seu *edificiorum*; l. 1. 5. *infr. de annonis ciuicis*: vbi plenius dicam, & ad l. 11. 12. 13. *eodem tit.* Auctor igitur harum Annonarum fuit Constantinus M. vt præter *hanc leg.* clarum quoque ex l. 9. 10. 12. *de annonis ciuicis*. Quod etiam testatur Zosimus, lib. 2. cap. 32. διένειμε τῶν Βυζαντιῶν

ἵων δὴ μὲν στήσιν δημοσίων, ἣν ἄχρι τῆδε διέμε-
νεν ἔχων, plebi Byzantina publicam annonam distri-
buit, quam & hactenus illa semper habuit, ut &
Suidas, loco quem proferam ad d. l. 7. *infr. de anno-
nis ciuicis*. Tempus etiam quo hac Annona di-
stribui cœpit, designat Auctor *Chronici Alexandrini*
pag. 666. 667. *Edit. Rader.* nempe biennio post de-
dicationem Urbis Constantinopol. id est, Anno
Domini 332. *Pacatiano & Hilariano COSS.*
ἐπὶ τῶν τῶν ὑπ' αὐτῶν ἡρξάτο ἀναλίσκεσθαι τοῖς
πολίταις Κωνσταντινουπόλεως ἀρτὸν ἐκ τῆς Μαίης,
his *Coff. XIX. Maii* cœpit annonam distribui ciuibus
Constantinopolitanis. Modum tandem seu quanti-
tatem Annonarum ciuicarum a Constantino defi-
nitum aperit Socrates, *lib. 2. cap. 13.* Ἐξήμισσε τὴν
Ρ. 23 πόλιν, ἀφελὼν τὴν σιτηρεσίαν τῇ παρασχεθέντῃ
παρὰ τῶν πατρὸς αὐτῆς ἡμερησίᾳ, ὑπὲρ τέσσαρας
μυριάδας. οὕτω γὰρ ἐγγυς μυριάδας ἐχεργυνοῦ
πρότερον (ante Constantii in Constantinopolita-
nos iram) ἵδ' οἷτος ἐκ τῆς Ἀλεξανδρείας κομιζομένη
πόλεως. Ciuitatem multauit, ex annona diu-
na, quam pater eius Constantinopolitanis donauerat,
adimens plusquam quadraginta millia modiorum: an-
tea enim octoginta fere millia modiorum frumenti
ab vrbe Alexandria adueῖσι, ciuibus erogabantur.
Et Sozomenus *lib. 3. cap. 7.* ἀμφὶ δὲ τὸ ἥμισυ
τῶν οἷτος τὴν πόλιν ἀφίετο, ὃν ὁ πατὴρ αὐτῆς
Κωνσταντῖνος, ἐκάσθ' ἐκαστὸν τῶν δημοσίων τοῖς
πολίταις ἐδώρησάτο ἐκ τῶν Ἀγρυπνίων φόρων,
ὑπολαβὼν ὅσως ὑπὸ τρυφῆς καὶ ῥασιῆς τὰς
πολλὰς ἀργύρας, ἐτίμης εἰς τὰς αἰῶνας;
annona tamen illius, quam pater ipsius Constantinus
quotannis de publico ex tributis Egypti, ciuitati
donauerat, dimidiam circiter partem ciuibus adem-
it: ratus fortasse multitudinem, virore otii ac delitiis
abundantem ad seditiones procliuem esse. Aiunt,
octoginta mille modios frumenti annuos a Con-
stantino M. in annonas ciuicas præsstitutos. Idem
aiunt, a Constantio diemidia ferme parte imminu-
tum hunc canonem, ob trucidatum Hermogenem

Præfectum: id quod factum vel sine Anni D. 342.
vel initio Anni D. 343. ut ex Socrate patet. Etiam
Constantium adium annonas auxisse docet
lex 12. infr. de annonis ciuicis: vbi plura. Theo-
dosium M. tandem etiam eas auxisse non hac tan-
tum *lex*, quæ nepotem ipsius Theodosium Iun.
Auctorem habet, docet: verum etiam Arcadii
filii eius *lex 13. 14. infr. de annonis ciuicis*: vbi plu-
ra. Cum tamen si ipsius Theodosii M. *leges* spe-
ctemus, quæ ad Annum 393. procurunt, id est
ante penultimum vitæ suæ annum, ac nominatim
legem 9. u. 12. infr. de annonis ciuicis, alia omnia
videantur, neque parum eas coarctasse, verum
de eo ad eas *leges*, ac nominatim, ad d. l. 13. & 14.

Ut ad huius leg. sententiam redeamus, Perpe-
ram ad hanc leg. trahit Petavius Themistii locum
ex eius *orat. 4. pag. 113. Edit. Petau. Flexie 1613.* vbi
Themistius agit de annonis, quas e publico accipie-
bat: *δαπανῶ μὲν γὰρ πυρὸς*. Ex quo loco notari
vult, *πυρὸς*, hoc est frumentum e publico distri-
butum atate Themistii, cum alioquin panes ero-
gare non frumentum legitimum esset: quod cum
illis Themistii temporibus negligentius obseruare-
tur, postea Honorii ac Theodosii (solum Theo-
dosium dicere debuit) decreto hac leg. reuocatum
fuerit. Neque enim locus ille est de Annonis
Ciuiicis, seu de pane gradili; verum de Annonis
Sophistarum & Professorum, qui sane non e gra-
dibus annonam seu panem gradilem accipiebant,
verum *πυρὸς βασιλικὸς* ex τῶν σιτοφυλακίων
δημοσίων, id est, ex horreis fiscalibus, ut ibidem
expresse ait: de quo ad tit. *supr. de Professoribus &
Medicis*, & quidem ad eam ipsam l. 11. quam Petau-
ius 13. perperam allegat: cuius & modum mox ex-
primit p. 114. *Ed. cit.* ὅτι μοι ἐξόν & οἷτος μόνον δια-
κοσίως μεδιμνὸς, εἰς εἰλαίᾳ ἴσα κεραμια παρὰ
βασιλεως καρεπῆσθαι, ἀλλ' &c. quod cum non
modo tritici ducentos medimnos, ac totidem olei am-
phoras ab Imperatore accipere liceat, verum &c. vbi
vides & oleum adiici: quod annonæ ciuicæ seu pa-
nis gradilis certe numero non fuit.

III. (a) Impp. THEOD. & Valentinianus AA. Leontio P. V. (b)

SESCENTARVM (c) vndecim auri librarum quantitas, ad coëmptionem (d) frumen-
tariam sit perpetuo dedicata. Nec liceat cuiquam postea, administratione (e) Vr-
bicariæ potestatis percepta, aliquid ex memorata (f) summa minuere, vel ad quoscun-
que alios vsus convertere: sed sub gestorum testificatione certum fiat, & quod Manci-
pibus (g) mutui nomine datum est, & quod ab hisdem sit, excepta (h) omni concus-
sione, soluendum. Eum autem qui hanc formam ausus fuerit inquietare (i) quanti-
tatem, in qua suam calliditatem exercuerit, in duplum redhibere iubemus: Et quidquid
ex prædicta ratione adcreuerit, ad cumulum memoratæ (k) auri quantitatis, & frumen-
tarii tituli fomitem, (l) redundare: Legisque huius tenorem æneis tabulis incidi, Dat. V.
Kalend. Decemb. Constantinop. Ariobindo & Aspare COSS. (434.)

NOTÆ.

(a) *Lex 2. Cod. Iustin. cod. sit. GOTHOF.*

(b) Eidem inscribitur Anno proximo 435. *lex 66. infr. de hæreticis: lex 8. de Princip. agentium in rebus. ID.*

(c) *Auri statuta quantitas; ita Cod. Iust. ID.*

(d) Comparatio, vid. l. 1. ID.

(e) Post administrationem urbicariæ potestatis perceptam, Cod. Iust. ID.

(f) Eadem Summa, Cod. Iust. ID.

- (g) Id est, pistoribus *hac leg.* & l. 2. *prox. supr.* Itaque Græci hic recte 54. *Synops. tit. 25. cap. 2. pag. 464. τοῖς ἀπρονόμοις. ID.*
- (h) Remota: *ID.*
- (i) Inquinare, Cod. Iust. *ID.*
- (k) Eiusdem auri quantitatis, Cod. Iust. *ID.*
- (l) Fomitis vox eleganter hic posita: antea *cumulus*: neque mutandum id in *firmiter*, quæ vox legitur in Cod. Iust. *ID.*

C O M M E N T A R I V S.

DE Pecunia, ad COEMPTIONEM frumentariam publice in Vrbe Constantinopolitana dedicata, destinata, est hæc altera Theodosii Iunioris constitutio: in qua explicanda ea potissimum sectabimur quæ singularia habet, præter ea, quæ continentur priore l. puta l. 1. *supr.* Primo, Mons huius pecuniæ *hac leg.* iam amplior dedicatur: illa, quingentarum librarum auri, hac vero sexcentarum vnde decem librarum. Secundo VSURPARI ex ea aliquid, vel in alios vsus conuerti eam a Præfecto Urbis vetat, quod & ipsum veritum d. l. 1. *supr.* Tertio, sub GESTORVM testificatione certum fieri iubet, quantum Mancipibus, id est, Pistoribus τοῖς ἀπρονόμοις mutui nomine datum sit, & quantum ab his soluendum sit. Vnde colligi videtur, mutatam hac parte primam formam, quæ initio huius rei instituta fuerat: Nempe tum videtur coemptum fuisse frumentum publico nomine: mox venditum id priuatis: Atenim *hac leg.* indicatur, pecuniam mutuum datam Pistoribus ad coemendum frumentum, qui mutui istius nomine incrementum aliquod arcæ isti frumentariæ soldere debebant: *incrementum*, inquam, sed moderatum, sed iustum, *sine ulla concessione*. Et ita quidem hunc locum accipio, non ut alii; quasi Pistores coempta frumenta conditis inferre deberent: aut quasi non hic proprie *mutuum* versaretur, sed promutuum, & in antecessum datum Pistoribus, qui eandem pecuniam redderent, vel frumentum & panes. Sane Græci vertunt εἰς πρόχρεον συνανῆς, ad prorogationem coemptionis frumentaria: verum & hoc ipsum volunt, nempe vsualem, & sic mutuum pecuniam prorogatam, datam in coemptionem frumentariam, *promutuum*; εἰς πρόχρεον datur

P. 37 quid, duplici ratione, vel cum in antecessum pretii vel salarii alicuius concedenti, ex quo utilitas reditura est ad dantem, quid præ manu prorogatur, vel tum ad aliquid faciendum pecunia ante datur mutua, & vsualis, ut in hac specie; cuius utilitas non tum reditura est ad dantem: Quo ipso sane duplici sensu, *Promutuum* dicitur. Nam & *Promutuum* dicitur pecunia, quæ villicis mutua datur,

cum incremento postea aliquo reddenda, l. 40. §. 5. *D. de statu liber.* vbi Græci pariter πρόχρεον verterunt. Rursum promutua vectura accepta, l. 15. §. 6. *D. locati*: quæ ante vecturam in antecessum data, prorogata: ut apud Casarem de bell. civil. 3. cap. 31, *insufficientis anni vectigal pro mutuo*, id est, *Par aduance*: sicut pecunia ad opus publicum in antecessum data, dicitur ad extructionem solito more decreta, l. 24. *infr. de operibus publicis*: vel, ut habet Cod. Iust. *credita*. Tandem inuicenter in l. 34. §. ultim. *D. de legat. 3. in tempus pro mutuo acceptum debitumque*, est pecunia quocunque nomine quacunque ratione accepta, cuius nomine quis debitor redditur. Ad vltimum hic vere mutuum pecuniam verti claret, quod ea pecunia siue summa incrementum receperit, ut tum ex *hac leg.* tum ex l. 1. *supr.* constat. Quarto, POENA imponitur callide circa hanc pecuniam versanti, usurpanti que Præfecto Urbis: nempe dupli poena: quæ & ipsa lege l. constituta fuerat. Quinto, INCREMENTA huic Pecuniæ & summae adici vult, ut ita ad cumulum & fomitem frumentariæ coemptionis redundent: ait autem, *quicquid ex prædicta ratione adcreuerit*: id est, tam ex incremento pecuniæ, quam ex poena: *Adcreuerit*, & *Incrementi* vox de vsuris: vid. *Paratiel. de vsuris*. Tandem hanc legem *Æneis Tabulis* incidi iubet: Ita solite scilicet *leges*, quæ urbium, quæ populi commoda & utilitatem spectarent: ut præter *hanc leg.* docent hoc Codice *lex ynic. supr. de Iure Italico Urbis Constantinop.* lex 4. *supr. de Suariis*: lex 1. *supr. de alim. quæ inop. par.* Item quæ privilegia certarum personarum continent: quod probat lex 2. *supr. quemadm. mun. civil. lex 4. supr. de priuil. eorum qui in sacro Palatio*: ut ita contra privilegia sua vexari, ad has aneas tabulas quasi ad præsentia remedia perfugiant: quod dicere ait d. lex 4. *supr. de priuil. eor. qui in S. P.* Porro *hac lex* lata a Theodosio Iun. hoc maxime tempore, quod frumenti penuria per hos annos fuisset Constantinopoli: veluti ante triennium, A. 431. ut refert Marcellinus *Chronico*.



DE ANNONIS CIVICIS ET PANE GRADILI. (*) TITVLVS XVII.

Lib. XI. COD. IVST. TIT. XXIV.

De Annonis Civilibus. Ita habet C. Iust. (*) Vid. l. 3. 4. 6. h. t.

PARATITLON.

ANNONÆ CIVICÆ, *Rubr. & l. 9. 10. 11. hoc tit. seu annonæ publicæ, l. 13. hoc tit. & simpliciter Annonæ, l. 7. 8. 12. 13. 14. hoc tit. & l. 2. supr. de frum. V. Constant.* Erant panis, *Rubr. & l. 1. 2. 3. 4. 6. 7. panis coctus, d. l. 2. supr. de frument. V. C.* aliaque, *d. l. 7. hoc tit. (puta oleum, l. ultim. hoc tit. certis Ordinibus & Corporibus d. l. ultim.)* quæ in Vrbe Roma, (quo pertinet *lex 2. 3. 4. 5. 6. hoc tit.*) Constantinopolitana, (quo spectat *lex 1. 7. 8. 9. 10. 11. 12. 13. 14. 15. hoc tit. & d. l. 2. supr. de frum. V. Constantinop.*) Populo, *l. 4. hoc tit.* Cuius Romanis, *l. 5. hoc tit.* (vnde Ciuiarum annonarum nomen,) popularibus *l. 5. 7. hoc tit.* vnde popularis annonæ *d. l. 7. hoc tit.* alimenta popularia, *l. 3. hoc tit.* caduca popularia, *l. 2. supr. de studiis liber. V. R.* commoda popularia, *l. 3. supr. tributa in ipsis spec. commoda populi, l. 8. supr. de Medicis & Professoribus.)* Item Palatinis, *l. 7. hoc tit.* (vnde Palatini annonæ, *d. l. 7. hoc tit.*) Item Militaribus viris seu milicibus nonnullis in Vrbe Constantinop. *l. 7. 11. hoc tit.* puta scholis quibusdam, *l. 8. 9. 10. 11. 12. hoc tit.* scutariorum, & scutariorum Clibanariorum, *l. 9. hoc tit.* Item ædificantibus, tum in Vrbe Roma, quo pertinet *lex 5. hoc tit.* tum in Vrbe Constantinopolitana, quo spectat *lex 1. 11. 12. 13. hoc tit. & l. 2. 3. de frument. Urb. Constant.* ideo vt ædificandi studio Magnitudo Urbis augetur: Idque sine pretio, *l. 5. hoc tit.* liberalitate Principum, *l. 9. 14. hoc tit.* (vnde annonarum emolumenta, *l. 10. 11. hoc tit.* commoda *d. l. 11. hoc tit.*) diurna, *l. 3. hoc tit.* erogabantur. De Popularis Annonæ modo vid. *leg. 5. hoc tit.* Idque cura Præfecti Urbis, *l. 1. 7. 8. 9. 10. 11. 12. 13. 14. 15. hoc tit. l. 2. supr. de condit. in publ. horr. l. 2. supr. de frum. Urb. Constant. & Præfecti annonæ, l. 2. 3. 6. hoc tit.* pro extruendis domibus, *d. l. 11. hoc tit.* his qui domos haberent, *d. l. 11. 12. 13. hoc tit.* vnde Annona in pane cocto domibus præberi dicitur, *l. 2. supr. de frum. V. Constant.* ædium panes dicuntur, *l. 1. hoc tit.* ædificiorum panes, *l. 5. hoc tit.* qui ideo ædes sequebantur, vt retentis panibus ædes vendi non possent, *d. l. 1.* In hunc finem canonem quandam seu certam frumenti quantitatem Constantinus M. Constantinopoli destinauerat, quem Theodosius M. auxit: vid. *l. 13. 14. hoc tit. & l. 2. supr. de frum. V. Constant.* In id Tabula ærea seu titulus æneus erat, in quem modus panis & percipientis nomen incidebatur, *l. 5. hoc tit.* Erogabaturque seu ministrabatur, promebatur, panis nominatim popularis a pistoribus *l. 3. hoc tit.* non clam, *l. 4. hoc tit.* & de pistrino, *l. 3. hoc tit.* vel officinarum conditoriis, *d. l. 3. hoc tit.* verum palam, *l. 4. hoc tit.* de, seu in Gradibus; *l. 2. 3. 4. hoc tit.* (vnde panis Gradilis dictus, *Rubr. & l. 2. 3. 4. 6. hoc tit.*) Ita quidem vt nec transferri ab vno gradu in alium posset *l. 2. & l. 5. hoc tit.* neque frumentum pro eo daretur, *l. 2. supr. de frum. Urbis Constantinopol.* In erogatione & hæc obseruabantur, vt nonnisi integro Canone frumentario Romam aduecto erogatio fieret: *l. 2. supr. de condit. in publ. horreis:* vt vetus frumentum prius erogaretur: *l. 1. supr. de publ. horreis:* Tandem si Annonæ vacantes essent, *l. 8. hoc tit.* si caducæ (vnde caduca popularia, *l. 2. supr. de studiis lib. V. R.*) si panes caduci, *l. 1. hoc tit.* id est, si quis eorum qui annonam percipiebat, vrbe abeundum sibi crederet, *l. 7. hoc tit.* si deficeret, mortemque obisset, *l. 8. hoc tit.* annonæ fisci viribus vindicabantur, *d. l. 1. hoc tit.* in horreorum conditis reseruabantur, *d. l. 7. hoc tit.* quæ postea petentibus aliis ex eodem ordine deferebantur, *d. l. 7. hoc tit. & l. 2. supr. de studiis lib. V. R.*

Ab ÆDIBVS separari an possint Annonæ Ciuicæ: & de CADVCIS Annonis.

I. (a) Impp. VALENTINIANVS & Valens AA. Iouio P. V. (b)

QUIA conperimus, nonnullos venditis ædibus panes earum penes se retinere, nulli liceat, vt (c) ædes sequantur annonæ: Sane, si qui ex huiusmodi titulo

(d) caduci sint panes, fisci viribus vindicentur. Dat. VI. Kalend. April. Diuo Iouiano, & Varroniano Coss. (364.)

NOTÆ.

(a) Abest *hec lex* a Cod. Iust. GOTHOF.

(b) Iouius sub Valentiniano & Valente P. V. Constantinop. Eidem inscribitur hoc eodem Anno paucis post diebus, *lex 3. supr. de his que administr.* Caterum primus hic P. V. Constantinopolitana *hoc Codice* occurrat, ex quo is institutus sine Anni 359. de quo ad l. 16. *supr. de Pretoribus.* ID.

(c) Nulli id licent, at ades sequantur annonæ. ID.

(d) Nempe ædium Annonis. Varii scilicet tituli, varia genera fuerunt annonarum ciuicarum: quatuor scilicet, Ædium, Populares, Palatinæ, Scholarium seu militares. ID.

COMMENTARIUS.

VALENTINIANI & VALENTIS septem constitutiones de Annonis Ciuicis primæ sese *hoc titulo* offerunt: nullæ, quod mirum satis, Constantini M. eiusque liberorum, nullæ Iuliani aut Iouiani. De Constantino M. sane, institutaque ab eo Constantinopoli Annona Ciuica, deque Constantio, æctum iam plene ad l. 2. *supr. tit. prox. de frumento Urbis Constantinopol.* de Constantino M. etiam agitur l. 9. 10. 12. *hoc tit.* de Constantio, l. 12. Nos de hac leg. nostra videamus. Eius vero Valentinianum, an Valentem Auctorem dicamus? nil interest. Hoc quippe tempore Valentinianus, qui Niceæ in Bithynia paulo ante Imperator declaratus fuerat, puta Kalend. Martii, Constantinopoli constitutus Valentem fratrem Augustum creauit V. Kal. April. vt scribit Ammianus Marcellinus, lib. 26. cap. 4. vel IV. Kalend. April. vt habent Consularia Idaciana; & Auctor Chronici Alexandrini pag. 698. 699. Edit. Rader. trigesimo post inaugurationem suam die, vt Socrates scribit, lib. 4. cap. 1. Quare Valentiniano soli *hec lex* tribuenda videatur, vt quæ vno die ante data sit, VI. Kalend. April. Sed cum ea Valentis quoque nomen præferat, dies forte subscriptus emendandus videatur, inuersis notis numeralibus ita IV. Kalend. April. Vtunque sit, Valentiniano ea tutius tribuitur, vt pote penes quem omnis potestas tunc erat. Ad rem.

Est hæc constitutio de **ÆDIIVM** in Vrbe Constantinopolitana Annonis: eaque duabus sententiis constans: & vtraque definitur, An & quando ab ædibus ipsis separari possint Annonæ Ciuicæ? Prima definitur, **VENDITIS** ædibus, panes earum, seu annonas, ades sequi: & sic emptori ædium adquiri; neque posse venditorem in venditione ædium, eas sibi retinere seu recipere. Nempe vt annonæ hæc primum a Constantino M. institutæ tributæque fuerant, vt ædificandi studio magnitudo vrbis augeretur: vt loquitur lex II. *infr. hoc tit.* vnde & panes ædium vocantur, *hac leg.* seu panes ædificiorum, l. 5. *hoc tit.* Annonaque domibus exhiberi dicitur, l. 2. *supr. de frumento Urbis Constantinop.* ita & Annonam *ades sequi*, iisque adherere par fuit: siue quia commodum istud ædibus affectatum dedicatumque, siue vt hoc beneficio factæ testæ haberentur, neque permitti oportuit, vt eas venditor sibi reciperet, amisso earum dominio: Qui casus notandus est, quo commodum rei venditor sibi recipere & reservare non potest: quomodo & viceuersa, onere sese grauare non potest. Sic enim fundum sine censu vel reliquis comparare emptor non potuit: de quo fuit peculiaris *supra* titulus, lib. II. & ab hoc tamen iure postea recessum in *sequentibus* videbimus: sic annonas sepa-

ratim vendere liceret. Ergo ex *huius leg.* dispositione in proposito casu, Annonæ ab ædibus separari non possunt. Fuerunt igitur hi panes, hæc Annonæ velut pars quædam ædium, *adesque sequebantur*, vt hic dicitur; & sic immobiles intelligebantur: Quomodo & mancipia seu serui prædiis co-P. 239 hærent, l. 3. D. *de diuers. temp. præser.* vnde & Iulianus Antecessor ad Nouell. 7. Mancipia rustica veluti membra rerum immobilium sunt. Et ideo sine prædiis legari non poterant, l. 112. *de leg. 1.* Simili modo Annonæ ciuiles, certique redditus in prædiis constituti, Immobilium iure censentur, l. 14. Cod. Iust. *de sacros. Eccles.* sicut & panes ciuiles cum ædibus coniunguntur, *hac leg.* & l. 12. Cod. Iust. *de hered. instit. l. ultim. §. 2. Cod. eod. de Iur. dot.* vid. & l. 11. 12. & 13. *infr.*

At secundo *huius leg.* capite, panes hi ab ædibus separantur, vbi videlicet **CADUCI** panes, seu Annonæ ædium Caducæ factæ sunt. Nempe est regulariter, & superiore quidem casu, Annona Ciuica ab ædibus diuelli non possit; attamen certis casibus Annonæ, seu panes ædium caduci fieri poterant (pariter vt populares, Palatini, & militares:) id est, in Fiscum cedebant, fisci viribus vindicabantur: vnde & Caduca popularia dicta l. 2. *supr. de studiis liber. V. R.* Caduci panes, *hac leg.* haud aliter atque Caduca legata, Caducæ institutiones, Caduca legionum dicuntur. Sed & Caducæ fiebant Mensæ oleariæ, quæ nullius possent adherere dominio, l. vn. *infr. de mensis oleariis.* Alio sensu, Caduca aquæ apud Frontinum *de aqueductibus* art. 110. pag. 195. Edit. Poleni, quæ scilicet ex lacu abundant, quæ effluunt vel affluunt. Eodem sane sensu quo hic, apud eundem art. 109. pag. 194. *Vacua aquæ* dicuntur, vt vacantes l. 8. *infr.* Ergo & ædium annonæ quandoque Caducæ fiebant, seu in fiscum cadebant: quæ & *Vacantes* Annonæ dictæ, d. l. 8. *hoc tit.* Quod quidem eueniebat, si quis eorum qui Annonam percipiebat, Vrbe abundum erederet, d. l. 7. *hoc tit.* si deficeret, mortemque obiret, d. l. 8. Adde & si ædes dirutæ vel consumptæ essent. His igitur casibus, ædium annonæ tum populares, caducæ fiebant, fisci viribus vindicabantur, *hac leg.* seu in horreorum conditis reservabantur, vt dicitur d. l. 7. patiter vt leg. 1. Cod. Iust. *de annona & tribut.* vacantes Officialium annonæ, σχολάζουσι ἀνναγὴ τῶ δημοσίου vindicantur. Aliud seruatum in Annonis Scholarium vacantibus: ex quippe ipsis scholis cedebant diuidendæ d. l. 8. *hoc tit.* Ergo cum regulariter annonæ ciuicæ ab ædibus separari non possent; separabantur si caducæ essent. Quo pertinet nexus duorum *huius l.* caput: & vox **SANE**: quæ non simplex affirmatiua, pro *profecto*; sed est nota Exceptionis a Regula, & casus contrarii.

De non TRANSFERENDO pane gradili ab vno gradu in alium.

II. (a) Idem AA. ad Mamertinum PF. P. (b)

PANIS gradilis in alium gradum translatio inhihetur. (c) Et cognoscat officium PF. Annonæ, (d) feueriffima sibi imminere supplicia, si vltcrius translationem per gradus permiserit commutari. Dat. V. Id. Decembr. (e) Naiffi, Diuo Iouiano, & Varoniano Coss. (364.)

NOTÆ.

(a) Abest hæc lex a Cod. Iustin. GOTHOF.

(b) Mamertinus PP. Italix, Illyrici, Africæ sub Valentiniāno Sen. vid. *Profopogr.* & Ammianum Marcellinum hoc ipso Anno lib. 26. cap. 5. Ex hac sane leg. & l. 4. infr. apparet, Romam quoque sub eius dispositione fuisse: quod idem Marcellinus testatur lib. 27. cap. 7. ID.

(c) Seruari potest: quamquam imperandi modus, *inhibeatur*, legi magis conueniat, cuius est iubere. ID.

(d) Præfectus annonæ Urbis Romæ: de eo vid. *Notis. Dignitat. nostram.* ID.

(e) Suspecta mihi hæc mensis subscriptio: *Naiffi* enim, mense Decembri, non amplius erat Valentiniānus: forte P. Id. Iun. vid. *Chronologiam.* ID.

COMMENTARIUS.

TRANSLATIO panis gradilis Romæ, ab vno gradu in alium gradum, prohibetur hac Valentiniāni Sen. constitutione. Quod vt intelligatur, videndum est quidnam panis Gradilis sit, quidnam Gradus illi? *Gradilis* panis, præter *Rubricam*, quatuor insuper huius tituli Valentiniāneis constitutionibus mentio fit, *hac leg. & l. 3. 4. 6.* Graduum vero *hac leg. & l. 3. 4. 5.* Prudentius quoque duobus locis horum graduum mentionem facit, & panem gradilem indicauit, *Libro 1. adu. Symmachum, v. 579. cap. de Credulitate Plebis.*

Possit hinc ad populum conuertere oculos, quota pars est,

Quæ Iouis infestam sanie non despicit aram?

Omnis qui celsa scandit canacula vulgus,

Quique terit silicem variis discursibus atram,

Et quem panis alit Gradibus dispensus ab altis:

Et lib. 2. v. 947. de annonæ abundantia loquens:

Quis venit esuriens magni ad spectacula Circi?

Quæ Regio Gradibus vacuis ieiunia dira

Sustinet? aut quæ Ianiculi mola mota quiescit?

Meminit huius Gradilis panis quoque vetus Scholiastes Iuuenalis, Prudentio non inultum recentior, ad illud *Satyr. VII. 174.*

Summula ne pereat, quæ vilis tessera venit

Frumenti

Ne, inquit, Annonam perdat: *Summula* modum significat *Gradilis panis.* Ita enim locus ille legendus est, quod Cuiacius recte indicauit *XXVI. Obseruat. 17.* Et hæcenus quidem leges & Auctores, qui Gradilis panis meminere, vel Graduum, in quibus panis dispensus, id est, dispensatus, vt etiam Iſo Magister in *Gloss. ad Prudent.* interpretatur, erogatur. Et omnes quidem post Constantinum. Graduum certe fit quoque mentio ante Constantinum in veteri *Inscriptione*, quæ Nummimum Albinum & Fulvium Æmilianum Consules subscriptos habet, apud Gruterum *CLXXV. g.* quæque adeo ad annum Domini 208. referenda est.

TI CLAVDIVS
CHRESIMVS. OB. HON
QVINQVENNALITATIS
COLLEGIO. DENDROPHOR
ROMANOR. QVIBVS. EX
S. C. COIRE. LICET. ARGEN
TI. P. X. ET. H. S. X. MILIA. N
REDDEDIT

QVÆ. DIVISA. SVNT. POPVLO. PER. GRADVS
X. AVG. COLLEGI. N
NVMMIO. ALBINO. ET. FVL. ÆMILIANO
COS.

Quare proclive dictu, iam panem Gradilem fuisse, qui gradibus conscensis, a gradibus dispendeba. *p. 240* tur: quomodo & Gradile Templum Marcellino lib. 23. cap. 1. Et quidem (quod Alterum) qui plebi pauperi dispensabatur (vt ita *Gradilis* panis, omnino de populari annonæ proprie accipiendus sit.) quod prout ille Prudentii locus aperte ostendit, cum tertiam hanc plebeix paupertatis notam designat, *pane Gradili* ali, ad quem etiam Iſo ad vocem illam, & quem, addit *pauperem.* Idemque edocet lex 3. prox. infr. ibi, *Vt quæcunque illa sunt, quæ diurna pistoris alimentis popularibus præbent, omnia ea gradibus distribuant.* Item lex 4. ibi, *Ne quid super gradili pane fraudis oriretur, iussimus, omne illud quod Populo penditur, palam in gradibus non clam a pistoribus ministrari.* Rursus l. 5. ibi, *Popularibus enim, quibus non est aliunde solatium, quibus idem panis bodicque distrahitur, & eorum successoribus clementia nostra deputauit, in quo nunc emitur loco, propriis gradibus erogandum.* (Idque ipsum etiam ex l. 6. infr. colligitur, vt ad eam leg. ostendam.) Quibus interim locis obseruandum, gradibus distribui, seu gradibus erogari *ἐξ ἀνδρῶν* dici quod in gradibus, discrete dicitur l. 4. vel vt Symmachus expresse a gradibus. Ergo localiter, non quasi gradibus distribui, seu gradibus erogari, sit idem quod hominibus, qui sunt in gradu. Non igitur alii gradus popularium Romæ fuisse, alii militarium: sed popularium tantum: nam qui proprii gradus popularium dicuntur l. 5. infr. non dicuntur

euntur oppositæ ad *militarium*; verum cuiusque loci & regionis in vrbe gradus alterius loci & regionis gradibus opponuntur: de quo postea vbi de sententia huius leg. videbitur.

Quinam autem hi gradus fuere? Non Amphitheatrales, verum distincti & separati in id, lo- coque publico. Rursum non Palatii, vt nonnulli opinati, verum per urbem, vbi panis palam penderetur, distribueretur: Item non omnes in foro, sed per vrbes Regiones: Quo pertinet & Prudentii locus

*Qua Regio Gradibus vacuis ieiunia dira
Suffinet?*

Prudentius scilicet eo loco ostensus abundan- tiam annonæ tum Romæ fuisse, ait, nullam non regionem vrbs, in Gradibus suis annonam suffi- cientem præbuisse: Nam quod tentat Vir doctissi- mus, in eodem foro singularum regionum popu- lares suos singulos gradus habuisse, atque ita hunc Prudentii locum accipit, id vel ipse satis Pruden- tius refutat, & omnium manifestissime *Vetus Vr- bis Constantinopolitana descriptio*, vltra Arcadii & Honorii temporâ conscripta sub Theodosio Iun. ibi quippe per singulas Vrbes Regiones Gradus certo numero designantur: nisi quod tertia Regione de- siderentur: quos tamen decem ibi fuisse oportet: nam cum per cæteras tredecim regiones numeren- tur 107. in collectione vero totius ciuitatis nume- rentur 117. necesse est ibi decem fuisse. Huiusmo- di vero Graduum nulla mentio fit in *tribus veteri- bus Vrbs Romæ descriptionibus* Sexti Rufi, & P. Vi- ctoris, & Tertia, quæ præfixa *Notitia Imperii*: cum tamen Valentiniiani leges omnes quæ hoc titulo agunt de pane gradili, deque gradibus, ad Vr- bem Romam pertineant, puta *hæc lex & lex 3. 4. 5. 6.* sed & Prudentii loca eodem spectent. Hos vero gradus editos fuisse discimus ex eodem Pru- dentio, *Et quem panis alit gradibus dispensus ab al- tis.* Pistrinis item, vnde panis coctus promebatur, hos gradus proximos fuisse, patet ex prædicta illa Vrbs Constantinopolitanæ descriptione: ibi enim semper iunctim memorantur *pistrina, & gradus.* Id ipsum vero colligere est quoque ex *l. 5. infr. hoc tit.* vbi popularis annona iubetur gratuita erogari propriis gradibus, in quo hæcenus emebatur loco. Et hæc de Gradibus his publicis.

Ad horum vero publicorum graduum imitatio- nem, fuisse videtur & privati gradus instituti, in quibus priuati frumenta sua recondent. Quo, non vt vulgo fit, ad publicos refero illud Callio- dori *IX. Var. 5.* vbi iubet priuatos habentes fru- mentum, id vendere: *vt siue in Gradu, siue in aliis locis frumentorum condita potuerint inuenire, tan- tum sibi vnusquisque dominus vel familia sua domus retineat, quantum se expendere posse cognoscit, reli- quum periclitantibus vendat.* (Qui locus alioquin ad gradus publicos perperam refertur.) Neque sine causa: fuere enim gradus, non nudi gradus, verum septa, loca ad quæ per gradus ascenderetur. Hinc adeo gradus hos Themistius, *Orat. 4. p. 113. in fin. Edit. Petau. Flexia 1613. ἐγκάνας* vocauit, vt iam indicatum *sine vindictiarum*, pag. 75. scilicet *ἐγκάνη edit septum, Φραγμός, vel tabulatum*, pro quo & *ὀγκανή* apud Hesychium: quod postea quoque recte probauit Doct. Salmasius ad *Vopisci Aureliani. cap. 35.* vbi tamen de Corippi loco non assentior: is enim de aliis gradibus & tabulatis sensuit: in quibus populus millia manibus extensis excipiebat, per gradus dispositus. Hi vero Gra- dus nostri alii fuere: nempe in horum edito seu tabulato erat annona seu panis repositus: positi- que, ibi, qui cum distribuerent: singulis e populo,

viritim, palam, per gradus ascendentibus atque in summo gradu annonam accipientibus: Quod ve- teres nummi exhibent. Ergo iam apparet, alio loco distributum hunc panem gradilem, quam quo olim nimbi missilium sparsi exceptiue: Hæc enim in vulgus spargebantur, atque a populo in gra- dibus Amphitheatralibus seu Theatralibus, vel in Circo, vel alibi extra ordinem constituto excipie- bantur. Quo etiam pertinent Martialis loca duo *lib. 1. de Sextiliano epig. 12. & 27.* quæ lucem acci- piunt a Suetonio in *Caligula, cap. 26. & in Domiti- ano, cap. 4.* At panis gradilis non spargebatur, sed dispensebatur, erogabatur de manu in manum in edito Graduum, viritim, neque in Circo, quod Vir doctissimus alioquin probabat ex Ammiani Marcellini loco *lib. 28. cap. 4.* prout ipse quidem eum restituebat; locus est de otiosæ plebis studio Romæ: *Hi omne quod viuunt vino & tesseris impen- dunt, & lustris, & voluptatibus, & spectaculis: Eis- que templum, & habitaculum, & concio, & spes omnis. Circus est Maximus.* Vbi Vir doctissimus Salmasius in *not. ad Vopisci Aureliani c. 48.* post *con- cio*, inserit, *& copia eorum:* & per *copiam* ibi ac- cipit annonam in Circo Maximo distribui solitam: quod & olim improbaui, & recte nuper Vir Do- ctus Valesius ad *Marcellin. l. c.* improbauit. Cer- te cum locus in MS. ita habeat, *& copiorum spes omnes:* procluis ibi restitutio, *& cupitorum spes omnis est Circus Maximus.* Nempe id vnum cu- pere ait hanc otiosam plebem, spes omnes eius esse Circum Maximum, seu ludos Circenses; iuxta vetus illud Iuuenalis *Satyr. X. 80.*

-----duas tantum res anxius OPTAT
Panem & Circenses.

Denique Circum Maximum huic plebi desidi esse, quod viris *ἐμπράκτοις*, Templum, Habitaculum, seu domus cuiusque, & Concio seu Forum. Tan- dem hinc apparet, panem seu annonam non de plano in foro diuisum distributumque populo per gradus, vt voluit Vir Doctiss. per turmas & ordi- nes distincto, qui loca ibi designata habuerit. Nam etsi in foro id factum faceremur, quod ta- men male colligitur ex *l. 5. in fin.* vbi dicam plura, non ideo tamen illa ratione modoque. Cæterum, vt in huius diribitionis forma pergam, ne quis ep. 241 populo suppetere, vt loquitur Vlpianus in *l. 52 §. 11. D. de furtis*, id est, vt Iuuenalis *Satyræ I. v. 98.* loquitur, ne suppositus veniret ac falso nomine posceret, vel etiam bis posceret, quemadmodum olim tessera frumentaria fuere, ita & hoc xuo scalum ligni, *καλάμιον*, populares secum tu- lere. Themistii locus iam in id insignis *Oratione 4. pag. 113. Edit. Petau. in 8. καὶ πάντες ὅσοι*, inquit, *καλαμηφόροι οὖν ὄνθρην ἐπὶ τὰς ἐγκάνας, & ο- mnes, qui matutini tesseras ad septa deferunt:* Quem locum primus ipse indicauit, simul & ab Interpre- tis mendo vindicaui. *Καλαμηφόροι ἐπὶ τὰς ἐγκάνας*, est tesseram, scalum deferre ad gra- dus, seu septa. *Κάλαμ* & *Καλάμιον*, tesse- ram designat. Glossæ Philoxeni, *Tessera, καλάμη*. Auctor *Chronici Alexandrini pag. 614. 615. Ed. Rader. Commodus A. III. & Vero Coss. ἐν Ἀντιοχείᾳ Ἀρ- τᾶσαν Φιλοτίμως ἐξήρπεν τῇ καλαμῇ δάφνη τοῖς δνους καλάμιαι συνήμια πολλὰ ἀρτῶν διαγωνίζοντων, καὶ ἐκάλεσεν ἀγὼς ἀρ- τς πολιτικῆς.* *Antiochie Artabanus magnifice in Daphnensium sub- urbio diuisit tesseras ligneas multas, panum perpetuo durantium, vocauitque ipsos panes politicor.* Codi- nus, in *Orig. Eccl. num. 15.* & Suidas in *v. Παλα- τῖνοι* de instituta a Constantino M. annona ciuica Constantinopoli: *τῶν ὑπ' αὐτῷ ἐρριπέντων καλά- μων*

παν φέρσα τὰ γνωρίσματα, tesserarum ab ipso sparsarum ferens signa. Ne vero huius Themistiani loci vindicari gratiam nobis redderet Interpres, qui manifestissimum iam habet sensum, etsi vero vidus, maluit tamen adhuc coniecturæ seu divinationi litare, quasi ibi *δουλοφορεῖσιν* vel *κακοφορεῖσιν* rescribendum sit. Hoc vero non est luci claro decoquere & versuram facere? De hac vero voce plura deinceps Salmastius, in *Vopisc. Aurelian. c. 35.* Easdem tesseras idem Themistius *eud. orat. 4. pag. 114.* vocat *δέλτες σφρηλατές*: quod de Codicillis honorum perperam accepit Interpres: velim enim dicat is mihi, num Codicilli honorum malleo ducti *σφρηλατοί* fuerint? Et tamen quia deprehendit, ausus est idem nuperis chartis in *Epiphaniæ her. 30. Ebionitar. pag. 58. Edit. Paris. & Colon.* impudentiam exprobrare, qua manifestissime tenetur. Nam quidquid tandem pertenter, *μακρός* ille *κατάλογος* τῆς τευφῆς καὶ τῆς εὐπαθείας, quem præbitum ait, est liberalitas omnis generis non tantum olei aut frumenti, verum & cæterarum rerum, capiti videlicet vestisque, &c. quæ non quivis e populo seu popularibus accipiebant, verum quibus Princeps maxime factum cuperet. Et hoc sensu apertissime populares *κατάλογος* ab his secernit. Sicut etiam *δέλτοι ἅς ἐποίησαν ἐλεφαντεργοὶ ἢ χρυσοχοί*, *tabelle*, quas eboris aut auri artifices fecerunt, quas idem Themistius memorat *Orat. 6. pag. 164. Edit. cit.* non sunt honorum codicilli, verum quæcunque tandem pretiosæ tabulæ, diptycha eboræ, aurea: de quibus ad *l. 1. infr. de expensis ludorum.* Et supinus est eiusdem Interpretis error, qui *πολυαρχίαν*, quam ibi Themistius memorat, de Præfectura vrbis accipit: & vero *πολυαρχίαν* ibi substituit: *πολυαρχία* enim ibi nil aliud est, quam thronus Sophisticus, & regnum Sophisticum, quo certatim omnes ad audiendum confluebant. Ad rem. Harum tesserarum locum non subiit *titulus æneus*, qui publice excoctus, eo fine, de quo ad *l. 5. infr. hoc tit.* at tessera seu *κάλαμος* a popularibus ipsis ad gradus allatus.

Iam de huius leg. sententia statuitur, vt ne de vno gradu in alium gradum panis gradilis transferatur seu commutetur: sed vt in propriis gradibus annona erogetur, vt dicitur *d. l. 5.* gravissima poena proposita Præfecto annonæ, quem cura annonæ huius gradilis, inter cætera annonæ respiciebat, vt præter hanc leg. docet quoque *lex 3. & 6. infr.* si hanc translationem vel commutationem per gradus fieri permiserit. Nempe id vult, vt ne quod in vno Gradu populari alicui præstari debet, in alio præstetur. Sic sane & annonarum ratiocinia confundi veritum *l. unic. infr. de patronis horreorum Portuensium*: sic & stationes confundi, *l. 1. Cod. Iust. de compensationibus*. Cuiuscunque scilicet ratiocinii, stationis, gradus, discreta, separata & incommixta ratio esse debet. Sic & Pistores ab vna officina ad aliam transire prohibiti, *l. 8. supr. de Pistoribus*: Sic & caduci panes ab vno Ordine, ad alium transferri: *l. 7. 8. infr. hoc tit.* Quare error est Viri doctissimi, qui putat, hac leg. id vetari, ne quis militaris in popularium gradibus panem accipiat, aut contra, & sic ne graduum permutationes hoc sensu fiant. Nam, præterquam quod iam supra ostensum est, popularium tantum gradus fuisse, nullos militarium; non hic de alia commutatione agitur, quam de locali & regionaria; puta, cum quis in vno gradu vel in vna Regione vrbis gradilem panem accipere debet, ad alium gradum vel eiusdem regionis, vel alterius etiam, se transferri vult: veluti a Gradu Regionis primæ, ad alium gradum, forte secundæ Regionis: vel a primo eiusdem regionis gradu, ad secundum. Neque quicquam iuvatur *d. l. 7. infr.* quia ibi non agitur de graduum commutatione, verum de substitutione vnius, qui ex altero Ordine est, in alterum Ordinem. Nempe caducum, vt dixi panem populari non alii quam populari, militarem non alii quam militari, Palatinum, non alii quam Palatino dari vult ea lex: ne diuersorum alioquin Ordinum misceatur ratio, vt ait *d. lex 7.* At huius leg. hæc ratio est, ne diuersorum Graduum misceatur ratio. Atque ita tandem hac lex accipienda est, & ab aliis & alienis interpretationibus vindicanda.

De PANE GRADILI accipiendo seu distribuendo de Gradibus, non de Pistrino.

III. (a) Idem AA. ad Maximum (b) PF. Annonæ.

VNIVERSI (c) panem gradilem de gradibus adipiscantur: Neque cuiquam hæc aut deferatur gratia, aut inponatur iniuria, vt de pistrino accipiat. Omni igitur studio hoc curabit Officium Sinceritatis Tuæ, vt quæcunque (d) illa sunt, quæ diurna pistores alimentis Popularibus præbent, omnia ea gradibus (e) distribuunt, non ex officinarum conductoribus (f) promant. PP. die (g) Non. April. Valentiniano & Valente AA. (h) Coss.

NOTÆ.

- P. 242 (a) Abest & hæc lex a *Cod. Iustin.* Iungenda vero huic lex *prox. 4. GOTHOF.*
 (b) *vg. hic, & l. 6. infr. Maximinum.* Hic enim est *Maximinus* Præf. annonæ, de quo tam multa *Ammianus Marcellinus lib. 23. cap. 1.* Hieronymus *Chronico Ann. 371.* *Rufinus lib. 11. cap. 10.* apud quos duos *Maximus* quoque vocatur. *ID.*
 (c) Populares, in fine leg. *ID.*
 (d) Non vnius scilicet generis panis videtur distributus: Ita *l. prox. omne illud quod populo penditur. ID.*

P. 242 (e) De gradibus vt initio leg. cui oppositum, de pistrino. Non igitur gradibus hic dicitur pro hominibus, qui in gradibus, ἀλλήττωες. ID.

(f) γγ. conditoriis, id est, loco condito, recondito: denique clam: vt prox. leg. dicitur: nam vt hic de gradibus distribui: & ex officinarum conditoriis distribui, opponuntur: ita illa leg. palam in gradibus vendi, & clam a pistoribus ministrari: de quo mox plura. Forte etiam legendum conditiis foribus. ID.

(g) PP. Pridie, l. prox. 4. ID.

(h) Referenda hec lex, & sequens, videatur ad Ann. 368. Valentiniano & Valente II. COSS. de quo mox. ID.

IV. (a) Idem AA. ad Mamertinum PF. P. (b)

NE quid super gradili pane fraudis oriretur, iussimus, omne illud quod populo penditur, palam in gradibus, non clam a pistoribus ministrari. PP. Prid. (c) Non. April. Valentiniano & Valente AA. (d) Coss.

NOTÆ.

(a) Iungenda huic est lex superior. 3. GOTHOF.

(b) Mamertinus PP. Italiæ, dixi iam ad l. 2. ID.

(c) PP. die Non. Ita d. l. 3. supr. ID.

(d) Ad quem annum hec lex referenda sit? mox dicam. ID.

COMMENTARIUS.

QVO Loco Popularis annona, seu gradilis panis, in Vrbe Roma distribui debeat, definitur in his duabus Valentiniani Senioris constitutionibus, quæ eodem tempore, sineque ad duos diuersos Magistratus datæ sunt: vna ad Præfectum Prætorio Italiæ, altera ad Præfectum annonæ: quod sæpe factum multa exempla hoc Codice edocent: ac proinde hæc inter se coniungendæ. Igitur panem gradilem palam, de gradibus distribui, ministrari iubet: non de pistrino, non clam, non ex officinarum conditoriis: (ita enim repono:) *Conditoria sunt ὑπόγαια, vel ὑπογαιῖα, seu loca depressa subterranea (quæ conditiua Senecæ epist. 60. in fin. & epist. 82. inu.) cuiusmodi sepulchra fuerunt, quorum apud Petronium mentio cap. 71. pag. 53. Edit. Wouwer. Matrona non contenta funus proficui, in conditorium etiam profecuta est defunctum, positumque in hypogæo Græco more, corpus custodire capis.* In huiusmodi conditoria tanquam in cellas quasdam, per gradus aliquot descendebatur. Quare etiam recte pistrina, officinarum conditoria dicuntur: erant enim officinæ pistoriæ depressæ κατὰ βάθος τὴν θέρην ἔχοντες, quod diserte testatur Socrates, lib. 5. Histor. Eccl. cap. 18. Ἦσαν ἐξ ἀρχαίς κατὰ τὴν μεγίστην Ῥώμην οἰκοὶ παμμεγέθεις, ἐν οἷς ὁ τῇ πόλει χορηγούμενος ἄρτος ἐγίνετο: οἷτε προϊτάμενοι τέτων, οἱ μάγκητες τῇ Ῥωμαίων γλώσσῃ καλένται: προϊόντες τὰ χροῖα, ληστῆριαι τὰς οἰκὰς πεποινητοί, ὡς γὰρ ἦσαν οἱ τῶν οἰκῶν μυλῶνες κατὰ βάθος τὴν θέρην ἔχοντες, κατὰ τὸ πλευρὸν ἐκάστη οἰκημαῖος καπηλεῖα κατασκευάσαντες, πορταῖς τε ἐν αὐταῖς προσηάμενοι, δι' αὐτῶν ἐλοχῶντο πολλὰς τὰς μὲν τῇ χρεῖα τῆς τροφῆς εἰσιόντας, τὰς δὲ καὶ δι' ἀκραισῖαν αἰχρᾶς ἡδονῆς ἐκ γὰρ τῆς μηχανῆς, ἐκ τῆς καπηλείας εἰς τὸν μυλῶνα εὐεπίπτον. Erant in vrbe Roma edes amplissima a pristis temporibus adificate, in quibus panis fiebat, qui ciuibus diuidebatur. Harum adium præpositi, quos Romani patrio sermone Mancipes vocant, ades illas progressu temporis furum receptacula effecerunt. Nam cum

pistrina adium illarum in profundo sita essent, ipsi ad latus singularum adium extruclis popinis, scorta in illis profituentes, hac arte multos insidiosè deceperunt, qui vel cibi capiendi, vel explenda libidinis causa eo acceperant. Ex caupona enim artificio cuiusdam machine delabantur in pistrinum. Gradibus itaque in hæc descendebatur, fraudibusque apta loca seu conditoria erant. Quare ad annonam ciuicam percipiendam clam, gradus hos descendendi verat Valentinianus, verum gradus publicos palam conscendi, ne quid, inquit, l. 4. super gradili pane fraudis oriretur: Igitur & hanc pistori gratiam deferri vetat, vt scilicet possit is panem in pistrino suo distribuere: & nulli e populo hanc iniuriam inferri, vt inde cogatur accipere, ne alioquin fraudem patiat. Denique ea de gradibus distribui iubet.

Interea illud ex l. 3. ibi, quæ diurna, &c. colligunt nonnulli, hoc tempore Annonam ciuicam quotidie distributam, vt docet etiam Vopiscus Aureliano cap. 35. Themistius Orat. 4. pag. 113. Edit. Pet. II. 1613. in 8. vnde & Codinus ἀρτὸς ἡμερησῖος appellat: & sic diaria iam fuisse: cum antea tessera frumentariæ mensurae essent, teste Halicarnass. lib. 4. cap. 28. & Suetonio in Augusto c. 40.

Nunc de temporis characterisimo his duabus constitutionibus subscripto. Primo quidem Propositas eas notandum est, vel Prid. Non. vel Non. April. cui accedere videatur Suidæ obseruatio voc. Νέωνας, qui ἀνὰ τὰς νέωνας, Annonas dictas scribit, ridicula inde vocis originatione. Quod subscriptos Consules attinet, dubitari possit, num ad Valentinianum & Valentem AA. id est, primum consules, quod præferunt, referri debeant, id est, ad Annum Domini 365. an vero ad Valentinianum & Valentem II. COSS. id est, Annum Domini 368. Quod postremum videatur: quandoquidem Maximinus Præfectus annonæ, cui lex 3. inscribitur, adhuc Anno 366. Consularis Tulliae erat, sed & Olybrius, in cuius Præfecturam Urbanam hæc Maximini annonæ Præfectura incidit,

dit, vt ex *Marcellino lib. 28. cap. 1.* discimus, non nisi ab Anno Domini 368. Præfectus Vrbi fuit: de quo vid. *Prosopograph.* Verum nil temere mutem: *Maximinus* enim eodem tempore & Consularis Tusciae, & Præfectus annonæ fuit, teste *Marcel-*

lino lib. 28. cap. v. Et Præfectura eius annonæ in multos annos sese extendit. Denique *Mamertinus PP.* cui inscribitur *lex 4.* Anno 368. Præfectus Prætorio amplius non fuit, verum *Probus.*

P.243

De MODO ciuicæ annonæ popularis in Vrbe Roma, Valentiniani Sen. constitutio.

V. (a) Idem AA. (b) ad Populum. (c)

CIVES (d) Romanos, qui in viginti panibus sordidis (qui nunc (e) dicuntur *Ardiniensis*) (f) quinquaginta vnicas comparabat, triginta & sex vnicas in bucelli, sex mundis sine pretio consequatur: Ita vt ius in his nullus habeat Officialis, nullus Seruus, nemo qui ædificiorum percipiat panem: Quorum si quis se aliqua ratione fortasse inmerferit, adquisito pane priuabitur, proprium (g) nihilo minus perditurus: aut dabit pro conditione (h) supplicium: eo qui commissam detulit (i) fraudem, & emptoris panes & venditoris habituro: Popularibus enim, quibus non est aliunde solatium, quibus idem (k) panis hodieque distrahitur, & eorum successoribus, Clementia Nostra deputabit, (l) in quo nunc emitur loco (m) propriis Gradibus erogandum. Quibus titulus figendus est æneus, in quem & panis modus, & percipientis nomen debet incidi. Et si ad tantum (n) alicuius temeritas eruperit, vt aut per se, aut per aliquem suorum sibi quolibet modo ius panis istius, adque æreæ tabulæ suum voluerit nomen inferere, supradictis condicionibus (o) subiacebit. PP. Romæ, (p) Kalend. Aug. Valentin. NB. P. & Victore Coss. (369.)

N O T Æ.

(a) Abest & hæc lex a *Cod. Iustiniano. GOTHOF.*

(b) *Gratiani* nomen huius leg. inscriptioni, vt & legibus duabus sequentibus, addendum: iam enim additus mense Augusto Anni 367. ID.

(c) Vrbs Romæ: vt docet subscriptio legis. ID.

(d) *7 p. Ciuis Romanus.* ID.

(e) Ergo recenti instituto. ID.

(f) pro *Ardinienses*, vel potius *Sordidenses*: de quibus panibus, mox. ID.

(g) Hoc proprie referendum ad eum, qui ædificiorum panem percipit. ID.

(h) Officialis scilicet aut seruus. ID.

(i) pro, *detulerit.* ID.

(k) *Ardiniensis* seu sordidus. ID.

(l) Pro *deputauit.* ID.

(m) *Pistrinis.* ID.

(n) *Ad tantum*, pro *in tantum.* ID.

(o) *Condemnationibus.* ID.

(p) Veterem Romam intelligit. ID.

COMMENTARIUS.

POPULARIS annonæ in Vrbe Roma, quæ proprie *annonæ ciuicæ*, ciuibus Romanis, quibus aliunde solatium non esset, distribuendæ, nouum MODVM hoc Edicto ad populum emissio anno Domini 369. constituit *Valentinianus Senior*: Nempe ad hoc vsque tempus popularibus inopibus viginti panes sordidi singuli duarum vnciarum semis, & sic quinquaginta vnciarum vendebantur, proculdubio pretio viliori (in quo consistebat beneficii istius & popularis annonæ Romæ ratio.) Et fraus tamen huic rei facta: nam & alii quam vel Ciuēs

Romani, vel pauperes sese huic emptioni ingesserant, impetrarantque, vti sibi quoque eodem pretio panes illi sordidi venderentur: puta 1. *Officiales*, id est, ludicum Apparitores, quibus sane aliunde annonæ affatim suppetebat: 2. *Serui* etiam a nonnullis dominis intrudebantur: 3. Tandem iis ipsis quoque, qui panem iam ædificiorum percipiebant, id est, ii quibus propter ædes excitas de publico annonæ dabantur: (de quibus ædium annonis iam dictum plene ad *l. i. sup.*) has ipsas quoque annonas percipere fraude datum fuerat. Verum *Valentinianus*.

tinianus Sen. hoc Edicto suo quod duobus capitibus constat; Primum alium seu nouum *Modum* annonæ istius popularis erogandæ constituit: scilicet cum hæcenus his viliori pretio panes 20. sordidi, qui hoc tempore dicebantur *Ardinienses*: 50. vnciarum, venderentur, deinceps his gratuitas omnino annonas tribui vult, nempe buccellas sex mundas triginta sex vncias pendentes: singulas proinde buccellas mundas sex vnciarum. In quo multa notanda veniunt. Primum, panum duas species hic notari, atque inter sese opponi: panes inquam sordidos, & buccellas mundas. *Sordidus panis* est, non mundus, qui tamen ipse ex τῶν πρὸς τὴν ἐστὶν: alius enim præ alio sordidus, vel sordidior. Plinius in genere lib. 19. cap. 4. Alio, inquit, *pane procerum*, alio vulgi, tot generibus usque ad infimam plebem descendente, annona. Panis sordidi meminit & Suetonius, Nerone cap. 48. in fin. *Panem sordidum oblatum aspernatus est*: vid. & Apuleium lib. 6. p. 110. Edit. Lugd. B. apud Ioan. Maire. & Plautum *Afinar. Act. I. Scen. 2. v. 16.* Acerosus panis Lucilio lib. 25. apud Nohium, in *Acerosum*, cap. 5. num. 97. qui farre minus purgato, nec sordibus a candido separtus. Græcis hi αὐτόπυροι, αὐτοπυρίται, συγκομισκίδ, πυρίοι, ρυπαροί, Φαίδ, Panis secundus, Horatio lib. 2. epist. 1. v. 123. *vinis siliquis & pane secundo*: ubi Schol. *pane secundo non siligineo, non primo, non postremo, sed dispensatorio.* Inter deterrimos panes est, qui in Martyrologiis *Cantabri* nomine designatur, nempe fursuraceus: fursur enim cantabrum Apicio l. 7. c. 1. & 7. Aureliano, de acutis morbis l. 2. c. 19. Vegetio, de re veterinaria lib. 3. c. 57. Panis denique caninus ut docet vetus Scholiast. Iuuenalis in *Satyram* 5. v. 11. fursuribus conspersus panis apud Phædrum lib. 4. fab. 17. v. 4. De pane sordido de quo hac leg. sensit omnino Glossator ad Persium *Satyr. 3. v. 112.*

P. 744 *populi cribro decussa farina: farinam*, inquit, *panem non delitiosius cribro distulsum, sed plebeium de POPVLI ANNONA, id est fiscalem, dicit*: de quo etiam loco plenius ad l. vnc. infr. de pretio panis Ostiensis. Hoc in censu sordidorum panum fuit olim panis Cumanus, Lucilius lib. 23. pag. 1500. Tom. II. Corpor. Poëtar. Edit. Londin.

Qui Gallam bibere ac rugas conducere ventri,

Farre aceroso, oleo decumano, PANE CUMANANO

Cogit.

Item panes Cilicii ρυπαροί fuere, de quibus Athenæus, Eustathius. Tandem de variis panum generibus videndus Athenæus, lib. 3. cap. 27. 28. 29. Et Galenus, qui lib. 1. περὶ τροφῶν δυνάμεως, p. 707. quatuor has qualitates panis distinguit: primus est σιλιγγίτης, ex tritici siligine: secundus σμιδαλίτης, ex simila: tertius συγκομισκίδ, qui & αὐτοπυρίτης, cui nil ademptum, nec fursur a farina secretum: quartus ρυπαρός, quorum infimus ὁ πύριος. Cui similia vid. apud Paulum Æginetam lib. 1. cap. 78. & ante hos, Celsus lib. 2. cap. 17. *Firmius est triticum, quam milium, id ipsum quam hordeum; & ex tritico firmissima siligo: deinde simila. Deinde cui nihil ademptum est, quod αὐτοπυρίτης. Græci vocant: infirmior est ex polline: infirmissimus cibarius panis.*

At nuspiam præterea (quod secundum) *Ardiniensis* panis sit mentio, cuius etiam meminisse Athenæus non potuit, utpote tum incogniti, cuiusque recens hoc Valentiniæ ævo appellatio fuisse videtur: ait enim hic leg. qui ΝΥΝΕ dicuntur *Ardinienses*: quod recentis utique instituti

indiciū est. At vnde *Ardiniensis*? Tenebam ipse aliquando & Mainardus in *Codice ad me transmissio, Sardinienfis*, quasi ex Sardinia frumento. Notum, Siciliam & Sardiniam annonæ pignora Vrbi Romæ fuisse, benignissimas eius nutrices, fiscalia horrea, vitales venas, denique nullas magis terras Romana horrea complexisse, quod ex Luciano lib. 3. v. 66. Floro lib. 4. cap. 2. Valerio Maximo lib. 7. cap. 6. num. 1. Saluiano lib. 6. de gubernat. Dei cap. 12. iam alii recte ostenderunt. Quinimo & hac ipsa tempestate Prudentius, lib. 2. contra Symmachum v. 941. Romana horrea rumpi congestis Sardinia granariis ait. Eodem pertinet Symmachi epistola 39. lib. 9. quæ data videtur Anno 398. Benignus, inquit, V. C. rei frumentariæ negotium executus: Nihil de Sardinia reportauit, nisi bonam conscientiam, & malam valetudinem: horreis autem tantum frugis inuexit, quantum illi Prouincia anni fortuna contulerat. Verum, quomodo Sardinienfis dictus fuerit panis sordidus, cum Sardinia insula optimi frumenti ferax fuerit? Strabo lib. 5. pag. 343. Edit. Almeloone. de Sardinia, χώραν ἔχον ευδαίμονα τοῖς πασὶ, σίτω δὲ καὶ διαπερίσσης, solum habens omnium rerum copia, excellenter autem frumenti beatum. Et quis credat ex optimo illo frumento nonnisi sordidos panes confectos? An igitur *Ardynienfis*, ab Ardynio ciuitate in campo Thebano, & sic Lydia, cuius ciuitatis meminit Xanthus Lydius ipse *Lydiacorum secundo* apud Stephanum voc. Ἀρδύνιον. Video certe *Lydius pistores* maxime commendari: ab Archestrato apud Athenæum, lib. 3. c. 28. pag. 112. de quorum Lydorum delictis multa Veteres, & in primis Athenæus lib. 12. c. 3. vnde & Αὐδοπαθῆς pro Ἡδουπαθῆς de quo vide Casaubon. *Animadu. ad Athenæum* lib. 15. c. 12. Forte igitur a Lydis soli Ardynienfes ab his Lydorum delictis diuersi fuerint, a quibus Ardinienses panes sordidi dici meruerint? Quid si *Ardaniensis* hic legamus, qui alias caccabacci apud Zenonem Veronensem Serm. 6. ad Neophytos, pag. 396. Tom. III. Bibl. Patr. ἀρδάνιον enim κεραμύον? Samuel Petrus, comment. in leges Atticas l. 4. tit. ultim. p. 385. 386. loco *Ardiniensis*, substituebat hic *ordei, mensis*, id est, *miliariensi & semis*: quasi id hic indicetur, viginti panes hordeaceos sordidos, quibus nihil ademptum erat, non cribro decussos, in quinquaginta vnciis miliariensi & dimidio emptos. Verum & hac emendatio ei postea displicuit II. Obseru. 11. Et certe, quis *hordeum*, pro hordeaceo pane dixit? Deinde quis Auctor illi hordeaceos panes datos & venundatos e fisco? Tertio, quis hordeaceos panes dixit, qui ex hordeo confecti, cui nihil ademptum est, quodque cribro decussum non est? Postremo inane, imo falsum, quod hac leg. id ab Imper. constitui vult, ut deinceps dentur gratuiti panes *hordeacii mundi*. Quare idem nouam tentauit horum Ardiniensium panum interpretationem. Nempe *Ardinienses* hic vocari non ab Imp. sed ab Aniano, qui hunc *Codicem* compilauit, a voce *Ardi* Gothica, qua apud Tholofates hodiernum quadrinus, seu quarta pars assis dicitur: & Ardinienses dixisse, quia singuli venabant singulis *Ardinis* siue quadrantibus, quod certe iustum admodum erat pretium horum panum, singulis (nam in 20. panibus comparabant vncias quinquaginta) erant quinque semuncie: remque schemismo ibi arithmetico illustrat. Ego Lectori iudicandum relinquo quid de hac interpretatione sentiendum sit. Illud certe quod de Aniano addit, absurdum est: neque enim hæc lex in *Codice Theodosiano*, ut vocant, *Aniano*, extat. Nos duas coniecturas adhuc in medium adducemus, interim dum melius quid adferatur. Quid igitur, si *Sardiniensem* seu *sardiensem* hic panem acciperemus

non de frumento, sed qui confectus e frumento a Sardibus Lydiæ aduecto, sic sane & *Sardum* mel, pessimi saporis fuit, teste Horatio in *Poëtica* v. 375. Et Sardibus primum castaneæ prouenerunt, quæ & præstabant ieiunio foeminarum quandam imaginem PANIS, inquit Plinius lib. 15. cap. 23. Ideoque & apud Græcos *Sardianos Balanos* appellant. Imo & frumentum *Sardum* idem Plinius memorat lib. 18. cap. 7. quod ex leuissimis post Gallicum & Chersonense Romam inuehebatur. Viderit etiam quis, num forte reponendum hic fuerit *Ariciensis*, ab *Aricia*: ubi genus panis (deformis & turpis) fiebat, quod *Manici* appellabatur, teste Festo in *Manius*, ubi ex *Ælio Stolone* addit, *manias dictas fista quedam ex farina in hominum figuras, quia turpes sunt, quas alii maniolas appellant.*

Sardinienſibus porro, seu ſordidis panibus, (quod hic tertio loco obſeruandum) opponuntur *Buccella munda*. *Buccella* non ſunt ciuiles panes, etſi in his Annonam ciuicam præſtari velit Valentinianus, ſed *buccella* ſignificant in genere *ψωμίον*. Gloſſæ, *Bucella*, *ψωμία*. *Buccella*, *ψωμός*. Item *ψωμίον*, *Buccellum* (a quo & *Buccellatum* militaris annonæ pars,) de quo l. 6. ſupr. de erog. mil. ann. & l. 2. ſupr. de excoſtione vel tranſl. ann. De quo *Buccellato* ſenſit Conſtantine per *ῥεμαίων*, lib. 1. them. 6. *βυκελλάριον* κατὰ *ῥωμαίων* διάλεκτον, ὁ φύλαξ τῆς ἀρτὸς καλεῖται. ὥς τε εἶναι στρατιώτας ἐλαφροῦς, καὶ ὀβριπὲς πρὸς τὸν πόλεμον. *βυκελλάριον* γὰρ τὸ κρινοῦσιν *ψωμίον* καλεῖται. *Buccellarius* latina lingua vocatur is, qui rei panaria cuſtodiam gerit, ut milites expediri & ab omni onere liberi ad bellum eſſent. *Buccellus* enim vocatur cibarium, circulearem figuram præ ſe ferens. *Buccellas* igitur mundas Valentinianus præberi vult, ſeu panes mundos. Quorum uſus ut in commune non vulgaris, quibuſque uſi elegantiores. Quomodo munda cœna, lauta, Horatio, mundus victus, Græcis καλὸν. Lampridius de *Alex. Seueri* dicta c. 37. uſus conuiuii diurnus hic fuit: panis mundi pondus XXX. panis ſequentis ad donandum pondus L. Ita & in annonarum diſtributione Lampridius *Alex. Seueri* c. 42. Medicus ſub eo vnus *Palatinus* ſalarium accepit: ceteri omnes qui uſque ad ſex fuerunt, annonas binas aut ternas accipiebant: ita ut mundas ſingulas conſequerentur, alias aliter. In epiſtola *Valeriani* Auguſti ad P. V. de ſalario *Aureliani*, apud *Vopifcum* in *Aurelian.* c. 9. Sinceritas tua, mi parens, P. 245 ſchariſſime, ſupradicto viro efficit, quamdiu Roma fuerit, panes militares mundos ſedecim, panes militares caſtrenſes quadraginta: ubi vides panes militares mundos, opponi militaribus caſtrenſibus: Et ex utroque loco vides parcius mundos datos. Addamus veterem *Horatii* Interpretem tres in vniuerſum panis qualitates facere: *Siligineum* primæ qualitatis: ſecundum, eundemque diſpenſatorium: tertium, poſtremum. Panem, inquit, ſecundum, non ſiligineum, non primum, non poſtremum, ſed diſpenſatorium. Ergo primus idem ſiligineus, & mundus: poſtremus ſordidus: inter hos medius, qui & ſecundus & diſpenſatorius: qui & ſcalis: de quo ad l. vnic. infr. de pretio panis *Oſienſ*. Tandem ergo, cum in *buccellis mundis* Valentinianus annonas ciuicas præſtari vult, ſiligineos panes indicat. Quos olim populus accepit ſub *Aureliano*: de quo *Vopifcus* in *Vit.* c. 35. eum quo tempore ad bellum proficiſcebatur *Oriente*, bilibres coronas populo promiſiſſe ſi victor rediret, & cum aureas populus ſperaviſſet, neque *Aurelianus* aut poſſet, aut vellet; eum coronas feciſſe de panibus qui *NVNC* ſiliginei vocantur, & ſingulis quibuſque donaviſſe: ita ut ſiligineum ſuum quotidie toto ſuo ſuo, & vnusquis-

que reciperet, & poſteris ſuis dimitteret. Ecce *Vopifcus* ſuo adhuc æuo Roma, ſiligineos donatos indicat, qui quidem *Vopifcus* patrem habuit *Dioſcletiano* coætaneum; ipſe vero ſcripſit ſub *Conſtantino* Imp. poſt *Conſules* *Placidum* & *Romulum* id eſt, poſt Ann. 343. Quare, medio hoc ſpacio ad annum uſque 369. quod eſt viginti ſex annorum, ſordidos inuectos oportet: & ita quidem ſordidos ut neque ipſi omnino gratuiti donarentur, ſed venderentur leuiore pretio. Verum mundos panes hic reducit Roma *Valentinianus*, & quidem gratuitos: rurſum cum 50. vnciæ ſordidi panis loco annonæ ciuicæ viliori pretio venderentur, nunc 36. vnciarum panes gratuiti donat: & ſic tres panis libras in *buccellis*, ſex: ſelibra ſingulis *buccellis* pendentibus. Ergo trilibres annonæ ciuicæ ex hoc *Valentiniani* inſtituto: quæ ſub *Aureliano* bilibres factæ, cum antea viginti trium vnciarum eſſent, ſed vnciam addidit *Aurelianus*. Cuius rei teſtis tum *Vopifcus*, tum ipſe *Aurelianus* apud *Vopifcum* in *Vit. Aurelian.* c. 47. Panibus Urbis Romæ vnciam de *Agyptio* veſtigati auxit: ut quadam epiſtola data ad *Præſectum* annonæ urbis, etiam ipſe gloriatur, *Aurelianus* Auguſtus *Flauio* *Arabiano* *Præſecto* annonæ. Inter cetera quibus diis ſauentibus Romanam Rempublicam inuimus, nihil mihi eſt magniſcentius, quam quod addimento vnciæ omnem Annonarum Urbicarum genus iuui, & quæ ſequuntur, cetera. Totum enim beneficium in eo *Aureliani*, quod bilibrem annonam facit, quæ ante non tota bilibris erat, ſed vna vncia minor ſeu deductior. Ex hoc interim loco liquet, panem quoque antea *Aureliano* Imp. populo Rom. datum; neque enim ipſe panem primum dediſſe dicatur, ſed coronarum panem, ſed bilibrem, ſic & formam panis mutaviſſe, & pondus auxiſſe. Neque *Zoſimus* contra ſtat, qui ait de *Aureliano* lib. 1. cap. 61. in fin. καὶ ἀποτὼν δωρεὰν τὸν *ῥωμαίων* ἐτίμηſε δῆμον, honoraviſſe, ait, populum Romanum panum donatione: nempe quia præſens ipſe *Aurelianus* Romæ eum diſtribuit. Et hæc de modo annonæ ciuicæ in Urbe Roma a *Valentiniano* Sen. hac leg. nunc conſtituto. Variæ vero modus annonæ huius ciuicæ popularis Romæ habitus, prout annonæ ſcilicet defectus eſſet vel metueretur, vel non. Nampe enim deinceps quoque is aliquando imminutus mox reſtitutus, & rurſum remiſſus vitro ad rei annonariæ ſecuritatem. *Symmachi* locus inſignis lib. 2. epiſt. 76. ad *Flavianum*. Vnciam panis malitioſe & temere reſtitutari, ſpontanea voluntas populi redegit in copia conditorum. Tuta igitur omnia atque *SECVRA* ſunt, quæ animum tuum iure mordebant. Sic & olei quandoque quod publice præbitum modus imminutus, ut ad alios ſeu plures portigeretur, l. vltim. hoc tit. Et hæc de modo ciuicæ ſeu popularis annonæ Romæ, quod primum huius leg. caput eſt.

Secundo loco idem *Valentinianus* hac leg. deſinit. Quinam ad huiusmodi annonas ciuicas admittendi non ſint: item qui eas acquirere ſibi non poſſint a ciuibus Romanis: nempe hi tres, *Officiales*, *Serui*, tandem & ii, qui iam *Ædium* panes accipiebant. Sane & olim iam ſerui ad frumentationem non admiſſi, ſed ii tantum qui *Ciues* Romanos ſe probaſſent, atque in *Tribum* relati eſſent. *Perſius* *Satyra* 5. v. 73. ſeqq.

Libertate opus eſt, non hac ut quiſque velina

Publius emeruit ſcabioſum teſſerula far

*Poſſidet: beu ſteriles veri! quibus vna *Quiritem**

Vertigo facit.

Vbi *Schol.* vetus: Roma erat conſuetudo, ut omnes, qui ex manumiffione ciues Romani fiebant, in numero *Ciuium* Rom. frumentum publicum acciperent. Ideo *Patronus* *liberto* *Tribum* emi mandat, l. 35.

D. de legat. 3. videlicet ut comoda ferret. Huc pertinet decretum Hadriani apud Desittheum, *num. 14.* quo filium qui matrem exhibere nolebat, cum tamen de publico frumentum acciperet, frumento priuauit: *ἡ δὲ ταύτην ἐκ ἐπιγνώσεως μήτρας, ὅτε ἔγω σὲ πολὺν Ρωμαίων, σὶ ἢ ἐμὴν Ῥωμαίων, si tu eam non agnoscis matrem, nec ego te ciuem Romanum.* Hinc fraus illa, seruos vel ideo manumittentium, teste Dionysio, *lib. 4. cap. 28.* Suetonio Octauio *cap. 42.* Dione, *lib. 39. pag. 101.* Edit. Léonclau. Sed longe apertior fraus ea, qua de hac leg. & l. 6. & 7. rursum agitur. Scilicet Valentinianus ciues Romanos pauperes solos his frui voluit: sic ut neque alii his infererentur, neque ipsi ciues Romani his vendere possent: hac videlicet ratione quod annonæ hæ popularibus ideo præstarentur, quod iis aliunde solatium non esset: ut cæteroquin vetus lursprudencia voluit de futuris alimentis eos, qui ab his penderent facile transigere: de quo v. saltem leg. 8. *D. de transact.* & poenam imponit *hæ eadem leg.* Valentinianus adquirenti perperam huiusmodi panem, non modo priuationis eius quem quis eruisset, sed etiam proprii, si ædificiorum iam panem percipiat, si vero seruus, aut Officialis supplicii corporalis poena.

Tertio, in hunc finem *Delatorum* huiusce fraudis pollicetur & emptoris & venditoris panes: ut cæteroquin sæpe delatores præmiis exciti: de quo alibi.

Quarto, in hunc rursum finem hunc panem iubet propriis gradibus, eo loco quo tum emebatur erogari, (de quo plenissime ad l. 2. 3. 4. *supr.*) propriis gradibus, id est, in eo gradu cui quisque attributus erat, non in alieno, proinde non commutatis gradibus: Cæterum gradum cum cuique assignari vult in quo hætenus emebatur, in quo

nunc emitur loco propriis gradibus erogandum. Nempe cum annonæ leuiore pretio emerebatur, vel ipsa gradilis erat, deque gradibus emebatur, vel quod præferam in pistrinis emebatur (quibus gradus proximi erant) de quo dicitur ad l. 3. *supr.* Atque ita hic locus capiendus: proprii gradus non sunt hic populares militaribus oppositi: sed sui alienis & remotioribus, etsi & ipsi populares: rursum locus in quo hætenus emi solitum panem ait, non est hic forum Romanum, sed loca paria vrbis, quæ Gradus continebant.

Quinto, in hunc rursum finem vult in singulis gradibus Titulum figi æneum, in quem & panis modus & percipientis nomen incidatur; id est, *P. 246* tabulam æneam: Qui incisionis mos & olim. Plinius *Panegyrico c. 32.* de alimentariis pueris agens, *Omnes, inquit, recipi, INCIDI. iussisti:* item *c. 36. iubebis INCIDI.* Et Seneca 4. *de benef. 28.* *Frumentum publicum tam fur, quam periurus & adulter accipiunt, & sine dilectu morum quisquis INCISVS (al. ciuis) est.* Neque enim audio qui eam lectionem quam habent omnes Manuscripti, ibi sollicitant. Præter hunc titulum æneum generalem, nihilominus quisque incisus suam Tesseram habuit, suum *κατάμικρον*, quem ad gradus adferebat: de quo ad l. 2. *supr.* Neque enim quod hic statuitur de titulo æneo in singulis gradibus figendo, id eo pertinet, ut tessera illæ abolerentur: & vero nisi tesseram ciuis afferret, quomodo non fraudibus locus paruiisset? De *Modo* panis gradilis, de quo hac leg. est hic quoque Scholiastis Iuuenalis locus, ad ea verba *Satyr. VII. v. 174.*

Summula ne percat qua vilis tessera venit.

Summula, inquit, *MODVM* (nam ita locus legendus, quod Rutgersius recte notauit,) significat gradilis panis.

VI. (a) Idem AA. (b) ad Maximum (c) PF. Ann.

Si quis vnquam Actor, Procurator, seruusue Senatoris vsurpatum gradilem, gratificante aut vendente Scriba, vel etiam consentiente, perceperit, subiiciatur eculei (d) quæstioni: Ac si eundem patuerit temeritate propria, adque ignorante domino, de perceptione panis inlicite transigisse, ipse sub vinculis pistrino, quod fraudabat, inferuiat: Si vero Senatoris culpa id fuisse (e) constiterit, domus eius fisci viribus adgregetur. Ex aliis quoque, si quis rei familiaris facultatibus præditus designatum crimen admiserit, cum his quæ habet, pistrini exercitio subiugetur. Si quis etiam pauperrimus rerum erit, cogetur exhibere operariam seruitutem. In Scribas vero, quos constiterit nefas vetitum perpetrasse, vindex legum gladius exeratur. Dat. XIV. (f) Kalend. April. Triu. Valentiniano & Valente (g) Coss.

NOTÆ.

(a) Abest hæc lex a Cod. Iustin. GOTHOF.

(b) Gratiani nomen, seu tertium A. huic leg. pariter addendum. ID.

(c) Maximo huic Præf. annonæ inscribitur lex 3. *supr.* vbi de eo plene dixi. Et hic rescribendum, ad Maximum. ID.

(d) De Eculei quæstione, *supr. tit. de Quæstionibus.* ID.

(e) Et fecisse. ID.

(f) Eodem die data lex 7. *supr. de Metallis:* ad Probum PP. quam sane Præfecturam Probi in idem tempus incidere, quo Maximinus Præf. annonæ fuit, docet Ammianus *lib. 28. cap. 1.* ID.

(g) Videtur reponendum III. COSS. id est, Anno D. 370. superior enim lex iam pertinebat ad Annum 369. ID.

COMMENTARIUS.

DE INCAPACIBVS personis accipiendi panis Gradilis; id est, quoniam ad gradilem panem seu annonam civicam percipiendam admitti non debeant, quæque adeo poena maneat indebite vsurpantes, vel his consentientes? est hæc rursus, pariter ut *lex superior*, Valentiniiani constitutio. Nempe, & soli Ciues *Romani* & *pauperes* populares quibus aliunde solatium non erat, hunc panem gradilem accipere poterant: Nullus Officialis, nullus Seruus, nullus qui ædificiorum panemiam percipiebat: quod *superiore lege* pariter cauetur: ubi plene dixi. Verum *ea lege* poena proposita haud satis grauis visa, ut quæ panis priuationis poenam tantum indiceret dominis seruorum, Officialibus & Apparitoribus. Itaque *hac leg.* ea intenditur: quam, cum propius intueor, suggestisse eam videatur Valentiniiano feroci Principi, ferox & sauum Maximini Præfetti annonæ, cui *hæc lex* & *lex 4. sup.* inscribuntur, de quo in *Prosopograph.* ingenium, in Nobilitatem & *Senatores* potissimum sese efferentis: & in quæstionibus poenisque exercendis: de quo Ammianus Marcellinus *lib. 28. cap. 1.* fidemque huic rei faciunt quæ ad *l. 1. & 3. sup. de Quæstionib.* diximus. Quare tota *hæc lex*, Valentiniiani & Maximini spiritum redolet: Et quidem aduersus fraudes, quæ fiebant circa Annonas Civicas; nempe quod ex iis incapaces nonnulli colludio quodam intruderentur: tum Senatorum actores, procuratores, serui: tum alii: & Senatorum quidem, ut ita Annonarum commodum ad eos rediret: Idque omne *Scriba* vel gratificante, id est, gratis admittente; vel vendente, vel saltem consentiente: *Scriba*, inquam, ad cuius curam pertinebat hæc sollicitudo, ut titulum figeret, ut scripturam conficeret, quibus percipientium nomina continerentur, id quod proculdubio de *Scriba Præfetti annonæ* accipiendum est, etiam Inscriptionis argumento. Igitur, Senatoris actorem, procuratorem, seruum in capientium numerum intrusum, *eculeo* subiici vult: de qua atroci eculei quæstione plene actum tit. *de quæstionibus*: eiusque meminit etiam Ammianus Marcellinus tum aliis locis, tum *lib. 28. cap. 1.* hoc ipso tempore, atque in ipsis Maximini huius rebus gestis: *Amantius*, inquit, *arspex indæctus in iudicium, quanquam inturuus sub EQVVFLEO* stare, *pertinaci negabat instantia.* Ideo autem

eculeo subiici vult (quod secundum ferocitatis argumentum est) ut sciatur, num propria temeritate, an vero culpa Senatoris id factum fuerit. Quod & ipsum de seruis tum Valentiniiani Senioris, tum Maximini factis fuit, ut videlicet serui in dominos torquerentur: quod diserte testatur Ammianus *d. lib. 28.* Quare & hanc in partem Maximino ferocienti modum postea imposuit Gratianus, *l. 1. & 2. sup. ne præter crimen matefl.* Et hæc de Quæstione atroci.

Verba etiam atrocia deinde spectantur: quibus hanc fraudem insectatur Valentinianus, omnia ferocis ingenii indicia: nempe fraudem hanc, *criminis* appellatione designat, *nefas vetitum* ap. *P. 247* pellat, quasi de ingenti facinore ageretur: sed nil mirum in sauo Principis ingenio: qui, ut diserte Ammianus Marcellinus scribit, *lib. 28. cap. 1.* in iisdem rursus Maximini gestis, *erat acer viutorum inimicus magis quam seuerus*: cui conuenienter subiicit, alienas a Maiestatis crimine *causas, eum arroganti proposito Maiestatis imminuta miscuisse.*

Iam de tertia (*Panarum* videlicet) atrocitate: Nempe iubet Valentinianus *1. Seruum* qui ignaro domino ad id prolapsus fuerit, sub vineulis pistrino seruire. *2. Domini Senatoris*, cuius culpa id factum est, domum confiscari. *3. Alios* incapaces, sese his annonis ingerentes, si facultates habeant, pistrini exercitio subiugari vna cum bonis suis. *4. Si pauperes* sint, seruilem operam exhiberi, seu seruitutem operariam præstare. *5. Scribam* denique, de quo *sup.* gladio puniri iubet. Sic de atroci Valentiniiani simul & Maximini ingenio, *hæc leg.* seu parte liquet, siue *Quæstionem* spectes, siue *Verborum*, siue *Panarum* atrocitatem.

Interim tria hæc distinguantur, Pistrino inferuire sub vinculis, quæ serui poena est: Exercitio pistrini subiugari, cum bonis suis, quæ incapacis locupletis poena est: Seruitutem operariam exhibere, quæ pauperis est. Tria hæc munia pistrini, & triplex pistrini poena: pistrinum exercere seu mancipium: & mancipatum cum bonis suis: seruitutem operariam ibi exhibere sine vinculis, inferuire, sub vinculis. In commune alioquin de pistrini poena actum *l. 3. 5. 6. 7. sup. de panis.*

VII. (a) Idem AAA. (b) Clearcho P. V. (c)

VENDENDI de reliquo Popularibus annonam consuetudinem derogamus, ut huiusmodi celebrata venditio omni careat firmitate: Verum, si quis Vrbe (d) abundum esse crediderit, panes, cæteraque (e) quæ percipit, in horreorum conditis (f) referuentur, poscentibus iuxta Legem eiusdem Ordinis hominibus deferenda. Quin, lege proposita etiam quæ fuerint fortasse distractæ, ad originem propriam iusque reuocamus: Siquidem iustum est, ut in perpetuum suum quisque detineat, & per succedaneas vices proprius Ordo teneat, ut Palatinus palatini, miles vero Militaris, popularem annonam Popularis exposcat: nec alterum (g) alterius sibi expetens diuerforum Ordinum valeat miscere rationem. Dat. VIII. Kalend. (h) Maii, Modesto & Arintheo Coss. (372.)

NOTÆ.

(a) Absent *hæc lex* a *Cod. Iustin.* Iungendaque huic est (emendato huius die) *lex 2. sup. de studiis liber. Vrbe. Roma: & lex 20. sup. de Prætoribus.* GOTHOF.

- (b) Recte tres Augusti inscribuntur: e quibus Tertius, Gratianus puta, perperam omittit *duab. superiorib. legibus. ID.*
 (c) Clearchus PV. Constantinopol. sub Valente. Eidem inscribitur Ann. 370. *l. unic. supr. de iure Italico: vid. Protopogr. ID.*
 (d) Constantinopolitana. *ID.*
 (e) Veluti oleum, vid. *l. ult. infr. & vinum. vid. Suidam in Παλαιῖναι: & Codinum in Originib. CPol. num. 15. ID.*
 (f) Ita in eadem re Symmachus lib. 2. *epist. 76. redegit in copia conditorum. ID.*
 (g) An alteram, scilicet annonam, alterius scilicet Ordinis? Nil muto: alteram hic, ut supra, suum quisque, &c. Neque admittendum, quod tentabat Petavius in *Themistii orat. 4. p. 558. Nec alterius alter ius, &c. ID.*
 (h) *VIII. Id. Maii. d. l. 2. & d. l. 20. ID.*

COMMENTARIUS.

ADPECTATAS seu proprias cuique ORDINI annonas (quæ trium generum erant) Populares, Militares, Palatinas, ita quoque manere iubet Valens Imp. *hac leg.* Quæ pars est prolixioris constitutionis Valentianæ, qua in vniuersum populi Constantinopolitani commodis consultum iuit: tum eius voluptatibus, quo pertinet *lex 20. supr. de Prætoribus*: Tum utilitati ex Bibliotheca seu Librorum veterum congerie, quo spectat potissimum *lex 2. supr. de stud. lib. V. R.* denique & Annonis: quo spectat in partem *dicta lex 2. & hac lex*: cui proinde duæ illæ leges coactæ veniunt, huius, ut mihi quidem videtur, die emendato.

Cuius sententiam antequam explico; Ex ea notandum; Triplicem fuisse personam in ordinem Constantinopoli, quæ annonas percipiebant, ac proinde tres annonarum species: Populares, Palatinas, Militares. Populares, qui Palatinis & Militibus opponuntur, sunt urbana populi seu plebis multitudo: quo sensu Populares dicuntur, & quies popularium, *l. 1. §. 12. D. de officio Præfetti Urbis. Capitolinus in M. Antonino cap. 17. Multa milia & popularium & militum interemerat* Eademque forma populares, qua militares, pro militibus *hac leg. & l. 11. hoc tit. & apud Sex. Aurel. Victorem sæpe.* Hinc popularia alimenta, *l. 3. supr. de commodis popularia, l. 3. supr. tributa in ips. speciebus.* (quæ & populi commodum, *l. 8. supr. de Medicis & Profess. l. 3. supr. de Can. frum. V. R.*) caduca popularia, *d. l. 2. supr. de studiis lib. V. R.* quæ huc ut dixi coniungenda est. Hinc denique popularitas, pro favore & applausu popularium seu populi: *l. 2. in fin. supr. de off. Recloris Prouinc.* qui popularis plausus etiam dicitur, *l. 1. infr. de spectaculis.* Igitur & popularis annona fuit, & Palatina, & Militaris in Vrbe Constantinopoli, quam *οἰκήτορες* triplicis generis Constantinopoli accipiebant, & Palatina quidem ea, quæ Palatinis erogabatur, in ministerio Principis versantibus. Error enim est Suidæ, quem Cuiacius recte damnauit, qui Palatinos panes cum *Populæribus* eosdem facit *vos Παλαῖνοι, Παλαῖνοι*, inquit, *ἐν τῷ ἀγρῷ, ὅς ἐφιλοτιμήσατο τῷ δήμῳ Κωνσταντίνῳ ὁ μέγας: ὅτως ὀνομάσας αὐτὸς, ὡς ἐκ τῆς Παλατίης χορηγούμενος.* Palatini genus panum, quos Constantinus M. populo largitus est; eos hic ita nominauit, quod ex Palatio suppeditarentur. Nam Palatini panes, qui Constantinopoli erogati, ab obiecto dicti fuerunt, quod Palatinis præberentur, pariter ut Populares, & Militares ab obiecto, non a loco vnde præberentur, quod *hac lex* aperissime docet. Sed tamen Suidæ descriptio Palatinorum panum conueniat magis Castrensiis panibus, qui Alexandriæ dati: de quibus vid. quæ dicam ad *l. 2. infr. de frum. Alex.*
 P. 248 Apud Themistium quoque *Orat. 4. pag. 115. Edit. Petau. 1613. in §. ciuicæ Annonæ mentio fit, quam οἰκήτορες cuiuscunque ordinis Constantinopoli accipiebant: ὅσα μὲν τὴν χρεῖαν μοι ἀναγκαίαν εἶχε,*

καὶ οἷς σιτοδοσίᾳ ὁ βασιλεὺς τὰς οἰκήτορας τῆς πόλεως, & τὰς στρατιώτας, ἀπολάμβαι καὶ αὐτοὺς. quæcumque ad usus vite quotidianos necessaria sunt, ac quicquid frumenti non in milites, sed in ciues diuidit Imperator, huius partem & ego accipio. Quo loco quod de militibus addit, non proprie ad hanc annonam pertinet, verum ad annonam militarem: de qua *supr. tit. de erogat. mil. ann.* vbi vide *l. 2.* Eam scilicet distinguit Themistius ab Annona Ciuica Constantinopoli commorantium: ciuicæ nempe haud ita vberem, militares vero vberioreν *κατάλογον* habebant, ut quæ præter panem, vinum, aliaque commoda continerent. Quare error est Petauii, qui hoc loco ait, Themistium negare distributam in milites annonam, vel hic rescribendum, καὶ pro &, vel denique vulgus militum intelligi, qui adibus carent. Quæ omnia nulla ratione congruunt. Nunc de huius leg. sententia.

Igitur Valentis sententia *hac leg.* est: ut VENDERE Populares suam annonam deinceps veter: tum panes, tum cætera quæ percipiant (veluti oleum: de quo ad *l. ult. infr.*) Quod facere hæcenus soliti ex consuetudine recepta, forte cum Vrbe Constantinopolitana alio migrarent. Adeo quidem ut ita venditas annonas caducas esse velit, id est, in horreorum conditis reservari & publico acquiri. De qua annonarum & quidem Popularium caducitate, seu Caducis popularibus agitur quoque diserte *d. l. 2. supr. de studiis lib. V. R.* quæ huic ut dixi coactanda est. Antiquariis, inquit, de caducis popularibus (& ipsi etenim videntur e populo) competentes imperiantur annona. Item *l. 1. supr. hoc tit.* vbi panes adium caduci, pariter memorantur. Item *l. 8. infr.* Certis nempe casibus annonæ in fiscum cadebant, seu fisco adquirebantur. Et vero Populares, si annonas suas populares vrbe migrando, venderent, caducas esse voluit *hac leg.* Valens Imp. De militaribus postea viderimus, *l. 9. 10. 12. infr.* Quod quidem a Valente constitutum cenfeo, tum Urbis Constantinopolitanæ affectu, ne popularibus videlicet vrbe recedentibus, vrbs desereretur. Item, ut ita canon solitus sufficeret annonis præstandis, si per succedaneas vices præberentur: contra ne nouus canon semper instituentus esset, distractis extra titulum suum annonis. Igitur subrogationem fieri vult recedentibus vel decedentibus aliis. Cui similis subfortitio est, de qua Suetonius in *Julio, cap. 41.* Ex viginti trecentisque millibus accipientium frumentum ad centum quinquaginta retraxit: ac ne qui noui cætus recensitionis causa moueri quandoque possent, instituit quotannis in demortuorum locum ex his, qui recensiti non essent, subfortitio a Præore fieret. Et hæc de iure vendendi adempto: vnde efficitur, Populares annonas cuique personæ affectatas fuisse.

Sed & (quod secundum huiusce leg. caput est) cuique ORDINI affectatas esse vult Annonas: vetat enim non nisi a Popularibus, Populares annonas posci, seu peti: a Militaribus Militares, a Palatinis Palatinas; non vero v. g. peti a Popularibus aut

aut Palatinas aut Militares: a Palatinis Populares aut Militares: a Militaribus, Populares aut Palatinas: sed eiusdem Ordinis hominibus caducas annonas tribui: Ne inquit, *diuersorum Ordinum misceantur rationes*. Quod & ipsum cauetur l. 8. prox. vt ne ab alio corpore vacantes annonæ flagitentur. Simili sane ratione panis gradilis in alium gradum translatio prohibita, l. 2. & l. 5. *supr.* Annonarum item ratiocinia prohibita confundi l. *unic. infr. de Patronis horr. port. & stationes*, l. 1. *Cod. Iust. de compensat.* Cuiusque ratiocinii, stationis, gradus, ordinis ratio separata esse debet & distincta. Quare grauis est error Viri doctissimi, qui graduum permutationem hac leg. vetari putat hoc sensu, vt ne militaris, verbi gratia, in popularium aut circi aut

amphitheatri gradibus panem accipiat, aut contra. Nil tale. Ordinum permutatio hic prohibetur, non graduum, multo minus graduum circi aut Amphitheatri, vbi hac ætate annonæ erogata non fuerunt vt ad l. 2. *hoc tit.* offensum est. Et vero apertissimam hanc *huius leg.* sententiam confirmat appositissime d. l. 2. *supr. de studiis lib. V. R. & C.* quæ huic vt dixi coniungenda est: ibi scilicet quoque Valens, cum iubet Antiquariis annonas competentes de annonis caducis popularibus tribui, hanc rationem reddit, quod & ipsi Antiquarii ex popularium ordine sint: *Et ipsi*, inquit, *etenim videntur a populo*. Igitur Valentis sententia est, vt eiusdem semper ordinis viri annonas consequatur per succedaneas vices.

VIII. (a) Imppp. Gratianus, Valentinianus & THEOD. AAA. Restituto P. V. (b)

SI quis ex Schola defecerit, mortemque obierit, non ab alio corpore vacantes (c) flagitentur annonæ, sed ipsis Scholis cessuræ diuidendæque perdurent. Dat. Prid. Id. Iul. Thessal. Gratiano V. & Theod. I. AA. Coss. (380.)

N O T Æ.

(a) Abest hæc lex a *Cod. Iustin.* GOTHOF.

(b) Restitutus P. V. Constantinopol. sub Theodosio M. Eidem inscribitur hoc ipso Anno l. 2. *supr. de Questor. lex 2. supr. de Pref. Prator.* quæ inter se coassandæ sunt: vid. *Prolegogr.* ID.

(c) Alibi caduce. Sic & vacuæ aquæ eodem sensu apud Frontinum de *Aqueducibus articul.* 109. pag. 194. Edit. Polen. ID.

COMMENTARIUS.

THEODOSII M. quinque constitutiones ordine sequuntur, omnes, ad Præfectos Urbis Constantinop. datæ super annonis Civicis Urbis Constantinopolitana: De cuius augmento annuario fidem facit lex 2. *supr. de frum. Urbis Constantinop.* facit & lex 12. 14. *infr. hoc tit.* Ceterum & quinque istis Theodosii M. constitutionibus quatuor ordine sunt de SCHOLARIVM nominatum, seu de MILITARIBVS annonis; quinta, puta lex 12. est de annonis ædium simul & de iisdem militaribus. MILITARES annonæ, quarum fit mentio tum l. 7. *supr. prox.* tum l. 11. *infr.* erant, quæ SCHOLIS quibusdam Militaribus in Vrbe Constantinopolitana agentibus præbebantur: de quibus scholis & scholarium annonis, vt dixi, P. 249 agitur quoque l. 9. 10. 11. 12. *infr.* & de scholis in genere l. 22. & 23. *supr. de erogat. mil. ann.* Et lib. 6. tit. 13. de Comitibus & Tribun. scholar. Scholares hi, de quibus nunc agimus, Militares Viros apertissime vocat lex 11. *infr.* duasque huiusmodi scholas diserte memorat lex 9. *prox.* scholam videlicet scutariorum & scholam Clibanariorum: de quibus ad eam leg. specialius: stipando scilicet Imperatori instituti hi fuere. Zosimus lib. 3. cap. 29. Iuliani aduersus Perfas expeditionem mortemque describens, de his duabus ita scribit: τῶν ἀμφὶ τὸν βασιλέα δύο ταγμάτων, ἑς σχολαρίους προσαγορεύουσιν, ἱς ὀρδινιδὺς δύοβους, οἱ στίπαρε ἰμπεράτορα συνήθουσιν, αἱ σχολαὶς λέγονται. Idque ipsum & ex Suidæ loco *infr.* patebit. Procopius lib. 4. Goth. c. 27. οἱ περὶ τῆς τῆς Παλατίης φυλακῆς λόχοι, ὅσπερ σχολαὶς ὀνομάζονται, εὐβοῖται ἀδελφὴν τῆς αὐτῆς, quas Schol. vocant. Quare Palatina hæc ferme militia, etiam armata seu militaris fuit: & sub Magi-

stri Officiorum dispositione, teste Notitia Imperii. Quinimo *ostensionalem* hunc tantum militem fuisse, docet, qui eos graphice describit, Agathias, lib. 5. pag. 111. *inter Script. R. B. Ed. Vener.* ex quo videre est pariter, fuisse eos stipatores Imperatoris, nocturnoque & interdiu in aula versatos, magnificentia causa ornatusque, Imperatorem in publicum prodeuntem comitatos: ἦσαν δὲ ἑμαχμοὶ ὡς ἀληθῶς, ἑδὲ μετρίως γὰρ τὰ τοιαῦτα πεπαυμένονοι, ἀλλ' ἐκ τῶν ταγμάτων ἐκείνων, οἱ ἐς τὸ διημερεύειν τε καὶ διανυκτερεύειν ἐν τῇ αὐλῇ ἀποκρίνωτο, ἑς σχολαρίους ἀποκαλεῖσθαι, οἱ δὲ στρατιώται μὲν ὀνομάζονται, καὶ ἐγγεγραμμένοι τοῖς τῶν καταλόγων βιβλίοις, εἰσὶ δὲ οἱ πολλοὶ ἀσκήσεις τε καὶ Φυλακισμένοι, καὶ μόνον οἱμοὶ οὐκ ἔχοντες βασιλεὺς ἕνεκα, καὶ τῆς ἐν ταῖς προόδους μεγαλαυχίας ἐξευρημένοι: id est: Erant autem non reuera milites, neque rei bellicæ periti, verum ex cohortibus illis, quæ totum diem ipsamque noctem in aula consumunt, quos Scholares vocant: Hi quidem Milites vocantur, & matriculis continentur, plerique tamen pagani sunt, & splendide vestiti, & magnificentia tantum Imperatoria causa, & in processibus fastus ergo reperiunt. Idem ait primitus hunc ordinem datum solis militiæ peritis, exercitatisque præmii loco. Postea vero cum Zeno tribulibus quibusdam suis & familiaribus dedisset, quorum nulla virtus aut meritum esset, nundinationem irrepsisse, & emisse hunc honorem ignauissimum quemque. Hæ scholæ sane, aliorum, suos Præpositos ac Tribunos habuere: vt docet lex *vn. supr. de Comitibus & Tribunis scholarum*: & lex 23. *supr. de erogat. mil. ann.* Quorum Tribunorum, vt & scholarum multa mentio apud Ammianum occurrit. Et hos tamen

men hac tempestate expeditionibus, & quidem grauissimis interfuisse tum ex Ammiano discimus: tum ex l. 22. 23. *supr. de erog. mil. ann.* Orientales sane in Vrbe Constantinopolitana, Orientalis Imperii sede, ferme constituisse ostendunt, annonæ hæc ciuicæ his concessæ in Vrbe Constantinopolitana, & quidem, vt Theodosius idem noster ait. l. 11. vt magnitudinem Vrbis adificandi studio augerent, & quidem a Constantino M. vt docet *lex 9. 10.* De quorum Annonis ciuicis est hæc *lex*, vna cum *tribus sequentibus*: His scilicet folis singulari prærogatiua inter omnes alias scholas annonæ ciuicæ datæ: Maiora sane stipendia his data, Suidas ex Procopii *Hist. Arcan. c. 24.* scribit in v. *σχολαριοι*: *σχολαριοι τριχίλιοι πεντακόσιοι ἐπὶ φυλακῇ τῆ Παλλὰς* (παλλαδία Procopius) *ἦσαν τεταγμένοι, ἀριστὸν ἐπιλεχθέντες ἐξ Ἀρμενίων, οἷς συνήξεις ἀνέκαθεν πλείας, ἢ τοῖς ἄλλοις ἀπασὶ τὸ δημόσιον ἐχορήγει*, id est, *Scholarii, 3500. ad eustodiam Palatii constituti erant, ex Armeniorum primoribus electi: quibus e publico maiores annonæ, quam ceteris omnibus ministrabantur.* Ex quo etiam loco discere licet numerum eorum, munusque & vnde electi; nempe ex Armeniorum primoribus: qui sane Imperatoribus hac tempestate fœderati fuere. nominatim Constantino M. (quod docet *lex 1. supr. de annona & tributis*): a quo hæc annonæ ciuicæ instituta, vt docebit *d. lex 9. 10. infr.* Interim de his ipsis est & alter Suidæ locus in v. *ὑπεράριθμοι*: *ἑτος ὁ ἀριθμὸς τῶν σχολαρίων καλεσμένων τριχίλιων πεντακοσίων ὄντων, ἑτέρως διχίλις ἐνέδεικνεν Ἰωσικανὸς, ὅς ἑτος ὑπεράριθμος*

ἐκάλειεν: *Supernumerarius: cum scholarii ita dicti, essent numero ter mille & quingenti, alios his mille eis adiecit Iustinianus, quos supernumerarios vocauit.* Scholares autem dicti a scholis: qua *scholarum* voce, *Corpus* denotabatur, vt vel hæc *lex* docet. Quare error est Viri docti, qui quasi *χολαζόντες*, bellico ab opere vacantes, & veluti feriatos milites, dictos putat. Cuius & hic alter error est, quod Excubitores Corporis custodes (ordinarios scilicet) Prætorianos, cum his commiscet. (*)

De his horum *Scholarium* annonis varia quinque sequentibus *legibus* constituuntur a Theodosio M. hæc nostra est de *VACANTIBVS* *Scholarium* annonis. Vacantes annonæ *χολαζόντες* vocantur caducæ l. 1. *supr. hoc tit.* & l. 2. *supr. de studii lib. V. R. & Constantinop.* vbi dixi. Et quidem vacantes ideo, quia qui eas percipiebat defecit, mortemque obiit. Vbi quæsitum, quoniam reciderent vacantes huiusmodi annonæ, & a quo peti possent? Et vero definit hæc *leg.* Theodosius M. ab alio Corpore, vel ab alterius scholæ Corporatis seu Scholaribus flagitari eas non posse, pariter vt definitur *superiore l. 7. & l. 11. in fin. infr.* contra in eadem Schola annonas perdurare diuidue oportere. Affectatæ scilicet semel vni scholæ Annonæ Ciuicæ ad aliud Corpus: seu ad alium titulum transferri non possunt. Quæ eadem ratio militat in Palatinis, & Popularibus annonis ciuicis, *d. l. 7. supr.* Ex hac interim *lege*, quod satis, colligitur, Annonas scholarium in hæredes non fuisse transmissas: de quo plenius *ad proximas*: quandoquidem hic indistincte præsupponitur, eas per mortem vacantes fuisse.

(*) De Scholis & Scholaribus consule etiam CL. de FRESNE in *Glossat. vtroque voce. Schola, Scholares, σχολαί, σχολαριοι.*

IX. (a) Imppp. Valentinianus, THEOD. & Arcad. AAA. Proculo P. V (b) Constantinop.

ANNONAS ciuicas, in Vrbe Constantinopolitana, Scholæ Scutariorum, & Scutariorum Clibanariorum Diui Constantini adferuntur liberalitatem meruisse, quarum ex magna parte inminutio facta perhibetur, quod alii eas putarunt tamquam proprias distrahendas, alii per successionum gradus hæreditarium ius venire. (c) Sublimis igitur Eminentia Tua, omnes eas, quas quoquomodo (d) alienatas fuisse reppererit, his Scholis quibus donatæ ac deputatæ sunt (amota omni reluctatione) restituet: Habere enim debent earum perpetuitatem, quarum meruere compendium. Dat. VII. Kalend. Aug. Romæ, (e) Timasio & Promoto Coss. (389.)

NOTÆ.

P. 350 (a) Abest & hæc *lex* a Cod. Iustin. prælata l. 10. *infr. prox.* qua hæc abrogatur. GOTHOF.

(b) Eidem Proculo inscribitur *lex* *prox. 10.* & complures aliæ hoc Anno 389 & Anno 391. 392. ac nominatim hoc ipso Anno 389. *lex 25. infr. de operibus publicis*: l. 3. *supr. de ius & cur. lex 2. supr. de testamentis.* De hoc Proculo P. V. Constantinop. videndus Zosimus *lib. 4. c. 45. & 52.* & *Chronicon Alexandrinum Ann. 393. pag. 708. 709. Edit. Rader.* Hic Tatiani PP. Orientis filius fuit: & Ann. 392. capite truncatus. De eodem agitur & l. 12. *in fin. infr. hoc tit.* vbi plura: vid. Asterii homiliam, de festo Kalend. p. 60. *Edit. Ruben.* Tandem vide *Prosopogr. I.D.*

(c) Putarunt, ἀπὸ τῶ καὶ. I.D.

(d) Vel hæreditatis merito, (seu iure) vel venditionis arbitrio: vt loquitur *lex prox.* vel vt hæc *lex*, vel tanquam propriis distractis, vel per successionum gradus, & ius hæreditarium venientibus. I.D.

(e) Romæ post Maximum Tyrannum deuictum hoc tempore constitit Theodosius M. vid. *Chronolog. I.D.*

X. (a) Imppp. THEOD. Arcad. & (b) Honor. AAA.
Procuro P. V. (c)

ANNONAS ciuicas, (d) non tam titulis dignitatum, (e) quam singulorum viritum (f) meritis adtributas Diui Constantini liberalitate sat (g) claruit. Ideoque nihil ex his Scholarum (h) nomine vindicetur, sed pro vniuscuiusque merito quæ sunt concessa feruentur: ut quicumque perceptarum annonarum emolumenta vel in hæredes proprios iure sanguinis transfuderunt, vel in extraneos distractionis titulo transcriberunt, maneat quod gestum est, vel hæreditatis merito, vel venditionis (i) arbitrio. Dat. VII. Kalend. Iul. Constantinop. Arcad. A. II. & Rufino Coss. (392.)

N O T Æ.

- (a) *Lex 1. Cod. Iustin. eod. tit. GOTHOF.*
 (b) Tollendum Honorii nomen: Anno quippe demum sequente adscitus. *ID.*
 (c) *Procuro* sub Theodosio M. P. V. Constantinop. scilicet: Eidem inscripta *lex 9. supr.* quam *hæc* abrogat: dicitur de eo plenius ad *leg. 12. ID.*
 (d) *Publicas*, Cod. Iust. ut infr. l. 13. *publicarum annonarum. ID.*
 (e) Et Scholarium. *ID.*
 (f) *καὶ ἑκαστοῦ*, Græci. Male in nonnullis Cod. Iust. *virorum. ID.*
 (g) *Satis*, Cod. Iust. *ID.*
 (h) *Scutarium & Clibanarium. ID.*
 (i) *Alienationis* Cod. Iust. generaliore vocabulo. *ID.*

C O M M E N T A R I V S.

DE CIVICIS SCHOLARVM annonis, utrum ex VENDI, vel ad HÆREDES transmitti possint: Ad hanc inquam quæstionem spectant secunda & tertia hæc e Theodosianis constitutio, sibi inuicem contrariæ, cæsi ad eundem Proculum P. V. datæ.

Antequam rem ipsam putemus, tria ad *has ll.* notanda prius sunt. Primum de *scholis*, illis duabus (quarum prior lege nominatim mentio fit,) videndum est: scilicet duæ scholæ ea memorantur, *schola Scutarium*, & *schola Scutarium Clibanarium*: De quibus in genere dictum fuit ad *l. super. 8. ex Zosimo*, Agathia, Suida, atque ostensum eos stipando Imperatori institutos fuisse, ex Armeniorum primoribus ferme delectos, & expeditionibus grauissimis destinatos, sub Tribunis egisse: quod docet *lex unie. supr. de Comitib. & trib. scholar.* Specialius nunc de his videndum est. Sane schola hæc *Scutarium* tam in Occidente quam in Oriente memoratur in *Notitia Imperii* vtriusque. At enim alterius scholæ, *Scutarium Clibanarium*, in Oriente tantum fit mentio *fol. 42. Sub dispositione*, inquit, *Viri Illustris Magistri officiorum*,

Schola Scutarium prima.

Schola Scutarium secunda.

Schola Gentilium Seniorum.

Schola Scutarium Sagittarium.

Schola Scutarium Clibanarium.

Schola Armaturarum Iuniorum.

Schola Gentilium Iuniorum.

Ammianus quoque Marcellinus non tantum Scutarios sæpe nominat, vel etiam, Tribunos, vel Rectores Scutarium, sed nominatim is Scholam Primam & secundam Scutarium, & earundem scholarum Tribunos memorat. Ut *lib. 22. cap. 11.* in rebus Iuliani; *Romanus quinetiam & Vincentius*

Scutarium Scholæ primæ secundæque Tribuni. Et *lib. 25. cap. 10.* In rebus Iuliani, *Valentiniano*, inquit, *regenda Scutarium secunda committitur schola.* Et *lib. 26. cap. 1.* in rebus Valentiniani; *Equitii*, inquit, *schola primæ Scutarium etiam tum Tribuni*, & mox; *Valentinianus agens scholam Scutarium secundam.* Scutarii, quod nominis indicio satis apparet, solis scutis recti incedebant: *Clibanarii*, vero tegminibus ferreis vndique absconditi, tum ipsi, tum equi paribus operimentis loricis plumatis, in modum plumæ: id enim erat *Clibanarii* in commune. Alexander Severus iam olim oratione in Senatu, de victoria Persica agens apud Lampridium *cap. 56. Cataphractarios*, quos illi *Clibanarios* vocant, decem millia in bello interemimus. Nazarius sub Constantino M. & ad Constantinum ipsum paneg. *cap. 22.* Quæ enim illa fuisse dicitur species, quam atrox visu, quam formidolosa, operimento ferri equi atque homines pariter obsepti? *CLIBANARIIS* in exercitu nomen est, superne omnibus testis equorum pectoribus demissalorica, & crurum tenuis pendens, sine impedimento gressus, a noxa vulneris vindicabat: & quæ sequuntur, ubi *Cataphractos* Equites mox vocat *cap. 23.* Ammianus in Constantii rebus *lib. 16. cap. 12.* Norant enim licet prudentem ex equo bellatorem, cum *Clibanario* nostro congressum, frenâ retinentem & scutum, hastâ una manu vibrata, tegminibus ferreis abscondito bellatori nocere non posse: peditem vero inter ipsos discriminum vertices, cum nihil cauere solet præter id quod occurrit, humi occulte reptantem latere forato iumentum incautum rectorem præcipitem aggre, leui negotio trucidandum. Describit eos adhuc melius eodem libro *cap. 10.* Incedebat hinc inde ordo geminus armatorum, clypeatus atque cristatus, cornu lamine radians, nitidis loricis indutus, sparsique cataphracti equites, quos *Clibanarios* dicunt Persæ, iboracum muniti tegminibus, & limbis ferreis cincti, ut *Praxitelis manu polita crederes simulacra, non viros: quos laminarum circuli tenuis apti corporis flexibus*

xibus ambiebant, per omnia membra deducit, ut quocunque artus necessitas commouisset, vestitus congrueret iunctura coherenter aptata. Eorundem descriptionem vid. apud Claudianum in VI. Honorii COS. v. 569. seq. & lib. 2. in Rufin. v. 357. seqq. Ergo Cataphracti, & Clibanarii, iidem: quos Cataphractos complures alii similiter describunt: de quibus ex professo Brissonius in Persicis. (*) Nos Clibanariis inhæcamus. Glossæ Nomicæ Κλιβανάριοι, ὁλοσίδηροι, κλιβανὰ γὰρ οἱ Ρωμαῖοι τὰ σιδηρὰ καλύματα καλῶσι, ἀντὶ τῆς καλαμῆναι. A Clibano sic dicti. Auctor de rebus bellicis, subditus Notitiæ Imperii cap. de Thoracomacho, id est, de Pectoris munimento, seu tutela. Inter omnia que aduersum bellicum prouida posteritatis cogitauit Antiquitas, Thoracomachum quoque mira utilitate ad leuamen corporis armorum ponderi & asperitati subiecit: Hoc enim vestimenti genus, quod de coactili ad mensuram & tutelam pectoris humani conficitur, de mollibus lanis timoris sollicitudo solertia magistræ composuit, ut hoc induceta primum lorica vel CLIBANVS, aut his similia fragilitatem corporis ponderis asperitate non laderent: membra quoque vestientis inter armorum hyemisque discrimen, tali solatio adiuta, labori sufficerent. Leo quoque Imp. Tacticon 6. n. 31. Cataphractum Equitem describens, ait: tum cum, tum equum tectum clibanis, id est, thoracibus. Et hæc de Scutatorum Clibanariorum schola, quid fuerint.

Secundo loco obseruandum, præcipuum harum scholarum, & tributorum vsum fuisse, & præcipuam dignitatem (qua dignitatis alicquin voce vititur lex 10. in hac re:) eo quidem, ut non tantum ad grauissimas expeditiones & negotia horum vsum esset, (quod ex Ammiano Marcellino passim discere licet,) verum etiam Imperiorum ferme aliquando arbitratæ fuerint Scholæ istæ earumque Tribuni. Hinc illud Am. Marcellini lib. 14. c. 19. Inhabebat autem hac sufficere Latinum Domesticorum Comitum & Agilonem Tribunalis stabuli, atque Scudilonem Scutatorum Restorem, qui tunc, ut dextris suis gestantes Remp. colebantur: (de quo Scudilone rursus lib. cit. cap. 11. vt & de Bainobaude Scutatorum Tribuno loc. cit.) Hinc Valentinianus ex Tribuno scholæ Scutatorum secundæ Imp. factus, teste eodem Ammiano Marcellino lib. 26. cap. 1.

Inde igitur (quod tertio loco obseruandum est) præcipua earum Scholarum ratio visa, ut his solis inter alias scholas Constantinopoli annonæ ciuicæ præberentur: id quod a Constantino M. factum docet diserte lex 9. in partem lex 10. 11. 12. Annonas, inquit, ciuicas in Vrbe Constantinopolitana schola Scutatorum, & Scutatorum Clibanariorum Diui Constantini adseruntur liberalitatem meruisse.

Quo autem fine, seu quatenus hæc annonæ his

concessæ fuerint, sub Theodosio M. quasitum varie fuit. Primum ad quos vacantes hæc annonæ pertinerent, de quo fuit lex 8. Secundo (vt ad leges nostras descendamus) vtrum eas vendere, vel ad hæredes suos transmittere scholares possent, tanquam meritis suis concessas; an vero ita scholis affectatæ essent, donatæ, deputatæ, vt in ipsis scholis perdurarent? Et vero quasitum, eo quod venditis his atque ad hæredes translatis, multi ex præsentibus scholaribus nullas annonas consequerentur, annonarum ex magna parte imminutione facta: & sic (vt loquitur lex 11 in fin.) parata non haberet sui munera largitas, (Principis,) vel sane Nouas annonas Imperatorem necesse esset instituire: quod a Theodosio M. factum ostendit lex 2. supr. de frum. V. Const. & lex 13. 14. infr. vbi dicam. Hac vero de re Theodosius M. contraria recripsit. Primum scilicet l. 9. Alienatas annonas extra scholam, vel ad hæredes transmissas reuocari iussit, vt sic scholæ quibus eas donatæ deputatæque fuissent, earum perpetuitatem & compendium haberent. Et sic extra commercium has annonas esse voluit, neque ad hæredes transmitti: quasi ipsarum Scholarum contemplatu, ipsisque adeo scholis datæ, & titulo dignitatis seu militiæ. Atenim triennio post altera constitutione, puta l. 10. emissâ ad eundem Proculum P. V. contrarium idem statuit, recteque alienatas & ad hæredes transmissas, atque adeo Personarum ipsarum scholarium meritis viritum tributas definiuit. Cur hæc tam varie? An quia, quo Proculi Præfecti P. V. l. bido duceret, etiam Theodosii sensus inclinaret? quod tum ipsa Proculi hæc tempestate potentia suadeat (de qua ad l. 12.) tum illa persuadent quæ d. l. 12. ipsemet Theodosius proficitur, ad arbitrium Proculi datas quasdam annonas. etsi ibi de his agatur quæ nesciente ipso Theodosio erogabantur? An quia re melius perpenſa, meritis potius singulorum datæ annonæ viderentur? quod illa suadeant l. 10. Annonas ciuicas non tam titulis dignitatum, quam singulorum viritum meritis adtributas, Diui Constantini liberalitate sat claruit. Quod vtiliter alio traduci possit. An quia denique nullo scholarium nouorum præiudicio id ita postremum statuere visum fuerit: vt pote quibus nihilominus nouas annonas donauerit, etsi imminutis scholarum factis illo annonis? Quod suadet Theodosii M. institutum, qui annonas ciuicas auxisse, nouasque instituisse dicitur, l. 2. supr. de frum. V. Constantinop. & l. 13. 14. infr. vbi dicam. An quia denique Vrbi Constantinopolitanæ adficiis abunde prouisum; sic vt eas Annonas ad alios transferri iam nihil impediret? quod iuari possit altero eiusdem Theodosii exemplo in Nouella Theodos. 12. Quicquid huius sit, ad primam mentem suam postea proſcripto cæſoque Proculo rediſſe eum, docet lex 12. infr. ibi, & si qua scholarum nomine defenduntur.

(*) Locum classicum habes in HELIODORI Æthiop. lib. 9. pag. 431. 432. Edit. Commelin. quem excitauit etiam CL. BARTHIVS ad Claudian. l. c.

XI. (a) Idem AAA. (b) Aureliano P. V. (c)

A NNONAS ciuicas ad hoc Militaribus (d) viris beneficium Diuale (e) distribuit, vt qui emolumenta (f) perciperent, ædificandi studio magnitudinem Urbis (g) augerent: Ac proinde, ne frustra deputatis commodis perfruantur, quorum ope incrementa mœnium (h) non iuantur, id super his annonis, quæ Scholis (i) erogari solent, P. 35. seruandum est, vt hii tantum qui domus habent, deputata suo nomini commoda consequantur, aliæ retractatæ, (k) adque in suspenſo habitæ, Noſtræ Munificentiæ referuntur:

uentur: his tantummodo, etiam si (l) liberalitas sacra extiterit, deputandæ, qui ex numero Militarium virorum annonæ pro extructis domibus beneficio nostræ adnotationis acceperint: ut & parata sui (m) munera habeat largitas, & superfluis necessitas non grauetur. Dat. VI. Kalend. Maii, Constantinop. DN. Theod. A. III. & Abundantio Coss. (393.)

N O T Æ.

- (a) Abest hæc lex a Cod. Iust. GOTHOF.
 (b) Recte huic constitutioni tertius Augustus Honorius scilicet additur, non superiori: iam enim IV. Idus Ianuar. his Coss. adscitus. ID.
 (c) Aurelianus hic post Proculum P. V. fuit: Eidem inscribitur lex 12. prox. de eo vid. Profopogr. ID.
 (d) Dixi de his ad l. 7. supr. ID.
 (e) Constantini M. l. 9. 10. supr. & l. 12. infr. ID.
 (f) Emolumenta annonarum d. l. 10. supr. emolumenta ciuica l. 13. infr. ID.
 (g) Constantinopolitanæ. ID.
 (h) Mœnia, hic sunt, ædificia priuata: vid. de hac voce Gloss. ID.
 (i) Sagittariorum & Clibanariorum: d. l. 9. ID.
 (k) Retrahe. ID.
 (l) Ita hic locus interpungendus: hætenus male; his tantummodo etiam, si &c. ID.
 (m) Id est, ut habeat quo largitatem suam Princeps exercere possit. ID.

XII. (a) Idem AAA. Aureliano P. V. (b)

SI quæ speciatim annonæ domus in hac (c) Vrbe habentibus Diuæ memoriæ Constantini, vel Constantii, † largitates (d) concessæ sunt, adque in heredes proprios iure successionis, vel in extraneos venditionis titulo transferunt, erogatione solita ministrantur: & si quæ Scholarum nomine defenduntur. (e) Inlustris igitur Magnificentia Tua & hanc super his formam custodire debet. Si quæ vero ad arbitrium Proculi (f) datæ nobis nescientibus erogantur, & retrahere eas ilico, & reuocare debet. Dat. XII. Kalend. Decembr. Constantinop. Theod. A. III. & Abundantio Coss. (393.)

N O T Æ.

- (a) Abest hæc lex a Cod. Iustinianeo. GOTHOF.
 (b) Eidem inscribitur l. 11. supr. prox. ID.
 (c) Constantinopolitana. ID.
 † Constantii hac in re nulla alibi memoria. ID.
 (d) pp. largitate: Ita quoque l. 11. supr. prox. ut & parata sui munera habeas largitas. ID.
 (e) Non est hæc vox scribenda, mox ut ostendam. ID.
 (f) Cui duæ superiores leges inscriptæ sunt: & de quo mox plura. ID.,

C O M M E N T A R I V S.

DE SCHOLARIVM, & ÆDIVM annonis, speciatim sunt hæc constitutiones. In uniuersum autem QVATENVS & quibus annonæ illæ debeantur, definit his duabus constitutionibus Theodosius M. eodem Anno ad eundem Aurelianium P. V. Constantinopolitanæ datis. Eo scilicet summo fine, ut ne nouis semper annonis opus esset, atque adeo ut immodicum annonarum ciuicarum usum coerceret, siue qui dudum inualuerat, siue qui a Proculo P. V. Aureliani cui hæc lex inscribitur, decessore auctus fuerat: cum iam non haberet amplius Theodosius, quo largitatem exerceret, superfluis annonis urbs grauabatur, Tom. V.

Igitur Theodosius annonarum coercendarum impetum cepit; sic tamen, ut contraria his legibus constituerit. Primum quidem MILITARIBVS viris (id est scholaribus, quod vel hæc lex probat in frequentibus, & prolixius ostendi ad l. 7. supr.) tributas a Constantino annonas ciuicas, ita demum deberi interpretatur, si domos haberent, seu si domos extruxissent. Hanc scilicet interpretationem Constantini instituto nunc demum affingit hætenus incognitam, quandoquidem hætenus simpliciter vel scholis ipsis eas donatas ipse Theodosius asserbat l. 9. vel saltem singulorum scholarium virum meritis; l. 10. At enim tertiam nunc nouamque

que interpretationem adfert, puta neque scholis in genere, neque vulgaribus scholarum meritis eas a Constantino M. tributas, verum iis demum scholaribus, qui domos extruxissent, quorum ope incrementa moenium iuuarentur: denique eo fine tributas, ut scholares seu militares Viri, Magnitudinem Urbis Constantinopolitanae augerent. Quæ quidem interpretatio non tantum superioribus constitutionibus contraria est, verum etiam *posteriore leg.* mox infirmatur: ibi quippe iam diserte distinguuntur tributa Annona a Constantio & Constantino domos in Vrbe Constantinopol. habentibus, a Scholarum annonis: unde efficitur, Scholaribus simpliciter annonas concessas fuisse. Et sane Constantinus non iis solis, quod quidam censent, annonas ciuicas deputauit, qui in vrbe domos haberent: Fuit hic quidem vnus ex *titulis* seu generibus annonarum ciuicarum, ut vocatur *l. 1. sup.* a Constantino M. institutus: qui & cæteris aliis rationibus variis Constantinopolim ædificiis augere instituit: quo pertinet quoque præter ea, quæ scribit Zosimus, *lib. 2. cap. 30. 31.* & ex eo Euagrius, *lib. 3. cap. 41.* insignis *Novella Theodosii 12. l. 1.* Sed non fuit hic solus titulus annonarum ciuicarum: ut docent tot aliæ *leges*: ac nominatim *lex 7. sup.* & *l. prox. 13. infr.* Nam & annona ciuicibus in commune data: populo, unde *Populares*, data & Palatinis, & Militaribus seu scholis: & diuersi ab his ædium panes, de quibus *l. 1. 5. sup.* & initio huius *leg. 12. & l. 2. sup.* de *frum. V. Constantinop.* E quibus legibus, *lex 5.* diserte separat ciues Romanos buccellas mundas sine pretio consequentes, ab his, qui ædificiorum panem percipiebant. Quamquam & hic illud dicere quis posset pro Theodosio, etsi incommune domos ædificantibus annona darentur, tanto maiores tamen datas Scholaribus. Mihi sane Theodosius videtur ad propositum suum Constantini mentem detorsisse.

In quo tamen neque ipse perstitit: mox enim non tantum annonas DOMIBVS concessas præstari voluit, etiam venditas, etiam in hæredes transmissas: sed etiam eas, quæ SCHOLARVM nomine defenduntur: id est, quæ Scholaribus primum concessæ, mox ab his venditæ, vel ad

hæredes transmissæ, *scholarum* semper nomine & origine defenduntur, sustinentur: quod & ipsum constituerat paulo ante *l. 10. sup.* constitutione data ad Proculum P. V. Et sane ut *priori lege* puta *11.* primo impetu immodice annonas cœcœritum iuerat Theodosius M. Proculo iam casu; ita impetum mox repressit, *posteriore*, puta *l. 12.* Distinctione iam facta inter veteres & bene fundatas annonas, & inter Proculianas, seu a Proculo datas. Nempe ædificiorum annonas & scholarum optimo iure esse iubet, quas siue Constantinus, siue Constantius concesserant. De Constantino iam dictum. De Constantii hac parte facta nulla alibi memoria extat. Immo Constantium Constantinopolitanis iratum dimidiam annonarum ciuicarum partem ablatum iuisse, iam *supra* ostensum est ex Socrate *lib. 2. cap. 13.* & Sozomeno *lib. 3. cap. 7.* verum de ædium annonis hic res est, quas Constantius auxit, qui sane in immensum Constantinopolim nouis incrementis, & ædificiis auctum iuit, quod Themistius testatur *orat. 13.* ac nominatim *pag. 292. & 303. Edit. Petau. in 8.* peculiari quadam in eam urbem propensione: inter cætera, quod eodem tempore a patre excitata fuisset, quo ipse Caesar factus: qua causa Themistius Constantii respectu, eam vocat *πόλιν τῆς βασιλείας ἡλικιώτην, urbem imperii æqualem.* Et ita quidem *d. pag. 303. Edit. citat.* Theodosius veteres rursum annonas confirmauit. Atque adeo de Nouis Annonis cogitauit, supplendis videlicet ædium & scholarum annonis, quæ extra hos titulos, alienatæ translataeque fuerant: de quibus Nouis Annonis ad *ll. proximas*, Contentus nouas a Proculo P. V. institutas renocare: a Proculo, inquam, P. V. ad quem duæ superiores *Constitutiones* datae sunt: quique superioris anni fine *VIII. Id. Decembr.* in Sycis capite plexus fuit: de quo videndus Zosimus *lib. 4. cap. 52.* Claudianus *lib. 1. in Rufinum v. 245. seqq.* Aterius extremo homilia in festum Kalend. *pag. 60. Edit. Ruben.* Auctor *Chronici Alexandrini pag. 708 709. Edit. Rader.* (qui perperam id refert in hunc ipsum Annum 393.) De quo eiusque patre Tatiano, semel dixi ad *l. 9. sup. de indulg. criminum.*

XIII. (a) Impp. ARCAD. & Honor. AA. Africano P. V. (b)

EOs, quos in hac (c) Vrbe domos non habere cognoueris, annonis Nouis, (d) quolibet titulo (e) acceptis, priuari Tua Magnitudo præcipiet, nec vllis emolumentis (f) ciuicis adiuuare: Neque enim fas est, ut qui Urbis (g) adfectum domus indicio monstrare neglexerint, eius commodis perfruantur. Sin vero quisquam est, qui seædes spondeat habiturum, nisi intra sex menses instruxerit, (h) nequaquam publicarum annonarum modum potiat. (i) PP. III, Kalend. Aug. Constantinop. Arcad. IV. & Hon. III. AA. COSS, (396.)

NOTÆ.

(a) Abest hæc lex a Cod. Iustiniano. GOTHOF.

(b) Africanus P. V. Constantinopolitanae sub Arcadio; vid. *Prosopogr. ID.*

(c) Constantinopolitana. ID.

(d) Seu nouo canone *l. prox. 14. ID.*

(e) Annonarum ciuicarum. ID.

(f) Dixi ad *l. 11. sup. ID.*

(g) Id est, adfectum quem vrbi gerit, vel debet. ID.

(h)

(h) *Instruxerit, pro extruxerit. ID.*

(i) *Sustineri hoc potest, imo debet, ut in Gloss. dico. Et si melius vel modo, vel commodo possiatur. ID.*

XIV. (a) Idem AA. (b) Clearcho P. V. (c)

INCLYTÆ recordationis Pater (d) Clementiæ Nostræ post solitum (e) canonem, qui Vrbi Augustissimi nominis præbatur, certum Annonarum modum de Nouo (f) canone addendum esse constituit: Et quia nonnullos absque liberalitate nostra ex ea quantitate annonas consequi compertum est, Magnificentia Tua nulli ex eo modo annonam faciat ministrari, qui (g) vel liberalitate nostra perceperit, vel super his (h) quæ ab Inlustri Sede Magnitudinis Tuæ ei sunt deputatæ, Triumphalis (i) dexteræ nostræ confirmationem est consecutus. Dat. XI. Kalend. April. Constantinop. Arc. V. & Hon. V. AA, Coss. (402.)

N O T Æ.

(a) *Ahest & hæc lex a Cod. Iustin. GOTHOF.*

(b) Theodosii Iun. quoque nomen huic legi adscribendum: initio enim huius Anni iam III. Id. Ianuar. Augustus a Patre adscitus: Sozomenus lib. 8. cap. 4. in fin. & Chron. Alex. pag. 712. 713. Edit. Rader. vid. Chron. ID.

(c) De hoc Clearcho: vid. Ind. perf. ID.

(d) Theodosius M. ID.

(e) Veterem a Constantino institutum, a Constantio auctum: l. 12. supr. ID.

(f) Annonæ nouæ, l. 13. ID.

(g) *q. ni, vel nisi, vel quam qui. ID.*

(h) Annonis. ID.

(i) Similiter l. 16. supr. de *mirilegul.* de Phaleratis his Imperatorum titulis semel dixi in *Imper. Rom.* ID.

COM M E N T A R I V S.

ARCADII Imperatoris constitutiones tres sequuntur de Annonis civicis: & duæ quidem hæc priores pertinent ad Dispensationem NOVARVM annonarum a Theodosio M. patre suo institutarum: quinam inquam ex iis aliquid percipere possint. De Nouis his Annonis prius videndum est. Igitur earum auctorem diserte facit Arcadius patrem suum Theodosium M. l. 14. *Inclytæ recordationis Pater Clementiæ nostræ post solitum canonem, qui Vrbi Augustissimi nominis præbatur, certum annonarum modum de nouo canone addendum esse constituit.* Sed & Theodosius Iunior hunc ipsum Theodosium M. Auum suum, eius auctorem facit, l. 2. *supr. de frum. V. Constant.* Ita enim debet, inquit, canon ab inclytæ memoria Constantino præstitutus, nec non a Diuo Pietatis meæ Auo auctus expendi. Nouæ autem hæc annonæ a Theodosio M. institutæ fuerunt proculdubio supplendis Ælium annonis, quarum bona pars extra hos titulos alienata translataque fuerat: neque enim aliter ea alienatio seu translatio probari potuit a Theodosio M. ut sane probantur l. 10. & 12. *supr.* quam nouas subinde annonas nouarum ædium extructioribus tribuendo: quod etiam ad superiores *leges* aliquot ostensum est. Sane Themistius orat. 6. quam habuit Anno D. 384. (seu sexto Theodosiani Imp. anno,) eo nomine Theodosium laudat, quod annonam civicam auxerit: καὶ οὐκ ἐκπέσει μόνον, ἀλλὰ καὶ ἐπαύξει τὸ σιτηγέσιον, nec rependit solum, sed etiam annonam adiecit; Qui ibidem p. 160. 161. Edit. Petau. 1613. in 8. ait, non tantum a Theodosio varia opera publica excitata: verum etiam eius exemplo priuatos ædificia varia excitasse. Hinc igitur Theodosius no-

Tom. V.

uas annonas instituit. Ita quidem ut huic rei destinaret, canonem aliquem seu certum frumenti modum & quantitatem, certam modulationem: unde *Nouus canon* præbendus post *solitum canonem* hac leg. vocatur; canon a Theodosio auctus, d. l. 2. *supr. de frum. Urb. Const.* Et certe hoc illud est Peritheuma 125, modiorum frumenti diurnorum annonis Vrbi Constantinopol. a Theodosio M. adiectum, l. 2. *Cod. Iust. de annonis civilibus.* Cuius legis hæc verba sunt: *Centum viginti quinque modios frumenti præter solitum canonem, per singulos dies, de presenti sexta indictione ex die Kalend. Iuniarum* (ita recte MS. non Ianuarii:) *nomine Peritheumatis de horreis publicis huius alme urbis insita nostra pietatis liberalitate tribuimus, datis sacris apicibus ad sublimissimam quoque per Orientem Præfecturam, quibus possit & modum nostræ donationis agnoscere, & incunctanter præbere quæ iussimus: quam modulationem iugiter & in perpetuum ciuibz nostris debere conferri valitur: in auum hac lege sancimus.* Huius leg. auctorem Holandrina & Cuiaciana editio perperam Martianum A. faciunt: Recte omnino aliæ editiones Theodosii Arcadii & Honorii nomina præferunt: Adscribendusque consularis Theodosio III. & Abundantio COSS. id est, Anno D. 393. huic enim Anno congruit sexta Indictio, cuius ea leg. fit mentio, ut videre est apud Marcellinum in *Chron.* & in *Chronico Alexandrin.* pag. 708. 709. Edit. Rader. Et sic ad eundem annum, qui subscriptus est legi 11. & 12. *supr.* Quinimo data proculdubio hæc lex non ad PP. Orientis, cuius ea leg. tanquam alterius mentio fit, ac multo minus ad Tatianum PP. quod exhibet Cuiaciana editio, qui sane Anno superiore iam Præfectura sub-

submotus fuerat; verum *Aureliano P. V.* cui ipsi inscribuntur *d. l. 11. & 12.* In cuius etiam legis explicatione Cuiacii error, qui & *parapeteuma* ea leg. reponit ex veteribus libris, & *tessera* nomen facit, cum & *periteumatis* vox ibi legitima sit; *περίτευμα* est *abundantia, incrementum, augmentum*, & quod ex abundanti vel est, vel adicitur; *supererogatio*. Sic sane & a Theodosio Iun. huius nepote additis a se Alexandrinæ civitati annonis 180. modii diurnis, *Perissochoregiæ* nomen indidit: *l. 2. infr. de frum. Alexandr.* Sed & illud male Cuiacius, quasi *ea leg.* Imp. iubeat tesseriis suæ pietatis nomen adici: nam verba illa *instita nostra pietatis liberalitate*, non id volunt, inferendum nomen suum tessera, verum se hoc incrementum dedisse pro innata sibi pietate & liberalitate: Et hæc de nouis annonis a Theodosio M. institutis. Hæc vero duæ Arcadii *leges*, sunt de hac Theodosiani nouique canonis dispensatione. Igitur Arcadius anno, & quod excurrit post patris obitum, *Ædium* titulo has nouas annonas affectat, *l. 13.* sic vt nulli alii ex hoc nouo canone annonas tribui velit, quam qui domos tum haberent: & (vt eleganter loquitur,) *quam qui vrbis adfectum domus indicio monstrarent*, id est, qui testatum facerent affectum quem Vrbi Constantinopolitanæ gererent, domibus in ea excitatis: lubetque adeo, vt si quæ alio titulo hæcenus donatæ fuerunt reuocentur, exempli gratia vel popularibus, vel scholasticis seu militaribus, vel Palatinis. Et sane nouas has annonas seu nouum canonem a Theodosio M. institutum ad ædium annonas docet quoque Theodosius Iun. Arcadii nostri filius *l. 2. supr. de frument.*

Vrb. Constant. Verum cum ad alios titulos translatus quoque fuisset, id est, aliis quoque exinde annonæ donatæ fuissent, quam qui domos haberent, seu extruxissent, eas reuocari voluit Arcadius *hac leg.* Et tamen idem easdem nondum domos habentibus, sed habituris, easque spondentibus pollicetur, dummodo intra sex menses domos construxerint, id est, extruxerint. Contra si ferius extruxerint, eas annonas præberi vetat. Quod quidem arguit ingens Arcadii studium in augenda Magnitudine Urbis Constantinopolitanæ, qui annonas istas nonnisi vel domos iam tum habentibus destinauit, vel domos intra sex menses excitantibus. Sane Arcadii ipsius studium in excitandis operibus Constantinopoli discere licet ex *veteri Urbis Constant. descriptione*, ex *Chronico Alexandrino*, & *Cedreno*. Quare & aliis tum exemplo suo, tum & *hac leg.* præiuit, proposita harum annonarum largitate domos vel habentibus, vel saltem intra sex menses excitantibus.

Et ita quidem Arcadius *l. 13.* constituit: sic factum, vt ex hoc nouo Canone annonæ nonnullis aliis tribui cœperint, quam domos habentibus, eo quod non essent domorum domini sufficienti numero, in quos hic nouus canon integer erogaretur: neque tantum liberalitate Arcadii ipsius, vt *P. 155* rum etiam Præfectorum vrbis. Ideo Arcadius posteriore *l. 14.* vetat aliis huiusmodi annonas donari, quam quibus id ultra ipse tribuisset, vel si largitionem a P. V. factam ipse manu sua confirmasset. Denique hoc liberalitatis & erogationis nouarum annonarum genus sibi soli reseruauit Arcadius.

De OLEI quæd publice præbitum modo & sextario imminuto.

XV. (a) Idem AA. (b) Monachio (c) P. V. (d)

DISPOSITIONE Magnificentiæ Tuæ Olei mensuram firmam manere præcipimus: vt decem & octo, per singulos sextarios, scripulis, ad certorum Ordinum (e) commodum, commodiora (f) dispositione tua, retentis ac distributis, sextarius olei ad viginti vnam semis vnciam redigatur: Quam mensuram, certum designatis suggestione (g) corporibus solatium constitutam, nullius posthac fraude credimus (h) adtemperandam. Dat. XV. Kalend. Mart. Basso & Philippo Coss. (408.)

N O T Æ.

(a) Absent *hec lex a Cod. Iustin.* GOTHOF.

(b) Tertius A. Theodosius Iun. inquam, hic addendus, vt ex dictis ad *l. supr. liquet.* ID.

(c) *vg. Monachio*: vt *l. 19. supr. de Palat. S. L. & l. 1. supr. de frum. V. Const.* & aliis. Huius mentio apud Auctorem *Chron. Alexand.* Ann. 409. pag. 716. 717. Edit. Rader. vid. *Prosopogr.* ID.

(d) Constantinopolitanæ. ID.

(e) Corporum *infr. fine leg.* ID.

(f) Pro simplici, moderata. ID.

(g) Tua scilicet. ID.

(h) Censemus, iubemus. ID.

COMMENTARIUS.

DE OLEO, quod gratuitum populo in gymnasia, balneaque, &c. dabatur, est hæc Arcadii Imp. constitutio: & quidem quod dabatur populo Constantinopolitano, de quo est quoque Suidæ locus, in voce *Παλατινῶν*, ubi addit & *κρῆνῶν* & *οἶνων*, quæ ex munificentia Constantiniani profecta sint: quæ

quæ aliquamdiu stetit ait, pariter vt datum populo Romano: de quo posteriore, *l. 3. supr. de canone frum V. R.* ubi vide quæ dixi: & *tit. infr. de mensis oleariis*: & *l. vltim. supr. de curatore Kalendarii*. Fuit inquam & hæc annonæ ciuicæ pars in vtraque Vrbe Roma. Themistius sane quoque in Vrbe

Vrbe Constantinopolitana ab Imperatore, seu ex Imperatoris fisco datos sibi ducentos tritici modios, totidemque olei *κεράμια* scribit *orat. 4. pag. 114. Edit. Petau, 1613. in 8.*

Erogatum vero oleum id per *Sextarios*, docet hæc constitutio. Huic mensuræ per singulos *Sextarios* Monaxius P. V. octodecim scrupulos detraxerat, seu Sextarium 18. scrupulis minorem fecerat, ad certorum videlicet ordinum commodum, seu ad certorum corporum solatium. Nempe, ut ita ex hac imminutione seu detractiōe, posset illis quoque Ordinibus, seu Corporibus oleum præberi: quomodo & annonæ ciuicæ seu panis modus quandoque diminutus: vid. l. 5. Eam Monaxii P. V. dispositionem, ad eius suggestionem, *hæc leg. firmat Theodosius Iun. ut ita deinceps Sextarius olei ad viginti vnam semis vnciam redigatur.* Unde apparet, Sextarium olei hætenus maiorem fuisse in Vrbe Constantinopolitana viginti vna & semis vncia: Imo diserte apparet, olei Sextarium fuisse viginti duarum vnciarum & sex scrupulorum. Priscianus postea *carmine de ponderibus & mens. v. 91. seqq.* Sextarium olei facit octodecim tantum vnciarum, cum aquæ & vini esset viginti vnciarum: mellis vero 30. vnciarum:

Illud præterea tecum colibere memento

Finium pondus, varios seruare liquores:

Nam libra, (ut memorant) bessem Sextarius addit,

Set puros pendas latices, seu dona Lyæ.

Addunt semissem libra liuentis oliui:

Selibramque ferunt mellis superesse bilibri.

Atenim ex *hæc leg.* liquet, fuisse sextarium in Vrbe Constantinop. viginti duarum vnciarum, & sex scrupulorum: vncia quippe 24. scrupulos faciebat, ut apparet ex libro eiusdem Prisciani *de nummis vel ponderibus*, quem Symmacho inscripsit, *pag. 1347. inter Grammat. H. Putschii.* Cæteroque sextariorum magna differentia fuit, in Orbe Romano: nam & sextarius *urbicus* ab *Italico* distitit, ut apparet ex Palladio *de re rustica*: cuius sextarii *Italici* meminit quoque Aëtius in confectiōe olei myrthei.

Quinam autem hi Ordines, seu hæc Corpora sint, quibus hac sextarii imminutione consultum voluerit Monaxius P. V. primum, mox & Arcadius? alta nocte premitur. Si coniecturæ locus est, quibusdam Scholis consultum fuisse videtur, atque inter cæteras *Arcadicis*, quæ ab Arcadio Constantinopoli institutæ. Cedrenus Arcadianorum meminit, quinto Imp. Arcadii Anno, & sic Anno D. 399. *pag. 327. Edit. Reg. inter S. R. B. ποιῆ δε καὶ ἰδιον ἀριθμὸν ἐν Κωνσταντινουπόλει, ὃς ἐκάλεσεν Ἀρκαδικὸς, etiam peculiarem numerum Constantinopoli instituit, quos Arcadianos appellauit.* Qui ipsi Arcadiani videntur, quorum non vna mentio in *Notitia Imp. Orientalis*, sub Magistris militum,



256

DE MENDICANTIBVS NON INVALIDIS.

TITVLVS XVIII.

Lib. XI. COD. IUST. Tit. XXV.

De Mendicantibus validis. Ita conceptus Titulus in Cod. Iustin.

De MENDICANTIBVS validis Vrbe Roma exigendis Valentiniani Iun. constitutio.

I. (a) Imppp. Gratianus, VALENTINIANVS & Theod. AAA. ad Seuerum P. V (b)

CVNCTIS adfatim, (c) quos in publicum quæstum (d) incepta (e) mendicitas vocauit, inspectis, exploretur in singulis & integritas corporum, & robur annorum: adque ea (f) inertibus, & absque vlla debilitate miserandis, necessitas inferatur, ut eorum quidem, quos tenet condicio seruilis, proditor studiosus & diligens dominium consequatur: Eorum vero, quos natalium sola libertas prosequatur (g) colonatu perpetuo fulciatur, quisquis huiusmodi lenitudinem (h) prodiderit, ac probauerit: saluâ dominis actione in eos, qui vel latebram forte fugitiuis, vel mendicitatis subeundæ consilium, præstiterunt. Dat. XII. Kalend. Iul. Pataui, Antonio & Syagrio Coss. (382.)

- (a) *Lex unic. Cod. Iustin. eod. tit. GOTHOF.*
 (b) *Seuerus P. V. Romæ sub Valentiniano Iun. Eidem inferibitur inter alias hoc ipso Anno lex 4. supr. de calcie cothoribus: vid. Prosepagr. ID.*
 (c) *Cunctis, adfatim, id est omnibus, qui magno numero sunt. Vox hæc a vulgatis Cod. Iust. abest: in MSS. addita: de hac voce mox. ID.*
 (d) *Quæstum, id est, ἐγανον, stipem. ID.*
 (e) *Incerta, Cod. Iust. An igitur incerta, id est, simulata? Apuleius Apologia pag. 259. Edit. Lugd. B. apud. Ionn. Maire 1623. de paupertate agens quod ea non simulata, sed vere fungimur? Minime. An infecta? non petrans euntibus. Nil mutandum; incerta mendicitas est, quam cuiusdam professionis genere quidam occipiunt, affectant, & sequuntur: mendicantem subetint, vt sine legis dicitur. ID.*
 (f) *Abest a Cod. Iustin. ID.*
 (g) *Rectius prosequitur, vt supr. quos tenet conditio seruilis. ID.*
 (h) *Lenitudo, pro inertia & ignauia, hac leg. & l. 7. supr. de accusat. vbi plura. ID.*

COMMENTARIUS.

DE MENDICANTIBUS in Vrbe Roma validis est hæc Valentiniani Iunioris constitutio data Anno D. 382. Qui scilicet quamplurimi hoc tempore ibi erant, & vt ipse Valentinianus ait, *ad fatim*, id est, κατὰ λόγον, πᾶν, vt est in veteribus Glossis Philoxen. Quomodo etiam in l. 3. supr. de suariis: ita vt populo porcine species adfatim prebeatur; & Victor de Cæsar. in Aurelian. c. 35. simulque vsus porcine carnis, quo plebi Romana adfatim cederet, prudenter mun ficeque prospectauit. Ammianus Marcellinus lib. 14. cap. 6. de eadem Vrbe Roma: horum ipsorum temporum Scriptor: Licet, quocunque oculos flexeris, feminas adfatim multas spectare cirkatas. De Mendicantibus, inquam, est hæc lex, quos in publicum quæstum incepta mendicitas vocauerat, id est, qui non inualidi, sed mendicitatis tantum subeunda consilium & professionem quandam amplexi erant, vt ferme sine legis dicitur: quos mendicitas incepta, seu consilium & propositum mendicitatis in publicum quæstum miserat, qui vt in illo Plauti est, OCCEPERANT quæstum: Quæstum publicum, id est, stipis ad necessarium victum publice atque ostiatim per vias publicas, plateas, vicos, Ecclesias, correctionem: Qua ipsa voce vitur Ambrosius in eadem re, loco quem mox proferam. Quæstus est stipis, ἐγανον, quæ publice interrogabatur a mendicabilis: cuiusmodi etiam fuere Metragyrta olim, qui per plateas Deam Syriam (seu Iliam, Idem Matrem) circumferentes, mendicabant, vnde & circumforanea mendicabula, de quibus præter alios Apuleius Lucianus, Arnobius, lib. 7. aduersus gentes pag. 241. Ed. Stewech. 1604. in 8 Quo etiam illud vulgo referunt Tertulliani Apol. cap. 13. Maestas QVÆSTVARIA efficitur, circuit cauponas religio mendicans. Error enim hæcenus grauis est Virorum doctissimorum, qui hoc loco, hisce verbis, quos in publicum quæstum incepta mendicitas vocauit, indicari putant, popularem annonam mendicis inualidis dari solitam: Imo his verbis mendicabula circumforanea indicantur, stipem publice colligentia, interrogantia, ἐξ ἐγανον τὴν τροφὴν πορίζουτες: quo sensu ipso Galli efferunt vocem Quæstus, la Quæste: qua subsidia quaruntur ad victum necessaria. Et sane de his hic agi, ipsa legis dispositio euincit: Agitur enim de feruis, & colonis aliunde Romam profectis & fugitiuis: qui sane ciues Romanus non erant, quique nullas annonas ciucas accipiebant, vt docuit lex 6. 7. supr. de annoniis ciuicis: Rursum agitur de eorum proditoribus, quod ad publicam annonam percipientes minus pertinet.

Neque etiam Græci hanc leg. aliter acceperunt: τὰς αἰτῶντας, inquit, ἐγανον τὰς καὶ νεῶντας, mendicantes qui sani sunt, & annis vegeti. Synops. Basil. lib. 54 tit. 27. cap. 5. pag. 464. Est igitur hæc lex de Mendicabilis circumforaneis aduenis, ferme in Vrbe Roma versantibus, qui magno numero eo confluxebant, velut in tantam urbem, vt cæteroquin omne hominum genus confluebat, & conueniebat: de quo dixi ex Ammiano Marcellino, Symmacho, & aliis, ad l. 2. de fid. cathol. Igitur cum hi Romæ adfatim magnoque numero essent, Valentinianus Iun. hac constitutione sua, ad Præfectum Urbis Romæ emissâ, discerniculum eorum facere instituit: vt ita fucos, & alimenta inertia quærentes, vt loquitur Valerius Maximus, lib. 2. cap. 6. num. 7. ab hoc quæstu submoueret, qui sola lenitudine, id est, inertia, ignauia, ἐγυαρίαν, atque opus fugientes, mendicantem quæstui habebant: Quod facere solitos indicat hæc lex, tum seruos, tum colonos alienos, dominos eorumque opus fugientes, proculdubio Romam sese eo ex Prouinciis conferentes, ceu magnam Urbem, quæ his latebram facile præbitura esset: vbi effusa præsertim largitas Christianorum erat, pauperibus bona & elemosynas erogantium; quos ideo Pauperum Munerarios, Egentium Candidatos vocat Hieronymus epist. ad Pammachium 26. pag. 106. Tom. 1. Oper. Edit. Francf. 1684. Et id quidem Damasus Episcopatum Urbis gerente tum. Sane in Vaticano potissimum, atque in vestibulo adis Apostolorum hæc pauperum turba stipem petentium erat, vt ex Ammiano Marcellino lib. 27. cap. 3. discimus, & ex Prudentio aduers. Symmach. v. 584. Recentiora omitto. Mens igitur seu sententia Valentiniani Iun. isthæc est vnica, vt inieris huiusmodi & absque vlla debilitate miserarios Vrbe Roma submoueat, vicissimque publicos, Urbemque adeo hisce mendicabilis liberet, atque incondita turba, inutilique pondere terræ. Quo pertinet gemina prouisio seu dispositio Iustini Nouella 80. de Quæstore: quod initium eius quoque ostendit, cap. 4. & 5. Ne videlicet (nam hæc tres causæ reddi possunt) aut priuatos emungerent, aut Ecclesiarum elemosynas exhaurirent, vel denique graues Urbis essent, hac præsertim tempestate, qua inanem turbam, peregrinosque ob annonæ inopiam pelli sæpe conungebat: vt ex Ammiano Marcellino lib. 14. cap. 6. Libanio in Antiochico p. 366 Ed. Morell. Themistio orat. 6. pag. 160. Edit. Petau. 1613. in 8. Ambrosio lib. 3. offic. cap. 7. discimus, & ex Symmacho lib. 2. epist. 7. Quam potestram electionem, cuius

cuius meminere Ambrosius & Symmachus, Anno proximo 383. euenisse censet Baronius, num. 41. Et quid si hoc quoque Anno iam timebatur annonae defectus? ut proinde hæc constitutio seu prouidentia eo referenda videatur.

Media autem ad id perficiendum hæc Valentiano Iun. placent: eo nimirum fine & prodi eos iubet, proditosque inspicere, num integro corpore, num vegeta ætate sint: Proditoribusque huiusmodi fucos, si serui sint, in seruitutem addicit: si liberi, (dominos tamen habentes) colonatui perpetuo subiicit: Seruata tamen dominis actione in eos qui fugitiui vel latebræ, vel mendicitatis consilium præbuerint. Hæc ita Valentinianus. Aetnium Iustinianus, etsi Constantinopoli ad eundem finem collineet, *Nouella 80, cap. 4.* tum circa mendicantes validos αὐτόχθονας, quo pertinet d. c. 5. tum circa aduenas, quo spectat cap. 4. pariter ut hæc lex, paulo aliter tamen rem definit: illos enim operibus publicis addici iubet: hos, ad dominos remitti. *Capitis quarti*, quod huc pertinet, imo quod ad hanc legem ubique alludit, verba hæc sunt: εἰ δὲ βίς πρόσθεν τις, ἢ διὰ τῆς αἰτίας ἐκ ἔχοντες, ἐπὶ ταύτης εἰς τῆς ἡμετέρας πόλεως, ὥστε διαζῆν, ἢ ἐκ τῆς μελαίνης, ἢ (τὰς πρὸς τὰς αὐτῶν ἐπιθυμίας ἐκ ἀρκύνῃ) ἤδη καὶ πλημμελεῖν: τὴν τῶν σωμάτων αὐτῶν καλῶσαι, ὅπως τις ἐστὶν, ἐποπτεύειν: καὶ εἰ μὲν ἐξῆρτο αὐτοῖς τὰ σώματα, δυνατοὶ δὲ ἀρκύν πρὸς πόνον εἶναι: εἰ μὲν εἰκότα τῶν εἶναι, μαθῆναι τῶν εἶναι, καὶ τὰς καὶ ἀκοντας τοῖς κεκτημένοις ἐκπέμπειν: εἰ δὲ ἐλεύθεροι τὴν τύχην, καὶ ἐκ τῶν ἐπαρχίων, ἢ πόλεων ὁρμώμενοι, τὰς ἐκπέμπειν εἰς τὰς ἐξ ὧν εἰσὶν ἐπαρχίας, id est: At si qui litis causam non habentes, tantum comparandi vitæ gratia in hac nostra sunt ciuitate, ut reliquum vitæ vel emendicando, vel si mendicitas ad illorum auiditates non sufficiat, iam etiam delinquendo transigant, corporum eorum constitutionem, qualis sit ea, inspicat: Et si quidem valentibus sine corporibus, possintque ad laborem sufficere, & aliquorum serui fuerint, perdiscat quorum sint, & vel multos ipsis dominis remittat: si conditione liberi sint, & vel ex Prouinciis aliquibus, vel urbibus oriundi, hos in Prouincias remittat, unde ducunt originem. Ita

quidem vertit *Agyleus*, melius quam quomodo Vulgata. Ecce, & hoc caput est de aduenis & quidem fugitiui seruis mendicantibus, atque ea causâ ad urbem accedentibus: rursum & hoc capite pariter ἐπέπεια τῆς καταστάσεως τῶν σωμάτων, inspectio, exploratio corporum iniungitur. Sed in eo huic legi derogatur, quod non proditoribus eos addici velit, verum ad dominos vel in Prouincias remitti. Est igitur, quod recte a Cuiacio adnotatum hæc ἀργίας γράφῃ quædam, quomodo & d. *Nouella* vocatur cap. 10. de qua cæteroquin ἀργίας δική apud Atticos, videndus Plutarchus in *Solone*, pag. 87. Edit. *Wechel.* Pollux lib. 8. cap. 6. Sect. 40. pag. 878. Edit. *Hemsterhuis.* Nicolaus, apud *Stobæum* *Sermon.* 42. pag. 291. Edit. *Tigurin.* 1559. Recte vero Thomas de Aquino animaduertit, hanc legem non loqui de Viris Religiosis, vel vtilibus Reipublicæ, sed de inutilibus. Cuius sententiam firmat omnino argumentum & causâ Historica huiusce legis. Tandem, quod huic vicinum est, Ambrosii quoque, qui eodem tempore scribebat, locus est lib. 2. officiorum, cap. 16. de validis vagisque mendicantibus, & ut Sacerdotes in hos alimoniam seu subsidia pauperum non effundant. Dignus est locus, qui hic adscribatur: Liqueat igitur debere esse liberalitatis modum, ne fiat inutilis largitas, cuius sobrietas tenenda est, maxime Sacerdotibus, ut non pro iactantia sed pro iustitia dispensent, nusquam enim maior auiditas petitionis. Veniunt VALIDI, veniunt nullam causam nisi VAGANDI habentes, & volunt subsidia vacuare pauperum, exinanire sumptum: nec exiguo contenti, maiora querunt, ambitu vestium captantes petitionis suffragium, & natalium simulatione licitantes incrementa QVÆSTIVM. His si quis facile deferat fidem, cito exinanit pauperum ALIMONIIS profutura compendia. Modus adsit largiendi, ut nec illi inanes recedant, neque transcribatur vita pauperum in SPOLIA fraudulentorum. Ea ergo mensura sit, ut neque humanitas deferatur, nec destituatur necessitas. Plerique SIMVLANT debita. Sit veri EXAMEN. Exutos se per latrocinia deplorant, aut iniuria fidem faciat, aut COGNITIO persona, quo propensius iuuentur, &c. Ergo notabilis hæc lex, cui in Rebus publicis bene ordinatis locus sæpe fuit, & esse debet.



DE PRETIO PANIS OSTIENSIS.

TITVLVS XIX.

Abest hic Titulus a Codice Iustiniano.

I. (a) Impp. Arcad. & Honor. AA. Theodoro PF. P. (b)

PANEM Ostiensem, adque fiscalem, vno nummo distrahi volumus. Sancimus autem, ut nullus per sacrum Rescriptum audeat pretium ampliare: (c) qui si obtulerit supplicationem, duarum librarum auri multa ferietur. Dat. Frid. Id. April. Med. Honorio A. IV. & Eutychiano Coss. (398.)

NOTÆ.

- (a) Abest hac lex a Cod. Iustin. Eique iungenda est lex 4. supr. de Canone frum. V. R. GOTHOF.
 (b) Theodorus PP. Italix sub Honorio. Vid. Prosopogr. ID.
 (c) Ampliare pretium, pro augere. ID.

COMMENTARIUS.

PANIS Ostiensis, atque Fiscalis pretium, quod nequidem rescripto Principis augeri possit, definit hac leg. Honorius Imp. Quæ quidem lex prolixioris Honorianæ constitutionis pars est, qua is post Gildonem deuictum Annonæ Urbis Romæ enixe effecte pleneque consultum iuit: ac nominatim Pistorum cura suscepta: tum ipsis consulendo, quo pertinet lex 4. supr. de Canone frum. V. R. (quæ altera Honorianæ istius constitutionis pars est, ac proinde huic coassanda venit:) & retro aduersus Pistores, qto spectat hac lex: Pretio videlicet panis statuto: Panis, inquam, Ostiensis atque Fiscalis.

De hoc pane, illud Primum ex hac leg. liquet eum venditum populo. Sic & Vopiscus, Constantii Imp. æqualis, in Aureliano cap. 48. fiscalia vina dixit. In porticibus, inquit, Templi Solis fiscalia vina ponuntur, non gratuita populo eroganda, sed pretio. Meminit quoque panis fiscalis vetus Glossator Persii, ad illud Satyr. 3. v. 112.

.....populi cribro decussa farina.

Farinam, inquit, panem non delitiosius cribro discussum, sed plebeium de populi annona, id est fiscalem dicit. Neque audio, qui fiscalem illum panem, de quo Scholiastes Persii, cum Gradili eundem faciunt: gradilis enim gratuitus fuit: at fiscalis, ut docet hac leg. pretio venditus. Ergo fiscalis, non quod a fisco donaretur, verum quod e fiscali canone frumentario confectus esset, & ut loquitur lex 4. infr. de operibus publ. ex fiscali copia. Quomodo & fiscalia vina dicuntur Vopisco, quæ de fiscali vini canone erant.

Secundo, ex coniunctione dictæ legis 4. supr. de Canone frum. V. R. conficitur, venditum hunc panem populo a Pistoribus: scilicet ex canone frumenti V. R. pistores frumentum emebant a Caudicariis & Mensoribus, ut docet lex 1. supr. de Canone frum. V. R. atque exinde panem confectum vendebant: qui & ideo fiscalis dictus.

Tertio mea sententia Ostiensis, panis idem videtur cum fiscali: Nempe ideo Ostiensis, quia ad portum ostiensem canon fiscalis omnis subuehebatur: inq. e eo Portu pistores horrea cellulasque habuere, (continendo scilicet frumento, quod ex fiscali copia emerant) quod apertissime testatur

d. lex 4. supr. de Canone frument. V. R. Simili autem panæ, inquit, teneantur, qui aliquid ex his borreis cellulisque, quæ intra Urbem Romam atque in Portu constitutæ, pistorio iure retinentur, sibi met, tanquam possessione priuata, ausi fuerint vindicare. De Portu alioquin Ostiensi iam supr. sæpe dictum: & dicitur adhuc duobus titulis hoc ipso libro, de saccariis portus Romæ, & de patronis horr. Portuens. Huc inter alia pertinet illud Prudentii 2. contra Symmachum, a v. 936.

Respice, num Libyci desistat ruris arator

Frumentis onerare rates, & ad OSTIA Tybris

Mittere triticeos, in pascum plebis, acervos?

Quarto hunc fiscalem panem non de prima nota fuisse, tum ex superiore Persii Scholiaste liquet, tum ex pretio, quod huic panis ponitur hac leg. neque tamen pessimum: quod docet d. lex 1. supr. de Canone frum. V. R. Quare secundum fuisse oportet: qui ut confectus ex frumento quod leuiore pretio pistoribus venundabatur, ut rursum docet d. lex 1. ita & leuiore pretio ipse panis inde confectus venundari hac leg. iubetur: vno scilicet nummo: id est, denario æreo, tunc minutissima: cuius generis lex millia denariorum solidum constituebant. Cassiodorus I. Var. 10. sex millia denariorum solidum esse voluerunt. Hesychius, τὸ λεπτόν ἐξακιοχίλιον τάλαντα, ὃ ἐστὶ νόμισμα ἐν. Denique dispensatorius hic panis fuerit: quomodo panem secundum, non siliginem, (cuius mentio apud Vopiscum in Aureliano cap. 35.) non possemus, dispensatorium vocat, vetus Horatii Interpres ad lib. 2. ep. 2. v. 123. eo quod a populo vulgo dispensabatur: non vero quod e gradibus dispenderetur. Dispensatio, de populari & vulgari impensa & erogatione. Huic igitur panis Honorius ita vnus nummi pretium ponit, ut id rescripto augeri deinceps vetet: & supplicentem duabus auri libris multari iubeat pariter, ut alterum improbæ petitionis genus, tertiamque usurpationis speciem, aduersus vtilitatem annonariam, quinque libris auri multa persequitur dict. l. 4. supr. de Canone frument. Urbis Romæ: quæ huic, ut dixi, coassanda venit.



DE PRETIO PISCIS.

TITVLVS XX.

Abest & hic Titulus a Cod. Iustiniano.

I. (a) Imp. Honor. & THEOD. AA. Anthemio PF. P. (b)

QVI, Ministerii nostri causa, exhibendi (c) piscis cura vel sollicitudine tenentur, plus (d) a se exigere, quam quod emere potuerint, protestantur: Siquidem in tricenis libris sibi solidus ministretur, & multo disparem quantitatem vix ægreque valeant comparare. (e) Ideoque per vicena pondo piscis, primæ scilicet qualitatis, (f) memoratis (g) solidus ministretur. Spatangium sane in primæ qualitatis piscem inputari præcipimus, quod decem librarum pondus sua magnitudine minime excedere videtur. Dat. XVII. Kalend. Maii, (h) Lucio V. C. C. os. (413.)

N O T Æ.

(a) Absent hæc lex a Cod. Iustiniano. GOTHOF.

(b) Anthemius PP. Orientis, sub Arcadio primum, dein & sub Theodosio Iun. vid. *Protopogr.* ID.

(c) Præstandi in Epulis Imperatoriis. ID.

(d) Piscis scilicet. ID.

(e) Solido scilicet. ID.

(f) Qualitas piscis. Sic & qualitas frumenti, l. 9. *supr. de Suariis*: qualitas vini, l. 2. *supr. trib. in ips. sp.* ID.

(g) Ministerialis, qui exhibendi piscis cura tenentur. ID.

(h) Constantinopoli scilicet, ut postero die XVI. Kal. Maii lex 177. de Decurionib. ID.

C O M M E N T A R I V S.

PISCI, qui epulis Imperialibus Constantinopoli exhibebatur a Ministerianis obsonatoribus, pretium ponit hac constitutione Theodosius Iun. Imp. ad ipsorum Ministerianorum protestationem seu querelam. Ministerianorum inquam: hi enim initio legis designantur: de quibus in genere dixi lib. 6. tit. de Castrensiis, & l. 5. *supr. de din. officiis*: quorum etiam sit mentio in *Notitia Imperii* sub dispositione Castrensis fol. 59. Ministeriales Dominici, qui scilicet privato Principis ministerio intra aulam serviebant. Quo sane Ministerialium numero fuerunt & Obsonatores: quorum mentio apud Spartianum in *V. Hadriani*, cap. 17. de quibus hæc lex accipienda est. Ἀγορασταί, qui scilicet præstarent, quæ vñui erant ad Principis epulas, τέχνης ὀψωνιτικῆς callentes. De obsonatoribus in commune, qui in Magnatum familiis erant, est insignis Ambrosii locus, lib. de *Helia & ieiunio* cap. 8. pag. 530. Tom. I. Oper. Edit. Paris. 1614. f. vbi inter cæteras cupedias, & obsonatoris inquisitionem, ponit querentem, vbi PISCIS recentior esset: similesque in aulis Imperatorum hoc ævo obsonatores ὀψωνῶντες, & quidem piscium: inter quos erant pisces Ægæi maris. Quo forte pertineat Pacati locus in *Panegyrico ad Theodosium*, cap. 14. vbi luxum quorundam, & quidem etiam Principum perstringens, ait illis demum cibis eos acquievisse, quos extremus Oriens, aut positus extra Romanum Colchis imperium, aut famosa naufragiis maria misissent. Huiusmodi nempe fuit mare Ægæum: de quo dixi ad l. ἀξίως 9. de leg. Rhod. de iact. Et vero ad hanc Piscis ἀγοραστίαν gulæque delicias spectat hæc lex: Quæ docet, inique cum his Ministerianis obsonatoribus comparatum fuisse hac tempestate, quod cum ipsi piscem ad Epulas Imperatoris maiore pretio emere a piscatoribus cogerentur, utpote siue magno tum in piscibus cœmendis populi luxu Constantinopoli, velur in magna vrbe, quem Antiochenis exprobat Iulianus in *Misopogone*, siue piscatorum avaritia; minus tamen pretium his ministraretur, seu quod plus piscis ab his exigeretur, quam quod emere potuissent: proculdubio cum

Tom. V.

Castrensis S. P. rationes eorum expungeret, sub cuius dispositione erant Ministeriales isti: qui & ideo rationibus Castrensiis dispungendis, peculiare *Tabularium* habebat, tum ipsius Imperatoris, tum & Augustæ: quod utrumque in *Notitia Imperii* utriusque memoratur fol. 59. & 146. *Tabularium Dominicum: Tabularium Dominae Augustæ*. Igitur pretium pisci & quidem Echinosaurum speciei ponitur hac constitutione: & sic piscatorum in Vrbe Constantinopolitana, vel ad eam venientium auditati modus ponitur. Piscatorum, inquam, qui in mari præsertim Ægæo piscabantur, piscesque captos Constantinopolim deferabant: ut cæteroquin semper nimia piscatorum ἰχθυοπώλων avaritia fuit: de quo venustissima iam olim querelæ apud Athenæum l. 6. c. 1. 2. Quo pertinet etiam monopolium piscis, ac nominatim Echinosaurum (in quibus spatangium, de quo mox) & pectinum, quod nonnulli vel Principis rescripto, vel sua auctoritate usurpabant: ut & illicita conventio inter eos, ut non minoris quam inter ipsos conventum fuisset, venderent. Quod utrumque damnat Zeno, l. vnic. Cod. Iust. de monopolis.

Pretium igitur pisci primæ qualitatis nominatim hac leg. ponitur, nempe quia huius ad Principis epulas vñus erat: Ita nempe res annonariæ per qualitates, ποιότητας, distinctæ erant: Ita pessimæ qualitatis frumentum memoratur l. 9. *supr. de Suariis*: Ita vini singulæ qualitates, l. 2. *supr. tributa in ips. speciebus*. Quare & ita nunc quoque piscis primæ qualitatis dicitur, qui in pretio magis & dignus epulis Imperatoriis. Quo quidem etiam piscis primæ qualitatis numero hac leg. a Theodosio dicitur. *Spatangium*, Echini genus fuit maximum: Hesychius, σπαταγγαί, οἱ μεγάλοι ἔχιδνες, οἱ θαλάσσιοι. Aristoteles 4. *hiss. animal.* c. 4. num. 186. pag. 454. Edit. Maussacii. ἀλλὰ δὲ δύο γένη (ἔχιδνες) τὸ τε τῶν σπαταγγῶν, καὶ τὸ τῶν καλαμμένων βρισάνων. (vel βρύττων,) γίνονται δὲ ἑτοὶ πελάγιοι, καὶ σπάνιοι. ἔτι αἱ ἐχνομήτρου καλούμενοι, μεγάλα πάντων μέγιστοι: alia genera duo, alterum spatagorum, aliorum bris-

orum:

forum: ii in alio agitant, atque infrequentiores sunt. Præterea echinometra omnium maxima. Cuius loci partem priorem allegat Athenæus lib. 3. cap. 12. qui addit, Spatangorum meminisse Sophronem: sed & Aristophanem in *Holcadibus*, his verbis: *Δαρδάπλοντα, μισύλλοντα, διαλέχοντά με τὸν κάτω σπαταγγήν*: id est, *Perfodientem, discindentem, lingentem inferiorem meum Spatangem*. Qui de piscibus scripserunt, memorant, spatangium capi in insulis Maris *Ægei*: & rarius capi, quam alios echinos: sed quo maiores, eo delicatiores existimari. Maximum vero eius pondus decem librarum *hæc leg.* dicitur: quod & ideo videbatur non primæ piscis qualitati annumerandum: Sed tamen ideo annumeratur, quod rarus hic piscis esset, atque adeo ratione sua primæ qualitati sese commendaret. Pretium igitur tandem hoc ponitur primæ qualita-

tis pisci, atque adeo & Spatangio, ut videlicet Obsonatoribus Principis solidus, non ut antea pro tricenis libris, verum pro viginti libris præbeatur seu ministretur: & sic pro duobus Spatangis decem librarum, solidus.

Observandum tandem, hanc *legem* inscribi *Arthemio PP.* qui ut cæteroquin atque in commune summam Imperii Theodosii iun. administrabat, de quo vel *Socrates lib. 7. cap. 1.* ita & *Aula* eiusdem Imperatoris præfuit, eiusque dispositionibus Orbis paruit: vid. *leg. unic. infr. de frument. Alex.* & Urbis Constantinopolitanæ commodis plurimum consuluit: atque inter cætera etiam nouo muro Constantinopoli excitato, teste eodem *Socrate, d. loco*: & ex eo *Niceph. lib. 14. cap. 1.* quo pertinet etiam hoc ipso Anno & mense *lex 51. infr. de operib. publ.*



DE NAVTIS TIBERINIS.

TITVLVS XXI.

Lib. XI. COD. IVST. Tit. XXVI.

I. (a) Impp. VALENTINIANVS & Valens AA. ad
Symmachum P. V. (b)

QVI nauem Tiberinam habere fuerit ostensus, onus Reipublicæ necessarium agnoscat. Quæcumque igitur nauigia in alueo Tiberis inueniuntur, competentibus & solitis obsequiis mancipientur, ita ut nullius dignitas, aut priuilegium ab hoc officio vindicetur. (c) Dat. VIII. Id. Octobr. Altino, (d) Diuo Iouiano & Varroniano Coss. (364.)

NOTÆ.

(a) *Lex unic. Cod. Iustin. eod. tit.* Augendæ autem huic sunt *lex 16. supr. quorum appell. non recip.* Imo & *lex 7. supr. de penis*: neçnon *lex 7. supr. de Pistoribus*: quarum tamen Inscriptiones variant: nam ut *hæc lex*, ita & *d. l. 16.* Symmacho P. V. inscribantur: Atenim *lex 7. de penis* inscribitur *Arthemio* (Correctori videlicet *Lucianæ & Brittiorum*.) *lex 7. de Pistoribus*, *Vauentio P. V.* ubi substituendum omnino *Symmachii* nomen, ostendi. **GOTHOF.**

(b) *Symmachus P. V.* Romæ sub *Valentiniano Sen.* Epistolographi pater: vid. *Prosopogr. ID.*

(c) *Excipiatur*, id est, *vindicetur.* ID.

(d) *Acc. XVI. Kalend. Nouembr.* hoc addendum ex *d. l. 16. ID.*

COMMENTARIVS.

NAVEM in Tiberi habentes, a subuectione canonis vrbicarii, excusari quacunq; dignitate aut priuilegio, vetat *Valentinianus Sen. hæc leg.* Quæ prolixioris *Valentinianæ* constitutionis pars est: qua is *Annonæ vrbicæ* neque vna ratione consultum iuit: ut ex plerisque *legibus* apparet, quas huic coassandas in *Notis* ostendi. Cui quidem *legi* præterea concordant duæ constitutiones *Arcadii & Honorii, titulo, de nauibus non excusandis, lib. 13. t. 7.* & *Theodosii Iun. Nouella 15. de nauibus ultra duorum mill. capacis. non excusan.* & *Nouella Valentiniani III. inter Theodosianas 36. de Nauiculariis ampicis, in fin.*

Illud tantum obscurum, utrum *hæc lex* accipienda sit de priuatis, qui non quidem professione & functione nautæ sunt, sed qui naues tantum in Tiberi habent: sic ut id *hæc leg.* indicetur, si quando extra ordinem priuatorum quoque nauibus opus sit, ad subuectionem canonis Vrbicarii, neminem excusari posse, ut cæteroquin ab huiusmodi extraordinariis functionibus, sed *Reipubl. maxime necessariis*, nemo excusatur: de quo proprie est *d. tit. de nauib. non excus. & diste Nouelle.* An vero de Nautis Tiberinis, & Caudicariis, de quibus ad *l. 2. supr. de Pistoribus.* Quod suadeat titulus, sub qua *hæc lex* posita est, de *Nautis Tiberinis*: tum il-

la huiusce legis: *competentibus & solitis obsequiis mancipentur*. Nisi verbis illis indicari putemus, non canonicam functionem, verum solitam iam olim in casum necessitatis. Sane de Nautis & Caudicariis hoc accipiendum tertio adhuc argumento inducatur quis, quod de Pistoribus pariter sua pistoria functione eadem illa constitutione, (unde lex hæc desumpta est,) actum fuerit: puta l. 7. *supr. de pœnis*: l. 7. *supr. de Pistorib.* quæ huic uti dixi coniungendæ sunt. Sed tamen malim ipsæ de

omnibus Nautis, seu omnibus naues in Tiberi habentibus, *hanc legem accipere*.

Illud non prætereundum, datam *hanc leg.* p. 201 mense Octobri, quo tempore fruges in urbem subuehebantur: Tiberis enim (quod Plinius notat lib. 5. *epist.* 6.) *nauium patiens, omnes fruges deuehebat in urbem*, HÆME duntaxat & Vere: Æstate summittebatur, immensique fluminis notum arenæ alueo deferebat; AUTVMNO resumebat.



DE SACCARIIS PORTVS (*) ROMÆ.

TITVLVS XXII.

Abeſt hic titulus a Cod. Iuſtiniano.

(*) De hoc Portu Urbis Romæ dixi prolixè ad l. 9. *ſupr. de Suariis*: & ad l. 3. *ſupr. de calcis coctoribus*: & tit. prox. de Patronis horreorum Portuenſium.

I. (a) Impp. VALENTINIANVS & Valens AA. ad Symmachum P. V. (b)

OMNIA, (c) quæcunque aduexerint priuati ad Portum Urbis (d) æternæ, per ipsos Saccarios, vel eos qui ſe huic corpori permiscere deſiderant, Magnificentiæ (e) Tua iubeat comportari: & pro temporum varietate mercedes, conſiderata iuſta æſtimatione, taxari: ita ut ſi claruerit, aliquem priuatum per ſuos aduenticias (f) ſpecies comportare, quinta pars eius ſpeciei ſiſco lucratiua (g) vindicetur. Dat. VI. Id. Iun. Naiſſo, Diuo Iouiano & Varroniano Coſſ. (364.)

NOTÆ.

(a) Abeſt hæc lex a Cod. Iuſtin. Iungenda autem huic, lex 5. 6. *ſupr. de Pistoribus*: lex 2. *ſupr. de calcis coctoribus*: lex 1. *ſupr. de Canone frum. V. R.* lex 12. *infr. de operibus publicis*. Imo, ut cenſeo quoque, lex 5. *ſupr. de pœnis*. GOTHOF.

(b) Symmachus P. V. Romæ ſub Valentiniano Sen. Epistolographi pater: vid. *Proſopogr.* ID.

(c) Aduenticias ſpecies: ut mox *infr.* ID.

(d) Romæ. ID.

(e) Magnificentiæ, titulus P. V. vid. *Notitiam.* ID.

(f) Aduentitiæ ſpecies, vel adueſtitie. Ammianus Marcellinus lib. 14. cap. 8. *Antiochia*, cui non certauerit alia, adueſtitis ita adfluere copiis & internis: & lib. 15. cap. 11. *Belge* noſt aduentitiis effæminati deliciis. Et mox: *Aquitani*, ad quorum litora merces aduentitia conuehantur: & lib. 14. cap. 2. cum aduentitium nihil inueniretur. Inueſtitium, Ambroſio III. off. 7. ID.

(g) Lucratiua ſiſco vindicari, id eſt, ſiſci lucro vindicari. ID.

COMMENTARIVS.

DE MINISTERIIS, ſeu OPERIS duabus in Portu Urbis Romæ occupatis, quæ inde Portuenſes dictæ ſunt, hi duo tituli puta 22. & 23. Cuiusmodi plures operæ Portuenſes in Portu Urbis Romæ circa Annonam Urbis Romæ occupatæ erant. Quarum meminit quoque Ambroſius Ep. Tom. V.

62. Edit. Paris. 1614. Apparitor, inquit, *Præſectura*, qui propter operas Portuenſes offeſſam contraxerat. Hic vero titulus ſeu hæc lex vnic, eſt nominatim de SACCARIIS Portus Romæ. Saccarii ſunt, ut vel ex hac leg. diſcimus, qui ſpecies aliunde adueſtas, ἀγώγιμον omne, comportant, qui ſaccis geſtandis operam

operam suam mercede locant. Ita Paullus l. 40. §. 3. D. de contrabenda empt. Si quid ex sacco saccarii cecidisset. Vnde & Apuleius dixit lib. 1. Metamorphos. pag. 5. Edit. Lugd. B. apud Ioan. Maire. 1623. saccariam facere, hoc est saccis gestandis operam suam locare, & inde quantum facere. In eam consulit OPERVLAS, etiam, quas adhuc VEGE-TVS saccariam faciens merebat. Errant enim, qui contra omnium quoque Codicum fidem, ibi substituant sagariam (cuius mentio alioquin in Pandectis) Quos refutat vel leuiter locus ille inspectus; neque enim operularum vox conuenit sagariæ negotiationi, verum saccariæ compositioni, baiulationi: item quid vegeto cum Sagario? immo Saccario, quem vegetum maxime esse oportet, id omnino conuenit. Hinc & Ammonius Plotini Magister, quem Suidas voc. πλατῖνος, discrete σακκοφόρον prius fuisse ait, Saccia dictus videtur, apud Ammianum Marcellinum lib. 22. cap. 16. & Suidam in Ὀρίγνης. Frugis & olei baiulos hos vocat Symmachus, lib. 10. epist. 27. Quin & cadente Latinitate saccus ipse saccarium dictum in Instrumento plenariæ securitatis Anno Iustiniani 38. Alio sensu σακκοπλῶν, saccarius, in Glossis Cyrilli. His similes erant πρῶτε μοι, quos μισθὸν κομισόντας τὰ ὄνια ἀπὸ τῆς ἀγορᾶς, mercede portantes venalia ex foro, interpretantur Hesychius, & ex eo Suidas. Hodie alicubi in Gallia Saccars vocant Vesoillones: de quo Richardus, in antiquit. Diuion. p. 18. Hi saccarii nostri sunt, quos Crocheteurs vocant. Huiusmodi saccarii igitur in Portu Vrbis

Romæ (de quo portu iam multoties) erant, comportandis speciebus eo aduectis: Neque tantum publicis speciebus comportandis in horrea publica fiscalia, pistoria: Verum insuper & priuatorum. Adeo quidem ut priuatorum species resque non ab aliis quam a Saccariis istis comportari velit Valentinianus, ut maxime per suos id facere possent: quinta alioquin parte speciei fisco vindicandæ, quæ quintæ partis confiscatio notanda est; vti notandum quoque hic monopolii cuiusdam genus & priuilegium, scilicet, priuilegii loco id datum saccariis a Valentiniano, ut ita quod hac leg. indicatur, corpus hoc Reipublicæ necessarium repleretur, & huic corpori sese multi permi-scerent, quin & ut gnauius publicis speciebus comportandis incumberent, neue his, dum ob vrbicarium Canonem in Portu Vrbis ferme vocantur, defuit quo vitam tolerare suam possint. Ergo Annonæ vrbicæ fauore id ita constitutum a Valentiniano hac leg. Quæ prolixioris constitutionis pars est, qua in vniuersum Annonæ Vrbicæ consultum iuit: cuius sex præterea fragmenta hoc Codice exant: quæ in Notis iam indicaui, quæque adeo huic leg. coassandæ veniunt.

Cæterum, quod secundum huius leg. caput est, Saccariis his Mercedis modum & æstimationem taxari iubet Valentinianus a Præfecto Vrbis, pro temporum varietate, considerata infra æstimatione: Quæ in praxi mercedis omnis & salarii taxationi conueniunt: de quo tractatu de salario.



DE PATRONIS (*) HORREORVM (**) PORTVENSIVM.

TITVLVS XXIII.

Abeſt hic Titulus a Cod. Iuſtiniano.

(*) de Patronis horreorum Portuensium agitur quoque l. 9. ſupr. de Suariis: vbi iam dixi.

(**) de Horreis Portuensibus dictum ad d. l. 9.

I. (a) Impp. Arcad. & Honor. AA. Meſſalæ PF. P. (b)

PATRONOS horreorum Portuensium ſingulis tantum annis præſſe decernimus, omni ſubreptione ceſſante: ne vnquam veteris erogationis ratiocinium nobis (c) commeantibus inferatur: nec vltra tempus conſtitutum quifpiam ſibi adminiſtrationem horreorum Portuensium fraudulenter vſurpet, niſi prioris anni ratiocinio ante deducto, in alium annum, quaſi fidelis iam & idoneus, ſubrogetur. Dat. VI. Kalend. April. Altino, Stilichone & Aureliano Coſs. (400.)

N O T Æ.

(a) Abeſt & hæc lex a Cod. Iuſtiniano. GOTHOF.

(b) Meſſala PP. Italia ſub Honorio Imp. vid. Proſepogr. ID.

(c) γε. noBis commeantibus, id eſt, nouis comeantibus; de quo mox. ID.

DE PATRONIS horreorum Portuensium est hæc Honorii constitutio. *Horrea Portuensia* sunt, quæ in Portu Urbis Romæ erant, condendis speciebus annonariis Urbis Romæ, seu in quibus Urbis Romæ canon condebatur: de quibus ad l. 12. *infr. de operib. publ.* Quomodo & ipsæ species in his conditæ condita Portuensia dicuntur l. 9. *supr. de Suariis*. Qui vero eas admetiebantur, *mensores Portuenses*: d. l. 9. de quibus ad l. 1. *supr. de Canone frum. V. R.* Aliæque similes personæ plures, circa Portum & Canonem Urbis Romæ occupatæ erant: quo numero, & Caudicarii fuere: de quibus ad l. 2. *supr. de pistor.* & saccarii Portus Romæ: de quibus *titulo supr. prox.* de omnibus operis Portuensibus semel dixi ad d. l. 9. & ad l. 3. *supr. de calcis coctorib.* Horum vero horreorum Patronus quidam erat: id est, horreis istis Portuensibus præerat, horrea administrabat, erogationis, seu eius quod ex horreis erogabatur, ratiocinia tractabat: *ut hac leg. indicatur: seu, ut dicitur d. l. 9. de Suariis*, custodiam Portuensium conditorum suscipiebat. *Commis au Grenier*: qui quidem, *ex ea leg. a Patronis Caudicariorum & Mensorum totius corporis consensu* eligebatur. De hoc igitur horreorum Portuensium Patrono, seu custode & Administratore id *hac leg.* cauetur, ANNŪAM tantum eius administratio-

nem esse oportere: vel saltem, non ante continuandam, quam prioris anni rationibus redditis: quam perpurgatis rationibus: *Ne unquam veteris erogationis ratiocinium nouis commeatibus inferatur*; ita enim hic locus restituendus est: id est, ne plurium annorum rationes commisceantur. *Noui commeatus* opponuntur hic veteris erogationis, seu prioris anni ratiocinio. Quomodo & l. 18. *supr. de annona*, ad populum, V. R. dicitur, *Eius anni atque Indictionis exordio, qua nouum denovo annona commeatibus poscit obsequium. Commeatus pro canone frumentario, hac leg. & l. 7. infr. l. 32. supr. de Nauicul. l. 3. ne conlat. transl.* eodemque sensu sæpe apud Lampridium, Amm. Marcellinum, Symmachum, Ambrosium, alios, id est, qui etiam alias *cataplus*, & *embola*. *Nouus* itaque *commeatus*, hac lege est alterius anni commeatus. Cæterum circa susceptores simile quid omnino statuitur l. 11. *supr. de Susceptorib.* Postea tamen Quinquennale Patroni istius munus factum, d. l. 9. *supr. de Suariis*.

Ex hac interim leg. ad proximum exemplum quoque desumi potest, ratiocinii per singulos annos reddendi ab his, qui ratiocinia tractant: neque ante cuiusquam in eodem ratiocinio & administratione continuandi, nisi prioris anni ratiocinio ante deducto, id est, redditis rationibus.



P. 262

DE MENSIS OLEARIIS.

TITVLVS XXIV.

Abeſt hic *Titulus a Codice Iustiniano.*

I. (a) Imp. CONSTANTINVS A. ad Cerealem P. F. (b) Annonæ. (c)

MENSÆ oleariæ, quæ ita caducæ fuerint, ut nullius (d) possit adhærere (e) dominio, (f) vicenis follibus per officium (g) distrahantur. Sed si quis mensam oleariam, prædictis follibus emptam, cariore pretio vendiderit, ferreis vinculis constrictus ad Illyricum transmittatur, pœnam congruam luiturus. Si quis autem, mensam oleariam in dominio (h) suo retinens, viuendi cursum impleuerit, eandem mensam ad successores proprios, cum reliquis suis rebus, hæreditario poterit iure transmittere. Dat. Kalend. Mart. Nicomedie, (i) Acc. VIII. Id. April. Romæ, Ianuarino & Iusto Coss. (328.)

NOTÆ.

(a) Abeſt hæc lex a Cod. Iust. GOTHOF.

(b) Cerealis hic idem forte est, qui sub Constantio *Prefectus V.* fuit. De quo & illud Scholiastes ad ea verba Iuuenalis *Satyra X. v. 24. 25.*
-----*ut maxima toto*
Noſtra ſit arca foro.

Vſque ad Cerealem, inquit, Prefectum in foro Traiani Arcas habuerunt Senatores, in quibus argentum aut pecunias tutius deponebant; propterea & locus ipſe, in quo erant Arce poſite, OPES diſta ſunt: vid. Proſopogr. ID.

(c) Urbis Romæ: ut etiam ostendit subscriptio legis *Acc. Roma. ID.*

(d) Superiores omnes editiones habebant *nullus* at recte in *Parisiensi* *repositum nullus*: sed eadem, mutatum oportuit, *poſſit*, in *poſſint*. ID.

- (c) *Adherere*: nempe mensæ hæ personis adhererebant, eorumque hæredes consequerentur: vt *fin. leg. 1D.*
 (f) *Opponitur* mox mensa olearia, *quam in suo dominio quis retinet. 1D.*
 (g) *Officium Præfecti annonæ* scilicet tuum. *1D.*
 (h) *Huic opponuntur mensæ caducæ, quæ nullius adherent dominio. 1D.*
 (i) *Nicomediæ* his *COSS.* hoc tempore constitit Constantinus. Quod etiam diserte testatur Chronicon Alexandrinum *his ipsis COSS. pag. 662. 663. Edit. Rader.* De hac ipsa Constantini mora accipiendum, quod Socrates scribit, *lib. 1. cap. 27.* ubi etiam nominatim *Pfamatbie* suburbio Nicomediæ moratum Constantinum docet. Ibidem & non semel antea constitit Constantinus, imo & postea ibi baptizatus, & mortuus in Achryone suburbio Nicomediæ Ann. D. 337. De Basilica ab eo Nicomediæ restructa, vetus Orbis descriptio *cap. 32.* ubi dixi, vid. plura in *Chronolog. 1D.*

COMMENTARIUS.

OLEUM etiam non tantum ad vsum militum alicubi collatum, *l. 17. de cohortal.* sed & Vrbicarii Canonis pars fuit, tum in Vrbe Roma; quo pertinet hæc lex Constantini M. vt docet tum Inscriptio, tum Subscriptio, *Acc. Romæ: & Valentiniani lun. lex 2. seu vltim. supr. de Curat. Kalendarii: & Honorii lex 3. supr. de Canone frum. V. R.* tum in Vrbe Constantinopolitana, quo spectat Arcadii *lex vltim. supr. de annonis ciuicis.* De quo alioquin oleario canone dixi iam affatim ad *d. l. 3. supr. de Canone frum. V. R.* etiam ex *Historie Auguste* Scriptoribus & *Symmacho.* Cuius & specialis Arca fuit, haud aliter atque Arca frumentaria, vt docet *d. lex vltim. supr. de Curator. Kalendarii.* Atque hoc Primum de Oleo isto notandum est.

Secundo notandum, Oleum istud ex parte, pariter vt panem, populo & quidem Romano gratuitum datum: quod vt *Historie Auguste* Scriptoris restantur, ita ex hac quoque *leg. & d. l. vltim. supr. de annonis ciuicis* discimus, ad gymnasiorum videlicet & balnearum vsum, de quo pariter ad *d. l. 3.* Quomodo & oleum ex priuata liberalitate vel legato sæpe præbitum, de quo sunt quoque variae Inscriptiones.

Tertio notandum, modum olei, qui singulis præstatur, *Mensam oleariam* dictam, quod hæc lex aperte testatur. Pub. Victor sane libro de *Regionibus Urbis Romæ*, in collectione Urbis, post descriptas singulas vrbis Regiones, post cohortes & castra, quæ in Vrbe Roma erant, *mensarum* quoque *oleariorum* numerum colligit: *Mensa*, inquit, *olearia LXXIV. alias XXIV. millia.* Vnde colligat quis, totidem mensas publice positas fuisse diribendo, diuidendo per populum oleo. Et si putaret quis, potius ad mensas quidem publico loco oleum populo erogatum, vt panis de gradibus præbatur, ita vt sciret quo loco suum quisque modum & dimensum accipere deberet, non tamen quod totidem separatæ mensæ essent (id enim incredibile videatur) sed quod plures essent ad totidem dimensa distribuenda. Sed tamen cum P. Victor inter loca Urbis Romæ has mensas ponat, contrarium colligat quis. Certe *mensa* dicta videatur, pro *dimensa*, seu dimensione: quomodo *Missa*, pro *missione*, id genus alia. Vt vt sit, non est hoc accipiendum de mensis Oleariorum *ἐλαιωπώλων*, qui in velabro mensas suas habebant: de quibus Plautus in *Capitiuis Act. III. scen. I. v. 28. 29.*

Pergo ad alios, venio ad alios, deinde ad alios: una res,

Omnes compaſſo rem agunt, quasi in velabro Olearii.

Neque mensæ istæ oleariæ interpretandæ, in quibus expositæ erant mensuræ oleariæ, quæ pertine-

bant ad *ἐλαιωπώλων*, quorum Corpus fuit pariter vt aliorum Negociatorum, & sic proprie venditum. Certe Mensæ fuerunt & Nummulariorum, vt de Mensularii: sic & in quas ferui venales ascende-
 bant, vt venum exponerentur, *τράπεζαι* dictæ Polluci *lib. 7. cap. 2. Segm. II. pag. 692. Edit. Hemsterhuis.* Fuit & Macellarius & coquis & laniis sua mensa, quæ *Lanionia* vocabatur. Calculones etiam suas habuere mensas, seu *λογιστηρίας τράπεζας.* Verum hæc nihil ad mensas nostras olearias pertinent, quæ non fuere *ἐλαιωπώλων*, verum olei publice in populum erogati, expensis: quod & huius tituli positio ostendit, & lex ipsa.

Quarto notandum ex Inscriptione huius *leg. Mensas* has Olearias, & sic olei præbitionem istam, ad Præfecti Annonæ partes & dispositionem pertinuisse: quod ex duobus aliis insuper locis discimus. *Lampridius Alexandro cap. 22. Oleum quod Severus populo dederat, quodque Helio-gabalus imminuerat turpissimis PRÆFECTVRAM ANNONÆ tribuendo, integrum restituit. Symmachus lib. 10. epist. 48. Olei tantum species victum plebis tenuit inuicta sollicitat: Cuius rei V. C. PRÆF. ANNONÆ, partium suarum diligens executor, Pratoriana Amplissima Præfectura, vt ipse asserit, dudum fecit indicium, missis de more Breuibus, quæ angustias patefacere Conditorum.*

Quinto (quod alterum legis caput est) de his Mensis Oleariis notandum, eas hæreditario iure transmissas cum reliquis rebus ad successores: imo & vendi potuisse: de quo mox plura.

Tandem notandum, certis casibus caducas eas factas fuisse; de quo mox. Nunc enim de lege nostra.

Duo hæc Constantini M. Constitutione, de Mensis istis Oleariis continentur. Primum quid de CADUCIS mensis oleariis faciendum sit. *Caducæ mensæ* sunt, quæ fisco ob Caducitatem, adquirebantur, seu in horreorum conditis reseruantur: puta si *mensa nullius dominio possit adherere*, vt hæc lex loquitur, in nullius domini retineretur: vt puta quia, qui mensam illam habebat, in nullum ea translata vel vendita, vel hærede nullo relicto, decesserat. His scilicet casibus mensæ oleariæ caducæ fiebant. Quomodo & panes itidem qui de publico dabantur certis casibus caduci fiebant, *l. 1. 7. 3. supr. de annonis ciuicis: & l. 2. supr. de studiis lib. V. R.* vnde pariter caduci panes dicuntur *d. l. 1. caduca popularia, d. l. 2. de studiis lib. item annonæ vacantes, d. l. 8. supr. de annonæ & trib.* Has igitur Mensas Olearias caducas, per Officiales Præfecti annonæ (sub cuius dispositione annonæ vrbica erat,) distrahi seu vendi iubet Constantinus M. *viginti Folliis.* De Folliis anceps

anceps est alias disputatio: quorum etiam variis locis hoc Codice fit mentio; præter hanc legem, in-
super l. 2. 4. *supr. de Senatorib. & gleb. coll. l. 5. 21.*
supr. de Prætoribus: l. 2. 3. supr. quorum appell. l. 1.
supr. si quis pecun. conflau. l. 3. supr. de Veteranis:
l. 3. supr. de Suariis: & Nouella Martiani de indul-
gentiis reliquorum 2. De eo duo cumprimis insignes
loci occurrunt: vnus Epiphani lib. de ponderibus
& mensuris in fin. & alter Glossarum Nomicarum,
vel potius apud eum Hesychii Illustrii sexto His-
toriarum voc. Φόλις. Sed & illud Heronis in frag-
mento, περί σαθμῶν. ἡ Φόλις ἐκεί. ἀργύρια πλη-
ροί, καλεῖται δὲ παρὰ Ῥωμαίους θύλακ.
Et fragmentum vetus περί σαθμῶν ex Epiphanio:
βαλλάντιον παρὰ τὸ βαλλαν: ἐστὶ δὲ σαθμός τι
βαλλάντιον, ὃ καὶ Φόλις θηναίων ἐν. (*) Sed
cum vario significato folles accipitur, quod ostendit
cum maxime Hesychii locus ille; duplici, *hu-*
ius Codicis constitutionibus accipitur. Vel enim
κατὰ θηναρισμὸν pro specie nummorum æreorum
folles dicuntur: vt cum Constantinus M. l. 3. *supr.*
de Veteranis, viginti millia follium veteranis dari
iubet ad cōmenda ruri necessaria: & negotiantibus
centum (millium) follium summam immunera
habere permittit. Item cum Constantius l. 3. *de*
Pistoribus, definiens quantum tres Præturæ ex-
pendere debeant, ait primam expendere 25. millia
follium & 50. libras argenti: secundam, 20. mille
follium, & 40. libras argenti: tertiam, 15. millia
follium, & 30. libras argenti. Item cum idem
Constantius statuit, l. 1. *si quis pec. confl.* ne quis
plus mille folles pecuniæ in vsu publico constitutæ
animalibus propriis sumptuum gratia portet. Item
cum Iulianus statuit, l. 3. *supr. de Suariis*: vt seni
folles, pro singulis libris porcine dentur. Atenim
κατὰ ἀργυρισμὸν pro maiore pecuniæ summa fol-
les accipiendi sunt frequentibus legibus: vt cum
Constantinus M. l. 2. & 3. *supr. quorum appell. non*
recip. a præiudicio vel ab executione appellantis
pœnam 30. follium imponit. Item cum Valens
l. 21. *de Prætoribus*: de Senatoriis facultatibus
agens, ait, cum duos folles, aut quatuor, aut certe
amplius in professionem habebunt: Item cum Theo-
dosius l. 2. *de Senatorib. & gleb. coll.* a Senatoribus
possessionem non habentibus duos folles præstari
iubet: Idemque l. 4. *eod. tit.* cum præbitionem fol-
lium implere non valentes, saltem septem solidos
præstare iubet. Tandem cum hac leg. Constanti-
nus M. mensas olearias vicenis follibus vendi non
vltra iubet. Folles priore significato duobus minu-
tis nummis constabat: Φόλις δὺς λεπτοὶ κατὰ τὸν
θηναρισμὸν, inquit Epiphanius l. c. ἀλλ' ἔ κατὰ τὸν
ἀργυρισμὸν, seu obolo. Suidas voc. ὀβολὸς Κο-
ρινθίους: ὀβολοὶ εἰσὶν, ὅς καλεῖται Φόλλεις.
Moschopulus ὀβολός ἡ Φόλις. Cedrenus annō 24.
Leonis Isauri pag. 458. Tom. I. in fin. Edit. Reg.
Κεράτια, δὲ αἱ ἡβ. Φόλλεις ἀνομαδοῦσαν: cera-

tia autem appellantur duodecim folles. Posteriore
significatu folles duobus argenteis, seu duabus mi-
nis & Semis, constabat, qui conficiebant 250. de-
narios, ac proinde quorum singuli denarios cen-
tum efficiunt, ὑπὸ δύο ἀργύρων καὶ ἡμισυ συγ-
κείμενον, οἱ γίνονται σν. θηναρία, inquit Epipha-
nius: & vt Glossæ Nomicæ habent: Φόλις σαθμός
ἐστὶ λεγόμενος καὶ βαλλάντιον: ἔλκει δὲ θηναρίας
διακοσίας πενήτηκοντα: τέτρετι λίτρας τιβ. καὶ
ἐγγύας ἐξ: ὡς ἔχοντες ἐκάστη θηναρία λίτραν α.
καὶ ἐγγύας γ. Plura dicturi sunt quibus propo-
situm scribere de re nummaria. Nos ad legem no-
stram redeamus.

Igitur Constantinus Mensas Olearias vicenis
follibus non vltra de fisco emi, vendique rursum
iubet: adeo quidem vt iubeat pluris vendentem
postea ferreis vinculis constrictum in Illyricum
transmitti, pœnam congruam luiturum: vbi tria
notanda sunt. Primo quod ait, ferreis vinculis
constrictum. Nempe vineti, & quidem vinculis
ferreis rei transmissi. Ita pariter l. penult. *supr. de*
executoribus; ligatus ferreis nexibus, cura Prouin-
cialis officii sub elogio ad debitum mittatur examen:
vbi plura notauimus. Secundo notandum, quod in
Illyricum transmitti, eum iubeat pœnam dignum luiturum;
quod quidem accipio de damnatione in metallum.
Metalla scilicet in Illyrico fuere: quod docet subscriptio legis 9. *supr. de indulg. deb.* &
lex 7. 8. *supr. de Metallis*: quibus locis dixi plura.
Tertio, exploranda ratio est, cur tam grauis pœ-
na a Constantino M. proposita fuerit, Mensam
Oleariam emptam vicenis follibus, cariore pretio
vendenti? Nempe, ne ita publica olei præbitio,
quæ vel gratuita prorsus, vel leuiore saltem pretio
cuiusdam beneficii genere fiebat, paulatim venalis
prorsus fieret, immensoque pretio venderetur:
& sic fiscus gratiam beneficii amitteret, oleique
adeo pretium in Gymnasia & Balnea, quibus Ro-
ma maxime delectabatur, quibusque Principes fa-
uorem plebis sibi maxime conciliabant, nimis au-
geretur; denique Ludorum & Balnearum vsus, 266
rarefceret, exolesceret. Aliam rationem nunc
non comminiscor. Exemplum hic interim ad
proximū habemus, vbi quid emptum cariore pre-
tio, postea quis retro vendere prohibetur. Et hæc
quidem de Caducis Mensis Oleariis: & sic de Pri-
ma huius leg. parte.

Secundo capite definitur, in hæredes æquo iu-
re cum reliquis rebus transmitti Mensam Oleariam,
neque Caducam fieri. Breuiter ergo & vendi
(quod priore capite ostensum est) & transmitti in
hæredes Mensæ Oleariæ potuerunt. Quod ipsum
aliquando etiam de annonis ciuicis in commune
statutum, l. 1. 10 12. *supr. de annonis ciuicis*: aliter
quam l. 7. 9. *eod. tit.*

DE

(*) Ad CL. FABROTTI Glossarium Cedreni, voc. Φόλις, a quo & hæc & alia auctorum loca excitata sunt.
De folliis nomine etiam dixit EM. BARONIUS *Annal. Eccles. Tom. III. ad an. 330. n. 46.*

DE FRUMENTO CARTHAGINIENSI.

TITVLVS XXV.

Abeſt hic titulus a Cod. Iuſtin.

Porro poſt Romam & Conſtantinopolim de Carthagine prius hoc titulo agitur, quam de Alexandria: de qua duobus poſtea titulis. Carthago ſcilicet, Tertia urbium in Imperio Romano extitit, Auſonius de claris urbibus, num. I.

*Prima Vrbes inter Diuum domus aurea Roma:
Conſtantinopoli aſurgit Carthago priori,
Non toto ceſſura gradu, quia TERTIA dici
Faſtidit, non auſa locum ſperare ſecundum
Qui fuit ambarum.*

Et mox v. 10.

Nunc quoque ſi cedat, Romam vix paſſa priorem.

Iam olim certamen de gradu inter has duas Vrbes fuit. Herodianus lib. 7. cap. 6. de Carthagine: ἡ γὰρ πόλις ἐκείνη, καὶ δυνάμει χρημάτων καὶ πλῆθει τῶν κατοικούντων, καὶ μεγέθει, μόνῃς Ῥώμῃς ἀπολείπεται, φιλονικῶσα πρὸς τὴν ἐν Αἰγύπτῳ Αλεξάνδρῃ πόλιν περὶ δευτερείων: Siquidem vrbs illa, vel opibus, vel populi frequentia, vel magnitudine tantum Romæ concedens, cum Alexandri vrbe Ægyptiaca de ſecunda palma contendit.

I. (a) Imp. CONSTANTINVS A. ad Catulinum (b) Proc.
(c) Africa.

SI quis corpora (d) æneo (e) frumento obnoxia detraxerit, (f) ab omni interpellatione liber ſit, quamuis alia corpora poſſederit, (g) ſiue coëmerit, libera ab ænei frumenti inquietudine: Comparatores enim rerum obnoxiarum teneri oportet, pro modo eius rei quam adepti ſunt, etiam ſi extra liberalitate (h) rem fuerint conſecuti. Sed quia plerique ex Magiſtratibus, (i) ænei frumenti penſitatione obnoxii, vel ipſi ſibi dum adminiſtrant, (k) alios ſubrogarunt, vel redempti (l) pro aliis alios creauerunt, (m) reſciſſis ſubrogationibus ad eiſdem ænei frumenti penſitationem teneantur: Illos enim ſolos ex ſubrogatis perſeuerare oportet, quos conſiterit idoneos eſſe facultatibus, & minus idoneorum loco non a redemptis Magiſtratibus ſubrogatos. Dat. Frid. Id. Dec. Sirml, Conſtantino A. IV. & Licinio IV. Coſſ. (315.)

N O T Æ.

(a) Abeſt hac lex a Cod. Iuſtin. GOTHOF.

(b) Catulinus Proconſul Africa ſub Conſtantino M. vid. Proſopogr. ID.

- (c) In Til. P. V. male: ubi nihil melius tentabat quis PP. ID.
 (d) Corpora hic, & mox *infr.* pro rebus, ut postea vocantur. ID.
 (e) De hac voce mox dicam. ID.
 (f) *qq. distraxerit.* ID.
 (g) Possideat. ID.
 (h) *qq. liberalitatem*, id est, titulo oneroso, non lucratiuo. ID.
 (i) Dum Magistratus gerunt. ID.
 (k) Magistratus. ID.
 (l) Id est, corrupti pecunia aut gratia. ID.
 (m) Ex hac voce colligo, hanc ænei frumenti pensitationem, seu inquietudinem incubuisse honorem aliquem Karthagine gerentibus, qui a Magistratibus creati fuerant. ID.

P.266

COMMENTARIUS.

DE ÆNEO frumento, cuius quater *hac leg.* mentio diserte fit, nullibi præterea, neque *hoc Codice*, neque apud alios Scriptores; est hæc singularis Constantini M. constitutio scripta, Ann. D. 315. tertio post fidem Christianam a se susceptam anno. Cuius Inscriptio statim ostendit, quod *Primo* hic notandum, de hoc æneo frumento, id in Africa fuisse: inscribitur enim hæc lex *Catulino Proconsuli Africa*.

Imo, quod secundo loco observandum; *Titulus* sub quo *hac lex* posita est, ostendit, hoc æneum frumentum ad Urbem Carthaginensem spectasse: est enim hic Titulus, *de frumento Carthaginensi*.

Tertio *ex hac leg.* discimus, huius ænei frumenti præstationem, *pensitationis* ut *hac leg.* vocatur, speciem fuisse: quæ inquam Reipublicæ seu Urbi Carthaginensi præstatur: Et quidem gravem, quæ & ideo sæpe, quod *secundo capite* ostenditur, nonnulli sese liberare nitebantur, subrogatis aliis.

Quarto observandum, certa tantum Corpora huic ænei frumenti præstationi obnoxia fuisse, non omnia promiscue Corpora, non omnes res: & quidem possessiones certas, certos fundos. Nam ita *Corporum* vox hic accipienda: etsi enim sæpe alias *Corporum* appellatione non tantum agri, aut domus, fundi denique, sed etiam mancipia & mobilia quæcunque comprehendantur, breuiter quæcunque bona & facultates, ut docent vel *hoc Codice*, *lex 5. supr. de iis quæ administr. l. 3. supr. de bonis proscriptor. l. unic. supr. quorum bonorum: l. 1. supr. de legitim. hered. attamen Corpora*, ubi de pensitationibus publicis agitur, & de rebus alicui rationi & præstationi obnoxiiis, proprie sunt prædia: quo sensu sane vox ista accipitur, *l. 1. supr. de curator. Kalend. & alibi: vid. & quæ dixi ad l. 17. supr. de Prætoribus*: sed & apud Symmachum eodem sensu *lib. 6. epist. 12. lib. 10. epist. 29. 32. 46.* Igitur certis tantum prædiis hæc ænei frumenti præstatio, pensitatio, inquietudo, interpellatio incubebat: eorumque nomine possessorum obnoxii erant; non aliorum Corporum nomine: vel si ea alienassent.

Quinto notandum, Quocunque titulo possessor ea Corpora possiderent, huic pensitationi obnoxios fuisse, quocunque inquam titulo, non tantum si lucratiuo, quibus alioquin facilius, melius, in Republica tributa imponantur, quam in rem vide *Titulum, de imponenda lucratiuis descript.* verum & si emptionis titulo: *comparatores*, enim, ut *hac leg.* dicitur, *rerum obnoxiarum teneri oportet pro modo eius rei, quam ad pri sunt, etiamsi extra liberalitatem rem fuerint consecuti.*

Tom. V.

Sexto, ut ad *secundi capitis*, quod *hac leg.* continetur, explicationem accedamus: de hoc æneo frumento notandum est, Magistratus huic pensitationi obnoxios fuisse. Magistratus, id est, Duumuiros: hoc enim sensu *Magistratum* ferme vox effertur: inter alia, *l. 8. 16. 21. 29. 39. 77. 151. 169. supr. de Decurionib. l. 3. 5. supr. de exhib. reis: l. 1. supr. de Medicis & Professorib. & alibi passim: de quo vid. Paratitl. tit. de Decurionibus: & Glossar. Theod.*

Sed hic quæri potest, an soli Magistratus seu Duumuii certorum Corporum nomine, huic ænei frumenti præstationi obnoxii fuerint? & sic, utrum *caput* quoque *primum* huius *leg.* de his accipiendum sit? quomodo certe Magistratus, seu Duumuii, pensitationibus variis obnoxii erant, & inter alia quidem ludicris, de quo vid. *Paratitl. de Decurionib. & tit. infr. de Spectaculis*: an vero & priuati quidam possessorum Corporum & Magistratus: ut ita *primum caput huius leg.* de aliis accipiendum sit: *Si quis*, inquit *lex*, &c. hoc posterius de Magistratibus: atque adeo duo personarum genera huic functioni, seu pensitationi obnoxia fuerint. Quod quidem mihi verosimile fit.

Postremo loco de hoc æneo frumento notandum, quod *secundi capitis huius leg.* argumentum est, duas fraudes in fraudem huius pensitationis a Magistratibus quandoque admissas. Nam vel ipsi sibi Magistratus dum administrabant, alios subrogabant, qui scilicet hanc ænei frumenti præstationem agnoscerent, subirent, atque ita eo eos adigerent, tanquam muneris sui vicarios, cum tamen nulla Corpora possiderent huic præstationi obnoxia: vel alios non idoneos pro aliis idoneis & corporum possessoribus, creabant, id est, nominabant Magistratus, uti moris erat, ut Magistratus seu Duumuii periculo suo successores nominarent: de quo vid. *Paratitl. de Decurionib.* Et quidem redempti id faciebant, nempe auro corrupti ab idoneis ad evitandam hanc functionem. Huic utrique fraudulentæ subrogationi occurrit *hac leg.* Constantinus M. hoc constituto, ut rescissis huiusmodi subrogationibus Magistratus isti ad huius ænei frumenti pensitationem teneantur.

Et hæc quidem hætenus, de ista ænei frumenti pensitatione *ex hac leg.* discere vel colligere licet. Nondum tamen liquet quid fuerit æneum frumentum istud, quænam hæc pensitatio, quemue in usum, facta fuerit, quæ tandem nominis istius ratio sit? De Nominis ratione variæ coniecturæ sunt. Prima est, hic pro æneo frumento, reponentium *Pannum*: Quod non admitto: etsi videam hoc quoque ævo Victorem c. 40. dixisse, apud Pænos Alexandrum Pro-Prefecto gessisse: Etsi apud Claudianum quoque

Pp.

le.

legam in hoc ipso frumenti argumento, de bello Gildom. p. 59.

Punica Niliacis concurrere carbasa velis.

Nam ut omittam in constitutionibus nuppiam hanc vocem usurpari, agitur hic de frumento in Carthaginensis urbis usum aliquem, non de Africano in vniuersum frumento.

Secunda coniectura est eorum, qui *aneum frumentum* dictum perhibent a modis aneis frumenti, de quibus in l. 21. *supr. de Susceptoribus*: & l. 9. *Cod. Iust. eodem tit.* cuiusmodi Romæ modius *aneus* erat in Minucia frumentaria, ad quam populus statis diebus frumentatum veniebat, a Menforibus & Caudicariis frumento dimetiendo: Quem describit Suidas *πορ. Μαυαίμ. ἐνθα, inquit, ἵστατο μὲδι χαλκῆς*, illic stabat modius *aneus*, quo loco agit de Valentiniano. Quomodo & Basilica *χαλκῆς καὶ λιθίνης* vocant.

Tertia sententia est eorum, & in his Cironii 4. *Obseru. Iuris Canon. cap. 3.* qui *aneum frumentum* dici putant *popularem annonam*, quæ ex *anea*, seu *aræ* tabulæ præscripto, populo Carthaginensi diuidebatur, quomodo sane ea Romæ ita præbita: l. 5. *supr. de annonis ciuicis*: seu ex tessera forte *anea*: quomodo Alexandriæ frumentum seu annona ita diuisa: l. 2. *infr. de frum. Alexandrino*. Verum id ad *aneum frumentum* istud nil facere puto: neque enim hic agitur de annona quæ ex fisco, seu de publico, populo præbebatur; verum contra, de eo frumento, quod a privatis ex certis Corporibus & rebus pensitabatur. Huc magis facere putet quis le-
P. 267 ges de modo munerum ciuiliū, quæ aneis tabulis publicatæ ex eiusdem Constantini M. l. 2. *supr. quemadm. mun. ciuil.*

Quarta coniectura nonnullis forte placeat, *aneum frumentum* dictum eo sensu, quo *ararie annonæ*, quæ videlicet non ipsæ, verum adæratæ in pecunia præstabantur: de quibus *tit. de erogat. mil. ann.*

Quintam Tertiæ coniecturæ addidit haud ita pridem Cironius *lib. 4. Obseruat. Iuris Canonici, cap. 3.* ideo *aneum frumentum* dici, quod olim

omnes illationes & tributa ære expendebantur. Existimet quis *onaum* seu *onetum* frumentum hic indicari, quod extra ordinem vendere quis publico cogeatur; quod alias *Synoneton*, de quo *suo titulo*. Tentaret alius *aneum* frumentum, quod dicatum Bacchi Sacerdotibus & ministeriis: *οἱ θεοὶ* enim *δὲ διοῦσι*, cuius præcipuus in Africa cultus. Alius *aneum*, quasi graue ab *αἰὼν* deriuat.

Ego, quidquid tandem hoc nominis sit, putem paganæ superstitioni & voluptatibus seu ludicris ministeriis, quibus Carthaginenses maxime iudulgebant: ubi & peculiaris Tribunus voluptatum erat, de quo *infr. tit. de Scaniciis*, hoc *aneum* frumentum dicatum destinatumque fuisse Carthagine: ad cuiusmodi certe voluptates & ludos, Magistratus, de quibus *hac leg. agitur*, tenebantur: de quibus *vid. tit. de Decurion. & tit. de spectaculis*. Carthagine certe hoc sæculo etiam miræ superstitiones, nouaque superstitionum vocabula inoleuerunt: videatur saltem *lex 20. infr. de Paganis, sacrific. & templis*, ubi de Fredianis & Dendrophoris, deque redditibus qui epholis deputati: & *lex 2. supr. de Collegiatis*, ubi de Vitutariis & de Nemefiacis agitur, & de Cantabariis. Et quid si ad animalium voluptatibus publicis ibi seruientium pabulum hoc *aneum frumentum* pertineat? Vnde quis *arinum frumentum* hic legendum censet: quomodo *arina* farina, Plinio, *lib. 22. cap. 25.* quæ ex *ἀρίνα*, *aræ* confecta, id est, lolio quod tritici vitium est, quodque cum in pane est, celerissime vertigines facit, &c. de quo idem Plinius, *lib. 18. cap. 17.* & ante eum Theophrastus *de causis plantarum, lib. 5. cap. 22.* Verum nil temere mutem. Peculiaris hæc proinde *anei frumenti* appellatio: quomodo & panis varia & peculiaria nomina, qui in publica erogatione erant, fuere hoc ipso æuo: Ita panis *gradilis*, *Ardiniensis*, *Ostiensis*, *Fiscalis*: & panis *Castrensis*: καστρίου ἄρτος, qui Alexandriæ sub Diocletiano præbitus, teste auctore Chronici Alexandrini, & Farragine Alexandrina: scilicet qui ex castris seu Palatio Principis præbitus.

DE FRUMENTO ALEXANDRINO. (*)

TITVLVS XXVI.

Lib. XI. COD. IVST. TIT. XXVII.

(*) In usum Urbis Constantinopolitanæ: de quo est *lex 1. hoc tit.* vel in usum ipsius Urbis Alexandrinæ.

I. (a) Impp. Honor. & THEOD. AA. Anthemio PF. P. (b)

IN æstimatione frumenti, quod ad ciuitatem Alexandrinam conuehitur, quidquid de Crithologia, & Zygothasii munere, & pro Naucleriorum (c) tuenda substantia (d) Eminentia Tua disposuit, roboramus. Adque ut Curialibus prædæ auferatur

occa-

occafio, iubemus, eos ad huiusmodi sollicitudinem adfectandam nunquam accedere, sed designata Officia tuis prouisionibus, examinata, sollicitudinem prædictam implere. Dat. V. (e) Kalend. Februarii Constantinop. Honorio IX, & Theodosio V. AA. COSS. (412.)

NOTÆ.

- (a) *Lex 1. Cod. Iustin. eod. tit.* Iungenda forte huic *lex 32. supr. de Nauicular. GOTHOF.*
 (b) *Anthemius PP.* Orientis sub Theodosio Iun. vid. *Protopogr. ID.*
 (c) *vg. Nauclerorum, vt in Cod. Iust. ID.*
 (d) *Id est, tuendis facultatibus, & sic Naucleris indemnibus seruandis. ID.*
 (e) *XIV. Kal. Febr. Honorio VIII. & Theodosio III. AA. COSS.* Ita habet subscriptio *d. 1. 32. ID.*

COMMENTARIUS.

DE ALEXANDRINO frumento, seu canone Alexandrino frumentario Vrbi Constantinopolitana potissimum destinato, est hæc Theodosii Iun. constitutio. Qui quidem Vrbi Romæ, cui antea destinatus erat, de quo dixi ad l. 7. *supr. de Nauicular.* detractus Constantinopoli attributus fuit. De quo pauca è multis hæc notasse sufficiat. Omitto calumniam Athanasio obiectam, quod Ægyptiacum hoc frumentum retinuisset; *Vetus Orbis descriptio sub Constantio*, quam in lucem extuli, de Ægypto & Thracia agens cap. 18. *Et alius, inquit, Prouinciis utilis est: Constantinopolis enim Thracia ab ea quamplurime pascitur: similiter & Orientales partes, maxime propter exercitum Imperatoris & bellum Persicum: propterea non posse aliam Prouinciā sufficere, nisi diuinam Ægyptum.* Præter Themistium quoque orat. 13. p. 291. 292. *Edit. Petan. 1613. in 8. Sozomenum, lib. 3. cap. 7. Euna-*
 268 *pian in Aedesio p. 39. 40. Edit. Commelin.* cum conuicio: *ἡ μὲν γὰρ Κωνσταντινὸς πόλις τὸ ἀρχαῖον Βυζάντιον, κατὰ μὲν τὰς παλαιὰς χρόνας, Ἀθηναίοις παρέσχε τὴν σιτοπομπίαν, καὶ περιστὸν ἦν τὸ ἐκείθεν ἀγώγιμον: ἐν δὲ τοῖς καθ' ἡμᾶς καιροῖς, ἐδὲ τὸ εἰς Αἰγύπτου πλῆθος τῶν ὀλκάδων, ὅδε τὸ εἰς Ἀσίας ἀπάτης, Συρίας τε καὶ Φοινίκης, καὶ τῶν ἄλλων ἐθνῶν συμφερόμενον πλῆθος σίτης, καθ' ἀπαγωγὴν φόρου, ἐμπλήσσει καὶ κορέσει τὸν μεθύοντα δύναται δῆμον, ἐν Κωνσταντίνῳ εἰς τὸ Βυζάντιον μετέστητε, &c.* id est, Constantinopolis, vetusto nomine Byzantium, antiquitus suppeditabat Atheniensibus annonam, fidemque omnem excedebat frumenti inde aduecti vis: at nostro seculo, neque oneraria naues, quas Ægyptus mittit, totaque Asia cum Syria, & Phœnice, neque frumentaria copiæ ex aliis Prouinciis uectigalibus comportata, explere valent aut satiare circumfluentem & copiosam populimultitudinem, quam Constantinus Byzantium transtulit. Claudiani locus insignis de bello Gildon. v. 52. seqq. vbi Romam inducit loquentem, & querentem de erepto sibi canone Alexandrino:

*Tot mibi pro meritis Libyam Nilumque dedere,
 Vt dominam plebem, bellatoremque Senatum
 Classibus æstiuis alerent, geminoque vicissim
 Littore diuersi complerent horrea venti.
 Stabat certa salus: Memphis si forte negasset,
 Pensabam Pharium Getulis messibus annum.
 Frugiferas certare rates, lateque videbam
 PVNICA NILIACIS concurrere carbasa
 velis.*

Tom. V.

*Cum subito PAR ROMA mibi, diuisaque
 sumpsit*

Æquales Aurora togas, Ægyptia rura

In partem cessere NOVÆ: spes vnica nobis

Restabat Libyæ-----

Et post v. 113.

*Nunc quid agam, Libyam Gildo tenet, ALTE-
 RA NILVM.*

Quare nonnisi extra ordinem & raro hac tempestate ex Alexandria Romam aliquid subuectum: cuius rei exemplum apud Symmachum, lib. 10. *epist. 22. & epist. 50.* De hoc Alexandrino Canone seu stolo in vsum Vrbi Constantinopolitanae sunt innumerae constitutiones hoc Codice: inter alias Constantini M. d. *lex 7. supr. de Nauicular.* Vid. etiam *Nouella 15. & lex insignis eiusdem Theodosii Iunioris: puta lex 32. supr. de Nauicular.* quæ, vt mox ostendam, huic iungenda videtur.

Porro huic annonæ probe administrandæ multa constituta reperire licet. In hunc sane quoque finem Præfectus annonæ Alexandria constitutus est: ad cuiusmodi Præfectum Claudium extat *lex Constantii 3. supr. de Susceptoribus.* Quomodo & Præfectus annonæ in Vrbe Roma fuit: & tertius Africae, vt docet *lex 12. supr. de Nauiculariis: & lex 2. de Naufragiis.* Hunc eundem in finem (quod hæc *lex testatur*) Æstimationi frumenti prouisum: Quod scilicet non tantum ex Ægypto Alexandriam conuehebatur, vt quidam hic tradunt, verum ex aliis quoque Orientis Prouinciis, vt antea ostensum, Orientales Nauarchi Alexandriam deuehebant, vel inde Constantinopolim subuehebant. Æstimationi, inquam, id est, qua quantitate & qualitate inferretur, rursusque efferretur. In hunc igitur finem fuere Alexandriae & Chriologos & Zygoftates. Χρηόλογοι, qui & Adnotatores dici videntur, l. 3. *supr. de Susceptoribus.* tum suscipiendo, tum emittendo frumento, & viriisque rationibus excutiendis præpositi fuere: qualem χρηόλογον apud Operarios fuisse refert Plutarchus in *Hellenicis.* Ζυγοστάτας, ponderi & quantitati frumenti exigendæ, admetiendo denique frumento tum aduecto tum euehendo præerant. A quo alius est Zygoftates, etsi similis, ad ponderationem Numerorum Zygoftates, de quo l. 2. *supr. de ponderatoribus.*

Secundo, viceversa in hunc eundem Æstimationis frumenti finem, ne Naucleri ipsi in fraudem seu damnum inciderent, pro eorum substantia tuenda, id est, pro indemnibus eis seruandis,

quod Interpretes hic non cepere, Epimetron eis aliquid datum pro iustis diametris, *pour la defalc.* ut docet *dicta lex 7. supr. de Nauicular.* ubi dixi plene: pariter ut datum Urbis Romæ canonem subuehentibus, *l. 36. 38. d. tit. ut & Susceptoribus* quoque datum docet *lex 3. 14. 15. 21. supr. de Susceptoribus* & *lex 4. supr. de Suariis.*

Ut ad sententiam *leg. nostræ* descendam; circa utrumque aliquid noui disposuerat Anthemius PP. Orientis: non quidem quasi is nunc primum aut Crithologum aut Zygoftatam instituerit, idque Theodosius Iun. *hac leg.* probet, quomodo censent Viri docti, etiam Græci Interpretes: Rursum, non quasi is Epimetron Naucleris primus dederit, quod antea datum probat *dicta lex 7. supr. de Nauiculariis.* Circa utrumque, inquam, aliquid statuerat, & aduersus fraudem Nauiculariorum, & ut a fraude seu damno ipsi vindicaretur, Anthemius PP. Orientis annonæ Constantinopolitanæ studio: cuius hac in re studium ingerunt seu testantur Anno 409, *lex 4. supr. ne conlat. transl. lex 33. supr. de Nauiculariis* & *lex vnica. supr. de Nili aggerib. non rump.* Neque minus hæc ipsa *lex*: cui parum abest quin iungam *legem 32. supr. de Nauiculariis*: quæ eiusdem Theodosii Iun. est, & huic omnino argumento conuenit eidemque Anthemio inscribitur, & eiusdem Anthemii dispositionem probat: seu ut *dis. rte sine leg.* dicitur *firmat*: pariter ut *hac leg.* quod is disposuerat, roboratur. Quid autem ab eo dispositum fuerit circa Epimetri modum vel circa Crithologiam & Zygoftasii munus, id omne *hac leg.* non exprimitur: nisi vnicum illud, quod *Curialibus* Crithologis & Zygoftatis esse vetuit, ut videlicet Curialibus prædæ occasio auferretur. Curiales scilicet prædis no-

ti & notati hoc æuo, quod ostensum non uno loco, *titulo, supr. de Decurionib.* Quid igitur? Idem Anthemius certa quædam officia designauerat, quæ suo examine sollicitudinem hanc implerent. Quæ omnia firmat *hac leg.* Theodosius Iun. Neque tamen adhuc officia illa hñt exponuntur, quæ relatione Anthemii expressa seu designata fuerant. Quare fidentius dicitur quam certius a Viris clarissimis, *Præfædianos* ad id munus ab Anthemio probatos & ordinatos: quod tamen statuunt proculdubio ex praua *huius leg.* interpunctione & interpretatione: ibi: *Sed designata Officia tuis prouisionibus examinata sollicitudinem prædictam implere.*

Huius tandem *legis* occasione, exhibere hic iuuat omnia munia per Ægyptum & in Vrbe Alexandrina, quæ *hoc Codice* memorantur Græcis nominibus omnia, & quidem in solius ferme Theodosii Iunioris constitutionibus: Archigerontes *l. 1. de Alexandr. plib. prim.* Cephaleotæ, *l. 6. de patroc. vicorum* Copiatæ *l. 15. de Episcop.* Crithologia, *hac leg.* Diocetæ Ergafiotarii, *l. 1. de Alexandr. plebr. Hypommematographi, l. ultim. supr. de Decurionibus.* Irenarchæ, *dicta leg. 6. de patroc. in. vic. & tit. de Venarchis.* Logographi Chomatum, *dict. l. 6. Monazontes, l. 63. supr. de Decurionibus.* Parabolani, *l. 42. 43. infr. de Episcopis.* Zygoftasia *hac leg.* His adde & homologos colonos, *dict. l. 6. de patroc. vicorum.* Diacatochos, *l. 1. supr. de ficti debitoribus.* Addamus & *P. 269* Elemporiam, & Ospraturam, patrimonii munerata, ita apud Alexandrinos vocata, ut testatur Arcadius Charisius *l. ultim. §. 19. D. de muneribus & honoribus.* Alia non iam personarum vel munerum nomina, sed Rerum vocabula Græca alibi in lineam coniicio.

II. (a) Imp. THEOD. & Valentinianus AA. Isidoro PP. P. (b)

DIVROS centum & decem modios alimoniis Alexandrinæ ciuitatis addi decernimus: ut nemo priuetur eo, quod nunc vsque (c) percepit, & *perissochoregie* (d) nomen penitus amputetur, & tessera designentur, & nostræ pietatis nomine censeantur. Dat. Prid. Non. (e) Iun. Constantinop. Isidoro & Senatore Coss. (436.)

NOTÆ.

- (a) *Lex 2. Cod. Iustin. eod. tit.* Iungenda huic *lex 3. supr. de indictionib.* *lex 2. infr. de Alexandr. pl. primat. & lex 189. 190. 191. imo & 192. supr. de Decurionibus.* Imo & *l. ult. supr. de indulg. debitorum.* GOTHOF.
 (b) *Isidorus PP. Orientis* sub Theodosio Iun. vid *Prosopogr. ID.*
 (c) *Nunc usque, hac leg. & l. 45. infr. de Episcopis: l. 54. infr. de hereticis: alias, usque nunc: ut l. 2. infr. de fide Cathol. ID.*
 (d) *Περισσοχρημιας ID.*
 (e) Ita quoque *d. l. 2. & d. l. 3. & l. 189. 190. 191. At d. l. 192. Prid. Non. Aug. & d. l. ult. Prid. Id. Iul. ID.*

COMMENTARIUS.

DE GRATVITA ANNONA Urbis ALEXANDRINÆ est hæc Theodosii Iun. constitutio: Anno D. 436. Quæ quidem ipsa, pars est prolixioris constitutionis, qua is non tantum Ægyptiorum in commune commodis consultum iuit (quod docet *lex 3. supr. de indictionib.* inde desumpta;) verum etiam speciatim Alexandrinorum: ut docent *quinque leges* inde pariter desumptæ, præter hanc, inquam, & *l. 2. infr. tit. prox. de Alexandr. pl. primatibus: lex 189. 190. 191. supr. de Decurionib.* (quibus addo & *l. 192. eod. tit.*) Quæ leges omnes inter se coniungendæ, atque adeo huic nostræ uolendæ

veniunt. Ac nominatim Curialibus Alexandrinis consultum iuit *d. l. 189. 190. 191. 192.* Corporatis Alexandrinis, *d. l. 2. infr. tit. prox.* Hac vero *leg. popularibus Alexandrinis: seu populari eius urbis annonæ: aucta videlicet ea.*

Nempe sicut Urbis Romæ & Constantinopolitanæ annonæ ciuica gratuita data, ita data quoque Alexandrinæ Urbis, de cuius *προνομιας* alibi plene dixi. Videnda interim duo insigniora eius elogia apud veterem orbis descriptorem sub Constantio c. 18. & Ammianum Marcellinum, lib. 22. extremo. Huius vero annonæ Alexandria dandæ auctor Diocletianus

hannus fuisse videtur: Auctor *Chronici Alexandrini* pag. 644. Edit. Rader. Constantio c. iv. & Maximiano Iouio c. iv. Coss. id est, Anno D. 302. τὸ τῷ ἐτει ὁ κατρίσιον ἀρτὸν ἐν Αλεξανδρείᾳ ὑπὸ Διοκλητιανῆς ἐδώρηθη: hoc anno castrensis sportula seu panis a Diocletiano in ciuitate Alexandria praebitus est. Farrago Alexandrina edita a Scaligero pag. 83. *Theaur. Tempor.* Constantio IV. & Maximiano nouis Caesar. iv. *Castrius in Alexandria donatus est & Diocletiano balneum edificatum est.* Eodemque ex parte refero, quod *Festus Idaciani* habent pag. 30. *Thef. Tempor.* Constantio IV. & Maximiano IV. *His Coss. vilitatem iusserunt Imperatores:* vbi vilitas proprie de annonae vilitate: vid. *Lamprid. Alex. Seuerus cap. 22.* & *Capitolinum in Pertinace cap. 8. in fin.* *Procopius in ἀνεκδότοις nuper editis, cap. 26. pag. 77. Edit. Reg. Διοκλητιανὸς Ρωμαίων γεγωνὸς αὐτοκράτωρ, σίτην μέγα τιχρήματα δίδωσθαι παρὰ τῶν δημοτῶν Αλεξανδρείας τοῖς δεομένοις ἀνὰ πᾶν ἔτος διώρισε:* ταῦτα ὁ δῆμος τῆνικαδὲ διαδικασάμενοι ἐν σφίσιν αὐτοῖς, ἐς ἀπογόνους τὴν μέχρι δέυρο παρέπεμψαν: ἀλλ' ἠφαισίς ἐνθὺνδε μυριάδας ἐς διακοσίας ἐπέτειος μεδιμνῶν τὴν τῶν ἀναγκῶν ὑποσπανίζοντας ἀφελόμενος τῷ δημοσίῳ ἐνέθεκε. Romanorum Imperator Diocletianus magnam frumenti copiam quotannis in egenos distribui populo Alexandrino iusserat: quam illi ad portionem inter se iam inde distributam, etiamnum transmittēbant ad posteror: *Hephaestus* his decies centena millia medimnorum, fraudatis egenis, in horrea publica imperauit. Quanam vero occasione annona seu panis hic gratuitus Alexandriae datus fuerit? docent *Socrates & Synodus Chalcedon.* quorum verba mox proferam: puta ἐς διατροφὴν τῶν πτωχῶν. Quod nomen attinet, *Castrensis* panis hic dictus, vt ex *Chronico Alexandrino, & Farragine Alexandrina* discimus. Quem Graeci more suo κατρίσιον dixerunt. Quomodo κίρκησιον, quod Romanis *Circense*: μιλιάρησιον, *Miliarense*, id genus alia. Quomodo & ἡμιμόδιον κατρίσιον dicitur apud Aegyptum *Hippiatic.* lib. 2. cap. 129. *Castrensis* autem ideo, quia ex castris seu domo Principis praebitus. *Castrum* pro domo Principis eiusque penitrali: vid. quae dixi *supr. ad tit. de Castrensis.* Quare his *Castrensis* panibus recte aptetur *Palatinorum* panum descriptio, quae apud *Suidam* extat, de quo ad l. 7. *supr. de annoniis ciuicis.*

Ignitur *Castrensis* hic panis datus Alexandrinis a Diocletiano Anno 302. de cuius mora Alexandriae fidem facit insignis *lex* ibi data apud Auctorem coll. *legum Mosaic. tit. de mathematic. & manichaeis num. 3.* item *Sex. Aurelius Victor. de Caf. cap. 39.* Nempe, vt iure existimo, p. st. Achilleum superatum, interfectum, qui apud Alexandriam dominationis insignia induerat: quem Iouio, id est, Diocletiano Alexandriam profecto, facili negotio pulsum poenas luisse ait *Sex. Aurel. V. stor. l. c.* *Eutropius lib. 9. cap. 15.* *Hieronymus Chronico p. 179. Theaur. Tempor.* Achilleum a Diocletiano obiectum Alexandriae, octauo fere mense superatum, eumque interfecisse. Quae hanc victoriam secuta sunt ita narrat *Eutropius d. cap. 15. Victoria*, inquit, acerbe usus est: totam Aegyptum grauibz proscriptionibus cadibusque fœdauit. Ea tamen occasione ordinauit prouide multa, & disposuit, quae ad nostram aetatem manent. Quod de grauibz proscriptionibus & caedibus aiunt *Eutropius & Hieronymus*: id ipsum & Graecus Auctor apud *Suidam* fere totidem verbis extulit in *uoc. Διοκλητιανός*, vbi etiam addit, eodem tempore eum liberos περὶ χυμείας in Aegypto perscrutatum combussisse, ne hac arte Aegyptii diuitias amplius sibi pararent; neque pe-

cuniarum copia freti in posterum aduersus Romanos rebellarent. At vnus *Eutropius* ait a Diocletiano in Aegypto ordinata multa prouide & disposita, quae ad suam aetatem manserint, *Valentis* scilicet. Horum numero proculdubio fuit hic panis *Castrensis*, seu haec annona gratuita, quam Diocletianus Alexandrinis popularibus dedit. Quo & *Dispositionis* seu *disponendi* vox proprie pertinet. Et haec de populari annona Alexandriae data, Certe *Constantinum M.* quoque modum aliquem pauperibus Ecclesiae Alexandriae dedisse testatur *Socra. P. 270. tes, lib. 2. cap. 17.* Τῇ Αλεξανδρείᾳ ἐκκλησίᾳ σιτηρέσιον ἡδὲ πρῶτον δέδωρητο ὁ τῶν Αὐγύεων πατὴρ ἐς διατροφὴν τῶν πτωχῶν: Alexandria ecclesiae iam pridem ad alendos pauperes annonam donauerat *Augustorum* pater. Et *Ischyra* in *Chalcedonenfis Synodi act. 3. pag. 326. Tom. 11. Concil. Ed. Harduin.* *Dioscorum* acculat, quod interuenerit τὸν παρεχόμενον παρὰ τῶν βασιλέων σίτον πρὸς τὸ τὰς παρεπιδημῆντας, ἐτι δὲ καὶ ἐντοπίους πένητας παραμυθῆσαι, frumentum ab imperatoribus praestitutum, vt peregrini nec non etiam provinciales pauperes aliquod mereantur solatium. Ergo duplex annona & siccō data Alexandriae populo, & pauperibus. Ab his vero diuersa sunt πτωχικά χρηματὰ, & ἀγροὶ συμπίστων, seu bona Ecclesiastica, quae ibidem erant.

Nos ad Popularem Annonam Alexandrinam, & sic ad legem nostram redeamus. Hanc vero a Diocletiano primum institutam, auxere infecuti Principes. Quod augmentum περισσοχωρηγίας nomine censebatur; quasi diceret praebitionem seu praestationem vberiore. Quomodo & *Theodosius M.* similiter additis solito canoni *Constantinopolitano*, 125. modis frumenti diurnis, nomen *περιτρίμνα* indidit: l. 2. *Cod. Iust. de annoniis ciuilibus*, non quod *Cuiacius* credidit *παπαπετρίμνα*: de quo ad l. 13. & 14. *supr. de annoniis ciuicis.* Verum *Theodosius Iun. hac leg. Alexandrinis* consulturus: neque quidquam his detractum cupiens, *Vt nemo*, inquit, *priuetur, quod nunc usque percepit, perissochoregias* tantum nomine abolito, ordinarium canonem 110. modis diurnis augmentum iuit, sic vt in suum nomen hoc incrementum derivari vellet, deincepsque *Tesseris* (de quibus alibi dixi ad l. 2. *supr. de annoniis ciuicis*.) de suo nomine *Annonarias Theodosianas* vocari iubeat. Quod postremum non ita quoque a *Theodosio M.* constitutum d. l. 2. nam ibi, *infra nostra pietatis liberalitate*, non id volunt, inferendum nomen suum tesseræ, verum indicat *Theodosius* illis verbis, se hoc incrementum dedisse innata sibi pietate & liberalitate. Qua parte tamen lapsus *Interpres* doctissimus.

Interim & illud obseruandum nominis aboliti exemplum, seu de solo rei nomine latae legis: At non ideo & rei: vt alioquin res cum nominibus abolerentur, imo cum nomina abolerentur, & res simul abolerentur: vt *Patroni vicorum*, l. vlt. *supr. de patrocini vicorum*: *Competitorum*, l. 33. *supr. de petition. Irenarcharum*, l. vlt. *supr. de Irenarchis*: *Cenaticorum*, l. 12. *supr. de erog. mil. ann. Compulsorum*, *Nouella Iustin. 128.* Quare error est *Fortnerii* 4. *quotidian. ii.* qui haec postrema exempla connumerat *Legibus*, quae de solo nomine latae: quo in censu quidem est haec lex nostra, at non illae. Inuisa scilicet saepe sola nomina & minus conuenientia legibus abolita & cum aliis mutata: sic *Nicteparchi* nomen mutatum cum appellatione *Prætoris plebis*, *Nouell. 13.* sic *Theodoricus* inuisum populo *Tertiarius* nomen sustulit, & in pecuniae tributariae functionem conuerterit apud *Cassiodo-*

rum, I. *Variarum* 14. sic extraordinariam collationem quandam canonicam deinceps vocari & haberi voluit. Imp. Constantinus I. 2. *supr. de extraordinar.*

Hic tandem *perissoboregias* nominis occasione apponere iuvat Græca omnia *Rerum* vocabula, quæ *hoc Codice* per Ægyptum & Alexandriam usurpata docemur: quomodo ad *superiorem leg.* fun-

tionum seu munium ibidem propriorum vocabula congesti. 1. *Arura* I. ultim. *supr. de patroc.* vicor. 2. *Chomata*, d. I. ultim. 3. *Dinumium*, I. 2. *infr. de Alexand. pleb. Primat.* (quæ huic iungenda est:) 4. *Liturgi*, d. I. ultim. 5. *Metrocomia*, d. I. ultim. 6. *Perissoboregia*, hac leg. 7. *Philicon*, I. 32. *supr. de Nauicular.* 8. *Stolus*, I. 7. *supr. de Nauiculariis.*

DE ALEXANDRINÆ PLEBIS PRIMATIBVS.

TITVLVS XXVII.

LIB. XI. COD. IVST. TIT. XXVIII.

De Alexandria Primatibus.

I. (a) Impp. ARCAD. & Honor. AA. Gennadio (b) PF. Augustali.

ARCHIGERONTES, & dicecetæ, (c) ergasiotanorum (d) numero (e) delignantur: Quod Officium Tuum sollicitis obseruet excubiis. Dat. Non. Febr. Constantinop. PP. Alexandria Eutycheo. (f) Arcad. IV. & Honorio III. AA. Coss. (396.)

N O T Æ.

(a) *Lex 5. Cod. Iust. de Episcop. audientia*: hinc in alium plane sensum detorta est. GOTHOF.

(b) Gennadius PF. Augustalis sub Arcadio. Ad hunc eundem extat Epigramma Claudiani, quod inscriptum ad Gennadium Proconsulem: ex quo liquet etiam de Præfectura hac Augustali seu Ægypti ab eo gesta:

Italia commune decus, Rubiconis amani

Incola, Romani fama secunda fori.

Graiorum populis, & nostro cognite NILO,

Vtraque gens FASCES, horret, amatque tuos.

De eodem & synesius *epist.* 73. & initio *καταστάως*: vid. *Profopogr.* ID.

(c) *Diceceteque*, Cod. Iustin. ID.

(d) *Pro ex ergasiotanorum.* ID.

(e) *Nonnisi Christiani dirigantur*, ita *Τυπρον*. plane contra mentem Arcadii: de quo mox. ID.

(f) Hanc subscriptionem mox excutiam. ID.

COMMENTARIVS.

P. 271

DE ERGASIoTANIS, eorumque Primatibus, in Vrbe Alexandrina, est hæc Arcadii constitutio ad Præfectum Augustalem, id est, Ægypti, cuius metropolis erat Alexandria, Anno D. 396. De *Ergasiotanis*, inquam vel *ergasiotariis*. Hi vero voce Græca *ἐργασιωτής*, (quomodo Paratitla Græca bis verterunt, τῶν ἐργασιωτῶν:) ita dicti apud Alexandrinos: nam ita a Græco *παράβολος* parabolarius apud Firmicum *Mathes.* 8. & Parabolanus apud eosdem Alexandrinos I. 42. 43. *infr. de Episcopis*. Quanquam malim *ergasiotarios* hic legere: nam vt maxime Gentium quoque quarundam nomina illo modo inflectantur (quomodo quos Græci *μαυρίτας* Latini *Mauritanos* vocant)

etsi Græci quoque dixerint *ἐργατίων*, pro *ἐργάται* teste Hesychio, & *ἐργατίωνες*; attamen Artificum nomina etiam a Græcis mutuata hoc modo inflecti solent: hinc a Græco *λίνοφ*, Linifarius, I. 16. *supr. de Murilegulis*. Et cæterokin eadem terminatione, lintearius, calceolarius, solearius, molochinariis, & alia innumera. Verum in hoc non sunt sitæ opes Græciæ, Ergo ab *ἐργασιωτής*, *Ergasiotarius*, vel *Ergasiotanus*, quam vocem tamen hic male expungebat Leonclavius *Paratitl. pag. 194. su. pag. 1425. Tom. II. Biblioth. Iur. Can. Hen. Iussell.* Idemque hic substituerebat vocem *Ergasiotarum*, quia scilicet ita haberent Paratitla *ἐργασιωτῶν*. Denique hæc vox est Alexandrinorum, quorum peculiaris

culiaris Dialectus fuit, nouæ & peculiares voces, veris Græcis incognitæ & insolitæ. Qua de re est quoque Croii obseruatio in *Novum Testament. c. 33.* (Etsi Suidas voc. *Εργασίους* memoret Libros septem Irenæi Grammatici Alexandrini ab eo scriptos, vt probaret Alexandrinam ab Attica deductam) sic & *ἐργασίαι*, & *ἐργασίαι*, apud Hesychium *ἐργασίαι*.

Ergasiotarii porro, vel *Ergasiotani* isti Alexandrinæ, erant de plebe, vt docet Rubrica huius tit. de Alexandrinæ PLEBIS Primatibus. Erant enim *τεχνίται*, Operarii seu Artifices cuiuscunque artis in Vrbe Alexandrina: Sic & Paulus Diaconus *historia miscella initio lib. 23. pag. 164. Tom. I. Script. Rer. Ital. Ant. Murator. in Anno D. 775.* vbi exhibet iusiurandum ab omni populo præstitum. *Et iurauit, inquit, omnis populus in honorandis & viuificis lignis, tam scilicet ex Thematibus & Senatu, quam etiam exterioribus Ordinibus & ciuibz omnibus, & ERGASTERIACIS, Imperatorem non admittendi, excepto Leone, seu Constantino, ac semine ipsorum.* *Ergasteriaci*, *ἐργαστηριακοί*, qui alias *ἐργαστικοί*, iidem cum *ἐργασίαις*, *Ergasiotanis* vel *Ergasiotariis*; ab his *Ergasteriacis* *ἐργαστηριακόν*, tributum quod pro officinis soluebant Artifices. Mentio in diplomate Andronici Iunioris apud Phranzam Chron. lib. 3. cap. 24. De his vero Alexandrinis Artificibus est & hic locus ex epistola Hadriani apud Vopiscum in *Saturnino* cap. 8. vbi de Alexandrinis istis Artificibus agens, *Ciuitas, inquit, opulenta, diues, fecunda, in qua nemo vniat otiosus: alii vitrum conflant, ab aliis charta conficitur; omnes certe Lymphiones cuiuscunque artis & videntur & habentur: podagrosi quod agant, habent: habent cæci quod faciant: ne cibis agricis quidem apud eos otiosi viuunt.* Quo loco primum ex *Lymphiones*, fecerunt, *Lymphiones*: deinde quia hæc non respondere videbant, quasi diceretur *lynphiones* seu *linteones* fuisse cuiuscunque artis & professionis homines Alexandrinæ, quod non verisimile sit, ex MSS. ita reposuit Vir Doctissimus: *alii lymphiones sunt: omnes certe cuiuscunque artis & videntur & habentur.* Quæ scripti Codicis auctoritas si obfisteret, veterem lectionem proxime tuerar: voce *Lymphiones* tantum in *Lymphones* mutata, nonne præterea inuerso aut immutato: & *Lymphiones* dictos putem Artifices Operarios eodem cum *Ergasiotariis*. a voce *λύπη*, quæ laborem seu operam significat: Hesychius Alexandrinus ipse Grammaticus, apud quem multa Alexandrina verba occurrunt, *λύπη πόνος*. Hæc vtunque sint, *Ergasiotarii* seu *Ergasiotani* sunt Artifices, Operarii Alexandrinæ quicunque, quorum distincta Corpora erant, de quibus & Gregorius Nazianz. orat. 21. pag. 391. Edit. Colonienf. apud Weidm. Quare valeat Accursii interpretatio, qui damnatos ad metalla interpretabatur: valeat Alciati dispensatio l. 3. cap. 18. reponentis in Cod. Justin. *ἐργασίας ταπεινών*. Neque audiendus Hotomannus, qui reponerat *Ergasticorum*, id est, *Fabrorum*, qui regis ferme publicisque operibus præerant, curatores operum publicorum, redemptores, vt alius hanc interpretationem adornat, quos Galli vocant *Entrepreneurs*. Horum vero *Ergasiotanorum* numero Alexandrinæ maxime celebres fuere Vitriarii, & chartæ confectores: de qua præter alios extat insignis præterea locus apud Auctorem veteris orbis descriptionis, quem illustravi pag. 24. Fuerunt reliqui Artifices *Lymphiones*, *Ergasiotarii*. Quorum singulorum Artificum certa Corpora fuerunt Alexandrinæ. Neque tamen cum his, *Corporatos*, de quibus agitur l. prox. ciuitatis Alexandrinæ, quod hæctenus sit, etiam a Cuiacio XXIII. Obseru. 3.

& post eam a Burgio l. *Elect. 3. pag. 315. Tom. I. Thef. Iur. misceri* velim. Corporati enim ab Artificibus diuersi sunt, vt docuit clare *supr. tit. de priuileg. Corporat. V. R. & alter de excusationib. Artificum*. Corporati enim (de quibus ad d. l. prox.) dicebantur ministeria Urbis necessitatibus seruientia, veluti Pistores, Catabolenses, Suarii, Pecuarii, Susceptores, Mancipes Thermarum, calcis coctores in publicos vsus: quibus ideo certa priuilegia data, atque ideo Corpora ad vrbs priuilegia pertinentia dicuntur. Nolo etiam misceri cum Collegiatis, de quibus *tit. de Collegiatis 7. supr.* quia neque horum opera in artificio consistebat. Multo minus misceri volo cum Curialibus: de quibus sane curialibus Alexandrinis agitur l. 189. 190. 191. *supr. de Decurionib.* Scilicet Urbis Alexandrina, vt alix vrbes, Curiam habuit, & Plebem: de qua postrema est hic Titulus. E Plebe porro alii Artifices seu *Ergasiotani* fuere, alii *Corporati*, alii *Collegiati*.

Istorum autem Artificum *Ergasiotanorum*, fuere quidam *Primates*, vt vel Rubrica huius tituli vocantur: Non vero quod quidam censent, & in his Cuiacius, Tribuni, aut Defensores plebis: ab his enim plebis defensores omnino diuersi sunt: de quibus suo titulo, *supr. de defensorib. ciuitatum*: & inauditum, Defensores in ciuitatibus fuisse singulorum artificiorum, etsi Patroni quidam fuerint certorum Corporatorum: imo qui Defensores plebis erant, totius plebis Defensores erant. Igitur plebis seu *Ergasiotanorum* *Primates* quidam fuere: non Defensores. Verum, *Primates*, quorum nomina fuerunt Alexandrinæ, *Archigerontes & Diaceta*. *Archigerontes*, non quasi *γερόντας* seu Senatus Curiaque Principes, seu Principes *γερόντων*, id est, Senatorum municipalium, & sic principales Curia Alexandrinæ, seu quinque Summates Ordinis Alexandrini (quod quidam, & in his P. Burgius l. c. opinati, a quibus quam diuersi fuerint illi iam ostensum est,) verum quasi Principes summoque honore, & loco inter Artifices: id enim *γερόντων* vox sibi vult, non ætatis, verum honoris, & venerationis index: *ἐντιμοί, ἀριστεροί*. vt vel ex P. 379 Hesychio discere licet. Quomodo & apud Suidam voc. *Δημογερόντες*: *δημογερόντες οἱ τῶν δήμων ἐντιμώτατοι*: qui in populo sunt (Seniores ac propter ætatem) honoratiores. *Diaceta* vero *διοικηταί*, quasi Administratores: Proprium certe iam olim Diocetæ *διοικητῶν* nomen Alexandrinæ fuit, quo indicabatur is, qui a Rege esset constitutus, quique ab eo pecuniæ curationem & dispensationem suscepisset: vt exerte docet Cicero pro *Rabirio Postumo*, cap. 8. vbi de Ptolemæo R. agit, cui Postumus pecuniam mutuam dederat: At *DIOECETES*, inquit, fuit Regius. Et cap. 10. Nam, vt ventum est *ALEXANDRIAM* ad Auletem, Iudices; hæc vna ratio a Rege proposita Postumo est seruanda pecunia, si curationem, & quasi dispensationem Regiam suscepisset: id autem facere non poterat nisi *DIOECETES*: hoc enim nomine vitur, qui a Rege esset constitutus. Odiosum negotium Postumo videbatur, sed erat nulla omnino recusatio: molestum etiam nomen ipsum, sed res habebat nomen hoc apud illos, non hic imposuerat. Sic & Phalaris ad Polyetum medicum ep. 70. ait se Teucro τῷ ἐπὶ τῆς διοικήσεως scripsisse, vt ei annum solueret stipendium. &c. Sic & Athenis Magistratus erat ὁ ἐπὶ τῆς διοικήσεως, qui pecuniam athenis administrabat: cuius meminit Demosthenes pro corona. pag. 479. Ed. Wolff. Dinarchus in orat. κατὰ Διονυσίου τῷ ἐπὶ τῆς διοικήσεως, apud Dionysium Halicarnass. in *Dinarcho*, c. 10. Diogenes in Zenon. *Cittici Vit. lib. 7. Segm. II. & Polux*,

lux, lib. 8. cap. 9. segm. 113. pag. 936. Edit. Hemsterhuis. sic & sub Regibus Ægypti rursus, Polybius lib. 27. in excerptis Vales. pag. 126. horum diocetum meminit, ubi agit de Ptolemaeo Cypri Praefecto, quem ait cogendæ pecuniæ studiosissime incubuisse, neque cuiquam quidquam dedisse, etsi a Diocetis sæpissime flagitatus, ὅτι τῶν βασιλικῶν διοικητῶν, graviterque inculpatus quod reditus insulæ penes se retineret: verum postquam Rex adolevit, collatam magnam pecuniæ vim Alexandriam misisse. Quin & in veteri Inscriptione, quæ est Neapoli, apud Gruterum. CXXV. 1. ΔΙΟΙΚΗΤΑΙ ΤΗΣ ΦΡΗΤΡΙΑΣ ΑΡΙΣΤΑΙΩΝ, *sodalitatis seu corporis Aristarum*, memorantur: ΜΗ ΕΞΟΥΣΙΑΝ ΔΕ ΕΧΕΙΩΣΑΝ Ο ΦΡΗΤΑΡΧΟΣ Η ΟΙ ΧΑΛΚΟΛΟΓΟΙ, Η Ο ΦΡΟΝΤΙΣΤΗΣ, Η ΟΙ ΔΙΟΙΚΗΤΑΙ, Η ΑΛΛΟΣ ΤΙΣ ΤΗΣ ΦΡΗΤΡΙΑΣ ΤΗΣ ΑΡΙΣΤΑΙΩΝ ΤΗΝ ΘΥΣΙΑΝ Η ΤΟ ΔΕΙΠΝΟΝ ΤΗΠΕΡΙΘΕΣΘΑΙ ΠΑΡΑ ΤΑΣ ΤΕΤΑΓΜΕΝΑΣ ΗΜΕΡΑΣ. Et deinceps ter. Quod utique ad hanc legem proximum; ubi Diocetæ Ergasiotanorum memorantur. Simili quoque sensu διοικηταὶ apud Leonem Nouella 61. & Cantacuzenum, lib. 3. cap. 14. & Codinum de Off. Conf. cap. 2. (*) pro tributorum videlicet exactoribus, quomodo & apud Hesychium, διοικήσις ἡ ἀνάλωσις τῶν χρημάτων. Ergo Diocetæ ergasiotanorum non iam a Rege constituti, verum plebis & artificum corporis διοικηταί: Non Curatores Corporatorum. Forte qui communem corporum arcam & pecuniam administrabant. Quomodo ΔΙΟΙΚΗΤΑΙ ΦΡΗΤΡΙΑΣ, qui iunguntur in inscriptione Neapolitana Φρηταρχῶ, χαλκολόγοις, φροντιστῇ.

Nunc de sententia huius leg. Igitur Arcadius definit, Primates hos, Archigerontas, & hos inquam Diocetas, ex ipso Ergasiotanorum numero, seu Corpore, deligi oportere: non verò aliunde. Sua scilicet cuique recte committuntur, ad quam rationem collineat Arcadii lex 10. infr. de iudeis: neque alicui Corpori Caput dandum nisi ex eodem Corpore, & homogeneum. Nempe Patroni hi ex eo ipso Corpore iubentur hac leg. sumi: Quomodo & alias definitum de aliis Patronis, vnde desumi deberent: vid. l. 9. de Suariis. Cum haecenus proculdubio per ambitum Archigerontes & Diocetæ aliunde fumerentur. Nam quod Cuiacius XXIII. Obseru. 3. putat, id hac leg. statui, ut Tribuni seu Defensores plebis, ex Artificum numero deligantur, præterquam quod vel eo iam satis refutatur, quod non hic agi de Tribunis seu Defensoribus plebis ostensum est: quis quæso putet, Tribunos seu Defensores plebis ex Artificum numero sumptos, ac non potius ex alio sumendos qui auctoritate valerent? qui miseram plebem ab iniuria vindicarent? Sed enim neque hanc Defensorum institutionem ferre potuerit vrbs Alexandria: quæ cæteroquin vulgo turbida. Eiusdem Cuiacii ibidem lapsus est, cum hanc huius leg. mentem & scopum esse putat, ut Archigerontes Ergasiotanorum numero deligantur cura & diligentia Praefecti Ægypti: Nam hic scopus est huius leg. ut officiales Praefecti Ægypti inuigilent, ut ab ipsis Ergasiotariis deligantur Archigerontes, &c. ex Ergasiotarum numero. Ex his quoque iam apparet, quam in alium plane sensum hanc leg. traduxerit

Tribonianus, cum ita eam immutauit, Archigerontes diocetaque ergasiotanorum, nonnisi Christiani deligantur: hac sententia, huiusmodi Primates & Diocetas Artificum, nonnisi Christianos esse deligendos, non Gentiles scilicet, non Iudeos. Cui similis quædam ratio est legis 19. 20. Cod. Iust. eod. tit. de Episc. aud. Sed licuerit id Triboniano facere pro potestate sibi a Iustiniano indulta: At enim grauissimus error est P. Burgii I. Elect. 3. qui ita quoque hac leg. reponendum contendit, ex Christianorum numero. Nil moror ultra crassos aliorum errores, veluti Accursii: imo & Alciati 3. Dispunct. 18. & Panciroli II. Var. 173. Diuinabat Maynardus siue quis alius in excerptis Notarum ad Theodosianum, hic reponendum, ex Arfinoitano nomo, vel ex Saitanorum nomo: quasi ex omnibus Ægyptiacis nomis soli Arfinoitani, vel Saitani ius Alexandrinæ ciuitatis consecuti, eos honores, eamque curationem διοικησιν seu ἀρχιγερασίαν in Alexandrina ciuitate consecuti fuerint. Quod nulla ratione aut exemplo stabiliri potest. Stet igitur, id hac leg. iuberi, ut qui Archigerontes & Diocetæ erant, & dicebantur Alexandria, ex Ergasiotanorum numero fumerentur: & proculdubio ex eodem Ergasiotanorum Corpore, cui Primates illi præesse debebant. Haud absimili prorsus ratione cautum quoque l. 5. Cod. Iust. de commerc. & mercatorib. Collegiatis ex eodem Corpore subrogandos. Nempe quod politicum scemna hinc educendum, sua cuique recte committi, & ex eodem Artificum velut in arte peritorum Corpore Archigerontes & Diocetas præficiendos. Apage enim hinc quæ Burgius I. Elector. c. 3.

Superest singularis admodum huius leg. quæ ad Praefectum Augustalem seu Alexandrinum data est, subscriptio: Προposita Alexandria Eutycheo. Hanc subscriptionem ita iam olim accepit Franc. Pithæus, cuius sententiam quoque amplexus est Cuiacius XXIII. Obseru. 3. Propositam hanc legem in Prætorio Praefecti Augustalis, quod Eutycheum, vocabatur: adducta eam in rem insuper Synesii epistola 79. ad Anastasium, ubi de Andronico Pentapoleos Ægypti Praefide; Ἀνδρόνικῳ ἐνεργέτῃ τῆς εὐτυχῆς τῶν ὑπάρχων οἰκίας ἐτόµεν. Eam vero sententiam olim & ipse amplexus sum. Verum alia mihi nunc stat sententia. Nam quod Synesium attinet, cum Petauio, εὐτυχῆν τῶν ὑπάρχων οἰκίαν, accipio fortunatam Praefectorum domum: aperte enim eo loci Synesius id vult, Andronicum Pentapoleos Rectorem, ad quem arcum Praefecti Prætorio Anthemii somnium perlatum fuerat, ut bene merentem de fortunata Praefecti Anthemii domo, commissum negotium posset exequi: ὑπάρχων scilicet vox ibi aliisque eius epistolæ locis, pro ὑπάρχω vno exaudienda: quomodo & Praefectus Augustorum dicitur, qui vnus tantum erat. Quod huius leg. subscriptionem attinet, nihil est quod persuadeat, Eutycheum^{p. 273} Prætorium fuisse Praefecti Augustalis. Etsi alias legamus in Secretario quoque iudicum lectas & allegatas quasdam leges. Quare putet quis Templum id fuisse Alexandriæ, quomodo in Templis Gentilium, pariter ut in Ecclesiis Christianorum lectæ quoque leges: quasi Felicitatis Bonique euentus Templum: quomodo, & εὐτυχίας ἱερὸν a Lucullo excitatum memorat Strabo, l. 8. pag. 585. Edit. Almeloueen. quod τυχεῖον vocat Dio libr. 43. pag. 224. Edit. Leonclau. & in excerptis Valesianis, pag. 618.

(*) Adde ad hunc locum, quæ congeffit IACOB. GOAR & CL. du FRESNE in Gloss. vocæ διοικητῆς, διοικηταί, Dioceta.

618. Cicero vocat *Ædem Felicitatis*, orat. in *Verrem*, de *signis* cap. 2. in *fin.* & Plinius lib. 34. c. 8. & lib. 36. cap. 5. & Augustinus 4. de *ciuitate Dei*, cap. 23. Sic & *Tycheum* inter octo templa Deorum Gazæ, Marcus Gazensis memorat apud Baronium, *Ann.* 401. n. 39. Sic & *Pantyeum* locus in Bythynia, vbi ab Arcadio Confessorio habitum de Eutropio, testatur Philostorgius lib. 11. cap. 6. in *fin.* (& ex eo Nicephorus lib. 13. cap. 4.) & Sozomenus lib. 7. cap. 21. cuius mentio quoque in Itinerario Antonini pag. 139. & Hierosolymitano pag. 572. Ed. *Wessling.* & apud Dionysium Byzantium, cuius verba nobis seruaui P. Gyllius lib. 3. *Bosp. Ibrac.* c. 4. Sic & Ammianus Marcellinus sine lib. 29. ait, Claudium P. V. Porticum ingentem Romæ excitasse, lauacro Agrippæ contiguum, *Euentus boni cognominatum*, ea re quod huius nominis prope visitur Templum: Cuius *Templi Boni euentus* mentio quoque apud Victorem *Regione IX.* De boni Euentus quoque simulacro Romæ Plinius lib. 34. cap. 8. deque Bono Euentu, quem agricolæ inuo-

carunt, Varro initio de *re rustica.* Huius generis igitur fuerit *Eutycheum* Alexandriæ; vel Templum, vel certe locus sollemnis ad id Templum *Boni euentus*, vbi hæc lex *Proposita* dicitur: quo Artifices & Ergastotani conuenirent frequentes; quibus in mercimoniis suis bonus euentus, *εὐτυχία*, seu *εὐτυχῶν*, feliciter rem gerere votum est.

Ex superioribus interim apparet, quam suauis sint aliorum interpretationes. Accursius Archigerontes interpretatur, Archipresbyteros, & Episcopos, vel minores Sacerdotes qui damnatorum in metalla confitentium peccata audiebant: vnde iam hunc textum allegant ad hoc, quod Iudex post sententiam latam contra reum debet mittere ei Sacerdotem vel Religiosum, vt confiteatur peccata sua. Alii accipiunt de his qui mensam Principis, vel alia negotia procurant. Parciolus II. *Var.* 173. Senes interpretatur, qui Gynæciis præerant, vbi vestes Principis & linea texebantur: præfectos ad obseruandam mulierum pudicitiam. Quæ omnia inania sunt.

II. (a) Impp. DD. NN. THEOD. & Valentinianus AA. Isidoro PF. P. (b)

CORPORATOS ciuitatis Alexandrinæ repurgandi fluminis (c) onere liberamus: & pro tenore & (d) dispositione tua, quadringentos solidos ex dinummio vectigali memoratæ ciuitatis præcommodari (e) decernimus, ita vt ex titulo nauium omnibus modis repensetur. Dat. Prid. Non Iun. Constantinop. Isidoro & Senatore Coss. (436.)

NOTÆ.

- (a) *Lex vnic. Cod. Justin. eod. tit.* Iungenda huic lex 3. *supr. de indictionib.* lex 2. *supr. de frum. Alexand.* lex 189. 190. 191. imo & 192. *supr. de Decurion.* Quinimo & lex vlt. *supr. de indulg. debitorum.* GOTHOF.
(b) Isidorus PP. Orientis sub Theodosio Iun. vid. *Prosopogr.* ID.
(c) Nili. ID.
(d) *Dispositionis tue*, ita *Cod. Justin.* ID.
(e) *Præcommodari*: vt prædelegatio, d. l. 3. *supr. de indict.* quæ huic inter alias iungenda est. ID.

COMMENTARIUS.

DE CORPORATIS Alexandrinæ ciuitatis est equidem pars prior huius constitutionis, quo sine hac lex in hunc *titulum* coniecta est: neque tamen adhuc recte, cum *Titulus* sit de *Primatibus plebis Alexandrinæ*: Sed & tota de NILI fluminis repurgatione est: sic vt ab hoc *titulo* prorsus aliena sit.

Illud ante omnia sciendum est, eam esse partem prolixioris constitutionis, qua Theodosius Iun. non tantum Ægyptiorum commodis in commune consultum iuit, quo pertinet lex 3. *supr. de indiction.* quæ inde desumpta est: verum etiam ac speciatim Alexandrinorum, ac nominatim Curialium Alexandrinorum: l. 189. 190. 191. *supr. de Decurionib.* Popularem, seu populi & plebis Alexandrinæ, l. 2. *supr. de frum. Alexandrino*: Corporatorum, quo pertinet pars prior huius leg. quæ quidem *leges* omnes inter se coniungendæ sunt: atque adeo huic coassandæ. Nili fluminis denique repurgationi consulit hac lege: de quo flumine dictum affatim *supra*, tit. de Nili aggeribus non *rumpendis*: scilicet Nilus in fossas quasdam exæstuat, Tom. V.

iusque recipiebatur, quæ longa vetustate Nilo trahente limum, oblimabantur. Eas Augustus olim militari opere deterfit, quo Ægyptus feracior & vrbicæ annonæ habilior redderetur: teste Suetonio in *Octauio*, cap. 18. Quemadmodum & classis Seleucena erat ad auxilium purgandi Orontis, vt docet lex vnic. *supr. de Classicis.* Igitur de harum fossarum repurgatione hac leg. accipio cum Magio r. *Miscell.* 10. vt ita flumen, hic pro fossis prædictis accipiam, quibus aqua admittebatur, & per quas in Nilum & Alexandriam frumentum conuehere-

Hoc onus repurgandi inquam fluminis Nili, Corporatis Urbis Alexandrinæ incubuisse videtur, quo Theodosius Iunior eos hac leg. liberat ad relationem Isidori PP. Corporati, de quibus tit. *peculiari* *supr. de priuilegiis Corporatorum*, erant ministeria vrbis necessitatibus seruientia: veluti Pistor, Catabolenses, Suarii, Pecuarii, Susceptores, Mancipes thermarum, Calcis ad publicum usum coctores, & similes. Ac vt in aliis Vrbibus, ac nominatim in Vrbe Roma, & Constantinopoli:

Ita & Alexandria: quorum Alexandrinorum Corporatorum non tantum *hac leg.* fit mentio, verum etiam l. 42. *infr. de Episcopis.*

Hi, ut ab una parte privilegiis quamplurimis gaudebant, veluti ut ne quid novum, id est, extraordinarium sustinerent, ut ne ad militiam cogerebantur, nisi ad murorum & portarum custodiam, de quo dictum plene *dicto tit. de priuil. Corpor. V. R.* ita viceversa variis oneribus obnoxii erant. Et quidem in Urbe Alexandrina, repurgio fluminis Nili, a quo eos nunc liberat Theodosius Iunior.


His ita liberatis, ad relationem Isidori PP. secundum eiusdem relationem & dispositionem iubet Theodosius Iun. inuicem, eam in rem, ad repurgium inquam Nili fluminis 400. solidos ex dinummio vectigali ciuitatis Alexandrinæ *præcommodari*: mox vero ex titulo nauium id restitui. Vbi de tribus videndum est.

Primum de vectigali ciuitatis Alexandrinæ. Nempe ut alia Ciuitates sua vectigalia habuere, de quibus dixi ad *tit. infr. de operib. publ.* ita & sua habuit Alexandria: suos itaque proculdubio agros vectigales & redditus Alexandria habet, more aliarum Ciuitatum.

Cæterum (quod secundo loco obseruandum) vectigal istud *Dinummiu* hic vocatur, siue pro omni vectigali, siue pro singulari quodam vectigalis genere Proculdubio *Dinummiu* a præstationis quantitate & modo sic dictum: Glossæ *Philoxeni*, Binio *δινύμια*: Biniones, *δινάρια*: Ita *διδραχμον* in Euangelio, tributis & præstationis genus. Ita quoque *siliquaticu* dictum a modo vectigalis, de quo dixi ad l. 2. *supr. de Veteranis*, *κερατισμός*. *Κεράτιον* & siliqua vicissima pars solidi. Ita *δικέρατον* Constantinopoli pro faciendis urbis muris, cuius auctor Leo Iconomachus, teste Cedreno *sine Tom. I. Edit. Reg.* vel Nicephorus, teste Constantino Manass. *pag. 93. Edit. Reg.* *Dinummiu* ergo denarius: & ab eo *dinummiu* vectigal, sic a *denario* merces ipsa *denariata*, vulgo

denree, in adnunciatione Caroli apud Pistas 862. *Dinummi* etiam meminit Ægesippus. vid. Pithœum in *leges salicas*, tit. 1. *pag. 102. Edit. Bignon. Paris. 1665. 4.* *Dinummiu* autem eadem forma, qua *adnummiu*, etsi diuerso sensu.

Ergo, quod tertium *hac leg.* & dispositionem legis continet, cum hoc tempore Nilus repurgatione opus haberet, ut Isidorus PP. disposuerat, ita & Arcadius *hac leg.* vult, ad id, quadringentos solidos ex dinummio vectigali Urbis Alexandrinæ *præcommodari*, id est, antecessum erogari, eosque ex titulo nauium *repensari*, seu restitui. Ex titulo *nauium*, id est, ex mercibus importatis & exportatis: Dicta ea *εἰσαγωγικά, ἐξαγωγικά*, hæc enim ad Principem proculdubio spectabant: hicque *Titulus nauium* dicitur: de quibus alioquin non tantum Iustinianus in *Editto de Alexandrinis*, sed etiam Strabo *lib. 17. pag. 1149. Edit. Ameloueen. de Alexandria & Egypto*: *ὡν δὲ καὶ εἰς τοὺς μεγάλους ἐλλοθῆαι μέχρι τῆς Ἰνδικῆς καὶ τῶν ἀκρῶν τῶν Αἰθιοπικῶν, ἐξ ὧν ὁ πολυτιμώτατος κομίζεται φόρτος εἰς τὴν Ἀγυπτον, κἀντὺθεν πάλιν εἰς τὰς ἄλλας ἐκπέμπεται τόποις: ὡς τὰ τέλη διπλάσια συνάγεσθαι: τὰ μὲν εἰσαγωγικά, τὰ δὲ ἐξαγωγικά: τῶν δὲ βαρυτίμων βάρεα καὶ τὰ τέλη: καὶ γὰρ δὴ καὶ μονοπωλείας ἔχει. Μόνη γὰρ ἡ Αἰγύπτια τῶν τοιούτων, ὡς ἐπὶ τὸ πολὺ καὶ ὑποδοχῆσιον ἐστὶ καὶ χορηγεῖ τοῖς ἐκτός. nunc maxime classes usque in Indiam & extrema Æthiopia transmittunt: unde pretiosissima merces in Ægyptium aduehuntur, ac rursum in alia exportantur loca ex Ægypto, ut duplicia hinc vectigalia exigantur, unum verum, que importantur, alterum earum, que exportantur: cæterum pretiosarum mercium graui sunt iidem vectigalia, cum & monopolia ibi sint: nam sola fere Alexandria & recipit istas merces, & foras emittit. Ergo titulus nauium ad Principem seu imperatorem spectabat: dinummium vectigal ad ciuitatem Alexandrinam. Titulus dicitur solemnis species tributorum, quæ fisco inferebantur: de quo vide *tit. de annona & trib.**





CODICIS THEODOSIANI LIBER DECIMVS QVINTVS.

HOc LIBRO AGITVR DE TRIBVS.

- I. De OPERIBVS, & ornamentis publicis; idque quatuor Titulis prioribus; puta *Tit. 1. 2. 3. 4.*
- II. De VOLVPTATIBVS & SPECTACVLIS, LVDISQVE publicis, Titulis nouem sequentibus; puta *Tit. 5. 6. 7. 8. 9. 10. 11. 12. 13.*
- III. De PACE publica tuenda, Titulis duobus postremis: puta *Tit. 14. & 15. seu vlt.*

HVIVS LIBRI TITVLI.

- | | |
|---------------------------------|---|
| I. De operibus publicis. | X. De equis curulibus. |
| II. De aquæductu. | XI. De venatione ferarum. |
| III. De itinere muniendo. | XII. De Gladiatoribus. |
| IV. De imaginibus imperialibus. | XIII. De vsu sellarum. |
| V. De spectaculis. | XIV. De infirmandis his quæ sub tyrannis aut barbaris gesta sunt. |
| VI. De Maiuma. | XV. Quorum vsus interdictus est. |
| VII. De Scenicis. | |
| VIII. De lenonibus. | |
| IX. De expensis ludorum. | |

DE OPERIBVS PVBLICIS.

TITVLVS I.

LIB. VIII. Cod. IVST. TIT. XII. & Nou. Maioriani VI.

Huius porro *Tituli* sex constitutiones ad **HISTORIAM ECCLESIASTICAM** refero: puta, *Constantini M. l. 3. Iuliani l. 8. 9. 10. Arcadii l. 36. Honorii l. 41.*

PARATITLON.

OPERA publica, Rubr. & l. 2. 5. 6. 10. 24. 33. 40. hoc tit. & l. unic. supr. de Comit. ordin. prim. l. 6. i. 20. l. 2. supr. de Veteranis: (quæ & Opera, absolute, l. 3. 7. 11. 15. 16. 18. 19. 26. 29. 31. 34. 50. 51. h. i. Fabricæ, l. 12. 14. 16. 18. 31. 37. hoc tit. & l. 136. *Paratitlon* supr. de Decurionibus: Fabricæ publicæ, l. 30. h. i. Moenia l. 1. h. i. Moenia publica, l. 32. 33. 39. hoc tit. Ædificia publica, l. 21. 41. 46. hoc tit. l. 13. supr. de Metat. Ædificia, absolute, l. 30. 31. 39. hoc tit. Fabricatio publica, l. 2. supr. de Sepulch. viol. Ædes publicæ, d. l. 46. hoc tit. Loca publica, l. 22. 41. 43. hoc tit. Balnea publica, quo pertinet quoque l. ultim. de custodiareor. vt Balnea Zeuxippi Constantinopoli, l. 52. hoc tit. Loca fiscalia, l. 13. supr. de Metall. Hæc speciatim hoc Cod. memorantur: Aquæductus, l. 23. 36. hoc tit. (de quibusque proxime suo titulo:) Auditoria, l. ultim. hoc tit. & l. unic. supr. de Professor. Baphia l. ultim. de Murileg. Basilicæ l. 50. hoc tit. l. 3. supr. de Paß. Burgi, vid. tit. de Burgariis. Capitolium l. 3. supr. de Stud. liber. V. & l. unic. de Professor. qui in Urb. Constant. Castra Castella; vid. *Paratitlon* de re milit. Ecclesiæ, vid. infr. tit. 2. lib. 16. Ergasteria publica, l. 9. 42. hoc tit. Carceres de quibus vid. tit. de custod. reor. (alia enim priuata fuere, l. 5. supr. de Metat. vbi de his dixi plene: & l. 3. supr. de conlat. Patrim. & l. 14. infr. de Episcop.) Exedrae, l. ultim. hoc tit. Fora, l. 22. hoc tit. l. 13. de Legatis: Horrea, l. 4. 17. 35. 37. hoc tit. vid. supr. tit. de cond. in publ. horr. (quæ & horrea fiscalia, l. 12. hoc tit. & l. 16. supr. de Susceptor. & l. 1. infr. de Equis Curul.) horrea publica, l. 38. hoc tit. (qualia per Picenum memorantur, l. 17. hoc tit. per Præfecturam Prætorianam Italiæ, l. 37. hoc tit. Orientis, l. 35. 38. hoc tit. apud Urbem Romam & Portum, l. 12. hoc tit. & supr. tit. de Patron. Horreor. Portuens. 23. lib. 14. & de Condit. in publ. horr. tit. 14. lib. 11. Per Africam, quo pertinet l. 16. supr. de Susceptorib.) (Alia enim priuata horrea fuerunt, de quibus l. 3. supr. de conlat. donatar.) Martyria, l. ult. supr. de Sepulchr. Militaria opera, de quibus vid. *Paratitlon* de re milit. Muri, l. 34. l. 36. 49. 57. hoc tit. l. 13. supr. de Metat. l. ultim. de equorum collat. Palatia Principis, vid. supr. tit. Ne quis in Palat. man. l. 35. 47. hoc tit. veluti Romæ, l. 1. infr. de Pagan. l. 3. supr. de Bon. vacant. Parapetasia, l. 39. hoc tit. Pharos portus ostiensis, l. 3. de calcis coctoribus: Plateæ, l. 39. hoc tit. Pontes, l. 36. hoc tit. vbi dicam: & l. 2. ne operæ a collator. Porticus, l. 39. 44. 45. 50. 52. & l. ultim. hoc tit. Porticus Publicæ, l. 12. infr. de Scenic. quæ variis operibus publicis additæ veluti Senatui, d. l. 44. Circo d. l. 45. Thermis, d. l. 50. hoc tit. Lauacris, l. 52. h. i. Auditoriis, d. l. ultim. hoc tit. Ecclesiis, l. 4. de his qui ad Ecclef. Portus, l. 23. hoc tit. Prætoria Iudicium, l. 8. 35. hoc tit. & l. 3. supr. de Offic. Iudic. omn. & l. 6. supr. de Metat. l. 2. ne quis in Palat. l. 1. de domib. ad rem priu. pertin. seu Domus Iudiciariæ, l. 8. hoc tit. Stabula, l. 16. 17. 35. 37. hoc tit. & l. 34. supr. de Curs. Publ. id est, receptacula publicorum animalium (cursui scilicet publico destinatorum) d. l. 35. hoc tit. Item stabula Urbis Circensium factionum, l. 2. infr. de Equis Curul. Tempia, l. 3. & 36. hoc tit. vid. & infr. tit. de Pagan. Sacrif. & Templ. Thermæ, l. 32. 50. hoc tit. & l. ultim. supr. de Sepulchr. viol. seu Lauacra, l. 52. hoc tit. Turres murorum, l. 51. hoc tit. in limite, l. 13. Xyfti, l. 8. supr. de Medicis & Professoribus.

OPERVM publicorum alia erant in ciuitatibus, l. 14. 18. 19. 27. 28. 41. 42. 43. hoc tit. seu in urbibus, l. 1. 7. 11. 12. 16. 17. 19. 22. 25. 26. 32. hoc tit. Oppidis, l. 14. 32. hoc tit. Et ex iis nonnulla intra muros, alia muris cohærentia, l. 41. hoc tit. vid. & l. 3. infr. de Pagan. sacrif. & Templ. & l. 13. supr. de Prætor. Alia in Imperii limite, vt Turres, l. 13. hoc tit.

In illis consistebat ornatus Ciuitatis, l. 37. 41. 43. hoc tit. Decus, l. 1. & 16. hoc tit. Splendor publicus, l. 25. hoc tit. Nitor publicus, d. l. 25. hoc tit. Ornamentum, l. 16. 37. hoc tit. Nempe quod in his ornamenta varia essent, l. 1. hoc tit. veluti signa, marmora, columnæ, imagines, l. 14. 16. 37. 44. hoc tit. Et quidem Principum imagines, de quibus suo tit. infr.

His vero operibus publicis additi Tituli de Principis nomine, *l. 31. hoc tit.* quandoque & eorum, qui ad fabricam vrbs contulissent: vt in *sp. l. 13. supr. de Prætor. de quo vid. & l. 2. 3. §. 2. l. 4. & l. 7. in fin. D. eod. tit.*

EXCITABANTVR vero hæc opera, I. vel sumptu publico, *Expensis ciuitatum & vectigalibus, l. 26. hoc tit.* E viribus Reipubl. *l. 26. hoc tit. & l. 1. supr. de Præb. Salar.* vnde aliquando affectata destinataque ei rei certa pensionis Reipubl. seu de redditibus & vectigalibus pars *l. 26. & 48. hoc tit.* puta tertia, *l. 18. 32. 33. hoc tit.* Ex fundorum Ciuitatis Reipubl. locatione, pensione, *l. 1. supr. de locat. fund. iur. Emphyt. & Reipub.* Ex Ergasteriorum seu Tabernarum locatione. Vide *Nou. Theod. 30.* Ex titulis solitis, *l. 2. hoc tit. & Ammian. lib. 27. cap. 3.* Ex vectigalibus, vel aliis titulis, *l. 2. supr. de Sepulc. viol.* II. Qui tituli socii si non sufficerent, noui tituli prouidebantur: *l. 2. hoc tit.* Sic quidem, vt aliquando ex aliarum Ciuitatum minorum tertia portione infumerentur, *l. 18. 26. hoc tit.* III. Aliquando Prouincialium sumptu, veluti stabula, *l. 34. de curs. publ.* adscriptione facta per possessiones Ciuium, *l. 17. 34. hoc tit.* Sic vt nullus ab ea immunis esset, *l. 5. hoc tit.* (Senatoribus tantum exceptis, *l. 7. hoc tit.* & Veteranis, *l. 2. supr. de Veteranis:*) Quo casu non pecunia, sed species ipsæ postulabantur, *l. 17. hoc tit.* Operæ etiam ad instaurationem alicuius operis conferebantur, nullo ab ea re immuni: *l. 23 & 49. hoc tit.* At opera militaria, adiumentis militum, *l. 13. hoc tit.* IV. Priuata pecuniâ seu largitate, *l. 19. hoc tit.* V. Item Constantinopoli Prætores nonnulli pecuniam ad publicas fabricas conferre iussi, *l. 13. 29. 30. supr. de Prætoribus.* VI. Tandem etiam, quandoque Iudices multas publicis operibus specialiter deputabant, *l. 5. Cod. Iust. de modo multar.* Cura extruendorum operum publicorum in vrbe ad Iudices vrbanos pertinebat; velut ad P. V. *l. 11. 12. 19. hoc tit.* per Prouincias ad Iudices, *l. 2. 7. 11. 14. 15. 16. 18. 21. 28. 29. 31. 37. hoc tit.* ad Prouinciam destinatos, *l. 20. hoc tit.* Rectores, *l. 35. hoc tit.* Rectores Prouinciarum, *l. 15. 18. 33. hoc tit.* veluti Consulares, *l. 17. hoc tit.* Item ad ordines Ciuitatum, *l. 33. hoc tit.* Militarium vero, ad Duces rei militaris pertinebat, *l. 13. hoc tit.*

CVRATORES speciatim extruendis operibus publicis præponebantur, seu operis publici cura temporalis iniungebatur, *l. vnic. supr. de Comit. ord. primi art. diuers.* qui ab opere perfecto vsque ad 15. annos, si quid vitii in ædificio emerisset, tenebantur, *l. 24. hoc tit.* Contra pro præmio, quandoque Comitibus primi Ordinis donabantur, & Consularibus exæquabantur, *d. l. vnic. vid. & Symmach. lib. 10. epist. 38. 39. lib. 5. epist. 76.* Missi & extra ordinem aliqui ad inspicienda opera, ad renuntiandum Principi, quæ opera defidia corrupta essent, *l. 2. hoc tit.*

Circa EXTRUCTIONEM Operum publicorum IUDICIBVS sequentia inculcata: I. Vetera opera ab his instauranda, reparanda: *l. 2. 3. 11. 14. 15. 16. 17. 19. 20. 21. 27. 28. 29. 30. 31. 35. 37. hoc tit.* Idque statim inconsulto Principe, *l. 2. 44. hoc tit.* alioquin Iudex iam priuatus ea reparare cogebatur, *l. 35. hoc tit.* II. Vt & inchoata pariter opera a decessoribus suis complenda: *l. 3. 21. hoc tit.* Inchoato operi consummando tempus quandoque statutum, vt monumentis reficiendis, *l. 2. supr. de Sepulc. viol. lib. 9. tit. 17.* III. Nouum vero opus de quo sunt *leges sedecim:* puta *lex 3. 11. 14. 15. 16. 17. 18. 19. 20. 21. 27. 28. 29. 30. 31. 37. hoc tit.* sumptu publico a Iudicibus non adgrediunda, nisi Primo veteribus reparatis, *d. l. 14. 15. 16. 17. 19. 21. 29. hoc tit.* Secundo Inchoatis completis, *d. l. 3. 21. 29. hoc tit.* (exceptis tantum Templis, *d. l. 3. hoc tit.* stabulis, *d. l. 16. 17. 37. in fin. hoc tit.* horreis, *d. l. 16. & 37. hoc tit.* aliisque necessariis, *l. 18. hoc tit.*) Tertio, nisi ex permissu Principis, *d. l. 11. 27. 30. 31. 37. hoc tit.* Quarto, Aliquando tamen Iudicibus id concessum, vt tertiam partem noui operis construere possent, *d. l. 20. hoc tit.* Alioquin nouum opus a se inchoatum suis sumptibus etiam priuatum complere debere, *l. 9. 27. 28. 31. hoc tit.* IV. Non dirutis aliis operibus, noua publice excitanda, nisi ex permissu Principis, *l. 30. hoc tit.* veluti Templis, *l. 36. hoc tit.* seu ornamentis suis non spoliandas Ciuitates; adeoque neque ad alia oppida ornamenta transferenda, *l. 1. 14. 30. 31. hoc tit.* non monumentis (id est sepulchris) deiectis, *l. 2. supr. de Sepulc. viol.* V. Non

occupatis item priuatorum locis, nisi permutatione facta, vt in specie *l. 50. hoc tit.* vel pretio refuso, in *spec. l. vnic.* vel immunitate inuicem quadam tributa, vt in *spec. l. 1. infr. de aqueductu.* VI. Non inscripto suo nomine, sed Principis *l. 31. hoc tit.*

De EXTRUCTIS iam Operibus publicis sequentia notanda. I. Priuatos ea ad vsus transferri non posse, *l. 8. 12. hoc tit.* Exceptis casibus, *l. 50. 51. 52. hoc tit.* neque a Principe peti seu impetrari; *l. 10. 40. 41. 42. 43. hoc tit.* II. Siue propter ornatum publicum, siue propter incendiolorum metum, siue alia de causa, Aedes priuatorum his non adiciendas, *l. 25. 39. 46. hoc tit.* Spatiumque ideo & interuallum certum ab Operibus publicis, priuatorum ædificiis extruendis constitutum; nempe in commune 15. pedum, *l. 46. hoc tit.* ab horreis, centum pedum, *l. 4. hoc tit.* vide & *l. 38. hoc tit.* sic vt ex quatuor lateribus priuatorum consortio separata esse deberent horrea, *d. l. 38. hoc tit.* III. Loca publica, Palatia, fora priuatis ædificiis non occupanda, *l. 22. 46. hoc tit.* IV. Operibus & locis priuatorum ædificia non superponenda, *l. 22. hoc tit.* (exceptis casibus, *l. 9. & 41. hoc tit.* Parapetasis vel aliis operibus platearum spatia non angustanda, vel porticibus latitudo minuenda: *l. 39. hoc tit.* Adhærentia alioquin vel superposita, vel imposita, extructæ ita ædificia, destruenda: *l. 4. 22. 38. 39. 46. hoc tit.*

P. 278

De ORNAMENTIS vnius Ciuitatis ad aliam non transferendis.

I. (a) Imp. CONSTANTINVS A. ad Flavianum (b) Proc. Afric.

Nemo (c) propriis ornamentis esse priuandas existimet Ciuitates: Fas liquidem non est, acceptum a veteribus decus (d) perdere ciuitatem, (e) veluti ad Vrbis alterius mœnia (f) transferendum. Dat. IV. Non. Febr. Med. Acc. VIII. (g) Id. Iul. Constantino A. (h) & Cæs. Coss.

N O T Æ.

- (a) Absit hec lex à Cod. Iustiniano. Concordant autem illi *l. 14. & 37. infr. hoc tit.* Et lex 6. Cod. Iust. de edific. priuat. GOTHOF.
- (b) Flavianus Proconsul Africa: vid. Prosopogr. ID.
- (c) Iudex vel Rector quicumque. ID.
- (d) Decus, de ornatu publico ex operibus hac leg. & *l. 7. 16. hoc tit.* & *l. 6. Cod. Iust. de edific. priuat.* & apud Cassiodorum I. Var. 28. II. Var. 7. III. Var. 29. vide similia in Paratisto. ID.
- (e) Aliquam, seu quancunque. ID.
- (f) Mœnia hic, & *l. 32. infr. hoc tit.* sunt opera publica seu ædificia: & quidem maioris meriti, pariter vt apud Victor. Schotti in Decio c. 29. Symmachum lib. 10. epist. 34. alterum Victorem in Adriano c. 14. vide plura in Gloss. far. Theodos. & quæ dico ad *d. l. 52. ID.*
- (g) Nota interuallum quinque mensium inter latam legem Mediolani, eandemque post Acceptam in Africa, Kartagine vt puto. ID.
- (h) Rescribendum vti mox dicam Constantio IX. & Iuliano Cæs. II. COSS. id est, Anno D. 339. ID.

COMMENTARIVS.

SUB CONSTANTINI M. nomine quatuor de Operibus publicis Constitutiones hoc tit. primo loco occurrunt. Hac sane (quam tamen CONSTANTINO potius, eo quod dicam, mox argumento, adscribam) TRANSFERRI publica vnius ciuitatis ornamenta vetusta, (seu vt lex ipsa loquitur) a veteribus accepta, ad alteram Ciuitatem, idque per Africam Proconsularem speciatim, prohi-

bentur: pariter vt duabus aliis huius tituli constitutionibus: puta Valentiniani Senioris lege 14. hoc tit. & Honorii lege 37. hoc tit. Vnius scilicet Ciuitatis, quamlibet Metropoleos vel splendidioris (vt docet *d. lex 14.*) ornatus, alterius, vt maxime abditæ & obscuræ, nuditate redimenda non est: denique (vt eadem *d. lex 14.* ait,) etsi adeo aliquid fuerit inchoandum, ab aliis ciuitatibus temperari conuenit.

uenit. Eadem sane quoque ratione, vnus ciuitatis Equos Aurigas, publicæ voluptati lætitiæque dicatos, denique spectacula, vel spectaculis in ciuitate aliqua destinata, ad aliam ciuitatem transferre Iudices vetiti: l. 1. & 3. *Cod. Iust. de spectac.* Ad eundem rursus modum & Clericatus in vno vico idoneos, ad alium vicum transferre non licet, l. 33. *infr. de Episcop.* Et Religioni igitur & festiuitati, & ornatui seu decori publico cuiusque Ciuitatis, alterius splendidioris forte, obtentu, nil detrahi: opotet etsi reductibus sæpe detrahi possit, l. 18. 26. *infr.* Item, etsi de Roma scimus, eam publica authoritate, translatio huiusmodi ornatum commaxime decoratam; de quo inter alios locus est apud Plinium l. 35. *cap. 14. Lacedæmonæ excelsa lateritiis parietibus opus tectorium, propter excellentiam picturæ, ligneis formis inclusum, Romanæ deportauere in ædilitate ad conuiuium exornandum Murena & Varrò. Quod opus cum per se mirum esset, translatus tamen magis mirabantur.* Quod & ipsum Constantinopoli postea euenit, quæ aliarum Ciuitatum nuditate excitata, ornataque; de quo vid. Libanium *orat. ὑπὲρ ἱερῶν n. 3. & 9.* vbi iam dixi: Zosimum *lib. 2. cap. 31.* & Hieronymum *Chronico*: de quo etiam Gentiles quæsti maxime. Sed quid mirum? aliarum ciuitatum ornatum vtrique Romæ cessisse, quæ sui cuiusque orbis Reginæ, Metropoleon Metropoles, ἀστέων ἑξέου fuerunt? & de quarum prærogatiua in commune docuit *libr. 14. supr.*

Quod huius leg. dispositionem attinet: Neque dispari etiam ratione Vlpianus negabat in l. 41. §. 5. *D. de Legat. 1.* Permittendum priuatis ad Opus Reip. legare, vt de alia ciuitate in aliam ornatus transferretur, Neque ab similibus rursus, imo maiore adhuc ratione Constantinus M. Anno D. 321. l. 6. *in pr. Cod. Iust. de ædific. priu.* priuatis interdixit, ne ciuitate spoliata ornatum ad rura transferrent: neque quis ex vna in aliam ciuitatem statium parietum marmora vel columnas de propriis domibus in propria transferret, arg. a contrario, d. l. 6. Denique nec ab simili ratione Maiorianus *Nou. 6. de ædific. publ.* Aedes publicas & antiquas, quæ propter vsum vel amoenitatem publicam olim surrexerant in Vrbe Roma, alterius publici operis causa dirui vetuit: Quo pertinet quoque Cassiodori *epist. 7. lib. 2.*

Contra cum hac prohibitione perperam a nonnullis committeretur. Primo Hadrianea illa prohibitio, de qual. 52. *D. de contrab. empt. l. 41. 43. D. de Legat. 1. l. vltim. D. de damn. infest. & Spartianus, in Hadriano: & l. 2. Cod. Iust. de ædific. priu.* Ea quippe prohibitio priuatos, priuataque opera respiciat, P. 279 ciebat aliaque iam ratione nitebatur. Id scilicet notissimo illo Aciliano SC. quod sub Adriano conditum, constitutum fuit, vt ne materiam, seu ædibus iuncta, tollere promercii seu negotiationis causa liceret. Atenim huius legis prohibitio Iudices & publica opera respicit: Nempe priuatis interdictum priuata ædificia promercii causa diruere; ne alioquin ruinis vrbis facies deformaretur: Atenim publica ornamenta vnus ciuitatis, alterius ornandæ causa Iudices detrahare, alioque transferre alia ratione prohibiti, nempe quod suis ita cuique Ciuitati constaret ornatus, non alterius nuditate redemptus. Alia rursus ratione Iulianus, in l. 7. *Cod. Iust. de ædific. priu.* aliquando cauendum credidit, vt ne cui columnas vel statuas cuiuscunque materiæ, siue ex alia, siue ex eadem Prouincia auferre, vel mouere liceret. (Quæ alioquin lex cum aliis vulgo pugnare videtur, & quidem cum l. 2. 6.

Cod. Iust. eod. tit. & l. 41. §. 3. D. de legat. 1. Deque ea concilianda adlaborant Interpretes, vt videre est apud Cuiacium *XIX. Obseruat. 19.*) Nempe extraordinariæ illius constitutionis Iulianæ ratio hæc fuit, (quod etiam ex fine leg. 15. *supr. de curs. publ.* quæ cum illa l. 7. coniungenda est colligere licet) ne otiosis ædium cultibus cursus publicus laceraretur.

Tandem, vt casus hi omnes, seu interdicta, legesque, de quibus *supra* egimus, quibusque ornamentorum translatio prohibita, accurate distinguantur, neque quod fieri adsolet, turbide commisceantur; tres rationes, seu fines spectandi sunt. Primus est, ne negotiationis commodique priuati obtentu vrbs ruinis deformetur: eo spectat Adriani interdictum. Secundus, ne cursus publicus, qui in via publica & directæ erat, his ornamentis transferendis laceretur; eo pertinet Iuliani prohibitio, l. 7. *Cod. Iust. eod. tit. de ædific. priu.* (quæ coniungenda est cum l. 15. *supr. de curs. publ.* vbi plura.) Tertius, ne vnus loci nuditate alterius ornatus redimatur: quo refertur hæc lex, cum l. 14. 30. *hoc tit. & d. l. 6. in pr. Cod. Iust. de ædific. priu.* Nouella Maioriani, 6. *de ædific. publ. l. 41. §. 5. vers. Sed videmus, D. de legat. 1.*

Excipiendus tantum est casus d. l. 6. *vers. Si quis autem, Cod. Iust. de ædific. priuatis*: nam si quis ex vna ciuitate in aliam LABENTIVM parietum marmora vel columnas de domibus propriis in proprias transferre voluerit, id Constantinus M. ea leg. permisit. Quoniam, inquit, hæc vtrubique esse publicum decus sit. Vtrubique, id est, vtrubius.

Ex superioribus interim apparet, Spartianum, Adrianeam constitutionem turbide satis retulisse, cum de ea sic scribebat in *Vit. Adrian. c. 18. Constituit inter cetera, Vt in nulla ciuitate, domus aliqua, transferenda ad aliam urbem vilius materia causa, diruerentur.* In quo non vnus error admixtus ab eo est. Primum enim nonnisi priuatos hæc constitutio respexit. Secundo, nonnisi promercii causa aedes dirui Adrianus vetuit. Tertio, non vetuit is de vna vrbe ad aliam ornamenta transferri, imo contra constitutum offendit Vlpianus d. l. 41. §. 5. *in fin. D. de legat. 1.* Quare Spartianum ita scripsisse ex fide oportuit, *Vt in nulla Ciuitate (a priuatis promercii ergo) domus aliqua, transferenda ad aliam (domum scilicet) vilius materia causa, diruerentur.* Sed passim observare est, Historicos, & in his *Historia Augusta* Scriptores, constitutiones Principum, non modo non plene exprimere, sed etiam falso sapius. Quod aliis exemplis pluribus alibi firmo: & inter alia exemplo Victoris, ad l. 10. *infr. de sceniciis.*

Illud tandem monendum puto, hanc Constitutionem non Constantino M. verum Constantio adscribendam videri: argumento *Flauiani PC. Africa*, cui ea inscribitur. Nulla scilicet sub Constantino *Flauiani PC. Africa* mentio mihi occurrat, cuiusmodi alioquin Proconsulum Africae aliorum frequens mentio fit, apud eos præsertim, qui res Donatistarum sub Constantino, memorarunt: ac nominatim Anulini, per hæc ipsa tempora Anno D. 313. xvii. Kalend. Mai. Verum sub Constantio tantum, Flauiano PC. Africa per Annum D. 358. & 361. inscribuntur *lex 10. supr. de cursu publ. & lex 14. supr. quor. appellat.* Quare hanc legem Constantio ascribam, & referendam censem ad Annum D. 357. seu Constantium IX. & (Iulianum) *Cas. II. COSS.* Et sic fuerit hic error admissus ab huius Codicis Conditoribus. De quo in *Prolegomenis.*

De RECTORVM Prouinciarum officio & diligentia in instaurandis publicis Operibus.

II. (a) Idem A. (b) Menandro. (c)

PROPTER negligentiam Iudicum, (d) qui Imperialia præcepta (e) differunt, ad diuersas Prouincias diuersos misimus, (f) qui ad Scientiam Nostram referant, quæ vel diligentia (g) promota viderint, vel desidia corrupta culpauerint. (h) Monendi (i) autem Iudices sunt, qui instaurare publica opera debent, vt de effectis (k) eis potius, quam inchoatis ad Nostram Scientiam referant: nisi forte iusta ratione petendum sit, aliquos (l) (si forte defuerint) impensarum titulos (m) prouideri. De rebus (n) autem præcipuis maximisque, non de quibuscumque vilissimis, nostrum debent interpellare consilium. (o) Dat. III. Id. April. Sirmio, Crispo II. & Constantino II, VV. CC. COSS. (321.)

N O T Æ.

- (a) Abest *hec lex a Cod. Iustiniano.* GOTHOF.
 (b) Imo alius. Vid. quæ notauimus ad l. 1. *supr.* ID.
 (c) PP. vid. l. 2. *supr.* de *alim. quæ inop. par.* idque etiam sequentia ostendunt. ID.
 (d) Iudicum, id est, Rectorum Prouinciarum. ID.
 (e) Id est, *Mandata*, quæ Præsidibus, &c. dabantur. ID.
 (f) Mittendariorum & Inspectorum genus obserua. ID.
 (g) Iudicum scilicet. ID.
 (h) Viderint, & culpauerint. ID.
 P. 280 (i) A te PP. pariter: vt l. 3. *infr.* Nempe enim, Iudices seu Rectores Prouinciarum sub Præfectorum Prætorio dispositione erant. ID.
 (k) Id est, perfectis. ID.
 (l) Nouos, & præter solitos. ID.
 (m) Tituli sunt reditus alicui rei destinati: vid. *Gloss. Theod.* ID.
 (n) Et quidem Operibus. ID.
 (o) *Relatio*, & referre ad Principem, quid? Interpellare consilium Principis? vt hic dicitur; vid. *tit. de Relationibus* *supr. lib. II.* ID.

C O M M E N T A R I V S.

IUDICVM, seu Rectorum Prouinciarum, in INSTAVRANDIS publicis Operibus negligentia, hac enixa constitutione sua occurrit Constantinus M. A. D. 321, sc. Rectoribus hæc inspiciendorum instaurandorumque publicorum Operum cura ex officio incumbere: vt præter *hanc leg.* docet *lex* 3. II. 14. 15. 16. 17. 18. 19. 20. 21. 27. 28. 29. 31. 33. 35. 37. *in fin. hoc tit.* & Vlpianus, *lib. 2. de offic. Procons.* l. 7. §. 1. D. de *Offic. Procons.* Idque etiam præceptis Imperialibus (vt *hæc leg.* vocantur,) id est Mandatis Principum, quæ Rectoribus de more dabantur nominatim continebatur, vt præter *hanc legem* ostendit *lex* 6. *hoc tit.* coniuncta *legi vnic. supr. de præb. Salar.* & *lex* 20. *in fin.* (coniuncta cum l. 80. *supr. de Decurionibus*: item l. 7. D. *eodem titulo*.) Idem & Basilii *epist. ad Heliam Rectorem Prouincia* 372. *fin. ep. 94. pag. 188. Tom. III. Oper. Edit. Benedictin.* indicat, vbi agit de Ecclesia tum excitata cum adiunctis operibus: *ὅς γε ἔδωκε τὰς ἐνεκὸν πρὸς τὴν ἐπισκοπὴν ἡμῶν ἐξαιρέτως, ὡς μόνον ἐξαρκῶν τῷ μεγέθει τῆς γνώμης τὰ τε κατεργηκότα τῶν ἔργων τῷ χρόνῳ ἀναλαβεῖν, καὶ οἰκίσαι τὰς ἀοικητὰς, καὶ ὅλως εἰς πόλιν τὰς ἐρημίας μετασπενύσαι: in certe non ideo ad nos regendos inuitus adductus es, quod solus apimi magnitudine possis opera collapsa venustate*

instaurare, loca non habitata incolis complere & vno verbo solitudines in vrbes transformare.

Id vero cum hac tempestate Constantinus M. negligi a Iudicibus videret, coercendæ eorum negligentia tria *hæc leg.* constitutum iuit. Primo, quidem *Inspectores* publicorum Operum per diuersas Prouincias misit, quod *hæc leg.* testatur, qui ad se videlicet referrent, quænam opera publica desidia Iudicum corrupta deprehendissent. Nempe huiusmodi *Inspectores* extra ordinem a Principibus mittebantur, inspiciendis operibus publicis, num facta testæ ea essent. Quod *Inspectorum* genus addendum aliis compluribus, de quibus alibi. Secundo, *Referre* Iudices ad se Principem de effectis, non de inchoatis operibus iubet: Ne alioquin scilicet inter has moras atque hoc obreptu ad Principem de singulis referendi, operum publicorum instauratio negligetur. Relationum seu Consultationum ad Principem vsus hac parte damnosus est, de quibus alioquin Relationibus fuit *tit. 29. peculiaris, lib. II. supr.* Atque hic casus addendus est iis casibus singularibus, quibus de effecta & perfecta consummataque re potius ad Principem referendum est, quam de inchoata. Hic tantum casus *hæc leg.* excipitur, si forte noui impensarum tituli prouidendi sint: id est, si soliti & ordinarii, atque assueti

gnati tituli, siue pecuniæ & redditus non sufficiant fartis rectis. Spliti scilicet tituli, certique redditus ad facta recta publica in singulis Ciuitatibus destinati erant, vt per Prouincias; (de quibus agitur quoque leg. 6. 18. 26. *infr.*) ita & in ipsa Vrbe Roma quoque. Meminit Ammianus Marcellinus lib. 27. cap. 3. vbi de Lampadio P. V. *Ædificia*, inquit, *erigere exorients noua, vel vetusta quadam instaurans, non ex titulis solitis parari iubebat impensas*: vid. & Symmachum lib. 10. *epist.* 33. & 50.

Ex hoc interim loco illud quoque discimus, non fuisse in potestate ludicum ad opera publica quidquam aliunde eo transferre, vel eo nomine quidquam indicere: denique rem hanc omnem Principi reseruata fuisse: sic in Gallia vocantur *Deniers d'Ostroy qui se tenent par les Villes, par*

permission du Roy, pour estre employez aux ouuorages & reparations d'icelles.

Postremo constituit *hac leg.* Constantinus M. vt si referendum ad Principem necessario sit; nonnisi de rebus præcipuis & maximis non vero de quibuscunque & vilissimis ad se referatur. Scilicet consuli se, vt Principes alij, ita & Constantinus M. non de omnibus promiscue voluerunt, vt *b. l.* docet, & *l. 27. 30. infr. hoc tit.* itemque *l. 1. supr. de Relation.* quæ eiusdem Constantini M. est: vbi plene dixi: & quam Princeps iste superfluis relationibus occupationes suas diffindi ægre tulerit, ostendi. Apud Ammianum quoque Marcellinum, simili fine, *infra Imperiale culmen esse, minutias causarum mutare*, dicitur.

De RECTORVM Prouinciarum officio, in cæptis Operibus absoluendis potius, quam Novis excitandis.

III. (a) Idem A. Secundo (b) P. P.

PROVINCIAVRVM Iudices commoneri (c) præcipimus, vt nihil se noui operis ordinari (d) ante debere cognoscant, quam ea compleuerint, (e) quæ a decessoribus (f) inchoata sunt: exceptis dumtaxat Templorum ædificationibus. Dat. III. Kalend. Iul. Constantino A. VII. & Constantio Cæs. Coss. (326.)

NOTÆ.

- (a) Abest *hæc lex* a *Cod. Iustiniani*, prælata Leonis *l. ult. Cod. Iust. eod. tit.* quæ de eadem re est, & adhuc amplior, & vbi nulla Templorum mentio fit. Omisit & *hanc leg.* Baronius. GOTHOF.
- (b) Eidem Secundo PP. inscribitur biennio post, Iuliano & Iusto C O S S. A. 328. *lex 6. supr. de Accusationibus*: vid. *Prosopogr. ID.*
- (c) A te P. P. pariter vt *leg. 2. supr. ID.*
- (d) *vg. Ordinare*, nisi *supra restituas, a se Ordinare* autem, est condere, ordiri, instituere, incipere, inchoare. *ID.*
- (e) *Complere*, est perficere. *ID.*
- (f) Propria hæc *Decessorum* vox: vid. *Gloss. Theod. ID.*

COMMENTARIVS.

Page

NOVA Opera excitare Rectores Prouinciarum, (sumptus scilicet publico) antequam INCHOATA a decessoribus suis compleuerint, a Constantino M. vetantur *hac leg.* Anno D. 326. vt & a Theodosio M. *l. 21. infr.* a Leone *l. ult. Cod. Iust. eod. tit.* pariter vt noua inchoare vetantur, antequam vetera instaurauerint: *l. 14. 15. 16. 17. 19. 21. 29. infr.* & *d. l. ultim. Cod. Iust. eod. tit.* vide & *l. 7. D. de offic. Procons.* Imo & aliquando constitutum, ne omnino noua sine iussu Principis extruere eis liceret: *l. 11. 27. 30. 31. 37. infr.* & olim iam *l. 3. §. 1. D. de Operibus publicis.* Excipiuntur tantum *hac leg.* a Constantino M. *Templa*; pariter vt Horrea & stabula a Valentiniano Sen. *l. 16. & 17.* & ab Honorio, *l. 37.* Imò necessaria quæuis alia Opera ab eodem, eadem ratione: *l. 18. infr.* Horum scilicet operum maxime necessariorum fabricæ, ac nominatim (favore Religionis) Templorum fabricæ aliorum Operum structura cedere debet.

Templorum porro appellatione quidnam *hac leg.* veniat, quæri potest, Gentiliumne, an vero Christianorum? De *Gentilibus*, id omnino accipiendum sequentia ostendere videntur: nempe & notis ipsius, & horum temporum, ipsorumque *l. 1. Tom. V.*

dicum ratio: Nominis inquam; Templorum enim appellatione hoc ævo Gentilium templa proprie intelligenda, docet *l. 1. infr. de fid. Cathol.* imo & Rubrica seu titulus integer de *Pagan. Sacrif. & Templis*, (oppositus titulo de *Episcop. Eccles. & Cleric.*) ac nominatim *l. 3. 4. 8. 16. 19.* illius tituli: Sed & *l. 2. 3. infr. de Apostat. & l. 112. supr. de Decurionib.* vide & quæ dicam ad *Rubric. infr. de Paganis.* Tempora dein adhuc ista sub Constantino M. & quidem hoc Anno 326. fuisse, vti & Ciuitates pleræque magnam partem; & Iudices, quibus *hæc lex* scripta est, plerique Gentiles essent. Quare & ex eo liquere potest, hisce temporibus, Anno D. 326. nondum Templum Gentilium a Constantino M. euerfa fuisse. Quod tamen huic ipsi Anno adscribit Baronius, qui *hanc leg.* prætermisit. Quod quando factum fuerit? disquiri ipse ad *leg. 2. supr. de sepulc. viol.* & plenius ad *tit. de Paganis infr.* & ad Libanii *orat. vñ ep̄ iep̄wv*: vbi iam dicere cœpi. Quin & noua subind: erecta excitataque, quod *hæc lex* ostendit. Quamquam videri cui possit Constantinus M. de Ecclesiis Christianorum hic sensisse. Hæc enim omnino tempus est, quo magno studio ad Ecclesiarum excitabatur. Verum priori interpretationi ipse adhæreo:

Rr

Tantò

Tanto magis etiam, quod videam *hanc leg. a Triboniano scriptam*, prælata Leonis *leg. ultim. Cod. Iust. cod. tit.* quæ etiam amplior est. Quicquid sit,

ad historiam Ecclesiasticam Constantini M. temporum *hæc lex* deinceps referenda est, quam omisit Baronius in *Annales* suos referre.

De INTERVALLO centum pedum vacuo ab HORREIS publicis relinquendo.

IV. (a) Idem A. Haue Felix (b) K. NB.

OMNES (c) intra centum pedes vicinitus, (d) quantum ad Horrea (e) pertinet, arceantur: ac si quid constructum fuerit, diruatur: quoniam experimentis nuperrimis (f) palam factum est, ædificiorum, quæ horreis adhærebant, incendiis, fiscales copias (g) laborasse. (h) Quod si quis ædificandi amore publica damna neglexerit, non solum quod construxit, sed (i) omnes res eius, & quidquid in suo iure habuit, fisco ad iudicari præcipimus. Dat. XI, Kalend. Aug. Sirmio, Constantino A. IV. & Constantio Cæs. Coss. (329.)

N O T Æ.

- (a) Abest *hæc lex* a *Cod. Iustin.* Causam mox dicam. GOTHOF.
 (b) *Felici* huic inscripta, pari affatu, Anno 325. l. 1. *supr. de erogat. militar. annonæ.* Eidemque inscribitur, Anno 333. l. 3. *supr. de Admin. & Peric. Tut.* ubi agitur de possessionibus iuris emphyteutici. Dicitur autem *Felix Procurator rei private*, in *Inscript. l. 2. Cod. Iust. de Murilegal.* Quæ dignitas forte & hic supplenda fuerit: quia & de horreis publicis, & fiscalibus copiis fiscoque agitur. ID.
 (c) Ædificia scilicet excitantes, ædificantes, cuiuscunque ordinis, dignitatis. ID.
 (d) Ex quatuor lateribus, vt l. 38. *infr.* seu in circum, & quaquaversum: Nonnulli hic tentabant, *vicinitates.* ID.
 (e) Nam quantum ad alia opera publica attinet, quindecim tantum. l. 46. *infr.* ID.
 (f) Huius incendii nulla, quod sciam, alibi mentio occurrit. ID.
 (g) *Copie fiscales*, id est, annonæ & condita publicis horreis: vid. *Gloss. Theod.* ID.
 (h) *Laborandi* vox propria, pro detrimentum pati, vel etiam periculum adire. Sic & *Luna laborare* dicitur Plinio *H. N. lib. 2. c. 9.* vid. *Glossar. Theod.* ID.
 (i) *Sed &.* ID.

C O M M E N T A R I V S.

INTERVALLO, seu SPATIO, ambituque, non nisi legitimo quodam intermisso, vt cæteroquin ab Operibus publicis priuata ædificia recte excitantur, l. 25. 38. 39. 46. *infr.* tum ob alias causas, (vt docet d. l. 39. *infr.*) tum ob incendiorum potissimum metum, seu vt absit periculum incendii, (quod plerumque a vicino ædificio & proximo pariete in vicinum diffunditur,) vt præter *hanc legem* docet insuper d. l. 39. & 46. *infr. hoc tit.* Ita nominatim priuata ædificia HORREIS publicis coniungi vetuere Imperatores Constantinus M. *hæc leg. Arcadius l. 38. infr.* Et Constantinus M. quidem *hæc leg.* ob eundem incendi metum, intra centum pedes ab horreis publicis nominatim ædificari vetat, Anno D. 329. Ambitus seu spatium legitimum ab Operibus publicis in commune erat quindecim pedum vicinitas d. l. 46. seu quaquaversum, d. l. 38. (ubi dicam adhuc aliquid.) Atenim laxiore iam multo ambitu seu spatio ab horreis publicis (de quibus agitur quoque l. 12. 17. 35. 37. & 38. *infr.*) ædificia priuata secreta esse iubet Constantinus M. puta centum pedum. Nempe quod maius periculum his imminet: utpote in quibus *fiscales copie* (vt *hæc lex* loquitur,) id est, species ad annonam publicam pertinentes, conditæ essent: de quo dictum *peculiari suo titulo, lib. 11. de conditis in publicis horreis.* Et vero diserte proficitur Constantinus M. ad *hanc legem* descendisse sese, quod nuperrimis ex-

perimentis palam factum esset, incendiis ædificiorum, quæ horreis adhærebant, fiscales istas copias laborasse, seu damnum passas esse, periculumque adiiisse. Propter idem vero incendii periculum olim *notissima l. 12. Tabular. vetitum, rogum bustumque nouum propius sexaginta pedes ad ades alienas adici,* propter metum, inquam, incendii, vt *Cic. de legib. expresse testatur.* Atque hic est ille legitimus modus, cuius meminit l. 3. §. 1. D. de *mori. infer.* Ex eadem causa eadem lege 12. *Tabul. vetitum fuit, hominem mortuum in vrbe vri.* In Vrbe non fuerunt Vsticeta, culinæ, vstrinæ. Et Principe Augusto, etiam postea SC. cautum, μήτε τὰς καύσεις τῶν νεκρῶν πέντε καὶ δέκα ἀπὸ τῆς πόλεως εὐδίων γίνεσθαι, neque bustuarium quinque & decem ab urbe stadiis fieri. Et hoc quidem quod dixi interval- lum ab horreis publicis statuit, *hæc leg.* Constantinus M. Verum l. 11. *Cod. Iust. de ædific. priuat.* indistincte intervallo quindecim, pedum priuatorum ædificia & quidem Maniana a publicis disiungi iubentur, eodem quindecim pedum intervallo seu intercapedine ab horreis quoque publicis statuto. Quæ causa est cur *hæc lex* a *Cod. Iustin.* absit.

Illud non omitrendum, *hanc legem* in id tempus incidere, quo Constantinus M. Constantinopolim ædificabat; vt videri possit eo quoque *lex* ista pertinere. Quod tamen haud temere adseram.

*De IMMVNITATE a collatione ad opera publica nemini
a Iudicibus concedenda.*

V. (a) Impp. Constantius & CONSTANS AA. Haue
Catuline (b) K. NB.

PLVRIMI immunitates operum publicorum concessione Iudicum (c) adepti sunt: Ita-
que (d) omnes iubemus inquiri, (e) vt eorum nomina, adque etiam priuatas (f) in-
dulgentias Lenitudo Nostra cognoscat. Et (g) *infra*. Iam (h) nunc tamen iussimus, vt
aduersus fas elicitas immunitates per detrimenta (i) si (k) conperissent, (l) & in lucro (m)
habere desistant, in (n) posterum aditus similia cupientibus obstruatur, Dat. VI. Kalend. Aug,
Sirmio, Vrso (o) & Polemio cōss. [338.]

N O T Æ.

(a) *Lex 1. Cod. Iust. eod. tit. GOTHOFR.*

(b) *Ad Catulinum*: ita *Cod. Iustin.* Catulinus hic Vicarius Africæ fuit, vt hoc ipso Anno ostendit *l. 24. & 26. supr. de Decur. l. 2. supr. de honorar. Codicil. vid. Protopogr. ID.*

(c) *Iudicum*, id est, Rectorum Prouinciæ, qui sub dispositione Vicarii fuerunt. *ID.*

(d) *Et ideo iubemus in posterum elicitas immunitates nullius esse momenti*: ita *Cod. Iust.* omnibus reliquis detractis, quæ
tempori huic illigata. *ID.*

(e) A te Vicari. *ID.*

(f) *Iudicum*, seu a Iudicibus datas: *Priuatus* scilicet est quilibet alius a Principe: vid. *Gloss. Theod. ID.*

(g) Ita hic locus constituendus est, tum interpunctione, tum & literarum distinctione: Nempe his verbis, seu hac
formula. Et *infra* (de qua in *Prolegomenis*) indicatur, ab *huius Cod. Compositoribus*, nonnulla ex serie huius
constitutionis detracta: sic vt ex priore & posteriore aliqua constitutionis parte, ea quæ ad hunc titulum face-
rent, excerpterint. *ID.*

(h) *Iam nunc*: de vi huius formulæ dixi ad *l. 1. supr. de offic. Recl. Prou. ID.*

(i) Immunitas paucorum, cæterorum detrimentum est. *ID.*

(k) *γγ. qui*, vel *si qui. ID.*

(l) *γγ. Competissent*, vt *infra* cupientibus, vel etiam, comparassent. Sed prius illud malo: vid. *Gloss. Theod. ID.*

(m) *In lucro habere*, vid. *Glossar. ID.*

(n) *Et in posterum*: translata huc voce &. *ID.*

(o) *Vrso Lupulo & Polemio*, ita *Cod. Iust. ID.*

C O M M E N T A R I V S.

IMMVNITATEM operum publicorum, id est, a COLLATIONE ad opera publica priuata Iudicibus, indulgentia in posterum concedi vetat *hac leg.* Constans Imperator. Eamque omnem quæ concessa hætenus petentibus fuerat, vti per Africam hoc tempore factum, viribus carere, eorumque simul nomina, qui huiusmodi immunitatem impetrauerant, ad se referri iubet sedula inquisitione. Principis scilicet solius indulgentia huiusmodi immunitas recte quæritur, id quod *hac leg.* indicatur, eo ipso, dum concessiones huiusmodi Iudicum, priuatæque indulgentiæ nominatim prohibentur: *Priuata indulgentia κατά διαβολήν* indulgentiarum Principis dicuntur. Sed & quæritur sæpe ea immunitas operum publicorum dignitatis alicuius vel militiæ priuilegio: nam & Senatores ab hac collatione immunes erant, *l. 2. infra* aliarque dignitates, (exceptis certis casibus, vt in *specie l. 23. 49. infra*.) vt & Veterani, *l. 2. supr. de Veteranis*. Extra hos collatio hæc omnibus ex æquo incumberebat. De qua collatione eiusque forma erat quoque *lex 17. & 34. infra*. Cæterum non temere est, quod *hanc legem* Constanti Imperatori adfero: quandoquidem in Imperii diuisione Africæ diocesis ei cesserat, quo pertinet *hac lex*.

De RATIOCINIIS operum publicorum.

VI. (a) Idem AA. ad Marcellinum (b) Com. Orientis (c)

QVÆ operibus publicis inpenſa conſtiterit, accepto (d) ferri (e) oportere cognoscas
Dat. V. Non. Octobr. Conſt. Limenio & Catulino Cōss. [349.]

NOTÆ.

- (a) *Lex 2. Cod. Iust. eod. tit. Iungenda autem huic legi est lex univ. infr. de præb. Salar. vbi male inscriptio habet ad Marcellinum Corr. pro Com. Or. GOTHOF.*
- (b) *Marcellinus Comes Orientis sub Constantio Anno Domini 349. An hic Marcellinus, cuius meminit Epiphanius brevisi 71. num. 1. pag. 829. Edit. Coloniens. apud Jerem. Schrey. ID.*
- (c) *Cuius caput Antiochia. ID.*
- (d) *Vide leg. 27. & 28. infr. ID.*
- (e) *An a te? An vero impensa a te, ferri a me Principe? Illud malo. ID.*

COMMENTARIUS.

EXPENSA in opera publica accepto ferri oportere definit Constantius *hac leg.* Quod ut intelligatur, sciendum est, **EXPENSIS** Civitatis, seu Reipubl. opera publica cuiusque civitatis excitari solita, & viribus Reipubl. ut loquitur Ulpianus *l. 7. §. 1. D. de off. Procons. & lex vn. supr. de præb. Salar.* (quæ huic nostræ coniungenda est:) & *lex 26. infr.* atque ita expensis propriis & vestigialibus Civitatumque viribus *l. 18. 26. infr. hoc. tit.* Affectata scilicet huic rei constitutionibus pars quædam erat, vestigialium seu Canonis, (pariter ut in Urbe Roma ex *Ærario: lex 27. infr.*) & quidem tertia reddituum Civilium: ex *d. l. 18. (vbi dicitur) & l. 32. 33. 48. infr.* Hæc vero impensa ita iusta, ita necessaria fuit, ut & Decuriones per Curatorem Kalendarii seu Reipubl. & Rectores Prouinciarum, sine vilo Principis iussu, pecuniam in id optimo iure erogarent: cum tamen (quæ differentia notanda est) nulli Salarium ex viribus Reipubl. tribui possit, sine Principis iussu: *d. l. univ. quæ huic nostræ ut dixi coniungenda est:* ceu vnus & eiusdem constitutionis pars, & ut existimo, *Mandatorum*, quæ Comiti Orientis Marcellino a Constantio data portio. De cuiusmodi Mandatorum capite, super operibus, inquam, publicis, fidem facit *lex 2. supr. hoc. tit. lex vltim. in fin. D. de Operib. publ. lex 20. infr. hoc. tit. iuncta l. 80. supr. de Decurionibus.* Et ita quidem *hac lex* accipienda est de Rectoribus Prouinciarum, & de Decurionibus Curatoribusque Reipubl. seu Kalendarii, dispensatoribusque, ut loquitur *lex 28. infr.* iisque, a quibus sumptus ex *Ærario* præbentur: *l. 27. infr.* Non

etiam de Ergoepistatis, siue Curatoribus operum publicorum, quod tamen Græcos voluisse video. Huiusmodi proinde impensas in opera publica factas, accepto ferendas definit Constantius *hac leg.* id est, vel ab ipso Principe, si Iudices eas fecerint; vel sane (quam *huius leg.* speciem puto) si Decuriones aut minores Iudices, a Maioribus Magistratibus, veluti in specie *huius legis* a Comite Orientis, ad quos videlicet statim temporibus rationia singularum Rerumpubl. seu Civitatum perferebantur. *Accepto ferre* hic, & *l. 27. & l. 28. infr.* est, cum rationes alicuius putantur, eas adprobare.

Hoc autem, quod *hac leg.* statuitur, ita verum esse sequentes constitutiones voluerunt, si in vetera opera pecunia erogata fuisset. Alioquin si in noua, absque permisso Principis erogatum quid fuerit, id accepto ferri noluerunt alii Principes; & in his Valentinianus Iunior, *d. l. 27. & 28.* Alio vero pertinet, Constantii eiusdem Epistola, etsi verborum formula alioquin similis, quam Symmachus adfert, *lib. 9. epist. 121. itemque lib. 10. epist. 47.* qua priore ait, *id quod operibus publicis constabat impensum*, Constantium, *integrari per P. V. statuisse.* Eius quippe loci sententia est, iussisse Constantium, ut reliqua Arcæ vinarie exigerentur, & sic id quod operibus publicis aliunde fuerat impensum, integraretur.

Cæterum, quia *hac lex* est de ratiociniis operum publicorum, nonnulla alia eodem pertinentia repeti velim a titulo in id expressio *Cod. Iust. de ratiocin. oper. public.*

*De SENATORVM IMMVNITATE a collatione ad
opera publica.*

VII. (a) Idem AA. ad Senatum.

QVONIAM diuersi Iudices (b) nonnulla opera, in quibusdam æstimant (c) vrbibus extruenda, ad huiusmodi necessitatem (d) Senatorum substantia non vocetur. Eos (e) quoque Senatores, quibus per diuersas Prouincias fuerit sollicitudo (f) commissa, fretos sanctione nostra, huiuscemodi temptamentis (g) decet constanter obistere: ne Senatoriæ facultates harum rerum contemplatione vexentur. (h) Dat V. Non. Maji, Tauro & Florentio Coss. [361.]

NOTÆ.

- (a) *Lex 7. Cod. Iust. de dignitat. hinc decurtata est. Iungenda autem huic legi sunt complurimæ aliæ, puta: lex 3. de Iust. collat. l. 12. 13. supr. de Prætor. l. 1. supr. de Protostasia: l. 1. supr. de Metas. l. 7. supr. de Annon. & tribut. l. 1. supr. de public. comparat. l. 43. supr. de Decurionib. GOTHOF.*

P.284 (b) Rectores Prouinciarum. ID.

(c) Eni-

(c) *Existimant*: Cod. Iustin. ID.

(d) *Necessitatem*, id est, collationem ad huiusmodi opera. ID.

(e) *Sequentia* absunt a Cod. Iustin. ID.

(f) *Defendendi Senatus*: de quibus Senatus Defensoribus: vid. l. 2. 3. *supr. de prad. Senatorum.* ID.

(g) *Temptamentum*, attentatio, conatus: vid. *Gloss. Theod.* ID.

(h) *Vexari* facultates dicuntur: vid. *Gloss. Theod.* ID.

COMMENTARIVS.

SENATORES, & Senatorias facultates, per Prouincias, IMMUNES a collatione ad opera publica esse, seu immunitate operum publicorum, quæ Iudices in vrbibus excitant (de qua immunitate dictum semel ad leg. 5. *supr.*) frui iubet Constantius hac leg. Nempe vt Rectores Prouinciarum hac tempestate noua opera prout aestimassent, excitare in vrbibus potuere, non expectato etiam Principis aut Praefecti Prætorio arbitrio (quod ex hac leg. liquet, at postea prohibitum fuit l. 11. 27. 30. 31. 37. *infr.*) Ita possessores ad operum istorum publicorum sumptum aliquid conferre adigebantur, vt cæteroque ad opera publica collatio hæc exigebatur, vt præter *hanc legem* ostendit l. 5. *supr.* & l. 17. & 34. *infr.* Quod Traiano tamen olim displicuisse ex eius Rescripto ad consultationem Plinii discere licet lib. 10. *epist.* 35. *Si instructio*, inquit, *noni balinei oneratura vires Præfensium non est, possumus desiderio eorum indulgere, modo ne quid ideo intrihuant*, id est, conferant. Atenim hac tempestate, vt ab hac collatione ad opera publica nonnulli immunes erant, veluti *Veterani*, constitutione Constantini M. l. 2. *vers. iam nunc. supr. de Veteranis*, ita & *Senatores* fuere, hac Constantii leg. quos sane Senatores & aliis oneribus veluti Metati, & Synoneti onere idem liberatos voluit: l. 1. *supr. de Metat.* & l. 1. *supr. de publica comparatione*: quas huic, cum multis aliis, vt iam dixi, coniungi oportet.

Et vero (quod obseruandum) sunt hæc *leges* omnes *Constantiana Orationis ad Senatum* partes, qua Senatoriæ Dignitati Princeps iste enixe consultum voluit, prelixæque adeo definitum iuit, quibusnam oneribus Senatores subiacerent, viceversa, a quibus immunes essent: Adeo quidem, vt ex hac ipsa lege liqueat (quod etiam comprobat lex 2. & 3. *supr. de prad. Senator.*) nonnullos e Senatorum numero per Prouincias fuisse, quibus *solicitudo* defendendi scilicet Senatus mandata erat, seu commissa; qui inquam obssisterent aliquid viurpantibus aduersus Senatorum priuilegia, vt ad eas *leges* docui, quod & hac lege his verbis inculcatur: *Eos quoque Senatores, quibus per diuersas Prouincias sollicitudo fuerit commissa*, &c. pariter, vt suos habuit plebs Defensores, de quibus suo tit. dictum, *de Defensor. Ciuitat.* Suos, Ecclesia; de quibus l. 38. *infr. de Episcop.* Suos, Pauperes, de quibus *Canon. 75. Cod. Can. Eccles. Africana pag. 904. 905. Tom. I. Concil. Edit. Harduin.*

Tandem obseruandum, sicut operum publicorum obtentu Senatorias facultates a Iudicibus contra lus attritas hæc lex docet, ita & Curialium, (id est. Senatorum municipalium) facultates eodem obtentu sæpe vexatas; de quo extat Libanii locus *Oratione in Tisamenem*, ad Theodosium Imp. pag. 447. Edit. Morell. Eodemque pertinet lex 37. *infra.*

De PRÆTORIIS ærario paulo ante vindicatis, per Ægyptum, publico iuri restituendis, iterata Iuliani constitutio.

VIII. (a) Idem (b) AA. Ecdicio (c) PF. Ægypti.

OPORTUIT, (d) Prætoria Iudicum, & (e) domos iudiciarias, (f) publico (g) iuri adque vsui vindicari: Sed quia salubris nostra dispositio (h) dilata est, nunc faltem tradatur effectui, &c. PP. (i) IV. Non. Decembr. Antiochiæ, Mamertino & Neuitta Coss. [362.]

NOTÆ.

(a) *Lex 4. Cod. Iustin. de operibus public.* hinc interpolata est: Iungendaque huic, *lex prox. seq. 9. GOTHOF.*

(b) *Emendanda huius leg. & sequ. inscriptio*: Tribuendæ quippe eæ sunt, vt & *lex. 10. Imperatori Iuliano. IDEM.*

(c) Ad hunc *Ecdicium Praefectum Ægypti* extat Iuliani *epist.* 6. & 9. Hic idem indicari videtur apud Ammianum Marcellinum lib. 22. c. 14. in gestis huius ipsius Anni. Eidem inscribitur *d. lex prox. 9. ID.*

(d) Iam antea scilicet iuxta anteriorem dispositionem nostram. ID.

(e) *Et, pro, id est.* ID.

(f) *Publicas*, Ita Cod. Iust. ID.

(g) *Publico*, id est, Ciuitatum seu Rerumpublicarum. ID.

(h) *Dispositio*, id est, iussio. ID.

(i) Ita quoque *lex prox.* Sed hoc pro *Dat.* accipiendum est, neque enim Antiochia ad praefecturam Aegypti pertinet: Et Iulianus Imp. (cui *hae leges restituendae sunt*;) hoc ipso Anno & tempore Antiochia constitit, quod vel Ammianus Marcellinus testatur, *lib. 22. cap. 9. 10. & lib. 23. cap. 1. 2.* GOTHOFR.

C O M M E N T A R I V S.

IULIANI tres constitutiones ordine sequuntur, in eandem sententiam: de publicis videlicet CIVITATVM operibus, siue aerario vindicatis, siue occupatis, siue impetratis, sub Constantino videlicet & Constantio, publico iuri restituendis, quae ad Historiam Ecclesiasticam omnes quoque pertinent, ut deinceps ostendetur. De AERARIO vindicatis est hoc *caput*: De occupatis *l. prox.* (quae huic nostrae ceu eiusdem constitutionis pars coassanda est) de Impetratis seu Donatis, *l. 10.* Aerario igitur VINDICATA sub his Imp. publica opera nonnulla per Aegyptum, puta Praetoria, publico usus reddi, ut anteriore quadam iussione Iulianus iam iusserat, ita & *haec leg.* rursus, iterata iussione, quia id nondum factum fuerat, iubet, Antiochia ipse constitutus, sine Anni D. 362. Pariter ut Ergasteria *d. l. prox.* aliaque opera publica, *l. 10.* sed & initio huius anni, *l. 1. supr. de locat. fundor. iuris Emph. & Reipubl. & Templ.* possessiones publicas Civitatibus restitui iussit, quae quarta Iuliani, verum tempore omnium prima constitutio super hac re occurrit. Quo pertinet etiam Ammiani Marcellini locus *lib. 25. cap. 4.* in *παρεμβάσει* illa de Iuliano, *vestigia civitatibus restituta cum FVNDIS, absque his, quos velut iure vendidere praeterita Possessat*: ubi Possessatum appellatione non magis Iudices accipio quam Principes ipsos: Addenda & haec in rem *lex quinta* puta *lex 1. Cod. Iust. de div. pred. urb. & Rust.* de qua ad *l. prox.* Tandem & Sexta, *l. 2. d. iit.* Adeo res haec Iuliano curae fuit, ut Civitatibus erepta iura sub Constantio, & in his fundi operaque publica civitatibus restituerentur: de quo vide & Libanium *προσφωνητικῶν*, cuius verba alibi refero. Est vero *haec lex* nominatim de Praetoriis. Praetoria Iudicum notum est fuisse domos Iudicarias: & vero hic *παρεμβάσει* pro eodem sumuntur: Ea & alibi vocantur Iudicum mansiones, *l. 1. supr. de domib. ad rem priuatam pertinentibus.* Eodemque sensu Nouell. Iustinian. 24. *δικαστικά καταγώγια.* Verum de his plenius ad *legem 3. supr. de officio Iudicum omnium: l. 6. supr. de Metatis: l. 2. supra, Ne quis in palat. maneat.*

Haec cum ita perspicua sint, Historica tantum huius legis causa eruenda, atque adeo quonam proprie *haec lex* pertineat? inuestigandum venit. Tenendum igitur, Constantium Imp. maxime Civitatibus vestigia quamplurima fundosque admisse: utpote quae ferme superstitioni Gentilitiae dicatae erant, vel erroris illecebras praebant (sic quidem etiam ut possessiones & redditus quidam agonotheotici essent; id est, ludis in honorem Deo-

rum edendis destinati forent) ut docet *d. lex 1. supr. de locat. fundor.* Aliisque etiam rationibus Civitatum iura imminutum iuit, non tantum aliis operibus publicis ademptis, & inter cetera ergasteriis, verum etiam Praetoris ipsis, & quidem per Aegyptum. Et vero huc omnino pertinet id, quod idem Ammianus Marcellinus *lib. 22. cap. 11.* de Georgio Episcopo Alexandrino, scribit; *Inter cetera, inquit, dicebatur (Georgius Episcopus Alexandrinus,) id quoque maligne docuisse Constantinum, Quod in vrbe praedicta (Alexandria scilicet) Aedificia cuncta (publica) solo coherencia, a conditore Alexandro magnitudine expensarum PVBLICARVM extructa, emolumentis AERARII proficere deberent ex Iure.* Georgio itaque hoc Episcopo interfecto, Praetoria aerario vindicata, publico rursus iuri usuique Iulianus vindicari *haec lege* voluit, pariter ut ergasteria, *d. l. prox.* idque Alexandria, & per Aegyptum, ut in commune alia opera publica, impetrata, donataque; *lege prox. 10.* Neque hanc etiam interpretationem abnuunt eiusdem Iuliani *Epistole*, ad hunc ipsum Ecdicium Praefectum Aegypti, *duae* puta 6. & 9. in quibus & de hoc eodem Georgio & de Athanasio agitur, & ex quibus apparet, Ecdicium hunc Praefectum Aegypti, Gentilem fuisse. Denique tres *hae leges*, puta *haec lex 8. & duae sequ. 9. & 10.* Iuliani, omnino reuocant, quae sub Constantio in praedictum Civitatum operumque publicorum facta fuerant, siue quia Aerario vindicata, siue quia a priuatis occupata, hisue donata; de quo iam quoque dixi ad Libanium, *ὡπερ ἱερῶν.*

Ab eadem certe Iuliani mente est, ut id quoque addam, quod Libanius *Oratione funebri in Iulianum*, p. 291. Edit. Morell. memorat, Iulianum statim ut rerum potitus est, inter cetera, quae ad instaurandum ritum Gentilitium molitus est, id constituisse, ut qui ex lapidibus Templorum domos sibi extruxissent, *as quoddam* penderent, unde noua Tempia excitarentur: *νῶς τὰς μὲν ποιῶν, τὰς δὲ ἐπισκευάζων, εἰ δὲ τὰς εἰσάγων ἔδη. (ἐστὶ) χρήματα δὲ ἐτέλεον, οἱ τοῖς τῶν ἱερῶν λίθοις σφίσιν αὐτοῖς οἰκίας ἐγείραντες: templa quaedam adificans, alia instruens, etiam nova inducere constituit, pecunias autem pendebant, qui ex lapidibus aedium sacrarum sibi ipsi domos erexerant. Cui simile id quod ab eodem statuitur, nempe ut pensio seu solarium soluatur pro extructis in solo Reipublicae, seu pro superficie, *l. 1. Cod. Iust. de diuers. pred. urb. & rustic.* Quae & ipsa Iuliano tribuitur: de quo ad *legem proximam 9.**

De SUPERFICIE seu SUPERSTRUCTIS a priuatis super
ERGASTERIIS publicis Alexandriae:
Iuliani lex.

IX. (a) Idem A.A. (b) Ecdicio (c) P.F. Aegypti.
Post alia.

COMPERIMVS, super Ergasteria publica, quae ad ius (d) pertinent Civitatis, (e) plerisque

que (f) sibi domos extruxisse (g): Præcipimus ergo, eas (h) inconcussio iure quæ ædificauerunt, possidere. PP. (i) IV. Non. Decembr. Antiochiæ, Mamertino & Neuitta Coss. [362.]

INTERPRETATIO. Si quis in ciuitate consilens in locis (k) publicis sibi domos forte (l) construxerit, eas sine (m) inquietudine aliqua possideat.

NOTÆ.

(a) Iungenda huic legi est lex proxima præcedens. g. Tribuenda autem ea, pariter vt superior, Iuliano Imperatori.

GOTHOFR.

(b) Male in Anianeis Cod. Goth. & Sichard. Impp. Constantius & Constans. RITTER.

(c) De hoc Edictio PF. Ægypti, dixi ad l. 8. supr. quæ eidem inscribitur. GOTHOFR.

(d) Male, in nonnullis editionibus huius, nisi legamus bulus, id est, huius ius: de quo mox. ID.

(e) Alexandrinæ. ID.

(f) Plerosque, id est, plurimos passim. ID.

(g) Construxisse MS. G. Struxisse Sichard. RITTER.

(h) γγ. Eos, quomodo & Sichardus edidit. Eos, qui extruxerunt scilicet, nisi ita legas; eas, (scilicet domos) inconcussio iure qui ædificauerunt, &c. GOTHOFR.

(i) Pro Dat. de quo ad d. l. 8. ID.

(k) Interpres, generaliter nimis hanc leg. accepit, quæ tantum est de Ergasteriis: & quidem adhuc temporaria & localis. ID.

(l) Fortasse, MS. G. RITTER.

(m) Sine inquietudine possidere debet. MS. G. ID.

COMMENTARIVS.

SUPERFICIEM seu SYPERSTRVCTA a priuatis super Ergasteriis publicis Alexandria, priuatis relinqui iubet Iulianus Imp. hac lege, quæ inter Iulianas hoc titulo secunda est. Esti scilicet Ergasteria ipsa iuri publico proculdubio vindicari voluerit Iulianus; non minus quam Prætoria Iudicum, & domos iudicarias lege superiore, quæ huic, vt dixi, coniungenda est: imo & tertio loco alia loca publica priuatis donata, l. 10. infr. prox. quæ in priuatorum iura sub Constantio potissimum transfierant, & nominatim Ergasteria publica in Vrbe Alexandrina, & ad ius Ciuitatis (Alexandrinæ scilicet) pertinentia; Attamen domos, quas sibi priuati super iis extruxerant, iis hac leg. possidendas inconcussio iure relinquit. Aliam proinde rationem haberi voluit Iulianus ipsorum Ergasteriorum, aliam vero eorum, quæ his superstructa essent: & sic aliam soli primæque superficiei, aliam alterius superficiei; & vt Græci loquerentur, aliam κατάγειον, seu κατάγειον, aliam ἀνωγειον: quæ quidem Iuliani indulgentia similis est alteri illi, quæ sub eiusdem Iuliani nomine extat Cod. Iust. l. 1. de diuers. Præd. urb. & Rustic. qua iubetur, pro ædibus, quas nonnulli in solo Reipubl. extruxerant, placitam præstare pensionem: quod alioquin etiam conuenit legi 52. infr. hoc tit. & l. 5. §. 1. D. de operib. public. Parumque abest, quin huic legi, vt & superiori, coniungendam putem prædictam leg. 1. Cod. Iust. de diuers. præd. quæ Attici nomen præfere videtur, loco, Edicti. Et certe argumentum omnino conuenit: Hac scilicet lege, domus a priuatis ædificatæ super Ergasteriis publicis stare iubentur: & sic superficium hoc ius seu ἐμβατευτικὸν toleratur: Illa vero leg. superficiei, seu domibus ita extructis pensio quædam imponitur, vel imposita probatur: Pensio inquam, quomodo etiam imponitur in simili specie d. l. 52. infr. & in priuata superficiei, l. 74. D. de rei vindic. Quod alias in

commune solarium dicitur, pro solo scilicet cuius mentio fit l. 7. §. 2. D. de usufr. l. 15. D. qui potiores in pign. hab. l. 39. §. 5. D. de legatis l. 1. l. 2. §. 17. D. ne quid in loc. publ. vel itin. quæ & merces soli vocatur l. 17. D. de pignor. act. redditus, quantitas, d. l. 52. infr. (vbi dicam de eius modo, & a quo imposita:) vectigal, l. 5. §. 1. D. de operib. public. Vbi interim notanda venit species hæc iuris superficiei, non quidem ex conuentione vel voluntate priuata & præcedanea descendens per venditionem, locationem, donationem, ultimam voluntatem; vel etiam ad tempus, de quo sunt ferme leges Digestorum, & Edictum, vel Interdictum de superficiei; verum extra ordinem ex sequente consensu, & ex post facto autoritate Imperatoris, vel Magistratus, inque perpetuum, sub lege pensionis, vectigalis, quantitat, & redditus seu solarii, ad compendia ærarii publici, vel Reipubl. augenda; pariter vt d. l. 52. infr. Et Tertia adhuc lege, puta d. l. 2. §. 17. D. ne quid in loco public. Et Quarta, puta d. l. 5. §. 1. D. de operib. publ. (quomodo & pensio imposita in alia specie, l. 41. in fin. infr. in nonnullis Galliarum consuetudinibus Droit de Feslage, dici videtur.) Ad rem. Ergo solum, seu proxima solo superficies, κατάγειον, ad se superiorem superficiem, seu ἀνωγειον hoc casu non trahit, cum alias regulariter superficies, seu superædificatum solo cedat: Et Theodosius M. speciatim l. 22. infr. omnia quocunque in loco publico Ciuitatis extructa dirui iusserit. Ergo superimpositas fabricas: antea a priuatis, locis publicis, tulit Iulianus in huius legi specie, proculdubio superimpositas Principum anteriorum permissu. Extat sane quoque similis huius permissionis exemplum super imponenda fabricæ Porticui cuidam, apud Cassiodorum IV. Var. 30. si modo res petita non officeret vtilitati publicæ vel decori: quæ omnia interim obseruanda sunt ad argumentum de iure superficiei,

Cæterum præter ea, quæ ad *huius leg.* historiam & superiore huc accersî debent, ac nominatim Ammiani Marcellini locus, Tria notanda veniunt. Primo, de Ergasteriis. Ergasteria scilicet (quorum alia publica erant, seu ad ius Ciuitatum pertinentia, de quibus *hac leg.* & l. 3. *supr. de conlat. donatar.* quas & ideo tabernas ad ius Ciuile pertinentes vocat Theodos. *Nouell. 30. de locis Reipubl.* Alia vero priuata, de quibus l. 5. *supr. de Metatis*: & l. 14. *infr. de Episcopis*: & l. 21. *Cod. Iust. de operibus publicis*;) fuerunt officinæ, seu tabernæ, mercimoniis vel exercitiis deputatæ, vt vocantur diserte d. l. 5. ex quorum locatione pensiones colligebantur, & publica quidem publicitus; *diff. Nouell. 30.* Neque ambigo, cum Constantii mentem intueor, hæc Ciuitatibus adimentis, & retro Iuliani ea restituentis, Ergasteria ista ad superstitionem quoque Gentilitiam pertinuisse, atque inibi merces seu opera fabricata venumque exposita, quæ superstitioni inferarent. Secundo, hinc colligere licet, ergasteria ista ita comparata fuisse, vt nudæ ferme tabernæ essent, quibus tamen aliquando ædes superstruerentur. Tercio, obseruandum, *Ciuitatis* appellatione *hac leg.* Urbem Alexandrinam nominatim intelligendam, quæ *κατ' ἐξοχὴν Ciuitas* seu *Urbis* vocabatur: præsertim vbi *lex* ad Præfectum

Ægypti emitteretur. Stephanus quoque de Alexandria: *ἐλέγετο δὲ κατ' ἐξοχὴν ΠΟΛΙΣ, ὡς καὶ ἐπὶ Ρώμης λέγεται ΟΥΡΨ*: dicta vero est per excellentiam πόλις, quomodo & Roma urbs dicitur. Item Eustathius *Iliad. β'. pag. 239. Edit. Roman.* *Φέρεται ἰσορία, πόλιν τὰς ἀρχὰς αὐτὸ τὸ τοῦ διχὰ προδήκης κατ' ἐξοχὴν κληθῆναι τὴν Ἀλεξάνδρειαν.* Et alioquin in Diocesisbus sola Metropolitana hoc nomen ferme tulit; Vid. præter hanc legem quoque l. 13. *supr. de legat.* vbi dixi. Quæ cum ita sint, non est *huius legis* lectio sollicitanda; neque intrudenda vox, *huius*, ibi, ad *huius ius* pertinent *Ciuitatis*, quod nullo modo stare potest, quia *hæc lex* dicitur *Proposita*, seu *Data* Antiochiæ, ad quam *lex* ipsa non pertinet, verum ad Ægyptum: cuius etiam Præfecto *hæc lex* inscribitur.

Tandem obseruandum, *hanc legem* mere temporariam & localem esse: Alexandrinæ scilicet ciuitati propriam & huic temporari adstrictam, quo scilicet Ergasteria sub Constantio Alexandriæ adificiis occupata, ad iura ciuitatis reuocantur, intactis his quæ superædificata. Et sic suum cuique seruatum aequitate quadam Iuliani, qua is commendabatur.

De DONATIS a Principibus operibus publicis reuocandis:

Iuliani lex.

X. (a) Idem (b) AA. ad Rufinum. (c)

QVICVMQVE, cuiuslibet Ordinis, Dignitatis, aliquod opus publicum, quoquo genere, obscura (d) interpretatione (e) meruerit, fructu talis beneficii, sine aliqua dubitatione, priuetur: Non solum enim reuocamus quod factum (f) est, verum etiam in futurum cauemus, ne qua fraude temptetur, (g) Dat. VII. Id. Decemb. Aquil. (h) Mamertino & Neuitta Coss. [362.]

NOTÆ.

(a) Absit *hæc lex* a *Cod. Iustiniano*. GOTHOFR.

(b) Et hæc *Iuliano* tribuenda est, pariter vt *duæ superiores*. ID.

(c) De hoc *Rufino* in *Commentario infra*. ID.

(d) An pro *maligna*, vt Amm. Marcellinus (*loco quem laudaui ad l. 8. supr.*) *maligne decuisse*? Minime. *Obscura*, id est, *obreptitia*. ID.

(e) Repono *impetratione*. ID.

(f) Sub Constantio. ID.

(g) Simile quid tentetur. ID.

(h) An *Aquis*? neque enim Iulianus *Aquileie* fuit hoc tempore? Quid si *Dat.* pro *Acc.* hic intelligamus? IDEM.

COMMENTARIUS.

DONATA (a Principibus scilicet Christianis, Constantino M. & Constantio,) priuatis opera publica, cuiuscunque ordinis, dignitatis, quæcunque tandem, & quocunque genere (etiam adnotatione speciali scilicet) reuocari iubet *hac leg.* Iulianis; quæ Tertia est *hoc titulo* e Iulianis; quæque eodem pertinet quo *duæ superiores*, & ad historiam Ecclesiasticam: quibus similiter idem & Prætoria *Ærario* ante vindicata, & Ergasteria a

priuatis occupata in iura ciuitatum reuocari iussit. Quod alioquin tralatitii iuris est, vt ne priuati publica opera, quocunque tandem genere a Principe petere seu impetrare possint. De quo tamen erunt quatuor præterea *leges infr.* puta l. 40. 41. 42. 43. Hæc vero *lex* speciatim pertinet ad Iuliani odium, quo Constantini & Constantii actibus bellum indixerat, a studio superstitionis Gentilitiæ, cui cum hæc opera publica ferme inferu-

rent,

rent, a Christianis istis Principibus in priuatos quoque plurima collata fuerant; de quo dixi iam ad *Libanium* ὡς ἐπὶ τῶν ἐργῶν : & ad *titulum*, *supr. de collat. donatar.* a Iuliano vero reuocata : & id quidem in duabus præcipuis Orientis Ciuitatibus; Antiochiæ videlicet, si modo hæc lex pertinet ad *Rufinum Comitem Orientis*, illum nempe cuius meminit Marcellinus : & Alexandriæ, quo aperte spectant *duæ superiores leges*. De quo *Rufino paulo* prolixius. *Rufinum* scilicet, (qui integro nomine *Aradius Rufinus*) Iulianus Imp. in locum Auunculi sui Iuliani Comitem Orientis recens prouexit, vt testatur Ammianus Marcellinus *lib. 23. cap. 1.* Eidemque inscribitur & Iouiani *lex*

2. supr. de Metall. vbi male editum *Comiti Officiorum*, pro *Comiti Orientis*. Eius etiam mentio in veteribus Inscriptionibus. Verum de hoc *hæc lex* non videatur accipienda. Iulianus enim superiore adhuc die Comes Orientis erat *VIII. Id. Decembr.* quo data ad eum *l. 3. de contrab. empt.* Imo Iuliani istius mortem Anno 363. refert diserte Marcellinus. Quid igitur? Forte hic *Vulcatius Rufinus*, de quo Marcellinus quoque *l. 21. cap. 12.* quem forte Aquileiæ Iulianus præfecit, argumento eorum, quæ ibi Marcellinus de Aquileia scribit; vt & subscriptionis huius legis: *Dat. (Reddita) Aquileia.*

De Novis operibus Romæ, nisi Principis permisso a quoquam non excitandis.

XI. (a) Impp. VALENTINIANVS & Valens AA. ad Symmachum (b) P. V.

INTRA Urbem Romam (c) æternam (d) nullus (e) ludicum nouum opus informet, (f) quotiens Serenitatis Nostræ arbitria (g) cessabunt: (h) Ea tamen instaurandi, quæ iam deformibus ruinis intercidiſſe dicuntur, vniuersis licentiam damus. *Dat. VIII. Kalend. Iun. Philippis, (i) Diuo Iouiano & Varroniano Coss. [364.]*

N O T Æ.

- (a) *Lex 5. Cod. Iust. eod. tit.* Iungenda huic videri possit *l. 19. supr. de cursu publico*: emendata eius subscriptione: Nisi, non tam coniungenda videatur, quam proximo confinio cohærere. Concordat huic *lex 19. & 27. infr. GOTHOFR.*
- (b) *Symmachus* hic P. V. Romæ pater Epistolographi fuit, (vide *Prosopograph.*) cui inscribitur & *lex prox. 12. de quo* vide inter alios *Ammianum Marcellinum lib. 27. cap. 3. & Veterem Inscriptionem* apud Gruterum CCCLXX. 3. IDBM.
- (c) *Veterem & nouam*: ita *Cod. Iust.* aduersus veritatem Historicam huius legis. ID.
- (d) *Æterna* Urbs Roma: vide *Gloss. Theod.* sublata autem hæc vox æterna, ciuili animo, *Cod. Iust. ID.*
- (e) Etiam Præfectus Vrbi, de quo ad *l. 19. infr. ID.*
- (f) *Informare*, est de nouo excitare: vide *Gloss. Theod.* pariter vt *ordinare*, in *l. 3. supr. ID.*
- (g) *Arbitria*, id est iussa, auctoritas. ID.
- (h) *Nisi ex suis pecuniis huiusmodi opus construere volueris*: Hæc exceptio addita *Cod. Iust. ID.*
- (i) Philippopoli *d. l. 19. de cursu publ. ID.*

C O M M E N T A R I V S.

VALENTINIANI Sen. octo constitutiones sequuntur de operibus publicis, puta *lex 11. 12. 13. 14. 15. 16. 17. 18.* Et hæc quidem vt & *proxima 12.* ad opera publica Urbis Romæ pertinet. Romæ igitur NOVA opera publica sumptu scilicet publico (quod Tribonianus recte vidit) Iudices quicunque (etiam Præfect. Urb. cui hæc lex inscribitur, itemque Præfect. Prætor.) excitare, a Valentiniano Sen. hæc leg. prohibentur: pariter vt a Gratiano & Valentiniano Iuniori, intra eam ipsam Urbem Romam, *l. 19. 27. infr.* nisi Principis permisso, hæc leg. & *d. l. 27.* Haud aliter atque alii Iudices per Prouincias, *l. 30. 31. 37. infr.* Quod antiquis quoque constitutionibus cautum fuisse docet *l. 3. §. 1. D. de operibus publicis.* Etsi vetera ruinis deformia instaurare quilibet arbitratu suo possit: Quamli-

Tom. V.

bet scilicet potestates in excelso locatæ sint, (vt loquitur *d. l. 19.*) quamlibet de Roma ipsa agitur. Attamen quod Tribonianus inferum quoque ingerit, inanibus ludicum sumptibus publicum fatigari *Ærarium Principes* noluerunt. Noluit Valentinianus hæc leg. etiam ab ipso P. V. Quod & ipsum noluit in alia re simili, in *l. 19. supr. de cursu publico*, quæ altera eiusdem constitutionis pars, huic socianda videri possit: Cuius verba hic apponenda sunt: *Magnifica Sedes tua euctionum faciendarum arbitrium in publicis tantum causis usurpet. Verum ingenti procurabitur cautione, ne parum considerata facilitas ita publicis incipiat visceribus imminere, vt fatigatione nimia penitentiam huius concessionis suscipere cogamur.* Cæterum quicquid hæc leg. caueatur, ab eodem sane Symmacho P. V. cui hæc lex inscribitur,

S s

scribitur, memorat Ammianus, l. 27. cap. 3. *excitatum pontem Romæ ambitiosum, atque firmissimum, quem ipse condidit, & cum magna civium letitia deducit: Sed proculdubio Valentiniani arbitrio seu permisso,*

Illud hic semel notandum, quatuor tantum leges, ad opera publica Urbis Romæ hoc titulo pertinentes occurrere: puta Valentiniani Sen. hanc legem, & prox. 12. Gratiani legem 19. Valentiniani Iun. legem 27.

De HORREIS Urbis Romæ, & Portus, a priuatis usurpatis, dirutis, restituendis reparandisque. Et de ANNONA vrbica recte condenda, & usurpata restituenda.

XII. (a) Idem AA. ad Symmachum PF. V. (b)

HORREA fiscalia, (c) apud Urbem Romam, necnon etiam Portus, (d) in usus translata priuatos cognouimus: Hæc ad pristinum. *** Inferioribus horreorum frumenta condantur, quæ natura loci & humore vitiantur. Annonas quoque horreis antiquitus deputatas (e) hos rethibere (f) compelles, qui eas in damna publica ausi sunt occupare, quarum substantiam entechæ (g) populi Romani proficere præcipies. Sane quos inueniens (h) fabricarum destructionis auctores, ad reparationem necessario tenebis. (i) Dat. VI. Id. Iun. Naïffo, Diuo Iouiano & Varroniano Coss. [364.]

N O T Æ.

(a) Absit hæc lex a Cod. Iust. Iungendæ vero ei sunt lex 5. 6. *supr. de Pistorib. l. 2. supr. de calc. coctor. l. 1. supr. de canon. frum. Urb. Rom. l. 1. de Saccariis Port. Rom.* Et proculdubio etiam l. 5. *supr. de Pen. Imo & alia, ut existimo; puta lex 5. & 6. supr. de Pistorib. l. 8. supr. de Annon. & trib. GOTHOF.*

(b) Urbis Romæ scilicet, cui inscribitur & lex 11. *supr. de quo vide Ammianum Marcellinum lib. 27. c. 3. Veterem Inscriptionem, apud Gruterum CCCLXX. 3. & Indicem nostrum personarum. ID.*

(c) Fiscalia horrea: hæc leg. & l. 16. *supr. de Susceptorib. & l. 1. infr. de Equis Curul.* quæ alias publica. Quomodo in genere fiscalia loca dicuntur l. 13. *supr. de Metall.* Quæ alias opera publica: Sic & fiscales copiar, l. 4. *supr. vide Gloss. Theod. ID.*

(d) Urbis Romæ. ID.

*** Locus, partim mutilus, partim male interpunctus: Itaque sic restituam: Hæc ad pristinum restitues: id est, publico vsui atque iuri rursus vindicabis: ut l. 8. *supr.* Ad pristinam vero, ut ad speciem pristinam, leg. 16. *infr.* ad statum pristinum nitoris, l. 20. *infr.* ad formam pristinam, l. 45. *infr.* Mox ita locus legendus: Nec in inferioribus horreorum: vel, in interioribus horreorum: de quo mox. ID.

(e) Id est, Conditas: ut *supr. condantur. ID.*

(f) Redhibere, id est, Restituere: vid. *Gloss. Theod. ID.*

(g) Entiche, in Cujacian prim. & Edit. Quartan. utrumque pro Entheca. Entheca est ἐνθεκά, & quicquid sepositum, conditumque usus aliquis & præsidii causa. Entheca igitur Pop. Rom. hic est annona publica, seu Canon Vrbicarius: Ita priuata entheca, l. 7. *supr. de Pistorib.* quæ alias dotalia, d. l. 7. *supr. de Pistorib.* Ita mensurariorum ἐνθήκη Libanio: Agrorum seu prædiorum ἐνθήκη, quæ alias vocantur dotes prædiorum, l. 2. §. 1. *D. de Instrucl. l. 34. §. 1. D. de legat. 2. & Nou. Iust. 128. c. 8. seu Reposita, l. 92. in fin. D. de legat. 3. ut & apud Columel. lib. 1. cap. 8. vel etiam peculium agrorum, l. 79. D. de legat. 3.* Ita rursus nauis entheca dicitur apud Augustinum. *Sermon. 49. de diuersis, seu. Sermon. 355. de vita & moribus clericorum suorum cap. 4. Tom. V. Oper. Edit. Benediclin. pag. 138a.* Enthecami nobis habere non licet, & paullo ante, nauiculariam nolui esse ecclesiam Christi. Leontius in vita Ioan. Eleemosyn. interprete Anastasio Bibliothecar. cap. 3. init. *Tom. II. Actior. Sancti. d. 23. Ianuar. pag. 501.* Naucleus emit Enthecami, id est, oneravit nauem emptis mercibus. IDEM. De entheca dixit CULACIUS in exposit. Nouell. 128. ibique docet Libanium scripsisse, quicquid pecunie seponant mensarii, Aticos vocare enthecami, quem Libanii locum ego non inuenio: verum auctoritate Cuiacii Noster & hac nota & notis in Digest. vitur. ἐνθήκη, fundi instructum esse, monuit etiam CL. SALMASIUS & modo vsurar. pag. 24. 25. cui adde CL. DU FRESNE in Glossar. voc. entheca. RITTER.

(h) Inuenies, quam lectionem etiam habet Edit. quartan. GOTHOF.

(i) Adstringes, coges. ID.

C O M M E N T A R I V S.

p. 289

DE HORREIS (σιτοβολαίς, ἀρείς) fiscali-
bus Urbis Romæ (quæ P. Victor hoc ipso
tempore cccxx. vel cccvii. fuisse testatur):
item Portus Urbis Romæ seu Ostiensis, est hæc lex
Valentiniani Sen. Anno D. 364. ita quidem, ut ea
nonnulla contineantur, quæ ad hunc titulum de
operibus publicis minus pertinent, & titulo de Ca-
none frumentario reddi oportuit: quem errorem &
alias sæpe admiserunt huius Codicis Conditores:
de quo, peculiari capite in Prolegomenis. Et est
ea ipsa, pars prolixioris Valentinianæ constitutio-
nis (ut ex tot illis legibus, sex ad minimum, li-
quet, quas ei coniungendas dixi:) qua in vniuer-
sum, Annonæ Urbicæ Valentinianum enixe pro-
spectum iuisseprehenditur, tum ipsiusmet an-
nonæ cura suscepta; quo pertinet lex i. de Canon.
frum. V. R. tum eorum qui annonam pinserent,
seu pistorum, d. l. 5. & 6. supr. de Pistorib. & d.
l. 5. supr. de Panis, tum eorum qui annonam por-
tarent; quo spectat lex vnic. de Saccar. Port. Rom.
denique horreorum, ubi annona recondebatur,
quo potissimum pertinet hæc lex, & ut puto diff.
lex 2. supr. de calcis coctorib. Idque omne Symma-
cho proculdubio P. V. adcurante: cui hæc consti-
tutiones inscribuntur; pariter ut lex 2. supr. Trib.
in ips. spec. & lex 8. supr. de annon. & tribut. quæ
& ipsæ ad Annonam Urbis Romæ spectant. Huc
scilicet pertinet Symmachi istius elogium apud
Ammianum Marcellinum lib. 27. cap. 3. Symma-
chus, inquit, Aproniano successit (in Præfectura
Urbis scilicet) quo instante vrbs sacratissima orio
C O P I I S Q V E abundantius solito fruebatur.
Copiis, id est, ut vel l. 4. supr. & l. ultim. in fin.
de Suariis, docuit, annona Urbicaria, ad quam supr.
omnino pertinet hæc lex. Addit Ammianus (quod
iam notatum ad l. superiorem) excitatum a Sym-
macho Romæ pontem ambitiosum & firmissimum,
quem ipse condidit, & magna ciuitum læticia dedi-
cauit. Itaque & annonæ & operibus publicis Ur-
bis Romæ Symmachus multifariam prospexit: ad
quod vtrumque sane spectat hæc lex: ac nomina-
tim ad horrea fiscalia, in quibus videlicet annona
publica recondebatur, de quibus est tit. supr. de
condit. in public. horr. deque iisdem actum iam
l. 4. supr. Atque ut alibi huiusmodi horrea erant,
ita & apud Urbem Romam, atque in Portu Urbis
Romæ, ut hæc lex ostendit. Illa horrea urbis di-
cuntur, l. i. d. tit. de condit. in publ. horr. Seu horrea
Romana, Symmacho lib. 3. epist. 55. Hæc dicuntur
horrea Portuensia: supr. tit. de Patron. Horreor. Por-
tuens. ubi plene dixi.

De his itaque horreis, eorumque annona
Quatuor hæc hæc leg. constituuntur. Primo, pu-
blico iuri atque vsui ea vindicare iubet, quæ a
priuatis nonnullis vsurpata fuerant, vel etiam im-
petrata; cuiusmodi vsurpationum vel impetratio-
num operum publicorum exempla nobis præ-
buerunt iam tres Iuliani leges, puta l. 8. 9. 10. supr.
Suppeditabit & lex 41. 42. 43. infr. Pariter Hono-
rius, l. 4. supr. de canon. frument. V. R. pœnam
seu multam quinque librarum imponit iis, qui quid
ex his horreis, cellulisue, quæ intra Urbem Ro-
mam, atque in Portu constitutæ pistorio iure te-
nentur, sibi met tanquam possessione priuata, ausi fue-
rint vindicare.

Secundo, Valentinianus Sen. hæc lege, ut ea
hactenus habet, frumenta condi iubet in inferiori-
bus horreorum: Verum ipsa ratio naturalis, quæ
etiam hæc ipsa lege, redditur, Quæ, inquit, na-
tura loci & humore vitiantur, apertissime euincit,
viciosam esse hanc lectionem: Nempe enim fru-
menta naturæ loci inferioris & humore vitiantur,
quod experientia satis testatur: vnde & qui de re
Rustica scripsere omnes, Varro lib. i. cap. 57. Co-
lumeilla lib. i. cap. 6. Palladius lib. i. cap. 19. Pli-
nius lib. 18. cap. 30. monent, triticum condi oport-
ere in granaria SVBLIMIA, quæ persistant
vento ab exortu, & Septentrionum regione. Vitru-
uius lib. 6. cap. 9. Granaria, inquit, SVBLIMATA,
& ad Septentrionem aut Aquilonem spectantia dispo-
nantur; ita enim frumenta non poterunt cito concu-
lescere, sed afflatu refrigerata diu seruantur. Nam-
que ceteræ regiones procreant curculionem, & cete-
ras bestiolas, quæ frumentis nocere solent. Philo-
quoque libro 5. de telorum construction. pag. 87. Ve-
terum Mathemat. Paris. 1693. in f. Τίθηται δὲ καὶ
ἄλλον τρόπον (ὁ σῖττος) ἐν ὑπερώϊοις διηλειμμένους
ἐν ἀμύργῳ τὰς τοίχας, καὶ τὸ ἔδαφος, καὶ τὰς
θυρίδας ἔχουσι, καὶ διαπνοὰς πλείους ἐστραμμένας
πρὸς βορρᾶν, καὶ πεφραγμένας δικτύοις, ἵνα μὴδ'
ὑπὸ τῶν ὀρνίθων κατέδηται, μήτε θηρία ἐγγί-
νηται: Deponitur etiam alio modo (frumentum)
in canaculis, amurca perunctis parietibus & solum &
fenestras habenibus, & spiracula complura ad Aquil-
onem obuersa, cancellis oclusa, ne aut ab aui-
bus comedatur, aut bestie irrepant. Ita quoque Taran-
tinus apud Georgium Bassum, Γεωπονικῶν lib. 2. cap.
περὶ σιτοβολαίς 25. καλῶς ἀποκλείεται σῖττος ἐν
ἀνωγείοις, &c. frumentum recte clauditur in locis
sublimibus. Quare hic legendum fuerit, non in
inferioribus, addita negatiua, vel, in editioribus,
vel sane, in interioribus. Scilicet horrea hæc fisca-
lia Romana & Portuensia, Tiberi marique proxima
erant: itaque ne frumenta congesta ex vicino Ti-
beri & mari humorem traherent, & sic vitia-
rentur, voluerit Valentinianus, in partibus inte-
rioribus horreorum frumenta condi; non in pfi-
moribus.

Tertio, annonas ipsas horreis conditas a pri-
uatis nonnullis ita restitui vult, ut vsurpato-
rum bona proscritbantur, & annonæ addicantur.
Quod ipsum ius repetitum postea constitutione
Arcadii, l. ultim. supr. de condit. in public. horr.
Ammianus quoque Marcellinus lib. 28. cap. 1.
Exemplum memorat Hymethii Proconsulis Afri-
cæ, ob hanc siue causam, siue prætextum, parte
bonorum multati. Notandum interim multæ ge-
nus, Enthecæ populi Romani, seu Annonæ desti-
natæ, quomodo & aliis publicis vsibus sæpe
multæ destinatæ, l. 2. de Iudiciis: l. 5. de Episcopis:
l. 20. quorum appellat. v. & l. 5. Cod. Iust. de modo
multarum.

Postremo reparari horrea ab his iubentur, qui
destructionis auctores extiterant.

* Male editum διηλειμμένους. D. THEVENOTIO enim in edendis Mathematicorum operibus fuit id maxime
propositum, ut nihil ex Codicibus antiquis commutaret: tamen errores manifestissimos librationum culpa
in eos irrepsisse omnes videant. Vid. Prefat. ad Mathemat. Veter. Parisiens.

*De TURRIBVS LIMITANEIS per Daciā Ripensem
partim reficiendis, partim nouis excitandis, Valen-
tiniani Sen. lex.*

XIII. (a) Idem AA. Tautomedi (b) Duci Daciæ (c)
Ripensis. (d)

IN limite (e) Grauitati (f) Tuæ commisso, præter eas Turres, quas refici oportet, (si forte indigeant refectione) Turres (g), administrationis (h) tempore quotannis (i) locis opportunis (k) extruere. Quod si huius præcepti auctoritatem neglexeris, finita administratione reuocatus (l) in (m) limitem, ex propriis facultatibus eam fabricam, quam administrationis (n) tempore, adiumentis militum, & impensis, (o) debueras fabricare, extruere cogeris. Dat. XIII. Kalend. Iul. Med. (p) Diuo Iouiano & Varroniano coss. [364.]

N O T Æ.

- (a) Absit hæc lex a Cod. Iustiniano: quia temporaria, & historica est. *GOTHOFR.*
(b) Forte, *Tautomeri*. Forte is *Teutomer* Francus, Protector Domesticus: de quo Ammianus Marcellinus *lib. 15. cap. 3.* in Anno D. 355. Et ita sentit quoque Valesius *de gestis vet. Franc. p. 44. ID.*
(c) de *Dacia Ripensi*, vide saltem Vopiscum in *v. Aureliani cap. 3.* cuius iam ætate (id est, sub Constantio Imp.) Dacia diuisa erat: Ammianum Marcellinum *lib. 26. cap. 7.* in gestis Anni sequentis 365. in rebus Procopij: Rufum Fest. in *Breuiario cap. 8.* De Duce Daciæ Ripensis, vid. *Notit. Imperii. fol. 105. ID.*
(d) Ad differentiam mediterraneæ: cuius meminuit idem Ammianus Anno prox. *lib. 26. cap. 5.* & Iornandes *de Regn. succession.* in rebus Aureliani Aug. *pag. 233. Tom. I. Script. Rer. Ital. Ant. Murator. ID.*
(e) Dacico, Scythico. *ID.*
(f) *Grauitas Tua*, titulus Ducis. *ID.*
(g) Nouas scilicet. *ID.*
(h) Tuæ. *ID.*
(i) *Duces* igitur plures annos in administratione fuere. *ID.*
(k) *Necessariis*. Ita pariter Marcellinus loco quem mox apponam, *Turresque adfidas per habiles locos & OPPORTVNOS. ID.*
(l) Retractus, & reductus per Protectores, vt *l. 3. supr. ad leg. Iul. Repet. ID.*
(m) *Ad limitem. ID.*
(n) *Administrationis* vox competit quoque Ducibus. *ID.*
(o) Publicis scilicet, *Impensarum* vox de publicis. *ID.*
(p) An *Mediolanum* hic accipiendum? Diserte enim scribit Ammianus Marcellinus *lib. 26. cap. 5.* Cum Valentinianus & Valens Sirmium introissent, diuiso Palatio, vt potiori placuerat, Valentinianum Mediolanum, Constantinopolim Valensem discessisse? Non. Quid igitur? *MEDIANA* suburbanum Naissi hic accipiendum: de quo vid. Ammianum Marcellinum *d. lib. 26. cap. 5. init.* de quo mox plura. *ID.*

C O M M E N T A R I V S.

TURRES LIMITANEAS (& quidem in specie huius leg. per Daciæ Ripensis limitem) non veteres modo refici, verum etiam nouas quotannis locis opportunis seu necessariis, adiumentis militum & imperiis a Duce Daciæ Ripensis excitari, iubet hac constitutione Valentinianus Sen. Anno D. 364. proposita pœna Duci eas propriis facultatibus extruendi deposita administratione; atque eo fine eo retrahendo, reuocandoque ad limitem.

Hæc huiusce legis sententia est. In qua obseruandum primo, *legem* hanc latam a Valentiniano, Imperii sui initio, lacescentibus vbique ferme tum Romani Imperii limitem Barbaris, Testatur

quippe Ammianus Marcellinus, *lib. 26. cap. 4.* in huius ipsius Anni gestis, hoc tempore, *velut per uniuersum orbem Romanum bellicum canentibus buccinis, excitas gentes saeuissimas, limites sibi proximos persultasse: Gallias Rhetiasque simul Alemannos populos: Sarmatas, Pannonias & Quados; Pictos, Saxones & Scotos & Atacottos Britannos arummis vexasse continuis, Ausorianos Mauricasque alias gentes Africam solito acrius incurfasse: Thracias deripuisse prædatorios globos Gothorum &c.*

Itaque (quod secundum) cum *Dacico* quoque limiti Thraciæ contèrmino vel metueretur, vel infestus effect hostis, limitis *Dacici* tutelam quoque suscepit Valentinianus, Turrium nominatim cura habita.

Turres

Turres scilicet (quod tertio obseruandum) in Imperii Romani limitibus erant: *Turres*, inquam, sparsæ locis opportunis, vt hac lex testatur. Quod in Gallicano limite factum ab hoc eodem Valentiniano, quem Alemanni & Franci perfulcabant, vt testatur Ammian. Marcellin. lib. 28. cap. 2. loco huic simillimo. At Valentinianus magna animo concipiens & uilia, Rhenum omnem a Rhetiarum exordio, ad usque fretalem Oceanum magnis mobilibus communiebat, castra extollens alius, & castella, Turresque adfiduæ per habiles locos & opportunos, (quomodo hac leg. locis OPPORTVNIS extruæ) qua Galliarum extenditur longitudo: nonnunquam etiam ultra flumen edificis positus subradens barbaros fines. De Turribus his alioquin passua iam obseruatio est: vide etiam Ammian. Marcellin. lib. 23. cap. 5. In Glossis Cyrilli πύργος, turris, burgus, & frequens eorum in Itinerario Antonini mentio, pag. 273. 290. 298. 301. 400. 445. Edition. Wessling. Ambrosius VI. Hexæmer. cap. 9. de omni generis turribus, Latronum, inquit, quoque cauentur incurfis, si exploratores in muris aut turribus, aut montis excelsi supercilio sine locati, vt desuper spectent plana Regionum, in quibus insidia latronum latere non possunt. Cum burgis itaque turres eadem fuerunt. Sidonius, de burgo Leontii. Carm. 22. v. 119.

Celsæ transmittent æræ turres,

Quarum culminibus sedebant, commune micantes
Pompa, vel auxilium.

Procopius de edificiis lib. 4. cap. 5. agens de propugnaculis ad Danubium, τὰ πολλὰ τῶν ἐκφυγῶν αὐτῶν ἀμέλει ἀπεκέρκιστο εἰς πύργον ἓνα, multa certe munimenta vna admodum turri constabant. Vnica scilicet turre burgos constituisse ait. Ideo postea dicta μονοπύργια. Idem Procopius ibidem, μονοπύργια τε, ὥς τὸ εἶνός, ἐπεκαλεῖτο, vnde merito monopyrgia dicebantur. *) Denique Paulus Diaconus lib. 10. hist. miscell. pag. 65. Tom. I. Script. Rer. Ital. Ant. Murator. Severus, inquit, magnam fossam firmissimumque vallum crebris insuper turribus per 132. milia passuum a mari ad mare deduxit.

Quarto obseruanda poena reuocandi ad limitem Ducis deposita administratione ea male gesta. Cui geminum exemplum præbet l. 3. supr. ad leg. Iul. Repetund. vbi de Natali, Præsidi Sardinia agit, ad quam dicta huc quoque arcelli possunt.

Quinto obseruetur inter cetera militaria exercitia, Adiumentis militum, Opera militaria apud Romanos facta, de quo operis & adiumenti militaris genere, vide & Vopiscum, in vita Probi, locis duobus c. 9. & 21. & Aurelium Victorem in eiusdem vita, imo & Ammianum, non vno loco: inter cetera sub hoc ipso Valentiniano Sen. circa Annum Domini 369. lib. 28. cap. 2. Eaque officii Ducum pars fuit, inherere & incumbere militum exercitationibus; vt præter hanc legem testatur Theodosii Iun. Nouella 31. de ambitu. Deque eo opere exercitii militaris ex professo scripsit Lipsius lib. 5. de re militari, Dialog. 13. pag. 148. seqq. Verum quid remotiori colligo? Huc omnino pertinent Veteres Inscriptiones duæ, quæ in idem tempus incidunt, & proximis Consulatus, & ad eun-

dem limitem spectant: ex quibus apparet de hisce Turribus seu Burgis, ordinantibus & disponentibus Magistris militum, insistentibus Præpositis Legionum a fundamentis ad summam manum, a militibus constructis & perductis. Prior exstat Viennæ in Gymnasio publico honorum literarum, in Corp. Inscr. Grutæri CLXIV. 3.

DDD. NNN. VALENTINIANI. VALENTIS ET. GRATIANI. PERENNIVM. AVGVSTORVM. SALVBERRIMA. IVSSIONEM 4) HVNC BVRGVM. A FVNDAMENTIS. ORDINANTE VIRO. CLARISSIMO. EQVITE. b) COMITE ET VTRIVSQVÆ. MILITIAE. MAGISTRO. INSISTENTE. ETIAM. LEONTEO. PP. MILITES. AVXILIARES. LAVREACENSES. CVRE. EIVS. COMMISSI. CONSVLATVS EORVND. DOMINORVM. PRINCIPVMQVE. NOSTRORVM. TERTII c) AD SVMMAM. MANVM. PERDVXSERVNT PERFECTIONES

a) Iussione. b) Equitio. c) id est, A. D. 370.

Altera non procul Strigone, apud eundem CLXIV. 4.

AVDICIO. PRINCIPALI. D.D.D. N.N.N.

VALENTINIANI. VALENTIS. ET. GRATIANI. PRINCIPVM. MAXIMORVM. DISPOSITIONE. ETIAM INLVSTRIS. VIRI. VTRIVSQVÆ. MILITIAE. MAGISTRI. COMITIS. FOSCANVS. PRÆPOSITVS. LEGIONIS. I MARTIORVM. VNA. CVM. MILITIBVS. SIBI. CREDITIS HVNC. BVRGVM. CVI. NOMEN. COMMERCIVM. QVA CAUSA. ET. FACTVS. EST. A. FVNDAMENTIS. ET CONSTRVXIT. ET. AD. SVMMAM. MANVM. OPERIS XXXVIII. CONSVLATV. D. N. GRATIANI. AVG. II. ET PROBI. V. C. FECIT. PERVENIRE.

In priore porro Inscriptione, EQVITVS Comes & Magister variusque Militia hic ille est cui inscribitur lex 8. supr. de re militari, cuiusque multa mentio apud Ammianum Marcellinum, Zosimum; Hieronymum: vt ad eam leg. notavi: & quidem in rebus Procopii Anno D. 365. 366. Ac nominatim apud Ammianum lib. 26. Anno D. 365. vbi (quod & ipsum notandum summopere) Dacia mediterranea meminit cap. 5. & Dacia Ripensis, cap. 7. quo hac lex pertinet: Refert enim Equitium relatione Antonii Tribuni regentis in Dacia mediterranea militem edoctum Procopium Constantinopoli Tyrannidem adsumpisse, mox & Thracias, quæ Daciae vicina, occupasse. Dein subiicit: Adiungit his (Procopius) aliud veloci diligentiamaturandum; & electi quidam soliditate præcipientes ad capeffendum Illyricum missi sunt, nullo præter petulantiam adiumento confisi, aureos scilicet nummos effigatos in vultu noui Principis, aliaque ad illecebras aptantes: quos correptos Equitius per eas regiones militum Rector, extinxit genere diuerso poenarum. Pariaque dein metuens, obstruxit tres altus angustissimos, per quos Prouincia tentantur.

Arctoe.

*) Post verba: Ideo postea dicta μονοπύργια, scripsit Gothofredus, vide Constantinum Porphyrogenetam in Chorographia. Expunxi hæc, fateorque ingenue latere me, quæ illa Constantii Chorographia sit. In Taſicis eius, & de Themaribus, item de administr. Imperio de μονοπύργια nihil lego.

Arctoa: unum per RIPENSEM DACIAM; alterum per Succos notissimum: tertium per Macedonas, quem appellant Acontisma. Hacque cautela vana persuasione rapiendi Illyrici destitutus usurpator indubita potestatis, magna perdidit instrumenta bellorum. Vbi vides alterum militaris operis & munimenti in eadem Dacia Ripensi genus, intra biennium sub eodem Valentiniano.

Postremo, Ammiani locus hic suspiciendus nobis est, tum & Itinerarii Burdigalensis, & Antonini locus hic citandus: ex quibus huic legi vniuersae lux magna adfulgebit: tum explicandae Inscriptioni, tum Subscriptioni, denique circumstantiis omnibus huius legis pene firmandis. Quid scilicet in subscriptione per MED. accipiendum sit; quum e vicinia Daciae Ripensi hac leg. Valentinianus consultum iuerit: tandem & TVRRIVM istarum in hoc limite situm intueri licebit. Ammiani locus est lib. 26, c. 5. init. *Acta tranquillius hyeme, concordissimi Principes percursis Thraciis, Naissum adueniunt; Vbi in suburbano, quod appellatum MEDIANA, a ciuitate tertio lapide disparatum, quasi mox separandi, partiti sunt Comites.*

Itinerarium Hierosolymitanum missis mutationibus pag. 566. Edit. Wesseling.

Ciuitas NAISSO.

Nunc tandem succedat Consularium nostrorum Theodosianorum pars.

D. Iouiano & Varroniano Coss.

VIII. * Kal. Iun. Dat. PHILIPPIS * lex 11. de operib. publ. } ad Symmachum P. V.
* al. ix. * vel PHILIPPOLI lex 19. de cursu publ. }

III. Kal. Iun. Dat. SERDICA lex 3. de legatis, ad Mamertinum PP.

.... Kal. Iun. * Dat. Bona mansione lex 1. de priuil. Corp. V. R. ad Symmachum P. V. PP. in foro Traiani.

* 179. VI. Kal. Iun. vti poscit itineris ratio. vid. *Chronologia*.

VI. Kal. Iun. Dat. BONA MANSIONE lex 12. de erog. mil. ann. ad Victorem Mag. milit.

IV. Non. Iun. Dat. NAISSO lex 3. de Pistoribus, ad Symmachum P. V.

VIII. Id. Iun. Dat. NAISSO lex 4. de Pistoribus.

VI. Id. Iun. Dat. NAISSO lex 2. de calcis coctoribus.

l. unic. de Saccariis.

lex 12. de operib. publ.

lex 5. 6. de Pistoribus.

lex 1. de canone frum. V. R.

ad Symmachum P. V.

V. Id. Iun. Dat. NAISSO lex 5. de Pænis,

P. 392 III. Id. Iun. { Dat. NAISSO l. 6. de Pænis, Arthemio.
Dat. l. 6. de Medicis, ad Mamertinum PP.

Id. Iun. Dat. NAISSO l. 8. de annona; ad Symmachum P. V.

XIII. Kal. Iul. Dat. MED. l. 13. de operib. publ. Tautomedi Duci Daciae Ripensis. Et hæc quidem est lex nostra Data a Valentiniano MEDIANAE, prope NAISSVM, constituto, proxime apud DACIAM, de TVRRIBVS in Daciae limite excitandis.

Mansio Romaniana.

Mansio TVRRIBVS.

Mansio Meldia.

Ciuitas SERDICA.

Mansio Buragara.

Mansio Iliga.

Mansio BONAMANSIONE.

Mansio Basapare.

Ciuitas EILOPOPVLII.

(79. Filopopuli.)

Hic quoque mire concordat Itinerarium Peutingerianum.

Itinerarium Antonini pag. 134. seqq.

Edition. Wesseling.

Mæsia. NAISSO.

Remisiana.

TVRRIBVS.

Meldia.

Thracia. SERDICA.

Burburaca.

Helice.

Lissas.

Besapara.

Philippopoli.

De ORNAMENTIS vnius ciuitatis quamuis abdita, ad aliam quamuis Metropolim non transferendis.

XIV. (a) Idem AA. ad Mamertinum PF. P. (b)

PRÆSUMPTIONEM Iudicium (c) vterius (d) prohibemus, qui in euersionem abditorum (e) oppidorum, Petropolis, (f) vel splendidissimas (g) ciuitates ornare se fingunt,

gunt, transferendorum signorum, (h) vel marmorum, vel columnarum materias requirentes. Quod post legem nostram sine poena admittere, non licebit: præsertim cum, neque (i) nouam constitui (k) fabricam iusserimus † antequam vetera refoventur: Et, si adeo (l) aliquid fuerit inchoandum, ab aliis ciuitatibus conueniat temperari. Dat. Kalend. Ianuar. Med. Valentiniano & Valente Coss. [365.]

NOTÆ.

- (a) Absit hæc lex a Cod. Iustin. Concordat huic legi, l. 1. *supr. hoc tit.* & lex 31. *infr.* GOTHOFR.
 (b) De hoc Mamertino PP. vid. *Prosopogr.* Eidem inscribitur l. 16. *infr.* vid. & Ammianum lxxpe. ID.
 (c) Id est, Rectorum Prouincialium, qui sub Præf. Prætorio fuere: l. 37. *infr.* ID.
 (d) Deinceps, porro. ID.
 (e) Id est viliorum, minorum. ID.
 (f) *q. Metropolis*, mox ut ostendam. *Metropolis* autem pro *Metropoles*: de quibus alibi. ID.
 (g) Vid. l. 11. *supr. de Medicis & Profess.* l. 12. & 13. *supr. de legatis.* ID.
 (h) Signa sunt statuar. ID.
 (i) Neque iusserimus, id est, etiam prohibuerimus: ut l. 5. *seu ult. sup.* Quibus equor. *usus*: Vti equinis animalibus non iubemus, pro vetamus, de quo ad eam legem plenius not. d. & in Glossario. ID.
 (k) Vt l. 16. *infr.* institui. ID.
 † Legis huius rursus fit mentio l. 15. *prox.* ID.
 (l) Tam necessarius, tanta necessitas sit, &c. ID.

COMMENTARIVS.

ORNAMENTA (cuiusmodi tria memorantur, Signa, Marmora, Columnæ:) Ciuitatis vnus ad alteram transferri a Iudicibus prohibet Valentinianus Sen. hac constitutione, pariter vt Constantinus l. 1. *supr.* Honorius l. 31. *infr.* de quo ad d. l. 1. plenius dictum fuit. In tantum, vt id quoque obseruari velit Valentinianus, etsi nominata (id enim hac leg. singulariter notandum) de Metropoli ipsa Prouinciæ (ita enim hic legendum, *Metropolis*, pro *Metropoles*) vel splendidissima alia Ciuitate ornanda agatur, & vicinera etsi abditum sit oppidum, e quo ornamenta transferuntur; de cuius rei ratione vt & exceptione Urbis Romæ & Constantinopolitanæ, ad d. l. 1. quoque dictum fuit; quam & ipsam rationem hæc lex indicat his verbis: qui *Metropoles* vel *splendidissimas Ciuitates ornare se fingunt*. Nempe color etiam hic a Iudicibus quæsitus, cum sæpissime tamen & reuera in sinum suum domusque suas ornamenta hæc verterent. Vetus hæc

alioquin querela est de Rectoribus, Prouinciarum & Ciuitatum ornamenta in sinum suum conuerrentibus: videatur saltem *Verrina* Ciceronis, de *signis*. Et nota quoque querela Iuuenalis, *Satyr. 8.* inter cætera v. 110. *seqq.* Sed & Laberius in *Copbino*, quo Rectorum Prouinciarum furta & adulteria perstrinxerat, apud Nonium in *verbo Lenis*, cap. 15. n. 13. *Quum Prouincias dispoliauit. columnas* (de his quoque hac leg. agitur) *monolithas, labella, lenis*, &c. vide & quæ scripsi ad l. 15. de *curf. publ.* vide & l. 7. *Cod. Iust. de edific. priu.* Hanc porro insuper rationem Valentinianus hac leg. reddit, quod vetera potius reformari debeant, quam noua institui, idque etiam a se prohibitum; de qua prohibitione vt aliorum Principum constitutiones extant, puta l. 3. 11. *supr.* l. 19. 20. 21. 27. 28. 29. 30. 31. 37. *infr.* Ita tres insuper aliæ eiusdem Valentiniani; puta lex 15. 16. (quæ eidem Mamertino inscribitur) & 17. dicam ad d. l. 15. *prox.*

P. 293 De Novis operibus publicis a Iudicibus omnibus etiam Spectabilibus, per diocesim Africae, non prius excitandis, quam vetera reparata fuerint.

XV. (a) Idem AA. ad Dracontium. (b)

Lex † fancientibus nobis rogata (c) est, quæ Iudices omnes, (d) & Rectores Prouinciarum Edicto suo adque auctoritate cohibet, aliquid noui operis adripere (e) prius, quam ea quæ victa senio (f) fatiscerent, repararent: Quæ nunc etiam credidimus repetenda. Dat. XIV. Kalend. Mart. Med. Valentiniano & Valente Coss. [365.]

NOTÆ.

(a) Abest *hæc lex* a *Cod. Iustiniano*. ID.

(b) Vicarium Africæ: vid. *Ind. personar.* Interim vide *l. 33. supr. de appellat.* & *l. 10. supr. de cohortal.* *l. 10. 11. & 13. supr. de Annon.* *l. 9. supr. de Susceptorib.* *l. 10. supr. de iure fisci.* ID.

† *Legis huius seu Edicti* fit quoque mentio *superiore lege 14.* ID.

(c) Promulgata. ID.

(d) Etiam Spectabiles, veluti Proconsoles & Vicerius. ID.

(e) Ita quoque *l. 18. infr.* Quodcumque opus inchoandum esse necessario viderint in aliqua Civitate, id arripere non dubitent: & *l. 37. infr.* Horreorum vel stabulorum fabricas arbitratu proprio arripiant. ID.

(f) Senio victa; vt *l. 1. supr.* Ne quis in Palat. man. Item senium temporis sentiunt: *l. 16. infr.* Etatis senio concussæ ædes, *l. 44. infr.* Symmachus *lib. 7. epist. 20.* vbi de ædibus. Perge igitur vt facis & VICTIS tuo redde novitatem. Multo hoc facto promptius, quam quod Hesiodum ferunt posito SENIO in virides annos rediisse: vide alia apud Iuretum in Symmachum *lib. 1. ep. 4.* & congruentia apud Calliodorum *l. Var. 25.* vbi inter cætera in fin. *vetustissima SENECTUTE fuscata.* ID.

COMMENTARIUS.

NOVA opera non prius a Iudicibus Prouincialibus quibuscunque, etiam Spectabilibus, excitari iubet Valentinianus Sen. quam vetera reparata fuerint: vt *hæc leg.* ita & *l. 14. supr.* & *l. 16. & 17. infr.* & aliorum Principum constitutionibus, puta *l. 19. 21. 29. infr.* Imo quam cæptis a decessoribus completis *l. 3. supr. l. 21. 29. infr.* Imo vltius quandoque porrectum, nempe, vt nunquam noua licuerit Iudicibus excitare, nisi

iussu Principis, *l. 11. 27. 30. 31. 37.* Ratio autem istius prohibitionis duplex est, partim ne inani- bus sumptibus Prouinciales vexentur, quorum alioquin securitati hanc in partem per Africam enixe variisque rationibus prospectum voluit idem Valentinianus, variis constitutionibus ad eundem Dracontium datis, quas paulo ante cumulaui: partim ne redditus Rerumpublicarum eo obtentu exhaurirentur.

De NOVIS operibus, præterquam stabulis, non inchoandis
a Iudicibus, sed veteribus reparandis.

XVI. (a) Idem AA. ad Mamertinum PF. P. (b)

CENSURA tua ac (c) Iudicibus licentiam penitus amputabit, ne aliquid (d) nouellum (e) adgrediantur opus, veterum inlustrium (f) fabricarum reparatione neglecta. In eo sane larga ac benigna his licentia tribuetur, vt ornamenta vrbium, ac decora marmorum, quæ in aliquo senium (g) temporis sentiunt, ad speciem pristinam (h) & vsum congruæ utilitatis instaurent. Cæterum, nihil auspicari quemquam noui operis patieris: exceptis Stabulorum fabricis, quæ ex vfu publico (si ita res tulerit) non prohibemus institui. (i) Dat. Id. Mart. Senigalia, (k) Valentiniano & Valente AA. Coss. [365.]

NOTÆ.

(a) Abest a *Cod. Iustin.* GOTHOFR.

(b) Italiæ, Illyrici, & Africæ, vt hoc ipso Anno docet Ammianus Marcellinus *lib. 26. cap. 5.* Eidem inscribitur *lex 14. supr.* ID.

(c) *yp. banc.* ID.

(d) Aliquod. ID.

(e) Nouellum opus: vid. *Gloss.* ID.

(f) Ita *l. 19. infr.* Nobilia opera. ID.

(g) Vide quæ dixi ad *l. 15. supr.* ID.

(h) Vide quæ dixi ad *l. 12. supr.* ID.

(i) Vt *supr. l. 14.* constitui. ID.

(k) *Senigalia*, vel *Senogallia*, vel *Sina Gallica*, in Vmbria olim maritima: de qua vid. quæ collecta iam Italiæ Antiquæ *lib. 2. cap. 5. p. 607. 608.* His vero temporibus in Piceno ea erat. ID.

NOVA opera non prius a Reſtoribus Prouinciarum inſtitui, quam veteribus reparatis, verat rurfum *hac leg.* Valentinianus Sen. pariter vt *l. 14.* (quæ eidem Mamertino PP. inſcribitur) & *15. ſupr.* & *l. 17. 19. 21. 29. infr.* de quo ad *d. l. 14. & 15.* Satis ſcilicet habent Iudices, in quo ſeſe ſuamque induſtriam exerceant, ſeu *larga ac benigna ſatis licentia* ſeu materies eſt Iudicibus, *in eos*, ſi inquam ædificandi libidine teneantur, veterum reparatio, quod *hac leg.* his verbis indicatur: *In eo ſane larga ac benigna his licentia tribuitur.*

Excipiuntur tantum *hac leg.* Stabula, quæ ex vſu publico noua inſtitui poſſunt, pariter vt *l. 17. prox.* itemque *l. 37.* Stabula inquam, animalium ſcilicet, quæ curſui publico deſtinata erant, de

quibus aſſatim *tit. de curſ. publ. ſupr.* (Quo titulo & altera eiſdem Valentiniani *lex* ad eundem Mamertinum PP. occurrit, ante quinque dies data, puta *lex 23. eod. tit.*) Pariter vt excipiuntur horrea, *d. l. 17. & 37.* quæ Iudices ſtudio laudandæ deuotionis arbitratu proprio adripere poſſe vel debere dicuntur. Nempe quia in his vtilitas publica, atque vrgens vertitur annonæ & curſus publici ratio: Quam vtilitatem publicam promouere deuotionis genus eſt, & quidem laudandæ: de quo adhuc ad *leg. prox.* vbi de *Horreis* nominatim. Imo & cætera opera neceſſaria excipiuntur *l. 18. infr.* Similique quadam olim ratione ſub Conſtantino M. & Templo, *l. 3. ſupr.* Tandem huius rei cura PP. *hac leg.* indicitur, quia ſcilicet ſub eius diſpoſitione fuerunt Reſtores Prouinciarum,

De Novis operibus, per Picenum, non inchoandis, exceptis Stabulis & Horreis, Sed veteribus reparandis: & de COLLATIONE in iſſis ſpeciebus ad opera.

XVII. (a) Idem AA. ad Valentinianum (b) Conf. Piceni. (c)

SI quid Sinceritas Tua his vrbibus (d) quibus præeſt, putauerit deferendum, inſtaurare antiquum opus rectius (e) poterit, quam nouum inchoare. Sane ſi quid reparationi alicuius operis poſtulandum (f) erit, non in pecunia, ſed in iſſis ſpeciebus poſtulare te par eſt. Si loca aliqua indigent nouis Stabuliſ aut Horreis, videris (g) exædificare etiam, (h) ſi emolumenta publica aduerteris poſtulare. Dat. Prid. Non. Octobr. Valentiniano & Valente Coſſ. [365.]

N O T Æ.

(a) Abest a *Cod. Iuſtiniano.* GOTHOF.

(b) Alibi *Valentino*, de quo dixi ad *l. 2. ſupr. de Exhib. reis.* *ID.*

(c) Annonarii, non ſuburbicarii, de quo dixi ad *d. l. 2.* *ID.*

(d) Piceni ſcilicet annonarii: quarum numero eſt & *SENIGALIA*, vbi *ſuperior lex* data eſt. *ID.*

(e) *ID.* eſt, potius. *ID.*

(f) Extra ordinem. *ID.*

(g) *videris exædificare*, id eſt, ædificari cura. *ID.*

(h) Locus hic ita diſtinguendus, *videris exædificare etiam, ſc.* &c. id eſt, & illa ædificato, *ſc.* &c. *ID.*

C O M M E N T A R I V S.

DE NOVOVM operum inſtitutione, VETERVMQUE reparatione a Rectore Prouinciæ, eſt hæc rurfum Valentiniani Sen. conſtitutio, de quo aſſatim ad *leges ſuperiores*: Idque *hac leg.* nominatim per Picenum (Annonarium) & ad Conſularem eius Prouinciæ, Tribus in id conſtitutis. I. *Noua* ſcilicet opera non ante inſtitui, quam antiquis inſtauratis, oportere; de quo iam læpe *ſupra*. Neque abſimilis etiam eſt *lex vltim. D. de operibus publicis*. II. *Collationis* ad reparationem operum publicorum formam *hac leg.* præſcribit: Nempe, vt non pecunia in id conferatur, ſed ſpecies ipſæ, id eſt, ferrum, plumbum, æs (de quarum ſpecierum ad opera publica collatione, vide *l. 16. ſupr. de Piſſoribus*: & Ammiani Marcellini locum, *lib. 27. cap. 3.* quem ſeruo, ad *l. 19. infr.*) & ſimiles ſpecies, quibus adde & lapides: quomodo Theo-

Tom. V.

doricus R. apud Caſſiodorum *l. Variar. 28.* vniuerſis Gothiſ & Romanis mandat, ſaxa in agris ſuis iacencia, & muris ciuitatis profutura, vt libenti animo ſine dilatione concedant. Proculdubio, tum quod non tam facile in alios vſus hæ ſpecies conuerſi poſſint, neque tam facile diripi, dilapidari, quam pecunia: tum, ne immoſco forte pretio hæc adærentur, ſeu taxarentur. De collationis alioquin in genere in iſſis ſpeciebus faciendæ neceſſitate, ſuit *ſupra lib. 11. tit. peculiaris 2. tribut. in iſſis ſpeciebus inferri*. III. *Stabula* tamen & *Horrea*, ſicubi neceſſaria ſint, noua, etiam veteribus operibus non reparatis, extrui iubet. De *Stabulis* ad *l. 16. prox. ſupr.* Nunc de *Horreis*: Horum ſcilicet peculiaris quoque ratio fuit & quidem apud Valentinianum, vtpote in quibus condita eſſet annona militaris. Eademque hac parte mens poſtea fuit

I t

fuit Honorio *l. 37. infr.* Hinc & idem Valentinianus voluit *l. 2. Cod. Iustin. de cond. in publ. borr.* Iudicem seu Praefidem Prouinciæ, cum ad quamlibet

urbem seu mansionem accessisset, protinus horrea inspicere, eaque facta testā habere, alioquin negligentia eius ad damnum eius referenda.

P. 295

NOVA opera necessaria a Rectoribus Prouinciæ excitanda, etiam ex aliarum ciuitatum canone.

XVIII. (a) Imppp. VALENTINIANVS, Valens & Gratianus AAA. ad Probum PF. P. (b)

RECTORES Prouinciæ quodcumque opus inchoandum esse necessario (c) viderint in aliqua Ciuitate, (d) id arripere (e) non dubitent. Si ciuitatis eius Respublica tantum in tertia pensionis (f) parte non habeat, quantum coeptæ fabricæ poscat impendium, ex aliarum (g) ciuitatum Reipublicæ canone (h) præsumant, tertiæ videlicet portionis. PP. VII. Kal. Feb. Sirmio, (i) Gratiano A. III. & Equitio Coss. [374.]

NOTÆ.

- (a) Abest hæc lex a *Cod. Iustin.* Concordant autem *l. 26. 48. infr.* meminit huius legis *lex 33. GOTHOFR.*
- (b) *Probus* PP. sub Valentiniano Sen. Illyrici, vt docet vel huius legis subscriptio, PP. Sirmio. Vide Ammianum Marcellinum hoc ipso tempore *lib. 29. cap. 6. ID.*
- (c) *Quæ urgent*, in loco Ammiani mox. *ID.*
- (d) Insigniore; puta splendidissima, vt dicitur *l. 14. supr.* clariore, *l. 26. infr.* *ID.*
- (e) Eadem voce vitur *lex 15. supr.* & *lex 37. infr.* & Ammianus mox. *ID.*
- (f) Reditus & vectigalium, &, vt mox vocatur, *Canonis.* *ID.*
- (g) Minorum scilicet, *l. 26. infr.* *ID.*
- (h) Canon, *hæc leg. & l. 33.* id est, pensio annua: vid. *Glossar. Theod.* *ID.*
- (i) De hac subscriptione mox dicam. *ID.*

COMMENTARIVS.

NOVA OPERA NECESSARIA, & quidem in specie huius legis, *Militaria*, ad tuitionem urbium, Iudices seu Rectores Prouinciæ in Ciuitatibus excitare, inconsulto Principe, hac constitutione a Valentiniano Sen. conquistis etiam ex aliarum Ciuitatum canone impensis, si tertia pensionis pars huic rei destinata non sufficiat, non superpetat, permittuntur, imo iubentur, pariter vt Stabula, vel horrea, & Tempia: *l. 3. 16. 17. supr.* Dixi *Militaria*; Nempe enim pertinet hæc lex proprie ad opera Militaria in Ciuitatibus, quibus hostes arcerentur, & ad Quadorum motus hac tempestate repellendos. Quod omnino persuadet Probi ipse PP. nomen, cui hæc lex inscribitur, & subscriptio legis PP. Sirmio, item vox necessario in hac leg. Postremo ipsa horum temporum ratio: Nempe Auctor est Ammianus Marcellinus, in horum ipsorum temporum historia, *lib. 29. cap. 6.* Quados prædiorum Castrorum trans Danubium in suis terris Valentiniani iussu ædificatorum iniuria tactos, dein Gabinii Regis sui cæde efferatos, vna cum gentibus circumfictis Danubium transgressos messis tempore, cæde, præda, Sirmium vsque ferme progressos. Mox de Probo PP. hæc subiicit: *Per omnia itaque propinqua malorum similitum dispersa formidine, PRÆFECTVS PRÆTORIO, agens tunc apud SIRMIVM, PROBUS, nullis bellorum terroribus aduersus, rerum nouarum lugubri visu præstridus, oculosque vix attollens, hærebatur diu, quid capesseret, ambigens: & cum paratis velocibus equis noctem proximam destinasset in fugam, monitus ui-*

*tiore consilio mansit immobilis. Didicerat enim omnes secuturos confestim, qui MOENIBVS clauderentur, regendos latebris opportunis: quod si contigisset, impugnata CIVITAS venisset in manus hostiles. Proinde parumper lenito pauore, ad ARRIPIENDA QUÆ VRGEBANT acriter animo adsurgens, reuersit obrutas ruderibus FOSSES, MVRO RVMQVE maximam partem pacis diuturnitate contemptam, & subuersam, ad vsque cellarum TVRRIVM minas expedit, studio EDIFICANDI conlitus. Hac ratione opere velociter absoluto, quod IMPENSAS EDIFICANDI causa Theatri dudum congestas sufficere ad id, quod efficere maturabat, inuenit. Atque huic speciato consilio salutare addidit aliud: & sagittariorum cohortem e statione proxima, adfuturam obsidio si venisset, acciuit. His velut obicibus Barbari ab oppugnanda VRBE depulsi. Sirmii igitur egisse Probum ex hac leg. & superiore Ammiani loco liquet, & tertio Ausonii in carmine, quod subditum epistola 16. Valentinianus igitur ad suggestionem Probi PP. hanc legem emisit, tutandis Illyrici Prouinciis. Adeo quidem, vt ad opus necessarium inchoandum non sufficiente Canone Ciuitatis, & aliarum Ciuitatum redditus, in id impendere Rectores & usurpare velit, puta minorum; vt docet *l. 26. infr.* Tertia scilicet Redituum Reip. vbi Tria sunt obseruanda.*

Primo notandum, suos habuisse redditus Ciuitates, suas pensiones, suum canonem: pensiones inquam, & in his vectigalia, *l. 26. 48. infr.* *l. 2. de sepulc.*

sepulc. viol. & Symmachus loco quem mox laudabo. De huiusmodi Ciuitatum vectigalibus, quæ destinata Ciuitatum vñibus vel functionibus Curialium Ordinum, denique ad angustiarum suarum solatia, est quoque insignis lex Arcadii, 10. *Cod. Iust. de vectigal.* qua vetat peti: contra, firma his & perpetua manere decernit. Petere scilicet ea nonnulli ausi, siue quia paganis vñibus ea in partem inferuissent, vel his redundare viderentur.

Secundo notandum, certam redditus Reip. (qui ciuiles redditus dicuntur l. 1. *Cod. Iust. de ratiocin. oper. publ.*) cuiusque partem operibus publicis fuisse destinata affectatamque, & quidem Tertiam a Valentiniano nostro: quod iuxta hanc leg. etiam comprobatur l. 32. 33. & 48. *infr.* E quibus lex 33. huius nostræ meminit, & Valentinianum huius rei Auctorem nominatim facit. Atque ad hanc rem destinata certæ possessiones, vt docet lex 1. ^{P. 296} *supr. de locat. fundor.* Huc pertinet etiam quod Symmachus scribit *lib. 10. epist. 10.* *Habenda est ratio vectigalium publicorum, & lauacri æstui infauratio, cum Reip. viribus conferenda, vt si quid redundat, expensis ceteris, in sumptum operis conferratur.* Huic non abfimile est, quod de redditibus Ecclesiarum cautum olim veterib. Canonib. & legib. Vt de his quatuor partes fiant: 1. Pontifici, ad sui

sustentationem. 2. Presbyteris, Diaconis, Clero. 3. Templorum & Ecclesiarum reparationi. 4. Pauperibus, infirmis, & peregrinis. Item *legum Longobardicarum, lib. 3. tit. 3. l. 4.* *siu. inter Caroli M. Leg. Langob. cap. 95. pag. 105. Edit. Murat. Tom. I. Script. Rev. Ital. part. 2. Vt decima populi in quatuor partes diuidantur. Prima pars Episcopis detur: alia Clericis: tertia Pauperibus: quarta in fabrica ipsius Ecclesie.* Vid. & *caus. 12. Qu. 2. can. 23. 25. 26. 27. 28. 29. 30. & caus. 16. Qu. 3. can. 2.* Vide & quæ notat Paponius *lib. 1. tit. 1.* & quæ ad ipsum Pap. notant alii.

Tertio obseruandum, minorum Ciuitatum redditus, non sufficiente maiorum redditu, ad vtilitatem maiorum derivari iussos, vt a Valentiniano hac leg. ita & a Valentiniano Iuniore, l. 26. *infr.* Quod clariorem vrbium dignitati tributum, etsi ornamenta a minoribus Ciuitatibus ad maiores transferri vetita, l. 11. 14. 37. *hoc tit.* Facilius scilicet pecuniam quam ornamenta minoribus Ciuitatibus detraxeris, detrahere voluerunt Imp. Ab hoc vero non abludit, quod tractant Doctores, vtrum Episcopus de bonis inferioris Ecclesie pro alterius constructione, vel pro alterius Ecclesie sustentatione conferre possit: de quo vid. Marci *decisiones, q. 1013. 1014.*

De Novis operibus etiam ab Illustribus Romæ non excitandis sumptu publico, vel aliorum operum nuditate.

XIX. (a) Imppp. Valens, GRATIANVS & VALENTINIANVS AAA. ad Senatum. (b) Post alia.

NEMO Præfectorum (c) Vrbis, aliorumue Iudicum, (d) quos potestas in excello (e) locat, opus aliquod nouum in Vrbe Roma inclyta molitur, (f) sed excolendis veteribus intendat animum. Nouum quoque (g) opus qui (h) volet in Vrbe moliri (i) sua pecunia, suis operibus absoluat, non contractis (k) veteribus emolumentis, (l) non effossis nobilium (m) operum substructionibus, (n) non rediuiuis (o) de publico faxis, non marmorum frustis (p) (spoliatarum ædium reformatione (q)) conuulsis. Lecta in Senatu, (r) Valente V. & Valentiniano AA. Coss. [376.]

NOTÆ.

- (a) Absent *hec lex a Cod. Iust.* Iungenda autem est ei l. 8. *supr. de Metall.* forte etiam (quod non temere adfero) l. 13. *supr. de Accusation.* Vbi dies diuersus ab eo, qui subscriptus d. l. 8. GOTHOFER.
 (b) Vrbis Romæ. ID.
 (c) Quæ sublimissima in Vrbe potestas erat. ID.
 (d) Veluti Præfectorum Prætor. cui etiam argumentum præstat d. l. 13. *supr. de Accusat.* ID.
 (e) Inclytæ potestates, d. l. 13. ID..
 (f) Scilicet expensis publicis, quo pertinet hæc prima huius legis sententia. ID.
 (g) Itaque: vel quodque. ID.
 (h) Iudicum scilicet, vt *supr. initio legis.* ID.
 (i) Moliri opus. ID.
 (k) Est qui tentet, contractis. Male. ID.
 (l) Putabam aliquando hic legendum, *monumentis*, aliquando *eramentis*, aliquando *fulmentis*, id est, columnis. Sic *fulmenta* Aquitanica, apud Sidon. *lib. 2. epist. 10.* Fulmenta, a fulciendo. Sed *emolumentis* & hic, & d. l. 8. *de Metall.* rectum est. *Emolumenta* vel potius *emolumenta* sunt molitiones, vt vocantur l. 31. *infr.* ab emolici. Symmachus *lib. 10. epist. 9.* Edit. Parei, 1617. in 8. quæ est in auctuar. Symmachian. ep. 12. Edit. Iureti: Vereor.

no operi emolendo aſſina opportunitas ſubtrahatur. Et in l. 1. Cod. Iuſt. de Stat. & imagin. (quæ coſſanda eſt cum l. 37. infr. hoc tit.) emolumentorum vox de Statuis & Imaginibus eſſertur. Si quis Iudicum accepiſſe aeneas, vel argenteas, vel marmoreas ſtatuas, extra Imperiale beneficium, in adminiſtratione poſitus, detegatur, emolumenta, quæ accepit, in ea poſitus dignitate, quam polluit, cum extortis titulis vel preſumptis, in quadruplum ſiſco noſtro inferat, &c. putet quis, ibi emolumentorum vocem pro commodis accipi. Denique emolumentum nihil aliud eſt, quam ſtructura: proculdubio proprio ſignificatu, in re architectonica, etſi apud Vitruuium noſquam ea occurrat. *ID.*

(m) Ita leg. 16. ſupr. Veterum illuſtrium fabrica. *ID.*

(n) Subſtructionis vox hac in re propria; etiam alicubi apud Quintilianum; de quo vide *Gloſſ. Theod. ID.*

(o) Rediuiui vocem hac in re uſurpat quoque Caſſiodorus III. Var. 9. & IV. Var. 24. *ID.*

(p) Quid ſi cruſſis? Cruſſæ marmorum, tum apud alios, tum apud Caſſiodorum I. Var. 6. *ID.*

(q) *vg. deformatione.* Vt etiam habet Editio Tiliana, & quæ in Quarto prodit, & prima Cuiacii; quanquam & hæc lectio ſuſtineri poſſe videatur. *ID.*

(r) *Id. Aug. vt d. l. 8. de Metallis. ID.*

COMMENTARIUS.

GRATIANI hæc elegantiffimo & Gallicano cothurno conſcripta conſtitutio eſt, ad opera publica Urbis Romæ pertinens, pariter vt tres aliz hoc titulo eodem pertinent: puta, lex II. 12. ſupr. l. 27. infr. Eſt autem hæc lex pars prolixioris Gratianæ orationis ad Senatum; vnde etiam deſumpta eſt lex 8. ſupr. de Metallis, quæ huic proinde iungenda venit. ROMÆ igitur NOVA opera publica, excitare omnes hac leg. vetantur: niſi ſuo ſumptu, non per aliorum publicorum operum ruinas vt hac leg. diſerte exprimitur, vel etiam ſpeciebus (quod addendum) corrogatis & extortis a priuatis. Omnes inquam, etiam Iudices exceſſi; pariter vt a Valentiniano Sen. l. II. ſupr. & rurfum a Valentiniano Iuniore, l. 27. infr. quod idem & per Provincias conſtitutum, l. 3. 14. 15. 16. 17. 21. 27. 30. 31. & l. 3. §. 1. D. de operibus public. ac nominatim inter alios quoque PRÆFECTVS Urbis Romæ: cum alias Præfecti Urbis hac in re nimio plus ſibi indulgerent, vt patet vel exemplo Lampadii P. V. ante decennium ferme, de quo Ammianus Marcellinus, lib. 27. cap. 3. P. 297. *Edificia erigere exorients noua vel vetuſta quadam inflauans, non ex Titulis ſolitis parari iubeat impenſas: Sed ſi ferrum quærebatur, aut plumbum, aut æs, aut quidquam ſimile, Apparitores immittebantur qui velut euentes, diuerſas raperent ſpecies nulla pretia perſoluendo: vnde accenſorum iracundiam pauperum damna deſentium crebra egre potuit celeri vitare digreſſu.* Suo igitur ſumptu NOVA opera excitare Iudices non prohibebantur, vt hac leg. ita & l. 27. 28. & 31. infr. non vero (qui modus hac leg. adhibetur, quæque vetus eſt prohibitio, & de qua etiam actum, l. 1. ſupr.) ſpoliatione ſeu nuditate aliarum ædium ſeu operum, ex quibus ornatus Ciuitati accedit, hac leg. & l. 30. infr. Quod elegantiffimis verbis hac leg. exprimitur, propriiſque quamplurimis, ex architectonica etiam nonnullis petitis: qualis eſt vox *emolumentorum, ſubſtructionum, operum Nobilium, rediuiuorum ſaxorum, marmorum fruſta*, de quibus ſingulis in notis, & in *Gloſſar.* Et hæc quidem vera ſunt de ſtantibus emolumentis, ſubſtructionibus, ſaxis, marmorum fruſtis, non reuellendis: Alia vero ratio fuerit, ſi lapides ſponte demoliti, diruti, ſaxa collapſa, ſi iacentia marmora nullum ſui uſum præbeant, ornatui publico non proſint. Quam in rem non vna exiſtat apud Caſſiodorum Theodoricæ R. iuſſio: qua transferri ad moenium ſeu operum publicorum reparationem ea iubet: lib. II. Var. 7. & lib. III. Var. 9. cuius hic verba apponere iuuat: habent enim quæ cum hac leg. noſtra committantur: *In mu-*

nicipio itaque veſtro ſine uſu iacere comperimus columnas & Lapides, vetuſtatis inuidia demolitos. Et quia indecore iacentia ſeruare nil proſicit, ad ornatum debent ſurgere REDIVIUIVM, antequam dolorem monſtrare ex memoria precedentium ſæculorum. Atque ideo præſenti auctoritate decernimus, vt ſi vera fides eſt ſuggerentium, nec aliquid publico nunc ornatui probatur accommodum, ſupra memoratas platonias vel columnas ad Rauennatem ciuitatem contrahat modis omnibus deuehendæ: vt collapſis metallis oblitterata facies reddatur iterum de arte pulcherrima: & quæ ſui fuerant obſcura, antiqui nitoris poſſint recipere qualitatem. Eodem pertinet & ſequens epiſtola 10. De hac ipſa re eſt quoque III. Variar. epiſtola 49.

Interim ex l. 8. ſupr. de Metall. (quæ huic, vt dixi, coſſanda eſt) apparet, quam ratione inter alias Gratianus vtrique huic malo (quod nimium frequens in Vrbe Romæ erat) occurrere fategerit, vt ita non tantum vetera Romæ excolerentur, ſed etiam noua excitarentur, citra aliarum ædium deformationem. Eo ſcilicet ſine data ab eo Senatoribus poteſtas, eo Orationis ſuæ ad Senatum capite, quod continetur d. l. 8. per Macedoniam & tractum Illyrici, (quæ marmoribus abundabant) eruendorum marmorum & lapidum, propoſita etiam vectigalis & portorii immunitate, de quo ad eam leg. 8. plenius. Portoriorum ſcilicet & vectigalis onera, vt in cauſa ferme eſſe ſolent, ne lapides aut marmora eruantur, ita contra, propoſita demum horum immunitate, lapidicinas ſeruere, atque a veteribus ædificiis temperari neceſſe eſt.

Illud tandem ad hanc quoque legem notari cupio: ſicut ea Gratianus Præfectis Vrbi, quamlibet in excelſo locatis, modum quandam ponit: ita contra hoc ipſo Anno, Præfecturæ Urbis dignitatem adſertum iuiſſe, l. 3. Cod. Iuſt. de officio Præfecti Urbis: conſtituto videlicet, *Vt Præfectura Urbis cunctis quæ intra urbem ſunt antecelleret dignitatibus:* Ideo proculdubio, quod Maximinus Præfectus Prætorio Romæ intoleranter ſeſe efferens (de cuius nimio ſaſtu videndus eſt Ammianus Marcellinus lib. 28. c. 1. & lib. 29. c. 2. 3. quem & ſub Gratiano damnatorio iugulatum ferro ſcribit d. l. 28. c. 1.) ſupra Præfectum Urbis ſeſe extulerat. Nam & alios nonnullos eiufdem Maximini actus hoc ipſo Anno, & proximo, Gratianus Imperator (huius legis Auctor) in-

firmavit,

firmavit, ut ad alias iam *leges* plures ostensum est. Imo & *hæc* quoque *ipsa* *lex* eodem non improbabili referri possit. Atque ut *legem* illam 3. *Cod. Iust. de officio P. V.* pertexam, posteriorem

eius sententiam corruptissimam ita restituendam censeo: *Tantumque, ex omni parte, dignitatis, quantum sine omni iniuria ac detrimento honoris alieni erit, usurpet.*

*De Novis Operibus: pro qua parte ea a Rectoribus
Prouinciarum excitari possint.*

XX. (a) Imppp. Gratianus, Valentinianus & THEOD. AAA.
Iuliano (b) PF. Ægypti.

INDIX, (c) qui ad Prouinciam fuerit destinatus, duas partes, vel (d) incuria vel vetustate conlabas, ad statum pristinum nitoris adducat: adque tertiam construat (e) * nouitatis: si tamen famæ (f) & propriis cupit laudibus prouidere. Dat. XVI. Kalend. April. Theßal. Gratiano A. V. & Theod. A. I. Coss. [380.]

N O T Æ.

(a) Abest *hæc* *lex* a *Cod. Iust.* iungenda autem ei est l. 80. *supr. de Decurion.* GOTHOFR.

(b) Iuliani huius Præfecti Ægypti ἀπὸ τῶν ἐπιγράμτων ἐπιγράμματα extant 4. *Antholog. cap. 23. & cap. 32. & alibi.* Forte de hoc accipiendus Libanius *epist. ad Anatolium* 79. *Edit. Wolff. ID.*

(c) *Index*, id est, Rector Prouinciæ. ID.

(d) Sic Cornelius Nepos in *vit. Attic. cap. 20.* Cum *ædes Iouis Feretrii, vetustate atque incuria detecta prolaberetur.* IDEM.

(e) γὰρ *construat nouitatis.* Nouitatis, id est, noui operis. Cassiodorus quoque *IV. Var. 24.* in eadem re: *Ut rebus antiquitate confusis, NOUITATIS facies adules reddatur: & IV. Var. 30. Et antiquis mœnibus NOUITATIS crescat aspectus.* ID.

(f) Ita *industriæ captare famam: l. 31. infr.* quæ eiusdem Theodosii M. est. ID.

C O M M E N T A R I V S.

P. 298

THEODOSII M. nouem constitutiones de operibus publicis sequuntur, puta *lex 21. 22. 23. 24. 25. 29. 30. 31.* E quibus hæc ad Ægyptum pertinet: *Lex vero 21. 24. & 31. ad Præfecturam Prætorianam Orientis: lex 22. ad Antiochiam & Diocæsin Orientis: lex 23. 25. 29. ad Urbem Constantinopolitanam.* Hac *lege* cui iungenda est seu coassanda *lex 80. supr. de Decurionib.* quatenus *NOVA* opera Iudices per Prouincias excitare possint, (de quo ad *legem superiorem*, aliasque plures dictum est;) definit. Scilicet duas saltem partes labantes eos instaurare iubet: tertiam, si velint, nouam instituere permittit, ex sumptu videlicet publico: Nempe istud, ut *providere possit famæ, propriisque laudibus*, (ut *hæc* *lex* loquitur) quas sane Iudices nouis operibus enixe captabant; uti docet quoque *lex 31. infr.* his verbis: *Licet nouis molitionibus industriæ captare famam, &c.* Quod idem tamen postea reuocauit, *d. l. 31. infra.*

Ex huius porro *legis* coniunctione, cum *d. l. 80. supr. de Decurionibus*, apparet, hanc vtramque esse partem *Mandatorum*, quæ Iuliano cum imperio in Ægyptum destinato, a Theodosio M. data fuerunt. Sane, ut de *Decurionum* pœnis, mandatis Principum aliquid comprehendi solitum fuisse, docet aperte *lex 15. 27. supr. de Decurionibus: l. 1. supr. de*

Pæn. (quo pertinet *d. l. 80.*) ita & de operibus publicis, docet aperte non tantum *lex 2. supr.* Verum etiam *lex ultim. §. 1. D. de operibus publicis.* Si quis, inquit, *opus ab alio factum adornare marmoribus, vel alio modo ex voluntate populi facturum se pollicitus sit; nominis proprii titulo scribendo, manentibus priorum titulis, qui ea causa fuit tot deinceps Theodosii M. legum de operibus publicis reparandis, puta l. 21. 29. 31. & faciendæ legis 36. infr. hoc tit.* ab Arcadio Filio eius, quæ negligentia Iudicum in reparandis operibus publicis a primo Theodosii COS. (qui huic *legi* subscriptus est) usque ad *legis* illius tempus ea pœna plectitur, ut de suo ea reparare iubeatur.

Illud ad ad *hanc leg.* notari cupio, ab hoc Anno 380. Rectores Prouinciarum per Orientem ad Arcadii Imp. initia vique, septemdecim annorum spatio Operum publicorum instaurandorum curam a se passim abdicasse, quæ causa fuit tot deinceps Theodosii M. legum de operibus publicis reparandis, puta *l. 21. 29. 31. & faciendæ legis 36. infr. hoc tit.* ab Arcadio Filio eius, quæ negligentia Iudicum in reparandis operibus publicis a primo Theodosii COS. (qui huic *legi* subscriptus est) usque ad *legis* illius tempus ea pœna plectitur, ut de suo ea reparare iubeatur.

De NOVIS OPERIBVS non prius excitandis, quam veteribus reparatis, ceptisque a decessore absolueudis.

XXI. (a) Idem AAA. Eutropio PF. P.

SINGVLII quique Iudicum primo omnium in tuendis veteribus ædificiis publicis impendant propriæ sollicitudinis curam, tum adgrediantur noua: adque studio cautæ celebritatis quidquid a superiore (b) reppererint inchoatum, quasi a se cœptum nouerint explicandum. Dat. XVI. Kal. Septemb. (c) Hadrianop. Gratiano A. V. & Theod. A. I. Coss. [380.]

NOTÆ.

(a) Abest hac lex a Cod. Iustin. Concordat vero ei lex 3. supr. maxime, itemque l. 11. & 15. & 16. & 19. & 29. infr.

GOTHOFR.

(b) Id est, decessore. ID.

(c) 79. XII. Kalend. Decembr. ID.

COMMENTARIVS.

NOVA opera a Rectoribus Prouinciarum non prius extrui, quam veteribus reparatis, & hac leg. Theodosius M. iubet; de quo tot iam fuerunt hoc tit. leges. Item (quod in hac leg. singulare est) quam cœptis a decessore, absolutis. Quod ipsum cauetur & l. 3. supr. & l. 29. infr. Breuiter ut vetera reparare, ita cœpta ab aliis expli-

care, seu absolue prius Rectores Prouinciarum tenentur, quam noua inchoent. Re proinde cœpta ab aliis quasi a se cœpta, id est, haud aliter, atque si ipsi cœpissent, absolue iubentur: quod Rectores Prouinciarum in grauidio sæpe habebant, seu fastidiebant, nouis potius Operibus auram popularem, propriæque industriæ famam captantes.

De LOCIS publicis non occupandis priuatorum operibus; imo & hisce diruendis, non obstante præscriptione, vel Rescripto.

XXII. (a) Idem AAA. Haue Procule (b) K. NB.

PRÆSCRIPTIO temporis iuri publico non debet obsistere: sed ne (c) Rescripta (d) quidem: Adque ideo diruenda sunt omnia, quæ per diuersas Vrbes, vel in Foro, vel in quocumque publico loco (e) Ciuitatis, (f) extructa noscuntur. Dat. III. Id. Iun. Constp. Merobaude II. & Saturnino Coss. [383.]

P.299

NOTÆ.

(a) Lex 6. Cod. Iust. eod. tit. Concordat lex 47. infr. & 52. GOTHOFR.

(b) Proculus hic non erat Præf. Vrbi, quod voluit Contius (cui alioquin inscribitur lex 25. infr.) Verum Comes Orientis, cui inscribitur hoc ipso Anno l. 14. supr. de cohortal. itemque lex 103. supr. de Decurion. & Anno superiore 382. lex 90. supr. de Decurion. Eiusdem meminit Libanius de vita sua, p. 66. 68. Edit. Morell. & Orat. ad Icarium, non semel: qui Icarium ei in Comitibus successit. ID.

(c) Nec, in Cod. Iustin. ID.

(d) Vide l. 1. 6. 7. supr. de diuers. rescript. vbi dixi. ID.

(e) Contra ornatum & commodum, ac decoram faciem Ciuitatis: hæc inserta in Cod. Iust. ID.

(f) Antigonenæ. ID.

COMMENTARIVS.

OCUPARI priuatorum ædificiis loca publica prohibentur hac leg. a Theodosio M. Anno D. 383. Loca, inquam, publica, veluti forum, aliaue similia; hac leg. Porticus, l. 52. infr. pari-

terque palatii loca, quæ priuatis ædificiis occupari prohibentur a Theodosio Iunior, l. 47. infr. quæ sæpe occupabantur auaritate cogendæ pecuniæ, l. 25. infr. vbi vid. quæ dico; adeo ut ædificata locis illis

illis subruī seu destrui iubeantur: & hac leg. & dict. l. 47. vide & l. 2. D. ne quid in loco sac. fiat. & l. 2. D. ne quid in loc. publ.

Hæc ita indistincte hac leg. Atenim Tribonianus hanc exceptionem addit, si videlicet opera illa priuatorum contra ornatum & commodum ac decoram faciem Ciuitatis extructa fuerint: quod & ipsum iure antiquo, & postea quoque obtinuit. Nam vt sæpe publica loca priuatorum ædificiis occupantur; quem in finem etiam olim sæpe, Curatores locorum publicorum persequendorum, ita nuncupatum dicti mittebantur: vel huiusmodi ædificiis vestigal imponi solebat, vt docet l. 52. infr. vbi dicam: itemque l. 5. §. 1. D. cod. tit. quod Solarium dicebatur, seu Pensio, vt l. 41. in fin. infr. vbi dicam; vel huiusmodi ædificia in publicum vindicabantur: l. 5. §. 1. D. eod. Redditis etiam ædificatori impensis ex Plebiscito veteri, cuius meminit Dionys. Halicarnas. lib. 10. cap. 38. Edit. Wechel. & cap. 32. Edit. Hudson. Cuius hæc verba sunt: ὅσα βεβαιοῦνται τινὲς ἢ κλοπῇ λαβόντες ἐκδοθήσαντο, νομισαμένους τὰς δαπάνας, ἃς ἀνὰ τὴν διατηρᾶν γινώσι, τῶν δὲ παραδιδόναι: quæ vero per vim aut fraudem occupassent ædificiis, ea restituis ex arbitrorum sententia impensis, addici populo. Adeo autem loca publica seu fines publici priuatorum ædificiis occupari non oportet, vt neque præscriptionem temporis hac parte vllam obfistere possit, hac leg. definit Theodosius M. Quæ Regula alioquin notissima est. Sed hic eleganter proponitur: Præscriptio temporis iuri publico non debet obfistere, de quo alibi: vid. & quæ dicam ad l. 7. infr. tit. prox. de aqueductu. Neque etiam Rescripta, nam & hæc iuri publico damnosa non valent, quomodocunque fuerint impetrata, l. 1. 6. 7. supr. de diuers. rescript. vbi dixi. Est igitur hic casus addendus ad eas exceptiones, quibus publicum ius præscriptione non tollitur; de quo Interpretes ad l. 4. Cod. Iust. de præsc. 30. ann.

Porro pertinet hac lex ad Comitium & Vrbes Orientis: in his ad urbem Antiochiam, quæ Orientis metropolis & apex erat. Nam & Proculus, cui hac lex inscribitur, Comes Orientis erat:

quod docet lex 14. supr. de cohortal. & l. 90. 103. supr. de Decurionibus: & Libanius de vita sua, pag. 66. 68. Edit. Morell. & ad Icarium non semel: Cuius Libanii etiam plures ad eum extant epistolæ: puta 735. 767. 771. 775. 793. 824. 857. Edit. Wolff. Et proinde Ciuitatis appellatione hac leg. Antiochia intelligenda venit: vbi vel in foro vel alio publico loco extructa dirui iubet. Vnde forte etiam angariarum genus illud enatum, ad rudus efferendum, in quod inuehitur Libanius, orat. περὶ τῶν ἀγγαριῶν, & orat. aduersus Icarium, huius Proculi in Comitium successorem. Sane hanc legem extorsisse videtur angustia viarum Vrbi Antiochenæ, ἢ γενότης, cuius causa Libanius de vita sua, p. 66. 67. Edit. Morell. periculum vitæ adiisse se memorat hoc ipso tempore, cum ex Senatu seu Curia Antiochena prodisset; cum eo ipso loco Proculi Com. Orientis mentionem faciat; cui hac lex inscribitur, vt non inani coniectura paret quis hanc legem eo spectare, seu hanc legem ex hoc vel simili casu elicitam.

Post hæc ita scripta, compos iam epistolarum Libanii factus, Proclum hunc commendari video a Libanio epist. 771. ob vias, Porticus, balnea, FORA ipsius sumptibus Antiochiæ excitata: ὅτι πολὺ πρὸ τῶν τριῶν ἔφην ἡρέθη Πρόκλος ὑπ' αὐτῶν τῶν ἐν τῇ πόλει παρ' αὐτῆς πεπονημένων ὁδῶν τε καὶ σοῶν, καὶ λειτῶν καὶ ἀγρῶν φιλεῖν μὲν γὰρ ἀνάγκην ἔχειν τὸν γε αὐτὸς πόνον: ideo, dicebam ego, quod longe ante tres illos Proclus a viis, & porticibus & balneis, & foris quæ vrbi comparauit, electus est. Ipsum enim hunc laborem ad amandum impellere. Et mox: ὥς μὴ μόνον ἐν τῇ σοῇ τῇ παρὰ τῇ φοινεῖσθαι τῆ δὲ μὲν τὴν εὐθυμίαν ἐσπέρας ἐκείνης ἀσμασι, ἀλλὰ καὶ τῆς βελῆς δι' ὧν ἀν' βελῆν πρέποι: adeo non solum in porticu, quam fecisti, singulis vespers bilaritas populi canticis, sed & Senatus illa per ea, quæ Senatum decet, celebratur. Quare pertinet omnino hac lex ad hoc Procli Comitibus Orientis studium in excitandis Antiochiæ publicis operibus, tuendisque.

De PORTV & AQUÆDVCTV Constantinop. instaurando, operarum ab omnibus collatione facta, citra cuiusquam IMMVNITATEM Theodosii M. lex.

XXIII. (a) Idem (b) AAA. Cynegio. (c) PF. P.

AD Portus & Aquæductus (d) instaurationem, (e) omnes certatim, facta operarum collatione, instare debent: Neque (f) aliquis ab huiusmodi consortio, dignitatis (g) priuilegiis, excusari Dat. XV. Kalend. Februar. Constantinop. Richomere, & Clearcho Coss. [384.]

NOTÆ.

P.300

(a) Lex 7. Cod. Iust. eodem tit. Iungendaque huic legi est l. 5. supr. de auro coron. Exat etiam hac lex in corpore Constitution. de Aquæductibus pag. 234. Edit. Polen. GOTHOF.

(b) Male: Reponenda enim hæc Imppp. nomina. VALENTINIANVS, THEODOSIVS & Arcadius? vide Coron. Theod. ID.

(c) Prima hæc lex est, quæ Cynegio PP. hoc Cod. inscribitur. Et sane ante tres Septimanas Postumianus adhuc Præfectus Præat. erat, vt docet lex 7. supr. de honor. codicill. ID.

(d) Et murorum: hoc amplius in Cod. Iust. ex l. 49. infr. hoc tit. sed contra veritatem historicam huius legis. IDEM.

(e) Sino

(e) *Sive extruccionem.* Hoc additum *Cod. Iustin. 1D.*

(f) Ita quoque *Cod. Iust. & in corpore Const. de Aqueduct.* & sustineat quis, repetita ἀρὰ τῇ καινῇ voce *debet.* Sed malim:
Nec queat quis. 1D.

(g) *Alicuius. 1D.*

COMMENTARIUS.

AD publica VRBIS CONSTANTINOPOLITANÆ opera seu ædificia, pertinent deinceps hoc titulo quatuordecim sequentes *Constitutiones*: puta, quatuor Theodosii M. *lex 24. 25. 29. 30.* Arcadii quinque: *lex 38. 39. 44. 45. 46.* Theodosii Iun. quinque: *lex 47. 50. 51. 52. 53. seu ultim.* Ex quibus apparet, quam enixum horum trium Principum, (post Constantinum, Constantium, Iulianum, & Valentem) in exornanda vrbe illa studium fuerit, quod alii quoque Scriptores memorant, uti suo de singulis loco dicitur. Idque partim in excitandis Novis in ea Operibus publicis, quo pertinet Theodosii M. *lex 24. & Theodosii Iun. lex 50. 51.* partim in reparandis veteribus, vel incendio consumptis, quo spectat Theodosii M. *lex 29. & Arcadii lex 44.* partim in ornatu vsuque eorum tuendo, ampliandoque: quo pertinet Theodosii M. *lex 25. & Arcadii lex 38. 39. 40.* Theodosii Iun. *lex 47. 52. & ultim.* denique in ruinis & incendiis auerendis; quo spectat Theodosii Magni *lex 30. & Arcadii lex 39. & 45.*

Cæterum varia Opera publica Urbis Constantinopolitanæ hisce legibus partim nominantur, partim indicantur, novem scilicet. *Primo*, Portus, *Secundo*, Aquæductus (Theodosiani scilicet) mentio fit *l. 23.* *Tertio*, ad Porticum Senatus pertinet *lex 44.* *Quarto*, ad Porticum Circi *lex 45. & 46.* *Quinto*, de Palatio est *lex 47.* *Sexto*, de Thermis Honorianis & Porricu earum, *lex 50.* *Septimo*, de Novo muro, eiusque turribus, *lex 51.* *Octavo*, de Lauacro Zeuxippi & Porticibus eius *lex 52.* *Nono*, de Auditoriis Professorum in Capitolio, Porticibus eius, & exedris, *lex ult.*

Hæc nostra, uti dixi, est de PORTU & AQUÆDUCTU Theodosiano, ad quorum instaurationem omnes, nullo excepto, operas conferre iubet, Theodosius M. A COLLATIONE, scilicet operarum vel sumptuum, ad opera publica immunitatem, ut cæteris nulli, quæcunque tandem dignitas tribuit, seu nullius Dignitatis privilegio quis ab huiusmodi consortio excusatur, ut hac lege, ita rursum *l. 49. infr.* Cassiodorus *V. Var. 9.* confortid inquam, id est, communi onere & communione: Ita ad Portum & Aquæductum Theodosianorum instaurationem nominatim omnes, citra ullam immunitatem, inflare iubet hac leg. Theodosius M. Anno Domini 384. Omnes, inquit, certatim facta operarum collatione. Quare neque cuiquam, Iudicum indulgentia, hæc immunitas tribui potest: ut *l. 5. supr.* Neque vlla dignitas excusationem præbet, ut in huiusmodi legis specie, ita & *d. l. 49.* & sic in subitis & extraordinariis huius-

cemodi, ac Nobilibus Operibus, de quibus ut hac leg. ita & illa agitur. Alias enim Senatores ab huiusmodi collatione immunes erant, in specie *l. 7. supr.* & Veterani, *l. 2. supr. de Veteran.* Portum scilicet Constantinopoli Theodosius M. hoc tempore instaurare cepit: Portum inquam, qui & ideo postea Theodosianus vocatus fuit, in veteri descriptione Constantinopoleos, duodecima regione, ubi perperam scriptum in nonnullis, Portam Theodosianam, loco, Portum, Eundem intelligit Themistius *orat. 6. p. 162. Edit. Petau. Flexie 1613. in 8.* (quam hoc ipso Anno 384. habuit.) Aquæductum pariter (Valentiacum scilicet) hoc tempore instauravit Theodosius, ut hac leg. docet, de quo est quoque *lex 3. 4. infr. de Aqueduct.* Nam postea alium aquæductum idem Theodosius M. instituit, qui Theodosiacus vocatus fuit, cuius fit mentio *l. 29. & 30. supr. de Prætor.* Deque eodem accipio *l. 7. Cod. Iust. de Aqueduct.* de utroque *l. 6. infr. de Aqueduct.* His duobus scilicet operum publicorum generibus Constantinopolim Theodosius M. inter cætera hoc tempore ornauit: de quo, quam multis, inquam, operibus publicis Theodosius hanc urbem ornauit, fidem facit quoque præter hanc legem & *l. 25. infr.* quod Gregorius Nazianzenus scribit *orat. 25. pag. 435. Edit. Paris & Colon.* quam Theodosio M. imperante habuit, (ut diferte præfert Scholium titulo additum Edit. Richard. Thomfoni) ubi Aquæductum, de quo hac leg. diferte memorat, καὶ τὸ ἄριστον (inquit) τὸτο ἔργον, ὃ ὑποχρεῖται καὶ ἀέρι ποταμός, atque hoc incredibile opus, subterraneus nimirum & æreus fluvius. Quibus verbis eleganter & vere Aquæductum describit. Iterum Portum his verbis διασπυρικῶς: Ἰάλασαν δὲ ἔγω περὶ ἐξήκαμεν ἡμῖν αὐτοῖς, nec vero nobis ad hoc mare in orbem effregimus. Et Themistius *d. orat. 6. pag. 161. 162. Edit. cit.* (hoc ipso Anno, uti dixi, habita:) & deinceps vetus Urbis Constantinopolitana descriptio, ubi multa Theodosii nomine Opera designantur: quanquam ex his etiam nonnulla sunt Theodosii Iunioris. Ad illorum igitur duorum operum excitationem, instaurationem, omnes sine vlla exceptione, & quidem dignitatis, operas conferre voluit. Atenim idem diuersum aliquid statuit in collatione auri coronarii *l. 5. supr. de aur. coron.* (quæ alioquin huic nostræ coniungenda est:) Idem sane in constructione murorum a Theodosio Iuniore constitutum, *l. 49. infr.* Quod etiam Tribonianus huic legi addendum putauit: pariter ut hanc legem porrexit quoque ad extruccionem nouam operum publicorum illorum.

De VITIO operis publici, & ut de eo Curatores operum publicorum, eorumque hæredes teneantur, ad 15. annos vsque.

XXIV. (a) Idem (b) AAA. Cynegio PF. P. (c)

OMNES, quibus vel Cura mandata fuerit operum publicorum, vel pecunia ad extruccionem

nem solito more decreta, (d) vsque ad annos quindecim ab opere perfecto cum suis hereditibus teneantur obnoxii: ita, vt si quid vitii in ædificatione infra (e) præstitutum tempus pro- uenerit, (f) de eorum patrimonio (exceptis tamen his casibus, qui sunt fortuiti) reformetur. (g) Dat. III. Non. Febr. Constantinop. Arcadio A. I. & Bautone Coss. [385.]

N O T Æ.

(a) *Lex 8. Cod. Iust. eod. tit. GOTHOFR.*

(b) *Et hæc lex tribuenda est Valentiniano, THEODOSIO, & Arcadio. ID.*

(c) *Orientis. ID.*

(d) *Credita in Cod. Iust. Ita in l. 3. supr. de frum. Urbis Constantinop. Mutuum appellatur, quod datur mancipibus in cõemptionem frumenti: Estque id proprie Promutuum, quod prorogatur: de quo ad eam legem 3. Pecunia scilicet a Magistratibus & Decurionibus decreto Ordinis dabatur in Opus publicum. ID.*

(e) *Intra. Cod. Iust. Sed rectum quoque est. ID.*

(f) *Peruenerit Cod. Iust. Sed nostrum istud melius. ID.*

(g) *Reformetur, id est sarcitur: vid. Gloss. Theod. ID.*

C O M M E N T A R I V S.

VITIO Operum publicorum nouiter extructo- rum (forte in Vrbe Constantinopolitana, quod temere tamen non adfero) occurrit hac constitutione Theodosius M. Anno 385. CURATO- RES scilicet Operum publicorum eosue quibus pecunia ad extructionem solito more decreta creditaue (vt habet *Cod. Iust.*) est, de vitio operis, (nisi id fortuitum sit) ad quindecim annos vsque tam ipsos quam heredes eorum teneri iubet hac constitutione: Quæ singularis omnino est, & singularem profecto præscriptionem continet quindecim annorum. Quamquam Harmenop. *lib. 3. tit. 8. §. ultim.* decennalis tantum præscriptionis hac parte meminit.

Curatores operum publicorum erant, Mechanici qui a Republ. operi perficiendo præstituebantur; quibusque ad extructionem pecunia decernebatur, qui scilicet impensas operis tractabant. Cuius generis apud Symmachum sunt Cyriades, Auxentius, & Aphrodisius *lib. 4. epist. 71. & lib. 5. epist. 76. & lib. 10. epist. 38. & 39.* quibus locis multa ad huius legis illustrationem occurrunt: atque inter alia, de Discussoribus extra ordinem missis, qui de vitio Operis quærerent. Hic Curator rursus sub se redemptores habebat, qui Opus faciendum conducebant, quos *Ergolabos* dicebant: cum his Curator negotium habebat, at Respubl. cum Curatore: *l. 2. §. 1. D. de operibus public.* Curator itaque hic de vitio Operis tene-

tur, nisi si a fortuito casu id vitium procedat. Itaque si quis Opus, quod perfecit, semel assignauit, id est approbavit, deinde id fortuito casu aliquid passum sit, periculum ad eum, qui perfecit, non pertinet: *l. 1. §. ultim. D. de pollicitat.* quæ huc egregie facit, nihil vero ad *titulum, de pollicitationibus*, verum ad officium Curatoris Reipublicæ: qua causa lex hæc desumpta ex *libro singulari Vlpiani de officio Curatoris Republic.* Neque ipse tantum, sed & heredes ipsius tenentur. Vtrumque hoc ita constitutum, obseruari æquissimum est, eo quod opera publica, vt cætera publica, segnus ferme accurari solent. (Et nihilominus ad priuata quoque opera decennalem præscriptionem, cuius meminit Harmenopulus, pertinere existimem:) Alioquin apud Symmachum *lib. 10. epist. 39.* Cyriades mechanicus pro argumento stabilitatis pontis ædificati, triennii stabilitatem opponebat. *Interea Cyriades V. C. facilem prospectum esse suggessit operis sarcienti, cuius stabilitatem sicut assertum est, hyems tertia non resoluit.*

Tandem illud notandum superest, nisi Cyne- gii nomen huic leg. inscriptum obstiteter, quem utriusque PP. Orientis fuisse liquet, hanc leg. optime referri potuisse ad eam ipsam Basilicæ Pontisque Romæ discussionem, de qua Symmachus *diffinis locis*: Nam & res omnino congruit, & temporis ratio: hoc enim tempore Symmachus P. V. erat.

De priuatis ædificiis non ADICIENDIS seu extruendis ad opera publica Constantinop. & de adiectis, diruendis Theodosii Magni lex.

XXV. (a) Imppp. Valentinianus, THEOD. & Arcadius AAA.
Procuro (b) P. V. Constantinop.

TVRPE est, publici splendoris ornatum, priuatarum (c) ædium adiectione corrumpi, & ea quæ conspicuæ (d) Urbis (e) decori, vel nostri temporis, vel prioris (f) seculi P. 300 ætate creuerunt, (g) auiditate cogendæ (h) pecuniæ, sociari. Vnde sublimis Eminentia tua, quidquid talis astutiæ deprehenderit fraude violatum, id si publicis nitõribus faciem aspectus

aspectus deterioris inducit, siue illud voluntaria (i) præsumptione temeratum est, siue expressam (k) coactis (l) adnotationibus, occasionem fraudis obtinuit, iubebit amoueri: Tuo enim arbitrio relinquimus, a quibus temperandum, quæue diruenda, diiudices. Dat. XVI. Kalend. August. Rom. Timasio & Promoto Coss. [389.]

NOTÆ.

- (a) Absit hæc lex a Cod. Justin. Forte iungenda huic legi *lex 9. supr. de annoniis ciuicis*: Concordat sane huic, *l. 4. & 9. supr. & l. 38. 39. 46. & 47. infr.* GOTHOFR.
 (b) Proculo huic P. V. Constantinopol. inscribitur hoc ipso anno *d. lex 9. supr. de annoniis ciuicis*: & plures aliæ hoc anno 389. 391. 392. De eo agit Zosimus *lib. 4. cap. 45. & 52.* Chronicon Alexandrin. *An. 393. pag. 708. 709. Edit. Rader.* Eius fit quodque mentio *l. 12. supr. de annoniis ciuicis.* ID.
 (c) Veluti Tabernarum. ID.
 (d) Conspicua, λαμπρὰ. ID.
 (e) Intelligit Urbem Constantinopolitanam. ID.
 (f) Sub Constantino M. Constantio, Iuliano, & Valente. ID.
 (g) Extracta sunt: quo ipso sensu & surgendi vox usurpatur. ID.
 (h) Haud dubio, tabernis ibi positis. ID.
 (i) Id est, citra Principis adnotationem. ID.
 (k) *vg. expressum.* ID.
 (l) Id est, extortis. ID.

COMMENTARIUS.

NITORI seu SPLENDORI operum publicorum in Vrbe Constantinopolitana consulit hac constitutione Theodosius M. prohibita priuatarum ædium ad publica opera ADIECTIONE, & si quæ adiectæ, imperata destructione, arbitrio Proculi PV. Constantinop. Anno D. 389. Scilicet INTERVALLO seu ambitu non nisi certo intermisso, a publicis operibus priuati recte ædificant, hac leg. & *l. 4. 22. supr. l. 38. 39. 46. 47. infr.* Non tantum propter incendiorum metum; ad quam rationem spectat *lex 4. & l. 39. 46. infr.* Verum etiam propter ornatum publicum, seu publicum nitorem, quo pertinet hæc lex; Turpe est, inquit Theodosius hac lege, *publici splendoris ornatum, priuatarum ædium adiectione corrumpi, & ea quæ conspicua Urbis decori, vel nostri temporis, vel prioris seculi ætate creuerunt, auiditate cogendæ pecuniæ sociari.* Cui respondet & locus Ammiani Marcellini; quem mox subiiciam. Quare cum publicis urbium, & quidem summarum, ædificiis priuatae ædes sæpe adiecerentur, vel voluntaria præsumptione, vel extortis a Principe adnotationibus, atque ita publicus earum ornatu corrumpere, subinde Principes, atque vtriusque Romæ Præfecti, huic rei occurrere putauere; inter quos Theodosius M. hac constitutione, vel etiam ipse Proculus Præfectus Urbis Constantinopolitanæ, vt ex huius constitutionis sine liquet. Ita & Prætextatus Præfectus Urbis Romæ sub Valentiniano Sen. Anno 367. teste Ammiano Marcellino *lib. 27. cap. 9.* *Adolescebat, inquit, gloria præclari Rectoris plura & vtilia dispositis. Namque & mentiana sustulit omnia, fabricari Romæ prisca quoque vetusta legibus: & disceunt ab ædibus sacris, priuatorum parietes iisdem inuerecunde connexos.* Ita & Arcadius *l. 38. 39. infr. & l. 46.* Eademque ratio in Palatiis in *l. 47. infr.* Alia vero ratione coniungere aliquid muris municipalibus vetitum *l. 9. in fin. D. de diuis. rerum.* nempe tum sanctimoniam, tum securitatis gratia.

Illud obseruandum, quod hac leg. dicitur, priuata ædificia publicis adiecta seu sociata, auiditate cogendæ pecuniæ: Scilicet, vt in aliis urbibus, ita & in Vrbe Constantinopoli tabernas suas negociatores mercibus suis exponendis huiusmodi locis publicis, multitudine hominum frequentatis, veluti foro, de quo est *l. 22. supr.* Palatio, quo spectat *lex 47. infr.* balnearum porticibus, *l. 52. infr.* sociatas ambiciose voluere, auiditate cogendæ pecuniæ: quod & hodie fieri videmus, sic vt magno huiusmodi loca locentur, vendantur. Sic & in pastoriis seu porticibus Templorum, res sacro vsui destinatas & olim præstitisse, & nunc videmus. Sic & circumiecta adhaerentiaque loca Basilicis, vbi iura redduntur, officinis occupantur.

Denique obseruandum, fieri hac leg. mentionem Operum publicorum, quibus Urbem Constantinopolitanam Theodosius M. ornauit; cuius rei fidem facit quoque *lex 23. supr. & vt ad eam notauimus, Themistius quoque orat. 6. p. 160. 161. Edit. Petau. Flexie 1613. in 8.* Et Gregorius Nazianzenus *orat. 25. pag. 435. Edit. Paris & Colon.* In his sane fuere Portus, Aquæductus, Palatium Theodosianum, Balnea, Porticus, Gymnasia, forum etiam Theodosiacum (cuius mentio fit in vetere Urbis Constantinopolitanae descriptione.) Atque eo nomine Themistius Theodosium vel maxime commendat, ea oratione, quam quinquennio ante hanc constitutionem habuit; Anno 374. Eodem pertinet & columna in Hippodromo Constantinopoli extinctis Tyrannis erecta a Theodosio M. **IVDICE SVB PROULO.** id est, ab hoc ipso videlicet Proculo P. V. cui hæc lex inscribitur: de qua duæ sunt Inscriptiones, seu duo Epigrammata: vnum Græcum, alterum Latinum in *Corporè Inscriptionum Gruteri CLXXXV. 67.* Græcum extat quoque *lib. 4. ἀνδολογίας: cap. εἰς κίονας 17.*

Ad CLARIORVM vrbium opera absoluenda, quando quibusue conditionibus ex minorum redditu quid vsurpari possit.

XXVI. (a) Idem AAA. Polemio PF. P. Illyrici (b) & Italiae.

QUOTIENS clariores (c) vrbis, (d) per singulas quasque Prouincias, (e) expensis propriis & vectigalibus (f) maiorem pecuniam, absoluendi cuiuslibet operis necessitate deposcunt, id ex minorum (g) viribus (h) vindicetur: Ita vt non ante poscatur, quam ^{P. 303} omnis summa, (i) quæ hisdem ex suis cõpendiis (k) quæri (l) solet instaurandis ædibus, adsumatur. (m) Consequens vero erit, vt in notitiam Serenitatis Nostræ, quotiens habita fuerit hæc vectigalium vsurpation; deriuetur, (n) quantum fuerit aliunde præsumptum, per quos expensum, quatenus consummatum. Dat. XVII. Kalend. Febr. Med. Valentiniانو A. IV. & Neotherio Coss. [390.]

N O T Æ.

- (a) Abest & hæc lex a *Cod. Iustin.* Concordat huic *l. 18. supr.* Antiquari videatur hæc lex, & *d. l. 18. per l. 48. infr.* *GOTHOFR.*
- (b) De hac *Præfectura Prætoriana Illyrici & Italiae* dixi plene ad *l. 2. supr. de Const. Princ.* Eidem Polemio, PF. P. Illyrici & Italiae inscribitur *lex 28. infr.* hoc ipso Anno. Et *l. 9. Cod. Iustin. de off. Reclor. Prouinc.* *IDEM.*
- (c) Splendidissimæ *l. 14. supr. & l. 32. infr.* Ita Ausonii poemã extat *de Claris Vrbibus.* *ID.*
- (d) Pro, *Vrbes.* Intelligit autem Metropolitanas potissimum. *ID.*
- (e) Illyrici & Italiae. *ID.*
- (f) De *vectigalibus* his in hac ipsa re *l. 48. infr. l. 2. supr. de sepulcro viol.* Symmachus loco quem mox laudabo. *ID.*
- (g) Vrbium. *ID.*
- (h) *Viribus*, id est, redditibus: Propria hæc vox hic, & *l. unic. supr. de præb. salar.* (quæ lex alioquin iungenda est cum *l. 6. supr.*) & apud Symmachum in eadem re, *lib. 10. epist. 10.* *Habenda est ratio vectigalium publicorum & lauacri æstui instauratio, cum Reipubl. viribus conferenda, ut si quid redundat expensis cæteris, in sumptum operis conferatur.* *ID.*
- (i) Tertia vectigalium, vt *l. 18. supr. 32. 33. 48. infr.* *ID.*
- (k) Vectigalibus. *ID.*
- (l) Et seponi. *ID.*
- (m) Id est, infumatur. *ID.*
- (n) Deriuari in notitiam. *ID.*

C O M M E N T A R I V S.

VALENTINIANI Iun. tres ordine de *Operibus publicis* Constitutiones sequuntur. Hæc est de *SUMPTIBVS* ad opera clariorum Ciuitatum. *SUMPTVS* scilicet Reipubl. & vectigalia nominatim (de quibus iam ad *l. 18.* deque iisdem *l. 48. infr. & l. 2. supr. de sepulc. viol.*) si operibus publicis necessariis absoluendis clarioris alicuius Vrbis non sufficiant, e minorum Ciuitatum viribus, id est, redditibus & vectigalibus, adsumi supplerique iubentur, *hac leg.* Valentiniانو Iun. pariter vt a Valentiniانو Sen. *l. 18. supr.* Id quod clariorum vrbium dignitati datum. Sub duabus tamen conditionibus.

Prima, vt non ante eo deueniatur, quam exhausta omni summa in ea Ciuitate ex suis cõpendiis, id est, vectigalibus omnibus instaurandis, seu instituendis edificiis infumpta. Est hoc scilicet remedium subsidiarium, cui locus non est,

Tom. V.

nisi solito, solenni, canonico & ordinario deficiente.

Secunda conditio est, vt posteaquam subsidia hæc impensa vsurpata fuerit, ad Principem diligenter referatur, quantum fuerit præsumptum, per quos seu in quæ expensum, & quatenus Opus publicum consummatum sit: Scilicet, vt *Clarioribus* per singulas Prouincias vrbibus ac Metropolitanis priuilegium hoc tribuerunt Principes, (Valentiniانو Sen. *l. 18. supr.* & Valentiniانو Iun. *hac leg.*) vsurpandi canonis minorum in ea Prouincia ciuitatum, ad exornandam forte Metropolim, quam velut matrem cæteras venerari oportet; suisque adeo redditibus detrahi quid hac occasione minores Ciuitates patienter ferre debent, suasque vires subiicere, vt in cæteris subiiciuntur. Ita id non temere fieri debet, sed duabus illis conditionibus seruatis, ne alioquin hoc obtentu

V v 2

tentu maiorum Ciuitatum exornandarum, minores viribus suis seu redditibus spoliuntur. Quo ipso obtentu ne ornamentis suis minores spoliarentur, prouisum fuit l. 1. 14. *supr.* & l. 37. *infr.* a Rectoribus videlicet Prouinciarum, aliisque Iudici-

bus & Magistratibus, quorum partim spoliis, partim negligentia, partim profusioni potissima pars legum hoc tit. opposita sunt: puta, l. 1. 2. 3. 7. 11. 13. 14. 15. 16. 17. 18. 19. 20. 21. *hac lex*, l. 27. 28. 29. 30. 31. 33. 35. 37. *infr.*

*De Novis operibus Romæ, non excitandis sumptu publico,
sed veteribus reficiendis.*

XXVII. (a) Idem AAA. Albino P. V. Rom.

AVGVSTÆ (b) in partibus (c) ciuitatis magis antiqua reddi conuenit, quam inchoari superuacua. Nosse itaque par est Officium Magnitudinis tuæ, & cæteros, a quibus sumptus huiusmodi (d) operibus de ærario (e) præbentur, accepto (f) omnino non ferri, si quis per usurpationem opus (g) præter conscientiam nostram intra æternam (h) Urbem voluerit publica conlatione (i) construere. Ideoque summam omnem, quæ illi contra interdictum forte præbentur, pecunia sua, & propriis facultatibus pendet, (k) sequestrata (l) condemnatione librarum auri decem, quæ plectet sacrilegam (m) contemnens audaciam. Dat. Prid. Non. April. Med. Valentiniano A. IV. & Neotherio Coss. [390.]

N O T Æ.

(a) Abest *hæc lex* a Cod. Iust. Coniungenda vero ei *lex proxima*, et si ad alium data sit GOTHOFR.

(b) Urbem Romam intelligit. ID.

(c) Partes Urbis Romæ. ID.

(d) Nouis. ID.

P. 304 (e) Populi Romani. Ærarium Urbis Romæ. ID.

(f) Vid. l. 6. *supr.* & l. 28. *infr.* ID.

(g) Superuacuum, vt *supr.* ID.

(h) Æterna urbs, Urbs Roma: vid. Gloss. Theod. ID.

(i) Id est, publicis pecuniis & impensis, ex Ærario, vt *supr.* ID.

(k) Restituet. ID.

(l) Sequestrata condemnatione, id est, præter condemnationem. ID.

(m) Sacrilegium est, publicas pecunias in superuacua infumere. ID.

Idem, de Novis Operibus intra PP. Illyrici & Italiae.

XXVIII. (a) Idem AAA. Polemio PF. P. (b) Illyrici & Italiae.

SI quis (c) nouum opus in qualibet (d) ciuitate sustollere (e) audacius, (f) quam consultius molietur, de proprio se conlaturum sumptus, & perfecturum quod coeperit noscat. Nihil quippe Dispensatoribus (g) ex hoc usu feremus accepto: (h) & (i) contra, Officium, adque ipsum Iudicem auri pondo dena constringent: vt saltem metu, (k) quod facere sponte debuerant, reficiendis vetustioribus impendant laborem. Dat. Prid. Non. April. Med. Valentiniano A. IV. & Neotherio V. C. Coss. [390.]

N O T Æ.

(a) Iungenda, uti dixi, *lex superior*, cuius eadem sententia est, et si ad alium data sit. GOTHOFR.

(b) Dixi de hoc Polemio PP. ad l. 26. *supr.* ID.

(c) Iudex scilicet. ID.

(d) Illyrici vel Italiae. ID.

(e) Exsol-

(e) Extollere. *ID.*

(f) Vt *l. prox. supr. Sacilegam contemnens audaciam. ID.*

(g) Id est iis, a quibus sumptus Operibus de *Ærario* præbentur: vt *l. prox. supr. ID.*

(h) Vt *l. 6. & l. prox. supr. ID.*

(i) *79. E contra. ID.*

(k) Vt *l. 1. §. 1. D. de Iust. & Iure: Bonis metu panarum efficiere cupientes. ID.*

COMMENTARIVS.

NOVA opera a Iudicibus quibuscunque, vt in Vrbe Roma *l. 27. ita & per Illyricum & Italiam, l. 28. a Theodosio M. & repetita sanctione l. 31. infr.* excitari prohibentur; vt a Valentiniano Iun. *l. 19. supr.* Pariter vt a Valentiniano Sen. *l. 11. supr.* ex *Ærario* scilicet Urbis Romæ, & redditibus Rerumpubl. *Ærarii* scilicet vox Romano propria; vectigalium, pensionum, reddituum, Rebuspubl. & Ciuitatibus aliis. Contra VETERA refici seu reddi a Iudicibus iubentur. Et hæc quidem ita constituta: Tum ne nouis ædificiis reditus publici exhauriantur, tum ne vetera possideantur, quod vtemque ab ambitione Iudicum nouitatis gloriam & industriam captantium, iam passim hebat. Eum in finem tria *his duabus legibus* constituuntur, seu triplici metu Iudices compeſcuntur. I. Primum est, quod suo sumptu nouum Opus cœptum atque inchoatum

perficere cogendi sunt: quod & ipsum statuit *l. 31. infr.* II. Secundo, quod dispensatoribus pecunia publica in huiusmodi Opus erogata accepto ferenda non sit: cum alioquin, quæ Operibus publicis impensa confiterit, accepto ferri oporteat: *l. 6. supr.* vbi dixi: Et hæc duo, quæ dixi, repetita sanctione iterantur, *d. l. 31. infr.* III. Tertio, multa Iudici, eiusque Officio imponitur, decem librarum auri, hanc iussionem contemnentes. Porro sicut Iudicibus seu Rectoribus Prouinciarum, per Illyricum & Italiam fibula imponitur *hac leg. & l. 26.* quæ ad Polemium PP. Illyrici & Italiæ datæ sunt, Anno Domini 390. ita & eodem Anno ad eundem Polemium PP. Illyrici alia fibula imponitur *l. 9. Cod. Iust. de Offic. Rector. Prouinc.* puta, vt ne Augustissimam Urbem iniussu Principis adire audeant.

De Novis operibus a Iudicibus non excitandis.

XXIX. (a) Imppp. THEOD. Arcad. & Honor. AAA. Aureliano P. V. (b)

NE quis Iudicum (c) noua ædificia molitur, cum opera nonnulla, aut cœpta penderent, (d) aut neglecta (e) nutarent. Dat. III. Kalend. Mart. Constantinop. Theod. A. III. & Abundantio Coss. [393.]

NOTÆ.

(a) Absit hæc lex a *Cod. Iust.* Iungenda autem huic legi est lex *prox.* ac præterea sex aliæ constitutiones, puta *l. 3. supr. de Constit. Princ. l. 1. supr. de præd. Senator. l. 26. supr. de Prætor. l. 130. 131. 132. supr. de Decurion. GOTHOF.*

(b) Ita quoque pleræque *predictarum legum* habent: Sed aliæ habent PP. P. vt *d. l. 131. 132. supr. de Decurion.* Qua de re dixi ad *l. 3. supr. de Constitut. Princip. l. 1. supr. de præd. Senator. l. 131. supr. de Decurion. IDEM.*

(c) An qui sub P. V. dispositione erant in Vrbe Constantinopolitana? an qui sub PP. *ID.*

(d) Id est, nondum absoluta essent. *ID.*

(e) Id est ruinosæ. *ID.*

COMMENTARIVS.

NOVA Opera extruere Iudices a Theodosio M. *hac leg.* vetantur, nisi prius iis, quæ cœpta sunt, absolutis: Item, quam reparatis veteribus, de quo iam toties ad *leges superiores*: vide saltem *l. 21. supr.* Cæterum, ex ipsa temporum horum ratione, & coniunctione tot *illarum,*

quas modo notauimus, *legum,* colligere licet, prauum hac quoque parte morem, qui sub Tatiano PP. vel sub Proculo P. V. inoleuerat, *hac leg.* emendari. De quo Proculo dixi ad *l. 25. hoc tit. & ad l. 3. supr. de constit. Princ.* quæ huic, inter cæteras, iungenda est.

RVINA aliarum domorum publica noua opera quando excitari possint.

XXX. (a) Idem AAA. Aureliano P. V. (b)

SI quando concessa a nobis licentia fuerit extruendi, (c) id Sublimis Magnificencia tua sciat esse seruandum, vt nulla (d) domus inchoandæ publicæ fabricæ gratia diruatur, nisi vsque ad quinquaginta libras argenti pretii æstimatione taxabitur: De ædificiis vero maioris meriti (e) ad Nostram Scientiam referetur, vt vbi amplior poscitur (f) quantitas, Imperialis extet auctoritas. Dat. III. Kalend. Mart. Constantinop. Theod. A. III. (g) & Abundantio Coss. [393.]

N O T Æ.

- (a) *Lex 9. Cod. Inst. cod. tit.* Quenam autem *leges* huic iungendæ sint? ad *l. superiorem* iam dictum est, quæ & ipsa huic iungenda est. Concordat quoque *l. 19. supr.* huic *legi.* G O T H O F R.
 (b) Ita quoque in *Cod. Inst. IDEM.*
 (c) Publicam fabricam scilicet: vt mox. *ID.*
 (d) Etiam priuata. *ID.*
 (e) Pretii *Cod. Inst. ID.*
 (f) Ita quoque *Cod. Inst.* Sed malim, *noscitur.* Quanquam & illud sustineri potest. *ID.*
 (g) Incidunt in hunc annum Theodosii *Quindecennalia*, quorum beneficio & hæc & lex superior illustrari possunt. R I T T E R.

C O M M E N T A R I V S.

RVINA, seu destructione, (& sic nuditate, spoliatione) aliarum ædium noua opera publica, permissu Principis (nam id *hac leg.* requiritur, pariter vt *l. 11. 27. supr.* & *l. 31. 37. infr.*) extrui verat *hac leg.* Theodosius M. quod & ipsum vetuerat Valentinianus Iun. *l. 19. supr.* Vbi plura iam diximus. Et modus tamen quidam huic rei *hac leg.* adhibetur. Licentia quippe Operis publici noui extruendi facta a Principe, alicui forte Præfecto Prætorio, vel Præfecto Vrbi, permittitur *hac leg.* eas domos publici operis gratia diruere, quæ non excedunt æstimationem quinquaginta librarum argenti, id est, ducentos quinquaginta solidos. Nam libra argenti æstimatur quinque solidis, vt docuit *lex vnic. supr. de argent. pret. quod thes. inf.* & *l. 13. supr. de Tyronibus*,

collata cum Symmacho *lib. 6. epist. 62. & 64.* Itemque *l. 8. supr. de desertoribus.* Si maioris sint meriti, id est pretii, citra Principis auctoritatem id fieri non potest.

Obseruetur itaque, ea ædificia maioris meriti visa, quæ excederent quinquaginta libras argenti, seu ducentos quinquaginta solidos: Minoris vero meriti, quæ intra eam summam consisterent: In alia vero re Libræ 200. pro magna summa habentur: vt in *spec. leg. 49. de appellat.* Alia exceptio, seu limitatio continetur *l. 37. infr.* Interim ex his apparet, quam male Interpretes *hac leg.* abutantur, ad firmandam eam sententiam, quod publici operis gratia priuati domos suas vendere, & relinquere cogantur: de quo certe sunt *l. 50. 51. ult. infr. hoc tit.* & *l. 1. infr. de Aqueductu.*

*Aduersus geminam Iudicum AMBITIONEM, circa INSCRIPTIONES
& MOLITIONES nouas Operum publicorum.
Theodosii Magni lex.*

XXXI. (a) Idem AAA. Rufino P. F. P. (b)

SI qui Iudices perfectio (c) operi suum potius (d) nomen, quam Nostræ Perennitatis scriberint, Maiestatis teneantur obnoxii. Illud * etiam repetita (e) sanctione decernimus, Vt nemini Iudicum liceat nouis molitionibus (f) industriæ captare famam. Quod si quis in administratione positus sine iussu nostro ædificii alicuius iacere fundamenta temptauerit, is proprio sumptu etiam priuatus perficere cogetur, quod ei non licuerat inchoare: Nec Præuincia permittetur abscedere, priusquam ad perfectum (g) manuceptum (h) perduxerit: & si quid de quibuslibet publicis titulis in ea ipsa fabrica præcepto eius impensum fuerit, reformat. (i) Dat. (k) III. Non. Iul. Const. Arcadio III. & Honor. II. AA. Coss. [394.]

N O T Æ.

NOTÆ.

P. 305

- (a) Prima tantum *huius leg.* sententia in *Cod. Iust.* relata est, puta in l. 10. *Cod. Iust. eod. tit.* GOTHOFR.
 (b) Orientis. *ID.*
 (c) *Publicis pecuniis*: hoc additum a Triboniano. *ID.*
 (d) *Suum nomen sine nostri Numinis mentione inscripserint*: Ita *Cod. Iust.* de quo mox. *ID.*
 * Cætera defunt a *Cod. Iustin.* *ID.*
 (e) Nam hoc ipsum iam ab eodem Theodosio prohibitum: l. 27. 28. *ID.*
 (f) *Molitiones*, pro ædificiis & operibus publicis: vid. *Gloss. Theod.* *ID.*
 (g) Id est, ad finem & ἀποτέλεσμα. *ID.*
 (h) *Manuceptum*, vnica voce. Nisi malis, *ad perfectam manum, ceptum perduxerit*: verum prius illud malo. *IDEM.*
 (i) Id est restituerit. *ID.*
 (k) Nisi *data*, pro *accepta* accipias, tum dies *huic legi* subscriptus, vel locus vitiosus fuerit: iam enim Theodosius in Eugenium moturus Constantinopoli digressus fuerat, vt docet subscriptio l. 18. *supr. de cohortalib.* l. 23. *infr. de Heretic.* l. 12. *infr. de Scenic.* Nisi forte *hæc lex*, pariter vt *lex 24.* Arcadio tribuatur, quod non puto, propter illa, *repetita sanctione*, quæ omnino Theodosium auctorem arguunt. *ID.*

COMMENTARIVS.

IUDICVM, id est Rectorum Prouinciarum in administratione positorum (vt *vers. Quod si quis*, dicitur) ambitioni seu præsumptioni geminæ circa opera publica hac Theodosii M. constitutione occurritur. Prima Iudicium præsumptio seu ambitio est circa INSCRIPTIONEM NOMINIS Operi publico. Nempe eo audaciæ deuenerant nonnulli Iudicum, vt operi publico, publicis videlicet pecuniis (quod Iustinianus addidit, propter l. 2. 3. *in fin.* l. 7. *in fin.* *D. eod. tit.*) perfectio seu extractio, suum potius nomen quam Imperatoris inscriberent. Vbi *lotius Terminus* accipiendum est, id est, suum nomen inscriberent tanquam Conditorum, oblitterato Imperatorum nomine, quorum dispositioni meritoque Opus publicum adscribi oportebat inter cætera Imperii decora. Herbis igitur istis Parietariis, seu Parietinis id *hac leg.* interdicitur. Iudicis eiusdem nomen, quo curante Opus factum est, inscribi iure potest, sed non tanquam conditoris, vel solum, quod *hac leg.* prohibetur: vnde Tribonianus *hac legis* verba ita recte refinxit; *suum nomen sine nostri Numinis mentione inscripserint*, Quod & iam ab antiquo prohibitum fuit, alterius, quam Principis, vel priuatorum quorum pecunia opus excitatum fuit, inscribi nomina non licere, vt docet Maeri l. 3. *in fin.* & Modestini l. 4. *D. de operibus public.* sic vt non liceret Præfidi nomen superscribere. *Superscribere* dixit Modestinus pro inscribere, *ὑπεργράφειν*, id est tanquam conditorem inscribere. Breuiter, inscribi potest quoduis nomen, non tanquam conditoris, sed tanquam Curatoris: Quo pertinet etiam insignis Ammiani Marcellini locus lib. 27. cap. 3, de Lampadio P. V. Romæ: *Vanitatis*, inquit, *eius exemplum, ne latius euagetur; hoc unum sufficit poni, leue quidem, sed cauendum indicibus.* Per omnia enim Ciuitatis membra quæ diuersorum Principum exornarunt impense, nomen proprium inscribebat: non vt veterum instaurator, sed conditor. Quo vitio laborasse Traianus dicitur Princeps, vnde eum *Herbam Parietinam iocando cognominarunt.* Vanitatis igitur & ambitionis argumentum istud in Iudicibus fuit. Quomodo & in Principibus notatum: in quibus econtra modestiæ id, & ciuitatis signum fuit, ædes publicas instaurare, nusquam nomine suo inscripto seruatisque vbique titulis Conditorum. Quod de Seuerio Imp. memorat Spartianus in *vit.* c. 23. Quo loco rescribo *Ma-*

gnum vero illud in ciuitate eius, pro quo hætenus legitur pessime in ciuitate eius: quod etiam non mutem in *vita* eius. Ciuitatis enim vox hac in re propria, quod notissimum. Ita Alexander Seuerus quoque pontibus Traiani a se instauratis, nomen Traiani reseruauit teste Lampridio in *vit.* c. 26. *in fin.* Imo & eo ciuitatis quidam Imperatorum processere, vt neque in suis quoque Operibus titulos amarent, quod Spartianus de Hadriano scribit cap. 19. 20. Quandoque tamen extra ordinem id Magistratibus nonnullis permisum, vt videlicet operi ex eorum nomine titulus scriberetur, studio augende Verbis, quod factum a Constantio Imp. Anno 361. l. 13. *supr. de Prætor.* ibi: *hac pollicitatione duntaxat vt eidem operi ex eius nomine titulus scribatur*, vbi vide quæ dixi. Et hæc de prohibitione quæ *huius leg.* initio continetur: vbi & poena notanda, *Maieftatis* videlicet crimini factum, quod hic improbat, imputati: *Maieftatis* scilicet crimen est ea vsurpare quæ soli Principi reseruata sunt: quod aliis exemplis, vel *hoc Codice* firmatur: de quo vid. *Paratitlon*, ad l. *Iul. maieftatis*. Non omittendus hic obiter locus Basilii in *Psal.* 48. de huiusmodi operum inscriptionibus num. 7. pag. 184. *Tom. I. Oper. Edit. Benediclin.* *ἐχ' ὁρᾷς τὰς οἰκοδομῶντας ἐν ταῖς πόλεσιν ἀγορὰς καὶ γυμνάσια, τέχνη ἀνιστῶντας, ὑδραγωγὰς ἐπισκευάζοντας, πᾶς τὰ ὀνόματα αὐτῶν τέτοις ἐπικέκληται τοῖς γήνις κατασκευάσμασι; non vides eos, qui ædificant in urbibus fora ac gymnasia, exstruunt mania, aquaductus construunt, quomodo eorum nomina his terrenis indita sint ædificiis? Nempe priuatis de sua pecunia opus aliquod molientibus, ius & mos fuit, nomina sua inscribere.*

Secunda Iudicium præsumptio, cui a Theodosio M. hac repetita sanctione occurritur est, **NOVORVM** operum absque Principis iussu, neglecta veterum reparatione, excitatio; repetitis iidem pœnis, quæ iam l. 27. 28. constitutæ fuerant. I. Nempe refundendæ eius pecunias sumptusue, quod ex impensis publicis in id erogatum fuerit. II. Cæpti Operis propriis impensis absoluendi, quod & ipsum cauetur d. l. 27. *supr.* III. Eo fine (quod Tertium nunc primum constituitur) Iudices Prouincia sua ante excedere prohibentur, quam utroque præfesto, puta refusa pecunia, ceptoque opere absoluto, Haud absumili exemplo Duces, qui suæ administra-

tionis

tionis tempore neglexerint in limite sibi commissio veteres Turres reficere, nouasque locis opportunis extruere, finita administratione ad limitem reuocari iussi, l. 13. *supr.* Haud ab simili plane exemplo alia in re, Iudices Prouinciarii finita administratione, excipiendis Prouinciarum querelis in Pro-

uincia certo dierum spatio commorari cogebantur, neque ante Prouincia discedere poterant: de quo dictum fuit ad l. ult. *supr. de Affessor.* vide & *Nouell. Valentiniani inter Theodos. 23. in fin. & tit. Cod. Iust. vi omn. Iud.* vt hic absoluedis operibus publicis a se excitatis citra Principis arbitrium.

P. 307 *De REDITVVM Reipublicæ tertia parte affectata ad reparationem Operum publicorum & succensionem Thermarum.*

XXXII. (a) Impp. Arcad. & Honor. AA. Eusebio Consulari (b) Siciliæ,

NE splendidissimæ vrbes, vel oppida, vetustate labantur, de redditibus fundorum iuris Reipublicæ tertiam partem reparationi publicorum mœnium, (c) & thermarum (d) subuersioni (e) deputamus. (f) Dat. XI. Kalend. Iul. Med. Olybrio & Probino Coss. [395.]

INTERPRETATIO. *Quotiens ædificia vetustate consumpta necesse fuerit reparari, ad ipsam reparationem tertiam partem de proprio fiscus impendat.*

NOTÆ.

- (a) *Lex 11. Cod. Iust. eod. tit.* Concordat huic l. 18. *supr. l. 33. & 48. infr.* GOTHOFR.
 (b) In *Cod. Tit. & Edit. in Quarto C. S. L.* & expressius adhuc in *Cod. Iust. COMITI Sacrarum largitionum*, proculdubio recte, non (vt hic habetur) *Consulari Siciliæ* errore nato ex *Notis. 1 D.* Sichard, habet, *Eusebio Cons. & MS. G. Eusebio Comiti Siciliæ.* RITTER.
 (c) De hac *Mœnium* voce, mox. GOTHOFR.
 (d) Vide quæ scripsi, ad l. 131. *supr. de Decurionib.* quæ & ipsa est de calefactione Thermarum. 1 D.
 (e) Male in *Iust. substitutioni*; alii libri melius, *substructioni*, de quo mox. 1 D. *Substitutioni* MS. G. & Sichard. RITTER.
 (f) Exemplo Valentiniani Sen. vt idem Honorius proficitur l. prox. 33. GOTHOFR.

COMMENTARIVS.

SVMPTVS fartis testis Operum publicorum e tertia parte reddituum fundorum iuris Reipubl. hac Honorii constitutione, & rursus l. 33. *prox.* (exemplo scilicet Valentiniani Senioris, cuius est ea de re l. 18. *supr.*) deputantur. Denique tertia pars reddituum Reipublicæ operibus publicis destinata erat. Reddituum inquam, qui ex fundis ad Rempubl. spectantibus (de quibus suo titulo lib. 10. & 11.) quotannis colligebantur, seu qui ex locis fundis Reipubl. quotannis conferri solebant, vt loquitur d. l. *prox.* Reparationi inquam publicorum mœnium, id est operum & ædificiorum publicorum, vt quoque l. 1. *supr. l. 33. 39. infr. l. 3. supr. de calc. costorib.* eodem sensu apud Victorem Schotti in *Commodo cap. 17.* Mœnia Romana potentia vix digna lauandi vsui instituit. Et Aggenus in *Frontin. p. 74. Edit. Rigalt. & pag. 58. Edit. Goes.* In tutelam rei urbana assignate sunt syluæ, de quibus ligna in reparationem publicorum mœnium traherentur. Nam publica mœnia dixit Aggenus, quæ Frontinus ipse p. 55. *Edit. Rigalt. & pag. 41. Edit. Goes.* publica opera. Symmachus lib. 10. *epist. 34.* Mecum spoliatorum Mœnium inuestigare iussis. In quibus locis explicandis, interpretandis, Viri docti frustra sudarunt. Ambrosius *epist. 14. ad Marcellinam sororem*, pag. 207. *Tom. V. Oper. Edit. Paris. 1614.* Ad Imperatorem Palatia pertinent, ad Sacer-

dotem Ecclesiæ; publicorum tibi (Imperator) mœnium ius commissum est, non sacrorum. Omitto alia. Neque tamen diffiteor & ipsos muros hac appellatione venire. Reparationi publicorum mœnium additur hac lege, Thermarum subuersioni. Hi scilicet duo expensarum tituli & præcipui quidem per vrbes splendidiore oppidaque fuere: Reparatio, inquam, Operum publicorum, & subuersioni Thermarum. Subuersioni, inquam, si recte habet hac leg. id est, balnearum publicarum calefactio, & vt Basilica habent ἐγκύστις, vt monuit iam Cuiacii XVIII. *Obseru. 37.* quem secutus quoque postea Leonclavius, *Notator. lib. 2. p. 354.* Ammianus Marcellinus dixit succensionem, initio lib. 31. Mandantium, inquit, congeri ligna ad Valentinianum lauari succensionem: de qua Thermarum calefactione vide & l. 131. *supr. de Decurionibus*: vbi fufius dixi, & l. 1. §. 2. l. 18. §. 5. D. de Munerib. vide & *Paratitl. supr. lib. 14. de Mancipib. Thermar.* Et ita quidem vox subuersioni hic defendi potest: Et tamen nonnulli Codices Iustiniani probabiliter hic habent substructioni: proba enim hæc vox hac in re. *Glossar. υποβάπτω οἰκοδομῆν*, substruo, refectio. Substructiones (nam ita ibi legendum) ὑποβάπται. Item substructiones, ἐπισκευαί. Substructio est fabrica & refectio. Nempe Thermarum substructio, instauratio, alter

alter titulus est expensarum in publica opera facta rectaque: Symmachi locus huic facit *lib. 10. epist. 10.* Habenda est ratio vectigalium publicorum & LAVACRI astitui INSTAURATIO cum Reipubl. viribus conferenda, ut si quid redundat expensis ceteris in sumptum OPERIS conferatur. Sic quoque hæc duo iunguntur apud eundem Symmachum *lib. 10. epist. 53.* Ne commoda populo Romano ciuitas que LAVACRIS publicis ligna & calcem reparandis

MOENIBVS subministrat. Ad huius tandem legis argumentum facit quod Theodoricus Rex apud Cassiodorum *II. Variar. 37.* Spoletinis ciuibus ad EXHIBITIONEM Thermarum supra consuetudinem aliam millenam deputari iubet. Duplici igitur huic vsui tertia ciuiliū reddituum pars ab Honorio hac leg. deputatur, quomodo & eam deputauerat Valentinianus Senior *d. l. 18. supr.* & rursum postea idem Honorius leg. *prox. 33.*

P. 308 De SVMP TIBVS ad reparationem Operum publicorum ex sola tertia ordinariorum reddituum Reipubl. parte, non ex SVPERINDICTIONIBVS sumendis.

XXXIII. (a) Idem AA. Haue Vincenti (b) K. NB.

PRÆCIPVA nobis cura est, ne, aut prouinciales nostri superindictionibus (c) prægrauentur, aut opera publica pereant vetustate conlabfa. Singuli igitur Ordines (d) ciuitatum ad reparationem (e) mœnium (f) publicorum nihil sibi amplius nouerint præsumendum, præter tertiam portionem eius canonis, (g) qui ut (h) locis fundisque Reipublicæ quotannis (i) conferri solet: sicut Diui Parentis (k) nostri Valentiniani (l) Senioris deputauit auctoritas. Dat. III. Non. Iul. Med. Olybrio & Probino CONS. [395.]

NOTÆ.

- (a) Lex 3. Cod. Iust. de diuers. Præd. Urb. hinc decurtata est. GOTHOFR.
- (b) Vincentius hic Præf. Prætorio Galliarum fuit, de quo alibi dixi: vide & Indicem personarum. ID.
- (c) De superindictio, vide supr. tit. 6. lib. II. ID.
- (d) Ordines, id est, Ciuitatum Curie. ID.
- (e) Restaurationi, Cod. Iust. ID.
- (f) Id est, Operum publicorum: vide dicta ad l. 1. & 32. supr. ID.
- (g) Canonis, hac leg. & l. 18. supr. id est redditus, ut l. 32. supr. pensiones, d. l. 18. vid. Gloss. Theod. ID.
- (h) Ex, Cod. Iustin. ID.
- (i) Annua præstatione, ita Cod. Iustin. ID.
- (k) De hac Parentis appellatione dixi ad leg. unic. supr. de action. cert. temp. fin. ID.
- (l) Intelligit leg. 18. supr. ID.

COMMENTARIVS.

DE SVMP TIBVS ad facta recta Operum publicorum per Ciuitates, est hæc rursum Honorii Imp. constitutio. Qua ut tertiam partem integram Canonis, qui ex locis fundisque Reipubl. colligitur, factis rectis solis deputat, exemplo Valentiniani Sen. l. 18. supr. quomodo & l. 32. factis rectis & subuentioni Thermarum eam deputauit. Ita vice versa eo nomine quicquam a Prouincialibus exigi vetat. Eadem scilicet prouidentia curaue (quam & ipse præcipuam sibi esse eleganter proficitur) &

factis rectis redditu sufficienti consulens, ne alioquin vetustate collapsa pereant, & indemnitati prouincialium, ne alioquin prouinciales superindictionibus collationibusque ad facta recta prægrauentur. Præcipua, inquit, nobis cura est, ne aut prouinciales nostri superindictionibus prægrauentur, aut Opera publica pereant vetustate conlabfa. Ex hac interim lege apparet, vectigalia Reipublicarum seu ciuitatum ex parte e locis fundisque Reipubl. collecta, & annuatim quidem.

De MVRI per singulas ciuitates Orientis excitandis, vel renouandis: deque modo COLLATIONIS ad id Arcadii Imp. lex.

XXXIV. (a) Idem AA. Cæsario PF. P. (b)

OMNES Prouinciarum Rectores literis (c) moneantur, Ut sciant, Ordines (d) adque (e) incolas urbium singularum, muros, vel nouos debere facere, vel firmius veteres
Tom. V. Xx renouare:

renouare : Scilicet hoc pacto inpendiis (f) ordinandis, ut adscribitio (g) currat (h) pro viribus (i) singulorum : Deinde (k) scribantur (l) pro æstimatione futuri operis territoria (m) ciuium, ne plus poscatur aliquid, quam necessitas imperauerit: neue minus, ne instans (n) impediatur effectus. Oportet namque per singula (o) iuga certa quæque (p) distribui, ut par cunctis præbendorum sumptuum necessitas imponatur. (q) Dat. IX. Kalend. April. Arcad. IV. Honor. III. AA. Coss. [396.]

N O T Æ.

- (a) *Lex 12. Cod. Iust. eod. tit. GOTHOFR.*
 (b) *Cæsarius PP. Orientis sub Arcadio Imp. vid. Prosopogr. ID.*
 (c) Tuis scilicet seu a te PP. sub cuius videlicet dispositione Rectores Prouinciarum erant. *ID.*
 (d) *Ordines urbium, Curia seu Decuriones: vid. supr. tit. de Decurionib. ID.*
 (e) His duabus appellationibus tota Ciuitas comprehenditur, *Ordinis*, inquam, & *incolarum*. Alioquin tribus designatur, *Decurionum, Honoratorum, Possessorum. ID.*
 (f) *Inpendiis*, id est, impensis, id est, sumptibus, ut *infr. ID.*
 (g) *Adscriptio*, id est, indictio: vid. *Gloss. Theod. & supr. tit. de Annon. & tribut. Sic mox infr. scribantur. IDEM.*
 (h) *Currere* dicitur adscriptio, quæ per singulos fit. *ID.*
 (i) Id est, *viribus*, facultatibus: vid. *Gloss. Theod. ID.*
 P.309 (k) Ita quoque est in *Cod. Iust.* Neque mutem in *proinde. ID.*
 (l) *Adscribantur*: *Cod. Iust. ut supr. adscriptio. ID.*
 (m) *Territoria*, & ut mox vocantur, *iuga*, pro agris priuatorum, ut & *l. 186. supr. de Decurion.* vbi dixi. Vide & *Siculum Flaccum*, & alios. *ID.*
 (n) *Instans*, id est, qui imminet, necessarius. *ID.*
 (o) *Non sterilia*, hæc limitatio, hic modus additus *Cod. Iust. ID.*
 (p) *q. quæque*, non ut in *Cod. Iust. quoque. ID.*
 (q) *Nemine excusatione, vel alia præsumptione, ab huiusmodi immunitate (necessitate) præbenda*: hæc addita in *Cod. Iust.* ad maiorem lucem, ex *Nouella Valentiniani 40. inter Theodos. de Pantopol. ID.*

C O M M E N T A R I V S.

DE MURORVM per Ciuitates singulas siue constructione, siue instauratione, est hæc Arcadii Imp. constitutio, Anno D. 396. qua iubet is, per singulas ciuitates (Præfecturæ scilicet Prætorianæ Orientis) qua novos muros excitari, qua veteres renouari firmarique; ob instantem scilicet vitilitatem, seu necessitatem aliquam; Proculdubio aduersus impetum hostiles, cuiusmodi fuerunt hoc tempore Hunnorum; Auctorem enim est Claudianus, in *Rufinum 2. v. 28. seqq. Zosimus lib. 5. c. 20. 21. Socrates lib. 6. cap. 1. & Sozomenus lib. 8. cap. 1. & 25. Philostorgius lib. 11. cap. 8. Hunnos quasdam Orientis partes, & in his Armeniam, Melitenen, Euphratensem, Syriam Cœlen, Ciliciam; immittente, ut credebatur, Rufino, his ipsis temporibus incurfasse. Quo etiam pertinet *l. 15. supr. de re milit.* quæ inscripta est *Remissio Duci Armenia*, cui eidem inscribitur & *lex 57. supr. de cursu publico.* Cuiusmodi item fuerunt hoc ipso ferme tempore in Libya Pentapolitana & Aegypto Mazacum & Ausorianorum motus; teste Synesio *epist. 129. & in Catastasi init. & Philostorgio lib. 11. cap. 8. vbi etiam Ciues intra muros & moenia Ciuitatum continere se iussos coactosque scribit Synesius in d. *Catastasi, & epist. 129.* His igitur irruptionibus, ac nominatim priori, Rufino iam cæso, & Cæsario ei in Præfectura successore, (cui *lex hæc inscribitur*) Arcadius hac inter alias ratione hostibus instantique periculo occurrendum putauit, muris videlicet qua veteribus reparari, qua nouiter extrui**

iussis: idque ex *Collatione Decurionibus & incolis urbium singularum seu possessoribus indicta.* De qua collatione ad Opera publica sunt præterea *hoc tit. lex 5. 7. 17. 23. supr.* Ac nominatim quoque ad murorum constructionem *l. 49. infr. repetita l. ultim. infr. de equor. conlat.* quæ Theodosii Iunioris filii eius est; cui idem in hac ipsa specie constructionis murorum ob necessitates Illyricianas placuit, De qua collatione pro reparatione murorum est quoque locus apud Cassiodorum *IX. Var. 14.*

Porro collationis istius formam nominatim Arcadius *hac leg. præscribit*, idque duplici fine; tum ut ne quid instanti operi deesset, tum ne Curiales & possessoribus inique grauarentur. Nempe 1. futuri prius operis æstimationem iniri iubet, id est, quanta pecunia ad opus seu murorum extruditionem & reparationem opus sit. Quod & cæteroquin in commune ædificantis cuiusque prudentiæ esse monet vel sacra Scriptura. At in hoc casu, ideo ne plus minusue a possessoribus poscatur. 2. Deinde adscriptionem seu indicationem fieri iubet, pro viribus & facultatibus singulorum, & pro modo iugorum terræ, seu territorii Ciuium: ut ita par cunctis præbendorum sumptuum necessitas imponatur. De qua collationum forma & æquabilitate in genere, suo loco *lib. 11. ut & de nullo excusando a murorum reparatione, vid. Nouellam Valentiniani inter Theodosianas de Pantapolis 40. in fin.* quod exinde Tribonianus in *leg. ex hac desumptam* retulit,

NEGLIGENTIAM *Iudicum in reparandis Operibus publicis quatuor generum, annis ab hinc 17. plectit Arcadius hac leg. reparationis necessitate his de suo impacta.*

XXXV. (a) Idem AA. Cæsario PF. P. (b)

QVIDQVId de Palatiis, (c) aut Prætoriis (d) Iudicum, aut Horreis, (e) aut Stabulis (f) & (g) receptaculis animalium publicorum, ruina labsum fuerit, id Rectorum facultatibus reparari præcipimus, qui a Primo (h) Consulatu Diui Genitoris (i) nostri, vsque ad præsens tempus, gesserunt Iudiciariam potestatem. PP. Regio, (k) Arcad. IV. & Honor. III. AA. Coss. [396.]

N O T Æ.

(a) Abest *hec lex* a *Cod. Iustiniano*. GOTHOFR.

(b) Orientis. IDEM.

(c) De *Palatiis* dixi *tit. Nequis in Palatiis*: vid. & l. 47. *infr.* & l. 2. *infr. de Aqueduct.* ID.

(d) De *Prætoriis* Iudicum dixi ad l. ult. *supr. de Offic. Iud. omn.* vid. & l. 3. *supr.* ID.

(e) De *Horreis* dixi *tit. de cond. in publ. borv.* vid. & l. 12. & l. 17. *supr.* ID.

(f) De *Stabulis* seu receptaculis animalium, vide & l. 16. 17. *supr.* dixi *tit. de cursu publico.* ID.

(g) *Et, pro id est.* ID.

(h) Id est, ab Anno D. 380. qui subscriptus *legi 20. supr.* ad quam dixi. ID.

(i) Theodosii M. ID.

(k) *Regio.* Regium hic est. quod prope Constantinopolim erat, duodecimo ab urbe lapide, ut docet *Itinerarium Peutingerianum.* ID.

C O M M E N T A R I V S.

DE REPARATIONE Palatiorum, Prætoriorum, Horreorum, Scabulorum, quæ intra Ciuitates Prouinciasque erant, est hæc Arcadii constitutio, qua quidem IUDICVM seu Rectorum Prouinciarum Negligentia plectitur: Negligentia, inquam, in reparandis quatuor istis Operibus publicis, quæ intra insigniores ciuitates insigniora quoque & maxime necessaria fuere; 1. *Palatia.* 2. *Prætoria* Iudicum. 3. *Horrea.* 4. *Stabula.* Plectitur, inquam, hac ratione, quod omnes

omnino qui per Orientis Præfecturam, abhinc septemdecim annis Rectores Prouinciarum fuerant, eaque publico sumptu excitare debuerant, suis sumptibus reparare iubeantur. Scilicet ad Rectorum curam inter alias potissimas, eorumque Officium horum Operum publicorum reparatio pertinebat: quod etiam docet *lex 1. supr. ne quis in Palat.* & *lex ult. Cod. I. de Offic. Recl. Prou. & l. 7. D. de officio Proconsulis.*

MATERIA *reparandis quatuor Operibus publicis extraurbanis per diæcesim Orientis ex demolitione Templorum ab Arcadio deputatur.*

XXXVI. (a) Idem AA. Asterio (b) Com. Orientis.

QVONIAM Vias, Pontes, per quos itinera celebrantur, (c) adque Aquæductus, (d) Muros (e) quinetiam, iuuari prouisis sumptibus oportere signasti, cunctam materiam, quæ ordinata (f) dicitur, ex demolitione Templorum, memoratis necessitatibus deputari censemus, (g) quo ad perfectionem cuncta perueniant. Dat. Kal. Nouemb. Cæsario & Attico Coss. [397.]

N O T Æ.

(a) Abest & *hec lex* a *Cod. Iustin.* & ab Annalibus Ecclesiasticis Baronii, quo referri eam oportuit. Iungenda autem ei & subiicienda *lex 7. infr. de Aqueduct.* seu *lex 4. Cod. Iust. cod. tit.* GOTHOFR.

(b) De *Asterio* hoc mox. ID.

- (c) *Celebrari itinera dicuntur per vias & pontes, per quos celebre iter est. Ita Murus celebrari dicitur l. 51. infr. IDEM.*
- (d) Valentiacum, Theodosiacum; de his Aquæductibus Antiochenis est etiam *d. lex 7. infr. de Aquæductibus*, quæ huic iungenda. *ID.*
- (e) De *Muris* est quoque *lex 34. supr. & l. 49. infr. & l. ult. supr. de Equor. conlat. ID.*
- (f) *Ordinata*, id est, vel a te destinata, refectioni scilicet vel statuta, æstimata necessaria: vel ordinata, id est, seposita. *ID.*
- (g) *Idest, iubemus. ID.*

C O M M E N T A R I V S.

MATERIA reparationi viarum, pontium, Aquæductuum, murorum, per Comitium Orientis, quibus reparandis Asterius Comes Orientis hoc tempore animum intendebat ex Templorum Gentilium demolitione, hac Arcadii constitutione deputatur seu destinatur, ad suggestionem eiusdem Asterii Comitum Orientis: cuius Asterii Comitum Orientis mentio fit quoque apud Sozomenum *lib. 8. cap. 2.* Huius etiam opera Ioannes Chrysostomus ad episcopatum Constantinopolitanum electus, ex Vrbe Antiochenaeductus fuit: *ἐδοξε Κωνσταντινῶπιλει ἐπιτιθεῖσθαι εἶναι τῆς ἐκκλησίας ἐπισκοπεῖν. Ψηφισαμέναν δὲ τῶτο τῷ λαῷ καὶ τῇ κλήρῳ, καὶ ὁ βασιλεὺς συνήγει, καὶ τὰς ἄζοντας αὐτὸν πέποιθε: συνεκάλει δὲ καὶ σύνοδον, καὶ τῶτο σεμιωτέραν τὴν Χειροτονίαν δεικνύς· ἐκ εἰς μακρὸν δὲ τὰ βασιλέως γράμματα δεξάμενος ἈΣΤΕΡΙΟΣ ὁ τῆς ἐκκλησίας ἡγούμενος, ἐδήλωσεν ἰωάννῃ παραγενέσθαι πρὸς αὐτὸν, ὡς περὶ τῆς δεησόμενος: ἐλθόντα δὲ αὐτίκα εἰς ὄχημα σὺν αὐτῷ ἀνεβίβασε, καὶ σπεδῇ ἐλάσας, ἦκεν εἰς Πάγρας, σταθμὸν ἔτι καλέμενον: ἐν ταῦθα δὲ παραδὼς αὐτὸν τοῖς ἐκ βασιλέως ἀποσταλῆσιν, ἀνέστρεψεν: ἐδοξε δὲ τὰ περὶ τῶν καλῶς διοικημένων πρὶν Ἀντιόχειας μαθεῖν, χαλεπὸς τὲ περὶ σάσεις καὶ δόλως ὄντας, ὡς ἔποτε ἂν ἐκόντες ἰωάννης ἀπηλλάγησαν, πρὶν παθεῖν τὴν ἡ δρᾶσιν: idoneus visus est, qui Constantinopolitanam ecclesiam gubernaret. Quod cum populus simul & clerus vno consensu decreuissent. Imperator quoque comprobauit, misitque qui eum adducerent. Episcoporum præterea Synodum conuocauit, ut eo pacto illustriorem redderet eius ordinationem. Non multo post Asterius Comes Orientis, cum Imperatoris literas accepisset, Ioannem ad se acciuit, quasi quidpiam ab eo postulaturus.*

*Qui cum venisset, confestim Asterius eum una secum in vehiculum imposuit, & concito cursu Pagras usque cum deduxit, quæ statio est ita dicta. Ibi cum Ioannem illis, qui a principe missi erant tradidisset, Antiochiam reuersus est. Prudenter autem hoc negotium curasse visus est, antequam Antiocheni quidquam rescirent, qui & asperi erant in seditionibus, nec unquam sua sponte Ioannem dimissuri videbantur, priusquam mali quidpiam aut patrassent ipsi, aut pelli essent. Quo loco minus proprie Interpres olim Praefectum Orientis vertit, quod Valefio obseruatum. Hic idem Antiochiæ Comes est, quem in eiusdem rei historia memorat Palladius, & Georgius in *vita Chrysostomi*. Eidem inscribitur Anno prox. 398. *lex unic. de secund. nups.**

Ex demolitione igitur Templorum Gentilium materia hoc tempore destinata ab Arcadio Operibus istis publicis instaurandis. Ex quo apparet, per Orientem Gentilium Tempia hoc tempore sub Arcadio strenue diruta. Quod factum etiam biennio post per Phoenicem, nominatim Orientis Prouinciā, ut docet *l. 16. infr. de Pag. Sacrif. & Templ.* qua templa in agris posita dirui iubentur sine turba & tumultu: id quod etiam memorat Socrates *lib. 5. cap. 2.* de quo dixi plenius ad *eam l. 16.* & ad Libanii *orat. super tōn ierōn*, a me editam. Quare obseruanda iam hac lex, velut ad historiam Ecclesiasticam pertinens, quæ tamen abest hæcenus ab Annalibus Baronii.

Interim notanda hic quatuor illa Operum publicorum genera, quæ hic coniunguntur: *Via, Pontes, Aquæductus, Muri*. Quæ in agris extra, & circa vrbes ferme erant: (vii contra quatuor genera supra *l. 35.* coniungi videmus, quæ intra vrbes ipsas erant.) Quorum instructio inter præcipuos titulos Imperatorios fuit: Viarum inquam, Pontium, Aquæductuum, & Murorum. Quod vero ad Tempia attinet: similiter Theodoricus Rex apud Cassiodorum *III. Variar. 31.* ait, Tempia etiam a se, petentibus multis, ad reparationem Operum Urbis Romæ collata.

De Novis operibus publicis a Iudicibus non inchoandis & ORNAMENTIS non euellendis vel transferendis.

XXXVII. (a) Idem A A. Theodoro P F. P.

Nemo Iudicum in id temeritatis erumpat, ut inconsulta (b) pietate nostra, noui aliquid operis existimet inchoandum: Vel ex diuersis operibus æramen, (c) aut marmora, (d) vel quamlibet speciem, quæ fuisse in vsu vel ornatu probabitur ciuitatis, eripere, vel alio transferre, sine iussu Tuæ Sublimitatis audeat: Etenim si quis contra fecerit, tribus (e) libris auri multabitur. Similis etiam condemnatio (f) Ordines ciuitatum manebit, nisi orna-

ornamentum genitalis patriæ decreti huius (g) auctoritate defenderint. Horreorum autem, vel Stabulorum fabricas arbitratu proprio Prouinciarum Iudices studio laudandæ deuotionis (h) adripiant. (i) Dat. Kalend. (k) Ian. Med. Honor. A. IV. & Eutychiano Coss. [398.]

N O T Æ.

- (a) *Lex 13. Cod. Iustin. cod. tit. Iungendaque huic, mox vt ostendam, lex 1. Cod. Iustin. de Statuis & Imaginibus, GOTHOFR.*
- (b) *Vt d. l. 1. extra Imperiale beneficium. ID.*
- (c) Ita Cod. Iust. *ornamenta. Aramen hic dicitur, vt & Paulo III. sent. tit. 6. §. 56. Instructa domo legata, ea legato continentur, quibus donus nuntior, vel tuta ab incendio prestatur: tegule, specularia, & vela legato continentur: Item aramenta, lecti, culcite, puluini, subsellia, cathedra, mensæ, armaria, delphica, pelues, conche, aquiminalia, candelabra, lucerne, & similia, quacunque materia expressa. Apud Plinium lib. 95. cap. 15. aramentum. In glossis Cythilli ἄραμα, aramentum. Apud Vincent. Litinensem in Comptonitor. cap. 22. pag. 350. Edit. Baluz. Nolo pro auro aut impudenter plumbum, aut fraudulenter aramenta supponas. Nolo auri speciem, sed naturam plane. Aramen igitur, siue aramentum, est ornamentum ex ære, vt sunt ænea simulacra, & statue æneæ: de quibus agitur d. l. 1. Cod. I. de Stat. quæ huic iungenda est. Vide veterem ἄραμα totius Orbis sub Constantio, quem nuper edidi cap. 43. pag. 35. ID.*
- (d) De marmoreis statuis agit pariter d. l. 1. ID.
- (e) *Sex. Cod. Iust. ID.*
- (f) *Condemnatio, pro multa: vid. Gloss. ID.*
- (g) *Huiusmodi, Cod. Iust. male. ID.*
- (h) *Deuotio; καλοπρωσις, pro affectu & studio in publicum: vid. Gloss. ID.*
- (i) *Eadem adripiendi vox, l. 15. 18. supr. hoc tit. ID.*
- (k) *III. Kalend. Cod. Iust. & d. l. 1. Cod. Iust. de Statuis: XII. Kalend. ID.*

COMMENTARIVS.

IVDICVM seu Reſtorum Prouinciarum Te-
meritati, Audaciæ, Ambitioni, circa Opera
publica occurrit *hac leg.* Honorius Imp. Anno
398. Quæ quidem pars est prolixioris Conſtitu-
tionis, qua in vniuerſum nimia Reſtorum
ambitioni circa Opera publica occurrit; puta
etiam in ſtatuis æneis, argenteis, marmoreis, (nam
lapideæ proculdubio conſeſſæ erant) inconſulto
pariter Principe, admittendis; vt docet *lex 1. Cod.
Iustin. de ſtatuis & Imag.* quæ velut eiſdem con-
ſtitutionis pars, huic coaſſanda, hocque adeo
vinculo huic coniungenda venit. I. Igitur NOVA
Opera inconſulto Principe Iudices inchoare ab Ho-
norio *hac leg.* prohibentur, pariter vt ſtatuas illas
admittere vetantur ſibi delatas, extra Imperiale
beneficium, d. l. 1. *Cod. Iust. de ſtatuis.* Exceptis
tantum Horreis, & Stabulis: quæ Exceptio pa-
riter continetur l. 16. & 17. *supr.* vbi vide quæ
de his dixi prolixius. II. Item ORNAMENTA,
veluti aramen, aut marmora, ex aliis
Operibus eripere ſeu transferre Iudices prohibe-
ntur: atque ita aliorum Operum nuditate
ſeu ſpoliatione alia ornare. Quod & ipſum
prohibitum l. 1. 14. *supr.* vbi dixi; & quadamte-
nus l. 30. *supr.* Etſi Exceptiones quædam hac
parte additæ. Ac primo quidem d. l. 30. ſi mi-
noris meriti ades eſſent. *Hac leg.* pariter, ſi
in vſu & ornatu Ciuitatis non ſint, quæ detra-
hantur. III. iuſſu Principis, d. l. 30. vel Præfecti
Prætorio: *hac leg.*

Illud obſeruandum Curiis & Decurionibus
quoque *hac leg.* diſſerte pœnam indici, ſi ipſi or-

nementum genitalis patriæ ſuæ non defende-
rint: id eſt, ſi ipſi ſeſe non oppoſuerint lu-
dicibus ornatum Operum publicorum eripienti-
bus, vel alio transferentibus. Quomodo & d. l. 1.
Cod. Iust. de Statuis: pariter pœnam minitatur iis,
qui adulandi ſtudio aut metu inſtantis ignauia
in Statuas ludicibus ponendas conſenſerint. Quod
& ipſum proculdubio de Decurionibus accipien-
dum eſt: hi enim Statuas in Municipiis, ho-
norandi alicuius gratia, decernebant: l. 13. §. 4.
D. de Injur. Denique Decuriones plectendi, lu-
dicum ambitioni velificantes, vel ignauia in-
ſtanti, vel adulandi ſtudio: vt loquitur d. lex
1. Pro coronide, & vt liqueat quantopere ea
lex huic noſtræ conueniat, verba eius hic appo-
nere iuuat: Si quis IVDICVM accepiſſe
æneas. vel argenteas, vel marmoreas ſtatuas,
EXTRA IMPERIALE BENEFI-
CIUM in adminiſtratione poſitus detegatur,
emolumenta quæ accepit in ea poſitis dignitate
quam polluit, cum extortis Tiulis vel præſum-
ptis in quadruplum ſiſco noſtro inferat: ſimul-
que nouerit exiſtimationis ſuæ pœnam ſe ſubiturum.
Nec eos ſine periculo pudoris haberi volumus im-
munes, qui adulandi ſtudio, aut metu inſtanti-
tis ignauis tranſire quæ ſunt interdicta, tentauerint.
Interea & illud ex his ll. diſcimus, Principis non-
niſi beneficio & indulto noua Opera arripere, vt
& ſtatuas admittere veritos Iudices: in detrahen-
dis vel transferendis ornamentis, Præfecti Præto-
rio iuſſum ſufficiſſe.

De INTERVALLO inter PRIVATA ædificia &
HORREA publica.

XXXVIII. (a) Idem AA. Eutychiano PF. P. (b)

EXCELLENS Eminentia tua cuncta priuata ædificia, quæ coniuncta Horreis publicis esse cognouerit, dirui ac demoliri præcipiet: ita vt ex quatuor lateribus (c) priuatorum (d) consortio (e) separata sint, ac libero spatio recernantur, (f) vt a principio fuerant fabricata. Dat. V. Non. Iul. Constantinop. Honor. A. III. & Eutychiano Coss. [398.]

N O T Æ.

(a) Abest hæc lex a Cod. Iustin. GOTHOFR.

(b) Orientis. Eidem inscribuntur in hoc argumento de operibus publicis *lex 40. & 42. infr. & l. 9. Cod. Iust. de Aqueductu. ID.*

(c) Vicinitus, *l. 4. supr. ID.*

(d) A priuatorum. *ID.*

(e) Connexitate. *ID.*

(f) Secernantur. *ID.*

C O M M E N T A R I V S.

INTERVALLO seu ambitu nonnisi certo quodam intermisso, vt ab aliis Operibus publicis, *l. 25. supr. l. 39. 46. infr.* ita vel maxime ab HORREIS publicis seu fiscalibus; priuati ædificare vetiti *hac leg.* ab Arcadio pariter vt a Constantino *M. l. 4. supr.* caulis, quas docent nos *huius tituli lex 4. 25. supr. l. 39. 46. infr.* Itaque si hoc spatio non intermisso connexa fuissent priuatorum ædificia, ea destrui subinde iussa, vt a Constantino *M. d. l. 4. supr.* a Theodosio *M. dist. l. 25. supr.* ab Arcadio, *hac leg. & d. l. 39. infr. & 46. infr.* Vt in aliis vrbibus, ita Constantinopoli *l. 25. supr. hac leg. & d. l. 39. 46. infr.* Rursum, vt aliis Operibus publicis adiecta, ita & Horreis nomi-

natum, *hac leg. & d. l. 4. supr.* Ad insularum itaque speciem, vt alia Opera publica, ita cum maxime *horrea* accedere voluerunt: quod his verbis *hac leg.* exprimitur: *ita vt ex quatuor lateribus priuatorum consortio separata sint, ac libero spatio recernantur.* Quæ omnino *Insularum* definitio est, cuiusmodi priuatæ Insulæ Romæ plures quam domus fuerunt.

Porro illud ex *hac leg. in fin.* discimus; a principio seu ab initio ita Horrea Constantinopoli excitata fuisse libera & separata a priuatorum operibus, nempe Constantinianis temporibus quod etiam ostendit *d. l. 4.*

De PARAPETASIIS & similibus Constantinopoli diruendis,
Arcadii lex.

XXXIX. (a) Idem AA. Seuero P. V. (b)

AEDIFICIA, quæ vulgi (c) more *Parapetasia* nuncupantur, vel si qua aliqua (d) opera publicis (e) mœnibus vel priuatis fociata (f) cohærent, vt ex his incendium, vel insidias vicinitas reformidet, aut angustentur spatia platearum, vel minuatur porticibus latitudo, dirui ac profterni præcipimus. Dat. V. (g) Id. Octobr. Constantinop. Honorio A. IV. & Eutychiano Coss. [398]

N O T Æ.

(a) *Lex 14. Cod. Iust. eod. tit.* Videri possit huic legi iungenda *l. 33. supr. de Prætor. GOTHOFR.*

(b) Constantinopolitanæ. *ID.*

(c) Vulgo, Cod. Iust. *ID.*

(d) Alia Cod. Iustin. *ID.*

(e) Locus hic ita deformatus in Cod. Iust. *Mœnibus, vel (ἐκκρηπίδας) publicis operibus:* Male, nam & mœnia priuatis ædificiis hic tribuuntur, & communis hæc lex est publicis & priuatis ædificiis. *ID.*

(f) Ita fociata: Cod. Iustin. *ID.*

(g) VI. Cod. Iustin. *ID.*

COMMENTARIVS.

PARAPETASIA, aliaque Opera publicis vel priuatis operibus SOCIATA, ex quibus incendium vel insidiaz metuuntur, spatiaue platearum aut porticum arctantur, Constantinopoli hac leg. ab Arcadio destrui iubentur Anno D. 398. Quæ & infra priscis Romæ legibus & nominatim quidem a Prætextato P. V. Romæ sub Valentiniano Sen. circa Annum D. 367. pariter sublata. Testis Ammianus Marcellinus lib. 27. cap. 9. *Alta quies, inquit, paria proposito Ciuum Romanorum aptissima, & adolefcebat gloria præclari Recloris, plura & utilia disponentis. Nam & maniana sustulit omnia, fabricari Romæ priscis quoque vetita legibus, & discreuit priuatorum parietes ab adibus sacris iisdem inuicem connexos. Eodemque pertinent in partem lex 11. 12. Cod. Iust. de edific. priuat. Parapetasia autem sunt aduentia & appensa opera, quæ aliis Operibus adherent, & adfixa sunt: quæ alias ἐξωσται, id est subgrundia, & moeniana: in Basilicis παραπέσσια, quod est, adplicita, seu adplicitata. Quod utrumque etsi legitimum sit, ex hoc tamen Codice, Codicis Iustiniani lectio constituenda venit, ut etiam nonnulli habent manuscripti, quicquid Cujacius contra contendat. Vo-*

camus nos Saillies & Aduances, Appentils. Quæ pariter destrui iussa in Gallia ab Henrico secundo, Anno 1554. & Karolo IX. in Comitibus Aurelianen. art. 96. 97. & rursus Montepessulis, Anno 1564. & prohibita ab Henrico III. Anno 1586. iisdem omnino rationibus, quibus hac leg. Manfit vero & hæc Parapetasiarum vox hodiernum in militia. Cæterum de legitimo spatio & intervallo inter opera priuata & publica videatur quoque lex 4. 25. l. 38. supr. itemque lex 46. infr. Ait lex, ut ex his incendium, vel Insidias vicinitas reformidet. Insidias nempe a latrocinii & raptu. Alio sensu in præfat. Digestor. quæ incipit Tanta §. 7. (pro quo præfatio græca habet δεικνεν.) Post hæc ea, quæ de operis noui nunciationibus, damniue infecti, & pro edificiis dirutis, & eorum INSIDIIS, & quæ de aqua pluuiæ arcenda, veteribus Authoribus placita sunt. Pro quo Græca habent, καὶ τῶν ἐν τέτοις τὴν τὸ κακὸν γέντων. Ibi enim Insidie sunt eorum, qui calumniose damni infecti sibi cauere postulant, & ideo iurare prius coguntur. Errant enim qui ibi incendiis substituunt; vel qui eodem ibi sensu, quo hic insidias accipiunt.

PETI quænam opera publica possint.

XL. (a) Idem AA. Eutychiano PF. P. (b)

SI aliquando operum (c) publicorum petitores emergant, non nisi diruta penitus, quæ (d) distructa, & quæ parum sint vsui (e) Ciuitatum, petitoribus (f) assignentur, (g) Dat. Id. Decembr. Honorio A. IV. & Eutychiano Coss. [398.]

NOTÆ.

- (a) Lex 15. Cod. Iust. eod. tit. hinc admodum interpolata est. Neque adeo male iungatur huic lex 9. supr. de diuers. rescript. Nam & hæc est de Rescriptis. Concordat lex 10. supr. l. 41. 42. 43. infr. GOTHOFR.
- (b) Orientis: vid. l. 1. supr. de nau. non excus. anno sequente. Eidem in hoc argumento de Operibus publicis inscribitur lex 38. supr. lex 42. infr. & lex 7. Cod. Iust. de aquaductu. ID.
- (c) Si aliquando homines emergant, qui a nostra clementia opus publicum sibi præberi postulauerint, nonnisi, &c. ita Cod. Iust. propter sublatum scilicet petitionis & petitorum nomen: Cod. de petition. bon. sublat. lib. 10. tit. 12. de quo ad tit. de petition. lib. 10. supr. Propter quam ipsam causam lex prox. tota abest a Cod. Iust. ID.
- (d) 79. (ut in Cod. Iust.) penitusque. ID.
- (e) Sunt in vsu: ita Cod. Iust. ID.
- (f) Percipiant: ita Cod. Iust. petitorum nomine rursus omisso. ID.
- (g) Intimidandis huiusmodi Rescriptis iudicio Amplissima tue Sedis: hoc additum Cod. Iustin. Quod abest a l. 41. prox. accedit ad l. 43. ID.

COMMENTARIVS.

DE PETITIONIBVS Operum publicorum sunt quatuor ordine sequentes leges: puta; hæc Arcadii constitutio: pariter ut in eodem argumento versatur altera eiusdem Arcadii lex 42. & Honorii lex 41. & 43. versabatur & Iuliani lex 10. supr. PETERE scilicet hac tempestate seu impetrare priuati sæpe publica opera a Principibus, variis occasionibus soliti: & Christiani quidem sæpe petitores emergebant Operum publicorum, & quidem eorum quæ superstitioni Gentilicæ olim seruierant: puta Templorum. Quo pertinere iam

ostendi d. l. 10. supr. Eodemque apertissime pertinet d. lex 41. infr. deque eo præterea fidem facit l. 19. & 24. supr. de petition. idque etiam ex parte ostendit Aggenus Vibicus, commentar. in Front. lib. 1. p. 61. Edit. Gues. & Maiorani Nouella 6. Atque id sibi factum, sane factum per Orientem, ut ostendit d. l. 10. supr. l. 19. 24. supr. de petition. Deque eo videndus Libanius orat. ὑπὲρ ἱερῶν, ubi vide quæ iam dixi. Frequentatæque hoc æuo hæ Templorum petitiones, quod ea passim deponerentur, destruerentur: de quo ad tit. infr. de Pagan. sacrif. Et

Et tamen præter hæc, & alia quoque opera publica peti subinde solita. Huic igitur petitorum auiditati seu inhiationi, in perniciem sæpe ornatus publici, Curiarum, & Collegiorum (vt ostendit *d. l. 41.*) variis Principum constitutionibus subinde occursum fuit, & hac quidem Arcadii inter cæteras, Anno Domini 398. occurritur, qua definit, *Non nisi penitus diruta destrueturque, & quæ parum sint vsui* (vel etiam ornatui) *Ciuitatum, a priuatis peti posse.* Nempe ea tantum priuati impetrare possunt, quæ nullum præstare valent vsum, aut ornatum Ciuitatibus; quod & ipsum cauetur *dist. l. 41. prox.* Alia vero vsum aliquem, vel ornatum præstatura, in publicos potius vsus conuertenda, & sic Curialibus & Collegiatis potius, quam priuatis assignanda. Quo pertinet omnino Theodorici R.

epistola apud Cassiodorum, *IV. Variar. 24.* vbi Helpidio Diacono postulanti in Spoletina ciuitate loca, quæ iam longo situ squalior vetustatis obruerat, id concedit his verbis, & sub eadem taxatione: *Atque ideo petitioni tue robur præsentis humanitate largimur, vt Porticum cum areola positurus post Curasi thermai, SI TAMEN PVBLICO VSVI non deseruit, absolute liberalitate potiaris, &c.* Hac igitur auctoritate suffultus, in supradictis locis edificandi sume fiduciam. Similis taxatio in *Epist. 30.* eiusdem libri, si res petita aut vtilitati publica non officit, aut decori, in ea specie, de qua ad *l. 9. supr.* eodem tandem pertinet Maioriani *Nouella 6.* vbi in posterum hanc competendi licentiam omnino interdixit intra Urbem Romam.

P. 314 *De PETITIONIBVS operum publicorum, & TEMPLORVM:
deque eorum impetrandorum forma & conditionibus
Honorii lex.*

21 XLI. (a) Idem AA. Hadriano PF. P. (b)

OMNIA ædificia publica, siue iuris Templorum, (c) intra muros posita, vel etiam muris coherentia, quæ tamen nullis censibus patuerit obligata, Curiales & Collegiati (d) (submotis competitoribus (e)) teneant adque custodiant, suarum non inmemores fortunarum, ita vt eos (f) nullus penitus inquietet qui (g) aliquem locum publicum, aut per sacram adnotationem meruerit, aut in areis vacantibus, quæ nullum vsum ciuitatibus ornatumque præberent, insinuata auctoritate Rescribi, propriis sumptibus ædificauerit. Si qua vero super huiusmodi locis fuerit orta dubitatio, non aliquid Municipēs (h) siue Collegiatis volumus sponte præsumere: sed a Rectore Prouinciæ ortam dirimi quæstionem: vel Sublimem consuli Præfecturam, si iudicandi exegerit difficultas. Palatina (i) sane Officia ab his locis abstinere oportet, nec præbendæ instructionis gratia cuique (k) subripiendi (l) aditum referari: Cum si quando a quopiam vacans locus, aut area postulatur, consultius ad Ordinarios Iudices nostri mittantur affatus: (m) vt si neque vsui, neque ornatui ciuitatis adcommodum (n) videtur esse quod poscitur, periculo Ordinis & Prouincialis Officii, absque vilius gratiæ conludio, competitori sub gestorum testificatione tradantur. Pensiones (o) autem, quæ deinceps (p) sublatæ (q) a competitoribus fuerint, rationabiliter inpositas, reparationi iubemus proficere ciuitatis: videlicet (r) pensionibus præteriti temporis, quæ iam sollemniter sacro priuatoque debentur ærario. Dat. IV. Non. Iul. Med. Vincentio & Frauita Coss. [401.]

N O T Æ.

(a) Abest hæc lex a Cod. Iust. ob petitiones sublatas: Omisit eam quoque Baronius. GOTHOFR.

(b) Italice. IDEM.

(c) Vide *l. 24. supr. de Petition. ID.*

(d) Vide *supr. tit. de Collegiatis*, vbi plene. ID.

(e) Vid. *supr. tit. de Petition. ID.*

(f) Curiales & Collegiatis scilicet. ID.

(g) Priuatus qui. ID.

(h) Municipēs, id est Curiales: vt init. legis: & *l. 186. supr. de Decurion. & l. ult. supr. de enactionib. & pari sensu, l. 5. Cod. Iust. de omni agro desert. & l. 1. Cod. cod. de fugitiu. colon. ID.*

(i) Id est, Palatini rerum priuatarum. ID.

(k) Cuiquam. ID.

(l) Obripiendi. ID.

(m) Ad.

(m) *Adfectus. ID.*(n) *Adcommodum. ID.*(o) *Census; vid. leg. 5. in fin. D. hoc tit. ID.*(p) An intelligit post impetrationem? vt sic pro fuerint, reponamus fuerant? Minimè. *ID.*(q) *Sublate, id est, exactæ. ID.*(r) *Exceptis videlicet. ID.*

COMMENTARIVS.

DE PETITIONIBVS Operum publicorum est hæc pariter Constitutio: Sed Honorii (pariter vt altera eiusdem constitutio ad eundem Hadrianum PP. puta *l. 43. infr.*) & inter cætera, de petitionibus eorum, quæ iuris *Templorum* fuerant: de quibus iam dixi *ad legem superiorem*. Quorum alia intra muros posita, alia muris coherentia fuere; de quo dicam *ad l. 3. infr. de Pagan. sacrif. & Templ.* Itemque de Aream vacantium petitione; cuiusmodi areas vacantes etiam priuatis olim quandoque occupare & ædificare permissum; vide Sueton. in *Vespas. cap. 8.* De his igitur quatuor *hac leg.* constituuntur, in gratiam Curiarum & Collegiorum. Primo scilicet Curialibus vel Collegiatis huiusmodi loca nullum vsum vel ornatum ciuitatibus præbentia assignantur: sic vt ea ab aliis competitoribus amplius peti non possint, neque ea priuatis Curiales & Collegiati derelinquere debeant. Si modo loca illa nullis censibus sint obligata: nam si obligata sint, detrectantibus eos Collegiatis vel Decurionibus soluere, priuati ea iure impetrare possunt. Cui omnino congruit altera eiusdem Honorii, superiore Anno 400 constitutio: puta *lex 5. supr. de locat. fundor.* Curialibus inquam, & Collegiatis, quæ duo Corpora per municipia & ciuitates fuere, per quos utilitas & voluptas publica, cum magno fortunarum suarum dispendio, (quod etiam *hac leg.* indicari puto, ibi: *Suarum non immemores fortunarum,*) procurabatur; atque adeo *hac leg.* eis ea loca attribuantur. De quibus suis titulis *supr. de Decurion. & tit. de Collegiatis.*

Et secundo tamen, dubitatione aliqua super eo exorta, prohibentur Decuriones & Collegiati loca hæc sibi sponte præsumere, vt ceteroquin nemini licet sibi ius dicere, seque vindicare; de quo dictum fuit *supr. tit. unde vi. & tit. de bon. proscript.* Quin iubentur Rectores Prouinciarum hanc questionem dirimere, vel si adeo difficilis ea sit, Præfectum Prætorio consulere: Nempe Rectorum Prouinciarum pars officii hæc erat, Præfectum Prætorio, vbi iudicandi difficultas exigeret, consulere, vt ceteroquin Præfecti Prætorio dispositioni suberant.

P. 135 Tertio, rescripta concessionis huiusmodi Operum publicorum, si quando priuatis factæ, ad ordinarios Iudices seu Rectores Prouinciarum mitti iubentur, quod immutatum *l. 43. infr.* ad eundem Hadrianum, vbi ad PP. tantum hæc rescripta referri iubet, quod etiam probat *l. 15. Cod. Inst. cod.* quæ aliquin desumpta est ex *l. 40. supr.* Contra Palatini rerum priuararum scilicet, (de quibus *suo tit. supr. de Palatinis:*) huic rei sese

miscere verantur, vt ita cum iusta causæ cognitione hæc res procedat: Nempe Ordine seu Decurionibus & Officialibus Rectoris Prouinciæ, insistentibus, vtum locus petitus, non sit vsui aut ornatui Ciuitatis, deque ea re gestis, confectis. Nam his Rectoribus Prouinciarum hæc causæ cognitio demandatur potius quam Palatinis, ad euitandum gratiæ concludium, vt loquitur *hac leg.* quia scilicet Palatini plerumque vt quorum nihil interesset, hanc in partem gratiosi esse solebant, & poterant; de quorum colludiis in genere *suo tit.* Atenim Decuriones seu Ordines Ciuitatum, itemque Officiales perpetui, *ornamentum parua gentilis* (vt loquitur *lex 37. supr.*) vsumque & utilitatem strenue defensuri creduntur.

Vltimum huius *leg.* caput est, de *Pensionibus*, quæ huiusmodi locis, a priuatis petitis, iisdemque concessis impositæ sunt: vult scilicet Honorius *hac leg. pensiones*, id est, censum & vectigal huiusmodi rebus donatis a Principe rationabile quoddam imponi: Quomodo & domibus in loco publico excitatis solarium seu pensio quædam imposita, *l. 52. infr. hoc tit. & l. 1. Cod. Inst. de diuers. præd.* de quo dixi *ad l. 9. supr.* Quomodo & alias rebus a Principe donatis canon quidam impositus. Sed tamen deinceps eas sublatas *hac leg.* restitui iubet: sic quidem vt præteriti temporis pensiones priuato Principis ærario vindicentur: futuri vero temporis, reparationi ciuitatis assignentur. Quod notandum. Censum scilicet seu pensiones rerum a Principe donatarum sartis testis Ciuitatis, seu reparationi Operum publicorum destinatas fuisse: Quomodo & alias Principes sartis testis Operum publicorum, varia vectigalia subinde deputauere. Ita Lampridius de *Alex. Severo in vit. c. 21.* memorat, *Lenonum vectigal & meretricum & exoletorum in sacrum Erarium inferri vetuit, sed sumptibus publicis ad instaurandum Theatri, Circi, Amphitheatri, & Erarii deputauit.* Vbi recte legitur, *Erarii*; quod & ipsum inter Opera publica Romæ erat: eique pariter instaurando vectigal istud deputatum. Imo & priuatis aliquando possessiones sartis testis iidem Imperatores deputauere. Quomodo de Tacito Imp. Vopiscus scribit *in vit. c. 10.* *De proprio possessiones quas in Mauritania habuit sartis testis Capitolii deputauit.* Denique hæc Honorii *lex* tota est de Forma & conditionibus Operum publicorum petitorum impetrandorum, in Ciuitatis utilitatem. Operum inquam publicorum ac nominatim Templorum: quare notanda hæc deinceps *lex* seu ad Historiam Ecclesiasticam pertinens, quæ tamen ab Annalibus Baronii abest.

De ERGASTERIIS donatis EVDoxiopolitanis in Thracia,
deque iis deinceps non petendis, Arcadii lex.

XLII. (a) Idem AA. Eutychiano PF. P. (b)

EVDoxiopolitanæ ciuitatis ciues, (c) pro oblatano (d) suam patriam Ergasteria
Tom. V. Yy conde-

condonamus. Ne quis igitur Ergasteria memorata a nostra Serenitate deinceps petere molliatur; eaque ratione ciuium (quorum censum cupimus ampliari) iura perturbet. Dat. Prid. Id. Iul. Constantinop. Honor. A. VI. & Arifmeto Coss. [404.]

NOTÆ.

- (a) Abest & hac lex a Cod. Iustin. velut temporaria. GOTHOFR.
 (b) Eutythianus sub Arcadio PP. Orientis: vid. *Protopogr.* De eo mox etiam aliquid. ID.
 (c) *Ciues condonamus*: sustineri potest: alioquin melius *Ciuius*. ID.
 (d) De huius loci restitutione mox dicam. ID.

COMMENTARIUS.

DE ERGASTERIIS, deque PETITIONIBVS Operum publicorum est hæc Arcadii Imp. constitutio, data Anno D. 404. pariter vt altera eiusdem *lex 40. supr.* & Honorii duæ constitutiones: *l. 41. supr.* & *43. infr.* & ita quidem, vt non absimilis hæc sit, initio *d. l. 41. supr. prox.* Nempe, sicut ædificia publica siue iuris Templorum, iam Curialibus & Collegiatis concessa, ab aliis deinceps peti prohibentur, ita & hac leg. EUDOXIOPOLITANIS nominatim Ergasteria publica ab Arcadio condonantur, & deinceps ab aliis peti prohibentur: vbi de tribus videndum est.

Primo, de Eudoxiopolis ipsa: Eudoxiopolis scilicet (cuius hac leg. mentio fit, & apud Socratem *lib. 7. cap. 36.*) fuit in Prouincia Thraciæ, quæ antea Selymbria, *) Ideo & Romanus Eudoxiopolitanus inter Episcopos Prouinciæ Thraciæ Concilio Chalcedonensi subscripsisse legitur *Tom. II. Concil. pag. 471. Edit. Harduin.* In ea vrbe postea constitit Theodosius Iun. filius Arcadii, huius legis auctoris, Anno D. 416. vt docet subscriptio legis *182 supr. de Decurion.* & *l. 23. supr. de Panis.* Vnde Heracleam mox profectus, atque inde Constantinopolim: & rursum Anno 408. vt docet *lex 4. Cod. Iust. de SS. Eccles.* quæ omnino referenda est ad Honorium XII. & Theodosium Iun. A. VIII. Coss. cuique iungenda *lex penult. Cod. eod. de commerc.* & *l. 2. supr. de præd. Curialium*: & iterum Anno D. 423. vt docet *lex 61. infr. de heret.*

Secundo obseruandum Ergasteria, de quibus agitur hac lege, & *l. 9. supr.* & *l. 5. supr. de Metat.* & *l. 3. supr. de conlat. donatar.* & apud Libanum, in *Antiochico*, p. 384. Edit. Morell. fuisse tabernas mercimoniis deputatas; vt etiam vocantur *d. l. 5.* & in his quædam ad priuatos spectantia, de quibus *d. l. 5.* alia publica, de quibus hac leg. & *d. l. 9.* & *P. 316d. l. 3.* quæ alibi ad Principem seu fiscum pertinebant, alibi ad Ius Ciuitatum, vt *d. l. 9.* quæ ideo tabernæ ad Ius ciuile pertinentes vocantur, *Nov. Theod. 30.* & ex quorum locatione pensiones seu redditus in publica opera erogabantur, vt eadem *Nov.* ostendit.

Hæc igitur lege Arcadius Eudoxiopolitanæ Ciuitatis ciuibus Ergasteria, quæ Fiscalia erant, condonat: ob insignem videlicet aliquod, (quod Tertio loco hic obseruandum) horum Eudoxiopolitanorum in se meritum, quod hac ratione pensatum voluit, vt hæc huiusce legis verba ostendunt. *Pro oblato suam patriam*; item illa, *quorum censum cupimus ampliari*. Quæ priora corruptissima sunt, quæ ita quis refigenda putet: Eudoxiopolitana Ciuitatis ciuius pro oblatis nobis, vel pro oblatis, seu oblatitis, suæ patriæ Ergasteria condonamus: pro auro oblatio (de quo *supr. lib. 6. tit. de Senator. 2.*) coronario Principi oblato: de qua auri coronarii

oblato fuit *tit. supr. lib. 12. tit. 13.* Quomodo & Cyrenæ apud Synesium *lib. de Regno, p. 2. Edit. Petau.* eidem Arcadio auro coronarium obtulisse memorantur. Quomodo & anno 416. auream Coronam Theodosio Iun. donatam ab Vrso P. V. & Senatu Constantinop. memorat Auctor *Chronici Alexandrini pag. 718. 719. Edit. Rader.* Cuius etiam auri Coronarii meminit ipse Theodosius Iun. hoc Anno ipso, *l. 15. supr. de legat.* Et ita quidem hic locus legi posse videatur. Non vt quidam tentabat, *pro oblatando*. Verum legendum hic; *Pro oblata nobis sua patria*. Vel, quod præferam, *propter oblatam nobis suam patriam*. Scilicet vstitutissimum hoc adulationis in Principes genus fuit, inter Ciuitates Romanas, sese Principi offerre, de ipsius Principis nomine, vel necessitudinum ipsius, veluti liberorum & coniugum designandas, Principisque nomen vel eius affectuum ἐπωνυμίαν adificere; quod iam olim obseruabat Dio *lib. 54. ad an. V. C. 739. pag. 537. Edit. Leonclau.* ὅτι, ἰακὺς, καὶ τὰς ἐπωνυμίας τὰς πόλεσιν ἡ γερασία ἐν μέρει τιμῆς ἐνεμε, καὶ ἔχ, ὥσπερ νῦν, αὐτοὶ ἐαυτοῖς ἑκάστοι κατὰ λόγους ὀνομάτων ἔ, ἀν ἐδελησσωσιν ὡς πλήθει πεισύνται: quod cognomina etiam vrbibus honoris causa Senatus imposuit, & non, quod nunc sit, ipse sibi nomina, quotquot vellent, delegerunt. Sic & Libanius *orat. post. conciliar. 13. p. 418. Edit. Morell.* postquam summam erga Antiochenos indulgentiam multis prædicauit, optat vt de noui seu iunioris Augusti, id est Arcadii nomine, Antiochenæ vrbi nomen indat: τὸ σύν τῷ νέῳ βασιλεὶ τότε ἐκάν, τότε καὶ πρὸς βίαν δώσεις τὴν ἀπὸ τῆ πατρὸς ἐπωνυμίαν; vt cum nouo rege lubens hoc etiam nobis vel per vim concedas, appellationem a filio tuo.

Ad eum igitur morem, cum Arcadius Imp. propensissimo in vxorem suam Eudoxiam, (quæ & hoc ipso Anno a nonnullis mortua dicitur, VI. Nonas Octobris: ab aliis non ita multo post) studio esset, vipote quam non tantum Augustam Anno 400. proclamari fecerat (vt testatur Auctor *Chronici Alexandrini pag. 712. 713. Edit. Rader.*) verum etiam præcedente hac leg. Anno 403. argentea eius statua super columnam porphyreticam iuxta Ecclesiam posita fuerat, teste Marcellino in *Chronico*: de quo vide & Socratem *lib. 6. cap. 18.* quæ res tumultuum maximorum, pellendi etiam Vrbe Ioannis Chrysostomi, Incendique, & Arsacii Episcopi ordinandi causa fuit. Etiam Ciuitates Principi hac parte gratificandi studium induerunt. Itaque & *Selymbrienses* Peryntheo seu Heracleæ & Constantinopoli proximi

*) Vid. *HIEROCLIS Synecdem. init.* & ibi *Cl. WESSELINGIUM* in notis *pag. 631.*

proximi in Thracia mox mutato nomine *Eudoxiopolitani* suam Patriam seu Ciuitatem in id obtulere; de *Eudoxia* videlicet Augustæ nomine designandam. Hadrianus Valesius *lib. 2. de gestis veter. Francor. p. 65.* refert (ex quo Authore? nescio.) *Eudoxiam Selymbriam oppidum Thracia restitui, atque Eudoxiopolim appellari iussisse: forte ex Zonara.* Atque hic *huius leg.* sensus est, quæ hac obseruatione historica singularis est. Et alioquin de *Augustarum* nominatim nominibus designandarum Ciuitatum mos hoc sæculo quantopere inualuerit, fidem faciunt inter alias, & dux *Helenopoles.* de quibus *Sozomenus lib. 2. cap. 2. in fin.* De Urbibus, tum de suo, tum de filiorum suorum nomine a Principe designatis hoc æuo, fidem faciunt sub Theodosio M. patre Arcadii nostri, *Theodosiopolis, & Arcadiopolis;* de quibus *Cedrenus pag. 324. Edit. Reg.* Eodemque pertinet quod *Libanius orat. ad Theodosium M. 13. ἐπὶ τοῖς διαλλαγαῖς, p. 418. Edition. Morell.* grâtiâ agens pro indulgentia missa Antiochenis, inter alia optat, imo petit ab Imper. vt Antiochiæ patriæ suæ, & sui præsentiam cum filio, & cognomen ab *Arcadio* filio suo tribuat: Πάλλιν δ' αὖ τῷδε μείζον, τὸ σὺν τῷ νέῳ βασιλεὶ τότε ἡμῖν, τότε καὶ πρὸς βίαν δώσεις τὴν ἐπὶ τῇ παιδὸς ἐπαυυίαν, &c. *rursus hoc quoque maius, vt cum nouo rege lubens hoc quoque etiam,*

vel per vim concedas, appellationem nimirum a filio tuo.

Quomodo & *Chrysostomus eis τὰς ἀνδριάντας, ad populum Antiochen. homil. 20. pag. 230. seu. homil. 21. pag. 220. Tom. II. Oper. Edit. Ben. distin.* in eadem re, de Theodosii iphus nomine ob humanitatem nominari postulat, οὐν δὲς αὐτὴν καλεῖσθαι λοιπὸν ἀπὸ τῆς σῆς Φιλανθρωπίας, id est: *nunc ipsam iube ab humanitate tua post hac appellari.*

Neque hic etiam mos intra ciuitates singulares stetit; verum & *Prouincia,* imo & integræ Dioceses ex affectu aliquorum Imperatorum nominibus designatæ: Ita scilicet Diocesim Ponticam Constantius ad honorem vxoris Eusebiæ, Pietatis cognomine dedicauit, teste *Marcellino lib. 17. cap. 7.* Ita *Valeria* Prouincia cognominata ad honorem *Valeriæ* Diocletiani filix; eodem teste, *lib. 19. cap. 11.*

Omittere interea neque id possum, inscribi hanc legem *Eutychiano PP.* qui, vt omitam alia; quæ de eo iam alibi, ab *Eudoxia* Augusta partibus aduersus Ioan. *Chrysostomum* erat: cuiusque multa mentio in rebus *Chrysostomi,* etiam hoc ipso Anno, apud *Georgium Alexandrinum in vit. Chrysostom. n. 61.* Theodorum Diaconum, referente *Palladio in Dialogo de Vit. Chrysostom. cap. 3. pag. 27. Edit. Bigottii.*

De PETITIONIBVS locorum publicorum & de RESCRIPTIS, quibus ea conceduntur apud Præfectum Prætorio allegandis, & examinandis.

XLIII. (a) Idem AA. Hadriano P.F.P.

PETENTIBVS loca publica eâ condicione adnuimus, ne quid vsui vel ornatibus, aut commodis ciuitatum auferatur. Et quanquam nullum opinemur existere, qui contra commoda, vel ornatum propriæ ciuitatis competitorum obreptionibus cohiberet, (b) adtamen huiusmodi Rescripta non nisi ad excellentiam Tuam referri præcipimus: scientibus Iudicibus, quod si quis deinceps subrepticia voluerit allegare Rescripta, non nisi repræhensione (c) existimationis suæ, & pœna Officiorum suorum his editum præbunt. Si in tradendis locis publicis, si qui forte nostra liberalitate fuerint concessi, Excellentix Tux non expectetur auctoritas. Dat. VIII. Kalend. Octobr. Rau. Stilichone II. & Anthemio Coss. [405.]

N O T Æ.

(a) Absit hæc lex a *Cod. Iustiniano. GOTHOF.*

(b) Pro *conhiberet*, id est, *conniueret*, vt multis aliis huius *Cod.* legibus, de quo vide *Glossar. conniueret* autem, pro *conniuere vellet. IDEM.*

(c) Cum reprehensione. *ID.*

COMMENTARIVS.

DE PETITIONIBVS locorum publicorum est hæc rursus Honorii constitutio, & quidem ad eundem Adrianum PP. data pariter vt *lex 41. supr.* Sed ita tamen, vt *hæc leg.* ei derogaretur, quoad tertium eius caput, *vers. cum si quando.* Nempe sicut eorum demum locorum publicorum donationem a se factam valere vult, quæ neque vsui, neque ornatui aut commodis Ciuitatum deferrentur, ita huius rei cognitionem, atque

adeo rescriptorum huius concessionem non iam ad Iudices ordinarios, vel eorum Officiales vel Curiales tantum pertinere vult; verum huiusmodi rescripta ad Præfectum Prætorio ipsum referri, eiusque auctoritatem expectari: Nempe, quicquid in speciem contra protestetur, *vers. & quamquam:* quod & Rectores Prouinciarum, eorumque Officiales & Curiales sæpe gratiæ colludio, vt loquitur *dist. 1. 41. supr.* itemque Curiales &

Collegiati contra commoda & ornatum propriæ Civitatis obreptionibus petitorum conniverent. Præfecti itaque Prætorio iudicium hoc esse voluit, ut dignitate ipsa Imp. proximi, ita extra suspicionem gratiæ alicuius positi, neque aliter iudi-

catori pro sapientia ac luce dignitatis suæ, quam e re cuiusque civitatis publica. Quod & ipsum probavit Iustinianus leg. 15. Codice Iustin. eodem titulo, quam alioquin ex lege 40. supra desumpsit.

De IMAGINIBVS Principum Operibus publicis adherentibus; Quod eas, cum opus aliquod publicum reparatur, deponere liceat inconsulto Principe.

XLIV. (a) Idem AA. Æmiliano P. V. (b)

SI quando usus exegerit, vel Porticus, vel quaslibet ædes, (c) ætatis senio seu fortuitis (d) concussas casibus, reparari, liceat etiam inconsulta Clementia Nostra cum reuerentia sui Imaginem deponere, vel nostram vel retro Principum, reportatamque post resecta ædificia loco proprio denuo conlocare. Dat. V. Kalend. Iul. Constantinop. Arcad. A. VI. & Probo Coss. [406.]

NOTÆ.

(a) Lex 16. Cod. Iustin. eod. tit. GOTHOFR.

(b) Constantinopolitanæ. IDEM.

(c) Publicas. Eo quippe pertinet hic titulus. ID.

(d) Puta incendio? ut in specie huius legis: de quo mox. ID.

COMMENTARIUS.

IMAGINEM Principis de Porticibus (nam in his Principum Imagines fuisse non hæc lex tantum, verum & lex 12. infr. de Scenic. ostendit:) aliisve ædibus, id est, Operibus publicis, reuolare seu deponere, instaurandi operis publici causa, seu reficiendi, etiam inconsulto Principe licere definit Arcadius hac leg. Anno Domini 406. Præfecto Urbis scilicet. Sic tamen ut reparato ædificio loco suo ea reponatur. Quod proculdubio Æmilianus P. V. inconsulto Principe Arcadio facere ausus non fuerat. Nempe ut superiorum sæculorum, ita huius Arcadiani & deinceps Theodosiani propria quædam fuit, nimisque erga Principum Imagines veneratio, imo adulatio, de quo alioquin plenius dicendum erit suo titulo hoc ipso libro, de Imaginibus Imperialibus, (vbi etiam hæc lex melius posita fuisset:) quemadmodum & iam olim sub Gentilibus Principibus. Sic quidem inter alia, ut circa positas semel Principum imagines, nil temere auderent. Qua propter non raro hæc criminum materies fuit, imo Maiestatis criminis species, si quis Imaginem Principis extraxisset, violasset; si quis eam conlasset, vendidisset, ut præter Tacitum lib. 1. Annal. cap. 73. docet l. 4. 5. 6. 7. D. ad leg. Iul. Maiest. itemque l. 24. D. de contrab. empt. de quo & similibus scripsit Brissonius IV. Selectar. Antiquit. c. 11. Proinde & eas refigere, id est, deponere non licuit, etsi vetustate corruptas refi-

cere liceret: dist. l. 5. in princ. D. ad leg. Iul. Maiest. Atque hæc hæsitandi Æmiliano P. V. ratio fuit; verum peculiaris adhuc magis, propter magnam ante biennium Anno Domini 404. Chrysostomi libertatem, qua in statuam Eudoxiæ (de qua l. 42. supr.) intonuerat. Igitur ne Ioannitis, seu Ioanni Chrysostomo accedere forte videretur, consulendum Imperatorem ipsum putauit.

Porro huius leg. species, quinimo & duarum sequentium, pertinet ad incendium quod exortum Constantinopoli; & quidem hæc ad id, quod exortum XII. Kalend. Iulii, Anni 404. quodque hæc lex his verbis innuit; seu fortuitis concussas casibus. Eius meminit & lex 37. infr. de Episcopis, Socrates lib. 6. cap. 18. Sozomenus lib. 8. cap. 22. & Zosimus lib. 5. c. 24. & Auctor Fastor. Sæculor. pag. 714. 715. Edit. Rader. Absumpta autem incendio illo, non modo magna Ecclesia Constantinopolitana, verum etiam Senatus, ut testantur Sozomenus, Socrates, Zosimus, Fasti Sæculi loc. citatis, & Palladius in Dialogo de Vit. Chrysostomi. cap. 10. pag. 92, 93. Edit. Bigotii. vbi Porticus hæc fuere, (quarum hæc leg. mentio fit.) Nam & Zosimus disertis verbis de Senatu hæc, ἀγάλμασι κεκαλλώπιστο τεχνιτῶν, simulacris artificum exornata erat. Porro magna Ecclesia & Senatus hic in prima Regione fuere, ut docet Velus descriptio Urbis Constantinopolitana.

De PORTICVVM CIRCI Constantinopolitani tabulatis, & ascensibus, incendio nuper absumptis, instaurandis. Arcadii lex.

XLV. (a) Idem AA. Æmiliano P. V. (b)

OMNIBVS Tabulatis, tam his quæ intercolumnis (c) adfixa sunt, quam his quæ superiores

riores Porticus diuidunt, ad formam pristinam (d) ciuitatis habitus (e) reuocetur. *Ascensibus* etiam his, qui ad superiores Porticus ducunt, tam in latiore modum patentibus, quam pro ligneis scalis (f) lapideis gradibus fabricandis: Ita enim & pericula incendii aberunt, & si qui casus (g) aduersi tulerint, facile amotis angustiis, homines inter incendia, discursus, ac liberandi sui facultatem (h) inuenient. Dat. XI. Kalend. Nouembr. (i) Constantinop. Arcad. A. VI. & Probo Coss. [406.]

NOTÆ.

- (a) Aheft & hæc lex a Cod. Iustin. Iungenda autem videtur ei lex 46. prox. Saltem eodem vtræque pertinet, & pleraque conueniunt. GOTHOFR.
 (b) Constantinopolitanæ: Hoc ipso Anno eius meminit Auctor *Chronici Alexandrini* pag. 714. 715. Edit. Rader. IDEM.
 (c) γγ. intercolumnis, id est, intercolumniis. ID.
 (d) An peristilinam? mox dicam. ID.
 (e) Habitus Ciuitatis, id est facies. ID.
 (f) Scale, lignæ: Gradus, lapidei. ID.
 (g) Id est incendia, ut mox. ID.
 (h) Discurrendi facultatem. ID.
 (i) Malim, Decembr. ut lex prox. 46. ID

COMMENTARIVS.

AD PORTICVVM CIRCI Constantinopolitani, quæ incendio nuper confligauerant, instaurationem, pertinet hæc Arcadii constitutio: iisque etiam deinceps ab incendio vindicandis: quo pariter pertinet lex prox. 46. quam huic etiam iungendam censeo. Auctor est scilicet Scriptor *Fastorum Siculorum*, seu *Chronici Alexandrini* pag. 714. 715. Edition. Rader. his Coss. atque hoc ipso tempore, quo hæc due leges datæ sunt, Circi Porticus & adherentia ædificia incendio conflagraffe. *Αρχαδῖς Αὐγῆς τὸ 5' κ' πρέβη' ἐπὶ τῶν τῶν ὑπᾶτων ἐκάησαν αἱ θύραι τῆς ἱππικῆς σὺν τῇ πρανδιάρᾳ, καὶ προσπαραινέμενοι ἐμβολοὶ, μὴν ὑπερβερετάω, πρὸς ἡ Καλανδῶν Νοεμβρίων, ὥρα τρίτῃ τῆς νυκτὸς.* Arcadio A. VI. & Probo Coss. His Coss. ostia Circi vna cum prandiaria & circumpositis porticibus, mense hyperbeteo VIII. Kalend. Nouembr. hora tertia noctis conflagarunt. Vbi sane obfcurum valde foret, quidnam per *πρανδιάραν* & *προσπαραινέμενους ἐμβόλους* Scriptor ille intellexisset, nisi id ex hac leg. & prox. colligere liceret: nempe *προσπαραινέμενους ἐμβόλους* nil aliud esse, quam ædificia priuatorum adherentia, de quibus d. l. prox. *πρανδιάραν* vero, Tabulata Porticum Circi: de quibus hac leg. quæ alias *præcinctiones*, (de quibus vide *Vitruviana* lib. 5. c. 3. in his & hic locus lib. 5. cap. 8. Gradationes Salarum contra quadratorum angulos, dirigantur ad primam præcinctiorem. Imo totum caput videndum est, quod est de Theatro, eiusque salubri constitutione: vide &, qui de Amphitheatro scripsere.) Idem & Balthei per ambitum, Tertulliano de *Spectacul.* c. 3. & Calpurnio in *Amphitheatro Cari Eccl.* 7. v. 47. diazomata, gradi, plutei: Nempe *πρανδίων*, Zona, Cingulum, Baltheus in re vestiaria. Gloss. Isidori, *Prandeum*, genus *Zonarum*. Constantinus, de admin. Imp. cap. 6. *βλαττία*, *πρανδία*, *χαρέρια*; σημέντα, blatia, Zona, armilla; segmenta. Landolphus Sagax hist. miscell. lib. 16. pag. 109. Tom. I. Script. Rer. Ital. Ant. Murator. in Iustiniano de Auaribus: *babebant retrorsum comas prolixas valde, atque perplexas, iunctas prandeis.* Monachus Sangallensis, de Carolo M. lib. 2.

c. 7. Tenuissimas illas pelliculas, vel tenuiores brandeas extrahere cœpissent. Sigebertus in *Chronogr.* Tom. I. Script. Rer. German. Ioan. Pistorii ad An. 441. pag. 713. Ed. Struuii. Et sic brandeum altaris, quo consecratum Corpus Domini inuoluerat, particulatim diuidebat. Ergo *πρανδιάρα*, translatione a re vestiaria ad Architectonicam, Zonæ, Balthei, præcinctiones operum publicorum, ac nominatim Circi, Theatri. Nunc ad rem.

Duo ad Porticum Circi instaurationem hac leg. constituit Arcadius. Prius est de TABVLATIS, earum alterum est de Gradibus. Tabulata porro hæc seu præcinctiones duum generum hic memorantur, vnum quod intercolumnis adfixum: alterum, quod superiores Porticus diuidit. Intercolumniorum frequens mentio apud Vitruvium lib. 3. cap. 1. & 2. lib. 4. cap. 3. & lib. 5. cap. 1. & 9. Sunt autem spatia inter columnas alicuius Porticus: Tabularia igitur quædam his intercolumnis adfixa. Tabulata hic proculdubio sunt, quæ alias *coaxationes* vocantur, seu *Mæniana*, *proiecta*, & *proiecta pergule*, vnde videlicet populus spectare poterat: cuiusmodi Tabulatum Mæni, a quo Mæniana, memorant Festus, Alconius Pædianus, & Porphyrio. Porro tam hæc Tabulata, quam alia superiores Porticus diuidentia, ad pristinam formam reuocari hac leg. iubentur. Putabam aliquando; ratione & sine hac leg. suadentibus, hic reponendum; ad formam *peristilinam*, id est, ad formam peristylorum, quorum mentio apud Vitruvium lib. 3. cap. 1. lib. 5. cap. 11. & lib. 6. cap. 4. Est autem peristylum locus columnis clausus, & vndique septus: ita Ammianus lib. 22. cap. 13. de sano Apollinis Daphnæi, *Quod idem templum, inquit, inuiti videbant ambitioso circumdari peristylis.* Pollux lib. 1. cap. 8. Segm. 78 pag. 50. Edit. Hemsterhuis, *εἴποις δ' ἂν τὸν περίστυλον τόπον περικίονα: καὶ γὰρ εὐλος, καὶ κίων ὀνομάζεται κατὰ τὰς Ἀττικὰς περιστυλῶν: peristylon, seu locum, qui columnis septus est, περικίονα vocabis. εὐλος enim columnæ & κίων vocatur. Attici vero περιστυλῶν dicunt.* Glossarium vetus: *Peristylum*, *περίστυλον*, & alibi *περίστυλον*, *mansio*. Apud Ezechielem, cap. 40. v. 17. καὶ

καὶ εἰσάγαγε με εἰς τὴν αὐλὴν τὴν ἐσωτέραν, καὶ ἰδὲ πασοφόρια καὶ περίστυλα κυκλῶ τῆς αὐλῆς. Versio vulgata, *praementium stratum lapide in atrio per circuitum*, & cap. 42. v. 5. περίστυλον, versum *Porticum*, & *Machab. 2. cap. 4. v. 46.* ἔθεν ἀπολαβὼν ὁ Πτολεμαῖος εἰς τι περίστυλον: itaque *Ptolemaeus in quodam atrio positum*. Ad formam igitur *peristilnam*, id est, ut *peristyllia* excitari solent, Arcadius tabulata illa excitari voluerit: verum nil temere muto; quin; seruandum, ad formam *pristinam*, omnino censeo: scilicet collapsa & ablumpta incendio tabulata porticum Circi ad

formam pristinam reuocari iubet Arcadius, atque ita & pristinum simul Civitatis habitum. Quod quidem primum est, quo incendio nuper mederi Arcadius hac leg. instituit.

Secundo, incendiis in futurum occurrere satagit. Nempe eo fine *Adscensus* ad superiores porticus ducentes, & latiores, & lapideos extrui iubet: ad incendia videlicet deinceps amolienda, aut exorta facilius restringenda. Et hac quidem duo hac leg. remedia continentur: Alia insuper duo continentur l. prox. 46. quæ huic vti dixi proculdubio etiam coniungenda est.

De PRIVATIS ædificiis non adiiciendis ad opera publica vel superponendis: & de INTERVALLO xv. pedum a publicis Operibus vacuo relinquendo Constantinopoli.

XLVI. (a) Idem AA. Æmiliano P. V. (b)

AEDIFICIA (c) priuatorum publicis ædibus adhærentia, siue superposita (d) destrui tollique præcipimus. Et in posterum id aperte sancimus, ut si * qui ædificandi (e) iuxta publicas ædes animos dederit, quindecim pedum spatium interiecto inter publica ac priuata ædificia, ita sibi nouerit fabricandum, ut tali intervallo & publicæ ædes a periculo (f) vindicentur, & priuatus ædificator, velut perperam fabricati (g) loci destructionis quandoque futuræ non timeat detrimentum. Dat. XI. Kalend. Decemb. Const. Arcad. A. VI. & Probo Coss. [406.]

NOTÆ.

(a) Lex 9. Cod. Iust. de ædific. priuat. & forte huic iungenda est lex superior: saltem pleraque habet, in quibus conueniat. GOTHOF.

(b) Constantinopolitanæ. ID.

(c) Prima hæc sententia abest a Cod. Iust. ID.

(d) Vid. l. 9. supr. hoc tit. ID.

* Lex, quam dixi, 9. Cod. Iust. de ædific. priuat. hinc desumpta est, ubi tamen hoc ita immutatum: si cui loci proprietatis ædificandi iuxta publicas ædes animum dederit. ID.

(e) Malim ædificandis; id est, ædibus excitandis. Nisi hoc placet, putet quis legendum, animos se dederit, ut l. 7. supr. de præd. Nauicular. ubi de domorum molitionibus, quam cultus hodiernus, qui per industriam hominis animos accipit: vel ita, si cui animus steterit: vel ita, si cui, vel cuius animo sederit: vel si quid ædificandi animo sederit. ID.

(f) Incendii. ID.

(g) Fabricato loco, Cod. Iustin. ID.

COMMENTARIUS.

ADHÆRENTIA & SUPERSTRUCTA Operibus publicis priuatorum ædificia, ab Arcadio Constantinopoli hac leg. dirui iubentur, Anno D. 406. Proculdubio ob experimentum recentis incendii Constantinopoli exorti: quod ut cæteroquin proclius est colligere, ita nominatim hac leg. indicatur his verbis, ut publica ædes a periculo vindicentur. Et vero id disertis verbis scribit Auctor Fastorum Siculorum, seu Chronici Alexandrini pag. 714. 715. Edit. Rader. Ἀρκάδις Ἀνῆψε τὸ εἰς καὶ Πρόβῳ. ἐπὶ τῶν τῶν ὑπᾶτων ἐκείνων αἱ θύραι τῆς ἱερῆς, σὺν τῇ πρηνιδίᾳ, καὶ προσπαρεκείμενοι ἑμβολοὶ, μὴν ὑπερβερεταίῳ πρὸς ἡ Κα-

λανθῶν Νοεμβρίῳ, ὥρα τρίτῃ τῆς νυκτός. His, inquit, Consulibus incendio conflagrarunt ostia (imo Porticus) Circi, una cum Prandiana, & connexa taberna, mense Octobri VIII. Kal. Nouembr. hora tertia noctis. Vbi προσπαρεκείμενοι ἑμβολοὶ mihi nihil aliud videntur, quam ædificia adhærentia. Et alioquin eodem, seu ad idem incendium pertinet lex superior 45. quam & huic iungendam puto. Sanè ut duo illa leg. remedia Arcadius complectitur, per quæ incendio illi, quod dixi, mederi instituit, ita & hac pariter duo complectitur. Quare ut in præsens demolitione adhærentium & Superpositorum ædificiorum Arcadius hac leg. cautum, ita in futurum

futurum quoque prospectum iuit. Intervallo scilicet seu spatio 15. pedum inter publica & priuata ædificia statuto. Sane & cæteroquin intervallo seu spatio non nisi legitimo ferme quodam intermisso ab Operibus publicis priuatis ædificare permissum fuit, ob incendiorum potissimum metum, vt docuit iam *lex 4. 25. 38. 39. supr.* ac multo magis publicis Operibus superponere, vel superstruere non licuit: vt docet quoque *lex 9. supr.* excepta specie *legis 50. infr.* Atenim spatium hoc legitimum vicinitus, seu quaquauerfum, seu ex quatuor lateribus, vt alibi aliud fuit, (quod docet *lex 4. supr. hoc tit.*) ita *hæc leg.* ab Arcadio 15. pedum constituitur. Quod ipsum sane lege Theodosii constitutum *lib. 4. tit. 24. de*

edific. priuator. supr. Auctor est Papianus *lib. Responsorum tit. 18.* & Additamentum primum *legis Burgund. tit. 1. §. vlt.* vt ad eum *titulum* iam dixi. Sane & Theodosii Iun. eam in rem constitutio extat *l. 11. Cod. Iust. de edific. priuat.* Denique eius iuris velut veteris meminit Leo Nouell. *vtim.* Vt ad priorem legis sententiam redeam, vt cæteroquin illicite ædificata *P. 320* dirui constitutiones iubent, *l. 11. §. 14. D. de legat. 3.* ita id exemplum secutus quoque Romæ Prætextatus P. V. sub Valentiniano Sen. teste Ammiano *lib. 27. c. 9.* qui non tantum Mœniana sustulit omnia, fabricari Romæ priscis legibus vetita, verum etiam priuatorum parietes discreuit ab ædibus sacris, iisdem inuerecunde connexos.

PALATIVM Imperatoris priuatis ædificiis occupari nullo modo;
contra ibi extructa dirui, oportere.

XLVII. (a) Impp. Honor. & THEOD. AA. Monaxio (b) P. V. (c)

QUICVMQUE locus in Palatio (d) huius (e) vrbs priuatis ædificiis incommode (f) occupatus est, is quamprimum, subruptis (g) omnibus, quæ in eo sunt ædificiis, Palatio reformetur, (h) quod priuatorum non est parietibus cohærendum: (i) Nam Imperio (k) magna ab vniuersis secreta debentur: vt hi tantum locum habeant habitandi, (l) quos (m) legitimus (n) Maiestatis nostræ vsus, & Reipublicæ disciplina delegit: In futurum etiam vniuersis ab huiusmodi vsurpatione prohibendis. Dat. IX. Kal. Mart. Constant. Honor. VIII. & Theod. III. AA. Coss. [409.]

N O T Æ.

- (a) *Lex 17. Cod. Iust. eod. tit. GOTHOFR.*
- (b) Meminit huius Monaxii P. V. Constantinopolitanæ, Author *Chronici Alexandrini pag. 716. 717. Edit. Rader.* hoc ipso Anno 409. Plures aliæ constitutiones eidem inscribuntur *hæc Codice:* & inter alias, hoc ipso anno, *lex 1. de frum. V. Constant. & lex vltim. Cod. Iust. qui dare tutores: vid. Prosopogr. ID.*
- (c) In *Cod. Iust.* perperam PP. *ID.*
- (d) De Palatiis: vide & *l. 35. supr. l. 2. infr. de Aqueductu:* & *tit. supr. Ne quis in Palat. man. & l. 1. infr. de Paganis. ID.*
- (e) Constantinopolitanæ. *ID.*
- (f) Inuerecunde, vt in loco Ammiani Marcellini *lib. 27. c. 9. in fin. ID.*
- (g) *ꝛꝛ. Subruptis:* vt recte quoque in *Cod. Iust. & Edit. quartan. ID.*
- (h) Reformetur, id est restitatur: vid. *Gloss. Theod. ID.*
- (i) Coarctandum, *Cod. Iust. ID.*
- (k) Imperium, pro Imperatore ipso, vel pro Sede & domo Imperiali. *ID.*
- (l) In eo scilicet Palatio. *ID.*
- (m) Obserua duo hominum genera circa Principem, qui in Palatio habitabant. *ID.*
- (n) Legitimus, id est ordinarius, solemniss. *ID.*

C O M M E N T A R I V S.

THEODOSII Iun. sex constitutiones sequuntur, de Operibus publicis: quarum quinque ad publica Constantinopolitanæ Vrbs opera pertinent, puta, *hæc lex, & lex 50. 51. 52. 53. seu vltim. Sexta,* ad Illyricum spectat, puta *lex 49.* Hæc vero nominatim est de PALATIO Constantinopolitano, (cuius alioquin mentio fit quoque apud

Zosimum, *lib. 5. c. 24. & in Veteri Urb. Constantin. descript. regione 14.*) Qua id Theodosius Iun. cauere, PALATIVM Principis seu Imperatoris priuatorum ædificiis occupari non debere, seu priuatorum parietibus coarctari. Addita ratione, Quod Imperio magna ab vniuersis secreta debeantur: id est. quod priuati a Palatio seu ab Imperii & Imperatoris secreto

creto, fedeqne procul abesse debeant; *Exceptis tantum, quos legitimus Imperatoria maiestatis usus & Reipubl. disciplina delegi*: id est, quos ob Palatinam dignitatem, vel Officium, actumue Reipubl. in Palatio habitare necesse est. Vnde interim discimus, Imperii dignitates Principisque Officiarios

Constantinopoli in Palatio habitasse. Alioquin ab aliis ædificata in Palatio, *hac lege Subrui*, seu dirui iubentur, quæ proculdubio extructa fuerant a negotiatoribus quibusdam auiditate cogendæ pecuniæ: quod factum quoque aliis in locis publicis docuit *lex 25. supr. & docebit lex 52. infra.*

REDITVM cuiusque ciuitatis, antiquitus ad Opera publica destinatum, ei seruandum.

XLVIII. (a) Idem AA. Bonosiano P. V. (b)

NIL ex his (c) quæ instaurationi (d) ornatibusque singulis (e) deputauit Antiquitas, (f) nullius colore occasionis, auferri volumus. Igitur futuro proximo Consulatu (g) vniuersa prædictæ (h) Vrbi debitorum vectigalium (i) inlibata augmenta (k) perualeant. (l) Dat. IV. Kal. Decemb. Rau. Post Conf. Varanæ V. C. [411.]

NOTÆ.

- (a) Abest *hac lex* a Cod. Iustiniano. GOTHOFR.
 (b) Bonosiano huic P. V. inscribitur quoque Anno 409. *lex ult. supr. de Decuriis V. R. IDEM.*
 (c) Vectigalibus, vt *infr. ID.*
 (d) *Instauration* absolute, pro instauratione ædificiorum & Operum publicorum. *ID.*
 (e) Id est, quibuscunque. *ID.*
 (f) Eodem modo altera illa *lege*, puta *l. ultim. supr. de Decuriis V. R.* eidem Bonosiano inscripta, dicitur, *genus esse iniuria Antiquitati aliquid sociare.* Ergo Honorius in huiusmodi causis Antiquitati neque detrahi, neque addi quidquam voluit. *ID.*
 (g) Anno Domini 412. *Honor. IX. & Theodos. V. ID.*
 (h) De qua Vrbe id accipiendum? mox inquiram. *ID.*
 (i) Vectigalia: de his quoque hac in re, *l. 26. supr. l. 2. supr. de sepulch. violat.* Symmachi locus *lib. 10. epist. 10. IDEM.*
 (k) *Augmenta vectigalium*, vocat pensiones vectigalium, propria voce in re tributaria & vectigali, de qua consule *Gloss. Theod. ID.*
 (l) *Perualeant inlibata*, id est, permaneant. *ID.*

COMMENTARIUS.

VECTIGALIVM seu Canonis Reipubl. seu Ciuitatis cuiusque partem aliquam in Orbe Romano, ab antiquo Operibus publicis destinatum fuisse, iam docuit *lex 18. 26. 32. 33. supr. hoc tit.* Quod & ipsum ex *hac leg.* discimus: sic vt neque alio diuerſi, neque arrodi vlla parte potuerit. Docet & Cicero *Epistol. ad famil. lib. 13. epist. 11. ad Brutum*, vbi de Arpinatibus agit. Denique ita ab antiquo huic rei deputata fuit, vt ei nullius occasionis colore auferri potuerit: vt *hac leg.* dicitur. Quæ quidem ipsa Honorii Imperatoris quoque *hac leg.* sententia est. Et sic submota omni exceptione: etſi superiores leges nonnullæ exceptionem quandam admittant, veluti *d. l. 18. & 26. supr.* Nempe vt non sufficiente maiorum Vrbium redditu, minorum Ciuitatum redditus adſumantur. Et de facto tamen hæc vectigalia Operum publicorum instaurationi sæpe detracta, quæ ad suum & genuinum vſum ſubinde reuocari conſtitutionibus oportuit: vt ab Honorio *hac leg.* Et quidem, vt dixi, *omnis occasionis colore ſubmoto*: quibus verbis puter quis ſpeciatiim id indicari, Nequidem ad inclytarum vrbium ornamentum ea

transferri poſſe, veluti Vrbis Romæ: idque tum Inſcriptionis argumento, tum & ipſa temporum ratione ſuadente: Nempe hoc tempore, recuperata iam Roma, vrbi inſtaurandæ incumbebatur, cuius partem Alaricus incendio conſumpſerat, vt teſtatur Marcellinus *Chronico*, Anno ſuper. 410. Poſſit tamen videri Honorius *hac leg.* agere de vectigalibus ipſius Vrbis Romæ: & tum ſententia eius fuerit, adeo Vrbis Romæ inſtaurationi incumbendum eſſe, vt vectigalis eo deſtinata pars ad nullum alium vſum traduci poſſit. Denique dubium, quam vrbem hic intelligat Honorius, an Vrbem Romam, cuius Præfecto *hac leg.* inſcribitur? An vero aliam Vrbem in Diœceſi tamen Vrbicaria conſtitutam, cuius mentio facta fuerit in integra conſtitutione, cuius hæc non niſi particula eſt: ſunt enim complures huiusmodi leges in *Cod. hoc*, quæ plenum ſenſum non habent; de quo peculiari *cap. in Prolegom. Theod.* vide ſaltem *leg. ultim. infr.* Mihi verosimile, Vrbem, qua de hic agitur, non Vrbem Romam, verum aliam de Vrbicaria Præfectura & Diœceſi fuiſſe.

IMMUNITATEM nulli tribuendam a collatione ad murorum constructionem, & a comparatione transuentioneque specierum per Illyricum.

XLIX. (a) Idem AA. Herculio (b) PF. Illyrici.

CONSTRUCTIONI murorum, & comparationi transuentionis (c) specierum vniuersi sine villo priuilegio coharentur: (d) ita vt in his dumtaxat titulis (e) vniuersi portione (f) suæ possessionis & iugationis ad hæc mœnia (g) coharentur: *quo ita demum, a summis ad infirmos (h) vsque sarcina decurrente, ferendi operis non leue solatium, (i) sed in commune omnibus profuturum, communi labore curetur.* Quod in partibus (k) dumtaxat Illyricianis nostram Clementiam statuissæ Tua Sublimitas recognoscat. Dat. V. Id. April. Constantinop. DD. NN. Hon. (l) IX. & Theod. V. AA. COSS. [412.]

N O T Æ.

- (a) Repetita extat hæc lex, sed paulo aliter *l. ultim. supr. de Equor. collat.* vbi dixi: itemque *l. i. Cod. Iust. de quib. munerib. lib. 10. tit. 48. GOTHOF.*
- (b) Herculio huic PP. Illyrici inscribitur Anno 410. *lex 172. supr. de Decurion. lex 5. supr. vè conlat. translata. & anno 408. lex vlt. supr. de Equor. collat.* Ad eundem extat Ioan. Chrysostomi *epistola. 201. IDEM.*
- (c) *vg. Transuentioneque*, & ita in *d. l. vlt.* De hac Transuentione seu translatione specierum, dixi ad *l. 10. supr. de extraordin. & dicam adhuc ad l. 40. infr. de Episcopis. ID.*
- (d) Coharentur, *d. l. vlt.* tum illa præterea subiiciuntur, (quæ & sine huius leg. habentur) *ad necessitates Illyricianas, nam in his dumtaxat, &c. ID.*
- (e) Sequentia longe aliter extant in *d. l. vlt. & d. l. i. Tituli* autem sunt species collationum. *ID.*
- (f) *vg. pro portione*, vt *d. l. i. Cod. Iust. ID.*
- (g) *Munia*, vt *d. l. ultim. & d. l. i. Cod. l. ID.*
- (h) *vg. infirmos*, vt etiam extat in *d. l. vlt. & d. l. i. & in Edition. quartan. ID.*
- (i) Solutum ex communi & communicato labore. Quo ipso sensu Cassiodorus *V. Var. Omnes in commune subeatis, qui vicinitate iungimini, quatenus accommodato solatio securius impleatur, quod paucis inexplicabile forte cognoscitur. ID.*
- (k) *Partes Illyricianæ*, id est, tractus Illyrici: vide imaginem Imperii Rom. ex *Cod. Theod. ID.*
- (l) In *d. l. ultim. supr. de equor. collat.* alius dies, alique Consules adnotati, *III. Id. April. Basso & Philippo COSS.* vide quæ ibi dixi. *ID.*

COMMENTARIVS.

DE MVRORVM constructione est iam tertia hæc huius tituli, (& quidem ista Theodosii Iunioris) lex. præter legem 34. & 36. *supr.* erit & quarta *l. 51. infr.* Ita tamen vt *d. l. 51.* sit de muris Urbis Constantinopolitanæ, *lex vero 34. & 36.* de muris per Orientem; hæc nostra de muris per Illyricum. Rursum *d. l. 51.* itemque *d. l. 36.* de muris ad ornatum magis: etenim *d. l. 34.* itemque *hæc 49.* ad hostes repellendos: & hæc quidem, vt docet Inscriptio, & finis huius leg. & *lex ultim. supr. de equor. collat.* (vbi hæc lex repetita extat,) ad Illyricianas necessitates.

Nunc de sententia huius leg. Nempe a collatione ad murorum constructionem, cuiquam immunitatem tribui, vetat hæc leg. Theodosius Iun. & *d. l. ultim.* vetat pariter Valentinianus III. *Non. De*

Pantapolis, 40. inter Theodosianas, versic. Cuius ordinatio. De quo Principe accipio, illius Nouella argumento, quod Vegetius *prologo lib. 4. de re militari*, scribit de muris Urbis Romæ reparatis: pariter vt a comparatione (de qua *suo tit. supr. de publica comparatione*) & transuentione specierum, de quibus ad *d. l. ultim. supr. de equor. collat.* vbi hæc lex repetita extat. Cum alioquin a cæteris collationibus nonnullis Dignitatibus immunitas tribuatur, de quo dictum fuit *lib. 11.* Idemque constitutum *supr. l. 23.* de portus & aquæductus instauratione: Idem de itinere muniendo, *l. 5. de itin. muniend.* De huius legis Historia, specie, & ratione, dixi ad *l. 177. supr. de Decurionibus:* & ad *d. l. ultim. supr. de equorum collat.* itemque ad *l. i. supr. de lictor. & itiner. rustod.*

*De THERMIS Honorianis, deque PORTICV ad eas, Constantinopoli
absoluendis, occupatis priuatorum locis, concessaque inuicem,
permutationis vice, priuatis, vetusta Basilica,
Theodosii Iunioris lex.*

L. (a) Idem AA. Isidoro P. V. (b)

OPVS (c) cœptum extruatur, & Porticus Thermas Honorianas præcurrat acie (d) columnarum: Cuius (e) decus tantum est, vt priuata (f) iuste negligeretur paulisper utilitas: Sed ne census sui quisquam intercepta lucra deploret, sed e contrario cum pulchritudine Ciuitatis (g) etiam fortunas suas auctas esse lætetur, pro loco quod quisque possederat, superædificandi licentiam habeat: Nam in locum priuati ædificii, quod in vsum publicum translatus est, occupationem Basilicæ iubemus Vetustæ (h) succedere: vt contractus quidam, & permutatio facta videatur, (i) cum dominus, qui suum dederat (k) Ciuitati, pro ea habiturus sit ex publico, remota omni formidine, quod (l) inconcussio robore & ipse habere, & quibus velit tradere, habebit liberam facultatem. Dat. IV. Kalend. Nouembr. Constantinop. Honorio IX. & Theod. V. AA. Coss. [412.]

N O T Æ.

- (a) Abest *hæc lex a Cod. Iustin.* utpote localis & temporaria. Et si multæ aliæ *leges* certo alicui loco & tempori adstrictæ in *tit. Cod. Iust. de oper. publ.* relatæ sînt. Concordat huic *leg. lex prox. 51. GOTHOR.*
(b) *Isidorus* sub Theodosio Iun. P. V. Constantinopol. vid. & *leg. 1. 3. supr. de iur. liberor. IDEM.*
(c) *Thermarum & Porticus. ID.*
(d) *Acies* columnarum in porticibus. *ID.*
(e) *Operis* Thermarum & Porticus. *ID.*
(f) *Priuatorum. ID.*
(g) Constantinopolitanæ. *ID.*
(h) Basilicæ vetustæ, vide interim quæ dixi l. 46. *supr. ID.*
(i) Fuit. *ID.*
(k) *Dederit. ID.*
(l) *Id quod. ID.*

C O M M E N T A R I V S.

DE THERMARVM HONORIANARVM, deque Porticus earum Constantinopoli constructione, est hæc Theodosii Iun. constitutio Anno D. 412. cuius causa cum priuatorum loca seu ædificia nonnulla occupari oportuisset, Imperator permutatione quadam Basilicam vetustam inuicem priuatis tribuit, & ab his occupari iubet. PRIVATORVM scilicet loca, ædificia, publici operis causa sæpe olim iure occupabantur. Sed tamen compensato aliquo, triplici ratione: neque enim extorqueri possessoribus proxima operibus publicis mos fuit. Exemplum in Sueton. *Octau. c. 56. l.* Vel enim *Immunitas* quædam inuicem iis tribuebatur, vt in *spec. l. 1. infr. de Aquaductu. l. 1.* Vel pretium competens pro his de publico præstatur, vt in *spec. l. vlt. infr.* Quo pertinet quoque Ciceronis locus ad *Atticum.* & hic Frontin. locus de *Aquaductibus* art. 128. p. 216. *Ed. Polen.* Posset hoc S. C. æquissimum videri, etiam si ex rei tantum publicæ utilitate ea spatia iudicarentur, multo magis cum Maiores nostri admirabili æquitate, ne ea quidem eriperent priuatis, quæ ad modum publicum pertinebant: Sed cum aquas perducerent, si difficilior possessor in parte, vendenda fuerat, pro toto agro pecuniam intulerunt: ac post determinata ne-

cessaria loca rursus eum agrum vendiderunt, vt in suis finibus proprium ius tam Respubl. quam priuata haberet. 111. Vel denique permutatio quadam cum priuatis instituebatur. Quod vt *leg. mox sequ. 51. p. 341* cui iungenda & *leg. 13. supr. de Metatis:* ita & *hæc leg. fit:* vbi notanda illa, *Vt contractus quidam & permutatio facta videatur.* Et hæc quidem *lege,* ad absoluendam Porticum Thermarum Honorianarum Constantinopoli, pro possessionibus priuatorum occupatis vetus Basilica hæc Theodosii Iun. *lege* conceditur: Sic vt super eam superædificandi licentia plenoque iure & inconcussio robore fruendi alienandi eius quod superædificatum fuerit, ius tribuatur.

Ex hæc interim *lege* notentur, Primo *Thermarum Honorianarum* mentio. Hæc vero Regione 5. & 13. *Vrbis Constantinopolitane* a veteri Vrbis Constantinopolitane descriptionis Auctore collocantur. Secundo notandum, *Porticum* Thermis Honorianis his adiectam hoc tempore a Theodosio Iun. & quidem ingenti decore. Quomodo & alias ferme, ab aliis excitatæ Thermæ ab aliis Imp. adiectæ Porticus, Tercio notandum in genere Porticus lauacris quoque seu Thermis contiguas ferme constructas, seu

seu ut hac leg. dicitur Thermas præcurrisse, quod testatur & lex 52. *infr.* Sed & hic Ammiani Marcellini locus, sine lib. 29. Claudius, inquit, P. V. Porticum excitauit ingentem lauacro Agrippe contiguam. Euentus boni cognominatam, ea re quod huius nominis prope visitur templum. Lampridius Alexandro Seuero, cap. 25. Antonini Caracalla Thermas additis sortitionibus perfecit & ornauit. Vbi pro sortitionibus, Causahonus porticibus. In Heliogabalo quippe de iisdem Thermis idem Lampridius cap. 17, in fin. Sed Porticus defuerant, quæ postea ab

hoc subditio Antonino extructæ sunt, & ab Alexandro perfectæ. Quarto notandum, has Porticus acie columnarum constitisse. De columnis ex quibus Porticus constabant, res nota: unde & varia quæ pro columnarum ordinibus porticibus nomina non tantum duplicibus, sed & vsque ad tetrastichis & pentastichis; de quo vide vel Capitolum in Gallienis cap. 18. De altitudine quoque harum columnarum vide Vitruuium, lib. 5. c. 7. unde & Acies columnarum hac leg. dicitur.

De MVRO NOVO Constantinopoli excitato, occupatis alicubi ad id priuatorum terris, quibus inuicem TURRIVM eius muri vsus deputatur, sub refectionis onere. Theodosii Iunioris lex.

LI. (a) Idem AA. Anthemio PF. P. (b)

TURRES Noui Muri, qui ad munitionem Splendidissimæ Urbis (c) extructus est, completo opere, præcipimus eorum vsui deputari, per quorum terras idem murus studio ac prouisione Tuæ Magnitudinis ex Nostræ Serenitatis arbitrio celebratur. (d) Eadem (e) lege in perpetuum & condicione seruanda, vt annis singulis hi, vel (f) ad (g) quorum iura terrulæ (h) demigrauerint, (i) proprio sumptu earum (k) instaurationem sibi met intelligant procurandam, (l) earumque (m) vsu publico beneficio potientes, curam reparationis ac sollicitudinem ad se non ambigant pertinere: Ita enim & splendor operis (n) & Ciuitatis munitio cum priuatorum vsu & vtilitate seruabitur. Dat. Prid. Non. April. Lucio V. C. CONS. [413.]

NOTÆ.

- (a) Lex 18. Cod. Iust. eod. tit. Indicatur vero hæc lex l. 13. *supr. de Metatis.* Concordat huic legi lex 50. *prox. supr. GOTHOF.*
- (b) Anthemius sub Theodosio Iun. PP. vid. *Prosopogr. IDEM.*
- (c) Constantinopolitanæ. *ID.*
- (d) Celebrari murus dicitur: ita iter celebrari per vias, pontes, l. 36. *supr. ID.*
- (e) Ita quoque Cod. Iust. id est: *Ea simul.* Nisi malit quis, quod puto, ea denum, vel ea tamen. *ID.*
- (f) Abest a Cod. Iust. Male. *ID.*
- (g) Ou ayant droit. *ID.*
- (h) Terrule, *supr. terre,* id est, priuatorum possessiones. *ID.*
- (i) Demigrare, pro simplici, migrare: vel de vno ad alium migrare. *ID.*
- (k) Turrium scilicet. Cod. Iust. eorum, vt mox, eorumque: quod longe aliud. *ID.*
- (l) Id est, ad curandam. *ID.*
- (m) Eorumque Cod. Iust. vt dixi. *ID.*
- (n) Noui muri. *ID.*

COMMENTARIVS.

DE TURRIBVS NOVI MURI Constantinopolitani est hæc Theodosii Iun. constitutio; quarum vsum permutationis iure quodam priuatis, quorum terræ ideo occupatæ fuerant, seu per quorum terras murus ille celebratur, ducebatur, concedit. PRIATORVM scilicet terras publici operis causa quandoque occupari mos fuit, sic tamen

Tom. V.

vt permutatio quædam cum his institueretur, quod hæc quoque lex, sicut & superior prox. lex 50. vbi dixi, testatur: Et quidem in spec. huius leg. turrium noui Muri Constantinopoli occasione. Murus scilicet nouus muniendæ Urbis Constantinopolitanæ, a Theodosio Iun. studio ac prouisione, non Cyri P. V. (vt Cuiacius scripsit ad leg. 7. Cod. Iust. de metatis.

Z z 2

metatis. *) verum Anthemii P. P. extructus fuit, ut præter hanc legem, docet quoque Socrates, lib. 7. cap. 1. ὑπὸ δὲ τῷ υἱῷ τῷ νέῳ Θεοδοσίῳ ὀκταετὶ τυγχάνοντι, τὰ τῆς ΕΩΑΣ ἐτάττετο ἈΝΘΕΜΙΟΥ τῷ ὑπάρχῃ τὴν διαίτην ποιεῖν τῶν ὄλων: ἔτι δὲ τὰ μεγάλα ΤΕΙΧΗ τῇ Κωνσταντίνῳ πόλει περιβάλλετο: Προημιώτατο δὲ τῶν τότε ἀνθρώπων καὶ ἐδόκει καὶ ἡν. Orientis vero imperium sub ditione fuit Theodosii iunioris eius filii, qui tunc temporis octo annos natus fuit. Anthemius vero Præfectus Prætorio, summam rerum sub illo administrabat. Hic Constantinopolin magnis undique mœnibus cinxit: omnium porro sui temporis prudentissimus & habitus est, & reuera fuit. Nicephorus etiam lib. 14. cap. 1. Rerum omnium administratio Anthemio Præfecto commissa est: Anthemius iste MOENIA Constantinopolis demolitur, Pomæria Urbis prolaturus. Lateritio ingenti, qui nunc cernitur, MVRO eam circumdedit, opere eo per menses duos magna & fere incredibili celeritate confecto. Meminit & huius rei Tripartitus Auctor lib. 11. c. 1. Igitur cum hic murus extrui coepisset, eumque per priuatorum terras celebrari, id est, extrui, duci oporteret, Theodosius, velut contractu quodam & permutatione facta, Turres eius muri, priuatorum illorum, quorum terræ occupatæ fuerant, vsui deputavit: hac leg. & l. 13. sup. de Metatis: Sic tamen, ut onera earum Turrium ipsi deinceps agnoscerent, puta, earum instaurandarum quotannis hac leg. Itemque Metati onus quod postea statutum d. l. 13. sup. de Metatis, qua hæc indicatur, quamque hic totam adscribi oportet: Idem Augusti Eustathio P. P. Deuotissimos milites, ex prociectu redeuntes, vel proficiscentes ad bella, Muri noui Sacratissime Urbis singula Turres in pedeplanis suis suscipiant. Nec aliquis possessorum grauitur ferat, quasi illa dispositione, que super publicis edificiis (v. beneficis) processerat, violata, cum priuata quoque domus tertiam partem talis rei gratia soleant exhibere. Dat. V. Non. Mart. Constantinop. Honorio XIII. & Theod. X. AA. CONS. Anno 422. Huius quoque muri noui fit mentio in l. 18. Cod. Iust. de SS. Ecclef. & Nou. 59. cap. 5. apud Zonaram. Annal. lib. 13. in rebus Theodos. Iun. cap. 22. in fin. pag. 42. Tom. II. Oper. Edit. Reg. Meminit & muri & turrium simul Marcellinus in Chronico, Ardubare & Callepio Conf. id est, Anno 447. pag. 278. Tom. II. Oper. Sirmondi. Ingenti, inquit, terræ motu per loca varia imminente, pluriimi Urbis Augusta

MVRI recenti adhuc readificatione constructi, cum LVII. TVRRIBVS corruerunt. Et mox; Eodem Anno, Urbis Augusta muri, olim terre motu collapsi, intra tres menses, Constantinopoli P. P. operante, readificati sunt. Meminit & Auctor Chronici Alexandrini, Theodosio XVII. & Festo Coss. pag. 730. 731. Edit. Rader. id est, Anno 439. murorum a Theodosio hoc circumcirca factorum Constantinopoli qua mare spectat: ἐν τῷ τῷ ἐτεῖ ἐκέλευσε Θεοδόσιον Ἀυγύστην τὰ τεῖχη κύκλῳ γενέσθαι ἐν ὅλῳ τῷ παραθαλασσίῳ Κωνσταντινουπόλεως: hoc anno curauit Theodosius Augustus muros circum circa fieri Constantinopoli, qua mare spectat. De huius alioquin Principis sollicitudine circa muros excitandos dixi ad l. 49. sup.

Cæterum etsi lex hæc proprie pertineat ad Constantinopolim, & localis sit, potest tamen ad alias ea recte in vsum accommodari, præter locum communem de occupandis priuatorum locis publici operis gratia, deque permutatione & compensatione eo nomine tribuenda. Primo quidem, ut ii, per quorum terras muri ducuntur, Principe vel Curatore Reip. concedente, in Turribus eorum habitare possint. Neque tantum in pedeplanis (quod Cuiacius perperam putavit, arg. d. l. 15. quæ utique pedeplana assignat non ipsis priuatis, sed militibus ibi metati iure hospitantibus) verum in tota, quanta est, turre, etiam in edito turris, quod ex hac leg. discere licet etiam τριεργίῳ forte: erant enim turrium plura tabulata: Si videlicet ea sit Ciuitas, cuiusmodi Constantinopolis, ubi nullus est ab hoste metus. Etsi sciam, in quibusdam Turribus muralibus Urbium humiliores quosdam homines videri habitantes in inferiori parte, non in ea, qua pinna Murorum siue Turrium acies extant.

Secundo, aptari quoque potest hæc lex, si quando quærat de oneribus, quæ sustinere debent ii, qui publico fruuntur compensato.

Porro ut hæc Theodosii Iun. lex est de Turribus muri Constantinopoli. ita de Turribus murorum in Vrbe Roma: vid. Valentini Nouellam inter Theodosianas de Pantapolis 40. in fin. quo referam quod scribit Vegetius prologo lib. 4. de re milit.

De

*) Secutus est Cuiacius Zonaram in Annal. loco in Commentar. adducto, qui ita de Cyro: βασιλεὺς δὲ δ βασιλεὺς Θεοδοσίῳ τὰ τεῖχη μεταθεῖναι τῆς πόλεως, καὶ μείζονα τὴν ταύτης θείσαν περιόχον, Κύρῳ τῷ ἐπάρχῃ τὸ ἔργον ἐνέδεντο καὶ ὁ σπευδὴ πολλῇ καὶ προθυμίᾳ χρησάμενος, ἀνήγειρε τὰ χερσίων τεῖχος ὑπὸ θαλάσσης ἕως θαλάσσης δι' ἑξήκοντα ἡμερῶν. κ. τ. λ. Theodosius autem mania translaturus, & urbem amplificaturus, murus id Cyro Præfecto mandat, qui magno studio & celeritate terrestrem murum, a mari ad mare pertinentem, intra dies sexaginta absoluit. Refecit autem muros Cyrus A. D. 447. docente PAGIO in Critic. ad Annal. Baron. ad an. 446. num. 5. vnde clarum per murum nouum, cuius facit mentionem l. 7. Cod. Iust. fin. l. 13. Cod. Theod. de metatis, quæ data iam est anno 422. intelligi non posse eum, quem Cyrus condidit, sed Anthemii PP. Hunc murum extruisse circa annum D. 412. vel 413. statuit Noster ad d. l. 13. & in Chronico bist. argumento huius legis nostræ: verum recte obseruauit ANTON. PAGIUS dissert. bypat. part. 2. c. 14. n. 5. (cuius verba habes in Chronico) ex ipsa lege deduci superioribus annis ceptum murum, inchoatumque in Decennialibus Theodosii A. D. 411. Imo ex lege porro liquet, murum hunc ne anno quidem 413. absolutum fuisse, cum præcipiat lex, muri noui turres, COMPLETETO OPERE, priuatorum vsui deputari.

DE BALNEO ZEUXIPPI Constantinopoli: deque SUPERFICIE
seu priuatorum domibus & officinis in porticibus eius positis.
Theodosii Iunioris lex.

LII. (a) Idem AA. (b) Seuerino (c) P. V. (d)

QVIA plurimæ domus cum officinis suis in Porticibus Zeuxippi esse memorantur, reditus memoratorum locorum pro quantitate, quæ placuit, ad præbenda luminaria, & ædificia, ac tecta reparandæ (e) gratia urbis huius Lauacro, sine aliqua iubemus excusatione, conferri. Dat. V. Id. Ian. Victore CONS. [424].

NOTÆ.

(a) Lex 19. Cod. Iust. eod. tit. GOTHOFR.

(b) Perperam. Reponendum enim solius Theodosii, Iunioris scilicet nomen: vide Chronolog. IDEM.

(c) Seuerinus P. V. Constantinop. Eidem superiori Anno 423. inscribitur lex 11. Cod. Iust. de ædific. priuat. vide Prosopogr. ID.

(d) Prefecto Pretorio, in Cod. Iust. d. l. 19. & d. l. 11. vid. Prosopogr. ID.

(e) Reparanda, Regie Urbis lauacro: ita Cod. Iust. & quidem melius. Forte ita, & ædificia ac tecta reparanda Egregie urbis huius lauacro. ID.

COMMENTARIUS.

DE LAVACRI seu Balnei ZEUXIPPI Constantinopoli porticibus: deque Porticibus posit in iis priuatorum domibus & officinis, est hæc Theodosii Iun. constitutio: quæ proinde ad locum communem pertinet de occupatis & ædificatis in locis publicis a priuatis: Et sic de *superficiario iure*. OCCUPARI equidem loca publica priuatorum ædificiis regulariter non licet: quod docet etiam lex 22. 29. & l. 46. 47. *supr.* quandoquidem tamen in nonnullis locis publicis ædificia extructa iam habere licuit, veluti domos & officinas, vt in specie *huius leg.* in porticibus publicorum Balnearum. Et id ipsum tamen sub onere certæ cuiusdam præstationis seu *reditus & pensionis*, seu canonis & *solarii* cuiusdam; de quo dicere antequam ad leg. 9. *supr.* plene, quo recurri cupio. Et in spec. quidem *huius leg.* in porticibus Balnei Zeuxippi Constantinopoli: Nempe cum Zeuxippi balneum seu lauacrum (de quo *prox* plenius) Constantinopoli egregium cummaxime foret, atque id porticibus circumdatum, in his porticibus domos & officinas priuati multas habebant extructas, seu cellulas, vt vocantur *l. seq.* Proculdubio vendendis, quæ ad lauacri maxime vsum necessaria erant: haud aliter ac in pastoforiis seu porticibus Templorum res sacro vsui destinatas, & olim profutisse, & nunc proflare videmus. Alii quoque locis publicis hominum multitudine maxime frequentatis ædificia priuati addebant, auiditate cogendæ pecuniæ, vt loquitur lex 25. *supr.* vbi plene dixi. Igitur vestigal seu *solarium* huiusmodi domibus seu officinis quoddam a Theodosio Iun. impostum, vt solitum imponi publico fruuentibus, & superficiem in solo publico habentibus, vt docet quoque lex 1. Cod. Iust. de *diuers. præd.* l. 2. §. 17. D. ne quid in loco publ. vel itinere: & lex 5. in fin. D. hoc tit.

Cæterum huiusmodi solarium seu vestigal, modo operibus publicis reficiendis seu reparandis destinatum, modo in genere; vt in specie quoque *l. 41. supr.* modo speciatim alicui operi, *pour la fabrique*: vt in *huius leg.* specie eiusdem lauacri seu balnei reparationi, & præbendis ibidem luminariis,

in cuius porticibus domus & officinæ illæ erant, Vbi de tribus videndum est. Primo obseruandum, Thermas siue lauacra publica Porticibus circumdata fuisse, & quidem lauacra Zeuxippi Constantinopoli, quarum ipsarum meminit Zosimus lib. 2. c. 30. de quo ad *l. 50. supr.* Secundo, de luminibus Thermarum occurrunt & apud alios nonnulla testimonia, vt *l. 1. Cod. Iust. de nauicular. seu naucler. publ. spec. transport. & de tollenda lustral. auri. collat.* vbi pars lustralis collationis huic rei destinatur. Sed & Lampridius eius meminit, in *Alex. Seueri c. 24. Adidit*, inquit, & oleum luminibus Thermarum, cum antea non ante auroram (alias ante Nonam) paterent, & ante Solis occasum clauderentur. Postremo de Zeuxippi balneo notandum, id balneum a Seueri Imp. Byzantii, quæ postea Constantinopolis dicta, extructum, vt testatur Suidas, in voce *Σεβηρ*, & Codicus in *Originib. Constantinopol.* pag. 20. Edit. Reg. inter *Script. R. B.* Theodorus Metochita, *hisl. Rom.* p. 94. Edit. Meursii. quarum Thermarum Seuerianarum Zeuxippi mentio in *Anthologia lib. 4. c. 18. eis λάργες*, Epigr. 23. & lib. eod. cap. 23. *eis οίκες*, Epigr. 2. ac veteri descriptione Constantinopolis, secunda regione: Apud Gregorium Nazianzenum erat, ad *Arrianos* 25. p. 436. Tom. I. Oper. Ed. Colon. siue. Lips. apud *Weidm.* Sozomenum lib. 3. c. 9. Socratem lib. 2. c. 16. Procopium lib. 1. de ædific. c. 10. Cedrenum in *Seuero* pag. 252. Tom. I. Oper. Ed. Reg. Nicephorum lib. 9. cap. 9. Zonaram in *Iustiniano* pag. 62. Tom. II. Oper. Edition. Reg. Suidam in voce *Χεῖρ*. Præter omnes autem luculentè Petrus Gyllius Aquitanus Vir doctissimus lib. 2. cap. 7. *Topograph. Constantinop.* cur autem hæc dictæ Thermae Zeuxippi; variae sententiæ sunt, quas videre licet apud Eusebium in *Chronie. num. 157.* apud Suidam, & apud Procopium lib. 1. de ædific. c. 10. Incensum hoc lauacrum postea sub Iustiniano, teste Cedreno anno quinto *Iustin.* pag. 369. Tom. I. Edit. cit. Balneum quoque hoc vocatum balneum Numerorum, teste Nicephoro, lib. 9. cap. 9. quia ibi numeri militum, seu milites lauabantur.

Vt ad sententiam *huius leg.* redeam, Pensionem seu solarium harum domorum & officinarum nomine

nomine præstari vult Theodosius Iun. Idque *sine aliqua excusatione*: id est, sic ut ab eo nemo immunitus sit. Quod modum vero huius solarii attinet non exprimitur is: *Pro quantitate*, inquit, *quæ placuit*, id est, quæ definita præscripta fuit vel ab Imperatore, vel a Severino P. V. Sic & indefinite

placita pensio solarii in genere dicitur *l. 1. Cod. Iust. de diu. pred.* Curatorum vero Reipublicæ id muneris fuisse ostendit *lex 5. D. de operibus publicis*: vel Curatorum publicorum operum, *l. 2. §. 17. D. ne quid in loco publ. vel itin.*

Ad AUDITORIA Professorum Constantinopoli, Capitolii Porticum exedra a Theodosio Iuniore deportantur: ita quidem, ut si quid his adhuc defit, cœmentis vicinis cellulis id suppleatur.

LIII. (a) Idem AA. (b) & Valentinianus Cæs. Constantio (c) P. V. (d)

EXSEDRAS, quæ Septentrionali videntur (e) adhærere Porticui, in quibus tantum amplitudinis & decoris esse monstratur, ut publicis commodis (f) possint, capacitatis ac pulchritudinis suæ admiratione, sufficere, supradictorum (g) concessibus (h) deputabit. (i) Eas (k) vero, quæ tam Orientali, quam Occidentali lateri copulantur, quas (l) nulla a platea aditus, adque egressus patamen, (m) ipsisque (n) humiliores aliquanto adque angustiores putantur, vicinarum spatia Cellularum ex vtriusque lateris portione oportet adiungi: ne quid aut ministris (o) eorundem locorum defit, aut populis. (p) Sane, si qui memoratas cellulas probabuntur vel Imperatoria largitate, vel quacumque alia donatione, aut emptione legitima, possidere, eos Magnificentia Tua competens pro hisdem de publico pretium iubebit accipere. Dat. III. Kalend. Mart. Constantinop. DN. Theod. A. XI. & Valentiniano Cæs. Coss. [425.]

NOTÆ.

(a) Et hæc lex abest a Cod. Iustin. Iungendaque huic *lex ult. supr. de Stud. liberal. Urbis Romæ vel Constantinopolis.* Item *lex unic. supr. de Profess.* qui in Urb. Constant. quibus titulis hæc lex commodius posita fuisset. **GOTHOFR.**

(b) Inducendum alterum A. ut etiam docet *d. l. ult. & d. l. unic. IDEM.*

(c) Constantio huic P. V. Constantinop. inscribitur quoque *lex ult. Cod. Iustin. de offic. P. V.* ubi editum Constantino. **ID.**

(d) Constantinopolitanæ. Hinc interim replenda Inscriptio *d. l. ult. ID.*

(e) Id est adherent, sic & *d. l. ult. qui videntur intra Capitolii Auditorium constituti*: vid. plura in Gloss. **IDEM.**

(f) An aliis? an magistrationibus & concessibus; *hæc leg. & d. l. ult. ID.*

(g) Professorum seu Magistrorum, *d. l. ult.* absque qua hæc lex imperfectum sensum haberet. Simile exemplum legis imperfectæ *l. 48. supr. de quo in Prolegom. Theodof. ID.*

(h) An concessibus, id est, quo concedunt? An congressibus? Sed malim concessibus. **ID.**

(i) Sublimitas videlicet tua, vel Magnificentia tua: Id enim repetendum cum ex *sine d. l. ultim.* tum ex *sine huius leg. nisi malis, deputabis. ID.*

(k) *γρ. his vero*, exedris scilicet, vel, *Ad eas. ID.*

(l) *γρ. Quæ nullus*, vel *ad quas nullus a platea aditus*, vel *ad quas nullum a platea aditus & egressus patamen.* **IDEM.**

P. 36 (m) *Patamen*, huius seculi vox, pro patente aditu & egressu. Sicut *foramen*, ita *patamen. ID.*

(n) Magistris scilicet vel potius concessibus. **ID.**

(o) Forte scribendum *Magistris. ID.*

(p) *Populis*, id est, discipulis & ad audiendum confluentibus. **ID.**

COMMENTARIVS.

DE AUDITORIIS Professorum Constantinopolitanorum est hæc Theodosii Iun. constitutio, Anno D. 425. Quæ quidem pars est prolixioris Theodosii Iun. constitutionis: qua studiis liberalibus consultum iuit: unde duo adhuc capita supersunt, puta *lex vltim. supr. de Stud. liberal. V. Rom. & Constant.* Imo & *lex vnica supr. de Profess.* qui in *V. Constant. doc.* absque qua lege vltim. foret, nullus satis certus huic legi sensus constaret. Quo argumento liquet, quæ quantaque sit coniungendarum inter se legum utilitas: parte altera, quam multa grauitur ab *huius Codicis* Conditoribus admixta fuerint, quæ peculiari *Prolegomenon* libro collegi. Igitur Theodosius Iun. *Academiæ* Constantinopolitanam bene fundaturus, in Capitolio Constantinopolitano Auditorium Professoribus assignatum iuit: quod etiam indicatur bis d. l. *vtim.* quod quidem Capitolium fuit regione *oſtaua*, vt docet *descriptio Vrbis Constant.* Pariter vt Romæ, in *oſtaua* regione, vbi Umbilicus Romæ erat.

Nominatim vero Auditoria eis assignat *hæc leg.* in porticibus Capitolii, & earum porticum exedris, sub triplici ampliatione: *Primo* quidem, eas quoque exedras, quæ Septentrionali porticui adherent, quamlibet maximæ amplitudinis & decoris, capacitatis ac pulchritudinis, iis assignat, *Secunda* Ampliatio, quod contra exedras Orientali atque Occidentali lateri adherentes, quæque angustiores erant, atque a platea aditum & egressum non habebant, ampliari velit; & (quod *Tertium*) cœmptis a legitimis possessoribus vicinarum cellarum spatii. Qui casus singularis addendus est iis, quibus ob publicam utilitatem privati domos vel officinas suas prædiæque cum aliis locis commutare, vt in *spec. leg. 50. & 51. supr.* vbi dixi: vel pensari privilegio aliquo, vt in *spec. l. i. infr. de Aquaductu*: vel pretio accepto vendere coguntur, & quidem ad Professorum Auditoria in sp. *huius legis*, sicuti & ad Religiosorum domorum incrementa: de quo vide vel *Lotietii arrestum 6. litt. A.* verum de hoc plenius ad *dist. l. 50. supra.*

Et hæc quidem est sententia *huius legis*: quæ vt melius intelligatur, de tribus adhuc videndum est; de Porticibus scilicet, de Exedris, & Cellulis istis. I. *Porticus*, (quarum *hæc leg.* mentio fit,) sex huiusmodi ea Capitolii parte & regionem memorat *Vetus Vrbis Constantinop.* *descriptio*. Ad eundem modum & inter alia *παρεργα* Capitolii Romani variæ Porticus fuere, teste Virgil. *Æneid. VIII. v. 655. 656.* Livio, *lib. 41. cap. 27. fin. 32.* Velleio, *lib. 2. cap. 1.* Tacito, *3. Histor. c. 71.* Suetonio in *Cesare cap. 10.* De quo vide Rycquium de *Capitolio*, *cap. 34.* Cæterum vt Auditorium publicum in Porticibus Capitolii Constantinopoli a Theodosio Iun. additum; ita & Romæ pariter Bibliotheca ad Capitolium addita, de qua Eusebius in *Chronico*, & ex eo Oroſius *lib. 7. cap. 16. in rebus Commodi.* An in Porticibus Capitolii, non est qui exerte dicat. Ibidemque recitationes poematum factæ, Poëtarumque commissiones: de quo idem Rycquius, *cap. 35.* Cuius hic error grauis est, quod hanc legem nostram de Capitolio Vrbis Romæ accepit. Et hæc de porticibus Capitolii.

II. *Exedra* in his Porticibus erant loca seu Diæta, non deambulandi populivæ gratia, vt ipsæ Porticus, vel ipsa mediana in privatis cœnaculis & habitationibus, verum loca prope Porticus ædificata confessus causa, multorum hominum capacia, coire, docere, disputare, audire cupientium. Id enim

sunt *exedra*. Sanè ideo cubicula, & exedrae iunguntur, l. 5. §. 2. *D. de his qui effuderint vel deiecer.* Sed & Strabo *lib. 17. p. 1143. Edition. Almelouen.* de Museo Alexandria, quod huc maxime facit: τὸ Μουσείον ἔχον περίπατον καὶ ἐξέδραν, καὶ οἶκον μέγαν, ἐν ᾧ τὸ συστήτιον τῶν μετεχόντων τῆς Μουσικῆς φιλολόγων ἀνδρῶν: *museum*, quod deambulationem habet, & *exedram* & *maximam domum*, in qua cœnaculum est eorum, qui musei consortes sunt, ac literis humanioribus studium impendunt. Cicero, quod huc pariter maxime facit, *lib. 5. de finib. c. 2. lib. 1. de Natur. Deor. c. 7. & lib. 3. de Orator. c. 5.* nominatim Exedram pro loco, in quo Philosophi disputantes sederent, locoque ad colloquendum, aut meriandum, accepit. Iis quippe locis scribit, Crassum Oratorem in Tusculano, & Cottam Pontificem Romæ exedras habuisse. Sic vt recte nonnulli Exedram scholam interpretentur. In *Glossis* quoque Philoxeni *Ala*, Ἐξέδρα, Ἐίλημα, Σχολή, &c. Pollux idem affirmat esse ἐξέδραν, & πασάδα, *lib. 7. cap. 27. segm. 122. pag. 775. Edit. Hemsterhuis.* πασάδας δὲ ὁ πεισιφῶν, ἀς οἱ νῦν ἐξέδρας, porticus vero Xenophon, quos nunc confessus vocant. & *lib. 9. c. 5. segm. 46. pag. 1009.* ἀνδρώντας, πασάδας, συστήτια, συμπόσια, προεξέδρας, θώκας, seu συνθώκας iungit, & πόλεως μέρος facit. Idem *lib. 1. cap. 8. segm. 79. pag. 51.* λέγεται δὲ καὶ ἀνδρῶν, ἵνα συνίασιν οἱ ἄνδρες: εἴτα ἐξέδρα, ἵνα συγκαθηνται τὸ δὲ συμπόσιον, &c. ἀνδρῶν, quo viri conveniunt, dicitur: deinde exedra seu confessus, vbi confident ad loquendum. *Symposium* vero. &c. Est autem πασὰς cœnaculum: πασὰς enim pro νηφῶν Hesychio. Quæ inde dicta, si fides Polluci *lib. 6. cap. 1. segm. 7. pag. 566.* & Scholiastæ Apollonii, διὰ τὸ ἐν αὐτῇ σιτεῖσθαι ὑμᾶς, εἰναι πάσαδας: etſi alii malunt, ἀπὸ τῆς πάσσειν, quod est, ποικίλλειν, quod opere intestino corlatum, laqueariis & tectorio albarioque opere inducis pictisve & auratis ornata essent. Vnde Hesychio πασάδες διαγεγραμμένοι οἶκοι: & πασεφῶρον ἡ ναὸς εὐανθῆς. Vnde & πασὸς velum variegatum plumario opere, quod thalami siue oeci foribus & sacrae calybae, id est, interiori cellæ obpanſæ erant: vide Pollucem. Vnde & Paphlathium in *Gloss.* Isidori, *Atrium* Templi explicatur, vel *ſisarium*, vbi rescribendum forte *ſisarium*: nam *ſisara* sunt vexilla & vela, de quibus dixi ad *librum 1. Terull. ad Nationes, c. 12.* Verum ad exedras redeamus: Omnium manifestissime Vitruvius eas describit in porticibus, *lib. 5. de Architect. cap. 11. de Palæstrarum ædificatione*: Constituantur, inquit, in tribus porticibus Exedrae spatiosæ, habentes sedes, in quibus Philosophi, Rhetores, reliquique, qui studiis delectantur, sedentes disputare possint. Exedrarum rursum mentio fit apud eundem *lib. 6. cap. 5. & lib. 7. cap. 9.* Interim ex *hæc leg.* & superiore Vitruvii loco liquet, Exedras has Porticibus adhesisse, vel in his fuisse vid. & Iosephum *lib. 1. de bello Iudaico, cap. 16.* vbi agit de Herodis operibus, βιβλῶν δὲ, τεῖχος, ἐξέδρας τὲ καὶ σοὰς ἀνέθηκε, Bibli autem murum, exedras vero & porticus fecit, Quod etiam sequentes Inscriptiones ostendunt, & hæc quidem quæ Tibure visitur in *Corpore Inscription. Gruteri GLXXII. 3.*

C. LVCTIVS. L. F. AVLIAN. Q. PLAVSVRIVS. C. F. VARVS
L. VENTILIVS. L. F. BASSVS. C. OCTAVIVS. C. P. GRAECHIN

III. VIR.

PORTICVS. P. CCLX. ET. EXSEDRA. ET. PRONAON. ITER
ET. PORTICVM. PONE. SCAENAM. LONG. P. CXL
S. C. F. C.

Item altera hæc Romæ LXV. 3.

SILVANO. SANCTO
C. AVSTVRNIVS
MEDICVS. LVDI. GALLIC
PORTIC. ET. EXEDR
ET. SIGN. AEN.
VOTO. SVSCEP
L. M.

Augustinus quoque lib. 22. de Civit. Dei, cap. 8. diserte Exedram lectioni & prædicationi inseruisse, in eaque gradus fuisse, ostendit: *Sequenti die, post sermonem redditum, narrationis eius libellum in crastinum populo recitandum promisi: quod quum ex Dominico Pascha die tertio fieret, in gradibus Exedra, in qua de superiore loquebar loco, feci stare ambos fratres, quum eorum legeretur libellus, &c.* Idemque Augustinus initio libri de Gestis cum Emerito Donatistarum Episcopo; de collatione sua cum illo Casareæ præsentibus Episcopis Provinciæ & plebe; Casareæ, inquit, in Ecclesia maiori, cum Deuterius Episcopus Metropolitanus Casariensis vna cum Alipio, &c. & cæteris Episcopis in exedram processissent, præsentibus Presbyteris, & Diaconis, & universo clero, ac frequentissima plebe; adesset etiam Emeritus partis Donati Episcopus, Augustinus Episcopus Ecclesiæ Catholica dixit, &c. Itaque recte Budæus & Philander notant, Exedras eorum locorum figuram referre, quæ in Cœnobiis seu peristyliis Monacho-

rum aut Canonicorum Capitula dicuntur. Cæterum perflatiles eas fuisse, si non omnes, aliquas certe, Vitruvii testimonio clarum, lib. 7. cap. 9. *Apertis vero, inquit, peristyliis aut exedris, aut cæteris eiusmodi locis, quo Sol & Luna possit splendores & radios immittere, denigratur.* Tandem a Græca origine dictas Exedras patet, nempe a frequentibus ibi sedibus, anaclinteriis, &c. ut ex Vitruvii quoque loco clarum est. Et hæc de Exedris, quas etiam separatas & singulas singulis Professoribus deputari iubet Theodosius Iun. d. l. ultim. supr. de Stud. lib. V. R. cui hæc non tantum coniungenda, verum immediate subiicienda est. III. Cellula hic, & d. l. ultim. sunt domunculæ, habitationes, officinæ (de quibus etiam actum l. 52. supr.) & quidem in specie huius legis, publicis porticibus, cuiusmodi in Monasteriis videmus, eadem voce retenta; ut ostendit Hieronymus in vita Hilarionis ep. 51. pag. 157. Tom. I. Oper. Edit. Francf. apud. Christ. Genssch. & Cassianus lib. 2. de institution. cap. 12. Tom. VII. Bibl. Patr. max. pag. 22. qua singulorum Monachorum claustra significantur; ad quæ ex mediano vel porticu commune Monachis iter est. Qua causa Ennodius quoque lib. 1. epist. 5. Monachos Cellularios vocat.

Cæterum ex hac leg. apparet, huiusmodi Cellulas porticibus publicis adhaerentes, publicas fuisse: & proculdubio exponendis mercibus, vel artibus sellulariis exercendis publice locatas: Et tamen nonnullas ex his processu temporis ab Imperatoribus donatas, venditas.

Ex hac interim quoque lege, iunctisque duabus aliis, quibus ea socianda, venit, apparet, quo quantoque studio Theodosius Iun. Constantinopoli studia, Professoresque amplexus sit: de quo Theodosii studio dixi ad l. unic. supr. de Respons. Prudent.

Postremum notandum, hanc leg. inscribi Constantio P. V. ad quem data est quoque lex ultim. Cod. Iust. de offic. P. V. ubi Constantinus vocatur: ad quem pertinere videntur duo epigrammata, de opere quodam alio Constantinopoli excitato ab eo lib. 4. ἀνθολογ. c. 28. εἰς πόλεις.

DE AQUÆDVCTV.

TITVLVS II.

LIB. XI. COD. IVST. TIT. XLII.

Omnes huius tituli constitutiones extant etiam post Frontini librum de Aquæductibus.

PARATITLON.

AQUÆDVCTVS Rubr. & l. 2. 6. hoc tit. & l. 23. 36. supr. de Operibus publicis: l. 29. 30. supr. de Prætor. seu Aquæductus publici, l. 4. b. t. dicuntur & Aquarum ductus, l. 1. b. t. Formæ, l. 1. 8. 9. hoc tit. & l. 3. supr. de calc. coctor. Urb. Rom. Formarum meatus, d. l. 1. b. t. Aquarum meatus, l. 8. inter opera publica erant d. l. 23. 36. supr. de oper. pub. quæ ratio est, cur hic titulus superiori cohæreat. Dicuntur & Aquarum ductus; Aquæductuum partes hæc hoc titulo memorantur; Fistulæ, Matrices l. 5. b. t. Castella, l. 5. 6. b. t. seu Conceptacula, l. 2. b. t. sicut ipsius aquæ Moduli Aquarum, Obolus, l. 2. hoc tit. Vnciæ,

Vnciæ, *l. 3. h. t. & l. ultim. h. t.* Fistulæ adpotæ, *l. 2. h. t.* Huiusmodi aquæductus erant Romæ, *l. 1. 5. 8. 9. h. t.* & in his nominatim Augusta forma, *d. l. 8. h. t.* & Claudia, *l. 9. seu ult. h. t.* Constantinopoli, *l. 3. 4. 6. hoc tit. l. 29. 30. supr. de Prætor.* (in his Theodosiacus Aquæductus, *d. l. 29. 30.*) Item in Daphnenfi Palatio vsum aquæ præstans, *l. 2. hoc tit.* Urbis Antiochenæ, *l. 7. hoc tit. & l. 36. supr. de Operibus publicis.* Item per Diœcesim Orientis, *d. l. 36. supr. de Operibus publicis,* qui quidem per Priuatorum possessiones & fines quandoque ducebantur, *l. 1. hoc tit.* De Fabrica, & Reparatione & Tutela aquæductuum notanda sunt sequentia.

1. Impensas quandoque a Prætoribus in ludos antea fieri solitas, fabricæ aquæductuum destinatas: *d. l. 29. & 30. supr. de Prætor.*
2. Operas aliquando ad id omnes conferre coactos, *l. 23. supr. de Operib. publ.*
3. Quandoque reparationem sumptu publico penitus factam, *l. 8. h. t.*
4. Refectioni aquæductuum Romæ, & pecuniam seu argentum reconditum fuisse; quæ *formarum condita*, Symmach. *lib. 10. ep. 33.* de quibus ad *l. 3. supr. de calc. coct. 1500.* onera calcis, & sic dimidiam partem præstationis calcarie annuam, deputatam, quæ ab Italiæ Regionibus præstabatur, *d. l. 3. supr. de calcis coct. vnde Cespes Formensis, in Nouell. Valent. 40. de Pantapol.*
- P. 328 5. Quandoque materiam aliunde ex demolitione templorum deputatam, *l. 36. supr. de Operib. publ.*
6. Repurgandis illis obnoxios fuisse eos, per quorum fines transibant, *l. 1. hoc tit.* qui ideo ab extraordinariis oneribus immunes erant; *d. l. 1. hoc tit.*
7. Ne arborum radices eos corrumperent, dextra læuaque de ipsis formis, 15. pedibus nonnisi intermissis, arbores haberi potuisse, *d. l. 1. h. t.*
8. Horum publicorum Aquæductuum curam, custodiam, tutelam pertinuisse ad Præfectum Prætorio, *l. 8. h. t.* Romæ ad Præfectum Vrbi, *l. 3. 4. 5. 6. 9. h. t.* ad peculiarem Consularem Aquarum, *l. 1. hoc tit. & l. 1. supr. de diuers. offic.* eorumque officia, *l. 1. & l. ultim. hoc tit. & d. l. 1. supr. de diuers. offic.* Aquæductuum ad Palatia Principis pertinentium, ad Comitem R. P. *l. 2. h. t.*

De *Modo vtendi* Aquæ ductibus publicis, aduersus fraudes, vitiaque, vt loquitur Frontinus, & licentiam priuatorum, hæc constituuntur. Aquam deriuare, *l. 4. 6. 8. hoc tit.* seu elicere, *l. 5. h. t.* ad domos non licuisse, nisi ex licentia, *l. 7. h. t.* seu Principis Concessione, *l. 2. 3. 5. 6. 8. h. t.* seu Imperiali largitate, *l. 2. h. t.* per Principis indulta, *l. 5. h. t.* Iure BENEFICII (quæ vox huic rei propria est) *l. 6. h. t.* ex rescripto, *l. 8. h. t.* Secundo, neque in agros deriuare licuisse, *l. 4. 7. h. t.* Tertio, neque maiore quantitate vsurpare, quam fuerat concessum, *l. 2. 3. 6. 7. h. t.* admotis forte maioribus fistulis, *l. 2. h. t.* Quarto, non fistularum, quas matrices vocant, soliditate attentata, *l. 5. hoc tit.* Quinto, non ex aquæductu, *l. 6. h. t.* verum ex castellis, *l. 5. 6. h. t.* seu ex conceptaculo, *l. 2. h. t.* & ex formis ipsis, *d. l. 5. h. t.* Quandoque etiam vetitum quamlibet ex Rescripto aquam ex Aquæductu vsurpare: vt in spec. *l. 8. & 9. h. t.*

De *Tvitione* Aquæductuum a sordibus & arboribus, deque possessorum, per quorum prædia illi transeunt, in id officio, & ideo immunitate.

I. (a) Imp. Constantinus A. ad Maximilianum (b) Conf. (c)

AQVAVM possessores, per quorum fines (d) formarum (e) meatus transeunt, ab
Tom. V. Aaa extraor-

extraordinariis oneribus (f.) volumus esse immunes: ut eorum opera aquarum ductus sordibus obpleti mudentur: nec ad aliud superindictæ (g) rei onus hisdem possessoribus adtinendis, ne circa res alias occupati repurgium (h) formarum facere non occurrant. (i) Quod si neglexerint, amissione possessionum multabuntur: Nam fiscus eius prædium obtinebit, cuius negligentia perniciem formæ congefserit. Præterea scire eos oportet, per quorum prædia ductus (k) com meat, (l) ut dextra læuaque de (m) ipsis formis quindecim pedibus intermissis arbores habeant: Obseruante Tuo Officio, (n) ut si quo tempore pululauerint, excidantur, nec (o) earum radices fabricam formæ conrumpant. Dat. XV. Kal. Iun. Gallicano & Symmacho Coss. [330.]

N O T Æ.

(a) *Lex 1. Cod. Inst. eod. tit. GOTHOF.*

(b) An idem ille, qui *Maximilianus Macrobius* dicitur, cuius inscribitur *lex 2. supr. de emendat. seru.* Sed & *Julius Maximilianus Comes* memoratur in *peteri Inscriptione*, quæ in Cælio monte Romæ, quam ipse in gratiam Helenæ matris Constantini, Auæ Constantis & Constantii, fecit. Extat ea in *Corporis Inscriptionum Gruteri CCLXXXIV. 1. IDEM.*

(c) Id est Consularem, & quidem *Aquarum*, mox ut ostendam: retracta voce *Aquarum* ab initio *leg.* ad hanc *Inscriptionem. ID.*

(d) *Fines*, id est, fundos, ut *Interpretes*, & *infr.* vel ut ipse malo *prædia*, terras, *l. 51. supr. de Operib. publ.* per extremos fines fundorum, ibi enim potius & humanius ducti aquæductus. *ID.*

(e) *Formæ* hic, & *l. 8. 9. infr. & l. 3. supr. de calc. coctov.* & apud *Frontinum*, *Sidonium lib. 1. epist. 5.* *Symmachum lib. 10. epist. 33.* & in *Auctario epist. 12.* *Cassiodorum*, aliosque Recentiores, sunt *Aquæductus*. Vnde & *Comes Formarum* apud *Cassiodorum lib. VII. Var. 6. & Notit. Imper. Romani fol. 118. ID.*

(f) *Muneribus* in nonnullis *Frontini* libris. *ID.*

(g) Cuiuscunque *superindicti. ID.*

(h) *Repurgium*, ait *lex*; pariter ut *Ambrosius in Theodos. Ep. 17. p. 213. Tom. V. Oper. Edit. Paris 1614.* *Non audisti Imp. quia cum iussisset Iulianus reparari Templum Hierosolymis, quod diuino, qui faciebant repurgium, igne cremarint. ID.*

(i) *Non curent*, ita *Cod. Inst.* non ita proprie, de quo mox. *ID.*

(k) *Aquæductus*, *Cod. Inst.* quod idem. *ID.*

(l) Vel *Com meat*, etli illud quoque rectum est. *ID.*

(m) *Ex*, *Cod. Inst.* minus recte: rectius, *de*, id est, ab ipsis formis. *ID.*

(n) Officium Consularis *Aquarum* obserua, cuius mentio quoque fit *d. l. 1. de diuers. offic. supr.* ubi dixi. In *Cod. Inst.* hoc immutatum, in *officio Iudicis*: ut ita *hæc lex* generalis efficeretur. *ID.*

(o) An *Ne?* Illud recte sustineri potest. *ID.*

C O M M E N T A R I V S.

DE TUITIONE *Aquarum* & *Aquæductuum* est hæc Constantini M. constitutio Anno D. 330. Et quidem, si mens non male augurat, de tuitiione *Aquæductuum Constantinopolitanorum*, Hoc enim ipso mense Maio Constantinopolis dedicata fuit, eodemque mense etiam apertum lauacrum Zeuxippi (de quo lauacro superiore titulo actum fuit) ut testatur Auctor Chronici Alexandrini pag. 664. 665. Edit. Rader. De Tuitiione, inquam, *Aquæductuum*, tum a sordibus, tum & a confinio rerum noxiarum: quod utique ad Consularem *Aquarum* pertinet: non vero de tuitiione, seu fartis tectis formarum ipsarum, cui rei etiam *Comes formarum* specialis aliquando Romæ destinatus fuit, ideo *lex* hæc Consulari *Aquarum* inscribitur: vox enim *Aquarum* (quod *Pancirólus* quoque iam recte indicauit, in *Consulari Aquarum*, in *Notitia*, fol. 122.) retrahenda est ad inscriptionem *legis*, & ita legendum: *Ad Maximilianum Consularem Aquarum*: Mox initium *legis* a voce, *Possessores*, deducendum: Nullus alioquin, imo falsissimus sen-

sus hinc eliciatur, si legamus, *Aquarum possesores*. Neque enim Priuati ulli publicorum *Aquæductuum* possesores sunt, sed ut mox subiicitur, *per possessorum fines formarum meatus*, id est *Aquæductus*, *transiunt*. Vnde hoc metu *Interpretes*, *Aquarum possesores* hic ridicule interpretantur fundorum possesores, per quos aqua labitur. Et sane *Maximilianum*, cui hæc *lex* inscribitur, *Consularem Aquarum* fuisse, & *lex* integra ostendit, & illa nominatim verba *fin. leg. Obseruante tuo Officio*, &c. Consulari alioquin *Aquarum* inscripta est & altera *huius Cod. lex 1. supr. de diuers. offic.* & quidem eiusdem Constantini M. ubi pariter officii Consularis *Aquarum* mentio fit. Meminit etiam *Notitia Imperii Consularis Aquarum fol. 118.* quin & duæ *Inscriptiones* de *Consulari Aquarum* extant apud *Gruterum LIV. 6. & CCCCLIX. 7.* Similes vero errores vocum perperam alibi positarum, ad initium vero *legis* retrahendarum, plures suo capite in *Prolegomenis* obseruamus: vide interea *leg. 1. supr. de bon. uicant.* Ergo Consularis *Aquarum* hoc quo Con-

Constantinopoli fuit. Romæ enim iam olim Curatores præerant: de quibus vid. Frontinum *Aquæducti*, articul. 97. pag. 170. seqq. Edit. Poleni: ubi omnes Curatores qui ad se usque fuerunt, adnumerat.

Antequam vero hanc legem illustro, illud ex ipsa præsupponendum est, priuatorum fines seu prædia occupata ad Aquæductus publicos: qui casus addendus est aliis, quibus priuatorum loca occupari possunt Reipubl. ergo: quo in argumento versantur tres præterea leges, puta *lex 50. 51. & lex ultim. supr. de operib. publ.* ad quas vide quæ dixi. Qua parte tamen Romanorum æquitas admirabilis notanda, quam Frontinus de *Aquæducti*, articul. 128. p. 216. Edit. Polen. notat, qui ne ea quidem eripere priuatis, quæ ad modum publicum pertinebant; sed cum aquas perducerent, si difficultior possessor in parte vendenda fuerat, pro toto agro pecuniam intulerunt, & post determinata necessaria loca, rursus eum agrum vendiderunt, ut in suis finibus proprium ius tam Res publica, quam priuata haberent. Sic & ex agris priuatorum, terram, limum, lapidem, testam, arenam, ligna, cæteraque quibus ad eam rem (ad Aquæductum inquam) opus esset, vnde quæque eorum proxime sine iniuria priuatorum tolli, sumi, portari poterant, viri boni arbitratu æstimata, dari debebant, tollique poterant, sumi, exportari. Quin & ad eas res omnes exportandas, earumque rerum reficiendarum causa, quoties opus esset, per agros priuatorum, sine iniuria eorum, itinera, actus patere, darique iussit Senatusconsulto sub Augusto: quod memorat Frontinus de *Aquæductibus*, articul. 125. pag. 211. Edit. Polen. Nunc ad sententiam huius legis.

Duo sunt huius leg. capita de Aquæductuum tuitione. Primum est de Tuitione Aquæductuum a sordibus, seu de REPURGIO aquarum a sordibus: de quo tria constituuntur: Primo definitur, Possessoribus, per quorum fines seu prædia Aquæductus transeunt, Repurgium aquarum seu Formarum incumbere, id est, onus mundandorum Aquæductuum sordibus oppletorum; quod & ipsum testantur Mago & Vegoia inter Auctores de limitibus, p. 263. Edit. Rigalt. & pag. 257. Edit. Gues. loco, quem mox consignabo. Secundo, Poena prædii confiscandi imponitur possessoribus id negligentibus. Tandem (& quod initio leg. proponitur) immunitas his inuicem ab extraordinariis oneribus seu superindictionibus tribuitur: Ne (vt eleganter adiicitur) circa res alias occupati, repurgium formarum facere non occurrant. Seu vt Valentinianus Iun. Nouell. inter Theodosianas 40. in fin. vt propitius deuotionem solite functionis agnoscant. Sic & Aquarii seu aquarum Custodes ὑδροφύλακες ab extraordinariis muneribus immunes erant, l. 10. C. I. eod. tit. At vero lex, Non occurrant, in tempore scilicet, quam elegantiam sustulit in Cod. Iust. Tribonianus: occurrendi enim vox hæc in re propria: quale illud, Satius in tempore occurrere, quam post causam vulneratam remedium querere; aliaque plurima similia. Item illud; Postice occurrite Sanna. Aquæductuum fauor hic est, vt quos repurgandorum eorum opera spectat, ii extraordinariis oneribus non auocentur. Hinc & leuiora tributa propter hoc eos persoluissè Mago pariter, loco, quem antea pollicitus sum, testatur: Aquarum ductus, inquit, per medias possessiones diriguntur, quæ a possessoribus ipsi vice temporum repurgantur: propter quod & leuia tributa persoluant. Et hæc quidem ita hæc leg. constituuntur, ac nominatim de Repurgio Aquæductuum, cuius onus incumbat possessoribus prædiorum, per quæ Aquæductus transibat. Alioquin & olim iam in ipsa Vrbe Roma, & circa eam, a domorum & agrorum possessoribus, pro Aquæductu, seu ob formam

Tom. V.

Aquæductus, quæ infra domum, vel per agrum transibat, pensatio quædam annua præstabitur, vt docet l. 27. §. 3. D. de usufruct. & l. 41. D. de action. empt. itemque Vitruuius lib. 8. cap. 7. Et Frontinus de *Aquæductibus*, articul. 118. pag. 203. Edit. Polen. Commoda publica familia ex arario dantur, quod impendium exoneratur vestigalium redditu ad ius aquarum pertinentium: Ea constat ex hortis, edificis: quæ sunt circa ductus, aut castella, aut mœna, aut lacus: quem redditum prope sestertiorum CCL. [al. CC.] millium salientem ac vagum, proximis vero temporibus in Domitiani loculos versum, iustitia Diui Nereæ populo restituit, nostra sedulitas ad certam regulam redegit, vt constaret, quæ essent ad hoc vestigal pertinentia loca. Atque hoc est etiam illud proculdubio, quod voluit Valentinianus, d. Nou. inter Theod. de Panapolis, 40. cum Cespium Formensem, calcarium & Vesturarium ab extraordinaria Tironum collatione, & ab exoluendis septem solidis per millenas indictis, immunem præstat. Illud quoque, inquit, pro iuendo statu veneranda vrbs decernimus, vt a collatione tironum, & ab exoluendis septem solidis per millenas nuper indictis, cespes Formensis, Atrinsis, Calcarius & Vesturarius habeatur immunis, vt propitius deuotionem solite functionis agnoscant. Nempe vt Calcarius & Vesturarius cespes, ibi est ager qui obnoxius erat functioni calcis & vecturæ, vt docet lex l. 2. & 3. supr. de calc. collector. ita Formensis est, qui functioni Formarum Aquæductuum erat obnoxius. Quorum formarum etiam, vt antea dixi, specialis Comes erat, vt ex Notitia & Cassiodoro liquet. De Atrinsis cespite, quisnam is fuerit, non liquet: nisi Atriensem (quod mihi succurrit) quis putet, cloacario obnoxium, immunditiarum videlicet faciei & impuriore spiritui, causisque grauioris cœli, quibus infamis AER fit, removendis: Nam & ita in Notitia Imperii coniunguntur, Comes formarum, & Comes riparum, alui Tiberis, & Cloacarum: iteinque in d. l. 27. §. 3. coniunctim agitur de fundis cloacarum debentibus, & ob formam aquæductus aliquid pendebantibus. Si quid, inquit, Cloacarii nomine debeatur, vel si quid ob formam Aquæductus, quæ per agrum transit, pendatur: sed & si quid ad collationem viæ, puto hoc quoque fructuarium subituum. Ergo & quod ob transitum exercitus confertur ex fructibus. Sane & ita deprecior dictum, tributum ipsum, quod pro aëre impositum agris: Cuius mentio apud Cedrenum in rebus Michaël. Paphlagon. Tom. II. Oper. pag. 742. Edit. Reg. Leonem Tactic. cap. 20. §. 71. & Harmenopolium lib. 1. t. 4. Procopium hist. arcan. cap. 21. de quo deprecior consule Cujac. X. Obseru. 7.

Alterum huius leg. caput est de CONFINIO rerum Aquis & aquæductibus noxio amoliendo: atque adeo de SPATIO arboribus vacuo ab Aquæductibus relinquendo: quo pertinent duæ præterea Cod. Iust. constitutiones: vna Theodosii Iun. l. 6. Cod. eod. Zenonis altera: l. 10. Cod. eod. Nempe & antiquis constitutionibus interdictum, ne iuxta aquæductus qualescunque arbores plantarentur, ne alioquin arborum radices fabricam formæ corrumpèrent: quod etiam docet Frontinus: seu vt Zeno ait d. l. 10. Cod. Iust. eod. tit. Ne ex stirpibus labefactentur parietes Aquæductuum. In simili Cassiodorus II. Var. 39. Virginita quoque noxia importunitate nascens, euulsis stirpibus auferantur, ne RADICVM quidam capilli paulatim turgentes fabricarum visceribus inferantur, & more vipereo prolem sibi fecunditate contraria nutriet, vnde se compago casura dirumpat. In eadem vero incunire, formarum, inquam, Vrbs Romæ reparatio, idem lib. VII. in formula Conitius formarum Vrbs 6. quem locum iam Lucas de Penna hic laudauit: In primis noxias arbores, quæ inferunt fabri-

Aaa 2

CARUM

carum ruinas, dum sunt quidam maxium importabiles arbores, censum radicibus amputari: quia nulla lasio remouetur, cuius origo non tollitur. Imo & lib. V. epist. 38. Theodoricus Rex vniuersos possessores admonet vt de forma Rauennate arbores, imo virgulta amputentur: vbi inter alia, egregie illud: Nam qua nunc virgulta sunt, erunt si negligantur & robora. Ac nominatim quindecim pedum spatium dextra læuæque vacuum relinqui iussu, vt hac leg. ita iure antiquo seu SC. quod memorat Frontinus lib. de Aqueduct. circa fin. vbi & hanc rationem pramittit: Arbores, inquit, magis no-

cent, quarum radicibus & concamerationes & latera soluantur. Quamquam Theodosii Iun. constitutione, d. l. 6. Cod. I. eod. tit. decempedale tantum spatium constituitur a sulco publico aquarum. Quam legem cum hac frustra aliter conciliant Interpretes nonnulli.

Datur præterea hac leg. negotium Officialibus Consularis aquarum (de quo ante dixi) vt arbores, si quæ pullulauerint intra id spatium, excidantur. Quod negotium pariter datum Curatoribus Aquarum eo SC. quod memorat Frontinus.

De DAPHNENSIS Aquæductu, modoque aquæ quem exinde priuatis ducere liceret: Valentis lex.

II. (a) Imppp. Valentinianus, VALENS, & Gratianus AAA. Fortunaciano Com. R. P. (b)

AQVÆDVCTVS, qui Daphnensi Palatio (c) vsum aquæ præstat, quorundam auiditate (d) tenuatur, adpotis (e) maioribus fistulis, quam ex Imperiali largitate meruerunt: Consensu igitur omnium in tribus locis conceptacula reparentur: & Singulorum nomina, Modusque seruandus, tabulis adscribatur, & si vltra licitum aliquem vsurpare confiterit, per singulos obolos, (f) libræ vnius auri dispendiis ingrauetur. (g) Et si sacri tenore Rescribi aliquis certum modum aquæ meruisse noscetur, non prius eidem accipiendi potestas aliquatenus (h) tribuatur, nisi adito Rectore (i) ex ipso conceptaculo quantitatem quam meruit possit adipisci. Dat. (k) III. Kal. Nou. Antiochiæ, Valentiniano NB. P. & Victore Coss. [369.]

NOTÆ.

(a) Absit hæc constitutio a Cod. Iustin. GOTHOFR.

(b) Per Orientem. Fortunatiano inscribitur hoc ipso Anno lex 5. supr. de Metallis: & Anno 365. vel 368. lex 2. supr. de Tironib. vt & Anno 377. l. 3. supr. de fisci debitor. Meminit eius Ammianus Marcellinus initio lib. 29. cap. 1. in gestis Anni proximi 370. vbi & molestum Flagitorem vocat: Zosimus lib. 4. cap. 14. IDEM.

(c) De Palatiis vid. Paratilon plenissimum, sit. supr. ne quis in Palat. maneat. lib. 7. tit. 10. ID.

(d) Auida cupiditas, l. 6. infr. ID.

(e) Putet aliquis restituendum, admotis, vel adpositis: sed adpotis, rectum est. Adpotis, id est, ad potandum admotis: Plautus Rudente Actu 2. sc. 7. v. 8. si probe adpotus siem. Igitur Adpotis pro adpotatis, vt in epist. Alexandri ad Aristotelem: Sic & Vasa potoria, vulgo potatoria; sic & epotum, pro epotatum: Iuuenal. Sat. X. v. 177.

————— Epotaque flumina Medo.

Pollio in Claudio, c. 6. Epota flumina consumptasque syluas. ID.

(f) Aquæ. ID.

(g) Id est grauetur, feriat. ID.

(h) Vilo modo. ID.

(i) Consularem Syriæ intelligit, qui Antiochiæ. ID.

(k) An Data, pro Accepta, vel Reddita vel Proposita? Sequente enim demum Anno 370. Valentem Antiochiæ hiemasse, testatur Ammian. lib. 29. c. 1. & Zosim. lib. 4. c. 13. Vt sic proposita fuerit hæc lex Antiochiæ, vtpote quæ ad eius suburbanum Daphnense spectet, & ipsa ideo Epidaphne cognominata. ID.

DE DAPHNENSIS Aquæductu prope Antiochiam, (Palatio scilicet Daphnensi seruien-

te,) est hæc Valentis Imp. constitutio, data Anno D. 369. qua consulit EROGATIONI seu iustæ IMPE-

IMPETRATIONI aquæ ex Aquæductu illo ducendæ, contra priuatorum vsurpationem: ne aliquin suis aquis Palatium illud defraudetur. Qui idem scopus est omnium sequentium huius tit. legum. Ita quidem etiam, vt lex 7. ad Aquæductus Antiochenæ Vrbis prope Daphnem pertineat. Quandoquidem ea lex inscribitur, Comiti Orientis, cuius vtique sedes, Antiochia erat. Ceteræ huius tit. leges pertinent ad Aquæductus publicos seu vrbanos Vrbis Constantinopolitanæ, puta lex 3. 4. 6. & Vrbis Romæ, nempe lex 5. 8. 9. seu vltim. quæ etiam leges ideo Præfedis Vrbis pleræque inscribuntur. Atenim hæc inscripta est Comiti Rerum priuatarum: quia & in ea agitur de Aquæductu ad rem priuatam Principis spectante, Palatii videlicet Daphnensis; pariter vt l. 12. sup. de iure fisci: quæ & ipsa est de luco Daphnensi. Vnde iam obseruandum ad Comitis R. P. curam & dispositionem pertinuisse Palatium Daphnense, & aquæductum Daphnensem.

Porro quantam iustæ erogationis ex Aquæductibus publicis curam Veteres habuerint, in vniuersum docet Frontini liber de Aquæductibus, qui sub Traiano Imp. scribebat, & vt iuste patrimonium quodammodo aquæ erogaretur: de quo etiam seqq. legibus. Sed hæc parem quoque habitam rationem Aquæductuum rei priuatae ostendit. Quem in finem Sex hæc leg. constituuntur. Primo *Fistulas*, de quibus plene Frontinus, maiores non esse admouendas, quam a Principe impetratæ fuerint, de quo mox. Secundo, *Conceptacula* aquarum in tribus locis reparanda. Tercio *Tabulis* publicis adscribendum modum aquæ cuique concessum. Quarto, *Modum* sibi concessum excedentem, in singulos aquæ obolos vna auri libra multandum. Quinto, *Reſtori* seu *Confulari* Syriæ insinuandum esse Rescriptum aquæ concessionis (ex l. 5. & vltim. Cod. Iust. eod. tit. insinuandum Præfecto P.) Sexto, ex ipso conceptaculo aquam ducendam; In quo multa obseruanda sunt.

Ante omnia de Palatio Daphnensi videndum est. Eius multa apud Veteres mentio, quod sane erat in suburbio Antiochenſi, quod *Daphne* vocabatur: sic quidem Vt ipsa Antiochia, κατὰ διασολὴν ad aliarum Antiochiarum discrimen *Epidaphne* dicatur a Strabone lib. 16. pag. 1087. Edit. *Almelouen*. & Plinio lib. 5. c. 21. Quinimo & Laodicea apud Epiphanium loco infra citat. vtpote quod Daphne inter Antiochiam & Laodiceam media iaceret, mox vt dicam. Huius suburbani meminit quoque Ammianus Marcellinus libro 19. c. 12. Apud Daphnen (inquit) amœnum illud & ambitiosum Antiochiæ suburbanum, &c. Stephanus: Δάφνη προάσειον ἐπιστημότατον τῆς ἐν Ἀντιοχείας μητροπόλεως. *Daphne*, suburbium celeberrimum metropoleos Antiochiæ in oriente. De eo multa quoque mentio apud Strabonem lib. 16. pag. 1087. seqq. Edit. *Almelouen*. Dionem Cassium lib. 51. pag. 447. Edit. *Leonclau*. Capitolinum in Marco Antonino cap. 8. Zosimum, lib. 1. cap. 52. Eusebium, *Chronico*. Eutropium, lib. 6. c. 14. Sextum Rufum, in *Breuiario*: Chrysoſtom. homil. 17. ad populum Antiochen. de statuis pag. 178. Tom. II. Oper. Edit. *Benedictin*. Sozomenus, lib. 5. cap. 19. in Itinerario Burdegalsi, Itinerario Peutingeriano, apud Ammianum lib. 22. cap. 13. Socratem, lib. 3. cap. 18. Theodoretum, lib. 3. cap. 10. & 11. apud Libanium, in *Monodia*, & in *Antiochico*, pluribus p. 380. 381. Edit. *Morell*, & in *epistolis*. Locus quinque millibus passuum distabat ab Vrbe Antiochia, atque is amœnissimus, aquis irriguis & luco cupressis obſitus, quod etiam ostendit tit. Cod. Iust. de cupress. ex luco Daph. non excid. & Libanius de vita sua pag. 68. Edit. *Morell*. Eodemque pertinet lex 12. sup. de iur. fisci, quæ & ipsa Comiti Rerum

priuatarum inscribitur: de quo iam supra. Id etiam pictura *Itiner. Peutinger*. ostendit, & præter alios testatur Sozomenus, lib. 5. cap. 19. & Libanius *Antiochico*, p. 380. 381. Edit. *Morell*. Fuit autem in eo inter alia amplissimum Apollinis sanum, cuius mentio apud Strabonem lib. 16. p. 1090. Edit. *Almelouen*. & Libanium d. p. 380. de cuius conflagratione agit Libanius, singulari eam in rem *Monodia*: Ammianus Marcellinus lib. 22. c. 13. Sozomenus, lib. 5. cap. 20. Socrates, lib. 3. cap. 18. Theodoretus, lib. 3. cap. 10. & 11. Ipsa igitur amœnitate loci inuitante, conciliante, Imp. Romani Palatium ibi habuere, vt ex hac leg. constat, & Itinerario Burdegalsi pag. 581. Edit. *Wesseling*. vbi locus hic non aliter designatur, quam his verbis, *Palatium Daphne*; (quod quidem Itinerarium conscriptum est sub Constantino M. Dalmatio & Zenophilo Cons. Anno 333.) Eiusque meminit & Georgius Bassus *Geoponicor.* 11. cap. 3. Aquis vero cummaxime irriguis Daphne amœnissima fuit, Strabone, Eutropio, Sozomeno, Procopio testibus. Quod Libanius in *Antiochico* pluribus pag. 381. Edit. *Morell*. exequitur: & Chrysoſtomus d. hom. 17. pag. 178. Tom. II. Oper. Edit. *Benedictin*. ὅταν ἐθελῆς (inquit) τῆς πόλεως (Ἀντιοχείας) εἰπεῖν ἐγκώμιον, μὴ μὲν τὴν Δάφνην εἰπὴς τὸ προάσειον, μηδὲ τὸ πλῆθος καὶ μῆκος τῶν κυπαρίσσεων, μηδὲ τὰς πηγὰς τῶν ἰδμάτων, &c. cum vis ciuitatis laudem efferre, ne mihi Daphnem suburbanam dicas, nec altitudinem cupressorum, & multitudinem, nec aquarum fontes. Denique ad luxuriam prope factus hic locus & lucus. Inde in *epist.* D. Marci ad Præfectum suum apud Vulcatium Gallicanum in *Auidio Cassio*, c. 5. mores Daphnitæ, seu mores Daphnitæ, pro diffuentibus & luxuriosis. *Auidio Cassio*, inquit, legiones Syriacas dedi diffuentes luxuria, & Daphnitæ moribus agentes, quas totas excaletantes se reperisse *Cassianus Vellileianus* scripsit: Et mox c. 6. de eodem *Auidio Cassio* luxuriæ infecto: Statim, inquit, ad signa edici iussit, & programma in parietibus fixit, vt si quis cinctus inueniretur apud Daphnem, discinctus rediret. Sed & Capitolinus, in Marco Antonino, cap. 8. Et Verus quidem, posteaquam in Syriam venit, in deliciis apud Antiochiam & Daphnem vixit, armisque se gladiatoris & venatibus exercuit, quum per Legatos bellum Parthicum gerens, Imperator appellatus esset; quum Marcus horis omnibus Reipub. aſſibus incubaret, patienterque, delicias fratris, & prope iniuit ac nolens firret. Idem Capitolinus in vita Veri c. 7. Antiochiam posteaquam venit, se luxuriæ dedit, egit hyemem Laodicea, æſtatem apud Daphnen, reliquam partem Antiochiæ.

Obiterque notandum, huius loci occasione, sicut Antiochia *Epidaphne* ad aliarum Antiochiarum discrimen dicta fuit, ita & Laodiceam Cœle-Syriæ, ab eodem luco κατὰ διασολὴν ad aliarum Laodicearum discrimen designatam: nempe Daphne lucus inter Antiochiam & Laodiceam interiacebat. Epiphanius *heresi Semiarianorum* 73. num. 1. pag. 845. Tom. I. Oper. Edit. Colon. apud Ierem. Schrey. καὶ Γεώργιον ὁ Λαοδικείας, τῆς πρὸς Ἀντιοχείαν Δάφνης ἡγὺν Κοίλης Συρίας, & Georgius Laodicea, & Daphnes ad Antiochiam, hoc est Cœle-Syriæ. Nempe inter Laodiceam & Antiochiam ad Orontem interiecta fuit Daphne. *Epidaphnen* quoque ab Antiochia separat Tacitus *Annal.* lib. 2. cap. 83. Germanico, inquit, sepulchrum Antiochiæ constitutum, vbi crematus: tribunal *Epidaphne*, quo in loco vitam finierat. Et sic *Epidaphne* dicta, tam quæ supra, quam quæ infra Daphnen sitis erat. Denique quod in Italia erant Baia, ad Alexandriam Canopus, id erat in Syria multo magis Daphne: locus ita infamis voluptatibus, vt

P. 332 Chrysostomus libro in S. Babylon, contra Iulianum & gentiles cap. 12. pag. 555. 556. Tom. II. Oper. Ed. Benedicim. scribat, inaccessum modestioribus & frugibus, ὁ βασιλεὺς εἰς τοὺς σπεννοτέροις, καὶ ἐπιεικῶς βολομένοις βιδόν: quem locum imitatus est etiam Sozomenus hist. eccles. lib. 5. cap. 19. Vnde natum illud, de quo supra, Daphnicis moribus agere. Sed ut dixi, cum omnia ibi ad amoenitatem essent comparata, duo imprimis in admirationem & amorem cunctos rapiebant, arborum umbriferarum, & optimarum aquarum copia, ὕδατων πηγαί. Hodie locus hic dicitur Nero, propter aquarum scaturigines, ut linguarum Orientalium periti notant. Ita & Græcis hodie Nero est aqua. *)

Hinc iam igitur, ne Aquæductus ille Daphnensis Palatio usum Aquæ præstans, priuatorum usurpationibus tenuaretur, hac leg. occurrendum Valens Imp. putauit: Nam & Priuati multi suas & eximias domos habuere apud Daphnem: cuiusmodi αἰκίαν λαμπράν τε καὶ μεγάλην ἐν Δάφνῃ ab Olympio constructam porticibus & fontibus illustrem, τῇ τῶν σοῶν καὶ κρητῶν ὥρα, memorat Libanius epist. ad Lyfimachum 564. in Cod. Regio, quæ in Edit. Wolffii est ep. 574. Hinc igitur Priuati modum aliquem aquæ exinde, ex Aquæductibus inquam Daphnensibus a Principibus impetrare soliti: sic tamen ut auiditate sua modum concessæ aquæ excederent: & quidem nominatim; quod hac leg. dicitur adpositis vel admotis maioribus fistulis. Quam fraudem memorat & Frontinus de Aquæductibus artic. 112. p. 196. Edit. Poleni. In quibusdam, inquit, cum calices legitimæ mensuræ signati essent, statim amplioris moduli fistula subiectæ fuerunt: vnde acciderat ut aqua non per legitimum spatium cōuerteretur, sed per breues angustias expressa, facile laxiorem in proximo fistulam impleret. Ideoque illud adhuc quoties signatur calix, diligentia adiiciendum est, ut fistula quoque proxima per spatium quod SC. comprehensum diximus, signentur. Quare sedulo cautum, quod & hac leg. cauetur, ne fraus ea in re admitteretur, maioribus fistulis admotis: quod cautum & eo Senatusconsulto, quod memorat Frontinus p. 191. NE CUI EORVM, QUIBUS AQUA DARETUR PVBLICA, IVS ESSET INTRA QVINQVAGINTA PEDES EVS CASTELLI, EX QVO AQVAM DVCKERENT, LAXIOREM FISTVLAM SVBIICERE, QVAM QVINARIAM. Et Frontinus ipse; sed neque statim ab hoc liberum subiiciendi quatenusque plumbeam fistulam permittat arbitrium: verum eiusdem luminis, quo calix signatus est, eundem per pedes L. prope det. Modi igitur, seu media aduersus hoc vitium seu fraudem, hæc ponuntur.

Primum est, quod a Principe solo modus aquæ concedendus sit, quod ipsum obseruatum & in Urbicis Aquæductibus; ut præter l. 8. h. t. l. 1. §. 42. D. de Aqua quotid. docet cum primis Frontinus de Aquæductibus art. 103. Circa ius ducenda aquæ in Priuatis hæc obseruanda sunt, ne quis sine literis Caesaris, id est, ne quis aquam publicam non impetratam ducat: & mox art. 105. Qui aquam in usus priuatos deducere volet, impetrare eam debet, & a Principe Epistolam ad Curatorem adferre. Curator deinde beneficio Caesaris præstare maturitatem.

Secundo, Tabulis publicis adscribi iubet Imp. cui & quantus aquæ modus a Principe indultus fuit, de quibus Principum commentariis multa Frontinus de Aquæductibus art. 64. p. 112. 114. &c. Edit. Polen.

Tertio, Penam imponit libræ auri per singulos

obolos aquæ ultra licitum quid usurpanti. Vbi obiter obseruandi modi seu moduli aquarum, ad obolorum mensuram, itemque vnciarum: ut l. 3. & vlt. infr.

Quartó, Conceptacula aquarum in tribus locis reparari iubentur omnium consensu. Conceptacula erant receptacula, in quibus aqua per formam Aquæductus ducta colligebatur, quorum mentio alibi nulla. Castella enim alibi dicuntur, & quidem tria illa conceptacula, quorum hac leg. mentio, apud Vitruuium tria immiffaria vocantur, lib. 8. cap. 7. Cum venerit, inquit, (aqua) ad mania, efficiatur castellum, & castello coniunctum ad recipiendum aquam triplex immiffarium: collocenturque in castello tres fistule aequaliter diuise intra receptacula coniuncta, ut cum abundauerit, ab extremis in medium receptaculum redundet. Ita in medio ponuntur fistule in omnes lacus, & salientes. Ex altero in balneas, ex tercio in domos priuatas. Cæteri vocant Castella. Præter IC. in l. 78. D. de contrab. empt. l. 1. §. 38. 39. 40. 41. D. de Aqu. quotid. & est l. 19. D. de fru. urb. præd. idem præter Frontinum lib. de Aquæduct. Festus; Diuidicula, inquit, Antiqui dicebant, quæ nunc sunt Castella, ex quibus a riuo communi aquam quisque in suum fundum ducit. Hesychius: Κάσπελος, ὄνομα τοῦ ἀνὸς καὶ κατὰ φερέντος καὶ μερίζοντος τὸ ὕδωρ.

Quinto obseruetur, quod sine legis dicitur, Ex ipso conceptaculo aquam ducendam, seu eliciendam, seu, quod idem est, & constituitur, l. 5. & 6. infr. ex ipfis castellis, non ademptato cursu & soliditate fistularum, quas matrices vocant, d. l. 5. infr. non ex Aquæductu, d. l. 6. infr. non interruptis formæ lateribus, atque perforatis, ut loquitur lex vltim. non vulnere inflicto fistulis, ἵνα ἱερῶν μὲν τοῖς κρητοῖς: ut de Antiochenis aquis Libanius loquitur in Antiochico, p. 383. Edit. Morell. Sic sane & antiquo Senatusconsulto cautum, quod memorat Frontinus p. 191. Edit. Polen. vbi post alia, VT IQVE OMNES II, QUIBUS AQVÆ DVCCENDÆ IVS ESSET DATVM, EX CASTELLIS DVCKERENT, &c. Et subiicit Frontinus rationem; In hoc Senatusconsulto dignum admiratione est, quod aquam non nisi ex castello duci permittit; ne aut riuus, aut fistula publica frequenter lacerentur. Quod confirmat manifestissime lex 5. infr. Et hoc ipsum ius in Iurisprudencia receptum, & Edictum Prætorium, ut ostendit d. lex 1. §. 38. 39. 40. 41. de Aqu. quotid. & d. l. 19. de seru. urb. præd. & d. l. 78. de contrab. empt. Itaque Priuati his conceptaculis & castellis fistulas subiiciebant, seu admovebant, quibus aquam quisque in suum deriuabat, ut docet rursus d. l. 78. & d. l. 19.

Postremo obseruetur hic forma, quæ præscribitur, ut quis indulto aquæ beneficio potiri possit: Nempe non prius accipere quem posse aquam sibi indultam, quam adierit Rectorem Syriæ (in spec. huius leg.) & ab eo quantitatis quam meruit accipienda facultatem ex ipso conceptaculo adeptus fuerit, id est modulum & locus ab eo assignatus fuerit. Olim in Urbe Roma, qui a Principe aquam impetrauerat, epistolam a Principe ad Curatorem adferre tenebatur: Curator deinde beneficio Principis præstabat maturitatem, & ad Procuratorem eiusdem officii libertus Caesaris protinus scribebat: Procurator calicem eius moduli qui fuerat impetratus, adhibitis libratoribus signari faciebat, & diligenter incendebat, ne esset in arbitrio Libratorum interdum maioris luminis, interdum minoris, pro

*) Obseruauit hoc CL. CASAVBONVS in not. ad Iul. Capitolin. M. Ant. Philos. c. 8.

pro gratia personarum calicem probari. Sed neque liberum subiiciendi qualemcunque plumbeam fistulam permittebat arbitrium, verum eiusdem luminis, quo calix signatus erat, & eundem per pedes 50. prope dabat: vt testatur Frontinus *de Aqueductibus*, p. 190. Edit. Polon. qui & SC. in id allegat. Theodosius Iun. & post eum Anastasius, indultum beneficium Præfecto Prætorio insinuari voluerunt, P. 331. §. & vlt. Cod. Inst. eod. Quare sedulo cautum, quod & hac leg. cauetur, ne fraus ea in re admitteretur, maioribus fistulis admotis, quod cautum & eo Se-

natusconsulto, quod memorat Frontinus: NE CIVI-
EORVM, QUIBUS AQUA DARETUR PVBLI-
CA, IVS ESSET INTRA QVINQVAGINTA
PEDES RIVS CASTELLI, EX QVO AQVAM
DVGERENT, LAXIOREM FISTVLAM SVBII-
CERE, QVAM QVINARIAM. Et Frontinus
ipse; Sed neque statim ab hoc liberum subiiciendi
qualemcunque plumbeam fistulam permittat arbi-
trium: verum eiusdem luminis, quo calix signatus est,
eundem per pedes L. prope det.

De MODO EROGANDE aquæ priuatorum vsibus ex Aquæductu Constantinop. Theod. M. constitutio.

III. (a) Impppp. Gratianus, Valentinianus & THEOD. AAA. Clearncho P. V. (b)

SVMMAS quidem domus, (c) si lauacris (d) lautioribus (e) præsententur, (f) binas non amplius aquæ vncias: aut si hoc amplius exegerit ratio dignitatis, supra ternas neutique (g) possidere: Mediocres vero & inferioris meriti domus, singulis & semis contentas esse decernimus: Si tamen huiuscemodi balneas, easdem habere claruerit. Ceteros vero, qui mansionem (h) spatio angustiore sustentantur, ad mediæ vnciæ usum tantum gaudere præcipimus: neque obreptionem cuiquam patere: ita vt quod tibi parer Officium, (i) sex librarum auri multa feriat, nisi prodiderit vsurpantes: & is qui fefellit, careat impetrato. Dat. X. Kalend. Iul. Constantinop. Antonio & Syagrio Coss. [382.]

N O T Æ.

(a) Absit & hæc lex a Cod. Iustin. GOTHOFR.

(b) Constantinopolitanæ. Huic vero Clearncho P. V. inscribitur pariter hoc ipso Anno 382. lex 2. 3. *supr. de sentent. ex pericul. recitat. lex 93. supr. de Decurionib.* Et Anno prox. 383. lex 1. *vt dignit. ordo:* Anno 384. lex 3. *supr. de Senator. & gleb. coll.* Hic idem & sub Valente P. V. fuerat Anno Domini 370. 372. de quo mox. Ergo sub Theodosio M. iterum Præfectus Urbis factus. De hoc Socrates *lib. 4. cap. 8.* Hieronymus *Chronico, Ann. 374.* Ad eundem extant plures Libanii epistolæ. ID.

(c) Pro, domos. ID.

(d) Id est, Balneis, vt *vers. si tamen infr.* ID.

(e) An lautioribus? Nil opus hac restitutione. ID.

(f) An scribendum, præsententur? Huic contrarium, qui mansionum spatio angustiore sustentantur. Sed præsententur, rectum est. *Præsens* est ἐπαρσις, etiam in Glossis Philoxeni. *Præsentari* ergo est illustrari, illustrem esse, effici, imo & offerri alicui rei. Eodem sensu l. 109. *supr. de Decurionib. & si præsentare nolunt, & l. 163. præsentari debitis patriæ muneribus.* Sic & *præsentari examini*, l. 3. *de bonis vac.* præsentari rei, id est, comprehendendi, exhiberi: l. 31. *circa fin. de Episc.* ID.

(g) Neutiquam, ID.

(h) *vs. Mansionum*, id est, domorum, vt & habet Edit. Quartan. ID.

(i) *Officium Præfecti Urbis* Constantinopolitanæ nota. ID.

COMMENTARIUS.

EROGANDE priuatis, ex Aquæductu publico Constantinopolitano aquæ modum, hac constitutione Theodosius M. præscribit Anno D. 382. quo maiorem ne rescripto quidem Principis impetrare liceat: ne alioquin, vt loquitur idem Theodosius l. 4. *infr.* (quæ ad eandem urbem pertinet)

fiorentissimæ urbis commoda mutulentur. Modus igitur hic statuitur hac leg. pro triplici videlicet domorum priuatorum differentia: puta vt *Summis* domibus balnea lautiora habentibus, duæ tantum vnciæ vel tres ad summum, si magna sit domini dignitas, concedi possint; *Mediocribus* vero balneas itidem habentibus

habentibus, una tantum uncia cum dimidia, & sic fescuncia: cateris, (balneas scilicet non habentibus) nonnisi dimidia uncia, seu semuncia. Vbi quatuor notanda sunt. Primo, triplex *Domorum* differentia. Secundo, de *Balneis* priuatis Constantinopoli: Nempe, ut alibi passim, (de quo l. 3. *supr. de conlat. donatar.*) ac nominatim Romæ, ita Constantinopoli quoque, sicut pleræque domus lautiorum balneas habuere, ita lautissimas ibi extitisse nonnullas *hæc lex docet*. De Romanis sane singularis est Olympiodori locus apud Photium *Cod. LXXX. p. 198. Edit. Schotti. & p. 14. Tom. I. Script. R. B. Edit. Reg.* ὅτι ἕκαστος τῶν μεγάλων οἰκῶν τῆς Ῥώμης ἅπαντα εἶχεν ἐν ἑαυτῷ, ὅποσα πόλις σύμμετρον ἡδύνατο εἶναι, ἰππόδρομον, καὶ φέρες, καὶ νάες, καὶ πηγὰς καὶ λυτρά διάφορα, quia e magnis Romanæ urbis domibus omnia intra se unaqueque habuit, quæcunque mediocris urbs etiam habere potuit, hippodromum, fora, delubra, fontes, varia balnea. Tertio obseruandus venit *hæc leg. & l. ultim.* Modulus aquæ ad uncias: Frontinus lib. de *Aquæduclib. articul. 24. pag. 79. Edit. Polen.* Aquarum moduli, aut ad digitorum, aut ad unciarum mensuram instituti sunt: Digiti in Campania, & in plerisque Italia locis, uncia in pupula, (quid si legamus in pupula, id est, in Vrbe Roma?) ita hæc obseruantur. Est autem digitus, ut conuenit, sextadecima pars pedis; uncia, duodecima, &c. Denique obseruandum, inscribi hanc constitutionem *Clearcho Præfeto Urbis*; cuius ipsius Clearchi opera sub Valente Imp. ante decennium circiter Aquæductus hic, quo de nunc agitur, Constantinopo-

lim inductus fuit: ut testatur Hieronymus in *Chron. p. 187. Tbes Temp.* *Clearchus Præfetus Urbis Constantinopoli agnoscitur: a quo necessaria & diu expectata vocis aqua inducitur Civitati.* Item Socrates lib. 4. c. 8. συνέθη δὲ μετὰ χρόνον, τὸν ἐλκὸν τῷ ὕδατι ὑπὸ Οὐάλεντου κατασκευασθέντα, δαφιλὲς παραχρῆν τῇ Κωνσταντίνῃ πόλει τὸ ὕδωρ. Postea autem contigit, ut aquæductus a Valente edificatus, maximam aquarum copiam urbi Constantinopolitana præberet. Addit idem: τῷ ὕδραγωγῷ εἰταχθέντι εἰς τὴν πόλιν ΚΛΕΑΡΧΟΣ ἐπαρχὸς τῆς πόλεως, ὕδρειον (id est, castellum) μέγιστον κατεσκεύασεν ἐν τῇ νῦν Θεοδοσίᾳ ἀγορᾷ καλεμένη: ὃ ἐφημέϊον δαφιλὲς ὕδωρ, ἐφ' ᾧ ἑορτὴν ἱλαρὰν ἤγεν ἡ πόλις: cum aquæductus ille in urbem perductus esset, Clearchus Præfetus urbi, in foro, quod nunc Theodosiū dicitur, ingens lauacrum edificauit, quod δαφιλὲς ὕδωρ, id est, copiosa aqua appellatum fuit. Cuius rei gratia ciuitas festum diem summa hilaritate celebrauit. Certe Clearchum hunc sub Valente quoque Imper. ante decennium Præfectum Vrbi Constantinopol. iam fuisse, docent Anno Domini 370. *lex vnic. supr. de iure Italico Urbis Constantinop.* & Anno 372. *lex 7. supr. de anonis ciuicis: lex 2. supr. de studiis lib. Urb. Rom. lex 20. supr. de Prætoribus.* De hoc vero eodem Constantinopolitano Aquæductu est quoque *lex 23. supr. de Operibus publicis*: Et Gregorii Nazianzeni locus, *orat. 5.* quem ad *eam l. 23. refero.* Eum aquæductum Theodosius postea instaurauit, ut docet *d. l. 23.*

AQUAM ex Aquæductu Constantinop. elicentis pæna.

IV. (a) Imppp. Valentinianus, THEOD. & Arcad. AAA. Pancratio P. V. (b)

SI quis de cetero, (c) vetiti furoris (d) audacia florentissimæ (e) Urbis commoda voluerit mutilare, aquam ad suum fundum ex Aquæductu (f) publico deriuando, sciat, eundem fundum ficalis tituli proscriptione (g) signatum priuatis rebus nostris adgregandum. Dat. VIII. * Constantinop. Timasio & Promoto Coss. [389.]

N O T Æ.

(a) *Lex 2. Cod. l. eod. tit. GOTHOFR.*

(b) Constantinopolitanæ. *IDEM.*

(c) Deinceps, in posterum. Igitur id antea factum. *ID.*

(d) Furoris hæc in re vocem obserua. *ID.*

(e) Florentissima Vrbs Constantinopolitana, *hæc leg. & l. 14. supr. de Metatis. II.*

(f) An quocunque? Minime. De *Valentiano* tantum malim accipere, de quo *l. super.* Neque enim Theodosiacum hoc tempore adhuc excitatum puto: de quo dixi ad *l. 23. supr. de operib. publ. ID.*

(g) *Prescriptions*, Cod. Iust. Sed hoc probum. *ID.*

COMMENTARIUS.

ELICIENS aquam e forma Aquæductus publici (Constantinopolitani scilicet in specie *huius legis*.) in fundo suum eodem fundo multari a Theodosio M. iubetur Anno D. 389. In fundum, inquam, suum, seu prædium rusticum. Referuatus quippe Aquæductus Urbis ipsius commodis erat:

sic ut ciuitatis tantum vñibus idque ex Principis beneficio, referuatus esset, neque eum mutilare liceret furuius meatibus ad agros irrigandos, vel horum delicias, ut ait *lex 7. infr. hoc tit.* vbi adhuc aliquid notabo ex *Calliodoro III. Var. 31.* perforatis & interruptis atque perfossis formæ lateribus,

ribus, *l. ultim. inf.* vbi dicam. Quo pertinent & quæ olim a Cœlio Rufo dicta in *ea concione*, cui *Tullus* erat de *Aquis*: vt memorat Frontinus *lib. de Aquæduct.* articul. 76. pag. 144. 145. Edit. Polen. vbi & ipse hæc præmittit: *Plerique Possessorum, e quorum agris aqua circumducitur fraude formas riuorum perforant; unde fit vt ductus publici hominibus priuatis vel ad hortorum vsum subferunt, vel ad itinera suspendant.* Eodemque pertinent *Cod. Iust. Theodosii lun. lex 6. eodem tit. & Zenonis lex 9. & 10.*

Cæterum quantopere hanc rem ad curam suam animumque reuocauerit, atque adeo quam enixe circa Aquæductus commodis Vrbs Constantinop. Theodosius M. consultum hæc parte voluerit, primo, verborum atrocitate testatum facit: ibi, *vetiti furoris audacia*: Non audacia scilicet tantum isthæc est, verum furoris species, publica patriæ suæ comoda priuatæ vtilitati posthabere: ac nominatim totius Orbis Imperiique reginam Vrbem de cætero

florantissimam, aquarum & aquæductuum commodis, vtilitati simul & voluptati decorique seruientium priuare, eiusque adeo comoda mutilare, Secundo, pœnæ seueritate, ibi: *idem fundus fisco* *lis tituli proscriptione signatus priuatis rebus nostris adgregetur.* Passiua scilicet iam observatio est, fundis, qui confiscabantur, fiscoque sociabantur, titulos fiscales seu tabulas appositos, atque ita signatos fundos: de quo plene dixi ad *l. i. sup. de incorporat.* l. 11. & 20. *sup. de bon. proscrip.* Chrysostomi quoque de eo locus *orat. 13. num. 2. ad populum Antiochenum* pag. 136. *Tom. II. Oper. Edit. Benedikt.* τὰς ἐκείνης ἐδήμενον, καὶ σηµαντὰ ἐν ταῖς ὑψέως ἀπάρτων ἢ ἰδεῖν: bona publicabant, & in omnium foribus signacula cernere licebat. Cæterum pœna hæc iam veterib. legib. statuta, teste Frontino *lib. de Aquæductibus* articul. 97. pag. 170. Edit. Polen. *Agri*, inquit, *qui aqua publica contra legem essent irrigati, publicabantur.* Eademque continetur & Zenonis *l. 10. Cod. Iust. eod.*

V. (a) - Idem AAA. Albino (b) P. V. Rom.

EOS qui aquæ copiam vel olim vel nunc per nostra indulta meruerunt, eius vsum aut ex castellis, vt ex ipsis formis iubemus elicere, neque earum fistularum, (c) quas *matrices* vocant, cursum ac soliditatem (d) adtemptare. Dat. V. Kalend. Sept. Rom. Timasio & Promoto Coss. [389.]

NOTÆ.

(a) *Lex 3. Cod. Iust. eod. tit. ex hac leg. & seq. interpolata est. GOTHOF.*

(b) *Albino* huic P. V. Romæ inferibuntur hoc ipso anno *septem* insuper *leges*: & Anno prox. duæ: forte & Anno abhinc altero 391. *lex 10. de Paganis.* Hunc Christianum fuisse, ex multis legibus ad eum datis colligimus. *IDEM.*

(c) *De Fistulis*, iam *supr. leg. 7. ID.*

(d) *Soliditas* fistularum in veteri Inscriptione, *FISTVLAS SOLEDAS FECIT*, apud Gruterum *CLXXI. 8. IDEM.*

COMMENTARIVS.

VNDE, seu ex qua Aquæductus parte, aqua Romæ ab his qui copiam eius, Principis beneficio impetrarunt, elici seu duci debeat, definitur hac *Valentiniano - Theodosiana lege*: Nempe ex castellis vel formis, non ex fistulis matricibus: de quo, deque castellis his iam etiam aliquid dictum fuit ad *leg. 2. sup. agitur & l. 6. prox.* Certe Frontinus de *Aquæduct.* non vno loco horum castellorum meminit: imo & *SC. Leges, Mandata*, quæ de his agunt, memorat: ipseque inter alia de castellis his duo refert; Prohibitum Senatûconsulto, & mandati, Principum impetratam aquam ex alio castello, duci quam quo epistola Principis liceret. Secundo, impetratas aquas caducas, quæ ex castellis effluerent, et si id parcissime tribui solitum. *Elici* inquam, quæ vox hic propria est: vnde & *Elices*, & *Elicatores*, ὑδρόσκοποι, quam vocem non intellexerant Græci, in *l. 1. §. 9. D. de aqu. & aqu. plu. arc.* De Castellis, & ratione huius legis, dictum iam est ad *d. l. 2. sup.* Illud obscurius est, quidnam *Formarum* appellatione hac leg. intelligendum sit: Nam cum alias Formæ sint ipsimet ductus aquæ, vt docuit *lex 1. sup.* Sane ex ipso Aquæductu non magis licuit vsum aquæ deriuare, quam ex fistulis matricibus: Atqui hac leg. ex ipsis formis elici iubetur aqua, pariter vt ex castellis, *Tom. V.*

cum tamen *l. 6. prox.* ex castellis aquam deriuare, qui impetrarunt, iubeantur, ex aquæductu vero ipso prohibeantur. Et sane in *Cod. Iust.* quoque *l. 3. eod. tit.* (quæ alioquin ex hac leg. & seq. conflata est) aperta differentia constituitur inter *Formas & Aquæductum*, ex illis vid. eliciendam aquam, non etiam ab ipso Aquæductu. Sed & Græci quoque eo loco formam interpretantur *δοκείον*. Et *Isidorus lib. 19. Orig. cap. 10. in fin.* *Forma*, inquit, *per quas aqua per modulos certos diuiduntur.* Fuerit itaque forma hac leg. non iam ipse ductus, seu riuus Aquæductus, verum primum castellum, & conceptaculum, quo aqua, cum venerit ad mœnia, recipitur: & vt *Glossa*, vbi tota aqua a principio congregatur; vnde mox in alia tria castella minora (de quibus actum *l. 2. sup.*) in diuersas Vrbs partes per fistulas (quæ hac leg. *matrices* vocantur) diffunditur. Denique *Forma* hic fuerit primum & maximum conceptaculum, quo Aquæ ex Aquæductu excipiuntur.

Porro ex hac quoque leg. discimus; Theodosii Romæ nunc positi post deuictum Maximum Tyranum, (de quo vide *Chron. Theod.*) studium inter cætera, in tuendis quoque Operibus publicis Romæ, quæ Theodosium Romam ingressum iustrasse nominatim testatur *Pacatus sin. Panegy.* qui & in aliis com-

complurimis eidem commodare instituit, & quidem constitutionibus ad eundem Albinum P. V. datis, quas repetere licet ex *Chronico huius Anni*. Imo extat & altera eiusdem Theodosii Romæ nunc positi ad eundem Albinum P. V. hoc ipso Anno constitutio: qua operibus publicis Urbis Romæ consuluit, puta *lex vlt. Cod. Iust. de seruis fugitiuis*: quæ etiam *lex iungenda est legi 49. supr. de appellat.* qua id constituit, *vt si qui publicorum seruorum fabricis seu aliis Operibus publicis deputati, propria conditionis immemores domibus se alienis & priuatarum ancillarum consortiis adiunxerint, tam ipsi, quam vxores eorum, & liberi, confestim conditioni pristina laborique restituantur.* Quæ quidem etiam *lex* referri potest, imo meo iudicio debet, ad *seruos publicos opifices*, qui Romæ, fabricæ quoque tutelæque Aquæductuum deputati erant: de quibus Frontinus de *Aquæduclib. Romæ*, articul. 116. 117. 118. pag. 200. seqq. Edit. *Polen.* quique in varias ministeriorum species diducebantur, Villicos, Castellarios, Curatores, Silicarios, Tectores, alioque opifices: Horum denique familia propria erat, quæ tueretur ductus, atque castella & lacus,

res eorum, & liberi, confestim conditioni pristina laborique restituantur. Quæ quidem etiam *lex* referri potest, imo meo iudicio debet, ad *seruos publicos opifices*, qui Romæ, fabricæ quoque tutelæque Aquæductuum deputati erant: de quibus Frontinus de *Aquæduclib. Romæ*, articul. 116. 117. 118. pag. 200. seqq. Edit. *Polen.* quique in varias ministeriorum species diducebantur, Villicos, Castellarios, Curatores, Silicarios, Tectores, alioque opifices: Horum denique familia propria erat, quæ tueretur ductus, atque castella & lacus,

VI. (a) Impp. ARCAD. & Honor. AA. ad Africanum P. V. (b)

QUICVMQUE ex Aquæductu magis, quam ex castellis (c) aquæ usum putauerit deriuandum, etiam id quod prius iure beneficii (d) fuerat consecutus, amittat. In eum vero pro condicione personæ conueniet feuerissimo supplicio vindicari, qui, aduersus statuta huius oraculi, auidæ (e) cupiditatis noluerit frena cohibere, vt priuatis indulti meatus mensura famuletur. (f) PP. IV. Kalend. Iun. Constantinop. Olybrio & Probino Coss. [395.]

NOTÆ.

- (a) Constat est, vt dixi, ex *hac leg.* & superiore *lex 3. Cod. Iust. eod. tit.* quo fit vt vtrique subscriptio, tam huius, quam superioris legis illi legi subscripta sit. *GOTHOFR.*
 (b) Constantinopolitanæ. *IDEM.*
 (c) De *Castellis* agitur quoque *super. lege. ID.*
 (d) De hac voce *Beneficii*, mox. *ID.*
 (e) Vt *supr. l. 2. quorundam auiditate. ID.*
 (f) Id est, sufficiat. *ID.*

COMMENTARIVS.

ELICI aquam non ex Aquæductu, verum ex castellis oportere, definit Arcadius sub pœna amittendi beneficii; imo & supplicii pro condicione personæ: de quo Interdicto iam duabus legibus actum; puta *leg. 2. & 5. supr.* Videri autem potest hæc *lex* accipienda de Aquæductu Theodosiano, de quo agitur *l. 29. & 30. supr. de Prætor.* Imo & de Valentiano, de quo *l. 3. 4. & 5. supr.* Et cum cætera *huius leg.* iam illustrata sint ad *d. leg. 2. & 5.* superest *Beneficii* vox *hac leg.* obseruanda, quæ hac in re propria est; vt ex compluribus Frontini locis liquet, his inter cætera. *articul. 103. pag.*

188. Edition. *Polen.* Sollicite subinde ductus extra urbem circumeundi ad recognoscenda beneficia. Et p. 336 *rursum articul. 94. pag. 164. Edit. cit.* Sequitur vt indicemus, quod ius ducende tuendæque sit aquæ, (quæue cura ductuum sit habenda,) quorum alterum ad cohibendos intra modum impetrati beneficii priuatos; alterum ad ipsorum ductuum tutelam pertinet. Idem *articul. 88. pag. 157.* Nec minus ad priuatos commodum, quod ex incremento beneficiorum eius diffunditur; illi quoque qui timidi illicitam aquam ducebant, securi nunc ex beneficiis fruuntur.

ANTIQVVS MODVS aquæ ex publico Aquæductu Urbis alicuius municipi olim concessus, seruandus.

VII. (a) Idem AA. Asterio Com. (b) Orient. (c) Post alia,

VSVS Aquæ veterem, longoque dominio constitutum, (d) singulis (e) quibusque manere censemus, (f) nec villa nouatione turbari: Ita tamen, vt quantitate (g) singuli, quam vetere licentia (h) percipiunt, more vsque (i) in præsentem diem perdurante, percipiant. Mansura pœna in eos, qui ad inrigationes agrorum, vel hortorum delicias,

cias, (k) furtiuus aquarum meatibus abutuntur. Dat. Kalend. Nou. Cæsario & Attico CONSS. [397.]

Ista lex tam euident est, ut expositione non indigeat.

NOTÆ.

- (a) *Lex 4. Cod. Iust. eod. tit. & iungenda huic est lex 36. supr. de operib. publ. in qua fit pariter mentio Aquæductuum, & quidem reficiendorum. GOTHOFR.*
- (b) Ita recte editum in *Til. Edition. Cuiaciana, & Quartana*: male *Parisiensis* habet, *CONS.* ut docet *d. lex 36.* & proximo Anno 398. *lex vnic. supr. si secund. nup. & Sozom. lib. 8. cap. 2.* & Auctores *vita Chrysostomi* plures, qui huius Asterii Com. Orient. meminere. *IDEM.*
- (c) Cuius sedes Antiochiæ, quare *Comes Antiochie* hic idem vocatur in ea ipsa historia, quam Sozomenus memorat *l. c. & Palladius in vita Chrysostomi cap. 5. ID.*
- (d) Ait *lex, usum aquæ constitutum*, ut *Cic. ad Quint. Fratr. lib. 3. ep. 1. aquæ iure constituto*: & *IC.* non prorsus ab similiter, in *l. 41. D. de action. empt. Aquæductu constituto. ID.*
- (e) *Singulis Ciuitibus*, ita *Cod. Iust. & in MS. Goth. Bene omnino. ID.*
- (f) *Consensus neque*, *MS. Goth. RITTER.*
- (g) *Quantitatem*, *Cod. Iustin. & Edition. Sichard.* Sed *quantitate* seruari quoque potest: id est, *quantitate ea. GOTHOFR.*
- (h) De hac *licentia* voce mox dicam. *ID.*
- (i) *Mores usus*, *Edit. Sichard. RITTER.*
- (k) De hac voce *delictarum*, mox in *commentariis. GOTHOFR.*

COMMENTARIVS.

VT VERITAS in iure aquæ priuatæ ducendæ pro lege est, *l. 3. §. 4. D. de Aqu. quot. & est. & l. ultim. D. de aqu. & aqu. plu. arc.* ita & eandem, in iure aquæ e publico ducendæ obseruandam constituere videatur *hac leg.* Arcadius Anno 397. Et potior tamen est Accursii inter alias sententia, quam & Cuiacius amplectitur, non agi *hac leg.* de nuda vetustate, vel præscriptione sine titulo, verum de vetusta LICENTIA (a Principe tributa) CONSTITUTA, quibus duabus vocibus *hac lex* vitur: & sic de iis quibus aquæ publicæ usum iamdiu Princeps nominatim concesserat. Quæ sententia & mihi perplacet, abdicata priore, tum ipsa Iuris ratione suadente, tum peculiari Aquæductuum consideratione, tandem & perpenis probe pensiculisque huius leg. verbis: *Iuris*, inquam, *ratione*; quia scilicet fieri non potest fingere, uti solo usu & prescriptione aqua ex aquæductu publico adquiri possit: *l. 9. in fin Cod. Iust. eod. tit.* Nam (ut eleganter dicitur *l. 22. supr. tit. prox. de operib. publ.*) præscriptio temporis iuri publico non debet obfistere: Dixi Secundo *Aquæductuum consideratione*: ea enim Aquæductuum ratio fuit, uti ciuitatis commodis iugiter eorum usus destinatus esset, neque ex iis quicquam quidquam præsumere vltro posset: imo ne maiorem quidem modum vsurpare licuit, quam quatenus indultum fuisset; quæ plerarumque *hoc titulo* legum sententia & interdictio est, *l. 2. §. 4. §. 6. supr. l. 8. & l. ultim. infr.* Quibus profecto vsurpatio omnis, quamlibet *vetusta*, interdicatur. Et certe non id *hac leg.* quaeritur, utrum aqua publica præscribi possit: verum illud, utrum *usus aquæ vetus* alicui concessus, postea emergentibus nouis petitoribus, imminui aliqua possit, debeatue ratione? ut proinde hac huius constitutionis sententia sit: Quantitatem aquæ seu modum iam olim concessum indultum longoque dominio constitutum, non esse postea cuiquam imminuendum. Et sic, non agitur initio huius legis, de adquirendo per solum usum aquæ iure: verum de *conseruanda, tuenda* veteri concessione & *Licentia* a Principe

facta beneficio, atque adeo firmando aquæ semel concessæ, constitutæ, viui, aduersus nouas petitiones. Nouorum scilicet sæpe petitorum importunis precibus Princeps, vel etiam Comes Orientis Asterius stringebantur; qui cum modum aquæ quem vellent non possent ex publico consequi, utpote nullo amplius modo aquæ vacuo seu vacante, & patrimonio eius erogato postulabant, ut his saltem, quibus olim modus aquæ concessus fuerat, aliquid detraheretur; seu modulus ille vetus arroderetur: Verum, rescribit Arcadius Asterio, usum aquæ veterem longoque dominio constitutum, singulis quibuscunque manere oportere, nec vlla nouatione turbari.

Tandem dixi, & verba ipsa huiusce legis recte pensiculata communi sententiæ aduersari. Primo quidem LICENTIÆ vox, ibi, *Ut quantitatem singuli, quam VETERI LICENTIA percipiunt, more usque in præsentem diem perdurante, percipiant.* Licentia scilicet hic non est usus, auctoritas, vel vsurpatio aut licentia inolita: verum facultas tributa, seu attributio a Principe seu Imperiali largitate facta: ut dicitur *l. 2. supr.* (vbi pariter eodem sensu LICITVM dicitur: *& si vltra licitum aliquem vsurpare constituerit*.) Indulto Principis, ut *l. 5. & 6. supr.* Beneficio, *dist. l. 6. Rescripto, dist. l. 2. supr. l. 8. infr.* Secundo vox CONSTITVTVM bene intellecta id ipsum quoque aperte indicat. Tertio & Percipiendi vox eodem pertinet: percipere enim est ex beneficio aliquo capere, pro quo accipiendi, & acceptæ, voces hac in re legitimæ. Tandem & Quantitatis vox idem ingerit, quæ certe de limitato a Principe, vel iudicte modo accipienda est. Ego usus aquæ vetus, hac lege est, OLIM, ut ait *lex 5. supr.* impetratus: vetus licentia, *hac leg.* Et hæc quidem huiusce leg. sententia est. Omittere non possum, quæ tria hic summopere notanda obseruat Frontinus *articul. 109. pag. 194. Edition. Polen.* Primo, cum vacare aliqua aquæ expissent, adnuntiandum id, & in commentarios redactum, qui postea respiciebantur; ut aquæ petitoribus ex vacuis

dari possent. Secundo, has aquas vacantes statim *interdicti*, (vel *interdicti* ibi quoque legi possit) solitas, ut medio tempore venderentur aut possessoribus prædiorum, aut aliis. Postremo Traiano id humanius visum, ne prædia subito destituerentur, 30. dierum spatium indulgeri, intra quod ii, ad quos res pertinet, irrigarent.

Potuit & de eo dubitari, seu id allegari in spec. *huius leg.* ius hoc aquæ olim concessum personale fuisse: & mutato domino quoque id ius intercidisse. Quandoquidem & IC. l. 4. §. 43. D. de Aqu. quotid. & Frontinus lib. de Aqueduct. art. 107. p. 192. Edit. cit. testantur, Ius impetratæ aquæ neque hæredem, neque emptorem, neque vllum novum dominum prædiorum sequi, exceptis balneis, quæ publice lauare; in his enim semel datam aquam perpetuo manere. Atque in id laudat Frontinus Senatusconsultum pag. 193. VTI IIS QUIBUS ATTRIBUTÆ ESSENT, QUOQUE MANERET ATTRIBUTIO AQUARVM (EXCEPTIS IIS QUÆ IN VSUM BALNEORVM ESSENT DATÆ, AUT AVGVSTI NOMINE) QUOAD FIDEM DOMINI POSSIDERENT ID SOLVM IN QVO ACCEPISSENT AQVAM. Hoc, inquam, allegari potuit; verum contra rescribitur hac leg. Nempe usum Aquæ veterem longoque dominio constitutum singulis quibusque manere oportere. Manere, id est, ad novos etiam dominos pertinere. Sic & idem ipse Frontinus scribit, *omnis aquæ beneficium cum possessore instaurari*, id est, solo, seu prædio, in quod aqua accepta, ad alium possessorem seu dominum perueniente, aquæ beneficium seu indultum quoque renouari, confirmari. Sed & Iurisconsultus non minus aperte, etsi distinctionem faciat in l. 1. §. 43. D. de aqu. quotid. & est. inter aquam prædiis datam, quæ extincta persona non extinguitur; & inter datam personis, quæ cum personis amittitur, neque ad alium dominum prædiorum, neque ad hæredem, vel qualemcumque successorem transit. Attamen idem mox subiicit, §. 44. Plane ei, ad quem dominum transit, impetrabile est. Nam si docuerit prædiis suis aquam debitam, & sic nomine eius fluxisse, a quo dominum ad se transit, indubitate impetrat Ius aquæ ducende; nec est hoc beneficium, sed iniuria, si quis forte non impetrauerit. Denique Frontini & Iurisconsulti cum maxime sententia est, iniuriam fieri successoribus, vel nouo possessori, si denegerit ei beneficium aquæ, quod prædecessori fuit concessum; licet personaliter in speciem: quia ex quo fuit concessum, *vetustas pro lege* habeatur: vel quia, etsi personæ in beneficio facta fuerit mentio, attamen reuera prædio factum fuerit. Quod Doctores vtiliter transferunt ad renouationem, confirmationem Emphyteuseos. Igitur iam hac leg. hæc sententia fuerit, mutata quamlibet persona, cui beneficium aquæ concessum est, penes novos tamen dominos manere usum aquæ veterem, & longo dominio constitutum, etiam citra instauracionem, seu renouationem beneficii: Nempe quia, ut horum temporum secta persuadet, & ut *huius tit.* leges ostendunt, ac maxime lex 3. *supr.* omne Ius & beneficium aquæ prædiale & reale censetur, sic ut beneficium semel concessum, penes quemcumque dominum prædii sit, duret.

Quæ cum ita sint, definant deinceps Doctores ex hac leg. colligere, ius aquæ publicæ, & publico (& quidem Aquæductu) ducendæ præscribi posse, tempore, cuius memoria non extat: quod colligebat Glossa, & post eam, Interpretes alii & Cæpolla, *tit. de rust. præd. cap. 4. num. 24.* Balbus de *prescription. 4. part. 2. quest. 4. & 5.* Imo inane eorum stu-

dium est, qui ad dominium Maris eiusque præscriptionem id extendunt.

Denique ex dictis omnibus ad *hanc leg.* colligamus, Modum aquæ certum ex aquæductu alicui a Principe concessum, & perpetuum esse: neque a Principe postea diminui posse: quod etiam ostendit lex 17. D. de *Seruit. rustic.* Aliud sane fuerit, si simpliciter aquam alicui Princeps concesserit, modo nullo adscripto, nam alteri quoque ea concedi potest, dummodo sufficiat pro usu illius, cui primo concessa fuit: de quo vid. Zoannetum, *Quotidianarum cap. 56.*

Hoc uti verum est, ita viceversa (quæ secunda iam *huius leg.* sententia est) neque ipsi, qui modum aquæ veterem habet, eum excedere licet. Vno verbo, ut vetus ei modus seruandus est, ita & ipse eundem seruare debet. Non etiam aqua abuti *furtiuis meatibus*, a Principe scilicet non concessis, ad irrigationes hortorum, vel agrorum delicias, sub poena proposita iam l. 2. vel sane l. 4. *supr.* quæ hic confirmatur: itemque l. *ultim. infr.* Ad agrorum inquam delicias, ut & hic, & in Cod. *Iustin.* recte habetur. Quare non audiendi qui hanc lectionem sollicitant, & quidem Magius *Miscell. lib. 3. cap. 8.* qui hic ita legit: *Ad irrigationes agrorum, vel horreorum, delictis furtiuis, aquarum meatibus abutuntur*: & quidem, ut ait, autoritate Cod. *Theod.* quod tamen in nulla Editione reperi, ut ita deliciae sint deriuaciones vel sulci aquarii: ita deliciae tegulae Catoni de re rustica, cap. 14. quæ videntur tegulae maiores in canaliculorum formam, quæ in tectis influentem aquam excipiunt, & deorsum eliciunt & perducunt, eumque præstant usum, quem in agro elices, quos Columella lib. 2. c. 8. *Collicias* vocat vel *Colliquias*: easdem tegulas, etiam *Collicias* dictas testatur Festus his verbis: *Collicie, tegulae, per quas aqua in vas desuere potest.* Verum recte omnino habet hic *delicias*, iunguntur enim agrorum irrigationes & hortorum deliciae: ita Frontinus loco quem laudauimus ad leg. 4. *supr.* *Vnde fit, ut & ductus publici hominibus priuatis vel ad hortorum usum subseruiant*: Plinius lib. 19. cap. 4. *Iam quidem HORTORVM nomine in ipsa vrbe DELICIAS AGROS, villasque possident.* Κήπων παικίλια Chrysostomo, παικίλιον enim & pro ornato, & delizioso. Porro Theodoricus quoque Rex, apud Cassiodorum III. Var. 31. Id Romæ factum suo tempore queritur simul & damnat: *Dicitur ergo, commodi cura priuati, aquam formarum, quam summo deceret studio communi, ad aqua molas exercendas, vel HORTOS IRRIGANDOS fuisse deriuatam.* Turpe hoc & miserabile in illa Vrbe fieri, quod per Agros vix deceret assumi.

Tandem (ut ad historiam *huius leg.* descendam) obseruandum, *hanc constitutionem*, & *legem 30. supr. de operib. publ.* quæ huic coniungenda est, pertinere ad Aquas, & Aquæductus Urbis Antiochena, in qua morabatur Comes Orientis, cui hac lex inscribitur, ut alibi ostensum: Ex hac scilicet aqua publica ciuibus Antiochiæ in lauacra seu domos priuatas fontes deriuati: de quibus vide quæ etiam Libanius in *Antiochico*, pag. 382. Edit. Morell. Cæterum cum sub Vrbe Antiochena essent, non tantum AGRI, PRATA, (de quibus l. 3. *supr. de pascuis*, quæ Anno proximo data est) sed etiam hortorum multorum deliciae (quod præter *hanc leg.* docet Libanius in *Antiochico*, pag. 379. Edit. Morell. Κήπων τε παικίλια καὶ καταγωγῶν χαρίτες, tum hortorum varietas, tum diuersiorum amantitas.) ad huiusmodi etiam hortorum delicias nonnulli aquis

aquis abutebantur; quod *hæc leg.* Arcadius prohibet: ne alioquin aqua omnibus municipibus seu ciuibus Antiochenis non sufficeret, hæc præsertim tempestate, quo Antiochia plurimum aucta fuit.

Vno itaque verbo, dicamus; *Neque modum aqua ex Aquæductu Urbis cui seu municipi alicui olim concessum vllatenus infringendum: neque ab ipso viceversa excedendum.*

De AVGVSTEO Aquæductu in Campania.

VIII. (a) Idem AA. Messalæ P. F. P. (b)

EX forma, (c) cui nomen *Augusta* est, quæ in Campania sumptu publico (d) reparata est, nihil priuatim singulorum (e) vsurpatio præsumat: neque cuiquam posthac diriguandæ (f) aquæ copia tribuatur. (g) Si quis autem meatum aquæ ausus fuerit auertere, quinque libras auri Ærario nostro inferre cogatur. Quidquid etiam ob eam fraudem ex Rescripto fuerit elicitum, vel qualibet arte temptatum, inritum habeatur. Dat. V. Kal. Ian. Med. Theodoro V. C. CONS. [399.]

NOTÆ.

- (a) Abest & hæc lex a Cod. Iustin. GOTHOF.
- (b) *Messala* PP. Italiz: in qua Præfectura Prætoriana, & quidem Italiz Diœcesi, Campania fuit: vid. *Protopogr. IDEM.*
- (c) *Forma*, Aquæductu: dictum l. i. *supr.* ID.
- (d) An Collatione Campanorum? an sumptu publico, id est fiscali? Hoc verum. ID.
- (e) Campanorum. ID.
- (f) *Deriuande.* ID.
- (g) Nequidem Rescripto Principis, vt *sine leg.* ID.

COMMENTARIVS.

DE AVGVSTEO Aquæductu, qui in Campaniam dirigebatur: de qua *Frontinus*, & veteres *Urbis descriptiones*: vna *Victoris*; altera *fixa Notitiæ Imperii*: est hæc *Honorii lex*, cuius hæc sententia est; etsi ELICIENDÆ aquæ ex Aquæductu publico ius regulariter sit, vel ex diutina licentia, vel ex nouo beneficio Principis, vt docuit *lex 2. 3. §. 6. supr. hoc tit.* Attamen in *Augusta* aliud observandum: (pariter vt in *Claudia*, l. *prox.*) Nempe; vt nequidem ex beneficio Principis, cuiquam priuato liceat ex *Augusta* aquam deriuare; cuius ratio hæc est, quia hæc aqua *Urbis Romæ* in subsidium aliarum reposita seu *prædiaria* & auxiliariis erat: *Augusta* scilicet aqua ad ipsam *Urbem Romam* non perducebatur; verum in *Martiam* vel *Claudiam* deriuabatur, ad alterius supplementum; *paragogius* denique Aquæductus is erat, de quo mox: vt *Frontinus lib. de Aquæduct.* locis duobus docet *art. 12. p. 48. Ed. Polen.* Idem *Augustus* in supplementum *Marcie*, quotiens siccitates egerent auxilio, aliam aquam eiusdem bonitatis opere subterraneo perduxit vsque ad *Marcie* rivum, quæ ab inuentore appellatur *Augusta*. Nascitur ultra fontem *Marcie*, cuius ductus, donec *Marcia* accedat, efficit passus DCCC. Et paulo post: *Augustæ* fons, quia *Marciam* sibi sufficere apparebat, in *Claudiam* deriuatus est, manente nihilominus præ-

sidiario in Marciam, vt ita demum Claudiam aquam adiuuaret Augusta, si eam ductus Martie non caperet. Ex quibus iam liquere potest, cur nequidem ex Rescripto Principis ex hoc Aquæductu aliquid deriuari posset a priuatis; nempe quia, in supplementum & quoties siccitates egerent auxilio, velut sanctius quoddam aquæ ararium & præsidium hic aquæductus repositus erat.

Cæterum in Campania hic Aquæductus erat, vt hæc lex apertissime testatur: In Campania, inquam, Latina, non Felice: de qua Campaniæ diuisione, in Latinam & Felicem, plenissime dixi ad l. 12. *supr. de Penis.*

Lata vero lex hæc, hoc tempore, recentissime eo Aquæductu sumptu publico reparato, qui priuatorum antea deriuationibus corruptus fuerat; cui malo Honorio deinceps posthac occurrere visum fuerit.

Nunc in praxim hæc lex deducatur: Igitur non ex maioribus modo Aquæductibus, seu eorum formis aquam quandoque deriuare non licet: verum etiam ex minusculariis, seu *paragogiis*, (cuiusmodi fuit aqua *Augusta*,) vt docet etiam *Zenonis lex*, *penult. Cod. Iustin. eod. tit.* vbi *Minuscularii* Aquæductus seu *Paragogia*, *παπαγωγία* dicuntur, minores Aquæductus, qui in maiores confluent.

De CLAVDIA aqua.

IX. (a) Idem AA. ad Flavianum P. V. (b)

NE quis *Claudiam*, interruptis formæ (c) lateribus adque perfoffis, (d) sibi fraude elicit

elicitā (e) existimet vindicandam: Si quis contra fecerit, earum (f) protinus ædium & locorum amissione mulctetur: Officium (g) præterea, cuius ad sollicitudinem operis huius custodia pertinebit, hac poena constringimus, ut tot librarum auri inlatione mulctetur, quot vncias (h) Claudia nostra (i) cohibentia (k) eius usurpata fuisse constiterit. Dat. VI. Id. Nou. Med. Stilichone & Aureliano Coss. [400.]

N O T Æ.

- (a) Abest & hac lex, utpote localis, a Cod. Iustin. ID.
 (b) Flavianus P. V. Romæ. - Eidem Flauiano P. V. inscribitur Anno superiore 399. *lex 3. supr. de habitu quo vi oportet*: & hoc ipso anno 400. *lex 61. supr. de appellat. lex 29. supr. de Nauicular.* Fit eiusdem mentio Anno 414. *l. 33. supr. de erogat. mil. ann.* De eodem est Inscriptio vetus apud Gruterum CLXX. 5. Meminit huius Præfecturæ Symmachus *lib. 7. epist. 50. & 95.* perstringit eandem *lib. 7. epist. 92. 103. & lib. 4. epist. 5. 7.* De eo plura in *Indice Personarum.* ID.
 (c) *Forme*: id est, Aquæductus: vid. *Gloss.* & dicta ad *leg. 1.* ID.
 (d) Et perforatis. ID.
 (e) *75. Illicita*, vel *elicitam.* ID.
 (f) In quas elicerit, seu deriuauerit. ID.
 (g) Officii huius, ad cuius sollicitudinem Aquæductuum custodia pertinebat, fit pariter mentio *l. 1. supr. hoc tit. & l. 1. supr. de diuers. offic.* huc pertinet etiam *familia*, quæ ad tutelam ductuum parata olim erat: de qua Frontinus *lib. de Aqueduct. art. 116. pag. 200. seqq. Edit. Polen. ὑποφύλακας* seu Aquarii, de quibus *l. pen. Cod. Iust. eod. tit.* ID.
 (h) Vnciæ aquæ, *hac leg. & l. 3. supr. ubi dixi.* ID.
 (i) Forte legendum *nostræ*, quam vocem usurpatam sepe reperio *hoc Cod.* in his, erga quæ Principes maximo affectu ducerentur: vid. *Glossar.* ID.
 (k) Pro conniuentia. ID.

C O M M E N T A R I V S.

DE CLAVDIA aqua, seu Claudio Aquæductu, est hæc Honorii constitutio data Anno Domini 400. qua is perfolis & interruptis formæ lateribus aquam exinde a priuatis in priuatos vsus elici pariter vetat, sub poena loci vel ædium amissionis; quæ & ipsa poena statuitur, *l. 4. supr.* ubi aduersus hanc fraudem plura. *Claudia aqua*, cuius *hac leg.* mentio fit, a C. Caligula regione Triburti coepta, a Claudio Imp. consummata, dedicataque fuit, (vnde illi nomen) Anno ab V. C. 803. Kalend. Aug. ut testatur Frontinus *lib. de Aquad. art. 13. p. 51. Edit. Polen.* apud quem plura; & Suetonius *Gato, c. 21. & Inscriptio vetus apud Gruterum CLXXVI. 1.*

TI. CLAVDIVS. & C. AQVAM. CLAVDIAM
 XX. FONTIBVS. QVI. VOCABANTVR
 CAERVLEVS. ET. CVRTIVS. A. MILIARIO
 XXXV. SVA. IMPENSA. IN. VRBEM
 PERDVENDAS. CVRAVIT.

Et in eodem marmore *ibidem*:

IMP. CAES. VESPASIANVS. AQVAS
 CVRTIAM. ET. CAERVLEAM. PERDVCTAS
 A. DIVO. CLAVDIO. ET. POSTEA. INTER
 MISSAS. DILAPSASQUE. PER. ANNOS. NOVM
 SVA. IMPENSA. VRBI. RESTITVIT.

Ab hac Claudia diuersa est illa, quæ iam olim Romæ erat, aqua Appia (quæ & *Claudia* quoque dicta fuit, ab Appio videlicet Claudio inducta: cuius meminit Livius *lib. 9. cap. 29.* Pomponius *l. 2. §. 36. D. de Orig. iur.* Et Cassiodorus *VII. Variar. 6. & in*

Chronic. M. Valerio & P. Decio Coss. & Victor, de viris illustrib. c. 34. Eutropius quoque *lib. 2. c. 4.* Appius Claudius Censor Aquam Claudiam induxit. Verum communius hæc Appia tantum dicta a Frontino & Plinio *lib. 36. cap. 15.*

Porro, cur nominatim de Claudia hæc constitutione Honorius id constituat, ut ne videlicet interruptis formæ lateribus atque perfolis ex ea aqua a priuatis eliciatur, vindiceturque? in obscuro est: Haud absurde quis dixerit, non tantum ob balnearum usum id ita constitutum, verum etiam forte propter usum Baptismatis in baptisterio Lateranensi: qua ipsa etiam causa Hadrianus Papa diu post, formam huius aquæ Claudia refecit, renouauitque, quæ per mediam arcem Lateranensem decurrit in Baptisterium Ecclesiæ S. Saluatoris, & in plures alias Ecclesias; ut testatur Anastasius in eius vita, p. 210. *Edit. Roman. & ex eo Onuphr. Panuin. de Basil. V. R. p. 192.* Quod si ita est, tum hæc constitutio in Annales Ecclesiasticos referenda fuerit.

Cæterum, ut hæc Honorii constitutio est data ad Flavianum P. V. Romæ super opere publico Aquæductus, ita pariter Inscriptio vetus occurrit Romæ, apud Gruterum CLXX. 5. de quodam opere ab hoc ipso Flauiano instituto, Secretario videlicet Senatus. SALVIS. DOMINIS. NOSTRIS. HONORIO, ET THEODOSIO. VICTORIOSISSIMIS. PRINCIPIBUS. SECRETARIVM. AMPLISSIMI. SENATVS QVOD. VIR. INLVSTRIS. FLAVIANVS. INSTITERAT. ET. FATALIS. IGNIS. ABSVMPIT FLAVIVS. ANNIVS. EYCHARIVS. EPIFANIUS V. C. PRAEF. [fuit h.c. Epiphanius P. V. Anno 412. 414. vid. *Prosopogr.*] VICE. SACRA. IVD. REPARAVIT. ET. AD. PRISTINAM FACIEM. REDVXIT.

DE ITINERE MUNIENDO.*

TITVLVS III.

Titulus hic abest a *Cod. Iust.* Porro *lex 6. hoc tit.* ad ECCLESIASTICAM historiam pertinet.

* *Muniendi* vox hac in re propria: vid. *Glossar.* De itinere autem *muniendo*, id est, de necessitate itineris muniendi, neque vlli immunitate eius tribuenda, quod vnicum ferme est *huiusce tituli* legum omnium argumentum.

PARATITLON.

ITINERVM, *Rubr. l. 1. 4. 6. h. t. & l. 10. supr. de extraord. publicorum itinerum, l. 3. supr. de curs. publ.* Viarum, *l. 2. 3. 4. h. t. & l. 36. supr. de Oper. public.* Viarum publicarum, *l. 6. h. t.* Viarum militarium, *l. 3. supr. de cursu publico: publici aggeris, l. 4. 5. hoc tit. & l. 2. supr. Ne quis in Palat. man.* Canalicum, *l. 15. supr. de curs. public.* Canalicum publicorum, *l. 2. supr. de curios.* Stratarum, *l. ultim. hoc tit.* munitio, *l. 3. h. t.* (vnde *Titulus, de itinere muniendo; & munire itinera, vias, l. 1. 2. h. t.*) quæ & instructum munitionis dicitur *l. 4. h. t.* seu instructio viæ publicæ, *l. 6. h. t.* est instauratio, reparatioque itinerum, *l. 4. 5. 6. hoc tit. & Nou. Valent. inter Theodos. 21.* reparatio publici aggeris, *d. l. 4.*

Huius rei (quia in commune omnibus profutura, *l. 1. hoc tit.*) onus, *l. 3. 4. h. t.* obsequium, *l. 1. hoc tit.* sollicitudo, *l. 10. supr. de extraordin.* necessitas, *l. 7. supr. de Operibus publicis*, laudabilis titulus dicitur, *l. 6. h. t.* neque sordidum munus, *d. l. 6. h. t.* imo titulus magnorum Principum dedicatum, *d. l. 6. h. t.* Ideoque ad huius oneris curationem, *l. 4. h. t.* cuncti possessores *d. l. 10. de extr.* omnes, *l. 6. h. t.* certatim sua studia conferre tenebantur, *l. 4. hoc tit.* nullo prorsus immuni, *l. 3. h. t.* nullo hominum genere, *l. 6. h. t.* nullius patrimonio, *l. 4. hoc tit.* nulla priuilegiorum contemplatione, *l. 3. hoc tit.* nulla dignitate aut priuatorum priuilegiorum vi, *l. 4. hoc tit.* nullo rescripto personali vel adnotatione, *l. 5. h. t.* nullius dignitatis ac venerationis seu reuerentiæ meritis aut exceptione, *d. l. 6. h. t.* adde *Novell. Valentin. inter Theodos. 21.* Ita quidem vt neque Emphyteuticarii possessores, *l. 1. hoc tit.* (qui alioquin ab extraordinariis immunes sunt, *d. l. 1. h. t.*) non Inlustrium dignitatum patrimonia, *l. 4. hoc tit.* non domus Principis, *l. 4. 6. h. t.* non Ecclesiæ, *l. 6. hoc tit.* ab hoc munere immunes sint.

Erat autem hoc onus patrimonii, *l. 4. h. t.* pro iugerum numero, *l. 2. 5. h. t.* Triplicique ratione procurabatur: vel enim (qui antiquissimus & æquissimus modus est) a singulis loca sarciebantur, quæ fortiebantur, *l. 2. 5. 6. h. t.* vel operas conferebant seu obsequium, *l. 1. 4. h. t.* vel pecuniam; de quo in *D. & Cod. l. Detrectantisque* poena hæc erat, vt prædium confiscaretur, *l. 3. h. t.*

Materia etiam aliquando huic rei de publico destinabatur, veluti ex demolitione Templorum, *l. 36. supr. de Operib. publ.*

De PONTIVM instructione idem sentiendum, quod de viarum munitione: quo pertinet etiam *lex ult. hoc tit. & l. 36. supr. de operib. publ. & lex ult. supr. ne operæ a conlator. l. 15. & 18. supr. de extraord. muner.*

EMPHYTEVTICARIOS *a viarum munitione* IMMVNES
non esse.

I. (a) CONSTANTINVS A. ad Proculum (b) Proconf. Afric.

EMPHYTEVTICARII possessores, qui Mansuetudinis nostræ beneficio ad extraordinaria minime deuocentur, (c) sicut ceteri prouinciales, obsequium suum muniendis itineribus impendant: Nulla enim ratione debent ab hoc, quod in commune omnibus profuturum est, esse (d) seiuncti. PP. Non. Maii, Karthagine, (e) Constantino A. V. & Licinio Cæs. Coss. [319.]

P. 341

N O T Æ.

- (a) *Lex 1. Cod. Iust. de collat. fund. patrim.* Iungendæ quoque huic legi videntur *lex 1. Cod. Iust. de Mancip. & colon. patrimon.* itemque *lex 1. de fundis patrim. & salt. vt & lex 1. de fund. rei priu.* Sunt enim omnes de Emphyteuticariis possessoribus. GOTHOFR.
- (b) *Proculus PC. Africæ sub Constantino M. Eidem inscribitur hoc ipso Anno 319, lex 2. supr. de priuil. eor. qui in S. Pal.* Carmen etiam verus de Proculo. *Idem LYBIAE Proconful.* In hunc est quoque Symmachi Patris carmen. Nisi ad Proculum illum, qui sub Constantio PC. Africæ fuit, vt docet *lex 21. supr. de appellat.* id potius pertineat. ID.
- (c) *Deuocantur:* Cod. Iust. (vbi & vox *munera* addita:) Et hoc tamen defendi potest. ID.
- (d) *Seiungi:* ita Cod. Iust. vbi & subscriptio intercidit. ID.
- (e) *Karthagine PC. Africæ consistebat.* ID.

C O M M E N T A R I V S.

EMPHYTEVTICARII possessores ab extraordinariis equidem muneribus immunes sunt, hac leg. & l. 2. 5. 9. 12. 13. 17. 20. supr. de extraordin. muner. vid. & l. 2. vltim. supr. de collat. fund. at non & a viarum muniendarum onere, ex hac Constantini M. constitutione, non magis quam ceteri prouinciales. Nemo quippe a viarum munitione immunis est: de quibus plene ad leg. 3. infr. Ratio tantum quæ hic redditur, obseruetur, Emphyteuticarii porro possessores sunt, qui

fundos patrimoniales ad patrimonium Principis pertinentes emphyteutico iure possident: de quo dixi suis titulis, supr. de locat. fund. iur. emphyteut. & tit. de conlat. fund. patrimon. vel emphyteut. Ergo neque Emphyteuticarii possessores ab itinere muniendo immunes sunt, obtentu rei priuatæ Principis; Quæ hoc æuo ab hoc onere immunis erat, vt argumento est; verum postea lex 4. infr. Domus Principis huic oneri & functioni subiacuit: l. 4. & 6. infr.

II. (a) Imp. IULIANVS A. ad Auitianum (b) Vic.
Afric. Post alia.

IN muniendis viis (c) iustissimum æquitatis cursum reliquit auctoritas. (d) Singuli (e) enim loca (f) debent quæque fortiri, vt sibi consulant, (g) vel negligentia, vel labore. Igitur eos loca iuxta morem priscum (h) delegata (i) curare (k) oportebit, &c. Dat. VII. Kal. Nou. (l) Iuliano A. IV. & Salustio Coss. [363.]

N O T Æ.

- (a) Iungenda huic est *lex 1. supr. de indulg. debitor. l. 15. supr. de curs. publ. & l. 7. Cod. Iustin. de edific. priuat. forte & lex 1. Cod. Iust. de diuers. pred.* GOTHOFR.
- (b) *Auitianus Vicarius Africæ sub Iuliano. Eius meminit & Ammianus Marcellinus lib. 27. c. 7. Mamertinum Prefectum Prætorio ab Vrbe regressum, quo quadam perrexerat correcturus, Auitianus ex Vicario peculatus detulerat reum.* IDEM.
- (c) *Canalibus, d. leg. 15. supr. de curs. publ.* quæ huic inter alias iungenda est: seu Canalibus publicis: l. 2. supr. de curiosis. ID.
- (d) *Autoritas, de hac voce mox.* ID.
- (e) *Possessores scilicet.* ID.

(f) Loca

(f) *Loca hic, & mox, loca delegata, sunt spatia viarum singulis possessoribus attributa & assignata: certa spatia, ut ait Sículus Flaccus loco, quem mox laudabo. ID.*

(g) Recte, *consulere sibi negligentia* quis dicitur. *Consulendi* scilicet verbum est ex τῶν μένων: *Consulere sibi negligentia*, est male consulere: contra, *sibi consulere labore*, est bene consulere: male autem consulere, ideo, quia poena his, qui id defugiunt, proposita est, & quidem actori, in spec. l. 3. *infr.* Proinde errant, qui hunc locum vitiosum putant. *ID.*

(h) Dicam mox, occasione vocis *Authoritas. ID.*

(i) *Sibi assignata*, ut loquitur Sículus Flaccus. *ID.*

(k) *Currere loca*; hinc *Curatio* in leg. 4. *infr. ID.*

(l) Supplendum hic ex d. l. 1. *supr. de indulg. debitor. Dat. VII. Kalend. Nou. Antiochie Acc. XV. Kalend. April. Carthag.* Ex quo apparet, quinto post mense, Antiochia hanc leg. perlatam Karthaginem. *ID.*

COMMENTARIUS.

IULIANI hæc constitutio est, de MODO seu ratione itinerum muniendorum; Quæ quidem pars est prolixioris Iulianæ constitutionis, ut ex iis legibus patet, quas huic coniungendas iam dixi, ad Diocesiæ Africæ pertinens; quam ea constitutione variis rationibus subleuatum iuit: inter alia scilicet. Primo, viarum publicarum cura suscepta; hac leg. Secundo, ut & Cursus publici; d. l. 15. *supr. de Curs. publ.* Tercio, item ornatus publici, d. l. 7. *Cod. Iust. de edif. priu.* Quarto, tandem & rei tributariæ: d. l. 1. *supr. de indulg. debitor.* Et hæc omnia subleuandis miseris Afris, qui nimis oneribus tum prægrauati erant, quorumque patrimonium & fortunæ lacerata fuerant; ut loquitur d. lex 15. Ergo Iulianus inter alia Remedia, hac leg. veterem in viis muniendis modum per Africam, quam *authoritas*, ut ait, *reliquit*, firmatum iuit, quo scil. possessoribus certa viæ spatia, pro modo & latitudine agrorum, & (ut loquitur lex 5. *infr.*) pro iugorum numero vel capitum, quæ possidebant, quæ suis impensis tuerentur, delegata seu assignata erant: *Iustissimumque* hunc *aquitatis cursum* vocat, aduersus prauam scilicet consuetudinem, qua miseri vitra hunc modum provinciales atterebantur. Quod quidem ipsum probat etiam Sículus Flaccus, de *condit. agror. p. ii. Edit. Rigoli. & pag. 9. Edit. Goes.* ubi ostendit, duplicem muniendam viarum rationem olim fuisse: *Via*, inquit, *aliter atque aliter muniuntur. Per pagos*, id est, per magistrorum pagorum, qui operas a possessoribus ad eas tuendas exigere soliti sunt. Aut, ut comperimus, unicuique possessori per singulos agros certa spatia assignantur, quæ suis impensis tuerentur: Etiam titulos finitis spatiis positos habent, qui indicant, cuius agri quis dominus, quod spatium tueatur. Neque abludit lex

14. in fin. *D. quemadm. seruit. amitt.* ut & vetus illa XII. Tabb. lex, Tab. VIII. *Si via per Amfigetes immunita esset, qua volet iumentum agito, ubi Amfigetes, sunt, quorum agri viam tangunt, ut Festus docet. Adde & tit. D. de via publ. & itin. public. refic.* Ad eundem sane quoque modum in Urbe secundum propriam domum quisque construere vias publicas tenetur, ut testatur Papinianus lib. singul. *Affynomico, l. vnic. §. 3. D. de via publica: & si quid in ea fact. esse dic.* Alibi τῶν ὁδῶν παρῖας, id est, *onus sternende viæ*, collatum, de qua collatione vide l. 27. §. 3. *D. de usufr. l. 13. §. 6. D. de act. empt. l. 14. §. 2. D. de munerib. l. 11. D. de vacat. muner. l. 6. Cod. Iust. de pignor. & l. 2. §. 22. D. ne quid in loc. public.*

Tandem ait Iulianus, hunc iustissimum æquitatis cursum in muniendis viis reliquisse *Authoritatem*. Vbi quæri potest quidnam *Authoritatis* voce intelligendum sit? An videlicet Proconsulis? quod suadere videatur d. l. 15. *supr. de curs. public.* ubi forma Proconsulis dicitur? An vero Vicarii Africæ, argumento inscriptionis huius legis? An *Authoritas* Iuris & Prudentum? Iuris enim *authoritas* Papiniano, l. 36. *D. de statu lib.* alibi Prudentum *authoritas* dicitur; & passim hoc *Cod.* *Authoritates* pro Constitutionibus: vid. *Paratit. de constitut.* An tandem *Authoritas*, id est, *usus* *authoritas*? arg. huius leg. in fin. ibi, *iuxta morem priscum*: & l. vlt. *infr. Antiquitas*. Quo etiam sensu Tertullianus lib. 2. ad Nationes cap. 1. *Institutiones Maiorum, Authoritates receptorum* dixit. Sane Iulianus identidem priscum morem in constitutionibus suis sequitur: qua de re plene dixi ad leg. vn. *supr. de longa consuet.* Et vero in hanc sententiam magis inclino.

III. (a) Imppp. VALENTINIANVS Theod. & Arcad. AAA.

ad Eufignium PF. P. (b)

A Viarum munitione nullus habeatur ismunis: & eorum prædiorum Actores, (c) qui forte iniuncto onere, (d) privilegiorum (f) contemplatione, parere minime voluerint, nostræ Domui vindicentur. Dat. IV. Kalend. Mart. Valentiniano A. III. & Eutrop. Coss. [387.]

NOTÆ.

(a) Absit hæc lex a *Cod. Iustiniano. GOTHOFR.*

(b) *Eufignio* huic PP. variae Constitutiones Valentiniani Iun. inscriptæ occurrunt Anno 386. 387. quas repete ex *Indice personarum*. Ad eundem extant variae Symmachi epistolæ lib. 4. & nouem quidem postremæ: ex quibus ferme omnibus

omnibus argumentum duci potest de Præfectura eius Prætoriana, & quidem Italiæ, cum maxime ex *epist.* 69. 70. & 73. *ID.*

(c) Senatorii, illustrium dignitatum. *ID.*

(d) Pro *oneri*. *ID.*

(e) Senatoriæ dignitatis, vel illustris. *ID.*

COMMENTARIUS.

VALENTINIANI Iun. hæc constitutio est, qua IMMUNITAS a viarum munitione omnibus præciditur. A viarum, inquam, munitione, id est, a collatione operarum sumptuumque ad viarum munitionem: quo sensu quoque *viarum munitione* accipitur apud Paulum V. *sentent. tit. 6. §. 6.* Alio enim sensu, *munitione viarum* accipitur pro cura muniendarum viarum, l. 12. D. de munerib. & munitione publicæ viæ, l. 1. §. 2. d. tit. id enim inter personalia munera est. Ergo a viarum munitione nemo excusatur ex hac Valentiniiani Iun. leg. pariter ut Constantini l. 1. *supr.* & tribus *segg.* puta Honorii, l. 4. Theodosii Iun. leg. 5. vide in id quoque leg. 10. *supr.* de *extraordin. muner.* Paulum, V. *sentent. tit. 6. l. 11. D. de vacat. & excusat. muner.* Nullius scilicet privilegii habita ratione hac leg. seu nullo priuato privilegio, nullo dignitatis privilegio attento, hac leg. & *dictis* 4. Et si alioquin ab extraordinariis muneribus immunes illi sint: (veluti Emphyteuticarii,) d. l. 1. Et si Illustres hac leg. & l. 4. Et si Principis domus, l. 4. 6. Et si Ecclesia, d. l. 6. Et si Veterani, l. 4. D. de *Veteran.* Hoc alioquin onus detrectantibus prædiorum possessoribus pœna proposita est, ut docuit *lex superior*. si videlicet ipsi detrectent:

Nam si non ipsi, verum ACTORES eorum detrectent, nulla pœna domini tenentur; verum ACTORES ipsi (quo spectat peculiariter hac leg.) Domui, seu dominio Principis vindicari hac leg. iubentur. Sicuti scilicet æquum non est, contumaciam seu negligentiam Actorum in dominorum verti perniciem; ita neque ipsis Actoribus impune id cedere debet. Actoribus inquam, qui, ut cæteroquin (de quo dixi ad l. 1. *supr.* de *iurisdic.*) ita & hoc in genere contumaces sese præbebant, dominorum videlicet suorum, Senatorum forte vel Illustrium dignitate, prætumidi. Hic interim pœna hæc notetur; qua actor priuati, domui seu dominio Principis vindicatur.

Tandem notari cupio, sicut Eufignium PP. Italiæ cui hac leg. inscribitur, (de quo ad inscriptionem) viarum munitioni incubuisse ex hac leg. colligi potest; ita & Basilicæ cuiusdam Pontisque consummationi instituisse, docet Symmachus, *epist.* ad hunc ipsum Eufignium 71. lib. 4. indicatque idem & lib. 5. *epist.* 76. in fin. ad Licinium. Ad huius leg. quætionem: v. quæ vltimum scripsit, *Le Prestre en ses Questions de droit cent. 1. ch. 32.*

IV. (a) Impp. Arcad. & Honor. AA. Messalæ PF. P. (b)

DVDM quidem fuerat constitutum, * *Vt Inlustrium patrimonia dignitatum ab instauratione itinerum haberentur excepta*: Verum, propter immensas vastitates (c) viarum, certatim (d) studia cunctorum ad reparationem publici aggeris (e) conducibili (f) deuotione volumus festinare: nulla ad (g) instructum munitionis huiusce, dignitate, aut priuatorum (h) privilegiorum in (i) qualibet, studiosius adpetita. Etiam istud adiungimus, ut ^{P. 343} Domos etiam Clementiæ Nostræ, quas vetusta, & innumera ab huius oneris curatione (k) privilegia vindicabant, par condicio & sollicitudo confringat. Ita tamen, ut in ceteris, quæ vel Inlustribus, vel patrimonio nostro, præcedentibus Ediçtis, beneficia fuerant adtributa, intemerata permaneant. Dat. III. Kalend. Maij, Med. Theodoro V. C. CONS. [399.]

NOTÆ.

(a) Absent & hac leg. a Cod. Iustin. GOTHOF.

(b) Italiæ. IDEM.

* Constitutio hæc videtur esse l. 18. *supr.* de *extraord. muner.* *ID.*

(c) Vastitates viarum sunt immunitiones. *ID.*

(d) Certante studio. Nou. Valent. int. Theodof. 21. *ID.*

(e) Agger publicus, hic & l. 5. *infr.* & l. 2. ne quis in Palat. man. est via publica: Vsurpat eandem vocem inter ceteros Ammian. lib. 18. c. 8. (cui & Itinerarius agger, lib. 19. cap. 8. dicitur) Sidonius lib. 1. *epist.* 5. lib. 2. *epist.* 10. *vers.* 22. lib. 4. *epist.* 24. lib. 9. *epist.* 3. Sulpit. Seuerus *Dilog.* 2. cap. 3. Seruius *Æneid.* V. v. 273. & ex eo Isidor. *Orig.* XV. cap. vlt. Agger est media strata eminentia, coaggeratis lapidibus strata. Glossar. Agger, strata, via publica. Omitto alia innumera. *ID.*

(f) Conducibilis vid. Gloss. *ID.*

(g) Ad-

(g) Aduersus. *ID.*(h) Personalia rescripta, *l. 5. prox. ID.*(i) *79. vi. ID.*(k) *Cursatio: vt supr. l. 2. Igitur eos loca iuxta morem priscum delegata curare oportebit. ID.*

COMMENTARIUS.

HONORII hæc constitutio est, contra eandem immunitatem, qua speciatim ILLUSTRES etiam (veluti Praefecti Prætorio, Praefecti Urbis, Magistri militum, Comites S. L. & R. P. &c. de quibus *supr. lib. 6.*) imo & DOMUS Principis a viarum munitione immunes esse verantur. Quod antea tamen aliter dudum vetustis & innumeris privilegiis constitutum fuisse hæc lex diserte testatur; & inter alias quoque *lex 18. supr. de extraordin. muner.* quam hæc omnino innuere videtur. Huic porro legi ferendæ occasionem præbuit immunitas viarum corruptarum tum vastitas seu immunitio per Italiam Praefecturam: Imo, vt puto, per Italiam ip-

sam. Cui vastitati occasionem forte præbuit illa ipsa illustrium & Domorum Principis immunitas, quæ *hac leg.* antiquatur. Quod de domibus Principis (quas per Prouincias sparsas habebant, de quibus *suo tit. lib. 10. de domib. ad rem priu. pertin.*) *hac leg.* adicitur, id etiam iteratur *l. ultim. infr. hoc tit.* Et hæc quidem de Immunitate a viarum tantum munitione, quam Honorius Imp. *hac leg.* & Illustribus & Domibus Principis hæcenus competentem, adeptum ita. Atenim cætera privilegia his data *sine leg.* confirmat. Quænam vero illa sint, docet *titulus, supr. de extraordin. muner.*

V. (a) Impp. Honor. & THEOD. AA. Anthemio

PF. P. (b)

ANTIQUATIS (c) omnibus, vel personalibus Rescriptis, vel per Adnotationes elicitis, per Bithyniam ceterasque prouincias, possessores & reparationi (d) publici aggeris, (e) & ceteris eiusmodi (f) muneribus, pro iugorum (g) numero, vel capitum, (h) quæ possidere noscuntur, adstringi (i) cogantur. Dat. VII. Kalend. Nou. Constantinop. Honor. IX. & Theod. V. AA. Coss. [412.]

NOTÆ.

(a) *Lex 2. Cod. Iust. de immunit. nemini concedenda. GOTHOFR.*(b) *Anthemius PP. Orientis, sub Theodosio Iun. vid. Prosopogr. IDEM.*(c) *Primus huius leg. versiculus, vrpote historicus, abest a Cod. Iust. ID.*(d) *In Reparatione: ita Cod. Iust. ID.*(e) *De Aggere hoc publico, dixi ad leg. 4. supr. ID.*(f) *Huiusmodi, Cod. Iustin. Veluti non aliorum tantum operum publicorum refectioni, sed & aliorum quorumcunque munerum, quæ ex æquo ab omnibus sustineri debent. ID.*(g) *Iugerum, Cod. Iust. male: vid. Glossar. in voce Iuga. ID.*(h) *Capitum, vid. Glossar. in Capita. ID.*(i) *Dare cogantur (seu adstringantur) ita Cod. Iust. Græci δειναιδεναι, καταναγκάζειν. ID.*

COMMENTARIUS.

THEODOSII Iun. Constitutiones duæ sequuntur contra eandem Immunitatem a viarum munitione. Hac sane, cum principaliter aduersus Immunitates lata sit, duo tamen ea constituuntur: Primo quidem, RESCRIPTA personalia, imo & ADNOTATIONES speciales Principum huiusmodi Immunitates a viarum munitione aliisque muneribus scilicet patrimonialibus tributuum reuocantur atque in irritum deducuntur; vt cæteroquin nulla privilegia hic locum habent: de quo vid. *Paratitlon.* Secundo, modus muniendarum viarum hic præscribitur; nempe Possessores quilibet pro numero iugorum vel capitum (nam hic viarum muniendarum modus fuit, de quo dictum plene ad *leg. 2. supr.*) huic muneris generaliter adstringuntur: *Pro numero iugorum & capitum: id est, pro modo possessionum:*

Tom. V.

Capita scilicet eadem cum iugis hac leg. vnde & capitulationem iugorum, & professiones: leg. 1. supr. de immunit. concess. & l. 6. supr. de extraordin. Item capitatio aut iugatio, leg. 1. supr. ne quid latit. publ. &c. Quare ridicula hic interpretatio Accursii & sequacium, qui capita hic animalia interpretantur.

Illud ad historiam *huius leg.* notandum, eam pertinere nominatim ad Bithyniam, cæterasque Pontica videlicet Dioceseos (in qua Bithynia erat) Prouincias. Quod Tribonianus quoque in *suum Codicem* retulit; qui tamen alioquin localla & temporaria, quantum potuit, vbique expungere studuit: Verum id ideo factum illi hic, quod verba illa, quæ statim subiiciuntur, *cæterasque Prouincias, generalem hanc constitutionem*

tionem reddere videntur, quæ tamen historica veritate inspecta, ad summum, Prouincias, quæ per Præfecturam P. Orientis erant, indicant: Et si quod secundo loco iam notauimus, idem ius vbiq[ue]

obseruatum, & per omnes Imperii Romani Prouincias. Cætera ex *Paratitlo*, & *leg. g. supr. de Annon. & tribut.* & iis quæ dicuntur adhuc ad *leg. prox.* hanc ad rem repetenda.

VI. (a) Idem AA. Asclepiodoto PF. P. (b)

ABSIT, vt nos instructionem (c) viæ publicæ, & pontium, (d) stratarumque, (e) operam, (f) titulis Magnorum (g) Principum dedicatam, (h) inter fordida munera numeremus. Igitur ad instructiones reparationesque itinerum, pontiumque nullum genus hominum, nulliusque dignitatis ac venerationis (i) meritis, (k) cessare oportet. Domos (l) etiam diuinas, ac Venerandas Ecclesias, tam laudabili titulo libenter adscribimus. Quam Legem cunctarum Prouinciarum (m) ludicibus intimari, (n) conueniet, vt nouerint, quæ viis publicis antiquitas (o) tribuenda decreuit, sine vllius vel reuerentiæ, (p) vel dignitatis (q) exceptione, præstanda. Dat. XV. Kalend. Mart. Constantinop. Asclepiodoto & Mariano Coss. [423.]

N O T Æ.

(a) *L. 4. Cod. Iust. de priu. dom. Aug. & l. 7. Cod. eod. de SS. Eccles.* hinc desumptæ sunt. Omitte porro hanc *leg. Baronius.* Iungenda autem huic est *lex 25. infr. de Iudeis:* & forte etiam *lex 35. supr. de erog. milit. annon.* **GOTHOFR.**

(b) Orientis. *ID.*

(c) Instructiones, *d. l. 4. ID.*

(d) De Pontium instructione seu structura, vide & *l. 36. supr. de Operib. public.* ac nominatim de ponte Liguentiæ, *l. ultim. supr. ne opere a conlat. exig. ID.*

(e) Stratarum. Glossar. *Agger strata via publica.* Virgil. *l. Æneid. v. 426.* dixit, *strata viarum.* Seruius *Æneid. V. v. 273.* & ex eo Isidorus, *lib. XV. cap. 16.* *Agger est media strata eminentia, coaggeratis lapidibus strata.* Procopius *lib. 2. Belli Pers. c. 1. p. 88. Edit. Reg.* *στράτα ἡ ἐστρωμένη ὁδὸς τῇ Λατινῶν καλεῖται Φωνή,* Strata vocatur latina lingua via lapidibus munita. Iuuenius *bist. Euangel. lib. 2. v. 542.*

En ego mitto meum stratas aptare Ministrum

Ante tuos vultus —————

Retinent hodie Itali, retinent & Germani. Vnde *Strataburgo* reuerendæ mihi ciuitati nomen, cuius iam mentio apud Gregorium Turonensem, *Histor. Francic. lib. 10. cap. 19.* Strata autem proprie lapidibus strata: cum alioqui duplex esset ratio vias sternendi: glarea, vel Silice; præter Liuium *lib. 41. cap. 27.* Tibullus ad *Messalam lib. 1. Eleg. 8. v. 59.*

Namque opibus congesta tuis, hic glarea dura

Sternitur, hic apta iungitur arte silex.

Postea cæpit quælibet via & platea *strata* dici. Glossæ *Cyrilli*, vt omittam alios, *λεωφόρος, Strata, itiner.* *ID.* Plura vide apud *CL. DV FRESNE* in *Glossar. vocc. strata, strada.* **RITTER.**

(f) Opera, *d. l. 4. GOTHOFR.*

(g) Maiorum *Cod. Iust. d. l. 4.* Quod idem est. Ita *Magni & Maiores* Iudices iidem. *ID.*

(h) Dedicata *Cod. Iust. d. l. 4. ID.*

(i) *Infr. reuerentia. ID.*

(k) Id est, ob merita. *ID.*

(l) *Domus diuine*, id est Principis, *hæc leg. vt l. 4. supr. vid. Glossar.* Quod etsi viderit Alciatus, idem tamen maluit hic *diuinas domus* explicare, quæ quoquomodo ad sacra pertinent, & Ecclesias, quæ pro congregatione fidelium constructæ sunt; Sed male omnino. Quod ostendit vel *Titulus Cod. Iust. de priuil. domus Augustæ;* sub quo hæc lex posita est. Ostendit & *lex 1. 4. supr. ID.*

(m) Orientis. *ID.*

(n) *Atque*, de hoc more intimandarum legum per PP. v. *Paratitl. de constit. Princip. ID.*

(o) De hoc notauimus ad *l. 2. supr. ID.*

(p) Ecclesiasticæ. *ID.*

(q) Etiam Illustris, etiam principalis. *ID.*

COMMENTARIUS.

ALTERA hæc THEODOSII Iun. hac tin. constitutio est: qua is iterum ab itinere muniendo nullum IMMUNE esse iubet. Itemque (quod hac leg. adicitur) a Pontium instructione. Quod postremum ostendit quoque *lex vltim. supr. ne opera a conslat.* Ac nominatim Theodosius Iun. hac leg. immunes esse vetat ab itinere seu viarum publicarum pontiumque instructione; Tres alioquin præcipue dignationis: puta *Domos Diuinas*, id est Principis, pariter vt d. l. 4. *supr.* Item & *Dignitates* qualcunque, hac leg. pariter vt & l. 3. 4. *supr.* Denique *Ecclesias*: quod postremum voluit quoque Iulianus Imp. (vt existimo) l. 10. *supr. de extraord. muneribus.* Valentinianus Tertius Nouell. inter Theod. 21. in id expressa: *Neque domum diuinam, neque Ecclesiam, aut aliquam personam quolibet munere excusandam.* Iustinianus, non tantum relata hac huius leg. parte in *Codicem suum*, in leg. 7. *Cod. Iust. de sacros. Eccles.* posthabita lege contraria, puta leg. 40. *infr. de Episcop.* verum etiam propria Nouell. 131. Et exinde Carolus M. *Capitularium lib. 6. cap. 107. Possessiones*, inquit, *ad Religiosa loca pertinentes nullam descriptionem agnoscant nisi ad constitutionem viarum vel pontium, si tamen intra eadem loca habuerint possessiones.* Et ita quoque frequentibus Senatusconsultis Parisiensibus iudicatam aduersus Ecclesiasticos & Monachos, secundum Curatores viarum & pontium, nempe Costumam, portorium, barragium, pædagium, gabellam, & similia viae pontiumque instructioni destinata, ab omnibus, nulla immunitatis Ecclesiasticæ ratione habita, exolui debere; vt refert Chopinus *Monasticon lib. 2. tit. 2. pag. 238. 239.* & Robertus *rer. iudicat. lib. 2. cap. 3. vid. & Guid. Pap. quæst. 78.* De hac vero questione tractant Interpretes ad *dict. leg. 7. Cod. Iust. de sacrosanct. Eccles.* quæ hinc desumpta est: Negusantius inter alios *quæst. 375.* suauis est, qui hanc legem exorbitantem a iure diuino & humano esse pronunciat, & in nullo foro esse seruandam, & habendam pro irrita & cassa; imo nec Papam posse eam canonizare. Aliquando certe Honorio aliter visum, l. 40. *infr. de Episcop. Eccles. & Cler.* quam legem repudiavit Iustinianus vt dixi, prælata hac leg. Ad priuatam vero & vltro-neam munificentiam magis pertinet, quam ad publicam legem, quod de se prædicat Theodoretus Episcopus Cyri, *Epistola ad Anatolium Patricium 79.* ὅτι δὲ καὶ πολλὰ τῆς ἐκκλησιαστικῆς προσόδου εἰς τὰ δημόσια ἀνηλώσαμεν οἰκοδομήματα, σοῦς ἐγείροντες καὶ λατρά, καὶ γεφύρας κατασκευάζοντες, καὶ τῶν κοινῶν τῶν ἄλλων ἐπιμελεμένους, οἶδεν ἡ ὑμετέρα μεγαλοφύα, id est. Quod vero Ecclesiasticorum quoque redituum partem non exigam in publica ædificia consumpserimus, porticus excitantes & lauacra, & PONTES extruentes, & publici vsus alia procurantes, Magnificencia Tua non ignorat. Ergo noluit hac leg. Theodosius Iun. Immunitatis Ecclesiasticæ obtentu, vilitatem publicam hoc casu destitui: pariter vti noluit, sanctitatis obtentu in aliena iura inuolare, nequidem Iudæorum: l. 25. *infr. de Iudeis*: quæ huic nostræ, ceu eiusdem constitutionis pars, coassanda venit: qua in vniuersum Theodosius

Iun. Ecclesiis Christianis modum quendam imposuit.

Addit porro, imo præmittit verbis prægnantibus pro ratione b. l. Theodosius Iun. viarum munitiōnem non esse inter munera fordida censendam. Quo ipso ostendit, aliquando fordidis quodammodo fuisse adnumeratam; & confirmat l. 4. *supr.* Itemque Nouell. Valentiniani inter Theod. 21. Sed vt d. Nouell. ait, *contra rationem, & praua appellatione.* Imo manifestissime id ostendit l. 15. & 18. *supr. de extraord. muner.* Sed tantum abest, vt id ferat Theodosius Iun. hac constitutione, vt contra profiteatur, instructionem viarum & pontium, laudabilem maxime titulum esse, & titulis magnorum Principum fuisse dedicatum. Vt omittam, quod Herodotus lib. 6. p. 349. Edit. Gronou. scripsit, Regibus Spartanos hoc velut summum concessisse, vt de viis publicis cognoscerent. Sane lapides seu columnæ viarum instauratarum, inque his Inscriptiones id comprobant: quo hic etiam allusum voce *Tiulis.* Vt omittam innumeras alias: huius generis est illa Inscriptio in Dioecesi Augustana, apud Gruterum CLVII. 2.

IMP. CAESAR. LVCIVS. SEPTIM
IVS. SEVERVS. PIVS. PERTIN
AX. AVG. ARABICVS. ADIAB
PARTHICVS. MAXIMVS
PONTIFEX. MAX. TRIB. POT
VIII. IMP. XII. COS. II. P. P
PROCOS. ET. IMP. CAESAR
MARCVS. AVREL. ANTON
INVS. PIVS. AVG. TRIB
POT. IIII. PROCOS. ET. IMP
P. SEPTIM. GETA. ANTON
VIAS. ET. PONTES. REST
AB. AVG. M. P. XXXXI

Eadem *Pagin, num. 3.*

VIAS. ET. PONTES. REST
AB. AVG. M. P. XXXXII.

Et iterum *num. 4.*

VIAS. ET. PONTES. REST
AB. AVG. M. P. XXXIII.

Eodem pertinet & hic locus Sidonii in *propempt.* seu *carm. vlt. v. 5. seqq.*

Antiquus tibi nec teratur agger,

Cuius per spatium satis vetustis

NOMEN CÆSAREVM virescunt columnis.

Eodem interim ratio Portus, & Aquæductus, l. 23. *supr. de operib. public.* itemque murorum: sed & putei publici: vide ad aliquid Guido Pap. *quæst. 444.* & *Speculator. de Censib. §. Nunc dicendum.*

DE IMAGINIBVS IMPERIALIBVS.

TITVLVS IV.

Concordat Tit. Cod. Iust. de stat. & Imaginibus: & Tit. de his qui ad stat. confug.

PARATITLON.

IMAGINES Imperiales, Rubr. & l. unic. & l. 44. sup. de operib. publ. & l. 12. infr. de Scenic. seu Statuæ, hac leg. & l. unic. sup. de his qui ad stat. Simulacra, l. unic. hoc tit. & d. l. unic. Sacri denique vultus, l. 4. sup. ne quid publ. letit. l. ultim. sup. de excusat. artific. consecrari dicebantur, d. l. 12. de Scenicis. Erant vel locis publicis, veluti in porticibus publicis, aliisue ciuitatum locis consecrata: l. 44. sup. de operib. public. & d. l. 12. infr. de Scenic. quæ & l. unic. hoc tit. indicantur. Quæ quidem erigebantur vel festis maxime diebus, sed & communibus, præfente Rectore Prouinciæ, hac leg. unic. cum magno cultu atque adoratione, quod vetat Theodosius Iun. l. unic. hoc tit. Ad eas vero confugere ius erat; de quo sup. de his qui ad stat. confug. Deponere denique eas labante ædificio licuit, inconsulto Principe: sic tamen vt instaurato ædificio, suo loco reponerentur: d. l. 44. sup. de operib. public. Aliæ vero ludis proponebantur, l. vn. hoc tit. Aliæ denique populis inhiantibus inferebantur: d. l. 4. sup. ne quid public. letit. Hæ a pictoribus efficiebantur, seu effingebantur, vid. l. 17. de Pænis: mercede accepta a ludicibus, l. ult. sup. de excus. artific.

P. 346 *Aduersus immodicum statuarum CVLTVM in erigendis vel ludo proponendis iis: Theodosii M. lex.*

I. (a) Impp. THEOD. A. & Valentinianus Cæs. Ætio P. F. (b)

SI quando nostræ statuæ, vel imagines, eriguntur, (c) seu diebus (vt adfolet) festis, siue communibus, (d) adsit Iudex, (e) sine adorationis ambizioso fastigio, (f) vt ornamentum, dici, vel (g) loto, & nostræ (h) recordationi, sui probet accessisse præsentiam. (i) Ludis quoque simulacra proposita, tantum, in animis concurrentum (k) mentisque secretis, nostrum numen (l) & laudes (m) vigere demonstret: excedens cultura hominum dignitatum (n) superno Numine (o) reseruetur. Dat. III. Non. Maii, Theod. A. XI. & Valentin. Cæs. Coss. [425.]

N O T Æ.

(a) *Lex 2. Cod. Iustin. de stat. & Imagin. GOTHOF.*

(b) *Ætius hic ille est, qui Anno D. 419. P. V. Constantinopol. fuit: teste Chronic. Alexandr. pag. 720. 721. Edit. Rader. & l. 5. sup. de calc. costor. & cuius cisterna constructa Constantinop. Anno D. 421. teste Marcellino, Chronico: quique Anno 432. Cos. fuit. Alius vero ab hoc est Ætius ille, Occidentalis Imperii salus, sub Valentin. Iun. qui & hoc Anno ipso 425. curam Palatii Ioannis Tyranni agebat, vt testatur Renatus Profuturus Frigeridus, apud Gregor. Turon. lib. 2. cap. 8. & deinceps Comes rei militaris, mox Magister militum factus est. ID.*

(c) *Eriguntur, id est, excitantur in publico, consecrantur: l. 12. infr. de Scenicis. ID.*

(d) *Communes dies festis opponuntur: sunt igitur profesti. ID.*

(e) *Iudex, id est, Rector Prouinciæ: vid. Gloss. Theod. ID.*

(f) *Fasti.*

- (f) *Fastidio*: Cod. Iust. Sed rectum est hic *fastigio*: Ita Sueton. in *Julio* cap. 76. Sed & ampliora etiam humano fastigio decerni sibi passus est, &c. ID.
- (g) *Et* Cod. Iust. Sed nil muto: vel, pro *Et*. vid. *Glossar.* ID.
- (h) Ita quoque Cod. Iust. Neque necesse mutare in *nostri*. ID. Locum aliter emendat GUIL. BEST. Rat. emend. leg. c. 27. pag. 291. cuius hæc verba sunt. Hæc ego puto ita quam facillime luce posse redonari: *Fastigio, v^o ornamentum diei vel loco ex nostra, recordationis vi, probet accessisse presentia*. Sensus est. Iudex debet adesse erectioni statuarum, vt ita probet nostram præsentiam, quæ per vim recordationis ex ipso statuarum conspectu adesse potest centeri, aliquid pompæ atque ornamenti diei & loco, quo ponuntur, adiecisse. *Presentia* iam reperitur in aliis codicibus, vti ad marginem Cod. Iust. est adnotatum: sic vt effectu nihil aliud mutetur, quam quod & *nostræ* transeat in *ex nostra*. Quod si inagis placeat; vt *ornamentum dies vel locus ex nostræ recordationis sibi probet accessisse presentia*, non valde repugnabo: quin imo lætus accipiam, si quis longe meliora attulerit. Interim eligat aut coniecturam nostram, aut I. Gothofredi emendationem, qua is reposuit *nostri*, cætera relinquens intentata. Necesse autem est, vt reponas *presentia*, etiamsi omnia reliqua explicatione duriori conseruari posse putares. Hactenus ille. Ego viro docto non assentior, cum sensum vix commodum admittant illa, *ex nostræ recordationis vi*. Id enim vult Theodof. A. *Vt probei Iudex, sui presentia, accessisse ornamentum diei, vel loco, & nostræ recordationi*, id est, diei, quo recordatio siue memoria nostra, (Theodof. A.) recollitur. Imo *accessisse presentiam* tolerari potest, ita, *sui presentiam accessisse ornamentum*: quamuis enim durum sit, his tamen temporibus non est insolens. RITTER.
- (i) *Presentia*: Sed tamen illud non ideo muto. GOTHOFR.
- (k) *Concurrentum*, id est eorum, qui ad ludos concurrunt. ID.
- (l) Malim hic *Nomen*; non tantum, quia hæc imitatio Virgiliana est: verum & quia hæc *lex* eo spectat, vt superno numini (vt f. l. dicitur) suus cultus, vt re, ita & verbis proculdubio seruetur. ID.
- (m) Aperta imitatio Virgiliana, *Semper honos, nomenque tuum, laudesque manebunt*. ID.
- (n) *vg. dignitatem*, id est, fastigium, vt *supr.* & in Suetonii loco. ID.
- (o) *vg. Numini*. ID.

COMMENTARIVS.

IMMODICO cultui atque ADORATIONI Statuarum vel Imaginum Imperatoriarum, quo tempore partim erigebantur, partim vero ludis proponebantur, (hæc enim duo sunt *buius leg.* capita) occurrit hæc constitutio Theodosius Iun. Anno D. 425. Scilicet hoc illud sæculum fuit, quo Statua (in Oriente maxime) Imperatorum ingenti passim vt sumptu, ita & adulatione erigebantur: Ita, (ne retrofiora repetam) Theodosii M. statua argentea in columna haud longe ab Ecclesia posita, Anno D. 390. teste Marcellino in *Chronico*. Ita statua eiusdem Theodosii M. in foro Theodosiano posita, vt scribit Auctor *Chronici*, *Alexandr.* Anno D. 394. pag. 710. 711. Edit. Rader, cuius meminisse videtur Cedrenus in *Theodosii M.* p. 323. & in *Zenon.* p. 353. Edit. Reg. Ita Arcadium ait Zonaras in *Iustiano pagina 63.* Edit. Reg. Statuam Theodosio M. argentæam fecisse pondere 7400. librarum. Ita Eudoxia Arcadii vxoris super Porphyreticam columnam argentea statua iuxta Ecclesiam posita Anno D. 403. vt Auctor est Marcellinus *Chronico*: Socrates *lib. 6. cap. 18.* Sozomenus *lib. 8. cap. 20.* Ita sub Theodosio Iun. *buius leg.* Auctore, Anno D. 414. tria *σηθάρια*, id est, imagines pectore tenus, thoracides, (vt olim vocabantur) *προτομαί*, Honorii scilicet & Theodosii AA. & Pulcheriæ A. dedicate in Senatu ab Aureliano iterum P. P. & Patricio. *Chronici. Alexandr.* pag. 716. 717. Edit. Rader. Ita Anno D. 415. dedicata statua aurea in Senatu Theodosii Imp. ab Aureliano iterum P. P. & Patricio, eodem teste, pag. 718. 719. Ita quoque Anno 421. statua Arcadii in foro Arcadiano super immanem columnam cochlidem (cuiusmodi dux Romæ apud P. Victorem memorantur: sed & apud Marcellinum in *Chronico*. scriptum in *Basilio solo Conf.* Statua Theodosii M. in foro Traiani super columnam

cochlidem posita corrui) loco dicto *Xerolopho* dedicata; teste vtroque & Marcellino in *Eustath.* & *Agricol. Coss. & Chronico Alexandrino* pag. 726. 727. Edit. Rader. Neque hic statuarum immodicus vsus Constantinopoli modo constitit, verum & Prouincias peruagatus est; quo pertinet quoque hæc *lex*. Sed neque infania eo hæctenus processit, vt ingenti numero sumptuque hæc Statuæ excitarentur, verum (quo pertinet hæc *lex*) & cum Adorationis seu *προσκυνήσεως* fastigio erigerentur, exciperenturque; quomodo & alias hoc æuo diuina pleraque Imperatoribus tribuebantur, quæ huius æui labes fuit. De quo alibi. Mitto nunc ritus Gentilitios, in statuarum consecrationibus olim adhibitos, quæ huc non pertinent, veluti quod coronis adornatæ, adoratioque ad eas vino, thure, velatoque capite, & circumactione, haud aliter atque ad Numinis occursum, peracta; de quo adorationis genere Cælius II. Var. 16. hanc quoque *leg.* accipiebat, sed perperam: hæc enim ritus Gentilitii fuerunt, quæ Christiana Religio, quantacunque tandem in Principes adulatio sese vnquam effuderit, auersata semper est. Quamquam reperio Philostorgium *Ætiani* seu *Eunomianum lib. 2. histor. cap. 18.* sub hoc ipso Theodosio Iun. Imper. Christianis, id est Orthodoxis obiiicientem, quod Constantini M. imaginem in Porphyretica columna stantem sacrificiis propitiarent, lucernis & incensis colerent, precesque velut Deo allegarent, & auerruncatorias maiorum supplicationes peragerent: *καὶ τὴν Κωνσταντίνου τῆς εἰκόνα τὴν ἐπὶ τῇ πορφύρῃ κίον ἱσταμένην, θυσιῶς τὲ ἱλάσκεσθαι καὶ λυχνοκακίας καὶ θυμιάμασι τιμᾶν, καὶ εὐχὰς προσάγειν ὡς θεῷ, καὶ ἀποτροπᾶς ἐκτελεῖν τῶν δεινῶν ἐπιτελεῖν τὰς χριστιανὰς κατηγορεῖν: Χριστιανὸς ἀσχεῖται* quasi

quasi Constantini imaginem in porphyretica columna stantem sacrificiis propitiarent, lucernis & incensis cohererent, precesque velut Deo allegarent, & avaruntorias malorum supplicationes peragerent. De quo ad eum locum. Quid igitur? Adclationibus hactenus, sed & festiuitatibus ludicisque hæc peracta: non sine aliquo Adorationis cultusque fastigio signoque. Quod ostendunt Socrates & Sozomenus dictis locis: κρότοι δὲ καὶ δημόδεις θεῶν ἐρχομένων τε καὶ μίμων ἐνθάδε ἐπετελέοντο, ὡς ἔθος ἦν τότε ἐπὶ τῇ ἀνακλήσει τῶν βασιλικῶν εἰκόνων, plausus illic, & saltatorum ac minorum publica spectacula edebantur, sicuti tunc mos erat in dedicatione imperialium imaginum, inquit Sozomenus. Et Socrates, ἐπὶ τῷ συήθως δημόδεις ἤγοντο παιδαίαι, ad eam statum popularium lusum celebrari consueverant. Quæ eadem adoratio & festiuitas adhibita, cum Imagines Imperatorum in Prouincias populo inferrentur, ludisque proponerentur; de quo dictum ad l. 4. *supr. ne quid public. latit.* Locus est apud Joan. Damascenum *orat. 3. de imaginib.* (inter Patrum veterum testimonia ex *orat. 4. Severiani Galatorum eis τὸν σαρδὸν*) pag. 385. Edit. Paris. Mich. Lequien. Εἰ γὰρ βασιλέως ἀποῦτος εἰκὼν ἀναπληροῖ χώραν βασιλείας, καὶ προσκυνῶσι ἄρχοντες, καὶ ἱερομνήμῃ ἐπιτελέονται, καὶ ἄρχοντες ὑπανίστασι, καὶ δῆμοι προσκυνῶσι, & πρὸς τὴν σάβδα βλέποντες, ἀλλὰ πρὸς τὸν χαρακτῆρα τῆ βασιλείας, & ἐν τῇ φύσει θεωροῦμεν, ἀλλ' ἐν γραφῇ παραδεικνυμέναι. Nam si absente Imperatore eiusdem imago locum supplet Imperatoris, eamque proceres adorant, dies festiui aguntur, obuiam procedunt magistratus, & adorant populi; non quidem in tabulam respicientes, sed ad dignitatem imperatoris, non qui in sua natura conspiciatur, sed in pictura proponatur. * Exstat & alter apud Chrysostomum *Orat. 7. de Laudib. S. Apostol. Pauli, Tom. VIII. Saulian. pag. 57. & Tom. II. Edit. Benediclin. pag. 512.* quem retuli ad *diē. leg. 4. supr.* Sed & in Actis Secundæ Nicænæ Synodi, *Actio. I. pag. 46. Tom. IV. Concil. Edit. Harduin. Labrata & Icones, quæ mittuntur ad Ciuitates vel Regiones, obuii aduentu populi cum cereis & incensis, non cera perfusam tabulam, sed Imperatorem honorantes. Quem locum tanquam ex Optato Mileuitano laudare solent etiam huius æui Viri docti, sed perperam. Ergo immodicus cultus delatus hac tempestate his Imperatorum Imaginibus, siue cum ex erigerentur, siue cum proponerentur Ludis: & quidem a Iudicibus, seu Magistratibus, quod hæc lex testatur, & superior ille ex Damasceno locus, ibi, καὶ προσκυνῶσι ἄρχοντες: sed & hic Hieronymi locus in *cap. 3. Danielis pag. 487. Tom. V. Oper. Edit. Francf. apud Christ. Gensleb.* vbi de statua Nabuchodonosoris. Siue statuam ut Symmachus siue imaginem auream, &c. cultores Dei eam adorare non debent: Ergo IUDICES & Principes sæculi qui Imperatorum statuas adorant & imagines, hoc se facere intelligant, quod Tres Pucri facere nolentes placuerunt Deo. Quem cultum ut Patres ea tempestate damnauere, in quibus Chrysostomus, vnde etiam illi conflata inuidia; de quo ad l. 37. *supr. de operibus publicis:* ita & hac lege*

damnat Theodosius Iun. Civilis Princeps, velut (quod Velleius dicebat) ultra ciuili dignitatis modum existentem, damnatque ambitionem hoc adorationis fastigium: satis scilicet habens, si concurrentes in animis suis, mentisque secretis, recordationis sui, nomen & laudes suas vigere demonstrarent, damnato ambitionis adorationis fastigio & cultura excedente hominum dignitatem, quam superno Numini referuari iubet: quæ omnia ut eleganter, ita & summa ciuilitate Theodosius Iun. ipse hac constitutione sua complectitur: cui haud abfimilis eiusdem ciuilitas continetur l. dominico, *instr. de spectaculis.* Quid igitur? Iudicem eo tantum procedere vult, ut probet sui præsentiam accessisse velut ORNAMENTVM his Tribus; & Diei, & Loco, & Imperatoris recordationi. Ornamentum, inquam, non cultum: scilicet præsentiam Iudicis ornamento est rei, actuique qui coram eo celebratur: Error enim est Petri ad *leges Atticar. pag. 231.* qui id ad ornamenta statuarum referebat; nullo sensu.

Interim in hac leg. complurima notanda veniunt ad statuas & Imagines Imperatorum pertinentia. Primo quidem, Imperatorum statuas vel Imagines nonnullas certo loco positas fuisse, dedicatasque, & (ut loquebantur) consecratas; veluti in columnis, foris, Senatu, quod docuerunt tam loca superius laudata ex Marcellino, *Chronico Alexandrino. Socrate, Sozomene:* Itemque in porticibus, l. 44. *supr. de operibus publicis.* Sed & nonnullæ haud longe ab Ecclesia, ut ex superioribus liquet. Quod & ipsorum nimium visum, & vero Chrysostomo inuehendi aliquando occasionem præbuit.

Et quidem (quod Secundo obseruandum) erectas has statuas diebus ferme festis. *

Alias vero (quod Tertium,) non erectas certo loco, verum propositas, id est circumlatas, populoque inhianti exhibitas: de quo est d. l. 4. *supr. ne quid public. latit.* vbi plene dixi; quo pertinent superiora illa duo Chrysostomi & Ioan. Damasceni loca: & tertius insuper ex Nicænæ secundæ Synodo locus: vnde & Φόροι dictæ, de quo est sub hoc ipso Theodosio, etiam Isidori locus, l. *epist. 337.*

Et quidem (quod Quartum) Ludis etiam propositas: populo scilicet in Circo vel Theatro, vbi adclationibus seu κρότοις, eæ excipiebantur: pariter ut in erigendis Imaginibus Ludos adhibitos iam ostendi.

Postremo obseruandum, hæc Imagines, quæ ludis proponerentur, seu populo inhianti inferrentur, simulacra proprie hic dici, σμῆμα, cum priores illæ Statuæ & Imagines dicerentur: nempe quia vultus tantum simulacra essent, faciemque Imperatoris simularent seu assimilarent. De cuiusmodi simulacris est & hic Ambrosii locus, *lib. 6. Hexaem. cap. 9.* Sola, inquit, ere fusa Principum capita, & ducti vultus de ere, vel de marmore ab hominibus adorantur: de quo plenius dixi ad d. l. 4.

Ex superioribus in summam colligere licet, quibusnam temporibus quamque variis occasionibus Imagines Imperatorum erectæ propositæque fuerint, quam varia denique forma. 1. Quibus, inquam,

* Hunc locum Noster ad d. l. 4. ad hanc leg. & in *Observat. ad Philostorg. loc. cit.* laudauit e Chrysostomi *Oratione* eis τὰυδὲν. Eum olim & iam frustra quero in orationibus variis S. Patris, quas de cruce reliquit. Non dubio Gothofredum memoria lapsum, male citasse. Vide quæ scripsi ad d. l. 4. *supr.* & in *Addend. ad Tom. II.*

** ANTON. PAGIVS in *Critic. ad Annal. Baron. ad an. 414. num. 14.* probat, statuas non diebus festis, sed aliis plerumque collocatas, nuncupationesque Imperatorum aut Cæsarum diebus dominicis hoc tempore nondum fieri solitas.

quam, *Temporibus*: quandoque scilicet; & frequentissime quidem festis; quandoque communibus diebus. 2. Quibus rursum, quamque variis *Occasionibus*, non modo scilicet Principum in Principes, vel Senatus aut Magistratum, adulatione, verum & Principum ipsorum erga subditos studio & affectu, puta cum eas vel ludis exhiberent, vel in Prouincias inhiantibus populis mitterent. Quibus adde, & cum sui Imperii vim insinuare vellent: Vt cum adsumpto Imperio Statuas Romam, aliove mitte-

rent: de quo videndus est Zosimus, vbi nominatim de Constantio, & de Maxentio. 3. Varia denique *Forma*; Nempe erectæ ex locis publicis integra statura; propositæ vero ludis & populo inhianti, vel vultu, vel thorace tenus: quæ illa *Labrata* sunt, & *σκηδάρια*, seu *σκηδορία*, *σκηδάρια*, Clypei, (totidem enim appellationibus ex nuncupata:) Et quidem *Labrata*, de quibus dixi plenius ad d. l. 4.



P. 348

DE SPECTACVLIS.

TITVLVS V.

LIB. XI. COD. IVSTIN. TIT. XL.

De Spectaculis, & Scenicis & Lenonibus: atque ita ex trib. huius Cod. tit. conflatus est vnicus in C. Iust.

PARATITLON.

SPECTACVLA, Rubr. l. 2. 4. & l. vltim. h. t. l. 2. infr. de Maiuma: l. 4. infr. de Scenicis: l. 2. supr. de Offic. Recl. prou. Dicuntur & Spectacula solemnia, l. 4. h. t. Ludi, l. 2. h. t. & l. vnic. supr. de Imagin. Munus, l. 4. 18. vltim. supr. de Prætor. ludicræ Artes, l. 2. infr. de Maiuma: ludicra, d. l. 2. supr. de offic. Recl. prou. (vnde & ludicra ministeria, l. 4. infr. de Scenicis:) Editiones, l. 1. hoc tit. Solennitas, l. 2. h. t. solitæ deuotionis Officia, l. 4. h. t. Festiuitas, l. 3. h. t. & l. 30. supr. de Prætor. Lætitia, l. 1. infr. de Maiuma: Voluptates, l. vltim. h. t. & l. 17. infr. de Pagan. l. 3. 5. 6. 7. 13. de Scenicis: l. 29. 32. de Prætor. (vnde & Tribunus voluptatum, l. vltim. infr. de Scenicis: Theatrorum, Circensium voluptas, l. 5. hoc tit.) studia felicitis populi, l. 3. infr. de Scenicis, populi studia & voluptates, d. l. 3. infr. de Scenic. Theatrales ludi, l. 2. hoc tit. Theatrale spectaculum, l. 1. infr. de Scenic.

Horum porro Spectaculorum numero erant. 1. Maiuma; de quo infr. tit. 6. prox. 2. Scænici ludi, de quibus infr. tit. de Scenic. 7. & d. l. 29. supr. de Prætor. 3. Circensæ certamen, l. 2. hoc tit. & l. 7. infr. de Scenicis, (seu Circensium voluptas, d. l. 5. h. t. Circenses ludi, l. 2. 4. & l. vltim. supr. de Prætor.) ad quæ Equi Curules erant, de quibus l. 3. h. t. & l. 6. infr. de Scenic. & suo tit. de Equis Curulib. 10. infr. item Aurigæ, l. 3. hoc tit. seu Agitatores, l. 12. infr. de Scenic. Agitandique munus exercentes, l. 7. d. tit. de Scenic. 4. Theatralis depensio, l. 29. supr. de Prætor. Theatralis functio Symmacho, vnde Theatrales ludi & Circenses iunguntur, l. vltim. supr. de Prætor. 5. Ferarum cursus, l. 2. hoc tit. seu ferarum venatio: de quo suo tit. 11. infr. 6. Gladiatores denique, de quibus suo tit. 12. infr. Ambrosius, II. Offic. 21. Quod faciunt qui ludis Circensibus vel etiam Theatralibus & Muneribus Gladiatorii, vel etiam venationibus patrimonium dilapidant suum.

Edebantur autem spectacula vel a Magistratibus, l. 1. hoc tit. 1. Duumviris, vid. & l. 103. 109. supr. de Decurion. seu 2 Curiarum Primatibus viris, l. 3. infr. de Scenic. 2. Vel a Sacerdotibus Prouinciarum, l. 1. hoc tit. & l. 2. infr. de exp. ludor. l. 1. supr. de præd. Senator. l. 145. 176. supr. de Decurionibus: l. 20. infr. de Pagan. 3. Vel a Prætoribus,

l. 1. 2. 4. 5. 6. 11. 13. 14. 15. 18. 19. 20. 21. 22. 25. 29. 31. 32. supr. de Prætor. vbi dictum: vnde & editores dicti, *d. l. 5. 7. 18. 31. supr. de Prætor.* 4. Vel denique a Iudicibus, *l. 2. hoc tit.* Horum scilicet omnium expensis & sumptibus, *l. 1. 3. b. t.* pro patrimonii sui viribus, *l. 4. b. t.* (de quibus, *infr. suo tit. de expens. ludor.*) & pro arbitrio, *d. l. 3. de Scenic.* & *l. 103. 109. supr. de Decurion.* Spectacula edebantur.

Idque festis ac legitimis diebus, *d. l. 176.* puta Natali Principis, a Iudicibus; *l. 2. b. t.* (excepto Solis die, *d. l. 2.* seu Dominico, itemque Natalis Domini, Epiphaniarum, Paschæ, Quinquagesimæ, his namque diebus, non edebantur: *l. ultim. hoc tit.*) Ita tamen, vt Iudices ante meridiem tantum his vacare possent, non post epulas: *l. 2. b. t.* Item competenti loco, & in locis antiquitus consuetis, non alio traductis auctoritate Iudicum Editoribus, Equis, Aurigis, *l. 1. 3. 4. b. t.*

In his tandem ludis, 1. A populo plausus editi (vnde populares plausus, *l. 1. 3. b. t.* & popularitas, *l. 2. supr. de offic. Recl. præp.*) 2. A Principe Imagines Imperiales exhibitæ, *l. unic. supr. de Imag.* 3. Præmia ab Editoribus data, sic tamen vt nonnisi a Consulibus aurum pro præmio dari posset: *l. 2. b. t.*

I. (a) Imppp. VALENTINIANVS, Valens, & Gratianus AAA. ad Probum PF. P. (b)

MAGISTRATVS (c) & Sacerdotiorum (d) editiones, quæ aut in Ciuitatibus, (e) aut certe in his (f) debent exigi, (g) quas delegit antiquitas, (h) non in potestate Iudicum (i) sint: qui plerumque, dum popularem (k) plausum alienis (l) spoliationibus (m) aucupantur, ea quæ in competenti loco sollers (n) diligentia præparauit, ad alteram Urbem transferri præcipiunt: sed in eorum arbitrio maneant, quorum (o) expensis ac sumptibus procurandæ (p) sunt. Dat. VII. Kalend. Maii, Triu. Modesto & Arintheo Coss. [372.]

N O T Æ.

(a) Abest hac lex a Cod. Iustin. Concordant huic lex 3. & 4. *infr. GOTHOFR.*

(b) Probus PP. Italiz, Illyrici, & Africæ: de quo ad alias leges: vid. & Ammianum Marcellinum *lib. 17. c. 11.* & *Protopogr. IDEM.*

(c) De Magistratum, id est, Duumvirorum editionibus, vid. *supr. l. 29. & 169. de Decurion.* & *l. 4. infr. hoc tit. IDEM.*

(d) Sacerdotiorum, id est Sacerdotum. *ID.*

(e) Ciuitates hic vocantur Metropolitanæ. *ID.*

(f) Id est urbibus, Municipiis & Ciuitatibus aliis, prætor Metropolitanas. Quid si ita hic legamus, *nus certe in locis debent exigi, quos, &c. ut infr. in competenti loco? vel, nus certe urbib. ID.*

(g) A Ciuibus vel Iudicibus, vt *l. 3. & 4. infr.* & mox, *versiculo, Non in potestate, &c. ID.*

(h) Mos fidelissimæ vetustatis retinendus, *l. 3. supr. de Testamentis. ID.*

(i) Iudicum, id est, Rectorum Prouinciarum, vid. *Gloss. ID.*

(k) Popularem plausum vocat, vt *l. 2. infr. de exp. ludor.* oblectamenti fauorem elicere popularem, & *l. 3. infr. hoc tit.* Popularibus plausibus feruire. Popularitati & Spectaculorum editionibus Iudex mancipatus, *l. 2. in fin. supr. de offic. Recl. præp.* Populares auras captare. Symmach. *lib. 4. epist. 59.* vide plura apud Symmachi Interpretem, *lib. 6. epist. 42.* In hos plausus est Libanii oratio *πρὸς τὴν ἀρχήν. ID.*

(l) Id est, aliarum Ciuitatum. *ID.*

(m) Traductionibus, vt *l. 3. infr. traduci. ID.*

(n) Quoddam loci rationem. *ID.*

(o) Magistratum scilicet & Sacerdotum. *ID.*

(p) Editiones: vt *initio legis. ID.*

VALENTINIANI Sen: hac de Spectaculis constitutio est: qua, Locis solitis & consuetis Spectacula exigi edique iubet: Ann. D. 372. Locis, inquam, solitis, quæ antiquitas delegit. Mos scilicet fidelissimæ vetustatis retinendus etiam in his est, quæ voluptatem publicam & lætitiæ communem spectant; non etiam e solito loco in alium & alienum transferri: vnus denique Ciuitatis lætitia seu voluptas, alterius tristitia seu moelitia redimenda non est, neque eam conturbari oportet, συνταράσσειν τὸν περὶ τὰς πόλεις κόσμον, vt in hac re ipsa loquitur Libanius, loco quem mox consignabo. Quæ & ipsa sententia fuit eius Imp. cuius lex abrogatur ab Honorio, l. 145. & l. 176. *supr. de Decurionib. & Theodosii Imp. l. 3. & 4. hoc tit.* Eademque sententia & querela fuit Libanii, sub Theodosio M. quod Beroenſes munerum editores & editiones Antiochiam transferrentur a Tisameno, pag. 449. 450. Edit. Morell. siue vt meliores Artifices ludorum Antiochiæ ostentaret, e Berœa petitos, quam qui Antiochiæ erant: & sic in contemptum Urbis Antiochenæ: siue dum suis voluptatibus Berœam spoliaret. Quæ vltima ratio huic leg. conuenit. Εξέυρε μὲν ἔν, ἃ μὲνδεῖς ἀν ἑτέρῃ ἐνεθυμήθη: τὸν ἐν Βεροῖᾳ ταύτῃ δεῦρο καλέσας, μετὰ γε τῶν ὑπ' αὐτῷ τρεφόμενων θηρίων, καὶ τῶν ἐπ' αὐτὰ μειωθαιμένων ἀνδρῶν: καὶ ἦκεν ἄγων ἄρκυς τε καὶ παραδάλης καὶ τὲς τέτων, ποτὲ μὲν ἡττωμένους, ποτὲ δὲ κεκρατηκότας: καὶ ἦν μέγας τῇ βραχυτέρᾳ τὴν μείζω νικῶν πόλιν: καὶ γὰρ εἰ τιμῶν ἐν τῇ Βεροῖᾳ τὸ χρῆμα τῶν λόγων. (γρ. ἀλόγων) ἀλλ' ἐκ ἴσων ἤδη κακείνῃ: ἐβέλετ' ἐν ἐκείνῃ ἐνθαῦτα κατὰ τῆς δε κομίζων: καὶ τὴν βελὴν τῆς βελῆς ἵπαι βελίῳ δότω: καὶ τῇ μὲν εἰς μέγα φροῖεν: τὴν δὲ, τεταπεινώσας, καὶ γενομένη μικράν: καὶ ἐξηλελέχθαι, καὶ μηδὲ ἐλευθεροῦν ἔχειν βλέπειν: οἷς ἐν τὴν μὲν πρώτῃν κατάρχει: τὴν δὲ, & δευτέραν, ἐπαίρει καὶ παρέχει προπηλακίζειν τὴν ἐαυτῆς βελτίαν, τὸν σὸν δὲ οἶκον ἀδικεῖ. τὰ μέγιστα μὲν ἔν εἰ τις ἀκριβῶς λογιζαίτο: ἐπέμφοθ' ἂν συνταράσσειν, ὡς βασιλεῦ, τὸν περὶ τὰς πόλεις κόσμον, ἡδὲ ταῖς μὲν, τὸ ὄν σφίτιν ἀξίωμα λυμάνομεν, τὰς δὲ ἐρώτιδας ἐπάσων ταῖς μείζονι: ἀλλὰ τὰ μὲν, ὡς εἶχε διατηρήσαν, ἐκάστης δὲ ἡ προσηκόν ἐπιμελησόμεν, καὶ ποιήσαν εὐδοκίμωσαν προνοία, ὅ δ' ἐν τῷ δεῦρο τὸν ἐκ Βεροῖᾳ ἐφ' οἷς περὶ γαγεν, ἄγειν ἐβόα πρὸς πάντας: ὅτι τὴν δὲ τὴν πόλιν ὑπ' ἐκείνῃ κείσθαι δεῖ: καὶ τὲς τῆς μητροπόλεως ὀνόματ' ἀποσάσειν αὐτῇ καὶ τῇ βελὴ τὴν βελὴν ὑπεκίσειν, καὶ ἀνδρα ἀνδρὶ, ἢ γνωσέων τὲς ἀμεινονας: γνώης δὲ ὅτι ταῦτ' ὑβρίς ἦν ἐκ τε ἡδονῆς καὶ λύπης, ἢ ἡ μὲν, ἢ πρὸς ἡμᾶς εὐνοικῶς ἐχόντων: ἢ δὲ ἡδονῇ, τὸν δ' ἔως: ὑβρίσθαι δὲ ἐκ ἀν βέλαιο τὰς πόλεις: ἀλλ' ἐτ' ὑβρίζειν βέλαι' ἀν: πῶς ἂν ἐν οὗτοις ἀκότως ἀρχοί: ἀλλὰ σὺ μὲν ὁ τῶν ὅλων κύριος: καὶ παρ' ὅτι καὶ παθεῖν τι τοῖσιν ἐλάν ἀφόρητον: ἡμᾶς ἡμῖν τὴν πόλιν: ἐν τοῖς εἰς τὲς πρέσβεις καὶ πραττομένοις καὶ λεγόμενοις: καὶ γίνεται καθ' ἐκάστην ἡ πόλις ἡμῶν λαμπρότερα. Τισάμεν δὲ κάθηται σκοπῶν, καὶ ζητῶν ἐξ ὅτι γένοιτ' ἂν ἀδελότερος: εἴτα ποιητὴς μὲν ποιμένας ἀπελαύνουσι τῶν ποιμένων, οἱ τῶν κύριοι: καὶ παύσαντες ἐκείνους, ἐτέροις παρέδωκαν τοῖς λυσιτελεστέροις: σὺ δ' ἐκείνους ἐπὶ πόλεως τοιαύτης, & μιμήση; ἢ τοιαῦτα

μὲν τ' ἀρχαῖα. Τοιαῦτα δὲ τὰ μὲν ἐκείνα. Τοιαῦτα δὲ τὰ νῦν: ἢ πλὴν δύοιν πόλεων: ἐν τῇ πρὸς ἀπάσας εἰπεῖν περὶ αὐτῆς: νόμιζε δὲ καὶ τὰς ἄλλας ἀπὸ τῶν αὐτῶν διατάσειν, ὡς χεῖρ τὰ πράγματα, διὰ τὴν τῶδε κακίαν: ἐπεὶ καὶ αὐτὴν ταύτην, ἢ κεχαρίσθαι φησὶν, ἐν αὐτοῖς κατέβλαψε, μετενεγκὼν εἰς τὴν ἡμετέρων δαπάνην, ἐκείνοις ὀφειλομένην: ὥς ἡ πένητα αὐτῇ ποιήσει τὸν πολιτευόμενον τῇ κατ' ἀμφοῦ δαπάνῃ, ἢ τῇ παρ' ἡμῶν ἐκείνῃ ἂν εἶχεν ἂν ἀποσπέρησει: id est, Excogitauit vero ea quæ nemini alteri in mentem venissent: Eum scilicet (Curialem) qui Berœa erat huc (Antiochiam) vocauit, cum feris quas alebat, earumque curatoribus: Et venit is adducens ursos & pardos, & eos qui ab his quandoque victi, quandoque eorum victores fuerant: Eratque magnus, minore maiorem ciuitatem vincens. Nam vt maxime pretiosa possisso animalium Berœa sit, non tamen ea quoque illi par est. Voluit igitur eam hac ratione supra istam euehere, Curiamque illius, istius Curia præstantiorem videri: & illi quidem licere esse magnifice, hanc vero humilem & paruum fieri, & reprehendi, neque liberum quid habere quod videat. Quisquis igitur primam adsolat, eam vero, quæ ne secunda quidem est, auellit, & occasionem præbet vituperandæ eius quæ potior est, tuam is domum nulla in re iniuria affici? Imo plurimum, si quis accurate perpendat. Missus quippe est non perurbaturus, o Imperator, urbium ornatum, neque dignitatem earum sedaturus, minoresque supra maiores elatus: verum ea prout sese habent seruaturus, & cuiusque prout par esset, curam habiturus, & felicitatem providentia sua facturus. At enim hic cum illum e Berœa (ornatum) huc adducens circumduceret, proclamabat, ad omnes sese eum ducere, ideo quod hanc urbem illi subiici oporteret, & quod a Metropo-
P. 350
 leos nomine illi desistendum esset, & Curiam Curia subiiciendam, & virum viro, breuiter potiores censendos. Noueris autem quod hac contumelia erat ex voluntate & dolore continēta: e quibus hac quidem fuit eorum qui nobis beneuolebant, illa vero eorum qui non ita comparati sunt. Atquin, Tu quidem vrbes iniuria affici hand veller, ille iniuria afficere veller. Quoniam igitur modo talis iure Magistratum obtineret? Imo tu, qui omnium Dominus es, non pateris a quocunque ciuitatem nostram aliquid tale etiam hand adeo intolerabile pati, si quando Legati (nostri) quid apud te postulent, vel dicant: & quod die vrbs nostra illustrior sit: Tisamenus vero sedet speculari: & quarens, vnde ignotior ea fieri possit. Quare cum prauis pastores a gregibus arceant eorum & mini, illisque submotis, alios proficere soleant conducibilibus, cur tu illos non in huius ciuitatis grauiam imitaberis? cui talia sunt ab antiquo decora, talia deinceps; talia vero necne, post duas tantum vrbes: & a qua exemplum in omnes alias: sic enim habeto, & alias quoque islem modis conferendas, quarum res inferiore loco sunt per hanc huius iniuriam: Quandoquidem & eam ipsam, cui gratificari sese ait, eo ipso grauius afflixit, transference sumptum in nostram illi debuit: sic vt vel pauperem ei faciat euem sumptus in viroque facto, vel illam iis quæ habebat nobis tribuendo defraudet. Hactenus Libanius. Sic sane & ornatus Ciuitatis vnus ad alteram transferri veritus: l. i. 14. 37. *supr. de operibus publicis.* Et sic hac parte publici decoris & ornatus ac lætitiæ par ratio est.

Ceterum prohibitioni huic occasionem præbuerunt ludices, vt ex hac leg. & l. 3. & 4. hoc ipso tit. ex Libanio liquet. Scilicet ludices seu Rectores

Prouinciarum, huius vel illius Ciuitatis gratiam plausumque (vt *hac leg.* expresse dicitur) aucupantes aliarum etiam Ciuitatum editiones eo transferre satagebant, pariter vt aliarum vrbium ornamenta; id quod haud semel, *tribus videlicet huius tit. legibus* Iudices facere prohibiti: Neque tantum Iudices ordinarii, id est, Rectores singularum Prouinciarum, verum & dioceseon integrarum, ipsimet, inquam, Praefecti Praetorio Amplissimi; ac multo magis Vicarii, vel etiam Proconsules: Quo pertinet *lex 3. infr.* ibi: *Nemo Iudicum ex Prouincia solo equos Curules, Aurigas, Ciues templet traducere.* Vicarii quippe Praefectorum Praetorio pluribus Prouinciis praefuere, sicut & Proconsules Asiae & Achaiae, de quo ad eam *legem.* Non absimilis sane querela est Iuliani *epist. 35.* de Argiuis, qui tum recenti decreto ad *xuvvyeia*, id est, *munera ferarum*, quae Corinthi exhibebantur, & sic ad *Ξυμνιον θηρων*, conferre, cogeantur; cum interea Argiui ipsi annis quaternis quaternos ludos ederent: videnda est *ea Epistola*: de quo dicam adhuc ad *l. 4. infr.*

Illud obiter obseruandum, duo Editorum genera

hac leg. memorari, Magistratus scilicet & Sacerdotes, quorum expensis ac sumptibus editiones ludorum procurandae erant. De Magistratum seu Duumvirorum editionibus videndae quoque *lex 16. 29. 169. supr. de Decurion. & l. 4. infr. hoc tit.* De editionibus vero Sacerdotum sunt *hoc Cod.* complures *leges*; praeter hanc scilicet *legem*, *lex 2. infr. de exp. ludor. lex 1. supr. de prad. Senat. l. 145. & 176. supr. de Decurion.* Ad horum scilicet Sacerdotum curam & expensas inter alia pertinebat ludorum editio; erantque Sacerdotes hi Agonothetae, seu votiuu festiuitatis sollemnitas eorum nomen dedicauerat, vt loquitur *d. lex 2. de exp. ludor.* Ita quidem, vt in Metropolitanis ciuitatibus ferme Sacerdotes huiusmodi ludos ederent, ibi, *aut in ciuitatibus*, vt etiam *hac lex* ostendit, itemque *lex 20. infr. de Pagan. & d. l. 145. 176. supr. de Decurion.* veluti Carthagine in Africa, quo pertinent *dd. l. tres*, Horum munerum Sacerdotum alibi quoque frequens mentio & vestigia, vt apud Tertull. *lib. de Spectacul.* itemque in *Actis Martyrum*, quae apud Surium. De his tandem vide quae dixi plura ad *dist. leg. 1. supr. de prad. Senator.*

II. (a) Imppp. Gratianus, Valentinianus & THEOD. AAA.

Rufino PF. P. (b)

NVLLVS (c) omnino Iudicum, aut Theatralibus (d) ludis, aut Circensium certaminibus, aut Ferarum (e) cursibus (f) vacet, nisi illis tantum diebus, quibus vel in lucem editi, vel (g) Imperii sumus scepra fortiti: hisque, vt ante meridiem tantum sollemnitati (h) pareant, post epulas vero ad spectaculum redire desistant. (In quo tamen omnes siue Iudices, siue priuati, nihil penitus auri praemio dandum esse cognoscent: quod solis licet Consulibus, quibus erogandi moderationem (i) vitae (k) meritis permisimus.) Illud etiam praemonemus, ne quis in Legem nostram, (l) quam dudum (m) tulimus, committat: Nullus (n) Solis die populo spectaculum praebet, nec (o) diuinam venerationem (p) confecta sollemnitate confundat. Dat. XIII. Kalend. Iun. Heracliae, Honor. NB. P. & Euod. V. C. Coss. [386.]

N O T A E.

- (a) Abest & *hac lex 2. Cod. Iust.* vt & ab Annalibus Ecclesiasticis Baronii, quo eam referri oportuit. GOTHOFR.
 (b) Rufinus PP. Orientis scilicet, quanquam *Cynegii* potius nomen hic reponendum videatur, ex ipsa temporum ratione: Rufinus quippe demum sub Theodosio & Arcadio Anno 392. Praefectus Praetorio factus fuit: vide *Chronolog. Theodof.* Nisi huic constitutioni alii Consules subscribantur: & quidem *Arcadius tertium & Honorius II. Consules*, vt suadere videantur *lex 18. supr. de cobortal. & l. 12. infr. de Scenic.* quae *Heraclae* pariter datz, eidemque Rufino inscriptae: tandem, eodem mense Maio & Iunio. Quia & sicut *hac lex* venerationi Christianae Religionis consulit, ita pariter *d. lex 12. infr. de Scenicis.* Tandem, nisi hic alium Rufinum putemus: forte etiam idem ille, cui inscribitur *lex 3. Cod. Iust. de off. P. V.* quae adnotatum habet Ann. 376. IDEM.
 (c) Quamlibet Spectabilis, veluti Vicarius aut Proconsul. ID.
 (d) Obserua tria ludorum genera, Ludos Theatrales, Circenses, & Venationes. Illi ludi sunt Scenici & Gymnici; Secundi, Equestres; Terti, Ferarum, quibus Feræ exhibentur. Quae & ipsa tria Spectaculorum genera Iudicibus usurpata memorat Libanius, *κατὰ τῶν εὐαγγελιστῶν*, p. 431. 432. *Oper. Gothofr. minor. Ed. Troz.* Alioquin Theatrales ludi & Circenses, seu Theatrorum & Circensium voluptas coniunguntur, *l. ult. infr. hoc tit. & l. ult. supr. de Prator. & tum Theatri, & Theatralium ludorum nomine veniunt Ferarum cursus. ID.*
 (e) Ferarum, veluti Vrsorum, Leonum, Pardorum, vt docet quoque Claudianus *sine Panegyrici in Theodor. COS.* vide & Symmachum passim. ID.
 (f) γα. *Incursum*, vox *hac ferarum pugnis & dimissionibus, commissionibus propria. ID.*
 (g) Ναιά

- (g) *Natalem* duplicem Imperatorum hic nota: de quo dixi plene ad l. 1. in fin. *supr. de Feriis.* ID.
- (h) *Solennitatem* hic, & *infr. in fin. leg.* vocat Ludos: de quo dicitur l. 2. *infr. de exp. ludor.* ID.
- (i) *Moderationis* vox saepe *hoc Cod.* pro moderata ratione accipitur: vt l. 149. *de Descriptionib.* vid. l. 2. *infr. de exp. ludor.* vbi dicitur. ID.
- (k) *Vite*, id est, dignitatis & honoris. ID.
- (l) Non extat *hac lex.* ID.
- (m) Et hac vocula persuadet, ad annum aliquem citiorem hanc *leg.* referendam. ID.
- (n) Tili Editio, & quæ in Quarto prodit, habebat: *Nullum Solis diei populo spectaculo praebeat.* Vnde conficiamus *nullum Solis die populo spectaculum praebeat.* ID.
- (o) Ne. ID.
- (p) Similiter l. 1. *supr. de Feriis.* *Diem Solis veneratione sui celebrem.* ID.

COMMENTARIUS.

THEODOSII M. hæc vnica *hoc titulo* lex de *Spectaculis* est; qua is immoderato atque effuso IUDICVM in spectacula studio, multiplici ratione occurrit, Anno D. 386. definitis partim temporibus ludorum, coarctato passim immoderato in ludos sumptu. *Temporibus*, inquam, definitis, ne aliquin Iudices popularitati & spectaculorum editionibus mancipati plus ludicris curæ tribuant, quam feriis actibus, vt loquitur Valentinianus, immoderatum hoc studium pariter coercens, l. 2. *supr. de offic. Reff. prou. vel.* vt loquitur Theodos. Iun. l. 3. *infr.* ne Iudices popularibus plausibus intemperate feruiant. Tria igitur Theodosius M. de tempore, quo Iudices ludis vacare possint, statuit.

Primo, vt Natalibus tantum Principum, ludis vacare possint: Natalibus, inquam, geminis, genuino videlicet quo nati sunt, alteroque Imperii Natali, quo sceptrum sunt sortiti; de quo duplici Principum Natali agitur quoque l. 2. *de Feriis*, vbi dixi. Similis sane apud Dionem lib. 54. initio: Augusti interdictio occurrit, τοῖς στρατηγοῖς προσ-
πειπὼν μὴτ' ὀπλομαχίαν ἢ δις ἐν ἐκάστῳ εἶναι, *prætoribus iniungens, ne sæpius munus gladiatorum quam duabus quotannis vicibus exhiberent.* De γενεθλίοις natalitiis his aliquin Principum in honorem ludis, vt antiquiora omittam (quæ P. Faber III. *Semest.* 29. congescit) est & hic Diui Ambrosii locus, in oratione de Valentiniano Iun. obitu pag. 107. *Tom. V. Oper. Edit. Paris. 1614.* Ferebatur, inquit, primo ludis Circensibus delectari, sic istud absterfit, vt ne solennibus quidem Principum Natalibus, vel Imperialis honoris gratia Circenses putaret esse celebrandos. Addatur & lex vlt. *Cod. Iustin. de Feriis.* Ex quo pariter loco, vt ex hac *leg.* patet, solennes Principum Natales peculiari iure imo cultu habitos, qui absque publica latitia non transmitterentur, quosque adeo omnes celebrarent: imo & Iudices ad id necessitate quadam teneri sese ferme obtendebant, ne forte indeuotionis erga Principem accusarentur, quod docebit quoque *lex dominico*, *ultim. infr.* & Libanius *orat. περὶ δεσμωσίων*, num. 9. pag. 405. *inter I. Gothofred. Oper. Iurid. minor. Edit. Trotz. τὴν ἀνάγκην δὲ ἀν' ἀπαλῶσιν, καὶ τὸν φόβον, τὸν ἀπὸ τῆς ζημίας, ἐξαπαλῶσιν: ἥτε γὰρ δειλὴ, καθάρᾳ τῷδε τῷ φόβῳ: ἥτε ἀνάγκη τῆς θείας, ἡμερῶν τιῶν ἐστίν, ἀλλ' ἔχ' ἀπάσης, οἱ δὲ ἐπὶ πάσης ἐρχονται,* &c. id est, *Necessitatem vero si obtendant, metumque pæna, fallunt: tempus quippe pomeridianum ab hoc metu liberum est: Necessitas vero spectandi, quorundam tantum dierum est, non cuiusvis: hi vero veniunt, &c.* Secundo, *Ante meridiem* tantum Iudices spectacu-

lis operam dare Theodosius M. iubet, non etiam post epulas ad Spectacula redire. Olim sane quoque cum Spectacula a summo mane ad vesperam exhiberentur plerumque, producerenturque; aliudque esset meridianus ludus, alius matutinus: meridiani, Gladiatores: matutini bestiarum: nimio in ea studio deputatum legimus, si quis etiam post meridiem his interesset, si ante meridiem interfuisset; vt discere est ex aliquot Suetonii locis, *Augusto, cap. 45. Caio, cap. 34.* Itemque ex Dione. Verum Theodosius M. hac *leg.* abscisse ludicibus ad Spectacula redeundi post epulas facultatem adimit. Quod & ipsum Libanius *dicta oratione περὶ τῶν δεσμωσίων loc. cit.* ingerit: ἥτε γὰρ δειλὴ καθάρᾳ τῷδε τῷ φόβῳ: οἱ δὲ ἐπὶ πάσης ἐρχομένη τῆς ἡμέρας μερίδα, id est, *tempus quippe pomeridianum ab hoc metu liberum est: hi vero quatuorque diei parte veniunt.* Et quidem eodem fine (vt rationem inculcem) nempe ne a feriis actibus Iudices abducerentur. Et certe nisi mens male augurat, videtur Theodosius hanc *leg.* ex parte sanxisse ad illam Libanii Orationem qua representat immodicum ludicum studium circa Ludos: dum & quibuslibet diebus, & quauis diei parte his vacarent: ad quæ prohibenda Theodosium hortatur. Quam quidem Orationem non inanibus iam argumentis scriptam cenfeo circa Annum Domini 380. vel ipso Anno 386. qui & huic *leg.* subscriptus est. Forte an & seditionibus popularibus vitandis id quoque constitutum fuerit: Nam & idem Libanius nominatim, ad Theodosium M. huius legis Auctorem *περὶ τῆς εἰσεως orat. 12. pag. 391. Edit. Morell. de Alexandrinis agens: οἰς τὸ θεάτρον, inquit, τῷ πρὸς τὰς ἀρχοντας αὐτῶν πολέμῳ χωρίῳ, quibus theatrum est locus belli aduersus rectores suos.*

Tertio, *Solis die*, id est, Dominica, (qua de appellatione dixi ad l. 1. *supr. de Feriis.*) Spectacula hac iterata iussione præberi Theodosius M. vetat: iterata, inquam, quod hac *lex* indicat. Vt maxime scilicet votiva, die Dominico compleri possint, vt sunt Emancipationes, Manumissiones, l. 1. *supr. de Feriis*, non tamen Spectacula edi: quod & tertia constitutione Theodosii Iun. prohibitum: puta l. 5. *infr.* vbi plenius. Quinimo & in Occidente, ac nominatim in Africa id ab Honorio Imp. sanciti, Patres Africani Anno 401. aliquando petiere, vt docet *Can. 61. Cod. Afric. pag. 897. 898. Tom. I. Concil. Edition. Harduin.* Et hæc de tempore ludorum edendorum; & sic de priore huius *leg.* parte. Ex quibus apparet quam male hanc *leg.* Vir doctus committat, cum eo quod Ambrosius de Valentiniano Iun. ait, cum ne Valentinia-

num quidem *hac lex* Auctorem habet, sed Theodosium.

Secundo capite *EXPENSIS* Iudicium & priuatorum simul, hac constitutione Theodosius M. modum imponit, de quo erit peculiaris *tit. de*

exp. ludor. Huius interim constitutionis hac sententia est; Aurum pro præmio, solis Consulibus exceptis, & his quidem nonnisi moderate, nulli erogare licere: de quo ad *l. 1. d. tit. de exp. ludor.*

P. 352

III. (a) Impp. Honor. & THEOD. AA. Anthemio PF. P. (b)

NEMO Iudicium (c) ex quacumque Ciuitate (d) in aliud oppidum, vel ex (e) Prouinciæ solo, (f) equos curules, aurigas ciues, (g) temptet traducere, ne dum popularibus plausibus (h) intemperate (i) feruiunt, & publicarum (k) rerum statum fatigent, & festiuitatem impediunt in cunctis (l) oppidis celebrandam: Ita vt si quis hanc violauerit iussionem, poena teneatur ea, quæ (m) legum violatores persequitur. Dat. VIII. Id. Aug. Constp. Honorio VIII. & Theod. III. AA. Coss. [409.]

N O T Æ.

(a) *Lex 5. Cod. Iust. hoc tit.* Et concordat huic legi *lex 1. supr. & lex 4. infr. prox. GOTHOFR.*

(b) Orientis scilicet. *ID.*

(c) Etiam Spectabilis. *ID.*

(d) Etiam abdita, vt in simili dicitur *l. 14. supr. de Operib. public. ID.*

(e) In aliam Prouinciã: & sic istud pertinet ad Vicarios & Proconsules, quibus plures Prouinciæ (id est, integræ Dioceses) parebant. *ID.*

(f) Prouinciæ solum, *hac leg.* vt Africanum solum, *l. 52. infr. de Heredis. Italiae & Urbis solum, l. 20. supr. de Tyronib. ID.*

(g) Cuiusque Ciuitatis vel Prouinciæ: Additum interim hic in Cod. Iust. *Bestias, Histriones. ID.*

(h) Dixi ad *l. 1. supr.* & dicam plenius ad *l. 2. infr. de expensis ludorum. ID.*

(i) *Intemperanter:* Cod. Iust. vt *l. 19. supr. de Decurionib.* & sane *intemperate* hic retineri non potest, itaque legendum *intemperate. ID.*

(k) Rerum publicarum. *ID.*

(l) Etiam additis. *ID.*

(m) Id est, Sacrilegii poena. *ID.*

COM M E N T A R I V S.

THEODOSII Iun. tres ordine de Spectaculis constitutiones sequuntur. Hac sane *leg.* Locis suis solitisque spectacula exhiberi iubet; pariter vt Valentinianus *l. 1. supr.* (vbi plura, etiam ex Libanio, & Iuliano dixi) idemque Theodosius Iun. rursum *l. 4. prox.* neque alio ad id destinatos equos, aurigas, *TRADUCI:* id est, non vt quidam Interpretum olim accepere, transfuehi, & sic turbati alicuius loci festiuitatem transductione: verum transferri, in alterius loci festiuitatem, qua voce *transferendi* vtitur *diel. lex 1. supr.* Idque intentum, vt omnibus Iudiciis, id est, non tantum Praefidis, seu Rectoribus singularum Prouinciæ, verum etiam Vicariis & Proconsulibus id interdicit, ne ex vna Ciuitate in aliam, vel ex vna Prouincia in aliam equos Circenses, aut agitatores transfuisse, sed suam cuique, festiuitatem reliquisse velint; idque sub poena sacrilegii. Addita duplici ratione, seu notato duplici malo, quod ex hac Translatione sequebatur: Nempe ea re non tantum festiuitates impediabantur in cunctis oppidis celebranda, sed & *publicarum rerum status fatigabatur:* quia in huiusmodi translatione sumptus fiebant, & alios equos, aurigas, vrbes quæ suis defraudatæ fuerant, postea comparare ad ludos suos tenebantur.

Ait autem lex, *Equos Curules, aurigas ciues:* Ciues, id est, vnius ciuitatis, vel Prouinciæ, Equos. vel aurigas: scilicet quia Equos Curules & aurigas suos peculiari Ciuitates habuere, quod etiam ostendit *lex 6. infr. de Scan. & lex 2. infr. de equ. curul. &* nonnulli in ciuitatibus erant, qui his equis alendis destinati erant, vt docet vel Iulianus, in *Misopogone, circa fin.* vbi de Antiochia nominatim: *καὶ ὡς ἀτελεῖς ἔχουσιν οἱ καθ' ἑκάστον ὅμιν ἐνιδυτὸν ἱπποτροφῶντες, γῆς κλήρας ἐγγὺς τριακλῆς, ἐπινοία μὲν καὶ οἰκονομία τῆς θεῆς τερμῆ καὶ ὁμωνίμῃ, χάριτι δ' ἐμῇ:* & nunc, qui apud vos quotannis equos alunt, habent immunita tria prope millia iugerum, partim patriis & cognominis mei prudentia & diligentia, partim meo beneficio. Sane in ipsamet Vrbe Roma vt diuersæ aurigarum factiones fuere, ita & stabula publica equorum Circensium; vt docet etiam *lex 2. infr. de equ. curul. iuncta l. 6. infr. de Scanic.* itemque Constantinopoli; sic vt Actuarii huiusmodi equorum Curulium essent per omnes Regiones Urbis, vt docuit *lex 21. & 22. supra de diuers. offic.*

IV. (a) Imp. THEOD. A. Isidoro (b) PF. P. Illyrici. (c)

DELFORVM Curia (d) facultates nouis (e) damnis frequenter adtritās Relatio Tui Culminis (f) intimauit. Ideoque praeceptis (g) ad vniuersas (h) Illyrici (i) Ciuitates ludicesque transmissis, notum omnibus faciat, nullum penitus spectacula oportere solemnia Urbis (k) aeternae populis exhibere: sed vnumquemque ciuium intra propriam ciuitatem debere solitae deuotionis (l) officia, (prout patrimonii sui vires patiuntur,) implere: Grauiissimae poenae interminatione proposita, non solum contra eos, qui huiusmodi functiones crediderint exigendas, (m) sed etiam contra Ordinarios (n) vbique Rectores. Dat. X. Kalend. Mai. Constantinop. Victore V. C. Cos. [424.]

NOTÆ.

- (a) Abest *hec lex* a *Cod. Iustin.* velut localis & temporaria. *GOTHOFR.*
 (b) *Isidorus* PP. Illyrici sub Theodosio Iun. vid. *Profopogr.* *IDEM.*
 (c) Orientalis: Sub quo Macedonia Diocesis erat, cuius Dioceseos Prouincia fuit *Achaia*, & in ea *Delphos*. Hinc igitur quoque apparet, *Achaia* in Praefectura Praetoriana Illyrici fuisse; quod ostendit quoque *Notitia Imperii* hoc ipso tempore conscripra. *ID.*
 (d) Id est, Curialium. *ID.*
 (e) Exactis videlicet ab iis spectaculis intra Urbem Constantinopolitanam: Quod *huius legis* contextus indicat. *IDEM.*
 (f) *Culmen* tuum Praefecto Praetorio tributum: vid. *Notitiam Dignitatum.* *ID.*
 (g) Sub dispositione Praef. Praet. erant Rectores Prouinciarum. *ID.*
 (h) Non tantum Delphorum ciuitatem; quae & ipsa in Illyrico erat. *ID.*
 (i) Cuius duae Dioceses erant, Macedonia & Dacia: in Macedonia vero septem Prouinciae: in Dacia quinque. *IDEM.*
 (k) Id est, Urbis Constantinopolitanae: ad exemplum Urbis Romae. *ID.*
 (l) *Deuotionis* appellatio ad officia, quae patriae debentur, pertinet: vid. *Gloss.* *ID.*
 (m) *Exactiores* missi per Prouincias ad colligendas pecunias ad ludos Urbis Constantinop. *ID.*
 (n) Qui scilicet hoc fieri passi fuerint. Ordinarii autem *Rectores*, sunt Rectores Prouinciarum, Praesides, Consulares, &c. Imo & Spectabiles. vid. *Notitiam.* *ID.*

COMMENTARIVS.

LOco alio, quam in Patria sua, Curiales (& in his Duumuiros) ludos exhibere (quos sane exhibere solitos docet *lex 1. supr. hoc tit. & lex 29. 109. supr. de Decurion.* & *lex 3. infr. de Scenic.*) cogi vetat hac Constitutione Theodosius Iun. Anno D. 424. ac nominatim in Vrbe Constantinopolitana. Nempe, vt ex *hac lege* discere licet, hac tempestate ad Urbis Constantinopolitanae festiuitatem decusque coacti Curiales, & in his Magistratus seu Duumuires, etiam per Praefecturam Praetorianam Illyrici, id est, in Macedonia vel Dacia constituti, (ex his enim duabus Diocesibus constabat Praefectura Praetoriana Illyrici) Coacti, inquam, Magistratus seu Duumuires municipales spectacula in Vrbe Constantinopolitana edere, pecuniamque ad id conferre. Qua causa nonnullarum Curiarum, seu Curialium facultates, tum attritae fuerunt, & in his quidem *Delphorum*, qui in Achaia erant. Eo scilicet siue Maestas, siue luxuria seu *τροφή* Urbis Constantinopolitanae processerat, vt aliarum, etiam remotissimarum, veluti Illyricarum vrbium, & in his Achaiae quoque, nuditate suam *τέρψιν* redimeret. Et vt in eadem re loquitur Iulianus, *epist. 35.* aliis ciuitatibus conferentibus *ἀνέντα την τέρψιν τῷ φρονήματι*: vbi *τέρψιν τῷ φρονήματι* vocat, *sensus*, seu *animi voluptates*: non vt verum, voluptatem suam fraudis, Quod

vtique velut inuidiosum & graue nimis hac Theodosii Iun. constitutione aboletur. Nam vt maxime sui Orbis Regina, & Metropolis esset Constantinopolis, aliarum tamen Ciuitatum Ciues hoc obtentu, eorumque facultates atteri non oportuit; verum haec fuit illius vrbis praecipua ambitio, sibi nihil non vindicantis; atque eius etiam obtentu, eorum simul, qui in ea potiores erant, ob potentioris vrbis principatatem: De quo vid. quae dicam plene ad *l. 45. infr. de Episcop.* Similiter sane & Karthagine, totius Africae Metropoli, omnium Africae Prouinciarum Sacerdotes ludos edere coacti, vt docet *lex 145. 176. supr. de Decurionibus*. Sic & Argiui aliquando Corinthiacae Vrbi (ceu Metropolitanae) ad *κωνηγεία* munera ferarum conferre coacti. De qua *συντέλεια* est (vt dixi ad *l. 1. supr.*) Iuliani bene longa & accurata querela, *epist. 35.* Argiui inquam, qui in eadem Achaia positi erant, in qua & Delphorum Ciuitas erat: quae tamen ipsa nihil tum Vrbi Constantinopol. ad voluptates conferre tenebatur, vt Iulianus testatur *eadem epistola*; quod postea, vt *hac lex* docet, immutatum. Nam & haec Constantinopolitanae Vrbi attributa fuit, & ad eius voluptates conferre coacta, & ad *συντέλειαν* adacta, quod *hac leg.* aboletur. Obiter vero notandum, in ea Delphorum Ciuitate, Pythiorum ludos celebratos, vt Argis Nemea.

V. (a) Idem A. & Valentinianus Cæs. Asclepiodoto PF. P. (b)

DOMINICO (c) (qui Septimanæ totius primus (d) est dies,) & Natale, (e) adque Epiphaniarum Christi, Paschæ etiam, & Quinquagesimæ (f) diebus (quamdiu (g) cœlestis lumen lauacri, imitantia nouam sancti baptismatis (h) lucem vestimenta (i) testantur: quo tempore & commemoratio Apostolicæ Passionis, totius Christianitatis magistræ, a cunctis iure celebratur) omni Theatrorum adque Circensium voluptate, per vniuersas Vrbes, earundem populis denegata, totæ Christianorum ac fidelium mentes Dei cultibus occupantur. (k) Si qui etiam (l) nunc vel Iudæi (m) impietatis amentia, vel stolidæ Paganitatis (n) errore adque insania detinentur, aliud esse supplicationum nouerint tempus, aliud voluptatum. Ac ne quis existimet, in honorem Numinis Nostri, veluti maiore quadam Imperialis officii necessitate compelli, (o) & nisi diuina religione contempta spectaculis operam præstat, (p) subeundam forsitan sibi Nostræ Serenitatis offensam, si minus circa nos deuotionis ostenderit, quam solebat, Nemo ambigat, quod tunc maxime Mansuetudini nostræ ab humano genere defertur, cum virtutibus Dei Omnipotentis ac meritis vniuersis (q) obsequium Orbis impenditur. Dat. Kalend. Feb. Constantinop. Theod. XI. & Valentiniano Cæs. Coss. [425.]

N O T Æ.

- (a) *Lex hæc abest a Cod. Iust.* Inseruit eam recte Annalibus suis Baronius Anno D. 425. n. 5. 6. Ad eam scripsit singularem & accuratum commentarium Briffonius. GOTHOFR.
 (b) *Asclepiodotus PP.* sub Theodosio Iun. Orientis scilicet; vid. *Prosopogr.* ID. EM.
 (c) De die *Dominico* dixi assatim ad *leg. 1. supr. de Feriis*: neque hic ea repetenda. ID.
 (d) *Aufonius de nominib. septem dier. v. 5.*

Primum supremumque diem radiatus habet Sol:

Et mox v. ult.

Occiduum instaurat reuolubilis orbita solem.

Isidorus quoque lib. 5. Origin. cap. 30. eum vocat, Caput cunctorum dierum, itaque & Act. 20. vers. 7. & 1. Cor. 16. vers. 2. dicitur πρὸς ἑβδόμην. Hieronym. *aduersus Vigilantium* pag. 86. Tom. II. Oper. Edit. Francf. apud Christ. Genssch. per unam Sabbati, hoc est in die Dominico. Inde & Græci Christiani dixere Annum ἐβδομηκοντάρον, pro eo quod est a Solis die incipere: Maximus martyr in *computo Ecclesiastico*, part. 1. cap. 23. ID. EM.

- (e) Pro, Natali. ID.
 (f) Id est, Pentecostes. ID.
 (g) Id est, quibus diebus. ID.
 (h) Hinc liquet quoque, administrandi Baptismi statos fuisse hos duos dies, Pascha & Pentecosten, quæ obseruatio iam passua est & nqta. ID.
 (i) Hinc quoque liquet, *Albatus* fuisse, qui Baptismo iniciarentur, quod & ipsum notius est, quam ut firmari alijs testimoniis opus sit. ID.
 (k) γγ. Occupantur. ID.
 (l) Vide *leg. 22. 23. infr. de Paganis.* ID.
 (m) De Iudæis erit *tit. infr.* & forte hic legendum *Iudeæ*, ut *infr. Paganitatis.* ID.
 (n) De Paganis erit quoque *infr. tit. peculiaris.* ID.
 (o) & compelli. ID.
 (p) *Prestat.* ID.
 (q) Sustineri potest: sed malim *uniuersi*: ita *supr. per vniuersas vrbes earundem populis.* ID.

C O M M E N T A R I V S.

FESTIS Christianorum diebus spectacula exhiberi inhibet Theodosius Iun. hac constitutione, Anno D. 425. de qua prohibitionē iam plenius dictum fuit *l. 2. supr.* In qua *leg.* interpretanda eo breuiore nos erimus, quo doctior & prolixior in

eam extat Briffonii commentarius. Nos ea nunc saltem, nouem ferme numero, sublegemus, quæ magnam partem ab aliis ad hanc legem intacta neglectæ scimus, & tamen monitis & notatis nihilo inferiora ducimus.

I. Primum, obseruandus hac parte iuris istius & interdictionis Processus. Solo scilicet *Dominico* primum die spectacula prohibita a Theodosio M. & quidem iterata iussione, quod docuit d. lex 2. *supr. hoc tit.* Atenim vicerius paulatim processum. Sane in vniuersum omnibus festis Christianorum diebus spectacula prohiberi ab Honorio Patres Africani petiere iam Anno D. 401. Concilio Carthagin. 5. vt habetur *Codic. African. canone 61. pag. 898. Tom. I. Concil. Edit. Harduin.* cuius verba hic apponere iuuat, quia etiam huic legi conueniunt: *Nec non & illud petendum; vt spectacula theatrorum, ceterorumque ludorum, die DOMINICA, vel CETERIS Religionis Christianae DIEBUS celeberrimis amoueantur: maxime, quia Sancti PASCHAE OBLIUIUM die populi ad Circum-magis, quam ad Ecclesiam conueniunt, debere transferri deuotionis eorum dies, si quando occurrerint, nec oportere etiam quenquam Christianorum COGI ad haec spectacula: maxime, &c.* Itaque & Theodosius Iun. hac leg. iam non Dominico tantum die, etsi hunc primum nominet, verum omnibus festis supplicationumque Christianarum diebus spectacula edi vetat: In quibus certe ieiuniorum dies nonnulli fuere, quibus proinde spectacula prohibita hac leg. quomodo etiam Gregorius Nazianzenus *epistola 74. aliis 71.* Celestium Praesidem eo nomine reprehendit, quod ieiunii diebus spectacula ederet: *παράνομοις ὁ δικαστὴς & νηστῶν: καὶ πῶς φυλάττει τὰς ἀνθρωπίνους νόμους, τὰς θείας περιφρονῶν; καθάρῃ σὲ τὸ δικασθῆναι, ἵνα μὴ δουλῇ ἐν ἡ γυνή κακός, ἡ νομίζῃ: τὸ προτιθέναι θεῶς εὐχάρις, ἑαυτὸν ἐς θεατρίζειν κεφάλαιον τῆς λόγῃ, ἰδοὶ κρινόμενῃ ὁ δικαστὴς, καὶ ἡττον ἀμαρτήσεις.* Iniquum agit, o Iudex, qui non ieiunes, & quo modo leges humanas seruabis, qui diuinas contemnis & pro nibilo ducis? Purga tribunal tuum, ne duorum alterum tibi accidat, vt aut malus fias, aut existimeris. Fada spectacula proponere, seipsum traducere est. In summa, o Iudex, te iudicium subiturum esse scito, & minus peccabis. Eodemque pertinet vehemens Ioannis Chrysostomi increpatio *homilia 6. in iuiu in cap. 1. Genesios pag. 39. & 40. Tom. IV. Oper. Edit. Benedictin.* quod Quadragesimae & ieiuniorum diebus, populus ad Circensia certamina sese contulisset. Vt & eodem fine eiusdem exhortatio *homilia 5. in fin.*

II. Secundo, ex hac leg. liquet, intra quem Numerum tum temporis, & quidem in Oriente, hoc Anno D. 425. sub Theodosio Iun. Diuinæ Christianorum feriae Religio, & deuotionum constiterint: (de aliis quippe feriis iudicialibus agitur, l. 2. *supr. de feriis*.) puta, praeter diem Dominicum solemnem & ordinarium, intra numerum quaternarium; Natalis inquam, Epiphaniarum, Paschatis, & Quinquagesimae. Quare fereudi non sunt, qui praecipuos tantum festos dies apud Christianos, & celebriori honore receptos, a Theodosio Iun. hac leg. recenferi aiunt: Quos sane generalis ratio huiusce legis refutat, & Theodosii Iun. adeo institutum, vindicare in genere instituentis tempus supplicationum a voluptatum tempore; seu Diuinam Religionem a contemptu Spectaculorum; vel celebritatem Christianam, qua totæ Christianorum ac fidelium mentes Dei cultibus occupantur, a ludicra solemnitate; denique dies, quibus virtutibus Dei omnipotentis, ac meritis vniuersi obsequium orbis impenditur, a deuotione in se Principem, Asterius quoque (Amaseus in Cappadocia Episcopus) *homilia in festum Kalendarum 4. pag. 53. Ed. Rubenii.* etsi non omnes sigillatim, plerosque tamen festos dies perstringit, eorumque rationem reddit, nempe, Natalem Domini, Festum Luminum (Φῶτα πανή-

Tom. V.

γυριον) diem Resurrectionis. Chrysostomus denique *orat. 1. in Pentecosten, tomo 5. p. 602. 603. 609. Edit. Saul. & pag. 458. 459. & 468. Tom. II. Oper. Edit. Benedictin.* tria tantum haec festa quoque commemorat, Epiphaniam, Pascha, & Pentecosten. Praeter Dominicam videlicet diem: quanquam & ipsum Pascha Dominico die agitabatur. Imo ne initio quidem, nisi dies Dominica, Pascha, & Pentecosten festi dies erant: vide Origenem *lib. 8. contra Celsum. pag. 404. Edit. Hueschel.*

III. Tertio notandum, Natalem & Epiphania Christi hic separari, qui sane dies initio pro iisdem habiti fuerant. Nempe Epiphania, (traductio e Paganorum Theologia vocabulo, vbi apparitiones Deorum, qui suae praesentiae signa dedissent, ἐπιφάνεια dicebantur, vt videre est apud Diodorum Siculum, *lib. 1. p. 20. Ed. Rhodom.* Dionys. Halicarnass. *lib. 6. c. 11. p. 351. Ed. Sylburg.* Imo & dies ipsi festi in huius rei memoriam ἐπιφάνεια apud Athenarum *lib. 12. c. 11. p. 530. Vid. etiam ibi Casaubon.*) priscis Ecclesiae temporibus idem etiam cum Natali Christi erat, quo scilicet Saluator noster Filius Dei mortalibus conspiciendum sese praebuit, & propriae diuinitatis ac praesentiae expressa indicia ostendit. Et sic non aduentum modo Magorum, Christique Baptismum, sed & ipsum Christi Natalem Epiphania signarunt. Suidas, ἐπιφάνεια ἡ τῆς σωτῆρος ἡμῶν ἰησοῦ χριστοῦ ἐν σαρκὶ οἰκονομία, Epiphania dicitur Seruatoris nostri Iesu Christi apparitio in carne, vel eius natiuitas. Eusebius quoque *lib. 1. Historiae c. 5. ait,* se ordiri suam scriptionem, ἀπὸ τῆς ἐνσάρκως τῆς σωτῆρος ἡμῶν ἐπιφάνειας, a Seruatoris nostri apparitione in carne, Epiphanius *lib. 3. haeres. 33. ἐν τῇ ἡμέρᾳ τῶν ἐπιφανίων, ὅτε ἐγεννήθη ἐν σαρκὶ κύριος.* In die Epiphaniarum, quo apparuit in carne Dominus. Item, ἡ ἡμέρα τῶν ἐπιφανίων ἐστὶν ἡμέρα τῆς χριστοῦ γεννήσεως κατὰ σάρκα. Dies Epiphaniarum est dies apparitionis Christi secundum carnem. Gregorius Nazianzenus *orat. 20. obiter meminit Epiphaniarum; at in 38. quae dicta est in Natali Theophania, semper illum diem, aut γενήθλια nominat, & causas earum appellationum explicat, quia tunc apparuit nascendo, ἐφῶν ὁ θεὸς ἀνθρώποις, διὰ γενήσεως.* Chrysostomus *orat. 1. in Pentecosten, p. 602. t. 5. Edit. Saul. & pag. 458. Tom. II. Edition. Benedictin.* τοῦτον παρ ἡμῶν ἐωρτῇ πρώτη τὰ ἐπιφάνια: τίς ἐν ὑπ᾽ ἡμῖν τῆς ἐωρτῆς; ἐπειδὴ ὁ θεὸς ἐπὶ τῆς γῆς ὤφθη, καὶ τοῖς ἀνθρώποις συνανέσραψεν, ἐπειδὴ ὁ θεὸς ὁ μονογενὴς τῷ θεῷ πᾶς μεθ' ἡμῶν ἦν. Itaque prima festiuitas apud nos sunt Epiphania: quae porro festi est occasio. Quoniam Deus in terris visus est & cum hominibus conuersatus est, quandoquidem vnigenitus Dei filius Deus nobiscum fuit. Quae Ildorus Pelusiota *lib. 3. Epist. 110. τὰ θεοφάνια, ἡ τῆς σωτῆρος κατὰ σάρκα γενήσεως.* Ἐν σαρκὶ θεοφάνια Asterio *homilia in festum Kalendarum, 4. p. 53. Edit. Rubenii.* Epiphania ergo dies ἐπιφάνειας, & quidem ἐνσάρκωσως Christi: Hinc & Natalis, & Magorum Aduentus, & Christi Baptisma non distinctis diebus, sed vno eodemque Epiphaniarum scilicet die a Graecis, maxime Aegyptum incolentibus fuit antiquitus celebrata. Id quod a Theophilo in *proamio Paschal. epist. & Cassiano collat. lib. 10. cap. 2. memoriae proditum est. Quod vero ex hoc factum putat Ferrarius, de ritu sacrarum concionum lib. 1. pag. 67. vt hic vnus dies fuerit τὰ ἐπιφάνια dictus, numero multitudinis, eo quod in vno eo die multiplex suae praesentiae ac diuinitatis Christus dederit signum, & plures in eo agerentur in Ecclesia celebratae; inane est: Ita enim Graeci festa quae-*

Ecc

cunque

cunque numero multitudinis extollere. Quod notissimum. Sane Epiphaniarum quoque fit mentio in *gestis Anni 360.* idque per Gallias, apud Ammianum Marcellinum Scriptorem Gentilem *lib. 21. cap. 2.* celebratorum mense Ianuario: *Feriarum*, inquit, *die, quem celebrantes mense Ianuario Christiani Epiphania dicitant, progressus in eorum Ecclesiam solemniter Numine oratio discessit.* Cui similia scribens Zonaras in *rebus Constantii num. 11. pag. 22. Tom. II. Annal. Edit. Reg. γενέθλιον τῆ Σωτῆρος ἡμέραν* vocat diserte, quæ Epiphania vocat Ammianus: & Valentis tempestate, apud Gregorium Nazianzenum in *Monodia Basil. Orat. 20. pag. 351. Tom. I. Oper. Edit. Morell. Colonienf.* Cæterum cum initio Natalis seu Epiphaniarum dies in plurimis Ecclesiis Orientis, Asiaticis, Græcis, sexto Ianuarii celebraretur, ut testis est Epiphanius *lib. 2. hæres. 31. num. 24. pag. 446. Tom. I. Oper. Edit. Morell. Colonienf. Callianus collat. lib. 10. cap. 2.* Atque adeo ut ex superioribus liquet, Epiphaniæ adhuc ætate, ut & eo tempore quo Chrysostomus *prædictam orat. 1. in Pentecosten* habuit, Epiphania seu Theophania causam haberent Domini Natalem: atque adeo Tres tantum præter diem Solis dies feriati deuotionum essent: ut docet Chrysostomus *d. orat. 1. pag. 458. 459. Tom. II. Oper. Edit. Benediclin.* non multo post Θεοφάνεια seu γενέθλια, & ἐπιφάνεια distingui cœpere, sic ut illa Natalem Domini significarent, hæc Baptismum; ut Chrysostomus diserte tradit *homilia de Christi Baptismo; tom. 5. Saul. p. 524. 525. & Paris. Edit. tom. 1. pag. 278. & pag. 369. Tom. II. Oper. Ed. Benediclin.* in quæ est & *orat. Gregorii 39. eis τὰ ἅγια φῶτα τῶν ἐπιφανίων.* Edocti scilicet Constantinopolitani a Romanis, Natalem celebrare cœperunt die 25. Decembris: Chrysostomus in *homilia de die Natali, tom. 5. Saul. p. 511. & pag. 354. Tom. II. Edit. Benediclin.* auctor est, quando ille eam concionem habebat, nondum fuisse decem annos elapsos, ex quo primum is dies illi Ecclesiæ, ex Occidente seu per Romanos innotuerit. Ab illo tempore & Natalis mense Decembri festiuitatibus additus, remanente tamen pristina, Ianuario mense, Epiphaniarum solemnitate: Sed aliæ iam causæ illius appellationis & festiuitatis reddi cœpere: nam qui dies prius colebatur, vel celebrabatur ut Natalis Christi, iam cultus est, ut Baptismum eius representans, & Magorum aduentum; v. Chrysostomus in *dicta orat. de Baptismo Christi: & Hieronymum lib. 1. commentar. in Ezechielem c. 1.* Sic & auctus festiuitatum numerus, & a proprio appellationis Epiphaniarum significatu recessum. Hinc adeo & Asterius Natalem Domini, & Festum Luminum, φῶτα πανήγυριν distinxit; & hæc Theodosii Iun. constitutione, quæ Constantinopoli data est, Natalis Christi ab Epiphaniis Christi seiungitur.

Illud omittere non possum, quod memorat Chrysostomus, *dict. orat. in Baptism. Christi, p. 524. 525. & pag. 369. Edit. Benediclin. Tom. II.* Epiphaniarum istorum media nocte omnes passim aquas hausisse, tanquam tum sacratas, & domum ad sportasse, atque in annum seruasse: ubi incorruptæ manserint, non anno tantum, verum biennio, & triennio.

IV. Quarto obseruandum, hisce verbis, *Pascha etiam & Quinquagesima diebus, quamdiu, &c.* veterum illum Ecclesiæ morem indicari, quo Baptismus Paschæ & Pentecostes diebus conferebatur: de quo vid. Tertull. *de Baptism. cap. 19.* Chrysostomum non uno loco, inter alia eis τὴν ἁγίαν Πεντηκοστήν: *1. 5. f. 605. & pag. 463. Tom. II. Edit. Benediclin.* Socratem *lib. 5. cap. 22.* & alios de quo plenissime Ioannes Vicecomes de antiquis Baptismi ritibus *volum. 1. obseru. Eccles. lib. 1. cap. 19. 20. 21.*

22. 23. 24. 25. Ait autem hæc lex Quinquagesimæ diebus *QUAMDIU, &c. & MOX, QVO TEMPORE,* nempe quod Viues recte notauit, moris fuit, ut toto illo temporis decursu a Pascha ad Pentecosten Baptisma conferretur: quod tamen Vicecomes negabat *lib. 1. cap. 25.* Author quoque Tertullianus *de Baptismo c. 19.* Diem Baptismo solenniore Pascha præstat, exinde Pentecoste ordinandis lauacris *LATISSIMUM SPATIVUM* est: quo & Domini Resurrectio inter Discipulos frequentata est, & gratia Spiritus sancti dedicata. Imo ex eo idem intelligitur *lib. de Idololatr. c. 14.* Quinquaginta dies a Pascha in Pentecosten vsque festos hac scilicet ratione fuisse, *Et si singula, inquit, Gentium solemnitates numerentur, non possent implere nostram Pentecostem,* hoc est, quinquaginta illos dies festos intra Pascha & Pentecostem. Vnde apparet Pentecostem dictam, spatium illud integrum 50. dierum. Sic & Canone Nicæno 20. vetantur genua flecti ἐν ταῖς τῆς Πεντηκοστῆς ἡμέραις. Imo ita quoque *Act. c. 2. v. 1.* ἐν τῷ συμπληροῦσθαι τὴν ἡμέραν τῆς Πεντηκοστῆς, ubi Syrus & Latinus Interpres legerant vel interpretabantur ταῖς ἡμέραις.

V. Quinto obseruanda illa, *Pascha etiam & Quinquagesima diebus QUAMDIU celestis lumen lauacri imitantia nouam sancti Baptismatis lucem vestimenta testantur:* non ad eam generalem tantum obseruationem, qua Baptizati Albati fuisse indicantur; quod infinitis testimoniis comprobatur, verum tempus per quod Albati esse perseverabant: nempe post peragillum Paschale & Pentecostale, seu post Baptismum susceptum; Baptizati in Albis perseverabant, teste etiam Chrysostomo, *Serm. 2. in Pentecost. pag. 474. Tom. II. Oper. Edit. Benediclin.* ad octauum vsque diem, seu ad Dominicam sequentem: vnde Octaua post Pascha in Albis postea dicta: Eodemque tempore Episcopi & Presbyteri frequentibus & quotidianis admonitionibus τὰς νεωστὶ τῆς χάριτος ἀξιοῦσθαι, eos qui nuper Baptismi gratiam acceperant, exhortari, prosequi solebant: ut apparet ex Chrysostomo *homilia 33. in cap. 13. Genes. in princ. p. 479. Edit. Paris. & pag. 331. Tom. IV. Oper. Edit. Benediclin.* quo etiam die vestem albam deponebant. Teste Augustino *Serm. 157. de Domin. in octaua Pasche.* Amalatio Fortunato, *1. de Eccles. offic. cap. 28. & 29. & lib. 4. cap. 23.* Iacobo Diacono in *Rit. S. Eccles. Ord. Roman. 11. de die Pascheatis.* Albino Flacco: *lib. de Diuin. Offic. cap. de Domin. in Albis; & cap. de Septuag. Rabano Mauro, 2. de Instit. Cleric. cap. 39. Bern. Augiens. lib. de quibusc. reb. ad Miss. spectant. cap. 3. Abbate Ruperto, lib. 7. de Diuin. Offic. cap. 11.* Iuone Carnotens. *Serm. in diem Pasche.* vide Vicecomit, *de Rit. Baptism. lib. 5. cap. 12. 13. 14.*

VI. Sexto inquirendum, in horum verborum sensum; & Quinquagesima diebus &c. quo tempore & commemoratio Apostolicæ passionis, totius Christianitatis magistra, a cunctis iure celebratur. Græci vertunt; *ἅτε μνήμην τῆ πάσης τῶν ἁγίων Ἀποστόλων γένεσιν,* Ex quibus illud in genere liquet, diebus Pentecostalibus commemorationem Apostolicæ passionis celebratam. Quænam autem hæc Passio Apostolica? Putet quis non aliam Apostolicam passionem accipere oportere, quam D. Pauli: Cuius sane passionis initium incidit in Pentecosten, ut docet *Act. cap. 21.* Sic ut post diem Pentecostes aliquos diebus deinceps Ecclesia Christiana passionis huius Apostolicæ commemorationem instituerit, velut magistra totius Christianitatis, ut quæ veri Martyrii, & veri Confessoris luculentissimum specimen & exemplum foret. Certe apud Græcos postea *Ἀπόστολ.* proprie Paulus, & *διδάσκαλ.* Ἀποστόλ. apud Codinum *cap. 1. de offic. Eccl. Const.* Doctor singularis Episto-

Epistolis Pauli explicandis, quam interpretationem non admitto. Item nolo, *Apostolicam passionem* hic dici, pro infusa coelitus in Apostolos Spiritus Divini gratia, & spiritali Baptismo; quomodo aliqui de Deo pati dicebantur, Numinis pleni, ἑσπερι, θεοφορέμενοι, θεόληπτοι, θεοκάτοχοι, &c. Tertull. *Apolog.* c. 23. *Æque producat* aliquis ex iis, qui de DEO PATI existimantur, qui aris inhalescentes, numen de nidore concipiunt; &c. Virgil. lib. VI. *Æneid.* v. 77.

At Phabi nondum PATIENS immanis in antro

Bacchatur vates, magnum si pectore possit

Excussisse deum: tanto magis ille fatigat

Os rabidum, fera corda domans, fingitque pre-mendo.

Vbi Servius, *nondum Patiens*, interpretatur, *qua nondum possit implere Oraculorum sermones*. Ex Ambrosii sermone 59. de Pentecoste, & apud Gratianum de consecrat. dist. 4. can. 90. quoque liquet, in Pentecoste lectionem solemnem fuisse de Adventu Spiritus sancti in Apostolos: Sequitur spiritale signaculum, quod audisti hodie legi, &c. vbi Gloss. *Hodie*, scilicet in die Pentecostes: quia lecta fuerat Epistola de Adventu Spiritus sancti in Apostolos. Non, inquam, duas superiores Interpretationes hic admitto, quia omnibus Pentecostes debet hanc commemorationem factam hæc lex indicat. Quid igitur? Ioan. Chrysostomus, & Augustinus, veram nobis interpretationem & indubitam suggerunt. Nempe ex veteri Patrum instituto in tota Pentecoste lectum esse in Ecclesia Librum *Actuum Apostolicorum*, de quo expressa extat illius *hom. 63. tom. 5. p. 831. edit. Paris. & Tom. III. Edit. Benedictin. pag. 81. τὸς ἐνεκεν αὐτῆς πράξεως ἐν τῇ πεντηκστής ἀναγνώσκοντες*, cur in Pentecoste Acta legantur: vbi rationem reddit istius instituti, cum alioquin Acta Apostolorum post Pentecosten initium ducant: & alias in Ecclesia, sua quaque die, ea legerentur, quæ ea eveniant: veluti in die Crucis, omnia legerentur quæ ad Crucem pertinent; & in Magno Sabbatho, quæ & ea die evenierunt: & hanc quidem, quod quemadmodum statim post Crucem Resurrectio Christi annuntiatur, ita statim post Crucem & Resurrectionem Patres Acta seu miracula Apostolorum legi voluerunt, quod miracula Apostolica sint demonstratio Resurrectionis Dominicæ; Liber vero *Actuum*, nihil aliud sit quam doctrina miraculorum Apostolicorum. Eundemque morem perstringit idem Chrysostomus, initio *homilie 33. in cap. 12. Genesios*, p. 478. edit. Paris. & pag. 331. *Tom. IV. Oper. Edit. Benedictin.* Quinimo & ex Gregorio Nazianzeno *orat. 43. in κοινὴν κυριακὴν*, in sin. disco, Martyrum quoque aliorum martyria tum publice commemorata. Augustini locus hic est, *tract. 6. in Evangel. Ioan. num. 18. Actus Apostolorum testes sunt: ille Liber Canonicus omni anno in Ecclesia recitandus. Anniversaria solemnitate post Passionem Domini nostris illum Librum recitari*. In genere notum iam aliunde vel ex Ambrosio, & Augustino, Lectiones ex utroque Testamento solemnes in Ecclesia olim fuisse, & quidem statas, ex orbe, ac nominatim ex Novo Testamento, quæ ἀποστολεὺς ἀγγελα postea dicta, & εὐαγγελιστάρια: cuius rei luculentum testimonium in Hippolyti Episcopi *Paschali* occurrit, vbi Lectiones huiusmodi designantur in cellulis atque laterculi; vt ecce, γένεσις Χριστοῦ, quotannis ex primo Matchæ, ἐν προδιαλυκτέρεσι, siue παραμοναῖς Natalis Christi legebatur XI. Pharmuthi, quo tempore quidam natum Dominum putabant, vt scribit Clemens Alexandrinus. Ita πᾶθος Χριστοῦ, die Passionis Dominicæ; id est, ex quorundam sen-

tentia, 25. Martii, aliaque quæ in eo Canone videre est, & Scaliger explicavit. Sic certum, *Passionem Christi* recitatam olim proxime antequam concio haberetur de ea: testis Augustinus *sermon. 144. 146. siu. 232. 239. Ed. Ben.* Leo Magnus non *uno loco*: sic quidem vt in Africanis Ecclesiis ex Matchæ dumtaxat Evangelio ea recitaretur, d. *serm. 144. siu. 232.* Quomodo & *Passiones Martyrum* ante concionem publice recitatz ceu Anniversarii eorum dies celebrabantur. Ergo *Passio Apostolica* hic, pro Actibus Apostolorum dicta fuerit: quo sensu certe *Passiones* passim Sanctorum dicuntur pro Actibus eorum & vita omni. Sic igitur Liber Actuum Apostolicorum *πράξεων ἀποστόλων* fuit τὸ πεντηκστήσιον, quomodo recentioribus Græcis πεντηκστήσιον dictum Officium ab ipsa die Paschatis ad Octavam Pentecostes, quæ Dominica ab iis Omnium Sanctorum appellatur: de quo vid. differtat. 1. Allatii de libris *Eccles. Græcorum*, p. 77. 78.

VII. Septimo observandum, *Apostolicam Passionem Christianitatis magistrum*, hac leg. vocari; nempe posteaquam intulâ coelitus Spiritus sancti gratia, Apostoli sparsi Christianam fidem magisterio suo propagaverunt. Sane & ita Apostolos τῆς εὐαγγελίας, seu τῆς κόσμου παιδείας etiam Ioannes Chrysostomus, tum alibi, tum in eadem re versans, *λογ. 88. in sanctam Pentecosten* vocat, *tom. 5. Scutlian. p. 980. & seq. λογ. 88. p. 982. siu. serm. 2. & 3. in Pentecost. p. 791. seqq. T. III. Ed. Ben.*

VIII. Octavo observanda plurimam vltima huius leg. sententia, quæ Ampliationem quandam continet inde, *Ac ne quis existimet*, &c. qua sane sententia haud postrema huiusce legis ferendæ occasio continetur. Nempe ea Theodosius Iun. indicat, adeo festis diebus Spectacula se vetare, vt et si Natalis aliquis Imperatorum in aliquem ex prædictis diebus inciderit, Spectacula iis edi nolit. Quem utique scrupulum, si Theodosius Iun. populorum animis non cruisset, futurum erat, vt indeuotionis in Principem notam deinceps nonnulli subuererentur, si Natalem forte aliquem Principis, vel aliam solemnitatem Imperialis honoris gratia (vt Ambrosius in *Valent. obitu* p. 107. *T. V. Op. Ed. Par. 1614.* loquitur) in diem Deo etiam festum incidentem, solita deuotione & solennibus spectaculis, veluti ludis Circensibus prosequuti non fuissent: Existimantes (vt hæc lex ait) in honorem Principis, veluti maiore quadam Imperialis officii necessitate se compelli, &c. Sane & Libanius, *orat. περὶ τῶν δεσποτῶν, de vinctis*, pag. 405. Edit. *Op. Gothofred. minor. Cl. Troz.* hunc ipsum ludicum seu Magistratum scrupulum metumque repræsentat, ad Spectacula in honorem Principis obeunda, necessitate quadam ἀνάγκη teneri se aientium, seriusque adeo actus eo obtentu negligentium: vbi & hanc necessitatem paucorum dierum esse ait: quod lucem accipit ex l. 2. *supr. hoc tit.* Ad quem locum hæc leg. iam notavi. Quare & eo nomine Ambrosius Valentinianum Iun. commendat, d. p. 107. quod cum antea P. 357 ludis Circensibus delectari ferretur, sic illud absterfit, VT NE solemnibus quidem Principum Natalibus, vel Imperialis honoris gratia, Circenses putaret celebrandos. Verum Theodosius Iun. superiori scrupulo hanc religiosissimam sententiam & rationem opponit; Quod tunc maxime Mansuetudini Nostra (Imperatoris) ab humano genere deferatur, cum virtutibus Dei omnipotentis ac meritis vniuersi obsequium Orbis impenditur. Honor scilicet Principis infra diuinæ Religionis contemptum consistere debet. Et ita quidem hæc postrema pars huiusce legis intelligenda est; non, vt perpetam Vir doctus fecit, de Imaginibus Imperatorum coronari; faustique acclamationibus excipi in solemnibus Spectaculis

olitis; verum de Spectaculis, quæ in honorem Principis eiusque Natalibus specialiter exhiberi consueverant. Eadem plane ratione Constantinus M. ad lustrorum quoque sacrificia Christianos adigi noluit, *l. 5. infr. de Episcop.* vbi vid. quæ dixi plene.

IX. Nono obseruandum, non Christianis tantum *hac leg.* interdici Spectaculorum celebritate his festis diebus, verum etiam ludæis & Paganis: Nempe nil interest, a quo dierum horum celebritas & veneratio publicis, de fœdis, imo sæpe impiis voluptatibus confundatur: Nam & viceversa eadem ratione ludæi quoque & Pagani die Dominico exigi vetiti.

X. Postremo, cum primis obseruanda illa, *cum virtutibus Dei omnipotentis ac meritis vniuersi obsequium Orbis impenditur*: quibus ostenditur causa dierum festorum, & quo vnice respexerint: nempe vt virtutibus Dei & meritis obsequium orbis impenderetur; qua causa & *Supplicationum dies* dicuntur; vnde etiam apparet, nullos dum festos dies insti-

tutos, per quos virtutibus aut meritis hominum, Sanctorum obsequium orbis impenderetur, iisque supplicaretur: Etsi verum illud, non magis in honorem Martyrum, quam ad Christianorum magisterium & profectum, Martyrum Natales Synaxi seu conuentu in Ecclesiam celebratos: zelo pietatis, vt publici isti solemnesque conuentus essent velut ludi quidam, & Pædagogi animarum, vt Martyres colentes, insignem eorum pietatem imitarentur, & Doctoribus ea occasione congregatis aurem præbentes, profuturum aliquid ignoratumque antea discerent, quod ad dogma confirmandum, aut ad ambiguum obscurumque scripturæ locum explicandum, aut ad morum & vitæ emendationem pertinet: vt diserte hac tempestate scribebat Gregorius Nazianzenus, & Asterius Amasæ in Cappadocia Episcopus, *homilia 3. aduersus auaritiam, pag. 31. Edit. Rubenii.* Nondum igitur Martyrum Natales festi, supplicationumque dies, sed *stationum* tantum & *συναγωγῶν* in Ecclesia dies fuere.



DE MAIUMA.

TITVLVS VI.

LIB. XI. COD. IVST. TIT. XLV.

Porro post *Titulum* generalem *de spectaculis*, sequuntur quinque species Spectaculorum seu ludorum. Primo, *Maiuma*, (quæ festiuitas est populi:) de qua *hoc tit. 6.* Secundo, *Scenici tit. 7.* (cuius *tituli* appendix est quoque *tit. 8. de Lenonib.* & *tit. 9. de expens. ludor.*) Tertio, *Circenses, titulo decimo, de equis curulibus.* Quarto, *Venatio, tit. 11. de venatione ferarum.* Quinto, *Gladiatores, tit. 12. de Gladiatoribus.*

PARATITLON.

MAIUMA, *Rubr. & l. 1. & 2. hoc tit.* Spectaculum erat, *l. 2.* (seu lætitiæ genus, *l. 1. h. t.*) fœdum atque indecorum, *d. l. 2. h. t.* procaci licentia, *d. l. 2. h. t.* Hoc prohibitum aliquando per Orientem, ab Arcadio restitutum: Sic tamen vt honestas & verecundia in hoc seruaretur, *l. 1. h. t.* verum, cum honestas non seruaretur, idem mox triennio post rursus id prorsus inhibuit: *l. 2. h. t.*

I. (a) Impp. ARCAD. & Honorius AA. Cæsario PF. P. (b)

CLEMENTIÆ Nostræ placuit, vt Maiumæ provincialibus (c) lætitia (d) redderetur: (e) Ita tamen, vt seruetur honestas, & verecundia castis moribus perseueret. Dat. VII. Kalend. Mai. Constantinop. Arcadio IV. & Honorio III. AA. Coss. [396.]

NOTÆ.

(a) *Lex unic. Cod. Iustin. hoc tit. GOTHOFR.* De Maiumis, Maicampis & Roncaliis prodiit Lipf. 1651. Dissertatio Andreæ Rivini, quam Syntagmati differt. rariorum. I. Georg. Græuius inseruit, Vltraieci 1702. RITTER.

(b) *Cesa.*

- (b) *Cæsius PP. ORIENTIS* scilicet sub Arcadio: vid. *Prosopogr. GOTHOFR.*
- (c) Quibus? An certæ cuiusdam Prouinciæ, veluti Syriæ Cæles? an vero cuiuscunque tandem Prouinciæ, sub PP. P. 358 Orientis, vt ita hoc spectaculum in omnibus Orientis Prouinciis celebrari solitum fuerit, non in vna tantum ac multo minus Romæ. *IDEM.*
- (d) *Letitia de spectaculis & ludis*: vid. & *Cassiodor. II. Var. 9. ID.*
- (e) In *Cod. Iust. reddatur*. Hinc apparet, ademptum fuisse aliquando hoc spectaculi genus; &, vt existimo, a Constantio, rursum a Theodosio M. *ID.*

II. (a) Idem AA. Aureliano PF. P. (b) Post alia. (c)

LUDICRAS artes concedimus agitari, ne ex nimia harum restrictione tristitia (d) generetur. Illud vero, quod sibi nomen procax (e) licentia vindicabit, (f) *Maiumam*, (g) fœdum adque indecorum spectaculum, denegamus. Dat. VI. Non. Octobr. Constantinop. Theodoro V. C. COSS. [399.]

N O T Æ.

- (a) Absit hæc lex a *Cod. Iustin. prælata l. 1. GOTHOFR.*
- (b) Orientis sub Arcadio: vid. *Prosopogr. IDEM.*
- (c) Quæ exciderunt, & quæ si ad manum haberemus, forte haud adeo incertum foret, quidnam *Maiuma* esset, unde ea dicta fuerit, & vbi & quando celebrata. *ID.*
- (d) Similis vox eadem in re usurpata, l. 169. *supr. de Decurionib. ID.*
- (e) Id est, fœda & inhonesta. *ID.*
- (f) Vindicabit, pro vindicauit. *ID.*
- (g) Forte locus hic ita legendus: Illud vero, quod sibi nomen procax licentia vindicauit, *Maiuma*, fœdum atque indecorum spectaculum denegamus. Sed nil temere muto. *ID.*

COMMENTARIUS.

ARCADII Imperatoris vtrique hæc lex est: quibus *Maiumæ*, (quam vocem superiorum sæculorum Barbaries in *mimiam*, quasi primorum ludum mutabat:) Spectaculum, seu *Maiumæ* lœtitia, per eandem Præfecturam Prætorianam Orientis, Prouincialibus sub certa lege antea adempta, redditur l. 1. Anno 396. mox absolute denegatur, Anno D. 399. hæc leg 2. Idque intra quatuor ferme annorum spatium: Redditur, inquam, l. 1. cum antea (vt puto a Constantio Imp. rursum a Theodosio M. patre, castissimo Principe) prohibita fuisset: Sub hac tamen conditione redditur, vt honestas & verecundia, castis moribus perseveraret, id est, vt fœditas omnis & procacia ab ea abesset. Hoc scilicet temperamentum Arcadio clementia titulo seu elementer adhibere primum visum fuit Anno D. 396. Atenim, cum rebus ipsis postea compertisset, procacem hanc licentiam & fœditatem ab ipsa *Maiumæ* celebritate seu spectaculo seigari non posse, triennio, & quod excurrit, post, ad superiorum Principum Christianorum ingenium rediit, ea penitus denegata l. 2. hoc tit. aliis vero ludicris & honestis artibus concessis, quibus abunde Prouinciales tristitia sua consolari possent; vbi amplector Arcadii sententiam, ludicras Artes aliquas in Republ. Christiana aliquando recte concedi. Ne ex nimia harum restrictione tristitia generetur. Cui accedit Gratiani sententia de Gymnicæ agone agentis, l. 3. *infr. de Scenicis*, (quæ *Cod. Iust. est lex 1. de Spectaculis*.) Non inuidemus, sed potius cohortamur (ad) amplectenda felicitis populi studia. Valeant igitur per me retrici, quibus populi non placent, nisi ab omni semoti lœtitia. Ad rem. Et hæc quidem aperta est harum duarum Arcadii legum sententia. Verum quidnam *Maiuma*, & vnde ea dicta fuerit,

inquendum nobis est, quando etiam Alciato *V. Parerg. 5.* aliisque deinceps hac parte aqua hæsit. Primum, obseruandum est, per Præfecturam Prætorianam Orientis tantum, eius mentionem *hoc Cod.* fieri, quandoquidem duæ hæc *hoc tit.* leges, & Constantinopoli datæ (ab Arcadio scilicet Orientis Imp.) dicuntur, & Præfectis Prætorio Orientis inscribuntur. Sed & Iulianus Apostata, in *Misopogone aduersus Antiochenos pag. 362. Edit. Lips. Spanhem.* qui scriptus Anno D. 363. (triginta paulo plus ante has constitutiones annis) testatur, ab Antiochenis in suburbio Daphnensi prope Antiochiam in Syria, τὰς ἑορτὰς τῆς Μαίμας, id est, festiuitates *Maiumæ*, agitas. Secundo, idem Iulianus ostendit, magnos sumptus in hanc *Maiumam* a priuatis factos, & quidem in conuiuia *Maiumæ*: & nulli rei vtilem eam fuisse inuiri: haud aliter ac l. 2. hoc tit. artes ludicræ, procaci licentiæ *Maiumæ*, opponuntur: ὑμῶν δὲ ἕκαστος, ἰδίᾳ μὲν εἰς τὰ δαίτνια, καὶ τὰς ἑορτὰς χαίρει δαπανῶμεν. καὶ εὖ εἶδα πολλὰς ὑμῶν πλείστα εἰς τὰ δαίτνια τῆς Μαίμας χρήματα ἀπολέταντες, ὑπὲρ δ' ὑμῶν αὐτῶν καὶ τῆς σωτηρίας τῆς πόλεως ἔδεις θύει, ἔτε ἰδίᾳ τῶν πολιτῶν, ἔτε ἡ πόλις κοινῇ: vnusquisque vestrum priuatim in conuiuia & festa libens sumptus facit, sed & plerisque scio in conuiuia *Maiuma* pecuniam effundere, pro vobis autem ipsis & communi salutis, neque priuatim neque publice sacrificatis. Terrio obseruandum, fœdum, atque indecorum hoc spectaculum ferme fuisse procacis licentiæ; sic vt in eo honestas & verecundia castis moribus non perseveraret, seu, non seruaretur: de quo postea plura, ex Libanio, & Chrysostomo. Quarto notandum, *Maiumæ* mentionem nobis non

occurrere, nisi ab eo tempore, ex quo Christiani Imperatores existerent. Postremo ex hisce duabus legibus, vel etiam ex Iuliano, colligi non potest, quando hoc spectaculum, seu quo tempore anni edi solitum fuerit. Nam etsi prima lex, hoc tit. data sit 7. *Kalend. Maii*, & sic appetente iam mense Maio (vnde *Maiuma* nomen Suidas derivabat) attamen non exinde satis definiri potest, Maiumam mense Maio celebratam. Nam & lex 2. quæ de eadem Maiuma agit, data est 6. *Non. Octobr.* Ac præterea, cum l. 1. Maiumæ celebrandæ potestas fiat Prouincialibus, sane tempore opus fuit, ad id Prouincialibus intimandum seu insinuandum a Cæsario Præf. Prætor. ac proinde exinde contra rectius colligatur, non mense Maio fuisse hanc solemnitatem habitam. Et vero eam mense *Loio*, id est, Augusti, agitatum ex Iuliano, in *Misopogone* p. 361. Ed. *Lips. Spanhem.* discimus: & quidem per septem dies, ex Theodoretis, lib. 3. cap. 10. & ex tertio Libanii loco, quem mox laudabo, pariter, διὰ πέντε ἢ καὶ πλείους ἡμέρας: Vide & Palladium, in *Dialogo* cap. 15. pag. 145. Ed. *Bigotii*. Et Suidas tamen, vbi dixi, mense Maio Maiumam celebratam vult: & quidem, (quod secundum,) Romæ, Oſtiæque. Verba Suidæ hæc sunt: Μαῖμας πανηγυρὶς ἐγένετο ἐν τῇ Ῥώμῃ κατὰ τὸν Μαῖον μῆνα: τὴν παράλιον καταλαμ-

P. 359 βάνοντες πόλιν, τὴν λεγομένην Οἶαν, οἱ τὰ πρῶτα τῆς πόλεως τελέοντες, ἡδὺπαθῶν ἡνέχοντο ἐν τοῖς θαλαττίοις ὑδασιν ἀλλήλας ἐμβάλλοντες: ὅθεν καὶ Μαῖμας ὁ τῆς τοιαύτης ἐορτῆς καὶρος ὠνομάζετο. *Maiumas* festiuitas fuit Romæ, Maio mense celebrari solita, quo principes ciuitatis Oſtiam urbem maritimam se conferentes, voluptatibus & deliciis indulgebant, alter alterum in aquam marinam conicientes. Vnde & festi illius tempus *Maiumas* vocatum fuit. Eadem ferme & Glossæ Basilicorum, vbi & id amplius, (quod tertium,) additur, in honorem *Maia* id celebrari solitum: Μαῖμας ἐορτὴ ἐτελεῖτο ἐν Ῥώμῃ. Et statim post: Μαῖμας τῶτον τὸν λεγό-

μενον Μαῖμας ἐπέτελεσαν οἱ Ῥωμαῖοι Μαῖε μηνὸς εἰς τὴν τῆς Μαίας. Hæc quidem Suidas & Glossæ Basilicorum: Quibus si credimus, Romæ vel Oſtiæ Maio mense Maiuma celebrata; in Maie honorem, atque exinde nomen.

Verum in id accuratius nunc inquiramus. Certum equidem est, quod Suidas narrat, de iucunda illa solemnitate Romæ vel Oſtiæ celebrari solita: Cuius etiam meminit Æthicus in *Cosmographia* pag. 716. Edit. *Gronou.* ad calcem *Pompon. Mela*: Tiberis, inquit, insulam facit inter Portum Urbis, & Oſtiam Ciuitatem, vbi Populus Romanus cum Urbis Præfecto vel Consule Castorum*) celebrandorum causa egreditur SOLEMNITATE IVCVNDÆ. De eadem solemnitate iucunda Oſtiæ celebrari solita, per certamina, est & hoc vetus Epigramma, de Tatio P. V. apud Gruterum *Inscript.* pag. XCIX. 2. qui faciem, id est, picturam huius certaminis pro æde Castoris & Pollucis locauerat.

LITORIBVS. NOS TRIS. QVONIAM. CERTAMINA. LAETVM EXHIBVISSE. IVCAT. CASTOR, VENERANDEQVE. POLLVX MVNERE. PRO. TANTO. FACIEM. CERTAMINIS. HVIVS MAGNA. IOVIS. PROLES. VESTRA. PRO. SEDE. LOCAMI VRBANIS. TATIVS. GAVDENS. ME. FASCIBVS. AVCTVM NEPTVNOQVE. PATRI. LVDOS. FECISSE. SABINOS.

Cum hac tamen iucunda festiuitate perperam commiscetur id quod Ammianus Marcellinus notat lib. 19. cap. 10. vbi Tertullus Præfectus Urbis notatur, in difficultate annonæ Urbis Romæ Oſtiam profectus, atque ibi in æde Castorum sacrificasse: (quod nomen ibi cultum ventorum marisque causa) scilicet tranquillitati maritimæ impetrandæ, quo naues frumentariæ plena velificatione Portum Urbis Romæ frumentis onustæ intrarent. Id enim extraordinarium sacrum fuit, necessitate urgente, non etiam solemnitas quædam festiuitas, & Castorum solemne, quod memorat Æthicus. Cui propius accedit Tiberina decursio,

*) *Castorum celebrandorum causa*, Riuius placet de *Maium*. c. 7. §. 18. quam lectionem in vno exemplari disertim exaratam fuisse scripsit Simlerus. „ Si namque *castra*, inquit laudatus Riuius, sunt e variis casis siue scenis ad breuem & temporarium vsum constantes mansiones, vbi milites sub tentoriis aliquantisper in loco fossa circumdato subsistant; tum profecto in hac insula prope Oſtiam Tibride circumfusa recte *castra* veteres dixerunt, cum iuxta illa quoque pugna quasi naualis haberetur, & frondibus atque scenis virentibus omnia condecorarentur. Ne vero sine omni exemplo, & vlla auctoritate ista nostra correctio audacior paullo, quam verior doctis appareat, ipseque auctor noster ceu spurius testis & illegitimus videatur, en ad ipsum Oratorum & scriptorum omnium tersissimum & facundissimum principem prouocamus, qui lib. V. in *Verrem*, cap. 12. 13. multa eius luxuriosa facta incessiens inter alia culpatur. Quod cum æstas iam esse cepisset, iste nouo quodam genere Imperator pulcherrimo, Syracusarum loco statua sibi castra fecisset, in ipso aditu atque ore portus, vbi primum ex alio sinu ad urbem ab littore inflectitur, tabernacula carbasseis intenta velis collocans. In eum autem ipsum luocum aditus erat nemini, nisi qui aut socius, aut minister libidinis esse posset. Huc omnes mulieres, quibuscum consueuerat, conueniebant, quarum incredibile est, quanta multitudo fuerit Syracusis. Huc homines digni istius amicitia, digni vita illa conuiuioque veniebant. Ac per eos dies, cum iste cum pallio purpureo, talarique tunica versaretur in conuiuio muliebribus, non offendeabantur homines, lucum illum littoris percipere totum mulierum vocibus, cantuque symphonie, in foro silentium esse summum causarum atque iuris, &c. Mox denuo stomachatur c. 31. Quod quo tempore, ceteri nauigare & prouincias obire consueuissent Prætores, Verres tabernacula quemadmodum æstiuis temporibus fieri soleret, carbasseis intenta velis in insula Syracusis post Aretusa fontem, propter ipsum introitum atque ostium portus, amæno sane & ab arbitris remoto loco dies æstiuos LX. c. 37. hic Prætor populi Romani, custos defensorque prouincie sic vixisset, ut muliebria quotidie conuiuia essent. Denique piratas ad illa æstiuæ Prætoris accessisse, Gicero dicit, ipsam illam ad partem littoris, vbi iste per eos dies tabernaculis positus, CASTRA LVXVRIÆ collocasset.

decurſio, cuius meminit Cicero lib. 5. de Finib. c. 24. Quoniam gaudio, inquit, complerentur, cum tantopere eius adumbrata opinione latentur? Quem enim Tiberina diſcurſio, feſto illo die, tanto gaudio aſſecit, quanto L. Paulum, cum Regem Perſen captum adduceret, eodem flumine inueſtum. Auſonius de Feriis Romanis. v. 1.

Nunc & Apollineos Tiberina per oſtia ludos.

In Kalendario Conſtantiniano Heruagiano: *Ludi Tiberini*. Sed neque eo pertinet feſtiuitas, quam damnauit Synodus in Trullo, can. 62. init. pag. 1083. 1084. Tom. III. Concil. Edit. Harduin. his verbis: Καλάνδα, καὶ βοτὰ καὶ βρεμάλια, καὶ ἡ τῇ πρώτῃ τῆ Μαΐς Πανήγυρις, ἐκ τῆς τῶν πεισῶν πολιτείας περιουσιάζουσαν: Kalende & vota, & qui primo Maii die ſu conuentus, ex fidelium vniuerſitate ſublata ſunt. **) Nihil enim commune habuit ſolemnitas illa cum Roma, vel Oſtia, vel Tiberina diſcurſione, vt quæ in Oriente celebrari ſolita. Hæc, inquam, vt certa ſunt, & recte apud Suidam habent, quæ de Tiberina & Oſtienſi ſolemnitate memorat, ita vnum ex iis, quæ memorat, incertum eſt, alterum vero falſum. Incertum, vtrum Tiberina illa ſolemnitas vnquam Maiuma dicta fuerit; etſi dici potuiſſet non negarim; quia & hæc Maiumæ, (id eſt, aquarum) ſolemnitas erat: Sed falſum eſt, Maiumam, qua de hoc tit. agitur, cum ea Oſtienſi vel Tiberina feſtiuitate quicquam commune habere. Fuit enim decurſio illa, iucunda tantum feſtiuitas & ſolemnitas, vt Æthicus ait; ſeu vt Suidas, ἡδυπάθεια; item coniuncta ſacro ſolemni, gentili: Item in liberi & prope Romam ea agitata. Atquin Maiuma, qua de hoc tit. agitur, fuit fœdum & indecorum Spectaculum, & procacis licentiæ. Deinde in Syria, (cuius τρυφή notiffima) ea lætitia agitata; vt ſuperius oſtendimus. Tandem non fuit ſacro alicui gentilitio lætitia hæc Maiumæ coniuncta; alioquin Chriſtiani Principes, poſt cultus ritusque Paganorum abſolitos, nunquam eam permiſſuri fuiffent; vel ſane eam quoque cauſam addidiſſent eius prohibendæ; non fœditatem modo.

Baronius ad A. C. 399. n. 30. cenſet Maiumam dictam, a ciuitate maritima Maiuma, in littore Syriæ Palæſtinæ (primæ) vbi erat nauale Urbis Gaze: ***) Quod verofiſmile: vel ſaltem, (quod mihi verofiſimilius videtur) eodem exemplo, Spectaculum illud Maiumam dictum, quo littus illud. Primum id perſuadet mihi, quod, vt antea oſtenſum eſt, per Orientem & Syriam quidem, ſpecialim hæc lætitia agitata fuerit. Perſuadet Secundo, nomen ipſum Maiumæ, quæ vtique Syriacæ Aquam ſignificat. Perſuadet tertio, quod Maiuma Gaze nauale non tantum ſuperſtitioni deditiſſimum fuerit (quod memorant Scriptores Eccleſiaſtici) verum etiam ac nominatim (vt Auſtor eſt Marcus Diaconus, in reb. geſtis Porphyrii Gazaenſis Episcopi) hoc adhuc tempore ſimulacrum impudicum Veneris, quod eo loci cultum, extiterit.

In Syria igitur agitata hæc Maiumæ feſtiuitas, cuius caput fuit Antiochia ad Daphnen, ac nominatim in locis, qui aquis luxuriabant: cuius

modi ſane fuit Daphne præpe Antiochiam, Cuius δαφνικὰς ἀγῶνας Protagorides Cyzicenus olim deſcripſerat: ideoque περὶ τῶν ἐν Δάφνῃ πανηγύρεων ſcripſerat, teſte Athenæo lib. 4. c. 11. p. 150. & c. 23. p. 176. & c. 25. p. 183. Quarum panegyreon meminit & Strabo lib. 16. p. 516. & 1090. Ed. Amſeloucen. Et ſane hoc illud feſtum & ludicrum (Daphnenſe) mihi omnino videtur, quod Libanius tribus orationibus deſcribit & proſcribit, etſi Maiumæ nomine nullibi id deſignet. Primum, oratione περὶ δεσμοῶν §. 10. pag. 407. 408. Oper. minor. Gothofred. Edit. Troiz. & (πραγματὰ) διδάσκει ἐν Δάφνῃ καὶ θεμενέεις τέρπειν τε καὶ τέρπειν κακῶς, ἢ καὶ τότε φησέτε τὰς οφειλόμενας εἰσπράττειν: ἀλλ' αὐτῶ τὰ τῶν πρώτων τιμᾶτε τὴν εἰς ἀπαντὰ ἐκείνην ἐξουσίαν τὴν ἐν Δάφνῃ: τὸ γὰρ ἐστὶν ἡ εὐροτή, τὸ μὲνός ἀπέχεσθαι τῶν αἰσχροῶν: καὶ τὰ τοῖνυν αὐτῇ χαρίζονται, ὁ βασιλεῦς, τὸ μὴ πάντοτε μεμνησθαι τινος τῶν τοῖς σοῖς θησαυροῖς οφειλωμένων χρημάτων, id eſt, Quæ (negotia) dant ſedenibus in Daphne & delectare & delectari male: quamlibet & tunc dicatis, debitores exigi oportere. Sed in hoc ante omnia honorate illam ad omnia licentiam in Daphne; hoc ſcilicet eſt feſtum illud, a nulla turpidinis ſpecie abſtinere: idque ii etiam tribuunt, o Imperator, ne quis omnino tunc mentionem pecuniarum faciat Theſauris tuis debitarum. Secundus Libanii locus eſt oratione περὶ τῶν ἀγχαρειῶν, §. 7. pag. 384. 385. Oper. minor. Gothofr. Edit. cit. Ἦσαν τινες οἱ πονηρὰν εὐροτὴν εἰσάγαγον εἰς τὴν Δάφνην: ἦν δὲ τὸ πάντα τρόπον ἀχρημονεῖν, εὐροτὴν ποιεῖν. Τὸ τοῖς κατὰ δὴν βασιλεὺς ἐπιεικὴς καὶ σώφρων, αἰσχυνοῖς μὲν τοῖς πρῶτοις ἀλλήλους, ὁ Imperator, ne quis πάντοις ἐπὶ τοῖς τοῖς σύνδοις, καὶ παύσας εὐδοκίμει, καὶ εἰς πρὸς αὐτὸν τὰ τῆς εὐροτῆς ἐλεγον ἔτη, εἰς ὥς τὰ κεκρατηκότα δεῖ κρατεῖν διὰ τέλους, ἀλλ' ἐξεβέβλητο τὸ τοῖς Δάφνης τὸ νόημα χρόνον πολὺν: εἰς αὐτὸ πάλιν ἀνδρες αἰσῶς τοῖς τῶν εὐροτῶν βεβιωκότες εἰσάγαγον, id eſt, Erant quidam qui prauum feſtum inuexerant in Daphnen: feſtum illud celebre erat omni modo ſe indecenter gerere: hoc cum audiuiſſet quidam æquus ac temperans Imperator, cum ipſum ſaſtorum puderet, dolensque ob regionem ſeu locum, conuentum hunc aboleret, coque abſolito bene audiuit, neque quiſquam ipſi conſuetudinem feſti obiecit, neque quod neceſſe ſit ea quæ aliquando valuerunt, ad finem uſque valere: verum eiectus fuit hic Daphnes morbus longo tempore, P. 360 donec illum iterum viri his feſtis digne viuientes, introduxerunt. Tertius Libanii locus eſt Oratione hactenus inedita, πρὸς Τιμοκράτην; vbi in populares plauſus iuuenum in Theatris inuehens, inter alia hæc ait: ὁ γὰρ δὴ τῆς βοῆς ἔρως πάντα ὑπηρετεῖν ἀναγκάζει, τότε ἄλλα καὶ τρέχει εἰς τὴν Δάφνην, καὶ ποιεῖν τὴν μύρια κακὰ τῇ πόλει (Antiochiæ) φέρονται εὐροτὴν: ἐπεὶ καὶ νέοι (νυν) μετὰ σωφροσύνης ἀναβάντες ἐκείσε ταύτην ἀποβαλόντες κατέβησαν: εἰς ἃ μοι δοκεῖ βασιλεὺς

τις

**) In Canonis textu vulgato legitur, καὶ τὴν ἐν τῇ πρώτῃ τῇ Μαρίᾳ μνησὶς ἡμέρα. Et Balſamo etiam ita legit ad hunc can. pag. 231. Tom. I. Pandect. Canon. Guiljelm. Benerreg. βῆμος γὰρ ἦν ἐπὶ τῶν τῶν Διόνυσου. κατὰ δὲ τὴν Μάρτιον μὴνα ἐτελείτο πανήγυρις. Sed Maῖν placuit præter Noſtrum, Meurſio in Gloſſar. Grotio in Flor. Sparſ. ad Ius Juſtin. p. 329.

**) Idem ſenſit etiam Ludou. de la Cerda Aduerſar. ſacr. c. 20. qui ſimul cum Baronio ſua ſublegit e Rud. Hoſpiano de Origin. Feſtor. Eſthnicor. c. 30.

τις ἀγαθὸς ἀποβλέψας σβέσαι τὸ πρᾶγμα τὸδε: αὐδὺς ἀνέψυ, καὶ γίγεται τῶν μὲν ἐπιλαϊζόντων, ὑμῶν δὲ υπεργέντων εὐδαιμονούντων (al. εὐδαιμώνων τῶτο) ἡγεμόνων: καὶ μετὰ ἀναυδείας πέντε ἢ καὶ πλείους ἡμέρας, ὁρᾷται διάγον τὸ ἀναβαῖν, ἥς τὸ μὲν εἰς αὐτὰς, τὸδὲ τι καὶ εἰς ὑμᾶς ἐρχεται. καὶ τοι εἰ τις ὑμᾶς καταβαίνοντας ἀπὸ τῆς πολυειδὸς μέθης ἐκείνης, περὶ τὴν χρόνον ὅμιν ἀνῆλατο τοσῶτ' ἐροίτο, τίνι βελίῳ τὰ τῆς πόλεως πεποιηκότες ἀνασρέφετε; τι πρὸς Θεῶν ἐρεῖτε, ἢ ὅτι καὶ τῷ λιᾷ ἀρχιμονεῖν εἶναι τόπον ἐχρην. Nam plausus illud studium cogit facere, cum alia tum etiam currere Daphnen, & ibi celebrare solenne illud, quod sexcenta huic civitati mala attulit. Nam etiam iuvenes, qui pudorem eo attulerant, eo perduto rediere: quæ mihi videtur considerans aliquis bonus Rex, totam eam rem sustulisse: rursus inflauratum est hoc solenne, & sit illis quidem iuventibus, nobis obsequentibus, Præsidibus beate viventibus: & cum omni genere impudentia quinque aut plures dies exigere cernitur eo euntium turba; cuius quidem mali pars ad eos ipsos, pars autem ad nos redundat. Quod si quis vos redeuntes ab hac tam varia commissione interroget, quæ re tantum temporis consumpsistis, & quam rem meliorem statum civitatis fecistis? Quid per Deos dicetis, nisi, oportere etiam insolenti impudentia locum esse. Vt omitam etiam Orationem ineditam περὶ τῆς πλέθρης. Vides, a Libanio festum seu spectaculum describi εὐρτην ποιηρᾶν, quod erat ἐξουσία εἰς πάντα, cuiusque erat τὸ μηδενὸς ἀπέχεσθαι τῶν αἰσχροῶν: item quod festum hoc celebrare ἦν τὸ πάντα τρέπον ἀρχιμονεῖν: Cui optime respondet quod de Maiuma dicitur hac leg. 2. nempe quod nomen illud procaz licentia sibi vindicasset; quodque sædum atque indecorum spectaculum esset. Item quod indicatur l. 1. honestatem & verecundiam castis moribus in eo non persequerasse. Item vides, celebratum in Syria apud Daphnen, locum utique Maiuma (id est aquis) cummaxime luxuriantem, prope An-

tiochiam. Atenim & ad alias quoque vrbes Maiuma penetravit; etiam maiore licentia in Syria. Nam & Theophanes in Chronographia: & ex eo Auctor hystor. Miscella, lib. 23. pag. 164. Tom. I. Script. Rer. Ital. Ant. Murator. in Leone Constantini filio: ὁ δὲ βασιλεὺς ποιήσας Μαυμαῖν ἐν Σοφίανοις ἐκάθισεν ἐπὶ σένης μετὰ τῆς υἱᾶς αὐτῆς. Præterea, inquit, Imperator facta Maiuma in Sophianis, sedit in folio cum filio suo. Tandem pertinere huc sentio, quod Chrysostomus Antiochiæ tum agens, (quod ipsemet diserte proficitur) homil. 7. in Matth. pag. 88. edit. Paris. p. 70. 71. 72. edit. Comel. & pag. 113. 114. Tom. VII. Oper. Edition. Benediclin. memorat, simul & tanquam Diabolicum proscibit de Euripo & κολυμβήθρα in Theatro, vbi cum ingenti voluptate de loco superiore meretrices spectabantur nantes, & in mediis aquis nudæ natatu ludentes, quem Euripum ἡδονῆς vocabant. Ab hac certe Maiumæ licentia non abludit illa licentia Smyrnæ per Dionysia, & Veneris sacra, in quam inuehitur Aristides, Oratione περὶ τῆς μὴ δεῖν κωμωδεῖν. Tom. I. p. 504. Ed. Iebb. Item non abludunt saltationes illæ sceleratissimæ per vicos & plateas, quas Gentiles festis seu sacris conviviis diebus exercebant, quibus matronalis & innumerabilem foeminarum pudor, deuote venientium ad diem sacratissimum iniuriis lasciuientibus appetebatur, ut etiam ipsius Sanctæ Religionis pene fingeretur accessus, ut dicitur Canone 60. Codic. African. pag. 897. 898. seu Concilii Carthag. s. 4. 401. can. 5. Nescio autem quid in mentem venerit Viro docto, cum Maiumæ ludicrum dixit in Consulium inauguratione vsurpatum. Apud nonnullas quoque Gentes hodie haud absmile quoddam ludicrum vsurpatum, veluti in Hispania, illud, quod vocant, pasar las aguas, o las mayas, ut refert Barrientus annotat. sylu. cap. 17.

Illud tandem obseruandum ex his legib. & Libanio, Maiumam hanc sub Christianis Impp. modo permissam fuisse, modo coercitam, modo abolitam. Scilicet, (ut breue Chronicon eius rei instituum.)

Sub CONSTANTINO M. Maiumam celebratam puto.

Sub CONSTANTIO proculdubio vetita; de quo Libanius duabus orationibus περὶ ἀγγραπειῶν, §. 7. p. 384. Edit. cit. vbi vid. quæ dixi, & πρὸς Τιμοκράτην, cum Babylæ Reliquiæ Daphnem a Constantio (ut docet Chrysostom. Orat. 2. in Babyl. tom. 5. pag. 450. & pag. 555. Tom. II. Edition. Benediclin.) translataz sunt.

Sub IULIANO stetit Maiuma: vid. Iulianum in Misopogone.

Sub VALENTE quoque proculdubio stetit.

Sub THEODOSIO M. { 1. Stetit aliquamdiu, ut docet Libanius orat. περὶ τῶν ἀγγραπειῶν, & περὶ δεσμωνῶν.
2. Vetita mox rursus, sub extremis Imperii ipsius, ut colligitur ex l. 1. hoc tit. de Maiuma.

Sub ARCADIO { 1. Reducta. Ann. 396. d. l. 1.
2. Vetita. Ann. 399. l. 2. eod. tit.

Atque ita a Constantino M. ad Arcadium octies hac parte variatum. Tantum scilicet eius retinendæ populis studium fuit: tam iustæ contra eius coercendæ, mox & prohibendæ Christianis Imperatoribus causæ visæ sunt.

DE SCÆNICIS. *

TITVLVS VII.

LIB. XI. COD. IVST. TIT. XL.

* Adde & de Gymnico agone, *l. 3. hoc tit.* & de Agitationibus, *l. 7. 12. hoc tit.*

PARATITLON.

SSCÆNICI, *Rubr. & l. 1. 2. hoc tit.* (qui & Scænici plebei, *l. unic. infr. de usu fellar.*) itemque Scænicae, *l. 1. 8. b. t.* seu Scænæ mulieres, *l. 8. b. t.* erant, qui, quæue spectaculo sui præbebant populo materiam voluptatis: *d. l. unic. ludicra ministeria, l. 4. 9. b. t.* puta in Theatro, *l. 12. b. t.* vnde Theatrale spectaculum, *l. 1. b. t.* in Scæna, *l. 2. 8. b. t.* *P. 361* (vnde & Scænica officia dicuntur, *l. 4. 9. b. t.* Scænicum præiudicium, *l. 4. & 9. b. t.* Scænicae voluptates, *l. 29. supr. de Prætoribus:* & apud Symmachum, *lib. 10. epist. 19.* Scænici artifices *ibid.* artifices Scænarii, Marcellino *lib. 28. cap. 4.*) cuius pars Proscenium, *l. 12. b. t.* seu in pulpito *l. 8. b. t.* quæ & Thymela; vnde Thymelici: *l. 12. hoc tit. & l. 21. supr. de Pistor & Thymelicæ, l. 5. b. t.* vnde & Thymelæ actuarii, *l. 21. 22. supr. de diu. off.* & in his psallendi arte, vt fidicinæ, quæ prohibitæ, *l. 1. b. t.* vel gesticulatione, vt mimæ, *l. 11. 12. 13. b. t.* Pantomimi, *d. l. 12. b. t.* Histriones, *d. l. 12. b. t.* Huiusmodi porro Scænici, vt per vniuersum orbem erant, ita nominatim Romæ, *l. 1. 4. 5. 6. 8. b. t.* per Africam, *l. 2. 3. 9. 13. b. t.* & in Oriente, *l. 10. 11. vid. & l. 21. 22. supr. de diuers. offic.*

Personæ porro hæ omnes, inhonestæ personæ vocantur, *d. l. 12. b. t.* eorumque munus turpius: *l. 4. b. t.* & immemores honestatis, qui sibi eas sociant, *l. 5. hoc tit.* Ideoque etiam usus fellarum his, & sedendi, & conueniendi in publicum facultas, denegata erat: *infr. tit. de usu fellar.* Et Imagines eorum in aditu tantum Circi, & proscenii theatri, locabantur: *l. 12. hoc tit.* & Mimis nonnisi certis vestibus & ornamentis vti licuit: *l. 11. 12. hoc tit.* Vicissim Scænicis pro præmio imagines erectæ in aditu Circi, vel Theatri proscenii: *d. l. 12. hoc tit.* His porro obsequiis debebantur nominatim mulieres vinculo naturalis conditionis, *l. 4. b. t.* ex villiori forte progenitæ, aut huiusmodi facie *l. 4. 9. hoc tit.* ex Scænicis natæ vulgarem vitam exercentes, *l. 2. hoc tit.* turpibus complexibus se volutantes: *l. 8. hoc tit.* Atque hi *l. 2. Cod. Iust. de offic. Præfetti Vrbi,* dicuntur, *homines populares almæ vrbs Editioni* (non seditioni) *obnoxii.* Editioni, id est spectaculis, vt *l. 1. supr. de spectaculis,* & *l. 2. supr. de offic. Rector. prou.* In tantum etiam his obsequiis tenebantur, vt declinare officia scænica, Scænici, Scænicae, vel ex his nati natæue non possent, sed præiudicio a contubernio Scænico reuocari; exceptis casibus sequentibus. Primo, si in periculo mortis Sacramenta & extrema suffragia consecuti fuissent, & superuixissent, *l. 1. b. t.* Secundo, si nullo mortis periculo Christianæ factæ fuissent: *l. 4. 8. 9. b. t.* Tertio, si ex Scænicis natæ, probabilem, non vulgarem vitam exercentes: *l. 2. hoc tit.* Quarto, ex Principis beneficio, *d. l. 4. hoc tit.* (quod reuocatum *l. 13. seu vltim. hoc tit.*) Quinimo & Thymelicam abducens, vel domi suæ retinens, quinque libris auri multabatur, *l. 5. hoc tit.* Et hæc de Scænicis.

Præter hos agitur *hoc titulo* & de Gymnico Agone, *l. 3. b. t.* & de Circensi certamine, *l. 7. b. t.* in quo qui sese exercebant, Agitatores dicti, *l. 12. hoc tit. & l. 11. supr. de malefic & Mathem.* seu agitando munus exercentes, *d. l. 7. b. t.* qui & Magiæ seu maleficii crimine infamati erant, *d. l. 11.* qui & Aurigæ dicuntur, *l. 21. supr. de Pistor. & l. 3. supr. de Spectacul.* & aurigandi studio detineri *d. l. 21.*

*De Scenicis in periculo vitæ SACRAMENTA Christianæ Fidei postulanti-
bus: & cautionibus eam ad rem: idque adeptis.*

I. (a) Imppp. VALENTINIANVS, (b) Valens, & Gratianus, AAA.
ad Viuentium P. V. (c)

SCÆNICI & scænicae, qui in vltimo vitæ, necessitate (d) cogente interitus imminens, ad Dei summi (e) Sacramenta (f) properarunt, si fortassis euaserint, (g) nulla posthac in Theatralis (h) spectaculi conuentione reuocentur. Ante omnia tamen diligenti obseruari ac tueri (i) sanctione (k) iubemus, vt vere & in extremo periculo constituti, id, pro salute poscentes (si tamen Antistites (l) probant) beneficii (m) consequantur: Quod vt fideliter fiat, statim eorum ad Iudices, si in præsentia sunt, vel Curatores (n) vrbium singularum, desiderium (o) perferatur: Quod (p) vt inspectoribus missis, sedula exploratione quærat, an indulgeri his necessitas poscat extrema suffragia. (q) Dat. III. Id. Febr. Triu. Gratiano A. II. & Probo Coss. [371.]

N O T Æ.

- (a) Non extat hæc lex in Cod. Iust. Retulit eam recte in Annales suos Baronius. Ann. 371. n. 123. GOTHOFR.
(b) Tribuenda hæc lex est Valentiniانو (Seniori scilicet.) IDEM.
(c) Reponendum hic PP. Viuentius enim P. V. fuit, Anno 367. vt præter Ammianum Marcellinum lib. 27. cap. 3. ostendit lex 1. supr. de Pœnis, lex 3. supr. de indulg. crim. At enim Viuentius P. P. fuit hoc Anno, cum eo ipso Ampelius esset P. V. vid. Chronolog. huius anni, & Ammianum Marcellinum lib. 28. c. 4. vide & quæ noto ad l. 1. infr. de equis Curulib. ID.
(d) In extremo periculo infr. ID.
(e) Vtpote ipsi antea Gentiles. ID.
(f) Sacramentorum vocem hic obserua: de qua alibi: *μυστήρια ἀποδύναται.* ID.
(g) Id est, conualuerint. ID.
(h) Vel tollenda vox, in: vel, quod malim, in theatralia spectacula. De Theatralibus his ludis, vid. & Ambros. 2. off. 21. ID.
(i) Tueri, passiuè: Nisi putet quis legendum (quod omnino existimo) ac quæri: ita mox in fine, sedula exploratione quærat. ID.
(k) Sanctione, id est religione, sanctitudine, sanctimonia. ID.
P. 362 (l) Antistites, id est, Episcopi: vid. Varar. de Episcopis. ID.
(m) Beneficii vox hac in re propria: de qua mox. Vt & Gratie seu χάρις: vid. Gloss. ID.
(n) Nempe quia Curatoribus Vrbium cura spectaculorum imminabat. ID.
(o) Desiderii vox hac in re pariter propria: vt & Gregorius Nazianzenus orat. 46. p. 644. Edit. Colon. apud Weidm. *πρόσθετον αὐτοῦ* vocat. De multis pauca hæc notabo: Hilarius in Psalm. 67. agens de Candace: Sacramentum ipsum Baptismi adeo impatienti desiderii cupiditate præueniens, vt, &c. Ambros. in oration. funeb. de fratre suo p. 316. Tom. IV. Oper. Edit. Paris. 1614. Dei gratiam & accepit desideratam, & seruauit acceptam. Idem de Sacramentis, lib. 4. c. 2. Veniebas ergo desiderans; vtpote qui tantam gratiam videras, veniebas desiderans ad altare, quo acciperes Sacramentum. Augustinus Epistol. 167. Audit Sacerdotem exhortantem populum Dei orare pro Catechumenis, vt eis desiderium regenerationis inspiret. Hinc factum, vt desiderata pro ipso Sacramento acciperentur. Glossar. Philoxeni, vt Scaliger recte restituit, desiderata, *ἀντιμεταλαμβάνειν*. ID.
(p) γγ. Quo dein. ID.
(q) Suffragia extrema, sunt Sacramenta, quæ in extremo positis indulgebantur: de quo mox. ID.

COMMENTARIVS.

EVITANDÆ Scænicae conditionis modus quidam, per SACRAMENTA scilicet Diuina, hac Valentiniiani Sen. constitutione continetur, & inuehitur Christianæ Religionis fauore, & peculiari ratione Ecclesiastica, sic tamen, vt fuco simul Pa-

ganorum Scænicorum occurratur, ne ea alioquin ratione ad euitandam conditionem suam Scenicam abutaptur: pariter, vt simili ludæorum fuco occurratur, l. 2. supr. de his qui ad Eccles. confug. vt & l. 23. de Iudæis.

Hæc ut intelligantur, duo præsupponenda sunt & prænotanda, quæ hic quoque indicantur. Primo, hoc tempore multos in ultimum vitæ, ut hic dicitur, tempus, scilicet πρὸς τῇ ἡμέρᾳ τῆς τελευτῆς, πρὸς τὰς ἐσχάτας ἀναπνοάς, Baptismum distulisse: Quod ut aliunde iam notum est, ait testis inter alios Gregorius Nazianzenus *Orat. 40.* vbi in id inuehitur, & inanes huius facti obtutus prolixè refutat: Chrysostomus item non vno loco; inter alia *homil. 1. in Acta Apostolor. pag. 11. seqq. Tom. IX. Edit. Benedic. & homil. 13. ad Hebræos pag. 135. seqq. Tom. XII. Oper. Edit. cit.* qui pariter hanc ἀναβολὴν & ibi, & alibi reprehendit. Secundo prænotandum, quod & ipsum hæc lex indicat & supponit, Canonem hunc Ecclesiasticum, & antiquam humanissimamque legem Ecclesiæ quondam fuisse, ut Sacramenta administrarentur quibuscunque moribundis ἐξοδεύσαι, νοσῆσαι, ἐν κινδύνῳ, καὶ θανάτῳ προσδοκίᾳ, ἐπὶ τῇ ἐξόδῳ τῆ βίᾳ, ἐν τῷ τέλει τῆ βίᾳ, ἀπαλλαττομένοις τῆ βίᾳ, εἰ δέοιντο, etiam Pœnitentibus, Excommunicatis, Catechumenis, etiam heri Gentilibus, hodie Christianis, mulieribus etiam κυφορέσαις, in lecto, (vnde & *Clinicorum* nomen) in mortis periculo constitutis, petentibus, desiderantibus; Baptismus scilicet & Eucharistia: de quosunt in *Cod. Canonum: Can. 13. Nicænus pag. 74. Ancyranus 6. 16. 22. pag. 380. 392. 399. Neocæsar. 6. 12. pag. 406. 411. Ed. Guil. Beuergeu. Epiphanius hæresi 28. Basiliius epist. 186. su. 269. Ed. Ben.* vbi agit de Arinthæo ab uxore reddito Christiano, & in fine vitæ baptizato: Nempe ἵνα εὐέλπιδες ἀπαλλαττοῦνται, ut loquitur in notissima Serapionis historia Dionysius Episc. apud Eusebium *lib. 6. hist. Eccles. c. 44.* id est, ut bonæ spei pleni ex hac vita dimitterentur, migrarent. De quo more vid. eundem Eusebium, *cap. 43.* Qua causa & extrema suffragia hac leg. vocantur. Item Viaticum hoc dictum, & ἡλεεινῶν καὶ ἀναγκαστῶν ἐφόδιον; item δῶρον ἐξήρηιον, quasi abeuntibus ex hac vita, & ad Deum cogitantibus, ac veluti iter in-finitum eis daretur: vnde & Viaticæ benedictio in Concil. Barchin. *can. 9. pag. 1436. Tom. II. Concil. Ed. Harduin.* ut Cl. Salmasius rectè restituit, & ἐφοδιαζομένων, viatico instrui dicebantur. Cyprian. *lib. 3. epist. 17. su. Ep. 13. Ed. Pamel. & 18. Ed. Ioan. Oxon.* Audientibus, si qui fuerint periculo præsentis; & in exitu constituti, vigilantia vestra non desit implorantibus DIVINAM GRATIAM, misericordia Domini non denegetur: vbi Divinam Gratiam vocat Cyprianus, pariter ut lex 5. *infr. ne Sancti. Baptism.* & absolute Gratiam, lex 1. *eod. tit.* Ea vero de re, inter alios, quos supra iam laudavi, expressus est dictus Canon. 13. Nicæni Concilii: περὶ δὲ τῶν ἐξοδεύοντων, ὁ παλαιὸς καὶ κανονικὸς νόμος διαφυλαχθήσεται καὶ ἵν, ὥστε, εἴ τις ἐξοδεύει τὸ τέλος καὶ ἀναγκαστῶν ΕΦΟΔΙΟΥ μὴ ἀποστρέφεται. εἰ δὲ ἀπογνωθεὶς καὶ κοινωνίας πάλιν τυχῶν, πάλιν ἐν τοῖς ζώσιν ἐξέλσῃ, μετὰ τῶν κοινωνούντων τῆς εὐχῆς μόνῃς ἔσῳ. Καθόλα δὲ καὶ περὶ πάντος ἂντιⓄ ἐν ἐξοδεύοντι, αὐτῷ τῷ μελαρχῶν ευχαριστίας, ὁ ΕΠΙΣΚΟΠΟΣ ΜΕΤΑ ΔΟΚΙΜΑΣΙΑΣ μελαδιδότω τῆς προσφορᾶς: de iis autem qui excedunt, antiqua & canonica lex nunc quoque servabitur, ut si quis vitæ excedat, ultimo & maxime necessario viatico ne priuetur. Si autem deploratus & communionem offensus, rursus in viuis relatus sit, cum iis sit qui orationum sunt tantum participes. In summa autem de quolibet excedente, & eucharistia participationem petente, Episcopus cum examinatione cum oblatione impertiat. Quo loco non alius temere illustrat ad hanc totam legem illustrandam: quem tamen locum Episcopus

Aurelianensis haud ita pridem de Absolutione accipiendum contendebat; quem rectè refutat Doctus Habertus in ἀρχιερατικῷ ad *part. 10. peculiari digressionem, pag. 273. 274.* Addatur & hic Synesii locus *epist. 67. pag. 215. Edition. Petau.* de Lampontiano quodam excommunicato loquentis: εἰ προσπελάσει λαμπριανῶ τὸ χρέων, καὶ ἡ κυρία παρῆναι δέξει, πᾶσιν ἐφῆκα τοῖς τότε παρεσσομένοις Πρεσβυτέροις, κοινωνίας αὐτῷ μεταδόναι, μηδεὶς γὰρ ἀποθάνει δεδωμένῳ· ἐμοὶ ἀναβρωθεὶς δὲ, πάλιν ἐπὶ τοῖς αὐτοῖς ὑπόδικῳ ἔσω, &c. id est, si Lampontiano fatalis necessitas immineret, & præstituta mortis dies adesse videretur: tum omnibus, qui eo tempore interessent Presbyteris concessi, ut eum in communionem ecclesiæ reciperent. Nullus enim quantum in me erit obstrictus moriatur. Sin conualuerit, rursus iisdem panis teneatur. Pseudepistol. Sixti III. *Tom. I. Concil. Edit. Harduin. pag. 1737. 1738.* Bassus a Synodo condemnatus est, ita tamen ut in ultima die Viaticum ei non denegetur, propter humanitatem pietatis Ecclesiæ. Et hæc quidem in commune. Atenim, quod terito loco notandum, Scænicis quoque Gentilibus nominatim id petentibus data Sacramenta: quod hac Valentiniani lege firmatur per Gallias. Neque tamen adhuc per Africanam simpliciter obtinuit, quod postea Patres Africani constituerunt, ut haberetur *Can. 45. Cod. Canon. Ecclesiæ Afric. pag. 885. 886. Tom. I. Concil. Edit. Hard.* Ut agrotantes, &c. ut SCÆNICIS atque Histrionibus, ceterisque huiusmodi personis ΚΕΚΟΝCΙΛΙΑΤΙΟ non negetur. Vbi Græcus Interpres ΧΑΡΙΝ ἢ κατὰλλαγὴν vertit, χάρις & χάρισμα, ut Latinis Gratia, pro Baptismo aut Eucharistia, ut ab aliis iam ostensum est. Qui idem tamen inter res ibidem addit, ἡ ἀποστάσις μετὰ νοσῆσαι καὶ ἐπιστρέφασθαι, quod illi loco non conveniebat: agitur enim eo versiculo, non nisi de Scænicis & Histrionibus, ceterisque huiusmodi personis, Ludicris, scilicet & ut dicitur *Can. 63. pag. 899. Ed. cit.* Ex qualibet ludicra arte. Huc etiam pertinet apprimè locus, quem ex Chrysostomo adfero ad *leg. 4. infr.* Imo & τὸν δαμονιζόμενον, quem vexant mali spiritus, sed qui habet dilucida intervalla, in quibus non blasphemet Sacramentum, in morte baptizandum, ne ex hac vita privatus gratia Baptismatis discedat, καὶ ἐρεθῇ τοῖς ΕΦΟΔΙΟΥ, & hoc viatico priuetur, Balsamon ad interrogaciones *Canonicas Timothei Episcop. Alexandrini, ait, pag. 165. Tom. II. Pandect. Canon. Guilhelm. Beuerge.* His ita præsuppositis, iam quæritur, & vero in huius leg. sp. quæsitum fuit, quid iuris esset, si Scænicus, qui in periculo mortis ἐφῶδιον accepit, & sic Scænica conditione liberatus fuit, postea euadat seu conualescat? In aliis ita ius fuit, seu Canon Ecclesiasticus obtinuit, ut Viatici istius in ultimo vitæ & extremo periculo participes facti, si conualescerent, in inferiorem aliquem statum gradumque reuoluerentur, reponerenturque: quod sancitum prædicto Canone Nicæno 13. εἰ δὲ ἀπογνωθεὶς καὶ κοινωνίας πάλιν τυχῶν, πάλιν ἐν τοῖς ζώσιν ἐξέλσῃ, μετὰ τῶν κοινωνούντων τῆς εὐχῆς μόνῃς ἔσῳ. Certè & iud. con-P. 363. stitutum *can. 12. Neocæsar.* ut si quis in morbo constitutus baptizatus fuerit, ad Presbyterium promoueri non possit: addita ratione, quod fides eius non sit ex proposito, sed ex necessitate, &c. ἐκ ἐκ προαιρέσεως γὰρ ἡ πίστις αὐτῶ, ἀλλ' ἐξ ἀνάγκης: cui convenit & quod Eusebius refert *lib. 6. cap. 43. ex epist. Cornelii Episc. Romani ad Fabium Antiochenum: & d. epist. Synesii 67. p. 215. Edit. Petau.* πάλιν ἐπὶ τοῖς αὐτοῖς ὑπόδικῳ ἔσω. Atenim Scænicis id hac leg. speciatim tribuitur a Valentiniano; ut si quis ex iis in extremo periculo

Sacramenta seu extrema suffragia consequutus sit, si conualuerit, ad Scenam non ideo reuocetur, sed Scenica deinceps conditione liberetur. Quod & ipsum postea Patres Africani ab Honorio petendum decreuerunt Anno 399. (ut alibi probabo:) ut si quis ex qualibet ludicra arte ad Christianitatis gratiam venire voluerit, ac liber ab illa macula permanere, non eum liceat a quoquam iterum ad eadem exercenda reduci vel cogi: ut habetur *Can. 63. Cod. Afric. pag. 899. Tom. I. Concil. Edit. Harduin.* Sic quidem ut non iam distinguant, utrum in extremo periculo constituti id petierint, necne.

Cæterum, ut ad huius leg. sententiam accedamus, ne huius privilegii obtentu fraus fucusque fieri posset, quadruplicem cautionem hac leg. Valentinianus præscribit, quam adhiberi oportet, priusquam Scenicus Viaticum hoc consequi, & exinde scæna liberari possit. Prima cautio est; quod ante omnia diligenter obseruari ac quari sanctione oporteat, ut vere & in extremo periculo constitutis id pro salute poscentibus beneficii tribuatur: & sic salute conclamata. Pariter ut in commune id statutum: & quidem d. *can. 13. Nicano: περί δὲ τῶν ἐξοδεύοντων, de iis autem, qui excedunt, inquit: & mox, εἴ τις ἐξοδεύει, si quis excedat, item, εἰ δὲ ἀπογνώστεις καὶ κοινῶν πάλιν τυγχόν, si autem exploratus & communionem assensus. Απογνώστεις est desperata salutis & vitæ: ἀπόγνωσις est ἀνελπίς: ἀπογνώστης, ἀνέλπις, Hefychio, Ancyrano *can. 6. εἰ μὲν τοι κίνδυνος καὶ θάνατος προσδοκία ἐκ νόσου ἢ ἀλλης τινὸς προσφάσεως συμβαίνει, sed si periculum mortisque expectatio ex morbo vel aliqua alia occasione euenerit. Can. 16. in fin. ἐπὶ τῇ ἐξόδῳ τῆ βίης, in vitæ exitu. Can. 23. ἐν τῷ τελείῳ τῆ βίης, in fine vitæ: & Can. 12. Neocæsar. pag. 411. Pandect. *can. Beuereg. εἰάν νοσῶν τις φασιδῇ, si quis agrotus fuerit baptizatus: Dionysius Ep. Alex. apud Eusebium Hist. Eccl. lib. 6. cap. 44. ἀπαλλάττομένους τῆ βίης.***

Secunda Cautio est, quod Episcopi approbatione id fieri oportere definit: Quod & ipsum in commune requirit prædictus *Canon 13. Nican. καθόλου δὲ καὶ περὶ πάντος ἕτους ἐν ἐξοδεύοντος, ἀπὸ τοῦ τῆ μεταχείρις εὐχαριστίας, ὁ ἐπίσκοπος μετὰ δοκιμασίας μεταδίδωτω τῆς προσφορῆς: in summa autem, de quolibet excedente, & eucharistia participationem petente, Episcopus cum examinatione eum oblatione impertiat. Cui, uti dixi, optime conuenit, quod hac leg. cauetur. Quare error est Synesiani Interpretis p. 68. quasi de duplici & diuersa communionē & reconciliatione agatur hoc *Canone*, quod prior solam peccati remissionem indulgeat, posterior oblationis ius & Eucharistia. Nam imo de vna eademque indulgentia morituris præstanda eo *Canone* agitur; sed cui modus quidam tantum in fine *Canonis* adiicitur, pariter ut hac leg. Nempe & ab Episcopo id faciendum, & μετὰ δο-*

κιμασίας: Ut vero ait hæc lex, & in extremo constituti, id pro salute poscentes, si tamen Antifites probant, beneficii consequantur. Et miror Viaticum, *τελευτῶν καὶ ἀναγκαιότητων ἐφ' ὅδων* in dicto *Canone* ab Interprete illo accipi pro sola peccati remissione, quæ promiscue ac citra vnicum vllum delectum omnibus indulgentur. Cum ipse non ignoret, quod iam ostensum est, Viatici appellatione omnino & Eucharistiam & Baptismum intelligendam, non imperfectam, quam ipse vult, reconciliationem. Idque etiam *Arausicanus Canon 3. Tom. I. Concil. pag. 1784. & Gerundensis can. 9. pag. 1044. Tom. II. Concil. Edit. Harduin.* testantur.

Tertia cautio est, quod desiderium Scenici id postulantis ad Iudices, vel Curatores Urbium singularem, utpote ad quos cura Spectaculorum spectabat, perferri velit Valentinianus.

Ut ita, (quod quarta cautio est) missis Inspectoribus sedulo exploretur, utrum reuera in extremis constitutus sit is, qui Sacramentum petit, ne alioquin scilicet ementito vitæ periculo, atque huius privilegii & desiderii obtentu, Scenici suam promiscue conditionem euitare possint, moxque ad vomitum suum redire. Sic sane & milites caularia missione non temere dimittebantur, nisi quos constaret Medicis denuntiatis & Iudice competente diligenter examinante, vitium contraxisse; quo semel facto instauratio postea concedi non solebat obtentu recuperatae valetudinis melioris: l. 6. *Cod. Iust. de re milit.* His iam omnibus obseruatis, Scenicum in scenam retrahi verat Valentinianus, etsi euaserint, id est, conualuerint. Haud absimilia porro his sunt quæ Hebræi obseruant de Profelytis Noachidis seu Gentilibus Iustitiæ seu Iustis non admittendis, nisi Triumvirorum iudicio, qui constantem eorum mentem explorarent, & non solumni, inter alia quoque, Baptismo: de quo Seldenus de iure naturali, lib. 2. cap. 1. Hæc si Baronius attendisset, in Anno 371. num. 128. non utique pronuntiasset, Valentinianum haud pie banc constitutionem sanxisse: imo non in seculares potestates carmen hoc intonauisset: Vides, quam perperam & inconsulte Principes, ea quæ sunt Ecclesiastici muneris, tractare consueverint. Quid enim hic alienum ab Ecclesiastico munere canonem? Imo, quid non laude dignum, scenæ & voluptatibus publicis Scenicos eripientis cum iactura equidem aliqua voluptatum publicarum, fauore solo Christianitatis? Obseruandus igitur gradus hic & ratio hæc ad Scenicas voluptates eradicandas: cui adde & alias l. 2. 4. 8. 9. Ac nominatim dictam l. 2. quæ eundem Valentinianum Sen. Auctorem habet. Tandem si vera est inscriptio huius leg. hic monendum, semel spectaculorum & scenicorum curam Rome fuisse penes Præfectum Urbis: quod sane docent liquido lex 4. 5. 6. hac tit. quæ Præfectis Urbis inscribuntur: docet l. 1. §. 12. D. de off. P. V. Ammianus Marcellinus, Symmachus, Calliodorus lib. I. Var. 30. 31. 32. 33.

FILIE Scenicorum quenam ad scenam reuocari possint vel non.

II. (a) Idem AAA. ad Iulianum Proc. (b) Afric.

EX Scenicis natas, si ita se gesserint, ut probabiles (c) habeantur, Tua Sinceritas ab inquietantium fraude direptionibusque subinoueatur: Eas enim ad scenam de scenicis natas æquum est reuocari, quas vulgarem (d) vitam conuersatione & moribus exercere & exerceuisse constabit. Dat. VIII. Id. Septemb. Magontiaci, (e) Gratiano A. II. & Probo Coss. [371.]

NOTÆ.

- (a) Abest & *hec lex a Cod. Iustini*. Concordat autem, ei *lex 4. infr. vers. eas enim*. GOTHOFR.
- (b) *Juliano* huic ex Magistro memoriæ, qui & *Rusticus Iulianus* integriore nomine, Proconsuli Afric. inscribitur & Anno prox. 372. *lex 12. infr. de diuers. offic.* & Anno 373. *lex 1. infr. ne Sanct. Baptism.* Eiusdem meminit & Ammianus Marcellinus *lib. 27. cap. 6.* quem bestiarum more humani sanguinis avidum fuisse scribit: quod ostendit, cum Proconsulari potestate regeret Africam. Hic idem postea a Maximo Tyranno, P. V. factus, eodem teste: ex quo & illud colligo illum Galtum fuisse. ID.
- (c) *Probabiles*: de hac voce mox. ID.
- (d) *Vulgarem vitam exercere est*, volgiusam venerem exercere. Hinc *ulgaria mulier* Plauto. *Vulgares puella* Ouid. 4. *Enflor.* v. 865. ID.
- (e) *Moguntiaci* hoc tempore constitit Valentinianus, ut iuxta *hanc leg.* testatur quoque Ammianus Marcellinus *lib. 29. cap. 4.* bello videlicet contra Alamannos, & in his Buccinobantes, quæ contra Moguntiacum gens erat Alamanna illigatus, ut ibidem Marcellinus, ubi & meminit Florentii Ducis Moguntiaci sue Germaniæ, variant enim hæc in re editiones. ID.

COMMENTARIUS.

FILIE seu MULIERES NATÆ ex Scenicis & ipsæ conditioni Scenicæ olim promiscue adscriptæ erant, ut præter *hanc legem* docet *lex 4. & 9. infr.* Et Christiani tamen Principes id ita temperandum duxere, si & ipsæ vulgarem vitam & inhonestam viuerent, alioquin si *probabilem* seu honestam vitam agerent, eas vinculo naturalis conditionis exemerunt Valentinianus Sen. *hac leg.* & Gratianus & Valentinianus Jun. filii eius *d. l. 4. 8. & 9.* ac maxime si sacratissimæ Religioni Christianæque fidei mancipatæ essent, *d. l. 4. 8. 9. infr.* Quod forte an & hic voce, *probabiles*, exaudiendum fuerit: quomodo & *probabilis sæculo disciplina*, pro Clericatu, effertur *l. 44. infr. de Episcopis*. Alioquin *probabiles* omnes, quæ probatam & laudabilem vitam agunt, quibus & melior viuendi vsus est, ut

l. 4. infr. Spartian. in Vero c. 5. Inuita priuata est minus probabilis minus tamen reprehendus. Symmach. *lib. 3. epist. 62. Felix probabilis & honestate vite & exercitatione militiæ: & lib. 9. epist. 37. Nobiles probabilesque personæ*, &c. Quæ Christianorum Principum moderatio, sanctitas, religioque fuit, paulatim honestas mulieres a scena reuocantium liberantiumque: Et nominatim quidem Valentiniani Sen. ut *hac leg.* ita & *l. 1. supr.* & Valentiniani Jun. *l. 4. & l. 8. 9. infr.* Notandum porro *hanc legem* ad Africam proprie pertinere, pariter ut *l. 3. 9. 13. seu vltim. hoc tit.* itemque *lex 145. supr. de Decurion.* ex quibus liquet, Populum Africanum spectaculis maxime indulgisse: de quo ad *d. l. 13. seu vlt.* vide & Saluanum, & ideo ad ea eos cohortatur Imperator *l. 3. prox.*

GYMNICVS agon per Africam restituitur a Gratiano.

III. (a) Imppp. Valens, GRATIANVS & Valentinianus AAA. ad Hesperium (b) Proc. Afric. (c)

NON inuidemus, (d) sed potius cohortamur, amplectenda (e) felicit (f) populi studia, (g) Gymnici ut Agonis spectacula reformatur. (h) Verumtamen, cum (i) Primates (k) viri populi studiis ac voluptatibus grati esse cupiant promptius, permittimus, ut integra sit voluptas (l) quæ volentium celebretur impensis. Dat. VI. Id. Mart. Triu. Valente V. & Valentiniano AA. Coss. [376.]

NOTÆ.

- (a) *Lex 1. Cod. Iust. de Spectaculis & Scenicis*. Cæterum *hanc legem* intellexit Balsamo in Photii *Nomocanonem*, t. 13. c. 21. de quo mox. GOTHOFR.
- (b) *Hesperii* huius Proc. Africæ meminit & Ammianus Marcellinus, *lib. 28. extremo, cap. 6.* Sic quidem ut post Valentiniani Sen. mortem (quæ utique congruit Anno superiori 375. extremo) sub Gratiano cum Proconsulem Africæ fuisse diserte testetur. Hic filius fuit Aufonii, qui ipse Proconsulatum hunc filii sui Hesperii indicat in *epicedio patris*, ubi ita Patrem suum (Auum Hesperii) inducit de se Aufonio loquentem, *Huius ego & NATVM & generum* (intelligé Thalassium) *Proconsule vidi*. Hic idem postea Præfectus Prætorio fuit: de quo alibi. ID.
- (c) De hoc iam dixi ad *legem superiorem*. ID.
- (d) Imitatio Virgiliana: *Ne equidem inuideo, miror magis*. ID.

(e) *Ad amplectenda. ID.*

(f) Id est, Quæ felix populus atque alta pace capessere vel amplecti potest: Tertullianus diceret, *Populos temporum prosperos. ID.*

(g) *Studij, vox, hic & vers. prox.* hac in re propria: In re inquam ludica & athletica, vti notum. *ID.*

(h) *Reformentur*, id est restituantur, eorumque agitantorum copia referatur. *ID.*

(i) *yp. quo. ID.*

(k) De *Primitibus* dixi ad *tit. de Decurionib. supr.* Interim locus hic vicium sonat: quem ita restituam & interpungam: *verumtamen, quo Primates Viri populi studiis ac voluptatibus grati esse cupiant promptius, permittimus, ut, &c. ID.*

(l) *Voluntas sit, quæ volentium celebratur, &c. Cod. I. ID.*

COMMENTARIUS.

GYMNICVM agonem, siue Athleticum ludum, & sic luctam, pancratium & pugillatum & similes, (de quo ex professo scripserunt Viri Clari) desitum aliquamdiu per Africam Proconsularem, & quidem proculdubio Karthagine, totius Prouinciæ Metropoli: quomodo pugilum, nominatim certamina aliquoties vetita discimus ex Ammiano Marcellino *lib. 14. cap. 7.* de quo ad *l. 1. infr. de Gladiatoribus.* Gratianus Imp. hac constitutione sua restituit: *P. 36.* Quomodo & Honorius postea Africanos Sacerdotales Karthagini restitui, ibique arbitrato suo cum fauorabili editione agere voluit, *l. 145. supr. de Decurion.* Populus scilicet Karthaginensis in hac ludicra pronus admodum fuit; vt præter hanc leg. docuit quoque *lex 2. prox. supr.* docebit & *lex 9. & lex ultim. infr. hoc tit.* adeo quidem vt peculiaris ibi voluptatum Tribunus, extiterit, id est Spectaculorum Tribunus, *d. l. ultim.* Atque eo pertinent prima illa huius leg. verba: *Non inuidemus, sed potius cohortamur amplectenda felicitis populi studia.*

Ita tamen quæ secunda huius leg. pars est, & limitatio, Gymnicum agonem Afris restituit hac leg. Gratianus, vt a volentibus tantum eum edi velit sua sponte, non inuitis. Cui congruit etiam Theodosii lex de Syriarchiæ munere, puta *lex 103. & de Agonothesia in genere, l. 109. supr. de Decurion. & d. l. 145. ibi, arbitrato suo.* Nempe (vt sine legis dicitur) non est integra voluptas, seu voluptati multum detrahitur, nisi ea impensis volentium celebretur. Igitur quo (nam ita hic repono) promptius *Primates*, populi studiis ac voluptatibus grati esse cuperent, volentium impensis id permisit. Et vero, si bene mens augurat, ideo quoque Gymnicus agon exoleuisse in partem videtur, quod inuitis hoc onus agonis edendi imponeretur, quod in cuiusque arbitrium nunc confertur. Etsi & alia quoque ratio quandoque fuit Gymnici agonis tollendi alicubi, quia mores inficiebat: exemplum apud Plinium *lib. 4. epist. 22.* Et hæc illa iam constitutio est, quæ in *Cod. Iustiniano* extat *l. 1. de Spectaculis*, quamque Theodorus Balsamo, in Photii *Nomocanonem, tit. 13. cap. 21. pag. 115. Bibl. Iur. Can. Hen. Iustell.* intellexit, cum dixit, *primo capite, lib. 11. tit. 41.* sancitum fuisse: *Vt nemo inuitus certamina ederet, sed voluntarios sumptus faceret;* vnde quidam ar-

gumentum ducunt, *legem* illam ampliorem fuisse iam olim, quam hodie ea legatur in editis exemplaribus. Male. Nam imo hoc illud est omnino, quod illa *l. 1. seu hac leg. 3. in fin.* dicitur.

Ex hac interim quoque lege liquet, non Duumuiros & Sacerdotes tantum ludos edidisse, de quo ad *l. 1. supr. de Spectaculis*: verum alios quoque *Primates*, Curia scilicet, qui inter Decuriones primi erant: de quibus suo titulo *supr. de Decurion. & ad l. 13. supr. de Legatis*: & quidem Gymnicos agones: de quo est etiam Libanii locus in *Antiochico, p. 358. Edition. Morell.* Quo loco Antiochenorum Curialium in patriam sumptus effusus prædicat; *ἔως ἐκκεχυμένως ἀναλίσκων εἰς ἀγῶνας ἱππικὰς τε καὶ γυμνικὰς*, sic prodige ac prodigaliter insumunt in certamina equestria & ludos Gymnicos, &c.

Cæterum hæc illa proculdubio est constitutio, quæ cum Valentis nomen præferat, & quidem primo omnium loco, Hieronymum in *Chronico* (si Hieronymi id est) in errorem induxit, vt scriberet (& quidem Anno perperam adscripto) *Agonem Constantinopoli a Valente redditum.* (Nam quod Cedrenus Anno Valentis septimo scribit, *p. 331. Tom. I. Edit. Reg.* Valentem Paganis potestatem dedisse *θυσίας καὶ πανηγύρεις ἐπιτελεῖν*, id iam alio pertinet:) Dicere debuit Scriptor ille, *Agonem Karthagini a Gratiano redditum*: Scilicet non ideo, quia Valentis nomen huic legi inscriptum est, ideo Valenti ea adscribenda venit. Mos quippe tum fuit, omnium Imperatorum, qui eo tempore conregnabant, nomina constitutioni quamlibet ab vno lata inscribi. Quod etiam cum Cedrenus non nollet, tanquam singulare aliquid, *pag. 312. Edit. Reg.* notauit, Valentinianum Edicto cuiusdam a se promulgato, Valentis & Gratiani quoque nomen adscripsisse.

Hic interim illa notanda: *non inuidemus, sed potius cohortamur* (ad) *amplectenda felicitis populi studia*: Eo scilicet ludicras artes nonnullas in Republ. aliquando recte tolerari: de quo iam quoque dixi ad *l. 2. supr. de Maiuma*: si Dei iniuriam non contineant, si proximi scandalum abfit: si non ex malis moribus incentiuum præbeant.

FILIAE Scenicorum quænam ad scenam reuocari possint vel non.

IV. (a) Imppp. Gratianus, VALENTINIANVS & Theod. AAA. ad Paulinum P.V. (b)

MVLIERES, quæ, ex viliori (c) forte progenitæ, spectaculorum debentur obsequiis, si scænica

scænica officia declinarint, ludicris ministeriis deputentur: (d) Quas (e) necdum tamen consideratio sacratissimæ religionis & Christianæ legis reuerentia suæ fidei mancipauit: eas enim quas melior (f) viuendi vsus vinculo naturalis condicionis euoluit, (g) retrahi volumus. Illas (h) etiam feminas liberas a contubernio (i) scænici præiudicii durare præcipimus, quæ Mansuetudinis nostræ beneficio, expertes muneris turpioris (k) esse meruerunt. Dat. VIII. (l) Kalend. Mai. Med. (m) Gratiano V. & Theod. II. (n) AA. Coss. [380.]

NOTÆ.

- (a) Repetitur hæc lex totidem pene verbis l. 9. *infr.* vtraque a Baronio omissa, quæ tamen in *Annales Ecclesiasticos* referri meruit. Iungenda porro huic videtur lex 5. *prox.* GOTHOF.
- (b) Paulino huic P. V. inscribitur quoque d. l. *prox.* Erat autem hoc tempore Damasus Episc. V. R. ID.
- (c) Huiusmodi face l. 9. *infr.* ID.
- (d) Id est. *retrahantur* (quæ voce mox vititur) in scenam. ID.
- (e) Prima exceptio. ID.
- (f) *Melior viuendi vsus*, id est, probabilis vita & Christiana disciplina fidesque. ID.
- (g) Et *exoluit*. ID.
- (h) Secunda exceptio. ID.
- (i) An rescribendum a contubernii scænici præiudicio? Nil opus: nam & ita quoque habet lex 9. *infr.* ID.
- (k) Turpe munus scænicorum, hæc leg. de quo ad leg. 12. *infr.* Aristæneus quoque *epist.* 19. de scænica quadam *αἴσχος ἀλογὸν ὑπερβολὰς* vocat: vid. & *initium eius epist.* ID.
- (l) V. Kal. Mai. d. l. *prox.* ID.
- (m) Mediolani Valentinianus Iun. hoc tempore consistebat: vide & d. l. 5. *infr.* ID.
- (n) 79. Theodos. I. vt etiam habet l. *prox.* RITTER.

COMMENTARIVS.

AD VRBEM ROMAM, eiusque Scænicas pertinent quinque sequentes Gratiani & Valentiniani Iun. constitutiones, intra vnus anni spatium per duos Consulatus datae. Hac sane constitutione Valentinianus Iunior MULIERES, seu FILIAS, quæ spectaculorum obsequiis debentur, seu contubernio scænici præiudicii vinculo naturalis conditionis tenentur, scænicam conditionem declinantes in scenam reuocari iubet Anno D. 380. seu ludicris ministeriis deputari: vt hac leg. dicitur & l. 9. *infr.* id est scænicis voluptatibus: Ludicrum est, quod sui spectaculo ludum facit. Sic *Ludicra artes*, l. 2. *infr.* de Maiuma: *Ludicra simpliciter*, l. 2. *supr.* de offic. Rector. *provinc.* Artes ludicræ Marcellino, lib. 14. cap. 7. Neque enim audiendus Vir alias Doctissimus in *leges Atticas*, p. 75. qui his verbis indicari putabat, mulieres, de quibus hic agitur, non in genere tantum ad scenam reuocandas, verum *idias* poenæ loco, vt cogerentur ridiculas anus *γῆρῶν* repræsentare, arg. l. 8. *infr.* eod. ibi, *donec anus ridicula senectute deformis*. Quæ & ipsa verba perperam accipiuntur, vt ibi dicam. Ergo Scænæ debitæ mulieres hac l. & d. l. 9. ludicris ministeriis deputari, id est, ad scenam reuocari iubentur. Quæ regula huius leg. initio proponitur.

Mox tamen *Exceptiones* duæ subiiciuntur, duoque adeo euitandæ Scænæ conditionis modi proponuntur, pariter vt l. 4. *supr.* 8. & 9. *infr.* Primum scilicet VACATIONEM a Scænica conditione tribuere vult mulieribus Scænicis, quæ vinculo naturalis conditionis ex viliori sorte progenitæ spectaculorum debentur obsequiis, Religionem Christianam. Nempe Religionem Christianam professæ, Scænæ & scænica conditione liberantur; quod quidem Christianæ Religionis reuerentia a Valentiniano

Iun. & Gratiano hac leg. d. l. 8. & 9. *infr.* constitutum est, seu vt hac leg. dicitur *consideratione sacratissimæ religionis & Christianæ legis reuerentia*: edita hac constitutione Mediolani, proculdubio ad Ambrosii Mediolanensis Episcopi cohortationem, qui & aliarum piissimarum Constitutionum in venerationem Religionis Christianæ Valentiniano Iun. Auctor fuit. Nempe cum pii Patres, pius Ambrosius Scænicarum spectacula prorsus abolita sperare non possent, id saltem emeruere, ne Christianam Religionem professæ, vel etiam probatis moribus mulier in pulpitu ascendere, seu in scenam retraheretur. Nam vt probatæ vitæ contraria hæc professio est, quæ & ideo *munus turpius* hac lege vocatur, ita vel maxime Christianæ Religionis decori est. Religio scilicet Christiana *melior* est viuendi vsus, vt hac leg. vocatur, quam vt in scenam Christiana mulier prodire debeat aut possit: Denique quam fidei suæ Christianæ Religio iam mancipauit, seu quæ Scænica Christianam fidem amplexa est, Scænæ amplius mancipari non debet. Et hic quidem sensus & ratiocinatio est huius leg. his verbis: *Quas consideratio sacratissimæ religionis Christianæ legis reuerentia SVÆ FIDEI mancipauit*: vt & l. 8. *infr.* his verbis, *Si vacationem Religionis nomine postularit*. Et leg. 9. *Quas sanctissima religionis & in perenne seruanda Christianæ legis secretorum reuerentia suæ fidei vindicauit*. Solam igitur seriamque Religionis Christianæ professionem mulieribus Scænica conditionis hanc immunitatem tribuisse, seu scena liberaffe hinc clare apparet. Quare error est Petiti in *leges Atticas*, p. 74. & 75. qui id ita intellexit de mulieribus scænica conditionis, quæ sacro tinctæ essent lauacro seu baptisma: Id enim his tribus legibus non requiritur, sed sola Religionis Christianæ professio. Et ita quidem iam

iam nunc constitutum tam de mulieribus Scenicæ conditionis, quam de his quæ iam in Scena & in pulpito seruiebant, d. l. 8. *infr.* cum tamen nondum eo processisset Valentiniani Sen. patris indulgentia: verum si in extremo vitæ siue Scenici, siue Scenicæ extrema suffragia peterent, l. 1. *supr.* Et forte etiam mulieribus tantum id nunc indultum, non & viris: nam hæc tres *leges* 4. 8. & 9. sunt *ῥητῶς* de mulieribus. Et ita quidem hæc distingui oportet: non ut Petrus turbide. Id vero ita nunc a Valentiniano Iun. constitutum; cui & Valentinianus Sen. pater ipsius etiam præluferat ad aliquid, similibus duabus exceptionibus l. 1. 2. *supr.* Denique Christiana Religio immunitatem præstat a Scenicæ conditione; sic ut & præstat a poena ludi l. 8. *supr. de Pan.* & a cultodia Templorum, l. 1. *infr. de fid. Catholic.* Similis est quoque constitutio *leg. 12. in fin. infr.* Ita Chrysostomus *Homilia 67. in Matthæum, pag. 665. 666. Tom. VII. Oper. Edition. Benediclin.* cuiusdam Scenicæ Antiochiæ meminit, τὰ πρωτεῖα ἐπὶ τῆς σκῆνης ἔχουσης, quæ primas in Scena tenebat, ex Phœnicæ oriundæ, quaque nihil petulantius erat; quæque etiam Imperatricis fratrem in sui amorem traxerat, quæ ad Monachismum se contulit; cumque ὑπάρχῳ Præfectus, forte Comes Orientis a populo coactus, militibus missis eam ad Scenam retrahere voluisset, a virginibus, quæ ipsam receperant, retenta fuit; post-

que Sacramenti communionem, gratiamque suscepit, decessit, καὶ σάκκον, inquit, περιθεμένη, πάντα τὸν χρόνον ἕως ἡσπέρας: ταύτης ἐκεκέν καὶ Ὑπάρχος ἐναχλήθη, καὶ τραυλῶται ὡπληθίσαν, καὶ μέλεισθαι πρὸς τὴν σκηνὴν αὐτὴν ἐκ ἰσχύος, ὅδε ἐξαγαγεῖν τὸν ὑποδείξαντων αὐτὴν παρθένων. αὐτὴ μυστηρίων καλῶς ἠιδούσα τῶν ἀπορρήτων, καὶ τῆς χάριτος ἁλίσαν ἐπιδειξαμένη σπῆδον, ἕως τὸν βίον κατέλυτεν, ἅπαντα ἀπονταμένη διὰ τῆς χάριτος, καὶ μετὰ τὸ βάπτισμα πολλὴν ἐπιδειξαμένη τὴν φιλοσοφίαν: Et cilicio induta omne transigebat tempus. Huius renovande causa præfatus a quibusdam concitatus est, milites armati ad scenam illam transferre non potuerunt, neque ex caui virginum, quæ illam receperant, educere. Hæc sacris dignata mysteriis, cum accepta gratia dignum virtutis studium adhibuisset, vitam clausit, cum peccata omnia per gratiam eluisset, Et post baptismum magnam exhibuisset philosophiam. Huc addatur & Palladii locus in *Lausiaca cap. de Serapione, pag. 104. Edit. Meurf.*

Secunda vacatio seu exceptio huius *leg.* hæc est si videlicet Scenica Immunitatem a scena relicto seu beneficio Principis impetrauerit: quod apertum habet sensum, & repetitum quoque extat d. l. 9. Et id tamen quadamtenus postea abrogatum ab Honorio l. *vlt. infr.* vbi dicam.

THYMELICAM Vrbis Romæ abducentis, vel retentantis poena.

V. (a) Idem AAA. ad Paulinum P. V. (b)

QUISQVIS Thymelicam ex Vrbe venerabili, (c) inmemor honestatis, abduxerit, eandemque in longinqua transfulerit, seu etiam intra domum (d) propriam, ita ut voluptatibus publicis non seruiat, retentarit, quinque librarum auri inlacione multetur. Dat. V. (e) Kal. Mal, Med. Gratiano V. & Theod. I. AA. Coss. [389.]

P. 367

NOTÆ.

(a) Et hæc lex abest a Cod. *Iustin.* Iungendaque ei, ut dixi, videtur *lex 4. supr. GOTHOFR.*

(b) *Paulinus P. V. Romæ* sub Valentiniano Iun. Eidem inscribitur d. *lex superior 4. prox. ID.*

(c) *Vrbs venerabilis*, id est, Vrbs Roma: vid. *Glossar. ID.*

(d) Potentiores scilicet Ciues domi suæ voluptatum artifices aluerunt, ut hæc *lex* testatur; & *Lactantius lib. 6. cap. 21.*

Et *Augustinus 2. Adversus Academicos, cap. 2. ID.*

(e) VIII. d. l. 4. *supr. ID.*

COMMENTARIUS.

CONTUBERNIVM scenicæ Thymelicæ Vrbis Romæ, a Valentin. Iun. hac *leg.* damnatur, atque adeo eam abducens aut retinens ex Vrbe Roma, ludis publicis seruientem, quinque libris auri multari iubetur. *Thymelicam*, inquam, id est, Scenicam, quæ modos & saltationes facit in Thymele seu pulpito Orchestræ parte. Cuius Thymelæ fit præterea mentio, l. 21. & 22. *supr. de duers. offic.* itemque Thymelicorum, l. 12. *infr. hoc eod. tit. & l. 21. de Pistor.* Resque notior est, quid Thymelici fuerint, quam vt plura moneri a me oporteat: vid. saltem *Salvianum lib. 6. de Gubernat. cap. 7.*

Constitutionis autem huius hæc *Ratio* assignatur, honestatis videlicet his verbis: *Inmemor honestatis abduxeris.* Nempe inter alia Adolefcentum vitia Romæ, complures etiam Nobiles harum Scenica-

rum Thymelicarum forma ac decore, studioque abripiebantur (quod *Ambrosii* quoque locus mox ostendit,) quod vitium etiam notat *Firmicus lib. 3. cap. 7. pag. 66.* ita quidem etiam ut vel in longinqua translatis, vel intra priuatam domum retentas pro honestis matribus familias, vel etiam vxoribus circumferrent, hisque adhererent; *honestatis inmemores.* Nam ut munus earum turpe, eæque personæ inhonestæ sunt, ita *honestatis inmemor* ipse est, qui sibi eas sociat, hisque sese fascinandum præbet. Cui malo Valentinianus Iun. hac *leg.* occurrit, eiusdem *Mediolanensis Ambrosii* proculdubio hortatu. Nam & ex eadem vrbe data hæc *lex.*

Ergo ex hac quoque *leg.* liquet, Thymelicas inter inhonestas personas habitas: vnde & l. 12. *infr.* a Theodosio M. vetatur femina vel puer Christianus

Thy-

Thymelici consortio imbui. Quanquam & hac ipsa constitutione consultum quoque Urbanae laetitiae & voluptati: videlicet ne ea urbs abductis Thymelicis paulatim suis voluptatibus, quarum retinentior Roma erat, priuaretur: idque indicatur illis verbis; *Ita ut voluptatibus publicis non seruiat.* Sane huc non male referatur, quod Ambrosius ipse memorat, *orat. fur ibri de obitu huius ipsius Valentiniani* *lun. pag. 107. 108. Tom. V. Oper. Edit. Paris. 1614.* ubi castigatos eius mores deprædicans, hæc inter cætera de eo refert, qui hoc Anno D. 380. 15. circiter ætatis annum ægebat. *SCÆNICÆ cuiusdam forma ac decore deperire ROMÆ Adolescentes Nobiles nuntiabatur: Inssit eam ad Comitatum venire: Missus, pretio deprauatus, sine mandati effectu rediit. Alterum misit, ne voluisset EMENDARE VITIA Adolescentum, & non potuisset videre.* Datus est obiretandi aliquibus locus, de-

ductam tamen nunquam aut spectauit, aut vidit. Postea redire præcepit; ut & omnes agnoscerent irritum eius non esse mandatum, & adolescentes doceret ab amore mulieris temperare, quam ipse, qui potuit habere in potestate, despexerat. Et hac fecit, cum adhuc *NON HABERET VXOREM*, & tamen exhiberet sui, tanquam vinculus coniugio, castitatem. Quis tam dominus serui, quam ille sui corporis fuit? Quis tam aliorum arbiter, quam ille sua censor atatus? Non abludit ab hoc prohibitio similis, quæ continetur *l. 21. supr. de Pistorib.* Ne videlicet Thymelicos pistorum filia in consortium fumant. Tandem Thymelicorum, & Thymelicarum studium, quantopere non tantum Romæ viguerit, quod hac lex docet: & *d. l. 21. & lex 12. infr.* verum etiam Constantinopoli docet *lex 21. & 22. supr. de diuers. offic.* ubi etiam dixi.

*EQVVM CVRVLEM Urbis Romæ, usurpantis, vel in usus suos
conuertentis pæna.*

VI. (a) Idem AAA. ad Valerianum P. V. (b)

EQVOS, quos ad sollemne (c) certamen vel Mansuetudinis Nostræ largitio subministrat, vel diuerforum ex Amplissimo (d) Ordine Magistratum, (e) hætenus (f) ad copiam (g) prouidendos Serenitas Nostra decreuit, ut quidquid illud est, quod palmarum (h) numero gloriosum, & celebratis vtrunque (i) victoriis nobile, congregatur, spectaculis potius Urbanae plebis inferuiat, quam prædæ (k) adque compendio deputetur. Quisquis igitur ex eo quod vel Serenitas nostra, vel Ordinarii (l) Consules, vel Prætores (m) in huiusmodi tribuunt voluptates, quamlibet commodis compendioque priuato deriuandam duxerit esse iacturam, (n) vnius auri libræ condemnatione multatus, largitionibus nostris cogatur esse munificus. (o) Dat. VIII. Kalend. (p) Mai, Triu. (q) Eucherio & Syagrio CONS. [381.]

N O T Æ.

(a) *Lex 2. Cod. Inst. eod. tit.* hinc decurtata & interpolata est. Iungendaque huic est *lex 7. & 8. infr. prox.* Imo *lex 2. infr. de Equ. curul.* ubi tamen dies aliquantum variat in subscriptione, itemque loci subscriptio: sic enim habet: *Dat. X. Kal. Mai. Aquil. GOTHOFR.*

(b) *Valerianus P. V. Romæ sub Gratiano: vid. Prosopogr. ID.*

(c) *Sollemne certamen circense. ID.*

(d) *Id est, Senatu. ID.*

P. 368 (e) *Consulium ordinariorum & Prætorum, infr. hac leg.* porro vox *largitio* hic *ἀνὰ τὰ κοινὰ* repetenda. *ID.*

(f) *Id est adeo, in tantum. ID.*

(g) *Id est copiose, & magno numero. ID.*

(h) *Virgilius in equorum educatione Georg. III. 100.*

— animos auumque notabis,

Et quis cuique dolor victo, quæ gloria palma.

Scilicet non agitatores tantum, sed & equi ipsi victores honorati. *Plutarch. in Sympes. 2. pag. 639. Edit. Xyland.* *καὶ τῶν ζώων μόνον τῶν ἰσχυρὰ μεταξὺ τεσσάρων καὶ ἀγῶνι,* inter animalia solus equus habet communicationem coronæ & certaminis. De aliis equorum curulium præmiis agitur, *l. 1. de equ. curulib.* Falluntur interim, qui ab his palmarum equos *Palmatos* dictos putant, ut ostendam ad eam leg. 1. *ID.*

(i) *Vtrunque, id est, ex diuersis factionibus. ID.*

(k) *Quorum? Mox inquiram. Interim illa sequentia hic expendantur; Quisquis commodis, compendioque priuato deriuandam duxerit esse iacturam. ID.*

(l) De ordinariis Consulibus alibi dixi. 1D.

(m) De Prætorum editionibus: vid. *supr. lib. 6. Adde & Questores.* 1D.(n) *γγ. iuncturam: de quo mox.* 1D.(o) *Munificus*, id est obnoxius: & munificum, obnoxium fisco, *hic, & l. 4. supr. de excusat. artific. l. 7. supr. de præd. nauicul. l. 9. 16. supr. de indulgent. debis.* Porro, hunc locum Tribonianus ita immutauit, *vnus libra auri con-*
denatione multetur. 1D.(p) *Id. d. l. 7 & 8.* 1D.(q) *Aquila, d. l. 8.* 1D.

COMMENTARIUS.

VSRPARE, vel suos in vsus commodum compendiumque conuerrere *Εἰς ὅν* Curulem, Circensibus ludis in Vrbe Roma destinatum, quemquam, vetat Gratianus Imp. Anno 381. proposita multa in singulas iuncturas auri libræ: Destinatum, inquam, siue Principis largitate, de quo agitur quoque *l. 19. supr. de Prator. & l. 1. infr. de equis curulib. & apud Symmachum lib. 10. epist. 19. & 22.* Sicut & in Prouinciis, veluti in Syria Antiochiæ Curialibus Circenses editurus Equi quandoque donabantur a Principe, vt testatur Libanius *epist. ad Aristanetum, 384. Edit. Wolff. μέλλαν δὲ ἵππων ἀμύλλας χαρίζεσθαι τῇ πόλει, δῶρον βασιλικῶν τελέμεται· δύο τεθροῖνα τὸ δῶρον· οἱ δὲ ἐν Βιθυνία παιδεύοντο, certamen equestre vrbi nostra representaturus, dono regio affectus est.* Id vero duplici equorum quadriga continetur, Equi autem illi in Bithynia instituentur, siue Magistratum ex amplissimo Ordine seu Senatu: id est, vt *sine leg.* exprimitur, Consulium, vel Prætorum. Cuius sane posterioris collationis exempla apud Symmachum obuia *lib. 4. epist. 60. 61. & lib. 7. epist. 105. & 106.* Urbana scilicet plebis voluptati, vt alii Principes, ita & Gratianus quoque *hac leg. & duabus proximis,* quæ huic coniungendæ sunt, nil detractum voluerunt, atque ideo Equos Curules vel a se, vel a Magistratibus collatos intra urbem retineri voluerunt, non etiam in priuatorum vsus conuerti: & vt quidem censeo, Agitatorum. Imo nequidem vicinis populis & Prouinciis eos concedi Principes voluerunt, ad suas voluptates & ludos petentibus, veluti Campanorum populo (id est Capuanis) nisi certo modio & modo fabarum inuicem Equis & stabulis Urbis Romæ tributo. Quæ sententia est *leg. 2. infr. de Equis Curulib.* Quæ & ipsa huic nostræ coniungenda venit, alterutribi, vt videtur, subscriptione emendata. Ergo semel collatos a Principe vel Magistratibus ad Circense spectaculum equos, ad plebis Rom. voluptatem, retineri vult *hac leg. Gratianus:* quos tamen post Palmas & Victorias, nonnulli prædæ suæ faciebant; & vt *hac leg.* dicitur, *Palmarum numero gloriosos, & celebratis virimque victoriis nobiles.* Quod *palmas Equorum* attinet, res nota est, & de eo iam aliquid in *Notis.* Quod vero ait, *celebratis virimque victoriis nobiles, VTRIMQUE*, id est, in quibuscunque factionibus, quæ quatuor erant, de quibus ad *l. 1. & 2. infr. de Equis Curulib.*

Illud obseruandum, fugitiuam *hanc leg.* ab hoc titulo esse, neque enim quicquam ad Scenicos ea facit, verum ad Equos Curules, de quibus est *infr. tit. peculiaris, de Equis Curulibus:* quo titulo melius hæc lex collocata fuisset. Quo etiam *titulo* (vti dixi) *lex 2.* huic coniungenda venit.

Superest emendatio ad finem legis hic adstruenda: vbi pro *iacturam*, repono *iuncturam*, *ΙΥΝΚΤΥΡΑ*, est Equus combinatus. Paul. *lib. III. sent. tit. 6. de legat. §. 91. Carruca cum iunctura legata*, mule quoque legate, non mulio videtur, propter quotidianam loquendi consuetudinem. In Gloss. Cyrill. *Ζευξίς, iunctura.* Et in Gloss. Philoxeni, *iunctura, ἀρμεγή.* Eodem sensu dicitur Subiunctorium in *l. 10. supr. de cursu publ.* Iunctura itaque est, non singularis, sed biga Equorum: *Ἀμύλλας* Græci vocarunt. Hesychius *ἀμύλλας ἐκάλεον δύο ἵππους συνζευγμένους.* Hi Republica inclinante combinati, Equi, *κομβινεύματα*, dicti. Chrysof. *de Circo orat. Spuria pagin. 88. Tom. VIII. Edition. Benedictin.* *μὴ τερπέτω σε τὰ προίπτικὰ κομβινεύματα: ἵνα μὴ κατὰ λάβῃ σε τὰ πρὸ κρίσεως κινδυνεύματα: εἰ βάλῃ κομβινεύειν, καὶ διατάσσεται, δυνάσται τὸ τοιοῦτον μάλλον ἐν τῷ θεωρηματικῷ, &c.* id est. Ne te prolusio paribus equis delectet, ne ante iudicium in periculum incidas. Si vis paribus equis currere, & designari, hoc magis potes in spiritali spectaculo, &c. August. *8. confess. 6. Treueris cum Imperator pomeridiano Circensium spectaculo teneretur, atque illic vt forte combinati spectabantur.* Gloss. Cyrill. *Ζευγίζω, combino:* item *Ζευξίς κατὰ δύο, combinatio.* Iunctura itaque, est iumentum, subiugium: Gloss. Cyrill. *ὑποζυγιον, iumentum, subiugium:* quia subiugandi vox hac in re propria: vid. *leg. 19. supr. de Prator.* Et ita Antiquis inscriptio, *Tria iuga*, pro tribus equis. Eodem sensu Græcis sequioris æui *ζευγάριον*, siue *ζευγάριον.* Eadem vero vox reponi quoque possit, *l. 1. supr. de indictionib.* Alioquin *iunctura* est, qua malæ carrucaræ, aut iumenta, aut boues ad aratrum iugo iunguntur (& ita Pauli locum intelligendum nonnulli male putant) Querolus in *sua Aulularia, Mule dispares, iunctura inuerse*, mulio nec se regens. Capitolin. in *Verbo cap. 5. Cum mulabus ac mulionibus cum iuncturis argenteis.* Sane *iunctura argentea* fit etiam mentio, *l. 19. §. 8. D. de aur. & argent. leg.*

AGITATORES in ipso Circensi certamine supplicio affici non oportere.

VII. (a) Idem AAA. ad Valerianum P. V. (b)

EO qui Agitandi munus exercent, Inlust. Auctoritas tua, nullis, præter (c) Circense certamen, addici nouerit pertinere (d) supplicii. Dat. VIII. Id. (e) Mal, (f) Eucherio & Syagrio Coss. A. [381.]

NOTÆ.

- (a) *Lex 3. Cod. Inst. de Spectaculis*: quæ in aliis Editionibus *secunda* est. Iungenda autem huic est *lex seq. prox. 3. Inst. & lex 6. supr. prox.* Tandem & *lex 2. infr. de equ. curulib. GOTHOFR.*
- (b) *Romæ. ID.*
- (c) *Propter*, in *Cod. Inst. Cuiacian. Edit. male*: de quo mox: *Præter*, id est, in ipso certamine, ante & coram certaminibus & in circo ipso. *ID.*
- (d) *Pertinere*: In *Cod. Inst. Oportere*: nisi quis malit legere, *per se iura*. Quod tamen non assero. Potest enim *pertinere* hic sustineri absolute pro *oportere*, de quo mox. *ID.*
- (e) Ita quoque *l. 8. infr. ut l. 6. Kalend. ID.*
- (f) *Aquila, d. l. 8. Treu. d. l. 6. ID.*

COMMENTARIUS.

DE AGITATORIBUS est hæc siue Gratiani siue Valentiniani lun. Imperat. *lex*: de quibus præter hanc *legem* sunt quatuor præterea *hoc Cod. constitutiones*, puta *lex 12. infr. hoc tit. l. 3. supr. de Spectacul. lex 11. supr. de Malefic. l. 21. de Pisforib. De Agitatoribus*, id est, de iis, qui Equos Curules in Circo agunt, & agitant: & quidem de Poena eorum. Cuius *legis* sententiam obscuram non tantum breuitas eius facit, verum etiam diuersitas lectionis, tandem & varia vocis, *præter*, significatio. Sunt primum Codices quidam Iustiniani, in quibus pro *præter*, legitur *propter*: Quæ lectio si admittitur, tum hæc *huius legis* sententia fuerit: Agitatores, etsi quid in certamine Circensi admiserint, etsi quem ibi interfecerint, non ideo a P. V. supplicio affici posse. Secunda est Accursii interpretatio, quam & Ioannes de Platea secutus est, quasi *hac leg. prohibeatur* Præfectus Urbis Agitatores supplicio afficere, eo ipso quod sint Agitatores; ac si *lex* diceret, non esse delicti genus munus Agitatoris, & ideo non mereri poenam. Quæ inepta est interpretatio. Tertia hæc *legis* huius sententia cui videri possit; Agitatores delinquentes e. munus a Præfecto Urbis coerceri posse, ut ne in damnum & detrimentum certaminis & voluptatis Circensis id fiat; ne per hoc, seu ea coercitione, huiusmodi agitator deinceps agitando munere prohibeatur: *Præter Circense certamen* igitur fuerit, in præiudicium Circensis certaminis, & sic ut excludatur agitator Circensi certamine. Ita sane Tertullian. *de Pallio c. 3.* Atque adeo *ipse, qui Gracos præter urbem censebat, literas eorum vocemque senex iam eruditus, idem Cato palliato habitu Gracis fuit*: Ait Tertullianus, Catonem censuisse Gracos *præter urbem*, id est, intra urbem non admisisse, extra urbem censi uoluisse. Et ita *censeri præter urbem* dicitur, qui extra urbem manet. Ita Nonius *cap. 1. n. 10. Exterminatum*, inquit, *est præter terminos missum*. Præter terminos, id est, extra terminos. Sic apud Tertullianum rursus in *Apologet. Præter esse*, pro extra esse, *cap. 38. Eque spectaculis vestris in tantum renuntiamus, in quantum originibus eorum, quas scimus de superstitione conceptas, cum & ipsis rebus, de quibus transiguntur, præter sumus*. Cum igitur aliquin Præfectus Urbis interdiceret quem professione sua possit, ut docet *lex 1. §. 13. D. de offic. P. V.* Item cum cæteroquin disciplina spectaculorum ad P. V. curam pertinet, *d. l. 1. §. 12.* hæc tamen hæc cura ad eum pertinuisse videatur, ut ne Populi voluptatibus quicquam per hoc detogaret, id est, ut ne Aurigas seu Agitatores agitando munere interdiceret posset. Quam interpretationem, præter vim vocis *PRÆTER*, quam modo expendimus, iuuare videantur *hoc tit. leges* pleraque, quibus omnibus id ferme agitur, ut ne populi voluptatibus deferuientes, eiusdem Populi voluptatibus aliqua ratione eripiantur. Iuuare quoque videatur tertio loco *lex 8. prox. infr. cum* quæ hæc nostra coniun-

Tom. V.

genda venit: ex qua cum *hæc* coniuncta, hæc summa conficiatur, quemadmodum Scenica mulierum simulata probitate & Religione Christiana populi voluptatibus eripi non debent, ita nec eripi posse Agitatores poena seu Præfecti Urbis auctoritate & interdictione. Pariter ut equi Circenses Populi voluptatibus eripi non possunt, cuiusquam usurpatione, *l. 8. prox. supr.* quæ & ipsa huic nostræ, seu similem inscriptionem, & eisdem Consules subscriptos habens, coniungenda videtur, ut proinde tribus his capitibus, ex una eademque constitutione, ad Valerianum P. V. emissæ desumptis, vnicum illud Gratiano propositum fuerit; Ne Circensibus voluptatibus destinata, vlla ratione eriperentur; ne, inquam, equi, usurpatione, *l. 6. supr. ne Agitatores, disciplinæ publicæ obtentu, hac leg. vel Religionis simulata prætextu, l. prox. 8.* Populi itaque studio in Aurigas seu Agitatores immo dico tum datum hoc fuerit, hæc constitutione, ut quamlibet Inlustri Præf. Urb. auctoritas summaque esset, Agitatores tamen agitando muneri, & sic voluptatibus publicis ob delictum aliquod eripere non posset, veluti inflicta eis exilii poena. Et hæc quidem *huius leg. sententia* videri cui possit, tot iis, quæ dixi, argumentis.

Et quæta tamen hæc accidere cui possit, quæ Græcorum est Basilicorum *lib. 54. t. 5. & Synops. Basil. t. 5.* quæ & Cujacio placuit, Præfectum Urbis in Agitatores coercitionem non habere, nisi si quid circa equestre certamen, id est, circa ludum & in Circo admiserint: *εἰ μὴ περὶ αὐτὴν τὴν ἱπποδρομίαν ἀμαρτήτων*: & sic *præter* exclusiue & per modum exceptionis, Quæ interpretatio mihi minime placet; Nam quæ, quæro, ratione Præfecto Urbis eorum tantum coercitio competeret, quæ in Circo admitterentur, non vero alibi? Imo vero, contraria hæc mihi nunc no-
uæque, ut existimo, placet interpretatio, Interdicti ^{P. 370} *hac leg. Præf. Urbis* coercitione in Agitatores, in Circo ipso seu in conspectu ipso Circensis certaminis: *Præter Circense scilicet certamen*, est, in conspectu plebis, cum plebs coit ad spectandum, cum Aurigæ agitando munus exercent. *Præter*, pro, *coram*, siue ante ora. Ita passim apud Veteres, *præter os, oculos, pedes; præter limen, præter lumina, præter domum, præter viam*. Eodemque sensu vox, *præter*, effertur quoque in voce *præterire, præterducere, & similibus*. Sic & Plinius *lib. 36. cap. 2.* inuehens in columnas ingentes, quæ priuatis, & quidem in atrio Scauri positæ; *Non ergo in tam malo exemplo moribus cauere uilius fuerat, quam tacere tantas moles in priuatam domum trahi PRÆTER scilicet Deorum fastigia*. Præter, id est, ante, coram. Et verò huc omnino pertinet Ammiani Marcellini locus insignis, *lib. 15. cap. 7.* ubi de Leontio P. V. Romæ, quomodo & hæc *lex Præfecto Urbis* inscribitur: deque seditionibus

Ggg 2

popu

popularibus in eum concitatis agens, eo quod acer quibuldam videbatur, autoritatis suæ seruanda causa. *Prima igitur, inquit, ars, (lego fax: postrema Editio habet, causa:). seditionis in eum concitande vilissima fuit & levis. Philorum enim AVRIGAM RAPI præceptum, SECVTA PLEBS omnis velut defensura proprium pignus, terribili impetu Præfectum incesabat, vt timidum: sed ille stabilis & erectus IMMISSIS Apparitoribus, correptos aliquot, vexatosque tormentis, nec strepente ullo, nec obfistente, insulari pœna multauit. Igitur hac leg. Imperator seditionibus & certaminibus hac ratione occursum voluerit, ne dum ad supplicium in ipso Circo Agitator duceretur, cui plebs faueret, furenti populo seditionis fax subderetur. Eundemque (quod tertium) sensum veteris constitutionis Augusti Imp. puto: de qua Suetonius, cap. 45. loco vexatissimo: Coercitionem in Histriones Magistratibus in omni tempore & loco lege vetere permissam ademit, PRÆTER ludos & Scenam. Quem locum iam Viri docti ibi cum hac leg. contulere; vero tamen sensu non expresse: quem nos, vt puto, nunc demum eruimus. Nam Tacitus de hac ipsa re i. *Annal. c. 77.* sub Tiberio; *Atheatri licentia grauius tum erupit:* Et mox: *Altum de ea seditione apud Prætores, dicebanturque sententia, vt Prætoribus lus Virgarum in HISTRIONES esset; intercessit Haterius Agrippa, & valuit intercessio, quia Diuus Augustus immunes verberum histriones quondam responderat.* Quibus alioquin Suetonii & Taciti locis eundem hæcenus Interpretes sensum affingunt, quem Cu-*

iacius huic legi: Quasi Augustus in Histriones coercitionem Magistratibus permiserit, nonnisi per tempora ludorum, & in loco ipso peccati; id est, in Scena: Cum contra verius sit, ea qua dixi ratione, per tempus ludorum & in ipsa Scena Circoque id vetitum. In id vero etiam quarto loco expendo verba illa huius leg. *Eos qui agitandi munus EXERCENT*, item illa, *Circense CERTAMEN*: id est, in ipso agitandi actu exercitioque, & Circensi certamine. Tandem huc quinto loco etiam traho alterum Ammiani Marcellini locum in rebus Valentiniani, Anno D. 364. *lib. 26. cap. 3.* Vbi agit de Aproniano Præfecto Urbis, quaestiones in Veneficos agitante; *Iussu, inquit, quidem, sed inusitato dolore, hac & alia magna quaeritabat industria. Vnde quibuldam atrox visus est IN AMPHITHEATRALI CVRRICULO undarum coënte aliquoties PLEBE, causas dispiciens criminum maximorum: Denique post huiusmodi vindicta complura, Hilarium AVRIGAM conuictum atque confessum, vix dum pubescentem filium suum venefico tradidisse docendum secretiora quædam legibus interdicta, vt nullo conficio adminiculis iuuaretur internis, capitali animaduersione damnavit.* Vbi vides pariter Ammianum Marcellinum id improbantem. Denique haud abludit, quod Tacitus memorat *13. Ann. cap. 28.* de certamine orto inter Prætorem & Tribunum plebis: quod immodestos fautores histrionum & a Prætore in vincula ductos; Tribunus emitti iussisset.

VIII. (a) Idem AAA. ad Valerianum P. V.

SCÆNÆ mulier, si vacationem Religionis nomine postularit, obtentu quidem petitionis veniæ (b) non desit, verum si post turpibus volutata complexibus, & Religionem quam expetierit prodidisse, & gerere, quod officio (c) desierat, animo tamen scænica detegetur, detracta (d) in pulpitem, (e) sine spe absolutionis vilius ibi eousque permaneat, donec (f) anus ridicula, senectute deformis, nec (g) tunc quidem absolutione potiatur, cum aliud quam casta esse non possit. Dat. VIII. Id. Mai, Aquila, (h) Syagrio & Eucherio Coss. [381.]

NOTÆ.

- (a) Iungenda huic legi est, vt dixi, *lex 6. 7. supr. & l. 2. infr. de Equis curul.* Absent vero ea ab Annalibus Baronii. GOTHOFR.
 (b) Sustineri potest, *venia non desit*: id est, venia ei non desit. *IDEM.*
 (c) Id est, vitæ genere & specie, & scænæ exercitio. *ID.*
 (d) Alii mallent, *retracta*, sed illud sustineri potest. *ID.*
 (e) *συμῆλη.* *ID.*
 (f) Nolo hæc verba ita transponi: *permaneat anus ridicula, donec, &c.* de quo mox. *ID.*
 (g) Ita locus hic est interpungendus. *ID.*
 (h) In *d. l. 6. Triu. Aquila* hæc, quæ? An *Aquileia*? Cæterum omitti non oportet, hoc ipso Anno Episcopum eodem nomine Aquileiensem Valerianum fuisse, quo Præfectus hic Urbis, cui hæc lex, & due superiores inscribuntur. *ID.*

COMMENTARIUS.

CHRISTIANÆ Religionis professione VACATIONEM liberationem a scænica conditione, naturalique scænæ vinculo mulieri competere, seu ab ea liberari, iuxta legem 4. *supr.* vbi plene dixi, vt & *l. 9. infr.* docet quoque hæc lex. Ne tamen huic priuilegio, atque adeo scænicis voluptatibus

fraus fieret, hæc constitutione Gratianus hanc limitationem addit, si modo mulier in ea Religione persistaret: alioquin si turpibus rursus complexibus sese voluerit, id est, vulgarem seu meretriciam vi tam rursus exerceat; (Proximo confinio quippe coherent Scænica & Meretrix:) si denique vt hac leg. elegan.

elegantè dicitur *animo Scænica maneat*, et si officio esse defuerit, in pulpitu retrihi *hac lege* iubetur. Frustra scilicet legem, legique auxilium implorat, qui aduersus eam admittit. Et quidem in tantum ut omnis in posterum *spes* ei præcideretur *absolutionis* seu immunitatis a scænica conditione, etiam si iam anus deformis & ridicula, quæque non casta iam non esse potest, existat. Non potest scilicet castitatis votum gerere, quæ aut votum castitatis semel minuit, infregit, aut propter effectum tantum ætatem casta est: cum aliud iam quam casta esse non possit. Votum castitatis quæ semel elusit, vel quæ tamdiu distulit, nequicquam casta est. Denique votum castitatis Actus legitimus est, in perenne seruandus, ut loquitur *lex prox.* quem iterari *leges* non patiuntur: Item, Actus est meræ voluntatis, quam mala ætas non habet, quemque necellitas extorquet. Et hæc quidem huius constitutionis sententia est, quæ prolixioris Gratianæ constitutionis, illius, de qua ad *leg. prox. supr.* pars est: qua id egit, ne factò aliquo temere publicis voluptatibus fraus fieret; veluti ludis Circensibus: *l. 6. 7. supr.* vel Scænicis, *hac leg.* Cæterum verba illa, *ibi eouique permaneat, donec anus ridicula, senectute deformis, nec tunc quidem, &c.* non patior a Doctiss. Petito *Comm. in leges Atticas, p. 75.* ita inuerti, per-

maneat anus ridicula, donec senectute deformis: hoc etiam sensu, pœnæ loco Scænicam in *huius leg.* specie in scænam ita reuocari, ut anus, γῆρας (cuiusmodi in comœdia anus erant, testè Polluce περὶ πρῶτων κομῶν, lib. 4. cap. 19. Sect. 150. pag. 439. Ed. Hemsterhuis.) repræsentaret, quæ ridiculæ erant, donec ipsæ reuera senectute fierent deformes. Horum enim verborum hæc sententia apertissima est, ita scænicam in *huius leg.* specie in scænam reuocari, ut nunquam ab ea liberari possit, verum in ea peristare cogatur, donec anus ridicula seu senectute deformis fiat; & ne tunc quidem absolui possit. Anus ridicula, idem hic est quod senectute deformis: & sic non quæ iuuenis forte anum repræsentat: verum quæ ob senectutem reuera anus est, & deformis. Et mox, (continuo spiritu) nec tunc quidem absolutionem sperare possit.

Illud quoque ex *hac leg.* notandum, vacationem seu absolutionem & veniam a scæna, ob professionem Religionis Christianæ, POSTULARI, peti, oportuisse. Nempe enim ne fraus hoc obtentu Scænæ fieret, postulatione seu petitione & causæ cognitione opus fuit: quod etiam requiritur in *spec. l. 1. supr.*

IX. (a) Idem AAA. Herafio (b) Proc. Afric.

QUÆCUNQUE ex huiusmodi (c) facie (d) progenitæ scænica officia declinare, (e) ludicris ministeriis deputentur: quas necdum tamen sanctissimæ religioni (f) & in perenne seruandæ Christianæ legis secretorum reuerentia suæ fidei vindicarit. Illas etiam feminas liberatas contubernio scænici præiudicii durare præcipimus, quæ mansuetudinis nostræ beneficio expertes muneris turpioris esse meruerunt. PP. Karthagine, (g) V. Kal. Septemb. Eucherio & Syagrio Coss. [381.]

NOTÆ.

- (a) Transcripta est hæc *lex*, paucissimis mutatis, ex *l. 4. supr. hoc tit.* Omisit & hanc Baronius. *GO. THOFRED.*
- (b) *Herafii* huius Procons. Africæ nulla alibi mihi mentio occurrit. *IDEM.*
- (c) *Fomerius lib. III. Quotidian. 12. & V. Quotidian. cap. 29.* reponit hic, *humiliori.* Sed positum hic, *huiusmodi*, pro cuiusmodi, id est, quacunque tandem. Quomodo similem errorem sustuli in *l. 134. supr. de Decurionib.* Ita sane *supr. l. 4.* (vnde hæc transcripta est) ex *villiori forte. ID.*
- (d) Ex *face*, id est, ex *villiori forte*: ut *l. 4. supr. ID.*
- (e) *Lego, Declinaue*; nisi forte positum *declinare*, pro *declinauere*. In *d. l. 4. supr.* (vnde hæc transcripta) *declinarint*: ut etiam *Fomerius* hic legendum putabat *V. Quotidian. 29. ID.*
- (f) *Religionis. ID.*
- (g) *Carthagine* scilicet versabatur Proconsul Africæ. *ID.*

COMMENTARIUS.

UT verba huius legis ex *l. 4. supr.* transcripta sunt, ita & sententia eius eadem est. Illud tantum monendum, *hac, & superiore lege, Ecclesiasticas* Anni 381. res historicasque ac nominatim

Verbis Romæ & Africæ audiores continuari potuisse; atque adeo a Baronio prætermitti non debuisse.

De FIDICINIS prohibitis.

X. (a) Idem (b) AAA. Cynegio P.F.P. (c)

FIDICINAM nulli liceat vel emere, vel docere, vel vendere, vel conuiuio aut spectaculis adhibere: Nec (d) cuiquam, aut (e) delectationis desiderio, erudita (f) feminea musicæ artis studio liceat habere mancipia. Dat. VIII. Kalend. Iul. Constantinop. Arcadio A. I. & Bautone Coss. [385.]

P. 372

NOTÆ.

(a) Abest & hac lex a Cod. Iustin. Meminit eius Baronius Anno 385. num. 37. GOTHOF.

(b) Male. Reponenda enim sunt hæc Imppp. nomina: Imppp. Valentinianus, Theodosius & Arcadius. Iam enim Gratianus obierat, & vicissim Arcadius in Imperii societatem iam adscitus Anno 383. vid. Chronologiam. ID.

(c) Orientis. ID.

(d) Hoc tertium est, quo etiam fidicinas domi habere prohibetur. ID.

(e) Fornerius III. Quotidian. v. reponit, ob delectationis desiderium. Quod non probō; aut delectationis desiderio, id est, etiam vel delectationis desiderio; de quo mox. ID.

(f) Ita construenda hæc periodus: Nec, &c. mancipia feminea erudita Musica artis studio liceat habere. IDEM.

COMMENTARIUS.

FIDICINAS, seu Psaltrias foeminas αὐλητρίδας & Musicas emi, doceri, vendi, conuiuio aut spectaculis adhiberi, quæ pessimo exemplo luxuque passim olim conuiuio & spectaculis adhibitæ: & conuiuio nominatim, de quo affatim doctissimus Sauaro in Sidonium Apollinarem lib. 1. epist. 2. pag. 20. Sic ut non temere inuenias picturam veterem conuiuio sine his cantoribus, tibicinibus: imo (quod Quintum) vel haberi, inter ministeria domestica solo desiderio delectationis verat hac lege Theodosius M. Anno Domini 385. idque constitutione ad Cynegium PP. Orientis emissæ, & sic per Orientis Præfecturam, Cuius constitutionis alter Victor, seu Victorinus, c. vlt. eumque secutus Paulus Diaconus, his verbis meminerunt: Theodosius, inquit, vinolentiam usque eo detestatus est, ut prohibuerit LEGE ministeria lasciuia, Psaltriasque comestationibus adhiberi. Vbi vides, quam semiplene, imo quam ieiune hanc legis constitutionem memorant Historici; qui defectus solennis apud eos est. Videtur etiam Macrobius, qui sub Theodosio Iun. vixit, ad hanc leg. alluisse, lib. 2. Saturnal. cap. 10. Fidicinas, Psaltrias, Crotalistras, Citharædas, Tympanistras, ut inter ministeria DELECTATIONIS ERGO, ita & comestationibus seu symposiis adhibitas, atque inter luxuriæ & lasciuie instrumenta fuisse, ex multis notissimum est. Verum, ut iam olim, qui frugalitatis lege vivebant, & velut adstrictiores commendabantur, hæc portenta a conuiuio suis abesse vouerunt, (de quo Sauaro ibid.) & quidam dixerat, bonum esse illud conuiuium, in quod Choraules non intrat, ita Conciliis & Viris Sanctissimis res ea damnata: Viginti iam ante hanc Theodosii M. constitutionem annis, cautum fuerat Concilio Laodiceno, can. 54. p. 789. 790. Tom. I. Concil. Ed. Harduin. ὅτι & δὲ ἱερατικὴς ἢ κληρικὴς τινὰς θεωρίας θεωρεῖν ἐν γάμοις ἢ δέπνοις, ἀλλὰ πρὸ τῆς εἰσέρχεσθαι τῆς θυμηλικῆς, ἐγείρεσθαι αὐτὸς καὶ ἀναχωρεῖν: quod non oporteat sacerdotes aut clericos quibuscunque spectaculis in scenis aut in nuptiis interesse: sed antequam thymelici ingrediantur, exurgere, eos conuenit, atque inde discedere. Nempe gradus hic pri-

mus fuit ad hunc prauum morem e Republ. Christiana tollendum. Primum Concilii Sacerdotes huiusmodi conuiuio vel nuptiis, ubi Thymelici intrarent, arcere visum, quam in rem vid. & quæ Gregorius Nazianzenus epist. ad Dioclem. 193. Secundus gradus fuit, quod Patres inuerti acerbè in huiusmodi Fidicinas & Psaltrias, quorum querelæ etiam ad Principes perlatae. Et in his Basilii, in cap. 5. Esaiæ Propb. num. 156. p. 490. Tom. I. Oper. Ed. Benedictin. ubi multa occurrunt, quæ ad hanc legem omnino explicandam faciunt: inter alia, hæc Fidicinas vel seruilis conditionis fuisse, quod & hac leg. dicitur, vel mercenarias ad id edoctas; in his fuisse nonnullas quæ docerent: adhibitas denique conuiuio & lætitiæ temporibus. Quod cum attendo, quæ singula ferme cum hac leg. pariant, videri possit hæc lex a Theodosio M. lata, ad Patrum, & in his Basilii istius querelam. Basilii, inquam, non Cæsariensis illius Magni, qui iam ante septimum annum obierat; verum alterius, cui Libros illos seu Commentarios in Esaiam iam olim adscribendos Erasmus recte coniciebat. De quo Basilio, paulo Iuniore, vide quæ Baronius Anno 382. a num. 60. Postremus igitur gradus fuit hic Theodosianæ huiusce constitutionis, qua Fidicinæ & Psaltriæ seu Musicæ in totum prohibentur: exinde quoque recte postea dictum ab Hieronymo, epist. ad Furiam de Viduitate pag. 83. Tom. I. Oper. Edit. Francf. apud Christ. Gensleb. Fidicinas & Psaltrias & istiusmodi chorum Diaboli, quasi mortifera Sirenarum carmina proturba ex adibus suis. Et mox, de cantu spiritali agens, Has, inquit, docet Psaltrias Christo, hæc Fidicinas erudit Saluatori. Sanè & hæc constitutio est Theodosianæ honestatis Christianæ argumentum, qui Psaltrias hæc e Republ. Christiana sustulit. Modestiam vero suam, atque adeo huius leg. prohibitionem & prouisionem intra foeminas inclusit: Psaltriis uti foeminis inhibitum: masculi enim puerique a Theodosio M. nondum interdicti. Et si ab his quoque Viri graues abtinerent. Quod Claudianus lib. 2. v. 142. inter laudes Stilichonis ponit: Nullo iithara conuiuia cantu, Non Pueri lasciuia sonant.

Porro Theodosius M. hac leg. modestiam & providentiam suam usque eo extendit, ut omnem omnino Psaltriarum usum inhibeat: Scilicet & doceri, & emi vendi, & conviviis aut spectaculis adhiberi vetat: Imo & haberi in ministerio priuato; Nec cuiquam, inquit, aut delectationis desiderio erudita fœmine Musica artis studio liceat habere mantipia. Aut delectationis desiderio, id est, etiam delectationis desiderio. Non tantum non licet conviviis aut spectaculis adhibere fidicinas, verum etiam solo delectationis desiderio habere, & sic ministerio priuato; & quomodo exposui supra, inter ministeria delectationis ergo. Dicit lex Aut, pro &, etiam vel: quo sensu apud Symmachum lib. 3. epist. 50. & Petrum Chrysologum in sermonibus sepe, & Arno-

bis lib. 4. pag. 143. Edition. Stewech. Senatorem aut conuicio prosequi. Quicquid autem Theodosius M. hac leg. prohibuerit, certe Asterius Amaseus Ep. homil. 1. de Diuite & Lazaro, pag. 7. Edit. Ruben. aperte ostendit, sua, sub Arcadio Theodosii M. filio, ætate, in Oriente, ματαιὰς & ἀρχιερίδας conviviis adhibitas inter alia mensa sacellitia, τὸ δορυφορικὸν τῆς τραπέζης πληθύνει. Et Chrysostomus non uno loco declamat aduersus huiusmodi Scenicarum, Fidicinarum, Psaltriarum in spectaculis usum: veluti homilia 69. in Matth. edit. Comel. p. 601. & pag. 673. Tom. VII. Oper. Edition. Benedicti, ut & in nuptiis prolixè, homilia 12. ad Coloss. pag. 417. 418. Tom. XI. Oper. Edit. cit.

P. 373

De VESTE & MVNDO Mimarum seu Scenicarum.

XI. (a) Imppp. THEOD. Arcad. & Honor. AAA. Rufino
PF. P. (b)

NULLA mima gemmis, nulla figillatis sericis, (c) aut textis vtatur auratis. His quoque vestibus nouerint abstinendum, quas Græco nomine a (d) Latino *Crustas* vocant, (in quibus alio (e) admixtus colori puri robor (f) muricis inardescit. (g) Vti sane hisdem, scutclatis, (h) & variis coloribus (i) sericis, auroque sine gemmis, collo, bracciis, cingulo, non vetamus. Dat. XI. Kalend. Octob. Constantinop. Theod. A. III. & Abundantio Coss. [393.]

N O T Æ.

- (a) Abest & hæc lex a Cod. Iustin. Ei forte iungenda lex 3. Cod. Iust. de vestib. holouëris. GOTHOFR.
(b) Orientis. IDEM.
(c) Sigillatis sericis. Ita locus hic sine commate legendus. ID.
(d) Nil hic mutandum: mox ut ostendam. ID.
(e) γρ. alii. Quanquam non desunt loca, in quibus alio, pro alii, expressum, & vsurpatum. ID.
(f) Ita scriptum antiqua scriptura & proba, pro rubor. Nam & ita in Glossis: *Robor, ἰσχυρία*. Vide & Festum in robur. Rubor autem proprie de purpura. Virgilius III. Georgic. v. 307.
Tyrios incocta rubores —————
Vbi Seruius: id est, quæ migravit in purpuram. Tertullian. de Pallio c. 4. Cum latioris purpure ambitio, & Galatici ruboris superieclio Saturnum commendat. Cassiodor. V. Variar. 2. Color nimio lepore vernans, obscuritas rubens, nigredo sanguinea. ID.
(g) Inardescere proprie purpura dicitur: alias & micare apud Vopiscum in Carino. Florere apud Tertullian. & purpuræ flos apud Plinium. Vnde & Græcis ἡ πορφύρεος. ID.
(h) γρ. Scutclatis, pro scutulatis, de quo mox. ID.
(i) Opponuntur hic serica variis coloribus, sigillatis sericis. Sicut mox aurum sine gemmis, gemmis ipsis: scutulatis paulo ante, textis auratis. ID.

COMMENTARIVS.

VESTEM & ornatum Scenicarum (de quibus alioquin Scenicorum vestibus vid. quoque leg. 127. de V. S. Mimarum, qui ingens hoc æuo Scenicorum ornatus fuit, de quo sæpe Chrysostomus, & Mimarum speciatim habitum describit in 1. ad Timoth. cap. 2. homil. 8. pag. 455. & pag. 591. Tom. XI. Oper. Edit. Benedictin.) a priuatarum Matronarum veste & ornatu Theodosius M. hac constitutione distinguit; definitque adeo, quonam Scenicæ vestis genere, quo ornatu Scenicæ mulieres uti possint, vel

prohibeantur. Nullum enim non vestis aut ornamenti genus, cuius hac leg. mentio fit, a mulieribus & matronis vsurpatum. Licuit quippe matronis & gemmis uti, & sigillatis sericis uti, & textis auratis uti, imo & *Crustis*, (id est, semipurpurea veste) de quo mox plura. (Nam holouera, id est, purpurea prorsus priuato nulli uti licuit: ut ostendit tit. supr. de vestib. holouër.) Non minus, inquam, his vestibus uti Matronis licuit, quam aut scutulatis vestibus, aut sericis variorum colorum, aut auro sine

sine gemmis: His, inquam, vestibus, hoc ornatu pro arbitrio Matronæ uti potuere: At non etiam Mimas hunc habitum usurpare vult *hac leg.* Theodosius: duplici, ut equidem existimo, sine. Primo, ut haberent Matronæ, quo a Scenicis mulieribus, distinguerentur, atque ipso occursum denotari posset, quæ vel potissima huius legis ratio videtur. Nam & ita *leg. 12. infr.* Mimæ Virginum Deo dicatarum habitu uti prohibentur. Quamquam & hæc secunda ratio addi potest, nempe id ita quoque constitutum, coercendis effusis Magistratuum in Mimas liberalitatibus. Nempe ut cæteris effusam Magistratuum liberalitatem in spectacula, atque expensas ludorum Principum constitutionibus coerceri oportuit: quod docuit *lex 2. supr. de Spectacul.* docebit & titulus eam in rem expressus, *infr. de expens. ludor.* ita & hac parte oportuit. Nota est iam Vopiscus, quinquaginta circiter ante hanc constitutionem annis, querela, in *vita Aureliani c. 15.* & in *vita Carini c. ult.* de effusis Editorum & Magistratuum liberalitatibus in Scenicos & Mimas, quibus patrimonium sua effundebant, & quidem vestibus pretiosissimis erogatis. Et similis quoque extat Ambrosii querela, *lib. 2. offic. cap. 21.* Qua causa adstrictissimus quisque Principum huiusmodi Scenicæ donationes temperarunt. Ac nominatim Alexand. Severus, teste Lampridio *c. 33.* Scenicis pretiosas vestes, quas Heliogabalus dederat, sustulit. Et ita quidem principes seculi. Atenim contra, Patres modellæ Christianæ doctores sumptuosas vestes Scenicis relinquere voluere, Matronas his abstinere: de quo vid. vel Chrysostomum *homil. 20. ad Ephes. pag. 153. Tom. XI. Edit. Benedic. & homil. 7. ad Philipp. pag. 253. Tom. eod.* Igitur quatuor siue vestis, siue ornatus genere Mimis mulieribus *hac leg.* interduntur: viceversa, tribus uti ex non vetantur, quantumvis alioquin sat pretiosis. Primo Gemmis uti Mimæ prohibentur, seu auro gemmato (quantumvis auro uti possint & χρυσοφορέσσαι essent: de quo auri ornatu in Scenicis, Chrysost. *homil. 69. in Matth. pag. 675. Tom. VII. & 20. ad Ephes. pag. 153. Tom. XI. Oper. Edit. Benedic.*) quacunque scilicet corporis parte, veluti (capite, crinibus, auribus, de quibus postremis Chrysost. *homil. 90. Comm. in Matth. p. 748. siu. homil. 39. pag. 837. Tom. VII. Edit. Benedic. & d. homil. 20. ad Ephes. pag. 153. Edit. Benedic.*) collo (digitis) brachiis, cingulo, de hoc vid. Chrysost. *in 1. ad Timoth. cap. 2. homil. 8. d. p. 455. siu. pag. 591. Tom. XI. Benedic.* in his enim partibus corporis mulieres aurum & gemmas ferunt (de quo plura Clemens Alexand. *Padagogi lib. 2. cap. 10. 11. 12. & lib. 3. cap. 2.*) Matronæ & Scenicæ; Aristænetus *lib. 1. epist. 19. pag. 136. Edit. Paul.* de Scenica quadam agens, quæ scenæ liberata fuerat, præsentem eius & modestum iam habitum describens scenico oppositum eo alludit, *εἶδον καὶ ἀμφιδέτας, καὶ περισκέλιδας & τὰς περιέργας ἐκεῖνας ὡς Φίλην ἀλλ' ἔργον ὅτι τὴν ἐλευθερίαν προπῶδες τοῖς αὐτῇ καὶ περιανχέειν, καὶ τὸν ἄλλον κόσμον ἰδοὶ τις ἂν, vidi & armillas & femoralia, non curiosa illa, mi anime, sed liberam fere decentia. Ad eundem modum & monile videas, & ceterum muliebrem mundum, &c.*

P. 374 Ouid. de Remed. Amor. l. v. 344.

Auferimur culta, gemmisque auroque teguntur

Omnia, pars minima est ipsa puella sui

Manilius lib. 5. v. 406.

Perque caput ducti lapides, per colla, manusque.

Vide & apud Plinium *hiss. lib. 9. c. 35.* Locum de Lollia Paulina, Cæsar Principis matronæ vestibus. Quod de tunica ornata Solinus perperam accepit *cap. 53.* Aurum scilicet alioquin gemmarum accessio fuit, ut alicubi loquitur Plinius, *lib.*

33. *proem. sine.* Vestium gemmis ac margaritis confectarum mentio fit in Historia Augusta, & apud Gregorium Nazianzenum non semel. Πέπλος καταμαργάρες vocat Manasses, vestes gemmis operatas. Sinesones μαργαρίτιδες, *Auctor periplus maris rubri* Clemens Alexandrinus *Padagogi lib. 2. cap. 12.* hunc foeminarum luxum circa gemmas damnans, memorat & ipse λίθους γυναιξὶ περιδεδμένους, τοῖς ὄρμοις καὶ τοῖς περιδεδμένους ἐγκατακλειόμενους, gemmas monilibus alligatas & inclusas torquibus. Ioan. Chrysostomus etiam *homil. 21. in cap. 5. Genes. in fin. pag. 192. Tom. IV. Edit. Benedic.* hunc matronarum (imo & virorum) luxum proscribit, quæ τῷ μεγέθει καὶ τῷ ὄγκῳ τῶν λίθων, magnitudine gravitateque lapidum, seu μαργαρίταις, erant καλλωπίζουσαι, ornatae. Idem & *homil. 37. in cap. 15. Genes. pag. 381. Ed. Ben. Tom. cit.* ubi eis luxum exprobat, καὶ τὸ μετὰ τῶν διαχρύσων ἱματίων, καὶ τὰ χρυσία αὐτὰ περικείσθαι ἐπὶ τῇ κεφαλῇ, ἐπὶ τῇ τραχήλῃ καὶ τῇ λοιπῇ σώματι, cum auratis vestibus & auro in capite, in collo & in aliis corporis partibus ornantur. Et passim alibi Chrysostomus.

Secundo uti vetantur Mimæ SIGILLATIS & quidem sericis, etsi sericis & quidem varii coloris uti possint. Ita enim tria Sericarum vestium genera *hac leg.* constituntur opponunturque: Serica, inquam, nuda seu in genere, & sigillata serica, & serica variis e coloribus. Serica sigillata pretiosissima fuisse oportet, ut quæ gemmis hic, & auratis textis æquantur. Pollio etiam in Tyrannis. ac nominatim, in *vita Herodis*, inter delicias Herodis, & Orientalem ac Græcam luxuriam ponit & componit hæc duo: Sigillata tentoria, & auratos papillones. Sigillatura sericum ut breve faciam, sericum est, in quo sigilla, id est, figuræ hominum aut belluarum aliarumque etiam rerum, expressæ, intextæque sunt. Hinc & eadem Græcis dicuntur, ἔχοντα ζωδια, ut Clementi Alexand. *Padagogi lib. 2. cap. 10. pag. 149. Edit. Heinsii Lugd. Bat. ζωδιαῖα, H. sychio ζωδιαῖος χιτῶν*, est omnino sigillata vestis. Sane & in Glossis Philoxeni, Sigillum vertitur, ἀνδριανίστριον, ζωδιον, & in Glossar. Cyrilli, ζωδιον, sigillum, item ζωδιωτός, sigillatum, & ζωδιοποιός, Signarius. Inde igitur sigillatæ vestes, quarum meminit & Pollux *lib. 7. cap. 13. sepm. 55. pag. 724. 725. Edit. Hemsterhus.* ὁ δὲ κατάσκευασίων ἐστὶν ὁ ἔχων ζωα, ἢ ἀνθ' ἐυφασμένα, καὶ ζωαῖος δὲ χιτῶν ἐκαλεῖται, καὶ ζωδιαῖος, sed distincta tunica, est animalia, aut flores intertextos habens. De belluata tunica dicitur, aut animalibus intertexta. De his quoque vestibus Asterius in *homil. 1. de Diuine & Lazaro, p. 3. Edit. Rubenii*: qui vocat hæc sigilla, in vestibus εἰδωλα. Ἀλλὰ τίνα κενὴν ὑφαντικὴν ἐξευρόντες, καὶ περιέργον, ἥτις τῇ πλοκῇ τῇ σήμῳ πρὸς τὴν κρόκην τῆς γραφικῆς μιμεῖται τὴν δύναμιν, καὶ πάντων ζῶων τοῖς πέπλοις τὰς μορφὰς ἐνσημαίνει, τὴν ἀνδρὶν καὶ μυρίους εἰδώλους πεποικιλμένην φιλοτεχνῶσιν εὐθ' ἄρ' αὐτοῖς τὰ καὶ γυναιξὶ καὶ πασίν: ὅταν ἐν εἰδωλομένοι φανῶσι, ὡς ταῖς γεγραμμένοι παρὰ τῶν συνυγχαίνοντων ὁρῶνται, &c. sed inani quodam & superuacuo commento, quod artem pictoriam per flamen atque subtegmen imitatur, omnium formas animalium in vestibus exprimit, florida ac sexcentis variegata figuræ vestimenta tum sibi, tum vxoribus & liberis comparant. Quandocumque igitur in publicum prodeunt, quasi diuini parietes ab obuiis aspiciuntur. Quo loco etiam addit ab his qui religiosiores videri volebant, historias Evangelicas intextas. Ammianus

Marcel.

Marcellinus lib. 14. cap. 6. de Romano luxu. agens vocat vestes effigatas in species animalium multiformes. Alii summum decus in carrucis solito altioribus & ambitioso vestium cultu ponentes, sudant sub ponderibus lacernarum, quas in colli exerta cingulis ipsis adnectant; (vel ut habet editio postrema, quas collis insertas singulis ipsis adnectunt) nimia subteminunt (vel subiegmunt) tenuitate perslabiles, expandentes crebris agitationibus (vel ut in Editione postrema, filiis extantes crebris a locis omnibus) maximeque sinistra. Ut longioris fimbria tunica perspicua luceant varietate liciorum effigata in species animalium multiformes. Prudentius in Hamartigenia v. 290. posteaquam de scutulatis egit, subiicit mox de Sigillatis.

Additur ars, ut fila herbis saturata recoctis,
Illudant varias distincto flamine formas.

Qui locus componendus cum Asterii loco. Sigillata igitur serica vestis est in qua exprimuntur distincto varioque flamine formæ & effigies seu sigilla hominum & belluarum. Itaque & belluata alibi dicuntur. Sane multa sigillatorum mentio apud Anastasium in Leone III. & Paschali, & in Leone IV. pagina 224. 268. 306. Edit. Romana. Vela, inquit, holoserica maiora sigillata habentia περίλυον & crucem. Item, obtruit vestem albam sigillatam cum rosulis, habentem in medio crucem. Item, fecit vestem, sericam albam sigillatam cum Gammadiis. Ecce apud Anastasium vela holoserica sigillata, & vestem sericam albam sigillatam. Idem alibi memorat Gammias sigillatas. Sigillata igitur serica vestis, est vestis signis seu sigillis florens. Cum his sigillatis eodem faciunt Sangliones, quorum mentio apud Pollionem in vita Claudii c. 17. & in testamento Gregorii Nazianzeni. His sigillatis hic coniunguntur textæ auratæ, scilicet ut sigillatæ serico textæ in varias figuras, ita & auratæ textæ in varias etiam figuras: sic ut & ipsæ textæ auratæ sigillatæ sint: Et vero hic quoque dici videntur: nulla, sigillatis, sericis aut textis utatur auratis. Contra sigillatis hic opponuntur serice varii coloris: variis coloribus serica est, quæ plures intextos habet colores, quæ Latinis varia vestis dicitur, & varii coloris, & vno verbo, coloreæ vestis, πολύμυτον Græci vocant, seu ποικίλην, de quo prolixè egit Salmasius in Vopiscii Aureliano c. 46. Igitur Mimis mulieribus ἀνδραῖ, id est, versicolores vestes permittuntur, quarum usus solis meretricibus Athenis olim permissus fuit. Sed & Romæ olim L. Oppia versicolorum vestium usus mulieribus permissus non erat, postea permissus fuit, easque gestarunt Matronæ Romanæ, ut ex Vopiscii Aureliano c. 46. liquet. Hinc ἀνδραῖ καὶ ποικίλην vestis, pro muliebri. Apud Plutarchum in Romanis Quæst. Tom. II. Oper. pag. 278. Ed. Xylandr. & Artemidorum lib. 2. cap. 3.

Tertio, prohibentur Mimæ Textis auratis, quas & ipsas sigillatas esse dixi, uti, id est, χρυσοπύσους ἱματίους, de quibus non vno loco Chrysostomus, veste aurata, quæ sigillatis sericis, & gemmis hic iungitur. Ita quoque Capitolinus in Marco c. 17. Vendidit, inquit, & vestem uxoriæ, sericam & auratam, gemmasque etiam, quas multas in repositoryo sanctiore Adriani repererat. Capitolinus quoque in Maximinoliuntore c. 2. ubi arrhas sponalitates Regias memorat; Manserunt, inquit, apud eum arrha Regia, quæ tales fuerunt, monolinum (Monolinum est filum, quo margaritæ insertæ sunt: nam & ita in Glossis τετράλινον, quadrifilum gemmarium) de Albis nouem (Alba sunt margaritæ) reticulum de Prasinis (id est, Smaragdis) undecim, dextrocherium cum costula de hyacinthis quatuor, præter vestes auratas, & omnes Regias, ceteraque insignia sponsaliorum. Auratæ igitur vestes inter Regias & Matro-

Tom. V.

nales sunt, quas & Alexander Severus ministris suis sustulit, teste Lampridio c. 35. & hac leg. Theodosius interdicat Mimis & Scenicis mulieribus. Has vero vestes textas auratas, vocat Chrysostomus homilia 37. in cap. 15. Genes. p. 381. Tom. IV. Edit. Benedict. χρυσίῳ καθυφασμένα. Οἱ πάντα τρόπον σπαράζοντες; τὰ μὲν σπρικὰ περιβεβλημένοι πελάκις ἱμάτια, καὶ σοβεῖν ἐπὶ τῆς ἀγορᾶς, καὶ τὰ μὲν χρυσίῳ καθυφασμένα περικεῖσθαι, τὰ δὲ καὶ ἄλλως πῶς πεποικίλθαι: Qui modis omnibus dant operam, ut sericis vel auro vel aliter pictis vestibus intertextis induantur, & post se purpuram ciabant in foro. Quibus postremis etiam verbis sigillata serica indicari videntur.

Postremo vetantur Mimæ uti Crustis, quas vocant, p. 375 vestibus. Quid vero hoc nominis sit, & cuius generis hæc vestis, vel hæc lex docet. Nempe ait lex, Crustas dici Græco nomine a Latino, id est, si recte hic locus habet, Græco desumpto a Latino & mutuato. Alii tentant Græco nomine ac Latino. Alii, (& in his Salmasius Pollion. Claud. cap. 17.) Græco nomine Latini Crustas vocant. Crustam vestem nil aliud esse quidam putant, quam bene percussam, ita vocatam a densitate texturæ. Nam κρούειν est concutere. Crustæ igitur fuerint concussæ & bene percussæ vestes, quæ & concutia (aut eucutia) dicuntur apud Pollionem in vita Claudii c. 17. ut apud Festum contra, decutes (decotes) togæ sunt detrictæ. Vide Salmasium ad l. c. Pollionis. Quæ significatio nil commune habet cum his crustis, quibus a colore nomen. Fornerius III. Quotid. II. crustas hic legit, quasi ἀπὸ τῆς χροῦς, seu a tinctura. Quod generale nimis & absurdum; neque enim crusta dicitur. Putaret etiam quis hic legendum Crustas, χρυσοπύσους, quarum meminit quoque Clemens Alexandrinus Pedagog. lib. 2. cap. 10. p. 149. Edit. Heinssii Lugd. B. Memorat & Chrysostomus homil. 70. in Matth. edit. Comel. pag. 608. su. hom. 69. num. 2. in fin. pag. 682. Tom. VII. Ed. Benedict. χρυσοπύσους χρυσοῖς περιβεβλημένην, πεποικιλμένην, vestitu deaurato circumdatam, varietate ornatam. Inanis coniectura est Petavii in Theophrasti Orat. II. p. 626. qui eo referre tentabat Glossarii titulum Crustæ, γρόττα, quasi vestium genus illud indicetur quasi friuolum ac relictum, quod a specie siue veste principal. reiiceretur. Verum verissima sententia mihi videtur, a variegatis marmorum crustis hanc vocem derivari: sic ut specialiter Crusta vestis dicatur, ubi alteri colori admixtus erat purpureus: sic enim & Crustæ olim dictæ in vasis auri, argenti, emblemata seu adfixæ imagines, quæ ex diversis materiis illigabantur: Cicero 4. in Verrem cap. 23. Quæ probarent, iis crustæ aut emblemata detrahebantur. Sic Haluatini excussis deliciis, cum argento puro domum reuerterunt. Ab his vasorum crustis, earum artifices Crustarii apud Plinium lib. 33. cap. 12. ubi de Teucro Crustario. Hæc lex scilicet hanc vestem ita describit, quod in ea puri muricis rubor ALII colori admixtus inardesceret: id est, quæ variegato colore constabat. Non erat scilicet holouera, non meram purpuram continebat: non, inquam, ex omni parte texturæ cruore conchylii infecta erat (ut loquitur lex ultim. supr. de vest. holou.) non ardescibat, sed inardescibat: Nam vel stamina eius erant tincta conchylio; seu per eam decurrebant fila solidata conchylii infectione; vel subtemen eius purpureum erat, de quo dictum fuit ad d. l. ultim. supr. de vestibus holou. Purpurea scilicet vestis serica vel erat tota purpurea, seu tota ardescibat, cuius usus priuatis omnibus interdictus erat; vel inardescibat, id est habebat tantum stamen purpureum vel subtemen purpureum. Ergo Crusta vestes erant variegato colore ex purpura &

H h h

alio

alio mixto textæ. Vbi non mera purpura ardescebat, sed mixta alii colori inardescibat. Quam vsus honestioribus Matronis permixtus erat; solæ vero Scanicæ & Mimæ eas hac leg. vsurpare ventantur.

Atenim scutatis vestibus Mimæ hac leg. non interdiciuntur. Scutate hic pro Scutulatæ. Scutulatæ vestis meminit & Iuuenalis Satyra 2. v. 97.

Cerulea indutus scutulata, aut galbina rafa.

Eadem intellexit & Prudentius his verbis in *Hamarigenis* v. 287. sequi.

Eoo ex orbe petitis

Ramorum spoliis fluitantes sumere amictus

Gaudent, & durum Scutulis perfundere corpus.

Meminit & Scutulorum Hieronymus in *versione Bibliorum*, locis quæ mox consignabo. Dicta vero scutulata vestis, a scutulis. Scutula est σκῦδα in *Glossis*, non a voce scutum. Nam & in scutulata prima brevis est: Scutula autem est Segmentum aliquod quadratum vel orbiculatum, vel cuneatum, quod & in vestibus Virga dicitur. Virgæ autem sunt viæ transversim & decussatim ductæ in vestibus. Itaque virgata vestis, & scutulata eadem. Ac proinde scutulatæ sunt maculis notis quadratis

ferme vel orbicularibus etiam variegatæ. Itaque quas Septuaginta Interpretes πεποικιλμένας, & ποικίλματα vocant; Psalm. 45. vers. 14. & Ezech. 27. vers. 16. ea Hieronymus vertit scutulata. Fasciis, inquit, aureis ornata est, in scutulatis ducetur ad Regem. Item, purpuram, & scutulata, & byssum & Sericum. Hinc & scutulatum rete, de araneæ tela, Plinio lib. 11. cap. 24. hinc & scutulatus color apud Palladium, (de quo mox) & Isidor. 12. cap. 1. & Plinius maculas & plagulas in retibus vocat scutulas, & Liuius lib. 38. c. 29. in funda vocat scutalen reticulatum in medio fundæ. Hinc & quod alii tribuunt Gallis, virgata sagula, Plin. lib. 8. cap. 48. ita describit: Inuentum Gallorum est scutulis sagos diuidere: idque Diodorus lib. 5. cap. 6. pag. 215. Ed. Rhodom. ita effert: σάγες ῥαβδωτὰς πλανθίαις πολυανθέσι, καὶ πυκνοῖς διελημμέναις, Saga virgata, scutulis floreis & crebris distincta. Sagula versicoloria vocat Tacitus bist. 5. cap. 23. Scutulata itaque & virgata sunt crebris laterculis, quadris, orbiculis distincta, diuisa: quale quid in retibus aut reticulatis operibus apparet. Vnde etiam inter præcipuos colores equi, scutulatus ponitur a Palladio in Martio, cap. 13. quem nos pommelæ vocamus. Et pauimenta ex scutulis eidem, lib. 1. c. 9. in fin.

De IMAGINIBVS, VESTIBVS & CONSORTIO scenicarum.

XII. (a) Idem AAA. ad Rufinum PF.P. (b)

SI qua, in (c) publicis Porticibus, vel in his (d) ciuitatum locis, in quibus Nostræ solent Imagines consecrari, (e) pictura, Pantomimum veste humili, & rugosis sinibus Agitatore, aut vilem (f) offerat (g) Histriionem, ilico reuellatur: Neque vmquam posthac liceat in loco honesto inhonestas adnotare personas: In aditu vero Circi, vel in Theatri prosceniis, (h) vt conlocentur non vetamus. His illud adicimus, vt Mimæ, * & qui ludibrio corporis sui questum faciunt, publice habitu earum Virginum, quæ Deo dicatæ sunt, non vtantur: Et, ** vt nulla femina, (i) nec puer, Thymelici (k) consortio inbuantur, si Christianæ religionis esse cognoscitur. Dat. III. Kal. Iul. (l) Heracl. (m) Arcad. A. III. & Honorio A. II. Coss. [394.]

N O T Æ.

(a) Lex 4. Cod. Iustin. de Spectacul. Iungendæque huic legi videntur nonnullæ aliæ huius anni constitutiones, æ nominatim lex 18. supr. de Cobortal. l. 139. supr. de Decurion. Imo forte & l. 31. supr. de Operib. publ. GOTHOFER.

P. 376 (b) Rufinus PP. sub Theodosio M. Orientis scilicet. IDEM.

(c) Abest a Cod. Iustin. nonnullis Edit. ID.

(d) Aliis. ID.

(e) Vide de hoc tit. supr. de Imagin. Imperial. ID.

(f) Vid. de plebeis Scenicis & eorum vilitatē l. vnic. infr. de vsu fellarum. ID.

(g) Id est, ingerat transeuntium obtutibus: Quare non mutandum id in referat, quod putabat Vir doctus Filescus, Selectorum 11. p. 134. ID.

(h) De Proscenio mox. ID.

* Lex 4. Cod. Iustin. de Episcop. Audiens. hinc desumpta est. Est autem hoc secundum legis caput. IDEM.

** Tertium huius legis caput. ID.

(i) Ancilla: vt l. 2. infr. de Lenonibus. ID.

(k) De Thymelicis actum iam leg. 6. supr. ID.

(l) Malim

(I) Mallim *Iun.* iam enim XV. Kal. Iul. Hadrianopolim processerat Theodosius aduersus Eugenium moturus. *ID.*

(m) *Heracleia* hoc tempore Theodosius M. ut præter *hanc leg.* docet etiam *d. lex 18. supr. de Coboriat.* Nempe ex Vrbe Constantinopolitana in Occidentem tendens aduersus Eugenium & Arbogastem. *IDEM.*

COMMENTARIUS.

DE IMAGINIBVS, VESTIBVS, & CON-SORTIO Scenicorum est hæc Theodosii Magni constitutio, Anno D. 394. qua in summam tribus his modum ponit, PRÆMIIS inquam Scenicorum, VESTIBVS Scenicarum, VSV denique Thymelicorum: Eo fine, ut ne Maiestati Principis, ut ne Sanctimonie & Religioni Christianæ ea re dedecus aliquod aut macula, contagio Scenicorum vel Scenicarum inferatur. Hic scilicet finis est huiusce Theodosianæ Constitutionis, qua ut dixi Tria capita continentur.

Primum caput est de IMAGINIBVS Scenicorum, quo in loco videlicet eæ reponi possint. Nempe inter præmia Pantominorum, Agitatorum, Histrionum, fuerunt quoque Imagines seu picturæ, quibus præmii ergo donabantur. Fides ut ab hac constitutione, ita & a Martiali lib. 5. Epigr. 26. & a Luciano, in *Nigrino* pagina 37. Tom. I. Edit. Græu. ubi in Theatris & in Circo, καὶ τὰς τῶν ἡνίοχων, & aurigarum, vel ἀμαρτυλῶν εἰκόνας, καὶ τὰ τῶν ἵππων ὀνόματα, detestabilem imagines, & equorum nomina, Chrysostomus in Psalm. 3. in princ. Tom. I. Edit. Benedic. νικηφόρος εἰκόνας καὶ σήλας ἐγείρσιν ἀρχόντες ἡνίοχους καὶ ἀθλητῶν, καὶ τῶ ἐπιγράμματα ὡς σόματα κύρυκα τῆς νίκης τὴν ὕλην ἐργάζονται: Aurigis & athletis imagines & columnas eorum victoria testes excitant principes, & inscriptione tanquam ore afficiunt, ut materia victoriam prædicet. Verum hæc imagines, seu effigies vetantur hac constitutione collocari (& si quæ collocatæ sunt, reuelli iubentur) Collocari, inquam, in publicis perticibus aliisque locis Ciuitatum publicis, in quibus Principum alioquin Imagines erant: hac ratione addita; ne inhonestas personas liceat adnotare in loco honesto. Nempe noluit Theodosius M. suas aliorumque Principum Imagines inter Theatrales spectari & committeri: Theatrales, inquam, personarum huiusmodi inhonestarum: Nempe Scenici, Pantomimi, Agitatores, Histriones, etsi famosi non fuerint, l. 4. D. de his qui not. infam. attamen inhonestæ personæ fuerunt. Inhonestum ab infami longe recedit: Cornelius Nepos in præfat. hanc ad rem: In scenam vero prodire, & populo esse spectaculo, nemini in eisdem Gentibus fuit turpitudini, quæ omnia partim infamia, partim humilia, atque ab honestate remota ponuntur. Arnobius de rebus ludicris agens, lib. 7. pag. 227. Edit. Steuechii. Quarum, inquit, actores INHONESTOS esse IVS VESTRVM, & inter capita computari iudicauit infamia. Inter inhonestas igitur personas hic adnotantur Pantomimi, Agitatores, Histriones: quare & turpe munus Scenicorum dicitur l. 4. supr. & immemores honestatis qui eas sibi sociant, l. 5. supr. Hinc & Interpretes ad l. 1. supr. de inoff. test. Thymelicos inter turpes & infames numerat, quibus institutis, fratri inofficiosi querelâ competat. Et in eodem argumento, Theophilus §. i. Instit. de inoff. testam. ἡνικα αἰσχροὺν ἐπέχουσιν οἱ γεγραμμένοι προσωπων, οἷον ἡνίοχοι, μίμοι, κύνες, cum heredes instituti turpes personas sustinent, ut agitatores, mimi, arenas. vid. & Harmenop. §. i. c. 6. §. 2. Adde & Tertullianum de Spectacul. c. 22. & Chrysostomum huius temporis Scriptorem, ut mittam alios, homil. 38. in Matth. num. 6. 7. pag. Tom. V.

422. 423. 424. Tom. VII. Opér. Edit. Benedic. & in 1. ad Corinth. homil. 12. p. 318. & pag. 103. 104. Tom. X. Edit. cit. & homil. de S. Phoca pag. 703. Tom. II. Ed. cit. Aristænetus quoque epist. 19. de Scenica quadam agens αἰσχροὺν ἐργασίαν vocat: vid. & initium eius epist. Certe qui artis ludicræ causâ in scenam mercede descendunt, famosi sunt ex edicto, l. 1. §. 2. D. de his qui not. infam. veluti qui operas suas, ut cum bestis depugnarent, locauerunt: At non & Athletæ, neque Thymelici, neque Xystici, neque Agitatores, &c. ex l. 4. eod. tit. nonnulla Petrus Faber 1. semestr. cap. 20. & Fabrotus ad Superiorem Theophrasti locum, p. 366. vide & quæ notauimus ad leg. vnica. infr. de usu sellar. In aditu itaque Circi tantum & in Proscenio Theatri Scenicorum picturas collocari permittit Theodosius M. nempe locis professioni ipsorum competentibus. Cassiodorus in formula Tribuni voluptatum, lib. 7. epist. 10. ubi de Scenicis: Temperentur & hæc legum qualitate negotia, quasi honestas imperet INHONESTIS, & quibusdam regulis viuunt, qui viam rectæ conuersationis ignorant. Et in fine, Cum FAMA DIMINVTIS salua tuâ opinione versare. Proscenium, locus patens & liber fuit in fronte Scenæ, ait Isidorus Origin. 18. c. 43. in quo Actores, histriones agebant. Diomedes lib. 3. p. 487. Edit. Putschii: Mimi, Planipedes dicti, quod Actores planis pedibus, id est, nudis proscenium introibant, non ut Tragicæ Actores cum cothurnis, utque Comici cum soccis. Suggestus scilicet Scenæ altus erat: hic Suggestus vocatur à Vitruvio Pulpitum Proscenii, quia infra scenam Proscenium sit, Pulpitum autem quinque pedibus altum supra Proscenium. Itaque Scenæ pulpito est altior; Pulpitum altius proscenio, Proscenium Orchestra, Seruius 2. Georgic. v. 381. ait; Proscenium fuisse pulpita ante scenam, ubi ludicra exercerentur. Per proscenium in scenam ascensum fuisse docet Synesius 2. de prouid. pagin. 128. Edition. Peitzi. εἰ δὲ τις εἰς τὴν σκηνὴν εἰσβῆαι οὐλοῖται τὰ προσκηνία, &c. Si quis in scenam irruerit per proscenium. In Proscenio fuerunt olim Aræ: vnde Plautus in Amphitru. prologo. v. 91. (quod huc maxime facit) Etiam Histriones anno, cum in Proscenio hic Iouem inuocauerunt, venit. Item ædificia, eodem teste in Truchento, prolog. v. 10. Athenæ ista sunt, ita ut hoc est Proscenium, tantisper dum transigimus hanc Comediam. & Proscenii istius fastigio, Actores qui in pulpito erant, spectari poterant; ut ex Suetonio in Nerone, cap. 12. liquet. Exculta itaque proscenia: Vnde & scortò seu meretrici proscenio nomen; quod esset lepida facie; sumptuosisque vestibus induta; exuta vero; maxime deformis: teste Antiphane apud Athenæum lib. 13. pag. 387. Edit. Casaub. Suida voce κῶνιον: διὰ τὸ ἐξωθεν δοκεῖν εὐμορφότεράν εἶναι: vid. & totidem verbis apud Hæroclætionem voc. Νῶνιον.

In hæc interim leg. & priore quidem hoc eius capite obseruanda insignis κυρολογία, circa habitum Scenicorum, hisce verbis: Pantomimum veste humili, Agitatorem rugosis sinibus, Histrionem vilem. De singulis videndum. Vests scilicet humilis Pantomimo tribuitur, quæ vtiq; ad manum saltanti, chironomonti, manibus gesticulanti apta, propriaque, ne alioquin saltanti prolixior impedimento foret: Ita enim humilem vestem hic accipit,

p. 377. *incipio*. Quamquam & alias *humilis vestis*, pro ea qualem humiles & exiguae contemptaque fortis homines gestarent, quas Græci *λατὰς & ἐντελεῖς ἐοῦντας* vocant: Spartianus in *Hadriano cap. 10.* inter alia Hadriani, *Cum Dux militia esset, vestem, inquit, humilissimam frequenter acciperet, sine auro balteum sumeret, sine gemmis fibulas fringeret, &c.* Spartianus in *Severo cap. 19.* vocat vestes exiguas, quas scilicet exiguae fortis homines gestarent. *Hic, inquit, tam exiguis vestibus usus est, ut vix tunica ipsius purpure aliquid haberet, & cum byria chlamyde humeros velaret.* Mimis quoque centunculum tribuit Apuleius, in *Apologia pag. 252. Edit. Lugd. B. 1623. apud Ioan. Maire, ut histroni crocotam, tragædo firma: ubi crocota est sericum indumentum, quod proinde pantomimis his non recte tribuitur a Viris doctis.* Certe Pantomimi vti veste atque habitu conuenienti si cuius fabulam saltarent; de quo vid. Voss. *Insp. poet. lib. 2. cap. 36. §. 9.* Et hæc de Pantomimi habitu. *Agitatori vero sinus rugosi hic tribuantur; nempe equos agitantis proprium hoc sinus vestis non habere distinctos, atque ordine inuicem adstrictos, sed rugosos atque inconditos & inordinatos. Nempe rugæ in vestibus olim aliæ casu fiebant ex ipsa vestis redundantia; aliæ arte constabant & ex industria struebantur, ad ornatum vestis conciliandum, per *σολίδας*, quas Græci vocabant, & *σολήνας*: Quod Chrysostomus reprehendit in sacris Virginibus, rugas inquam circa pectus paries, *homilia 8. in 1. Timoth. 2. pag. 591. Tom. XI. Edit. Benedictin. περὶ τὰ εἶδη πολλὰς τὰς εἴσδας.* Quarum omnium rugarum & striarum centrum erat umbo & umbilicus, quo omnes togæ rugæ nodo quodam constringebantur, & ut loquitur Tertullianus, custodibus forcipibus assignabantur. Locus est insignis apud Macrobius lib. 2. cap. 9. (ut omittam Tertullian. de *Pallio**) ubi de toga Horrentii loquitur, de rugis non forte, sed industria locatis: *Togam, inquit, corpori sic applicabat, ut rugas non forte, sed industria locatas artifex nodus constringeret, & sinus ex composito defluens, nodum latius ambiret.* Vilis tandem histrio hac leg. vocatur, ob habitum quoque (ut ex adiunctis colligere est) Histronis scilicet vilis habitus. Et hæc de primo huius leg. capite.*

Secundo capite, *Mimæ & quæ ludibrio corporis sui quæstum faciunt, VESTEM a Virginum sanctimonialium veste diuersam habere a Theodosio N. iubentur; ut superiori quoque lege II. Mimarum vestis a Matronarum distincta fuit ab eodem Theodosio superiore anno. Nempe peculiari habitu Virgines Deo dicatæ hoc æuo iam vsæ. Sane olim Matronas a prostibulis ac meretricibus vestitu distinctas fuisse, res est notior, quam ut exemplis comprobari debeat. Et sublatam hanc vestis distinctionem suis temporibus queritur Matrona quædam apud Nonium cap. 2. num. 497. ex Turpil. Att. Atque scalis, inquit, cum meretrice, nostro ornatu per vias lupantur. Tertullian. locis duobus; nempe cap. 6. *Apolog.* his verbis: *Video & inter matronas atque prostibulas nullum de habitu discrimen relictum.* Et lib. de cult. *fæmin. cap. 12.* *Aut quid minus habent infelicissime publicarum libidinum viçlima? Quas si qua leges a Matronis & matronalibus decoramentis coercerant, iam certe sæculi im-**

probitas quotidie insurgens, honestissimis quibusque fæminis vsque ad errorem dignoscendi coequauit. Neque abluat lex Græcorum, qua floridis velibus solæ meretrices vsæ; de quo videndi Athenæus lib. 12. cap. 4. Clem. Alexandr. lib. 2. *Padagog. cap. 10. pag. 147. Edit. Heins Lugd. B. Diodorus Siculus lib. 12. pag. 85. Tom. II. Edit. Rhodoman. & Suidas voc. ἐντελεῖς.* In peculiari porro veste Virginum sanctimonialium, fuit, Primo, *Velum*, seu mitrellum in capite; de quo velo seu velamine præter Ambrosium hoc tempore qui consecrationis Virginum ritum describit cap. 5. & 6. ad *Virg. laps.* insignis quoque locus est Optati Milevitani lib. 6. cap. 4. pag. 94. Edit. du Pin. atque hoc signo atque indicio professionis agnoscebantur. De quo *καλύμματα* Virginum sanctimonialium, quod superne a facie candidum suspendebant, Chrysostomus quoque d. *homilia 8. pag. 591. Edit. Ben.* Deinde pulla tunica & pallium furuum, de quo Chrysostomus d. loco & Hieronymus *epist. 12. & ad Marcellum, epist. 23.* Solent, inquit, *quædam cum futuram virginem sponsponderint, pulla tunica eam induere, & furuo operire pallio: item, pulla tunica minus, cum humi iacuerit, sordidatur.* Et vero hanc ipsam pullam vestem Mimas & meretrices affectasse verosimile est, sic ut a Virginibus sacratissimis minus distinguerentur. Nam & Acron ad Horatii lib. 1. *Sat. 2. v. 63.* Auctor est, meretrices Romæ fuisse cum pullis togis, quibus a Matronis discernentur. Sicut autem hac leg. Theodosius M. manus virginum quæ Deo dicatæ sunt, veste vti vetat; ita retro Chrysostomus d. *homilia 8.* virgines in eo reprehendit, quod quamlibet velo, pullaque tunica & pallio furuo induerentur, attamen, vestem & habitum componerent, *καθ' ὅπερ τῶν ἐπὶ τῆς σκηνῆς δεχόμενων, ut est illa in scena saltantium, & καθ' ὅπερ οἱ τραγωδοὶ, sicut tragædi, denique quæ ita cultæ essent, ut amplius non liceat διαγινώσκειν τὰς πόρνας ἐδὲ τὰς παρθένους, dignoscere meretrices neque virgines, ut idem frequenter foeminas notat ἄντας καλλωπιζέσας ἵας ἐν τῇ σκηνῇ μιμημένας, ita sese ornantes, scenicasque mulieres imitantes, veluti *homilia 91. su. 90. Edit. Ben. in Matth.* Atque hæc de secundo huius legis capite: deque interdicto quod eo continetur. Quod & ipsum postea *Capitularibus Caroli M. & Ludouici interdictum lib. 5. Capitul. cap. 235. & Aurelianensi constit. artic. 24.* quod a Baronio omissum, in *Annales Ecclesiasticos* referendum fuit; pariter ut tertium, quod sequitur.*

Postremo scilicet capite vetat Theodosius M. Christianam foeminam aut puerum Thymelicis consortio imbui. Quod & ipsum Theodosii M. in Religionem Christianam venerationis argumentum est. Nempe quemadmodum etiam ea, quæ naturali vinculo scænica conditione tenetur, si Religionem Christianam profiteri incipiat, naturali vinculo a Scænica liberatur, l. 4. §. 9. *supra* ita multo magis, qui Christiani iam sunt, a scæna, & scænico consortio remouendi sunt. Pari ratione Constantius l. 1. *infr. de Lenonibus*, foeminas Christianas lenonibus, seu lupanaribus vendi vetuerat. De Thymelicis iam dixi ad l. 5. *supra*.

* Consulte Cl. SALMASIUM ad Tertullian. de *Pallio* pag. 369. seqq.

LIBERARI *mimas officio suo Principis beneficio non posse.*

XIII. (a) Impp. HONORIVS & Theodosius AA. Diogeniano

V. C. Tribuno Volupt. (b)

MIMAS diuerfis Adnotationibus (c) liberatas ad proprium officium summa instantia reuocari (d) decernimus, vt voluptatibus (e) populi, (f) ac festis diebus solitus ornatus deesse non possit. Dat. VI. Id. Febr. Rum. (g) Constantio V. C. Cæs. (h) 414. Acc. a Tribuno Volupt. X. Kalend. Feb. Karthagine, Post Conf. Honor. IX. & Theod. V. AA. COSS., [413.]

P. 378

NOTÆ.

(a) Abest & *hec lex* à *Cod. Iustin.* videri possit huic coassunda *lex 176. supr. de Decurionib.* vbi dixi. GOTHOFR.

(b) *Karthagine*, vt docet subscriptio *legis.* IDEM.

(c) Id est beneficio Principis, *leg. 9. supr. ID.*

(d) A te Tribuno voluptatum. ID.

(e) Ludis. ID.

(f) *Karthaginis.* ID.

(g) *76. Rau.* Similis subscriptio Anno 413. l. 13. *infr. de infirm. bis qua sub Tyrann.* quomodo & *Rom. subscriptum* Ann. 414. l. 55. *infr. de Hereticis.* ID.

(h) *76. Cos.* Porro conturbati hic sunt Consules: de quo mox. ID.

COMMENTARIVS.

LIBERARI potuisse BENEFICIO Principum Mimas seu Scenicis a scæna, docuit l. 4. & 9. *supr. hoc tit.* quæ postrema ad eandem Africam & Karthaginem pertinet, lataque fuit 30. & quod excurrit, ante annos: Verum alia nunc sententia placet Honorio *hac lege*, & quidem in eadem Vrbe Karthaginensi: siquidem beneficio Principum liberatas Mimas Karthaginenses *hac leg.* in scenam reuocari iubet. Nempe, vt ex ea facile colligi potest, quod populus Karthaginensis & Africanus erga ludos studiosissimus (quod etiam docuit *lex 2. 3. 9. hoc tit.*) huiuscemodi Principum adnotationibus interceptas sibi voluptates suas & festorum dierum solemnias apud Principem conquestus fuisset, atque id etiam Tribunus voluptatum Honorio Imp. insinuasset. Nempe *Tribunus voluptatum* peculiaris vt in aliis primariis Ciuitatibus, veluti Romæ, & Mediolani, ita & Karthagine quoque fuit. Cuius Tribuni voluptatum formula extat apud Cassiodorum, *lib. 7. form. 10.* fit eiusdem mentio *lib. 6. formula 19. Cum lasciuæ voluptates recipiant Tribunum*, & de eodem Tribuno Mediolani est *epist. 25. lib. 5.* vbi Theodoricus confert Bacaudæ viro superillustri & seni perpetuum Tribunatum, vt diligentissime curet exhiberi voluptates in Vrbe Mediolanensi. Erat autem Tribunus voluptatum, qui voluptatis vrbeicæ, id est, ludorum curam gerebat, atque proinde idem Scenicis gregibus, veluti tutor, Iudex, moderator appositus, sic vt in eos districtiorem etiam haberet; vt ex prædicta Cassiodori formula liquet. Alius vero ab hoc Tribuno voluptatum est ille, cuius meminit Sueton. in *Tiber. cap. 42.* cum scribit, *Tiberium nouum*

officium instituisse a voluptatibus, præpositio Equitæ Romano Tito Cesonio Prisco. Hic enim voluptatibus priuatis Principis præfuit; ille vero voluptatibus populi: Denique meminit Firmicus *lib. 3. cap. 7.* ibi, *Præpositorum voluptatum earum quæ ad delectationem Regiam præparantur, quique annonas ab Imperatore accipiebant.*

Cæterum in subscriptione duo adhuc notanda sunt. Primo quidem inuersos esse plane COSS. atque subscriptionem ita restituendam: *Dat. VI. Id. Febr. Rum. post Conf. Honor. IX. & Theod. V. AA. CONSS. Accep. a Tribun. Volupt. X. Kalend. Febr. Karthagine Constantio V. C. COS.* Nam alioquin dicendum esset, (quod absurdum,) prius acceptam quam datam legem hanc.

Secundo obseruandum, integro Anno ante datam hanc legem quam acceptam. Cuius rei causa hæc est, quia statim post eam constitutionem datam, Anno 413. *Heraclianus* Comes Africa Karthaginem & Africam sibi vindicauerat, & tyrannidem vsurpauerat; de quo videlicet est *lex 21. supr. de infirm. bis qua sub Tyrann.* & Chronicorum Scriptores, Idacius, Marcellinus, Prosper. Sic quidem, vt in Italiam, & ad Urbem Romam proxime cum ingenti exercitu transgressus sit; verum is eodem Anno 413. primum Occricoli non longe ab Vrbe Roma superatus, paulo post in Africam profugus, Karthagine in æde Memoriz percussoribus missis ab Honorio occisus fuit: & tum demum cæso Heracliano, vbi necessariis rebus prospectum, hæc lex initio sequentis Anni 414, a Tribuno voluptatum accepta fuit.

DE LENONIBUS.

TITVLVS VIII.

Proximo confinio cohæret hic *titulus* superiori; Recte. Nam quæ scænica, eadem & publicæ libidinis ferme victima. Et huic tit. respondet tit. Cod. Iust. lib., II. de Spectacul. & Scæn. & Lenonib.

PARATITLON.

LENONES, Rubr. & l. 2. hoc titulo, & Lenæ, quæ portentosæ vilitatis dicuntur, l. 1. in fin. supr. de reuoc. donat. sunt, qui lupanaria, l. 1. h. t. exercent; in quibus scilicet scæminæ vile ministerium prostituti pudoris explent, l. 1. h. t. coitionis sordes ferunt, l. 2. h. t. De iustissimo horum odio & pœnis est Constantii Imper. lex 1. h. t. & Theodosii Iun. lex 2. hoc tit.

P. 379

CONSTANTII Imp. constitutio in lenones Christianarum ancillarum.

I. (a) Imp. Constantinus (b) A. ad Seuerum P. V. (c)

Si quis (d) fœminas, (e) quæ (f) se dedicasse venerationi Christianæ legis sanctissimæ dinoscuntur, ludibriis (g) quibusdam subicere voluerit, (h) ac lupanaribus venditas faciat vile ministerium prostituti (i) pudoris explere, nemo alter easdem coemendi habeat facultatem, nisi aut hii, qui Ecclesiastici esse noscuntur, (k) aut Christiani homines demonstrantur: (l) competenti pretio persoluto. Dat. IV. Non. Iul. Hierap. (m) Placido & Romulo CONS. [343.]

NOTÆ.

- (a) Absent & hæc lex a Cod. Iust. prælata l. 2. infr. Eam Baronius quoque in *Annalibus* suis omisit. GOTHOFR.
 (b) *ss. CONSTANTIVS*, ut docent Consules subscripti. Error in hoc nomine sæpe admissus hæc *Codice*: veluti, l. 3. supr. de diu. rescript. l. 1. supr. de iurisdic. l. unic. supr. de prob. Salar. ID.
 (c) An rescribendum PP. Seuerus enim hoc Anno non sternitur inter Præfectos Urbis Rome, in veteri Notitia, quæ apud Cuspinianum, verum Aconius Catullinus. Quid si Seuerus hic P. V. Constantinop. fuerit? IDEM.
 (d) Gentilis scilicet. ID.
 (e) Ancillas, filias. ID.
 (f) Imo, & eo quod. ID.
 (g) In ludibrium Religionis Christianæ. ID.
 (h) Id est subiecerit. ID.
 (i) Prostituti pudoris. Ita pariter Firmicus lib. 6. cap. 31. pag. 170. *Meretricem prostituti pudoris efficit, & quæ corpus suum prauis libidinum cupiditatibus tradat, pudorem suum mercedis quotidiana gratia potestati LENONIS addicens, eritque in publicis meritoriis prostituta, etiam si ex alto genere videatur esse progenita.* IDEM.
 (k) Qui sane habitu satis noscebantur. ID.
 (l) Probantur. ID.
 (m) Hierapoli quoque hoc ipso Anno, sine mensis superioris Data lex 35. supr. de Decurionib. ad Leontium PP. vbi sane Imperatores ferme consistere, vbi exercitus in Persas mouendus esset: vid. Ammianum, lib. 14. cap. 7. vide & Chronolog. Ann. 347. & Ann. 370. ID.

COMMEN-

COMMENTARIVS.

CONSTANTII Imp. hæc in lenones constitutio est, qua CHRISTIANAS fœminas a dominis Gentilibus prostitutas, Ecclesiasticis vel saltem Christianis redimendi, pretio contra competentem dato, potestatem facit Anno Domini 343. sexennio post mortem Constantini M. patris sui; necessitate imposita eas illis vendendi. Scilicet, ut Lupanaria e Republ. Rom. (iam Christiana) simul & semel inter hæc primorum Principum Christianorum initia, ac per Syriam nominatim (de cuius vago concubitu dixi ad *leg. 1. supr. de incest. nupt.*) quo hanc legem pertinere censeo, fugari, fœdæque Lenonum nundinationes proturbari non potuere, sic quidem ut Lenones & Lupanaria hac tempestate tolerata fuerint: quod de Constantini M. ætate docet quoque Lactantii locus *lib. 6. c. 23.* ita primus ad profligandam dedecus istud gradus hic fuit, ut Christianas fœminas prostitutas & Lupanari venditas, alii *coëmere*, id est retrahere seu redimere possent. Sed tamen Ecclesiastici vel saltem Christiani tantum. Quomodo & alioquin Ambrosius 2. *Off. 15.* inter officia Sacerdotis ponit, non tantum captiuos redimere, eripere ex hostium manibus, subtrahere neci homines, sed & maxime fœminas turpitudini. Et postea plenius adhuc ius Episcopis hac parte tributum *l. 2. prox.* vbi vid. quæ dicam. Quod quidem Christianæ Legis veneratione constitutum: pariter ut quod constituitur *l. pen. supr. de Scanticis*: quia (quod hæc *lex* etiam indicat) Domini Gentiles fœminas potestati suæ subditas, seu ancillas, Religionem Christianam amplectentes, ideo tantum, ut Christianam Religionem ludibrio subiicerent, in Lupanaria seu lustra detruderent, Lupanaribusque venditas vel traditas facerent vile ministerium prostituti pudoris explere. Quod quidem etiam ipsum ludibrii genus in Christianas mulieres persecutionum tempore iam olim exercitum, (ut ostendit iam Fornerius III. *Select. 21. pag. 108. 109. Tom. II. Thes. Iur.*) Id vero præter Acta Martyrum, & Apostolica Historiæ librum 3. vbi de Trophimæ, Palladium in *vita Patrum*, edocet insignis Ambrosii locus, *lib. 3. de Virginitate pag. 478. Tom. IV. Oper. Edit. Paris. 1614. & Epistol. 34. lib. 4. pag. 275. Tom. V. Edit. cit. & Basilii de vera Virginitate num. 52. pag. 636. Tom. III. Oper. Edit. Benediclin. Prudentii, περὶ σεφάων, in Passon. Agnet. hym. 14. v. 29.* vbi vox LUDIBRII pariter occurrit:

Omnis iuuentus irruat, & nouum

Ludibriorum mancipium petat.

Scilicet, hinc Gentiles per hæc tempora profectu Christianæ Religionis indolentes, nullum non vindictæ ludibriique genus in Christianos exercebant, quo pertinet hæc *lex*: inde Iudæi fœderalem ipsorum sectam fugientes, & ad Dei cultum respi-

cientes, etiam saxis alioque furoris genere attentare non verebantur, ut docet *lex 1. infr. de Iudeis*. Cæteroque pœnæ quoque genus hoc publice Romæ fuisse, in adulteras, ut in Lupanaria damnarentur, ostendunt ea quæ de Theodosio M. scribit Socrates *lib. 5. cap. 18.* Ex his apparet, Constantii mentem hac *leg.* non tam, vel non tantum ad lupanaria abolenda tendere; verum eo quoque, & vel maxime spectare, ut Religionem Christianam a ludibrio Gentilium vindicaret. Imo apparet, Constantium hac *leg.* non abolitum ire lupanaria: contra, ea tolerare: sic quidem (nam eo spectat hæc constitutio) ut nonnisi Christianam fœminam, nonnisi ab Ecclesiastico, vel saltem a Christiano homine, nonnisi pretio competente contra dato, a Lupanari redimendi facultatem tribuat: non aliam, non alii, etsi pretio contra dato. Cæteroque iam olim quoque Principes quidam Pagani ancillas lenonibus promiscue vendi, seu ad Lupanaria damnari noluerunt: in quibus Adrianus, qui teste *Spartiano c. 18.* veterat³⁸⁰ ancillam Lenoni, serutum Lanistæ vendi, causâ non præstita, id est, nisi ex causâ aliqua iustissima, non proprio & præcipiti arbitrio; verum si iusta esset Domini querela, oblata Iudici ancilla.

Obseruetur interim ex hac *leg.* singulare Retractus, Coëmptionis, necessariæque venditionis genus, ut a ludibrio Gentilium Christiana Religio vindicaretur. Cuius necessariæ seruorum venditionis haud dissimile exemplum olim inductum, ob nimiam Dominorum seuitiam, & infamem iniuriam, rescriptis Antonini Pii: de quibus *§. 2. Inst. & l. 2. D. de his qui sunt sui*: & apud Autorem *collat. II. Mosaiacar. tit. de seuitia Dominorum §.* Vbi infamis iniuria est quædam ei, de qua hac *leg.* agitur, vicina, & fœdior adhuc; ut aibi prolixè ostendo. Et tamen ut hoc casu, ita in specie huius legis, pretio competente contra dato. Quod tamen sublatum, *l. ultim. Cod. Inst. de Spectacul.* vbi ancillæ prostitutæ manum iniicere licet, ἐκδικεῖσθαι πρὸς αὐτάς, gratis, utque Theodosius Lenones & Lupanaria vendicim annis post penitus extinctum iuit in Vrbe Constantinop. *Novell. de Lenonibus*. Et hæc quidem Constantii Censura in Lupanaria seu Lenones sese exeruit: vltius enim deiaceps procurrit, pudicitiaque consuluit primum Theodosius M. Romæ eo facto quod narrat Socrates, *lib. 5. cap. 18.* de quo dixi ad *l. unic. supr. de Manumiss.* dein Theodosius Iun. *l. 2. prox.* ob similem indignitatis speciem: nempe vbi patres, vel domini, filiabus suis, vel ancillis, peccandi necessitatem inuitis imponerent. Tandem hac sanctissima Constantii constitutione Annales Ecclesiasticos deinceps instrui moneo.

THEODOSII Iun. constitutio in Lenones.

II. (a) Impp. THEODOS. & Valentinianus AA. Florentio
PF. P. (b)

LENONES patres & dominos, qui suis filiis (c) vel ancillis peccandi (d) necessitatem inponunt, nec iure frui dominii, nec tanti criminis patimur libertatē (e) gaudere. Igitur tali placet hanc (f) indignatione (g) subduci, nec (h) potestatis iure frui valeat, (i) ne quid eis ita (k) possit adquiri, Sed ancillis filiabusque, si velint, conductis pro paupertate personis, quas fors damnauit humilior, Episcoporum liceat, Iudicum etiam,

Defen-

Defensorumque implorato suffragio, omni miseriarum necessitate absolui: ita, ut si insistendum eis lenones esse crediderint, vel peccandi ingerant necessitatem inuitis, (l) non amittant solum eam, quam habuerant (m) potestatem, sed proscribi poena (n) mancipientur exilii, metallis addicendi publicis: quæ minor poena est, quam si præcepto lenonis cogatur quispiam coitionis fordes ferre, quas nolit. Dat. XI. Kalend. Mai, Felice & Tauro Coss. [428.]

NOTÆ.

- (a) *Lex 6. Cod. Iust. de Spectaculis, Scenicis & Lenonib.* hinc interpolata est: simul & l. 12. *Cod. eod. de Episc. aud.* Omisit & *hanc leg.* pariter ut *superiorem* in Annales suos referre Baronius. GOTHOFR.
- (b) *Orientis*, de quo mox plura. *IDEM.*
- (c) *Filiis* hic positum, pro *filiabus* (quomodo in *Cod. Iust.* substitutum.) Nam & ita mox, sed *ancillis filiabusque.* Neque tamen hic quidquam muto. *ID.*
- (d) Dum filias, vel ancillas suas prostituunt. *Peccandi* vox hic, & mox rursus, hac in re propria de coitionis for-
dibus, ut mox vocantur. *ID.*
- (e) *Libertas*, pro indignitate. *ID.*
- (f) *Eos indignatione subduci.* C. Iust. Locum ita restituo: *Igitur tali placet hosce indignationi subiaci (vel subdi) ut nec, &c. ut ita dispescatur vox subduci, vel subdi ut, vel mutetur in subiaci.* Omnis scilicet sermo & comminatio in parentes & dominos hic dirigitur. *ID.*
- (g) Ita quoque *Cod. Iust. Indignatio*, pro comminationis poena, ita l. 146. *supr. de Decurion. ne clementia nostra ob contumaciam dissimulantium in maiorem indignationem exsurgat.* Neque enim hic admitto; qui *Indignationem* pro mala tractatione seu indignitate hic accipiunt, quomodo Cyprianus in *MS. lib. de disciplina & habitu Virginum* pag. 99. *Ed. Ioan. Oxon. Quod ornari te putas, quod putas comi, indignatio (vulgati habent impugnatio) est ista diuini operis, præuicatio est veritatis.* Et *Idem de orat. pag. 143. Ed. cit. dum semen pessimum, filii sine lege, dereliquistis dominum & in indignationem misistis illum sanctum Israël*, pro quo habent vulgati, *blasphemauerunt sanctum Israël.* *ID.*
- (h) In *Cod. Iust. ne: & mox, nec quid.* *ID.*
- (i) *vg. Valeant* ut *Cod. Iust.* *ID.*
- (k) Scilicet peccandi necessitatem imponendo filiabus vel ancillis. *ID.*
- (l) *Amittant non solum inuerso ordine in Cod. Iust.* Sed hoc melius. *ID.*
- (m) *Habuerint*, *Cod. Iustin.* *ID.*
- (n) *Pæne*, *Cod. Iustin.* *ID.*

COMMENTARIUS.

THEODOSII Iun. hæc in Lenones constitutio est; in Lenones inquam, patres & dominos, qui filias suas vel ancillas suas, vel etiam conductas pro paupertate personas prostituunt inuitas, ut ex iis quantum faciant. Igitur patriam potestatem & dominicam hac parte adeo infringit *hac leg.* Theodosius Iun. ut parendi non tantum filiabus & ancillis necessitate eas liberet, sed & implorandi *suffragii*, siue Episcoporum, siue ludicum, siue Defensorum potestatem eis faciat, quo ab hac impotentium patrum & dominorum necessitate, liberentur. Imo iis, si insistendum putent, & peccandi necessitatem ingerant, proscriptionis bonorum, metallique poenam imponat. Vbi multa notanda veniunt.

Primo, quod *Episcoporum suffragium* seu auxilium implorari hoc casu permittitur, quomodo & *superiore Constantii lege* Ecclesiasticis, imo Christianis omnibus redimendarum prostituerum facultas iam data fuit. Nempe Episcoporum curam *P. 3* *græres* hæc tangebatur, iisque incumbere non tantum ut castitati publice consultum esset; verum ut in commune humanitatem suam & interuentum suum miseris & oppressis præberent: eaque huius sæculi, quantumuis corrupti, reuerentia fuit, ut interces-

sioni Episcoporum plurimum deferretur: quem ideo velut obicem Principes iniustis passim actibus, & impotentia seuitiaque opponere necesse habuerunt. Et quidem Honorius Imper. tribus constitutionibus, puta l. 7. *seu vltim. supr. de custod. reor. l. 2. seu vltim. supr. de postliminio* (vnde interpolata est *lex 11. Cod. Iust. de Episcop. audient. & l. 2. seu vltim. supr. de expositis.* Imo & Quarta adhuc constitutione idem Honorius solemnitates Gentilium prohibendi, & quidem manu Ecclesiastica, facultatem Episcopis tribuit: l. 19. *infr. de Pagan. sacrif. & Templ.* Quibus omnibus Legibus addatur & *lex 25. Cod. Iustin. de Episcop. aud. & lex 1. Cod. eod. de aleatorib.* Addantur & quæ Ambrosius 2. *Officior. 29.* Multaque aliæ leges *tit. Cod. Iust. de Episcopali aud.* Quare, vel his inspectis, debuit hæc quoque *lex* in Annales Ecclesiasticos referri.

Secundo, *Defensorum* pariter hac in re suffragium implorari permittit *hac leg.* Theodosius Iun. quia scilicet Defensorum munus istud erat in commune, ut vnumquemque ab improborum insolentia tuerentur: de quo fidem facit tum nomen *Defensorum* ipsum: tum *Paratitlon tituli, de Defensorib. ciuitat. supr.*

Tertio

Tertio ex hac leg. liquet, Lupanarium adhuc vsum hac tempestate inter volentes in Oriente stetit, & quidem Constantinopoli: Quod sane etiam liquet ex eiusdem Theodosii *Novella de Lenonib.* 18. quæ vndecimo post *hanc leg.* anno data est: Anno Domini 439. Ea quippe demum Lenones in Vrbe Constantinopolit. vetiti, sublataque, quæ inde colligebatur, Iustralis præstatio: pœnaque imposita verberum & exilii seu deportationis. Ex qua etiam *Novella* illud patet (quod ad *huius legis* inscriptionem facit) *Florentium P.P.* ad quem *hæc lex* data est, post *hanc leg.* eius *Novella* seu interdictionis Theodosio Iun. Auctorem fuisse: in tantum, vt is quoque obtulerit propriam possessionem, ex cuius redditibus colligi possit, quantum prædictum vestigal penfitaret. Scilicet, quæ huius

Florentii laus est; primum seu primo pedato, ne inuitæ prostituerentur, Theodosio Iun. persuasit: mox Lupanarium in totum abolendum auctor extitit. In Occidente quoque Lupanarium vsus paulatim nonnullis locis damnatus, posteaquam scilicet castiores iam Romanis Barbari Occidentis Prouincias peruaferunt, vt apud Aquitanos, teste *Saluiano lib. 7. de gubern. Dei c. 6.* & in Africa a Vandalis *eodem libro sub finem.*

Postremo loco notanda *sine leg.* ratio pœnæ, quæ *hæc leg.* imponitur: cuius hic sensus est: recte addici patres dominosque lenones metallis, imo iustius adhuc, qui filias ancillatue suas adigant & addicant ad peccandi, palamque quæstus faciendi necessitatem. Et sic comparantur duæ additionis species ad opus publicum.



DE EXPENSIS LVDORVM. *

TITVLVS IX.

* Et Officiorum, *l. 1. hoc tit.* Latius enim est Nigrum *huius tituli* quam Rubrum.

PARATITLON.

EXPENSÆ, *Rubr. & l. 2. b. t.* Ludorum, *Rubr. & l. 2. b. t.* Editionum, *l. 1. hoc tit.* vt variæ, ita varie quoque definitæ fuere. De Prætoriarum expensarum modo, vide *l. 5. 13. 21. 24. 25. 30. & l. vltim. supr. de Prætoribus*, dictaque a nobis ad eas *leges*. Inter expensas ludorum erant, ea quæ a Iudicibus & ab Editoribus præmio dabantur Scenicis, *l. 2. supr. de Spectacul.* ad plausorum scilicet seu populi petitionem, *l. 2. hoc tit.* non aurum, *d. l. 2. supr. de Spectacul.* (excepto Consule ordinario, *d. l. 2. de Spectacul.*) & ita quidem, vt duos solidos excedere non posset, *l. 2. hoc tit.* Erant & horum præmiorum numero vestes, quas nulli holosericas dare licebat, *l. 1. hoc tit.* De Equorum largitione dictum ad *l. 6. supr. de Scenic. & infr. suo tit.* dicitur. Est & hic *titulus* de expensis officiorum publicorum. Eo numero fuere sportulæ & dyptica, *l. 1. hoc tit.* vbi dicitur.

THEODOSII M. *constitutio Senatusconsultum firmantis de expensis ludorum & Officiorum.*

I. (a) Imppp. Valent. THEODOS. & Arcad. AAA. ad
Senatum. (b)

NVLLI priuatorum (c) liceat holosericam vestem sub qualibet (d) Editione (e) largiri. Illud * etiam Constitutione (f) solidamus, (g) vt, exceptis Consulibus (h) Ordinariis, nulli prorsus alteri (i) auream sportulam, dyptica ex ebore dandi facultas sit: Cum publica (k) celebrantur Officia, (l) sit sportulis nummus argenteus, alia (m) materia dypticis: Nec maiorem argenteum nummum fas sit expendere, quam qui formari solet, cum argenti libra vna in argenteos sexaginta diuiditur: minorem dare volentibus, non solum liberum, sed etiam honestum esse permittimus. Dat. VIII. Kal. Aug. Heracliae, (n) Richomere & Clearcho Coss. [384.]

N O T Æ.

- (a) Absit & hæc lex a Cod. Iust. Iungenda autem illi lex unice. Cod. Iust. de Senatuscons. Quo vero nexu coherant inter se, quis proinde legis illius sensus sit, mox viderimus. GOTHOFR.
- (b) Verbis Romæ: mox vero ostendam, cur hæc constitutio ad Senatum data sit. IDEM.
- (c) Priuatorum, id est, quorumcunque aliorum præter Principem: vid. Gloss. Theod. ID.
- (d) Etiam si ludi sint Imperiales, seu in honorem Principis. ID.
- (e) Editio, ludorum scilicet: vid. Gloss. Theod. ID.
- * Fugitiva ab hoc titulo hæc huius legis pars est: Neque enim pertinet ea ad expensas ludorum; verum ad expensas Officiorum: de quo mox. ID.
- (f) Hæc scilicet nostra. ID.
- (g) De hac voce solidandi mox; qua & Symmachus in hac ipsa re vitur. ID.
- (h) Vide similiter l. 2. supr. de Spectacul. quæ est eiusdem Theodosii. ID.
- (i) Veluti Prætori, Quæstori. ID.
- (k) Sed cum. ID.
- (l) Alia scilicet erant priuata quoque Officia, veluti natalitia, nuptialia, in quibus largitiones quoque seu dona, munera amicis data missaue: de quibus Symmachus. De officiis mox. ID.
- (m) Quam ex ebor. ID.
- (n) Seu Heracleæ: vbi videlicet Constantinopoli digressus Theodosius M. mense Junio & Iulio ferme huius Anni sub-
stitit, inibique ab eo datæ tres adhuc leges, puta lex 7. de Palat. sacr. larg. l. 106. supr. de Decurionibus: l. 11.
supr. de Mutiliculis. ID.

C O M M E N T A R I V S.

THEODOSII M. hæc constitutio est, vt ex subscripto Heraclia nomine patet, vbi quippe is hoc Anno 384. Constantinopoli digressus, mense Junio & Iulio egit, vt docent quoque aliæ constitutiones, quas repetere licet ex Chronologia. Ea vero constitutione is MODVM imponit Largitionibus, tum in Scenicis, tum in Officia publica. Quid inquam Consules ὑπατείαις nomine aliue Magistratus, siue pro premio ludionibus seu Scenicis, siue Sportulæ loco, amicis erogare possent. Duplici fine, tum vt inter Principis & priuatorum largitiones discrimen aliquod statuatur. Sed & inter ipsos priuatos discrimen aliquod Dignitatum fiat, tum etiam ad coercendum immoderatum & effusum hanc in partem hac tempestate priuatorum luxum, qui patrimonia sua sæpe ita effundebant & dilapidabant, vt videlicet vincerent superiorum celebritates (de quo est etiam Ambrosii locus hoc ipso tempore, l. 2. offic. c. 21.) tum hoc sæculo, tum & proximo; vt non tantum ex Vopiscii querelis liquet, quod ostendi iam ad l. 2. supr. de Spectacul. verum etiam ex Symmachi epistolis, & Olympiodoro apud Photium. Eoque pertinet etiam hic Basilii locus, Homilia, in illud Luca, destruam horrea mea; & de auaritia, pag. 46. Tom. II. Oper. Edit. Benedict. ἡ ὁρὴς τῆς ἐν τοῖς θεάτροις, παγκρατιασταῖς, καὶ μίμοις, καὶ θηριμαχοῖς τισὶν ἀνθρώποις, ἧς καὶ βδελύξαντο τὴν προσοδὴν, ὑπὲρ τῆς ἐν ὀλίγῳ τιμῆς, καὶ τῶν παρὰ τῇ δῆμῳ δορούων καὶ κροτῶν τὸν πλεῖστον προεμένους; annon vides eos, qui in theatris sedent, in pancratistas, in mimos, inque decertantes cum feris homines, quorum vel aspectum cuius detestabitur, pro breui honore, atque pro strepitu populi & plausu pecunias suas infumare? vide & Chrysostomum homilia 40. ad Philipp. edit. Comel. p. 1281. Quare largitionibus his modus sæpe præsistutus, (Senatu etiam quandoque id postulante, agenteue, vt in spec. huius leg.) pariter vt expensis in ludos; veluti a Constantio, l. 3. 5. supr. de Prætorib. a Valentiniano

Sen. l. 21. d. tit. a Valente, l. 24. a Theodosio M. l. 25. & 30. eod. tit. Arcadio, l. vltim. d. tit. a Theodosio M. inquam, hæc quoque leg. idque ad Senatus postulationem seu firmato, solidatoque Senatusconsulto seu decreto, quod super hac re processerat. Non tantum argumento illorum huius legis verborum, Illud etiam constitutione SOLIDAMVS, verum insuper, ac maxime, argum. leg. vnica Cod. Iustin. de Senatuscons. quæ eiusdem Theodosianæ ad Senatum constitutionis seu orationis pars est, huic legi coniungenda coassandaque deinceps, atque adeo hinc noua luce donanda venit. Verba eius hæc sunt: IMPPPP. Valentinianus & Arcadius AAA. (ita enim hi tres Imppp. in nonnullis libris inscribuntur recte: non vt alii, Gratianus, Valentinianus, Theodosius,) ad Senatum. Quamuis Senatusconsultum perpetuum per se obtineat firmitatem, tamen nostris LEGIBVS etiam idem PROSEQVIMVR: ADIICIENTES, Vt si quisquam speciali supplicatione eliciendum aliquod Rescriptum tenuerit, vt transire ei FORMAM liceat STATVTORVM, tertia patrimonii parte multetur, & damnatus AMBITVS crimine, maneat infamis. Dat. VII. Kal. Aug. Heracleæ Kichomere & Clearcho Cons. Huic inquam legi vnica, quam Glossa, alique multi intactam transmittunt, alii hæctenus non intellexerunt, huius leg. nostræ adiumento & coniunctione summa deinceps lux affulgebit, quemque adeo ea lex sensum habeat, constabit: & inter cætera, non accipiendam eam de Antiquis Senatusconsultis super iuris videlicet articulo aliquo, cuiusmodi etiam nulla hoc tempore facta, quale est Tertullianum, Velleianum, & similia: quod hæctenus Viri docti perperam censent: Verum de iis Senatusconsultis, quæ Senatum & Senatores respiciebant, modumque his, eorumque actibus ponebant: de cuiusmodi Senatusconsulto est Symmachi epist. 21. lib. 10. de quo mox: veluti de iis quibus modus FORMAQVE largitionibus & expensis præsistuta, & quidem in ludos officiaque publica. Ad rem. Ergo Senatus sub Theodosio M. Mo-

M. MODVM FORMAMQVE Senatoriis ludorum Editionibus (de quo Senatusconsultorum genere agitur quoque *supr. tit. de Prætor.*) & largitionibus, quo maiores ne facere liceret Senatusconsulto suo STATVERAT. Idque Auctore Symmacho P. V. ut ipse testatur *lib. 4. epist. 7. ibi, Sciat a me dudum rei istius processisse principium.* Hoc Senatusconsultum ad Theodosium M. pro more mox missum, quo ab eo confirmaretur adiecta etiam pœna. Id quod constitutione sua hac leg. & d. l. vnic. a Theodosio factum. Constitutione solidamus, inquit hæc lex: *Nostriis legibus prosequimur*, ait d. l. vnic. Et si superfluum hanc confirmationem suam esse præfatione sua prædicet, quasi Senatusconsultum per se satis firmum sit & absque eo habiturum esset. Adiectaque ab eo d. l. vnic. pœna **AMBITVS**, si quis contra supplicare Principi deinceps auderet. Vbi quaeritur anxie ad hanc diem, cur Ambitus crimen in spec. d. l. vnic. contrahi dicatur. Id vero discimus ex hac leg. Nempè Ambitus est, si quis Principi supplicet, ut maiorem sibi quam Senatusconsulto statutus fuerat, expensarum modum facere liceat. Ambitus est supra modum conditioni suæ præstitutum, formamque statutam, quid affectare, vel etiam a Principe ambire; puta si priuatus aut Principi, aut maiori dignitati referuatum, expensarum modum sibi petere auit. Ambitus, non eo tantum admittitur, cum quis dignitatem ambit, verum & si indebitos honores, signa, σημεῖα altioris ordinis & expensas largitionesque: de quibus hac leg. cauatur, puta de referuatis Principi & de referuatis Consulibus ordinariis, maioribus largitionibus: & quidem in ludis, & officiis publicis. Tandem hæc est illa ipsissima Theodosii M. constitutio, quam memorat Symmachus huius Anni 384. Præfectus Vrbi *lib. 10. epist. 21. Omnium, inquit, beneficiorum, quæ tribuit potior fortuna subiectis, certa sunt tempora, D.D. Imperatores. Solæ LEGES, quæ in commune bonum procedunt, nunquam patiuntur occasum.* Agit Diuini Sanctionibus vestris gratias Ordo reuerendus (id est, SENATVS) etiam nomine posterorum, quibus Respubl. emendata traditur. Nam quum fœda iactatio SENATORIAS functiones grauius impendius obruisset, & moribus & sumptibus nostris sanitatem veterem reddidisset: ne aut impares facultate Collegas tenuis decoloraret Editio, aut per verecundiam viribus maiora conatos, effusio inconspicua demergeret. Eiusdem, &c. Et post alia quæ ibi sequuntur de forma dicendarum sententiarum. Credimus igitur his remotis ad regnum suum rediisse virtutes. In Editionibus parsimonia, in Senatu ordo retinebitur, &c. Superest ut ea quæ Serenitas vestra Patribus deliberanda legiuit, cognito Senatusconsulto Lex Augusta CONFIRMET. Nullo enim dissentiente, quis MODVS, censum semel aut sæpius, quæ fungendis mediocritas Editionibus applicetur; quæ Gladiatorio Muneri (huc faciunt quoque quæ scribit Symmachus *lib. 2. ep. 46. ibi, Quod Saxonum numerus intra summam DECRETAM populi voluptatibus stetit*) & quæ Scenicis ludis sumptuum temperamenta conueniant: quid libertatis habere mereatur præsentis expensio, quid damni absentium contumacia debeat experiri. Hæc aternitas vestra venerabilis, cum SENATVI STATVENDA mandaret, REFERRI ad se proinus imperauit, ut placita cunctis immortalī LEGE SOLIDENTVR. Iussis parumuis. Expectamus oraculum, quo salutariter, ut vestro numini familiare est, Patrum DECRETA FIRMETIS: ADIECTA comminatione, si vllus aliquando AMBITVS hæc vel illa corruerit, quæ consilio caelesti pro Ordinis dignitate sanxisset. Hactenus Symmachii epistola, quæ omnino ad hanc legem, & ad d. l. vnic. Cod. I. de Senatusconsf. pertinet: Nam & Tempora præcise conueniunt: data enim est ea Epistola Tom. V.

a Symmacho P. V. quam utique dignitatem gessit hoc Anno 384. ut docet *lex 44. supr. de appellat. & lex 4. supr. de sent. ex peric. recit. & lex 2. Cod. Iust. de crimine sacrileg.* Secundo, & Res, seu Materia subiecta. Tertio, & Verba ipsa, vna cum Euentu, qui epistolam Symmachii secutus est, seu ea quæ Theodosius his legibus præstat: Nempè ut Symmachus ea quæ a Patribus Senatusconsulto statuta, seu Patrum Decreta, lege Augusta confirmari cupit, & ut diceret ait, *Legē SOLIDARI: ita & hac leg.* Theodosius, eadem voce retenta, ait, id a se hac constitutione SOLIDARI. Illud etiam, inquit, constitutione solidamus: Præfatione ea addita, quæ continetur d. l. vnic. Cod. I. de Senatusconsultis. Quamuis, inquit, Senatusconsultum perpetuam per se obtineat firmitatem, tamen nostris LEGIBVS etiam idem PROSEQUIMVR: vbi Theodosius M. ait, se legibus idem (Senatusconsultum scilicet, vel quod Senatusconsulto decretum fuerat) prosequi, id est legibus suis idem cum Senatu adstruere, simul cum Senatu statuere: & sic in effectu, Senatusconsultum seu decretum firmare, corroborare suis legibus: hæc enim vis est vocis prosequendi, ut hic, ita & aliis pluribus legibus, de quibus vid. *Gloss. Theod. & apud Symmach.* Quarto tandem postulauerat Symmachus nomine Senatus, ut Theodosius ADIECERET comminationem, si vllus aliquando AMBITVS sancita corrumperet: id quod omnino fit d. l. vnic. ADIECIENTES, inquit, ut si quisquam speciali supplicatione elicere aliquod rescriptum tentauerit, ut transire ei formam liceat STATVTORVM, tertia patrimonii parte multetur, & damnatus AMBITVS crimine, maneat infamis.

Vnus tantum scrupulus eximendus superest; quod lex hæc Theodosium Authorem habeat, qui Orientis Imperator erat; Symmachus vero P. V. Romæ fuerit. Verum notandum, hoc tempore Urbem Romam in commune a Valentiniano lun. & a Theodosio M. administratam. Quare & Symmachii P. V. Romæ super negotiis Rom. Epistolæ nonnullæ ad Valentinianum datæ occurrunt: aliæ ad Theodosium: aliæ in commune. Et hæc vero ipsa Symmachii Epistola inscriptionem præfert diserte, ad Theodosium & Arcadium: non vero ut vir doctus quidam, ad Arcadium & Honorium. Tandem simile Senatusconsultum, similisque confirmatio eius occurrit *supr. de Prætoribus*: vbi dixi. Et sic iam Trias hæc inter se optime conspirant: hæc, inquam, lex, & Symmachii locus ille: & dicta lex vnic. Cod. Iust. de Senatusconsf. quæ proinde iam Codicis Iustiniani Interpretibus sese claram & perspicuam præbuit.

Ex hac interim leg. & d. l. vnic. discimus, quæ reuerentia Theodosius M. Senatui V. R. habuerit, illa inter alia præfatione; Quamuis S. C. perpetuam per se obtineat firmitatem, tamen, &c.

Nunc de ipsamet legis dispositione; cuius duo sunt capita. Primum est, de modo Largitionum, & quidem vestium in LVDOs & Scenicos. Inter cetera scilicet ἐπαύλα, præmia, (in quæ passim inuehitur Chrysostomus) quæ Editores (id est ludos edentes) in Scenicis & Agitatoribus olim erogabant, erant & Vestes; quæ & alias inter Imperatorum missilia fuere, teste vel Herodiano *lib. 5. cap. 6.* Quod etiam testatur Vopiscus in vita Aureliani c. 48. & in Carin. Vit. extrem. & Symmachus *lib. 5. ep. 20. & lib. 6. ep. 34. 40.* & Chrysostomus *homil. 55. Comel. in Matth. p. 477. Græc. 54. Iu. hom. 54. p. 553. Tom. VII. Ed. Benedictin.* Adeo quidem ut etiam sericæ vestes erogarentur. Verum cum sericarum non vnum genus esset, (erant enim aliæ holosericæ, aliæ subsericæ) Holosericas, quicunque tandem sint Editores, largiri hac constitutione prohibentur, atque adeo soli Principi hæc largitio referuatur. Quo pertinent & duo

duo Symmachi loca. Prior locus est lib. 4. epist. 8. *Intelligi ex mora & cunctatione Rescripti Diuini, aliquod in his, quæ Prætoris Filii mei supplicatio comprehendit, incongruum vel dubium iudicari. Atque ideo denuo tibi petitionum mearum debeo prestare rationem, &c. Aquæ theatralis, & holosericarum vestium impetratio, etiam aliis ante me plerumque* P. 38, *delata est: & ideo inuatur exemplis.* Ex quo Symmachi etiam loco liquet, paulo post (nempe sub Honorio,) legem illam unicam, Cod. 1. de Senatusconsulto, atque adeo hanc quoque leg. ea parte abolitam & perfractam, quandoquidem iam aduersus formam Senatusconsulti, quæ hac lege, & hac nostra solidatur, supplicari Principi, vsumque holosericarum vestium impetrari potuisse ostendit: Quomodo & Aquæ theatralis, & amphitheatrici spectaculi vsum, singulari aliquin privilegio & prærogativa Consulibus reuerentius hoc ipso Senatusconsulto, seu Theodosii constitutione, Rescriptis deinceps ad alios porrectus: teste Symmacho lib. 4. epist. 8. quamlibet sub Ambitus pœna hæc lex sancita fuisset aduersus eos, qui speciali supplicatione aliquod Rescriptum contra impetrare tentassent. At subsericas scuit, quod ex hoc loco colligitur: De quibus Symmachus quoque d. 1. 5. epist. 20. (ad Magnillum & Vicarium scilicet Africæ.) *At nunc inter votina Candidati mei negotia, & Quæstorios apparatus, fraudari nos conuincitur, societate tuorum consiliorum, & tamen obsecunda nec procul locatus omittis: Nam & vestes SUBSERICAS, quas homines mei post illationem pretii retinebant, & instructum reliquum munerarium PRÆMIORVM tuus coegit instillare.* Sane Lampridius testatur Heliogab. c. 26. primum Romanorum Heliogabalum holoserica veste vsum, cum iam subserica in vsum essent. Idem tradit c. 29. ab eodem Heliogabalo conuiuii quoque sericam vestem donatam, quæ tum in raritate videbatur & honore. Contra idem Lampridius de Alexand. Seu. c. 40. Eum vestes sericas raras habuisse, holosericas nunquam induisse, subsericas nunquam donasse. Item Vopiscus de Aureliano c. 45. Eum vestem holosericam neque ipsam in vestuario habuisse, neque alteri virendam dedisse: & cum ab eo vxor sua peteret, vt vnicui pallio blatteo serico vteretur, eam respondisse; Absit vt auro fila pensentur, libram enim auri tum libram serici fuisse. Nempe Sericum tum temporis *ἰσόχρυσον* & *ἰσοῦσιον* fuit, Idem Vopiscus memorat Tacit. c. 10. Tacitum temp. holosericam vestem omnibus viris interdixisse. Holoserica vestis opponitur subserica: illa quippe est tota serica; subserici vero stamen lineum, trama serica. Macarius, homil. 17. pag. 267. Edit. Lipsiens. *γυνὴ ἔχουσα ἑλωσηρικὰ*, Dorotheus, de doctrina lib. 2. *ὥσπερ γὰρ ἐνδεδυμένῃ ἑλωσηρικόν.* Alia est holouera vestis, sacro scilicet murice tincta: de qua suo titulo de vestibus holoueris. Ex his omnibus apparet, subsericas tantum vestes in vsum fuisse ante Heliogabalum, & ita quidem vt raræ essent in vsum, primum Heliogabalum holosericam induisse, secutos Heliogabalum Principes Holosericas non induisse, & tamen earum vsum a priuatis vsurpatum, sed aliquando a Tacito interdictum. Hac interdictione non obstant holosericarum vestis increbuit, nondum tamen vt Scenicis præmio donarentur a priuatis. Vopiscus enim, qui ante quadraginta annos scribebat, sub Constantio, inter Placidi Conf. Anno D. 343. præmia memorat & conqueritur Aurelian. c. 15. *Arigis præmio datas amicis subsericas, ingemiscuntibus frangi hominibus.* Verum post Vopisci tempora luxu in dies magis magisque increbuit, etiam holoserica pro præmio dari capere a priuatis. Id quod hac Theodosii M. constitutione interdicitur. Quod de holosericis vestibus dictum, vt ne priuatus eas Scenicis præmio daret, id ferme de auro quoque constitutum, solis Consulibus exceptis: l. 2.

supr. de Spectacul. de quo mox seq. cap. Nempe Principes complurima velut Principatus σμῆναι & σύμβολα sibi solis seruauere: de quibus vid. Forner. 5. Quotid. vltim.

Alterum caput ab hoc titulo fugitiuum, est de *expensis OFFICIORVM publicorum.* Officia publica sunt, solennitates Magistratus initi, veluti Consulatus, Prætoræ, Quæsturæque, quo & priuati cum amicis rogabantur & veniebant: de quibus Ammianus Marcellinus & Symmachus sæpe, vbi videndus quoque eius Interpres, ad lib. 6. epist. 10. Missis quoque ad amicos muneribus, vt ex eodem Symmacho discere licet. Atque hæc Consularium officiorum munuscula dicebantur *ὑπατεύων* etiam apud Iulianum epist. ad Eustochium 20. vbi Interpres male *Consulatus honorem* vertit. Eoque luxus & prodigalitatis deuentum, vt etiam hac parte fibulam imponi oportuerit, & vero hac Theodosii M. constitutione imponitur. Munera porro hæc duum generum erant: nempe Pecunia, & Dyptica, quibus modus hac leg. adhibetur. Dyptica erant pugillares, vt ex compluribus Symmachi locis apparet, & ex Claudiani loco, quem postea laudabo, duarum tabularum seu foliorum, vnde Ausonio vocantur *dispartens pugillar.* *διμερὲς γραμματεῖον*, de quo postea: videndus & Suidas, & antiquus Interpres Horatii, itemque Interpres Iuuenalis. Nempe *πυξία* sunt tabellæ. Inde igitur τὸ διμερὲς idem quod διδωμεν, vt notat Eustach. ad Iliad. β. pag. 250. Ed. Rom. Tom. I. De his quoque Dypticis sensit Herodianus lib. 1. cap. 17. *λαβὼν γραμματεῖον τέτων δὴ τῶν ἐκ Φιδύρας εἰς λεπτότητα ἡσκημένων, ἐπὶ ἀλλήλα τε ἀνακλάσει ἀμφοτέρωθεν ἐπὶ γυμνῶν:* *Sumptio in manus libello, quales de phylira tenuissimi atque in utramque partem replicabiles sunt.* Inde & *πολυπυξία*, quæ ex pluribus tabellis constabant, de quibus alibi d. xi. Dypticonum huiusmodi qui & *ἱερατικοὶ* inde *κατάλογοι*, vsum quoque in Sacris fuit, in quæ Sanctorum & Martyrum nomina referre mos erat, de quibus ex professo multi dixerunt. Er nuper adhuc Doct. Habertus in *ἀρχιερατικῷ*, p. 8. Obseru. 13. Dona itaque Magistratum ineuntes, amicis suis pro munere missabant, vel ad solennitatem concurrentibus, vel etiam absentibus. Primum erat pecunia, cuiusmodi pecunia munus *Sportulam* vocabant, vt hæc lex docet, itemque Symmachus quam multis locis, ac nominatim lib. 4. epist. 55. & lib. 9. epist. vltim. De iisdem sportulis vide eundem lib. 1. epist. 97. lib. 3. epist. 59. 61. lib. 4. epist. 15. Sidonium lib. 8. epist. 6. Ennodium lib. 8. ep. 37. ad Boetium. Igitur Sportulis his & munusculis pecuniariis modus hac leg. adhibetur; nempe, aureos siue solidos Sportule nomine erogari vetat hæc lex; solis Consulibus, & Officiis & sportulis Consularibus exceptis. Nempe solis Consulibus auream sportulam dare licet amicis; solis item Consulibus Scenicis aurum præmio dare: (vt biennio post hanc legem ab eodem Theodosio M. constitutum, l. 2. *supr. de Spectacul.*) Quomodo & solis Consulibus privilegio singulari hoc eodem ferro Amphitheatricum spectaculum editioni ludorum indultum, teste eodem Symmacho lib. 4. epist. 8. Sane de sportulis aureis Consulatus est quoque hic Symmachi locus lib. 9. epist. vltim. *Sportulam Consulatus mei & amicitia nostra & honori tuo debeo.* Hanc in *SOLIDO* vno ad te misi, orans vt benigno animo solennia OFFICII mei libamenta suscipias. Nummum itaque argenteum tantum cæteris sportulæ loco expendere ex hac lege licet: Quod proprie *canistellum argenteum* dicitur a Symmacho lib. 2. epist. 81. Cæteros quoque amicos *eburneis pugillaribus & canistellis argenteis honorari.* Nempe Spor-

Sportula & canistellum idem; nisi quod pro vi-
rioris paulo metalli ratione diminutivum *canistelli*
vsurpatum; *sportula* vero de quocunque tandem
metallo, et si & ipsa diminutivum speciem habeat.
Hinc *sportula* duum generum hic indicantur, aurea,
& in nummo argenteo. Imo quodcunque tandem
doni & munusculi genus *sportula* dicta: pro felici
P. 385 nuncio, l. 1. & 2. *supr. ne quid publ. latit.* pro fe-
lici introitu, l. 3. *supr. de domesticis & protector.* vbi
de his *sportulis* dixi. Quo sensu & hoc accipitur.
Et apud Ammianum Marcellinum lib. 14. c. 6. *distri-*
butio solemnium sportularum.

Nunc ad rem: scilicet Consulibus auream spor-
tulam seu numisma *sportulae* nomine dare *hac leg.*
permittitur, argenteam tantum ceteris. Neque
tamen adhuc indistincte quemcunque nummum
argenteum, verum non maiorem, quam cuius ge-
neris sexaginta libram argenti efficiunt: Neope
maior pecunia, seu maior nummus, eiusque usus
ad luxum propior: qua causa minutulae pecuniae,
adstricti quique Principes, usum vulgare, coër-
cendo luxui, & effusa liberalitati, imo in plures
diffundenda, de quo extat insignis Lampridii lo-
cus in *Alexandro Severo* c. 39. *Formas*, inquit, *bi-*
narias, *ternarias*, & *quaternarias*, & *denarias*
etiam atque amplius, usque ad *bilibres* quoque &
centenarias, quas *Heliogabalus* inuenerat, *resolui*
praecipit, neque in usu cuiusquam versari; atque ex
eo his *matris* nomen inditum est, cum diceret, *Plus*
largiendi hanc esse imperatori causam, si quum mul-
tos *solidos* *minores* dare possit, *dans decem vel am-*
plius una forma, *triginta*, & *quinquaginta*, &
centum dare cogeretur. De cuius Lampridiani loci
sententia dixi ad *leg. vnic. supr. si quis solidi circuli*
exterior incid. Denique minorina pecunia luxui
reprimendo est, & fontes liberalitatis per plures
spargit.

Ceterum *Libram argenti* in argenteos seu dena-
rios, modo plures, modo pauciores diuisam *hac*
lex aperte ostendit. Sane vetustissimis temporibus
octoginta quatuor denarii in libram argenti signa-
bantur, ut docet *Plinius*, lib. 33. cap. 9. *Misuit*,
inquit, *denario Triumuir Antonius ferrum*, alii e
pondere *fibrabunt*, cum sit iustum octoginta quatuor
e *libris* signari. En octogeni quaterni denarii in
libram, quod confirmatur *epistola Celsi ad Natalam*,
in qua palam ac nullis ambagibus scribitur; *Octo-*
ginta quatuor denarios in libram incurere. Nempe
vt *libra auri*, etiam *Constantini auro* erat octoginta
quatuor *solidorum*, ita totidem *denariorum argenti*
libra *vetus Romana*. Verum, ut ex *hac lege* discere
licet, non haecdenus stetit *librae argenteae* diuisio,
verum & argenti *libra* in *denarios sexaginta* diuisa,
diuisa in plures & minores, diuisa in pauciores &
maiores. Hae enim tria *argenteorum* seu *denario-*
rum genera, *hac leg.* memorantur. Sexageni in
libram, plures sexagenis, & pauciores sexagenis.
Nec MAIOREM argenteum nummum fas sit ex-
pendere, quam qui formari solet, cum argenti *libra*
una in ARGENTEOS SEXAGINTA diuidi-
tur, MINOREM dare volentibus non solum
liberum, sed etiam honestum esse permittimus. De
minorum horum nummorum numero fuisse censo
Centenionales: qui memorantur l. 1. & 2. *supr. si*
quis pecun. consl. Et haec quidem de *Sportulis* seu
pecunia.

Secundum, quod Magistratus Officia ineuntes
amicis donabant vel miscebant, erant quae dixi
diptycha, quae quidem alius atque alius materiae
erant, ut *hac lex* ostendit; sed *eburnea* fuere: seu
quae ex *ebore summo* in pretio; atque ideo *solis*
Consulibus ordinariis *diptycha* ex *ebore* dandi fa-
cultas *hac leg.* fit. De his *diptychis* *Consularibus*

eburneis est hic *Claudiani locus lib. 3. de laudib.*
Stiliconis, sub finem:

Tum virides pardos & cetera colligit Austri
Prodigia, immanesque simul Latonia dentes,
Qui scissi ferro in Tabulas, auroque micantes
Inscripti rutilum calato CONSVLE NO-
MEN

Per Proceres & vulgus eant, stupor omnibus Indis
Plurimus, creptis elephas inglorius errat
DENTIBVS.

Libanii quoque locus huc facit, *epist. 941. ad Taria-*
num, a quo *Consule*, munus *Consulare* acceperat:
ἔχω τὴν τιμὴν, λαβὼν ἐν τῇ ριᾷ, καὶ τῷ
διθύρῳ γραμματεῖ, τὸ μὲν ἐλέφαντος, ἡ δὲ ἐστὶν
ἀργύρης, &c. *Habeo honorem quem accepi tum in*
probatu, tum in Diptycho: & hoc quidem eburneum,
illa vero argentea: vbi διθύρον γραμματεῖον ἐστὶ δι-
πύχον. Pariter vt in altero *Libanii* loco κατὰ
τῶν προτεδρευόντων: *pagin. 446. Oper. minor. Ga-*
thofred. Edit. Troitz. & pagin. 194. Edition. Morell.
πλέον γὰρ καὶ ἐνίοτε δύνασας γραμματεῖον διθύρον
(nam ita nunc rescribo, loco *διθύρων*, quod ha-
bebat MS.) *πολλῶν καὶ μακρῶν λόγων ἐγγύθεν*
λεγομένων: id est, *cicem plus valet quandoque*
epistola bipatens pluribus & prolixis sermonibus co-
muni habitis. Apud *Herodotum*, & exinde *Pol-*
lucem & Hefychium, *διθύρος διπύχους*, & *διθύ-*
ρον γραμματεῖον, vel *γραμματεῖον διπύχον*.
Denique *διθύρον γραμματεῖον*, est quod *bipatens*
pugillar *Ausonio* *Epigram. ad notarum velocissime*
excipientem, 137. v. 3. Cum plures duabus tabellis
essent pro numero, *τρίπύχον*, *πολύπύχον* di-
cebatur. Quare error est hic reponentium loco,
ebore, vocem *are*: quomodo iidem putant *Pompo-*
nium dixisse, *eboreas Tabulas*, pro *areis*: l. 2. §. 4. *D.*
de orig. iur. *Eburneae* autem illa *Diptycha* a *Consu-*
libus data: quia *Consulum* nominibus insculpta
erant, (vt ex superiori *Claudiani* loco liquet) *Esso-*
rum ideo appellatione indicantur a *Sidonio* *Collina-*
nati lib. 8. *epist. 6. Consuli*, inquit, *proximus eram:*
Itaque vt primum breui peracta, nec brevis SPOR-
TVLA, datique *FASTI*, *acclamatum est ab omni*
Galliae caetu. Nempe hoc loco *Fasti* cum *Sportula*
coniunguntur, vt *hac leg.* *Diptycha* cum *Sportulis*.
Et a *Quaestoribus* tamen, *Cand datis* etiam, *ebur-*
nea pugillaria seu *Diptycha* post hanc constitutio-
nem data, docent *Symmachii* duae *epistolae*, nempe
lib. 2. *epist. 81. 87. Filius noster, &c. offert tibi dona*
Quaestoria. *Quaeso igitur vt eius nomine diptycha &*
apophoreta suscipere dignemini, &c. Praterca Do-
mino & Principi nostro, auro circumdatum Dipty-
chum misi: ceteros quoque amicos eburneis pugillari-
bus, & canistellis argenteis honorari, &c. Vbi
vides etiam *Imperatoribus* *missa diptycha*: & qui-
dem *Auro circumdata.* Et in *Auctario* *epist. 7. Of-*
fero, inquit, *vobis eburneum diptychum & canistel-*
lum argenteum librarum duarum filii mei nomine, qui
Quaestorium munus exhibuit. Idem rursus meminit
Diptychi & apophoretici lib. 5. *epist. 56. & lib. 9.*
epist. 109.

Vt ad *Theodosianam* hanc constitutionem re-
deam, eodem fine ab eodem *Theodosio* emissa hoc
ipso Anno, tribus post mensibus, altera ad *Senat-*
um *Oratio*, cuius pars extat l. 25. *supr. de Pra-*
toribus & Quaestoribus: qua aucto *Pratorum* nu-
mero, eorum *expensis* modum posuit, &
summa definita qua *Praturae* seu *Iudi Pratorii*
peragerentur: & statuto, vt *bini* posthac agno-
scerent seu erogarent, quod *singuli* antea transge-
bant.

THEODOSII Iun. *constitutio de expensis ludorum.*

II. (a) Impp. Honorius & THEODOS. AA. Anthemio P. V. (b)

CVNCTOS Iudices (c) admonemus, ut ludorum quidem, quibus moris est, intersint festiuitati, & oblectamenti fauorem (d) eliciant populorum: (e) Verum expensarum non excedant duorum solidorum librata (f) impendia: nec (g) inconsulta (h) plausorum (i) infania (k) Curialium (l) vires, fortunas Ciuium, Principalium domus, (m) Possessorum opes, Reipublicæ robur, euellant: Exceptis (n) Alytarchis, (o) Syriarchis, (p) agonothesis, (q) itemque Asiarchis, & cæteris, (r) quorum nomen votiua (s) festiuitatis solemnitas dedicabit. (t) Dat. V. Kalend. Mart. Constantinop. Honor. VIII. & Theod. III. Coss. [409.]

NOTÆ.

- (a) Abest & hæc lex a Cod. Iustin. GOTHOFR.
 (b) Male, ut vel tota lex ostendit, & lex 30. *supr. de erogat. milit. Annone*: aliæque. Et sane Monaxius hoc tempore erat Præfectus Urbis: *l. 47. supr. de Oper. publ. & l. 1. supr. de frum. Urbis Constp.* Itaque rescribendum hic, PP. id est, Præfecto Prætorio: vid. *Profopogr. IDEM.*
 (c) Sub te Præf. Prætorio constitutos, & sic Rectores Prouinciarum. *ID.*
 (d) *Fauor* *ἐπαρχία* populorum & plebis elicitur oblectamenti seu spectaculis. Ita similiter omnino Symmachus *lib. 6. epist. 42.* Quia longe ante ludos, & ipsos iungendis equis erudire debemus, & nouitate eorum fauorem plebis alligere. Ioan. Chrysostomus multus est in vanitate hac proferenda: inter alia, *homil. 20. cap. 4. Genes. pag. 227. Paris. edit. su. pag. 179. Tom. IV. Oper. Edit. Benedictin. vid. & homil. 6. in cap. 1. Genes. pag. 52. su. pag. 41. Edit. Benedictin. & homilia 5. in fin. vide & Libanium Orat. περί τῶν δεσποτέρων pag. 399. 405. (Oper. minor. Goshofred. Ed. Tritz.)* vbi iam dixi: & *epist. ad Iulianum 722. Edit. Wolff. vid. & quæ notauimus iam ad l. 2. supr. de off. Rect. Prou. ID.*
 (e) Popularem: dixi ad *l. 1. supr. de Spectaculis. ID.*
 (f) Moderationem, *l. 2. supr. de Spectacul. ID.*
 (g) Sustineri istud potest: quamquam malim, *ne. ID.*
 (h) Inconsultum, quod per turbam inconditam fit. *ID.*
 (i) Ita popularem plausum, *l. 1. supr. de Spectaculis: & l. 3. d. tit. popularib. plausib. intemperate seruient. ID.*
 (k) Infania plausorum. Ita infania Circi Tertull. *ID.*
 (l) Nota hæc quatuor hominum genera in Prouinciis & urbibus: Curiales, Ciues, Principales, Possessores: de quo dictum *sit. de Decurion. supr. ID.*
 (m) Ita hic locus est interpungendus non *principalium, domus. ID.*
 (n) Exceptio hic non est de Regula: sed differentiam denotat. *ID.*
 (o) De Alytarchis est quoque lex 12. *supr. de lue fisci. ID.*
 (p) De Syriarchis & Syriarchie munere agitur & *l. 1. supr. de grad. Senator. & l. 103. de Decurionibus*: quibus locis iam dixi. *ID.*
 (q) An locus hic coniunctim legendus, Syriarchis Agonothesis? de Agonothesia vide & *l. 109. supr. de Decurion. vbi dixi. ID.*
 (r) Veluti Lyciarchis, Phœniciarchis, Cappadocarchis: de quibus dixi ad *d. l. 1. supr. de grad. Senator. IDEM.*
 (s) De hac voce *votiui*, dixi ad *l. 1. supr. de Feriis. ID.*
 (t) *Pro dedicauit. ID.*

COMMENTARIUS.

THEODOSII Iun. hæc constitutio est, qua is, etsi Iudicibus seu Rectoribus Prouinciarum permittat, solemnibus spectaculis interesse, atque adeo hac quoque ratione fauorem populorum elicere; modum tamen imponit *præmiis* ludorum, quæ

scilicet a Rectoribus Prouinciarum ad populi plaudentis voces (ut hæc quoque lex docet ibi: *inconsulta plausorum infania*.) dabantur. Quænam videlicet præmia in Victores & Ludios, & intra quem modum expendere seu erogare possent: & varie quidem

quidem pro varietate scilicet ludorum & ludos edentium. Nempse in Prouinciis alii ludi exhibebantur a ludicibus seu Rectoribus Prouinciarum; alii a Sacerdotibus. Illi, id est Iudices, ex viribus Reipubl. & collatione Curialium, Ciuum, Principalium, possessorum: Hi vero, id est, Sacerdotes Prouinciarum propriis suis sumptibus: *horum* quippe nomen, vt hæc lex loquitur, *totius festiuitatis sollemnitas dedicauit*, id est, hi ludis edendis in Prouincia destinati erant, & editiones seu spectacula horum expensis & sumptibus procuranda erant; vt docet etiam lex *l. 1. sup. de Spectacul.* pro quo inuicem haud modica huiusmodi Sacerdotibus privilegia antiquo iure consuetudinisque maiorum concessa seu delata fuere: *l. 12. sup. de iure fisci: l. 14. infr. de Paganis*: (de quo consulenda, quæ ad eam legem *l. 4. dixi.*) Erant enim hi Sacerdotes *Agonothetae*, vt hæc lex eos vocat, seu Agonothetiarum onere astringebantur, *l. 109. sup. de Decurion.*

Ceterum his Sacerdotibus nomina indita ex ipso Prouinciarum nomine, quorum Sacerdotes erant, quales *Syriarchæ*, & *Asiarchæ*, hæc leg. memorantur, id est, Sacerdotes Syriæ, Sacerdotes Asiæ. *Syriarchæ* sane quoque fit mentio, *l. 1. Cod. Iust. de natural. liber.* Sed & *Asiarchæ* mentio fit non tantum hæc leg. verum etiam *l. 6. §. 14. D. de excusation.* & *l. 8. in princ. D. de vacation. mun.* Et apud Eusebium *lib. 4. cap. 15.* vbi Rufinus recte vertit, *Municiparium*: καὶ ἡρώτων, inquit, τὸν Ἀσιάρχην φίλιππον ἵνα ἐπαφῇ τῷ πολυκάρκῳ λέοντι: ὁ δὲ ἐφη μὴ εἶναι ἐξ αὐτῶν, ἐπειδὴ πεπληρωκεῖ τὰ κυνηγέσια, rogabantque Philippum *Asiarcham*, vt leonem aduersus Polycarpum emitteret. At ille negauit id sibi licere, quippe qui amphitheatrale spectaculum iam edidisset. Imo & in *Actis Apostolor. cap. 19. vers. 31.* τινὲς δὲ καὶ τῶν Ἀσιάρχων παρεκάλεον μὴ δύναι εαυτὸν εἰς τὸ θεάτρον, etiam nonnulli *Asiarcharum* monebant, ne se daret in theatrum. Atque vt Sacerdotes de Prouinciarum nomine designati, ita & munera ipsa; hinc videlicet *Syriarchiæ*, *l. 1. sup. de præd. Senator. & l. 103. sup. de Decurion.* quibus locis dixi. *Alytarchæ* par ratio fuit, cuius, vt & *Alytarchiæ* ab eo dictæ, mentio fit non tantum hæc leg. verum & *l. 12. sup. de iure fisci: & l. 1. de offic. Com. Orient. & l. 2. Cod. Iust. de Cupressi. ex Iuco Daphn.* Erat autem *Alytarcha* peculiaris Sacerdos Urbis Antiochenæ, quæ Syriæ Metropolis erat. Quanquam neque vnus Antiochenæ Urbis *Alytarcham* fuisse deprehendo; verum & *Pisaram*. P. 387 Docet vetus Inscriptio quæ apud Comitum Arundelianum num. 8. pagin. 18. Edit. Mich. Maittaire: ΕΓΓΟΝΟΥ Γ. ΚΑ. ΟΥΑΛΕΡΙΟΥ ΔΙΚΛΗΝΙΑΝΟΥ ΙΕΡΕΩΣ ΑΣΚΛΗΠΙΟΥ ΚΑΙ ΑΛΥΤΑΡΧΟΥ ΠΕΙΣΑΙΩΝ. Sane certamen Olympiacum Pisis celebrari solitum ex veteri alia Inscriptioe liquet apud Gruterum CCCXIV. 1. vbi ita, ΟΛΥΜΠΙΑ ΤΑ ΕΝ ΠΕΙΣΗ. Hic vero *Alytarcha*, inter ceteros Sacerdotes Syriæ, ac proinde & ludi ipsius præ aliis fuere, velut Vrbe non tantum in Metropoli totius Dioceseos Orientis, Antiochia scilicet, verum quæ totius Orbis tertia erat: de quo *alibi*. Quare variæ huius *Alytarchiæ* prærogatiue seu *προέμια* fuere, cuiusmodi tria hæc deprehendo. Hinc scilicet hæc leg. primo loco *Alytarchæ*, & quidem ante *Syriarchas* nominantur. Hinc secundo *Cupressi* vnus ei soli aliquando ex Iuco Daphnenfi prope Antiochiam excindendi ius fuit: *l. 12. sup. de iur. fisci. & l. 2. sup. de Cupressi.* (Quod immutatum postea vna libra auri ex re priuata Principis accipienda: *d. l. 2. Cod. Iust. de Cupressi.*) Hinc tertio maioris Iudicis, puta, Comitibus

Orientis cura *Alytarchæ* ludi exhibebantur: *Syriarchæ* vero, minoris Iudicis, puta Rectoris Syriæ, *l. 1. de offic. Com. Orient.* Quantum *προέμια* hæc leg. continetur Iudicum respectu.

De ratione nominis istius *Alytarchæ*, nunc videndum. *Varinus Phaurinus* dictum censet, eo quod ludis, qui fierent in honorem Deorum, τῶν ἀλυστῶν, id est, *μασιγοφόροις* præfisset, vt a Cuiacio quoque notatum est, *II. Obseru. 13.* Quem plerique omnes hæcenus sequuntur, Sane *Rhabdophoros* siue *Mastigophoros* ab *Elxis Alytas* vocari, ex Etymologico quoque notum est. Quod si ita est, tum res contestata videtur. At *P. Faber I. Semestr. 18.* coniciebat dictos a voce *ἀλύειν*, quod significat letari, exultare, gestire, ac præ gaudio dissolui, quod vtique in ludis vsuueniebat, & sic *Alytarchas*, quasi *publicæ voluptatis Arbitros*; quod probabilius; saltem, quam quod idem tentabat, ἀπό τῆς ἀλῆς, a sordibus & strigmentis, quæ a sudoribus athleticis contrahabantur. Verum a *Phaurino* stare malo. Ergo ludis præfuisse *Alytarchæ*. Hinc itaque hæc leg. *Agonotheta* cognomen eis inditum: *Agonotheta* enim est, ad quem Agonis seu Certaminis arbitrium pertinet: de quo alioquin vide *Hesychium*, & *Suidam*, & *Spartianum in Adriano c. 13.* Ergo certum, *Alytarchas* præfuisse ludis seu certaminibus. Sed quale eorum fuerit munus, satis est hæcenus incomperitum. Par denique ratio *Lyciarchæ*, & *Phœniciarchæ*, *Bithyniarchæ* & *Cappadocarchæ*, quorum mentio fit *d. l. 6. §. 14. D. de excusat. & d. l. 1. Cod. Iust. de natural. lib.*


His ita expensis, nunc de ipsa constitutione: scilicet hæc leg. circa præmia ludorum, differentia constituitur inter Iudices & Sacerdotes. Definuit, inquam, Vt ne ludicibus liceat ultra duos solidos Victori in ludis pro præmio dare; nempe ne effusa alioquin Iudicum liberalitate ad inconsultam plauforum, id est, plaudentis populi insaniam, εὐφημιῶν βοᾶς, Curialium, Ciuum, Principalium, Possessorum facultates exhaustiantur, vtpote quorum sumptibus & collatione ludi celebrarentur, non quidem vt ipsos solidos, vel aureos victori Iudex det; (Aurum enim nonnisi Consulibus hæc tempestate erogare permissum fuit: *l. 2. sup. de Spectacul.*) etsi olim vetustissimo iure & more Populus victori aurum postularet, *Iuuenal. Satyr. VII. vers. ult.*

- - Victori Populus quod postulat aurum.

Vbi etiam vetus Scholiastes modum huius præmii definit: *In theatro*, inquit, *solent petere quinque aureos: Nam non licet amplius.* Ait, quinque aureos, quod ad duos hæc leg. redactum est. Quin & *d. l. 2. sup. de Spectacul.* Consulibus erogandi auri moderata quædam ratio permittitur. Quid igitur? Præmia Scenicorum quæ a ludicibus erogantur estimationem duorum solidorum hæc leg. excedere vetat. Alia vero ratio hæc leg. constituitur *Sacerdotum*: His enim permittitur hunc modum excedere: Nempse, quia vnicum ferme horum officium erat, ludos edere, & suis quidem sumptibus non e viribus Reipubl. vel priuatorum privilegiis his inuicem quamplurimis, vt iam dixi, concessis. Nempse Reipubl. magis consulendum fuit, atque adeo Curialibus, Ciuibus, & Possessoribus, ne publicæ latitiæ obtentu bonis suis euoluerentur, non etiam Sacerdotum, qui hunc honorem Sacerdotii, eiusque privilegia ambientes, summisque facultatibus, ipsi non adeo adstringendi visi sunt. Ad id quod de Curialibus diximus, pertinet querela *Libanii orat. πρὸς τὸν δεσποτῶν, p. 407. Oper. minor. Gothofred. Edit. Troitz.* quod Curialium facultates immodico Iudicum erga spectacula studio attererentur: nempse quia suum ad hæc spectacula auxilium

auxilium seu impensas Decuriones conferebant: τῇ, inquit, παρ' ἐκείνων βονθεῖα. Sane Magistratus seu Duumviros spectaculorum editiones curasse docent complures constitutiones, puta *lex l. 4. sup. de Spectacul. l. 29. 169. sup. de Decurionib. & Tettul-*

ianus *de Spectaculis cap. 12. De Curialium Antiochenorum immenso in hac & alia sumptu, prolixè Libanius in Antiochico, p. 358. 359. Edu. Morell. vnde & censum eorum quandoque releuari oportuisse docet dicta lex 169.*



DE EQVIS CURVLIVS.

TITVLVS X.

Huic Titulo, & duobus proximis congruit Ambrosii locus *lib. 2. offic. 21.*

PARATITLON.

EQVI, *l. 6. sup. de Scenic. Equi Curules, Rubr. & l. 21. 22. sup. de diuers. offic. & l. 3. sup. de Spectacul. in Curulis certaminis forte, lex l. h. t. in solemnī certamine, l. 6. sup. de Scenic. voluptatibus profuturi, l. 2. hoc tit. Spectaculis Vrbane plobis inferuebant, dict. l. 6. & festiuitatibus in cunctis oppidis celebrandis: l. 3. sup. de Spectacul.*
 P. 388 Eos porro quoque partim Principis, *dict. l. 6. & l. 19. sup. de Prætor. quo pertinet & lex l. hoc tit. partim variorum ex Senatorio Ordine Magistratuum largitio subministrabat, d. l. 6. de Scenic.*

Huius generis Equi erant, qui ex Gregibus Dominicis seu Principis *Palmati* dicebantur: *l. 1. h. t. & l. vnic. sup. de Grege Dominic. Item Hermogenis, d. l. 1. h. t. seu Hermogeniani, d. l. vnic. quique de Phrygiæ gregibus erant: d. l. 19. sup. de Prætor. Item Hispani sanguinis: d. l. 1. h. t. Græcique, d. l. 1. h. t. Quibus Equis nomina indebantur, d. l. 1. h. t.*

Horum autem Equorum stabula erant certa Romæ, quatuor scilicet pro numero factionum: Vnde factionum stabula in Vrbe venerabili, *l. 2. h. t. Curulia stabula Urbis æternæ, Symmacho, 2. epist. 78. Quibus ex horreis fiscalibus alimonia præbebatur, etiam nimio cursu debilibus factis: l. 1. h. t.*

Hos in vsus priuatos conuertere non licebat: *l. 6. sup. de Scenic. Actuarii equorum Curulium, Ciuitatum diuersarum, Orientis memorantur, & nominatim Urbis Constantino-politanæ, l. 21. sup. de diuers. offic.*

Hi victores, vt Agitatores ipsi honorabantur: Vnde *l. 6. sup. de Scenic. equorum palmarum numero gloriosorum, & celebratis vtrinqve victoriis nobilium mentio fit.*

I. (a) Imppp. VALENTINIANVS, Valens & Gratianus AAA.

ad Ampelium P. V. (b)

PALMATIS (c) adque Hermogenis equos, (d) quos in curulis certaminis forte, (e) vel contentionis (f) incertum, (g) vel annorum series, vel diuersa (h) ratio debiles fecit, ex horreis fiscalibus (i) alimoniam præberi decreuimus: Equos vero Hispani sanguinis vendendi solitam factionariis copiam non negamus. Illud quoque Sinceritas Tua præcipiat obseruari, ne Græcorum equorum nomina, qui hinc missi fuerint, commutentur. Dat. (k) Kalend. Ian. Gratiano A. II. & Probo CONS. [371.]

N O T Æ.

(a) Abest hæc lex a Cod. Iustin. velut temporaria & localis. GOTHOF.

(b) Am.

(b) *Ampelii* huius *Antiocheni*, *Præfecti Vrbis Romæ* post *Olybrium*, ineminit duobus locis *Ammianus Marcellinus*, in huius ipsius *Anni 371. gestis lib. 28. cap. 1. & 4.* Eidem vero inscribuntur complures aliæ constitutiones huius *Anni & sequentis*: vid. *Protopogr. & de eo mox. ID.*

(c) γγ. *Palmatii*, vel *Palmatr*, id est, *Palmatii*. *ID.*

(d) γγ. *Equis*. *ID.*

(e) *Sors certaminis*. *ID.*

(f) *Contentionis*, id est, *certaminis & cursus*. *ID.*

(g) *Incertum* vocat cuius dubius fuerat euentus, quoque *Equus debilitatur*. *ID.*

(h) *Diuerfa*, id est, quæcunque tandem alia. *ID.*

(i) *Horrea fiscalia*, in quibus alimonia *Equorum* erat. *ID.*

(k) *Malim data* hic accipere pro *Acc.* vel *PP.* Nam biduo post, ludi *Circenses* erant de more exhibendi, nempe, *Tertio Nonas Ianuarias*, ut docet locus *Libanii, de Kalendis Ianuariis* pagin. 180. *Edition. Morell. Tom. II. Oper. Τετρη δὲ Ἰανουάρην, ζεύγνυνται μὲν ἀμιλλήθηρια ἄρματα: πολλὰ καὶ ἕως ὅτε τῆς νύκτος: πολλοὶ δὲ ὄμιλοι ἐν ἰκνωδίσμῳ, καὶ αὐτὰ ἐκ' ἐκείνων*, id est: *At tertio Nonas Ianuarii iunguntur Circenses Quadrigæ; magnumque certamen de victoria, magna in Circo frequentia, & post Circenses Balineæ.* Hinc & in veteri *Kalendario Constantiniano*, *Tertio Nonas*, & *Secundo Nonas*, & *Nonis ipsis LVDI* notantur. Atque hic dies *votorum* olim, quæ pro salute *Principis* suscipiebantur. Quod docet *lex 233. §. 1. D. de V. S. & idem vetus Kalendarium. ID.*

COMMENTARIVS.

DEBILITATIS vel cursu, vel ætatis senio, vel aliter, *Equis Curulibus*, qui *Vrbis Romæ* voluptatibus, id est ludis, destinati, quid facto opus sit, hac *Valentiniani Sen.* constitutione definitur *A. D. 371.* quam quidem notandum est, datam ad *Ampelium P. V.* *Ampelium*, inquam, *P. V.* quem (quod ad hanc leg. facit) *Ammianus Marcellinus lib. 28. cap. 4.* ait, *Cupidum voluptatum fuisse, latamque & ad populi fauorem adipiscendum aptissimum.* Eodemque etiam pertinet pars legis 32. *supr. de cursu publico*, quæ eidem *Ampelio P. V.* hoc ipso Anno inscripta est: ibi; *Nam si adclamationibus populi Romani nostri, aliisque antiquis & solemnibus rebus concessa iugitas inlibata seruatur, &c.* Vbi vide quæ dixi. Ac vt de hoc *Ampelio P. V.* ad rem nostram nonnulla adhuc notemus. *Ammianus Marcellinus* non tantum studia eius in voluptates ludosque, quod modo dixi, indicat, verum quatuor insuper ab eodem *Romæ* statuta aduersus gulam & ganeas memorat, *d. l. 28. cap. 4.* Quin & eo ipso loco vitia Nobilitatis & plebis traducens, inter alia notat Nobilitatis studium nimium *Romæ* ea tempestate in *Equos & Aurigas*: *Si venturos VNDELIBET Equos aut Aurigas quandam didicerint nuntiasse, ita imminet & percunctantur, ut Tyndaridas fratres eorum suspexere maiores, cum priscis illis victoriis indicatis gaudio cuncta complexent;* (cui congruentia vide apud *Symmachum lib. 10. epist. 22.*) *Mox ibid. & alia subiicit de plebis studio in ludos Circenses: vbi inter cætera ait: Eisque Templum & habitaculum & concio & cupitorum spes omnis Circus est Maximus. Cupitorum*, inquam, (ita enim restituo,) non *cupidorum*, vt *Valesius*: non vt *Salmastius*, & copia eorum & spes omnis: vt istud *Valesius* recte refutauit *ibid.* Extat & *Cod. Iustin. lex 2. de officio Præf. Vrbis*, sine die & Consule, ad hunc *Ampelium P. V.* data: quæ & ipsa ad ludorum editiones pertinet: in fine quippe legis illius ita legendum, & homines populares huius

Alme Vrbis *EDITIONI* obnoxios: non *seditioni*. Quibus verbis indicantur *Scenici*, & voluptatum artifices, qui editionibus ludorum obnoxii sunt: de quo iam *supr. tit. de Spectaculis*. Ea vero lege id cauetur, *Præfectum Vrbis* aliunde ex *Prouinciis* nonnisi duo hominum genera euocare posse: Nempe *Officiales suos*, & *Homines popularibus*
Tom. V.

editionibus, seu ludis *Vrbis Romæ* conditione obnoxios: de quibus *Paratitlo de Scenicis, supr.* Ad *Præfecti* scilicet *Vrbis* notionem ludi & spectacula pertinebant, vt ex superioribus legibus liquet & *l. 2. 7. 18. 20. 21. 26. 29. 33. de Prætor. supr. Symmach. lib. 10. epist. 36.* *Calliodoro, lib. 1. epist. 31. 32. 33. lib. 6. form. 4.* Sed præcipue ex tot legibus hoc libro ad ludos pertinentibus, & ex hac quoque ipsa *l. 1.*

Nunc ad rem: quidquæ de *Equis Curulibus*, qui *Romæ* in curuli certamine debilitati sunt, agi velit hac leg. *Valentinianus Imp.* quorum scilicet hæc parte distinctionem instituit. Nempe *Palmatii* & *Hermogenis* *Equis* debilitatis alimonia ex horreis fiscalibus, seu publicis præberi iubet *Valentinianus*, at non etiam eos vendi, quod hæcenus fieri solitum. *Equos* vero *Hispanici sanguinis* debilitatos vendi pro more solito permittit; vendi, inquam, a factionariis. *Factionarii* sunt ii, qui prærant factionibus *Agitatorum*. Notum enim quatuor fuisse factiones & veluti scholas *Agitatorum* *Circensium*: *Prasinam*, a colore viridi; *Rufatam* a rubeo colore; *Albatam* ab albis vestibus; *Veneram* a cæruleo colore: de quibus *Factionibus l. 2. prox.* quæ etiam indicantur, *l. 6. supr. de Scenicis*. *Factionarii* igitur qui factionibus prærant, cuius nominis mentio in veteri *Inscriptione Romæ* apud *Græterum CCCXXXVIII. 3.* quæ referenda ad *Anno D. 276.*

CL. AVRELIO. POLYPHEMO
DOMINO, ET. AGITATORI
FACTIONIS. RVSSATAE. TOGENI
CAESAREVS. SVI. TEMPORIS. PRIMO
ET. SOLO. FACTIONARIO. DE. GLORIA

Denique *Domini* factionum intelliguntur, de quibus *Sueton. in Neron. cap. 22.* & *Lampridius in Commodo c. 16. in fin.* & veteres *Inscriptiones*. Hulus autem differentia ratio inter hæc *Equorum* genera, vt sciatur, de singulis agendum est. De *Palmatii* & *Hermogenianis* *Equis* (quorum non tantum hæc leg. fit mentio, verum etiam *l. vnica. supr. de Grege*
K k k *Domis*

Dominico.) plene semel dixi ad *d. l. vnic.* vbi dicta huc accessi possunt.

Ex hac leg. id discimus? Primo, Palmatis & Hermogenis Equos pari in pretio fuisse: Secundo, Hermogenianos, qui ita vocantur *l. vnic. supr. de Grege Dominico*, ab Hermogene quodam ita dictos, quomodo sane & Palmatis a Palmatio nuncupatos *ibidem* ostendi. Tercio, vtrorumque in Curuli certamine, seu ludis Circensibus usum fuisse. Quarto, vtrisque ceteris Equis, etiam Hispanis, potiores fuisse, & primæ qualitatibus. Hinc adeo, hisce debilitatis, vel contentione incerto, vel annorum ferie, vel alia ratione debilibus factis, Valentinianus ex horreis fiscalibus alimoniam præberi *hac leg.* decernit: contra, quod *solutum* atque in usu erat, quodque in Hispanis etiam Equis obtinere porro vult Imp. vendendi eos copiam denegat. Quæ quidem magna est horum Equorum in commune prærogatiua. Cuiusmodi quibusdam Equis prærogatiua pro cuiusque affectu vel gloria singulis sæpe data. Protritus illud iam olim Ennii *pag. 1463. Vol. II. Poetar. Veter. Edit. Lond.*

*Sic ut fortis Equus, spatio qui saepe supremo
Vicit Olympia, nunc senio confectus quiescit.*

Notum est quod Dio de Nerone scribit *lib. 61. pag. 692. Edit. Leonclau.* & quomodo Circenses Equos senio confectos habuerit, ornauerit, cohonestauerit. Ac ut in commune pleraque alia præmia victoribus cum Equis communia fuere, ut Coronæ, sepultura honos, id genus alia; ita & alimonia seu obsonia. Sane ut omittam alia, Victoribus in sacris certaminibus a Reput. vestigalia seu obsonia constituta fuisse docet etiam Vitruvius *præfat. lib. 6. & Plin. lib. 10. epist. 119.* Sic & Athletis ætate confectis in Prytanæo Annona data ab Atheniensibus: sic & vetulo mulo cum Mineræ Templum conderent, eo quod is illis viam præteret, & ad capeffendum laborem quasi hortaretur, *μέγας τελευτῆς τρέφεται ὁμολογία ἐν ψήφισατο, usque ad mortem e publico alere decreuerunt*, teste Plutarcho in *Catone pag. 339. Edit. Wechel.* & Aliano *6. de Animalibus, cap. 49.* Sic igitur & hic *ὑπερκομίας* Palmatis & Hermogeniacis Equis decernuntur, ob insignem videlicet eorum nobilitatem: quos vel humanitate ideo maiore dignos censuit Imperator, quam ut rursus dominis priuatis subicerentur: Quia ut hanc quoque rationem addam, ut ad sobolem procurandam mitterentur. Nam & Plinius notat *lib. 8. cap. 42.* Equos quinquennes Circi certamen accipere, post vicessimum annum a Circo MITTI ad sobolem procreandam. Et hæc quidem de primo argumento nobilitatis Palmationum Hermogenianorum Equorum, quæ *hac leg.* continetur. Eodem pertinet secundo loco, quod maior pœna proposita, maius pretium, hosce Equos usurpantibus, quam alios: *d. l. vnic. supr. de grege Dominico.* Et hæc de Palmatis & Hermogenianis Equis.

Hispani sanguinis Equorum alia ratio *hac leg.* ut maxime & ipsi nobiles essent, & secundæ qualitatibus, & quidem superioribus & Cappadocibus proximi, ac nominatim quoad ludos Circenses: quod ut *hac leg.* satis indicatur, ita expresse scribit Vegetius *lib. 4. Veterinar. cap. 6.* Cappadocum, inquit, gloriosa nobilitas: Hispanorum par vel proxima in Circi creditur palma. Sane Hispanorum quoque Equorum seu præstantissimorum mentio fit in *Veteri Orbis descriptione*, quæ scripta sub Constante *cap. 50.* & nominatim Hispanorum Curulium mentio fit in *Juliani Epist. ad Constantium*, apud Ammianum Marcellinum *lib. 20. cap. 8.* Equos, inquit, præbebo Curules Hispanos: id quod pro magno Iulianus Constantio pollicetur. Eorundem equorum Hispanorum Curulium crebra mentio apud Symmachum, *lib. 4. ep. 59. 60. 61. 64. lib. 5. ep. 82. 83. lib. 7. epist.*

105. 106. lib. 9. epist. 12. 18. 19. 20. 21. 22. 23. Mentio & apud Claudianum, *Panegyrico in Mantli Theodori Conf.* id est, Anno 399. vbi Vranie Erato sic alloquitur, exhortans ad miracula plebi colligenda, & nomen claris theatris celebrandum, & ad Quadrigas celebres aduehendas palmis nobiles, *v. 283. seqq.*

*Illustret Circum Sonipes, quicumque superbo
Perstrepit hinnitu Betim, qui splendida potat
Stagna Tagi, madidoque iubas aspergitur auro.*

Et alibi non vno loco. Et alioquin de Hispania Equini pecoris celerrimi diuite, infinita sunt Veterum testimonia: Inter alios Martialis *lib. 14. epig. 199.* Strabonis *lib. 3. pag. 163. siu. 248. Ed. Almeloeen.* Iustini *lib. 44. cap. 1. & 3.* Plinii, *lib. 8. cap. 42.* Quare & Equos Hispania ænominatim Betica contulit, ut docet *lex 1. supr. de distrab. pign.* vbi dixi. Sed & Hierocles in *Hippiatricis* inter præstantissimi generis equos Hispanos vna cum Cappadocibus numerat. Et tamen Cappadocibus inferiores *hac quoque leg.* censentur. Hinc igitur quamlibet illi in Circensi certamine debilitati vendi a Factionariis *hac l.* prohibeantur: hi prout solitum, ex *hac l.* vendi potuerunt. Vendi, inquam, vel ut Virgilius dixit *3. Georgic. v. 95. seqq.* de Equo generoso agens, *abdi domo:*

*Hunc quoque vbi aut morbo grauis, aut iam segnior
annis*

Deficit, abde domo, nec turpi ignosce senectæ.

P. 390

Abde domo, id est exclude, amoue, & sic vende: *Dominum pretio muta*, ut Iuuenal. *Satyræ 8. v. 65.* Plutarchus dixit ἀποδιδόαι: quæ quidem postrema, aliaque recte Gronouius nuper, *commentar. de sextertiis, lib. 4. c. 8.* Cæterum Hispani sanguinis Equi *hac leg.* dicuntur, pariter ut a Vegetio *Veterinaria artis lib. 4. cap. 6.* vbi notandum quod ait, *Africam Hispani sanguinis velocissimos præstare consueuisse ad usum selle.* Et hæc de priore huius leg. parte, seu de Equis Palmatis, Hermogenianis, & Hispanicis.

ALTERA huius leg. pars & sententia est, de teritiæ qualitatibus Equis, puta de Equis Græcis, eorumque nominibus: qua id statuitur, Græcorum equorum nomina, qui hinc missi fuerint, commutari non oportere. Vbi Tria obscura sunt. Primo, quoniam per Græcos Equos hic intelligendi sint? Græcorum certe Equorum meminit Nemesianus in *Cyngetico v. 240.*

*Cornipedes igitur lectos det Græcia nobis
Cappadocumque, &c.*

Et mox *v. 254.*

Nec minor est illis Graia quam in corpore forma.

(Ambrosius, in *Apologia Davidis, cap. 9.* vbi dotem eorum prædicat: Alii, inquit, qualis Græcorum Equorum fertur natura, cum vel in Curuli certamine elisi fuerint, vel fortuito ceciderint, nequaquam se mouere consueuerunt, & quandam tenent quietis & patientia disciplinam.) Igitur hoc Græcorum Equorum nomine comprehenduntur Primo Phrygii, de quibus *l. 1. supr. de Prætor.* Secundo Epitrotici, de quibus *l. 1. supr. de stratorib.* Tercio Dalmatæ, de quibus omnibus Vegetius *rei Veterin. lib. 4. cap. 6.* Quarto, Thessalici; quorum meminit Varro *2. de re rust. cap. 7.* De stirpe, inquit, magni interest, quæ sint, quod genera sunt multa. Itaque ad hoc nobiles a regione dicuntur in GRÆCIA Thessalici Equi, &c. His Oraculi voce laus prima decreta, teste Strabone *Eginensib. interrogationib. lib. 10. pag. 449. & pag. 689. Edit. Almeloeen.*

Thessalici præcellit Equus ---

Quinto, Argolici; de quibus Horatius *1. Od. 7.*

Apum dicit Equis Argos, direfque Mycanas.

Me-

Meminit & inter præstantissimi generis equos Hierocles in *Hyppiaticis*: & Æthicus Sophista.

Secundo loco obsecrum est in hac leg. quid sibi hæc velint, qui hinc missi fuerint: An qui dimissi fuerint a necessitate Cûrulis certaminis? an vero qui missi fuerint ex Græcia Romam? An qui missi ex Vrbe Roma huc in Galliam? vbi hæc lex data a Valentiniano. Primum illud quis putet, argumento superioris e Plinio loci lib. 8. cap. 42. Verum contra ipse existimo, indicari hic Equos ex Comitatu seu a Principe e Galliis Romam missos. Solebant scilicet hac tempestate Imperatores Cûrules & Scenicas voluptates Circo & Pompeianæ Cauæ suppeditare: Scenicos inquam Artifices, Aurigas, & Equos; vt testatur Symmachus lib. 10. epist. 19. & 22. lex 6. sup. de Scenic. & lex 19. sup. de Prætor. Horum igitur nomina mutari vetat hac leg. Valentinianus.

Sed tandem obsecrum est, cur nomina Græcorum horum e Gallia Romam missorum Equorum commutari prohibeantur? Illud equidem notum est, sua Equis Circensibus nomina indita fuisse, & quidem vel a colore, vt Corax, Maurus; vel a celeritate, vt Tigris, Incitatus, Volucris; vel a gente, seu patria, vel ab insigni aliquo, & aliis rebus. Hinc adeo Incitati & Pertinacis, Volucris, Babylonii nomina, apud Suetonium in Caio cap. 55. Dionem lib. 59. pag. 650. Edit. Leonclau. & in Pertinate in Excerpt. Xiphilin. p. 388. Edit. Sylburg. Capitolinum in Vero cap. 6. Ammianum lib. 23. cap. 3. Apud Martialem Passerinum & Tigris lib. 7. ep. 6. & lib. 12. epig. 36. Sed & Circensium tabula hodiernum extat Romæ marmorea, in qua varia nomina Equorum, Coloris, Aurigarum, & Præmiorum, simul distincte continentur; quam Onuphrius Panuinius suo de Ludis Circensibus libello inseruit: vide quoque plura apud Salmasium in Solinum pag. 895. 896. 897. & 936. Hæc inquam nota sunt de variis Equorum nominibus: sed Ratio indaganda de Interdicto nominis mutandi. Huc sane omnino facere mihi videtur locus Vegetii 4. artis Veterinariae, cap. 6. In permutandis, inquit, Equis, vel distrabendis (ita legendum) maximam fraudem PATRIÆ so-

let asserre mendacium. Volentes enim carius vendere, generosissimos fingunt. Neque Statii locum hic omittere possum 5. Syluar. 2. protreptico ad Crispinum v. 21. sequi.

----- Romulei qualis per iugera Circi
Cum pulcher visu, titulis generosus auis
Expectatur Equus, cuius de stemmate longo
Felix emeritos habet admissura parentes.

Accedat & Chrysostomi locus tom. 5. λόγων μὲν homil. 1. in illud Salutate Priscillam, pag. 315. Edit. Saul. & pag. 172. Tom. 111. Edition. Benediclin. οἱ μὲν πρὸς τὴν θεωρίαν τῆς τῶν ἵππων ἀμύδης ἐπιστομῆς, καὶ ΟΝΟΜΑΤΑ, καὶ ἀγέλην, καὶ γένος, καὶ ΠΑΤΡΙΔΑ; καὶ ἀνατροφὴν τῶν ἵππων ἔχουσιν εἰπεῖν μετὰ ἀκριβείας ἀπάσης, καὶ ἐν τῇ ζωῇ, καὶ ἐνεργείας δρόμων, καὶ τίς τίνι συντατίζομεν τὴν νίκην ἀπάσεται, καὶ πείσῃ ἵππος ἐκ ποίας ἀφεθείς βαλβιδί, καὶ τίνα ἔχων ἡνίοχον, περιέδωκε τὰ δέμας, καὶ τὸν ἀντίτεχον παραδραμεῖται, illi quidem qui certaminis equorum spectacula ad stuporem vsque mirantur, & nomen & gregem, & genus & patriam & educationem equorum diligentissime possunt referre, atque annos vitæ, cursusque vehementiam, & quis cum quo si fuerit copulatus, victoriam reportabit, & quis equus ex his vel illis emissus carceribus, & a quo si agitatore regatur, vincet in cursu, & aduersarium antecedit. Ergo Græcorum Equorum nomina ex Gallia Romam missorum, qui iam Venales haberi cœperint, commutari velat Valentinianus hac leg. ne alioquin ignobiles patria & palmis, pro generosis, veluti Hispanicis, Palmatis, & Hermogenianis, Palmaque Circensi nobilibus subiticiantur, fraudque adeo emptoribus fiat: tandem argumento superioris capitis vbi de vendendis Equis agitur: quo pertinet Vegetii locus rei Veterin. lib. 4. cap. 6. mox supra allegatus, vbi etiam proponit signa, vnde cognosci posset patria. De alia fraude commutationis est id, quod scribit Symmachus lib. 7. epist. 121.

II. (a) Imppp. GRATIANVS, Valentinianus & Theodosius AAA. ad Valerianum P. V. (b)

EQVOS voluptatibus profuturos nequaquam Campanorum populus adsequatur, (c) quam si duo milia modiorum fabæ, per singulas factiones (d) stabulorum, in Vrbe venerabili (e) necessaria, antiqua & sollempni præbitioni, (f) contulerint. Dat. X. Kalend. Maii, Aquil. Syagrio & Eucherio Coss. [381.]

N O T Æ.

(a) Iungenda est huic legi lex 6. & 7. sup. de Scenic. quæ & ipsæ argumento conueniunt, quanquam subscriptio aliquantum variat. Ita enim habent: Dat. VIII. Kal. Mai. Triu. GOTHOFR.

P. 391 (b) Romæ. IDEM.

(c) Adsequatur, pro consequatur. ID.

(d) An non potius per singula stabula Factionum? Nil opus: Factiones stabulorum, dicuntur, vt Factiones Agitatorum, ita & Equorum factiones. Nam vt ipsorum Agitatorum factiones erant, ita pariter & per consequens Equorum factiones. In hoc videlicet vel illo stabulo erant Equorum factiones, Præfixæ, Venetæ, &c. ID.

(e) Venerabilis Vrbs Roma: vid. Gloss. Theod. ID.

(f) præbitionis. ID.

VRBIS ROMÆ Circensium Equorum VSVR-
TIO, vt priuatis interdicta erat, quod docet
lex 6. supr. de Scenicis (quæ vna cum *l. 7. eod. tit.* huic nostræ coniungenda est) nisi in specie *l. 19. supr. de Prætor. & Quæstor.* ex Valentiniani indulgentia, ita populi Vrbis Romæ vicini nonnunquam spectaculis & ipsi dediti, equos Circenses ex stabulis Vrbis Romæ ad ludos suos Circenses emerebantur seu impetrabant. Quod etiam hac Gratiani leg. permittitur: Vicini, inquam, populi, veluti Campani id est Capuani: (nam vt Capua Campaniz Metropolis erat, de quo vide Aufonii *ordres*, ita Campani pro Capuanis intelligendi sunt: vt hac leg. ita & *l. 1. D. ad Municipal. & l. 50. D. de contrah. empt. & l. 9. §. 3. D. Quod Met. caus.*) inter alium luxum id impetrabant a Præfesto Vrbis, ad quem disciplina spectaculorum, & ludorum Circensium cura pertinebat; vt præter huius legis inscriptionem docet etiam *Inscriptio l. 1. supr.* Neque tamen gratis id finitimis populis seu Campanis concedebatur, verum certo modiorum fabæ modo iniucem præbito seu collato; quam antiquam & solennem præbitionem hæc lex vocat, eamque firmat hac leg. Gratianus; puta duobus millibus modiorum fabæ, per singulas Factiones, & Stabula, & sic in vniuersum octo millibus modiorum. Nempe quæque

Factio, de quibus ex professo dixere alii: siue Aurigarum, siue Equorum, suum Romæ stabulum habuit, ac proinde quatuor Stabula Factionum, vel quatuor Factiones Stabulorum fuerunt. Hinc in veteribus descriptionibus Vrbis Romæ, ac nominatim in descriptione Victoris, & altera quæ præfixa *Notitia, Stabula quatuor Factionum* nota regione dicuntur & ponuntur. Horum mentio & in veteri *Inscriptione* apud Gruterum CCCXL. 1. quæ Romæ: HIC IN QVATVOR STABVLIS AGITAVIT. Meminit & Suetonius in *Caligul. cap. 55.* Præfixæ factionis: *Præfixæ*, inquit, *factioni ita additus & deditus*, vt cænaret in stabulo assidue, & maneret. Symmachus *lib. 2. epist. 78.* *Auidus*, inquit, *Ciuice gratia, Quæstoris filii mei sumptibus studeo aliud genus largitatis adicere*; vt *Curulibus stabulis Vrbis æternæ etiam quina mancipia largiamur*: Et quoniam seruorum per limitem facilis inuentio, &c. mox: *viginti iuuenes prædicto negotio congruentes: quorum non forma, sed ætas & sanitas eligenda est.* Aurigarum meminit & Tacitus *hist. lib. 2. c. 87. & Annal. lib. 15. cap. 44. & 67.* Cui autem vsui fabæ? An familiæ quadrigariæ & mancipiis, de quibus est quoque locus ille *Symmachii*? An vero equis simul alendis,



DE VENATIONE * FERARVM. **

TITVLVS XI.

LIB. XI. COD. IVSTIN. TIT. XLIV.

* **VENATIO** (de quo est etiam Ambrosii locus *lib. 2. Officiorum, c. 21.* & Cassiodori elegans *epist. 42. l. 5. var.*) hic est κυνήγιον seu κυνηγέσιον, ludicrum scilicet & theatralis venatio. Quo sensu passim *Venationis* vox accipitur. Quod testimoniis adstruere inane & ludicrum foret. Non vero vulgaris illa, qua in syluis feræ capiuntur. Id quod patet vel ex huius tituli positu, tum hoc Cod. tum *Iust.* in censu videlicet *Titulorum*, qui ad ludos publicos pertinent: & quidem hoc Cod. medio loco, inter *Tit. de Equis curul.* & *Tit. de Gladiator.* Sicut *C. Iust.* medio loco inter *Tit. de Gladiator.* & *Tit. de Maiuma.* Pertinent autem huius tit. leges eo primum, vt ostendatur, quatenus liceat occidere Leones, citra præiudicium Venationis ludicræ seu Theatralis; quo pertinet *lex 1. h. t.* Item agitur de Transductione ferarum, e limitibus ad Comitatum Principis, in vsum Theatralem; quo spectat *lex 2. h. t.* in qua nulla certe venationis syluestris, vel priuatæ mentio fit.

** **FERÆ** hic proprie sunt, Leones, Pantheræ, Leopardi, Vrsi, cæteraque animantia generosa. Duplex alioquin animantium genus in vena-

venationibus seu ludis exhibita: *ἡγέλα* videlicet, quæ dixi: & *βορά* seu *πενδάρα*, id est, *herbatica animalia*, ut vocat Vopiscus in *Probo* c. 19. id est Cerui, Capræ, similia.

PARATITLON.

FERAS, Rubr. l. 1. & 2. hoc tit. bestias, l. 2. hoc tit. nominatim Leones, l. 1. hoc tit. etsi venari priuatis seu Prouincialibus non liceret ad voluptatem, id est, venandi causa, ut & venundandi, l. 1. hoc tit. quia voluptati Principis res ea referuata, d. l. 1. hoc tit. occidere tamen Leones ad salutem suam cuncti possunt: d. l. 1. hoc tit. Ducibus sane, bestias, quas ad Comitatum Principis solenniter transmitterent, venandi ius erat: l. 1. hoc tit. in fin. & l. 2. hoc tit. sic tamen ut eas transducentes, neque caueas a ciuitatibus exigere possent, neque plus quam septem aut octo diebus in Ciuitatibus agere: d. l. 2. hoc tit.

L(a) Impp. HONOR. & THEOD. AA. Mauriano Comiti Domesticorum
& Vices (b) agentis Magistri militum.

OCCIDENDORVM Leonum cunctis (c) facimus potestatem, neque aliquando (d) sinimus quemquam calumniam formidare: cum * & *salus nostrorum prouincialium voluptatis* (e) *nostræ necessario præponatur*, & hæc ipsa propria voluptatis (f) intercludi minime (g) videatur, quandoquidem occidendi feras (h) non venandi, (i) venundandique, (k) licentiam dederimus. Occidendi igitur memoratas feras, & (l) Ducibus (m) & Officiis eorum conuentis, (n) cunctis licentia tribuatur. Dat. XIII. Kalend. Iun. Constantio & Constante VV. CC. COSS. [414.]

NOTÆ.

(a) *Lex unica Cod. Iust. eod. tit. ex hac & seq. conflata est. GOTHOFR.*

(b) *Vices agentes*, ut a Vicariis differant, docui plene *Apolytici primi cap. 3. IDEM.*

(c) *Prouincialibus priuatis*, non modo Ducibus & Officiis eorum: ut docent diserte quoque extrema *legis. IDEM.*

(d) *Aliquam*, Cod. Iust. forte reponendum, *aliquam inde*, vel *aliquam ideo*: etsi hoc quoque sustineri potest: *IDEM.*

* Reliqua omnia recidit Tribon. *Cod. Iust. subtextis nonnullis ex l. 2. infr. ID.*

(e) *Voluptatis*: quomodo etiam recte Iuretus in *Symmach. lib. 7. epist. 122.* & Amaya in *leg. unic. Cod. Iustit. num. 29* Cæterum hic & mox rursus *Voluptatis* vox propria de ludis, seu ludicris: vid. *Gloss. Theod. ID.*

(f) *Voluptas*, quomodo etiam Amaya d. n. 29. *ID.*

(g) Recte: non ut Iuretus, *proprie voluptatis*, &c. nomine. *ID.*

(h) *Feras*, id est leones, ut initio *legis. ID.*

(i) *Voluptatis* ergo. *ID.*

(k) *Lucris* ergo: Nota interim paronomasiam. *ID.*

(l) Forte abundat. *ID.*

(m) Duces quippe venationis & transductionis ferarum curam gerebant, ut *leg. 2. infr. ID.*

(n) A te? seu monitis: vel ab his qui leonibus occidendis necessitate urgente vacare student. *ID.*

COMMENTARIVS.

LEONES priuatis seu Prouincialibus cunctis occidendi potestatem facit *hæc leg.* Honorius Imp. Anno D. 414. Etsi alioquin (quam dubitandi rationem hic profligat Honorius) ne venationi ferarum, quæ in theatris exhibebantur, præiudicium fieret, priuata venatione sectari eas in syluis, vel venundare aut comparare, licere nolit.

De Venatione primum videamus. Nempe, ut maxime venatio apud Romanos in promiscuo visu foret, attamen Leonum venatio cohibita fuit: Venatio, inquam, id est, viutorum in sylvis inuestigatio & captura, speciali ratione: Non equidem publicæ pacis, aut securitatis ergo: Sed neque priuatæ seu venaticæ tantum voluptatis causâ (quibus alioquin duabus potissimum causis priuatorum venationi Principes hodie intercedunt atque ad ius suum id traduxere) verum ludicræ seu ludiaræ venationis & voluptatis seu ludorum & spectaculorum publicorum ergo, quo pertinet *hic Titulus*, ut ad *Kubricam* ostendi, quodque hac ipsa lege his indicatur, ibi, *voluptati nostræ*: item, *hac ipsa propria voluptas*. Nempe notum, Leonum venationes in Circo vel amphitheatro editas, iam inde ex quo eius rei initium fecit Q. Marius P. F. Scævola in Curuli ædilitate. Quin magnificentiæ Principis magnum hoc velut argumentum speciatim memorant Scriptores *Augusti*, Leonum exhibitionem, & quidem numerosam: vide *Spartianum* & *Dionem*. Quare feras huiusmodi ludis publicis destinatas, Principes non ab aliis venatione capi, quam per Duces (suos) limitum, eorumque Officiales voluere: Quod præter *hanc leg. in fin.* docebit rursum *lex 2. prox.* Quare, si quando huiusmodi feras seu bestias, puta Lybicas, id est Leones, Leopardos, Magistratus ludis suis seu editionibus populo exhibere vellent, ad horum emptionem seu comparationem, auctoritate seu Munificentia Principis, sacrisque literis opus erât, ut docet diserte *Symmachus* tribus epistolis, *lib. 2. epist. 46. lib. 7. epist. 59. & 122.* Hac igitur de causa Leonum in sylvis venatio Priuatæ interdicta fuit hac tempestate; ac proinde nulli venari Leones licuit, nisi *Ducibus limitum* & eorum Officiis, qui scilicet rem militarem in Prouinciis nomine Principis adcurabant. Quibus omnibus Ducibus præerant *Magistri militum*, vel absente Magistro militum, is qui *Magistri militum vices* pro tempore gerebat; Cuiusmodi fuit *Maurianus Comes Domesticorum*, cui hac lex inferibitur, vices agens *Magistri militum*; de quo dixi plene ad *leg. vnic. supr. qui a præb. Tyron. & Equor.* quæ data est biennio ante *hanc leg.* vbi diserte de Comitibus Domesticorum dicitur, *Eorum virtutem Triumphis subiugare de hoste captiuos*: Isque Duces & Officia eorum conuenire seu monere iubetur. Hac ut ita sint, attamen occidere Leones cunctis hac Honorii constitutione permittitur. Occidere, inquam, id est, non venari venationis Theatralis aut promercii ergo, verum pro salute Prouincialium, ut *hac leg.* diserte dicitur, occidere incurstantes forte, iamque timendos: quomodo *l. 1. §. 6. D. de postul. ibi*, ut *feras venetur*, vel ut depugnaret *feram*, quæ regioni nocet, extra arenam. Leonum scilicet cædes hac permittitur (pariter ut *Feudor. 2. tit. 27. de pace tenenda §. 5. verb. nemo retia.*) non venatio; Et duplici quidem ratione addita, quam vtramque *Tribonianus* omisit: Primo, quia *salus Prouincialium* voluptatibus Principum necessario præponenda est. Secundo, quia neque hac occidendorum Leonum licentia voluptatibus Principis fraus fit: quandoquidem eos tantum occidere fas est, qui iam Prouincialibus sunt metuendi; non vero latentes in sylvis eruendi, venandique, quorum numerus longe maximus voluptatibus Principum sufficiebat. Ad illam vero

quoque rationem respexit *Libanius epist. in Regio Codice, ad Antiochum 452. & 458. Edition. Wolff.* cum ab eo venationem ferarum, & Vrforum nominatim exigens, addit ea re non tantum *λαμπράν τὴν λειτουργίαν*, illustre munus publicum, fore, verum etiam καὶ τῷ αὐτῷ τὰς μὲν παρ' ὑμῖν γεωργίας ἀπάλλαττε φόβον, atque hoc ipso agricolâs nostros a timore liberato.

Illud obseruandum, ut Leones in *Africa* frequentes fuere, (qua causâ & ferarum *Lybicarum* seu *Africanarum* appellatione Leones passim intelligi solent ac Leopardis ut omittam alios, *Sueton. Caio cap. 18. Plinius lib. 6. epist. vlt. Dio lib. 59. ad an. V. C. 790. pag. 644. Edit. Leonclari. Hesychius voc. Λιβυκὸν δέρμα, & Λιβυκὸν θηρίον. Plinius lib. 8. cap. 17. de Pantheris, Seruius *Æn. V. v. 37. Symmachus non vno loco, Vopiscus in Aureliano cap. 33. (vbi vide Salmasium) Capitolinus in Gordiano c. 3.)* ita & hanc legem ad *Africam* omnino pertinere videri: *Maurianus* enim Comes, cui hac lex inferibitur; is est proculdubio, qui alioquin *Maurinus Comes* vocatur, qui scilicet aduersus *Heraclianum* Tyrannum missus fuit, & *Marcellinum* Tribunum apud Carthaginem, occidit, teste *Orosio, lib. 7. cap. 42.* Et hac de Leonibus. Quanquam notetur & illud *hac leg. Leonum* tantum venatione & venundatione priuatæ interdictum, nisi Principis permissu. Atenim Vrforum (qui per *Numidiam* præcipui erant) alia ratio fuit. Hos enim venari & comparare priuatæ hac tempestate licuisse, ex *Symmachi lib. 2. epist. 46. & lib. 4. epist. 56. & lib. 5. epist. 62. 65. lib. 7. epist. 121. & lib. 10. epist. 9. & 11. colligitur.**

Superest huius *leg. versiculus ultimus*, cuius hic sensus est: Comitum Domesticorum *Maurianum* eundemque Vices *Magistri militum* agentem, Duces rei militaris, eorumque Officia conuenire, id est admonere debere, cunctis licentiam tributam occidendorum Leonum: Nempe quod Duces eorumque Officia id inhiherent, qui sibi solis id ius vindicabant, hoc obtentu quod ad illos venandorum & transmittendorum, ad voluptatem Principum, Leonum munus pertineret: de quo fidem quoque facit *lex prox.* Perperam vero *Amaya* hoc de omnibus militibus accepit, *n. 26.*

Et hætenus quidem, de huius *leg. sententia*, prout hic posita est: Atenim *Tribonianus*, cum *legem vnicam, Cod. Iustin.* ex duabus huius tituli legibus concinnaret, recisis iis quæ *hac leg.* de prohibita venandi & emendi Leones facultate, adduntur, retenta priore huius *leg. sententia*, absolute seu simpliciter occidendorum leonum potestatem fecit, porrecta ita latius occidendi vocis significatione. Rationem eius facti hanc reddit *Pamelius in Tertull. de spectaculis, c. 1.* quod Iuliani ævo voluptas spectaculorum illorum cessauerit, seu ferarum commissiones cum Bestiariis, seu Arenariis. Quod falsum esse non *Cassiodorus* tantum testatur *lib. V. cap. 42.* sed etiam *Nouella Iustiniani 115. cap. 3. §. causas: & Nouella 109.* vbi recte *Amaya* ostendit ad illam *legem vnic. num. 72. 73.* Ergo necesse est Iustiniani ævo promiscue venandi venundandique leones potestatem cuius patuisse: quia semper metuendæ hæcæta sunt; atque occidi eas publicæ salutis interest.

II. (a) Idem AA. Monaxio PF. P. (b)

PRÆSIDALIS (c) Officii Eufretenis (d) deploratione conserimus, eos qui transductioni ferarum a (e) Duciano (f) officio deputantur, pro septem vel octo diebus, contra Legatio-

Legationum (g) formam, tres, vel quatuor menses in Hieropolitanam (h) urbem residentes, post expensas tanti temporis, etiam caueas exigere, quas nulla præberi consuetudo permittit. Ideoque præcipimus, bestias * quæ ad Comitatum ab omnibus limitum Ducibus transmittuntur, non plus quam septem diebus intra singulas Ciuitates retineri: (i) Scientibus Ducibus & eorum Officiis, si quid contra hæc commissum fuerit, quinque se libras auri fisci viribus inlaturos. Dat. V. Kal. Octobr. (k) Constantinop. DN. Honor. A. XI. & Constantio II. V. C. Coss. [417.]

N O T Æ.

(*) *Lex univ. Cod. Iust. eod. tit. ex hac leg. & superiore conflata est. Iungenda autem huic lex 2. supr. Ne Comit. & Tribu. lau. præst. GOTHOFR.*

(b) Orientis. *IDEM.*

(c) Initium huius leg. recisum a *Cod. Iust.* usque ad vocem *bestias. ID.*

(d) Præfex Eufcratenfis. *ID.*

(e) Vel e. *ID.*

(f) *Ducianum*, officium Ducis: *b. l. vid. Gloss. Ducis Eufcratenfis, & aliorum, veluti Mesopotamiæ, Osdroc. næ. ID.*

(g) Recte habet hæc vox, neque mutanda in *delegationum*. Nempe *Legati* hic sunt, qui transductioni ferarum ex officio Ducum delegati, deputati. Sicut & *Legati*, qui e Prouinciis ad Principem missi: de quibus *supr.* peculiari titulo, de *Legatis. ID.*

(h) *Hieropolitana* vrbs. Eius quoque fit mentio in *l. 8. supr. de Censitorib.* Interim nota huius æui constructionem, *residentes in Hieropolitanam Urbem*, pro *in Hieropolitana Vrbe*. Ita *in domos*, pro *in domibus*, *l. 58. infr. de Hæretic.* in functionem, *l. 16. supr. de Murileg.* & alia similia de quibus *Glossarium*: qualia etiam occurrunt apud Hætor. Aug. Scriptores, veluti *in Senatum*, *in Concionem*, pro, *in Senatu & in Concione*: & *in exercitum*, pro *in exercitu. ID.*

* Hinc vericulus, *bestias*, assitus *legi univ. Cod. Iust. de venat. ferar. ID.*

(i) *Detineri* *Cod. Iust. ID.*

(k) *Aug. in d. leg. 2. ID.*

C O M M E N T A R I V S.

TRANSDUCTIONIS, seu TRANSITVS & DEDUCTIONIS (vt utroque modo Symmachus loquitur) de qua est quoque Claudiani locus *lib. 3. de laudib. Stilichonis v. 325.*

retribus pars erat onustis, &c.

Ferarum, quæ a Ducibus limitum Mesopotamiæ Euphratenfis ad Comitatum Principis transmittuntur per Syriam, Constantinopolim, & in ea per Urbem Hieropolitanam, occasione, Prouinciales concuti hac Theodosii Iun. constitutione ventantur, Anno D. 417. & quidem concuti ab Officiis Ducum Limitaneorum, ac nominatim in spec. huius leg. ab Officialibus Limitis Eufcratenfis: Pariter vt eiusdem Ducis Limitis Eufcratenfis similis quædam altera Prouincialium deprædatio coercetur: *l. 2. supr. ne Comit. & Tribu. lauac. præst.* quæ huic nostræ coniungenda est. Ex quibus duabus coniunctis apparet, Theodosio Iun. integra illa constitutione id propositum fuisse, vt Ducum & Ducianorum concussionibus modum imponeret. Inter alia igitur (quod hæc lex aperte testatur) soliti de more Duces limitum, officii ratione feras seu bestias in limite suo captas (de quo vide dicta ad *leg. 1. supr.*) ad Comitatum Principis transmittere: & quidem in Imperio Orientali, ad Urbem Constantinopolitanam, quos deinde Imp. ludis populo exhiberent, & quidem per nonnullos de Officialium suorum numero. Cæterum Ciuitates, per quas huiusmodi ferae trahebantur seu transibant, Transductoribus Ducum Officialibus, ipsisque feris, expensas præstare tenebantur, vt docent illa verba: *Post expensas tanti*

temporis. Certo tamen numero dierum præstituto, Nempe non nisi septem vel octo diebus in singulis ciuitatibus maioribus harere poterant, qui feras hæc transducebant; ne alioquin nimis expensis, morosa deductione, vt loquitur Symmachus *lib. 7. epist. 105.* ciuitates onerarentur. Hæc enim vnica hac parte ratio huius leg. est, cum de eo, querimonia seu deploratio ad Principem perlata fuisset: non vero illa quoque, quam Amaya coniiciebat, ob periculum Ciuium, si quidem ferae solebant caueas elabi & multos occidere: Apertissime enim hac sanctione occurritur *superexactioni Transductorum.* Alia vero ratio est legis, *5. Cod. Iust. de Spectacul.* Hæc erat, vt lex loquitur, *Legationum* (id est transmittendarum, traducendarumque ferarum) forma; scilicet vt ne ablegati a Duce ad transducendas feras ultra septem vel octo dies in singulis Ciuitatibus morari possent: sic & Theodosius M. *l. 2. supr. de Tractator. & statui.* eos qui animalia & equos sacro, (id est Principis) vsui necessarios prosequerentur, quinque tantum dies in aliquo loco residere permisit. Huic denique haud adeo ablimilis Legationum forma occurrit, *l. 2. supr. de Legat.* Ergo primam hanc Legationis istius seu Transductionis ferarum formam legemque Theodosius Iun. hæc leg. proponit, & in vsum reuocat subleuandis Prouincialibus: cum tamen in spec. huius leg. in Vrbe Hieropolitana, tres vel quatuor menses Transductores ferarum sæpe harerent: proculdubio lucelli aliquid inde colligentes, urbemque adeo ipsam expensis ita onerantes. Alioquin non nouum, ob inter-

interuentum videlicet & intemperiem hyemis, vt feræ tribus vel quatuor mensibus alicubi, sed priuato sumptu, harerent: vt ita Veris temperie sine vexatione peruenirent: Exemplum apud Symmachum lib. 9. epist. 19. 22.

Altera hæc Ducianorum, qui feras transducebant, præda hac leg. proponitur, quod *Cauæas* a Ciuitatibus per quas feræ traducebantur, exigere. *Cauæas*, inquam, feris continendis, quas Græci *δεχαιμένας* vocarunt, vel *γαλεάγρας*: Quarum etiam *Cauæarum*, (& quidem ferrearum) aduehendis scilicet feris, meminit Symmachus lib. 2. epist. 77. Meminit & Ammianus Marcellinus lib. 29. cap. 3. Alioquin notum, feras in Amphitheatro ex caueis in arenam missas: vnde exeuntium maior vis & impetus erat: de quo locus extat apud Vopiscum in vita Probi, cap. 19. Neque tantum feræ hæ ipsæ caueæ erant, sed & iligneæ, ligneæque. Claudian. Panegy. 3. in laudem Stilichonis, vbi ingentem ferarum apparatus in ludos Consulares a Stilichone exhibitos describit, vers. 322.

*Hæc laqueis innexa gemunt, & clausa feruntur
Ilignis domibus: fabri nec tigna polire
Sufficiunt; rudibus sagis texuntur & ornis
Frendentes caueæ.*

Ex his patet, quam male Briffonius *Cauæas* hic pro *Cauæa Theatri* interpretatus sit: hæ nostræ portatiles, illæ Theatrales, quibus feræ dæm emitterentur, includebantur: *πρόγαια* Herodiano in Commodio l. 1. c. 15. ferreis aut ligneis portis obstrictæ, *Clathros Cauæa* vocat Hōratiū sub fin. Artis Poëtica.

Nunc ad legem nostram. Ergo hæ duæ leges seu conditiones transductioni ferarum ad Comitatum iam olim quoque positæ fuerant: verum cum vtrique fraus fieret, id est, cum Transuectores totos etiam tres vel quatuor menses in urbibus residerent, & hac quoque occasione *Cauææ* exigere aduersus consuetudinem, id vtrumque hac leg. prohibetur, atque ad antiquam legem, formam & consuetudinem res reducitur.

Pertinet autem hæc lex proprie ad Prouinciā *Eufratensem*, eiusque Præsidentem & Ducem: De qua alioquin Prouincia iam dixi ad d. l. 2. ne Comit. quæ huic est coniungenda: Eiusdemque non vna mentio apud Philostorgium. Caterum huius Prouinciæ *Hierapolin* Metropolin fuisse, & hæc lex ostendit:

Sed & Ammian. Marcellin. l. 14. c. 8. *Comagena*, inquit, nunc *Eufratensis Hierapoli*, vetere *Nino*, & *Samosata* Ciuitatibus amplius illustris. Fit etiam huius mentio l. 8. supr. de Censitor. Meminit & Ammianus Marcellinus non semel inter alia lib. 23. c. 2. vbi *Ciuitatem capacissimam* vocat. Caterum *Eufratensis* in Syria fuit. Itaque vt superior lex pertinet ad feras *Lybicas* seu *Africanas*: ita hæc ad feras *Syriacas*. Nam vt in *Lybia*, ita & in *Syria* frequentes huiusmodi feræ fuere. Hinc apud Vopiscum in vita Probi c. 19. iunguntur *Leopardi Lybici & Syriaci*. Editi deinde, inquit, *C. Leopardi Lybici, C. Syriaci, C. Leane, &c.* Sed etiam *Palæstinarum* ferarum mentio apud eundem Vopiscum in vita *Aureliani* c. 33. Atquin & ipsa *Palæstina* *Syria* pars fuit.

Caterum toto huius leg. argumento liquet, maxima copia huiusmodi feras per Urbem Hieropolitanam *Syriæ*, (quo appellebant omnes hac tempestate,) ad Comitatum transmissas, vti huius sæculi studium in ludicra maximum fuit. Eo scilicet pertinent *deplorationes*, de quibus hac leg. Eo item pertinet, quod de omnibus limitum Ducibus additur, per Orientem videlicet, a quibus omnibus leones ad Comitatum transmittentur: In quibus & Dux *Mesopotamiæ*, & Dux *Euphratensis*. De quorum Leonum per eum *Mesopotamiæ* tractum copia, & quomodo a culicibus infestentur, mox & enecentur, agit Ammianus Marcellinus lib. 18. cap. 7. Tandem & quod poena grauissima hac leg. imponitur.

Postremum, notetur posse hanc legem accipi non tantum de feris captis a Ducibus Limitis *Eufratensis*; verum & de iis, quæ ex *Babylonia* Imperatores accipiebant. Locus est apud Philostorgium insignis, in vita *Apollonii*, lib. 1. cap. 23. vbi agit de duobus vicis, quos *Syriæ* *Præfæ* a Rege *Babyloniæ* sub *Apollonio* repetitum ibat; vbi Rex ait, duos illos vicos olim maioribus suis ab *Antiocho* & *Seleuco* *Syriæ* Regibus datos, pro feris educandis, quæ a *Babyloniis* captæ ad eos peruenirent: *ἐνεχάρησαν τοῖς ἐμοῖς προγονοῖς οἱ βασιλεῖς, ἔς εἰπον, Ἰσοφῆς ἐνεκα τῶν θηρίων, ἃ παρ' ἡμῖν ἀλίσκόμενα, φοιτῶσιν ἐς τὴν ἐκεῖων διὰ τῆς Εὐφράτης. Concessere maioribus meis prædicti reges pro his feris educandis, quæ a nobis captæ per *Euphratem* ad eos perueniunt.*



DE GLADIATORIBVS.

TITVLVS XII.

LIB. XI. COD. IVST. TIT. XLIII.

De Gladiatoribus penitus tollendis.

PARATITLON.

GGLADIATORES, Rubr. & l. 1. h. t. (a quibus munus Gladiatorium, l. 2. hoc tit. ludus gladiatorius, l. 3. hoc tit. & l. vnic. supr. ad Leg. Fab. & ludus simpliciter, l. 2. & 8. supr. de Pæn.) erant, a quibus in otio ciuili & domestica quiete cruenta spectacula, l. 1. hoc tit. edebantur in arena, l. 11. supr. de Pæn. vnde *Gladiatorium* nomen detestandum, dict. l. 2. h. t. Sane *Lanista* dicebatur, qui eos docebat: l. 11. supr. de Pæn.

Exercitium eorum sæua meditatio & pugnatrix dicitur, *d. l. ii.* Quæ Gladiatorium hoc munus impendebant (id est largiebantur) Munerarii dicti: *d. l. 2. hoc tit.* Porro Gladiatorum alii operam suam huic muneri addicebant, & hî *auctorare se* dicebantur: *d. l. 2. h. t.* Quod Milites & Palatina dignitate præditi facere prohibentur, *d. l. 2. h. t.* Alii vero eo damnabantur. Damnatorum ad ludum Gladiatorium duplex conditio erat: Alii quippe aliquid facere poterant, quo se defenderent (id est, liberari possent:) Alii gladio consumendi erant: *d. l. vnic. supr. ad Leg. Fab. vbi dixi.*

Cæterum Constantinus Gladiatores per Orientem omnino esse, & ad ludum Gladiatorium damnari prohibuit, *l. i. hoc tit.* (quæ proposita *Beryti*) Quod tamen non semper nec vbique obtinuissè, ostendunt *lex 2. & 3. hoc tit.* Et sane Christiani tantum a Valentiniano prohibiti in ludum damnari, *l. 8. supr. de Pœnis*: mox & Palatini Gentiles, *l. ii. supr. de Pœn.* Damnati alioquin ad ludum, Plagiarii liberorum: *dict. l. vnic. supr. ad Leg. Fab.*

CONSTANTINI M. lex, qua gladiatores prohibiti.

I. (a) Imp. CONSTANTINVS A. Maximo PF. P. (b)

CRVENTA (c) spectacula in otio (d) ciuili & domestica quiete non placent: Quapropter, qui omnino (e) Gladiatores esse prohibemus, eos qui forte delictorum causa hanc (f) condicionem, adque sententiam mereri consueuerant, metallo magis facies inferuire, vt sine sanguine, fuorum scelerum pœnas agnoscant, (g) PP. Beryto, (h) Kalend. Octobr. Paulino & Iuliano Coss. [325.]

N O T Æ.

(a) *Lex vnica, Cod. Iust. eod. tit.* hinc detruncata est. *GOTHOFR.*

(b) Ex inscriptione *legis 12. supr. de Decurien.* colligi possit, hic PP. idem valere, ac *Proprefecto Prætorio*: vide quæ ad eam prolixius. Similiter interpretanda hæ notæ in Inscriptione *l. 15. infr. de Paganis*: vbi vide quæ notauimus. *IDEM.*

(c) Hominum scilicet. Ita *ludicra cruenta* apud Ammianum Marcellinum *lib. 14. c. 7.* de senectia Galli Cæsaris: *μικροφώνος ἡτάς* Gregor. Nazianzenus (vel potius Amphilebius) *Carmine ad Seleucum, v. 114. pag. 191. Tom. II. Oper. Edition. Lips. ID.*

(d) Id est, Tempore pacis. Itaque hoc *κατ' ἀντιδιαστολὴν* belli additum. *ID.*

(e) Etiam voluntarios & auctoratos; de quibus *l. 2. infr. ID.*

(f) Pœnæ, videlicet ludi Gladiatorii. *ID.*

(g) Id est sufficiant, sustineant. *ID.*

(h) *Beryti* hæc lex proposita; de quo postea. *ID.*

COMMENTARIVS.

CONSTANTINI M. constitutio isthæc est, non Constantii, in quo Alciatus etiam errauit; quæ GLADIATORES non e Republ. in vniuersum, quod plerique censent, seu e toto Orbe Romano Christiano: velum per Orientem & Beryti quidem in Syria Phœnice, vbi hæc lex proposita est, abolentur: Neque voluntarii tantum Gladiatorum genera fuere, vt ex hac leg. & duabus seqq. liquet, & *l. 2. 8. ii. supr. de Pœnis*: *l. vnic. supr. ad leg. Fab. de Plagiari.* Non modo inquam sponte ad gladium vel ludum auctorare sese quis hac Constantini M. constitutione prohibetur (neque enim hæc in seipsum potestas iure tribuitur) verum etiam a ludicibus, scilicet pœnæ loco ad ludum dari, damnari, & sic ludi pœna Beryti in Phœnicia ea leg. abolentur. *Tom. V.*

Quod postremum tamen admittendum saltem videbatur, nam de his quæsitum. Certe hæc pœnæ species, vt ante Constantinum M. ita inter initia ipsius ante hanc constitutionem adhuc obtinebat; vt docent quoque *d. lex 2. supr. de pœnis*: & *d. l. vnic. supr. ad leg. Fab.* De his etiam Firmicus *lib. 7. cap. 8.* *Gladiatores efficient, sed qui damnati ad hoc exitium transferantur*: qui quidem sæpe libris suis de Gladiatoribus agit. Sed vt dixi, Constantinus hac constitutione, vt ipsemet loquitur, Gladiatores OMNINO prohibitos ibi voluit: Et sic vox *Omnino*, pertinet ad omne genus Gladiatorum. Hac addita *Ratione*, (quæ & Auctoratis & Damnatiis communis est) Quod *cruenta spectacula in otio Ciuili & domestica quiete non placeant*; cuius rationis sensus quis sit, videamus. Putet quis hunc esse, lucua-

Iucundum equidem hostis occisi spectaculum esse, oculosque cæde hostis pascere, & ut ille aiebat, *bene olere hostem occisum*: denique spectacula cruenta belli tempore atque in hoste placere: At, sine bello (ut Lactantius *Instituti. Epitomes*, cap. 63. in hac ipsa re loquitur) Gladiatorum inter se commissiones omnino displicere: Neque enim P. Fabri interpretatio hic vllatenus admittenda, 2. *Sem. 10.* existimantis; verbis hinc indicari speciatim munera illa gladiatoria, quæ olim sub belli gerendi tempus edi solita a Ducibus (cuius moris alioquin meminit Spartianus in *vita Severi*, & Capitolinus qui sub Constantino M. scripsit in *vita Maximi & Balbini c. 8.* ubi in eius moris rationem inquirat.) Hac enim Constantini constitutione, quocunque tandem pacis vel otii tempore, & quacunque gladiatoria spectacula damnantur: viceversa, bellica spectacula cruenta non displicere sibi is innuit: hæc huius rationis sententia videtur: nempe Constantinus Gladiatores rebus pacatis esse vetuit, in otio civili & domestica quiete, ad differentiam Barbarorum seu hostium bello captorum, qui ut feris etiam obiciebantur, ita & ad Gladiatorum ludum dabantur: Quod & porro factum Symmachi ætate: quod & Saxonum & Sarmatarum exempla apud eum ostendunt *lib. 2. epist. 46. lib. 10. epist. 61.* Nempe quod Iosephus ait, *lib. 19. Antiq. Iudaic. cap. 7.* huiusmodi Gladiatorum exhibitione τῷ τῷ πολέμῳ ἔργῳ τέρψις εἰρήνης, voluptas pacis seu quietis & otii exhibebatur. Conuenit apprimè & Manilius *lib. 4.* ubi duo cruentorum spectaculorum genera pacis tempore complectens, ferarum scilicet & Gladiatorum, sic scribit v. 218. seq.

In bellum arduos animos & Martia castra

Efficit, & multo gaudentem SANGVINE CIVEM:

Nec prada quam CÆDE magis. cumque ipsa SVB ARMIS

PAX AGITVR, capiunt saltus, silvasque pererrant,

Nunc HOMINVM, nunc BELLA gerunt violenta ferarum:

Nunc caput in MORTEM vendunt, & funus arena,

Atque HOSTEM sibi quisque parat, cum BELLA QVIESCVNT;

Sunt quibus & simulacra placent, & ludus in armis, &c.

Ergo voluit Constantinus, ut pax seu otium civile ac domestica quies a bello, & civis discernere-
tur ab hoste: contra quam ille de quo Manilius, *lib. 5. v. 494.*

Cumque hominum dederit strages, dabit ille ferarum,

Nec pacem a bello, ciuem discernet ab hoste.

Et sic otium civile & domestica quies παραλλήλως dicuntur: voxque otii propria de pace: sic quoque *l. 2. de Veteranis: sub sæculi nostri otio & pace.* Otium denique pro securitate & felicitate, ut Seruius quoque notat.

Hæc porro illa est famigerata Constantini constitutio; Constantini, inquam, qui primus veneranda Christianorum fide Romanum munivit Imperium: cuius meminerunt Auctor *Vite Constantini lib. 4. cap. 25.* Socrates *lib. 1. cap. 18. in princ.* Sozomenus *lib. 1. cap. 8. pag. 204.* Niceph. *lib. 7. cap. 46.* Eodemque respectu Lipsius *1. Saturnal. 12.* putabat Ammianum Marcellinum *lib. 14. c. 7.* ubi agens de Gallo Cæsare Antiochiæ versante, ait;

eum *LVDICRIS CRVENTIS delectatum, & in Circo sex vel septem aliquoties vetitis certaminibus PVGILVM vicissim se concidentium perfigorumque sanguine specie ut lucratum ingentia letatum.* Vbi Pugiles pro Gladiatoribus accipiendos, quomodo & Græci Gladiatores πύκτας; eosque πυκτέων dixere, verba quoque illa *VE TITA* certamina ostendere videantur. Sed tamen de pugillatu proprie hunc locum recte explicabat Doctiss. P. Faber *1. Agonisticon 7.* & probavit Doctiss. Valesius ad eum Marcellini locum, quod utique cruentum spectaculum fuit, ubi cestibus pugnantes sese mutuo descobinabant, ut Varro aliquis loqueretur, & ut Poëtæ fidem faciunt, apud quos victus semper male multatus & cruentus abibat ex certamine: Antagonistarum quippe os, oculique ita miris modis deformabantur, difficile ut esset, ipsos post pugnam internoscere: de quo vid. eundem Fabr. *d. cap. 7.* Et quod *Vetita aliquoties certamina Pugilum* dixit Marcellinus, id non ad illam Constantini prohibitionem respicit; verum ad alias prohibitiones; nempe, ut conlicere liceat primum, si casus aliquis in Pugillatu extraordinarius eveniret, cum sæpe prohibitum, mox tamen exolefcente memoria restitutum; ut discimus *ex l. 3. supr. de Scenicis.* Sed & eo alluisse potuit Marcellinus, quod Lacedæmonii verabant suos Pancratio & Cestu decernere, ubi inferiorem ostendit Victi confessio, teste Seneca *5. de benefic. cap. 3.* Et Plutarchus ait certaminum hæc tantum eos civibus concessisse, ἐν οἷς χεῖρ ἐκ ἀνατένεται, in quibus manus non attollitur. Quod itidem Seneca testatur loco iam dicto; videndus & Cicero *Tusculan. 2. c. 16.* Ergo aliquoties vetita certamina Pugilum dixit Marcellinus, quæ ubicunque tandem aliquando vetita. Qua voce & sæpe alias uti solet, Sic *lib. 14. c. 1. Ut aliquoties celsæ Potestates iras p. 397 Principum molliuerunt.* Graculo more, ἐνίοτε, ἐὸν ὅτε, ἔστιν ὅτε. Hanc certe constitutionem intellexit quoque Auctor Chronici Alexandrini, his ipsis *COSS. Paulino & Iuliano pag. 660. 661. Edit. Rader.* his verbis: καὶ τῶν τεχνιτῶν καὶ συντελεσῶν τὰ ἐπιτάγματα περιέλεν τὸ ἐνιαυτὸς τῆς αὐτῆς εἰκοσαετηρίδος: eodem anno vicesimo imperii artificum sodalitia sustulit. ubi τεχνιτῶν καὶ συντελεσῶν sunt Artifices sese mutuo conficientes, id est Gladiatores; nam ut Artifices absolute quoque pro Gladiatoribus veluti apud incertum Auctorem *Panegyrici ad Constantinum cap. 19. in fin.* (vel pro Aurigis seu Agitatoribus Circensibus apud Plinium *lib. 7. cap. 53. in fin.*) Ita & συντελεσῶν sunt qui inter se committuntur, pugnantque: συντελεῖν est conficere, consummare: ἐπιτάγματα sunt cohortes, sodalitia. Quare gravis error est Interpretis Chronici istius Alexandrini, qui publicorum officiorum munera vel tributa (a clericis scilicet) sublati ibi interpretatur.

Circa hanc porro Constantini constitutionem observari cupio, eam a Constantino promulgatam, eodem ipso Anno quo Concilium Nicænum habitum fuit: Paulino inquam & Iuliano *COSS.* post varias scilicet ad id Patrum exhortationes, forte etiam ipsorum Patrum Nicænorum, certe post Concilium Nicænum. Humaniter enim erravit Vir Doctus *III. Obseru. 7.* cum scriberet, ante Concilium Nicænum hæc leg. a Constantino Gladiatores prohibitos. Est enim hæc lex *PP. Beryto his COSS. Kal. Octobr.* Atque Concilium Nicænum iam finitum erat *VIII. Kalend. Sept.* ut testatur Cresconii collectio. Ex præscripto videlicet Legis Christianæ, cuius hæc sanctio est, cruenta spectacula in otio Civili & domestica quiete non placere. Non placere, inquam, id est non convenire Religioni Christianæ. Et vero ideo primus Roman. Principum Constantinus

tinus Gladiatoria Spectacula submouit. Nam vt maxime etiam Gentilium nonnulli crudele hoc & inhumanum Gladiatorum spectaculum iam olim damnarint, vt nescio quis apud Lucilium, *Sat. lib. 26.* (referente Nonio *cap. 3. voc. repedare 738.*) aliique apud Ciceron. *2. Tusculan. c. 16.* Et si rursum in Rep. Rom. eo ventum, vt hæc Spectacula coercerentur, definitis videlicet iis, qui hæc Spectacula edere possent, vel non possent, numero etiam Gladiatorum definito, supra quem ne habere aut dare liceret: coercito denique sumptu ad munera. Item, etsi nonnemo Principum Gentilium hæc cruenta Spectacula omnifariam temperauerit, vt de Marco Antonio refert Capitolinus, in eius *vita cap. 11.* & Dio in *excerpt. Xiphilin.* in eodem Marco, *p. 371. Ed. Sylburg.* inter cætera iussis gladiatoribus rudibus dimicare. Attamen inueterata licentia perripit omnia septa: seroque ad id ventum, vt Gladiatoria Spectacula tollerentur: non a Nerua Imp. quem Zonarae lapsum iam Lipsius recte notauit: non ab aliis Gentilibus Imperatoribus, Constantino M. igitur Christiano Principi hæc laus reservata: ideo Sozomenus diserte *lib. 1. cap. 8. παρὰ δὲ Παυλίῳ τότε πρώτῳ ἢ τῶν μονομαχῶν ἐκωλύθη θεῶν, ἀπὸν Ρωμῶν τὴν πρῶτην ἀποφασίαν ἀπὸν τῶν ἀποφασίσαντων τῶν ἀποφασίσαντων* Soli scilicet Christiani vt sub Gentilibus Imp. Gladiatoria Spectacula omnimodo exagitant, (quod ex Tertulliano, Cypriano, Athenagora liquet) ita multo iam fidentius sub Constantino M. & ipso Christiano. Sane Lactantius, (Crispi Cafaris Constantini M. filii Magister, qui paulo ante hanc constitutionem scribebat) *lib. 6. cap. 20. Institution. diuinar.* Constantinum haud obscure hortatur, ad ludos hos Gladiatorios tollendos, cuius verba hic apponere iuuat, quia ad rem omnino faciunt: Spectacula, inquit, hæc publica non contemunt: Itaque his & delectantur, & libenter interfunt: Que quoniam maxima sunt irritamenta vitiatorum, & ad corrumpendos animos potentissime valent, TOLLENDÆ SVNT NORIS (vobis) quia non modo ad beatam vitam nihil conferunt, sed etiam nocent plurimum: nam qui hominem, QVAMVIS OBMERITA DAMNATVM (istud huic leg. maximè conuenit) in conspectu suo iugulari pro voluptate computat, conscientiam suam polluit, tam scilicet, quam si homicidii quod sit occultè, spectator & particeps fiat. Hos tamen Ludos vocant, in quibus humanus sanguis effunditur: Adeo longe ab hominibus secessit humanitas, vt cum animas hominum interficiant, ludere se opinentur, NOCENTIORES iis omnibus, quorum sanguinem voluptati habent. Quæro nunc, an possint pii & iusti homines esse, qui constitutos sub illi mortis, ac misericordiam deprecantes, non tantum patiuntur occidi, sed et flagitant, feruntque ad mortem crudelia & inhumana suffragia, nec vulneribus satiati, nec CRVORE contenti: quin etiam percussis iacentesque repeti iubent, & cadavera iectibus dissipari, ne quis illis dissimulata morte deludat: Irascuntur etiam pugnantibus, nisi celeriter e duobus alter occisus est, & tanquam humanum sanguinem sitiant, oderunt moras: alios illis compares dari possunt recentiores, vt quamprimum oculos suos satient: Hæc consuetudine imbuti, humanitatem perdidierunt: Itaque non parcunt etiam innocentibus, sed exercent in omnes quod in MALORVM trucidatione didicerunt. Huius igitur publici homicidii socios & particeps esse non conuenit eos, qui iustitia viam tenere nituntur: non enim cum occidere Deus vetat, laucinari nos tantum prohibet, quod ne per Leges quidem publicas licet, sed ea quoque ne fiant mōnet, quæ apud homines pro licitis habentur. Idem Lactantius epitomes *cap. 63. Quid tam horribile, tam tetrum, quam hominis trucidatio? Ideo seuerissimis legibus vita nostra munitur, ideo bella execrabilia sunt: inuenit tamen*

Tom. V.

consuetudo, quatenus homicidium SINE BELLO ac sine legibus faciat, & hoc vt scelus vindicent. Quod si interesse homicidio sceleris conscientia est, & eodem facinore spectator obstrictus est, quo & admisor: Ergo & in his Gladiatorum actibus non minus cruore perfunditur, qui spectat, quam ille qui facit: nec potest esse immunis a sanguine, qui voluit effundi: aut videri non interfecisse, qui interfecitori & fauet, & premium postulat. Hactenus Lactantius.

Eo itaque tandem adactus fuit Constantinus M. iam Christianus, serio iam piis Patribus aures præbens, vt Gladium ludum tolleret, & prohiberet: non quidem per totum Orbem Romanum (quod vulgo traditum) seu e Republ. Christiana; verum in Oriente, ac nominatim per Phœnicem Beryti, qui inter initia Imperii hæc ludum hunc non-indam tulerat. Et quidquid tamen Constantinus M. per Syriam Phœnicem (vbi ideo hæc lex Beryti proposita dicitur) sanxerit, Gladiatoresque omnino esse prohibuerit; attamen alibi usurpati deinceps hi ludi: Et quidem, in proxima Syria-Cœle, Antiochia; cui rei testis Libanius Antiochenus, de *vita sua, p. 3. Edit. Morell.* vbi ludorum Gladiatorum meminit, quibus ipse quatuordecim annos natus (Anno D. 328.) quatuor post hanc leg. annis, spectandis Antiochiæ nuntium remisit cum omnium admiratione: ἀδελφὸς ἐμὲνα μονομαχῶν ἐκείνων ἐν αἰς ἐπιπλέον τε καὶ ἐνίκων ἀνδρες, ἔς ἐφ' ὅσα αἰ. μαθήσας εἶναι τῶν ἐν πύλαις τριακοσίων: Spectaculi gladiatorum contemptor fui, in quo arena ludo viri cadebant & vincebant, quos dices discipulos fuisse trecentorum, qui apud Pylas pugnaverant. Aditque hos ludos ab auunculo suo editos. Sane & in Ital. a, (quod docet Ambrosius *lib. 2. Officior. cap. 21.*) & Romæ quoque Gladiatorium deinceps munus sterit, ludique pœna: vti docet exerte Constantii lex 2. Honorii lex 3. hoc tit. & Valentiniani lex 8. & 11. *supr. de pœnis:* non itidem lex 3. *infr. de Paganis*, quod Lipsius credidit (ludorum enim appellatione, Scenici ibi intelligendip. 392 sunt) itemque Symmachus non vno loco, inter cætera *lib. 2. ep. 46. Prudentius lib. 2. aduersus Symmachum* (loco quem mox consignabo) Augustinus *lib. 6. confession. cap. 8. vbi Aegyptium Gladiatorii Spectaculi inbiatu incredibiliter abreptum scribit.* Nempe Roma, vt cæteroquin veteris moris retinentior fuit, ita contumaciorem sese hanc quoque in partem præbuit: & modum tantum quandam huic rei adhibuere Christiani Principes, quibus alioquin Gladiatorium nomen detestandum esset: *l. 2. infr. & in his Constantius, & Valentinianus Sen. prohibito tantum certo hominum genere in ludum Gladiatorium auctorari damnauique; puta Christianis & Palatinis: d. l. 2. infr. & d. l. 8. & 11. supr. de pœnis:* Quapropter Prudentius A. D. 404 *d. lib. 2. aduers. Symmach. sub fin.* Honorium Romæ iam posuim (de qua Honorii Romæ mora hoc Anno vide Chron. Theodos) cohortatur ad ludos Gladiatorios Romæ penitus tollendos; votumque & preces apud Principem interponit pro tollendis iis. Sic enim de Virginibus agens scribit.

An quoniam podii meliore in parte sedentes, Spectant eratam faciem, quam crebra tridente Impactò quatiant hastilia, saucius & quam Vulneribus patulis partem perfundat arena Quam fugit, & quanto vestigia sanguine signet? Quod genus vi sceleris iam nesciat aurea Roma Te precor, Asponii Dux Augustissime regni, Et tam triste sacrum iubeas vi cætera tolli, Perspice: nonne vacat meriti locus iste paterni? Quem tibi supplendum Deus & Genitoris amica Seruauit pietas: solus ne premia tanta

*Virtutis caperet, partem tibi nate referuo,
Dixit, & integrum decus intactumque reliquit.
Arripe dilatam tua Dux in tempora famam:
Quodque Patri superest successor laudis habeto.
Ille VRBEM vetuit taurorum sanguine tingi,
Tu mortes miserorum hominum prohibeto litari:
Nullus in Vrbe cadat, cuius sit Pœna voluptas,
Nec sua virginitas oblectet cadibus ora,
Iam solis contenta feris infamis arena,
Nulla cruentatis homicidia ludat in armis.
Sit deuota Deo, sit tanto Principe digna,
Et virtute potens, & criminis infcia Roma,
Quemque Ducem belli sequitur, pietate sequatur.*

Tandem igitur ROMÆ quoque sublatis (sed non ante Anno D. 404.) ab Honorio Imp. Gladiatores: & quidem (vt prodit Theodoretus lib. 5. cap. 26. & ex eo Tripartitus Auctor, lib. 10. cap. 2.) aliqui Telemachi Monachi cuiusdam occasione, qui ex Oriente Romam profectus, Gladiatoresque Romæ pugnantes pio quodam ardore deducere conatus, a Spectatoribus lapidibus obrutus fuit: atque inde *νικηφόρος μέγας* ab Honorio adscriptus.

Ex his ita distincte propositis, de Baronii quinque hac parte erroribus iam liquet: Liquet inquam, Primo, non vbiue Gladiatores a Constantino M. sublatis, imo neque Romæ sublatis, sed in Oriente tantum. Proinde Secundo ex his liquet, non recruduisse eos Romæ, seu reditum ad Gladiatorum munera post Constantinum; quod etiam Lipsius putauit, & Petrus III. *Obseru.* 7. pag. 343. 344. Liquet Tertio, Imperatorum post Constantinum ante Honorium nullum Gladiatorios ludos Romæ legibus vetuisse: Proinde (quod Quartum) liquet non Theodosium M. Romæ ludos Gladiatorios fuisse. Ac per consequens (quod Quintum) non recruduisse Romæ sub Honorio antea sublatis. Nam quod Baronius Anno D. 395. num. 19. 26. vt probet Gladiatores a Theodosio M. sublatis ex Martyrologio Romano notat de Almachio occiso a Gladiatoribus, atque adeo martyre sub Alypio P. V. eo quod Gentiles moneret, vt cessarent a superstitionibus idolorum & a sacrificiis pollutis, id nescio an cum narratione de Telemacho quicquam commune habeat: Theodoretus certe magis hic fides habenda. Quid enim *legi 3. infr.* faciet, quæ ostendit, sub Honorio aliquandiu adhuc ludum Gladiatorium Romæ stetit Anno Domini 397. Imo quid Prudentio reponet, qui disertis verbis post Polentinam de Gothis Victoriam quam prosequitur, quæque congruit Anno D. 403. scribens ait, Theodosium cum Romæ ludos Gladiatorios non fuisse, locum istum meriti vacuum filio Honorio reliquisse, seruasse. Ex his interim quoque apparet, ex d. inquam l. 3. & ex Prudentio humaniter errare Virum doctum III. *Obseruat.* cap. 7. cum illam de Telemachi Romæ cæde, atque exinde ludorum Gladiatoriorum ab Honorio factam prohibitionem refert ad Ann. D. 396. & 397. Neque moror Tripartitæ Auctorem, quem ipse laudat, qui id factum indicat ante Nectarii obitum Anno D. 397. 27. die Septembris: Nos enim scimus, quam male temporum ratio huic alisque constare soleat. Quomodo idem Vir doctus eludat *legem 3.* ibi videbimus.

Cæterum obseruanda adhuc ad hanc *legem* nonnulla. Primo de loco, vbi hæc *lex* proposita dicitur: puta Beryti, nempe non eo tantum quod ea vetus Romanorum colonia, frequentissima Phœnices Ciuitas esset: vnde & postea factum (iam inde a Iuliani temporibus, vt *leges* non iam Tyri (quæ Metropolis alioquin erat) proponerentur, verum Beryti: vt exerte docet *lex ii. supr. de Tyrenib.* vbi de hoc dixi plenius. Verum quia maiore animo

ibi huiusmodi ludi ab antiquo ederentur. Iam inde ab Agrippæ Regis temporibus, qui Iosepho teste *Antiquitatum Iudaicarum*, lib. 19. cap. 7. sub Claudio Imp. excitato Beryti magnis sumptibus Amphitheatro magnifico, plurima ibi Gladiatorum paria exhibuit, commissis etiam inter se Damnatiorum cohortibus: Locus est insignis, vbi inter cætera & ad locum ista: ἐν δὲ τῇ ἀμφιθεάτρῳ πληθεὶ μονομάχων τὴν αὐτὴν δεικνὺς μεγαλοψύαν: ἐνθα καὶ τὴν κατὰ πληθὺν ἀντίταξιν βαλὼν γενομένη τῶν θεωμένων τέρψιν, ἐπτακοσίους ἀνδρας ἐπτακοσίους μαχησομένους ἐπεμφε, κακῆργας ἕσας εἶχεν ἀποτάξας εἰς τὴν δὲ τὴν πρῶξιν, ἵνα οἱ μὲν κολασθῶσι, τὸ πολέμῳ δὲ ἔργον γενήσῃ τέρψις εἰρήνης, in amphitheatrum vero ad ostentandam magnificentiam inductis plurimis gladiatorum paribus: volens deinde Spectatores oblectare etiam cateruatim commissis pugnatoribus, ex maleficis in hoc destinatis duas cohortes fecit septingentorum quamque hominum, vt illis per imaginem belli decernerentibus, pœna noxiorum in pacis voluptatem verteret, quæ postrema de κακῆργας seu Damnatitiis, quorum supplicio belli species, pacis voluptatem exhiberet, huic *legi* omnino respondet. Vide & quæ idem sub Nerone de Agrippa scribit, lib. 20. cap. 8. p. 698. sub Tito item lib. 7. de bello Iudaico, cap. 20. in fin. Vbi rursus agit de Iudæis captiuis per Titum Natali Patris Vespasiani Beryti ingenti numero in Spectaculo necatis, etiam per ἀλλοχολοσίαν. Ergo deinceps quoque proculdubio Berytus huiusmodi Gladiatorum spectaculis & commissionibus præ aliis vrbibus indultus: quæ causâ huius *leg.* proponenda Beryti. Post sublatum certe Gladiatorium ludum ibi, Berytus Circensibus & Scenicis floruit: vt testatur vetustus *Descriptionis Orbis Romani Auctor* cap. 17. Constantino M. paulo recentior, quem haud ita pridem extuli, e Græco verius. Ecce similiter *Ladicia Circenses & Tyrus & Berytus & Casarea: sed Ladicia mittit aliis ciuitatibus Agitatores optimos: Tyrus & Berytus mimarios: Casarea Pantomimos: Heliopolis Coraulas; maxime quod a Libano Musa illis inspirent Diuinitatem dicendi: aliquando autem & Gaza habet bonos Auditores: dicitur autem habere eam & Pammacharios, Ascalon Athletas luctatores.* P. 399 *Castabeta Caluperas.* Nempe singulari obseruatione Scriptor ille sub Constantio Imp. designans, quodnam ludicri genus per singulas Syriæ ciuitates exerceretur, nullum M VNERIS Gladiatorii in Syriâ exhibiti mentionem facit. Et idem tamen cap. 53. de Africa & KARTHAGINE agens, *Munerum Spectaculum ibi valde contentiose Spectatum*, ait.

Secundo obseruari cupio temporis huius *legi* subscripti caracterismum. Dicitur nempe hæc *lex PP. Kalend. Octobr.* vt & proxima *lex Data XVI. Kalend. Nouembr.* nempe ideo, quia paulo post, mense Decembri, munus istorum Gladiatoriorum tempus coepturum erat: quod etiam sub Constantini M. temporibus Kalendarium vetus Romanum ostendit: vbi eo mense crebra istius Muneris mentio sit, a die inquam *IV. Nonis Decembr.* ad *IX. Kalend. Ianuar.* quo hæc Spectacula definebant: (vt Iulianus quoque docet, *Orat. sua in Solem.* 4. pag. 156. Edit. Lips. Spanhem.) ita quidem, vt ibi notetur Initium muneris, duoque distincta munerum istorum genera, alia scilicet quæ a Candidatis dabantur: alia quæ ab Arcariis qui de Arca fisci munera edebant, eaque parciore, teste Lampridio in *uita Alexand. Severi* c. 43. qui vtrique hæc munera instituerat. Ergo Romæ Constantini M. quoque tempore Gladiatores exhibiti, quidquid in Oriente eos inhiuerit. Quare humaniter labitur Vir Doctus III. *Obseru.* c. 7. qui Constantinum M. non

M. non fuisse huius Kalendarii Auctorem *huius leg.* argumento probat: quia tantum abest ut voluerit Constantinus Gladiatorum munera e fisci sui arca populo dari, ut contra, *cā hac leg.* prohibuerit: Nam neque Kalendarii istius Auctorem Constantinum ipsum quisquam putare debet, vel haecenus putat: Et aliud est quod Romae obseruabatur,

& quod Constantinus *hac leg.* inhiuit per Orientem.

Notari tandem illud cupio, Constantinum M. Christianae pietatis instinctu tria poenarum genera sustulisse; Primo *Crucis*, de quo ad l. 2. *supr. de poenis*, Secundo, Inscriptionis in Facie, l. 2. *supr. de poenis*, Tertio & alicubi Damnationis ad ludum *hac leg.*

II. (a) Impp. CONSTANTIVS A. & Iulianus Cæs. ad Orfitum P. V. (b)

VNIVERSI, qui in Vrbe Roma gladiatorium munus impendunt, (c) prohibitum esse cognoscant, sollicitandi auctorandos (d) Milites, vel eos qui Palatina sunt præditi dignitate: sex auri librarum multa imminente, si quis contra temptauerit. Sponte etiam ad munerarium (e) adcentes per Officium (f) Sublimitatis Tuæ ad Magistros (g) equitum ac peditum, aut eos (h) qui gubernant (i) Officia Palatina, oneratos ferreis vinculis (k) mitti conueniet: ut huius legis statuto Palatii (l) dignitas a gladiatorio detestando (m) nomine vindicetur. Dat. XVI. Kalend. Nouemb. Constantio A. IX. & Iuliano Cæs. II. Coss. (n) [357.]

NOTÆ.

- (a) Abest *hac lex* a *Cod. Iustin.* nempe quia *Constantini* Constitutionem Iustinianus velut *GENERALEM* in *Codicem* suum retulit, cum *hac leg.* gladiatoria munera regulariter Romae permittantur. *GOTHOFR.*
- (b) *Orfitus* sub Constantio P. V. Romae scilicet. Non vna huius Orphiti mentio apud Ammianum Marcellinum, & quidem in huius ipsius Anni 357. gestis, *lib. 16. cap. 10. & lib. 17. cap. 4.* vid. de eo plura in *Prosopogr. IDEM.*
- (c) *Munerariorum* hæc descriptio est: de quibus *max. ID.*
- (d) *Auctorare* se dicuntur, qui se sponte ad ludum Gladiatorium pretio addicebant. *ID.*
- (e) *Munerarius* hic, qui *supra* gladiatorium munus impendere dicitur. Nam, ut *munus* proprie de ludis Gladiatoris, ita qui eos præbet ab ea voce *Munerarius* olim dictus. In *Glossis* alias generaliter *Munerarius*, ἀγωνα-
στὴς, quomodo Rufinus *Asiarcham* vertit: cuius vocis primum Auctorem facit Quincilianus Augustum *lib. 8. cap. 3.* Florus dixit *lib. 3. cap. 20. Muneratores*, vbi de Spartaco: *Si de Gladiatore*, inquit, *Munerator* fuisset. *ID.*
- (f) Nota *Officium* P. V. Romae. *ID.*
- (g) Puta milites, ad Magistros Equitum & Peditum. *ID.*
- (h) Puta Palatinos, ad eos qui gubernant officia Palatina. *ID.*
- (i) Puta, Magistrum officiorum, Comitem domesticorum, Castrensem sacri Palatii, &c. *ID.*
- (k) Ferreis vinculis victi *Rei transmissabantur*: vid. & Ammianum *non uno loco. ID.*
- (l) Adde, & *militia. ID.*
- (m) Hinc & pro conuicio id cessit, l. 3. in *princ. D. de lib. & postb. ID.*
- (n) His Consulibus, & quidem hoc tempore, adhuc Urbis Romae Episcopus erat *Felix*, in Liberii locum subuectus, ut ostendit, l. 14. *infr. de Episcopis. ID.*

COMMENTARIVS.

CONSTANTII hæc constitutio est, qua SOL-
LICITARI ad auctorandos se, Munerarii, vel
AVCTORARE sese ad ludum Gladiatorium MI-
LITES & PALATINI (seu Palatino officio præ-
diti) Romae prohibentur Ann. D. 357. *Auctorare*,
inquam, id est ultro sese ad ludum vendere seu ad-
dicere; pœna Munerario proposita sex auri libra-
rum, si quem Militem, vel Palatinum auctorand-
um sollicitauerit: Milite vero & Palatino ipso
sefe etiam sponte auctorante ferreis vinculis victo
ad Magistros militum vel ad officia Palatina guber-
nantes, id est ad Magistrum officiorum retrahendo.

Nempe milite, ad Magistros militum: Palatino,
ad Magistrum officiorum: hic enim est, qui officia
Palatina gubernabat: quod præter *banc leg.* & ea
quæ semel diximus de eo, *tit. de Questionib. de Ma-*
gistris officiorum, docet quoque *lex 4. infr. de his*
qui super Religionem: & Cassiodorus *VI. Variar. 6. in*
formula Magisterie dignit. Ad eum nimirum Palatii
pertinet disciplina: ipse insolentium scholarum mores
procellosos moderationis suæ terminis prospere differe-
nat. Tam multi Ordines sine confusione aliqua compo-
nuntur, &c. Nunc ad rem.

Nempe cum Gladiatorum detestandum nomen (ut
L 11 3 *hac*

hac leg. Constantius id vocat) Romæ adhuc duraret (quidquid in Oriente Constantinus M. constituisse, *l. 1. supr.*) & sic Roma hac parte veterem morem retineret, atque adeo Principes Gladiatoria spectacula quamlibet *detestanda* ibi ferre cogerentur; (quod *hac lex* apertissime ostendit, itemque *lex tertia prox. & lex 8. & 11. supr. de pan.* & Symmachus quoque *lib. 10. epist. 61.*) Satis visum initio si nonnullis saltem & honestis vitæ generibus ludo Gladiatorio ibi interdiceretur. Quod utique factum, hac Constantii constitutione ut & duabus Valentiniani Sen. legibus *d. l. 8. & 11.* Itaque Palatinis & Militibus nominatim Gladiatorio ludo *hac leg.* interdictum: *Pactii* (adde & *Militia*, quod tamen hic vel breuitate Sermonis omissum, vel sane intercidit:) dignitati a Gladiatorio nomine dereftando vindicandis: Interdicto inquam ludo: sic ut & sollicitari & sponte sese auctorare verentur: quod quidem duplex Gladiatorum genus fuit. Imo & postea iidem Palatini pro privilegio prohibiti a Valentiniano *dd. ll.* ad ludum damnari ob crimen aliquod. Pariter ut Christiani, de quo ad *eas leges* plenius. Atque ita alterum quoque Gladiatorum, *penalium*, inquam, & *addictorum* genus in Palatinis, Militibus, & Christianis improbatum. Atque hi quodammodo primi gradus fuerunt, quibus paulatim Gladiatores Romæ aboliti, usque quo Honorius tandem eos penitus antiquauit: de quo ad

l. prox. supr. Cui similem quandam progressum in Scenicis & Lenonibus tollendis *scit. titulis* iam notabamus.

His ita perspicue distinctis, apparebit deinceps, toto cælo errare eos, qui Gladiatores *hac leg.* a Constantio penitus sublatis scribunt. Nam imo Gladiatores *hac leg.* etiam *detestandos* eos vocat, in commune Romæ tolerantur, Palatini tantum & Milites, ea qua dixi ratione, in ludum descendere seque auctorare verantur: quod alioquin utrique facere soliti: quia & utrique *ἑξοφάροι*, procellosi (ut Cassiodorus eos vocat) & armaturæ petiti erant: ac proinde prono faciliq; exinde ad ludum transitu.

Illud ad *hanc leg.* adhuc notari cupio, hoc ipso Anno paucis ante mensibus Constantium *huius leg.* Auctorem Romæ fuisse, Orfito (cui *hac lex* inscribitur) Præfecturam Urbis agente, Equestresque ibi ludos edidisse, dicacitate plebis oblectatum: de quo videndus vel Marcellinus *lib. 10. cap. 10.* Imo & Obeliscum sub hoc eodem Orfito P. V. Romæ erectum, eodem teste *lib. 17. cap. 4.* Vti non inanis coniectura sit, vel Constantium ipsum Romæ hunc auctorandum ad ludum militum & Palatinorum abusum comperisse, vel ab Orfito edoctum: atque ideo appetente post duos fere menses tempore Gladiatoribus edendis, puta mense Decembri, destinato *hanc leg.* edidisse.

III. (a) Impp. Arcadius & Honorius AA. ad Populum (b) Post alia.

SI quos e Gladiatorio ludo ad seruitia Senatoria transisse constabit, eos in extremas solitudines amandari (c) decernimus. Dat. (d) & PP. Romæ, (e) Cæsario & Attico Coss. (397.)

NOTÆ.

- (a) Absit *hac lex a Cod. Iustin.* velut temporaria. Quænam autem *leges* ei iungendæ sint: mox dicam. GOTHOF.
(b) Urbis Romæ: quod & aliæ mox indicandæ *leges*, quæ *huic* coassandæ sunt, ostendunt, & huius ipsius subscriptio
PP. Romæ. IDEM.
(c) Antea emendari, male. IDEM.
(d) Vid. quæ de hac subscriptione dico in *Chronico Theod.* Dat. pro Reddita. Neque enim hoc tempore Honorius Romæ fuit. IDEM.
(e) VII. id. April. hoc supplendum ex *l. vnic. quib. militanti. ad Urb. acced. non lic.* IDEM.

COMMENTARIUS.

HONORII Imp. constitutio isthæc est: eaque pars prolixioris Edicti Honoriani, quod ad populum Urbis Romæ datum, atque in Vrbe Roma propositum fuit anno D. 397. mense Aprili, unde tria adhuc fragmenta *hoc Codice* occurrunt; puta *lex 2. supra de habitu*, quo uti oportet *intra urbem*: *Lex vnic. supr. quibus militanti. ad urbem accedere non liceat*: *Lex vnic. supr. de Campo Martio*: quæ proinde *leges* omnes *huic* nostræ coassandæ veniunt, ceu vnus & eiusdem constitutionis, seu Edicti partes. Hæc sane *leg.* Honorius Gladiatores in Vrbe Roma e ludo Gladiatorio ad SENATORIA seruitia transire vetat. Vbi obscurum est, quam occasione, quoque fine id Honorius hoc Edicto prohibuerit. Quam inquam occasione Gladiatores ad seruitium Senatorum sese contulerint: An quia Gladiatores Vrbe Roma eiectioni? & si eiectioni, an in totum ab Imp. Honorio? an ad tempus tantum? An vero in vrbe retenti Gladiatores, alia de causa ad seruitium Senatorum sese contulerint? Prius illud quis existimet; nempe Vrbe Roma eiectionis hoc tempore *in totum* Gladiatores velut formidabiles & pacem pu-

blicam turbantes; non vno Argumento. Primum, *argumento d. legis vnic. supr. quib. milit.* (quæ *huic* inter alias coassanda est,) quæ utique docet, nonnullos alios quoque Urbis Romæ accessu ab Honorio hoc ipso Edicto in totum vitatos: puta agentes in Rebus, Palatinos, aliosque milites inferioris militiæ. Igitur & Gladiatores ab Honorio pariter Roma fugati videantur: Verum cum sese Vrbe eiectionis viderent (ad seruitia Senatorum migrare, seque conferre coepisse, ut ita Senatorii saltem seruitii obtentu intra Urbem manere possent: quibus ideo *hac. leg.* poena infligatur, puta ut non Vrbe tantum eiciantur, verum & in extremas solitudines amandentur (id est, deportatione plectantur): Quæ & ipsa poena imponitur *d. l. vnic.* (quod secundum argumentum habeat quis:) Agentibus in rebus Palatinis, alijsque ad urbem accedere vetitis, eo accedentibus: ut & casas & tuguria in Campo Martio ponentibus: *l. vnic. supr. de Campo Martio.* Igitur Gladiatores vrbe penitus exire n. s. videantur ab Honorio hoc Edicto: atque ideo ne exirent, seruitium Senatorum simulauisse: Et hæc quidem sententia *huius leg.* nonnullis

nullis videri possit. Atenim alii forte putent, exilio tantum temporariis Gladiatores nunc exulare Vrbe iussos ab Honorio, tanquam otiosam turbam grauemque annonæ; & sic, ut cæteri, ita & hi ob famem quæ hoc annu Romæ ingruerat, ob occupatam videlicet a Gildone Africam (de qua alibi dixi) Nempe ita Romæ mos cæteroquin fuit, ut ob formidatam alimentorum inopiam, tum peregrini, tum otiosa turba omnis, ab Vrbe præcipites pellerentur: de quo more vide Ammianum Marcellinum *lib. 14. cap. 6. Themistium orat. 6. pag. 160. Edit. Petau. Flexæ 1613. 8. Ambrosium lib. 3. officiorum c. 7. Libanium Antiochico, p. 366. Edit. Morell. vid. & quæ dico ad l. vnic. supr. de mendic. non inualid. Hoc igitur Otiosa Turba nomine visi videantur hoc tempore Gladiatores Honorio Imperatori, qui ideo, ne exirent, Senatorum seruitium ad tempus simulauerint: Seruos sane in vrbe retentos, etiam cum alii potiores, metu ingruentis famis pellerentur, conqueritur Ambrosius *d. lib. 3. officiorum, cap. 7. Quid illum etiam quis pascit? SERVVM retines, trudas parentem?* Similemque in simili electionis simulationem memorat Ammianus, *d. lib. 14. c. 6. Postremo ad id indignitatis est ventum, ut cum peregrini ob formidatam haud ita dudum alimentorum inopiam pellerentur ab Vrbe præcipites, senatoribus disciplinarum liberalium impendio paucis sine respiratione vlla extrusis, tenerentur Mimarum assecla vari, quæ id SIMVLARVNT AD TEMPVS, & tria milia saltatricum ne interpellata quidem, cum choris toridemque remanerent magistris.* Verum neutra harum duarum sententiarum placere debet. Non placet, inquam, electos indicari in perpetuum hoc Edicto Vrbe Roma Gladiatores, quod tamen etiam Doct. Petitus voluit III. *Obseru. 7. p. 347.* qui hanc huiusce constitutionis sententiam putabat: nempe dissipatas iam antea seu sublatas Honorii leg. Gladiatorum familias cum nulla amplius eorum essent munera, ad Senatorias familias transisse: quandoquidem non ante Annum 404. Gladiatores Romæ prohibitos ex Prudentio iam ostensum est, ad l. 1. supr. Sed & ipsa huius legis verba aperte arguunt, nondum electos Vrbe Gladiatores, Si quos, inquit, E LVDO GLADIATORIO TRANS-*

ISSE constabit ad seruitia Senatoria: Ecce enim his verbis, ludum adhuc Gladiatorium stetit aperte indicat; e quo non prohibiti fugerint, verum quo stante, vltro scilicet TRANSIERINT: id enim est ex aliquo siue loco siue ordine transire. Imo neque placet, electos hac leg. vel ad tempus, ob famem vrbis, etsi ea sententia magis blandiatur. Quid igitur? Gladiatores, mutata tantum conditione sua Gladiatoria, Senatorum seruitio sese addicere hac leg. vetiti, ne alioquin horum opera, seu hominum audacium perditorum, & parabolanorum ad vim Senatores abuterentur: atque adeo ne his formidandum famulatum præberent, ad turbandam pacem & disciplinam publicam Vrbis. Qua sane ipsa ratione, Agentes in rebus, & Palatini, alique similes, ipso cingulo metuendi, eodem Edicto in totum accessu Vrbs vetiti, dicta lege vnica, quibus militantibus: Qua item ratione Barbaricus habitus seu vestitus in Vrbe pariter eodem Edicto prohibitus: d. l. 2. supr. de habitu: ne alioquin Barbari aliquid turbulenti in Vrbe auderent, suorum numero confisi: qua ipsa ratione Politica Augustus olim seruos peculiari veste Romæ uti noluit. Denique toto hoc Edicto (vnde hæc quoque lex desumpta est) Honorius Imperator paci & tranquillitati Vrbeæ consultum iuit. Notanda igitur sunt duæ Honorii constitutiones in Gladiatores ab eolæ: & hæc quidem prior, qua is Gladiatores e ludo Gladiatorio ad Senatoria seruitia transire vetuit, idque studio tranquillitatis publicæ: Altera vero, tempore posterior, qua Gladiatores in totum Roma pepulit; quæ illa iam constitutio est, cuius meminit Theodorus, *lib. 5. c. 26. & ex eo Author Tripartita. lib. 10. cap. 2.* Posteaquam scilicet Prudentius Honorium Imperatorem Romæ tum agentem ad id hortatus fuisset, Anno Domini 404. Cuius verba retuli iam ad legem 1. supr.

Huic porro legi prout eam nos interpretamur, congruit omnino quod ex Cassiodoro discimus I. *Variar. 30. & 32.* Senatorum in Vrbe Roma seruos seu famulos in ipsis spectaculis, iniuriarum ministros fuisse, imo & ad cædes processisse: qua causa eo loci Theodoricus Rex Senatores monet, ut *refugiant tales familiares, qui sint iniuriarum ministri, &c.*

DE VSV SELLARVM.*

TITVLVS XIII.

* Adde, & sedendi iure (quo contemplatu hic Titulus hoc loco collocatus est) in Theatro, videlicet ludis spectandis: item adde, conueniendi in publicum.

I. (a) Impp. ARCADIVS, & Honorius AA. Claudio P. V. (b)

EXCEPTIS plebeis (c) scænicis, & qui spectaculo suo (d) præbuit populo materiam voluptatis, & Tabernariis, ceteris omnibus vsum sellarum, & sedendi, (e) ac conueniendi in publicum (f) tribuimus facultatem. Dat. VIII. Kalend. Ian. Constantinop. Arcadio IV. & Honorio III. AA. Coss. [396.]

N O T Æ.

(a) Abest hæc lex a Cod. Iustin. GOTHOFR.

(b) Claudius sub Arcadio Imp. P. V. Constantinopolitanæ scilicet. Eidem vero inscribitur hoc ipso Anno lex. 8. supr. de pro-

P.462

proximis. Hic Pater fuit Rutilii Claudii Numatiani, qui antea Consularis Tusciae extitit, Anno D. 389. vt patet ex l. 5. *supr. de denunciati.* & memorat ipse Numatianus *Itinerarii sui lib. 1. v. 579. seqq.* Quique postea ex Comitibus Sacrarum priuatorum, & ex Quæstore, factus est Præfectus Vrbi, quæ omnia prædicat filius eius. *ID.*

(c) Plebei Scenici qui? mox dicam. *ID.*

(d) Sustineri possit: sed malim *fui*, vt etiam est l. 2. §. 5. *de his qui not. infam.* Porro similiter Cornelius Nepos *præfat. In Scenam vero prodire & populo esse spectaculo, &c. ID.*

(e) In Theatro. *ID.*

(f) Curiam, Rostrum, Senatum, Balnea. *ID.*

COMMENTARIUS.

SELLARVM vsus, **SEDENDIQVE**, & in **PUBLICVM** conueniendi facultas folis Plebeis Scenicis, Ludiis, & Tabernariis hac Arcadii constitutione Anno D. 396. intra Vrbe Constantinopolitanam adimitur: cæteris omnibus relinquitur seu præbetur. Denique hæc tria sola hominum genera, tribus his interduntur: Sellæ vsus, sedendi, & conueniendi in publicum facultate. *Vilissima* scilicet hæc tria e plebe capita ab antiquo fuere: Ac nominatim *Scenici Plebei*: de quo vide *Paratitlon de Scenicis*, vbi multa de eorum vilitate: *Ammianus* quoque *Marcellinus lib. 28. cap. 4.* nobilitatis & plebis Vrbis Romæ studia memorans, inter otiosæ & desidis **PLEBIS** studia computat studium in Scenicos, vilitatemque eorum repræsentat. *Nunc ad otiosam PLEBEM veniamus & desidem.* Et post: *Vnde si ad Theatralium ventum fuerit VILITATEM, artifices SCENARII per sibilos exploduntur, si quis sibi ære humiliorem non conciliauerit PLEBEM.* Vnde simul apparet, cur *Plebei Scenici* hac leg. dicuntur: Nempe viles & quæstuarii, quique populo sui spectaculo præberent materiam voluptatis, vt mox subicitur: Nam qui virtutis causa in certamen descendunt, ab his separandi sunt: l. 1. §. 6. *D. de postul. l. 2. §. vltim. l. 3. & 4. D. de his qui not. infam.* & *Vlpianus* apud *Pariatorem legum Mosai. 1. 9.* Item de *Scenicis* hæc apud *Quintilianum* lex occurrit lib. 3. c. 6. *Qui artem ludicram exercuerit, in quatuordecim primis ordinibus ne sedeat.* Eodemque pertinet *Senecæ* *epist. 44.* locus: *At, inquit, me hercule multis quatuordecim gradibus sunt clausi, non omnes Curia admittit.* *Liuius* quoque lib. 7. cap. 2. *Scenicos tribu motos ostendit: & Cic. apud August. 2. de Ciuit. Dei c. 13.* Cum, inquit, *artem ludicram scenamque totam probro ducerent*, (Romani scilicet) genus id hominum non modo ciuium reliquorum honore carere, sed etiam tribu moueri notatione *Censoria* voluerunt: Et mox; *Romani hominibus scenicis nec plebeiam tribum, quamotenus Senatoriam Curiam dehonefari sinunt.* *Tertulliani* cum primis locus insignis lib. de *spectac. cap. 22.* *Quadruparios, inquit, Scenicos, Xysticos, Arenarios damnant ignominia, & capitis minutione; arcentes Curia, Rostris, Senatu, Equite, cæterisque honoribus omnibus simul ac ornamentis.* Et alioquin notum est iam poenæ genus vetustissimis Græcis vsurpatum in vilissima capita, *Εἰργασίας τῆς ἀγορᾶς καὶ τῶν περιφαντηρίων*, & apud Romanos publico abstinere, hoc est in publicum vt hac lege vocatur, conuenire, puta in fora, balnea, &c. quo poenæ genere scuitum & olim in Christianos, vt ex *Epistola Lugdunensium ad fideles Asia* liquet, quo etiam scuiturus erat *Julianus Apostata*, si vixisset, teste *Gregor. Nazianz. in prima, contra Iulianum pag. 94. Tom. I. Oper. Edit. Morell. Paris. & Coloniens.* Et hæc de Scenicis, quibus sellarum vsus interdictus Constantinopoli: At non & Equorum, vt testatur *Chrysostomus homilia it. in 1. Timoth. c. 3. in fin. pag. 609. Tom. XI. Oper. Edit. Benediclin. & mimi & ὀρχηστὰς ἐφ' ἑπταὶν φέρονται, & αἰκὲς τῶν προτρέχοντα ἔχουσιν, mimi quoque & saltato-*

res equis feruntur, & præcurrentem famulum habent &c.

Tabernarii quoque inter vilissima capita censiti, eo potissimum quod ferme lenocinium exercerent alterius negotiationis accessione, l. 4. §. 2. *D. de his qui not. infam. l. 43. §. 8. 9. D. de rit. nuptiar. l. vlt. Cod. Iust. si mancip. ita veni. ita Tertullian. quoque lib. de fuga in persecutione c. 13. eos coniungit Furibus & Aleatoribus: In matricibus, inquit, beneficiariorum & curiosorum inter Tabernarios, & lanios, & fures balnearum, & aleones continentur. Huc pertinet etiam l. 1. *supr. ad leg. Iul. de Adulter.* vbi plura de his Tabernariis dixi.*

Vilissima itaque capita & publico abstinere, & in publico sedere vetiti: sedere, inquam, id est, in Theatris sedere: de quo extat *Martialis* locus & iocus lib. 5. *Epigram. 14.* Sed & apud *Tertullian. lib. de Spectaculis. c. 22.* Ita quidem, vt si sederent a designatore suscitarentur, seu excitarentur, de spectaculis, quæ voces hac in re propriæ erant. Græci dicebant ἐξεγείρειν, Denique vt *Tertullianus superiore loco* dixit, cæteris & honoribus & ornamentis honestiorum arcebantur: cuiusmodi hac leg. quoque memoratur *Selle* vsus. Nempe *Sella* quæ Græcis propriè διφρα, ὀκλαδίας διφρα, *Sella* quæ complicari possunt, (quarum vsus primum a *Claudio Imp. teste Dione lib. 60. initio*: quæque a *lectica* diuersæ, dignioresque erant: vt docet quoque l. 49. *D. de legat. 3. Martialis lib. 10. Epigram. 10. meminit idem 2. epig. 57. Sueton. Domitiano cap. 2.)* fastus Romani, & nunc Constantinopolitani, cum maxime hoc æuo haud minima portio fuit. *Sella* hæc erat humilis gestatoria plicatilis, quæ in publicum prodeuntibus cum cætero comitatu pone aliquem ferri solita a seruis ἀκολάθους, secutoribus, in qua si vellent defatigati seauerent, quas ὀκλαδίας Græci dixere: *Iuvenalis Satyr. 7. vers. 140.*

Respicit hic primum qui litigat, an tibi serui Octo, decem Comites, post te an sit SELLA, togati Ante pedes.

Athenæus lib. 12. pag. 512. Edit. Casaubon. ὀκλαδίας τε αὐτοῖς διφρας ἔφερον οἱ παῖδες, ἵνα μὴ καθίζοιεν ὡς ἐτύχευ, pueri sellas plicatiles eis ferebant, ne indecore sederent. *Hefychius: ὀκλαδίας θρόνον πλυκτός, καὶ διφρος ταπεινός, ὅν οἱ ἀκολάθαι φέρονται τοῖς εἰς τὰς ἀγορὰς ἐξέρχοντες πλεσίτοις.* *Huius sellæ quoque gestatoris mentio apud Marcellinum lib. 29. c. 2. Synesius* horum ipsorum temporum Scriptor ad *Arcadium huius leg. Auctorem, de Regno, p. 23. Edit. Petau.* quo loco queritur de *Scythis* seruis apud Romanos: τῶν τε ἀκολάθων οἱ τὰς χαμαλὰς σκιμποδίσκας ὀκλαδίας ἐπὶ τῶν ὤμων ἀνατίθενται, ἐφ' ᾧ τοῖς ἐώνημένους (id est, τοῖς δεσπώταις, vt *Aristophanes Pluto*) ἐν ταῖς ἀγνοῖς εἶναι καθίζουσαι, Σκυθαὶ πάντες εἰσὶν, *Pedisseque qui sellulas humiles & plicabiles humeris imponunt, vt his etiam in via domini insilire possint, Scythæ omnes sunt.* Quod *Synesi* loco, non fero reponentem ex *Hefychio & Procopio pro ἀγνοῖς*

ἀγῶνις, ἀγῶνις: neque enim in foro tantum, verum etiam in viis sedendi mos hic fuit. Item di-
 Ho Synesii loco obseruandum, hanc sellam σκιμ-
 πιδίον vocari, quod aduersus Liphium recte no-
 tauit Vir doctus Petavius in not. ad Synes. pag. 11.
 qui negabat σκιμπίδιον de sella vnquam dici. De
 his quoque locus est Procopii ἀνεκδότοις cap. 9.
 pag. 28. Edit. Reg. καὶ τὸ βάθρον ἐπὶ τῶν ὁμῶν

ἀεὶ ἔφερον, ἐφ' ἧπερ ἐκάνη ἐν τοῖς ἐκλλόγοις κα-
 θίσθαι εἰώθει, humerisque subsellium detulit, cui
 illa insisteret in circulis. Videatur hic Nicolaus
 Alemannus. Harum igitur Sellarum vsu, vt &
 cæteris, de quibus supra, hac lege solis plebeiis
 Scenicis, Ludiis & Tabernariis interdicitur, cæte-
 ris omnibus horum vsu promiscuo relicto.



DE INFIRMANDIS HIS QVÆ ^{P. 409} SVB TYRANNIS AVT * BARBARIS ** GESTA SVNT.

TITVLVS XIV.

Concordant huic Titulo duo a'lii, puta *tit. de bonis proscriptorum*: &
tit. de pænis. Absunt omnes huius tituli leges a *Cod. Iustin.* velut
 προσκαίρει.

* *Vel MS. Goth. ac Sichard.*

** *Vnica huius tit. lex eo pertinet, puta lex ultim.*

PARATITLON.

TYRANNI dicuntur & hostes publici, *l. 21. supr. de pænis*: *l. 7. supr. de Metatis*: *l. 1. supr. de litor. & itiner. custod.* Item infausti Præsumptores in *l. ultim. infr. de Episcop.*
 Publici prædones, *l. 22. de bon. proscrip.* Ab his & Tyrannica audacia, *l. 6. hoc tit.*
 præsumptio, *l. 11. supr. de indulg. crim.* & vsurpatio dicitur, *l. 8. hoc tit.* Tempora scæua,
l. 9. b. t. infausta, *ibid.* Tyrannici temporis labe, *l. 12. b. t.* His profligatis, liberataque
 Tyrannidis iniuria Republica, multa publice sequebantur. *Primo*, Missis nuntiis, victoria
 vniuerso Orbi nuntiabatur, *l. 1. supr. de Veteranis*: *l. ultim. supr. ne quid publ. lætit. nunc.*
Secundo, His nuntiis aliquid gratulationis nomine dari a prouincialibus solitum *d. l. ultim.*
Tertio, Imo & Principi aliquid a Senatu ea occasione offerebatur, *l. 14. supr. de Senatoribus.*
Quarto, Retro a Principibus ob lætitiā ex Tyrannide profligata indulgentia criminum omni-
 bus reis sæpe data *l. ultim. supr. de indulg. crimin.* *Quinto*, Inde (quod proprium huius ti-
 tuli argumentum est) infirmata statim ab Imperatoribus, quæ sub Tyranno gesta fuerant
Rubr. hoc tit. &c. Abolitæ inquam Tyranni Constitutiones, Leges, Rescripta, *l. 1. & 3. b. t.*
 Gestaque eius alia remota, submota, infirmata, *l. 2. b. t.* veluti statuta, seu iudicia:
l. 5. & 7. b. t. sic quidem vt aliquando contra ius statuta vel rescripta tantum infirmarentur,
l. 3. & 5. b. t. at non etiam legitime gesta, *d. l. 2. b. t.* puta legitima rescripta, *d. l. 3. b. t.*
 aliquando vero omnia promiscue: *l. 13. hoc tit.* Id vero factum, non modo statim post Ty-
 rannos deuictos Ediçto generali, veluti *l. 2. 5. 6. 7. 8. b. t.* Sed & annis aliquot post, pro
 nata videlicet occasione: vt *l. 3. 4. b. t.*

Sexto, Honores item ab eo gesti (veluti Patriciatus, Consulatus) fastis erasi, *l. 13. hoc tit.*
 & *l. 17. supr. de pænis*: memoria eius priuatim publice submota *d. l. 13. b. t.* statuæ & ima-
 gines abolitæ, *d. l. 17.* *Septimo*, Honores item ab eo concessi (veluti Consulatus alique)
 erepti, *l. 6. 8. 9. b. t.* *Oçtavo*, Res Principis ab eo perperam alienatæ, *l. 10. b. t.* reuocatæ.
Nono, Bona eius & satellitum omnia apud quoscunque reperta fuissent, proscripta: *l. 14. 16.*
18. 20. 21. 22. supr. de bonis proscriptorum, d. l. 17. 21. supr. de pænis. *Decimo*, Tempora ipsa
 Tyrannica, *l. 9. 11. 12. hoc tit. & l. 9. supr. de desertioribus*: & *l. 2. supr. de indulg. crimin.* (quæ

& *scæua tempora*: itemque *infausta tempora* vocantur, *d. l. 9. hoc tit.*) ac si non fuissent affirmari iussa, *d. l. 9. b. t. & d. l. 2.* Undecimo, Deinde & *iudicium Tyranni* gesta sententiæque infirmata, *l. 2. 5. 8. hoc tit.* At non etiam illa, quæ sponte sub Tyrannis facta: *l. 2. hoc tit.* quæ in placitum erant deducta priuatum, *l. 9. b. t.* veluti emancipationes, *l. 5. 8. 9. b. t.* manumissiones, *distis legib. & l. 13. b. t.* pacta, transactiones, *d. l. 5. b. t.* seu quæ conuentionibus pactisque finita fuerant, *l. 8. b. t.* contractus, veluti venditiones: Arbitrorum item iudicia, donationes, testamenta, *d. l. 9. b. t.* Quia in his omnibus voluisse sit iuris est: *l. 8. in fin. hoc tit.* item missiones causarum, honestarum, *l. 9. supr. de desertoribus.* Duodecimo, Status quoque eorum qui per iniuriam temporum Tyrannicorum in seruitutem vel functionem aliquam, veluti nauticulariam, abrepti fuerant, reformati; *supr. tit. de ingenuis qui tempore Tyranni seruierunt: l. 4. hoc tit.* Decimotertio, Indulgentia criminum etiam iis qui cum Tyranno fuerant quandoque data, *l. 2. 11. supr. de indulgent. crimin. & l. 12. hoc tit.* exceptis criminibus non reallibus, veluti Veneficii, seu maleficii & Homicidii, aliisque, de quibus, *supr. titulo de indulgent. criminum.* Decimoquarto, Delatoresque emergentes repressi, *l. 1. 33. supr. de petit. l. ultim. supr. de calumniator.* Decimoquinto, At proscripti Comitatum vel urbem accedere prohibiti, *l. 20. supr. de penis: vt & eorum suffragio testimoniales adepti, l. ultim. supr. de testimonialibus.* Decimosexto, Satellites quoque Tyrannorum legibus & pœnis infectati Imperatores, de quo, vid. *l. 7. supr. de Metatis: l. 19. 21. supr. de penis. l. 19. 20. 22. supr. de bonis proscriptorum: l. 3. supr. ad leg. Cornel. de Siciariis.*

Cæterum, Tyranni, ad quos *huius tituli*, aliorumque *hoc Codicis* titulorum *leges* complerentur, hi sunt, seruato temporum ordine: sub Constantino M. MAXENTIVS, *l. unic. supr. de Ingenuis qui temp. Tyranni: leg. 1. supr. de cohortalibus: & LICINIUS, l. 1. 2. 3. 4. hoc tit.* sub Constantio, MAGNENTIVS, *l. 5. hoc tit. l. 2. supr. de indulgent. criminum: l. 5. infr. de Paganis:* sub Gratiano & Valentiniano Iun. MAXIMVS, *l. 6. 7. 8. 10. hoc tit. & l. ultim. ne quid publ. letit. & EVGENIVS, l. 9. 11. 12. hoc tit.* sub Theodosio M. TATIANVS, *l. 9. supr. de indulgent. criminum:* sub Honorio, GILDO: *l. 7. 9. supr. de Metatis: l. 16. 19. supr. de bonis proscriptorum: l. 19. supr. de pœnis:* sub Arcadio, RUFINVS, *l. 14. 15. supr. de bonis proscriptorum:* EUTROPIVS, *l. 17. supr. de pœnis:* sub Honorio rursus STILICO cum filio EVCHERIO, *l. 20. supr. de penis, l. 20. 21. 22. supr. de bonis proscript.* ATTALVS, *l. 11. 12. supr. de indulg. criminum: l. 2. de litorum & itiner. custod.* MARCIARIIVS, *l. 18. supr. de bonis proscript.* HERACLIANVS, *l. 13. hoc tit. & l. 21. supr. de penis:* sub Valentiniano Tertio, IOANNES, *l. ultim. infr. de Episcopis:* quo respiciant & *l. 33. supr. de petitionibus: l. 14. supr. de Senatorib.* Ex his omnibus, tres hi Tyranni ad GALLIAM pertinent, MAGNENTIVS, MAXIMVS, EVGENIVS, & in partem quoque STILICO: qui sine Tyranni vel ab Imperatoribus ipsis interfici iussi, vel ad id necessitatis adacti fuerunt, semet ut interficerent.

II. BARBARIS quoque profligatis, quæ sub his gesta infirmari solita, *Rubr. hoc tit. & dupplex promulgata, l. ultim. hoc tit.*

I. (a) Imp. CONSTANTINVS A. ad Constantium (b) PF. P.

RENOTIS LICINI (c) Tyranni Constitutionibus & Legibus, omnes sciant, veteris iuris, & statutorum nostrorum obseruari debere sanctionem. PP. (d) XVII. Kalend. Iun. Crispo III. & Constantino III. Cæs. Coss. [324.]

NOTÆ.

(a) Absit *hec lex a Cod. Iustin.* velut historica. GOTHOFR.

(b) Eidem Constantio PP. inscribitur Anno prox. 325. *lex 11. supr. de Decurion. & Ann. 327. lex 2. supr. famul. excise.* An idem cum eo, cui inscribuntur Ann. 315. *lex 1. supr. de curs. publ. & l. 1. de cohortalib.* ID.

(c) Licini, id est Licinii: quæ orthographia *huius Codicis:* vide nominatim *l. 10. supr. de Mutilis legibus.* ID.

(d) Locus ubi *hec lex* Proposita, omisus. ID.

COMMENTARIVS.

LICINIUS (ad quem pertinet *hæc* lex cum tribus sequentibus 2. 3. 4.) a Maximiano Galerio, in Imperii societatem, Anno D. 307. a Constantino M. in affinitatem (sorore videlicet Constantia ei desponsa) adscitus Anno D. 312. variis mox a Constantino præliis, apud Cibalas nominatim (Panoniæ oppidum) victus, atque aliquot Provinciis Anno D. 314. ab eo exutus fuit: Pax inde, ascito etiam Liciniano; Licinii filio Casare, Anno D. 316. At rupta post pace, Anno D. 323. Hadrianopolitano primum in Thracia bello, V. Kal. Iulias: mox & Chalcedonensi XIV. Kalend. Octobris eiusdem Anni infractus a Constantino Licinius, ut docet *lex 1. sup. de Veteranis* (vbi vid. quæ notavi) Nicomediæ tandem Imperio penitus exutus, Thessalonica in Macedonia hoc Anno 324. occisus fuit: ut ex Historiæ Ecclesiasticæ Scriptoribus utroque Victore, Eutropio, Hieronymi *Chronico*, Zosimo, *Eclis*, siue *Siculis*, siue *Alexandrinis* constat: de quo plenius ipsi egimus ad d. l. 1. *sup. de Veteranis*.

Eo igitur profligato, *leges* eius partim iuri veteri, suis partim constitutionibus contrarias Constantinus M. *hæc* legē abrogatum iuit. De *legibus* sane Tyrannorum aduersus Christianos latis, a Constantino M. abrogatis, auctor est Sozomenus, *lib. 1. cap. 8. Κωνσταντ. Γ.*, inquit *εἰς μόνον αὐτὸν πάσης τῆς Ρωμαίων ἀρχῆς πρὸς αὐτοῦ, ΓΡΑΜΜΑΤΙ ΔΗΜΟΣΙΩΝ ἀκυρὰ εἶναι ἐψηφίσατο τὰ κατὰ τῆς θρησκείας δόγματα ἢ πεπραγμένα ἐπὶ τῶν διαζήτων τῇ ἐκκλησίᾳ, &c.* id est, *Constanti-*

nus cum iam solus vniuerso Imperio Romano potiretur, EDICTO PVBLICO statuit, ut irrita essent quæ circa superstitionem decreta atque ab Ecclesiæ Persecutoribus fuissent: vid. & auctorem 2. de vita Constant. c. 43. Nempe mos hic Principum, deuictis Tyrannis ab his contra ius rescripta, vel statim, vel haud ita multo post, datis occasionebus, infirmare. Quod ut ab aliis Principibus factum, ita & a Constantino M. nominatim *huius leg.* Auctore, ut Licinio iam deuicto *h. & seqq. ll.* ita & prius Maxentio deuicto, *l. 1. sup. de diu. rescript.* vbi vide quæ dixi. Igitur & *hæc* legē iniuste Licinii *leges*, cum Veteri iuri (ut hic nominatim dicitur) tur. Constantini M. statutis aduersæ, abrogantur; nam iustæ nihilominus mansere: quod etiam nominatim expressum *l. 2. 3. infr. hoc titulo.* Inde & Licinii quoque *lex 2. sup. de censu*, in hunc *Codicem* relata extat. Iniustas vero nonnullas Licinii constitutiones tres inter alias memorat Eusebius *sive historiæ Eccles. cap. penult. & Auctor lib. 1. de vita Constantini, cap. 54. 55.* Nempe Primo, ne carcere clausis aliquid alimenti quisquam propinquorum aliorumque inferret. Secundo, τὰς περὶ γάμων καινοτομίας, *nouas de Nuptiis leges.* Tertio, τὰς ἐπὶ τοῖς τοῖς τὸν βίον μεταλλάττει νεωτερισμῶς, *nouas circa morientes sanctiones.* Quibus VETERES Romanorum *leges* præclare & eximie politas refringere ausus est, τὰς ΠΑΛΑΙΟΥΣ Ρωμαίων ἐν τῇ σαφῶς κεμείνης νόμος. Qui locus huic legi eiusque verbis apprimè conuenit.

II. (a) Idem A. ad (b) vniuersos prouinciales.

TYRANNI (c) & Iudicum eius gestis infirmatis, nemo per calumniam vel id (d) quod ipse sponte fecit, (e) euertere, nec quod legitime (f) gestum est. Dat. Prid. Id. Febr. Paulino & Iuliano Coss. [A. D. 325.]

NOTÆ.

(a) Abest & *hæc* lex a Cod. Iustinianeo. GOTHOFR.

(b) Edictum istud est ad vniuersos Prouinciales. ID.

(c) Licinii, qui superiore Anno 324. interfectus: de quo vid. notata ad l. 1. *sup.* ID.

(d) *ut. velid* pro *velit*: orthographia Codicis Theodoliani, & compulsi in vnam vocem literis. Ceterum, *Velit euertere*, pro *euerat*. Ita *iussisse, fecisse velis*, pro *iubeat, faciat*, formula solemni in legibus. Varro *humanarum lib. 20.* apud Nonium in *v. spurcum c. 4. n. 425.* Ne quis lictorem (*spurcum hominem*) liberum prehendere IVSSISSE VELIT. Itaque errant, qui hanc legem mutilam putant: Similis menda in *l. 19. infr. de Iudeis*, vbi pariter pro *vel* restituo *velit*. ID.

(e) Vid. *leg. 5. 9. 13. infr.* ID.

(f) Vid. *leg. 3. infr.* ID.

COMMENTARIVS.

ET hoc Constantini M. Edictum est de LICINIO Tyranno. Atque ut superior est de *legibus* & Constitutionibus Licinii, ita hæc de aliis GESTIS, siue ab eo, siue a Iudicibus eius, siue sub eo: De quorum Gestorum validitate & invaliditate agit *hæc* leg. Constantinus M. Sic etiam olim Athenis, cum sæpe mutasset Atheniensium status & πολιτεία, lata lex, ὅτις ἐπὶ τῶν τριάκοντα ἐπράχθη, ἢ δικῇ ἐδικάσθη ἰδίᾳ, ἢ δημοσίᾳ ἀκυρὰ εἶναι, quæcumque sub triginta Tyrannis acta essent, vel iudicata essent, vel priuatim vel publice, irrita essent: de qua Demosthenes ἐν τῷ κατὰ Τιμοκράτους: & Andocides, ἐν τῷ περὶ τῶν μυσηρίων: Elchynes, ἐν τῷ κατὰ Τιμαρχῆς. Igitur GESTA a LICINIO

eiusque Iudicibus infirmari vult. *Gesta*, inquam, in Republ. actaque. Primo ab iis, quæ etiam ferme in gesta & Acta relata. Secundo; Atenim non ideo infirmari vult ea, quæ SVB HIS gesta vltro seu sponte, vel quæ legitime gesta sunt. Scilicet cum infirmatis semel Licinli gestis hanc quoque occasionem multi arriperant, legitime sub eo sponteque a se gesta reuocandi, Constantinus M. huic rei hoc Edicto occursum iuit: vbi definit aliam omnino rationem esse eorum, quæ sponte a Prouincialibus sub Licinio gesta fuerant: veluti Emancipationum, Manumissionum, Transactionum, Donationum, id genus aliorum, (Quæ ipsa sententia est *l. 5. 8. 9. 13. infr. hoc tit.*) Aliam vero Tyrannice gestorum a Licinio ipso, vel Iudicibus eius. Vnde

iam apparet, non oportuisse *hanc leg.* a Baronio cum *superiore leg.* commisceri; multo minus ab eo id statui, Constantinum M. nunc sanioris mentis effectum, superius Edictum *hac leg.* temperasse: Nam imo *lex superior*, vii dixi, est de *legibus* &

Constitutionibus Licinii: hæc vero, de aliis eius gestis (Etsi de vtriusque idem vtraque *leg.* statuitur:) vt & de his quæ sub eo gesta sponte a priuatis: de quibus nihil *ea leg.* agitur.

III. (a) Idem A. Antiocho PF. Vigil.

QVÆ Tyrannus (b) contra ius rescipit, non valere præcipimus; legitimis (c) eius Rescriptis minime impugnandis. Dat. (d) VIII. Id. Iul. Rom. Constantino A. VII. & Constantio Cæs. Coss. [326.]

NOTÆ.

(a) Absit & *hæc lex* a *Cod. Iust.* Iungendaque ei videtur *lex. 4. prox. GOTHOFR.*

(b) Licinius; de quo fuerunt quoque duæ *leges superiores. ID.*

(c) vid. *leg. 2. supr. hoc tit. ID.*

(d) *re. Datum Id. Iul.* Hanc porro singularem subscriptionem mox expendo. *ID.*

COMMENTARIUS.

ALICINIO Tyranno contra ius rescipit non valere: legitima contra minime impugnanda, definit *hæc leg.* rursum Constantinus M. Anno D. 326. Ipsa scilicet Temporum ratio ad *Licinium Tyrannum hæc leg.* pertinere suadet: etsi ad *Maxentii Tyrannidem hæc leg.* referenda potius cuiuspiam videri possit. Cum enim *Vrbis Romæ Magistratui*, puta *Præfecto Vigilum* ea inscribatur, Licinio tribui ea non posse videtur: quippe qui nulum vquam Romæ ius habuerit. Imo, ita quoque quis existimare possit, *legem* hanc ad *Magnentium Tyrannum* spectare: atque ideo *legem* hanc non Constantino, verum *Constantio* tribuendam: ac proinde lapsos *huius Codicis* Compilatores, atque in errore inductos, ex Consulatu subscripto: de cuius generis aliqui erroribus in *Prolegomenis ad hunc Codicem*. Cui argumentum præbeat ipsa Inscripção: quippe cum hæc *lex Præfecto Vigilum* (qui Græcis *πραιποσίτος*: de quo ad l. *unic. supr. de his qui ven. et.*) inscribatur: vnde quoque suspicio enascitur, a Tyranno (de quo in spec. *huius leg.*) Nocturna sacrificia quæ Romano iure Romæ ferme prohibita erant, conciliandis sibi magis magisque Gentilium animis, concessa fuisse: Atquin hoc a *Magnentio Tyranno* factum Romæ, testatur diserte *lex 5. infr. de Paganis*: vbi dicam plenius. Quo Argumento vno de pluribus hanc *legem* ad *Magnentii Tyrannidem* quis retrahat. Et tamen, his non obstantibus ad *Licinium Tyrannum hæc leg.* referendam, atque adeo Constantino M. eam vindicandam, denique Consulatam recte ei subscriptum censeo. Nempe vt hoc ipso Anno, menseque, *lege proxime sequente 4.* Constantinus M. *Senatorum* recensum a Licinio Tyranno turbatum, Senatui & *Præfecto Vrbis* committit (qui utique *Præful Senatorum* erat:) ita turbatum ab eodem Licinio *Equitum* recensum, *hac leg.* *Præfecto Vigilum* committit: nam & hic *Equitum Rom.* qui per Orbem Rom. sparsi erant, *Præfulerat*. Vnde

& ante biennium idem Constantinus M. l. *unic. supr. de his qui veniam etatis*: Venia etatis impetrata, vt Senatores apud officium *Præfecti Vrbis*, de suis moribus & honestate perdocere iussit, ita & Equites Romanos apud *Præfectum Vigilum*. Neque dubito, quin *hæc lex 3. & l. 4. prox. infr.* inter se coassanda sint. Denique pertinet hæc omnino *lex* ad instantem mox moxque secuturam *Idibus Iulii Equitum Rom.* transfectionem in Capitolium: de quo mox.

Sed neque singularem *huius leg.* subscriptionem omitti velim: Scilicet *Data* ea dicitur *ROMÆ, VIII. Id. Iul.* Nempe hæc illa postrema est Constantini M. apud Vrbem Romanam, Syluestro Episcopo Romæ, mora. Vbi & Hieronymus, in *Chronico*, (illustri alioquin loco) *Vicennalia* Constantini hoc Anno edita scribit, cum superiore Anno 325. iam *Nicomedia* ea facta fuissent: *Vicennalia*, inquit, *Constantini Nicomedia facta, & sequenti Anno Romæ edita*. Nempe *Vicennalia* *Nicomedia* vicessimo Imperii Constantiniani Anno cœpto facta, & sic Anno 325. eo ibi præsentia (de qua alioquin Constantini eo Anno *Nicomedia* mora, fidem facit *lex 4. supr. de accusationib. & Epiphanius hærif. 48. su. 68. n. 6. p. 721. Edit. Columiens.* Atenim absolute iam Anno vicessimo eadem *Vicennalia* Romæ edita, occasione aduentus seu præsentia Constantini M. Ad quem eius Romam aduentum referendum est, quod in Kalend. Heruagiano adscriptum ad *XII. Kalend. Aug. ADVENTVS DIVI*. Sed & *huius Constantiniani Romam Aduentus*, & in Vrbe Roma moræ meminit Auctor *Chronici Alexandrini*. Male tamen sub *Ianuario & Iusto COSS.* id est Anno 328. pag. 662. 663. Edit. Rader. ** metachronismo videlicet hienni, ἐπὶ τῶν προκειμένων ὑποτάτων, Κωνσταντίνου ὁ αὐτοῦ βασιλεὺς ἀπὸ Ρώμης ἐλθὼν, καὶ διάγων ἐν Νικομηδείᾳ μητροπόλει τῆς Βιθυνίας, ποιήσας πρόκεσσα ἐπὶ πολὺν χρόνον ἐν τῷ Βυζαντίῳ ἀνενέωσε τὸ πρῶτον ταχὺ τῆς Βύζης πόλεως,

* *Vicennalia* Imperii Augustei a Constantino anno 326. Romæ celebrata sunt. Falsa est enim opinio vulgaris, quæ docet Constantini *Vicennalia* anno 325. Nicææ exhibita, sequenti anno Romæ repetita fuisse. Nemo enim Cæsarum aut Imperatorum *Decennalia*, aut *Vicennalia* semel edita iterum celebravit, quod docuit accurate ANT. PAGIVS *dissert. bypat. art. 2. cap. 7. in fin.* & in *Critic. ad Annal. Baron. anno 326. n. 2.*

** Male redarguit Gothofredus Auctorem Chron. Alexandrin. cum eius narratio omnino copulanda sit cum Anno 328. quod & ipse fecit recte in *Chronico histor.* eius anni. Constitit enim Constantinus M. anni 326. initio in Thracia vel in Macedonia, mox in Pannoniam profectus est, inde in Italiam abiit, Romæque fuit mensibus Iulio, Augusto & Septembri, reuerfusque in Pannoniam, Spoletum Mediolanumque transiens, sub huius anni finem Sirmii fuit, docente *leg. 5. supr. de Iur. fise.* Quomodo ergo hoc anno vel *Nicomedia* vel Byzantii esse potuit? Imo neque anno sequente ibi fuit. Accuratus itaque est auctor Chron. Alexandr. vid. etiam ANTON. PAGIVM in *Crit. ad Annal. Baron. ad an. 326. n. 16.*

λεως. his *Coff.* Constantinus laudatissimus Imperator Romæ profectus, & Nicomedia Bithynia metropolitæ moratus, sæpeque Byzantium profectus primum Byzantii murum instauravit. Imo tandem eisdem meminit & Zosimus lib. 2. cap. 29. ubi haud obscure tempus istud indicat. Nempe postquam Licinio necato vniuerso Imperio Romano Constantinus potiri cepit, posteaquam etiam Crispum F. & Faustam coniugem interfecisset. Imo idem Zosimus signate Constantini moram Romæ in diem, quo Transfuectio Equitum in Capitolium seu Probatio Equitum Romæ celebratur, incidisse, nuncupatis verbis prodit: cæterum dies hic erat I D V S I V L I Æ, vt ex Liuiio, Valerio, Plutarcho, Plinio, Autore de viris illustribus contestatissimum est: quin & hac ipsa Constantini M. tempestate, ex *Kalendario Romano Veteri*, quod tum scriptum: vbi hæc habetur mensis Iulio: Idib. Iul. Equit. R. Prob. id est, Equitum Rom. probatio, non quomodo interpretatus Adr. Valeſius de gestis I. et. Franc. lib. 1. pag. 16. Equorum Italicorum proborum. Et vero per has ipsas Idus Iulias Romæ hæc ipsa lex nostra data est. Sic enim habet, subscriptio *Dat. VIII. Id. Iul. Romæ*: vt & sequens quoque exerte, *Dat. Id. Iul.* quæ ad Senatum Urbis Romæ data: qui dies ipse transfuectionis fuit: indeque iam huius forte subscriptio emendanda. Quod etiam Historicum huius leg. Argumentum, quod paulo ante indicaui, egregie confirmare videtur: Nempe, cum paucos intra dies Transfuectio Equitum Romanorum, ab æde Honoris in Capitolium, Romæ celebranda esset eius occasione hæc lex ad præfectum Vigilum data videtur, qui Equitibus, Romanis præerat, vt antea ostensum est. Zosimi verba hæc sunt: τῆς δὲ πατρίᾳ καταλαβούσης ἐορτῆς, καὶ ἣν ἀνάγκη ἵσ' τραπεζέδον ἦν εἶναι εἰς τὸ Καπετώλιον, ἀνοδὸν ἐναιδίζον ἀνοάδην, καὶ τῆς ἑσπέρης ἀγίτης καὶ ἀπαύτητας, εἰς μισθὸν τῆν γενομένην καὶ τὸν δῆμον ἀνέστηεν, quum diu tempore patrio festus adpetisset, quo in capitolium equitatus ascendendum erat, eum adiensum verbis contumeliosis imprudenter insultans, & a ritu sacrorum recedens, senatus atque populi odium incurrit.

Hæc denique illa est Constantini M. Romæ mora etiam mensis Augusto, quod suadet subscriptio *l. 3. sup. de bonis vacant*: cum hac leg. collata quæ Romano Constantino M. inconcilauit, ob contemptum videlicet Gentilitiæ Religionis, & vt videtur detracta loca Templorum: quo omnino refero *d. l. sup. de bonis vacantib.* adeo vt exinde Constantinus M. nouæ urbis, Romanæ Urbis æmula, condendæ impetum cepisse videatur, eamque suis ornamentis, etiam Palladio, spoliassè, vicuerit, omnia decora Romanæ similia, etiam Palatium æmulum Constantinopoli contulisse: secutis haut minima parte, Urbis Romæ Senatoribus. De quo vid. Zosimum lib. 2. cap. 30. 31. Sane & Libanii locus *Orat. ad Theodosium M.* ἐπὶ ταῖς διατ' ἀγαθαῖς huc pertinet, qui extat tum *tom. 6. Chrysostomi, Sauiian pag. 133. tum tom. 2. Libanii, pag. 412. Edit. Morell.* ubi Clementissimis Principibus Clementiam Theodosii M. præferens, hæc de Constantino Magno deque conuitiis in Constantinum M. Romæ iactatis scribit:

λείπεται δὲ καὶ ἐν ταῖς σὺν δὴ τῇ τῇ, ὅ τῇ Ρώμῃ μὲν ὁμῶνυμεν ἐγείρας πόλιν, τὸ χῆμα δὲ τὸ εἰσινεὶς ἀπαν εἰς ταυτὴν ὑσαγαγόν: εὐδοκίμων δὲ τῷ τῶν Ρωμαίων δῆμῳ ἐνδύχων ἀγροικισαμένῃ τι ῥῆμα: τὰ μὲν γὰρ εὐποῶν ἤνεγκεν, ἔργον δὲ ἄδεν προσῆν, ἔδε κατ' ἐκόντων ὕβρις. καὶ τὰ πολλὰ γὰρ ἐσηκέσταν ἐκείνῳ, αἷς ἐχ' ὅπως χεῖρα ἐπήνευκα, ἀλλ' ἔδ' ὅσῳ εἰς βλέμμα παρονίας ἐρχετο, φαίνοντο λελυπηκότες. ἔκῃν ἐπ' αὐτὰ μὲν καὶ ῥήματα, καὶ ἔργα, ἐκὰ δὲ ἄλλ' αὐτὸν μόνον τὰ ῥήματα, ἔτω τὰ βραχυτέρᾳ μὲν ἐπ' αὐτὸν κεινονεῖς, κεινονὸν δὲ ἐκείνον τὸ μέζον ἔκ' ἐχῃς. in hoc etiam ille qui Romæ cognominem instaurauit ciuitatem, tuis cedit laudibus, ornatum omnem in hanc suam urbem introduxit, etiam ex eo sibi fame celebritatem comparauit, quod populi Romani agrestes mores & conuitia quædam pertulerit: etiam benigne fecit id tolerando, sed nullum populi flagitium accesserat, nulla in imagine contumelia tametsi multa illi erepta fuissent, quibus tantum abest, uti Romanianum intulerint: ut nullam eis videantur molestiam exhibuisse, quæ in conspectum venerit, cum vlla petulantia specie. Igitur hic & vestra contumeliosa & ædæ scelerata fuerunt: illic autem distatantum liberiora, quod leuius ac minus est. Ita in communionem eius, quod minimum est, cum illo venis, sed illum participem eius, quod grauius est, non habes. Tandem hæc illa est Urbis Romæ & Constantini M. simulas, de qua cum multa multi Scriptores dixissent, & exinde de Constantinopoli ab eo erecta, item de Palatio, Romanæ Urbis Palatio æmulo ibi excitato, sane longo post intervallo aliquam multa in famosam illam Constantinianæ donationem translata videri possint. Nam & in subscriptione haud abludit, tum locus, tum *Coss. Datum Romæ sub die Kalend. Aprilis D. N. Fl. Constantino A. un.* (scriptum oportuit VII.) & Galliano, CC. VV. COSS. Non abludit Transfuectio Equestris illa Ep. Romani, in qua Stratoris officio Pontifici Siluestro Constantinus M. functus dicitur. Non abludit Palatii Romani Romæque in iura Ep. Romani transcriptio: non omnis illa processionis pompa, de qua ibi. Denique neque Consilium, quod ipse memoratur de transferenda sede Imperii in Byzantium Prouinciam.

Vt ad huius leg. sententiam redeamus, ea Constantini M. mens fuerit, in recensu Equitum, idem Licinii rescriptis circa Equites emissis spectandum, vtrum ea iuri conformia sint necne: sic vt ii expungantur, quos Licinius iure expunxit, seu ii semoucantur, quos ipse iure semouit: contra, vt ii quos non iure expunxit, restituantur. Finiamus enim Nauicularis Equitum numero a Licinio expunctos: (sane enim nauicularis Equestris dignitas a Constantino M. collata fuit, quod testatur *lex 16. sup. de Nauiculariis.*) Hi utique pro non expunctis; imo in Transfuectione probatis a Prefecto Vigilum habebuntur. Quod casum posui in Nauiculariis, quibus equestris dignitas collata fuerat, in plebem reiectis, non temere est: nam & ita retro idem Licinius Senatores ad Nauicularium munus deiecit; vt testatur *lex. 4. prox. tanquam vile munus.*

De LICINIO, deque Senatoribus ad Nauiculariam functionem ab eo deiectis, statui suo restituendis, vel non.

IV. (a) Idem A. ad Senatum. (b)

SUPER his, qui ex Senatoribus ad Nauicularium (c) munus a Tyranno (d) deiecti sunt, ac restitui suis natalibus (e) deprecantur, placuit, Vestræ Sanctitati (f) iudicium

dicium examenque mandare, ut vos eligatis, qui splendori vestro patrimonij viribus, & honestate viuendi, & (g) Natalium dignitate respondent: Incongruum est enim tantæ dignitatis arbitrium alteri potius, quam vestris suffragiis sententiisque committere. Eorum autem, quos ut dignos elegeritis, nomina P. F. Urbis (h) nobis insinuet, ut vestrum iudicium conprobemus. Dat. Id. (i) Iul. Constantino A. VII. & Constantino Cæs. Coss. (326.)

NOTÆ.

- (a) Abest & hæc lex a Cod. Iustin. Iungenda videtur lex. 3. *supr.* GOTHOFR.
 (b) Urbis Romæ: hic enim proprie *Senatus*: ceteri, minores *Senatus*. ID.
 (c) Vide *supr.* tit. de *Naucular.* lib. 15. ID.
 (d) Licinio. ID.
 (e) Senatoriæ dignitati. ID.
 (f) *Sanctitatis* titulus Senatui tributus. ID.
 (g) *ut honestate viuendi Natalium dignitati respondent.* ID.
 (h) Hic enim *Præsul* *Senatus* & *Senatorum* fuit: ut *Castiodorus VI.* var. 4. eum vocat. ID.
 (i) *Transuentionis* *Equitum* hic dies fuit: de quo ad *leg. superiorem*. ID.

COMMENTARIUS.

SENATORES ad *Nauculariam* functionem a Licinio Tyranno deieci, pristinae dignitati quanam restitui debeant? *Constantinus M.* hac *Oratione* sua ad *Senatum* emissa, Anno. D. 326. examini *Senatus* ipsius relinquit. Sic & de *Christianis*, qui a *Licinio Tyranno* adacti ad *Curialia* munera, vel *ministra* publica fuerant, a *Constantino M.* *Conditioni* suæ & *Natalibus* restitutis fidem facit *Auctor vita Constant.* lib. 2. cap. 30. 32. 34. & *Sozomenus* lib. 1. cap. 8. Hinc igitur discimus, & postea quoque *Senatores* nonnullos *Naucularios* fuisse: quod etiam discimus ex l. 5. *supr.* de *Naucular.* Sic tamen, ut *Senatoriis* functionibus immunes essent: vide quæ dixi ad eam leg.

Singularis porro eo quoque nomine hæc lex est: quia inde discimus, quo loco, qua dignatione *Constantinus M.* *Senatum* *Urbis Romæ* & *Senatoriæ* dignitatem habuerit, quantumque is (eiisque exemplo boni quique *Principes*) *Senatui*, & *Senatoriæ* dignitati deferre solitus sit. Primum scilicet *Sanctitatis* vocabulo eum decorat seu compellat, *Vestre Sanctitati*, inquit: Item de eo hæc verba usurpata, *Splendori vestro*, item illa *Tantæ dignitatis*, de quo ad l. 1. *supr.* de *Prætor.* vide & *Spartianum*, *Hadriano* c. 8. & in *Seuero* c. 7. Item definit, *Senatorum Recensum* (ut cum *Suetonio* loquar) non alii magis quam *Senatui* committendum: & ut hæc lex ait: *Incongruum est: tantæ dignitatis arbitrium alteri potius quam Senatui suffragiis sententiisque committi.* Quomodo & *Alexander Seuerus*, *Lampridio* teste c. 21. *Nisi Senatorem de Senatore Romano iudicare noluit.* Quo etiam pertinet *Quinquetræ* *Senatorum* iudicium: de quo l. *ultim.* *supr.* de *iurisdic.*

Tertio, quo loco *Constantinus M.* *Senatorium* Ordinem haberi voluerit hæc leg. exinde apparet; quod duo in explorandis *Senatoribus* spectari vult: *Primo*, *Patrimonij vires*, seu censum, *Secundo*, *Honestatem viuendi*: quorum ille *splendori Senatui* respondeat: hæc *Natalium dignitati*. Nam ita hunc locum partim interpungo, partim etiam emendo, Tandem *Electorum* a *Senatu* nomina a *Præfecto Urbis* sibi *Principi* nunciari iubet, ut ita ejus iudicio comprobentur. Proximum huic quod de more *Præfectus Urbis* census *Senatorii* breues nominaque *Senatorum* nouorum, vel exemptorum, & quidem singulis trimestribus ad Imperatorem perferre solebat, ex officio censuali desumpta, teste *Symmacho* lib. 10. *epist.* 59. 60. Scilicet cum *Senatus* iudicium hic deferretur, ut ipsa quoque committitur *Præfecto Urbis*, qui utique *Senatorum* *Præsul* erat: quomodo *Equitum Recensum* *Præfecto Vigili* idem Imperator committit *superiore lege*, quæ huic omnino consonanda videtur: ubi quæ ad historiam huius leg. pertinent, iam delibata sunt: & ex utraque lege ita coniuncta iam discimus, *Constantinum M.* *Romæ* agentem, & *Senatorum* & *Equitum recensum* egisse.

Tandem obseruandum, *Constantinum M.* hoc Anno 326. enixe admodum *Nauculariorum* functioni, favore *Annonæ Urbicæ* consultum iuisse variis admodum circa *Naucularios* constitutis: præter hanc enim leg. & leg. 3. *supr.* quæ eodem referri potest, hoc eodem Anno tres in id constitutiones occurrunt: puta lex 5. *supr.* de *Naucular.* lex 1. de *præd. Naucul.* & lex 1. *Cod. Iust. de hæred. Decur. & Naucul.*

De MAGNENTIO: deque gestis sub eo.

V. (a) Imp. CONSTANTIVS A. & Constant Cæs. (b) ad vniuersos prouinciales (c) & populum. (d)

QVÆ Tyrannus, (e) vel eius iudices, contra ius statuerunt, infirmari iubemus; reddita possessione expulsis, ut qui vult ab initio agat: Emancipationes autem & manumissiones, & pacta sub eo facta & transactiones valere oportet. Dat. III. Non. Nouembr. Med. Constantio A. V. (f) & Constante Coss. (352.)

NOTÆ.

- (a) Abest & hæc lex a Cod. Iustiniano. GOTHOFR.
 (b) Gallus. ID. Rectius *Constantius*, quod præter *Auctorem Chron.* *Alexandrin.* *Idatium*, *Aurel. Victorem*, *evidentissimi.*

simis verbis testatur Socrates *l. 2. c. 28.* ἄλλον μὲν ἐνεψιὸν ἔχοντα Κάισαρα κατέχευας, τότε δὲ καὶ οὗτος ἔνομα: *Qullum patruelem suum Cæsarem nuncupavit, impositio illi suo nomine.* Consule etiam eos, qui narrant ad Marcellinum *lib. 1. c. 1.* & Anton. Papium in *Crit. ad. an. 351.* Constantii nomen etiam rescribendum supra *leg. 4. de legat. KITTER.*

(c) Italiae. GOTHOFR.

(d) Urbis Romæ. ID.

(e) vide *supr. l. 2. & infr. l. 8.* Cæterum hic Magnentius intelligendus est. ID.

(f) Possit forte hæc lex. referri ad Ann. 354. ID.

COMMENTARIUS.

MAGNENTIVS a Lætis Francis oriundus (de quo in FRANCIS) Constante Galliarum Imperatore caso, *Sergio & Nigriniano COSS.* (id est Anno D. 350.) *XV. Kal. Febr.* Tyrannidem in Galliis assumpserat; Auctores tum alii, tum Socrates, *lib. 2. cap. 25. 26. 32.* & Factorum Sicularum seu *Chronici Alexandrini* Auctor, *p. 672. 673. Edit. Rader.* Quin & Italia Vrbeque Roma mox potitus. Itaque & in Galliis & in Italia Vrbeque Roma instituti ab eo Iudices, & Romæ quidem Præfecti Urbis (vt ad *l. 5. infr. de paganis*, docebo:) Itemque Consules, vt ex Auctore peruetusto *Notitia Consulium & Præfectorum Urbis*, quam Cospinianus iprimis edidit, constat. Memorat & Ammianus *lib. 14. cap. 5.* Gerontium Comitem Magnentianæ parvis. Quin & in Pannoniam idem penetrauit: Verum superiore Anno 351. ex Pannonia *Mursensi* prælio in Italiam a Constantio sub finem Autumnii fugatus fuit. Itaque statim Constantii Edicto indulgentia & impunitas Magnentii sectatoribus promissa; possessiones suæ expulsi spoliatis redditæ: De quo Edicto Iulianus *Orat. 1. p. 130. su. pag. 38. Edit. Lips. Spanhem.* κηρύγματι δὲ ἢν λαμπρά, καὶ βασιλικῆς ἀξία μεγαλοφυΐας, ἀδεια δὲ πάντων ἐδίδοδο τοῖς ταξαρμένοις μετὰ τῷ τυράννῃ; πλὴν ἔτις ἀνείσων ἐκείνων φόνων ἐκείνων: ἀπελάμβανον τὰς οὐκίας ἀπαίσεις καὶ τὰ χρήματα καὶ πατρίδας, εἰ μὴ δὲ ὀφείδει τι τῶν φιλότων αὐτοῖς ἐλπίζοντες, id est, *Edicta* (namita verum oportuit) *emissa Magnifica & magnanimitate* Regia digna, quibus omnibus, qui cum Tyranno essent impunitas promissa, præter quam iis, qui cum eo nefandarum cædum participes exiissent: suas etiam domos, opes & patriam vniuersis seruauerunt, cum nullæ earum rerum quas haberent charissimas, visuras se amplius existimarent. De eodem rursum agit *Orat. 3. pag. 302. in 8. quæ 2. in 4. pag. 107. & orat. 2. pag. 58. Edit. Lips. Spanhem.* ὁ δὲ ἐκέρυττεν ἀδεια τοῖς ἐξαρκαμένοις τὴν συνουσίαν, & θανάτῃ μόνον, ἢ φυγῆς, ἢ τῷ ἄλλῃ τιμωρίας, καὶ τὸν φόβον ἀφαιρῶν: ὥσπερ δὲ ἐκ τῷ τελαπωρείας, καὶ ἄλλῃ δυστυχῆς τῆς συνῆ τω εἰρήνῃ βιοτῆς κατάγειν σφᾶς ἐπ' ἀκεραίοις τοῖς πρότερον ἦξε: id est, *Hic vero omnibus qui coniurationem cietare vellent, impunitatem proposuit, non modo mortis aut exilii, alteriusque alicuius pænæ metum quoque inferens, verum insuper velut ex maxima miseria, atque infelici cum Tyranno vitæ pristinum in statum atque in integrum restituit.* Tandem, si subscriptio huius leg. mendo caret, recepta Vrbe & Italia, lata fuerit hæc lex ad *Provinciales* Italiae, & ad *populum Urbis Romæ*: vbi quomodo sese gesserit, vid. Socratem, *lib. 2. cap. 32.* Sed & cæso Magnentio postea, τῷ τρίτῳ παλαίσματι, tertio congressu, vt Iulianus ait *Orat. 1. pag. 40. Edit. Spanhem. Lips.* lata *lex 2. supr. de indulgent. crimin.* Certe inter alia Magnentii gesta non tantum Athanasius quoque *Apollog. ad Constant. pag. 677. Tom. 1. Oper. Edit. Lipsiensis*, varias Christianorum cædes, & quidem Romæ refert: sed & Eutropius *lib. 10. c. 6.* grauillimas Proscriptiones ab eo factas. Sed & Iulianus, *Oratione 1. p. 114. su. pag. 34. Edit. Spanhem.* duas illius leges

memorat iniquissimas, puta *Vnam* qua dimidiam bonorum partem subditos pendere iusserat: *Secundam*, qua seruis dominos accutare permisit. Idem memorat, cum Regias possessiones inuitos emere coegisse. Tandem huc exerte facit, quod idem eadem oratione *1. p. 146. in 8. p. 79. in 4. & pag. 43. Edit. Lips. Spanhem.* memorat de possessionibus & facultatibus a Constantio restitutis, post deuidum Magnentium his qui spoliati fuerant: Ἀλλὰ τῶν εἰς τὰς ιδίας ἀξίων δωρεῶν μεμνησθαι, ἐλευθέρῳ σε καὶ μεγαλοδωρὸν βασιλεῖα προσαγορεύουσα: ὅς πολλὰς μὲν ἐρομένους πάσαι, τῶν αὐτῶν κτημάτων, τὰ πατρῶα κλήρος συμφορὰ περιπεπληγὸς ἐν δικῇ καὶ παρὰ δίκην, ἐπειδὴ πρῶτον ἐγένεον κύριος, τοῖς μὲν καθάπερ δικαστῆς ἀγαθὸς τὰ τῶν ἐμπροσθεν ἀμαρτήματα διορθώσας, κυρίως ἐκείνῃ τῆς αὐτῶν εἰσίας παρέχους: τοῖς δὲ ἐπιεικῆς κριτῆς γενόμενος, ταῦτα μὲν ἀνὰ φήρητον πάλιν ἐχαίρεισιν, ἀρκούν οἰόμενος τὸ μήκῃ τὰ χρεῖα πρὸς τιμωρίαν τοῖς παθεσιν, id est, *Verum non omittenda una illa in priuatos beneficia, vt te propterea liberalem ac magnificum Imperatorem appellemus.* Nam cum plerisque nactus esset, qui dudum suis facultatibus spoliati erant, quod eorum patrimonium partim iure partim iniuria summa cum calamitate dilapsum esset, simulatque summa rerum præfectus es, alios quidem tanquam bonis quidam Iudex prioribus delictis emendatis, in pristinum bonorum possessionem restituisi, aliis vero perinde atque æquus arbiter quæ pridem adempta in fuerant, iterum restituisi, temporis diuturnitatem existimans ad pænam iis sufficere, qui ea calamitate essent affecti.

Ex hac interim lege constat, vt & ex *l. ultim. infra*, bello seu per Tyrannidem rapta, pacatis rebus, si apud aliquem agnoscerentur, repen potuisse: quod etiam confirmat *lex 9. Cod. Inst. unde vi*: vbi hæc verba, *Tempore impetus*, Basiliscii Tyrannidem denotant. Cicero, quoque *Philipp. 2. c. 37.* Sciebat ius semper hoc fuisse. vt quæ Tyranni eripuisse, tyrannis interfecit, in quibus erepta essent recuperarent. Quod in omni civili bello tralatitium fuit. Suetonius *Vespasiano, cap. 10.* Sorte elegit (Recuperatores) per quos civili bello rapta restituerentur. Tacitus *4. Histor. c. 40.* sorte ducti per quos redderentur bello rapta. His adde & *Liuium, lib. 3. cap. 10. & lib. 34. cap. 34.* Idem igitur & hoc Edicto a Constantio constitutum, puta vt possessiones expulsi a Magnentio cuiusque ludicibus restituerentur: eoque nomine qui vellet ab initio ageret, & contra ius statuta rescindi facerent, Tralatitio vt dixi iure. Quo ipso viceversa Spontanei actus, veluti Emancipationes, Manumissiones, Pacta, Transactiones sub Tyrannis celebrata, non ideo quia Tyranni debellati infirmari poterant, verum valere eas oportebat. Quod a Constantio hac. leg. & a Constantino *M. l. 2. supr.* statuitur: & a Valentiniano *lun. l. 8. infr.* ab Honorio *l. 9. & 13. infr.* Cæterum omnibus perceptis, putem ego potius hanc. leg. latam Magnentio penitus deuidio exsoque, non vero viuo adhuc eo: atque adeo huic leg. subscribendos *Coss. Constantio A. VII. & Constante Cæsare III. COSS.* id est, Anno D. 354.

De MAXIMO: & Honoribus ab eo collatis reuocandis.

VL (a) Imppp. VALENTINIANVS, (b) Theod. & Arcadius AAA.
Trifolio PF. P. (c)

N VLLVS sibi honorem audeat vindicare, quem Tyrannica (d) concessit audacia, sed ad pristinum statum damnata præsumptio (e) reuocetur. Dat. X. Kalend. Octobr. Aquil. Theod. A. II. & Cynegio Co ss. [388.]

NOTÆ.

(a) Abest & hac lex a Cod. Iustiniano. GOTHOF.

(b) Junior. ID.

(c) Italica: vid. l. 3. *supr. de Decur. V. R.* Eidem inscribitur & l. 7. *infr. prox. ID.*

(d) Maximi. ID.

(e) Præsumptionis vox hic propria: ita Tyrannica præsumptio, l. II. *de indulgent. crimin.* præsumptor infaustus, l. *ultim. de Episcopis. ID.*

COMMENTARIVS.

MAXIMVS (ad quem hac & sequentes duæ leges vt & lex 10. *infr.* pertinent) Tyrannus, natione Hispanus Anno Domini 383. e Britannia transiens, fugatoque *Parifis*, (proditiōe Merobaudis *Franci* Cos. & Magistri militum, si *Prospero* fides habenda, de quo vid. *Chron. biftor.*) Gratiano, eoque Lugduni interempto, Imperium eius intra Gallias, Hispanias, Britanniam occupatum iuit: de quo narrationes obuia apud Aufonium, Pacatum, Ambrosium, Sulpitium Alexandrum, Sulpitium Severum, Zosimum, Victorem alterum, Prosperum, Marcellinum, Cassidorum *Chronicis*, Paulum Diaconum; mox idem, fugato ex Italia Valentiniano Italiae & Illyrico incubuit. Verum hoc Anno 388. tandem, a Valentiniano & Theodosio apud AQUILEIAM debellatus, capitisque damnatus est. Zosimus, Sulpitius Alexander apud Gregor. Tur. lib. 2. cap. 9. Pacatus, Aufonius, &c. Auctores: VI. Kalend. Septembris, testis Socrates lib. 5. cap. 14. Proinde tyrannide Maximi depulsa, paulo post lex hac AQUILEIÆ data: reuocandis videlicet per Italiam & Illyricum quæ ab eo gesta (vt & Anno prox. per Gallias, l. 8. *infr.*) Atque inter alia, Dignitates seu honores ab eo collati; reuocati. Quod utique tralatitium ius fuit: vt probat etiam lex 8. II. 12. *infr.* & lex II. *supr. de indulg. crim.* Salua tantum pristina dignitate. Atque hoc sensu, Pacatus Panegy. c. 45. post hoc bellum, nullius dignitatem inmutatam scribit. Alio vero sensu Symmachus lib. 4. epist. 7. Aliis tributum, aliis integratum honorem. Nempe hoc vult, vel nouum concessum, vel qui ademptus fuerat restitutum. Quem tamen locum, huc facere quidam opinati.

Ad hanc porro Aquileia in hac leg. subscriptionem, eaque quæ modo dixi omnia, facit egregie hic Aufonii locus in poemate de *Claris Urbibus*, seu ordine Nobilium urbium, de Aquileia 6.

Non erat iste locus: merito tamen aucta recenti
Non inter claras Aquileia cieberris vrbes:
Itala ad Illyricos obiecta colonia montes,
Mœnibus & portu celeberrima: sed magis illud
Eminet, extremo quod te sub tempore legit,
Solueret exacto qui iussa piacula lustro
MAXIMVS, armigeri quondam sub nomine lixa:
Felix quæ tanti spectatrix lata Triumphi
Punisti Aufonio Rutupinum Marte Latronem.

Facit & Sulpitius Alexander, lib. 3. *biftoria*, apud Gregorium Turonensem, lib. 2. *biftor. Franc. cap. 9.*

Dicit, Maximum intra Aquileiam, amissa omni spe Imperii quasi amentem residere. Quem quidem Scriptorem egregium intercidisse summo opere dolendum est; de quo etiam hac occasione in transcurso monere aliquid operæ puto. Hic ille Alexander est, quem Symmachus inter amicos suos & familiares, maximo loco habuit: & de quo multa habet: nempe huic Tribuni & Notarii dignitatem a Valentiniano Iun. sponte delatam ante irruptionem Tyrannicam (siue Maximi, siue Eugenii) scribit lib. 5. epist. 39. Hunc eundem sortitum Provinciam Præsidalem testatur, lib. 1. epist. *vltim.* Hunc variis epistolis idem commendat Summatibus in aula Valentiniani Iun. Syagrio, lib. 1. epist. *vltim.* Neoterio, lib. 5. epist. 39. Decio, lib. 7. epist. 57. (nisi hic forte Alexander alius est.) Ad eundem scribit epistolam 67. lib. 9. quæ alioquin Epigraphæ caret: & lib. 9. epist. 28. vbi diserte eum AQUILEIÆ positum fuisse ostendit. Tandem *biftoriam* eiusdem memorat, plurimumque commendat, eiusdemque argumentum indicat d. epist. 67. lib. 9. quam hic apponere iuvat: Alexandrum, sicuti loquuntur Historie, grauis momordit inuidia, quod Achilli fortissimo cui sui Homerum præconem fortuna tribuisset. At mihi animus gliscit gaudio, quod euentus Reip. prosperos parili sermone ornasti. Vnde factum est, vt nostris quoque obitibus qui procul agimus, quedam gestorum facies subderetur. Quare & fortuna tua gratulor, quæ spectatorem te secundis rebus adposuit, & faciundia, quæ talium negotiorum magnitudini orationis grauitate respondit. Cælestis nutus efficiet, vt ornatissimo lingue tue promptuario nunquam desit materia talium nunciorum. Quod argumentum attinet, fragmenta eius ostendunt, circa Maximi & Eugenii tyrannidem, deque iis victorias Aquileiæ, vel prope Aquileiam, historiam eius occupatam fuisse: hique illi sunt prosperi euentus Reip. secunda res, magnitudo negotiorum, materia latorum nunciorum, quæ Symmachus ibi memorat. Cæterum horum euentuum spectatorem ipsum fuisse idem ait. Tandem, quod a sermone, magnitudine orationis, ornatissimo lingue promptuario cum commendat, ei rei fidem omnino faciunt fragmenta, quæ apud Gregorium Turon. occurrunt. Quare tuto iam illi epistola ἀνεπιγράφω, Alexandri nomen reddamus: ad quod etiam initio epist. alludere voluit. Ad eundem datam quoque cenfeo epist. 101. lib. 9. vbi de Historia quoque eius agit, deque eius Orationibus.

De MAXIMO, & iudiciis eius, legibusque damnandis.

VII. (a) Idem AAA. Trifolio (b) PF. P.

OMNE iudicium, quod vafra mente conceptum, iniuria (c) non iura reddendo, Maximus, infandissimus Tyrannorum, credidit promulgandum, damnabimus; (d) Nul-
lus igitur sibi lege eius, nullus iudicio, blandiatur. (e) Dat. VI. Id. Octobr. Med. Theod.
A. II. & Cynegio Coss. (388.)

N O T Æ.

(a) Abest & hec lex a Cod. Iustiniano. GOTHOFR.

(b) Eidem inscribitur lex 6. ID.

(c) *vg. iniuriam. ID.*

(d) damnabimus. ID.

(e) Blandiri sibi: vid. Gloss. Theod. ID.

C O M M E N T A R I V S.

MAXIMVS leges, & iudicia quorundam in Italia contra ius vafro animo tulerat, quæ hac leg. reuocantur. Innuuntur forte iura & iudicia inter alia, quæ Paganorum fauori emerendo callido consilio reddiderat, promulgauerat. Certe, Gen-
tiles per Italiam Maximo fauisse, Symmachi exem-
plum (de quo videndi Scriptores Ecclesiastici, So-
crates lib. 5. c. 14. Nicephorus lib. 12. c. 21. Epi-
phanus, *hiflor. Tripart. lib. 9. c. 23.*) & Zofimi
testimonium, lib. 4. cap. 36. docent.

De MAXIMO & Honoribus ab eo per Gallias collatis, reuocandis iudiciis
Iudicium ipsius rescindendis: at non & iis quæ sponte sub eo
facta sunt.

VIII. (a) Idem AAA. Constantiano (b) PF. P. Galliarum.

OMNES, qui, Tyranni (c) vſurpatione (d) prouecti, cuiuslibet acceperunt nomen
inlicitum Dignitatis, codicillos adque epistulas & promere iubemus & reddere: Iu-
ris quoque dictionem adque sententias, quas promere (e) nequuerunt, qui iudicium no-
men habere non potuerunt, ex omnibus publicorum monumentorum scriniis iubemus
auferri, vt abolita auctoritate gestorum, nullus his iudicatis conetur inniti, quæ & tem-
pore & auctore delentur. Exceptis his tantum negotiis, adque in sui integra firmitate
manfuris, quæ conuentionibus pactisque finita sunt, si dolo metue caruerunt. His
quoque pariter exceptis, quæ donatio tranſtulit, mancipatio (f) liberauit, contulit ma-
numiſſio præmia (g) meritæ (h) ſeruitutis: Quia in his omnibus voluiſſe ſat iuris eſt.
Dat. XIX. Kalend. Febr. Med. Timasio & Promote VV. CC. Coss. [389.]

N O T Æ.

(a) Abest & hec lex a Cod. Iustiniano. GOTHOFR.

(b) Constantianus PP. Galliarum sub Valentiniano Iun. Euodii, qui sub Maximo PP. Galliarum fuerat, (vt testatur Sal-
pitiuſ Seueruſ de vit. S. Martini. c. 20. et lib. 2. *hiſt. ſacr. cap. 50.*) ſuccellor. Eidem inſcribuntur hoc ipſo
Anno lex 4. *ſupr. de legitimis hereditatibus l. 5. ſupr. de proximis Comitib. ID.*

(c) Maximi ID.

(d) De vſurpationis voce, vid. Conrad. Ritterſhuf. *Comment. in Saluian. de Gubernat. lib. 1. pag. 35. RITTER.*

(e) Promi ſententia dicitur, vid. Gloss. GOTHOFR.

(f) Emancipatio, vt l. 5. *ſupr.* certe ita quoque habetur, mancipatio ſcilicet l. 9. *præx.*

(g) Præmio. IDEM.

(h) Eſt, qui hic tentabat, emeritæ. ID.

C O M M E N T A R I V S.

P. 411. A MAXIMO collati Magiſtratuſ dignitateſque, &
ab his conſequenter dictæ ſententiæ, vt ſupe-
rioribus duabus legibus per Præfecturam Prætoria-
nam Italiæ, ita & hac elegantiffima lege per Præfe-
Tom. V.

cturam Prætorianam Galliarum reuocantur caſſan-
turque, ceſſo iam Victore Maximi filio, quem pa-
ter in Italiam proficiſcens, in Gallia Teruiris reli-
querat, infantia eius & deſenſione Nannio & Quin-
Non
tuo

tingo militaribus Magistris commissa, vt testatur Sulpicius Alexander lib. 3. *Historia apud Gregor. Turonens. lib. 2. cap. 9.* Ceterum inter Magistratus sub Maximo intra Galliam constitutos, a Sulpitio Severo lib. 2. cap. 50. nominatur Euodius (is ipse forte, qui Anno D. 386. Cos. fuit.) Præfectus Prætorio, vt & Patricius, Aduocatus fisci: a quo ipso Scriptore eleganter describitur Iudicium istius Euodii P. P. de Priscilliano, eiusque sectatoribus, *peffimo exemplo*, vt idem Scriptor recte iudicat.

Et forte hoc ipsum iudicium in Priscillianistas *hæc leg.* nominatim perstringitur.

Ait vero lex, *quæ & tempore & auctore delentur*, damnato quippe Maximo eiusque temporibus, damnantur & sub eo gesta factaque. Excipiuntur tantum *hæc leg.* voluntarii actus, pariter vt quatuor aliis legibus, puta l. 2. §. *supr.* vbi diximus: sed & l. 9. 13. *infr.* Et in his *Emancipatio*, ita enim hic reponendum & l. 9. *infr.* quomodo habet lex §. *supr.* vt ostendit quoque coniuncta mentio *Manumissionis*.

De EVGENIO. Sponte sub eo gesta & in priuatum placitum vel scripturam deducta, non vi, dolo, metue facta, rata esse iubentur:

Consulum tantum in his nominibus erasis.

IX. (a) Impp. Arcadius & Honor. AA. Andromacho (b) P. V. (c)

VALEAT omnis mancipatio (d) Tyrannicis (e) facta temporibus; valeat a dominis concessa libertas: valeat celebrata & actis quibuslibet (f) inserta donatio: valeat deficientium omne iudicium; (g) valeat vniuersa (h) venditio; (i) valeant sententiæ Iudicum priuatorum (k) (conuelli enim Iudicium non oportet) quas (l) partium elegit adensus, & compromissi pœna constituit: valeant conceptæ sollemniter pactiones; (m) valeant scripturæ, quibus aut fides rerum, aut ratio (n) probatur, aut debita: valeant apud quemlibet habitæ spontaneæ professiones: (o) valeat deposita (p) super instituenda lite testatio: valeat impetratio iuris communium liberorum: (q) valeat procuratio scæuis (r) mandata temporibus: datus Tutor, vel Curator optineat firmitatem: *Valeat in sponsam perfecta* (s) largitio: doli ac vis & metus inchoata actio in tempus legitimum perseueret: bonorum amissa (t) possessio, & adfectus (v) adeundæ hereditatis obtineat, & interdicti (x) beneficium non amittat: (y) Valeat in integrum restitutionis petitum auxilium; valeat vindicatio, identidem (z) desiderata tribuatur: locatio & conductio inuiolabilem obtineant firmitatem: interdicti beneficia tempora infausta (aa) non mutilent: postulata (bb) inofficiosi actio & inmodicarum (cc) donationum rescissio petita seruetur: beneficia (dd) transacta non titubent: sacramento (ee) terminata permaneant: pignoris atque fiduciæ (ff) obligatio perseueret. Stent denique omnia, quæ in placitum sunt deducta priuatum, nisi aut circumscribitio subueniet, aut vis, aut terror (gg) ostenditur. Funestorum tantum Consulum nomina iubemus aboleri, ita vt his reuerentia in lectione (hh) recipientium tribuatur, qui tunc in Oriente annuos (ii) Magistratus victuris perpetuo sunt fascibus (kk) auspiciati: *Tempus vero ipsum ac si non fuerit*, æstimetur. Siquidem (ll) tunc temporis omissa aliqua præscriptio taciturnitatis, etiam de (mm) illis quæ confirmauimus non possit obponi. Dat. XI. Kalend. Mal, Med. Olybrio & Probino Coss. [395.]

N O T Æ.

(a) Abest & hæc lex a Cod. Iustin. velut temporaria. GOTHOFR.

(b) *Andromacho* huic inscribitur quoque hoc ipso Anno lex ii. hoc tit. (quæ & ipsa est de *Eugenii* Tyrannide) itemque l. 54. *supr.* de appellat. & l. 3. *supr.* de Comment. & l. 7. *supr.* de executor: l. 6. *supr.* de cognitor. Item Anno 401. l. 3. *supr.* de indulg. debitor. Hic idem Andromachus de quo Symmachus lib. 2. epist. 79. *ID.*

(c) *pp.* PP. & PP. Galliarum accipio. *ID.*

(d) Sustineri potest & hæc leg. pariter vt *supr.* l. 8. sic vt emancipatio quoque comprehendatur: quanquam *Emancipatio* diserte manumissioni iungitur quoque l. 5. *supr.* & præfert hanc vocem Editio quæ in Quarto prodit. *IDEM.*

(e) *Eugenii* scilicet. *ID.*

(f) Donatio Actis insinuanda: de quo *supr.* tit. de donat. Et tit. de sponsal. *ID.*

(g) Id est, Testamentum seu vltima voluntas. *ID.*

(h) Quæcunque. *ID.*

(i) *agæus.* *ID.*

(k) *Priuati* Iudices sunt Arbitri, *διαιτῆται*, compromissarii, *ID.*

(l) Ita interpuncto hoc loco nihil hic immutandum videatur: quāquam adhuc malim quos, vel quod. ID.

(m) συνθήκαι. ID.

P. 412.

(n) Id est, rationum redditio, δόσις καὶ ἀψίς. Chrysostomo. Nota interim hic tria Instrumentorum genera: vnum, quo fides probatur rerum, id est, quorumcunque negotiorum: Secundum quo rationes continentur & probantur, & sic ratiocinia. Tertium, quo debita probantur, id est, chirographia. ID.

(o) Professiones, an pro professionibus? An professiones censuales natalisque, παῖδων γέντας ἐνδοξάμενοι. ID.

(p) Deposita super instituenda lite testatio, est denunciatio, de qua fuit supr. tit. 4. lib. 2. ID.

(q) de iure liberorum eiusque impetratione fuit supr. tit. peculiari 17. lib. 8. ubi dixi ID.

(r) Scæva tempora, vt mox infausa tempora, vocantur hic tempora Tyrannica: vide Glossar. ID.

(s) Professio, γραμματεία περὶ γένων, Chrysostomo. ID.

(t) Forte admissa, malim omissa quāquam & amissa eodem sensu sustineri possit. ID. Hic sensus videtur poscere, bonorum admissa possessio, pro amissa vel omissa, quod Gothofredus reposuit: et male, ni fallor, prætulit τῇ admissa. Omnes enim species antecedentes agunt de iure, quod alicui ex actu valido competit, non vero de eo, quod amisit, præsertim cum bonorum possessio iungatur adfectui adeundæ hæreditatis atque interdicti beneficio; quæ utique acquisitionem iuris continent. BEST. ration. emend. leg. cap. 27. §. 15.

(v) Testatus scilicet. GOTHOFR.

(x) Interdictum hic intellige. ID. Dabito valde, annon pro interdicti beneficium, legi debeat edicti beneficium, vt respiciatur ad celebre edictum Diui Hadriani, de quo in leg. vn Cod. 1. de edict. Diu. Hadr. tollend. ita enim optime hæc tria iunguntur, adfectus adeundæ hereditatis ex iure ciuili, bonorum admissa possessio, ex iure prætorio, & Edicti beneficium ex constitutione Imperatoris, præsertim cum paullo post interdicti beneficia memorantur inter alias plerasque actiones, adeo, vt facile librarius potuerit errasse, dum putauit, vtroque loco eiusdem plane rei fieri mentionem. Verum hac de causa contendere nolim. BEST. Rat. emend. leg. c. 27. §. 15.

(y) An amittatur? minime. GOTHOFR.

(z) Recte identidem. ID.

(aa) Infausa tempora; vt supra, scæua, id est, Tyrannica. ID.

(bb) Vid. l. 1. in fine, supr. de in officios. testam. ID.

(cc) Vid. supr. tit. de in officios. donation. ID.

(dd) Videtur legendum esse beneficio, vt tanto concinnior sit oppositio τῷ sacramento. Transfigere enim beneficium nihil aliud est, quam placide & amice controuersias componere, cum sacramentum iudiciorum strepitum litiumque certamina designet. BEST. l. c.

(ee) Id est, iureiurando; dehuius vi, vid. quæ dico ad l. ult. supr. de pactis. GOTHOFR.

(ff) De fiducia dixi supr. tit. de commissoria rescind. ID.

(gg) Id est metus, vt l. 8. supr. ID.

(hh) Lectio, dixi supr. ad l. vnic. de respons. Prudentum. ID.

(ii) Nempe Consulatus annuus fuit Magistratus. ID.

(kk) Vid. Claudianum passim. ID.

(ll) γρ. Sic quidem vt tunc temporis ob omissa aliqua. ID. Curæ hic quidem Gothofredus vulnus, verum ingentem relinquit cicatricem. Existimo ego longe facilius omne vestigium mali posse tolli, si legatur: Siquidem, tunc temporis omissa aliqua prescriptio taciturnitate sit, etiam de illis, quæ confirmauimus, non possit opponi. Ita enim seruatur concisum huius legis dicendi genus, ita sensus proliuit multo facilior, ita multo pauciora mutantur. BEST. l. c.

(mm) An delenda vox, de? Non puto. GOTHOFR.

COMMENTARIUS.

EUGENIUS (ad quem hæc elegantissima omnium & accuratissima lex spectat, itemque lex 11. & 12. infr. vt & lex 9. supr. de desertoribus: Orationem in Palatio professus, cum Arcadio II. & Rufino Consulibus (id est, Anno 392.) cæso Valentiniano Iunioris Viennæ in Gallia fauore Arbogastis Barbari (vt tum temporis vocari mos erat,) id est, Franci Magistri militum citra Valentiniani Principis auctoritatem facti, Tyrannidem in Occidente arripuisset, tandem Arcadio III. & Honorio II. Consulibus (id est, Anno superiore 394.) a Theodosio M. deuictus capitis damnatus est, caputque eius conto defixum per castra circumlatum fuit VIII. Id. Septembris: de quo videndus Zosimus lib. 4. cap. 58. Socrates, lib. 5. cap. 25. & alii.

Eo igitur cæso, mox & ipsomet Theodosio mortuo, Honorius Imp. hoc Anno, post id proximo 395. Eugenio, eiusque iudicum Actis rescisis, nihilominus hac corthurno Gallicano erecta lege (patet vt quatuor aliis huius tituli legibus, puta l. 2. Sgm. V.

s. 8. supr. & l. 13. infr.) ea quæ sponte sub eo gesta, inque placitum deducta essent, priuatum scilicet, non vi, non dolo, non metu, rata esse iubet, elegantissima profecto & speciali admodum priuatum actuum 24. vel 26. ferme enumeratione facta. Sunt autem hi, Primo, Mancipatio omnis, quomodo etiam legitur l. 8. supr. Malim tamen & hic & illic, Emancipatio; vt habetur l. 5. supr. Et vero ita reponendum, coniuncta vbique mentio Manumissionis, seu concessæ libertatis id ostendit. Secundo, Manumissio. Tercio, Donationis insinuatio. Quarto, Testamentum item seu deficientis iudicium: de quo est hæc lex vnica & singularis. Vbi quæri potest, num & Militantium sub Tyranno Testamenta priuilegio militari sustineantur? Quod Oratione Seruini, & ad eam Aresto Parisiensis negatum video, tom. 2. des Plaidoyez de Monsieur Seruin. plaidoyé, p. a. p. 516. cui ego obloqui non ausum; cum tamen huius leg. generalitas contra facere videatur: quod Seruinus non animaduertit.

tit. Quinto, Venditio. Sexto, Arbitrium. Septimo, Pactum. Octavo, Instrumenti confectio. Nonno, Professio apud Magistratum spontanea. Decimo, Denunciatio litis. Undecimo, Impetratio iuris communium liberorum. Duodecimo, Procuratio. Decimotertio, Tutoris & Curatoris datio. Decimoquarto, Sponsalitia largitas. Decimo quinto, doli, vis, metus inchoata actio. Decimosexto, Adquisitio & omissio hereditatis, honorumque. Decimoseptimo, In integrum restitutionis auxilium petatum. Decimo octavo, Vindicatio desiderata. Decimonono, Locatio conductio. Vigesimo, interdicti beneficium. Vigesimo primo, Inofficiosi actio instituta. Vigesimo secundo, Transactio. Vigesimo tertio, lusiurandum. Vigesimo quarto, & ultimo, Pignus, atque fiducia, (de qua dixi ad ad leg. vult. supr. de commiss. rescind.) Ita tamen ut gestis & instrumentis super eo confectis, addita Consulium nomina eorum, qui ab Eugenio fuerant constituti, aboleantur penitus; solumque Consulium qui in Oriente tum temporis fuere in lectione Gestorum memoria fiat, iisque in lectione reuerentia tribuatur. Nempe (quod hic primo notandum) mos hic solemnissimus olim fuit, de quo iam dictum ad leg. 17. supr. de penis: fidemque rursus faciet lex. 13. infr. hoc tit. Nomina Consulium Tyrannorum, vel a Tyrannis constitutorum aboleri. Ceterum Consules ab Eugenio facti sunt Arbogastes, & Nicomachus Flavianus. Hic certe postremus, qui & PP. fuit, Eugenio isti capessendæ Tyrannidis inter alios auctor fuit, teste Sozomeno lib. 7. cap. 22. quique idem & Consul fuit: Symmach. lib. 2. epist. 83. & 84. Secundo ex hac leg. notandum, cum in iudiciis legerentur seu recitarentur Consulium nomina, his reuerentiam quandam exhibitam: nempe proculdubio Adclamationibus factis: quomodo & alias Summi & Illustres Magistratus adclamatione de more excipiebantur, l. 2. supr. de Quæstorib. Magistr. offic. & extra ordinem lustissimi & Vigilantissimi Iudices publicis adclamationibus collaudabantur: l. 3. Cod. lust. de offic. Recl. prouinc.

Ergo eorum Consulium nomina, qui a Tyranno instituti fuerant, actis gestisque addita, in recitatione omitti iubet hac leg. Honorius. Et in genere tempus illud ac si non fuisset, æstimari vult. In tantum (quæ sententia huius leg. in fine, videri possit,) ut omissus in actis temporis caracterismus, seu Consulis adnotatio omissa, non ideo gesta vitiet, neque taciturnitatis istius præscriptio quidquam obstat seu opponi possit gestis illis quæ hac leg. confirmantur. Qui singularis casus fuerit, quo acta gesta, & instrumenta absque caracterismo temporis Consulium designatione valent: Cum aliis actis & instrumentis Consules addi oportuerit. Præscriptioque taciturnitatis huius alioquin seu omissionis his opponi poterat: de quo est hic quoque Chrysostomi locus, qui circa hoc ipsum tempus scribebat, agebatque, hom. 2. in Oziam & verbis illis, vidi Dominum, &c. circa finem, tomo Sa-

P. 413. iuliano 5. p. 137. & Tom. VI. Benediclin. pag. 110. Καὶ πρῶτον γε ἀπὸ τῶν βιωτικῶν τὸ ἐπιδείξομαι πραγμάτων. Αἱ διαθήκαι καὶ τὰ ΓΡΑΜΜΑΤΕΙΑ τὰ περὶ γάμων, τὰ περὶ ὀφλημάτων, τὰ περὶ τῶν ἄλλων ΣΥΜΒΟΥΛΑΙΩΝ, εἰ μὴ τῆς ὑπατείας τὰς χρόνας ἀναθεὶν ἔχη προγεγραμμέναι, πάσης ἐρῆμα τῆς οἰκίας ἐστὶ δυνάμεως: τὸτο γὰρ ἐστὶν ἐν ἐκείναις τὸ ἰσχυρὸν, τὸτο τὰς ἀμφισβήτησας ἀναθεῖν: τὸτο δικαστηρίων ἀπαλλατῆς, καὶ τὰς ἐχθρὰς φίλους ποιεῖ: διὰ τούτο δὲ ταῦτα γράφοντες ὥσπερ λυχνον ἐπὶ λυχνίας, ὅτως ἐπὶ τὰ μετὰ τῶν γραμμάτων προτυπῶσι τὴν ὑπατείαν, ἵνα πᾶσι τοῖς κατὰ Φοινῇ: καὶ ταῦτα ἀνέλες, ἀνέλες τὸ φῶς, καὶ

πάντα σκοτῆς καὶ πολλῆς ἐνέπλησας ταραχῆς: διὰ τὸτο πᾶσα δόσις καὶ λῆψις, καὶ πρὸς φίλους καὶ πρὸς ἐχθρὰς, καὶ πρὸς οἰκέτας, καὶ πρὸς ἐπιτρόπους καὶ οἰκονόμους γίνηται, ταύτης δαίται τῆς ἀσφαλείας, καὶ πανταχῶς καὶ μῆνας καὶ ἐνιαυτὸς καὶ ἡμέρας κατὰθεν παραγράφου. Εἰδὲν ἐπὶ τῶν βιωτικῶν τοσαύτη τῇ πραγματῶν ἡ ἰσχύς, ἐπὶ τῶν πνευματικῶν πολλῶν μύζων καὶ χρησιμωδῶν, &c. id est. Ac primum quidem id a rebus secularibus comprobabo: Testamenta, & Instrumenta, tabulaeque nuptiales, de creditis, deque aliis contractibus, nisi ab initio Consulatus tempora præscripta habeant, ab omni vi sua vacua sunt: Id enim est quod illis robur addit, id quod controuersias tollit, id quod a iudiciis liberat, & ex inimicis amicos facit. Proinde qui talia scribunt, tanquam lucernam in candelabro, ita in fronte scripturarum Consulatum præmittunt, ut omnibus, quæ infra sunt præluceat: quæ si sustuleris; lumen sustuleris, omniaque tenebris multaque perturbatione compleueris: Propterea omnis iusti acceptique ratio siue cum amicis, siue cum inimicis, siue cum domesticis, siue cum procuratoribus & Oeconomis in eatur hac cautione eget, & ubique menses & annos & dies præscribimus. Quod si tanta huius rei vis est in secularibus negotiis, multo maior & utilior in spiritualibus &c. Idem Chrysostomus homilia 9. ad Coloss. edit. Comel. pag. 1381. & pagin. 394. Tom. XI. Oper. Edit. Benediclin. ὑπᾶτων ὀνόματα ἀσφαλῆ τὰ γραμματεῖα, consulium nomina efficiunt, ut firmata & valida sint literæ. Addatur similis hic Libanii locus in Panegyrico in Iuliani Consulatum, pag. 230. Edit. Morell. τὴν γὰρ αὐτῶν γενέσθαι σεμνότερον, ἢ τὴν οἰκισμένην ἀπάσαν ἡλὶς δίκην ἐπέχειν τῇ προσηγορίᾳ, καὶ πάντων ἀνθρώπων ἐν σώματι εἶναι τένομα, ἢ τὸ παρὰ τῶν γενεῶν τεθῆναι, πολλὰς ἀνάγκας τῆς μνήμης ἐχούσης, δικαστήρια, γάμους, ἀγοράς, λιμένας, χρεῖα, πράξεις, τὰς συμβάλλοντας καὶ γραφομένας συνήκας, τὰς διαφερομένας, καὶ τὴν πίσιν ἀπὸ τῶν γραμματέων φέροντας, τὰς κοινοῦντας, τὰς δις αὐτοῖς, πᾶσιν γενέσθαι ἐνδομύων, πᾶσιν ἐν διδασκαλίαις μαθήσεως, ὥν μία σπερὴ βοῆσαι τὰς ὑπάτας, ἐφ' ᾧ δὴ καὶ διαλύεται, id est: Ecquid enim splendidius contingat, quam orbem terrarum vniuersum Solis instar appellatione continere, & in ore omnium hominum versari nomen: præ eo quod a parentibus inditum, memoria eius ad vniuersos usus necessaria: ad Iudicia, conuicia, fora, portus, mutua, venditiones, ad omnes qui contrahunt, & passionibus inter se conscribunt, litigantes fidemque ex scripturis facientes, societatem contrahentes, dissoluentes, felicium liberorum natales, pueroꝝ in scholis institutiones: quorum omnium studium Consules prædicare, quo ipso & liberantur; & quæ sequuntur: ubi rursum ait, Consules τὸ κύριον τοῖς μεγίστοις παρέχω, auctoritatem rebus maximis exhibere. Item pag. 231. quod per Consules ὁ παλαίσιμος, ἐν ταῖς δίκαις ὥσπερ ἀνίσταται, καὶ συνδικάζει τοῖς ζῶσιν ὁ τεθνεὺς, qui tamdiu sitis & terra conditus erat, in iudiciis & causis quasi reuocatus ad vitam, & mortuus viuentibus patrocinatur. Quod postremum tam de Constitutionibus, quam de Testamentis accipi potest. In superioribus interim Libanii & Chrysostomi locis videas parem actum & negotiorum humanorum recensum, qualis hac leg. sed accuratior instituitur.

Tandem, ut ad hanc l. redeamus, debent vltima eius verba aliter accipi & nouissime etiam ita emendari, sic quidem ut tunc temporis ob ommissa aliqua, &c. hoc sensu, non posse præscriptionem taciturnitatis opponi iis, qui Tempore Tyrannidis aliquid omiserunt: veluti si iura sua tum non exercuerunt, si actorum suorum vi muniti non experti tum sunt: Tem-

pus enim Tyrannidis ac si non fuisset aestimari oportere. Quod & ipsum tralatitium: nempe Tyrannidis tempore nil præscribi, seu tempora Tyrannidis præscriptione non annumeranda: *La prescription ne*

court pendant les troubles: vid. le Prestre Cent. 2. cap. 56. & 96. & au recours des Arrests de toutes les Chambres p. 4.

X. (a) Idem A A. Eulogio Com. R. P.

QVI. Tyranni MAXIMI secuti iussionem, fundos perpetui iuris, non ab Ordinariis Iudicibus, sed a Rationalibus acceperunt, eorum amissione plectantur, atque ad rem priuatam denuo reuertantur. Dat. VI. Kalend. Maj. Med. Olybrio & Probino Coss. (395)

N O T A.

(a) Abest & *hec lex* a Cod. Iustin.

C O M M E N T A R I V S.

MAXIMI Tyranni iussione gesta quædam hac Honorii constitutione retractantur. Maximi, inquam, Tyranni: Nam ita diserte nominatur *hæc leg.* (de quo alioquin actum fuit l. 6. 7. 8. *supr.*) Et sunt tamen nonnulli qui hanc *legem* ad Eugenii Tyrannidem pertinere censent, atque adeo vocem *Maximi* hic glossæ existimant: Nempe ipso Consulatū *huic legi* subscripto indice, atque adeo temporum ratione suadente: Quandoquidem ante annos iam octo Maximus deiunctus, eiusque gesta infirmata fuerint, l. 6. 7. 8. *supr.* At enim Eugenii superiore tantum Anno 354. deiuncti gesta hoc ipso Anno infirmantur; nempe l. 9. præcedente, vt & l. 11. & 12. *seqq.* inter quas *hæc* velut eodem pertinet intermedia sit constituta. Putabam ego aliquando, Maximi nomen hic non esse proprium, sed appellatiuum, quasi Eugenius *maximus Tyrannus* vocetur. Verum, non est hic locus sollicitudinis, & ad Maximum Tyrannum omnino pertinet *hæc lex*. Nam vt maxime ante aliquamultos iam annos Maximus deiunctus fuerit, eiusque Acta iam tum infirmata fuerint: retro vt maxime Eugenii quoque Acta hoc Anno infirmata fuerint; attamen potuerunt hoc adhuc tempore pristina quædam Maximi gesta infirmari, de quibus hodie demum dubitari cœpit. Non potuerunt scilicet simul & semel Tyrannorum gesta aboleri, vel etiam in eorum bona penetrari, verum tempore addito opus fuit: Exemplum simile quoad bona Gildonis occurrit l. 16. & 18. *supr. de bon. præser. & l. 7. 9. supr. de Metatis: & l. 19. supr. de Pænis; quæ* postrema *lege*, decem annis post Gildonem deiunctum, satellites Gildonis, custodia mancipari &

proscriptione damnari iubentur: Cuius *legis* subscriptionem ideo male nonnulli sollicitant.

Nunc de *huius legis* sententia. Retractantur *hæc leg.* ab Honorio alienationes fundorum perpetui iuris ex iussione Tyranni Maximi, non ab ordinariis iudicibus, verum a Rationalibus factæ, Nempe vt *hæc leg.* aperte indicatur, si quid de fundis rei priuatæ perpetuæ iuris in priuatos transferendum esset, id per Rationales fieri non oportebat: nam & alias Rationali rem Cæsaris non alienare, sed diligenter gerere commissum erat: l. 1. *de offic. Procurat. vel Ration. & l. 13. D. de Transact.* Hæc proinde res modum administrationis Rationalium excedere visa: & quia sæpe hi in necem Rei Priuatæ colludebant. Quid igitur? Ordinarii iudices, id est Rectores Prouinciarum, eos transferre in priuatos possunt, vt *hæc lex* ostendit. *Fundi perpetui iuris* nihil aliud hic sunt, quam fundi emphyteutici rei priuatæ Principis, vt vel *hæc ipsa lex* ostendit: non tantum Inscriptione suadente (est enim ea *inscripta Comit. Rerum priuatarum*) verum etiam *sine legis*. Quare vero hi fundi *perpetui*, vel *fundi perpetuarii* dicti fuerint? plenissime ostendo ad l. 12. *supr. de extraordinar.* Itaque cum ex Tyranni Maximi iussione, huiusmodi fundi nonnulli per Rationales accepti fuissent, eos, ad rem priuatam redire Honorius *hæc leg.* iubet. Cui haud absumile est quod habetur l. 6. *supr. de petition.* Certe paulo post, biennio inquam ferme post. Anno Domini 397. Honorius ad Rationalium officia, etiam perpetuarii, hoc est emphyteuticarii iuris exactiorem reuerti iussit: l. 1. *Cod. Iust. de offic. Com. S. Palatii.*

XI. (a) Idem A A. Andromacho P. V. (b).

FAs est sequi nos Paternæ (c) dispositionis arbitrium: adque ideo, vniuersos (d) cuiuslibet Ordinis viros, de quibus Lex † nostra reticuerat, ad veniam (e) volumus pertinere, & beneficia inopinantibus (f) vltro deferimus; sancientes hæc lege, ne is qui Tyranni (g) tempore militauit, vel etiam qualibet administratione donatus est, aut honoraria dignitate perfunctus, vel quicumque in aliquo honore, diuersis locis aut exactionibus, præfuerunt, notam infamiæ sustineant, aut deformi vocabulo polluantur: Quibus eas tantum dignitates valere decernimus, quas ante Tyrannicum tempus habuerunt. Dat. XV. Kalend. Iun. (h) Mediol. Olybrio & Probino Coss. (395.)

N O T A.

(a) Abest & *hec lex* a Cod. Iustin. Iungenda huic est *lex* proxime sequens. Vtriusque sane eadem sententia est, etiam ad diuersos Magistratus data: de quo in *Prolegomenis*. GOTHOFR.

(b) 74. PP. & Præfectum Præt. Galliarum accipio: Eidem inscribitur *lex 3. supr. de indulg. debet.* Anno D. 401. ID.

(c) The-

(c) Theodosii M. scilicet. ID.

(d) In communie, vt Ambrosius loquitur. ID.

† An intelligit leg. 9. *supr.* an vero præcedentem aliquam? Hoc magis puto. ID.

(e) Ad veniam pertinere, vide *Glossar.* ID.

(f) Hæc bonorum Principum laus, inopinantibus vitro beneficii deferre. Id laudat in Gratiano, Aufonius c. 3. (*Cupiendo* inquit, *præuenire, vota præcurrere.* In Theodosio Symmachus *lib. 10. epist. 48.* *Qui vota*, inquit, *omnium, beneficiis præuenitis.* ID.

(g) Eugenium intelligit. ID.

(h) An *Iul.* vt l. *seq.* ID.

XII. (a) Idem AA. Eusebio PF. P. (b)

His quos Tyrannici (c) temporis labes (d) specie dignitatis infecerat, iniustæ maculæ omnem abolemus infamiam. Cunctis igitur statum priorem, sine cuiusquam Locī aut Ordinis exceptione, tribuimus, vt vtantur omnes iure communi, (e) teneant statum veteris dignitatis, ita vt nihil sibi ex his quos adepti fuerant (f) honoribus blandiantur. (g) Dat. XV. Kalend. Iul. (h) Mod. Olybrio & Probino Coss. (395.)

N O T Æ.

(a) Absit & hæc lex a Cod. Iustin. Iungenda huic legi *lex superior*, cuius eadem sententia est; etsi ad alium Magistratum emissæ; quo de more in *Prolegomenis.* GOTHOFER.

(b) Eusebius sub Honorio PP. & quidem Italiæ, vt docet *lex 19. supr. de Pistoribus*: vid. *Prosopogr.* ID.

(c) Eugeniani. ID.

(d) Labes Tyrannici temporis. ID.

(e) *Ius commune* hic vocat, quo omnes in commune vsuntur: vt in hac ipsa re loquitur Ambrosius. ID.

(f) Sub Tyranno. ID.

(g) Blandiri, sibi aliqua re; vid. *Gloss.* ID.

(h) An *Iun.* vt l. *super.* ID.

C O M M E N T A R I V S.

P. 415.

AD EUGENII Tyrannidem pertinent hæc duæ leges, quæ vt inter se coniungendæ sunt, ita vtriusque eadem est sententia: Sed (cuius moris alia quamplurima exempla, hoc Codice habemus) ad diuersos Magistratus, de eadem re, emissæ, pro earum videlicet executione, intra cuiusque diocesis vel administrationem. Et hæc quidem duæ intra Italiæ Præfecturam, & Galliarum.

Sunt autem hæc leges de his, qui Honores, quoscunque tandem, sub Eugenio Tyranno gesserant, vel qui sub eo militauerant. Et est hoc indulgentiæ genus, quale etiam continetur l. ii. *supr. de indulg. crimin.* Nempe gestæ militiæ, vel dignitatis sub Tyranno Eugenio, gratia his legibus fit, sic vt exinde nullam infamiam sustineant: Imo & vetus seu pristina dignitas ante Tyrannica tempora indepta eis relinquitur. Quod sane commune ius fuit, vt *posteriore leg.* vocatur, vt videlicet etsi honorem sibi nemo vindicare audere posset, quem Tyrannus concessisset; attamen ad pristinum quisque statum reuocaretur, seu pristina dignitate potiretur: vt docuit quoque iam l. 6. *supr.* itemque *lex ii. supr. de indulg. crimin.* Hoc inquam commune ius fuit. Et tamen id aliter aliquando obseruatum, & quidem in Eugenianis ipsis: docent enim hæc duæ leges, diserte iniustam initio sub Theodosio M. infamiæ maculam, his qui Eugenii Tyranni tempore militauerant, vel ab eo dignitates consecuti fuerant. Verum non diu id stetit: Nam & Honorius his legibus, ad ius illud commune (vt nominatim vocatur, *lege 12.*) prædiit, abolita vid. infamia, & veteris dignitatis prærogatiua his seruata, sine cuiusquam loci aut ordinis exceptione: atque ita antiquata *antioris leg.* in qua Ordinum distinctio quædam facta fuerat.

Idque exemplo paternæ dispositionis, vt initio legis 11. proficitur: id est, patris Theodosii. Atque huc omnino pertinet locus Ambrosii, ex eius *Oratione* quam habuit is hoc ipso Anno 395. 25. Februarii, de obitu Theodosii *pag. 117. Tom. V. Oper. Edit. Paris. 1614.* Etiam iis, inquit, qui in se peccauerant, donauit (Theodosius) quam dederat peritissimam indulgentiam, & VENIAM denegatam. Sed non negabunt filii quod donauit pater: non negabunt, etiam si quidam inturbare conatus sit: neque enim poterunt negare, quod in commune donauit, qui soluunt quod singulis dedit. Et alioquin Theodosius indulgentiam liberis suis vltima dispositione commisit, ac nominatim Honorio, annonarum videlicet seu debitorum indulgentiam, quod eo ipso loco statim Ambrosius subicit: *Præcipit*, inquit, *dare legem indulgentiæ quam scriptam reliquit. Quid dignius, quam vt testamentum Imp. lex sit.* Et vero hac parte secutus quoque Honorius Theodosii patris arbitrium: vt docet apertissime *lex 2. 3. supr. de indulg. debitor.*

Verum ad hanc legem, speciale omnino Flouiani Præfecti Præc. exemplum aptandum venit. Is scilicet cum Eugenii Tyrannidi implicitus, eiusque partes secutus fuisset, vt testatur Sozomenus *lib. 7. histor. Eccles. cap. 22.* & Symmachus *lib. 7. epist. 103.* (vbi interpret male de Maximo Tyranno id accipit) a Theodosio M. Eugenio deuicto, & dignitatibus & bonis exutus fuerat, teste eodem Symmacho *d. lib. 7. epist. 103.* verum & integratæ mox ei bona ab eodem Theodosio, redditaque multa quæ casibus detracta fuerant, teste Symmacho *lib. 4. epist. 7. 19. & 51.* & ab Honorio Imp. redditus ei inalienatus statutus *lib. 4. epist. 5.* Imo & postea integratus ei honores, & euocato ad Sen. (Anno 379.) Præfectura Urbis decepta, teste Symmacho *lib. 4. epist. 5. 7. lib. 7. epist.*

epist. 92. 94. 103. Et hæc omnia Honorius secutus Paternæ dispositionis arbitrium, ut ipsemet hac leg. ii. proficitur. Quo pertinet quod Symmachus nominatione d. epist. 7. ad Stilichonem lib. 4. scribit: Premiserat alia exempla clementiæ receptus celo Principum parens (Theodosius M.) & Flauiano multa casibus detracta reddiderat: Referuatur est vnus & potissimus bonitatis titulus heredi, quem Magnitudinis tuæ monitu, paternis beneficiis Dominus Honorius adiecit, interpretatus scilicet Divo Principi (Theodosio) tempus, non animum defuisse. Nunc perfecta sunt a successore consimili interrupta fato opera clementiæ: Fastigium tamen lenissimum & Augustissimus Princeps capitis Genitoris imposuit: cui ad vicem gratia Te, ac tui similes opto monitores. Ergo hac leg. Paternæ dispositionis arbitrium sequi se, ait Honorius: non quod ita nominatim decreuisset man-

dassetque sibi Parens: verum quia clementiæ similis exemplar præmiserat, etiam erga Flauianum: cuius exemplum secutus ipse, & ad plenam indulgentiam patri suo tempus, non animum defuisse interpretatus, fastigium parentis coeptis ipse imposuit. Atque istud est, quod ait: *Eas sibi esse SEQUI PATERNÆ dispositionis, arbitrium.* In quam sententiam in hac ipsa re de Flauiani Integratione Symmachus lib. 4. epist. 19. *SEQUITVR vi spes est, PATERNÆ benefacta, iuuenis Augustus: ad quem sicuti successio Imperii a patre peruenit, ita & bonitatis IMITATIO:* Et lib. 4. epist. 51. *Nec res impetratione difficilis est: nam quod plerisque sua inuidia laborantibus Imperialis remisit humanitas, id Patris nomine postulatum multo equior venie relaxabit.* Proficiet ista concessio etiam temporum gloria, si quod beneficiis Principis deerat, pius successor adiecerit.

De HERACLIANO Tyranno: deque gestis sub eo.

XIII. (a) Impp. HONORIVS & Theodosius AA. Hadriano PF. P. (b)

HERACLIANI vocabulum, nec priuatim, nec publice vlla memoria (c) teneat, ideoque submouenda esse censemus, (d) quæcunque sub eo gesta esse dicuntur. Libertates quoque (quoniam certum est, scelere eius sollempnitatem Consulatus (e) esse pollutam) (f) in melius reuocamus: sciatque dominorum voluntas, iterandum esse, quod illo auctore aduertit stare non posse: Semel tamen mutatae condicionis beneficium implendum esse præcipimus, & ita repeti manumissionum consuetudines (g) nunc iubemus, ut nullus sub hac occasione incipiat nolle quod voluit. Dat. III. Non. Aug. Rom. (h) Post Conf. Hon. IX. & Theod. V. AA. COSS. (413.)

N O T Æ.

(a) Abest & hæc lex a Cod. Iustiniano. GOTHOFR.

(b) Hadrianus PP. Italiæ sub Honorio. ID.

(c) Id est, vltimum scripturæ seu gestorum genus, Eadem voce hac in re vsus Libanius Panegyrico in Iuliani COS. p. 230. Edit. Morell. ibi *παλὰς ἀνάγκης τῆς μνήμης, ἡρώδης, memoria eius ad varios vsus necessaria.* ID.

(d) id est, iubemus.

(e) Solempnitatem Consulatus vocat, sollempnia manumissionum, a Consulibus Magistratum ineuntibus celebrari solita: Ita & Claudianus, Panegyrico in quartum Honorii Consulatum v. 612.

Te Fastos ineunte quater, sollempnia ludis

Omnia libertas.

Huius porro moris & manumissionis, auctore (ut hæc lex loquitur,) Consule Magistratum ineunte, exempla obuia apud Libanum, Ammianum, lib. 22. c. 7. Claudianum, superiore loco. Sidonium, Carm. 2. sub fin. denique & Cassiodorum in formula Consulatus lib. VI. Var. 1. qui inter alia Consulatus munia & argumenta ponit, soluere famulos iugo seruili: vid. & leg. unic. D. de officio Consul. De hoc plene vid. Fabrum II. Semestrium 21. & ad tit. de origine Iuris. ID.

(f) Polluta. Ita quoque Claudianus in Eutropium lib. 2. v. 38. ID.

(g) Consuetudines, supra, sollempnitas, & sollempnia manumissionum. ID.

(h) v. g. Rau. Similis error in l. ult. supr. de Scen. vid. & quæ scribam ad l. 55. infr. de hereticis. ID.

COMMENTARIVS.

HERACLIANVS (quo de abunde dictum ad l. 21. supr. de Penis: cui etiam inscribuntur lex 51. 56. infr. de hereticis:) sub Honorio in hostem publicum seu Tyrannum euaserat hoc ipso Anno 413. cuius etiam initio Consulatum adsecutus fuerat: verum profligatus mox a Marino Comite fuit. Quare,

pro more, Consulatus eius ex Fastis erasus: quod hac quoque leg. fieri iubetur, (quo de more dixi plene ad l. 17. supr. de Penis: & fidem quoque iam fecit lex 9. supr. hoc. tit.) Ita quidem, ut ex omni memoria, id est, ex omnibus gestis priuatis, publicis, nomen ipsius Consulatus submoueri expungique Ho-

norius hac leg. iubeat: vocabulumque eius nec priuatum, nec publice, villam memoriam tenere velit: omniaque ideo submoueri, quæ sub eo gesta fuerant: Exceptæ Biennio post, Constitutiones, quæ ab Honorio ad ipsum aduersus Donatistas latae fuerant: eas quippe valere voluit Honorius quod docebit *lex, si. infr. de hæret.* Imo & (quæ extensio hac leg. continetur) Manumissiones eo Consule auspice atque auctore celebratas, inutiles in præsens esse iubet Honorius: Ita tamen ut non penitus reuocari, verum *renouari* atque in melius *iterari* repetique, & quidem necessario, velit. Nempe enim spontanei actus sub Tyrannis non Consulibus forte (ac nominatim Emancipationes & Manumissiones casibus Tyrannis non reuocantur, hac leg. & d. l. 5. §. 9. *supr.*) Quia scilicet in his omnibus voluisse sat iuris est (ut loquitur d. l. 8. in fin. *supr.*) vel, ut hac lex loquitur, nullus incipere potest, vel debet nolle, quod voluit, (semel scilicet.) Ita manumissiones vitio factas atque iniustas, iniusto inquam auctore & Consule, iterari, seu repeti hac leg. vult Honorius. Quæ iteranda manumissionis ratio iure communi in aliis speciebus cernitur. Iniusta inquam libertas repetenda, iteranda, instaurandaque erat saepe, iusta ut esse posset. Sic & Latina libertas, quæ & ipsa iniusta erat, iteratione iusta fiebat, ut docet Vlpianus in *fragm. tit. 3. §. 4.* & Plinius lib. 7. *epistolar. 16.* quod nouum beneficium vocatur apud Tacitum lib. 13. *Annal. c. 27.* (pariter ut hic prima manumissio, vocatur *mutata conditionis beneficium*) apud Plautum *Menech. Act. 5. scen. 9. v. 88.* vocatur *melius auspicium*, sicut hac leg. Honorius ait se libertates in melius reuocare. Eadem quoque olim ratione sacra ludosque si minus rite processissent, iterari seu instaurari mos erat: de quo nota sunt & obuia iam Authorum testimonia: vide vel Seruium ad III. *Æneid. v. 231. & 279.* Addendus & insignis Ammiani Marcellini locus, (Atenim hanc ad rem nostram nondum notatus, quia & inemendatus, prout eum ipse iam alibi ad leg. *Barbarius*, p. 31. & pag. 334. *Oper. minor. Gothofr. Edit. Troz. restitui*) lib. 22. c. 7. *Mamertino* (Consule) inquit, ludos edente *Circensis*, manumittendis ex more indutis per admissionem *Proximum*, ipse (Iulianus superioris anni Consul) lege agi dixerat ut solebat: statimque admonitus, iurisdictionem ad alterum (Ma-

meritum scilicet huius anni Consulem) pertinere, ut iterato obnoxium *Decemviris* errorem & ipse mutauit: vbi hætenus legitur, ut errato obnoxium *Decembris auroram* & ipse mutauit, paulo propius ad verum Codex Vaticanus, referente doctissimo Valefio, ut terrato obnoxium *Decembris auroram*, &c. Qui quidem Marcellini locus eo magis obseruandus, quod & ipse de manumissione est: & nequicquam ad hunc diem refingitur: omnibus tamen in id consentientibus, vocem *Decembris* hic stare non posse, quæ etiam a nonnullis libris abest.

Post hæc ita a me scripta & hic, & ad leg. *Barbarius*: monuit me per epistolam Eximius & Cl. Vir D. Serrauus Senator Regius, Doctissimum Valefium hunc Marcellini locum ita nunc emendare; ut errato obnoxium decem libris auri semetipso mutauit. Verum quis fando vnquam audivit, uti quisquam; non dico Principum, sed vel Priuatorum, sibi metipso multam imponat? * Deinde quo nunc ea inferenda? in fiscum? atqui is ipse Principis est. Tertio, quis multæ locus vbi errore tantum quid admissum est? Quid igitur? Marcellinus id aperte eo loco indicat, sicut iurisdicatio ad Collegam eo die pertinebat, ita Iulianum admonitum per errorem a se factam manumissionem mutasse; id est, reuocasse. Mutare, non est tantum reprehendere, improbare, in se vel in alio: sed etiam reuocare, in irritum deducere: ut in illo Terentii. *Andr. Act. 1. sc. 1. v. 13.* Haut muto factum: & Liuii lib. 37. cap. 7. Nihil impetratum ut mutaret Consul, id est, non mutauit quod de eo erat factum, ratumque esse voluit. Et contra Cicero ad Attic. lib. 13. ep. 52. Tum audiuit de Mamurra, vultum non mutauit. Tandem quid multæ illi cum erronea manumissione? qua non ideo factum illegitime mutatur. Quid igitur? mutatio isthæc Iuliani iterationi locum faciebat; haud aliter atque si priuatus legitimus quem actum, & nominatim manumissionem non rite peregerisset: ET IPSE, inquit Marcellinus, mutauit, nempe priuatorum instar: & sic vtrique vox optime inter se respondet, iterato, & mutauit: error scilicet mutationi obnoxius, atque ideo iterationi: quæ ipsa alioquin iterandi, ut & repetendi vox in eadem re hic occurrat.

* Doctissimus Valefius in obseruat. ad Marcell. l. c. scribit, emendationem supra citatam magno opere probasse Simon-dum, Rigaltium, Serrauum, solum repertum esse Gothofredum, qui cum hunc locum aliter, sed prorsus infelicitè emendasset, emendationem improbauerit, ob id præcipue, quod nouum ipsi visum, a semet ipso quemquam mutari. Adducit tamen eius rei exemplum Valefius ex Augustino. Et si dicendum, quod res est, Valefii emendatio est Gothofrediana accuratio, existimoque nostrum, nemini persuasurum esse, respexisse Marcellinum ad Decemviri disciplinam, iuxta quam iterabantur sacra, ubi prima displicuerant, aut iure forte non processerant.

P. 417

XIV. (a) Idem AA. Constantio (b) Com. & Patricio. (c)

SVB clade Barbaricæ depopulationis, si qua aut per fugam, aut per congregationem infeliciū populorum, indigne inuidioseque commissa sunt, ad inuidiam placatarum (d) rerum, a callidis (e) litigatorum obiectionibus, non vocentur: (f) Habeant omnium criminum impunitatem, qui euadendi forsitan non habuerant facultatem, nisi eos eadem crimina iuuissent. (g) Non Enim crimen dicitur, quod (h) mortis adegit impulsus. Ex quo animaduertere cunctos litigatores congruum est, si quid deprædationis agnouerint, se recepturos, si tamen in eorum quos pulsauerint, facultatibus abundare, aut residere id, potuerint conprobare. Dat. Kalend. (i) Mart. Rau. DN. Theod. A. VII. & Palladio V. C. COSS. [416.]

INTERPRETATIO Quicumque hostium terrore compulsus, dum (k) mortem timet excipere,

pere, ad depradandum se cum hostibus fortasse coniunxerit, non propter hoc vocetur ad crimen, quod pro conservanda vita fecit inuitus. Sane si quid apud eum de præda resederit, & residuum inuenitur, quod euidenter agnoscitur, hoc solum reddere domino sine calumnia compellatur.

N O T Æ.

- (a) Abest & hæc lex hoc titulo fugitiua à Cod. Iustin. velut temporaria. GOTHOF.
 (b) Constantius Comes & Patricius sub Honorio. Hic idem est, qui iam inde a Theodosio M. temporibus, multis obitis Militiæ muneribus; Magister militum factus & Patricius, mox & bis Consul, Placidieque maritus: tandem & Imperator, et Valentiniani III. Imperatoris pater existit: vid. *Prosopogr.* 1D.
 (c) Patricii dignitas, alterius dignitatis accessio fuit. Sidonius *Carm.* 2. de Anthemio v. 205.

—vtrique Magister

Militiæ, Consulque micæ coniuncta potestas
 Patricii.

vide quæ dixi plene *supr.* lib. 6. tit. de Consulib. *Præfatis Præf.* &c. 1D.

- (d) *Porte pacatarum*: sed tamen & hoc sustineri potest. 1D. *Placatarum legum* edidit Sichard. RITTER.
 (e) MS. G. & Sichard. a callidis litigatoribus obiectionibus &c. 1D.
 (f) *Reuocentur.* GOTHOF.
 (g) Recte *inuissent*, neque mutandum in *inuoluisse*. 1D.
 (h) *q. qu.* 1D.
 (i) XVI. Kal. Mart. MS. G. RITTER.
 (k) *Dum timorem atque mortem.* MS. G. & Sichard. 1D.

C O M M E N T A R I V S.

BARBARAS Gentes (puta Vandalos, Alanos, *Burgundiones*, Gothos, hac tempestate imperium Romanum, & in his quidem Pannoniam, Illyricum, Italiam, Gallias, Hispanias, *depopulatas*, notissimum est: Quæ hic *clades Barbarica depopulationis* dicitur. Quo eodem tempore, & FRANCII iam inde ab Anno D. 409. vltro a Gallis intromissi, prima Nobilissimi per Gallias Francici regni fundamenta feliciter iecere. Sub illa igitur Barbarica, ac nominatim Gothorum per Gallias & Hispanias depopulatione, alii mortis impulsu adacti fuga sibi consuluerant: alii infelices congregati in vnum fuerunt: Quod etiam Saluianus lib. 5. de gubernat. Dei c. 5. testatur, nempe infelices populos, vel ad Barbaros fugisse, seu migrasse. Quod hoc ipso Anno, vel sane proximo scribit quoque Orosius, lib. 7. cap. 41. vel ad *Bagaudas*, id est, in vnam factionem congregatos: Hac occasione, eoque tempore multa indigne & inuidiose ab his commissæ fuerant: multæ deprædationes exercitæ. Quare cum *Placatis*, vel *pacatis* iam rebus, in ius eo nomine a priuatis litigatoribus miseri multi vocarentur; Honorius hac humanissima constitutione sua horum eis criminum indulgentiam facere impunitatemque indulgere voluit *hac leg.* (quæ hoc titulo fugitiua melius posita fuisset sub titulo de indulgent. crimin.) hac eleganti ratione addita: Non enim crimen dici, quo mortis impulsus adegit: Criminumque impunitatem eos habere oportere, qui forsitan non habuerunt facultatem euadendi, nisi eos eadem, cum Barbaris scilicet, crimina inuissent. Omnis scilicet parte hac & periculo expediendæ salutis honesta ratio est. Multoque sæpe necessitas in crimen trahit, non voluntas, ut loquitur Ammianus Marcellinus lib. 26. cap. 9. & ut idem loquitur lib. 14. cap. 5. *Ausi nonnulli conspirasse* Magnentio (Tyranno) cum *reuiti non possent*. Et ut recte Seneca *Oetæo Actu* 3. v. 886.

Haud est nocens, quicumque non sponte est nocens. Et Chrysostomus in cap. 1. ad Ephef. hom. 2. edit. Comel. p. 1043. & pag. 13. Tom. XI. Oper. Edit. Benedic. *ἵνασι καὶ δι νόμου τοῖς ἐξ ἀνάγκης συγγνωσκόμεναις ἡμαρτήμασι*, sciunt etiam leges ignoscere peccatis, quæ sunt ex necessitate. Haud ab similibus sane clementiæ distinctio est eiusdem Honorii in specie leg. 11. *supr.* de indulgent. crimin. post Attali Tom. V.

Tyrannidem sublatam. Et alioquin eadem profusus ratione subnixas indulgentias alias, quod scilicet conditio loci & necessitas mortis sæpe hac parte excusare debeat, bellis forte ciuilibus, vel per Tyrannidis tempora obseruant Politici. Duo tantum, quæ re & verbis concordant nunc adferam. Ita sane quoque Aurelianus Antiochenfes, qui a partibus Zenobiæ steterant, eaque capta sese ad Barbaros receperant, propositis Edictis promissa impunitate reuocauit: τῶ ἀκρωτῶ καὶ ἀναγκῶ πλεόν ἢ προαιρέσει τὰ συμβεβηκέντα ἀναβίβας, potius ad coactionem & necessitatem, quam voluntatem & arbitrium animi relatis iis, quæ accidissent, ut scribit Zosimus lib. 2. cap. 51. Ita Iulianus Imp. capta Aquileia, ipsos quidem tumultus bellicque Authores & instigatores vltimo supplicio affecit; *residui omnes abierunt innoxii*, (id est, iis pepercit, seu concessionem delictorum & veniam tribuit) quos in certaminum rabiem necessitas exegerat, non voluntas: id enim equitate pensata statuerat placabilis Imperator & clemens: vt loquitur Ammianus Marcellinus lib. 21. cap. 12. vid. & eundem lib. 22. cap. 8. in fin. Contra seui Principes fecere, deque iis etiam supplicium sumpsere qui Tyranno adfuisse, ἢ τε ἐκράσις, siue sponte, vel ἐκ προαιρέσεως, εἴτ' ὅτ' ἀνάγκης, ex animi arbitrio vel necessitate, quod de Seuero memorat Herodianus lib. 3. cap. 4. & 8. Huc adde & Clementiam Valentis post Procopii Tyrannidem sublatam, quam memorat Themistius orat. 9. p. 207. 208. Edit. Petau. 1613. Flexie in 8. & γὰρ τῆς ἰσῆς τιμαρίας ἀξίας ὡς τῆς τε ἐξ ἀρχῆς βελεύσαντας τὴν ἐπαναστάσιν καὶ τὰς ὑπὸ τῶν ὀπλῶν παρασυρθείσας, καὶ τὰς ἤδη τῶ δοκῶντι κρατεῖν ὑποκύψαντας: ἀλλὰ τῶν μὲν κατ' ἔργων, τὰς δὲ ἐμὲ μὲν, τοὺς δὲ συνληγῆσας, non enim eadem animaduersione dignos iudicasti cum iis, qui perduellionem ab initio animo conceperant, eos, qui impetu armorum abrepti fuissent, aut ei cessissent, qui iam vicisse omnia crederetur: sed illos quidem merito condemnasti, alios verbis castigasti, cum postremis condoluisti. Adde & quæ de Urbis magis scripto quodam contumelioso tempore Tyrannidis, aduersus Imp. similiter scribit Libanius orat. post. concil. 13. pag. 413. Edit. Morell. τὸ δὲ μέγιστον, οἱ μὲν τυραννέμενοι τὰ τοιαῦτα ἔγραφοι, καὶ ἐκ ἧν αὐτῶν μᾶλλον, ἢ τῆς ἀνάγκης, παρ

παρὰ τὴν δεσπότην ἤτοι Φανερώς κελεύοντος, ἢ καὶ παρακλητικῶς, ὅτι ἐλάττω αὐτῷ τὰ τοιαῦτα δίδονται: & ὃν δίκαιον ἐνόμιζε λαμβάνειν δίκην, ὡν τινες ἐβιάσθησαν ἡνικά ἐδύλευον, quod autem maximum est, qui talia scripserant tyrannide oppressi erant, neque tam id ipsorum insolentia, quam necessitati a domino inuicta tribuendum erat; nempe cum ille aperte iussisset, aut etiam declarasset se velle, hæc ipsi concedi: non iustum ergo censuit penam sumere eorum, adque nonnulli adacti fuerant cum seruituti addicti essent. Ita tamen criminum & degradationum indulgentia ab Honorio hæc leg. præbetur, ut nihilominus si priuati, rebus pacatis, res suas apud eos comprehendant, eas repetere via iuris possint. Quod ius commune est & Tralatitium, de quo & ad l. 5. sup. etiam ex Suetonio in Vespasiano: idque hodie vsui esse potest, fopitis si quando bellis ciuilibus.


Porro de duobus hæc leg. dispiciendum est: Primum de Constantio, cui hæc lex inscribitur, ut ita de Secundo quoque liquere possit. Constantius igitur hic ex Illyrico, iam inde a Theodosii M. temporibus multis militia muneribus obitus, (quod docet Olympiodorus apud Photium) sub Honorio Magister militum (quod etiam docet lex. 34. sup. de erog. mil. ann.) simul cum Ulphila Equitum Magistro, Constantinum Tyrannum in Galliis Arelate deuicit: (quod testatur Olympiodorus, Orosius, Sozomenus, & Idacius in Chronico: idque Anno Domini 411. post Consulatum Varanæ:) Atque inde in Galliis Tyrannis aliis & Barbaris oppositus, ac nominatim Gothis, quorum Rex Ataulphus apud Narbonam consistebat, atque inter alia ab eo Placidiam nomine Honorii repetebat, ut idem Olympiodorus scriptum reliquit, & Orosius, (vel hoc Anno, vel proximo 417. scribens) Hic itaque Constantius Anno 414. Consul factus est vna cum Constante: Ita quidem ut ad Consulatus impensas ab Honorio Heracliani proscripti bona vno petitorio consecutus sit, eodem Olympiodoro teste. Hic idem mox Patricii dignitate auctus fuit (quod hæc lex testatur: itemque hoc ipso Anno, Idacius in Chronico:) Hac Patricii dignitate, & Comitina, Magisteriaque militum instructus, Constantius annis superioribus 414. 415. & hoc Anno in Galliis hærebat: quod ex eodem Idacio in Chronico colligitur, & ex Orosio: Et quidem Gothis in Gallia oppositus, qui Narbonæ sedem suam Regiamque constituerant. Eius tandem opera effectum est, ut Ataulphus Rex Gothorum, relicta Narbona Hispanias peteret an. 414. vbi (vide Idacium & Orosium) apud Barcinonam iugulatus fuit an. 415. cui Wallia postea in Regno succedens, cum Patricio Constantio pacem iniit, atque Alanis & Vandalis sese opposuit hoc an. 416. vid. Orosium eod. an. * Pulsit itaque a Patricio Constantio Gothi e Gallia in Hispaniam: & sic a Barbarica hac parte, depopulatione Galliarum liberata fuit. Atque hæc de Constantio ad hanc vsque diem & annum: Nam cætera, quæ deinceps hunc eundem spectant, veluti quod Placidiam (de qua supra) Honorii sororem vxorem acceperit, A. 417. quod eodem Anno secundo Consul fuerit, quod Gothi per hunc Constantium reuocati, sedes in Aquitania, a Tholosa ad Oceanum vsque acceperint Anno 418. quod Valentinianus III. postea Imperator ei ex Placidia Anno 419. natus fuerit; quod Tertio Consul factus fuerit Anno 420. quod Anno 421. in consortium

Imperii ab Honorio ascitus fuerit, eodemque Anno, septimo Imperii mense, mortuus sit. Hæc inquam omnia, hæc lege posteriora sunt: de quibus interrim consulendus Olympiodorus, apud Photium, Idacius, Prosper, Alii. Liqueat itaque hunc Constantium Patricium per hos Annos in Galliis Magistrum militum egisse, Gothis & quidem Narbonæ positus, oppositum; quos tandem Anno 414. e Galliis in Hispanias fugauerit. Atque ita quadamtenus pacata: res in Gallia hoc tempore visæ sunt: quod hæc lege nominatim indicatur his verbis: Sub clade Barbarica depopulationis, si qua aut per fugam, aut per congregationem infelicitum populorum, indigne inuidioseque commissa sunt, ad inuidiam PACATA RV M rerum callidis litigatorum obiectionibus non vocentur. Barbarica depopulatio, est Gothica per Gallias: per pacatas vero res indicatur, Gothos Gallia iam pulsos Constantii opera. Quibus ante ab Anno 413. Gallias depopulationibus infelices ea parte Galliarum populi vel fuga consulere sibi, vel aliter per congregationem indigne & inuidiose quædam committere coacti. Quorum omnium indulgentia nunc tribuitur hac constitutione ab Honorio Imp. ad Constantium Comitem & Patricium emissa. Quæ neque ab his nunc Constantii moribus abeunt, quem Olympiodorus apud Photium Cod. LXXX. pag. 195. Edit. Schott. χρημάτων κρείττονα, nulla auri cupiditate flagrantem, vocat.

Secundo, infelicitum populorum congregatio, hæc leg. proculdubio nihil aliud est, quam Bagaudarum, siue Bagaudica congregatio, coitio Gallorum quorundam & humiliorum, qui partim iniquitate Iudicum Romanorum oppressi, partim metu Barbarorum seu Gothorum, in societatem quandam & Corpus coierant, ipsique semet, quantum poterant, vindicabant; ut res iam nota est, iam inde a Diocletiani temporibus Bagaudam pro congregatione infelicitum populorum, tumultu populari, motu agrestium & humiliorum acceptam: (de quo videndus Eumenius in Panegyrico pro Scholis instaurantis c. 4. Hieronymus in Chronico, Victor Schoti, cap. 30. Eutropius lib. 9. c. 13. Orosius lib. 7. c. 25. & Pacianus interpret Græcus Eutropii:) Ita Bagaudas hos, nominatim hoc ruentis Imperii tempore, per Gallias, quin & Hispanias extitisse, & Saluianus ipso Gallus tam de Galliis, quam de Hispaniis, lib. 5. de gubern. Dei. cap. 6. prolixè ostendit; & Idacius in Chron. non vno loco, de Bagaudis Hispanis, ipse Hispanus. Cum primis Saluianus legendus est; ubi hæc inter alia obseruentur: Et imputatur his INFELICITAS sua: imputamus his nomen calamitatis sue, imputamus nomen quod ipsi fecimus: & vocamus Rebelles, vocamus Perdidos, quos esse compulsumus criminosos. Quibus enim aliis rebus Bagauda facti sunt, nisi iniquitatibus nostris, nisi improbitatibus Iudicum, nisi eorum proscriptionibus & rapinis, quæ exactionis publicæ nomen in quæstus proprii emolumenta verterunt & indictiones tributarias, prædas suas esse fecerunt. Tandem in Appendice Codicis Theodosiani nuper edita extat Constitutio 19. ad hunc Constantium V. Inlustrem Patricium, sub characterisimo, Anni proximi 417. aduersus eos, qui libertos ut seruos emere vel inquietare, atque in seruitutem reuocare tum volebant: quod & ab huius legis argumento haud adeo alienum est. Verum quid de illa Appendice sentiendum sit, in Prolegomenis iam ostendimus.

QVO.

* Consule hic ANTON. PAGIVM in Critic. ad Annal. Baron. an. 415. num. 25. qui probata accurate, partim ex Orosio, partim ex lege nostra, Walliam Gothorum Regem pepigisse cum Romanis, Placidiamque reddidisse, initio anni 416. Ataulphum vero interiisse iam anno 415. Gothofredus in Chron. Histor. errorem admisit, qui ex dictis corrigendus est.



QVORVM VSVS INTERDICTVS EST.

T I T V L V S X V.

LIB. XI. COD. IUST. TIT. XLVI. ubi *Titulus* clarius pleniusque ita conceptus est, *Vt Armorum vsus infcio Principe interdictus fit.* Est igitur hic *Titulus* ; Primo, De *vsu* Armorum. Secundo, De *Fabrica* armorum fuit *supra*, *titulus 22. lib. 10. de Fabricenfibus.* Tertio, De commercio Armorum, *alibi.* *Titulus* porro hic isto loco positus est (proxime post *Titulum de infirmendis his quæ sub Tyrannis, vel Barbaris*) quia ii, qui arma mouent secundum Tyrannos, & Barbaros, tertium genus eorum sunt, a quibus pax publica turbatur.

De ARMORVM vsu interdicto: Valentiniani Sen. lex.

I. (a) Imp. VALENTINIANVS & Valens AA. ad Buleforum (b)

Conf. Campaniæ.

NULLI (c) prorsus, Nobis infciis adque inconfultis, quorumlibet (d) armorum mouendorum copia tribuatur. (e) Dat III. Non. Octobr. Altino (f) Diuo Iouiano & Varroniano Coss. [364]

N O T Æ.

- a) *Lex unic. Cod. Iust. eod. tit.* Iungenda autem huic est *lex 2. supr. quibus equorum vsus concessus est lib. 9. tit. 30. GOTHOFR.*
- b) *Buleforus* sub Valentiniano Consularis Campaniæ fuit Anno Domini 364. Aliorum Campaniæ Consularium nomina repetere ex *Notitia nostra. ID.*
- c) Siue priuato seu Pagano, siue militi, si non hic intra eam prouinciam, ubi militat, consistat; verum intra eam Prouinciam versetur, ubi alias nullus miles erat: de quo mox. Quamquam neque eo respexisse puto Valentinianum: verum ad Paganos nonnullos, qui excipiendi videbantur, vel saltem excipi se volebant. *ID.*
- d) Siue ad offensionem, siue ad defensionem: & vt Interpretes barbare, *defendibulum & offendibulum. ID.*
- e) Etiam a te Consulari Campaniæ. *ID.*
- f) *Altini* hoc tempore consistebat in Italia Valentinianus Sen. *huius leg.* Auctor, ubi & aliæ Constitutiones ab eo editæ: veluti altera illa, cuius partes sunt *lex 16. quorum appellat. lex unic. de Nautis Tyberinis: l. 7. de Pistoribus: l. 7. de Penis:* quæ omnes *date Altino* ideo dicuntur. Nempe Valentinianus, diuiso cum fratre Imperio, Sirmio in Pannonia digressus, mox Mediolanum tendens, Emonam, Aquileiam, Altinum, Veronam transiisse ex Constitutionum subscriptionibusprehenditur. Quod quidem Altinum in Prouincia Venetiarum erat: vid. *Villoreum Scabotti cap. 16. & Itiner. Peutinger. ID.*

C O M M E N T A R I V S.

VALENTINIANI Sen. hæc constitutio est, non *Theodosii*, vt perperam nonnulli eam allegant, & in his quoque Menochius *de Arbitris*, de interdicto Armorum vsu, & vt unico verbo utar: de EXARMATIONE. Quæ quidem *lex* (quod primo loco hic notandum) prolixioris constitutionis Valentinianæ ad Buleforum Consularem Campaniæ emissæ pars est: vnde alterum quoque caput superest *hoc Codice*, puta *lex 2. supr. quibus equorum vsus:* quæ proinde huic legi coassanda venit, cuiusdem constitutionis pars: & vero coassata huic nostræ magnam lucem accendit: Quin & hac ratione varii admodum Interpretum ad *hanc leg.* (quæ

Codici Iustiniano quoque inserta est) errores nebulæque dispelluntur: Contra, de vera *huius leg. nostræ* sententia sineque iudicium fieri liquido potest.

Ergo Valentinianus Sen. *hac lege*, per Campaniam, nominatim Italiæ prouinciam, ipse Venetiarum Vrbe, Altini, consistens (de quo iam in *Notis:*) *ARMA, quæcunque illa sint, a quocunque tandem, nisi suo, (Principis) permisso, moueri vetat.* De ipso primum interdicto, tum de duabus illis Ampliationibus, tandem de Limitatione seu Determinatione vel etiam *Exceptione* videamus: tot enim partibus *hæc lex* constat, Tribus inquam his.

Initio, quid per *ARMA MOVERE* hac leg. intelligendum sit, atque adeo quid hoc Interdicto contineatur, anxie quaeritur: quia, quod censent Interpretes, (& in his *Lucas de Penna*) arma multis modis mouentur: bellum gerendo, pugnam seu praelium agendo, (Arma quippe mouere, vt ait Seruius in *XII. Eneid.* v. 6. dicuntur homines cum hostem petunt:) seditionem aut tumultum, vim aut violentiam, aliudue crimen committendo. Illud saltem in confesso esse debet. Primo, Non de *Fabrica armorum* hic agi (ad quam spectat *titulus de Fabricensibus sup.* Secundo, non de *commercio armorum*, (de quo est *Nouella Iustiniani de armis* 85.) Tercio, Item non interdicti hic *possessio* armorum. Quarto, Sed neque hac leg. subditos & quidem Campanos, armis multari, quod & olim deditis hostibus, & viribus captis saepe factum; sed & memoria patrum nostraeque usurpatum: quin & ad tumultum cohibendum, & exturbanda latrocinia, de quo postea quoque aliquid. Neque quidem contra mouere debet d. l. 2. *supr.* quib. *equorum vsus*: (quam huic coallandam diximus) qua Valentinianus, per Campaniam pariter, interdicat *habendorum Equorum* licentia. Equorum quippe possessio & vsus eadem sunt; quia neque eorum possessio a vulgo, nisi ad vsum quotidianum habetur: Ceterum, Equorum vsus olim non erat in viribus, quia equis in viribus sedere vetitum erat: neque per easdem Prouincias equorum vsus ruri erat: quia solum bubus exercebatur; quare non habebantur equi, nisi ad vsum itineris, quod ea leg. prohibetur: Sicigitur qui habere equos prohibentur, vt equis prohibentur. Quinto, Sed neque hic per *arma mouere* intelligendum, bellum inferre, seu *Guerram incitare*, quod quidam minus belle tentant, vel etiam censent, atque adeo de bello ferme ad hanc leg. prolixè tractant. Quod absurdum. Quid enim? An quisquam hanc licentiam a Principe petierit: an quisquam Principum id concesserit, quomodo sane armorum mouendorum licentiam peti quandoque a Principe potuisse, seque adeo concessurum Valentinianus hac leg. ait, ibi, *Nobis inscitis adque inconsultis*; id enim & a Maiestatis iure in commune recedit, & Historiae Romanae prorsus aduersatur. Quid quod vox *Quorumlibet* ostendit, hic agi de armis materialiter, non metonymice sumptis. Sexto, Non est item hac leg. Arma mouere, *gladium in Palatium Principis* nominatim ferre, quod hac leg. prohiberi quidam scribit, veluti Bulleng. 2. de *Imp. Rom. cap. 16. pag. 134.* de qua alioquin prohibitionem agit Angel. ad l. *armatos. 9. D. Ad leg. Iul. de vi. Socin. Reg. 48. Laudens. tract. de Principis Priuileg. 632.* Quo sane more nonnulli olim ad Imperatorum salutationes non admitti, nisi positis, armis, & explorato a discussores sinu, de quo *Tacitus & Dio.* Quod ab huius legis verbis & sententia longissime recedit; atque inter alia, quod hac interdictio Campaniam spectet, cuius Prouinciae Consulari ideo inscribitur: vbi sanetum Valentinianus Imperator non erat, verum Altini, Venetiarum Vrbe, quod huius leg. subscriptio docet. Tandem igitur *arma mouere* hic est, *armis in itinere uti*; *arma evodia* seu *vialia* gestare. *ὅπλοφορεῖν, ἑφιφορεῖν*: de primo quidem, argumento Rubricæ, *Quorum VSVS interdictus est*; Equis enim alta pace, (vt hoc vxo per Campaniam erat) alius amorum vsus fingi possit. Secundo, proprietate vocis *mouendi*, quæ propria de hoc armorum vsu & gestatione: sic Manilius huius æui Scriptor *Astronom. lib. 5. v. 85.* *Aus solo velatus equo; nunc arma mouebit.*

Et in veteri Epigrammate:

Et in morem militis arma mouet:

Et generatim signanter ea *moueri* dicuntur, quæ ab iter facientibus vsurpantur: Sic & *cursus moueri* dicitur: l. 2. *supr.* de *Curios.* l. 11. *supr.* de *curf. publ.* Sic

& *miles moueri* quoque dicebatur, cum iter faceret: l. 7. d. *tit. de curf. publ.* *Mouere* exercitus, absolute apud Cassiodorum, *non vno loco.* (Alio quippe sensu *actio moueri* dicitur, pro intentari: l. 4. *Cod. Iust. de Præpos. Sac. Cubic. l. 3. C. eod. de quadr. præscript.*) *mouere carpentum* & equos, apud Pseud. Querolus p. 33. Quæsi Decianus sciuisse, non putasset, *mouere arma*, pro *portare inconuenienter* reddi. Tercio, & Scriptores quoque alii huius interdicti meminere, *Armorum*, videlicet *apriuatis* non gestandorum. Mitto Ammianum Marcellinum de quo postea. Synesius quoque *epistola* 107. (quadragesima circiter post *hanc. leg. annis*) scribens, *ἐκ ἐὼν ἰδιώτας ἀνθρώπους ὀπλοφορεῖν*, *non licet priuatis arma ferre.* Tandem, quod validissimum, ex coniunctione l. 2. *supr.* quibus *equorum vsus concessi*, id cum maxime firmatur. Ita quidem, vt de ratione & fine huius prohibitionis exinde liqueat; Exinde scilicet apparet, Campaniam prouinciam a latronibus tum infestam fuisse. Vt, inquit, *omnes latronum conatus debilitati conquiescerent*, (quod ea leg. diserte dicitur;) duo hæc Valentinianus constitutum iuit, Primo quidem interdixit equorum vsu pastoribus, qui latrocinii infamia laborabant: (de quo *supr. tit. ne Pastoribus fil. dent. nutr.*) & quidem Pastoribus rei priuatae: vt & Procuratoribus & Actoribus Senatorum. Secundo, armorum mouendorum seu gestandorum in itinere priuatis omnibus citra Principis licentiam interdixit. Hæc duo scilicet ferme instrumenta sunt opportuna parandis fouendisque latrocinii, equi, armaque. Arma inquam, quod de abactoribus nominatim dicitur, l. 1. §. 3. l. 2. *D. de Abig.* Et a Paulo V. *Sent. sub tit. 18. de Abigeator. §. 2.* apud Auctorem collationis legum Mosaicarum *tit. 11. §. 2. Atroces*, inquit, *Abactores sunt*, qui equos & græges ouium de stabulo, vel de pascuis abigunt, si vel id sapius, aut ferro conductæ manu faciunt. Ita enim locum illum legi oportet. *A ferro conductæ manus est*, ferro seu armis instructa accinctaque.

Ergo prohibita hac leg. per Campaniam *ὀπλοφορία* seu armorum *ἐνδοχίαν* gestatio, ad prohibenda videlicet latrocinia. Quæ causæ etiam est cur hic *titulus* superiori, qui est de *infirmis his*, quæ sub *Tyrannis aut Barbaris gesta sunt*, proxime cohæreat, quia post Tyrannos & Barbaros, latrones tertium hominum genus sunt, a quibus pax publica turbatur infestaturque. Sic sane & Iustinianus inter alia Mandata & istud Præsidibus prouinciarum inculcat: *Nouell. 17. cap. vltim. πρὸς τοῖς ἀλλοις μὴδὲ ὀπλοφορεῖν τῶν ἐχθρῶν ἐρατῶν τῶν συγχωρησέας, πρὸς τὴν ἐκείνῃ, cui, qui non militat arma ferre.* Imo sic olim tralatitium fuit, in metu tumultus vel latrocinii, vel ad ea deinceps inhibenda, telorum vel armorum, prout res esset, modo commercio, modo possessione, modo vsu, vel in commune omnibus, vel nonnullis saltem personis interdiceret. Ita Cicero, *Verrin. 5. cap. 3.* & Valer. Max. *lib. 6. cap. 3. n. 5.* Edictum L. Domitii Prætoris Siciliæ memorant, ad exturbanda latrocinia, quibus prouincia infestabatur, *ne quis telum haberet.* Sic idem Cicero eodem loco, in eadem Sicilia Edicta Prætorum, ob bellum fugitiuorum seruorum memorat, *vt ne quis seruus cum telo esset.* Ita simile Pompeii quoque Edictum memorat in ipsa Vrbe Roma, ad tumultum cohibendum. Plinius *lib. 34. cap. 14.* *Maghi Pompeii in tertio Consulatu extat edictum, in tumultu necis Clodiana prohibentis vllum telum esse in Vrbe.* Sic & Iustinianus, vt rixis priuatorum occurreret, priuatis & armorum fabrica, & commercio interdixit, *Nouel. 85.* Sic varie hoc Interdictum propositum, prout scilicet vsus esset, pro ratione

ratione temporis vel etiam loci, vbi seditio vel latrocinia metuebantur: denique pro ratione personarum, a quibus metus erat. Hac sane lege, cum a latronibus metus esset, itinera Campaniæ infestantibus, Armorum vsu seu gestamine interdicens in itinere credidit Valentinianus: vt P. 42. proinde non sint hæc interdicta vnius generis, neque vna pertica metienda, vel inter se commiscenda. Ergo in itinere vsu armorum, seu morione armorum interdictum: Nam in vrbibus ipsis iam olim *ἐπλοφορία* prohibita: l. 1. 3. D. ad leg. Iul. de vi publ. (Quo non pertinet hæc lex.) In itinere vero regulariter licita olim erat: d. l. 1. quod hac leg. per Campaniam nominatim viatoribus prohibetur: & vero hoc xpo, quod iam ostendi, pariter in aliis prouinciis prohibitum erat. Quod cum a nonnullis perperam usurparetur, per Campaniam, qui hac ratione sua latrocinia peragebant, ideo recentare hoc interdictum Valentiniano visum. Et hæc de ipso interdicto.

II. Sequuntur *Ampliationes* duæ: Prior, ratione personarum: *Nulli prorsus*, inquit, nequidem scilicet ad domum Principis vel Senatorum pertinenti, veluti Pastoribus rei priuatæ, & Procuratoribus, & Actoribus Senatorum, vt d. l. 2. vbi & his nominatim equorum vsu interdictum. Neque hi scilicet a latrocinii suspitione aberant: imo insolentiores hi ferme, in Prouinciis fuere: de quo ad l. 1. *supr. de Iurisdic.* Quare & id arrogasse sibi videntur, vt scilicet arma mouerent seu gestarent, fiducia Principalis & Senatorii nominis: quibus & ipsis id hac leg. adimitur: *Nulli PROXVS*, inquit.

Cæterum quæritur hic, an *privatis* tantum, id est, non militantibus id interdicatur? an vero & militibus? Quod ne quæsitum quidem fuisset, si de Campania hic agi attendissent illi, vbi nullus tum miles erat: Alibi nil tam proprium militi in militia scilicet agenti, quam *ἐπλοφορία*: extra eam miles priuatorum iure vitur. Hinc adeo diserte Iustinian. d. Nou. 17. cap. vltim. *τὴν ἐπλοφορίαν τῶν ἐκ τῆς στρατιᾶς, armorum vsu eorum qui non militant*, prohiberi iubet. Cæterum hic nonnulli exceptionem addunt, ex l. vltim. Cod. Iust. de Præpos. S. Cubic. vbi Anastasius Præpositis S. cubiculi finita militia licere vult, quotiens ad aspiciendos agros suos, vel ob aliam causam proficisci voluerint, *cingulo vti*. Quod Cuiacius per *ἐπιφορεῖν* vertit, quod minus probo. *Cingulo* quippe *uti*, non est gladium gestare, verum insignia Magistratus in commune gerere. Aliud enim est *ζῶν*, aliud *ἐπίφορ*. Chrysostom. loco, quem allegaui ad l. vltim. *supr. de Postul. Hom. de util. Lect. Script. Sacr. in princip. Actor. 3. pag. 77. Tom. III. Oper. Edit. Benedic. ἀπὸ δὲ τῆς ζώνης δοκιμάζομεν τὸν ἀρχόντα, ἀπὸ τῆς δὲ κήρυκος φωνῆς, ἀπὸ τῶν ἐκδιδόντων, ἀπὸ τῆς ἐκμήσεως, ἀπὸ τῆς ἐπίφορ*, ταῦτα γὰρ πάντα ἀρχῆς συμβόλα, magistratum ex cingulo asstimus, ex voce præconis, ex satellitibus, ex curru, ex gladio. Hæc enim omnia magistratus sunt insignia. Et Gregorius Nazianzenus Ep. ad Africanum Prouinc. Rector 65. ἀρχὴν, inquit, τὴν μετὰ ἐπίφορ καὶ τελαμῶν, imperium quod gladium & cingulum habet. Cingulum præ honore Magistratus siue Ciuili siue Militari. Cuius insignia, finita militia, deponebantur. Nisi quod singulari priuilegio Præpositis S. Cubiculi id tribuit Anastasius, ea lege, quæ pars est maioris constitutionis Anastasianæ ad Eusebium magistrum officiorum: Quæ actum de priuilegiis eorum, qui officiis & dignitatibus vel adhucungebantur, vel iam functi erant: vt docet quoque l. 18. Cod. Iust. de dignitat. l. 11. Cod. eod. de Prox. Sac. Scrin.

l. 2. Cod. eod. de Comit. Consistor. l. 1. Cod. eod. de Aduoc. diuers. iudicum. (Quæ leges omnes intet se coniungendæ sunt, & cum d. l. vltim. Cod. Iust. de Præpos. S. cubic. coassandæ:) Ac nominatim militia finita, vt d. l. vltim. ita d. l. 1. Cod. Iust. de Aduoc. neque tantum in vrbe constitutorum, sed & proficiscentium, vt d. l. vltim. & d. l. 18. Cod. Iust. de dignitat. Quæ id priuilegium nonnullis dignitatibus conceditur, vt sine euocatoria vel vrbe digredi, vel in prouinciis consistentes, ad urbem commeari possint. Ergo & priuilegi loco, id d. l. vltim. Præpositis S. Cubiculi conceditur, vt officio functi, alioque proficiscentes pristino dignitatis cingulo vti possint. Tandem hac generali prohibitione continentur & Ecclesiastici, seu edicto de armis non gestandis ligantur, vt decisum refert in Senatu Catalan. Peguera decisi. 56.

Altera *buius leg.* Ampliatio est respectu Armorum. *Quorumlibet*, inquit, *Armorum*, quæcunque scilicet illa sint, siue offendibilia, siue defendibilia, vt loquantur. Cuiusmodi sunt ea, quæ Synefius memorat epist. 107. 108. Siue ex Lanceæ siue λόγχοι, siue κόπιδες (de quibus & Curt. lib. 8. c. 14.) siue ξίφη ἀμφήκη, id est, gladii ancipites: siue κορύναι, id est, elms, forte ex oleastro: siue πελέκαι ἐτερόμοι, id est, secures, altera parte acutæ, quas in zonis ferebant. Item cuiusmodi sunt ea quæ memorat Iustin. Nouell. de armis 85. cap. 4. arcus, sagittæ, spathæ, enses, qui vocantur semispathia, zabæ, lorica, conti, lanceæ, monocopia, sitinni, aspides, scuta, galeæ, cassides. Cum tamen forte nonnullorum saltem armorum vsu sibi licere oportere quidam putarent, veluti eorum, a quibus minor metus esset; Et tamen omnium promiscue armorum gestandorum licentia hac leg. adimitur: quia; etsi minor metus a nonnullis armorum generibus esset, aliquis tamen esset: vt ecce & claua quis æque opprimitur, atque gladio: æque securi, atque copide aut gladio.

III. Sequitur vltimo loco *Limitatio* seu determinatio: *Nulli*, inquit, *nobis insciis atque inconsultis copia tribuatur*. Quæ formula determinatiua aliis quoque legibus occurrit, vt l. 1. *supr. de question.* (vnde desumpta est l. 4. Cod. Iust. ad leg. Iul. Mai.) indicatque specialem & expressam Principis indulgentiam: Nempe permissores sese hac formula indicant Imp. nonnullis, id quod in commune veterant, prout rem ipsi explorassent, vel etiam explorata ipsis eorum fides & integritas esset. Proinde Principali examini id referuat, Ordinariisque Iudicibus admittit; veluti Consularibus Campaniæ, hac leg. Sane & ex Iuliani epist. ad Leontium 22. id ipsum discere est, nempe nonnisi Principis iussu *ἐπλων χρῆσιν* licitam fuisse: ea quippe epistola Iulianus Leontium in cohortem Domesticorum adscribens, ei nominatim *ἐπλων χρῆσιν* tribuit: *ἐπιτρέψαντες ὅν σοι τὴν τῶν ἐπλων χρῆσιν, ἀπεσάλαμέν τε παύσασθαι*, ἢ τῶς τοῖς πεζοῖς ἀσμάτῃ καὶ φορέτῃ δὲ ἐστὶν αὐτῇ τὸν ἰππεῖαν. ἐγκατελέξαμεν δὲ σε τῶ τῶν οἰκείων συντάγματι. γίνονται δὲ ἀπὸ τῶν ἐπλοφορησάντων ἑτοὶ καὶ στρατοῦσάμενοι: armorum igitur vsu tibi permittimus, armaque vniversa mittimus, quibus adhuc pedites vtuntur: sunt autem hæc equestribus armis leuiora: teque domesticorum numero adscribimus, qui ex iis delecti sunt, qui arma gestarunt bellisque interfuerunt. Et hæc quidem est *buius leg.* sententia, vnde deinceps efucebit, quomodo ea & quatenus in vsu & praxim deduci possit, qua misereplerique hæcenus abutuntur. De vsu videlicet armorum prohibito, vel concesso, commentantes: in quibus est & Menochius, lib. 2. de Arbitr. cent. 4. casu 294. a num.

18. *ad 92.* Inter quæ & illud foret, si Iudaice & contra eius finem (quem ex d. l. 2. *supr.* quibus equor. vsus, eduximus,) eam ita acciperemus, quasi non extra ordinem, necessitate publica vel priuata urgente, arma mouere, seque & publicam disciplinam pacemque vindicare armis liceret. Quod tamen historica huius leg. causa refutat, & rationi naturali, omnique alii iuri contrarium est: Quo his casibus armis uti licet, de quo sunt præter notissimos Iuris textus hoc Cod. l. 2. *supr.* ad leg. Corn. de scar. & l. 14. *supr.* de desertor. & Nouella Valentiniani inter Theodosianas 20. de reddito iure armorum: de qua mox. Quin & huc pertinet egregius Synesii locus d. *epist.* 107. ubi contra eam objectionem de qua *supra*, excipit, pro tuendo eo quod vsus armorum, imo & fabricæ vsurpassent Cyrenæ in patria: Quod hostes late omnia teneant, omniaque deprædarentur, & singulis diebus ingentes populos iugularent, & interea nullus miles adesset: ἡδὺς εἰ κωλύων ἡμᾶς ὅπλα κατασκευάζεσθαι, τῶν πολεμίων μὲν ἐπεχόντων, καὶ λείαν ἀπαντὰ ποιμένων, καὶ ἀποσφαίροντων ἐσημέραι δῆμους ἀβρόχας, στρατιῶν δὲ ἐκ ὄντων, ὥστε καὶ φαίνεσθαι: εἴτα λέξεις ὡς ἐκ ἐξόν ιδιωτῶν ἀνθρώπων ὅπλα φορεῖν, ἀποθνήσκειν δὲ ἐξόν, εἴπερ καὶ ἡ πολιτεία χαλεπέναι τῷ περρωμένῳ σώζεσθαι; incundus es, cum nos arma comparare prohibes, hostibus late omnia tenentibus omniaque depradantibus, atque in dies integros populum confertim iugulantibus, cum miles nullus adsit, qui quidem compareat. Quæ cum ita sint, tamen licere negabis priuatis hominibus arma ferre? mori autem licere dices, si iis, qui saluti suæ consulant, Respublica succenseat? Tandem in confesso est, interim seu interdum gladium ad occidendum hominem ab ipsis legibus porrigi: de quo obuia sunt loca. Quibus tamen accenseri, nullo modo patior, quod vulgo hæcenus fit, Ammiani Marcellini locum,

lib. 23. cap. 1. in fin. ubi ait; Irrucentibus armis externis legem unam esse & perpetuam, salutem omni ratione defendere, nihil remittente vi moris: Quo loco plerique morem intelligunt, quo priuato regulariter arma mouere non licet. Perperam. Nam, ut locus ille integer ostendit, id pertinet ad omnia signaque quæ ex more Gentilitio ab expeditione aliqua seu procinctu, & ut *ibidem* loquitur, ab alieno peruadendo, desistere regulariter suadebant: a quo more recedendum ait, cum arma externa irruerent; & proinde salus omni ratione defendenda veniret. Ergo illis verbis nihil remittente vi moris, indicatur, auspiciorum & ominum, auguralisque adeo disciplinæ ratio & observatio. Haud alius igitur huius loci sensus est, quam quo sensu recte dixeris, Iudæos tandem irruentibus armis externis, salutem suam Sabbatho defendere edoctos, nihil remittente vi moris, vel potius superstitionis circa Sabbathi religionem. Quid quod & de loci illius Scriptura nondum liquet? Cum ibi ex MSS, nonnulli reponant, nihil remittente vi mortis, ut in vulgato illo, Contra vim mortis non est medicamen in hortis. Vtrouis modo locus ille legatur, quamquam priore omnino legendus mihi videtur; nihil ille ad legem nostram facit. Atenim huc apprime facit datum populo Romano Anno Domini 440, ius Armorum a Valentiniano III. Nouella (inter Theodosianas) de reddito iure armorum 20. aduersus Gensericum Vandalorum Regem, qui superioris Anni fine Carthaginem occupauerat, cuius excursus hoc Anno metuebatur: ubi præterea, quæ initio præfatur, hæc necessaria ad locum occurrunt: Singulos vniuersosque nostros monemus Edicto, ut Romani Roboris confidentia ex animo quo debent propria defendere cum suis aduersus hostes, si vis exegerit salua disciplina publica, seruataque ingenuitatis modestia, QVIBVS POTVERINT ARMIS nostrasque prouincias, ac fortunas proprias fidelis conspiratione & iuncto umbone tueantur, &c.

F I N I S.



Addenda & Emendanda.

Pag. 5. in not. lin. 32. leg. οἱ μέλεις.

Pag. 23. column. 2. lin. 40. leg. ἔχει.

Pag. 32. in Commentar. leg. 3. column. 2. lin. 24. leg. ἀπελεις, & lin. 25. τρατελαν, & lin. 26. ἀδελεις.

Pag. 33. column. 1. lin. 24. leg. ὁμιματι.

Pag. 41. column. 2. in disputatione illa de Xysto, verba sequentia in Editione Maruilliana ita leguntur: „Quomodo & alias hæ voces in MS. mutare, & in veterib. Inscriptionib. Eaſque etiam alicubi falſitatis & erroris materies. Hieronymus aduerſus Cteſiphontem aduerſus Pelagium. „*Illam autem temeritatem, imo inſaniam eius, quis digno poſſit explicare ſermone: quod librum decimum ſextum Xyſti Pythagoræi hominis abſque Chriſto atque eibnici, immutato nomine Syxti martyris & Romane eccleſie prenotauit Apſis S. Maria in Quiſquilis, XYSTVS EPISCOPVS PLEBI DEI.* Quæ cum ſenſum non admitterent, reſcripſi, in *Aſſis S. Mariæ ſuppoſitiſſis*, cum in iſis S. Xyſti mentio feret, crederemque locum nonniſi ex coniectura reſtitui poſſe. Tandem vero, poſtquam fruſtra opem quaerſiſſem apud Baronium in Vitis Sixtorum, inſido in Anaſtaſium Bibliothecar. & eruditas Blanchini Obſeruaciones, qui ad Sixtum III. Sect. 64. pag. 106. Edit. Roman. notat, Baſilicam S. Mariæ in Eſquilis, a fundatione, Liberianam, amplificatione, *Maiorem*, & ab acquisitione Sacrorum pignorum Dominicæ natiuitatis, *ad Preſepe*, dici; augmenta vero & ornamenta, quæ ea Baſilica acceperit per Sixtum, ſatis declarare Muſius vtriuſque Teſtamenti hiſtorias complexa, quæ Baſilicam vniuerſam inueſtiunt in nauem Eccleſiæ præcipua, vbi arcus quem vocant triumphalem, exhibet nomen ac dedicationem Pontificis, XYSTVS EPISCOPVS PLEBI DEI. Adde euſdem Blanchini diſſert. 2. de muſiis imaginib. a Xyſto Papa III. collocatis in amplificatione Baſilicæ Liberianæ, pag. 125. Tom. cit. vbi & imaginem muſicam aſſabre æri inciſam videre licet. Ex his patet Gothofredum loc. cit. ſcripſiſſe: *Apſis S. Mariæ Maioris in Eſquilis, XYSTVS EPISCOPVS PLEBI DEI.* Et ita hic locus reſtituendus eſt.

Pag. 48. column. 1. lin. 50. ſcribe, μεζοεις.

Pag. 73. column. 2. lin. 37. leg. Himerius.

Pag. 125. column. 2. circa fin. leg. κατὰ τῶν προσηδρευόντων.

Pag. 195. col. 2. in auctoritate. Turcii Aproniani lin. 14. ſcribe, TAM PROPRIVM QVOD.

Pag. 201. column. 2. lin. 51. ſcribe, Αἰγυπτίαις.

Pag. 292. column. 1. lin. 25. leg. His ſimiles erant πρῶνικοι.

Pag. 348. column. 2. lin. 15. leg. ſi ſecund.

Pag. 377. column. 2. lin. 15. leg. ἰδόμενον.

Pag. 415. column. 1. lin. 14. leg. lib. 14. c. 6.

Pag. 422. column. 1. lin. 22. nota hæc verba, Fidicinas, Pfaltrias, Crotaliſtrias, & quæ ſequentur, citari ex Macrobio, in Editione Maruilliana, apud quem tamen non leguntur. Ego cum non dubitarem Gothofredi eſſe, literis antiquis, quas typhothæ appellant, inprimi curavi.

Pag. 431. in leg. 2. lin. 3. habet Editio Pariſienſ. tali placet hac indignatione.

Pag. 459. column. 1. in Commentar. leg. 1. lin. 38. leg. ἀρχῆς περιέχουσ.

Pag. 463. lin. 1. lege πάλλον μὲν.

Pag. ead. column. 2. lin. 39. interpunge, hoc fuiſſe, ut.

Pag. 468. column. 1. lin. 72. lege, ἐκ τῶ μετώπα.

Reliqua prudens lector aut ipſe emendabit, aut feret.